


3 1761 04375 9430



*BEQUEST OF
REV. CANON SCADDING, D. D.
TORONTO, 1901.*

now
of

\$ 150/

T. LIVII PATAVINI
HISTORiarUM LIBRI,
QUI SUPERSUNT
OMNES ET DEPERDITORUM FRAGMENTA.

TOM. I.

L 7888 T. 3

Cl. Sem.

T. LIVII PATAVINI
HISTORIARUM LIBRI,

QUI SUPERSUNT
OMNES ET DEPERDITORUM FRAGMENTA.

EX RECENSIONE
ARN. DRAKENBORCHII AD CODICUM BAMBERGENSIS
ET VINDOBONENSIS FIDEM PASSIM REFACTA
A IOANNE THEOPHILO KREYSSIG.

ANNOTATIONES CREVIERII, STROTHII, RUPERTI,
ALIORUMQUE SELECTAS ;
ANIMADVERSIONES NIEBUHRII, WACHSMUTHII,
ET SUAS ADDIDIT

TRAVERS TWISS, I. C. B.
COLL. UNIV. SOCIUS ET TUTOR.

TOM. I.

DEPARTMENTAL LIBRARY.



29/6/06
70551

OXONII,
IMPENSIS D. A. TALBOYS,

MDCCCXL.

PA

6452

A2

1840

t.1

cop. 3

PRAEFATIO.

HABES, benevole Lector, novam et eam quidem novis subsidiis munitam Livii editionem. Neque enim ab re fore iudicavi, quum eruditione Niebuhrii, Wachsmuthii, aliorumque doctissimorum virorum auctior facta esset notitia antiquitatis Romanae, si ex illorum thesauris, quaecunque ad locos vel depravatos medendos, vel obscuriores et parum intellectos illustrandos profectura viderentur, ea depromerem atque in annotationibus, quantum fieri posset, breviter concluderem.

Quum vero cura Kreyssigii emendatior iam Livii textus in lucem prodierit, neque inter nostros codex ullus notabilis extaret, quem clarissimi Drakenborchii diligentia iamdudum non evolverat, satis habui Kreyssigii editionem sequi, et lectiones Bekkeri aliorumque, quandocunque ratio earum habenda videretur, in notis identidem commemorare. Summa igitur religione et veritatem lectionis Kreyssigianae, et orthographiam secutus sum, ut qui neque levibus incertisque coniecturis lectorem ludat, neque emendationes, nisi accuratiore trutina perpensas, amplexus sit.

Quod autem a veterum scriptorum editoribus iure requiritur, ut in praefatione codices et editiones, quorum sit maxima auctoritas, saltem tanquam per lancem saturam exhibeant, id mihi supervacaneum duxi. Unus enim Drakenborchius eximiae suae

Livii editioni syllabum codicum optimorum subiecit, quorum praesidiis instructus ipse ad rem agendas accesserat, cuius si ad calcem editionis meae legentibus copiam fecero, satis me pro officio meo fecisse arbitrabor. Editiones quoque, quae hactenus in publicum provenere, melius cognoscuntur, si praecipuarum editionum syllabum ab eodem clarissimo viro confectum, atque eum quidem supplemento e praefatione Kreyssigiana auctum simul adiunxero, quam si iudicio minus maturo, et oratione forsan ieiuniore, ad illarum recensionem ipse accessero.

Sed de proposito meo pauca, bona tua venia, subiecerim. Vetustissimam illam Romanorum rempublicam acumine suo singulari atque eruditione recondita Niebuhrius hodiernis adeo iam notiozem fecit, ut, licet Livii historiae non omnino pro veris accipiendae sint, non ideo tamen, quod voluit Beaufortius, pro fictis prorsus reiiciendae, nec cum Fergusonio lubrica omnia atque incerta usque ad bellum Punicum secundum habenda sint. Critici enim, qui ea, quae sive incuria Livius, seu studio partium, aut simulata aliquando, aut certe non sincera tradiderit, odorentur et demonstrent, plures extiterunt; qui vero abdita et retrusa in lucem eliciat, exquisita iudicii subtilitate vera a falsis et supposititiis discernat, locis conclamatis vitam reddat, depravata corrigat, sermonem ipsius Livii titubantis interpretetur, vix unus, vel neminem prope dixerim, ante Niebuhrium inventus est. Neque enim in illa, quae apud plebem literariam viget, opinione acquiescendum est, qua Niebuhrius speciem historiae Romanae popularis fucatam nudasse, et simulacrum rerum ne levissimum quidem, quo

faciles inventutis animi luderentur, reliquisse existimetur. Imo nunc vestigiis Annalium insistens, nunc per latissimum liberalis doctrinae campum mentis aciem in omnes partes intendens, membra Veritatis disiecta pia et religiosa manu collegit, atque, ut verba ipsius loquentis referam, eburneum ipse humerum addidit, quo magis effigiem veteris rei-publicae, ad vivum expressam, ob oculos legentium poneret. Quod ut aliquatenus pro parte mea fieret, annotationes illas interpretum doctorum, quae potius ad res narratas, quam ad lectiones inusitatiores spectent, excerpsti, et cum novis quibusdam pro occasione breviter intexui.

Vereor equidem, ne mihi interdum irascantur Latini sermonis critici, quod locos quosdam apud nostrum salebrosos neglexerim: quos tamen ut accuratius explicarem, ratio prorsus alia operae temporisque, quam quae proposito meo conveniret, ineunda foret. Illud tamen lectores meos monitos velim, plura apud nostrum inveniri, quae non de Latinis fontibus derivari, sed Graecum aliquid sapere videntur, et quae, ut verbis Quinctiliani utar, “non orationem Romanam, sed civitate donatam” referunt; atque haec res mihi maxime in causa fuisse videtur, cur Patavinitas ista nostro obiecta fuerit, et Velleius ceterique historiarum scriptores Livium quamvis eloquentissimum deseruerint, et “sese certatim ad Sallustium imitandum contulerint*.”

Ne tamen diutius te, erudite Lector, morer, annotationes meas, si nulla alia re, certe hoc nomine haud ingratas tibi futuras spero, quod in Latino

* Cf. Ruhnkenii Praef. ad C. Velleii Paterculi historias.

scriptore illustrando Latina lingua usus sum. Neque enim iuventutis nostrae segnitiei indulgendum duxi, neque surdis illis auribus, quibus lingua vernacula canendum sit, quo magis oratio iis placeat, nimis consulendum.

Restat ut amicis, quorum ope et consilio adiutus sum, gratias agam, inter quos Henricum G. Liddell, Robertum Scott, Thomam L. Cloughton, et Gul. Jacobson libenti et grato animo annumeraverim.

Vale, Lector, et nobis fave.

Scribebam Oxonii,

Kalendis Maiis,

A. D. MDCCC XL.

T. LIVII PATAVINI HISTORIARUM

AB URBE CONDITA

LIBRI.

EPITOME LIBRI I.

ADVENTUS Aeneae in Italiam, et eius res gestae referuntur. Ascanii regnum Albae, et deinceps Silviorum. Numitoris filia, a Marte compressa, nati Romulus et Remus. Amulius obtruncatus. Urbs a Romulo condita. Senatus lectus. Cum Sabinis bellatum. Opima spolia Iovi Feretrio lata. In curias populus divisus. Fidenates et Veientes victi. Romulus consecratus. Numa Pompilius ritus sacrorum tradidit; Iano templum constituit; eiusque portam, pacatis omnibus circa populis, primus clausit; cum dea Egeria sibi congressus nocturnos esse simulans, feroces populi animos ad religionem perpulit. Tullus Hostilius Albanos bello petiit. Post haec trigeminorum pugna. Horatius absolutus. Metti Fuffetii supplicium. Alba diruta, Albani in civitatem recepti. Sabinis bellum indictum. Ad postremum fulmine Tullus absumptus. Ancus Marcius caerimonias, a Numa institutas, renovavit. Latinis victis et ad civitatem ascitis montem Aventinum assignavit. Politorium, urbem Latinorum, bello repetitam, quam prisci Latini occupaverant, diruit; pontem sublicium in Tiberim fecit; Ianiculum collem urbi addidit; fines imperii protulit; Ostiam condidit. Regnavit annos viginti quattuor. Eo regnante Lucumo, Damarati Corinthii filius, a Tarquiniiis, Etruriae civitate, Romam venit; et, in amicitiam Anci receptus, Tarquinii nomen ferre coepit, et post mortem Anci regnum excepit. Centum additis, Patrum numerum auxit; Latinos subegit; circum designavit; ludos edidit. Sabinorum bello petilus equitum centurias ampliavit. Tentandae scientiae causa Atti Navi auguris, consuluisse fertur, an id, de quo cogitaret, effici posset; quod quum ille fieri posse respondisset, iussisse, eum novacula cotem praecidere; idque

protinus ab Atto factum. Sabinos praeterea acie vicit; urbem muro circumdedit; cloacas fecit. Occisus est ab Anci filiis, quum regnasset annos triginta octo. Successit ei Ser. Tullius, natus ex captiva nobili Corniculana; cui puero, adhuc in cunis posito, caput arsisse traditum est. Veientes atque Etruscos proelio fudit. Censum primus egit. Lustrum condidit, quo civium capita censa octoginta millia esse dicuntur. Classes centuriasque descripsit. Pomoerium protulit. Colles urbi, Quirinalem, Viminalem, Esquilinumque adiecit. Templum Dianae cum Latinis in Aventino fecit. Interfectus est a L. Tarquinio, Prisci filio, consilio filiae suae Tulliae, quum regnasset annos quadraginta quattuor. Post hunc L. Tarquinius Superbus, neque Patrum, neque populi iussu, regnum invasit: quo die scelerata Tullia per patris iacentis corpus carpentum egit. Armatos circa se ad custodiam corporis sui habuit. Turnum Herdonium fraude interemit. Bellum cum Volscis gessit; et ex eorum praeda templum Iovi in Capitolio fecit. Terminus et Iuventus non addixere: quorum arae moveri non potuerunt. Filii Sex. Tarquinius dolo Gabios in potestatem suam redegit. Huius filiis Delphos profectis, et consulentibus, quis eorum regnaturus esset Romae, dictum est, eum regnaturum, qui primus matrem osculatus esset. Quod responsum quum ipsi aliter interpretarentur, Iunius Brutus, qui cum iis profectus erat, prolapsus se simulavit, et terram osculatus est: idque factum eius eventus rei comprobavit. Nam quum, impotenter se gerendo, Tarquinius Superbus omnes in odium sui adduxisset; ad ultimum, propter expugnatam nocturna vi a Sexto filio eius Lucretiae pudicitiam (quae, vocato patre ad se Tricipitino et viro Collatino, obtestata, ne inulta mors eius esset, cultro se interemit) Bruti opera maxime expulsus est, quum regnasset annos viginti quinque. Tunc consules primum creati sunt L. Iunius Brutus et L. Tarquinius Collatinus.

PRAEFATIO.

FACTURUSNE operae pretium sim, si a primordio urbis res populi Romani perscripserim, nec satis scio; nec, si sciam, dicere ausim: quippe qui, quum veterem, tum vulgatam esse rem, videam, dum novi semper scriptores, aut in rebus certius aliquid allaturos se, aut scribendi arte rudem vetustatem superaturos, credunt. Utcunque erit, iuvabit tamen, rerum gestarum memoriae principis terrarum populi pro virili parte et me ipsum consuluisse; ² et, si in tanta scriptorum turba mea fama in obscuro sit, nobilitate ac magnitudine eorum, meo qui nomini officient, me consoler. Res est praeterea et immensi operis, ut quae supra septingentesimum annum repetatur; et quae, ab exiguis profecta initiis, eo creverit, ut iam magnitudine laboret sua: et legentium plerisque, haud dubito, quin primae origines proximaque originibus minus praebitura voluptatis sint, festinantibus ad haec nova, quibus iam pridem praevalentis populi vires se ipsae conficiunt. Ego contra hoc quoque laboris praemium petam, ut me a conspectu malorum, quae nostra tot per annos vidit aetas, tantisper, certe dum prisca illa tota mente repeto, avertam, omnis expers curae, quae scribentis animum, etsi non flectere a vero, sollicitum tamen efficere possit. Quae ante conditam condendamve urbem, poeticis magis decora fabulis, ³ quam incorruptis rerum gestarum monumentis, traduntur,

¹ Hanc Livianam praefationem, vix imitanda arte conscriptam, celeberr. Tib. Hemsterhus. discipulis suis cogitate meditateque legendam commendabat. Moris enim erat illius consuefacere discipulos suos locos veterum Scriptorum illustres excutere, et in legendo iudicii severitatem adhibere: atque ita, etsi praeclare sciebat, Icaris non esse aptandas alas, ut verbis Ruhnkenii utar, tamen sagacioris indolis adolescentes mature Critices veluti gustu quodam imbuebat. Ex eius disciplina plures acutioresque Critices, quam e cuiusquam ante illum, prodixisse scribit Ruhnken. quem cf. Opusc. p. 274.

² *Scriptorum turba*] In horum nu-

mero memorat Livius Q. Fabium Pictorem infr. i. 44. L. Cincium Aliment. vii. 4. L. Calpurnium Pison. i. 55. L. Caelium Antipatr. xxi. 38. Valerium Antiat. iii. 6. Licinium Macrum, iv. 7. Q. Aelium Tuberon. iv. 23. Cf. Fabric. Bibl. Lat. iv. 2.

³ *Poeticis magis decora fabulis*] De quibus Ennius ap. Cic. Brut. 18, 19. "Scripsere alii rem Versibu", quos olim Fauni Vatesque canebant." Qui versus, senarii hyperaelecti, Saturnii vocabantur, quibus et a Naevio bellum Punicum scriptum est, et a multis aliis plura composita sunt. Festus v. Saturnus. Cf. Asconius in Cic. Verr. ii. 10. Benth. Phalar. § xi. Heynii, Excurs. ad Aen. vii.

ea nec affirmare, nec refellere, in animo est. Datur haec venia antiquitati, ut, miscendo humana divinis, primordia urbium augustiora faciat. Et, si cui populo licere oportet, consecrare origines suas, et ad deos referre auctores, ea belli gloria est populo Romano, ut, quum suum conditorisque sui parentem Martem potissimum ferat, tam et hoc gentes humanae patiantur aequo animo, quam imperium patiuntur. Sed haec et his similia, utcunque animadversa aut existimata erunt, haud in magno equidem ponam discrimine. Ad illa mihi pro se quisque acriter intendat animum, quae vita, qui mores fuerint: per quos viros, quibusque artibus, domi militiaeque, et partum et auctum imperium sit. Labente deinde paullatim disciplina, velut ⁴ desidentes primo mores sequatur animo; deinde ut magis magisque lapsi sint; tum ire coeperint praecipites: donec ad haec tempora, quibus nec vitia nostra, nec remedia pati possumus, perventum est. Hoc illud est praecipue in cognitione rerum salubre ac frugiferum, omnis te exempli documenta in illustri posita monumento intueri: inde tibi tuaeque reipublicae, quod imitere, capias: inde, foedum inceptu, foedum exitu, quod vites. Ceterum aut me amor negotii suscepti fallit, aut nulla unquam respublica nec maior, nec sanctior, nec bonis exemplis ditior fuit: nec in quam civitatem tam serae avaritia luxuriaque immigraverint: nec ubi tantus ac tam diu paupertati ac parsimoniae honos fuerit: adeo, quanto rerum minus, tanto minus cupiditatis erat. Nuper divitiae avaritiam, et abundantes voluptates desiderium per luxum atque libidinem pereundi perdendique omnia invexere. Sed querelae, ne tum quidem gratae futurae, quum forsitan et necessariae erunt, ab initio certe tantae ordiendae rei absint. Cum bonis potius omnibus votisque ac precationibus deorum dearumque, si, ut ⁵ poetis, nobis quoque mos esset, libentius inciperemus, ut orsis tanti operis successus prosperos darent.

⁴ *Labente*] *Labante* ex emendat. I. Fr. Gronov. in textum recepit Bekker. licet codd. advers.

⁵ *Precationibus deorum*] Conferatur

nobilissimus ille locus, in quo Plinius in exordio Panegyrici sui simili dicendi ratione utitur.

T. LIVII PATAVINI

LIBER I.

¹ **I**AM primum omnium satis constat, Troia capta, in 1.
ceteros saevitum esse Troianos; duobus, Aenea Antenoreque, et vetusti iure hospitii, et quia pacis reddendaeque Helenae semper auctores fuerant, omne ius belli Achivos abstinuisse. Casibus deinde variis Antenorem cum multi-
² tudine Henetum, qui, seditione ex Paphlagonia pulsus, et Antenoris fata.
sedes et ducem, rege Pylacmene ad Troiam amisso, quaerebant, venisse in intimum maris Hadriatici sinum: Euganeisque, qui inter mare Alpesque incolebant, pulsus, Henetos Troianosque eas tenuisse terras: et in quem primum egressi sunt locum, Troia vocatur, pagoque inde Troiano nomen est: gens universa Veneti appellati. Aenean, ab Aeneae fata.
³ simili clade domo profugum, sed ad maiora rerum initia fata.
ducentibus fati, primo in Macedoniam venisse: inde in Siciliam quaerentem sedes delatum: ab Sicilia classe ad Laurentem agrum tenuisse: Troiae et huic loco nomen est. Ibi egressi Troiani, ut quibus ab immenso prope errore nihil, praeter arma et naves, superesset, quum praedam ex agris agerent, Latinus rex Aboriginesque, qui tum ea tenebant loca, ad arcendam vim advenarum armati ex urbe atque agris concurrunt. Duplex inde fama est. Alii proelio victum Latinum pacem cum Aenea, deinde affinitatem iunxisse tradunt: alii, quum instructae acies constitissent, priusquam signa canerent, processisse Latinum inter primores, ducemque advenarum evocasse ad colloquium,

¹ *Troia capta*] Fabulam hanc totam de Troianis in Latium advectis indigenam esse existimat Niebuhrius, et ex hac re ortum habuisse, quod Troianis et Tyrrhenis stirps vetus eadem Pelasgica fuisset Naevius quidem primus hanc fabulam versibus instruxit.

² *Henetum*] Qui tamen, si Herodotum audiamus, gens Illyrica erant. i. 196. Apud Serv. in Aen. i. 243, legimus, Illyricum quendam nomine Henetum, regem Venetiam tenuisse, et regioni nomen suum indidisse.

Haud scio an Niebuhrio fides danda sit, qui vulgare commentum aut ex cyclicis poetis derivatum aut a nominum similitudine deductum fuisse arbitratur. Cf. Polyb. ii. 17. Strab. iv. 297. Niebuhrius autem Henetos Liburnos fuisse coniecit. Cf. Hist. Rom. Anglice, i. p. 165.

³ *Maiora*] *Maiorum* ex emendat. Gronov. in textum recepit Bekker. licet eodd. advers. sed nihil corrigendum est ex styli Liviani genio. Cf. infr. ii. 51.

Percunctatum deinde, qui mortales essent, unde, aut quo casu profecti domo, quidve quaerentes in agrum Laurentem exissent; postquam audierit, multitudinem Troianos esse, ducem Aenean, filium Anchisae et Veneris, cremata patria et domo profugos sedem condendaeque urbi locum quaerere et nobilitatem admiratum gentis virique, et animum vel bello vel paci paratum, dextra data fidem futurae amicitiae sanxisse. Inde foedus ictum inter duces, inter exercitus salutationem factam. Aenean apud Latinum fuisse in hospitio: ibi Latinum apud penates deos domesticum publico adiunxisse foedus, filia Aeneae in matrimonium data. Ea res utique Troianis spem affirmat tandem stabili certa-
Lavinium
conditur.
Ascanius
nascitur.
2.
Mezentius.
Latini.
Aeneae
mors.
4
5
 que sede finiendi erroris. Oppidum condunt. Aeneas ab nomine uxoris Lavinium appellat. Brevi stirps quoque virilis ex novo matrimonio fuit; cui Ascanium parentes dixere nomen. Bello deinde Aborigines Troianique simul petiti. Turnus rex Rutulorum, cui pacta Lavinia ante adventum Aeneae fuerat, praelatum sibi advenam aegre patiens, simul Aeneae Latinoque bellum intulerat. Neutra acies laeta ex eo certamine abiit. Victi Rutuli: victores Aborigines Troianique ducem Latinum amisere. Inde Turnus Rutulique, diffisi rebus, ad florentes Etruscorum opes Mezentiumque, eorum regem, confugiunt: qui, Caere, opulento tum oppido, imperitans, iam inde ab initio minime laetus novae origine urbis, et tum nimio plus, quam satis tutum esset accolis, rem Troianam crescere ratus, haud gravatim socia arma Rutulis iunxit. Aeneas, adversus tanti belli terrorem ut animos Aboriginum sibi conciliaret, ne sub eodem iure solum, sed etiam nomine, omnes essent, Latinos utramque gentem appellavit. Nec deinde Aborigines Troianis studio ac fide erga regem Aenean cessere: fretusque his animis coalescentium in dies magis duorum populorum Aeneas, quanquam tanta opibus Etruria erat, ut iam non terras solum, sed mare etiam per totam Italiae longitudinem, ab Alpibus ad fretum Siculum, fama nominis sui impleret, tamen, quum moenibus bellum propulsare posset, in aciem copias eduxit. Secundum inde proelium Latinis, Aeneae etiam ultimum operum mortalium fuit. Situs est, quemcunque eum dici ius fasque est, super Numicium flumen. Iovem indigetem appellant.

4 *Oppidum . . . Lavinium*] Forte hod. Patrica s. Pratica situm xx mill. pass. a Roma, in colle, Monte di Levano, vel ubi nunc S. Petronellae fanum est. RUPERT.

5 *Situs est*] De hac locutione cf. Cic. de Legg. ii. 22, ubi et de Sci-

pione et de Mario hoc vocabulum occurrit. *Quemcunque* religiose dictum: neque enim humano Aeneae nomine post relationem inter Divos appellare, neque *Deum situm* dicere fas erat. STROTH.

3. Nondum maturus imperio Ascanius Aeneae filius erat: tamen id imperium ei ad puberem aetatem incolume mansit. Tantisper tutela muliebri (tanta indoles in Lavinia erat) res Latina et regnum avitum paternumque puero stetit. Haud nihil ambigam, (quis enim rem tam veterem pro certo affirmet?) hiccine fuerit Ascanius, an maior, quam hic, Creusa matre Ilio incolumi natus, comesque 6 inde paternae fugae, quem Iulum eundem Iulia gens auctorem nominis sui nuncupat. Is Ascanius, ubicunque et quacunque matre genitus, (certe natum Aenea constat) abundante Lavinii multitudine, florentem iam, ut tum res erant, atque opulentam urbem matri, seu novercae, reliquit: novam ipse aliam sub Albano monte condidit; quae, ab 7 situ porrectae in dorso urbis, Longa Alba appellata. Inter Alba Longa Lavinium et Albam Longam coloniam deductam triginta conditur. ferme interfuere anni. Tantum tamen opes creverant, maxime fuis Etruscis, ut ne morte quidem Aeneae, nec deinde, inter muliebrem tutelam rudimentumque primum puerilis regni, movere arma aut Mezentius Etruscique, aut ulli alii accolae ausi sint. Pax ita convenerat, ut Etruscis Latinisque fluvius Albula, quem nunc Tiberim vocant, finis esset.

Silvius deinde regnat, Ascanii filius, casu quodam in 8 silvis natus. Is Aenean Silvium creat: is deinde Latinum reges. Silvium. Ab eo coloniae aliquot deductae, Prisci Latini appellati. Mansit Silviis postea omnibus cognomen, qui 9 Albae regnarunt. Latino Alba ortus, Alba Atys, Atye Capys, Capye Capetus, Capeto Tiberinus; qui, in traiectu Albulae amnis submersus, celebre ad posterum nomen flumini dedit. Agrippa inde Tiberini filius; post Agrippam Romulus Silvius, a patre accepto imperio, regnat. Aventino, fulmine ipse ictus, regnum per manus tradidit: is, sepultus in eo colle, qui nunc est pars Romanae urbis, cognomen colli fecit. Proca deinde regnat: is Numitorem atque Amulium procreat. Numitori, qui stirpis maximus erat, regnum vetustum Silviae gentis legat. Plus tamen

6 *Quem Iulum eundem*] Iulus antiquius nomen; Ascanius sero et ex Graecis libris irrepsit cf. Niebhr. Ascanium, Creusa matre natum, Aeneae regnum excepisse testatur Dionys. i. 65. Cf. Heyn. Excurs. xvii. ad Virg. Aen. ii.

7 *Longa Alba*] Cf. Niebhr. i. p. 208. Gell. Topograph. Rom. i. p. 28. *Alba*, forte dicta, quia "saxis longe candentibus" imposita: vel, si fibulam sequamur, ab ostento albae suis. Cf. Heyn. Excurs. ii. ad Aen. vii.

Longa quia in dorso montis porrecta.

8 *Prisci Latini*] Prisci et Latini: Prisci enim, qui Casci vocati sunt, Latinos devicerant, et cum victis in unam gentem coaluerant. Cf. Serv. in Aen. i. 6. Niebhr. i. p. 78. Cic. Tusc. Qu. i. 12.

9 *Latino*] Haec regum Albanorum series e scriiniis L. Cornelli Alexandri Polyhistoris deprompta est. Cf. Serv. in Aen. viii. 330. Aliter quidem legitur ap. Dionys. i. 70. Prorsus commentitiam esse iudicat Niebhr. i. p. 202.

vis potuit, quam voluntas patris aut verecundia aetatis. Pulso fratre, Amulius regnat: addit sceleri scelus: stirpem fratris virilem interimit: fratris filiae Rheae Silviae per speciem honoris, quum Vestalem eam legisset, perpetua virginitate spem partus adimit.

4. Sed debebatur, ut opinor, fati tantae origo urbis, maximique secundum deorum opes imperii principium. Vi compressa Vestalis, quum geminum partum edidisset, seu ita rata, seu quia deus auctor culpa honestior erat, Martem incertae stirpis patrem nuncupat. Sed nec dii, nec homines, aut ipsam, aut stirpem a crudelitate regia vindicant: sacerdos vineta in custodiam datur; pueros in profluentem aquam mitti iubet. Forte quadam divinitus² super ripas Tiberis effusus lenibus stagnis, nec adiri usquam ad justum cursum poterat amnis; et, posse quamvis languida mergi aqua infantes, spem ferentibus dabat. Ita velut defuncti regis imperio, in proxima alluvie, ubi nunc ficus Ruminalis est, (Romularem vocatam ferunt) pueros³ exponunt. Vastae tum in iis locis solitudines erant. Tenet fama, quum fluitantem alveum, quo expositi erant pueri, tenuis in sicco aqua destituisset, lupam sitientem ex montibus, qui circa sunt, ad puerilem vagitum cursum flexisse: eam summissas infantibus adeo mitem praebuisse mammas, ut lingua lambentem pueros magister regii pecoris invenerit. Faustulo fuisse nomen ferunt: ab eo ad stabula Larentiae uxori educandos latos. Sunt, qui Larentiam, vulgato⁴ corpore, lupam inter pastores vocatam putent; inde locum fabulae ac miraculo datum. Ita geniti, itaque educati, quum primum adolevit aetas, nec in stabulis, nec ad pecora segnes, venando peragrarare circa saltus. Hinc, robore corporibus animisque sumpto, iam non feras tantum subsistere, sed in latrones, praeda onustos, impetus facere, pastoribusque rapta

Educatio et
adolescencia.

¹ *Rheae*] Scilicet Reae, i. e. nocentis. Cf. Niebhr. i. p. 208. Aliquando Iliae vocatae, Ovid. Fast. ii. 383. Hor. Od. i. 2. Dionys. i. 77, 78. Perizonius docuit, Iliam semper Aeneae filiam, Ream contra regia stirpe Silviorum Albana prognatam esse. Fabulam de Rea Silvia vetustiore esse et a Naevio probatam, Iliam autem a Graeculo quodam fonte deductam suspicatur Niebhr.

² *Forte quadam divinitus*] Non insolitum antiquis Fortem ipsam, sive ea quae casu eveniunt, divinae curae assignare. Sic aliquoties Plutarchus *θεία τὰν τύχη*. Blanditur tamen Gruteri coniectura: *Forte quadam, an divinitus*; quum praesertim Sueton. in Claud. 13. *casu quodam, an divini-*

tus. CREV.

³ *Ruminalis*] "Ita dicta, quod sub ea arbore Lupa *rumam* dederit Remo et Romulo, id est, mammam, mamma autem *rumis* dicitur: alii autem, quod sub ea pecus ruminari solitum esset." Festus v. Ruminalis. Cf. Tacit. Ann. xiii. 58. Wachsmuth Gesch. des Röm. Staates, p. 129.

⁴ *Sunt, qui Larentiam*] Iure optimo indignatur Niebubrius Pisoni aliisque annalium scriptoribus, quod fabulas veteres ex libertate mythica in historicam servitutem vindicare voluerint: quos tamen Dionysius, et Plutarchus vehementer laudant. Cf. Wachsmuth. p. 126. qui nomina Faustuli a favere, Larentiae a Laribus ducta memorat.

dividere, et cum his, crescente in dies grege iuvenum, seria
 5 et iocos celebrare. Iam tum in Palatino monte Lupercal
 hoc fuisse ludicrum ferunt, et a Pallanteo, urbe Arcadica,
 Pallantium, dein Palatium, montem appellatum. Ibi Evan-
 6 drum, qui ex eo genere Arcadum multis ante tempesta-
 tibus tenuerat loca, sollemne allatum ex Arcadia instituisse,
 7 ut nudi iuvenes, Lyceum Pana venerantes, per lusum atque
 lasciviam currerent; quem Romani deinde vocarunt Inuum.
 Huic deditis ludicro, quum sollemne notum esset, insidiosos
 ob iram praedae amissae latrones, quum Romulus vi se de-
 fendisset, Remum cepisse; captum regi Amulio tradidisse,
 ultro accusantes. Crimini maxime dabant, in Numitoris
 agros ab his impetum fieri: inde eos, collecta iuvenum
 manu, hostilem in modum praedas agere. Sic Numitori ad
 supplicium Remus deditur. Iam inde ab initio Faustulo
 spes fuerat, regiam stirpem apud se educari: nam et ex-
 positos iussu regis infantes sciebat, et tempus, quo ipse eos
 sustulisset, ad id ipsum congruere. Sed rem immaturam,
 nisi aut per occasionem, aut per necessitatem, aperiri no-
 luerat. Necessitas prior venit: ita, metu subactus, Romulo
 rem aperit. Forte et Numitori, quum in custodia Remum
 haberet, audissetque, geminos esse fratres, comparando et
 aetatem eorum, et ipsam minime servilem indolem, teti-
 gerat animum memoria nepotum: seiscitandoque eo demum
 pervenit, ut haud procul esset, quin Remum agnosceret.
 Ita undique regi dolus nectitur. Romulus, non cum globo
 iuvenum, (nec enim erat ad vim apertam par) sed aliis alio
 itinere iussis certo tempore ad regiam venire pastoribus, ad
 regem impetum facit: et a domo Numitoris alia comparata
 manu adiuvat Remus. Ita regem obtruncant. Numitor,
 inter primum tumultum hostes invasisse urbem atque
 adortos regiam dictitans, quum pubem Albanam in arcem
 praesidio armisque obtinendam avocasset; postquam iu-
 venes, perpetrata caede, pergere ad se gratulantes vidit,
 extemplo advocato concilio, scelera in se fratris, originem
 nepotum, ut geniti, ut educati, ut cogniti essent, caedem
 deinceps tyranni, seque eius auctorem ostendit. Iuvenes,
 per mediam concionem agmine ingressi, quum avum

Romulus
 et Remus a
 Numitore
 agniti.

Amulium
 obtruncant,
 et Numito-
 rem restitu-
 unt.

6.

5 *Lupercal*] Hoc nomen plerum-
 que designat locum ipsum in Palatino
 monte Pani Lyceo consecratum. Ovid.
Fast. ii. 381. Hic dubitari non potest
 quin referatur ad *ludicrum*. Scripsit
 fortasse Livius *Lupercale hoc ludi-
 crum*, quomodo Sueton. in Aug. 31.
Lupercale sacrum. Cuv. *Hoc*, i. e.
 nostra quoque aetate celebratum, mo-
 nente Perizon.

6 *Ex eo genere*] Sc. Pallantino;

nempe quot oppida Volseorum, tot
 genera, i. e. populi. RUP. Cf. Fes-
 tus v. Palatium.

7 *Lyceum Pana*] Pan dictus est
Lyceus, inquit Servius ad Aen. viii.
 343. quod lupos non sinat in oves sac-
 care. Lupus enim Graecis est λύκος.
 Idem ait Pani montem Lyceum in
 Arcadia consecratum fuisse. De *Inu*
 appellatione vid. Serv. ad Aen. vi.

775. Cuv.

regem salutassent, secuta ex omni multitudine consentiens vox ratum nomen imperiumque regi effecit.

Urbs condendae consilium capiunt.

- Ita Numitori Albana permissa re, Romulum Remumque cupido cepit, in iis locis, ubi expositi, ubique educati erant, urbis condendae. Et supererat multitudo Albanorum Latinorumque: ad id pastores quoque accesserant, qui omnes facile spem facerent, parvam Albam, parvum Lavinium prae ea urbe, quae conderetur, fore. Intervenit deinde his cogitationibus avitum malum, regni cupido, atque inde foedum certamen coortum a satis miti principio. Quoniam gemini essent, nec aetatis verecundia discrimen facere posset, ut dii, quorum tutelae ea loca essent, auguriis legerent, qui nomen novae urbi daret, qui conditam imperio regeret, Palatium Romulus, Remus Aventinum ad inaugurandum templa capiunt. Priori Remo⁸ augurium venisse fertur, sex vultures; iamque, nuntiato augurio, quum duplex numerus Romulo se ostendisset, utrumque regem sua multitudo consalutaverat: tempore⁹ illi praecepto, at hi numero avium, regnum trahebant. Inde, cum altercatione congressi, certamine irarum ad caedem vertuntur: ibi in turba ictus Remus cecidit. Vulgatio^r fama est, ludibrio fratris Remum novos transiluisse muros: inde ab irato Romulo, quum verbis quoque increpitans adiecisset, ‘Sic deinde, quicumque alius transiliet moenia mea,’ interfectum. Ita solus potitus imperio Romulus; condita urbs conditoris nomine appellata.

Remus a fratre occiditur.

Roma cond. Ol. VII. i. A. C. 751.

Palatium primum, in quo ipse erat educatus, muniit: ³

⁸ *Templa*] Templum dicebatur et spatium quoddam in aere ab augure definitum, intra quod auspicia captabat; et ipse locus, ubi sedem ceperat ad captanda auspicia. *A templo* ita intellecto dictum est *contemplari*. CREV. Cf. Varr. de L. L. vii. 2. Cave tamen *templum capere*, et *tabernaculum capere* idem velle existimes, quemadmodum Nieuportius erravit. Cf. Fuss. Antiq. Rom.

⁹ *Tempore illi praecepto*] Illi qui Remo favebant, regnum ad eum trahebant, sive eius esse debere contendebant, quod augurium ei oblatum tempore prius esset: hi, qui Romulo, ad eum pertinere regnum dicebant, quod maior sese ei ostendisset avium numerus. CREV. Cf. Niebhr. i. p. 222. Numerus avium ad saecula urbis futura quodammodo referre a posteris habebatur.

¹ *Vulgatio fama*] Cf. Cic. Off. iii. 10. Remum a Fabio tribuno Celerum caesum fuisse alii tradunt. Cf.

Dionys. i. 86, 87, qui etiam Faustulum obtruncatum dicit. RUP.

² *Condita urbs*] Ex Catonis sententia, Roma condita est ipsis Palilibus, xi. Kal. Maii anni Olymp. vii. 1. ante Christum 751. Mirum profecto hic non indicasse Livium, quot annos existimaret ab urbe condita ad sua tempora elapsos esse. Quid de ea re noster scriptor senserit, expendit doctissimus Dodwellus, Dissert. x. de Cyclis Romanorum: et eum Catonianam aeram secutum fuisse, quae Varroniana duobus annis brevior est, probare nititur. Dodwellum secutus est in sua Livii editione vir multiugae eruditionis, Io. Clericus; nos Clericum. CREV. Niebuhrius autem Fabium sequitur qui urbem anno Olymp. viii. 2. ante Christum 746. conditam scribit. Diodorus quoque et Orosius rationem temporum Fabianam plerumque referunt.

³ *Muniit*] Aditum et ascensum magis arduum et abruptum efficiendo.

4 sacra diis aliis Albano ritu, Graeco Herculi, ut ab Evandro instituta erant, facit. Herculem in ea loca, Geryone Herculis adventus in Latium. interempto, boves mira specie abegisse memorant, ac prope Tiberim fluvium, qua, prae se armentum agens, nando traiecerat, loco herbido, ut quiete et pabulo laeto reficeret boves, et ipsum fessum via procubuisse. Ibi quum eum, cibo vinoque gravatum, sopor oppressisset, pastor accola eius loci, nomine Cacus, ferox viribus, captus pulchritudine Cacus. boum, quum avertere eam praedam vellet, quia, si agendo armentum in speluncam compulisset, ipsa vestigia quaerentem dominum eo deductura erant; aversos boves, eximium quemque pulchritudine, caudis in speluncam traxit. Hercules, ad primam auroram somno excitus, quum gregem perlustrasset oculis, et partem abesse numero sensisset, pergit ad proximam speluncam, si forte eo vestigia ferrent. Quae ubi omnia foras versa vidit, nec in partem aliam ferre, confusus atque incertus animi, ex loco infesto agere porro armentum coepit. Inde quum actae boves quaedam ad desiderium, ut fit, relictarum mugissent, reddita inclusarum ex spelunca boum vox Herculem convertit. Quem quum vadentem ad speluncam Cacus vi prohibere conatus esset; ictus clava, fidem pastorum nequicquam invocans, morte 5 occubuit. Evander tum ea, profugus ex Peloponneso, Evander Arcas. auctoritate magis, quam imperio, regebat loca: venerabilis vir miraculo literarum; rei novae inter rudes artium homines; venerabilior divinitate credita Carmentae matris, quam fatiloquam, ante Sibyllae in Italiam adventum, miratae hae gentes fuerant. Is tum Evander, concursu pastorum, trepidantium circa advenam manifestae reum caedis, excitus, postquam facinus facinorisque causam audivit, habitum formamque viri aliquantum ampliorem augustioremque humana intuens, rogitat, qui vir esset? Ubi nomen patremque ac patriam accepit: 'Iove nate, Hercules, salve,' inquit; 'te mihi mater, veridica interpres deum, aucturum coelestium numerum cecinit; tibi que aram hic dicatum iri, quam opulentissima olim in terris gens Maximam vocet, Ara Maxima. tuoque ritu colat.' Dextra Hercules data, 'accipere se omen impleturumque fata, ara condita atque dicata,' ait.

De pomoerio Romuli silet Livius, sed ap. Tacit. Ann. xii. 24. fusius id descriptum invenies. De loci opportunitate cf. Cic. de Rep. ii. 3—6.

4 *Graeco*] Suppl. ritu. Cf. Dionys. i. 39. Virg. Aen. vii. 185. Strab. v. p. 223. Digna imprimis, quae cum Liv. conferatur, elegantissima elegia Propertii iv. 9, de Caco et Hercule. DOERING. Cf. Wachsm. p. 101.

5 *Evander . . . venerabilis vir mi-*

raculo literarum] Qui literas, rem feris hominibus, quales tum circa Tiberim habitabant, *mirabilem*, secum adtulisse ferebatur, ut et Musicam aliasque artes et vitae humanioris instituta, Dionys. i. 33. et in his artem vaticinandi. *Carmenta* eius mater, *fatiloqua*, vates, ad quam antiquissima Italorum vaticinia s. carmina referri solebant. Rur.

Potitii et
Pinarii.

Ibi tum primum bove eximia capta de grege sacrum Herculi, adhibitis ad ministerium dapemque Potitiis ac Pinariis, quae tum familiae maxime inclutae ea loca incolebant, factum. Forte ita evenit, ut Potitii ad tempus praesto essent, iisque exta apponerentur; Pinarii, extis adesis, ad ceteram venirent dapem. Inde institutum mansit, donec Pinarium⁶ genus fuit, ne extis sollennium vescerentur. Potitii, ab Evandro edocti, antistites sacri eius per multas aetates fuerunt: donec, tradito servis publicis sollenni familiae ministerio, genus omne Potitiorum interiit. Haec tum sacra Romulus una ex omnibus peregrina suscepit; iam tum immortalitatis virtute partae, ad quam eum sua fata ducebant, fautor.

8. Rebus divinis rite perpetratis, vocataque ad concilium multitudo, quae coalescere in populi unius corpus nulla re, praeterquam legibus, poterat, iura dedit: quae ita sancta generi hominum agresti fore ratus, si se ipse venerabilem insignibus imperii fecisset, quum cetero habitu se augustiorem, tum maxime lictoribus duodecim sumptis,⁷ fecit. Alii ab numero avium, quae augurio regnum portenderant, eum secutum numerum putant. Me haud poenitet eorum sententiae esse, quibus et apparitores et⁸ hoc genus ab Etruscis finitimis, unde sella curulis, unde⁹ toga praetexta sumpta est, numerum quoque ipsum ductum placet: et ita habuisse Etruscos, quod, ex duodecim¹ populis communiter creato rege, singulos singuli populi lictores dederint. Crescebat interim urbs, munitionibus alia atque alia appetendo loca, quum in spem magis futurae multitudinis, quam ad id, quod tum hominum erat, munirent. Deinde, ne vana urbis magnitudo esset, alliciendae multitudinis causa, vetere consilio condentium urbes, qui, obscuram atque humilem conciendo ad se multitudinem, natam e terra sibi prolem ementiebantur; locum, qui nunc saeptus descendentibus inter duos lucos³

Urbem auget.

6 *Donec*] Vid. infr. ix. 29, et quae Niebhr. de hac re coniecit i. p. 87.

7 *Lictoribus*] *Lictores* dicebantur, teste Festo, quod fascēs virgarum *ligatos* praeferebant regibus, ac deinde magistratibus iis qui imperium habebant. CREV.

8 *Et apparitores, et hoc genus*] Et apparitores, et hoc apparitorum genus, nempe lictores. *Apparitores* communi vocabulo appellantur ii omnes, qui praesto sunt imperiis seu regum, seu magistratuum exequendis. *Lictores* unum quoddam apparitorum genus. CREV.

9 *Sella curulis*] Ex ebore. Sellae curulis appellatio deducitur apud A.

Gellium iii. 18. a *curru*: quia nempe ii quibus illa utendi ius erat, eam currui quo vehebantur imponere solebant. CREV.

1 *Toga praetexta*] *Toga* propria Romanorum vestis, albo colore. Tunicae superiniiciebatur. *Toga praetexta* purpuram in ora habebat: unde eam Graeci vocant *περιπόρφυρον*. *Praetexta* dicebatur a *praetexendo*, quia nimirum purpura ei praetexta erat. Ea utebantur magistratus, pueri ingenui, etc. CREV.

2 *Ita habuisse*] Hunc numerum apud Etruscos locum habuisse. DOER.

3 *Locum, qui nunc saeptus descendentibus inter duos lucos est*] Obscura

4 est, asylum aperit. Eo ex finitimis populis turba omnis sine discrimine, liber an servus esset, avida novarum rerum per-
 fugit: idque primum ad coeptam magnitudinem roboris fuit. Quum iam virium haud poeniteret, consilium deinde
 5 viribus parat. Centum creat senatores: sive quia is numerus satis erat; sive quia soli centum erant, qui creari
 6 Patres possent. Patres certe ab honore, patriciique progenies eorum appellati.

Asylum
aperit.

Senatum
instituit.

Patres et
Patricii.

9.

Iam res Romana adeo erat valida, ut cuilibet finitimarum civitatum bello par esset: sed, penuria mulierum, hominis aetatem duratura magnitudo erat; quippe quibus nec domi spes prolis, nec cum finitimis connubia essent. Tum ex consilio Patrum Romulus legatos circa vicinas gentes misit, qui societatem connubiumque novo populo peterent. 'Urbes quoque, ut cetera, ex infimo nasci: deinde, quas sua virtus ac dii iuvent, magnas opes sibi magnumque nomen facere. Satis scire, origini Romanae et deos affuisse, et non defuturam virtutem. Proinde ne gravarentur homines cum hominibus sanguinem et genus miscere.' Nusquam benigne legatio audita est: adeo simul spernebant, simul tantam in medio crescentem molem sibi ac posteris suis metuebant. A plerisque rogitantibus dimissi, 'Ecquod feminis quoque asylum aperuissent? id enim demum compar connubium fore.' Aegre id Romana pubes passa, et haud dubie ad vim spectare res coepit. Cui tempus locumque aptum ut daret Romulus, aegritudinem

Connubia
petit a finitimis.

verba, quae, distinctione vel ante vel post *descendentibus* posita, varie explicari posse iam monuit Stroth., vel sic: qui nunc saeptus est, (nam *nunc* non nisi ad *saeptus* referendum) et ita situs, ut, qui a Capitolio in eum descendere velint, (nam asylum in valle fuisse, docent Strab. v. et Dionys. ii. 15.) ad utrumque latus lucum habeant: vel ita: qui nunc saeptus est, ne quis in eum descendat, (Gron. *descendentibus* inter duos lucos nunc saeptus clausus obstat et circumeundus est; sed tum *descensuris* leg. putabat Doer.) et *inter duos lucos* adpellatur. Cf. Dio. xlvii. p. 338. Dionys. ii. 15. Rup.

4 *Asylum*] Fabulam hanc e iure applicationis ortum habuisse censet Niebhr. i. p. 318, quo iis, qui ex aliis urbibus in exilium Romam se recepissent, in fidem et clientelam patrum, ut patronorum, se conferre licebat. Cic. de Orat. i. 39. pro Caecin. 33. 34.

5 *Consilium ... viribus parat*] Consilium regendis viribus addit. Cuv.

6 *Patres*] *Patres et senatores* non tam ab honore adpellati quam ab aetate et prudentia maiore, (inf. 32. *maiores natu consulemus*, *Patres*: unde et Poeni *seniores* vocabantur *senatum*; infr. xxxiv. 61.) vel quoniam a plebe tamquam patres sunt colendi, et illa ab iis tamquam a patribus defendenda; unde *patrocinium* dictum et *patrocinari*. Cf. infr. i. 32. Plut. Rom. 13. et Cic. de Sen. 6. Cur et quomodo *centum creati sint*, docet Dionys. ii. 12. Singulae et tribus et curiae ternos legerunt viros, quibus nonaginta novem Romulus unum adiecit. Ceterum Sigonius con. *qui ciere patres* (s. *patrem*) *possent*, h. e. qui essent ingenui. Cf. Dionys. ac Plut., qui eandem memorant causam: ὅτι πατέρας εἶχον ἀποδείξαι μόνοι. Enimvero non cur vocati *Patres* sint, sed, cur centum utique creati, disputat Livius. BAUER. Festus patres dictos esse scribit, quia agrorum partes tenuioribus, perinde ac liberis propriis, attribuebant. Cf. Sall. in Cat. 20.

animi dissimulans, ludos ex industria parat, Neptuno
 Consualia. Equestri sollennes: Consualia vocat. Indici deinde fini-⁷
 timis spectaculum iubet: quantoque apparatu tum sciebant,
 aut poterant, concelebrant; ut rem claram exspectatamque
 facerent. Multi mortales convenere, studio etiam videndae
 novae urbis; maxime proximi quique, Caeninenses, Crus-
 tumini, Antemnates. Iam Sabinorum omnis multitudo,⁸
 cum liberis ac coniugibus, venit. Invitati hospitaliter per
 domos, quum situm moeniaque et frequentem tectis urbem
 vidissent, mirantur, tam brevi rem Romanam crevisse.
 Ubi spectaculi tempus venit, deditaeque eo mentes cum
 oculis erant, tum ex composito orta vis: signoque dato
 iuventus Romana ad rapiendas virgines discurrit. Magna
 pars forte, ut in quem quaeque inciderat, raptae; quasdam
 forma eccellente, primoribus Patrum destinatas, ex plebe
 homines, quibus datum negotium erat, domos deferebant.
 Unam, longe ante alias specie ac pulchritudine insignem, a
 globo Talassii cuiusdam raptam ferunt; multisque scisci-
 tantibus, cuinam eam ferrent, identidem, ne quis violaret,
 Talassio ferri clamitatum: inde nuptialem hanc vocem⁹
 factam. Turbato per metum ludicro, maesti parentes virgi-
 num profugiunt, incusantes violati hospitii foedus, deumque
 invocantes, cuius ad sollenne ludosque, per fas ac fidem
 decepti, venissent. Nec raptis aut spes de se melior, aut
 indignatio est minor: sed ipse Romulus circumibat, doce-
 batque: 'patrum id superbia factum, qui connubium
 'finitimis negassent: illas tamen in matrimonio, in societate
 'fortunarum omnium civitatisque, et, quo nihil carius hu-
 'mano generi sit, liberum fore. Mollirent modo iras; et,
 'quibus fors corpora dedisset, darent animos. Saepe ex
 'iniuria postmodum gratiam ortam: eoque melioribus usu-
 'ras viris, quod annisurus pro se quisque sit, ut, quum
 'suam vicem functus officio sit, parentum etiam patriaeque
 'expleat desiderium.' Accedebant blanditiae virorum,
 factum purgantium cupiditate atque amore: quae maxime
 ad muliebre ingenium efficaces preces sunt.

10. Iam admodum mitigati animi raptis erant: at raptarum
 parentes tum maxime sordida veste lacrimisque et quere-
 lis civitates concitabant. Nec domi tantum indignationes

⁷ *Consualia*] A Conso deo: sive ille idem cum Neptuno Equestri fuit, quod hic innuere videtur Livius; sive Genius quidam occultorum consiliorum dux et praeses, qui in illo solenni coniunctos cum Neptuno honores haberet. CREV. Cf. Ovid. Fast. iii. sqq.

⁸ *Antemnates*] Quibus Fidenates adiungit Plut. Romul. 17.

⁹ *Talassio*] Cf. Plut. Qu. Rom. 30. Festus v. Talassio. Nescio an Aeolica illa vox, *τάλῃς*, puella nubilis, v. Soph. Antig. 584 sub Talassio lateat, sive malis virginem *Θαλασσίῃ*, sc. Neptuno, sponsam ferri.

¹ *Per fas ac fidem decepti*] Decepti per speciem divini iuris et religionum et fidei hospitalis. CREV.

continebant, sed congregabantur undique ad Titum Tatium, regem Sabinorum: et legationes eo, quod maximum Tatii nomen in his regionibus erat, conveniebant. Caeninenses Crustuminique et Antemnates erant, ad quos eius iniuriæ pars pertinebat. Lente agere iis Tatiis Sabinique visi sunt. Ipsi inter se tres populi communiter bellum parant. Ne Crustumini quidem atque Antemnates, pro ardore iraque Caeninensium, satis se impigre movent:
² ita per se ipsum nomen Caeninum in agrum Romanum Bellum Caeninense. impetum facit. Sed effuse vastantibus fit obvius cum exercitu Romulus, levique certamine docet, vanam sine viribus iram esse: exercitum fundit fugatque: fustum persequitur: regem in proelio obruncat et spoliat: duce hostium occiso, urbem primo impetu capit. Inde exercitu victore reducto, ipse quum factis vir magnificus, tum factorum ostentator haud minor, spolia ducis hostium caesi suspensa fabricato ad id apte ferculo gerens, in Capitolium ascendit: ibique ea quum ad quercum pastoribus sacram deposuisset, simul cum dono designavit templo Iovis fines, cognomenque
³ addidit deo: 'Iupiter Feretri,' inquit, 'haec tibi victor Ro- Iupiter Feretrius. mulus rex regia arma fero, templumque iis regionibus, 'quas modo animo metatus sum, dedico, sedem opimis
⁴ 'spoliis, quae, regibus ducibusque hostium caesis, me autem sequentes, posterius ferent.' Haec templi est origo, quod primum omnium Romae sacratum est. Ita deinde diis visum, nec irritam conditoris templi vocem esse, qua latus ea spolia posteros nuncupavit: nec multitudine compotum
⁵ eius doni vulgari laudem. Bina postea, inter tot annos, tot bella, opima parta sunt spolia: adeo rara eius fortuna decoris fuit.

Dum ea ibi Romani gerunt, Antemnatium exercitus per 11.
occasionem ac solitudinem hostiliter in fines Romanos in- Antemnates victi. cursi-
onem facit. Raptim et ad hos Romana legio ducta
palatos in agris oppressit. Fusi igitur primo impetu et
clamore hostes; oppidum captum: duplicique victoria

² *Caeninum nomen*] Populus, omnes Caeninenses, quidquid eorum fuit, ut *nomen Latinum, Hernicum, Romanum, Etruscum* etc. Sic et το Θηβαιών ὄνομα ap. Aeschinem, et similia alibi. *Rep.*

³ *Iupiter Feretri*] Iupiter *Feretrius* dictus est a *feretro*, sive ferculo illo spoliiorum, quod, ut modo narrabat Livius, ipsi sacrabatur. *Crev.* Cf. *Prop.* iv. 10. *Plut.* in *Rom.* 17.

⁴ *Opimis spoliis*] Ea quidem sola opima dicta sunt, quae duci hostium,

in classe procincta, antequam alius quisquam spolia cepisset, detracta erant a duce Romano, vel etiam a manipulari milite. Eorum erant tria genera, omnia tamen opima. Cf. *Festus* v. *Opimus*. *Perizon.* *Animadv.* *Hist.* 7.

⁵ *Bina*] Secunda tulit A. Cornelius Cossus, Larte Tolumnio rege Veientium occiso, U. C. 318. *infr.* iv. 19. tertia M. Claudius Marcellus ex Britomaro Gallorum rege, U. C. 530. *infr.* xx. 55. *Crev.*

ovantem Romulum Hersilia coniux, precibus raptarum fa-
 tigata, orat, ut parentibus earum det veniam, et in civita-
 tem accipiat: ita rem coalescere concordia posse. Facile
 Crustumini impetratum. Inde contra Crustuminos profectus, bellum
 victi. inferentes. Ibi minus etiam, quod alienis cladibus cecide-
 rant animi, certaminis fuit. Utroque coloniae missae. 7
 Plures inventi, qui propter ubertatem terrae in Crustu-
 minum nomina darent: et Romam inde frequenter migra-
 tum est, a parentibus maxime ac propinquis raptarum.

Novissimum ab Sabinis bellum ortum, multoque id maxi-
 mum fuit. Nihil enim per iram aut cupiditatem actum est:
 nec ostenderunt bellum prius, quam intulerunt. Consilio
 etiam additus dolus. Sp. Tarpeius Romanae praeerat arci.
 Huius filiam virginem auro corrumpit Tatiush, ut armatos in
 arcem accipiat. Aquam forte ea tum sacris extra moenia
 petitem ierat. Accepti obrutam armis necavere: seu ut vi
 capta potius arx videretur, seu prodendi exempli causa, ne
 quid usquam fidum proditori esset. Additur fabulae, quod 8
 vulgo Sabini aureas armillas magni ponderis brachio laevo,
 gemmatisque magna specie annulos habuerint, pepigisse
 eam, quod in sinistris manibus haberent: eo scuta illi pro
 aureis donis congesta. Sunt, qui eam ex pacto tradendi,
 quod in sinistris manibus esset, directo arma petisse
 dicant: et fraude visam agere, sua ipsam peremptam 9
 mercede.

12. Tenuere tamen arcem Sabini: atque inde postero die,
 quum Romanus exercitus instructus, quod inter Palati-
 num Capitolinumque collem campi est, complisset, non
 prius descenderunt in aequum, quam, ira et cupiditate re-
 cuperandae arcis stimulante animos, in adversum Romani
 subiere. Principes utrimque pugnam ciebant; ab Sabinis

6 *Ovantem*] Quia tunc temporis
 nondum utebantur curru triumphali.
 STROTH.

7 *Coloniae*] sc. praesidii causa. Cf.
 Serv. in Aen. i. 12, ubi, "sane veteres
 colonias ita definiunt. *Colonia* est
 coetus eorum hominum qui universi
 deducti sunt in locum certum aedificiis
 munitum, quem certo iure obtine-
 rent."

8 *Additur fabulae*] Narrationi, sive
 verae, sive falsae et commenticiae:
 nam utraque dicitur *fabula*, ut Gr.
 μῦθος. Cf. infr. xxviii. 3. Sed le-
 gendum crediderim *additur fabula*.
 Fabula autem illa varie narratur. Cf.
 Dionys. ii. 40. Prop. iv. 4, et Plut.
 in Romulo. Ad hanc vero Tarpeiam
 forte translatus est, quod de puella,

simili conditione Ephesum Brenno se
 tradituram esse promittente, narrat
 Plut. in Parall. p. 309, ut ad Tar-
 quinium, capita papaverum decutien-
 tem infr. 54, quod de Thrasybulo
 Milesiorum, et Periandro Corinthio-
 rum tyranno refert. Herodot. v. 92.
 cui conf. Mariana Hist. Hisp. x. 16.
 RUP.

9 *Fraude visam*] Hanc senten-
 tiam, auctore L. Pisone, Dionysius
 amplectitur, ob hanc maxime causam,
 quod Tarpeia in honore apud Ro-
 manos habita est. Hodie, teste Nie-
 buhr, fama Tarpeiae viget, ferunt-
 que, quod arte venefica irretita, *la bella*
Tarpeia intus subter mediam montis
 regionem "sedet aeternumque sede-
 bit."

¹ Mettus Curtius, ab Romanis Hostus Hostilius. Illic rem Romanam iniquo loco ad prima signa animo atque audacia sustinebat. Ut Hostus cecidit, confestim Romana inclinatur acies; fusaque est ad veterem portam Palatii. Romulus, et ipse turba fugientium actus, arma ad coelum tollens, 'Iupiter, tuis,' inquit, 'iussus avibus hic in Palatio prima urbi fundamenta ieci. Arcem iam, scelere emptam, Sabini habent: inde huc armati, superata media valle, tendunt. At tu, pater deum hominumque, hinc saltem arce hostes: deme terrorem Romanis, fugamque foedam siste. Illic

² ego tibi templum Statori Iovi, quod monumentum sit ^{Iupiter} posteris, tua praesenti ope servatam urbem esse, voveo.' ^{Stator.} Haec precatus, veluti si sensisset auditas preces, 'Hinc,' inquit, 'Romani, Iupiter optimus maximus resistere atque iterare pugnam iubet.' Restitere Romani, tanquam coelesti voce iussi: ipse ad primores Romulus provolat. Mettus Curtius ab Sabinis princeps ab arce decucurrerat, et effusus egerat Romanos, toto quantum foro spatium est. Nec procul iam a porta Palatii erat, clamitans, 'Vicinus perfidos hospites, imbelles hostes. Iam sciunt, longe aliud esse virgines rapere, aliud pugnare cum viris.' In eum, haec gloriantem, cum globo ferocissimorum iuvenum Romulus impetum facit. Ex equo tum forte Mettus pugnabat: eo pelli facilius fuit: pulsum Romani persequuntur. Et alia Romana acies, audacia regis accensa, fundit Sabinos. Mettus in paludem sese, strepitu sequentium trepidante equo, coniecit: adverteratque ea res etiam Sabinos tanti periculo viri. Et ille quidem, annuentibus ac vocantibus suis, favore multorum addito animo, evadit. Romani Sabinique in media convalle duorum montium redintegrant proelium: sed res Romana erat superior. Tum Sabinae ^{13.} mulieres, quarum ex iniuria bellum ortum erat, crinibus passis scissaque veste, victo malis muliebri pavore, ausae se inter tela volantia inferre, ex transverso impetu facto, dirimere infestas acies, dirimere iras; hinc patres, hinc viros orantes, 'ne se sanguine nefando soceri generique respergerent: ne parricidio macularent partus suos, ne potum illi, liberum hi progeniem. Si affinitatis inter vos, si connubii piget, in nos vertite iras: nos causa belli,

Matronae
praelium
dirimunt.

¹ *Mettus*] *Mettius* edd. ante Drakenb. et Bekker. sed *Mettus* a Wachsmuthio probatur. *Mettius*, cod. Harlei. 1.

² *Iovi Statori templum*] Cujus tres columnae etiam nunc supersunt, conditi demum U. C. 458. infr. x. 37. haud procul a foro, in x regione Urbis. Cf. Ovid. Fast. vi. 793. Nar-

dini Roma Ant. vi. 14. et Begeri Thes. Brand. t. ii. p. 663. 756. RUP. Cf. Venuti Antich. di Roma, i. p. 74. Mira tamen inter doctos dissensio est de his columnis, quippe Burghesio, et Bunsenio, cum quibus plures alii faciunt, eas aedem Castoris et Pollucis sustinuisse placet. Cf. Bull. dell. Inst. Arch. di Roma. per l'anno 1835.

U. C. 7.
A. C. 745.
Pax convenit.

Quirites
unde dicti.

‘nos vulnerum ac caedium viris ac parentibus sumus. ‘Melius peribimus, quam sine alteris vestrum viduae aut ‘orbae vivemus.’ Movet res tum multitudinem, tum duces. Silentium et repentina fit quies. Inde ad foedus faciendum duces prodeunt: nec pacem modo, sed et civitatem unam ex duabus faciunt: regnum consociant: imperium omne conferunt Romam. Ita geminata urbe, ut Sabinis tamen aliquid daretur, Quirites a Curibus appellati. M^onum^oentum eius pugnae, ubi primum ex profunda emersus palude equus Curtium in vado statuit, Curtium lacum⁴ appellarunt.

Ex bello tam tristi laeta repente pax cariores Sabinas viris ac parentibus, et ante omnes Romulo ipsi, fecit. Itaque, quum populum in curias triginta divideret, nomina earum curiis imposuit. Id non traditur, quum haud dubie⁵ aliquanto numerus maior hoc mulierum fuerit, aetate, an dignitatibus suis virorumve, an sorte lectae sint, quae nomina curiis darent. Eodem tempore et centuriae tres equitum conscriptae sunt, Ramnenses ab Romulo, ab Tito⁶ Tatio Titienses appellati. Lucerum nominis et originis⁷ causa incerta est.

14.
U. C. 12.
A. C. 740.
T. Tatii mors.

Inde non modo commune, sed concors etiam, regnum duobus regibus fuit. Post aliquot annos propinqui regis Tatii legatos Laurentium pulsant: quumque Laurentes iure gentium agerent, apud Tatium gratia suorum et preces plus poterant. Igitur illorum poenam in se vertit: nam Lavinii, quum ad solenne sacrificium eo venisset, concursu facto, interficitur. Eam rem minus aegre, quam dignum erat,

3 *Quirites*] A *Curibus* Quirites appellari paulo durius videtur, neque melius a *Quiris*, hasta. cf. Niebhr. i. p. 285, qui nomen a *Quirio* deductum iudicat, oppido in monte Agonali Sabinorum, quibus arx Capitolium erat.

4 *Curtium lacum*] Aliam de huius appellationis origine opinionem narrat Livius, vii. 6.

5 *Curii imposuit*] Nomina Curiarum bello Sabino antiquiora fuisse scripsit Terentius Varro, teste Dionysio: neque Plutarchus Livii sententiam amplectitur. Wachsmuthio placet *populum Romuli*, ut qui, Latina stirpe oriundus, triginta civitates Latinas adumbrabat, in triginta curias, sua quamque sacra et caerimonias habentem, initio descriptum fuisse, et curiones singulis singulos praefectos esse, qui sacra facerent, ut Varro de L. L. v. 23 scribit, neque ob virtutem militarem selectos, qui cives in bella ducerent, ut Dionysius somniavit.

Niebuhrus aliter visum est, ut infra. Cf. Cic. de Rep. ii. 8.

6 *Centuriae tres equitum*] Eaedem, quae tribus Romuleae dictae sunt, si Wachsmuthium audiamus, qui Graevium ad Flor. i. 5 sequitur, “Itaque tres illae tribus et pedites et equites continebant: sed procedente tempore, id nomen solis centuriis equestribus haesit. Quae causa est cur a Varr. de L. L. iv. 9. Flor. loc. cit. et Ascon. in Cic. Verr. iii. 5 non centuriae sed tribus dicantur.” Liv. x. 6.

7 *Luceres*] Vel Lucertes, a Lucere sive Lucero, oppido in monte Coelio Albanorum, ut Tiburtes a Tibure, Niebhr. Wachsmuth. et Arnold. a Lucumone, duce Etrusco, Ciceronem de Rep. ii. 8, secuti. Lucumo, idem qui Coeles Vibenna ap. Tac. Ann. iv. 65. Cf. Tab. Lugd. in Tacit. Ed. Lips. fol. p. 528. Gruter. Inscr. p. DII. Festus v. Coelius Mons et Lucerenses. Varr. de L. L. iv. 9.

tulisse Romulum ferunt: seu ob infidam societatem regni, seu quia haud iniuria caesum credebat. Itaque bello quidem abstinuit: ut tamen expiarentur legatorum iniuriae regisque caedes, foedus inter Romam Laviniumque urbes renovatum est.

Et cum his quidem insperata pax erat: aliud multo propius, atque in ipsis prope portis, bellum ortum. Fidenates, Bellum cum Fidenatibus. nimis vicinas prope se convalescere opes rati, priusquam tantum roboris esset, quantum futurum apparebat, occupant bellum facere. Iuventute armata immissa, vastatur agri, quod inter urbem ac Fidenas est. Inde ad laevam versi, quia dextra Tiberis arcebat, cum magna trepidatione agrestium populantur: tumultusque repens, ex agris in urbem illatus, pro nuntio fuit. Excitus Romulus (neque enim dilationem pati tam vicinum bellum poterat) exercitum educit: castra a Fidenis mille passuum locat. Ibi modico praesidio relicto, egressus omnibus copiis, partem militum locis circa densa obsita virgulta obscuris subsidere in insidiis iussit; cum parte maiore atque omni equitatu profectus, id quod quaerebat, tumultuoso et minaci genere pugnae, adequitando ipsis prope portis, hostem excivit. Fugae quoque, quae simulanda erat, eadem equestris pugna causam minus mirabilem dedit: et quum, velut inter pugnae fugaeque consilium trepidante equitatu, pedes quoque referret gradum, plenae repente portis effusi hostes, impulsa Romana acie, studio instandi sequendique trahuntur ad locum insidiarum. Inde subito exorti Romani transversam invadunt hostium aciem. Addunt pavorem mota e castris signa eorum, qui in praesidio relictii fuerant. Ita multiplici terrore perculsi Fidenates, prius paene quam Romulus, quique cum eo equis ierant, circumagerent frenis equos, terga vertunt: multoque effusius, (quippe vera fuga) qui simulantes paullo ante secuti erant, oppidum repetebant. Non tamen eripuerunt se hosti: haerens in terga Romanus, prius quam fores portarum obicerentur, velut agmine uno irrumpit.

Belli Fidenatis contagione irritati Veientium animi, et 15. consanguinitate, (nam Fidenates quoque Etrusci fuerunt) Bellum cum Veientibus. et quod ipsa propinquitas loci, si Romana arma omnibus infesta finitimis essent, stimulabat. In fines Romanos excucurrerunt, populabundi magis, quam iusti more belli. Itaque non castris positae, non exspectato hostium exercitu, raptam ex agris praedam portantes, Veios redire: Romanus contra, postquam hostem in agris non invenit, dimicationi ultimae instructus intentusque, Tiberim transit. Quem postquam castra ponere, et ad urbem accessurum Veientes audire; obviam egressi, ut potius acie decernerent, quam inclusi de tectis moenibusque dimicarent. Ibi, viribus

nulla arte adiutis, tantum veterani robore exercitus rex Romanus vicit: persecutusque fusos ad moenia hostes, urbe valida muris ac situ ipso munita abstinuit: agros rediens vastat, ulciscendi magis, quam praedae, studio. Eaque clade, haud minus quam adversa pugna, subacti Veientes pacem petitem oratores Romam mittunt. Agri parte multatis in centum annos indutiae datae.

Haec ferme, Romulo regnante, domi militiaeque gesta: quorum nihil absonum fidei divinae originis divinitatisque post mortem creditae fuit; non animus in regno avito recuperando, non condendae urbis consilium, non bello ac pace firmandae. Ab illo enim profectu viribus datis tantum valuit, ut in quadraginta deinde annos tutam pacem haberet. Multitudini tamen gratior fuit, quam Patribus; longe ante alios acceptissimus militum animis: trecentosque armatos ad custodiam corporis, quos Celeres appellavit, non in bello solum, sed etiam in pace, habuit.

16. His immortalibus editis operibus, quum ad exercitum recensendum concionem in campo ad Caprae paludem haberet, subito coorta tempestas cum magno fragore tonitribusque tam denso regem operuit nimbo, ut conspectum eius concioni abstulerit. Nec deinde in terris Romulus fuit. Romana pubes, sedato tandem pavore, postquam ex tam turbido die serena et tranquilla lux rediit, ubi vacuam sedem regiam vidit, etsi satis credebat Patribus, qui proximi steterant, sublimem raptum procella; tamen, velut orbitatis metu icta, maestum aliquamdiu silentium obtinuit. Deinde, a paucis initio facto, deum deo natum, regem, parentemque urbis Romanae salvere universi Romulum iubent: pacem precibus exposcunt, uti volens propitius suam semper sospitet progeniem. Fuisse credo tum quoque aliquos, qui discerptum regem Patrum manibus taciti arguerent: manavit enim haec quoque, sed perobscura, fama. Illam alteram admiratio viri et pavor praesens nobilitavit. Consilio etiam unius hominis addita rei dicitur fides. Namque

U. C. 37.
A. C. 715.
Mors Romuli.

8 *Celeres*] Eosdem, atque equites, Niebhr. Wachsmuthio placet Celeres, non eosdem, quos equites, sed selectos quosdam ex curiis sive equitum centuriis. Cf. Dionys. ii. 13. Festus v. Celeres. Plin. H. N. xxxiii. 2. *Tribunus Celerum*, magistratus, necnon sacerdos, Niebhr. Nonnulli, in quibus Plutarchus, a ministerii *celeritate* appellatos, alii a *Celere* praefecto.

9 *His immortalibus editis operibus*] Forte leg. cum Crev. *mortalibus*. *Concionem in campo* scilicet Martio. De Romulo inter Deos relato et in

curru Martis abrepto cf. Plut. Rom. 27. Dionys. ii. 56. Ovid. Met. xiv. 772—851. et Fast. ii. 475 sq. RUP.

1 *Fuisse credo tum quoque aliquos*] Rem memorat Plutarchus, et alii; nec aliter sensere doctissimi quique et cordatissimi Romanorum. Hinc Tarquinus Superbus *Romulum insepultum perisse* dictitat, infra 49. Popularem hic opinionem sequitur Livius. CREV. In hos atque huius exempli scriptores merito invehitur Niebhr. quod veteres mythos nimis exiliter ad calculos revocarent.

Proculus Iulius, sollicita civitate desiderio regis, et infensa Patribus, gravis, ut traditur, quamvis magnæ rei auctor, in concionem prodit. ‘Romulus,’ inquit, ‘Quirites, parens urbis huius, prima hodierna luce coelo repente delapsus, se mihi obvium dedit. Quum, perfusus horrore venerabundusque, astitissem, petens precibus, ut contra intueri fas esset; Abi, nuntia,’ inquit, ‘Romanis, coelestes ita velle, ut mea Roma caput orbis terrarum sit: proinde rem militarem colant; sciantque, et ita posteris tradant, nullas opes humanas armis Romanis resistere posse. Haec,’ inquit, ‘locutus, sublimis abiit.’ Mirum, quantum illi viro, nuntianti haec, fidei fuerit; quamque desiderium Romuli apud plebem exercitumque, facta fide immortalitatis, lenitum sit.

Patrum interim animos certamen regni ac cupido ver-
 2 sabat. Necdum ad singulos, quia nemo magnopere
 eminebat in novo populo, pervenerat: factionibus inter
 ordines certabatur. Oriundi ab Sabinis, ne, quia post Tatii
 mortem ab sua parte non erat regnatum, in societate aequa
 possessionem imperii amitterent, sui corporis creari regem
 volebant. Romani veteres peregrinum regem aspernaban-
 3 tur. In variis voluntatibus regnari tamen omnes volebant,
 libertatis dulcedine nondum experta. Timor deinde Patres
 incessit, ne civitatem sine imperio, exercitum sine duce,
 multarum circa civitatum irritatis animis, vis aliqua externa
 adoriretur. Et esse igitur aliquod caput placebat; et nemo
 alteri concedere in animum inducebat. Ita rem inter se
 4 centum Patres, decem decuriis factis, singulisque in
 singulas decurias creatis, qui summae rerum praecessent, U. C. 38.
 consociant. Decem imperitabant, unus cum insignibus A. C. 714.
 imperii et lictoribus erat: quinque dierum spatio finiebatur
 5 imperium, ac per omnes in orbem ibat: annuumque in- Interreg-
 tervallum regni fuit. Id ab re, quod nunc quoque tenet num an-
 6 nomen, interregnum appellatum. Fremere deinde plebs, num.

2 *Ad singulos*] Hanc lectionem ex coniectura Graevii in textum recepit BEKKER. *A singulis.* CREV.

3 *Regnari*] Hoc debetur Lipsio. Vulgati habebant *regem*: scripti, inter quos quinque e nostris, *regnare*. Muretus, Gronovio memorante, in uno quodam e suis plane reperit *regnari*. Hoc tenendum, et sensu ita postulante, et auctore Plutarcho, qui procul dubio intuens hunc Livii locum, sic habet initio Numa, οὐ μὴν ἀλλὰ βασιλεύειν μὲν ἐδόκει πᾶσιν. CREV.

4 *Centum Patres*] Dionysius ii. 57, ducentos hoc tempore fuisse ait, propterea quod, foedere cum Tatiano facto, veteribus senatoribus a Romulo crea-

tis centum e Sabinis allekti essent. Plutarchus, qui in Romulo centum adiectos senatores, Sabinis in civitatem acceptis, itidem memorat, in Numa tamen solos centum quinquaginta senatores hoc tempore fuisse scribit. CREV. Niebuhrio placet, centum hos Patres e tribu Ramnensium fuisse, quibus melior conditio erat, quam Titiensibus.

5 *Finiebatur imperium*] Unius interregis, si Dionysio credamus; totius decurie, si Plutarcho in Numa. Dionysium sequitur Niebhr.

6 *Fremere plebs*] “Populus id non tulit, desiderioque Romuli postea regem flagitare non destitit.” Cic. de Rep. ii. 12.

multiplicatam servitutem, centum pro uno dominos factos: nec ultra nisi regem, et ab ipsis creatum, videbantur passuri. Quum sensissent ea moveri Patres, offerendum ultro rati, quod amissuri erant, ita gratiam ineunt, summa potestate populo permissa, ut non plus darent iuris, quam retinerent. Decreverunt enim, ut, quum populus regem 7 iussisset, id sic ratum esset, si Patres auctores fierent: 8 hodieque in legibus magistratibusque rogandis usurpatur idem ius, vi adempta. Priusquam populus suffragium ineat, in incertum comitiorum eventum Patres auctores fiunt. Tum interrex, concione advocata: ‘Quod bonum, faustum, ‘felixque sit,’ inquit, ‘Quirites, regem create; ita Patribus ‘visum est. Patres deinde, si dignum, qui secundus ab ‘Romulo numeretur, crearitis, auctores fient.’ Adeo id gratum plebi fuit, ut, ne victi beneficio viderentur, id modo sciscerent iuberentque, ut senatus decerneret, qui Romae regnaret.

18.
Electio
Numae.

Incluta iustitia religioque ea tempestate Numae Pompilii erat. Curibus Sabinis habitabat, consultissimus vir, ut in illa quisquam aetate esse poterat, omnis divini atque humani iuris. Auctorem doctrinae eius, quia non exstat alius, falso Samium Pythagoran edunt: quem, 9

7 *Cum populus*] “Quamquam populus curiatis eum comitiis regem esse iusserat, tamen ipse de suo imperio curiatam legem tulit.” Cic. de Rep. ii. 13. De lege curiata de imperio cf. Niebhr. i. p. 331.

8 *Id sic ratum esset, si Patres auctores fierent*] Id probarent. Patres ex antiquo obtinebant, quod a Romulo acceperant, uti comitiis, quaeque illic agerentur, auctores essent. Eius iuris haec vis erat, ut, quod iussisset populus, lex ratumque esset, si Patres approbassent, (ὅτι καὶ τῇ βουλῇ ταῦτα δοκῇ Dionys.); si vero auctoritatem suam adiungere recusarent, ad irritum recideret. Haec toties antiquis commemorata *Senatus* s. *Patrum auctoritas* paullatim imminuta est; primum comitiis, quibus Servius Tullius, suffragiis plebis contentus, χαίρειν τῇ βουλῇ φράσας, ἢ οὐκ ἡξίωσεν ἐπικυρῶσαι τὰ τοῦ δημοτικοῦ πλῆθους, ὥσπερ αὐτῇ ποιεῖν ἔθος ἦν, κατέσχε τὴν ἀρχὴν, ut scribit Dionys. iv.; deinde tributis comitiis Publilia ac Laetoria lege inductis, et Patribus ex concilio plebis submotis; ex quo plebeii magistratus comitiis tributis creati sunt, et Patres non nisi auctores centuriatorum et curiatorum comitiorum fuere, Liv. ii. 56 sq. et Cic. pro Dom. 14.; tum legibus Horatia Va-

leria, Publilia et Hortensia, ut plebiscita omnes Quirites tenerent, Liv. iii. 55. viii. 12. Epit. Liv. xi. Gell. xv. 27.; porro SCto, quod post tribunitias rogationes de modo agrorum, de foenere, de altero consulatu acceptas et longas seditiones senatus coactus est facere, ut Patres auctores omnibus anni comitiis fierent, Liv. vi. 42.; postremo legibus a Publilio Dict. U.C. 416. et a Maenio trib. pl. U.C. 467 latis, ut legum, quae comitiis centuriatis ferrentur, ante initum suffragium Patres auctores fierent, Liv. viii. 12. et Cic. Brut. 14. RUP. Sed de hac re longe aliter disseruit Niebhr. qui *auctoritatem patrum* idem voluisse, ac *legem curiatam de imperio*, et vocem *patres* non senatum, sed patricios curiatim convocatos, in libris antiquis intelligere censet. quem cf. i. n. 849. 1363.

9 *Samium Pythagoran*] Cic. de Rep. ii. 15, Polybium secutus, “Falsum est id totum, neque solum falsum, sed etiam imperite absurdeque fretum.” Fabula haec in Tusc. Q. i. 16. iv. 1. de Orat. ii. 37. refutatur, atque ap. Dionys. ii. 59. Si vero ratio temporum, quam apud Abyden. in Euseb. Chron. Venet. ed. i. p. 53 legimus, servetur, fieri potuit ut Pythagoras Numae aequalis esset. Cf. Niebhr. i. p. 235.

Servio Tullio regnante Romae, centum amplius post annos, in ultima Italiae ora, circa Metapontum Heracleamque et Crotona, iuvenum aemulantium studia coetus habuisse constat. Ex quibus locis, etsi eiusdem aetatis fuisset, quae fama in Sabinos, aut quo linguae commercio, quemquam ad cupiditatem discendi excivisset? quove praesidio unus per tot gentes, dissonas sermone moribusque, pervenisset? Suapte igitur ingenio temperatum animum virtutibus fuisse opinor magis; instructumque non tam peregrinis artibus, quam disciplina tetrica ac tristi veterum Sabinorum: quo genere nullum quondam incorruptius fuit. Audito nomine Numae, Patres Romani, quanquam inclinari opes ad Sabinos, rege inde sumpto, videbantur, tamen, neque se quisquam, nec factionis suae alium, nec denique Patrum aut civium quemquam praeferre illi viro ausi, ad unum omnes Numae Pompilio regnum deferendum decernunt. Accitus, sicut U. C. 39. A. C. 713. Inauguratio Numae. Romulus augurato urbe condenda regnum adeptus est, de se quoque deos consuli iussit. Inde ab augure (cui deinde, honoris ergo, publicum id perpetuumque sacerdotium fuit) deductus in arcem, in lapide ad meridiem versus consedit. Augur ad laevam eius, capite velato, sedem cepit, dextra manu baculum sine nodo aduncum tenens, quem lituum appellaverunt. Inde ubi, prospectu in urbem agrumque capto, deos precatus, regiones ab oriente ad occasum determinavit; dexteris ad meridiem partes, laevas ad septentrionem esse dixit. Signum contra, quo longissime conspectum oculi ferebant, animo finivit. Tum, lituo in laevam manum translato, dextra in caput Numae imposita, precatus est ita: ‘Iupiter pater, si est fas, hunc Numam Pompilium, cuius ego caput teneo, regem Romae esse, uti tu signa nobis certa acclarassis inter eos fines, quos feci.’ Tum peregit verbis auspicia, quae mitti vellet: quibus missis, declaratus rex Numa de templo descendit.

Qui, regno ita potitus, urbem novam, conditam vi et armis, iure eam legibusque ac moribus de integro condere parat. Quibus quum inter bella assuescere videret non posse, quippe efferatos militia, animos; mitigandum ferocem populum armorum desuetudine ratus, Ianum ad infimum Argiletum, indicem pacis bellicae, fecit: apertus ut in armis esse civitatem; clausus pacatos circa omnes populos significaret. Bis deinde post Numae regnum clausus fuit:

1 *Acclarassis*] Cf. Zumpt. xli. 1. antiqua forma pro *acclaraveris*.

2 *Ianum*] Sc. Ianum Quirini, portam biforem, per quam iter a monte Palatino in Capitolinum ferebat, clausam quidem pace, bello autem apertam, ut subsidia ab alterutris mit-

terentur. Cf. Niebhr. i. p. 287.

3 *Argiletum*] Colliculus fuit ad orientem Palatini montis, in forum Romanum vergens. Varias huius appellationis causas vide, si lubet, apud Serv. ad Aen. viii. 345. CREV.

semel T. Manlio consule, post Punicum primum per-⁴fectum bellum: iterum, quod nostrae aetati dii dederunt, ut videremus, post bellum Actiacum, ab Imperatore Caesare Augusto, pace terra marique parta. Clauso eo, quum omnium circa finitimorum societate ac foederibus iunxisset animos, positis externorum periculorum curis, ne luxuriarentur otio animi, quos metus hostium disciplinaque militaris continuerat; omnium primum, rem ad multitudinem imperitam, et illis saeculis rudem, efficacissimam, deorum metum iniiciendum ratus est. Qui quum descendere ad animos sine aliquo commento miraculi non posset, simulat

Dea Egeria. sibi cum dea Egeria congressus nocturnos esse: eius se monitu, quae acceptissima diis essent, sacra instituire; sacerdotes suos cuique deorum praeficere. Atque omnium primum, ad cursum lunae, in duodecim menses describit⁵ annum: quem, quia tricenos dies singulis mensibus luna non explet, desuntque dies solido anno, qui solstitiali circumagitur orbe, intercalaribus mensibus interponendis, ita

4 *Semel T. Manlio consule*] U. C. 517. adeoque anno vii. *post Punicum bellum primum*. Ab Augusto Ianus bis terve clausus est, Suet. Aug. 22. Hinc Lipsius Elect. i. 22. suspicatur, primam certe operis Liviani partem prius editam fuisse, quam Augustus Ianum post devictos Cantabros iterum clausisset. RUP.

5 *Ad cursum lunae*] De anno Romano haec fere habet Macrobius Saturnalis. i. 12, 13, et 14. Annus a Romulo ordinatus habuit menses decem, dies quattuor et trecentos. Sed quum hic numerus neque solis cursui, neque lunae rationibus conveniret, identidem tantum dierum sine ullo mensis nomine assumebatur, quantum ad defectum illum supplendum opus foret. Numa ad lunae cursum in duodecim menses descripsit annum, adiectis Ianuario et Februario mensibus. Sed quia duodecim menses lunares non efficiunt nisi dies trecentos quinquaginta quattuor, desuntque dies undecim cum quadrante, ut ad solaris anni finem perveniatur; hos residuos dies octies, exemplo a Graecis sumpto, multiplicatos, ita ut nonaginta dies efficerentur, ita per octo annorum spatium dispensabant, ut biennio quoque unum mensem intercalarent, qui alternis binos vicenosque, alternis ternos et vicenos haberet dies. Verum Numa unum diem anno suo in honorem imparis numeri addiderat: unde fiebat, ut octavo quoque anno octo abundarent dies.

Ut huic incommodo occurrerent, tertio quoque octennio non nonaginta, sed sex et sexaginta tantum intercalabant dies. Ita quarto et vigesimo demum anno, plenis omnium annorum spatiis, dies cum solis cursu congruebant. His autem omnibus intercalationibus destinatus erat Februarius mensis, cuius post tertium et vicesimum diem intercalabatur. Haec non in seite ordinata turbabat pontificum, quibus anni digerendi cura demandata erat, partim imperitia, partim ambitio: qui temere ac pro libidine, in gratiam saepe publicanorum aut principum civium annum aut decurtabant sine necessitate aut producebant. Huic confusione tandem remedium attulit dictator Caesar, Aegyptiosque imitatus annum solare instituit, quo etiamnum, emendato tamen in quibusdam, utimur. Henr. Dodwellus Dissert. de Cyclis Romanorum. x. § 108. censet annum Romuli e mensibus decem, diebus 304. fictitium esse, nec unquam in usu civili fuisse: fieri tamen potuisse ut annus apud Romanos primo decem mensium fuerit, sed ita ut decem illi menses totum solaris cursus spatium exhaurirent, nec dies 304. sed 365. continerent. Idem ibid. § 100. anni lunaris ordinationem, quae a Livio ceterisque Numae tribuitur, debere potius existimat Tarquinio Superbo. De anno vetere Romano vid. et Ioseph. Scaliger. de Emendat. Temporum. ii. CREV.

dispensavit, ut quarto et vigesimo anno ad metam eandem solis, unde orsi essent, plenis annorum omnium spatiis dies 6 congruerent. Idem nefastos dies fastosque fecit, quia aliquando nihil cum populo agi utile futurum erat. Tum 20. sacerdotibus creandis animum adiecit, quanquam ipse plurima sacra obibat, ea maxime, quae nunc ad Dialem 7 flaminem pertinent. Sed, quia in civitate bellicosa plures Romuli, quam Numae, similes reges putabat fore, iturosque ipsos ad bella; ne sacra regiae vicis desererentur, flaminem Iovi assiduum sacerdotem creavit, insignique 8 cum veste et curuli regia sella adornavit. Huic duos flamines adiecit: Marti unum, alterum Quirino. Virginesque Vestae legit, Alba oriundum sacerdotium, et genti conditoris haud alienum. His, ut assiduae templi antistites 9 essent, stipendium de publico statuit: virginitate aliisque caerimoniis venerabiles ac sanctas fecit. Salios item duo- Salii. decim Marti Gradivo legit, tunicaeque pictae insigne dedit, et super tunicam aeneum pectori tegumen: coelestiaque arma, quae ancilia appellantur, ferre, ac per urbem ire canentes carmina cum tripudiis sollemnique saltatu iussit. 1 Pontificem deinde Numam Marcium, Marci filium, ex Pontifex. Patribus legit, eique sacra omnia exscripta exsignataque attribuit; quibus hostiis, quibus diebus, ad quae templa

6 *Nefastos dies fastosque*] *Fasti* dies erant, quibus licebat tria verba solennia fari, *Do, Dico, Addico*; seu ferre de re controversa in iudicio sententiam: *nefasti*, quibus non licebat. Nefastis autem diebus agi cum populo non poterat, i. e. populus non poterat in suffragium mitti. CREV. Cf. Ovid. Fast. i. 47.

7 *Flaminem Dialem*] sc. Ioviallem, qui reliquis dignitate antecellebat. *Flamines* erant sacerdotes uni alicui numini addicti, et maiores Dialis, Martialis, et Quirinalis, quibus xii minores additi sunt variis temporibus, etiam in honorem Imperatorum. Appellati ita creduntur vel a *filo* sc. *filamentis* laneis, infulis, quibus caput cingebant, vel a *pileo*, quasi *pilamines*, vel a *flameo*, eodem capitis tegumento, apice, proprio Flaminum insigni. Dionys. ii. 64. et Plut. Numa, 7. qui Dialem et Martialem iam a Romulo *proditos*, iisque Quirinalem a Numa adiectum dicit. REP.

8 *Conditoris*] Cuius nempe mater Rhea fuerat ipsa Vestalis Albana. *Legere Vestales* sollemniter dictum est. Uberrime de hac Vestalium institutione disseruit Dionys. ii. 65, atque eas iam a Romulo institutas narrat. Cf.

Plut. in Numa, 10. et A. Gell. i. 12.

9 *Salios*] A saltando sic dictos: quae saltatio eorum similis erat *πυρρίχαις*, armatis Graecorum tripudiis. Plut. Numa, 12, 13. *Martem Gradivum* explicant vel *gradientem*, impr. acri impetu in hostem, (*θούρον Ἀρηά*) vel *κραδαίνοντα*, vel *gravem deum*, vel *gramine* ortum. Mitto alias ineptias. REP.

1 *Ancilia*] Cf. Ov. Fast. iii. 370. Finxerat enim Numa missum de coelo ab Egeria scutum quoddam, pignus imperii: ad cuius similitudinem, ne furto auferretur, undecim alia fabricanda curaverat, quae Salii servabant. Haec ancilia, seu potius ancyilia, a figura sinuosa appellata sunt. Plut. in Numa, 13.

2 *Pontificem*] Et quidem *Marimum*, si aliis fides habenda, qui tradunt, praeter eum quattuor Pontifices, eosque patricios, a Numa institutos esse. Cf. Dionys. ii. 73. iii. 45. Quibus U. C. 452. quattuor e plebe adiecti infr. x. 6; et deinde septem a Sulla. Vocem *Marimum* Livius adicere deum coepit inde a iii. 24. omisitque etiam ii. 2. et 27. Cf. Var. de L. L. iv. REP.

Prodigio-
rum procu-
ratio.

21.
Pop. Ro-
mani religio
et tranqui-
litas.

sacra fierent, atque unde in eos sumptus pecunia erogaretur. Cetera quoque omnia publica privataque sacra pontificis scitis subiecit: ut esset, quo consultum plebes veniret; ne quid divini iuris, negligendo patrios ritus, peregrinosque asciscendo, turbaretur. Nec coelestes modo caerimonias, sed iusta quoque funebria placandosque Manes, ut idem pontifex edoceret; quaeque prodigia, fulminibus aliove quo visu missa, susciperentur atque procurarentur. Ad ea elici-³ enda ex mentibus divinis, Iovi Elicio aram in Aventino⁴ dicavit, deumque consuluit auguriis, quae suscipienda essent.

Ad haec consultanda procurandaque, multitudo omni a vi et armis conversa, et animi aliquid agendo occupati erant, et deorum assidua insidens cura, quum interesse rebus humanis coeleste numen videretur, ea pietate omnium pectora imbuerat, ut fides ac iusiurandum, proximo legum ac poenarum metu, civitatem regerent. Et quum ipsi se⁵ homines in regis, velut unici exempli, mores formarent; tum finitimi etiam populi, qui ante, castra, non urbem positam in medio ad sollicitandam omnium pacem, crediderant, in eam verecundiam adducti sunt, ut civitatem, totam in cultum versam deorum, violari ducerent nefas. Lucus erat, quem medium ex opaco specu fons perenni rigabat aqua. Quo quia se persaepe Numa sine arbitris, velut ad congressum deae, inferebat, Camenis eum lucum sacravit; quod earum ibi concilia cum coniuge sua Egeria essent. Et soli Fidei solenne instituit. Ad id sacrarium⁶ flamines bigis, curru arcuato, vehi iussit, manuque ad⁷ digitos usque involuta rem divinam facere: significantes fidem tutandam, sedemque eius etiam in dextris sacratam esse. Multa alia sacrificia locaque sacris faciendis, quae

³ *Procurarentur*] *Curarentur* legitur in MS. Vindob. quod Drakenb. sequitur. In Cod. Harlei. 2. quem Stroth. et Bekker. sequuntur, *procurarentur*, quod a Crevier. probatur. Sc. expiarentur.

⁴ *Iovi Elicio*] Is idem qui *Καταβάτης*, descensor, fulgurator, (de quo Burm. docte egit in singulari libello) nisi quod ille ita dictus est a prisca opinione Etruscorum et Romanorum, qua Iupiter et fulmina sacris quibusdam et precationibus e coelo *elici*, (quae ratio nominis, ab Ovid. Fast. iii. 327, 328. memorata, probabilior est ea, quam h. l. Livius attulit) vel *cogi*, *evocari* et *impetrari* posse credebantur, quod a Porsenna, Numa et Tullo Hostilio factum refert Plin. H. N. ii. 52, 53. xxviii. 2. RUP.

⁵ *Proximo . . . metu*] *Proxime*

legum ac poenarum *metum* coniicit Muretus.

⁶ *Et soli Fidei solenne instituit*] Ei prae ceteris numinibus instituit sacra solenni et singulari ritu celebranda, putans, ut ante dictum est, *fide* potissimum ac *iure iurando civitatem regendam*, et, ut Dionys. ii. 75 dicit, Iustitiae, Nemesis, Furiis aliisque eiusmodi numinibus honores divinos sat amplios a maioribus, Fidei vero, qua nulla res hominibus aut maior esse posset aut sanctior, nullum cultum, nec publice nec privatim, tributum esse. RUP. Fieri potest, ut Numa, si tres illas gentes, id quod Wachsmuth. placet, in unam coagmentaverit, solenne Fidei instituerit, quod concordiae vinculum sacrum fieret.

⁷ *Curru arcuato*] Curru tecto superne, et camerae in modum. CREV.

8 Argeos pontifices vocant, dedicavit. Omnium tamen maximum eius operum fuit tutela, per omne regni tempus, haud minor pacis, quam regni.

Ita duo deinceps reges, alius alia via, ille bello, hic pace, civitatem auxerunt. Romulus septem et triginta regnavit 9 annos: Numa tres et quadraginta. Tum valida, tum temperata et belli et pacis artibus, erat civitas.

Numae morte ad interregnum res rediit. Inde Tullum 22.
Hostilium, nepotem Hostilii, cuius in infima arce clara U. C. 82.
pugna adversus Sabinos fuerat, regem populus iussit. A. C. 670.
1 Patres auctores facti. Hic non solum proximo regi dis- Tullus
similis, sed ferocior etiam Romulo fuit. Tum aetas vires- Hostilius
que, tum avita quoque gloria animum stimulabat. Senes- rex eligitur.
cere igitur civitatem otio ratus, undique materiam exci-
tandi belli quaerebat. Forte evenit, ut agrestes Romani ex
Albano agro, Albani ex Romano praedas in vicem agerent.
Imperitabat tum C. Cluilius Albae. Utrumque legati fere
sub idem tempus ad res repetendas missi. Tullus praece-
perat suis, ne quid prius, quam mandata, agerent: satis
sciebat, negaturum Albanum; ita pie bellum indici posse.
Ab Albanis socordius res acta: excepti hospitio ab Tullo
blande ac benigne, comiter regis convivium celebrant.
Tantisper Romani et res repetiverant priores, et neganti
Albano bellum in trigesimum diem indixerant. Haec re-
nuntiant Tullo. Tum legatis Tullus dicendi potestatem,
quid petentes venerint, facit. Illi, omnium ignari, primum
purgando terunt tempus: ‘Se invitos quicquam, quod minus
‘placeat Tullo, dicturos; sed imperio subigi: res repetitum
‘se venisse. Ni reddantur, bellum indicere iussos.’ Ad
haec Tullus: ‘Nuntiate,’ inquit, ‘regi vestro, regem Roma-
‘num deos facere testes, uter prius populus res repetentes
‘legatos aspernatus dimiserit, ut in eum omnes expetant
‘huiusce clades belli.’ Haec nuntiant domum Albani. Et 23.
bellum utrinque summa ope parabatur, civili simillimum U. C. 85.
bello, prope inter parentes natosque; Troianam utramque A. C. 667.
prolem, quum Lavinium ab Troia, ab Lavinio Alba, ab Alba- Bellum
norum stirpe regum oriundi Romani essent. Eventus tamen cum Alba-
belli minus miserabilem dimicationem fecit: quod nec acie nis.

8 *Vocant*] Cur ista loca Orgei appellata sunt, hodie prorsus ignoratur. Cf. Festus v. Orgei, qui meras nugas profert.

9 *Numa tres et quadraginta*] Cic. de Rep. ii. 14, “Sic ille cum undequadragesima annos regnavisset, sequimur enim potissimum Polybium nostrum, quo nemo fuit in exquirendis temporibus diligentior, excessit e vi-

ta.” Polybius quattuor annos per interregna distribuit. Augustinus, C. D. iii. 9, Ciceronis locum forsitan respicit.

1 *Patres auctores*] “Tullum Hostilium populus regem comitis curiatibus creavit, isque de imperio suo . . . populum consuluit curiatim.” Cic. de Rep. ii. 17. Wachsmuth. p. 145.

certatum est; et, tectis modo dirutis alterius urbis, duo populi in unum confusi sunt. Albani priores ingenti exercitu in agrum Romanum impetum fecere. Castra ab urbe haud plus quinque millia passuum locant, fossa circumdant: fossa Cluilia ab nomine ducis per aliquot saecula appellata est,² donec cum re nomen quoque vetustate abolevit. In his castris Cluilius Albanus rex moritur; dictatorem Albani Mettum Fuffetium creant. Interim Tullus ferox, praeci-³ pue morte regis, magnumque deorum numen, ab ipso capite orsum, in omne nomen Albanum expetiturum poenas ob bellum impium dictitans, nocte, praeteritis hostium castris, infesto exercitu in agrum Albanum pergit. Ea res ab stativis excivit Mettum. Ducit, quam proxime ad hostem potest; inde legatum praemissum nuntiare Tullo iubet, priusquam dimicent, opus esse colloquio: si secum congressus sit, satis scire, ea se allaturum, quae nihilo minus ad rem Romanam, quam ad Albanam, pertineant. Haud aspernatus Tullus, tametsi vana afferebantur, in aciem educit. Exeunt contra et Albani. Postquam instructi utrimque stabant, cum paucis procerum in medium duces procedunt. Ibi infit Albanus: ‘Iniurias et non redditas
 ‘res ex foedere, quae repetitae sint, et ego regem nostrum
 ‘Cluilium, causam huiusce esse belli, audisse videor: nec⁴
 ‘te dubito, Tulle, eadem prae te ferre. Sed, si vera potius,
 ‘quam dictu speciosa, dicenda sunt, cupido imperii duos
 ‘cognatos vicinosque populos ad arma stimulat. Neque,
 ‘recte, an perperam, interpretor: fuerit ista eius deliberatio,
 ‘qui bellum suscepit. Me Albani gerendo bello ducem
 ‘creavere. Illud te, Tulle, monitum velim: Etrusca res,
 ‘quanta circa nos teque maxime sit, quo propior es Etrus-⁵
 ‘cis, hoc magis scis. Multum illi terra, plurimum mari
 ‘pollent. Memor esto, iam, quum signum pugnae dabis,
 ‘has duas acies spectaculo fore; ut fessos confectosque,
 ‘simul victorem ac victum, aggrediantur. Itaque, si nos
 ‘dii amant, quoniam, non contenti libertate certa, in dubiam
 ‘imperii servitiiue aleam imus, ineamus aliquam viam,

² *Fossa Cluilia*] Quam Cloeliam appellat Festus, et Plut. in Coriolan. Niebuhrius hanc fossam limites Romani et Albani agri designasse putat, atque per hanc aquas a lacu Albano in regionem inferiorem (hod. *la Campagna*) deductas fuisse.

³ *Mettum Fuffetium*] *Mettium*. Iac. Gronov. et Bekker. quod Niebuhrio arridet, qui *praenomina* Latina, quemadmodum *nomina* Romana, semper in *ius* terminari putat. Contra Drakenb. Mettum, ubi praenomen, Mettium, ubi nomen, scribi vult.

Mettium, quod ap. Virg. Aen. viii. 642, legimus, causa metri scriptum fuisse auctor est Servius ad loc. cit. *Mettum*. Wachsmuth. p. 148. *Mettium Fuffetium* cod. Harlei. 1.

⁴ *Cluilium audisse videor*] Intellige, quum diceret. Similis locutionis exemplum vid. infra iv. 20. CREV.

⁵ *Etruscis*] Ita cod. Harlei. 2. et Lips. *Vulscis* Harlei 1. ut plerique codd. *Volscis. proprio* vos. Drak. *Veiis* ex emendat. Gronov. in textum recepit Bekker.

‘qua utri utris imperent, sine magna clade, sine multo
‘sanguine utriusque populi, decerni possit.’ Haud displicet
res Tullo, quanquam, tum indole animi, tum spe victoriae,
ferocior erat. Quaerentibus utrimque ratio initur, cui et
fortuna ipsa praebeuit materiam. Forte in duobus tum exer- 24.
6 citibus erant trigemini fratres, nec aetate, nec viribus dis- Horatio-
pares. Horatios Curiatiosque fuisse, satis constat; nec ferme rum et Cu-
res antiqua alia est nobilior: tamen in re tam clara nomi- riationum
num error manet; utrius populi Horatii, utrius Curiatii fue- certamen
rint. Auctores utroque trahunt: plures tamen invenio, qui proponitur.
Romanos Horatios vocent. Hos ut sequar, inclinat animus.
Cum trigeminis agunt reges, ut pro sua quisque patria dimi-
cent ferro: ibi imperium fore, unde victoria fuerit. Nihil re-
cusatur: tempus et locus convenit. Priusquam dimicarent,
foedus ictum inter Romanos et Albanos est his legibus, ut,
cuiusque populi cives eo certamine vicissent, is alteri populo
cum bona pace imperitaret. Foedera alia aliis legibus,
ceterum eodem modo omnia, fiunt. Tum ita factum accepi- Foederis fe-
7 mus, nec ullius vetustior foederis memoria est. Fetialis riendi ritus.
regem Tullum ita rogavit: ‘Iubesne me, rex, cum patre
‘patrato populi Albani foedus ferire?’ iubente rege, ‘Sag-
8 ‘mina,’ inquit, ‘te, rex, posco.’ Rex ait, ‘Puram tollito.’
Fetialis ex arce graminis herbam puram attulit: postea
regem ita rogavit: ‘Rex, facisne me tu regium nuntium
‘populi Romani Quiritium? vasa, comitesque meos?’ Rex
respondit: ‘Quod sine fraude mea populi Romani
9 ‘Quiritium fiat, facio.’ Fetialis erat M. Valerius: patrem
patratum Sp. Fusium fecit, verbena caput capillosque
1 tangens. Pater patratus ad iusiurandum patrandum, id
est, sancendum fit foedus; multisque id verbis, quae longo
effata carmine non operae est referre, peragit. Legibus
deinde recitatis: ‘Audi,’ inquit, ‘Iupiter; audi, pater

6 *Trigemini fratres*] Terni eodem partu geniti, quos consobrinos fuisse Dionys. iii. 14. quippe in vetere illo carmine Roma atque Alba tanquam sorores adumbratae sunt. Cf. Wachsmuth. p. 147. Niebuhr. i. p. 342.

7 *Fetialis*] *Fetiales* xx sacerdotes, a Numa instituti. Dionys. ii. 72. Plut. Numa 13. et Cic. de Leg. ii. 9. Ritus, quo bellum indicabant, et forma iuris, quo utebantur, ab Anco constituta. Cf. infr. 32. ubi Livius, alios forte auctores secutus, ab Aequiculis iura fetialia petita dicit, quae tamen iam antiquitus inter alios Italiae populos, e. g. Albanos et Samnites, viguisse constat ex hoc cap. et viii. 39. Rer. Cf. Wachsm. loc. cit.

8 *Sagmina*] *Sagmina*, inquit Festus, vocantur verbenae, hoc est, herbae purae, quia ex loco sancto secabantur: et, teste Plin. H. N. xxii. 2. idem sunt, quod *gramen ex arce cum sua terra evulsum*. Ex arce verbenae sumebantur dandae fecialibus, teste Livio infra xxx. 43. Crev. Formula haec ex commentariis pontificum deprompta, Niebuhr. cf. Serv. in Aen. xii. 120.

9 *M. Valerius*] *M. Veturius* e nummo legendum esse monet Begerus ad Florum, p. 44. Hearn.

1 *Pater patratus*] Pater patratus fit ad iusiurandum patrandum, atque inde illi nomen est: iusiurandum autem patrare hic idem est ac foedus sancire. Crev.

- ‘patrate populi Albani; audi tu, populus Albanus; ut illa
 ‘palam, prima, postrema, ex illis tabulis cerave recitata
 ‘sunt sine dolo malo, utique ea hic hodie rectissime intel-
 ‘lecta sunt, illis legibus populus Romanus prior non de-
 ‘ficiet. Si prior defexit publico consilio, dolo malo; tu illo
 ‘die, Iupiter, populum Romanum sic ferito, ut ego hunc
 ‘porcum hic hodie feriam: tantoque magis ferito, quanto
 ‘magis potes pollesque.’ Id ubi dixit, porcum saxo silice
 percussit. Sua item carmina Albani suumque iusiurandum
 25. per suum dictatorem suosque sacerdotes peregerunt. Foe-
 dere icto, trigemini, sicut convenerat, arma capiunt. Quum
 sui utrosque adhortarentur, ‘deos patrios, patriam ac pa-
 rentes, quicquid civium domi, quicquid in exercitu sit,
 illorum tunc arma, illorum intueri manus:’ feroces et
 suoapte ingenio, et pleni adhortantium vocibus, in medium
 inter duas acies procedunt. Consederant utrimque pro
 castris duo exercitus, periculi magis praesentis, quam curae,
 expertes: quippe imperium agebatur, in tam paucorum
 virtute atque fortuna positum. Itaque ergo erecti sus-²
 pensique in minime gratum spectaculum animo intendun-
 tur. Datur signum: infestisque armis, velut acies, terni
 iuvenes, magnorum exercituum animos gerentes, concur-
 runt: nec his, nec illis periculum suum; publicum im-
 perium servitiumque obversatur animo, futuraque ea deinde
 patriae fortuna, quam ipsi fecissent. Ut primo statim con-
 cursu increpuere arma, micantesque fulsere gladii, horror
 ingens spectantes perstringit: et, neutro inclinata spe, tor-
 pebat vox spiritusque. Consertis deinde manibus, quum
 iam non motus tantum corporum, agitatioque anceps te-
 lorum armorumque, sed vulnera quoque et sanguis specta-
 culo essent; duo Romani, super alium alius, vulneratis
 tribus Albanis, expirantes corruerunt. Ad quorum casum
 quum conclamasset gaudio Albanus exercitus, Romanas
 legiones iam spes tota, nondum tamen cura, deseruerat,
 exanimes vice unius, quem tres Curiatii circumsteterant.³
 Forte is integer fuit, ut universis solus nequaquam par, sic
 adversus singulos ferox. Ergo, ut segregaret pugnam
 eorum, capessit fugam, ita ratus secuturos, ut quemque
 vulnere affectum corpus sineret. Iam aliquantum spatii
 ex eo loco, ubi pugnatum est, aufugerat, quum respiciens
 videt magnis intervallis sequentes: unum haud procul ab
 sese abesse. In eum magno impetu rediit. Et, dum Al-
 banus exercitus inclamat Curiatiis, uti opem ferant fratri,
 iam Horatius, caeso hoste victor, secundam pugnam petebat.

Certaminis
 descriptio.

² *Itaque ergo*] Similiter hae duae
 voculae iunguntur infra iii. 31. et ix.
 31. CREV.

³ *Vice unius*] Ita codices, sed vi-
 cem ex emendat. Gronov. in textum
 recepit Bekker.

Tum clamore, qualis ex insperato faventium solet, Romani adiuvant militem suum: et ille defungi proelio festinat. Prius itaque, quam alter, qui nec procul aberat, consequi posset, et alterum Curiatium conficit. Iamque, aequato Marte, singuli supererant; sed nec spe, nec viribus pares. Alterum intactum ferro corpus et geminata victoria ferocem in certamen tertium dabant: alter, fessum vulnere, fessum cursu trahens corpus, victusque fratrum ante se strage, victori obicitur hosti. Nec illud proelium fuit. Romanus exsultans, ‘Duos,’ inquit, ‘fratrum Manibus dedi: tertium ‘causae belli huiusce, ut Romanus Albano imperet, dabo.’ Male sustinenti arma gladium superne iugulo defigit: iacentem spoliatur. Romani ovantes ac gratulantes Horatium accipiunt; eo maiore cum gaudio, quo prope metum res fuerat. Ad sepulturam inde suorum nequaquam paribus animis vertuntur; quippe imperio alteri aucti, alteri ditionis alienae facti. Sepulcra exstant, quo quisque loco cecidit: duo Romana uno loco propius Albam, tria Albana Romam versus; sed distantia locis, et ut pugnatum est.

Priusquam inde digrederentur, roganti Metto, ex foedere icto quid imperaret, imperat Tullus, uti iuventutem in armis habeat: usurum se eorum opera, si bellum cum Veientibus foret. Ita exercitus inde domos abducti. Princeps Horatius ibat, trigemina spolia prae se gerens. Cui soror virgo, quae desponsa uni ex Curiatiis fuerat, obvia ante portam Capenam fuit: cognitoque super humeros fratris paludamento sponsi, quod ipsa confecerat, solvit crines, et flebiliter nomine sponsum mortuum appellat. Movet feroci iuveni animum comploratio sororis in victoria sua tantoque gaudio publico. Stricto itaque gladio, simul verbis increpans, transfigit puellam. ‘Abi hinc cum im-
‘maturo amore ad sponsum,’ inquit, ‘oblita fratrum mortu-
‘orum vivique, oblita patriae. Sic eat, quaecunque Romana
‘lugebit hostem.’ Atrox visum id facinus Patribus plebique; sed recens meritum facto obstabat: tamen raptus in ius ad regem. Rex, ne ipse tam tristis ingraticque ad vulgus iudicii, aut, secundum iudicium, supplicii auctor esset, concilio populi advocato, ‘Duumviros,’ inquit, ‘qui Hora-
4 ‘tio perduellionem iudicent, secundum legem facio.’ Lex

26.

Horatius
sororem
occidit.

4 Qui Horatio perduellionem iudicent} Perduellis hostis, a radice duellum, i. e. bellum. Perduellio proprie crimen eius, qui hostile aliquid in regem aut rempublicam gessit, sed illo aetate videtur quodvis facinus capitali poena dignum perduellionis lege comprehensum fuisse. Alioquin Horatius ea lege reus agi non potuisset. Qui

Horatio perduellionem iudicent, i. e. qui sententiam ferant in Horatium, tanquam perduellionis manifestum: non qui iudicent, an instar perduellis sit habendus, quo modo Clericus exponit; quum duumviri sententiam in eum ferant his verbis: tibi perduellionem iudico. CREV.

In ius vocatur.

horrendi carminis erat: 'Duumviri perduellionem iudicent. Si a duumviris provocarit, provocatione certato: si vincent, caput obnubito: infelici arbori recte suspendito: verberato vel intra pomoerium, vel extra pomoerium.' Hac lege duumviri creati, qui se absolvere non rebantur ea lege, ne innoxium quidem, posse, quum condemnassent; tum alter ex his, 'P. Horati, tibi perduellionem iudico,' inquit. 'I, lictor, colliga manus.' Accesserat lictor, iniiciebatque laqueum. Tum Horatius, auctore Tullo, clemente legis interprete, 'Provoco,' inquit. Ita de provocatione certatum ad populum est. Moti homines sunt in eo iudicio, maxime P. Horatio patre proclamante, se filiam iure caesam iudicare: ni ita esset, patrio iure in filium animadversurum fuisse. Orabat deinde, ne se, quem paullo ante cum egregia stirpe conspexissent, orbem liberis facerent. Inter haec senex, iuvenem amplexus, spolia Curiatorum fixa eo loco, qui nunc Pila Horatia appellatur, ostentans, 'Hunc cine,' inquit, 'quem modo decoratum ovantemque victoria indudentem vidistis, Quirites, eum sub furca vinctum inter verbera et cruciatus videre potestis? quod vix Albanorum oculi tam deforme spectaculum ferre possent. I, lictor, colliga manus, quae paullo ante armatae imperium populo Romano pepererunt. I, caput obnube liberatoris urbis huius: arbori infelici suspende: verbera, vel intra pomoerium, modo inter illa pila et spolia hostium; vel extra pomoerium, modo inter sepulcra Curiatorum. Quo enim ducere hunc iuvenem potestis, ubi non sua decora eum a tanta foeditate supplicii vindicent?' Non tulit populus nec patris lacrimas, nec ipsius parem in omni periculo animum: absolveruntque admiratione magis virtutis, quam iure causae. Itaque, ut caedes manifesta aliquo tamen piaculo lueretur, imperatum patri, ut filium expiaret pecunia publica. Is, quibusdam piacularibus sacrificiis factis, quae deinde genti Horatiae tradita sunt, transmisso per viam tigillo, capite adoperto, velut sub iugum misit iuvenem. Id

Absolvitur a P. R.

5 *Carminis*] Hic nihil aliud est, quam certa solennisque verborum formula. CREV. Niebuhr. placet, haec ipsa verba antiqui carminis esse. Cf. Macrob. Saturn. ii. 16.

6 *Ne innoxium quidem*] Muretus autem in Var. Lect. xiv. 16, "*condemnandi* verbum non de iudice modo sed et de accusatore, qui reum peragit, dici, nemo est, opinor, quin sciat: idque, et post ab aliis, et iampridem ab eruditissimo Budaeo notatum est. Sed *iudicare* quoque dici, non eum modo, qui pronuntiat et sententiam fert, verum eum quoque qui accusat,

et diem alicui dicit, id non ita notum esse arbitror." Haec res si ita si habeat, duumviri non nisi accusatores publici ad populum erant; quod, si reus provocare nolisset, et ita se noxium professus esset, tum lictor manus colligabat, et tanquam manifesta noxa, arbori infelici suspendebat. Cf. Cic. Rabir. 4.

7 *Ita de*] *Ita demum*, MS. Leid. 2. quod plures approbant.

8 *Pila Horatia*] Columna, quae in monumentum tergeminae Horatii victoriae erecta, Livii adhuc aevo stabat. CREV.

hodie quoque publice semper refectum manet. Sororium tigillum vocant. Horatiae sepulcrum, quo loco corruerat icta, constructum est saxo quadrato.

Nec diu pax Albana mansit. Invidia vulgi, quod 27. tribus militibus fortuna publica commissa fuerit, vanum ingenium dictatoris corruptit; et, quoniam recta consilia haud bene evererant, pravis reconciliare popularium animos coepit. Igitur, ut prius in bello pacem, sic in pace bellum quaerens, quia suae civitati animorum plus, quam virium, cernebat esse, ad bellum palam atque ex edicto gerendum alios concitat populos: suis per speciem societatis prodicionem reservat. Fidenates, colonia Romana, Veientibus sociis consilii assumptis, pacto transitionis Albanorum ad bellum atque arma incitantur. Quum Fidenae aperte descissent, Tullus, Metto exercituque eius ab Alba accito, contra hostes ducit. Ubi Anienem transiit, ad confluentes collocat castra. Inter eum locum et Fidenas Veientium exercitus Tiberim transierat. Hi et in acie prope flumen tenere dextrum cornu: in sinistro Fidenates propius montes consistunt. Tullus adversus Veientem hostem dirigit suos: Albanos contra legionem Fidenatium collocat. Albano non plus animi erat, quam fidei. Nec manere ergo, nec transire aperte ausus, sensim ad montes 9 succedit. Inde, ubi satis subisse sese ratus est, erigit totam aciem: fluctuansque animo, ut tereret tempus, ordines explicat. Consilium erat, qua fortuna rem daret, ea inclinare vires. Miraculo primo esse Romanis, qui proximi steterant, ut nudari latera sua sociorum digressu senserunt: inde eques citato equo nuntiat regi, abire 1 Albanos. Tullus in re trepida duodecim vovit salios, fanaque Pallori ac Pavori. Equitem, clara increpans voce, ut hostes exaudirent, redire in proelium iubet: ‘Nihil trepidatione opus esse: suo iussu circumduci Albanum exercitum, ut Fidenatium nuda terga invadant.’ Idem 2 imperat, ut hastas equites erigere iubeat. Id factum magnae parti peditum Romanorum conspectum abeuntis Albani exercitus intersaeptis: qui viderant, id, quod ab rege auditum erat, rati, eo acrius pugnant. Terror ad

Bellum cum Fidenatibus.

Metti perfidia.

9 *Erigit*] Stare iubet. Ubi enim agmen sistitur, miles et corpus et hastam erigit. Sic apud nos dicitur *faire alte*, olim *faire haut*, quomodo vertit hoc loco Vigenarius. Crev. Tac. Hist. 3. 71.

1 *Tullus duodecim vovit salios*] Agonales et Collinos s. Quirinales; nam Palatinos Numa instituerat; et hi in Palatio, illi in colle Quirinali

habebant sacrarium et sacra faciebant. Dionys. ii. 70. iii. 32. *Fanaque Pallori ac Pavori* vovit, sc. ut non tam colerentur, quam placarentur, ne amplius eorum vim sentirent Romani. Rev.

2 *Idem*] *Eidem* ex coniect. Gronov. in textum recepit Bekker. licet codd. advers.

Romani
victores.

hostes transit: et audiverant clara voce dictum, et magna pars Fidenatium, ut qui coloni additi Romanis essent,³ Latine sciebant. Itaque, ne subito ex collibus decursu Albanorum intercluderentur ab oppido, terga vertunt. Instat Tullus, fusoque Fidenatium cornu, in Veientem, alieno pavore perculsum, ferocior redit. Nec illi tulere impetum: sed ab effusa fuga flumen obiectum a tergo arcebat. Quo postquam fuga inclinavit, alii, arma foede iactantes, in aquam caeci ruebant: alii, dum cunctantur in ripis, inter fugae pugnaeque consilium oppressi. Non alia ante Romana pugna atrocior fuit.

28. Tum Albanus exercitus, spectator certaminis, deductus in campos. Mettus Tullo devictos hostes gratulatur: contra Tullus Mettum benigne alloquitur. Quod bene vertat, castra Albanos Romanis castris iungere iubet: sacrificium lustrale in diem posterum parat. Ubi illuxit,⁴ paratis omnibus, ut assolet, vocari ad concionem utrumque exercitum iubet. Praecones, ab extremo orsi, primos excivere Albanos. Hi, novitate etiam rei moti, ut regem Romanum concionantem audirent, proximi constitere. Ex

Supplicium
de Metto
sumtum.

composito armata circumdatur Romana legio: centurionibus datum negotium erat, ut sine mora imperia exsequerentur. Tum ita Tullus infit: ‘Romani, si unquam ante alias ullo in bello fuit, quod primum diis immortalibus gratias ageretur, deinde vestrae ipsorum virtuti, hesternum id proelium fuit. Dimicatum est enim non magis cum hostibus, quam, quae dimicatio maior atque periculosior est, cum proditione ac perfidia sociorum. Nam, ne vos falsa opinio teneat, iniussu meo Albani subiere ad montes: nec imperium illud meum, sed consilium et imperii simulatio fuit: ut nec, vobis ignorantibus deserere vos, averteretur a certamine animus; et hostibus, circumveniri se a tergo ratis, terror ac fuga iniiceretur. Nec ea culpa, quam

³ *Qui coloni additi Romanis essent*] Nam colonia aliquo deducta, veteres oppidi cives tantum non omnes colonis Rom. adscribi solebant. Fidenae itaque iam colonia Rom. cf. iv. ii. viii. 1. 14. “Qui in expugnato oppido relinquuntur cives, cum novis ibi colonis habitaturi, recte et ipsi *coloni* dicuntur, ut quos expellendi ius victoribus fuisset: urbs enim talis iam civium Rom. erat.” BAUER. Hoc sensu Fidenates paullo ante *colonia Romana* vocati sunt. *Ut quis coloni additi Romani essent* probat Faber.

⁴ *Sacrificium lustrale*] Suovetaurile, quo circa populum s. exerci-

tum ducto et mox immolato ille in campo Martio lustrabatur a censoribus, ita *lustrum condentibus*. Similiter lustrari et purgari solebant tum agri, ineunte vere, a Fratribus Arvalibus, sacrificio *ambarvali*, h. e. circa arva ducto pro felici frugum proventu; tum Urbs ob prodigium vel insignem calamitatem vel ingens aliquod scelus admissum, *amburbio* s. *amburbialibus hostiis*, circa Urbem terminosque eius ductis. RUP.

⁵ *Romana legio*] Romanus exercitus. Sic infr. ii. 26. *Sabina legio*. CREV. cf. infr. xxviii. 26. ubi arte simili Scipio utitur.

‘arguo, omnium Albanorum est. Ducem secuti sunt: ut
 ‘et vos, si quo ego inde agmen declinare voluissem, fecis-
 ‘setis. Mettus ille est ductor itineris huius, Mettus
 ‘idem huius machinator belli, Mettus foederis Romani
 ‘Albanique ruptor. Audeat deinde talia alius, nisi in
 ‘hunc insigne iam documentum mortalibus dederō.’ Cen-
 turiones armati Mettum circumsistunt: rex cetera, ut orsus
 erat, peragit. ‘Quod bonum, faustum, felixque sit populo
 ‘Romano ac mihi, vobisque, Albani; populum omnem
 ‘Albanum Romam traducere in animo est; civitatem dare
 ‘plebi; primores in Patres legere; unam urbem, unam rem-
 ‘publicam facere. Ut ex uno quondam in duos populos
 ‘divisa Albana res est, sic nunc in unum redeat.’ Ad haec
 Albana pubes, inermis ab armatis saepta, in variis volunta-
 tibus, communi tamen metu cogente, silentium tenet.
 Tum Tullus: ‘Mette Fuffeti,’ inquit, ‘si ipse discere
 ‘posses fidem ac foedera servare, vivo tibi ea disciplina a
 ‘me adhibita esset. Nunc quoniam tuum insanabile inge-
 ‘nium est, at tu tuo supplicio doce humanum genus ea
 ‘sancta credere, quae a te violata sunt. Ut igitur paullo
 ‘ante animum inter Fidenatem Romanamque rem ancipitem
 ‘gessisti, ita iam corpus passim distrahendum dabis.’ Exinde,
 duabus admotis quadrigis, in currus earum distentum illigat
 Mettum: deinde in diversum iter equi concitati, lacerum
 in utroque curru corpus, qua inhaeserant vinculis membra,
 portantes. Avertere omnes a tanta foeditate spectaculi
 oculos. Primum ultimumque illud supplicium apud Ro-
 manos exempli parum memoris legum humanarum fuit. In
 aliis gloriari licet, nulli gentium mitiores placuisse poenas.

6 Inter haec iam praemissi Albam erant equites, qui mul- 29.
 titudinem traducerent Romam. Legiones deinde ductae U. C. 87.
 ad diruendam urbem. Quae ubi intravere portas, non A. C. 665.
 quidem fuit tumultus ille, nec pavor, qualis captarum Alba diru-
 esse urbium solet; quum, effractis portis, stratisve ariete
 muris, aut arce vi capta, clamor hostilis et cursus per urbem
 armatorum omnia ferro flammaque miscet: sed silentium
 triste ac tacita maestitia ita defixit omnium animos, ut, prae
 metu obliti, quid relinquerent, quid secum ferrent, deficiente
 consilio, rogitantesque alii alios, nunc in liminibus starent,
 7 nunc errabundi domos suas, ultimum illud visuri, perva-

6 *Inter haec iam praemissi*] Descriptio vere Liviana, quam Virgilius transtulit in Aen. ii. 486. cf. Serv. loc. cit.

7 *Ultimum illud*] Ultima illa vice: quemadmodum apud Curt. iv. 43. *hoc iam tertio*. Vulgo editi habent *ultimum illas*, nempe domos, *visuri*.

Illud legi affirmat Gronovius in scriptis omnibus et antiquioribus editis, quod firmant tres e nostris codd. Vetus-
 tissimus quidem omnium habet *illas*: sed duae ultimae litterae *as* a recentiore manu sunt, et alio atramento. CREV.

Albani Ro-
mam mi-
grant.

garentur. Ut vero iam equitum clamor exire iubentium instabat, iam fragor tectorum, quae diruebantur, ultimis urbis partibus audiebatur, pulvisque, ex distantibus locis ortus, velut nube inducta omnia impleverat; raptim, quibus⁸ quisque poterat, elatis, quum larem ac penates tectaque, in quibus natus quisque educatusque esset, relinquentes exirent: iam continens agmen migrantium impleverat vias: et conspectus aliorum mutua miseratione integrabat lacrimas: vocesque etiam miserabiles exaudiebantur; mulierum praecipue, quum obsessa ab armatis templa augusta praeterirent, ac velut captos relinquerent deos. Egressis urbem Albanis, Romanus passim publica privataque omnia tecta adaequat solo, unaque hora quadringentorum annorum⁹ opus, quibus Alba steterat, excidio ac ruinis dedit. Templis tamen deum (ita enim edictum ab rege fuerat) temperatum est.

30.

Coelius
mons urbi
additus.

Roma interim crescit Albae ruinis. Duplicatur civium numerus: Coelius additur urbi mons; et, quo frequen-¹ tius habitaretur, eam sedem Tullus regiae capit, ibique habitavit. Principes Albanorum in Patres, ut ea quoque² pars reipublicae cresceret, legit Iulios, Servilios, Quinctios, Geganios, Curiatios, Cloelios: templumque ordini ab se aucto curiam fecit, quae Hostilia usque ad patrum³ nostrorum aetatem appellata est. Et, ut omnium ordinum viribus aliquid ex novo populo adiiceretur, equitum decem⁴ turmas ex Albanis legit. Legiones et veteres eodem sup-⁴ plemento explevit, et novas scripsit.

U. C. 100.
A. C. 652.

Bellum
cum Sa-
binis.

Hac fiducia virium Tullus Sabinis bellum indicit, genti ea tempestate secundum Etruscos opulentissimae viris armisque. Utrunque iniuriae factae, ac res nequicquam erant repetitae. Tullus ad Feroniae fanum mercatu fre-⁵

⁸ *Quibus quisque poterat*] Hellenismus, pro iis quae quisque poterat. Sic. iv. 39. *Quibus poterat sauciis ductis secum.* CREV.

⁹ *Quadringentorum*] Sequitur Livius eundem calculum, quem Virg. Aen. i. 276. et Justinus, xliii. 1. Dionysius cum plerisque numerat annos 489. quibus Alba steterit. CREV.

¹ *Coelius*] Albanis sedem Coelium a Tullio assignatum esse vult Niebhr. qui Luceres Albanos fuisse putat, et Tullum, ipsum ex urbe Medullia Albana stirpe prognatum, Luceres in civitatem adsociasse. cf. Dion. iii. 1. et Eutrop. Strabo autem v. p. 358 et Cic. de Rep. ii. 18, Ancum Marcium urbi Coelium adiunxisse confirmant. cf. Tac. Ann. iv. 64, 65.

² *In Patres*] In patricos adlegit,

quippe consentiunt omnes a nullo rege nisi Romulo, Tatius, et Tarquinio Prisco senatores adlectos fuisse. Vox illa ambigua, *patres*, in prioribus libris Livianis, plerumque patricos intelligit. Niebhr. i. p. 322. 598.

³ *Hostilia*] A Tullo Hostilio extracta, usque ad patrum nostrorum aetatem appellata est: nam conflagravit U. C. 700. quum cadaver P. Clodii in ea cremaretur Plin. H. N. xxxiv. 5. Dio Cass. xl. 48. Livius autem obiit U. C. 770. RUP.

⁴ *Equitum decem turmas*] sc. Unam centuriam, in quam Luceres conscriptos fuisse censet Niebhr.

⁵ *Ad Feroniae fanum*] Triplex huius Deae in Italia fanum: unum ad Terracinam. Hor. Sat. I. v. 24. Serv. in Aen. vii. 799. viii. 564, ubi

quenti negotiatores Romanos comprehensos querebatur. Sabini suos prius in lucum confugisse ac Romae retentos. Hae causae belli ferebantur. Sabini, haud parum memores, et suarum virium partem Romae ab Tatio locatam, et Romanam rem nuper etiam adiectione populi Albani auctam, circumspicere et ipsi externa auxilia. Etruria erat vicina; proximi Etruscorum Veientes. Inde, ob residuas bellorum iras maxime sollicitatis ad defectionem animis, voluntarios traxere: et apud vagos quosdam ex inopi plebe etiam merces valuit. Publico auxilio nullo adiuti sunt; valuitque apud Veientes (nam de ceteris minus mirum est) pacta cum Romulo indutiarum fides. Quum bellum utrimque summa ope pararent, vertique in eo res videretur, utri prius arma inferrent, occupat Tullus in agrum Sabinum transire. Pugna atrox ad silvam Malitiosam fuit: ubi et peditum quidem robore, ceterum equitatu aucto nuper, plurimum Romana acies valuit. Ab equitibus repente invectis turbati ordines sunt Sabinorum: nec pugna deinde illis constare, nec fuga explicari sine magna caede potuit.

Devictis Sabinis, quum in magna gloria magnisque opibus regnum Tulli ac tota res Romana esset, nuntiatum regi Patribusque est, in monte Albano lapidibus pluisse. Quod quum credi vix posset, missis ad id visendum prodigium, in conspectu, haud aliter quam quum grandinem venti glomeratam in terras agunt, crebri cecidere coelo lapides. Visi etiam audire vocem ingentem ex summi cacuminis luco, ut patrio ritu sacra Albani facerent, quae, velut diis quoque simul cum patria relictis, oblivioni dederant: et aut Romana sacra susceperant, aut, fortunae, ut fit, obirati, cultum reliquerant deum. Romanis quoque ab eodem prodigio novendiale sacrum publice susceptum est: seu voce coelesti ex Albano monte missa, (nam id quoque traditur) seu haruspicum monitu. Mansit certe sollemne, ut, quandoque idem prodigium nuntiaretur, feriae per novem dies agerentur.

31.

Lapidibus
pluit in Al-
bano mon-
te.

servi in libertatem vindicati pileum petebant; alterum in Etruria ad Vesidiam, Gruter. Inscr. p. 220; tertium de quo nunc agitur in Etruria ad radices Soractis montis in agro Capenate, ubi frequens totius Italiae mercatus. Cf. Dion. iii. 52.

6 Indutiarum] Quae ruptae quidem ipso regnante Tullo fuerant, sed videntur fuisse renovatae. Vid. infr. 42. et ea quae ibi annotabimus. Romulus autem hic appellatur, quia primus illarum auctor. Perizonius

Animadv. Histor. 4. scripsisse Livium censet *Pacta cum Tullo*. Cray.

7 Lapidibus pluisse] De his aliisque prodigiis h. e. rebus quibusvis, quae contra naturae morem fiunt, iramque divinam indicant (unde hyems praeter morem gelida ac nivosa infr. 14 dicitur *prodigiis divinis signalis*) vid. I. A. F. Steger *von den Prodigien* Brunsv. 1800. et Heyn. Opusc. Acad. iii. p. 198-215. et 255-274. Rev.

Tulli mor-
bus et mors.

Haud ita multo post pestilentia laboratum est. Unde quum pigritia militandi oriretur; nulla tamen ab armis quies dabatur ab bellicoso rege, salubriora etiam credente militiae, quam domi, iuvenum corpora esse: donec ipse quoque longinquo morbo est implicitus. Tunc adeo fracti simul cum corpore sunt spiritus illi feroces, ut, qui nihil ante ratus esset minus regium, quam sacris dedere animum, repente omnibus magnis parvisque superstitionibus obnoxius degeret, religionibusque etiam populum impleret. Vulgo iam homines, eum statum rerum, qui sub Numa rege fuerat, requirentes, unam opem aegris corporibus relictam, si pax veniaque ab diis impetrata esset, credebant. Ipsum regem, tradunt, volventem commentarios Numae, quum ibi quaedam occulta sollennia sacrificia Iovi Elicio facta invenisset, operatum his sacris se abdidisse: sed non rite initum aut curatum id sacrum esse; nec solum nullam ei oblatam coelestium speciem, sed ira Iovis, sollicitati prava religione, fulmine ictum cum domo conflagrasset. Tullus magna gloria belli regnavit annos duos et triginta.

32.

U. C. 114.
A. C. 638.
Ancus Mar-
cius rex
electus.

Sacra rite
colenda cu-
rat.

Mortuo Tullo, res, ut institutum iam inde ab initio erat, ad Patres redierat: hique interregem nominaverant. Quo comitia habente, Ancum Marcium regem populus creavit: Patres fuere auctores. Numae Pompilii regis nepos, filia ortus, Ancus Marcius erat. Qui, ut regnare coepit, et avitae gloriae memor, et quia proximum regnum, cetera egregium, ab una parte haud satis prosperum fuerat, aut neglectis religionibus, aut prave cultis; longe antiquissimum ratus, sacra publica, ut ab Numa instituta erant, facere; omnia ea ex commentariis regis pontificem in album relata, proponere in publico iubet. Inde et civibus otii cupidis, et finitimis civitatibus facta spes, in avi mores atque instituta regem abiturum. Igitur Latini, cum quibus, Tullo regnante, ictum foedus erat, sustulerant animos: et, quum incursionem in agrum Romanum fecissent, repetentibus res Romanis superbe responsum reddunt; desidem Romanum regem inter sacella et aras acturum esse regnum rati. Medium erat in Anco ingenium, et Numae, et Romuli memor: et, praeterquam quod avi regno magis necessariam fuisse pacem credebat, quum in novo, tum feroci populo; etiam, quod illi contigisset otium, sine iniuria id se haud facile habiturum: tentari patientiam et tentatam contemni: temporaque esse Tullo regi aptiora, quam Numae. Ut tamen, quoniam Numa in pace religiones instituisset, a se bellicae caerimoniae proderentur; nec

8 *Regem populus creavit*] "Rex a itemque de imperio suo legem curia-
populo est Ancus Marcius constitutus, tam tulit." Cic. de Rep. ii. 18.

gererentur solum, sed etiam indicerentur bella aliquo ritu ;
 9 ius ab antiqua gente Aequicolis, quod nunc fetiales
 habent, descripsit, quo res repetuntur. Legatus, ubi ad Belli indi-
cendi ritus.
 fines eorum venit, unde res repetuntur, capite velato filo
 (lanae velamen est) ‘Audi, Iupiter,’ inquit, ‘audite, fines ;’
 (cuiuscunque gentis sunt, nominat) ‘audiat Fas. Ego sum
 ‘publicus nuntius populi Romani, iuste pieque legatus venio,
 ‘verbisque meis fides sit.’ Peragit deinde postulata. Inde
 Iovem testem facit : ‘Si ego iniuste impieque illos homines
 ‘illasque res dedier nuntio populi Romani mihi exposco,
 ‘tum patriae compotem me nunquam siris esse.’ Haec,
 quum fines suprascaudit, haec, quicumque ei primus vir
 obuius fuerit, haec, portam ingrediens, haec, forum ingressus,
 paucis verbis carminis concipiendique iurisiurandi mutatis,
 peragit. Si non deduntur, quos exposcit, diebus tribus et
 triginta (tot enim sollennes sunt) peractis, bellum ita
 indicit : ‘Audi, Iupiter, et tu, Iuno, Quirine, diique omnes
 ‘coelestes, vosque terrestres, vosque inferni audite. Ego
 ‘vos testor, populum illum,’ (quicumque est, nominat)
 ‘iniustum esse, neque ius persolvere. Sed de istis rebus in
 ‘patria maiores natu consulemus, quo pacto ius nostrum
 ‘adipiscamur.’ Cum his nuntius Romam ad consulendum
 redit. Confestim rex his ferme verbis Patres consulebat :
 ‘Quarum rerum, litium, causarum condixit pater patratus
 ‘populi Romani Quiritium patri patrato priscorum Latino-
 ‘rum hominibusque priscis Latinis, quas res dari, fieri, solvi
 ‘oportuit, quas res nec dederunt, nec fecerunt, nec solverunt,
 ‘dic,’ inquit ei, quem primum sententiam rogabat, ‘quid
 1 ‘censes?’ Tum ille : ‘Puro pioque duello quaerendas
 ‘censeo, itaque consentio, consciscoque.’ Inde ordine
 alii rogabantur : quandoque pars maior eorum, qui aderant,
 in eandem sententiam ibat, bellum erat consensu. Fieri
 2 solitum, ut fetialis hastam ferratam aut sanguineam prae-
 ustam ad fines eorum ferret, et, non minus tribus puberibus
 praesentibus, diceret : ‘Quod populi priscorum Latinorum
 ‘hominesque prisci Latini adversus populum Romanum

9 *Ius ab antiqua gente Aequicolis*] Repetitum descripsit. Valerius in Epit. de praenominibus ab Aequicolis Sertorem Resium, qui primus ius fetiale instituit. Pro Aequicolis, quae est depravatio grammaticorum, leg. Aequiculis. cf. Heyne ad Virg. Aen. vii. 747. RCP. Feciales a Numa instituti fuere. Haud scio an Ancus Aequorum ritus quosdam ad priscam illam Numae disciplinam adiecerit. Hoc tamen ius feciale, quidquid esset, Tullum constituisse scribit Cic. de

Rep. ii. 17. Cramer, Ancient Italy, i. p. 322. Wachsm. p. 219. Aequiculis, Bekker. et Cramer.

1 *Puro pioque duello quaerendas censeo*] Versus Saturnius, si particula *que* omiseris; alios plures passim inveniis.

2 *Hastam . . . sanguineam*] *Hasta sanguinea* non est ex arbore sanguinea fabricata, quod nonnulli putarunt, sed vero sanguine infecta. Stroth. cf. Amm. Marcell. xix. 1, “Hastam infectam sanguine,” et seqq.

‘Quiritium fecerunt, deliquerunt, quod populus Romanus³
 ‘Quiritium bellum cum priscis Latinis iussit esse, senatus-
 ‘que populi Romani Quiritium censuit, consensit, conscivit,
 ‘ut bellum cum priscis Latinis fieret; ob eam rem ego
 ‘populusque Romanus populis priscorum Latinorum homi-
 ‘nibusque priscis Latinis bellum indico facioque.’ Id ubi
 dixisset, hastam in fines eorum emittebat. Hoc tum modo
 ab Latinis repetitae res, ac bellum indictum: moremque
 eum posterius acceperunt.

33.

Bellum
cum Lati-
nis.

Aventinus
mons addi-
tus.

Ancus, demandata cura sacrorum flaminibus sacer-
 dotibusque aliis, exercitu novo conscripto profectus, Po-
 litorium, urbem Latinorum, vi cepit; secutusque morem
 regum priorum, qui rem Romanam auxerant hostibus in
 civitatem accipiendis, multitudinem omnem Romam tra-
 duxit. Et, quum circa Palatium, sedem veterum Roman-
 orum, Sabini Capitolium atque arcem, Coelium montem
 Albani implessent; Aventinum novae multitudini datum.⁴
 Additi eodem haud ita multo post, Tellenis Ficanaque
 captis, novi cives. Politorium inde rursus bello repetitum,
 quod vacuum occupaverant prisci Latini: eaque causa diru-
 endae urbis eius fuit Romanis, ne hostium semper recepta-
 culum esset. Postremo, omni bello Latino Medulliam
 compulso, aliquamdiu ibi Marte incerto, varia victoria,
 pugnatum est: nam et urbs tuta munitionibus, praesidioque
 firmata valido erat, et, castris in aperto positis, aliquoties
 exercitus Latinus cominus cum Romanis signa contulerat.
 Ad ultimum, omnibus copiis connisus, Ancus acie primum
 vincit: inde, ingenti praeda potitus, Romam redit, tum
 quoque multis millibus Latinorum in civitatem acceptis;⁵
 quibus, ut iungeretur Palatio Aventinum, ad Murciae⁶
 datae sedes. Ianiculum quoque adiectum; non inopia⁷

Ianiculum

3 *Populus Romanus Quiritium*] sc. *Populus Romanus* et *Populus Qui-ritium*. cf. Niebhr. i. p. 288. et Brisson. de Formul. i. p. 61. qui particulam coniunctivam *et* in usum sero venisse scribit. cf. supr. 3. *Quiritium*, i. e. Sabinorum, qui cum “faece Romuli” coaluerant.

4 *Aventinum*] “Qui cum Latinis bello devicisset, adscivit eos in civitatem, atque idem Aventinum et Coelium montem adiunxit urbi.” Cic. de Rep. ii. 18. “Aventinum et Ianiculum urbi addidit, nova moenia oppido circumdedit.” Aur. Vict. de Vir. Ill. 5. Aventinus tamen mons extra pomœrium mansit, A. Gell. xiii. 14. Wachsm. p. 163. usque ad Claudii Imperatoris aetatem.

5 *Multis millibus Latinorum*] Hinc

plebs, Anei scilicet populus, originem habuit. Niebhr. i. p. 349. “Sis quocumque tibi placet Sancta nomine, *Romulique Ancique*, ut solita es, bona sospites ope gentem.” Catull. xxxiv. cf. Virg. Aen. vi. 816. Enn. iii. p. 53. Lucret. iii. 1038.

6 *Ad Murciae*] Circa aedem Veneris Murciae. *Murcia* quasi *Murtea*. *Murtea* autem primo dicta fuerat, vel quia myrtus Veneri sacra, vel a myrteto prope hanc aedem consito. Alii *Murciam* desidia deam fuisse volunt, quae homines *murcidos*, sive ignavos faceret. CREV. cf. Plin. H. N. xv. 29. Plut. Qu. Rom. ii. p. 268.

7 *Ianiculum*] Sic dictum, sive a Iano, qui ibi vel sit sepultus, vel habitaverit; sive, auctore Festo, quod per eum, tanquam per *ianuam*, popu-

loci, sed ne quando ea arx hostium esset. Id non muro ^{urbi con-}
 solum, sed etiam, ob commoditatem itineris, ponte sub-^{iunctum.}
 8 licio, tum primum in Tiberi facto, coniungi urbi placuit.
 9 Quiritium quoque fossa, haud parvum munimentum a
 planioribus aditu locis, Anci regis opus est. Ingenti incre-
 mento rebus auctis, quum in tanta multitudine hominum,
 discrimine recte an perperam facti confuso, facinora clan-
 destina fierent, carcer ad terrorem increscentis audaciae
 media urbe, imminens foro aedificatur. Nec urbs tantum ^{Imperii fi-}
 hoc rege crevit, sed etiam ager finesque. Silva Maesia ^{nes prolati.}
 Veientibus adempta, usque ad mare imperium prolatum, et
 1 in ore Tiberis Ostia urbs condita: salinae circa factae,
 egregieque rebus bello gestis, aedis Iovis Feretrii ampli-
 cata.

2 Anco regnante, Lucumo, vir impiger ac divitiis potens, 34.
 Romam commigravit, cupidine maxime ac spe magni ^{U. C. 121.}
 honoris, cuius adipiscendi Tarquiniis (nam ibi quoque ^{A. C. 631.}
 peregrina stirpe oriundus erat) facultas non fuerat. Da- ^{L. Tarqui-}
 3 marati Corinthii filius erat; qui, ob seditiones domo ^{nus Ro-}
 profugus, quum Tarquiniis forte consedisset, uxore ibi ^{mam venit.}
 ducta, duos filios genuit. Nomina his Lucumo atque
 Aruns fuerunt. Lucumo superfuit patri, bonorum omnium
 heres: Aruns prior, quam pater, moritur, uxore grvida
 relicta. Nec diu manet superstes filio pater: qui quum, ^{Eius genus}
 ignorans nurum ventrem ferre, immemor in testando ^{et fata.}
 nepotis decessisset, puero, post avi mortem in nullam sortem
 bonorum nato, ab inopia Egerio inditum nomen. Lu-

lus Romanus transierit in agrum
 Etruseum. Id tum communitum ab
 Anco, non vere adiectum aut coniun-
 ctum urbi videtur. CREV.

8 *Ponte sublicio*] Qui innitebatur
 palis s. trabibus et tignis, quae *sublicae*
 dicebantur, vel qui ex trabibus, sine
 omni aere aut ferro, compositus erat,
 ita disposita contignatione, ut exime-
 rentur trabes ac reponerentur, et vel
 clavum iis addere religioni esset. Plin.
 H. N. xxxvi. 15. RUP. Nimrum ut
 Etrusci hostibus transitus Tiberis, si
 ita placuisset Romanis, intercludere-
 tur.

9 *Quiritium Fossa*] Hod. *La Mar-
 rana*, quam Niebhr. ab radicibus A-
 ventini Capenam portam versus per
 vallem, postea vicum Septem Vias
 dictam, quae Coelum montem et
 Palatinum dirunt, ductam fuisse ar-
 bitratur. Hae fossa aquae a valle
 Murciae in Tiberim derivatae sunt.

1 *Ostia*] cf. Cic. de Rep. ii. 18.

Dion. iii. 44. Plin. H. N. iv. 5.
 Heyn. Opusc. Acad. v. p. 416. A
salinis autem *circa factis* nomen ac-
 cepit *via salaria*, quae in Sabinos
 ferebat, vel, ut Festus dicit, a sale,
 quod per eam Sabini deferebant a
 mari. RUP.

2 *Lucumo*] Lucumones sacerdo-
 tum gens apud Etruseos militaris,
 qualem nos vulgo dicimus, *a warlike*
sacerdotal caste; patricii, non reges
 Niebhr. i. p. 372.

3 *Damarati*] Damaratum Corin-
 thiorum tyrannum in Italiam fugisse
 consentiunt Cic. de Rep. ii. 19. Dio-
 nys. iii. 46. Fictam autem omnino
 a Graeculo quoddam hanc fabulam, qui
 annorum inter Cypselum et Dama-
 ratum rationem non habuit, censet
 Niebhr. qui Tarquinium Etrusca
 stirpe oriundum quoddam autumavit.
 cf. Claud. Imp. Orat. apud Gruter. p.
 vii. Sed ultima manu Latinum eum et
 Lucernum patronum scripsit Niebhr.

cumoni contra, omnium heredi bonorum, quum divitiae iam animos facerent, auxit ducta in matrimonium Tanaquil, summo loco nata, et quae haud facile iis, in quibus⁴ nata erat, humilia sineret ea, quae innupsisset. Sprenentibus Etruscis Lucumonem, exsule advena ortum, ferre indignitatem non potuit; oblitaque ingenitae erga patriam caritatis, dummodo virum honoratum videret, consilium migrandi ab Tarquiniis cepit. Roma est ad id potissimum⁵ visa. In novo populo, ubi omnis repentina atque ex virtute nobilitas sit, futurum locum forti ac strenuo viro: regnasse Tatium Sabinum: arcessitum in regnum Numam a Curibus: et Ancum Sabina matre ortum,⁶ nobilemque una imagine Numae esse. Facile persuadet, ut cupido honorum, et cui Tarquinii materna tantum patria esset. Sublatis itaque rebus commigrant Romam. Ad Ianiculum forte ventum erat. Ibi ei, carpento sedenti cum uxore, aquila, suspensis demissa leniter alis, pileum aufert: superque carpentum cum magno clangore volitans, rursus, velut ministerio divinitus missa, capiti apte reponit: inde sublimis abiit. Accepisse id augurium laeta dicitur Tanaquil, perita, ut vulgo Etrusci, coelestium prodigiorum mulier. Excelsa et alta sperare complexa virum iubet: eam alitem ea regione coeli et eius dei nuntiam venisse: circa summum culmen hominis auspicium fecisse: levasse humano superpositum capiti decus, ut divinitus eidem redderet. Has spes cogitationesque secum portantes, urbem ingressi sunt; domicilioque ibi comparato, L. Tarquinius Priscum⁷ edidit nomen. Romanis conspicuum eum novitas divitiaeque faciebant: et ipse fortunam benigno alloquio, comitate in-

⁴ *Tanaquil*] Quae in alia fabula Caia Caecilia dicitur. Cf. Festus v. *Praedia*. Niebhr. i. p. 357. qui Caeciliam antiquioris aevi, et Latinam originem sapere putat, quippe quod a Caeculo, gentis Caeciliae eponymo, oppidum Praeneste conditum dicitur. cf. Serv. in Aen. vii. 681.

⁵ *Potissimum*] Ita codd. sed *potissima* ex emendat. Gronov. in textum recepit Bekker.

⁶ *Sabina matre*] Perizonius Anim. Hist. 3. legi iubet *Sabino patre*: quum Sabina mater obiici Anco non possit, ut quae regis Numae filia ingentem claritudinem filio conciliaret; quemadmodum hoc ipso loco Tanaquil agnoscit his verbis, *nobilemque una imagine Numae esse*. Contra Sabinus pater recte obiici Anco potest, homo peregrinus, nec ulla re notus, praeterquam suo cum Pompilia matrimonio. Unde Seneca Ep. 108. *Anci*

pater nullus: Numae nepos dicitur. CREV.

⁷ *Priscum*] Sigonius existimat delendam esse hanc vocem. Longe enim verisimilius esse putat Tarquinium non cognominatum fuisse Priscum, nisi multis post annis, ut a Superbo, qui eodem nomine ac praenomine erat, distingueretur. Atque ita censet Dion. iv. 41. Eam vocem ab uno e MSS. suis abesse testatur Hearnius. CREV. Contra Niebhr. i. p. 371. cognomen hoc Latinum esse, et stirpem Latinam Tarquiniarum indicare, ut Serviliorum, quibus, Alba oriundis, cognomen erat Priscus; censori quoque Marco Porcio cognomen esse Priscum, ut qui, in agro Sabino, sanguine Latino prognatus esset. cf. Plut. Cato, i. sed posteros, quos vis antiqua verbi fefellit, temporis non gentis rationem fuisse habitam somniasse.

vitandi, beneficiisque, quos poterat, sibi conciliando, adiuvabat; donec in regiam quoque de eo fama perlata est: notitiamque eam brevi, apud regem liberaliter dextreque obeundo officia, in familiaris amicitiae adduxerat iura, ut publicis pariter ac privatis consiliis belli domique interesset: et, per omnia expertus, postremo tutor etiam liberis regis testamento institueretur.

Regnavit Ancus annos quattuor et viginti, cuilibet superiorum regum belli pacisque et artibus et gloria par. 35.
Moritur
Ancus.
Iam filii prope puberem aetatem erant: eo magis Tarquinius instare, ut quam primum comitia regi creando fierent. Quibus indictis, sub tempus pueros venatum ablegavit: isque primus et petisse ambitiose regnum, et orationem dicitur habuisse ad conciliandos plebis animos Tarquinius
regnum am-
bit. compositam: 'Quum se non rem novam petere: quippe
'qui non primus, quod quisquam indignari mirarive posset,
'sed tertius Romae peregrinus regnum affectet: et Tatium
'non ex peregrino solum, sed etiam ex hoste, regem fac-
'tum: et Numam, ignarum urbis, non petentem, in regnum
'ultra accitum: tum se, ex quo sui potens fuerit, Romam
'cum coniuge ac fortunis omnibus commigrasse: maiorem
'partem aetatis eius, qua civilibus officiis fungantur homines,
'Romae se, quam in vetere patria, vixisse: domi militiaeque
'sub haud poenitendo magistro, ipso Anco rege, Romana
'se iura, Romanos ritus didicisse: obsequio et observantia
'in regem cum omnibus, benignitate erga alios cum rege
'ipso certasse.' Haec eum haud falsa memorantem ingenti U. C. 138.
A. C. 614.
Eligitur. consensu populus Romanus regnare iussit. Ergo virum, cetera egregium, secuta, quam in petendo habuerat, etiam regnantem ambitio est. Nec minus regni sui firmandi, quam augendae reipublicae, memor, centum in Patres legit; qui deinde minorum gentium sunt appellati: factio haud dubia regis, cuius beneficio in curiam venerant. Bellum primum cum Latinis gessit, et oppidum ibi Apiolas Bellum
cum Lati-
nis. vi cepit: praedaeque inde maiore, quam quanta belli fama fuerat, revecta, ludos opulentiùs instructiusque, quam priores reges, fecit. Tum primum circo, qui nunc maximus

8 *Centum in Patres legit*] Quos trecentorum Senatorum numerum explevisse scribit Dionysius iii. 67, et ex plebeiis adlectos: contra vero Niebuhrius hos Luceres fuisse, qui a Tullo Hostilio in curias adscripti, nunc tandem in senatum viam sibi muniverunt. Niebhr. i. p. 196.

9 *Minorum gentium*] Minus insignium familiarum. Nempe *maiorum gentium Patres* habiti et dicti sunt ii, qui originem ducebant ab iis quos

Romulus ex primis Romanis, ac deinde ex Sabinis, in Patres legerat. Crev. Hae vero non nisi sero eadem dignitate, qua maiores gentes, ornatae sunt.

1 *Maximus*] Inter Aventinum et Palatinum montes, per vallem Murciae ductus. Loca quidem in hoc circo singulis curiis assignata, cf. Dion. iii. 68. plebi autem sua spectacula in pratis Flaminii, ubi postea circus Flaminius, erant.

Circus
maximus.

Ludi Ro-
mani.

36.
Bellum
cum Sabi-
nis.

Attus
Navius.

dicitur, designatus locus est: loca divisa Patribus equitibus-
que, ubi spectacula sibi quisque facerent; fori appellati. Spectavere furcis duodenos ab terra spectacula alta sus-²
tinentibus pedes. Ludicrum fuit: equi pugilesque ex
Etruria maxime acciti. Sollennes deinde annui mansere
ludi, Romani Magnique varie appellati. Ab eodem rege et
circa forum privatis aedificanda divisa sunt loca; porticus
tabernaeque factae.

Muro quoque lapideo circumdare urbem parabat, quum
Sabinum bellum coeptis intervenit: adeoque ea subita res
fuit, ut prius Anienem transirent hostes, quam obviam
ire ac prohibere exercitus Romanus posset. Itaque tre-
pidatum Romae est: et primo dubia victoria magna
utrimque caede pugnatum est. Reductis deinde in castra
hostium copiis, datoque spatio Romanis, ad comparandum
de integro bellum, Tarquinius, equitem maxime suis deesse
viribus ratus, ad Ramnes, Titienses, Luceres, quas cen-
turias Romulus scripserat, addere alias constituit, suoque³
insignes relinquere nomine. Id quia inaugurato Romulus
fecerat, negare Attus Navius, inclutus ea tempestate augur,
neque mutari, neque novum constitui, nisi aves addixissent,
posse. Ex eo ira regi mota, eludensque artem, ut ferunt,
'Agedum,' inquit, 'divine tu, inaugura, fierine possit, quod
'nunc ego mente concipio.' Quum ille, in augurio rem
expertus, profecto futuram dixisset; 'Atqui hoc animo
'agitavi,' inquit, 'te novacula cotem discissurum. Cape
'haec, et perage, quod aves tuae fieri posse portendunt.'
Tum illum haud cunctanter discidisse cotem ferunt.
Statua Atti capite velato, quo in loco res acta est, in
comitio, in gradibus ipsis ad laevam curiae fuit: cotem quo-
que eodem loco sitam fuisse memorant, ut esset ad pos-
teros miraculi eius monumentum. Auguriis certe sacerdo-
tioque augurum tantus honos accessit, ut nihil belli domi-
que postea, nisi auspicato, gereretur: concilia populi,⁴
exercitus vocati, summa rerum, ubi aves non admisissent,
dirimerentur. Neque tum Tarquinius de equitum cen-
turiis quicquam mutavit: numero alterum tantum ad-⁵

² *Furcis*] E spectaculis, sive sedi-
libus, altis duodenos ab terra pedes,
quae furcis sustinebantur.

³ *Addere alias*] Ex plebe scilicet,
ut Niebuhrio placet.

⁴ *Concilia populi, exercitus vocati*] h. e. Comitia curiata, et Comitia cen-
turiata cf. Niebhr. i. p. 418.

⁵ *Alterum tantum*] Quomodo du-
plicatus equitum numerus mille et
octingentos dederit, non satis apparet.
Romulus tres equitum centurias con-

scripsit, supra 13. Tullus supra
30. decem turmas ex Albanis legit:
quae, quum singulae tricenis equitibus
constarent, universae trecentos effi-
ciunt. Itaque, si Livium solum con-
sulamus, sexcentos tantum equites
ante Tarquinium habemus. Dion.
ii. scribit mille ferme equites a Ro-
mulo relictos fuisse: qui numerus,
cum iis quos Tullus addidit, iusto
maior erit. CREV.

6 iecit, ut mille et octingenti equites in tribus centuriis essent. Posteriores modo sub iisdem nominibus, qui additi erant, appellati sunt: quas nunc, quia geminatae sunt, sex vocant centurias.

Hac parte copiarum aucta, iterum cum Sabinis con-
fligitur. Sed praeterquam quod viribus creverat Ro-
manus exercitus, ex occulto etiam additur dolus, missis,
qui magnam vim lignorum, in Anienis ripa iacentem,
ardentem in flumen coniicerent: ventoque iuvante accensa
7 ligna, et pleraque in ratibus, impacta sublicis quum haere-
rent, pontem incendunt. Ea quoque res in pugna terrorem
8 attulit Sabinis. Effusis eadem fugam impediit: multique Sabini fun-
mortales, quum hostem effugissent, in flumine ipso periere: duntur.
quorum fluitantia arma ad urbem cognita in Tiberi prius
paene, quam nuntiari posset, insignem victoriam fecere.
Eo proelio praecipua equitum gloria fuit: utrimque ab
cornibus positos, quum iam pelleretur media peditum
suorum acies, ita incurrisse ab lateribus ferunt, ut non
sisterent modo Sabinas legiones, ferociter instantes cedenti-
bus, sed subito in fugam averterent. Montes effuso cursu
Sabini petebant, et pauci tenuere; maxima pars, ut ante
dictum est, ab equitibus in flumen acti sunt. Tarquinius,
instandum perterritis ratus, praeda captivisque Romam
missis, spoliis hostium (votum id Vulcano erat) ingenti
cumulo accensis, pergit porro in agrum Sabinum exercitum
inducere. Et, quanquam male gesta res erat, nec gesturos
melius sperare poterant, tamen, quia consulendi res non
dabat spatium, iere obviam Sabini tumultuario milite: iter-
umque ibi fusi, perditis iam prope rebus, pacem petiere. 38.
Collatia, et quicquid circa Collatiam agri erat, Sabinis Collatia Sa-
9 ademptum. Egerius (fratris hic filius erat regis) Col- binis ad-
empta.

6 *Mille et octingenti*] "Prioribus equitum partibus secundis additis m ac ce fecit equites, numerumque duplicavit, postquam bellosubegit Aeque- rum magnam gentem et ferocem." Cic. de Rep. ii. 20, ubi Angel. Mai. "praeclara Ciceronis lectio, quae Li- vii mendosum locum purgat, ubi equites dicuntur facti *mille et octin- genti*; felicemque Glareani et Sal- masii coniecturam dilaudat, qui legen- dum in Livio nec iamdiu docuerant." Quae emendatio Niebuhrio valde arri- det, qui l. p. 355. dicit in Florent. Cod. Livian. legi *mdccc* literis uncialibus scriptum, scilicet *maecc* (*maece*). Quapropter minime mirum est, quod incuria scribendi *mccc* passim in MSS. occurrit: numerum autem duplicatum fuisse putat Niebhr. quo tempore pos-

tea equites Latini una cum Romanis admisti in acie stabant, ita ut sex illae centuriae quibus *sex suffragia* nomen ap. Festum, una cum Latinis mille et ducentos equites efficerent. Qui vero mille et octingentos equites Romanos fuisse volunt, haud dubie ad Servianos equites plebeios spectant. cf. infr. 43.

7 *Pleraque*] se. Ligna non singula dissoluta et dispersa, sed in ratibus ferebantur, ut inter publicas pontis transire non possent, sed eo facilius his impacte haerent. Hanc inter- pretationem confirmat Dion. iii. 56. STROTH.

8 *Effusis*] Ita codd. sed *et fuis* ex coniectura Gronov. in textum recepit Bekker.

9 *Egerius . . . Collatiae*] In eam urbem imperium a patre accepit,

Formula
deditionis.

latiae in praesidio relictus: deditosque Collatinos ita accipio, eamque deditionis formulam esse. Rex interrogavit: 'Estisne vos legati oratoresque missi a populo Collatino, ut vos populumque Collatinum dederetis? Sumus. Estne populus Collatinus in sua potestate? Est. Deditisne vos, populumque Collatinum, urbem, agros, aquam, terminos, delubra, utensilia, divina, humanaque omnia, in meam populiue Romani ditionem? Dedimus. At ego recipio.'

Bellum
cum Latinis.

Bello Sabino perfecto, Tarquinius triumphans Romam rediit. Inde priscis Latinis bellum fecit: ubi nusquam ad universae rei dimicationem ventum est. Ad singula oppida circumferendo arma, omne nomen Latinum domuit. Corniculum, Ficulea vetus, Cameria, Crustumerium, Ameriola, Medullia, Nomentum, haec de priscis Latinis, aut qui ad Latinos defecerant, capta oppida. Pax deinde est facta.

Pacis
opera.

Maiore inde animo pacis opera inchoata, quam quanta mole gesserat bella: ut non quietior populus domi esset, quam militiae fuisset. Nam et muro lapideo, cuius exordium operis Sabino bello turbatum erat, urbem, qua nondum munierat, cingere parat: et infima urbis loca circa forum aliasque interiectas collibus convalles, quia ex planis locis haud facile evehebant aquas, cloacis e fastigio in Tiberim ductis siccant: et aream ad aedem in Capitolio Iovis, quam voverat bello Sabino, iam praesagiente animo futuram olim amplitudinem loci, occupat fundamentis.

39.
Servius
Tullius.

Eo tempore in regia prodigium visu eventumque mirabile fuit. Pueri dormienti, cui Ser. Tullio nomen fuit, caput arsisse ferunt multorum in conspectu. Plurimo igitur clamore inde ad tantae rei miraculum orto excitos reges: et quum quidam familiarium aquam ad restinguendum ferret, ab regina retentum: sedatoque eam tumultu, moveri vetuisse puerum; donec sua sponte experrectus esset. Mox cum somno et flammam abiisse. Tum abducto in secretum viro Tanaquil, 'Viden' tu puerum hunc,' inquit, 'quem tam humili cultu educamus? Scire licet, hunc lumen quondam rebus nostris dubiis futurum, praesidiumque regiae afflictae: proinde materiem ingentis publice privatimque decoris omni indulgentia nostra

nullis nec iuris nec temporis limitibus definitum. Atque inde ipsi et posteris Collatini cognomen. Dion. iv. 64. CREV. Sub hac narratione veriore antiquae fabulae formam latere putat Niebhr. i. n. 1102. cf. Wachsm. p. 157. qui Egerium Collatiae, pariter ac postea Sextum Tarquinium Ga-

biis, praefectum fuisse existimat.

[Cloacis] Quibus aquae ex Velabro, et Suburra, ex Valle Circi, et ex Foro Romano deductae sunt. Horum quidem operum aliorumque fundamenta posuit Tarquinius Priscus, ultimam manum addidit Superbus cf. Dion. iii. 67. Plin. H. N. xxxvi. 15.

‘nutriamus.’ Inde puerum liberum loco coeptum haberi, erudiri que artibus, quibus ingenia ad magnae fortunae cultum excitantur. Evenit facile, quod diis cordi esset. Iuvenis evasit vere indolis regiae: nec, quum quaereretur gener Tarquinio, quisquam Romanae iuventutis ulla arte conferri potuit: filiamque ei suam rex despondit. Hic quacunque de causa tantus illi honos habitus credere prohibet, ²serva natum eum, parvumque ipsum servisse. ³Eorum magis sententiae sum, qui, Corniculo capto, Ser. Tullii, qui princeps in illa urbe fuerat, gravidam viro occiso uxorem, quum inter reliquas captivas cognita esset, ob unicam nobilitatem ab regina Romana prohibitam ferunt servitio partum Romae edidisse, Prisci Tarquinii domo. Inde tanto beneficio et inter mulieres familiaritatem auctam, et puerum, ut in domo a parvo eductum, in caritate atque honore fuisse: fortunam matris, quod capta patria in hostium manus venerit, ut ⁴serva natus crederetur, fecisse.

Duodequadragesimo ferme anno, ex quo regnare coeperat Tarquinius, non apud regem modo, sed apud Patres plebemque longe maximo honore Ser. Tullius erat. Tum Anci filii duo etsi antea semper pro indignissimo habuerant, se patrio regno tutoris fraude pulsos, regnare ⁵Romae advenam, non modo civicae, sed ne Italicae quidem stirpis; tum impensius his indignitas crescere, si ne ab Tarquinio quidem ad se rediret regnum, sed praeceps inde porro ad servitia caderet: ut in eadem civitate post centesimum fere annum, quam Romulus deo prognatus, deus ipse, tenuerit regnum, donec in terris fuerit, id servus ⁶serva natus possideat. Tum commune Romani nominis, tum praecipue id domus suae dedecus fore, si, Anci regis virili stirpe salva, non modo advenis, sed servis etiam, regnum Romae pateret. Ferro igitur eam arcere contumeliam statuunt. Sed et iniuriae dolor in Tarquinium ipsum magis,

40.

Anci filiorum conspiratio.

² *Serva natum*] “Quem ferunt ex serva Tarquiniensi natum, cum esset ex quodam regis cliente conceptus.” Cic. de Rep. ii. 21. cf. Fest. v. *Servorum dies*. Wachsm. p. 161.

³ *Eorum*] cf. Dion. iv. 32. Oratione Imp. Claud. apud Tac. ed. Lips. fol. p. 528. vel ap. Gruter, p. 111. “Servius Tullius, si nostros sequamur, captiva natus Acrisia: si Tuscos, Coelii quondam Vivennae sodalis fidelissimus, omnisque eius casus socius: postquam varia fortuna exactus cum omnibus reliquis Coeliani exercitus Etruria excessit, montem Coelium occupavit, et a duce suo Coelio ita appellavit, mutatoque nomine, nam

Tusce Mastarna ei nomen erat, ita appellatus est, ut dixi, et regnum summa cum reip. utilitate obtinuit.

⁴ *Non modo civicae*] Non modo non. Vid. infr. ii. 23. et iv. 3.

⁵ *His indignitas crescere*] *His*, filiis Anci. *Indignitas*, indignatio: quemadmodum infr. 45. *Inde primum miseratio sui, deinde indignitas, atque ex ea ira animos cepit.*

⁶ *Centesimum fere*] Centesimus iam et duodequadragesimus agebatur annus, ex quo Romulus decesserat. Sed filii Anci consulto decurtant annorum numerum ad augendam invidiam ex ipsa temporum vicinitate. CREV.

quam in Servium, eos stimulabat: et quia gravior ultor caedis, si superesset, rex futurus erat, quam privatus: tum, Servio occiso, quemcunque alium generum delegisset,⁷ eundem regni heredem facturum videbatur. Ob haec ipsi regi insidiae parantur. Ex pastoribus duo ferocissimi delecti ad facinus, quibus consueti erant uterque agrestibus ferramentis, in vestibulo regiae, quam potuere tumultuosissime, specie rixae in se omnes apparitores regios convertunt: inde, quum ambo regem appellarent, clamorque eorum penitus in regiam pervenisset, vocati ad regem pergunt. Primo uterque vociferari, et certatim alter alteri obstrepere; coerciti ab lictore, et iussi in vicem dicere, tandem obloqui desistunt. Unus rem ex composito orditur. Quum intentus in eum se rex totus averteret, alter elatam securim in caput deiecit: relictoque in vulnere telo, ambo se foras eiiciunt. Tarquinium moribundum quum, qui circa erant, excepissent, illos fugientes lictores comprehendunt. Clamor inde concursusque populi, mirantium quid rei esset. Tanaquil inter tumultum claudi regiam iubet, arbitros eiicit: simul, quae curando vulneri opus sunt, tanquam spes subesset, sedulo comparat: simul, si destituat spes, alia praesidia molitur. Servio propere accito quum paene exsanguem virum ostendisset; dextram tenens orat, ne inultam mortem soceri, ne socrum inimicis ludibrio esse sinat. ‘Tuum est,’ inquit, ‘Servi, si ver es, regnum; non eorum, qui alienis ‘manibus pessimum facinus fecere. Erige te, deosque ‘duces sequere, qui clarum hoc fore caput divino quondam ‘circumfuso igni portenderunt. Nunc te illa coelestis ‘excitet flamma: nunc expergiscere vere. Et nos peregrini regnavimus. Qui sis, non unde natus sis, reputa. ‘Si tua re subita consilia torpent, at tu mea sequere.’ Quum clamor impetusque multitudinis vix sustineri posset, ex superiore parte aedium per fenestras, in Novam viam versas (habitabat enim rex ad Iovis Statoris) populum Tanaquil alloquitur. Iubet ‘bono animo esse: sopitum⁸ ‘fuisse regem subito ictu: ferrum haud alte in corpus ‘descendisse: iam ad se redisse. Inspectum vulnus, absterso ‘cruore: omnia salubria esse: confidere, propediem ipsum ‘eos visuros. Interim Ser. Tullio iubere populum dicto ‘audientem esse. Eum iura redditurum, obitumque alia

Tarquinius
occiditur.

41.

Servius cu-
ram rerum
capessit.

⁷ *Quemcunque alium generum delegisset*] sc. Tarquinius. Cur vero generum heredem facturum erat, quum praeter duas filias etiam totidem haberet filios, Lucium et Aruntem? infr. 46. et Dion. iv. 1. Sed hi potius fuere eius ex filio nepotes, cf. Dion. iv. 4. 6. et 7. ubi praeter alia monet, Lucium,

si filius fuisset eius, aetatis fere anno LXVII Servium socrum occidisse; certe tum adhuc infantes, qui illis temporibus nondum regnare vel regni heredes institui solebant. RUP.

⁸ *Sopitum*] In deliquium animi delapsus. Sic infr. viii. 6. *Impactus imo ita est saxo, ut sopiretur.*

9 'regis munia esse.' Servius cum trabea et lictoribus prodit; ac, sede regia sedens, alia decernit, de aliis consulturum se regem esse simulat. Itaque, per aliquot dies, quum iam exspirasset Tarquinius, celata morte, per speciem alienae fungendae vicis suas opes firmavit. Tum demum U. C. 176. A. C. 576. Servius a senatu regnare iussus. palam facto, et comploratione in regia orta, Servius, praesidio firmo munitus, primus iniussu populi, voluntate Patrum regnavit. Anci liberi, iam tum comprehensis sceleris ministris, ut vivere regem, et tantas esse opes Servii nuntiatum est, Suessam Pometiam exsulatum ierant.

Nec iam publicis magis consiliis Servius, quam privatis, 42. munire opes. Et ne, qualis Anci liberum animus adversus Tarquinium fuerat, talis adversus se Tarquini liberum Filias Tarquiniis collocat. esset, duas filias iuvenibus regiis, Lucio atque Arunti Tarquiniis, iungit. Nec rupit tamen fati necessitatem humanis consiliis, quin invidia regni etiam inter domesticos infida omnia atque infesta faceret. Peroportune ad praesentis quietem status bellum cum Veientibus 43. (iam enim indutiae exierant) aliisque Etruscis sumptum. In eo bello et virtus et fortuna enituit Tullii: fusoque ingenti hostium exercitu, haud dubius rex, seu Patrum, seu plebis animos periclitaretur, Romam rediit. Aggrediturque inde ad pacis longe maximum opus: ut, quemadmodum Numa divini auctor iuris fuisset, ita Servium conditorem omnis in civitate discriminis ordinumque, quibus inter gradus dignitatis fortunaeque aliquid interlucet, posteris fama ferrent. Censum enim instituit, rem saluberrimam tanto U. C. 197. A. C. 555. Censum instituit. futuro imperio: ex quo belli pacisque munia non viritim, ut ante, sed pro habitu pecuniarum fierent. Tum classes 43. centuriasque et hunc ordinem ex censu descripsit, vel paci decorum, vel bello. Ex iis, qui centum millium aeris, aut maiorem, censum haberent, octoginta confecit centurias, Classes. 43. quadragenas seniorum ac iuniorum. Prima classis omnes appellati. Seniores, ad urbis custodiam ut praesto essent:

9 *Trabea*] Harum tria genera. cf. Serv. in Aen. viii. 612. quarum regia erat albo colore, latis clavis ornata et trabibus purpurae virgata. Lyd. de Mag. i. 32. Fuss. R. Antiq. § 185. Dion. ii. 70. iii. 61.

1 *Iniussu populi*] Haec inverso ordine narrant Dionys. iv. 12. et Cic. de Rep. ii. 21. "Non commisit se Patribus, sed Tarquinio sepulto, populum de se ipse consuluit, iussusque regnare legem de imperio suo curiatum tulit. Neque voluntatem patrum agnoscit ipse Livius infr. 47. cf. Wachsm. p. 226. Festus v. *Patricius Vicus*."

2 *Iam . . . indutiae exierant*] Iam dudum exierant, si eae intelligantur indutiae, quas in centum annos Romulus fecerat: quum ab ipsius morte centum iam et quadraginta anni effluxerant. Dicamus ergo eas fuisse regnante Tullo instauratas. Vid. supr. 30. Crev. Id quod Perizonio placuit, quem cf. Animadv. Hist. 4.

3 *Seniorum*] Qui sextum et quadragimum aetatis annum attigissent. *Iuniorum*, a decimo septimo aetatis anno ad quadragimum sextum. Vid. A. Gell. x. 28. Hac de re accurate disputat Lipsius de Militia Rom. i. 2. Crev.

iuvenes, ut foris bella gererent. Arma his imperata, galea, clipeum, ocreae, lorica; omnia ex aere. Haec ut tegumenta corporis essent: tela in hostem, hastaque et gladius. Additae huic classi duae fabrum centuriae, quae sine armis⁴ stipendia facerent: datum munus, ut machinas in bello ferrent. Secunda classis intra centum usque ad quinque et septuaginta millium censum instituta; et ex his, senioribus iunioribusque, viginti conscriptae centuriae: arma imperata, scutum pro clipeo, et praeter lorica omnia eadem.⁵ Tertiae classis in quinquaginta millium censum esse voluit. Totidem centuriae et hae, eodemque discrimine aetatum, factae: nec de armis quicquam mutatum; ocreae tantum ademptae. In quarta classe census quinque et viginti millium; totidem centuriae factae: arma mutata; nihil praeter hastam et verutum datum. Quinta classis aucta,⁶ centuriae triginta factae: fundas lapidesque missiles hi secum gerebant. In his accensi, cornicines, tubicinesque,⁷ in tres centurias distributi. Undecim millibus haec classis censebatur. Hoc minor census reliquam multitudinem habuit: inde una centuria facta est, immunis militia. Ita pedestri exercitu ornato distributoque, equitum ex primoribus civitatis duodecim scripsit centurias. Sex item alias⁸ centurias, tribus ab Romulo institutis, sub iisdem, quibus inauguratae erant, nominibus fecit. Ad equos emendos⁹ dena millia aeris ex publico data; et, quibus equos alerent, viduae attributae, quae bina millia aeris in annos singulos¹

⁴ *Duae fabrum centuriae*] Has Dionysius secundae classi, verius fortasse, attribuit. CREV.

⁵ *Scutum pro clipeo*] Clipeus rotundus et brevis. Scutum, teste Polyb. vi. 23. formae oblongae, quattuor pedes longum, latum duos cum semisse, ut totum corpus protegeret: ideoque datum secundae classi, quae lorica non haberet. Posteaquam Romani milites stipendium de publico accepere, scuta omnibus data fuisse auctor est Liv. viii. 8. CREV.

⁶ *Nihil praeter hastam et verutum*] Probabilius arma assignat Dionysius huic classi, scutum, hastam, et gladium. Neque enim verisimile videtur duas classes, et quidem numerosissimas, levi armaturae attributas fuisse. Et fortasse hic pro *verutum* legendum est *scutum*. CREV.

⁷ *Accensi*] *Accensi*, iudice Niebuhrio, erant ii, qui censum intra undecim et septem millia aeris haberent; quibus autem minor quam septem millia, *Velati*, et quibus non plus mille quingentum aeris, *proletarii*.

cf. Cic. de Rep. ii. 20. A. Gell. xvi. 10. Festus in voc. Adscriptitii et Adcensi, ita dictos eos fuisse qui extra numerum legionibus adcensebantur, ut in demortuorum locum subrogarentur. Crevierius putat eos qui et imperatorum in bello et magistratum in urbe imperiis exequendis praesto essent, fuisse in unam centuriam coniectos et de iis in hoc loco agere Livium. cf. Nónius de Doct. Indag. xii. 8. v. *accensi*. Niebhr. i. p. 442.

⁸ *Duodecim . . . centurias*] Plebeiorum qui censu maximo censebantur. cf. Cic. de Rep. ii. 22. Dion. iv. 18. *sex alias centurias* cf. Festus v. *Sex suffragia*, sc. patriciorum equitum. Wachsm. p. 237.

⁹ *Ad equos emendos*] Cave equites et equitatum idem velle putes, quippe equites ordo civilis, equitatus ii qui ex equitibus legebantur, et quibus equus publicus assignabatur. cf. Niebhr. i. p. 434. Creuzer. R. Antiq. § 87.

¹ *Viduae attributae*] “Viduam es-

pendere. Haec omnia in dites a pauperibus inclinata onera. Deinde est honos additus: non enim, ut ab Romulo traditum ceteri servaverant reges, viritim suffragium eadem vi eodemque iure promiscue omnibus datum est: sed gradus facti, ut neque exclusus quisquam suffragio videretur, et vis omnis penes primores civitatis esset. Equites enim vocabantur primi; octoginta inde primae classis centuriae: ibi si variaret, quod raro incidebat, ut secundae classis vocarentur: nec fere unquam infra ita descenderent, ut ad infimos pervenirent. Nec mirari oportet, hunc ordinem, qui nunc est, post expletas quinque et triginta tribus, duplicato earum numero, centuriis iuniorum seniorumque ad institutam ab Ser. Tullio summam non convenire. Quadrifariam enim urbe divisa regionibus collibusque, quae habitabantur partes, Tribus eas appellavit: ut ego arbitror, ab tributo: nam eius quoque aequaliter ex censu conferendi ab eodem inita ratio est. Neque hae tribus ad centuriarum distributionem numerumque quicquam pertinere.

Censu perfecto, quem maturaverat metu legis de incensis latae cum vinculorum minis mortisque, edixit, ut omnes cives Romani, equites peditesque, in suis quisque centuriis, in campo Martio prima luce adessent. Ibi instructum

Suffragia.

44.

Servius Iustum condidit.

se non solum eam, quae aliquando nupta fuisset, sed eam quoque mulierem, quae virum non habuisset." Javolen. i. 242. D. de verb. signif. "Atque etiam Corinthios video publicis equis assignandis, orborum et viduarum tributis, fuisse quondam diligentes." Cic. de Rep. ii. 20. Hinc Liv. passim "censu sunt civium capita praeter orbos orbisque" quippe quod, immunes militia, *aes hordearium* conferrent.

2 Si variaret] Nimirum si centuriis primae classis octoginta, equitum centuriae duodecim cum sex suffragiis accesserunt, confecta est vis populi universa. cf. Cic. de Rep. ii. 22.

3 Post expletas quinque et triginta] Circa U. C. 512, ut colligendum est a Liv. Epit. i. 19, ubi Velina et Quirina tribus additae memorantur. cf. Ascon. ad Verr. i. 5, "quibus an post bellum sociale novae, sive octo sive decem, caequae in brevissimum tempus accesserint, inter difficillimas in antiqui Romae quaestiones ponendum." Fuss. R. Ant. § 143. Creuzer. § 70. an numerus ille vere auctus fuerit, etiam interrogandum existimavit. cf.

Onuphr. Panv. de Civ. Rom. 51. Sigon. de Ant. Iure Italiae. iii. 1.

4 Duplicato earum numero] Haud scio an Livius illam reipublicae conditionem intelligat, quando, post Q. Fabii et P. Decii censuram U. C. 449. singulae tribus in duas centurias, unam iuniorum, alteram seniorum, divisae sint, ita ut quodammodo duplex earum numerus evaderet. cf. Fuss. § 163. Liv. ix. 46.

5 Quadrifariam] Dion. iv. 15, auctore Fabio, agrum in regiones xxvi, quae tribus appellatae sunt, divisum esse scribit, ita, ut quattuor urbanis additis, triginta tribus universae essent. In hanc sententiam prorsus abit Niebhr., qui Varr. de Vit. Pop. Rom. testem adhibet, "extra urbem in regiones xxvi agros viritim liberis attribuit." Niebhr. i. p. 409. Alii autem rusticas tribus initio sedecim fuisse volunt. Fuss. § 143.

6 Tributo] Contra Varr. de L. L. iv. 36. *tributum*, quod a *tribubus* pendebatur.

7 Incensis] Is qui censi non fuisset. CREV.

8 In campo Martio] In agro urbis inter et Tiberim sito: quem

Numerus
civium.

Urbs am-
plificata.

exercitum omnem suovetaurilibus lustravit: idque con-
ditum lustrum appellatum, quia is censendo finis factus est.
Millia octoginta eo lustro civium censa dicuntur. Adii-
cit scriptorum antiquissimus Fabius Pictor, eorum, qui ferre
arma possent, eum numerum fuisse. Ad eam multitudinem
urbs quoque amplificanda visa est. Addit duos colles,
Quirinalem Viminalemque. Inde deinceps auget Esqui-
lias: ibique ipse, ut loco dignitas fieret, habitat. Aggere
et fossis et muro circumdat urbem: ita pomoerium profert.
Pomoerium, verbi vim solam intuentes, postmoerium inter-
pretantur esse. Est autem magis circa murum locus, quem
in condendis urbibus quondam Etrusci, qua murum ducturi
erant, certis circa terminis inaugurato consecrabant: ut
neque interiore parte aedificia moenibus continuarentur,
quae nunc vulgo etiam coniungunt; et extrinsecus puri
aliquid ab humano cultu pateret soli. Hoc spatium, quod
neque habitari, neque arari fas erat, non magis quod post
murm esset, quam quod murus post id, pomoerium
Romani appellarunt: et in urbis incremento semper,
quantum moenia processura erant, tantum termini hi con-
secrati proferebantur.

45. Aucta civitate magnitudine urbis, formatis omnibus domi-
et ad belli et ad pacis usus, ne semper armis opes acquire-
rentur, consilio augere imperium conatus est; simul et ali-

Communia
sacra Rom.

postea campum Martium appellatum
fuisse Livius memorat, ii. 5. Vid.
quae annotabimus ad hunc locum.
CREV.

9 *Suovetaurilibus*] Circumductis
ter circum exercitum verre, ariete,
tauro; deinde Marti immolatis. Pro
verre Dionysius habet hircum. Sed
eum refellere videtur ipsa *suovetauri-*
lium appellatio. Supr. 28. mentio
iam facta est lustralis sacrificii, quod
fortasse idem est cum his *suovetauri-*
libus. Alia reperitur appellatio huius
sacrificii, *solitaurilia*: qua de voce
vid. Festum. CREV.

1 *Scriptorum antiquissimus Fabius*
Pictor] Eorum qui historiam apud
Romanos scripsere, antiquissimus:
qui tamen recens admodum auctor
videbitur, si comparetur ad primordia
urbis Romae. Vixit enim secundi
Punici belli temporibus, ut testatur
Livius infra, xxii. 7. Scripsisse eum
Graece tradit Dion. i. 6. Latine, do-
cet Cicero, de Or. ii. 53. et de Legg.
i. 6. ut videatur utraque lingua idem
argumentum tractasse. Eum plus
aequo fuisse Romanis in historia, et
interdum studiosiorem fuisse patriae,

quam veritatis, arguit Polyb. i. 14. et
iii. 8. et 9. Ceterum, etsi nemo ante
eum Romanus iustam historiam con-
diderat, tamen Fasti, Commentarii,
Annales a pontificibus componeban-
tur, de quibus vid. nostrum, iv. 3. et
ea quae ibi annotabimus. CREV.

2 *Deinceps*] Continuo ordine. Et-
enim mons Esquilinus Viminali proxi-
mus est. CREV.

3 *Auget Esquilias*] Additis aedifi-
ciis et incolis. *Esquiliae* autem for-
tasse appellationem acceperant ab
Esculis, quomodo mons *Viminalis*,
idemque *Fagutalis*, a *viminibus* et
fagis; itemque mons *Querquetulanus*,
qui postea Caelius, a *quercetis*. CREV.
Esquiliis ex coniectura Gronov. in
textum recepit Bekker. licet codd.
advers.

4 *Aggere*] Cuius vestigia hodie
manent, et "locum in regione pesti-
lenti salubrem limitant." Cic. de
Rep. ii. 6. Murum hunc Dion. iv.
54, et Plin. H. N. iii. 9. Tarquinio
Superbo attribuunt. Niebhr. i. p. 387.

5 *Postmoerium*] Ita codd. sed *post*
murm ex coniectura Perizon. in
textum recepit Bekker.

quod addere urbi decus. Iam tum erat inclutum Dianae ^{et Latino-}
 6 Ephesiae fanum: id communiter a civitatibus Asiae factum ^{rum.}
 fama ferebat. Quum consensum deosque consociatos lau-
 daret mire Servius inter proceres Latinorum, cum quibus
 publice privatimque hospitia amicitiasque de industria
 iunxerat; saepe iterando eadem perpulit tandem, ut
 7 Romae fanum Dianae populi Latini cum populo Romano
 8 facerent. Ea erat confessio, caput rerum Romam esse, de
 quo toties armis certatum fuerat. Id quanquam omissum
 iam ex omnium cura Latinorum, ob rem toties infelicit
 tentatam armis, videbatur; uni se ex Sabinis fors dare
 visa est privato consilio imperii recuperandi. Bos in Sabinis ^{Bos insig-}
 nata cuidam patrifamiliae dicitur, miranda magnitudine ac ^{nis magni-}
 specie. Fixa per multas aetates cornua in vestibulo templi ^{tudinis}
 9 Dianae monumentum ei fuere miraculo. Habita, ut erat, ^{mactata.}
 res prodigii loco est: et cecinere vates, cuius civitatis eam
 civis Dianae immolasset, ibi fore imperium; idque carmen
 pervenerat ad antistitem fani Dianae. Sabinus, ut prima
 apta dies sacrificio visa est, bovem Romam actam deducit
 ad fanum Dianae, et ante aram statuit. Ibi antistes
 Romanus, quum eum magnitudo victimae celebrata fama
 movisset, memor responsi Sabinum ita alloquitur: 'Quid-
 'nam tu, hospes, paras?' inquit, 'inceste sacrificium Dianae
 'facere? Quin tu ante vivo perfunderis flumine? Infima
 'valle praefluit Tiberis.' Religione tactus hospes, qui omnia,
 ut prodigio responderet eventus, cuperet rite facta, ex templo
 descendit ad Tiberim. Interea Romanus immolat Dianae
 bovem: id mire gratum regi atque civitati fuit.

1 Servius, quanquam iam usu haud dubium regnum posse- 46.
 derat, tamen, quia interdum iactari voces a iuvene Tarquinio
 audiebat, se iniussu populi regnare, conciliata prius volun-
 tate plebis, agro capto ex hostibus viritim diviso, ausus est
 ferre ad populum, 'vellent, iuberentne, se regnare?' tanto-
 que consensu, quanto haud quisquam alius ante, rex est
 declaratus. Neque ea res Tarquinio spem affectandi regni L. Tarqui-

6 *Dianae Ephesiae fanum*] cf. Plin. H. N. xxxvi. 14. qui id cxxx an-
 nis a tota Asia aedificatum scribit, et
 inter mundi miracula relatum; ab
 Herostrato deinde, ut immortalitatem
 nominis sibi pararet, incensum, in-
 stauratumque Alexandri Magni tem-
 poribus. Rur.

7 *Romae fanum Dianae*] Factum
 in summo montis Aventini cacumine,
 versus Tiberim. In athenaeam eius
 columnam Graecis literis incisae foe-
 deris leges, quae Augusti adhuc tem-
 poribus legebantur. Rur.

8 *Ea erat confessio*] Excidisse ex

Livii animo videtur, quod Latini in
 Aventino sedes suas posuissent, et
 quod extra pomerium usque ad Clau-
 dii aetatem mons ille exclusus esset.
 A. Gell. xiii. 14. cf. Wachsm. p. 165.

9 *Dianae*] sc. Aventinensi. cf. Val.
 Max. vii. 3.

1 *Iam usu . . . possederat*] Tan-
 quam usu ceperat. Nam *usucapio*
 est ius rei possidendae vel legitimum
 rei dominium, natum ex possessione
 eius diuturna et non interrupta per
 certum legibusque definitum temporis
 spatium. Rur. cf. Gaii Inst. ii. § 40.

nius regnum adfectat. minuit: imo eo impensius quia de agro plebis adversa Patrum²

voluntate senserat agi, criminandi Servii apud Patres, crescendique in curia sibi occasionem datam ratus est, et ipse iuvenis ardentis animi, et domi uxore Tullia inquietum animum stimulante. Tulit enim et Romana regia sceleris tragici exemplum, ut taedio regum maturior veniret libertas; ultimumque regnum esset, quod scelere partum foret. Hic L. Tarquinius (Prisci Tarquinii regis filius neposne fuerit, parum liquet; pluribus tamen auctoribus filium ediderim)³ fratrem habuerat Aruntem Tarquinium, mitis ingenii iuvenem. His duobus, ut ante dictum est, duae Tulliae, regis filiae, nupserant, et ipsae longe dispares moribus. Forte ita inciderat, ne duo violenta ingenia matrimonio iungerentur, fortuna, credo, populi Romani, quo diuturnius Servii regnum

Tulliae am- esset, constituique civitatis mores possent. Angebatur bitio. ferox Tullia, nihil materiae in viro neque ad cupiditatem, neque ad audaciam esse. Tota in alterum versa Tarquinius, eum mirari, eum virum dicere, ac regio sanguine ortum: spernere sororem, quod virum nacta muliebri cessaret audacia. Contrahit celeriter similitudo eos, ut fere fit malum malo aptissimum: sed initium turbandi omnia a femina ortum est. Ea, secretis viri alieni assuefacta sermonibus, nullis verborum contumeliis parcere, de viro ad fratrem, de sorore ad virum; et se rectius viduam, et illum coelibem futurum fuisse contendere, quam cum impari iungi, ut elanguescendum aliena ignavia esset. Si sibi eum, quo digna esset, dii dedissent virum, domi se propediem visuram regnum fuisse, quod apud patrem videat. Celeriter adolescentem suae temeritatis implet. Lucius⁴ Tarquinius et Tullia minor prope continuatis funeribus quum domos vacuas novo matrimonio fecissent, iunguntur nuptiis, magis non prohibente Servio, quam approbante.

Nubit sororis viro.

² *De agro plebis*] cf. Dion. iv. 10. 13. Hoc primum rationis Agrariae apud Romanos lineamentum agnoscit Niebhr. i. p. 161. qui plebeia illa *septem iugera* ad hunc regem refert. cf. Varr. de R. R. 1. 2.

³ *Filium ediderim*] Invicte probat Dionysius illum Tarquinii Prisci nepotem fuisse, non filium. Variis enim argumentis colligit necesse esse, ut quum Priscus interfectus est, ipse quidem octogenarius ad minimum esset, Tanaquil vero 75. annos nata. Unde efficitur L. Tarquinium, qui fratrem natu minorem Aruntem habuit, debuisse procul dubio, si Prisci Tarquinii filius dicatur, esse 27. annorum, quum Priscus occisus est:

quum ipse regnare occoeperat, 71. quum Roma expulsus, 96. quum obiit, 110. annorum: quae profecto omnia nemini probari possint. Suspiciatur Dionysius inde natum esse eorum errorem, quos hic auctores sequitur Livius, quod fortasse Priscus nepotes suos adoptaverit. Haec fuse tractata vide apud Dion. circa init. iv. CREV. cf. Niebhr. i. p. 367.

⁴ *Lucius*] Ex Ursini emendatione, quam Bekker. probat, sed codices *Aruns*. Ita L. amicus quidam Gronovii, qui duas literas voculae *ita* absorptas ab fine praecedentis verbi *implet*, atque sic, reliquas duas *al* librariis in *ar* mutantibus, factum τὸ *Aruns* censet.

Tum vero in dies infestior Tullii senectus, infestius coepit regnum esse. Iam enim ab scelere ad aliud spectare mulier scelus: nec nocte, nec interdiu virum conquiescere pati, ne gratuita praeterita parricidia essent. ‘Non sibi defuisse, cui nupta diceretur, nec cum quo tacita serviret: defuisse, qui se regno dignum putaret: qui meminisset, se esse ‘Prisci Tarquinii filium; qui habere, quam sperare, regnum ‘mallet. Si tu is es, cui nuptam esse me arbitror, et virum ‘et regem appello: sin minus, eo nunc peius mutata est res, 5 ‘quod istic cum ignavia est scelus. Quin accingeris? 6 ‘Non tibi ab Corintho, nec ab Tarquiniis, ut patri tuo, ‘peregrina regna moliri necesse est. Dii te penates patrii- ‘que, et patris imago, et domus regia, et in domo regale ‘solum, et nomen Tarquinius creat vocatque regem. 7 ‘Aut si ad haec parum est animi, quid frustraris civitatem? ‘quid te ut regium iuvenem conspici sinis? Facesse hinc ‘Tarquinius, aut Corinthum. Devolvere retro ad stirpem, ‘fratri similior, quam patri.’ His aliisque increpando iuvenem instigat, nec conquiescere ipsa potest: si, quum Tanquil, peregrina mulier, tantum moliri potuisset animo, ut duo continua regna viro, ac deinceps genero, dedisset; ipsa, regio semine orta, nullum momentum in dando adimendoque regno faceret. His muliebribus instinctus furis 8 Tarquinius circumire et prensare, minorum maxime gentium, Patres; admonere paterni beneficii, ac pro eo gratiam repetere; allicere donis iuvenes: tum de se ingentia pollicendo, tum regis criminibus omnibus locis crescere. Postremo, ut iam agenda rei tempus visum est, L. Tarquinius regnum invadit, stipatus agmine armatorum, in forum irrupit: inde, omnibus percussis pavore, in regia sede pro curia sedens, Patres in curiam per praekonem ad regem Tarquinium citari iussit. Convenere extemplo, alii iam ante ad hoc praeparati, alii metu, ne non venisse fraudi esset, novitate ac miraculo attoniti, et iam de Servio actum rati. Ibi Tarquinius, maledicta ab stirpe ultima orsus; ‘Servum, servaque natum, ‘post mortem indignam parentis sui, non interregno, ut ‘antea, inito, non comitiis habitis, non per suffragium ‘populi, non auctoribus Patribus, muliebri dono regnum ‘occupasse. Ita natum, ita creatum regem, fautorem in- ‘fini generis hominum, ex quo ipse sit, odio alienae hones-

5 *Istic*] In te. Pronomen *iste*, et quaecunque vocabula ab eo originem ducunt, respiciunt saepe eam quam Grammatici vocant secundam personam. Cuius, cf. Facciolat. Lex.

6 *Quin*] sc. Qui non, ut in MS. Leid. 2. legitur. Saepius haec forma loquendi ap. Liv. occurrit.

7 *Regium iuvenem*] Annum tamen iam septuagesimum agentem, si ratio Liviana adhibeatur. supr. 46.

8 *Minorum maxime gentium, Patres*] Qui, a Tarquino Prisco in senatum ad lecti, haud dubie partibus Tarquiniarum favebant. supr. 35. Niebhr. I. p. 372.

‘tatis ereptum primoribus agrum sordidissimo cuique divi-
 ‘sisse: omnia onera, quæ communia quondam fuerint, in-
 ‘clinasse in primores civitatis: instituisse censum, ut insignis
 48. ‘ad invidiam locupletiorum fortuna esset, et parata, unde,
 ‘ubi vellet, egentissimis largiretur.’ Huic orationi Servius
 quum intervenisset, trepido nuntio excitatus, extemplo a
 vestibulo curiae magna voce, ‘Quid hoc,’ inquit, ‘Tarquini,
 ‘rei est? qua tu audacia me vivo vocare ausus es Patres?
 ‘aut in sede considerare mea?’ Quum ille ferociter ad haec,
 ‘Se patris sui tenere sedem, multo, quam servum, potio-
 ‘filium regis regni heredem: satis illum diu per licentiam
 ‘eludentem insultasse dominis;’ clamor ab utriusque fauto-
 ribus oritur, et concursus populi fiebat in curiam: appare-
 batque regnaturum, qui vicisset. Tum Tarquinius, neces-
 sitate iam ipsa cogente ultima audere, multo et aetate et
 viribus validior, medium arripit Servium; elatumque e
 curia in inferiorem partem per gradus deiicit. Inde ad
 cogendum senatum in curiam redit. Fit fuga regis appa-
 ritorum atque comitum. Ipse prope exsanguis, quum
 Servius in-
 terficitur. semianimi regio comitatu domum se reciperet, pervenis-
 setque ad summum Cyprium vicum, ab iis, qui missi ab
 Tarquinio fugientem consecuti erant, interficitur. Creditur,
 quia non abhorret a cetero scelere, admonitu Tulliae id
 factum. Carpentum certe (id quod satis constat) in forum
 invecta, nec reverita coetum virorum, evocavit virum e
 curia; regemque prima appellavit. A quo facessere iussa
 Tulliae im-
 pietas, ex tanto tumultu quum se domum reciperet, pervenissetque
 ad summum Cyprium vicum, ubi Dianium nuper fuit; ¹
 flectenti carpentum dextra in Urbium clivum, ut in collem ²
 Esquiliarium eveheretur, restitit pavidus, atque inhibuit
 frenos is, qui iumenta agebat, iacentemque dominae Servium
 trucidatum ostendit. Foedum inhumanumque inde traditur
 scelus, monumentoque locus est: Sceleratum vicum vocant,
 quo amens, agitantibus furiis sororis ac viri, Tullia per patris
 corpus carpentum egisse fertur; partemque sanguinis ac
 caedis paternae cruento vehiculo, contaminata ipsa resper-
 saque, tulisse ad penates suos virique sui: quibus iratis,

9 *Quum semianimi*] Haec verba
 usque ad “Cyprium Vicum,” quae
 Drakenborchius perperam iterata iu-
 dicavit, omittit Bekker. contra codd.
 fidem.

1 *Danium*] Locus Dianae sacra-
 tus, ex Festo, apud quem legendum
 esse *Danium*, non *Dianius*, recte
 censet Ios. Scaliger. Quomodo *Dia-*
nium, sic et *Minervium*, et *Vulca-*
nium dicebatur. CREV.

2 *Urbium*] Vulgo Virbium, qui

haud procul Bovillis fuit. Pers. Sat.
 vi. 55. *Orbium* videtur velle Festus
 “cui nomen a flexuosis orbibus.”
 Huic cognomen *scelerati* haesisse pro-
 babile est; certe non Cyprio Vico, ut
 constat ex Varr. de L. L. iv. qui *sce-*
leratum Vicum haud procul Cyprio
 fuisse scribit v. *Cyprius*. Haud scio
 an fabula de Diana et Hippolyto
 (Virbio) ap. Virg. Aen. vii. 778. no-
 mini Virbio fidem adstruere debeat.

malo regni principio similes propediem exitus sequerentur.

Ser. Tullius regnavit annos quattuor et quadraginta, Servii laus. ita ut bono etiam moderatoque succedenti regi difficilis aemulatio esset. Ceterum id quoque ad gloriam accessit, quod cum illo simul iusta ac legitima regna occiderunt. Id ipsum tam mite ac tam moderatum imperium tamen, quia
 3 unius esset, deponere eum in animo habuisse, quidam auctores sunt; ni scelus intestinum liberandae patriae consilia agitantibus intervenisset.

4 Inde L. Tarquinius regnare occepit, cui Superbo cognomen facta indiderunt, quia socerum gener sepultura prohibuit, 'Romulum quoque insepultum perisse' dictitans: U. C. 220. A. C. 532. Tarquinius Superbus regnat. primores Patrum, quos Servii rebus favisse credebat, interfecit: conscius deinde, male quaerendi regni ab se ipso adversus se exemplum capi posse, armatis corpus circumsaepsit. Neque enim ad ius regni quicquam praeter vim habebat; ut qui neque populi iussu, neque auctoribus Patribus regnaret. Eo accedebat, ut in caritate civium nihil spei reponenti metu regnum tutandum esset: quem Metu regnum firmat. ut pluribus incuteret, cognitiones capitalium rerum sine consiliis per se solus exercebat: perque eam causam occidere, in exilium agere, bonis multare poterat non suspectos modo aut invisos, sed unde nihil aliud, quam praedam, sperare posset. Ita Patrum praecipue numero imminuto, statuit nullos in Patres legere; quo contemptior paucitate ipsa ordo esset, minusque per se nihil agi indignarentur. Hic enim regum primus traditum a prioribus morem de omnibus senatum consulendi solvit: domesticis consiliis rempublicam administravit: bellum, pacem, foedera, societates per se ipse, cum quibus voluit, iniussu populi ac senatus, fecit diremitque. Latinorum sibi maxime gentem Latinos sibi conciliat. conciliabat, ut peregrinis quoque opibus tutior inter cives esset: neque hospitium modo cum primoribus eorum, sed affinitates quoque, iungebat. Octavio Mamilio Tusculano, (is longe princeps Latini nominis erat, si famae credimus,
 6 ab Ulixee deaque Circe oriundus) ei Mamilio filiam nup-

3 *Deponere*] Huc spectare putat Niebhr., quod de commentariis Serv. Tullii infr. 60. legimus; scilicet, consilium iniisse Servium imperium deponendi et permittendi populo, ut praetores duos in singulos annos crearet.

4 *Cui Superbo*] *Superbus* idem prorsus interdum valet, quod *ab humanitate abhorrens*. Virgilius, quo nemo proprietatem Latini sermonis aut cognovit accuratius, aut servavit, his in Aen. viii. hoc nomen eo, quem volu-

mus, sensu usurpavit. *Quos illi bello profugos egere superbo, et Foribusque affixa superbis.* CREV.

5 *Hic enim*] Plura hic inveneris, quae Aristot. in Pol. v. 9. et Machiavellius illum auctorem secutus, tyrannidos firmandae praecepta ediderunt. Aequales habuit Tarquinius tyrannos Pisistratum apud Athenas, Polyeratem in Samo, atque alios plures "minoris abollae" apud Ionios.

6 *Ab Ulixee*] sc. A. Telegono, Cir-

tum dat; perque eas nuptias multos sibi cognatos amicosque eius conciliat.

50.

Conventus
Latinorum.

Turnus
Herdonius
in Tarquin.
invehitur.

Iam magna Tarquinii auctoritas inter Latinorum proceres erat; quum, in diem certam ut ad lucum Ferentinae con-⁷ veniant, indicit: esse, quae agere de rebus communibus velit. Conveniunt frequentes prima luce. Ipse Tarquinius diem quidem servavit; sed paullo ante, quam sol occideret, venit. Multa ibi tota die in concilio variis iactata sermonibus erant. Turnus Herdonius ab Aricia ferociter in⁸ absentem Tarquinium erat invectus: ‘Haud mirum esse, ‘Superbo inditum Romae cognomen.’ (Iam enim ita clam quidem mussitantes, vulgo tamen, eum appellabant.) ‘An ‘quicquam superbius esse, quam ludificari sic omne nomen ‘Latinum? Principibus longe ab domo excitis, ipsum, ‘qui concilium indixerit, non adesse: tentari profecto patientiam, ut, si iugum acceperint, obnoxios premat. Cui ‘enim non apparere, affectare eum imperium in Latinos? ‘Quod si sui bene crediderint cives, aut si creditum illud,⁹ ‘et non raptum parricidio sit, credere et Latinos (quam ‘quam ne sic quidem alienigenae) debere. Sin suos eius ‘poeniteat, (quippe qui alii super alios trucidentur, exsultum eant, bona amittant,) quid spei melioris Latinis portendi? Si se audiant, domum suam quemque inde ab- ‘turos: neque magis observaturos diem concilii, quam ipse, ‘qui indixerit, observet.’ Haec atque alia eodem pertinentia seditiosus facinorosusque homo, hisque artibus opes domi nactus, quum maxime dissereret, intervenit Tarquinius. Is finis orationi fuit. Aversi omnes ad Tarquinium salutandum: qui, silentio facto, monitus a proximis, ut purgaret se, quod id temporis venisset, ‘disceptatorem,’ ait, ‘se sumptum inter patrem et filium: cura reconciliandi ‘eos in gratiam moratum esse: et, quia ea res exemisset ‘illum diem, postero die acturum, quae constituisset.’ Ne id quidem ab Turno tulisse tacitum ferunt: dixisse enim, i

ces et Ulixes filio. Octavius praenomen. supr. 23.

7 *Lucum Ferentinae*] Lucus ille fuit ad *caput aquae Ferentinae*, de quo mentio fit infra 51. sive, quomodo appellatur ii. 38. *caput Ferentinum*. Hunc et fontem et lucum sub radicibus montis Albani fuisse, eoque, post Albam dirutam, usque ad P. Decium Murem consulem, populos Latinos convenire solitos, ut imperium communi consilio administrarent, ex Festo discimus in voce *Praetor*. CREV.

8 *Turnus*] Idem nomen quod *Tyrrenus*, Niebhr. qui an Turnus sit

praenomen, admodum dubitandum censet, quum mature in usum venerat apud Romanos *cognomina* inusitata *nominibus* praefigere. e.g. *Siculus*, *Auruncus*.

9 *Quod si sui*] Si bene cessit Romanis, quod ei commiserint imperium, aut si omnino commiserunt . . . debere Latinos quoque illud eidem committere: imo non debere, etiamsi res ita se haberet, quum sit alienigena. CREV.

i *Ne id quidem ab Turno*] Ne hac quidem excusatione a Turno imptasse, ut taceret, *tacitum ferre*, per-

‘Nullam breviorē esse cognitionem, quam inter patrem
 ‘et filium, paucisque transigi verbis posse: nī pareat patri,
 ‘habitūrum infortūnium esse.’ Haec Aricinus in regem 51.
 Romanum increpans ex concilio abiit. Quam rem Tar-
 quinius aliquanto, quam videbatur, aegrius ferens, confestim
 Turno necem machinatur; ut eundem terrorem, quo civium Ab eo ob-
 animos domi oppresserat, Latinis iniiceret: et quia pro-
 imperio palam interfici non poterat, oblato falso crimine
 insontem oppressit. Per adversae factionis quosdam Ari-
 2 cinos servum Turni auro corruptit, ut in deversorium eius
 vim magnam gladiatorum inferri clam sineret. Ea quum
 una nocte perfecta essent, Tarquinius, paullo ante lucem
 accitis ad se principibus Latinorum, quasi re nova pertur-
 batus, ‘moram suam hesternam, velut deorum quadam
 ‘providentia illatam,’ ait, ‘saluti sibi atque illis fuisse. Ab
 ‘Turno dici sibi et primoribus populorum parari necem, ut
 ‘Latinorum solus imperium teneat. Aggressurum fuisse
 ‘hesterno die in concilio: dilatam rem esse, quod auctor
 ‘concilii afuerit, quem maxime peteret. Inde illam ab-
 ‘sentis insectationem esse natam, quod morando spem
 ‘destituerit. Non dubitare, si vera deferantur, quin prima
 ‘luce, ubi ventum in concilium sit, instructus cum con-
 ‘iuratorum manu armatusque venturus sit. Dici, gladi-
 ‘orum ingentem numerum esse ad eum convectum: id
 ‘vanum necne sit, extemplo sciri posse. Rogare eos, ut
 ‘inde secum ad Turnum veniant.’ Suspectam fecit rem et
 ingenium Turni ferox, et oratio hesternā, et mora Tarquinii;
 quod videbatur ob eam differri caedes potuisse. Eunt in-
 clinatis quidem ad credendum animis, tamen, nisi gladiis
 deprehensis, cetera vana existimaturi. Ubi est eo ventum,
 Turnum ex somno excitatum circumsistunt custodes: com-
 prehensisque servis, qui caritate domini vim parabant, quum
 gladii abditi ex omnibus locis deverticuli protraherentur;
 enimvero manifesta res visa, iniectaeque Turno catenae:
 3 et confestim Latinorum concilium magno cum tumultu
 advocatur. Ibi tam atrox invidia orta est, gladiis in medio
 positis, ut, indicta causa, novo genere leti, deiectus ad
 4 caput aquae Ferentinae, crate superne iniecta saxisque con-
 gestis, mergeretur. Revocatis deinde ad concilium Latinis, 52.

inde ut dicimus, *impunitum ferre*:
divisse enim, sc. Turnum; *cogni-*
tionem, sc. causae diiudicationem.

2 *In deversorium eius* | Cuius in
 mentem venit dolus ille Ulyssis, quo
 Palamedem intercept. Serv. in Aen.
 ii. 84.

3 *Latinorum concilium* | sc. Po-
 puli, non senatus. cl. ix. 43. ubi Her-

nicorum concilium apud Anagninam
 in circo habetur.

4 *Crate superne iniecta* | Quod
 supplicii genus Poenis potissimum
 usitatum fuisse dicitur. cf. iv. 50.
 Plant. Poen. v. 2. 65. (ubi v. Taub-
 man.) Tac. Germ. 12. Similia Gr.
καταπορεύσας, de quo v. Wessel. ad
 Diodor. xvi. 35. Rup.

Foedus
cum
Latinis.

Tarquinius, collaudatisque, qui Turnum novantem res pro manifesto parricidio merita poena affecissent, ita verba fecit: 'Posse quidem se vetusto iure agere, quod, quum omnes 'Latini ab Alba oriundi sint, in eo foedere teneantur, quo 'ab Tullo res omnis Albana cum colonis suis in Romanum 'cesserit imperium. Ceterum se utilitatis id magis omnium 'causa censere, ut renovetur id foedus: secundaque potius 'fortuna populi Romani ut participes Latini fruuntur, 'quam urbium excidia vastationesque agrorum, quas Anco 'prius, patre deinde suo regnante, perpassi sint, semper 'aut exspectent, aut patiantur.' Haud difficulter persuasum 5 Latinis, quanquam in eo foedere superior Romana res erat. Ceterum et capita nominis Latini stare ac sentire cum rege videbant, et Turnus sui cuique periculi, si adversatus esset, recens erat documentum. Ita renovatum foedus, indictumque iunioribus Latinorum, ut ex foedere die certa ad lucum Ferentinae armati frequentes adessent. Qui ubi ad edictum Romani regis ex omnibus populis convenere; ne ducem suum, neve secretum imperium, propriave signa haberent, miscuit manipulos ex Latinis Romanisque, ut ex 6 binis singulos faceret, binosque ex singulis. Ita geminatis 7 manipulis centuriones imposuit.

53.

Bellum
cum Vol-
scis.

Nec, ut iniustus in pace rex, ita dux belli pravus fuit. Quin ea arte aequasset superiores reges, ni degeneratum in 8 aliis huic quoque decori offecisset. Is primus Volscis bellum in ducentos amplius post suam aetatem annos movit, Suessamque Pometiam ex his vi cepit. Ubi quum diven- 9 denda praeda quadraginta talenta argenti aurique refecisset; concepit animo eam amplitudinem Iovis templi, quae digna

5 *Persuasum Latinis*] Ita Dionysius iv. 47. Contra Cicero de Rep. ii. 24. "Omne Latinum bello devicit." In primo Carthaginiensum cum Romanis foedere apud Polybium iii. 22. legimus μηδ' ἄλλον μηδένα Λατίνων, ὅσοι ἂν ὑπήκοοι. ἂν δέ τινες μὴ ᾧσιν ὑπήκοοι, τῶν πόλεων ἀπεχέσθωσαν.

6 *Miscuit manipulos*] Hoc tempore Romana acies similis Phalangi Macedonicae, neque adhuc manipulatim structa erat, infr. viii. 8. sed Livius rem antiquam, quo magis clarior legentibus esset, nominibus recentioribus exposuit.

7 *Ex binis singulos*] *Ex binis manipulis singulos* fecit: i. e. milites e binis manipulis desumptos in unum manipulum contribuit: *ex singulis binos*: i. e. duas unius manipuli partes in binos distribuit. Porro *manipuli*

appellatio inde ducta fuit, auctoribus Plut. in Romulo, et Ovid. Fast. iii. quod ii qui Romulum primo secuti sunt, pro signis militaribus habuerint perticas, quae manipulos foeni in summo praefixos gestarent. CREV.

8 *Degeneratum in aliis*] Nisi id, quod in aliis rebus degeneratum esset, offecisset. Ita passim Livius participio utitur, quo rei causam indicet, more Thucydideo e. g. τὸ δέδιος. Haud scio an haec loquendi forma inter alias causas esset, cur Livio *Patavinitas* exprobaretur.

9 *Quadraginta*] *Quadringenta* Grut. Gron. Drak. Sed veterem lectionem *quadraginta* Stroth. Bekk. Niebhr. probant. Suspectum est illud *aurique*, quod omittitur in pluribus opt. codd. Talentum autem Italicum centum pondo valebat. cf. Niebhr. i. not. 1135.

deum hominumque rege, quae Romano imperio, quae ipsius etiam loci maiestate esset. Captivam pecuniam in aedificationem eius templi seposuit.

- ¹ Excepit deinde eum lentius spe bellum, quo Gabios, propinquam urbem, nequicquam vi adortus, quum obsidendi quoque urbem spes pulso a moenibus adempta esset, postremo minime arte Romana, fraude ac dolo, aggressus ^{Gabios fraude ag-} est. Nam quum, velut posito bello, fundamentis templi ^{greditur.} iaciendis aliisque urbanis operibus intentum se esse simularet, Sextus filius eius, qui minimus ex tribus erat, transfugit ex composito Gabios, patris in se saevitiam intolerabilem conquerens: 'Iam ab alienis in suos vertisse superbiam: et liberorum quoque cum frequentiae taedere; ut, quam in curia solitudinem fecerit, domi quoque faciat: ne quam stirpem, ne quem heredem regni relinquat. Se quidem, inter tela et gladios patris elapsum, nihil usquam sibi tutum, nisi apud hostes L. Tarquinii, credidisse. Nam, ne errarent, manere his bellum, quod positum simuletur; et per occasionem eum incautos invasurum. Quod si apud eos supplicibus locus non sit, pererraturum se omne Latium: Volcosque se inde, et Aequos, et Hernicos petiturum; donec ad eos perveniat, qui a patrum crudelibus atque impiis suppliciis tegere liberos sciant. Forsitan etiam ardoris aliquid ad bellum armaque se adversus superbissimum regem ac ferocissimum populum inventurum.' Quum, si nihil morarentur, infensus ira porro inde abiturus videretur, benigne ab Gabinis excipitur. Vetant mirari, si, qualis in cives, qualis in socios, talis ad ultimum in liberos esset. In se ipsum postremo saeviturum, si alia desint. Sibi vero gratum adventum eius esse: futurumque credere brevi, ut, illo adiuvante, ab portis Gabinis sub Romana moenia bellum transferatur. Inde in consilia publica adhiberi: ubi, quum de aliis rebus assentire se veteribus Gabinis diceret, quibus hac notiores essent, ipse identidem belli auctor esse, in eo sibi praecipuam prudentiam assumere, quod utriusque populi vires nosset, sciretque, invisam profecto superbiam regiam civibus esse, quam ferre ne liberi quidem potuissent. Ita quum sensim ad rebellandum primores Gabinorum incitaret, ipse cum promptissimis iuvenum praedatum atque in expeditiones iret, et dictis factisque omnibus ad fallendum instructis vana accresceret fides, dux ad ultimum belli legitur. Ibi quum, insecia multitudine,

54.

Sex. Tarquinii doli.

¹ *Lentius spe bellum*] Si Dionysium audiamus iv. 58, foedus illud, quod clipeo in aede Dii Fidis servato inscriptum ab eo perlectum est. Gabios in fidem Romanorum non vi,

sed conditionibus aequis receptos testatur. cf. Hor. Epist. ii. i. 25.

² *Minimus*] Ita ap. Polyæn. viii. 6. Ovid. Fast. ii. 691. at *maximus* ap. Dion. iv. 55. *Rep.*

quid ageretur, proelia parva inter Romam Gabiosque fierent, quibus plerumque Gabina res superior esset; tum certatim summi infimique Gabinorum Sex. Tarquinius dono deum sibi missum ducem credere. Apud milites vero obeundo pericula ac labores, pariter praedam munifice largiendo, tanta caritate esse, ut non pater Tarquinius potentior Romae, quam filius Gabiis esset. Itaque, postquam satis virium collectum ad omnes conatus videbat, tum e suis unum sciscitatum Romam ad patrem mittit, quidnam se facere vellet? quandoquidem, ut omnia unus Gabiis posset, ei dii dedissent. Huic nuntio, quia, credo, dubiae fidei³ videbatur, nihil voce responsum est. Rex, velut deliberabundus, in hortum aedium transit, sequente nuntio filii: ibi, inambulans tacitus, summa papaverum capita dicitur baculo decussisse. Interrogando exspectandoque responsum nuntius fessus, ut re imperfecta, redit Gabios; quae dixerit ipse, quaeque viderit, refert: seu ira, seu odio, seu superbia insita ingenio, nullam eum vocem emisisse. Sexto ubi, quid vellet parens, quidve praeciperet tacitis ambagibus, patuit; primores civitatis, criminando alios apud populum, alios sua ipsos invidia opportunos interemit. Multi palam; quidam in quibus minus speciosa criminatio erat futura, clam interfecti. Patuit quibusdam volentibus fuga, aut in exsilium acti sunt, absentiumque bona iuxta atque interemptorum divisui fuere. Largitionis inde praedaeque et dulcedine privati commodi sensus malorum publicorum adimi; donec, orba consilio auxilioque, Gabina res regi Romano sine ulla dimicatione in manum traditur.

55. Gabiis receptis, Tarquinius pacem cum Aequorum gente fecit; foedus cum Tuscis renovavit. Inde ad negotia urbana animum convertit: quorum erat primum, ut Iovis⁴ templum in monte Tarpeio, monumentum regni sui nominisque, relinqueret: Tarquinius reges ambos, patrem vovisse, filium perfecisse. Et, ut libera a ceteris religionibus area⁵ esset tota Iovis templique eius, quod inaedificaretur, exaugurare fana sacellaque statuit, quae aliquot ibi a Tatio⁶

Aedificatur
Capitolini
Iovis aedes.

³ *Huic nuntio*] cf. Herodot. iii. 156, de Zopyri ad Babylonios transitione, et v. 92. de Thrasybuli consilio, qua ratione Periandro significatum fuerit.

⁴ *Iovis*] Iunonis quoque, ac Minervae.

⁵ *Patrem vovisse, filium perfecisse*] Ita Cic. de Rep. ii. 20. 24. Sed Valerius Antias, "cui nullus mentiendi modus" erat, infr. xxvi. 49. Tarquinius Priscum spoliis ex Apoliis, oppido Latino, relatis fundamenta ie-

cisse scribit. Plin. H. N. iii. 9. Strab. v. p. 231, et ne opus Servio regnante, qui tamen cives laboribus vacare passus est, omnino omissum fuisse videretur, Servius id "sociorum studio extruxisse dicitur." Tac. Hist. iii. 72. cf. Niebhr. i. p. 493. Wachsm. p. 175.

⁶ *Exaugurare*] h. e. Quod religione liberare, nisi augurato, non poterant. Has autem exaugurationes Tarquinio Prisco attribuit Dion. iii. 69.

rege, primum in ipso discrimine adversus Romulum pugnae vota, consecrata inaugurataque postea fuerant. Inter principia condendi huius operis movisse numen ad indicandam tanti imperii molem traditur deos: nam, quum omnium sacellorum exaugurationes admitterent aves, in Termini fano non addixere. Id omen auguriumque ita acceptum est; non motam Termini sedem, unumque eum deorum non evocatum sacratis sibi finibus, firma stabiliaque cuncta portendere. Hoc perpetuitatis auspicio accepto, secutum aliud, magnitudinem imperii portendens, prodigium est. Caput humanum integra facie aperientibus fundamenta templi dicitur apparuisse. Quae visa species, haud per ambages, arcem eam imperii caputque rerum fore portendebat: idque ita cecinere vates, quique in urbe erant, quosque ad eam rem consultandam ex Etruria acciverant. Angebatur ad impensas regis animus. Itaque Pometinae manubiae, quae perducendo ad culmen operi destinatae erant, vix in fundamenta suppeditavere. Eo magis Fabio, praeterquam quod antiquior est, crediderim, quadraginta ea sola talenta fuisse, quam Pisoni; qui quadraginta millia pondo argenti seposita in eam rem scribit, summam pecuniae neque ex unius tum urbis praeda sperandam, et nullius, ne horum quidem magnificentiae operum, fundamenta non exsuperaturam.

Intentus perficiendo templo, fabris undique ex Etruria accitis, non pecunia solum ad id publica est usus, sed operis etiam ex plebe. Qui quum haud parvus et ipse militiae adderetur labor, minus tamen plebs gravabatur, se templa deum exaedificare manibus suis: quae posthac et

7 *Movisse numen*] sc. Voluntatem divinam declarasse.

8 *Termini*] Et *Iuventutis* teste ipso Livio v. 54. Dionys. iii. 69. quippe haec significabant, iuventutem perpetuam, et terminos non retro movendos Romae portendi. Primus Imp. Hadrianus fines Romanos contraxit.

9 *Ex Etruria acciverant*] Minime dubium est, quin elementa plura Etrusca in civitate Romana appareant e. g. "Etruriaque disciplinam principes doceto," quod usque ad Cicer. aetatem in usu mansit. quem cf. de Divin. i. 41. de Legg. ii. 9. sed Niebhr. placet non modo artifices Etruscos accitos fuisse, et *triplici illi Deorum nomini et religione, Etrusca aedem dedicatam esse*, sed in ipso templo Capitolino permixtum esse quod Etruscam originem saperet. cf. Niebhr. i. p. 438. 493.

1 *Fundamenta*] Atqui Tarquinius

Priscus supr. 38. memoratur arcem ad aedem in Capitolio Iovis fundamentis occupasse. Sed haec non difficulter conciliari possunt, si cum Dion. dicamus solum superstruendo operi aequatum, et exstructis aggeribus complanatum fuisse a Prisco; fundamenta ipsius aedificii iacta a Superbo. CREV.

2 *Pisoni*] L. Calpurnius Piso Frugi *reliquit annales exiliter scriptos*, inquit Cicero in Bruto, 106. Tribunus plebis erat primo anno tertii Punici belli, teste eodem ibid. Consul fuit anno C. C. 619. Censuram post aliquot annos gessit, unde passim a Dionysio, Plinio, Censorino vocatur Piso censorius. CREV.

3 *Qui quum haud parvus*] Qui labor aedificandi, et ipse haud parvus, cum adderetur militiae. I. F. Grosov.

4 *Quae posthac*] Ita eodd. sed

ad alia, ut specie minora, sic laboris aliquanto maioris, traducebatur opera; foros in circo faciendos, cloacamque⁶ maximam, receptaculum omnium purgamentorum urbis, sub terram agendam: quibus duobus operibus vix nova haec magnificentia quicquam adaequare potuit. His laboribus exercita plebe, quia et urbi multitudinem, ubi usus non esset, oneri rebatur esse, et colonis mittendis occupari latius imperii fines volebat; Signiam Circeiosque colonos⁸ misit, praesidia urbi futura terra marique.

Tarquinius Haec agenti portentum terribile visum. Anguis, ex⁹ columna lignea elapsus, quum terrorem fugamque in regiam fecisset, ipsius regis non tam subito pavore perculit pectus, quam anxiiis implevit curis. Itaque quum ad publica prodigia Etrusci tantum vates adhiberentur, hoc velut domestico exterritus visu, Delphos ad maxime inclutum in terris oraculum mittere statuit: neque responsa sortium ulli alii² committere ausus, duos filios per ignotas ea tempestate terras, ignotiora maria, in Graeciam misit. Titus et Aruns profecti. Comes his additus L. Iunius Brutus, Tarquinia sorore regis natus, iuvenis longe alius ingenio, quam cuius³ simulationem induerat. Is, quum primores civitatis, in quibus fratrem suum ab avunculo interfectum audisset, neque in animo suo quicquam regi timendum, neque in fortuna concupiscendum relinquere statuit, contemptuque tutus esse, ubi in iure parum praesidii esset. Ergo ex industria factus ad imitationem stultitiae, quum se suaque praedae esse regi sineret, Bruti quoque haud abnuvit cog-⁴ nomen: ut sub eius obtentu cognominis liberator ille populi

L. u nius
Brutus.

quam postquam in textum Bekker recepit.

6 *Foros*] Sedilia, e quibus ludi spectarentur. vid. supr. 35.

7 *Cloacam maximam*] Hanc Tarquinio Prisco attribuunt plures auctores: inchoatam ab illo rege scribit Dion. iii. 67. cf. Plin. H. N. xxxvi. 24. Niebhr. i. p. 385. Ostium cloacae navigantibus in Tiberi hodie conspicitur.

8 *Colonos misit*] Qui fines imperii contra Volscos praesidio firmarent. cf. Niebhr. ii. 90.

9 *Ex columna lignea*] "Mediis altaribus." Ov. Fast. ii. 711. Cic. de Div. i. 22. ceterum Dionysius scribit iv. 69. pestilentiam causae fuisse, cui legati Delphos mitterentur.

1 *Etrusci tantum vates*] Mirum videtur, quod vates Etrusci oraculum Graecum consulendum monerent. De libris Sibyllinis a Tarquinio in aedem Iovis relatis omnino silet Livius. cf.

Plin. H. N. xiii. 27. sed minime ambigendum est quod ex his libris, quaecunque sacra Romanorum Graecam originem sapiant, magna ex parte derivata sint.

2 *Sortium*] Sortes appellabantur tabellae, in quibus oraculorum responsa inscripta erant; ut palmae folia Sibyllina, Serv. in Aen. iii. 444. v. 74. et sortes in robore insculptae Praenestinae, Cic. de Div. ii. 41. Inde passim *sortes* pro quibuslibet oraculorum responsis. cf. viii. 24.

3 *Quam cuius simulationem induerat*] cf. Tac. Ann. vi. 42. xv. 69. I. F. Gronov. Obs. i. 3. Brutum regis amita natum scribit Dion. iv. 68.

4 *Bruti . . . cognomen*] Servus fugitivus Osce *brutus* vocabatur. Unde *Brutti*, ut quae gens colluvies servorum Oscorum esset, cognomen suum inditum est. Strab. vi. p. 255. b. Diodor. xvi. 15. cf. Niebhr. i. p. 62. 483. 506.

Romani animus latens opperiretur tempora sua. Is tum ab Tarquiniis ductus Delphos, ludibrium verius, quam comes, aureum baculum, inclusum corneo cavato ad id baculo, tulisse donum Apollini dicitur, per ambages effigiem ingenii sui. Quo postquam ventum est, perfectis patris mandatis, cupido incessit animos iuvenum sciscitandi, ad quem eorum regnum Romanum esset venturum. Ex infimo specu vocem redditam ferunt: 'Imperium summum Romae habebit, qui vestrum primus, o iuvenes, osculum matri tulerit.' Tarquini, ut Sextus, qui Romae relictus fuerat, ignarus responsi expersque imperii esset, rem summa ope taceri iubent: ipsi inter se, uter prior, quum Romam redissent, matri osculum daret, sorti permittunt. Brutus, alio ratus spectare Pythicam vocem, velut si prolapsus cecidisset, terram osculo contigit: scilicet, quod ea communis mater omnium mortalium esset. Reditum inde Romam, ubi adversus Rutulos bellum summa vi parabatur.

Ardeam Rutuli habebant, gens, ut in ea regione atque in ea actate, divitiis praepollens: eaque ipsa causa belli fuit, quod rex Romanus tum ipse ditari, exhaustus magnificentia publicorum operum, tum praeda delinire popularium animos studebat; praeter aliam superbiam regno infestos etiam, quod se in fabrorum ministeriis ac servili tam diu habitos opere ab rege indignabantur. Tentata res est, si primo impetu capi Ardea posset: ubi id parum processit, obsidione munitionibusque coepti premi hostes. In iis stativis, ut fit longo magis, quam acri bello, satis liberi commeatus erant: primoribus tamen magis, quam militibus. Regii quidem iuvenes interdum otium conviviis commissationibusque inter se terebant. Forte potantibus his apud Sex. Tarquinium, ubi et Collatinus coenabat Tarquinius, Egerii filius, incidit de uxoribus mentio: suam quisque laudare miris modis. Inde certamine accenso, Collatinus negat, 'verbis opus esse: paucis id quidem horis posse sciri, quantum ceteris praestet Lucretia sua. Quin, si vigor iuventae inest, conscendimus equos, invisimusque praesentes nostrarum ingenia? Id cuique spectatissimum sit, quod necopinato viri adventu occurrerit oculis.' Inealuerant vino. 'Age sane,' omnes. Citatis equis avolant Romam. Quo quum, primis se intendentibus tenebris, pervenissent, pergunt inde Collatiam: ubi Lucretiam, haudquaquam ut regias nurus, quas in convivio luxuque cum aequalibus viderant tempus terentes, sed nocte sera deditam lanae inter lucubrantibus ancillas in medio aedium

57.

Bellum
cum Rutu-
lis.Contentio
regiorum
iuvenum de
uxoribus.

4 *In medio aedium*] Mos apud Romanos in atrio lanificium exercebant, cf. Aescop. ad Cic. Or. pr. Mel. 5. Drak.

Lucretia
praefertur.

58.
Ei vim in-
fert Tarqui-
nius.

Vocat illa
patrem et
virum.

Se occidit.

sedentem inveniunt. Muliebris certaminis laus penes Lucretiam fuit. Adveniens vir Tarquiniique excepti benigne: victor maritus comiter invitat regios iuvenes. Ibi Sex. Tarquinius mala libido Lucretiae per vim stuprandae capit: tum forma, tum spectata castitas incitat. Et tum quidem ab nocturno iuvenili ludo in castra redeunt. Paucis interiectis diebus, Sex. Tarquinius, inscio Collatino, cum comite uno Collatiam venit. Ubi exceptus benigne ab ignaris consilii, quum post coenam in hospitale cubiculum deductus esset, amore ardens, postquam satis tuta circa, sopitique omnes videbantur, stricto gladio ad dormientem Lucretiam venit, sinistraque manu mulieris pectore oppresso, 'Tace Lucretia,' inquit, 'Sex. Tarquinius sum; 'ferrum in manu est: moriere, si emiseric vocem.' Quum pavida ex somno mulier nullam opem, prope mortem imminentem, videret; tum Tarquinius fateri amorem, orare, miscere precibus minas, versare in omnes partes muliebre animum. Ubi obstinatum videbat, et ne mortis quidem metu inclinari, addit ad metum dedecus: cum mortua iugulatum servum nudum positurum ait, ut in sordido adulterio necata dicatur. Quo terrore quum vicisset obstinatum pudicitiam velut victrix libido, profectusque inde Tarquinius, ferox expugnato decore muliebri, esset; Lucretia, maesta tanto malo, nuntium Romam eundem ad patrem, Ardeamque ad virum mittit, ut cum singulis fidelibus amicis veniant: ita facto maturatoque opus esse; rem 5 atrocem incidisse. Sp. Lucretius cum P. Valerio Volesi filio, Collatinus cum L. Iunio Bruto venit; cum quo forte Romam rediens ab nuntio uxoris erat conventus. Lucretiam sedentem maestam in cubiculo inveniunt. Adventu suorum lacrimae obortae: quaerentique viro, 'Satin' salvae? 6 'Minime,' inquit; 'quid enim salvi est mulieri, amissa 'pudicitia? Vestigia viri alieni, Collatine, in lecto sunt tuo. 'Ceterum corpus est tantum violatum, animus insons; 'mors testis erit. Sed date dextras fidemque, haud impune 'adultero fore. Sex. est Tarquinius, qui hostis pro hospite 'priore nocte vi armatus mihi sibi, si vos viri estis, pestiferum hinc abstulit gaudium.' Dant ordine omnes fidem: consolantur aegram animi, avertendo noxam ab coacta in auctorem delicti: mentem peccare, non corpus: et, unde consilium afuerit, culpam abesse. 'Vos,' inquit, 'videritis, 'quid illi debeatur: ego me, etsi peccato absolvo, supplicio 'non libero. Nec ulla deinde impudica Lucretiae exemplo 'vivet.' Cultrum, quem sub veste abditum habebat, eum

5 Ita facto maturatoque] cf. de-
generatum supr. 53.

6 Satin' salvae?] Supple res es-
sent. Formula salutandi. CREV.

in corde defigit: prolapsaque in vulnus, moribunda cecidit. Conclamant vir paterque. Brutus, illis luctu occupatis, 59. cultrum, ex vulnere Lucretiae extractum, manantem cruore prae se tenens, ‘Per hunc,’ inquit, ‘castissimum ante regiam ‘iniuriam sanguinem iuro, vosque, dii, testes facio, me L. ‘Tarquinius Superbum, cum scelerata coniuge et omni
 7 ‘exsecuturum: nec illos, nec alium quemquam regnare
 ‘Romae passurum.’ Cultrum deinde Collatino tradit; inde Lucretio ac Valerio, stupentibus miraculo rei, unde novum in Bruti pectore ingenium. Ut praeceptum erat, iurant: totique ab luctu versi in iram, Brutum, iam inde ad expugnandum regnum vocantem, sequuntur ducem. Elatum domo Lucretiae corpus in forum deferunt, concientque miraculo, ut fit, rei novae atque indignitate homines: pro se quisque scelus regium ac vim queruntur. Movet tum patris maestitia, tum Brutus, castigatior lacrimarum atque inertium querelarum, auctorque, quod viros, quod Romanos deceret, arma capiendi adversus hostilia ausos. Ferocissimus quisque iuvenum cum armis voluntarius adest: sequitur et cetera iuventus. Inde, pari praesidio relicto Collatiae ad portas, custodibusque datis, ne quis eum motum regibus nuntiaret, ceteri armati, duce Bruto, Romam profecti. Ubi eo ventum est, quacunque incedit, armata multitudo pavorem ac tumultum facit. Rursus, ubi anteire primores civitatis vident, quicquid sit, haud temere esse rentur. Nec minorem motum animorum Romae tam atrox res facit, quam Collatiae fecerat. Ergo ex omnibus locis urbis in forum curritur. Quo simul ventum est, praeco ad
 8 tribunum Celerum, in quo tum magistratu forte Brutus erat, populum advocavit. Ibi oratio habita, nequaquam eius pectoris ingenique, quod simulatum ad eam diem fuerat, de vi ac libidine Sex. Tarquini, de stupro infando Lucretiae et miserabili caede, de orbitate Tricipitini, cui morte filiae causa mortis indignior ac miserabilior esset. Addita superbia ipsius regis, miseriaeque et labores plebis, in fossas cloacasque exhauriendas demersae. Romanos homines, victores omnium circa populorum, opifices ac lapicidas pro bellatoribus factos. Indigna Ser. Tullii regis memorata caedes, et invecta corpori patris nefando vehiculo

Coniuratio
in Tarqui-
nium.

7 *Exsecuturum*] *Extractum* ex coniectura Rhenani, licet codd. advers. in textum recepit Bekker.

8 *Tribunum Celerum*] Magistratus urbanus, cui munus erat *populum* sc.

ges apud eos ferendi supr. 15. Quippe reges exacti lege *tribunitia*, sc. lege apud curias a *tribuno Celerum* lata. Pompon. 2. D. de Orig. Iur. Niebhr. i. p. 506. 518.

Populus
Romanus in
Tarquinius
concitatur.

filia; invocatique ultores parentum dii. His atrocioribusque, credo, aliis, quae praesens rerum indignitas haudquam relatu scriptoribus facilia subiicit, memoratis incensam multitudinem perpulit, ut imperium regi abrogaret, exsulesque esse iuberet L. Tarquinius cum coniuge ac liberis. Ipse, iunioribus, qui ultro nomina dabant, lectis armatisque, ad concitandum inde adversus regem exercitum Ardeam in castra est profectus; imperium in urbe Lucretio, praefecto urbis iam ante ab rege instituto, relinquit. Inter hunc tumultum Tullia domo profugit, exsecrantibus, quacunque incedebat, invocantibusque parentum furias viris mulieribusque.

60.

Expelluntur.

Harum rerum nuntiis in castra perlatis, quum re nova trepidus rex pergeret Romam ad comprimendos motus, flexit viam Brutus, (senserat enim adventum) ne obvius fieret; eodemque fere tempore, diversis itineribus, Brutus Ardeam, Tarquinius Romam, venerunt. Tarquinio clausae portae, exsiliumque indictum: liberatorem urbis laeta castra acceperunt: exactique inde liberi regis. Duo patrem secuti sunt, qui exsulatum Caere in Etruscos ierunt. Sex. Tarquinius, Gabios, tanquam in suum regnum, profectus, ab ultoribus veterum simultatum, quas sibi ipse caedibus rapinisque conciverat, est interfectus.

U. C. 245.
A. C. 507.
Primi Coss.

L. Tarquinius Superbus regnavit annos quinque et viginti. Regnatum Romae ab condita urbe ad liberatam annos ducentos quadraginta quattuor. Duo consules inde comitiis centuriatis a praefecto urbis ex commentariis Ser.

⁹ *Praefecto urbis*] Si quando reges ex urbe exirent, ne civitas sine imperio foret, unus ex *decem primis* senatoribus, haud scio an senior, *custodiae urbis* praefectus est, et antiquitus *Custos urbis* appellatus. *ὁ ὑπαρχος* Lyd. de Mag. i. 19. Tac. Ann. vi. 11. Dion. ii. 12. Niebhr. ii. p. 110.

¹ *Ardeam*] Obsidione iam ommissa, ut Liv. velle videtur: sed si Polybio fides danda est, in foedere primo cum Carthaginiens. icto, Ardea Romanae ditionis erat. Pol. iii. 23.

² *Exsiliumque indictum*] sc. Aqua et igne regi interdictum est, quoniam "exsilium non supplicium, sed profugium portusque supplicii, nam qui volunt poenam aliquam subterfugere, aut calamitatem, eo solum vertunt, hoc est, sedem ac locum mutant." Cic. pro A. Caec. 34. Exsuli autem, quo minus in patriam arbitrio suo rediret, aqua et igne Romae interdictum est, quum e Romano iure dua-

rum civitatum nemo esse potuit. cf. Dionis Excerpt. xii. Niebhr. ii. p. 63.

³ *Exactique inde*] Kal. Mart. vi., qui dies Regifugium dictus est. Ov. Fast. ii. 286.

⁴ *Exsulatum Caere in Etruscos*] *Ius tam exsulandi*, quod usque ad bellum sociale in usu manebat, non nisi iis qui in *municipia* Romana se contulissent, permissum est: sed adhuc cum Caeretibus *hospitium*, quod iura municipii dabat, non erat, infr. v. 50. fieri tamen potest, ut Livius, quum *exsilium indictum* esse scribit, id iis *iustum exsilium* esse populum iussisse intelligat. cf. xxvi. 3.

⁵ *Gabios, tanquam in suum regnum*] Enimvero regem eum Gabiorum constituisse pater dicitur a Dion. iv. 58.

⁶ *Praefecto urbis*] Qui idem interrex erat. Dion. iv. 84.

⁷ *Ex commentariis Ser. Tullii*] Vidimus supr. 48. et Dionysius quo-

Tullii creati sunt, L. Iunius Brutus et L. Tarquinius
 8 Collatinus.

que testatur Servium in animo habuisse deponere imperium. Potuit itaque commentarios conficere, in quibus eam regendae reipublicae formam describeret, quam libera olim civitas Romana constituere deberet. Atque hoc modo intelligenda videntur haec Livii verba. CREV.

8 *L. Tarquinius Collatinus*] Niebhr. in hac fabula foedus amicitiae trium tribuum patriciorum cum plebeiis con-

tra Tarquiniorum superbiam iunctum cernit, qui Lucretium Ramnensium, ut principem senatus, Valerium Titiensium, ut qui Sabina stirpe, Collatinum Lucerum, ut qui Tarquinia gente et e *minoribus patribus*, Brutum plebis ducem ut qui gentis Iuniae plebeiae auctor esset, fuisse arbitratur. Hinc duo consules, unus ex patribus, alter ex plebe creati. cf. omnino Niebhr. i. p. 507. 513.

EPITOME LIBRI II.

BRUTUS iureiurando populum astrinxit, neminem regnare Romae passuros: *Tarquinius Collatinum*, collegam suum, propter affinitatem *Tarquiniorum* suspectum, coegit consulatu se abdicare, et civitate cedere: bona regum diripi iussit: agrum *Marti* consecravit, qui *Campus Martius* nominatus est. Adolescentes nobiles, in quibus suos quoque et sororis filios, quia coniuraverant de recipiendis regibus, securi percussit: servo indici, cui *Vindicio* nomen fuit, libertatem dedit: ex cuius nomine vindicta est appellata. Quum adversus reges, qui, contractis *Veientium* et *Tarquiniensium* copiis, bellum intulerant, exercitum duxisset, in acie cum *Arunte*, filio *Superbi*, commortuus est: eumque matronae annum luxerunt. *P. Valerius* consul legem de provocatione ad populum tulit. *Capitolium* dedicatum est. *Porsenna*, rex *Clusinorum*, bello pro *Tarquiniiis* suscepto, quum ad *Ianiculum* venisset, ne *Tiberim* transiret, virtute *Coclitis Horatii* prohibitus est; qui, dum alii pontem *sublicium* rescindunt, solus *Etruscos* sustinuit; et, ponte rupto, armatus se in flumen misit, et ad suos tranavit. Alterum accessit virtutis exemplum a *Mucio*: qui, quum ad feriendum *Porsennam* castra hostium intrasset, occiso scriba, quem regem esse putabat, comprehensus, impositam altaribus manum, in quibus sacrificatum erat, exuri passus est; dixitque tales trecentos esse coniuratos in mortem ipsius regis. Quorum admiratione coactus *Porsenna* pacis conditiones ferre, bellum omisit, acceptis obsidibus: ex quibus virgo una *Cloelia*, deceptis custodibus, per *Tiberim* ad suos tranavit: et, quum reddita esset, a *Porsenna* honorifice remissa, equestri statua donata est. *Ap. Claudius* ex *Sabinis* Romam transfugit: ob hoc *Claudia* tribus adiecta est. Numerus tribuum amplius est, ut essent viginti una. Adversus *Tarquinium Superbum*, cum *Latinorum* exercitu bellum inferentem, *A. Postumius* dictator prospere pugnavit apud lacum *Regillum*. Plebs, quum propter nexos ob aes alienum in *Sacrum montem* secessisset, consilio *Menenii Agrippae* a seditione revocata est. Idem *Agrippa*, quum decessisset, propter paupertatem publico impendio elatus est. *Tribuni plebis* quinque creati sunt. *Oppidum Volscorum Corioli* captum

est virtute et opera C. Marcii, qui ob hoc Coriolanus vocatus est. Ti. Atinius, vir de plebe, quum in visu admonitus esset, ut de quibusdam religionibus ad senatum perferret, et neglexisset, amisso filio, debilis factus, postquam, delatus ad senatum lectica, eadem illa indicaverat, usu pedum recepto, domum reversus est. Quum C. Marcius Coriolanus, qui in exilium erat pulsus, dux Volscorum factus, exercitum hostium urbi Romae admovisset, et missi ad eum primum legati, postea sacerdotes frustra deprecati essent, ne bellum patriae inferret; Veturia mater et Volumnia uxor impetraverunt ab eo, ut recederet. Lex agraria primum lata est. Sp. Cassius consularis regni crimine damnatus est necatusque. Oppia, virgo Vestalis, ob incestum viva defossa est. Quum vicini hostes Veientes incommodi magis, quam graves, essent, familia Fabiorum id bellum gerendum depoposcit; misitque in id trecentos sex armatos, qui ad Cremeram ad unum ab hostibus caesi sunt, uno impubere domi relicto. Ap. Claudius consul, quum adversus Volscos contumacia exercitus male pugnatum esset, decimum quemque militum fuste percussit. Res praeterea adversum Volscos, et Aequos, et Veientes, et seditiones inter Patres plebemque continet.

T. LIVII PATAVINI

LIBER II.

LIBERI iam hinc populi Romani res, pace belloque 1.
gestas, annuos magistratus, imperiaque legum, poten- U. C. 245.
tiora quam hominum, peragam. Quae libertas ut laetior A. C. 507.
esset, proximi regis superbia fecerat. Nam priores ita L. Iunio
regnarunt, ut haud immerito omnes deinceps conditores Bruto, L.
partium certe urbis, quas novas ipsi sedes ab se auctae Tarquinio
multitudini addiderunt, numerentur: neque ambigitur, Collatino
quin Brutus idem, qui tantum gloriae, Superbo exacto Coss.
rege, meruit, pessimo publico id facturum fuerit, si libertatis Libertas
immaturae cupidine priorum regum alicui regnum extor- Pop. Rom.
sisset. Quid enim futurum fuit, si illa pastorum conven- tempestive
runque plebs, transfuga ex suis populis, sub tutela inviolati constituta.
templi aut libertatem, aut certe impunitatem, adepta,
soluta regio metu, agitari coepta esset tribuniciis procellis,
et in aliena urbe cum Patribus serere certamina, priusquam
pignora coniugum ac liberorum caritasque ipsius soli, cui
longo tempore assuescitur, animos eorum consociasset?
Dissipatae res nondum adultae discordia forent: quas fovit
tranquilla moderatio imperii, eoque nutriendo perduxit, ut
bonam frugem libertatis maturis iam viribus ferre possent.
1 Libertatis autem originem inde magis, quia annum im-
perium consulare factum est, quam quod deminutum quie-
2 quam sit ex regia potestate, numeres. Omnia iura, omnia
3 insignia primi consules tenuere: id modo cautum est, ne,
4 si ambo fasces haberent, duplicatus terror videretur. Brutus

1 *Quia annum imperium*] Et quod ἐπευθονοί erant, quoniam, si quid contra leges pro imperio commisissent, circumacto imperii anno, a quaestoribus parricidii in iudicium capitis vocabantur.

2 *Omnia insignia*] Praeter coronam auream, sceptrum, et purpuream auro intertextam trabeam. Quanquam trabea quidem usi consules, sed raro; statis nempe festis diebus, et in triumphali pompa. Vid. Dion. iii. 62.

et iv. 74. Crev. cf. Lydus de Mag. i. 32.

3 *Consules*] Στρατηγοί Zonaras vii. 19. Praetores quidem hoc tempore appellati, neque nomen *consulum*, nisi post decemviratum, in usum venit. Liv. iii. 55. *Consules a consulendo* Cic. de Legg. iii. 3. *Con-sul*, ut ex sul. prae sul. nihil praeter *con-legam* significat, ut vult Niebhr. i. p. 512.

4 *Si ambo fasces haberent*] Vult

U. C. 245. prior, concedente collega, fasces habuit: qui non acrior
 A. C. 507. vindex libertatis fuerat, quam deinde custos fuit. Omnium
 P. R. iurat primum avidum novae libertatis populum, ne postmodum
 se regnari flecti precibus aut donis regiis posset, iureiurando adegit,
 Romae non neminem Romae passuros regnare. Deinde, quo plus
 passurum. virium in senatu frequentia etiam ordinis faceret, caedibus
 Suppletur regis deminutum Patrum numerum, primoribus equestris 5
 Senatus. gradus lectis, ad trecentorum summam explevit: traditum-6
 que inde fertur, ut in senatum vocarentur, qui Patres,
 quique conscripti essent. Conscriptos videlicet in novum 7
 senatum appellabant lectos. Id mirum quantum profuit ad
 concordiam civitatis iungendosque Patribus plebis animos.
 2. Rerum deinde divinarum habita cura: et, quia quaedam
 Rex sacrifici- publica sacra per ipsos reges factitata erant, ne ubiubi 8
 culus. regum desiderium esset, regem sacrificulum creant. Id 9
 sacerdotium pontifici subiecere, ne additus nomini honos
 aliquid libertati, cuius tunc prima erat cura, officeret. Ac
 nescio, an, nimis undique eam minimis quoque rebus 1
 Collatinus muniendo, modum excesserint. Consulis enim alterius,
 ob Tarqui- quum nihil aliud offenderit, nomen invisum civitati fuit.
 nii nomen 'Nimium Tarquinius regno assuesse: initium a Prisco
 invisus. 'factum. Regnasse deinde Ser. Tullium. Ne intervallo
 'quidem facto oblitum, tanquam alieni, regni Superbum
 'Tarquinius, velut hereditatem gentis, scelere ac vi repe-
 'tisse. Pulso Superbo, penes Collatinum imperium esse.
 'Nescire Tarquinius privatos vivere: non placere nomen:
 'periculosum libertati esse.' Hic primo sensim tentantium
 animos sermo per totam civitatem est datus, sollicitamque
 suspicione plebem Brutus ad concionem vocat. Ibi om-

Dion. v. 75. institutum tunc, ut utrum-
 que consulem duodecim lictores prae-
 cederent, sed ita ut alteri secures cum
 fascibus, alteri fasces soli praeferren-
 tur: singulis autem mensibus secures
 sibi vicissim collegae traderent. Usus
 postea in multis variavit. CREV. cf.
 Sueton. Caes. 20. A. Gell. ii. 15.

5 *Regis*] Vetust lectio pro *regiis*,
 quae incuria scribendi usque ad nos
 pervenit. Niebhr. i. p. 517.

6 *Explevit*] Cum Livio facit Ta-
 citus Ann. xi. 25. Festus autem v.
qui patres, qui conscripti, et Plut.
 in Public. 11. P. Valerium consulem
 novos ex plebe senatores adlegisse
 affirmant. Plutarch. quidem ex fon-
 tibus Valerii Antiatis, qui gentili suo
 nihil non affinxit, plurima deduxit, et
 idcirco minorem fidem sibi vindicat.

7 *Conscripti*] cf. Festus v. *adlecti*.
 sc. per cooptationem iussu populi, Liv.

iv. 4. Universi dicti Patres Conscripti,
 sc. Patres et Conscripti, ommissa par-
 ticula conjunctiva. Niebhr. i. p. 517.
 Wachsm. p. 245.

8 *Ne ubiubi*] Ne quacunquē in re,
 quocunquē in loco. Sic Horat. Sat.
 i. 3. v. 88. *nummos undeunde extri-*
cat. Ceterum vulgo editi ante Gro-
 novium habebant *necubi*; scripti, par-
 tim *necubi ibi*, partim *necubi ubi*.
 Inde ille effecit id quod habes in con-
 textu. CREV.

9 *Regem sacrificulum*] Ab hoc
 haud multum absimilis erat archon
 ille βασιλεύς Athenis. cf. Pollux. viii.
 90. Ad hunc pertinuit festum *Regis*
fuga. Fuss. R. Antiq. § 323.

1 *Nescio, an*] Fortasse. Plerumque
 enim in hac loquendi formula vis est
 affirmandi; ac supplenda est particula
non. CREV.

nium primum iusiurandum populi recitat. ‘Neminem U. C. 245.
 ‘regnare passuros, nec esse Romae, unde periculum liber- A. C. 507.
 ‘tati foret. Id summa ope tuendum esse: neque ullam
 ‘rem, quae eo pertineat, contemnendam. Invitum se
 ‘dicere hominis causa: nec dicturum fuisse, ni caritas rei-
 ‘publicae vinceret. Non credere populum Romanum, soli-
 2 ‘dam libertatem recuperatam esse. Regium genus, regium
 ‘nomen, non solum in civitate, sed etiam in imperio esse.
 ‘Id officere, id obstare libertati. Hunc tu,’ inquit, ‘tua
 ‘voluntate, L. Tarquini, remove metum. Meminimus,
 ‘fatemur, eiecisti reges. Absolve beneficium tuum. Aufer
 ‘hinc regium nomen. Res tuas tibi non solum reddent
 ‘cives tui, auctore me; sed, si quid deest, munifice auge-
 ‘bunt. Amicus abi: exonera civitatem vano forsitan metu.
 ‘Ita persuasum est animis, cum gente Tarquinia regnum
 ‘hinc abiturum.’ Consuli primo tam novae rei ac subitae
 admiratio incluserat vocem. Dicere deinde incipientem
 primores civitatis circumsistunt, eadem multis precibus
 orant. Et ceteri quidem movebant minus. Postquam Sp.
 3 Lucretius, maior aetate ac dignitate, socer praeterea ipsius,
 agere varie, rogando alternis suadendoque, coepit, ut vinci
 se consensu civitatis pateretur; timens consul, ne postmo-
 dum privato sibi eadem illa cum bonorum amissione, addi-
 taque alia insuper ignominia, acciderent, abdicavit se con-
 sulatu: rebusque suis omnibus Lavinium translatis, civitate
 cessit. Brutus ex senatusconsulto ad populum tulit, ut
 omnes Tarquiniae gentis exsules essent: collegam sibi
 4 comitiis centuriatis creavit P. Valerium, quo adiutore reges
 eiecerat.

Abdicat se
 consulatu.

Sufficitur
 P. Valerius.

3.

Quum haud cuiquam in dubio esset, bellum ab Tarquiniis
 imminere, id quidem spe omnium serius fuit. Ceterum,
 id quod non timebant, per dolum ac proditionem prope
 libertas amissa est. Erant in Romana iuventute adoles-
 5 centes aliquot, nec ii tenui loco orti, quorum in regno
 libido solutior fuerat, aequales sodalesque adolescentium
 Tarquiniorum, assueti more regio vivere. Eam tum,
 aequato iure omnium, licentiam quaerentes, libertatem

2 *Regium genus*] Hoc est, gentem Tarquiniorum. Cic. de Rep. ii. 25. sed rationem magis probabilem addfert Dion. v. 9, 10. et Plutarch. in Public. 7, sc. Continuum urbe pulsum fuisse, postquam Aquilios sororis filios mendo supplicio eripere conatus est.

3 *Maiores aetate ac dignitate*] Ut qui princeps senatus et ex maiorum gentium patribus.

4 *P. Valerium*] Serv. in Aen. vi.

519. “duo creati sunt consules, Brutus et Tricipitinus, pater Lucretiae, qui et Tarquinius dicebatur: ob quod solum est urbe depulsus: et in eius locum subrogatus est Valerius Publicola; quo mortuo item alter est factus: et alter sanctorum.” Sed mire discrepant auctores.

5 *Tenui*] Duravit. cf. iii. 19. xxiii. 44. xxxiii. 12.

U. C. 245. aliorum in suam vertisse servitutem inter se conquerebantur.
 A. C. 507. 'Regem hominem esse, a quo impetres, ubi ius, ubi iniuria
 'opus sit: esse gratiae locum, esse beneficio; et irasci et
 'ignoscere posse: inter amicum atque inimicum discrimen
 'nosse. Leges rem surdam, inexorabilem esse, salubriorem
 'melioremque inopi, quam potenti: nihil laxamenti nec
 'veniae habere, si modum excesseris. Periculosum esse,
 'in tot humanis erroribus sola innocentia vivere.' Ita, iam
 sua sponte aegris animis, legati ab regibus superveniunt,
 sine mentione redditus bona tantum repetentes. Eorum
 verba postquam in senatu audita sunt, per aliquot dies ea
 consultatio tenuit: ne non reddita, belli causa; reddita,
 belli materia et adiumentum essent. Interim legati alii
 alia moliri, aperte bona repetentes, clam recuperandi regni
 consilia struere. Et, tanquam ad id, quod agi videbatur,⁶
 ambientes nobilium adolescentium animos pertentant: a
 quibus placide oratio accepta est, his literas ab Tarquiniis
 reddunt; et de accipiendis clam nocte in urbem regibus
 colloquuntur. Vitelliis Aquilliisque fratribus primo com-⁷
 missa res est. Vitelliorum soror consuli nupta Bruto erat:
 iamque ex eo matrimonio adolescentes erant liberi, Titus
 Tiberiusque: eos quoque in societatem consilii avunculi
 assumunt. Praeterea et nobiles aliquot adolescentes conscii
 assumpti, quorum vetustate memoria abiit. Interim quum
 in senatu vicisset sententia, quae censebat reddenda bona;
 eamque ipsam causam morae in urbe haberent legati, quod
 spatium ad vehicula comparanda a consulibus sumpsissent,
 quibus regum asportarent res; omne id tempus cum coniu-
 ratis consultando absumunt, evincuntque instando, ut literae
 sibi ad Tarquinius darentur: nam aliter qui credituros eos,
 non vana ab legatis super rebus tantis afferri? Datae
 literae, ut pignus fidei essent, manifestum facinus fecerunt.
 Nam quum, pridie quam legati ad Tarquinius proficisce-⁸
 rentur, et coenatum forte apud Vitellios esset, coniuratique
 ibi, remotis arbitris, multa inter se de novo, ut fit, consilio
 egissent; sermonem eorum ex servis unus excepit, qui iam
 antea id senserat agi: sed eam occasionem, ut literae legatis
 darentur, quae deprehensae rem coarguere possent, exspec-
 tabat. Postquam datas sensit, rem ad consules detulit.

Coniuratio
 de regibus
 revocandis.

4.

6 *Et, tanquam ad id*] Et, per spe-
 ciem eius negotii quod curare crede-
 bantur, circumeuntes domos. CREV.

7 *Vitelliis Aquilliisque*] Sorore Col-
 latini genitis, ut Dion. et Plutarch.
 placet, et ex Luceribus, hoc est, *mi-
 norum gentium* patribus. Hinc po-
 steri eos pro *iuvenibus* habuerunt,
 quod ex *minoribus* patribus essent,

et coniurationem *minorum* sc. Luce-
 rum, pro coniuratione *adolescentium*.
 Niebhr. i. p. 507.

8 *Pridie quam legati*] Nemini non
 in mentem venit in coniuratione
 illa Catilinaria literae Allobrogum
 legatis datae, et praemium servo in-
 dici libertas. cf. Sallust. Cat. 34.

Consules, ad deprehendendos legatos coniuratosque profecti U. C. 245.
domo, sine tumultu rem omnem oppressere: literarum in A. C. 507.
primis habita cura, ne interciderent. Proditoribus extemplo Opprimi-
in vincula coniectis, de legatis paullulum addubitatum est: tur.
et quanquam visi sunt commisisse, ut hostium loco essent,
ius tamen gentium valuit. De bonis regiis, quae reddi 5.
ante censuerant, res integra refertur ad Patres. Illi victi Bona Tar-
ira vetuere reddi, vetuere in publicum redigi. Diripienda quini-
plebi sunt data; ut, contacta regia praeda, spem in perpe- orum
tuum cum his pacis amitteret. Ager Tarquini- diripiuntur
inter urbem ac Tiberim fuit, consecratus Marti, Martius aut conse-
deinde campus fuit. Forte ibi tum seges farris dicitur fuisse rantur.
matura messi: quem campi fructum quia religiosum erat
consumere, desectam cum stramento segetem magna vis
hominum simul immissa corbibus fudere in Tiberim, tenui
fluentem aqua, ut mediis caloribus solet. Ita in vadis
haesitantis frumenti acervos sedisse illitos limo: insulam
inde paullatim, et aliis, quae fert temere flumen, eodem in-
vectis, factam: postea credo additas moles, manuque adiu-
tum, ut tam eminens area, firmaque templis quoque ac
porticibus sustinendis esset. Direptis bonis regum, damnati
proditores, sumptumque supplicium, conspectus eo, quod
poenae capiendae ministerium patri de liberis consulatus
imposuit, et, qui spectator erat amovendus, eum ipsum
fortuna exactorem supplicii dedit. Stabant deligati ad
palum nobilissimi iuvenes: sed a ceteris, velut ab ignotis
capitibus, consulis liberi omnium in se averterant oculos,
miserebatque non poenae magis homines, quam sceleris,
quo poenam meriti essent; illos, eo potissimum anno
patriam liberatam, patrem liberatorem, consulatum ortum
ex domo Iunia, Patres, plebem, quicquid deorum homi-
numque Romanorum esset, induxisse in animum, ut superbo

9 *Ad Patres*] Si Dionysius audiendus est, v. 6, res non ad senatum, sed ad patres curiatim convocatos relata est.

1 *In publicum*] sc. Poplicum, ut Publicola, poplicola quippe *populi* pecunia in *publico*, non in *aerario*, servabatur.

2 *Martius deinde campus fuit*] Dion. v. 13. contendit hunc agrum iam olim Marti sacrum fuisse, sed a Tarquinio religionem spretore segetibus consitum: ideo religiosum fuisse, sive nefas visum esse Romanis, huius campi fructum consumere. Hic solennis locus habendis comitiis centuriatis. In eo quoque iuventutem exerceri solitam notum est. Cuius. cf. A. Gell.

vi. 7. qui Campum Tiberinum sive Martium populo Romano a virgine Vestali Caia Tarratia condonatum scribit. Wachsm. p. 248.

3 *Insulam*] Hodie *Isola Tiberina*.

4 *Poenae capiendae ministerium*] Niebhr. placet Brutum *patrio iure* in filios animadvertisse. cf. Liv. i. 26. et nullam a patre ad populum provocationem esse: munere autem consulari finetum esse, quando in sede sua lictores ad supplicium sumendum misit. Exemplo suo animos civium ad alios comuratores, si provocatione certassent, non absolvendos confirmavit. Niebhr. i. p. 488. Wachsm. p. 248.

U. C. 245.
A. C. 507.
Proditores
poenas
dant.

quondam regi, tum infesto exsuli, proderent. Consules in sedem processere suam, missique lictores ad sumendum supplicium nudatos virgis caedunt, securique feriunt: quum inter omne tempus pater, vultusque, et os eius, spectaculo esset, eminente animo patrio inter publicae poenae ministerium. Secundum poenam nocentium, ut in utramque partem arcendis sceleribus exemplum nobile esset, praemium indici, pecunia ex aerario, libertas et civitas, data. Ille primum dicitur vindicta liberatus. Quidam vindictae quoque nomen tractum ab illo putant; Vindicio ipsi nomen fuisse. Post illum observatum, ut, qui ita liberati essent, in civitatem accepti viderentur.

6.
Tarquinii
bellum mo-
liuntur.

His, sicut acta erant, nuntiatis, incensus Tarquinius non dolore solum tantae ad irritum cadentis spei, sed etiam odio iraque, postquam dolo viam obsaeptam vidit, bellum aperte moliendum ratus, circumire supplex Etruriae urbes; orare maxime Veientes Tarquiniensesque, 'ne se ortum, 6
' eiusdem sanguinis, extorrem egentem ex tanto modo regno, cum liberis adolescentibus ante oculos suos perire sinerent. 'Alios peregre in regnum Romam accitos: se regem, 'augentem bello Romanum imperium, a proximis scelerata 'coniuratione pulsum. Eos inter se, quia nemo unus satis 'dignus regno visus sit, partes regni rapuisse; bona sua 'diripienda populo dedisse, ne quis expers sceleris esset. 'Patriam se regnumque suum repetere, et persequi ingratos 'cives velle. Ferrent opem, adiuverent; suas quoque 'veteres iniurias ultum irent, toties caesas legiones, agrum 'ademptum.' Haec moverunt Veientes: ac pro se quisque, Romano saltem duce, ignominias demendas, belloque amissa repetenda, minaciter fremunt. Tarquinienses nomen ac cognatio movet: pulchrum videbatur, suos Romae regnare. Ita duo duarum civitatum exercitus, ad repetendum regnum belloque persequendos Romanos, secuti Tarquinium. Postquam in agrum Romanum ventum est, obviam hosti consules eunt. Valerius quadrato agmine peditem ducit: 7 Brutus ad explorandum cum equitatu antecessit. Eodem

5 *Vindicta liberatus*] Virgula, quam lictor vel potius Praetor capiti servi manumittendi ter quaterve imponens, eum in libertatem vindicabat. Haec manumittendi species libertatem, non civitatem dabat. Qui vero *censu* liberatus, usque ad censuram Ap. Claud. Caeci, inter aerarios referebatur, postea autem civitatem optimo iure obtinebat. Accessit tertia manumissio *per testamentum* ex legibus XII. Tabularum. Nomen *Vindicius* a *Vin-*

dicta. Niebhr. i. p. 520. 584. Wachsm. p. 248.

6 *Ne se ortum*] *Se* casu sexto interpretandum esse, ex ipsis, nempe Veientibus et Tarquiniensibus Etruscis, monet Gronov. de Tarquiniens. cf. Cic. Tusc. Qu. iii. 12.

7 *Quadrato agmine*] sc. Acie instructa et ordinibus phalangis densatis. *agmen* vero *longum*, quando in itinere essent milites.

modo primus eques hostium agminis fuit. Pracerat Aruns U. C. 245.
 Tarquinius, filius regis: rex ipse cum legionibus seque- A. C. 507.
 batur. Aruns, ubi ex lictoribus procul consulem esse;
 deinde iam propius ac certius facie quoque Brutum cogno-
 vit, inflammatus ira, 'Ille est vir,' inquit, 'qui nos extorres
 'expulit patria. Ipse, en, ille, nostris decoratus insignibus,
 'magnifice incedit. Dii regum ultores adeste.' Concitat
 calcaribus equum, atque in ipsum infestus consulem dirigit.
 Sensit in se iri Brutus. Decorum erat tum ipsis capessere
 pugnam ducibus. Avide itaque se certamini offert: adeo-
 que infestis animis concurrerunt, neuter, dum hostem
 vulneraret, sui protegendī corporis memor, ut, contrario Bruti mors.
 ictu per parmam uterque transfixus, duabus haerentes hastis
 moribundi ex equis lapsi sint. Simul et cetera equestris
 pugna coepit; neque ita multo post et pedites superveniunt.
 Ibi varia victoria, et velut aequo Marte pugnatum est: Pugna du-
 dextra utrimque cornua vicere, laeva superata. Veientes, bia.
 vinci ab Romano milite assueti, fusi fugatique. Tarquini-
 ensis, novus hostis, non stetit solum, sed etiam ab sua parte
 Romanum pepulit.

Ita quum pugnatum esset, tantus terror Tarquinium 7.
 atque Etruscos incessit, ut, omissa irrita re, nocte ambo
 exercitus, Veiens Tarquiniensisque, suas quisque abirent
 domos. Adiciunt miracula huic pugnae: silentio proximae
 8 noctis ex silva Arsia ingentem editam vocem; Silvani
 9 vocem eam creditam; haec dicta, 'Uno plus Etruscorum
 'cecidisse in acie; vincere bello Romanum.' Ita certe
 inde abiire Romani, ut victores; Etrusci pro victis. Nam,
 postquam illuxit, nec quisquam hostium in conspectu erat,
 P. Valerius consul spolia legit, triumphansque inde Roman
 rediit. Collegae fumus, quanto tum potuit apparatu, fecit:
 sed multo maius morti decus publica fuit maestitia, eo ante
 1 omnia insignis, quia matronae annum, ut parentem, eum
 luxerunt, quod tam acer ultor violatae pudicitiae fuisset.

Consuli deinde, qui superfuerat, ut sunt mutabiles vulgi
 animi, ex favore non invidia modo, sed suspicio etiam cum
 atroci crimine, orta. Regnum eum affectare, fama ferebat: Valerius
 quia nec collegam subrogaverat in locum Bruti, et aedifi- adfectati
 2 cabat in summa Velia: ibi alto atque munito loco arcem regni insi-
 mulatur.

8 *Silva Arsia*] Horatio heroi sa-
 cra. Dion. v. 14. *haec dicta* glos-
 sam esse ineptam suspiciantur Doer.
 et Rupert. Silvani terrores illi, qui
Panici vocantur, attribuuntur. Dion.
 v. 16.

9 *Uno plus*] Similiter infr. v. 30.
plures tribus. Plut. in Public. 9.
 etiam *perit* addit, 11. 300 Tusco-

rum, 11. 209 Romanorum.

1 *Annum*] Decem mensium. Non
 enim ultra hoc spatium maximus lue-
 tus excurrebat, ex instituto Numae.
 Plut. in Numa. CREV. De anno de-
 cem mensium Romuleo cf. Niebhr. i.
 p. 271.

2 *Velia*] Editiore parte montis
 Palatini CREV. Similiter Manlii do-

U. C. 245. inexpugnabilem fore. Haec dicta vulgo creditaque quum
 A. C. 507. indignitate angerent consulis animum, vocato ad concilium
 Submittit populo, summissis fascibus in concionem escendit. Gratum ³
 fasces po- id multitudini spectaculum fuit; summissa sibi esse imperii ⁴
 pulo. insignia: confessionemque factam, populi, quam consulis,
 maiestatem vimque maiorem esse. Ubi audire iussi, consul
 Se purgat. 'laudare fortunam collegae, quod, liberata patria, in summo
 'honore, pro republica dimicans, matura gloria, necdum se
 'vertente in invidiam, mortem occubisset. Se superstitem
 'gloriae suae ad crimen atque invidiam superesse: ex libe-
 'ratore patriae ad Aquillios se Vitelliosque recidissee. Nun-
 'quamne ergo,' inquit, 'ulla adeo a vobis spectata virtus
 'erit, ut suspicione violari nequeat? Ego me, illum acer-
 'rimum regum hostem, ipsum cupiditatis regni crimen
 'subiturum timerem? Ego, si in ipsa arce Capitolioque
 'habitarem, metui me crederem posse a civibus meis?
 'Tam levi momento mea apud vos fama pendet? Adeone
 'est fundata leviter fides, ut, ubi sim, quam qui sim, magis
 'referat? Non obstabunt P. Valerii aedes libertati vestrae,
 'Quirites; tuta erit vobis Velia. Deferam non in planum
 'modo aedes, sed colli etiam subiiciam: ut vos supra sus-
 'pectum me civem habitetis. In Velia aedificent, quibus
 'melius, quam P. Valerio, creditur libertas.' Delata con-
 festim materia omnis infra Veliam; et, ubi nunc Vicae-
 8. potae est, domus in infimo clivo aedificata. Latae deinde
 Leges ab eo latae. leges, non solum quae regni suspicione consulem absolve-
 rent, sed quae adeo in contrarium verterent, ut popularem
 etiam facerent: inde cognomen factum Publicolae est.
 Ante omnes de provocatione adversus magistratus ad popu-
 lum, sacrandoque cum bonis capite eius, qui regni occu-
 6
 7

mus in Capitolino Monte posita invidiam movit, infr. vi. 19.

3 *Vocato ad concilium populo*] sc. Curiatim convocato. Cave concilium populi cum exercitu vocato sive comitiis centuriatis confundas. Liv. i. 36. Gronov. Observ. i. 1. Wachsm. p. 251. Niebhr. i. p. 418. 521. Laelius ap. A. Gell. xv. 27. "Is qui non universum populum, sed partem aliquam adesse iubet, non comitia, sed concilium edicere iubet." Hinc Poplicola, qui *populum*, non multitudinem, coluit.

4 *Summissis fascibus*] Tunc etiam fascibus secures dempsit. Inde institutum mansit, ut fasces cum securibus nunquam in urbe consulibus praerferrentur. Dion. v. 75. CREV.

5 *Vicaepotae*] Victoriae, supple aedes. Vicaepotae nomen a *vincendo*

et *potiundo*. CREV. Addito insuper honore, ut cardine suo ianua, non intra aedes, sed foras in plateam verteretur. Dion. v. 39.

6 *De provocatione*] Lex haec *Valeria de provocatione* libertatis Romanae praesidium singulare erat, ut lex illa apud nostrates, quam Anglice vulgo vocamus, "the Habeas Corpus Act," regnante Carolo Secundo A. D. 1670, inter leges Britann. relata. Non tamen provocatio longius ab urbe mille passuum erat. Liv. iii. 20. De patriciis haud dubie scribit Cic. de Rep. ii. 31, "provocationem enim a regibus fuisse declarant pontificii libri, significant nostri etiam augurales" nunc quidem plebs provocatione firmata est. Niebhr. i. p. 338. 522.

7 *Sacrando*] Diris devovendo. Eum, cuius caput hoc sensu sacrum esset,

pandi consilia inisset, gratae in vulgus leges fuere. Quas U. C. 245.
 quum solus pertulisset, ut sua unius in his gratia esset, tum A. C. 507.
 deinde comitia collegae subrogando habuit. Creatus Sp.
 Lucretius consul, qui magno natu, non sufficientibus iam
 viribus ad consularia munera obeunda, intra paucos dies
 moritur. Suffectus in Lucretii locum M. Horatius Pulvil- Suffectus
 lus. Apud quosdam veteres auctores non invenio Lucre- Bruto Lu-
 tium consulem: Bruto statim Horatium suggerunt. Credo, cretius;
 quia nulla gesta res insignem fecerit consulatum, memoria huic Hora-
 9 intercidisse. Nondum dedicata erat in Capitolio Iovis tius.
 aedes. Valerius Horatiusque consules sortiti, uter dedi-
 caret. Horatio sorte evenit. Publicola ad Veientium
 bellum profectus. Aegrius, quam dignum erat, tulere Capitulum
 Valerii necessarij, dedicationem tam incluti templi Horatio dedicatur.
 1 dari. Id omnibus modis impedire conati, postquam alia
 2 frustra tentata erant, postem iam tenenti consuli foedum
 inter precationem deum nuntium incutiunt; ‘mortuum eius
 3 ‘filium esse, funestaque familia dedicare eum templum non
 ‘posse.’ Non crediderit factum, an tantum animo roboris
 fuerit, nec traditur certum, nec interpretatio est facilis.
 Nihil aliud ad eum nuntium a proposito aversus, quam ut
 cadaver efferri iuberet, tenens postem, precationem peragit,
 et dedicat templum. Haec post exactos reges domi militi-
 4 aeque gesta primo anno. Inde P. Valerius iterum, T.
 5 Lucretius consules facti.

cuius impune occidere licebat. Bona
 eius divendebantur, ac pecunia ex his
 redacta Cereri sacra erat. Vid. Liv.
 iii. 55. Dion. vi. 89. CREV.

8 *Apud quosdam*] De consulibus
 huius anni mire discrepant auctores.
 In foedere Carthag. ap. Pol. iii. 22.
 Brutum et Horatium consules legi-
 mus. Fastos prorsus alios sequitur
 Livius, alios Dion. cf. Niebhr. i. p.
 527.

9 *Nondum dedicata*] Consecratus
 quidem locus aedi i. 55. sed nondum
 dedicata aedes Iovi. Quemadmodum
 autem consecrare est e profano sa-
 crum facere, ita dedicare verbis deo
 dare atque dicare. Consecratio om-
 nem usum profanum tollit, dedicatio
 usum sacrum instituit. STRUON.

1 *Horatio dari*] Quod Horatii ex
minoribus patribus essent, Niebhr. i.
 p. 533.

2 *Postem iam tenenti consuli*] Tem-
 pli quod dedicabat, postem. Etenim
 ut ait Cic. pro Dom. 46. “Postem
 teneri in dedicatione oportere videor
 audisse templi.”

3 *Funestaque familia*] *Funesta*
familia dicebatur tantisper, dum ca-
 daver humatum non esset, neque iusta
 persoluta. Apud Virgil. Aen. vi. 150.
Misenus insepultus totam . . . incestat
funere classem. CREV.

4 *Primo anno*] Livius quidem Poly-
 bium usque ad bellum Punicum
 neglexit licet “auctorem in exquiren-
 dis temporibus diligentiorum.” cf. Cic.
 de R. ii. 15. In foedere enim primo
 Carthaginiensium cum Romanis no-
 minatim invenimus Ardeates, Antiates,
 Laurentes, Circeienses, Terracinenses,
 atque Latinorum qui sub ditione Ro-
 manorum erant, necnon qui in sua
 potestate. Unde Niebuhrius Roma-
 norum ditionem ante bellum Por-
 sennae Etruscum latissime patuisse
 intelligit.

5 *Iterum*] Si quidem fides Polybio
 iii. 22. danda est, fieri potest ut hic
 primus Valerii consulatus sit, quippe
 non alium quenquam invenies usque
 ad decemvros qui duos continuos
 consulatus gesserit. Niebhr. ii. p. 334.

9. Iam Tarquinii ad Lartem Porsennam, Clusinum regem, 6
 U. C. 246. perfugerant. Ibi, miscendo consilium precesque, nunc 7
 A. C. 506. orabant, 'ne se, oriundos ex Etruscis, eiusdem sanguinis
 P. Valerio 'nominisque, egentes exsulare pateretur:' nunc monebant
 II. T. Lucretio Coss. etiam, 'ne orientem morem pellendi reges inultum sineret.
 'Satis libertatem ipsam habere dulcedinis. Nisi, quanta vi
 'civitates eam expetant, tanta regna reges defendant,
 'aequari summa infimis: nihil excelsum, nihil, quod supra
 'cetera emineat, in civitatibus fore. Adesse finem regnis,
 'rei inter deos hominesque pulcherrimae.' Porsenna, tum
 Porsenna bellum in- fert P. Romano.
 regem esse Romae, tum Etruscae gentis regem, amplum
 Tuscis ratus, Romam infesto exercitu venit. Non unquam
 alias ante tantus terror senatum invasit: adeo valida res
 tum Clusina erat, magnumque Porsennae nomen. Nec
 hostes modo timebant, sed suosmet ipsi cives, ne Romana
 plebs, metu perculsa, receptis in urbem regibus, vel cum
 servitute pacem acciperet. Multa igitur blandimenta plebi
 per id tempus ab senatu data. Annonae in primis habita
 cura, et ad frumentum comparandum missi, alii in Volscos,
 alii Cumas. Salis quoque vendendi arbitrium, quia im-
 penso pretio venibat, in publicum omne sumptum, ademp- 8
 tum privatis. Portoriisque et tributo plebes liberata, ut 9
 divites conferrent, qui oneri ferendo essent: pauperes satis 2

6 *Lartem*] Volunt plerique interpretes *Lartem* nomen esse honoris, eoque vocabulo intelligi debere supremum quemdam moderatorem appositum duodecim Lucumonibus, sive regibus, quos duodecim Etruriae populi sibi quisque praeficiebant. Dionysius tamen accepit pro nomine Porsennae. CREV. Sunt qui existiment, cum hoc nomine, quod significaverit dominum seu principem, cognatam esse Anglorum vocem *Lord*. RASCHIG. cf. ap. Herodot. ii. 143. vox *Piromis*, quae ὁ ἀρχὴ significat.

7 *Porsennam*] Legendum haud dubie *Porsenna*, ut Vibenna, Spurinna, Perpenna, aliaque apud Etruscos gentilitia nomina. Venia quidem poetica Martial. Epigr. i. 22. "Hanc spectare manum Porsenna non potuit." Sed *Porsenna* Virg. Aen. viii. 646. Plin. H. N. xxxiv. 39. Tac. Hist. iii. 72. et Bekker. cf. Niebhr. i. p. 532.

8 *In publicum omne sumptum*] Ita Gronovius emendavit, atque Stroth. et Bekker. in textum receperunt. Quum sal nimio pretio veniret, ob aviditatem eorum, quibus Salinae circa Ostium ab Anco factae, i. 33. locabantur, eius vendendi potestas in

publicum translata est, adempta privatis. CREV. Gronovius *arbitrium venisse*, sc. vectigal magno conductum esse a redemptoribus: *in publicum sumptum*, sc. actoribus publicis mandatum quippe; *venditiones* olim dicebantur censoriae locationes, quod velut *fructus publicorum locorum* veniant. Festus v. *Venditiones*.

9 *Portoriis*] Vectigalibus, quae pro importatione et exportatione mercium solvebantur. CREV.

1 *Tributo*] Pro habitu pecuniarum ex censu a plebe collato. Non tamen infra assiduos venit, quippe proletariis et capitecensis, res familiaris aut tenuis aut nulla erat. Fieri tamen potest ut Livius dicere velit, censum aliaque instituta Servii, Tarquinio regnante sublata, iam restituta esse.

2 *Pauperes*] Quos eosdem atque plebem antiquam fuisse temere credebant Livius, quod *plebs urbanu* Augusto imperante, quae in tribubus non erat descripta, sed libertinorum et inquilinorum turba, "panem et Circenses" flagitabat, egena esset. Sed pauperes hic quidem *proletarii*, qui a munere officioque *prolis edendae* appellati sunt. cf. A. Gell. xvi. 10.

stipendii pendere, si liberos educarent. Itaque haec indulgentia Patrum, asperis postmodum rebus in obsidione ac fame, adeo concordem civitatem tenuit, ut regium nomen non summi magis, quam infimi, horrerent: nec quisquam unus malis artibus postea tam popularis esset, quam tum bene imperando universus senatus fuit.

Quum hostes adessent, pro se quisque in urbem ex agris demigrant: urbem ipsam saepiunt praesidiis. Alia muris, ³ alia Tiberi obiecto videbantur tuta. Pons sublicius iter paene hostibus dedit: ni unus vir fuisset, Horatius Cocles; (id munimentum illo die fortuna urbis Romanae habuit) qui, positus forte in statione pontis, quum captum repentino impetu Ianiculum, atque inde citatos decurrere hostes vidisset, trepidamque turbam suorum arma ordinesque relinquere, reprehensans singulos, obsistens, obtestansque deum et hominum fidem, testabatur: 'nequicquam deserto ⁴ praesidio eos fugere. Si transitum pontem a tergo reliquissent, iam plus hostium in Palatio Capitolioque, quam in Ianiculo, fore. Itaque monere, praedicere, ut pontem ferro, igni, quacunque vi possent, interrumpant. Se impetum hostium, quantum corpore uno posset obsisti, excepturum.' Vadit inde in primum aditum pontis: insignisque inter conspecta cedentium pugnae terga, obversis cominus ad ineundum proelium armis, ipso miraculo audaciae obstupefecit hostes. Duos tamen cum eo pudor tenuit, Sp. Lartium ac T. Herminium, ambos claros genere factisque. Cum his primam periculi procellam, et quod tumultuosissimum pugnae erat, parumper sustinuit: deinde eos quoque ipsos, exigua parte pontis relicta, revocantibus, qui rescindebant, cedere in tutum coegit. Circumferens inde truces minaciter oculos ad proceres Etruscorum, nunc singulos provocare, nunc increpare omnes, 'Servitia regum superborum, suae libertatis immemores, alienam oppugnatum venire.' Cunctati aliquamdiu sunt, dum alius alium, ut proelium incipiant, circumspectant: pudor deinde commovit aciem, et, clamore sublato, undique in unum hostem tela coniciunt. Quae quum in obiecto cuncta seuto haesissent, neque ille minus obstinatus ingenti pontem obtineret gradu, iam impetu conabantur detrudere virum; quum simul fragor rupti pontis, simul clamor Romanorum, alacritate perfecti operis sublatus, pavore subito impetum susti-

³ *Pons sublicius*] cf. l. 33.

⁴ *Transitum pontem*] i. e. pontem per quem transissent, composita enim verbi *ire* interdum passively accipiuntur. infr. xxi. 43. xxiii. 28. Possis etiam explicare, si *pontem a tergo* reliquissent *transitum*, sc. hostibus, i. e. qui

foret transitus hostibus. infr. xxi. 32. "transitum ea non esse." STROTH.

⁵ *Duos tamen*] Singulos ex singulis tribubus patrum, sc. Lartium ex Ramnensibus, Herminium ex Titiensibus, Horatium ex Luceribus.

U. C. 246. nuit. Tum Cocles, ‘Tiberine pater,’ inquit, ‘te sancte 6
A. C. 506. ‘precor, haec arma et hunc militem propitio flumine ac-
‘cipias.’ Ita sic armatus in Tiberim desiluit: multisque
superincidentibus telis incolumis ad suos tranavit, rem 7
ausus plus famae habituram ad posteros, quam fidei. Grata
erga tantam virtutem civitas fuit: statua in comitio posita, 8
agri quantum uno die circumaravit, datum. Privata quo- 9
que inter publicos honores studia eminebant: nam in magna
inopia pro domesticis copiis unusquisque ei aliquid, fraudans
se ipse victu suo, contulit.

11.
Porsenna
urbem ob-
sidet.

Porsenna, primo conatu repulsus, consiliis ab oppugnanda
urbe ad obsidendam versis, praesidio in Ianiculo locato, 1
ipse in plano ripisque Tiberis castra posuit; navibus undi-
que accitis, et ad custodiam, ne quid Romam frumenti
subvehi sineret, et ut praedatum milites trans flumen per
occasiones aliis atque aliis locis traiceret: brevique adeo
infestum omnem Romanum agrum reddidit, ut non cetera
solum ex agris, sed pecus quoque omne in urbem compel-
leretur, neque quisquam extra portas propellere auderet.
Hoc tantum licentiae Etruscis, non metu magis, quam
consilio, concessum. Namque Valerius consul, intentus in
occasionem multos simul et effusos improvise adoriundi, in
parvis rebus negligens ultor, gravem se ad maiora vindicem
servabat. Itaque, ut eliceret praedatores, edicit suis, pos-
tero die frequentes porta Esquilina, quae aversissima ab
hoste erat, expellerent pecus; scituros id hostes ratus, quod
in obsidione et fame servitia infida transfugerent. Et
sciere perfugae indicio; multoque plures, ut in spem uni-
versae praedae, flumen traiciunt. P. Valerius inde T.
Herminium cum modicis copiis ad secundum lapidem 2
Gabina via occultum considerare iubet: Sp. Lartium cum
expedita iuventute ad portam Collinam stare, donec hostis 3

6 *Tiberine*] “Teque, pater Tibe-
rine, tuo cum flumine sancto.” Enn.
p. 41.

7 *Incolomis*] Contra Dion. i. 24.
femur telo traiectionem scribit. Poly-
bius autem vi. 53. Coclitem in flumine
demersum narrat.

8 *Statua in comitio*] Comitium pars
quaedam fori Romani, cui nomen ab
eo, quod *populus* illuc ad concilia sua
coibat; *plebs* vero in reliquo foro con-
veniebat. Rostra quidem, quae paullo
superiora erant, cf. Fronto ad Anton.
Aug. i. 2. comitium a reliquo foro di-
videbant. Statuam de coelo tactam
memorat A. Gell. iv. 5.

9 *Circumaravit*] Poetice dictum,
quippe Curius Dentatus, quum Pyr-

rhi impetus contudisset, quinquaginta
iugera agri a senatu sibi donata; ut
supra consularem fortunam, repudia-
vit. Plin. H. N. xviii. 4. Columell. i.
3. cf. Herod. iv. 7.

1 *Ianiculo*] cf. bellum Etruscum,
infr. 51.

2 *Lapidem*] Ad secundum ab urbe
milliarium, quippe viae lapidibus,
mille passuum intervallo, a primariis
locis distantiam inscriptam, velut m. p.
xx., exhibebant. cf. Fuss. R. Ant. § 48.

3 *Collinam*] Prima urbis porta,
a Tiberi orientem versus, erat Fla-
minia, tum sequebantur Collatina,
Collina, Viminalis, Querquetulana,
Esquilina Tiberi e regione posita vel
aversissima ab hoste, Naevia, Coeli-

praetereat: deinde se obiiicere, ne sit ad flumen reditus. U. C. 246.
 Consulum alter T. Lucretius porta Naevia cum aliquot A. C. 506.
 manipulis militum egressus: ipse Valerius Coelio monte
 cohortes delectas educit: hique primi apparuere hosti.
 Herminius, ubi tumultum sensit, concurrit ex insidiis, ver-
 sisque in Valerium Etruscis terga caedit: dextra laevaue,
 hinc a porta Collina, illinc ab Naevia, redditus clamor.
 Ita caesi in medio praedatores, neque ad pugnam viribus
 pares, et ad fugam saeptis omnibus viis: finisque ille tam
 effuse evagandi Etruscis fuit.

Obsidio erat nihilo minus et frumenti cum summa cari-
 tate inopia; sedendoque expugnaturum se urbem spem
 4 Porsenna habebat: quum C. Mucius, adolescens nobilis, cui C. Mucii
 indignum videbatur, populum Romanum servientem, quum facinus.
 sub regibus esset, nullo bello nec ab hostibus ullis obsessum
 esse; liberum eundem populum ab iisdem Etruscis obsideri,
 quorum saepe exercitus fuderit. Itaque, magno audacique
 aliquo facinore eam indignitatem vindicandam ratus, primo
 sua sponte penetrare in hostium castra constituit: dein
 metuens, ne, si consulum iniussu et ignaris omnibus iret,
 forte deprehensus a custodibus Romanis retraheretur ut
 5 transfuga, fortuna tum urbis crimen affirmante, senatum
 adiit: 'Transire Tiberim,' inquit, 'Patres, et intrare, si
 'possim, castra hostium volo; non praedo, nec populati-
 'onum in vicem ultor: maius, si dii iuvant, in animo est
 'facinus.' Approbant Patres: abdito intra vestem ferro,
 proficiscitur. Ubi eo venit, in confertissima turba prope
 regium tribunal constitit. Ibi quum stipendium forte
 militibus daretur, et scriba, cum rege sedens pari fere
 ornatu, multa ageret, eum milites vulgo adirent, timens
 sciscitari, uter Porsenna esset, ne ignorando regem semet
 ipse aperiret, quis esset, quo temere traxit fortuna facinus,
 scribam pro rege obtruncat. Vadentem inde, qua per tre-
 pidam turbam cruento muerone sibi ipse fecerat viam, quum,
 concursu ad clamorem facto, comprehensum regii satellites
 6 retraxissent, ante tribunal regis destitutus, tum quoque,

montana etc. Etruscis igitur necesse
 erat praeterire portam Collinam, cf.
 xxvi. 10. et viam Gabinam, ut ad pe-
 ctus e porta Esquilina exactum per-
 venerint; ubi vero huc perventum
 erat, a fronte eos adoriebantur con-
 sules, e portis Naevia et Coelumontana
 egressi. Ita a quattuor partibus in-
 clusi erant hostes. Stronh. cf. Niebhr.
 i. p. 515.

4 *Carus Mucius*] Mucii gens ple-
 beia. Sed Niebhr. i. p. 516, suspici-
 tur in vet. annalibus Carum appella-

tum fuisse, ut ap. Polyb. *praenomina*
 plerumque legimus: et *nomen* Mu-
 cium postea "*fallente mendacio*" ad-
 ditum. Sed nihil moratur, quo mi-
 nus Mucius libertatem illam, quam
 Brutus plebeius peperit, plebeius ipse
 vita sua tueretur.

5 *Fortuna*] Inopia, qua tum urbs
 laborabat, criminationi fidem ad-
 struente.

6 *Destitutus*] Solus, reus, inops.
 Bacher. In inferiore loco collocatus,
 xxiii. 5. vel poenae aut contumeliae

U. C. 246. inter tantas fortunae minas, metuendus magis, quam metu-
 A. C. 506. ens: 'Romanus sum,' inquit, 'civis: C. Mucium vocant.' 7
 'Hostis hostem occidere volui: nec ad mortem minus
 'animi est, quam fuit ad caedem. Et facere et pati fortia,
 'Romanum est. Nec unus in te ego hos animos gessi:
 'longus post me ordo est idem petentium decus. Proinde
 'in hoc discrimen, si iuvat, accingere, ut in singulas horas
 'capite dimices tuo; ferrum hostemque in vestibulo habeas
 'regiae. Hoc tibi iuventus Romana indicimus bellum.
 'Nullam aciem, nullum proelium timueris. Uni tibi, et
 'cum singulis, res erit.' Quum rex, simul ira infensus,
 periculoque conterritus, circumdari ignes minitabundus
 iuberet, nisi expromeret propere, quas insidiarum sibi
 minas per ambages iaceret: 'En tibi,' inquit, 'ut sentias,
 'quam vile corpus sit iis, qui magnam gloriam vident:'
 dextramque accenso ad sacrificium foculo iniicit. Quam
 quum velut alienato ab sensu torreret animo; prope atto-
 nitus miraculo rex, quum ab sede sua prosiluisset, amove-
 rique ab altaribus iuvenem iussisset, 'Tu vero abi,' inquit,
 'in te magis, quam in me, hostilia ausus. Iuberem macte 8
 'virtute esse, si pro mea patria ista virtus staret. Nunc
 'iure belli liberum te, intactum inviolatumque hinc dimitto.'
 Tum Mucius, quasi remunerans meritum, 'Quandoquidem,'
 inquit, 'est apud te virtuti honos, ut beneficio tuleris a me,
 'quod minis nequisti; trecenti coniuravimus principes iu-
 'ventutis Romanae, ut in te hac via grassaremur. Mea
 'prima sors fuit: ceteri, ut cuique ceciderit primo, quoad
 'te opportunum fortuna dederit, suo quisque tempore,
 'aderunt.'

13.
 Porsenna
 de pace
 agit.

Mucium dimissum, cui postea Scaevolae a clade dextrae 9
 manus cognomen inditum, legati a Porsenna Romam secuti
 sunt. Adeo moverat eum et primi periculi casus, quo nihil
 se praeter errorem insidiatoris texisset, et subeunda dimi-
 catio toties, quot coniurati superessent, ut pacis condiciones
 ultro ferret Romanis. Iactatum in conditionibus nequic- 1

causa in aliquo loco constitutus x. 4,
 vel ita ut periculis expositus sit vii.
 10. RUP.

7 *Romanus sum civis*] Haec et
 seqq. haud dubie in carmine antiquo
 legebantur.

8 *Macte*] Propr. *mactum*. Vox
 haec, quam pro *magis aucte* positam,
 vel a verbo obsol. *magere* derivandam
 putant, solennis fuit in laetis adela-
 mationibus, perpetrato egregio faci-
 nore: unde alius eius casus, nisi in
 plur. *macti virtute este*, infr. vii. 36. vix
 in usu fuisse videtur. cf. Drak. ad h. l.

Heyn. ad Virg. Aen. ix. 641. Burm.
 ad Val. Flacc. vi. 547. Duk. ad Flor.
 ii. 18. RUP. *Trecenti*, numerum hunc
 in veteribus illis mythis Romanis nus-
 quam non offendimus Niebhr. i. p.
 535.

9 *Scaevolae*] Varr. de L. L. vi. 5.
 "quod puerulis res turpica in collo
 suspenditur, scaevola appellata,"
 Angl., *an amulet*. Neque hoc Mucii
 solis cognomen erat. *Scaevula* le-
 gend. vult Niebhr. i. p. 537.

1 *Pacis condiciones ultro*] Oratorice
 magis quam historice dictum, quippe

quam de Tarquiniis in regnum restituendis, magis quia U. C. 246. A. C. 506.
 id negare ipse nequiverat Tarquiniis, quam quod nega-
 2 tum iri sibi ab Romanis ignoraret. De agro Veientibus
 restituendo impetratum: expressaque necessitas obsides
 dandi Romanis, si Ianiculo praesidium deduci vellent.
 3 His conditionibus composita pace, exercitum ab Ianiculo
 deduxit Porsenna, et agro Romano excessit. Patres C.
 Mucio virtutis causa trans Tiberim agrum dono dedere,
 quae postea sunt Mucia prata appellata. Ergo, ita hono-
 rata virtute, feminae quoque ad publica decora excitatae.
 4 Et Cloelia virgo, una ex obsidibus, quum castra Etruscorum Cloelia.
 forte haud procul ripa Tiberis locata essent, frustrata custo-
 des, dux agminis virginum inter tela hostium Tiberim tra-
 navit: sospitesque omnes Romam ad propinquos restituit.
 Quod ubi regi nuntiatum est, primo incensus ira, oratores
 Romam misit ad Cloeliam obsidem deposcendam; alias
 haud magni facere: deinde in admirationem versus, 'supra
 'Coclites Muciosque' dicere 'id facinus esse,' et prae se
 ferre, 'quemadmodum, si non dedatur obses, pro rupto se
 'foedus habiturum; sic deditam, inviolatam ad suos remis-
 'surum.' Utrumque constitit fides: et Romani pignus pacis
 ex foedere restituerunt: et apud regem Etruscum non tuta
 solum, sed honorata etiam, virtus fuit: laudatamque virgi-
 5 nem parte obsidum se donare dixit: ipsa, quos vellet, lege-

Tac. Hist. iii. 72, "quam non Porsenna, dedita urbe nec Galli capta," etc. Plinius quoque H. N. xxxiv. 39. "In foedere, quod expulsis regibus populo Romano dedit Porsenna, nominatim comprehensum invenimus, ne ferro nisi in agri culturam uterentur."

2 De agro Veientibus] Quem septem pagos Dion. v. 31. vocat: eos Veientibus Romulus ademerat, nunc vero vi recepit Porsenna. Quinetiam Plutarch. Qu. Rom. 18. agrum Romanum Etruscis ex parte decuma vectigalem fuisse scribit. Niebhr. i. p. 412. 538. partem tertiam regionum a Servio descriptarum a victoribus Etruscis iure gentium Italico Romanis ademtam esse, atque ita evenisse ut de triginta tribubus Servianis viginti solum usque ad U. C. 259. superessent.

3 His conditionibus] Dionysius v. 35. senatum Romanum Porsennae, ut regi, solum eburneum atque insignia regalia, quemadmodum Etruscos Tarquinio Prisco, munera detulisse scribit.

4 Cloelia] Aliam fabulam ap. Plin.

H. N. xxxiv. 13. reperies. cf. Dion. v. 33. Plut. Publ. 19.

5 Parte obsidum se donare dixit] Quota parte? Nempe dimidia. Ubi enim *pars et partes* ita in oratione ponuntur, ut certae quaedam et determinatae portiones finiri videantur, nec tamen discrete explicetur quales illae partes sint; tum intelligendae sunt partes eiusmodi, quibus una similis addita totum efficiat. Sic hoc loco dimidiam obsidum partem intelligimus, cui altera dimidia pars addita totum efficeret. Sic infra 41. ubi dicuntur *duae agri partes* Hernicis *ademptae*, intelligendae sunt duae tertiae partes, quibus una adhuc tertia pars addita totum efficeret. Quo quidem in loco res manifestissima est, quum eodem capite obiciatur Cassio, qui *duas* illas agri *partes* Hernicis ademerat, quod iis *tertiam* agri *partem* reddiderit. Quomodo hic vox *parte* absolute ponitur pro *dimidia parte*, sic et apud Ovid. Metam. v. 453. *Neque adhuc cypota parte*. Iam Ceres aliquam partem liberat, ut ex contextu narrationis patet; at non-

U. C. 246. ret. Productis omnibus, elegisse impubes dicitur: quod et
A. C. 506. virginitati decorum, et consensu obsidum ipsorum probabile
erat; eam aetatem potissimum liberari ab hoste, quae
maxime opportuna iniuriae esset. Pace redintegrata, Ro-
mani novam in femina virtutem novo genere honoris,
statua equestri, donavere. In summa Sacra via fuit posita
virgo insidens equo.

14. Huic tam pacatae profectioni ab urbe regis Etrusci ab-
horrens mos, traditus ab antiquis, usque ad nostram aetatem
inter cetera sollennia manet bonis vendendis, bona Porsen-
nae regis vendendi. Cuius originem moris, necesse est, aut 4
inter bellum natam esse, neque omissam in pace: aut a
mitiore crevisse principio, quam hic prae se ferat titulus
bona hostiliter vendendi. Proximum vero est ex iis, quae
traduntur, Porsennam, discedentem ab Ianiculo, castra opu-
lenta, convecto ex propinquis ac fertilibus Etruriae arvis
commeatu, Romanis dono dedisse, inopi tum urbe ab longin-
qua obsidione: ea deinde, ne populo immisso diriperentur
hostiliter, venisse, bonaque Porsennae appellata, gratiam
muneris magis significante titulo, quam auctionem fortunae
regiae, quae ne in potestatem quidem populi Romani esset.
Omisso Romano bello, Porsenna, ne frustra in ea loca exer-
citus adductus videretur, cum parte copiarum filium Arun-
tem Aricium oppugnatum mittit. Primo Aricinos res nec-
opinata perculerat: arcessita deinde auxilia, et a Latinis
populis, et a Cumis, tantum spei fecere, ut acie decernere 5
auderent. Proelio inito, adeo concitato impetu se intule-
rant Etrusci, ut funderent ipso incursu Aricinos. Cumanae
cohortes, arte adversus vim usae, declinavere paullulum;
effuseque praelatos hostes conversis signis ab tergo adortae
sunt. Ita in medio prope iam victores caesi Etrusci: pars 6
perexigua, duce amisso, quia nullum propius perfugium
erat, Romam inermes et fortuna et specie supplicum delati
sunt. Ibi benigne excepti divisique in hospitia. Curatis
vulneribus, alii profecti domos, nuntii hospitalium benefi-
cium: multos Romae hospitem urbisque caritas tenuit.
His locus ad habitandum datus, quem deinde 'Tuscum' 7
'vicum' appellarunt.

dum dimidiam partem. cf. Martial.
Epigr. ii. 24. Simile exemplum vid.
infr. viii. 4. CREV.

4 *Cuius originem*] Rationem ma-
gis probabilem affert Niebhr. i. p.
541. ii. p. 204.

5 *A Cumis*] Duce Aristodemo, qui
tyrannidem postea occupavit.

6 *Caesi Etrusci*] Hanc cladem E-
truscorum initium Romanis recupe-

randae libertatis fuisse putat Niebhr.
et post hanc cladem, obsidum Roma-
norum fugam, bonorum Porsennae
venditionem, aliaque huiusmodi po-
nenda iudicat.

7 *Tuscum vicum*] cf. Festus. v.
Tuscum vicum, qui, M. Varrone auc-
tore, a Tuscis qui ex Coelio in pla-
num locum deducti sunt, dictum esse
hunc vicum scribit.

8 P. Lucretius inde et P. Valerius Publicola consules facti. 15.

Eo anno postremum legati a Porsenna de reducendo in regnum Tarquinio venerunt. Quibus quum responsum esset, missurum ad regem senatum legatos; missi confestim honoratissimus quisque ex Patribus. 'Non, quin breviter reddi responsum potuerit, non recipi reges, ideo potius delectos Patrum ad eum missos, quam legatis eius Romae daretur responsum: sed ut in perpetuum mentio eius rei finiretur, neu in tantis mutuis beneficiis in vicem animi sollicitarentur: quum ille peteret, quod contra libertatem populi Romani esset; Romani, nisi in perniciem suam faciles esse vellent, negarent, cui nihil negatum vellent. Non in regno populum Romanum, sed in libertate esse. Ita induxisse in animum, hostibus potius, quam regibus, portas patefacere. Eam esse voluntatem omnium, ut, qui libertati erit in illa urbe finis, idem urbi sit. Proinde, si salvam esse vellet Romam, ut patiatur liberam esse, orare.' Rex verecundia victus, 'Quando id certum atque obstinatum est,' inquit, 'neque ego obtundam saepius eadem nequicquam agendo: nec Tarquinius spe auxilii, quod nullum in me est, frustrabor. Alium hinc, seu bello opus est, seu quiete, exsilio quaerant locum, ne quid meam vobiscum pacem distineat.' Dictis facta amicia adiecit. Obsidum quod reliquum erat, reddidit: agrum Veientem, foedere ad Ianiculum icto ademptum, restituit. Tarquinius, spe omni reditus incisa, exsulatum ad generum Mamilium Octavium Tusculum abiit. Romanis pax fida ita cum Porsenna fuit.

U. C. 247.
A. C. 505.

Tarquinius
Tusculum
in exsiliū
abit.

9 Consules M. Valerius, P. Postumius. Eo anno bene 16.

pugnatum cum Sabinis: consules triumpharunt. Maiore inde mole Sabini bellum parabant. Adversus eos, et ne quid simul ab Tusculo, unde, etsi non apertum, suspectum tamen bellum erat, repentini periculi oriretur, P. Valerius quartum, T. Lucretius iterum consules facti. Seditio, inter belli pacisque auctores orta in Sabinis; aliquantum inde virium transtulit ad Romanos. Namque Attus Clausus, cui postea Ap. Claudio fuit Romae nomen, cum pacis ipse auctor a turbatoribus belli premeretur, nec par factioni

U. C. 249.
A. C. 503.

U. C. 250.
A. C. 502.

Attus
Clausus
Romam
transfugit.

8 *P. Lucretius*] *Sp.* legendum censet Niebhr. ex MS. Florent. quippe Spurius semper literis S. P. denotatur, sed incuria scribarum *Spurius Publicius* scriptum invenimus. cf. Niebhr. i. p. 527. Hinc Publius in MSS. venit. Drakenborch, autem, Gronov. secutus, legendum censet "*M. Horatius et P. Valerius Publicola, inde Sp. Lartius et T. Herminius consules*

facti."

9 *Consules*] Omissum hic, seu librariorum, seu fortasse Livii ipsius incuria, par consulum: *Sp. Lartius, T. Herminius*. CREV.

1 *Turbatoribus belli*] Improbatur Gronov. et bello legendum putat, sed Ernest. defendit, quemadmodum apud Graecos *ῥαπάττων τῶν πολεμῶν*. cf. Demosth. de Cor. 50.

U. C. 250. esset, ab Regillo, magna clientium comitatus manu, Romam
 A. C. 502. transfugit. His civitas data agerque trans Anienem: vetus 2
 Claudia tribus, additis postea novis tribulibus, qui ex eo
 Attus Clau- venirent agro, appellata. Appius, inter Patres lectus, haud
 sus inter ita multo post in principum dignationem pervenit. Con-
 Patres lec- sules, infesto exercitu in agrum Sabinum profecti, quum ita
 tus, vastatione, dein proelio, afflixissent opes hostium, ut diu
 nihil inde rebellionis timere possent, triumphantes Romam
 P. Valerii redierunt. P. Valerius, omnium consensu princeps belli
 mors. pacisque artibus, anno post, Agrippa Menenio, P. Postumio 3
 U. C. 251. consulibus, moritur, gloria ingenti, copiis familiaribus adeo
 A. C. 501. exiguis, ut funeri sumptus deesset. De publico est elatus. 4
 Luxere matronae, ut Brutum. Eodem anno duae coloniae
 Bellum Latinae, Pometia et Cora, ad Auruncos deficiunt. Cum 5
 cum Au- Auruncis bellum initum: fusoque ingenti exercitu, qui se
 runcis, ingredientibus fines consulibus ferociter obtulerat, omne
 Auruncum bellum Pometiam compulsus est. Nec magis
 post proelium, quam in proelio, caedibus temperatum est:
 et caesi aliquanto plures erant, quam capti; et captos pas-
 sim trucidaverunt. Ne ab obsidibus quidem, qui trecenti 6
 accepti numero erant, iram belli hostis abstinuit. Et hoc
 anno Romae triumphatum.

17. Secuti consules, Opiter Virginii et Sp. Cassius, Pome-
 U. C. 252. tiam primo vi, deinde vineis aliisque operibus, oppugnave- 7
 A. C. 500. runt. In quos Aurunci, magis iam inexpiabili odio, quam
 spe aliqua aut occasione, coorti, quum plures igni, quam
 ferro, armati excucurrissent, caede incendioque cuncta
 complent. Vineis incensis, multis hostium vulneratis et 8

2 *Trans Anienem: vetus Claudia*] Quomodo *Vetus* non liquet, et fortasse in voce *vetus* vitium latet. Niebuhrius *trans Anienem veterem. Claudia* legit. *Anio Vetus* aquaeductus a Curio Dentato ex Pyrrhi spoliis extractus; *Anio novus* a Claudio Imperatore, opus praeclarum, ut quod per sexaginta duo millia passuum deductum. cf. Frontinus de Aquaed. i. Claudiam tribum in locum Tarquiniorum, ut patriciam gentem, suffectam esse coniecit Niebhr. i. p. 550.

3 *P. Postumio*] Iterum, sed notas secundi tertii consulatus in lib. II. et III. saepissime a Livio omittas monet Drak.

4 *De publico*] Contra Plutarch. Publ. 23. quadrantibus in capita conlatis, ut postea Menen. Agrippae, infr. 33. sed funus publico sumptu in honorem virorum clarorum, non inopia rei familiaris celebratum est. Niebhr.

i. p. 549.

5 *Ad Auruncos deficiunt*] sc. Colonis Romanis expulsis aut caesis.

6 *Obsidibus*] Quos, colonos Auruncorum, praesidii causa, ab Auruncis victae urbi impositos putat Niebhr. ii. p. 91. et hoc satis in causa fuisse, cur a Romanis trucidati essent.

7 *Pometiam*] Mirum videtur, quod haec urbs, capta et diruta a Tarquinio Superbo i. 53. dicta sit: quapropter aut aliam urbem fuisse, aut non dirutam a Tarquinio existimat Niebhr. i. p. 504. ii. p. 89.

8 *Vineis*] Vineae erant machinae lignis et cratibus contextae, ac terra adopertae, quae subiectis rotulis impellebantur. Harum tecto muniti obsidentes vel murorum fundamenta ferro subruebant, vel arietem moenibus incutiebant. De vineis agit Lips. Poliorcet. i. 7. CREV.

occisis, consulum quoque alterum, (sed utrum, nomen U. C. 252.
auctores non adiciunt) gravi vulnere ex equo deiectum, A. C. 500.
prope interfecerunt. Romam inde, male gesta re, reditum:
9 inter multos saucios consul spe incerta vitae relictus. In-
teriecto deinde haud magno spatio, quod vulneribus curan-
dis supplendoque exercitui satis esset, tum ira maiore belli,
tum viribus etiam auctis, Pometiae arma illata: et quum,
vineis reffectis aliaque mole belli, iam in eo esset, ut in
muros evaderet miles, deditio est facta. Ceterum nihilo
1 minus foede, dedita urbe, quam si capta foret, Aurunci
2 passim principes securi percussi, sub corona venierunt
3 coloni alii; oppidum dirutum, ager veniit. Consules,
magis ob iras graviter ultas, quam ob magnitudinem per-
fecti belli, triumpharunt.

Insequens annus Postumum Cominium et T. Lartium 18.
consules habuit. Eo anno Romae, quum per ludos ab U. C. 253.
Sabinorum iuventute per lasciviam scorta raperentur, concursu hominum rixa ac prope proclium fuit; parvaque ex A. C. 499.
re ad rebellionem spectare res videbatur. Supra belli
4 Latini metum id quoque accesserat, quod triginta iam con-
iurasse populos, concitante Octavio Mamilio, satis constabat.
5 In hac tantarum expectatione rerum sollicita civitate, dic-
6 tatoris primum creandi mentio orta: sed nec quo anno,

9 *Relictus*] *Relatus* ex coniectura Dukeri in textum recepit Bekker.

1 *Aurunci passim principes*] Hoc idem bellum esse, quod in cap. priore narratur, censet Niebuhrius ii. p. 91, et Livium ex diversis annalibus eodem eventus eruentem, in duos annos imprudentem conferendos habuisse: hanc quoque narrationem pluribus argumentis suspectam reddidit Drak.

2 *Sub corona venierunt*] "Antiquitus mancipia, iure belli capta, coronis induta venibant, et ideo dicebantur sub corona venire." A. Gell. vii. 4. qui aliam rationis huius opinionem recitat, "quod milites, custodiae causa, captivorum venalium greges circumstarent;" sed illam magis verum esse docet, et Catonem testem adhibet. *Coloni alii* sc. Auruncorum.

3 *Oppidum dirutum*] Quapropter nomen eius in foedere cum Latinis a Sp. Cassio U. C. 261. icto non legitur. Dion. v. 61. Niebhr. ii. p. 17. 91.

4 *Supra belli Latini metum*] Libenter amplectimur certissimam Duiatii coniecturam, qui legendum censet, *belli Sabini*. Melius quoque nobis videretur, *super . . . metum*. Sic infra 27. *Super haec timor accessit*

Sabini belli: et 51. *Super bellum annona premente*. Vulgata quidem lectio stare posse non videtur. Triginta enim illi populi, qui coniurasse, Octavio Mamilio concitante, mox dicuntur, non alii sunt, quam Latini ipsi. CREV. Fieri potest ut Livius velit dicere, maiorem molem belli praeter expectationem iam Romanis ingruere, sc. omne nomen Latinum arma cepisse.

5 *Dictatoris*] Qui alio nomine vocabatur *magister populi*, primo *optima lege* creatus, sine provocatione, postea vero imminuto iure. Fest. v. *Opt. Lex.* cf. Cic. de R. i. 40. Varro de L. L. v. 14. Nomen quidem dictatoris Latina origine, quippe apud *Tusculanos* fuisse Liv. iii. 18. et Priscian iv. 4. qui Catonis verba ex fragmento Origin. ii. recitat, *Lanuvinos* Cic. pro Mil. 10. atque *Albanos* Dion. v. 74. narrant. Dictator, quemadmodum reges, iussu *populi*, auctoritate senatus creatus est: sc. post acceptum senatus decretum a summo rei publicae magistratu dictator dictus est, et postea *legem* de imperio *curiatam* ipse ferebat. Niebhr. i. p. 556.

6 *Sed nec quo anno*] Dion. v. 72.

U. C. 253. nec quibus consulibus, quia ex factione Tarquinia essent, 7
 A. C. 499. (id quoque enim traditur) parum creditum sit, nec quis
 Primus dictator. primum dictator creatus sit, satis constat. Apud veterrimos
 tamen auctores T. Lartium dictatorem primum, Sp. Cassium 8
 magistrum equitum, creatos invenio. Consulares legere: 9
 ita lex iubebat, de dictatore creando lata. Eo magis ad-
 ducor, ut credam, Lartium, qui consularis erat, potius, 1
 quam M'. Valerium, M. filium, Volesi nepotem, qui non-
 dum consul fuerat, moderatorem et magistrum consulibus
 appositum. Qui, si maxime ex ea familia legi dictatorem
 vellent, patrem multo potius M. Valerium, spectatae virtutis
 et consularem virum, legissent.

Creato dictatore primum Romae, postquam praeferri
 secures viderunt, magnus plebem metus incessit, ut inten- 2
 tiores essent ad dicto parendum. Neque enim, ut in con-
 sulibus, qui pari potestate essent, alterius auxilium, neque
 provocatio erat; neque ullum usquam, nisi in cura parendi,
 auxilium. Sabinis etiam creatus Romae dictator (eo magis, 3
 quod propter se creatum crediderant) metum incussit.
 Itaque legatos de pace mittunt: quibus, orantibus dictato-
 rem senatumque, ut veniam erroris hominibus adolescenti-
 bus darent, responsum: 'Ignosci adolescentibus posse,
 'senibus non posse, qui bella ex bellis sererent.' Actum
 tamen est de pace: impetrataque foret, si, quod impensae
 factum in bellum erat, praestare Sabini (id enim postulatum
 erat) in animum induxissent. Bellum indictum: tacitae
 indutiae quietum annum tenere.

primi dictatoris creationem in quar-
 tum abhinc annum reicit, quo T. Lar-
 tius iterum consul fuit cum Q. Cloe-
 lio: eaque probabilior opinio est.
 Vide super totius huius sexennii histo-
 ria, et rerum per illud gestarum or-
 dine, observationes doctissimi viri *De la Curne* in commentariis regiae in-
 scriptionum et litterarum Academiae,
 tomo viii. CREV. Decem fere annis
 post primos consules. Cic. de Rep. ii.
 23.

7 *Nec quibus consulibus . . . parum creditum sit*] sc. Fides non habita fue-
 rit, quia ex Tarquinia factione essent:
 hanc veram causam dictatoris creandi
 fuisse existimant Arnoldius. R. Hist.
 et Wachsmuth. p. 272. Hic M'. Tul-
 lium quoque consulem sequentis anni,
 e partibus Tarquiniensibus fuisse cre-
 dit, quod coniuratio altera narratur,
 et S. Sulpicius circumacto anno, tan-
 quam collega noxae damnato, solus
 magistratum gerebat. Dion. v. 57.

8 *Magistrum equitum*] Pompon.
 Or. Jur. § 19. "Et his dictatoribus

magistri equitum iniungebantur, sic
 quomodo regibus tribuni Celerum." Niebhr. i. p. 559 suspicatur, quemad-
 modum magistrum populi consensu
 patriciorum, sc. *sex suffragiorum*, ita
 magistrum equitum iussu equitum
 plebeiorum creatum fuisse.

9 *Consulares legere*] Non accusa-
 tivo sed nominativo dictos esse censet
 Drak. eam sententiam pluribus ar-
 gumentis refellit Stroth.

1 *Lartium*] Titum Marcium legi-
 mus ap. Lyd. de Mag. i. 37. T. Lar-
 cium. ap. Cic. de Rep. ii. 32. Dion. v.
 72. M'. Valerium apud Festum v.
Opt. Lex. Lartio favent Niebhr. et
 Wachsm.

2 *Magnus plebem metus incessit*] Eo quod leges Valeriae iam irritae
 essent.

3 *Eo magis quod propter se*] Sub-
 olet hic aliquid, quod dictatorem
 belli gerundi causa creatum arguit.
 cf. Niebhr. p. 553, et Niebhr. Epit. a
 Twissio. Append. p. 355.

Consules Ser. Sulpicius, M. Tullius. Nihil dignum 19.
 memoria actum. T. Aebutius deinde et C. Vetusius. His U. C. 254.
 4 consulibus Fidenae obsessae, Crustumeria capta, Praeneste A. C. 498.
 ab Latinis ad Romanos descivit: nec ultra bellum Latinum,
 gliscens iam per aliquot annos, dilatum. A. Postumius Bellum
 dictator, T. Aebutius magister equitum, magnis copiis cum La-
 peditum equitumque profecti, ad lacum Regillum in agro tinis.
 Tusculano agmini hostium occurrerunt: et, quia Tarqui- U. C. 255.
 nios esse in exercitu Latinorum auditum est, sustineri ira A. C. 497.
 non potuit, quin extemplo confligerent. Ergo etiam proe-
 lium aliquanto, quam cetera, gravius atque atrocius fuit. Pugna ad
 Non enim duces ad regendam modo consilio rem affuere, Regillum
 5 sed, suismet ipsis corporibus dimicantes, miscuere certamina: lacum.
 nec quisquam procerum ferme hac aut illa ex acie sine
 vulnere, praeter dictatorem Romanum, excessit. In Post-
 umium, prima in acie suos adhortantem instruentemque,
 6 Tarquinius Superbus, quanquam iam aetate et viribus erat
 gravior, equum infestus admisit: ictusque ab latere, con-
 cursu suorum receptus in tutum est. Et ad alterum cornu
 Aebutius magister equitum in Octavium Mamilium impetum
 dederat. Nec fefellit veniens Tusculanum ducem; contra
 quem et ille concitat equum: tantaque vis infestis venien-
 tium hastis fuit, ut brachium Aebutio traiectum sit, Mami-
 lio pectus percussum. Hunc quidem in secundam aciem
 Latini recepere: Aebutius, quum saucio brachio tenere
 telum non posset, pugna excessit. Latinus dux, nihil
 deterritus vulnere, proelium ciet; et, quia suos percultos
 videbat, arcessit cohortem exsulum Romanorum, cui L.
 Tarquinius filius praecerat. Ea, quod maiore pugnabat ira
 ob crepta bona patriamque ademptam, pugnam parumper
 restituit. Referentibus iam pedem ab ea parte Romanis,
 M. Valerius, Publicolae frater, conspicatus ferocem iuve-
 nem Tarquinium, ostentantem se in prima exsulum acie,
 domestica etiam gloria accensus, ut, cuius familiae decus
 eiecti reges erant, eiusdem interfecti forent, subdit calcaria
 equo, et Tarquinium infesto spiculo petit. Tarquinius
 retro in agmen suorum infenso cessit hosti. Valerium,
 temere invectum in exsulum aciem, ex transverso quidam

20.

4 *Crustumeria capta*] Ager Crustuminus, postea regio tribus Crustuminæ.

5 *Ipsis*] ita codices, sed *ipsi* ex emendat. Gronov. in textum recepit Bekker.

6 *Tarquinius Superbus*] Dionysio videtur merito parum verisimile, Tarquinium Superbum, tunc nonagenario proximum, in illa acie fuisse. CREV.

Pro *Superbo* Titum Tarquinium legend. vult Dion., quo pugnae ad Regillum, non poetica, sed historica fides adstruatur. Quinetiam si Superbus Prisci filius esset, iam centesimum vicesimum annum agebat. Sed haec omnia e carminibus derivantur, quae in epulis esse cantitata de clarorum virorum laudibus scribit Cato. cf. Cic. Acad. iv. 86.

U. C. 255. adortus transfigit: nec quicquam equitis vulnere equo re-
 A. C. 497. tardato, moribundus Romanus, labentibus super corpus
 armis, ad terram defluxit. Dictator Postumius, postquam
 cecidisse talem virum, exsules ferociter citato agmine invehit,
 suos percussos cedere animadvertit; cohorti suae, quam
 delectam manum praesidii causa circa se habebat, dat
 signum, ut, quem suorum fugientem viderint, pro hoste
 habeant. Ita metu ancipiti versi a fuga Romani in hostem,
 et restituta acies. Cohors dictatoris tum primum proelium
 iniit: integris corporibus animisque fessos adorti exsules
 caedunt. Ibi alia inter proceres coorta pugna. Imperator
 Latinus, ubi cohortem exsulum a dictatore Romano prope
 circumventam vidit, ex subsidiariis manipulos aliquot in
 primam aciem secum rapit. Hos agmine venientes T.
 Herminius legatus conspicatus, interque eos insignem veste
 armisque Mamilium noscicans, tanto vi maiore, quam paullo
 ante magister equitum, cum hostium duce proelium iniit,
 ut et uno ictu transfixum per latus occiderit Mamilium, et
 ipse inter spoliandum corpus hostis veruto percussus, quum
 victor in castra esset relatus, inter primam curationem ex-
 spiraverit. Tum ad equites dictator advolat, obtestans, ut,
 fesso iam pedite, descendant ex equis, et pugnam capessant. 6
 Dicto parvare: desiliunt ex equis, provolant in primum, et
 pro antesignanis parmas obiciunt. Recipit extemplo ani- 7
 mum pedestris acies, postquam iuventutis proceres aequato
 genere pugnae secum partem periculi sustinentes vidit.
 Tum demum impulsus Latini, percussaue inclinavit acies.
 Equiti admoti equi, ut persequi hostem posset: secuta et
 pedestris acies. Ibi, nihil nec divinae nec humanae opis
 dictator praetermittens, aedem Castori vovisse fertur: ac 8
 pronuntiasse militi praemia, qui primus, qui secundus,
 castra hostium intrasset: tantusque ardor fuit, ut eodem
 impetu, quo fuderant hostem, Romani castra caperent.

6 *Descendant ex equis*] Quid igitur tunc agebat equitatus Latinorum? Recte observat Clericus mirum videri debere, quod multis pugnis Livius factitatum memorat, ut equites Romani descenderent ex equis: quasi hostilis equitatus aut nullus esset, aut torpore quodam defixus. CREV. Fieri tamen potest ut terra equitatu minus comoda fuerit.

7 *Antesignanis*] *Antesignani* ii sunt, qui ante signa in acie locantur. Probat Lipsius de Mil. Rom. iv. 3. antesignanorum nomine intelligi totam primam aciem, sive Hastatos legionum: non quod ii ante omnia signa essent, siquidem sua habuere;

sed quia ante praecipua legionum signa, quae longius ab hoste removebantur. CREV. Sed oratione *πολλη-
 τικη* utitur Livius, pro *primis ordinibus*. Antesignani seu antepilani postea erant *hastati* et *principes*, qui ante signa stabant. cf. xxii. 5.

8 *Castori*] Et Polluci. Flor. i. 2. Suet. Caesar. 10. cf. Cic. de N. Deor. iii. 5. Nunc primum libri Sibyllini aditi, atque Cereris, Liberi, et Liberae aedes Graeco ritu dedicatae. Hinc sensim Etrusca superstitio Graecorum numinum cultui locum dedit. Plin. H. N. xxxv. 12. Cic. pro Balb. 24. Wachsm. p. 262.

Hoc modo ad lacum Regillum pugnatum est. Dictator et magister equitum triumphantes in urbem rediere.

Triennio deinde nec certa pax, nec bellum fuit. Con- 21.
sules Q. Cloelius et T. Lartius. Inde A. Sempronius et U. C. 256.
M. Minucius. His consulibus aedes Saturno dedicata: A. C. 496.
Saturnalia institutus festus dies. A. deinde Postumius et U. C. 257.
T. Virginii consules facti. Hoc demum anno ad Regillum A. C. 495.
lacum pugnatum, apud quosdam invenio; A. Postumium, A. C. 494.
quia collega dubiae fidei fuerit, se consulatu abdicasse;
dictatorem inde factum. Tanti errores implicant tempo-
rum, aliter apud alios ordinatis magistratibus, ut, nec qui
consules secundum quosdam, nec quid quoque anno actum
sit, in tanta vetustate, non rerum modo, sed etiam auctorum,
digerere possis. Ap. Claudius deinde et P. Servilius cons-
ules facti. Insignis hic annus est nuntio Tarquinii mortis. U. C. 259.
Mortuus est Cumis, quo se post fractas opes Latinorum ad A. C. 493.
Aristodemum tyrannum contulerat. Eo nuntio erecti Pa- Mors
tres, erecta plebes: sed Patribus nimis luxuriosa ea fuit Tarquinii.

9 *T. Lartius*] Hic dictator hoc anno primus creatus fuit ex Dionysii sententia, ut iam annotavimus supr. 18. CREV.

1 *Aedes Saturno*] Legimus *Saturni*. Vid. infr. not. ad v. 23. Haec aedes fuit aerarium populi Romani, in quo tum pecunia, tum acta publica asservabantur. Eam describit Macrob. Saturn. i. 8. CREV.

2 *Saturnalia*] Saturnalibus mos fuit crebra convivia agitare, et mittere sibi invicem quum alia munera, tum etiam cereos. Quin ipsi domini servos suos conviviis liberalibus et opiparis accipiebant, iisque ministrabant. Hae feriae celebrantur a. d. xiv. Kal. Ianuar. ac primo uno die absoluebantur. Augustus eas triduo servari iussit. Vid. Macrob. Saturn. i. 7. et 10. et Lips. Saturn. i. 3. et 4. CREV. cf. Liv. xxx. 36. Caligula diem adiecit, Suet. Calig. 17. Postea "sigillariorum adiecta celebritas in septem dies discursum publicum et luctitiam religionis extendit." cf. Macrob. Unde evenit ut Saturnalia a xiv^{to} usque ad viii^{um} diem ante Kal. Ian. (apud nos *Christmas day*) continuo ordine celebrata fuerint.

3 *Hoc demum anno*] Ita narrat Dion. vi. 2: atque hanc sententiam frangat, esse Livius infra, dum scribit anno sequenti Volscis bellum datum, propterea quod auxilia comparaverant, quae Latini mitterent. Cuius injuriae ultionem statim executores esse

Romanos post pugnam ad Regillum lacum longe verisimilius est, quam in quintum post annum reiecis- se; quod ex Livii narratione conficitur. Adde quod A. Postumius, tum quum a Livio memoratur creatus esse dictator, supr. 19. nondum consul fuerat: quod repugnat legi de dictatore creando latae, ipso teste Livio, supr. 18. At hoc anno consul est, ac proinde dictator legi potest. CREV.

4 *A. Postumium*] Postumio forsitan haec victoria afficta est, quod ii, qui annales conficiebant, cognomen eius Regillensem a pugna ad Regillum lacum inventum esse perperam opinati sunt: quoniam contra, P. Corn. Scipio Africanus primus certe imperator nomine victae a se gentis est nobilitatus. infr. xxx. 15. Claudiae genti, pariter ac Postumiae, cognomen Regillensi, sive quod inde oriunda erat infr. iii. 58, seu quod urbs Regillum in fidem eorum et clientelam ac. contulerat. Niebhr. i. p. 546. Sed haec omnia missa facit Wachsmuth. p. 303. qui *oppidum* Regillum, non *gentem* fuisse animadvertit.

5 *Secundum*] Post: ut sensus sit, quosdam esse consules, quibus quinam successerint definiri non possit. Possis legere *secundum quos*, sive *quosnam* ut incertum sit quinam praecesserint, quinam secuti fuerint. CREV.

6 *Aristodemum*] cf. Dion. vi. 21. vii. 2. Heyn. Opusc. Acad. v. p. 427.

U. C. 259. laetitia: plebi, cui ad eam diem summa ope inservitum erat,
 A. C. 493. iniuriae a primoribus fieri coepere. Eodem anno Signia 7
 colonia, quam rex Tarquinius deduxerat, suppleto numero
 colonorum, iterum deducta est. Romae tribus una et vi-8
 ginti factae. Aedes Mercurii dedicata est Idibus Maiis.

22. Cum Volscorum gente Latino bello neque pax, neque
 Bellum fuerat: nam et Volsci comparaverant auxilia, quae
 cum mitterent Latinis, ni maturatum ab dictatore Romano
 Volscis. esset; et maturavit Romanus, ne proelio uno cum Latino
 Volascoque contenderet. Hac ira consules in Volscum
 agrum legiones duxere. Volscos, consilii poenam non
 metuentes, necopinata res perculit. Armorum immemores
 obsides dant trecentos principum a Cora atque Pometia 9
 liberos. Ita sine certamine inde abductae legiones. Nec
 ita multo post Volscis levatis metu suum rediit ingenium:
 rursus occultum parant bellum, Hernicis in societatem ar-
 morum assumptis. Legatos quoque ad sollicitandum Latium
 passim dimittunt. Sed recens ad Regillum lacum accepta
 clades Latinos ira odioque eius, quicumque arma suaderet,
 ne ab legatis quidem violandis abstinuit. Comprehensos
 Volscos Romam duxere. Ibi traditi consulibus: indica-
 tumque est, Volscos Hernicosque parare bellum Romanis.
 Relata re ad senatum, adeo fuit gratum Patribus, ut et cap-
 tivorum sex millia Latinis remitterent, et de foedere, quod
 prope in perpetuum negatum fuerat, rem ad novos magis-
 tratus reiicerent. Enimvero tum Latini gaudere facto,
 pacis auctores in ingenti gloria esse. Coronam auream
 Iovi donum in Capitolium mittunt. Cum legatis donoque,
 qui captivorum remissi ad suos fuerant, magna circumfusa
 multitudo venit. Pergunt domos eorum, apud quem quis-
 que servierant: gratias agunt, liberaliter habiti cultique in
 calamitate sua: inde hospitia iungunt. Nunquam alias 1
 ante publice privatimque Latinum nomen Romano imperio
 coniunctius fuit.

23. Sed et bellum Volscum imminabat, et civitas, secum
 Turbae ob ipsa discors, intestino inter Patres plebemque flagrabat
 aes ali- odio, maxime propter nexos ob aes alienum. Fremebant,
 enum. 'se, foris pro libertate et imperio dimicantes, domi a civibus
 'captos et oppressos esse; tutioremque in bello, quam in
 'pace, inter hostes, quam inter cives, libertatem plebis esse:'

7 *Signia colonia*] Quam Volsci, Romanis bello Latino occupatis, receperant. Niebhr. ii. p. 92.

8 *Tribus una et viginti*] Tribus una et vicesima haud dubie Crustumina erat, quippe Claudiam gentibus patriciis adscriptam esse constat. supr.

16. Niebhr. i. p. 550.

9 *Obsides dant trecentos*] Mera repetitio belli quod supr. 16, 17. narratur. Niebhr. i. p. 545.

1 *Hospitia*] Privatim, quippe hospitium publice factum iura municipii dabat infr. v. 28. 50.

invidiamque eam, sua sponte gliscentem, insignis unius U. C. 259.
 calamitas accendit. Magno natu quidam cum omnium A. C. 493.
 malorum suorum insignibus se in forum proiecit. Obsita
 erat squalore vestis, foedior corporis habitus pallore ac
 macie perempti. Ad hoc, promissa barba et capilli effera-
 verant speciem oris. Noscitabatur tamen in tanta defor-
 mitate, et ordines duxisse aiebant, aliaque militiae decora
 vulgo, miserantes eum, iactabant. Ipse, testes honestarum
 aliquot locis pugnarum, cicatrices adverso pectore ostenta-
 bat. Sciscitantibus, 'unde ille habitus? unde deformitas?'
 quum circumfusa turba esset prope in concionis modum,
 'Sabino bello,' ait, 'se militantem, quia propter popula-
 tiones agri non fructu modo caruerit, sed villa incensa
 fuerit, direpta omnia, pecora abacta, tributum iniquo suo
 tempore imperatum, aes alienum fecisse: id, cumulatam
 usuris, primo se agro paterno avitoque exuisse, deinde
 fortunis aliis: postremo, velut tabem, pervenisse ad corpus.
 Ductum se ab creditore, non in servitium, sed in ergastu-
 lum et carnificinam esse.' Inde ostentare tergum, foedum
 recentibus vestigiis verberum. Ad haec visa auditaque
 clamor ingens oritur. Non iam foro se tumultus continet,
 sed passim totam urbem pervadit. Nexu vincti solutique
 se undique in publicum proripiunt, implorant Quiritium
 fidem. Nullo loco deest seditionis voluntarius comes:
 multis passim agminibus per omnes vias cum clamore in
 forum curritur. Magno cum periculo suo, qui forte Patrum
 in foro erant, in eam turbam inciderunt: nec temperatum
 manibus foret, ni propere consules, P. Servilius et Ap.
 Claudius, ad comprimendam seditionem intervenissent. In
 eos multitudo versa, ostentare vincula sua deformitatemque
 aliam. Haec se meritos dicere, exprobrantes suam quisque
 alius alibi militiam. Postulare multo minaciter magis,
 quam suppliciter, ut senatum vocarent: curiamque, ipsi
 futuri arbitri moderatoresque publici consilii, circumsistunt.

2 *Magno natu quidam*] Narrationem hanc totidem fere verbis infr. vi. 14. legimus.

3 *Perempti*] Perempto similis. Ita Cicero saepius, *fame sitiue enecti*.

4 *Ordines duxisse*] Centurionem fuisse. Viginti et octo stipendia meruisse, sc. ex *junioribus* exisse scribit Dion. vi. 26.

5 *Nexu vincti solutique*] Hoc est, nexu vincti et nexu soluti. *Nexus* quippe obligatio, qua debitor se ultro creditori devinxit ad pecuniam mutuum opera sua servili solvendam. "Nexus enim est, ait Gallus Aelius,

quodcumque per aes et libram geritur, idque necti dicitur." Festus. "Liber qui suas operas in servitutem pro pecunia quam debebat, dabat dum solveret, nexus vocatur, ut ab aere obaeratus." Varro de L. L. vii. 101. Contra *adlictus* fiebat debitor, qui a praetore in servitutem, quum solvendo non esset, creditori adiudicabatur. *Nexus* quidem civitatem minime amisit, *adlictus* vero *capite deminutus* est, quod "liber alteri mancipio datus esset." cf. Niebhr. i. p. 567. Cic. de Rep. ii. 34.

U. C. 259. Pauci admodum Patrum, quos casus obtulerat, contracti ad
 A. C. 493. consules: ceteros metus non curia modo, sed etiam foro
 arcebat: nec agi quicquam per infrequentiam poterat⁶
 senatus. Tum vero eludi atque extrahi se multitudo
 putare; et, Patrum qui abessent, non casu, non metu, sed
 impediendae rei causa abesse, et consules ipsos tergiversari;
 nec dubie ludibrio esse miseras suas. Iam prope erat, ut
 ne consulum quidem maiestas coaceret iras hominum.
 Quum, incerti, morando, an veniendo, plus periculi contra-
 herent, tandem in senatum veniunt: frequentique tandem
 curia, non modo inter Patres, sed ne inter consules quidem⁷
 ipsos, satis conveniebat. Appius, vehementis ingenii vir,
 imperio consulari rem agendam censebat: uno aut altero
 arrepto, quieturos alios. Servilius, lenibus remediis aptior,
 concitatos animos flecti, quam frangi, putabat quum tutius,
 tum facilius esse.

24. Inter haec maior alius terror. Latini equites cum tumultuoso advolant nuntio: 'Volscos infesto exercitu ad urbem
 'oppugnandam venire.' Quae audita (adeo duas ex una
 civitate discordia fecerat) longe aliter Patres ac plebem
 affecere. Exsultare gaudio plebes; 'ultores superbiae
 'Patrum adesse' dicere 'deos.' Alius alium confirmare,
 ne nomina darent: cum omnibus potius, quam solos, peri-⁸
 tuos. Patres militarent, Patres arma caperent, ut penes
 eosdem pericula belli, penes quos praemia, essent. At
 vero curia, maesta ac trepida ancipiti metu et ab cive et ab
 hoste, Servilium consulem, cui ingenium magis populare
 erat, orare, ut tantis circumventam terroribus expediret
 Metu hostis rempublicam. Tum consul, misso senatu, in concionem
 compositae. prodit. Ibi curae esse Patribus ostendit, ut consulatur
 plebi: ceterum deliberationi de maxima quidem illa, sed⁹
 tamen parte civitatis, metum pro universa republica inter-
 venisse; nec posse, quum hostes prope ad portas essent,¹

6 *Nec agi quicquam per infrequentiam*] Nam SCtum fieri non poterat, nisi legitimus adesset Patrum numerus, et quidem C saltem ante Augusti aetatem, infr. xxxviii. 44. xxxix. 4. et 18. post eam CCCC cf. Fest. v. *Numera Senatum*. RUP.

7 *Non modo inter Patres, sed ne inter consules quidem*] Non modo non conveniebat inter Patres, sed ne inter consules quidem. Ubi in altero membro reperitur *ne . . . quidem*, in priore post *non modo* intelligendum est *non*. Vid. supr. i. 40. et infr. iv. 3. v. 42. ix. 19. CREV.

8 *Ne nomina darent*] Ne, citati

ad sumendam militiam, responderent, aut nomina sua inscribenda praeberent; sed contra militiam detrectarent. CREV.

9 *De maxima quidem*] De plebe, quae maxima quidem esset pars civitatis, sed tamen pars tantum, non tota civitas. CREV.

1 *Posse . . . praevertisse*] Durior nec satis Livio digna haec loquendi ratio Doer. videtur, qui *fas esse* reponendum vult. De voce *praevertisse* cf. ix. 17. "si Punicum Romano praevertisset bello," sc. prius suscepisset.

2 bello praevertisse quicquam: nec, si sit laxamenti aliquid, U. C. 259
aut plebi honestum esse, nisi mercede prius accepta, arma A. C. 493.
3 pro patria non cepisse; neque Patribus satis decorum, per
metum potius, quam postmodo voluntate, afflictis civium
4 suorum fortunis consuluisse. Concioni deinde edicto ad-
didit fidem, quo edixit, 'Ne quis civem Romanum vinctum
'aut clausum teneret, quo minus ei nominis edendi apud
'consules potestas fieret. Ne quis militis, donec in castris
5 'esset, bona possideret, aut venderet: liberos nepotesve
'eius moraretur.' Hoc proposito edicto, et, qui aderant,
nexi profiteri extemplo nomina; et undique ex tota urbe
proripientium se ex privato, quum retinendi ius creditori
6 non esset, concursus in forum, ut sacramento dicerent, fieri.
Magna ea manus fuit; neque aliorum magis in Volseo
bello virtus atque opera enituit. Consul copias contra
hostem educit: parvo dirimente intervallo castra ponit.

Proxima inde nocte Volsei, discordia Romana freti, si
qua nocturna transitio proditiove fieri possit, tentant castra. 25.
Sensere vigiles: excitatus exercitus: signo dato concursus
est ad arma. Ita frustra id inceptum Volscis fuit: reliquum
noctis utrimque quieti datum. Postero die prima luce
Volsei, fossis repletis, vallum invadunt. Iamque ab omni
parte munimenta vellebantur, quum consul, quanquam
cuncti undique, et nexi ante omnes, ut signum daret, cla-
mabant, experiendi animos militum causa parumper moratus,
postquam satis apparebat ingens ardor, dato tandem ad
erumpendum signo, militem avidum certaminis emittit.
Primo statim incursu pulsus hostes: fugientibus, quoad in-
sequi pedes potuit, terga caesa: eques usque ad castra sci.
pavidos egit. Mox ipsa castra, legionibus circumdatis, quum
Volseos inde etiam pavor expulisset, capta direptaque.
Postero die ad Suessam Pometiam, quo confugerant hostes,
7 legionibus ductis, intra paucos dies oppidum capitur: cap-

2 *Si sit laxamenti aliquid*] Si hos-
tis non tantopere urgeat. CREV.

3 *Neque Patribus*] Hic requiri vi-
detur particula *aut*, potius quam *ne-
que*. CREV.

4 *Concioni deinde*] Ea, quae in
concione dixerat, comprobavit, et
eiusmodi esse ostendit, quibus fides
haberi posset, edicto. CREV.

5 *Liberos nepotesve eius morare-
tur*] Liberi erant in potestate patris,
qui eos poterat vendere, qui in eos ius
vitae necisque habebat. Itaque tan-
quam res patris, haud aliter fere quam
servi, habebantur. Nihil mirum igi-
tur eos a patre pignori opponi, a cre-
ditoribus retineri potuisse, donec de-

bitum solveretur. Idem ius fuit avi
paterni in nepotes e filio. Hic igitur
vetat Servilius retineri in vinculis cu-
iusquam civis Romani liberos nepo-
tesve, qui ob aes alienum patrum aut
avitorum nexi essent. CREV. Sed haec
omnia de *adictis*, non de *nevis* pro-
prie dicuntur.

6 *Ut sacramento dicerent*] Ut sa-
cramento militari se obligarent. Sa-
cramento illud solenne sic concep-
tum erat, ut iurarent *se iussu consu-
lium conventuros, neque iniussu ali-
butorum*. Vid. infr. m. 20. xxii. 38.
CREV.

7 *Oppidum capitur*] Sed dirutum
fuisse supr. 17, narratur, in bello illo

U. C. 259. tum praedae datum: inde paullum recreatus egens miles.
 A. C. 493. Consul cum maxima gloria sua victorem exercitum Romam
 reducit: decedentem Romam Ecetranorum Volscorum⁸
 legati, rebus suis timentes post Pometiam captam, adeunt.
 His ex senatusconsulto data pax, ager ademptus.

26. Confestim et Sabini Romanos territavere: tumultus⁹
 Tumultus enim fuit verius, quam bellum. Nocte in urbe nuntiatum
 Sabinus. est, exercitum Sabinum praedabundum ad Anienem amnem
 pervenisse: ibi passim diripi atque incendi villas. Missus
 extemplo eo cum omnibus copiis equitum A. Postumius,
 qui dictator bello Latino fuerat: secutus consul Servilius
 cum delecta peditum manu. Plerosque palantes eques
 circumvenit: nec advenienti peditum agmini restitit Sabina
 legio. Fessi, tum itinere, tum populatione nocturna,
 magna pars in villis repleti cibo vinoque, vix fugae quod
 satis esset virium habuere.

Bellum Nocte una audito perfectoque bello Sabino, postero die,
 cum Auruncis. in magnum iam spe undique partae pacis, legati Aurunci
 senatum adeunt, ni decedatur Volseo agro, bellum indi-
 centes. Cum legatis simul exercitus Auruncorum domo
 profectus erat: cuius fama, haud procul iam ab Aricia visi,
 tanto tumultu concivit Romanos, ut nec consuli ordine
 Patres, nec pacatum responsum arma inferentibus arma
 ipsi capientes dare possent. Ariciam infesto agmine itur:
 nec procul inde cum Auruncis signa collata, proelioque
 uno debellatum est.

27. Fusis Auruncis, victor tot intra paucos dies bellis Roma-
 Turbae ob nus promissa consulis fidemque senatus exspectabat: quum¹
 nexos re- Appius, et insita superbia animo, et ut collegae vanam
 crudescunt. faceret fidem, quam asperrime poterat, ius de creditis pecu-
 niis dicere. Deinceps et, qui ante nexi fuerant, creditoribus
 tradebantur, et necebantur alii. Quod ubi cui militi²
 inciderat, collegam appellabat: concursus ad Servilium
 fiebat, illius promissa iactabant, illi exprobrabant sua quis-
 que belli merita cicatricesque acceptas. Postulabant, ut
 aut referret ad senatum, aut ut auxilio esset consul civibus

cum Auruncis, quod Dion. omittit: quippe Aurunci ex Volseis gentibus erant, et verisimile videtur, ut in his annalibus cum Volseis, in illis cum Auruncis, idem bellum a Romanis gestum narratum fuerit.

⁸ Ecetranorum] Quippe concilia Volscorum saepius Ecetrae habebantur. Dion. viii. 4. Liv. iii. 40. Niebhr. ii. p. 92.

⁹ Tumultus] Hic tumultus levius est, quam bellum. At longe alia vis

huius vocis est, ubi de Gallico tumultu agitur, aut decretus tumultus dicitur. Hoc fusius explicabimus ad vii. 9. CREV.

¹ Quum . . . dicere] Quum passim ap. Livium cum infinitivo historico, quem vocant, coniungitur, quemadmodum Graecorum ἐπελ. Sic infr. iv. 51. Tacit. Ann. xiv. 5. RASCH.

² Tradebantur] Hoc est addicebantur.

suis, imperator militibus. Movebant consulem haec; sed ^{U. C. 259.} tergiversari res coge- ^{A. C. 493.} bat: adeo in alteram causam non collega solum praeceps ierat, sed omnis factio nobilium. Ita, medium se gerendo, nec plebis vitavit odium, nec ³ apud Patres gratiam iniit. Patres mollem consulem et am- ⁴ bitiosum rati; plebes fallacem: brevique apparuit, aequare eum Appii odium. Certamen consulibus inciderat, uter ⁵ dedicaret Mercurii aedem. Senatus a se rem ad populum reiecit: utri eorum dedicatio iussu populi data esset, eum ⁶ praeesse annonae, mercatorum collegium instituere, sollem- ⁷ nia pro pontifice iussit suscipere. Populus dedicationem ⁸ aedis dat M. Laetorio, primi pili centurioni: quod facile appareret, non tam ad honorem eius, cui curatio altior fastigio suo data esset, factum, quam ad consulum ignomi- ⁹ niam. Saevire inde utique consulum alter Patresque: sed plebi creverant animi; et longe alia, quam primo institue- rant, via grassabantur. Desperato enim consulum sena- tusque auxilio, quum in ius duci debitorem vidissent, undi- que convolabant. Neque decretum exaudiri consulis prae strepitu et clamore poterat: neque, quum decreasset, quis- quam obtemperabat. Vi agebatur, metusque omnis et ² periculum libertatis, quum in conspectu consulis singuli a

³ *Ambitosum*] Aucupandi favoris popularis cupidum. CREV.

⁴ *Aequasse eum*] Eum non minus invisum esse populo, quam Appium. CREV.

⁵ *Dedicaret Mercurii aedem*] Huius dedicationis mentio iam facta est *supr.* 21. sed hic nempe fusius narratur id, quod illic uno tantum verbo indicatum fuerat. CREV.

⁶ *Praeesse annonae*] Verisimile est praefectum annonae primo annum fuisse magistratum, sed post ann. 315 U. C. vel etiam prius, si Plinium H. N. xviii. 4. audiamus, rei frumentariae curationem aediles susceperunt; potestas tamen quaedam extraordinaria aliquando praefecto demandata est. Niebhr. i. p. 589.

⁷ *Mercatorum collegium*] Qui ad aedem Mercurii certis diebus conveniebant, unde et dicuntur *Mercuriales* cf. Cic. Qu. Frat. ii. 5.

⁸ *Sollemnia pro pontifice* . . . *sus- cipere*] Celebrare, praesente et praecante pontifice, quaedam sacra auspiciandae huius collegii mercatorum institutioni. Nempe *pro pontifice* hic sumitur, quemadmodum fere apud A. Gell. xv. 27. *pro collegio*. Ita censet Bosius, Exercit. Hist. de pontif. max.

⁴ CREV.

⁹ *Primi pili centurioni*] *Primi pili centurio* erat centurio primi Triariorum ordinis, adeoque primus totius legionis centurio. Huius magna erat dignatio. Consilii particeps erat. Aquilae erat praepositus. Dicebatur primi pili centurio, quasi centurio primi ordinis Pilanorum. Triarii enim, quia antiquitus proprium ipsorum telum pilum erat, Pilani vocabantur, teste Varr. 4. de lingua Lat. Vid. *infr.* viii. 8. Observatum est a Lipsio hanc vetustissimam esse huius ordinis mentionem. Vid. Lips. de Milit. Rom. ii. dial. 8. CREV. Admirationem movet Niebuhrio, quomodo Laetorio, ut qui *plebeius* esset, dedicatio aedis a *populo*, sc. patribus curiatim convocatis, commissa sit. Niebhr. i. p. 589.

¹ *Utique consulum alter*] Maxime consulum alter, nempe Appius: nam Servilius mollius contumeliam ferebat. CREV.

² *Libertatis*] Haec vox videtur resecanda. Testatur Gronovius eam abesse a membranis Florentinis, ac sane ea subacta sensus est commo- dior. CREV.

- U. C. 259. pluribus violarentur, in creditores a debitoribus verterant.
 A. C. 493. Super haec timor incessit Sabini belli; delectuque decreto, nemo nomen dedit, furente Appio, et insectante ambitionem collegae, qui populari silentio rempublicam proderet, et ad id, quod de credita pecunia ius non dixisset, adiceret, ut ne delectum quidem ex senatusconsulto haberet. ‘Non esse tamen desertam omnino rempublicam, neque proiectum consulare imperium. Se unum et suae et Patrum maiestatis vindicem fore.’ Quum circumstaret quotidiana³ multitudo licentia accensa, arripi unum insignem ducem seditionum iussit. Ille, quum a lictoribus iam traheretur, provocavit: nec cessisset provocationi consul, quia non dubium erat populi iudicium, nisi aegre victa pertinacia foret, consilio magis et auctoritate principum, quam populi clamore: adeo supererant animi ad sustinendam invidiam. Crescere inde malum in dies, non clamoribus modo apertis, sed, quod multo perniciosius erat, secessione occultisque colloquiis. Tandem invisi plebi consules magistratu abeunt, Servilius neutris, Appius Patribus mire gratus.
28. A. Virginius inde et T. Vetusius consulatum ineunt.
 U. C. 260. Tum vero plebes, incerta quales habitura consules esset,
 A. C. 492. coetus nocturnos, pars Esquiliis, pars in Aventino, facere; ne in foro subitis trepidaret consiliis, et omnia temere ac⁵ fortuito ageret. Eam rem consules rati, ut erat, perniciosam, ad Patres deferunt: sed delatam consulere ordine⁶ non licuit: adeo tumultuose excepta est clamoribus undique et indignatione Patrum, si, quod imperio consulari exsequendum esset, invidiam eius consules ad senatum reiicerent. ‘Profecto si essent in republica magistratus,⁷ nullum futurum fuisse Romae, nisi publicum, concilium. ‘Nunc in mille curias concionesque (quum alia in Esquiliis, alia in Aventino fiant concilia) dispersam et dissipatam esse rempublicam. Unum, hercule, virum, (id enim plus esse, quam consulem) qualis Ap. Claudius fuerit, momento temporis discussurum illos coetus fuisse.’ Cor-⁸repti consules quum, quid ergo se facere vellent, (nihil enim

³ *Quotidiana*] Quum multitudo, uti fieri solebat quotidie, licentia audacior facta circumstaret tribunal Appii. DOER.

⁴ *Esquiliis Aventino*] Ubi plebes habitabat. Aventinus extra pomerium erat.

⁵ *Trepidaret*] Ne, si qua in concione consilia subito atque de improviso capienda essent, anceps atque inops consilii esset. *Trepidaret* sc. fluctuaret, sibi non constaret. STROTH.

⁶ *Delatam consulere*] Geminum accusativum ad verbum *consulere* bene illustravit Rhenanus exemplo Plaut. in *Menaech.* iv. sc. 3. 26. *consulam hanc rem amicos, quid faciendum censeant.* STROTH. cf. Cic. Att. vii. 20.

⁷ *Profecto*] Si vere essent.

⁸ *Correpti*] Obiurgati a patribus. cf. Sueton. Galb. 5. “Agrippina correpta iurgio, atque etiam manu pulsata.”

segni⁹us molliusve, quam Patribus placeat, acturos) percunt^{U. C. 260.}
 tarentur, decernunt, ut delectum quam acerrimum ha^{A. C. 492.}
 beant: otio lascivire plebem. Dimisso senatu, consules
 9 in tribunal ascendunt: citant nominatim iuniores. Quum
 ad nomen nemo responderet, circumfusa multitudo in con-
 cionis modum negare, 'Ultra decipi plebem posse. Nun-
 1 'quam unum militem habituros, ni praestaretur fides pub-
 'lica. Libertatem unicuique prius reddendam esse, quam
 'arma danda: ut pro patria civibusque, non pro dominis,
 'pugnent.' Consules, quid mandatum esset a senatu, vide-
 bant: sed eorum, qui intra parietes curiae ferociter loque-
 rentur, neminem adesse, invidiae suae participem: et appa-
 rebat atrox cum plebe certamen. Prius itaque, quam
 ultima experirentur, senatum iterum consulere placuit.
 2 Tum vero ad sellas consulum prope convolvare minimus
 quisque natu Patrum, abdicare consulatum iubentes, et
 deponere imperium, ad quod tuendum animus deesset.
 3 Utraque re satis experta, tum demum consules: 'Ne prae-
 'dictum negetis, Patres conscripti: adest ingens seditio.
 'Postulamus, ut ii, qui maxime ignaviam increpant, adsint
 'nobis habentibus delectum. Acerrimi cuiusque arbitrio.
 'quando ita placet, rem agemus.' Redeunt in tribunal:
 citari nominatim unum ex iis, qui in conspectu erant, de-
 dita opera iubent. Quum staret tacitus, et circa eum ali-
 quot hominum, ne forte violaretur, constitisset globus, lie-
 torem ad eum consules mittunt. Quo repulso, tum vero,
 'indignum facinus esse,' clamitantes, qui Patrum consuli-
 bus aderant, devolant de tribunali, ut lictori auxilio essent.
 4 Sed ab lictore, nihil aliud quamprehendere prohibito,
 quum conversus in Patres impetus esset, consulum inter-
 cursu rixa sedata est: in qua tamen, sine lapide, sine telo,
 plus clamoris atque irarum, quam iniuriae, fuerat. Senatus,
 5 tumultuose vocatus, tumultuosius consulitur, quaestionem
 ulantibus iis, qui pulsati fuerant, decernente ferocissimo
 quoque, non sententiis magis, quam clamore et strepitu.
 Tandem, quum irac resedissent, exprobrantibus consulibus,

29.

9 *Iuniores*] Cives omnes "ab anno septimo decimo, quod idoneos esse republicae arbitraretur, milites scripsit Servius Tullius, eosque ad annum quadagesimum sextum *iuniores*, supraque eum annum *seniores* appellavit." A. Gell. x. 28. Alii vero *seniores* usque ad annum sexagesimum, postea vero *senes* et militia immunes.

1 *Ni praestaretur fides publica*] Ni id quod fide publica promissum erat, re et effectu exhiberetur. CREV.

2 *Minimus quisque natu*] *Minores*,

sc. minorum gentium patres, ut Niebuhrio placet, qui Luceres plebi maxime infestos fuisse et consilia atrociora semper suasisse arbitratur.

3 *Utraque re*] sc. Senatus et plebis mente. SROTH.

4 *Nihil aliud quam*] Tantummodo: suppl. *agentes*. Admodum familiare est hoc loquendi genus Livio. infr. 32. 49. 53. SROTH.

5 *Quaestionem ulantibus*] Postulantibus ut inquireretur in auctores iniuriae. CREV.

U. C. 260. nihil plus sanitatis in curia, quam in foro, esse, ordine
 A. C. 492. consuli coepit. Tres fuere sententiae. P. Virginius rem 6
 Variarum sen- non vulgabat: 'de iis tantum, qui, fidem secuti P. Ser-
 tentiae in tentiae in viliis consulibus, Volscis, Auruncis, Sabinoque militassent
 senatu. 'bello, agendum' censebat. T. Lartius, 'Non id tempus
 'esse, ut merita tantummodo exsolverentur: totam plebem
 'aere alieno demersam esse; nec sisti posse, ni omnibus 7
 'consulatur. Quin, si alia aliorum sit conditio, accendi
 'magis discordiam, quam sedari.' Ap. Claudius, et natura
 immitis, et efferatus hinc plebis odio, illinc Patrum laudi-
 bus, 'Non miseriis,' ait, 'sed licentia, tantum concitum tur-
 'barum; et lascivire magis plebem, quam saevire. Id adeo 8
 'malum ex provocatione natum: quippe minas esse consu-
 'lum, non imperium; ubi ad eos, qui una peccaverint, pro-
 'vocare liceat. Agedum,' inquit, 'dictatorem, a quo pro-
 'vocatio non est, creemus. Iam hic, quo nunc omnia
 'ardent, conticescet furor. Pulset tum mihi lictorem, qui
 'sciet, ius de tergo vitaeque sua penes unum illum esse,
 'cuius maiestatem violarit.'

30. Multis, ut erat, horrida et atrox videbatur Appii senten-
 tia: rursus Virginii Lartiique exemplo haud salubres;
 utique Lartii putabant sententiam, quae totam fidem tol- 1
 leret: medium maxime et moderatum utroque consilium
 Virginii habebatur. Sed factione respectuque rerum pri-
 vatarum, quae semper offecere officientque publicis consi-
 liis, Appius vicit: ac prope fuit, ut dictator ille idem crea-
 retur. Quae res utique alienasset plebem periculosissimo
 tempore, quum Volsci Aeque et Sabini forte una omnes
 in armis essent. Sed curae fuit consulibus et senioribus 2
 Patrum, ut imperium, suo vehemens, mansueto permitteretur
 ingenio. Manium Valerium dictatorem Volesii filium 3

M. Vale-

6 *Rem non vulgabat*] Nolebat omnibus debitoribus indulgeri.

7 *Nec sisti posse*] Nec posse rem sustineri, inhiberi, quominus ad perniciem feratur. Familiaris Livio locutio. CREV.

8 *Lascivire*] Licentia ex otio collecta ferocire. CREV.

9 *Violarit*] Codex e biblioth. Victor. et Campani editio *violaverit*: unus e regis codd. a secunda manu *violarit*: idque verum visum est. Vulgo *violavit*: quod minus proprium erat, quum in hoc loco non de re iam facta agatur, sed indicetur, quid, si illa ponatur facta, secuturum sit. CREV.

1 *Utiq[ue]*] sc. Maxime, imprimis, non modo exemplo, sed re in praesens, quippe quae omnino fidem ex societate

humana tolleret, quia neminem crediturum esse alicui pecuniam apparebat, cum sciret, fieri posse, ut non redderetur.

2 *Et senioribus Patrum*] sc. Maiorum gentium patribus: hinc liquet a Patribus creatum fuisse dictatorem. supr. 18. Niebhr. i. p. 556.

3 *Manium*] Manium hic et supr. 18. probant Sigonius, Pighius, alique. Niebuhrius Manium passim respuit, ut quem annalium scriptores in lucem produxerint, cui res gestas fratris Marci, in mythica ap. Regillum pugna caesi, affingerent. Manius in Fast. Capit. legitur. Verum Manius in Fragm. Fast. Capit. ed. Burghesio occurrit, ut Volusi filius, Marci, qui consul anni 298 fuit, pater. Pro Manio facit elogium dictatoris huius

creant. Plebes, etsi adversus se creatum dictatorem videbat, tamen, quum provocationem fratris lege haberet, nihil ex ea familia triste nec superbum timebat. Edictum deinde, a dictatore propositum, confirmavit animos, Servilii fere consulis edicto conveniens: sed et homini et potestati melius rati credi, omisso certamine nomina dedere. Quantus nunquam ante exercitus, legiones decem effectae: ternae inde datae consulibus, quattuor dictator usus. Nec poterat iam bellum differri. Aequi Latinum agrum invaserant. Oratores Latinorum a senatu petebant, ut aut mitterent subsidium, aut se ipsos tuendorum finium causa capere arma sinerent. Tutius visum est, defendi inermes Latinos, quam pati retractare arma. Vetustius consul missus est: is finis populationibus fuit. Cessere Aequi campis: locoque magis, quam armis, freti, summis se iugis montium tutabantur. Alter consul, in Volscos profectus, ne et ipse tereretur tempus, vastandis maxime agris hostem ad conferenda propius castra dimicandumque acie excivit. Medio inter castra campo, ante suum quisque vallum, infestis signis constitere. Multitudine aliquantum Volsci superabant. Itaque effusi et contemptim pugnam iniere. Consul Romanus nec promovit aciem, nec clamorem reddi passus, defixis pilis stare suos iussit: ubi ad manum venisset hostis, tum coortos tota vi gladiis rem gerere. Volsci, cursu et clamore fessi, quum se velut stupentibus metu intulissent Romanis, postquam impressionem sensere ex adverso factam, et ante oculos micare gladios, haud secus, quam si in insidias incidissent, turbati vertunt terga; et ne ad fugam quidem satis virium fuit, quia cursu in proelium ierant. Romani contra, quia principio pugnae quieti steterant, vigentes corporibus, facile adepti fessos, et castra impetu ceperunt, et, castris exutum hostem Velitras persecuti, uno agmine victores cum victis in urbem irrupere: plusque ibi sanguinis, promiscua omnium generum caede, quam in ipsa dimicatione, factum. Paucis data venia, qui inermes in deditionem venerunt.

Dum haec in Volscis geruntur, dictator Sabinos, ubi longe plurimum belli fuerat, fundit, fugatque, exiitque castris. Equitatu immisso mediam turbaverat hostium

U. C. 260.
A. C. 492.
rius dicta-
tor.

Bellum
cum
Aequis, La-
tinorum
causa.

Bellum
cum
Volscis.

31.

Bellum
cum
Sabinis.

anni, servatum in marmore edito a Morelio de stilo inscript. p. 162. et Gori Inscrip. Etrusc. II. p. 235. Niebhr. I. p. 530. 590.

4 *Legiones decem*] Exaggerata oratio, quae Valerio Antiatii forsitan debetur, qui immodice omnium rerum numerum auget. infr. xxxiii. 10. Livius in hoc loco incautus agit, quum ad Al-

ham, centum abhinc annos, non plus quattuor legiones in acie stabant. Verum adhuc similis phalangi acies Romana struebatur. Niebhr. I. p. 590.

5 *Defixis pilis*] Rectius *hastis*, quum non ante Gallicos tumultus *pilis* utebantur Romani.

U. C. 260. aciem, qua, dum se cornua latius pandunt, parum apte
A. C. 492. introrsum ordinibus aciem firmaverant. Turbatos pedes⁶
invasit: eodem impetu castra capta, debellatumque est.
Post pugnam ad Regillum lacum non alia illis annis pugna
clarior fuit. Dictator triumphans urbem invehitur. Super
solitos honores locus in circo ipsi posterisque ad spectaculum⁷
datus; sella in eo loco curulis posita. Volscis devictis
Veliternus ager ademptus: Velitras coloni ab urbe missi et⁸
colonia deducta.

Cum Aequis post aliquanto pugnatum est, invito quidem
consule, quia loco iniquo subeundum erat ad hostes: sed
milites, extrahi rem criminantes, ut dictator, priusquam ipsi
redirent in urbem, magistratu abiret, irritaque, sicut ante
consulis, promissa eius caderent, perpulere, ut forte temere⁹
Aequi victi. in adversos montes agmen erigeret. Id male commissum
ignavia hostium in bonum vertit: qui, priusquam ad con-
iectum teli veniretur, obstupefacti audacia Romanorum,
relictis castris, quae munitissimis tenuerant locis, in aversas
valles desiluere: ubi satis praedae et victoria incruenta
fuit.

Turbae do-
mesticae. Ita trifariam re bello bene gesta, de domesticarum rerum
eventu nec Patribus nec plebi cura decesserat: tanta quum
gratia, tum arte praeparaverant feneratores, quae non modo
plebem, sed ipsum etiam dictatorem frustrarentur. Nam-
que Valerius, post Vetusii consulis reditum, omnium actio-¹
num in senatu primam habuit pro victore populo, retulitque,
quid nexis fieri placeret. Quae quum reiecta relatio esset,
'Non placeo,' inquit, 'concordiae auctor: optabitis, me²
'dus fidius, propediem, ut mei similes Romana plebes
'patronos habeat. Quod ad me attinet, neque frustrabor
'ultra cives meos, neque ipse frustra dictator ero. Dis-

6 *Introrsum*] sc. Mediam inter duo
cornua aciem. STROTH. cf. xxv. 21.
"Clamantibus tribunis, nihil *intror-*
sus roboris ac virium esse."

7 *Locus in circo*] Singulare ex-
emplum honoris illius apud Romanos,
qui apud Graecos, nomine *προεδρία*,
usitatio erat. Niebhr. i. p. 528.

8 *Velitras coloni*] Quoniam oppi-
dum Latinum Velitrae erant, quas
Volsci, irruptione facta, occupave-
rant. Niebhr. i. p. 93.

9 *Forte temere*] Has particulas
coniunctim positas, de iis quae casu
accidunt, vel nullo consilio susci-
piuntur, invenieris. infr. xxiii. 3. Cic.
de Div. ii. 68. Ter. Phorm. v. i. 30.

1 *Actionum*] Hoc nomine desig-
natur quicquid agit magistratus, sive

apud senatum, sive apud populum;
quicquid vel Patribus decernendum,
vel populo sciendum proponit. Vult
Livius hoc loco, dictatorem, ante-
quam ulla alia de re ageret in senatu,
retulisse, sive iussisse Patres delibe-
rare, de fide victori populo praestanda.
CREV.

2 *Me dius fidius*] Formula iuran-
di: ita *me* iuvet *dius Fidius*. Eodem
sensu Plaut. Asin. Act. i. Sc. 1. *Per*
deum Fidium. *Dius* est, Festo inter-
prete, *ab Iove genus ducons*. *Fidius*,
qui fidei praeest, auctore Dion. qui
ii. 49. et iv. 58. Sancum Graece
reddidit Πίστιον Δία. Sancus autem
idem est, qui Fidius, teste Ovid.
Fast. vi. 213. Vid. not. ad viii. 20.
infr. CREV.

‘cordiae intestinae, bellum externum fecere, ut hoc magis- U. C. 260.
 ‘tratu egeret respublica. Pax foris parta est, domi impe- A. C. 492.
 ‘ditur. Privatus potius, quam dictator, seditioni interero.’

Ita, curia egressus, dictatura se abdicavit. Apparuit causa
 3 plebi, suam vicem indignantem magistratu abisse. Itaque,
 4 velut persoluta fide, quoniam per eum non stetisset, quin
 praestaretur, decedentem domum cum favore ac laudibus
 prosecuti sunt.

Timor inde Patres incessit, ne, si dimissus exercitus foret, 32.
 rursus coetus occulti coniurationesque fierent. Itaque,
 quanquam per dictatorem delectus habitus esset, tamen,
 quoniam in consulum verba iurassent, sacramento teneri
 militem rati, per causam renovati ab Aequis belli educi ex
 urbe legiones iussere: quo facto maturata est seditio. Et
 primo agitatum dicitur de consulum caede, ut solverentur
 sacramento: doctos deinde, nullam scelere religionem ex-
 5 solvi, Sicinio quodam auctore, iuiussu consulum in Sacrum Secessio
 montem secessisse (trans Anienem amnem est) tria ab urbe plebis in
 millia passuum. Ea frequentior fama est, quam, cuius Piso Sacrum
 6 auctor est, in Aventinum secessionem factam esse. Ibi sine montem.
 ullo duce vallo fossaque communitis castris quieti, rem nul-
 lam, nisi necessariam ad victum, sumendo, per aliquot dies,
 neque lacessiti neque lacessentes, sese tenuere. Pavor ingens
 in urbe, metuque mutuo suspensa erant omnia. Timere
 relictam ab suis plebes violentiam Patrum, timere Patres
 residem in urbe plebem, incerti, manere eam, an abire
 mallent. Quam diu autem tranquillam, quae secesserit,
 multitudinem fore? quid futurum deinde, si quod externum
 interim bellum existat? nullam profecto, nisi in concordia
 civium, spem reliquam ducere: eam per aequa, per iniqua,
 7 reconciliandam civitati esse. Placuit igitur oratorem ad

3 *Vicem*] Hoc est conditionem, plebem Aventinum occupavisse putat.
 iniuriam, vel etiam *sua*, i. e. plebis l. p. 593.
causa. Siroth.

4 *Per eum non stetisset*] Quo mi-
 nus illa praestaretur, ipse non in cul-
 pa fuisset. *Per eum stare* sc. ab eius
 arbitrio pendere, in eius potestate po-
 situm fuisse. Donn.

5 *Sacrum montem*] In Crustumino
 agro ita appellatum, “quod cum ple-
 bes, cum secessisset a patribus, crea-
 tis tribunis plebis, qui sibi essent aux-
 ilio, discedentes Iovi consecraverunt.”
 Festus. Hinc secessio haec *Crustumina*
 appellata. cf. Varr. de L. L. iv. 14.

6 *In Aventinum*] “Plebs montem
 Sacrum prius, deinde Aventinum oc-
 cupavit.” Cic. de Rep. ii. 33. Sallust.
 Fragm. Hist. i. p. 935. Niebuhrus
 legiones Sacrum montem, reliquam

plebem Aventinum occupavisse putat.
 l. p. 593.

7 *Placuit*] Huius secessionis his-
 toriam nimis profecto in artum con-
 traxit noster. Eam fuse et fortasse
 prolixè persecutus est Dion. vi. 42. sqq.
 Ex eo discimus rem ultra trium men-
 sium spatium extractam: secessionem
 quippe factam ante Kal. Septembres;
 plebem autem non redisse, nisi a. d.
 iv. Idus Decembres: initio missos
 fuisse a senatu oratores, qui impuni-
 tatem plebi offerrent, eosque reiectos
 fuisse: deinde, quum novj consules
 Post. Cominius et Sp. Cassius magis-
 tratum inissent, post varias in senatu
 altercationes, tandem convenisse ut
 decem legati mitterentur ad plebem
 cum amplissima potestate: in iis fu-
 isse Agrippam Menenium, Cnrv.

U. C. 260. plebem mitti Menenium Agrippam, facundum virum et, 8
 A. C. 492. quod inde oriundus erat, plebi carum. Is, intromissus in 9
 castra, prisco illo dicendi et horrido modo nihil aliud, quam
 hoc, narrasse fertur: 'Tempore, quo in homine non, ut
 'nunc, omnia in unum consentiebant, sed singulis membris
 'suum cuique consilium, suus sermo fuerat, indignatas reli-
 'quas partes, sua cura, suo labore ac ministerio ventri omnia
 'quaeri: ventrem, in medio quietum, nihil aliud, quam
 'datis voluptatibus frui. Conspirasse inde, ne manus ad os
 'cibum ferrent, nec os acciperet datum, nec dentes confice-
 'rent. Hac ira, dum ventrem fame domare vellent, ipsa
 'una membra totumque corpus ad extremam tabem venisse.
 'Inde apparuisse, ventris quoque haud segne ministerium
 'esse: nec magis ali, quam alere eum, reddentem in omnes 1
 'corporis partes hunc, quo vivimus vigemusque, divisum
 'pariter in venas maturum, confecto cibo, sanguinem.'
 33. Comparando hinc, quam intestina corporis seditio similis
 Plebs re- esset irae plebis in Patres, flexisse mentes hominum. Agi 2
 ducta. deinde de concordia coeptum, concessumque in conditiones, 3
 ut plebi sui magistratus essent sacrosancti, quibus auxilii 4

8 *Oratorem ad plebem*] Alium quidem memorat Cicero de Claris Orator. 14. "Videmus item paucis annis post reges exactos, cum plebes prope ripam Anienis ad tertium milliarium consedisset, eumque montem, qui Sacer appellatus est, occupavisset, M. Valerium (M'. Ernest.) dictatorem dicendo sedavisse discordias, eique ob eam rem honores amplissimos habitos, et eum primum ob eam causam Maximum esse appellatum." cf. Dion. vi. 69. qui decem legatos, omnes viros consulares, ad plebem missos esse scribit, quorum maximus natu M'. Valerius plebis studiosissimus erat. Cicero alios, atque Livius annales sequitur. cf. infr. viii. 18. "memoria... repetita, in secessionibus quondam plebis clavum ab dictatore fixum."

9 *Inde*] Nimirum ex plebe. Atqui tamen consulatum gesserat, supra 16. unde certo colligitur eum patricium fuisse. Solis enim tum patriciis patebat consulatus. At recte observat Douiatius eum potuisse ex eorum esse numero, quos ex equestri gradu in senatum Brutus allegisse dicitur initio huius libri. CREV. Verum si Menenius ex decem legatis fuerit, qui *decem primi* senatores fuisse videntur Dion. vi. 34. 69. ex maiorum gentium patribus erat.

1 *Nec magis ali, quam alere eum*] Pecunia mutuo danda et accipienda.

cf. Zonaras vii. 14, unde apparet ventri creditores, membris debitores adumbratos fuisse.

2 *Flexisse mentes*] Res sine dubio ad tabulas novas pervenit. cf. Dion. vii. 14. Cic. de Rep. ii. 34. Off. ii. 22. 23.

3 *Concessumque in conditiones*] De nexis, quorum causa fons fuit et origo huius seditionis, silet Livius. At apud Dion. invenimus has plebi a Menenio propositas fuisse conditiones, ut qui solvendo non essent, iis omnibus aes alienum remitteretur: qui aut iam creditoribus addicti, aut, elapso solutionis die, ex legis vi addicendi forent, ii essent liberi: in futurum, de communi plebis et Patrum sententia statueretur quid sanciri opus esset. Nihil tamen novum videtur sancitum fuisse, scilicet quia tribunicia potestas plebi concessa satis validum munimentum visa est adversus iniurias foeneratorum. CREV.

4 *Sacrosancti*] Ex hac die tribuni plebis, (si Niebuhrium i. p. 602; audiamus, non novus magistratus, sed novo munere instructus, si Wachsmuthium p. 286, novus magistratus,) auxilium contra consulare imperium suis libere ferebant, antea quidem haud impune laturi. Formula *sancitionis*, quae post decemviratum in usu erat, legitur ap. Liv. iii. 4. Nemi, nisi tribum habenti, hoc munus

latio adversus consules esset; neve cui Patrum capere eum U. C. 260.
 5 magistratum liceret. Ita tribuni plebei creati duo, C. Lici- A. C. 492.
 7 nius et L. Albinus. Hi tres collegas sibi creaverunt: in Tribuni
 his Sicinium fuisse, seditionis auctorem; de duobus, qui Pl. creati.
 fuerint, minus convenit. Sunt, qui duos tantum in Sacro
 monte creatos tribunos esse dicant, ibique sacratam legem
 latam.

Per secessionem plebis Sp. Cassius et Postumus Cominius
 8 consulatum inierunt. His consulibus cum Latinis populis
 ictum foedus. Ad id feriendum consul alter Romae
 mansit; alter, ad Volscum bellum missus, Antiates Volscos Volsci
 fundit fugatque: compulsos in oppidum Longulam perse- victi.
 cutus, moenibus potitur. Inde Poluseam, item Volscorum,
 cepit: tum magna vi adortus est Coriolos. Erat tum in C. Marcii
 9 castris inter primores iuvenum C. Marcus, adolescens et opera Co-
 consilio et manu promptus, cui cognomen postea Coriolano rioli capti.
 fuit. Quum subito exercitum Romanum, Coriolos obsi-
 dentem, atque in oppidanos, quos intus clausos habebat,
 intentum sine ullo metu extrinsecus imminentis belli,
 Volscae legiones, profectae ab Antio, invasissent, eodemque
 tempore ex oppido erupissent hostes, forte in statione
 Marcus fuit. Is, cum delecta militum manu, non modo
 impetum erumpentium retudit, sed per patentem portam
 1 ferox irrupit: caedeque in proxima urbis facta, ignem,

capessere licebat, quapropter patri-
 cios, non nisi post decemviratum, in
 hoc magistratu videmus.

5 *Creati duo*] Duos primum cre-
 atos esse consentiunt Cic. de Rep. ii.
 24. Lyd. de Mag. i. 38, et plures alii.
 Postero vero anno decem tribunos
 comitiis curiatis creatos memorat Ci-
 cero. Fragm. Corn. cf. Schol. Orell.
 ii. 76. Auctor tamen est Piso, infr.
 ii. 58. duos tantum usque ad legem
 Publiliam de tribunatu fuisse. Dion.
 vi. 99 cum Livio facit. Verisimilius
 videtur duos quidem e viginti et uno
 tribuum praefectis legatos ad senatum
 missos esse, qui pacis condiciones ac-
 ciperent, et ita inter ordines conve-
 nisse, ut auctoritate patrum quinque
 tribuni plebis comitiis centuriatis cre-
 arentur, singuli ex singulis classibus.
 Zonar. vii. 15. infr. ii. 58. Ascon. in
 Cic. Corn. Postea vero ann. 297 U. C.
 tantum est, ut bini ex singulis classi-
 bus crearentur. Hoc quoque anno
 creati sunt duo *aediles plebei*, qui
 aedi Cereris praecent, in quam om-
 nia plebiscita deferbantur, et qui an-
 nonam procurarent, ludos plebeios
 ederent, et causas permissu tribuno-
 rum iudicarent, unde etiam *iudices*

aliquando sunt dicti. Dion. vi. 90
 Pomp. de Or. Iur. 21.

6 *C. Licinius*] ap. Asconium. et
 Dion. legimus *Sicinium*, sed *Licinium*
 ap. Lyd. de Mag. i. 44. qui Gaium,
 vel Gracchanum, auctorem sequitur.

7 *L. Albinus*] *Albinus*, Niebhr.
 Ap. Ascon. *L. Iunius*, sed hoc nomen
 a Manutio temere inlatum censet
 Niebhr., qui in MS. Laurent. *Lac-*
tinus legi dicit, quod *L. Albinus*
 confirmat. *L. Iunium Brutum* a
 Dion. omnino fictum fuisse idem iu-
 dicat. i. p. 606. Sicinius a Dione
 Caius vocatur. cf. Dio. Excerpt. xiii.

8 *Cum Latinis . . . foedus*] Hoc
 plurimum ad pacem inter ordines
 conciliandam valuisse putat Niebhr.,
 qui auctore Dion. vi. 95, inter alias
 condiciones pactum fuisse dicit, ut
 Latini Romanique auxilium ad do-
 mesticas seditiones sedandas mutuo
 ferrent. Niebhr. ii. p. 17.

9 *Caius*] Caium ap. Dion. et Plu-
 tarch., Cnaeum vero ap. Dionem et
 in pluribus Livii MSS. extare testatur
 Niebhr., qui arbitrio editorum nomen
 commutatum fuisse putat. cf. Duker.
 in Flor. i. ii. Niebhr. ii. p. 234.

1 *In proxima*] *Loca*, vel *parte*,

U. C. 261. temere arreptum, imminentibus muro aedificiis iniecit.
 A. C. 491. Clamor inde oppidanorum, mixtus muliebri puerilique ploratu, ad terrorem, ut solet, primum ortus et Romanis² auxit animum, et turbavit Volscos, utpote capta urbe, cui ad ferendam opem venerant. Ita fusi Volsci Antiates, Corioli oppidum captum: tantumque sua laude obstitit famae consulis Marcius, ut, nisi foedus cum Latinis, columna aenea insculptum, monumento esset, ab Sp. Cassio uno, quia collega afuerat, ictum, Postumum Cominium⁴ bellum gessisse cum Volscis, memoria cessisset.

Agr. Menenii mors. Eodem anno Agrippa Menenius moritur, vir omni vita pariter Patribus ac plebi carus; post secessionem carior plebi factus. Huic interpreti arbitroque concordiae civium, legato Patrum ad plebem, reductori plebis Romanae in urbem sumptus funeri defuit. Extulit eum plebs sextantibus collatis in capita.

34. Consules deinde T. Geganius, P. Minucius facti. Eo anno, quum et foris quieta omnia a bello essent, et domi sanata discordia, aliud multo gravius malum civitatem invasit: caritas primum annonae, ex incultis per secessionem⁶ plebis agris; fames deinde, qualis clausis solet. Ventumque ad interitum servitiorum utique et plebis esset, ni consules providissent, dimissis passim ad frumentum coemendum, non in Etruriam modo dextris ab Ostia litoribus, laevoque per Volscos mari usque ad Cumas, sed quaesitum in Siciliam quoque: adeo finitimorum odia longinquis⁸ coegerant indigere auxiliis. Frumentum Cumis quum coemptum esset, naves pro bonis Tarquiniorum ab Aristodemus tyranno, qui heres erat, retentae sunt. In Volscis⁹ Pomptinoque ne emi quidem potuit: periculum quoque ab

STROTH. Refertur autem *proxima* ad portam et muros. cf. infr. xxvi. 40. "in media urbis et forum" sc. loca, sed *foro* legere vult Doer.

2 *Primum ortus*] vulg. *Primo ortu*, quod Rhenanus *statim* exponit. Gronovius *primum ortus* emendat, quod in MSS. quibusdam extare testatur Crev. atque in textum recepit Bekker.

3 *Columna aenea*] cf. Cic. Balb. 23.

4 *Postumum Cominium*] Absentem fuisse, ut qui foedus cum Latinis ad lucum Ferentinae ipse feriret. Niebhr. ii. p. 37. Dion. vi. 91.

5 *Extulit eum plebs*] cf. supr. ii. 16. Efferendum, sepeliendum curavit, sumptibus datis, *sextantibus*. cf. Val. Max. iv. 4, 2. Plin. xxxiii. 10. et 48. Dion. vi. 96. *Quadrantes* pro

sextantibus memorat Aur. Victor de V. Ill. 18. RUP.

6 *Caritas primum annonae*] De qua vide Dion. vii. 1. cf. infr. iv. 52. ubi totidem fere verbis eadem evenisse legimus.

7 *Ex incultis per secessionem plebis agris*] Nempe secessio illa ultra trium mensium spatium extracta erat, idque ipso sementis tempore. Plebs enim secessit ante Kalendas Septembres, nec rediit in urbem, nisi a. d. iv. Idus Decembres. CREV.

8 *In Siciliam*] Dion. vii. 1. de Gelone quaedam fabulatur, nondum vero Syracusis Gelo regnabat. Niebhr. ii. 96.

9 *Qui heres erat*] Quo iure heres Tarquiniorum esset Aristodemus, non liquet. Aliter rem narrat Dion. quem vide vii. 2. CREV.

impetu hominum ipsis frumentatoribus fuit. Ex Tuscis U. C. 262.
frumentum Tiberi venit: eo sustentata est plebs. Incom- A. C. 490.
modo bello in tam artis commeatibus vexati forent, ni
Volscos, iam moventes arma, pestilentia ingens invasisset.
Ea clade conterritis hostium animis, ut etiam, ubi ea remi-
sisset, terrore aliquo tenerentur, et Velitris auxere numerum
1 colonorum Romani, et Norbae in montes novam coloniam,
quae arx in Pomptino esset, miserunt.

M. Minucio deinde et A. Sempronio consulibus, magna U. C. 263.
vis frumenti ex Sicilia advecta: agitatumque in senatu, A. C. 489.
quanti plebi daretur. Multi venisse tempus premendae M. Minucio
plebis putabant, recuperandique iura, quae extorta seces- II. A. Sem-
sione ac vi Patribus essent: in primis Marcius Coriolanus, pronio II.
hostis tribuniciae potestatis, ‘Si annonam,’ inquit, ‘veterem Coss.
‘volunt, ius pristinum reddant Patribus. Cur ego plebeios
‘magistratus, cur Sicinium potentem video, sub iugum
‘missus, tanquam a latronibus redemptus? Egone has indig-
‘nitates diutius patiar, quam necesse est? Tarquinium
2 ‘regem qui non tulerim, Sicinium feram? Secedat nunc,
‘avocet plebem: patet via in Sacrum montem aliosque
‘colles. Rapiant frumenta ex agris nostris, quemadmodum
3 ‘tertio anno rapuere. Utantur annona, quam furore suo
4 ‘fecere. Audeo dicere, hoc malo domitos ipsos potius cul-
‘tores agrorum fore, quam ut armati per secessionem coli
5 ‘prohibeant.’ Haud tam facile dictu est, faciendumne fuerit,
quam potuisse arbitror fieri, ut, conditionibus laxandi an-
nonam, et tribuniciam potestatem, et omnia invitis iura im-
posita Patres demerent sibi. Et senatui nimis atrox visa
sententia est, et plebem ira prope armavit. ‘Fame se iam,
‘sicut hostes, peti; cibo victuque fraudari: peregrinum
‘frumentum, quae sola alimenta ex insperato fortuna dederit,
6 ‘ab ore rapi, nisi C. Marcio vineti dedantur tribuni, nisi de

35.

1 *Norbae*] Non apparere rationem, cur ita potius quam *Norbam* scribatur, iam Duker. monuit. Forte sic modo Livius posuit, ut propius congruerent membra *et Velitris, et Norbae*; construere autem ita voluit; et in montes novam coloniam miserunt, quae Norbae arx in Pomptino esset. Struon.

2 *Tulerim*] Haec dicit Marcius, non ex sua persona, sed cuiusvis senatoris, aut si mavis, senatus universi. CREV. *Tulerim* recte exponi potest *feram*, vel ferre possim, si Romae regnet. Duker.

3 *Tertio anno*] Tertio ante anno. CREV.

4 *Utantur annona, quam*] Utantur annona arcta et dura, qualem ipsi sibi fecere per seditionis furorem, in-

cultos relinquendo agros. Ante primum verbum inseruerat Rhenanus *fruantur*. Sed illud additamentum ignorant omnes scripti Gronovio inspecti, quinque e nostris, Campanus, Andreas, et omnes veteres editi. Itaque delendum duximus, ut Clericus iam fecerat. CREV.

5 *Haud tam facile*] Potuisse arbitror fieri, (utrum fieri debuerit, haud facile dictu est) ut Patres et a tribunitia potestate, et ab omnibus legibus quas inviti sibi imponi tulerant in Sacro monte, seae liberarent, si hanc conditionem exegissent pro laxando annonae pretio. CREV.

6 *Nisi de tergo plebis Romanae satisfiat*] Nisi satisfiat odio eius in plebem, saeviendo verberibus in terga

U. C. 463. 'tergo plebis Romanae satisfiat. Eum sibi carnificem
 A. C. 489. 'novum exortum, qui aut mori, aut servire iubeat.' In
 C. Marcii
 accusatus. exeuntem e curia impetus factus esset, ni peropportune
 tribuni diem dixissent. Ibi ira est suppressa. Se iudicem
 quisque, se dominum vitae necisque inimici factum videbat.
 Contemptim primo Marcii audiebat minas tribunicias:
 auxilii, non poenae, ius datum illi potestati; plebisque, non
 Patrum, tribunos esse. Sed adeo infensa erat coorta plebs,
 ut unius poena defungendum esset Patribus. Restiterunt
 tamen adversa invidia, usque sunt, qua suis quisque, qua
 totius ordinis viribus. Ac primo tentata res est, si, dispo-
 sitis clientibus, absterrendo singulos a coitionibus conciliis-
 que, disicere rem possent. Universi deinde processere,
 (quicquid erat Patrum, reos diceret) precibus plebem ex-
 poscentes: 'Unum sibi civem, unum senatorem, si inno-
 centem absolvere nollent, pro nocente donarent.' Ipse
 quum die dicta non adesset, perseveratum in ira est.
 Damnatu^s absens in Volscos exsulatum abiit, minitans⁹₁
 patriae, hostilesque iam tum spiritus gerens.

Damnatu^s
 in Volscos
 exsulatum
 abit.

Venientem Volsci benigne excepere; benigniusque in
 dies colebant, quo maior ira in suos eminebat, crebraeque
 nunc querelae, nunc minae percipiebantur. Hospitio ute-
 batur Attii Tulli. Longe is tum princeps Volsci nominis
 erat, Romanisque semper infestus. Ita quum alterum
 vetus odium, alterum ira recens stimularet, consilia con-
 ferunt de Romano bello. Haud facile credebant, plebem
 suam impelli posse, ut toties infeliciter tentata arma cape-
 rent. Multis saepe bellis, pestilentia postremo amissa iu-
 ventute, fractos spiritus esse: arte agendum in exoieto iam
 vetustate odio, ut recenti aliqua ira exacerbarentur animi.

36. Ludi forte ex instauratione magni Romae parabantur:

civium. Hoc ideo dicunt plebei, quia
 tribunorum erat prohibere ne consules
 iniuria et pro libidine virgis animad-
 verterent in cives. CREV.

7 *Diem dixissent*] sc. Diem con-
 stituissent, quo capitis iudicium subi-
 ret. Sp. Icilius, quem, tribunum infr.
 58, legis Iciliae auctorem Dion. vii.
 14, scribit, C. Marcio diem dixisse, ut
 aedilem, vicesimo post anno Niebhr.
 coniicit. ii. p. 232.

8 *Unius poena defungendum*] Uno
 ad poenam tradito, totus ordo periculo
 imminenti eximendus. CREV.

9 *Damnatu^s absens*] Praesentem
 fuisse tradunt Dion. vii. 64. et Plut. in
 Coriol. Ceterum multa apud eos-
 dem scriptores circa damnationem
 Coriolani gesta reperies, quae suo
 more omisit Livius. Eos vide locis

citatis. CREV. Verum Livius optimo
 iure absentem damnatum esse scribit,
 si modo exsilii causa solum verterit.

1 *Exsulatum*] cf. supr. i. 60. Sed
 haec omnia post annum 284 U. C.
 evenisse putat Niebuhrius ii. p. 96.
 234. Hookius acute coniecit occasio-
 nem tribunis diem dicendi Coriolano
 non, nisi lege Publilia, datam esse.
 Wachsmuthius universa non probat,
 sed singulatim multa accipit.

2 *Tulli*] Antiquo more scribendi
 Tullii, ut supr. 1. *regis* pro *regiis*.
 Tullius ap. Zonaram legitur. *Tulli*
 recepit Stroth. Rex erat Volscor-
 um, suffragiis creatus, ut moris erat
 apud gentes Italas. Ex eius stirpe or-
 tum habuit M. Tullius Cicero. Plut.
 in Cic. i. Niebhr. ii. p. 104.

3 *Magni*] Idem, qui et Circenses.

instaurandi haec causa fuerat. Ludis mane servum quidam U. C. 263
 4 paterfamiliae, nondum commisso spectaculo, sub furca cae- A. C. 489.
 5 sum medio egerat circo. Coepti inde ludi, velut ea res
 6 nihil ad religionem pertinuisset. Haud ita multo post Ti.
 Atinio, de plebe homini somnium fuit. Visus Iupiter Ingratus
 dicere, 'Sibi ludis praesultatorem displicuisse: nisi magni Iovi praesultator.
 'fice instaurarentur hi ludi, periculum urbi fore. Iret, ea
 'consulibus nuntiaret.' Quanquam haud sane liber erat
 religione animus, verecundia tamen maiestatis magistratuum
 7 timorem vicit, ne in ora hominum pro ludibrio abiret.
 Magno illi ea cunctatio stetit: filium namque intra paucos
 dies amisit. Cuius repentinae cladis ne causa dubia esset,
 aegro animi eadem illa in somnis obversata species visa est
 rogitare, 'Satin' magnam spreti numinis haberet mercedem?
 'maiolem instare, ni eat propere, ac nuntiet consulibus.'
 Iam praesentior res erat: cunctantem tamen ac prolatantem
 ingens vis morbi adorta est debilitate subita. Tum enim-
 vero deorum ira admonuit. Fessus igitur malis praeteritis
 instantibusque, consilio propinquorum adhibito, quum visa
 atque audita, et obversatum toties somno Iovem, minas
 8 irasque coelestes, repraesentatas casibus suis, exposuisset;
 consensu inde haud dubio omnium, qui aderant, in forum
 ad consules lectica affertur. Inde in curiam iussu consulum
 delatus, eadem illa quum Patribus ingenti omnium admira-
 tione enarrasset; ecce aliud miraculum. Qui captus
 omnibus membris delatus in curiam esset, eum functum
 officio pedibus suis domum rediisse, traditum memoriae
 est.

Ludi quam amplissimi ut fierent, senatus decrevit. Ad 37.
 eos ludos, auctore Attio Tullo, vis magna Volscorum venit. Attii Tulli
 9 Priusquam committerentur ludi, Tullus, ut domi composi- Volsci
 tum cum Marcio fuerat, ad consules venit. Dicit esse, dolus.
 quae secreto agere de republica velit. Arbitris remotis,
 1 'Invitus,' inquit, 'quod sequius sit, de meis civibus loquor.

supr. i. 9. *Ex instauratione* sc. iterati sunt, prioribus pro irritis habitis. Cic. de Div. i. 26. STROTH. Ex religione, quae ludos de integro institui iubebat. DOER. cf. Macrob. Saturn. i. 11.

4 *Paterfamiliae*] Codd. nonnulli forma antiquiore *paterfamilias*. *Paterfamiliae* Bekker, separatim scribit.

5 *Sub furca*] Furca duplex fuit: alia quam gestare tantummodo iuebantur servi improbi ignominiae causa, unde *furesferi* dicti; alia instrumentum supplicii, aliquando capitalis. cf. Sueton. Nero. 49. Plaut. Cas. ii. 6. 37.

6 *Ti. Atinius*] *T. Latinius* reponendum censet Niebhr. ii. p. 105.

7 *Timorem*] Spretae religionis, ob verecundiam ne, tanquam ludibrium, in sermones hominum veniret.

8 *Repraesentatas*] Quasi praesentes factas, oculis subiectas. RASCH.

9 *Committerentur*] Verbum *committi* proprium et solenne in hac re est, quia nimirum in spectaculis committuntur inter se certaturi. CREV.

1 *Quod sequius sit*] Quod civibus meis labem aliquam aspergat. *Sequior, sequius* idem quod *deterior, deterius*: a voce *secus* quae non modo

- U. C. 263. 'Non tamen admissum quicquam ab iis criminatum venio,
 A. C. 489. 'sed cautum, ne admittant. Nimio plus, quam velim,
 'nostrorum ingenia sunt mobilia. Multis id cladibus sen-
 'simus: quippe qui non nostro merito, sed vestra patientia,
 'incolumes simus. Magna hic nunc Volscorum multitudo
 'est: ludi sunt: spectaculo intenta civitas erit. Memini,
 'quid per eandem occasionem ab Sabinorum iuventute in 2
 'hac urbe commissum sit: horret animus, ne quid incon-
 'sulte ac temere fiat. Haec, nostra vestraque causa, prius
 'dicenda vobis, consules, ratus sum. Quod ad me attinet,
 'extemplo hinc domum abire in animo est, ne cuius facti 3
 'dictive contagione praesens violer.' Haec locutus abiit.
 Consules quum ad Patres rem dubiam sub auctore certo
 detulissent, auctor magis, ut fit, quam res, ad praecavendum
 vel ex supervacuo movit: factoque senatusconsulto, ut
 Volsci urbe exacti, urbem excederent Volsci, praecones dimituntur, qui omnes
 eos proficisci ante noctem iuberent. Ingens pavor primo
 discurrentes ad suas res tollendas in hospitia perculit.
 Proficiscentibus deinde indignatio oborta: 'Se, ut consce-
 'leratos contaminatosque, ab ludis, festis diebus, coetu
 38. 'quodammodo hominum deorumque, abactos esse.' Quum
 prope continuato agmine irent, praegressus Tullus ad caput 4
 Ferentinum, ut quisque veniret, primores eorum excipiens,
 querendo indignandoque, et eos ipsos sedulo audientes
 secunda irae verba, et per eos multitudinem aliam in sub- 5
 iectum viae campum deduxit. Ibi in concionis modum
 orationem exorsus, 'Veteres populi Romani iniurias, cla-
 'desque gentis Volscorum, ut omnia,' inquit, 'obliviscamini
 'alia, hodiernam hanc contumeliam quo tandem animo
 'fertis, qua per nostram ignominiam ludos commisere? An
 'non sensistis, triumphatum hodie de vobis esse? vos
 'omnibus, civibus, peregrinis, tot finitimis populis, specta-
 'culo abeuntes fuisse? vestras coniuges, vestros liberos
 'traductos per ora hominum? Quid eos, qui audivere vocem 6
 'praeconis? quid, qui vos videre abeuntes? quid eos, qui
 'huic ignominioso agmini fuere obvii, existimasse putatis?
 'nisi aliquod profecto nefas esse, quo, si intersimus specta-

significat *aliter*, sed etiam usurpatur pro *non bene*, ubi rem mollire oratione opus est. CREV.

2 *Ab Sabinorum iuventute*] Vide supr. 18.

3 *Ne cuius facti*] Ne, si remaneam et praesens adsim, in me transeat velut ex contagione labes ac suspicio alicuius inconsulti dicti factive. CREV.

4 *Caput Ferentinum*] sc. Aquae.

cf. i. 50.

5 *Secunda irae*] Verba irae quasi obsecundantia et blandientia. Similiter ap. Ovid. Art. Am. 584 legi "Neu dubites illi *verba secunda* loqui." DRAK.

6 *Traductos per ora hominum*] Alludit ad triumphum, in quo captivi traducebantur in oculis populi victoris, eique spectaculo erant. CREV.

7 'culo, violaturi simus ludos, piaculumque meritari: ideo U. C. 263.
 'nos ab sede piorum, coetu, concilioque abigi. Quid, A. C. 489.
 'deinde? illud non succurrit, vivere nos, quod maturari-
 'mus proficisci? si hoc profectio, et non fuga est. Et
 'hanc urbem vos non hostium ducitis, ubi, si unum diem
 'morati essetis, moriendum omnibus fuit? Bellum vobis
 'indictum est; magno eorum malo, qui indixere, si viri
 'estis.' Ita et sua sponte irarum pleni, et incitati, domos
 inde digressi sunt; instigandoque suos quisque populos
 effecere, ut omne Volscum nomen deficeret.

8 Imperatores ad id bellum de omnium populorum sen- 39.
 tentia lecti Attius Tullus et C. Marcius exsul Romanus, in Volsci de-
 quo aliquanto plus spei repositum. Quam spem nequa- ficiunt, du-
 quam fefellit: ut facile apparet, ducibus validiorem, cibis Attio
 quam exercitu, rem Romanam esse. Circeios profectus, Tullo et
 C. Marcio.
 primum colonos inde Romanos expulit, liberamque eam
 9 urbem Volscis tradidit. Inde, in Latinam viam transversis
 tramitibus transgressus, Satricum, Longulam, Poluscam,
 1 Coriolos, novella haec Romanis oppida ademit. Inde La-
 vinium recepit: tunc deinceps Corbionem, Vitelliam, Tre-
 2 biam, Lavicos, Pedum cepit. Postremum ad urbem a
 3 Peto ducit; et, ad fossas Cluilias quinque ab urbe millia
 passuum castris positus, populatur inde agrum Romanum;
 custodibus inter populatores missis, qui patriciorum agros
 intactos servarent: sive infensus plebi magis, sive ut dis-
 cordia inde inter Patres plebemque oriretur. Quae pro-
 fecto orta esset: adeo tribuni iam ferocem per se plebem
 criminando in primores civitatis instigabant. Sed externus
 timor, maximum concordiae vinculum, quamvis suspectos
 infensosque inter se iungebat animos. Id modo non con-

7 *Piaculumque meritari*] Id com-
 missuri, quod sit piaculo dignum.
 CREV.

8 *Ad id bellum*] Res gestas huius
 belli, quod ad Attium Tullum perti-
 net, admittit Niebhr., nisi quod non
 modo Volscos, sed Aequos quoque in-
 cursu in agrum Romanum fe-
 cisse putet.

9 *In Latinam viam . . . transgres-
 sus*] Quattuor haec oppida, quorum
 nomina sequuntur, citra Latinam
 viam sunt Circeis proficiscenti. Ita-
 que non satis apparet, quare Marcius
 ante in Latinam viam transgressus
 fuisse, quam has urbes cepisse dica-
 tur. CREV.

1 *Novella*] Nuper ab Romanis ac-
 quisita, ut infr. XII. §. *novelli Aequi-
 leenses*. Sed quum plures scripti a
 Gronovio aditi *norellam*, quae vox in

cod. Veith. extat, prae se ferant, non
 inepta coniectura est in hac voce no-
 men urbis latere. Gronovius pater
Bovillas, filius *Mugillas* coniecit—
Mugillas, probat Niebhr. ii. p. 94.

2 *Ad urbem*] sc. Roman. cf. i.
 23. Dionysius alio, quam Livius, or-
 dine expeditionem Coriolani recen-
 set, et bis eum ad urbem accessisse
 tradit. Livius autem Volscorum, Dio-
 nysius Aequorum expeditionem nar-
 rat. Verba, "in Latinam viam trans-
 versis itineribus transgressus" sede
 sua mutata fuisse, et post "tunc de-
 inceps" inserenda putat Niebhr. ii. p.
 94. n. 535.

3 *Ad fossas Cluilias*] Finem agri
 Romani inauguratum, quem transire,
 nisi bello in triginta tertium diem
 indicto, iure feciali non licebat.
 Niebhr. ii. p. 100.

U. C. 263. veniebat, quod senatus consulesque nusquam alibi spem,
 A. C. 489. quam in armis, ponebant: plebes omnia, quam bellum,
 U. C. 266. malebat. Sp. Nautius iam et Sex. Furius consules erant.⁴
 A. C. 486. Eos, recensentes legiones, praesidia per muros aliaque, in
 Sp. Nautio, quibus stationes vigiliasque esse placuerat, loca distri-
 Sex. Furio buentes, multitudo ingens pacem poscentium primum
 Coss. seditioso clamore conterruit: deinde vocare senatum,
 referre de legatis ad C. Marcium mittendis coegit. Acce-
 perunt relationem Patres, postquam apparuit, labare plebis
 Legationes animos; missique de pace ad Marcium oratores atrox
 virorum ad responsum retulerunt: 'Si Volscis ager redderetur, posse
 Coriola- 'agi de pace: si praeda belli per otium frui velint, me-
 num. 'morem se et civium iniuriae, et hospitum beneficii, an-
 'nisurum, ut appareat, exsilio sibi irritatos, non fractos,
 'animos esse.' Iterum deinde iidem missi non recipiuntur
 in castra. Sacerdotes quoque, suis insignibus velatos, isse
 supplices ad castra hostium, traditum est; nihilo magis⁶
 40. quam legatos flexisse animum. Tum matronae ad Vetu-
 riam, matrem Coriolani, Volumniamque uxorem fre-⁷
 quentes coeunt. Id publicum consilium, an muliebris
 Mulierum timor fuerit, parum invenio. Pervicere certe, ut et
 legatio. Veturia, magno natu mulier, et Volumnia, duos parvos
 ex Marcio ferens filios, secum in castra hostium irent:
 et, quam armis viri defendere urbem non possent, mu-
 lieres precibus lacrimisque defenderent. Ubi ad castra
 ventum est, nuntiatumque Coriolano, adesse ingens
 mulierum agmen; in primo, ut qui nec publica maies-
 tate in legatis, nec in sacerdotibus tanta offusa oculis
 animoque religione motus esset, multo obstinatio adversus
 lacrimas muliebres erat. Dein familiarium quidam, qui
 insignem maestitia inter ceteras cognoverat Veturiam, inter
 nurum nepotesque stantem, 'Nisi me frustrantur,' inquit,
 Veturiae 'oculi, mater tibi coniuxque et liberi adsunt.' Coriolanus,
 ad Coriola- prope ut amens, consternatus ab sede sua, quum ferret
 num filium oratio.

4 *Sp. Nautius iam et Sex. Furius*] Ante hos consules duplex parconsulum inserit Dionysius: in annum 264. Q. Sulpicium Camerinum et Sp. Lartium Flavum, quorum in consulatu ludi vitio facti: in annum 265. C. Iulium Iulum et P. Pinarium Rufum, qui ludos instauravere. Eos consultone, falsos putans, an per incuriam omiserit Livius, parum liquet. Eorum tamen in numerandis annis rationem habuisse videtur, infr. iii. 30. CREV. Hos de industria Livium omisisse, ut qui in annalibus iis, quos secutus est, non extarent, censet Niebhr. ii. p. 102. cf. Sigon. Chron. Liv. (ad ann. U. C. 264.)

5 *Si Volscis ager*] In his verbis condiciones pacis inter Volscos et Romanos post ann. 295 U. C. factae latere putat Niebhr. ii. p. 98. 255. cf. Dion. viii. 35.

6 *Traditum est*] Non aspernanda est Iac. Gronovii coniectura, *traditum, et nihilo magis*. Simile exemplum vid. infra vii. 40. CREV.

7 *Volumniamque*] *Volumniam* matrem, et Vergiliam uxorem Marcii dictam tradit Plut. Coriol. *Id publicum consilium* etc. auctorem consilii fuisse Valeriam Poplicolae sororem, refert Dion. viii. 54. RUF.

matri obviae complexum, mulier in iram ex precibus versa, U. C. 266.
 8 'Sine, priusquam complexum accipio, sciam,' inquit, 'ad A. C. 486.
 'hostem, an ad filium, venerim: captiva materne in castris
 'tuis sim? In hoc me longa vita et infelix senecta traxit,
 'ut exsulem te, deinde hostem viderem? Potuisti populari
 'hanc terram, quae te genuit atque aluit? Non tibi,
 'quamvis infesto animo et minaci perveneras, ingredienti
 'fines ira cecidit? non, quum in conspectu Roma fuit,
 'succurrit: intra illa moenia domus ac penates mei sunt,
 'mater, coniux, liberique? Ergo ego nisi peperissem,
 'Roma non oppugnaretur; nisi filium haberem, libera in
 'libera patria mortua essem. Sed ego nihil iam pati,
 'nec tibi turpius quam mihi miserius, possum: nec, ut
 'sim miserrima, diu futura sum. De his videris: quos,
 'si pergis, aut immatura mors, aut longa servitus manet.'
 Uxor deinde ac liberi amplexi: fletusque ab omni turba
 mulierum ortus, et comploratio sui patriaeque, fregere
 tandem virum. Complexus inde suos dimittit: ipse retro
 ab urbe castra movit. Abductis deinde legionibus ex agro
 9 Romano, invidia rei oppressum periisse tradunt; alii alio
 1 leto. Apud Fabium, longe antiquissimum auctorem, usque
 2 ad senectutem vixisse eundem invenio. Refert certe, hanc
 saepe cum exacta aetate usurpasse vocem, 'Multo miserius
 'seni exsilium esse.' Non inviderunt laudes suas mulieribus
 viri Romani: adeo sine obtrectatione gloriae alienae
 3 vivebatur. Monumento quoque quod esset, templum
 4 Fortunae Muliebri aedificatum dedicatumque est.

8 *Sine*] Operae pretium est conferre inter se tres pulcherrimas orationes, quas tres scriptores eloquentissimi de hoc eodem argumento scripserunt, tanquam a matre Coriolani habitas: hanc Livii, concitatissimam et tragicum pene spirantem; Dionysii, placidiorem; Plutarchi, ex utroque affectu velut temperatam. Hae postremae duae quendam historiae quasi colorem retinere magis fortasse videbuntur: Liviana excelsior esse et Romana matre dignior. Cic. v. cf. Brevis illa oratio ap. Zonaram vii. 16. quam Wachsmuth. merito laudat, p. 312.

9 *Oppressum periisse*] "Conatum iracundiae suae morte sedavit." Cic. Brut. 10. idem narrat Dion. viii. 59. Plut. Coriol. Wachsmuth. p. 313.

1 *Alio alio leto*] Mortem sibi conscribere, perinde ut Themistoclem, scribit Cic. de Amic. 12.

2 *Ad senectutem vixisse*] Ita Zonaras, vii. 16. in cuius sententiam

discedit Niebhr. ii. p. 240.

3 *Vivebatur*] Cuiacius Observ. lxii. 24. hoc loco inserit verba seqq. e cod. suo. *Tunc enim primum sancitum est ut mulieribus de via cederetur, ut inauribus aureis, ut purpurea veste, ut aureis segmentis, ut novo villae discrimine uterentur. Monumento quoque, etc.* sed de huiusmodi praemiis, quae praeam horum temporum simplicitatem parum sapere videntur, silent Dionys. et Plutarch. Drakenborchius quoque cum quo consentit Duker. praecellare monet, "haec omnia addita a nasuto quodam ex Valerio Maximo et primo quidem tantum margini adscripta fuisse, postea vero in unius vel alterius codicis contextum irrepsisse."

4 *Fortunae Muliebri*] Aedem dedicatam Nonis Quinctilis ann. 268 U. C. et Valeriam primam sacerdotem fuisse ap. Dion. viii. 65. legimus. Iure quidem admirationem Niebuhrio movet, si modo haec aedes ad felicem

U. C. 266. Rediere deinde Volsci, adiunctis Aequis, in agrum Romanum: sed Aequi Attium Tullum haud ultra tulere ducem. Hinc ex certamine, Volsci Aequine imperatorem coniuncto exercitui darent, seditio, deinde atrox proelium ortum. Ibi fortuna populi Romani duos hostium exercitus, haud minus pernicioso quam pertinaci certamine, confecit.

U. C. 267. Consules T. Sicinius et C. Aquillius. Sicinio Volsci, A. C. 485. Aquillio Hernici (nam ii quoque in armis erant) provincia evenit. T. Sicinio, Eo anno Hernici devicti: cum Volscis aequo C. Aquillio Marte discessum est. Coss.

41. Sp. Cassius deinde et Proculus Virginius consules facti. U. C. 268. Cum Hernicis foedus ictum: agri partes duae ademptae: 6 A. C. 484. inde dimidium Latinis, dimidium plebi divisurus consul Sp. Cassio Cassius erat. III. Proc. Adiciebat huic muneri agri aliquantum, Virgino quem publicum possideri a privatis criminabatur. Id multos quidem Patrum, ipsos possessores, periculo rerum suarum terrebat. Sed et publica Patribus sollicitudo inerat, largitione consulem periculosas libertati opes struere. Tum primum lex agraria promulgata est; nunquam deinde usque 8 ad hanc memoriam sine maximis motibus rerum agitata. Consul alter largitioni resistebat, auctoribus Patribus, nec omni plebe adversante: quae primo coeperat fastidire, mu-

Lex agraria.

Veturiae legationem commemorandam posita fuerit, quod viduis iisque quae alteri marito nuptae essent, limen intrare non licuerit. Sed fictam totam hanc de Coriolano historiam, et res gestas in vicesimum abhinc anno conferendas esse plane liquet, quando Coriolanus, "exulum Romanorum dux, bello gravissimo Volseo interfuit." cf. Cic. Brut. 10.

5 *Ibi fortuna*] Hic vera latet historia, quomodo populus Romanus periculosissimo hoc bello praeter expectationem incolumis evaserit. Niebhr. ii. p. 104. Sed Wachsmuthio aliter visum est p. 313.

6 *Cum Hernicis foedus ictum*] Niebuhrio placet in uno foedere Romanos, Latinos et Hernicos iunctos esse, et his conditionibus societatem confirmasse, si agri ab hostibus capti tertia cuique populo pars accederet. Sed Livius, qui veram huius rei rationem non vidit, partes duas agri sui Hernicis ademptas scribit, quum contra tertia illis agri capti a Volscis aut Aequis distribueretur. Bellum cum Volscis et Aequis ingravescebat haud dubie in causa erat, cur hoc foedus ictum esset. cf. Dion. viii. 76.

7 *Possideri*] *Possessio* est, ut definit Gallus Aelius, *usus agri aut aedificii*. Festus. Quippe *possidere* agros ii dicebantur, qui non mancipatione sed usu tenebant, quibus ager publicus non assignatus sed concessus, qui *usum*, non autem *fructum* habebant. cf. Cic. adv. Rull. iii. 3. Orosius 18. ap. Savignium vom Besitz p. 151 citatus. Niebhr. ii. p. 142.

8 *Lex agraria*] De agro publico plebi *assignando*. Agrum publicum, ab hostibus captum, *concessum* sibi pauci *possidebant*, qui reipublicae *vectigal* sc. *fructum* pendebant. Hac lege cautum est, ut necessitatibus plebis succurreretur agro publico egenis assignando. Agri autem assignati res mancipii erant, et *tributo* subiecti. Legem primam agrariam a Servio Tullio promulgatam legimus ap. Liv. i. 46. Nonnulli quidem, et ii minime indocti viri, leges agrarias Romanorum ad agros privatos spectasse perperam disseuerunt. cf. Montesquieu. Machiavell. et alii plures; sed rem prorsus aliam fuisse confirmarunt Heyn. in Opusc. Acad. iv. p. 350. Niebhr. ii. p. 141. Wachsm. p. 324.

nus vulgatum a civibus isse in socios. Saepe deinde et U. C. 268.
 Virginium consulem in concionibus velut vaticinantem A. C. 484.
 audiebat, 'Pestilens collegae munus esse. Agros illos ser-
 'vitutem iis, qui acceperint, laturos: regno viam fieri.
 'Quid ita enim assumi socios et nomen Latinum? Quid
 'attinuisse, Hernicis, paullo ante hostibus, capti agri par-
 'tem tertiam reddi, nisi ut hae gentes pro Coriolano duce
 'Cassium habeant?' Popularis iam esse dissuasor et inter-
 cessor legis agrariae coeperat. Uterque deinde consul cer-
 tatim plebi indulgere. Virginius dicere, passurum se assignari agros, dum ne cui, nisi civi Romano, assignentur. Cassius, quia in agraria largitione ambitiosus in socios, eoque civibus vilior erat, ut alio munere sibi reconciliaret civium animos, iubere, pro Siculo frumento pecuniam acceptam retribui populo. Id vero haud secus, quam praesentem mercedem regni, aspernata plebes: adeo propter suspicionem insitam regni, velut abundarent omnia, munera eius in animis hominum respuebantur. Quem, ubi primum magistratu abiit, damnatum necatumque constat. Sunt, ^{Cassius} qui patrem auctorem eius supplicii ferant: eum, cognita ^{necatur.}
¹ domi causa, verberasse ac necasse, peculiumque filii Ce-
² reri consecravisse: signum inde factum esse, et inscrip-
 tum, EX CASSIA FAMILIA DATUM. Invenio apud quosdam,
³ idque propius fidem est, a quaestoribus K. Fabio et L. Va-
⁴ lerio diem dictam perduellionis, damnatumque populi iu-
 dicio: dirutas publice aedes. Ea est area ante Telluris
 aedem. Ceterum sive illud domesticum, sive publicum U. C. 269.
 fuit iudicium, damnatur Ser. Cornelio, Q. Fabio consu- A. C. 483.
 libus. Ser. Corne-
 lio, Q. Fa-
 bio Coss.

42.

Haud diuturna ira populi in Cassium fuit. Dulcedo agrariae legis ipsa per se, dempto auctore, subibat animos: accensaque ea cupiditas est malignitate Patrum; qui, de-

9 *A civibus isse in socios*] In cod. Florent. *egisse*, quare *egenis* legendum suadet Niebhr. ii. p. 167. Totam hanc de sociis narrationem a lege Sempronia Agraria adumbratam fuisse idem suspicatur. cf. Fragn. Leg. Sempr. ap. Goes.

1 *Peculiumque filii*] *Peculium* proprie est id quod servus concedente domino possidet. Similiter usurpatur pro eo quod filius possidet concessu patris, quia nempe quemadmodum servi in domini potestate, ita et liberi in potestate patris erant, et quicquid acquirebant, id patri, non sibi, acquirebant. Nihil itaque habebant vere suum: sed si quae eis pater utenda permisisset, in ea pater, tanquam in peculium servi dominus,

plenam potestatem retinebat. Vide Iust. Instit. ii. tit. 9. et ibi Vinnium. CREV. Sed de hac re cf. omnino, Niebhr. ii. p. 171.

2 *Cereri*] Apud Cereris pecunia plebis asservabatur cf. Plin. xxxiv. 4. Heyn. Op. Ac. v. p. 430. et sup. 19.

3 *Quaestoribus*] sc. Parricidii, cf. Festus. Creuzer R. Ant. § 167. Cic. de Rep. ii. 35. Pomp. de Or. Jur. Di. 2. § 3.

4 *Populi iudicio*] sc. A patribus *curiatim*, convocatis, cf. Niebhr. ii. p. 167, qui pro certo habet, plebem patronum suum non condemnasse, neque ante decenviratum causas capitales maximo comitatu, sc. centuriarum, iudicatas esse. Sed Wachsm. paullo aliter sentit, p. 327.

U. C. 269. victis eo anno Volscis Aequisque, militem praeda fraudare.
A. C. 483. vere. Quicquid captum ex hostibus est, vendidit Fabius consul, ac redegit in publicum. 5

Invisum erat Fabium nomen plebi propter novissimum consulem: tenere tamen Patres, ut cum L. Aemilio K. 6
U. C. 270. Fabius consul crearetur. Eo infestior facta plebes seditione
A. C. 482. domestica bellum externum excivit: bello deinde civiles discordiae intermissae. Uno animo Patres ac plebes rebellantes Volscos et Aequos, duce Aemilio, prospera pugna vicere. Plus tamen hostium fuga, quam proelium, absumpsit: adeo pertinaciter fusos insecuti sunt equites. Castoris aedes eodem anno Idibus Quintilibus dedicata est. 7 Vota erat Latino bello, Postumio dictatore: filius eius, duumvir ad id ipsum creatus, dedicavit.

Sollicitati et eo anno sunt dulcedine agrariae legis animi plebis. Tribuni plebis popularem potestatem lege populari 8 celebrabant. Patres, satis superque gratuiti furoris in multitudine credentes esse, largitiones temeritatisque invitamenta horrebant. Acerrimi Patribus duces ad resistendum consules fuere. Ea igitur pars republicae vicit: nec in praesens modo, sed in venientem etiam annum M. Fabium Kaesonis fratrem, et magis invisum alterum plebi, accusatione Sp. Cassii, L. Valerium consules dedit. 9

U. C. 271. Certatum eo quoque anno cum tribunis est. Vana lex, 1
A. C. 481. vanique legis auctores, iactando irritum munus, facti. Fabium inde nomen ingens post tres continuos consulatus, unoque velut tenore omnes expertos tribuniciis certaminibus, habitum. Itaque, ut bene locatus, mansit in ea familia aliquamdiu honos. Bellum inde Veiens initum; et Volsci rebellarunt. Sed ad bella externa prope supererant vires: abutebanturque iis inter semet ipsos certando. Accessere 3

5 *In publicum*] Ubi *populi* pecunia servabatur. cf. supr. 4. Niebhr. ii. not. 386.

6 *Tenere tamen Patres*] Ex hoc tempore usque ad decemviratum *patres* semper unum consulem creabant. Niebhr. ii. p. 178. 187.

7 *Castoris aedes*] cf. supr. 19.

8 *Tribuni plebis*] Hinc colligit Niebhr. ii. p. 172. legem agrariam Cassianam ab *auctore* perlatam esse, sed a patriciis irritam factam, quippe ante legem Publilium tribunis non erat potestas leges promulgandi, sed promulgatas solum, ne tacite abrogarentur, tuendi. Cassium vero non *auctorem* sed *inventorem* legis habet Wachsm. p. 329, quoniam Laetorius legis Publiliae *auctor*, Publilius *inventor*, infr. 57. et *vani legis auctores*

in hoc cap. dicuntur.

9 *Dedit*] cf. Dion. viii. 87. unde apparet nullam rationem eorum habitam fuisse, quibus centuriae favebant, sed in verba patriciorum, qui duos consules curiati lege creaverunt, centurias iurare adactas esse.

1 *Cum tribunis*] Primas in agendo partes C. Maenius ferebat. Dion. viii. 87.

2 *Fabium inde nomen*] Videtur gens Fabia speciem quandam dominatus, quam Graeci *δυαστέων* vocant, sibi arrogasse, quippe per septem annos continuos ex ea familia consulem unum reperiemus. Niebhr. ii. p. 183.

3 *Semet ipsos*] Semet ipsi I. Fr. Gronov. qui supr. 19. pro *suismet ipsis*, *suismet ipsi* legend. mavult.

ad acgras iam omnium mentes prodigia coelestia, prope
 quotidianas in urbe agrisque ostentantia minas: motique
 ira numinis causam nullam aliam vates canebant, publice
 privatimque, nunc extis, nunc per aves, consulti, quam
 haud rite sacra fieri. Qui terrores tamen eo evasere, ut
 4 Oppia, virgo Vestalis, damnata incesti poenas dederit.
 5 Q. Fabius inde et C. Iulius consules facti. Eo anno 43.
 non segnior discordia domi, et bellum foris atrocius fuit.
 Ab Aequis arma sumpta. Veientes agrum quoque Ro-
 manorum populantes inierunt. Quorum bellorum crescente
 6 cura, K. Fabius et Sp. Furius consules fiunt. Ortonam,
 Latinam urbem, Aequi oppugnabant. Veientes, pleni iam
 populationum, Romam ipsam se oppugnatos minabantur.
 Qui terrores, quum compescere deberent, auxere insuper
 7 animos plebis: redibatque non sua sponte plebi mos de-
 tractandi militiam. Sed Sp. Licinius tribunus plebis,
 venisse tempus ratus per ultimam necessitatem legis agra-
 riae Patribus iniungendae, suscepit rem militarem im-
 pediendam. Ceterum tota invidia tribuniciae potestatis
 versa in auctorem est: nec in eum consules acrius, quam
 8 ipsi eius collegae, coorti sunt: auxilioque eorum delectum
 consules habent. Ad duo simul bella exercitus scribitur:
 9 ducendus Fabio in Aequos, in Veientes Furio datur. Et
 in Veientibus quidem nihil dignum memoria gestum est.
 Fabio aliquanto plus negotii cum civibus, quam cum hos-
 tibus, fuit. Unus ille vir, ipse consul, rempublicam sus-
 tinuit, quam exercitus odio consulis, quantum in se fuit,

U. C. 271.
 A. C. 481.

U. C. 272.
 A. C. 480.

Q. Fabio
 II. C. Iulio
 Coss.

U. C. 273.
 A. C. 479.

K. Fabio
 II. Sp. Fu-
 rio Coss.

Romani
 milites no-
 lunt vin-
 cere.

Usus loquendi tam ap. Livium, quam
 ap. alios scriptores huic emendationi
 fivet. DOER. Exercitum Valerii no-
 luisse vincere scribit Dion. viii. 89.

4 *Oppia, virgo Vestalis*] Quae
Pompilia vocatur in Euseb. Chron. p.
 167. *Popilia* Oros. ii. 8. et *Optimia*
 Dion. viii. 89. 90. qui eam vivam de-
 fossam dicit in campo scelerato ad
 portam Collinam. Rur.

5 *C. Iulius*] Patres primo Ap.
 Claudium consulem creaverant, sed
 quum centuriae illum ferre recusa-
 rent, C. Iulius collega Q. Fabio da-
 tus est. Dion. viii. 90. Niebhr. ii. p.
 185. Sed *Iulius* ex conjectura Sigon.
 provenit, codices *Tullius* praec se fe-
 runt.

6 *Ortonam, Latinam urbem*] Ultra
 Algidum, non longe a Corbione, de
 qua cf. iii. 30. nam *Ortona* (*Ὀρτώνα*,
 Strab. v. p. 167.) etiam Frentanorum
 opp. et navale ad mare Adriaticum.
 Rur.

7 *Sp. Licinius tribunus pl.*] Σπώπιος

Σπώπιος (in cod. Rom. Σπίνιος) ap.
 Dion. unde Sigonius non male emend.
Sp. Icilius; ex qua gente multi his
 temporibus tribuni fuere, infestissimi
 Patribus. Rur. Sed *Licinium* legit
 Niebhr. ii. p. 189. Quidam libri *Spu-
 rius Publius Licinius* habebant, men-
 dose ut exposuimus supr. 15.

8 *Eius collegae*] Hinc liquet unius
 intercessionem contra maiorem par-
 tem tribunorum hoc tempore nihil
 valuisse. Niebhr. i. p. 609.

9 *Fabio in Aequos*] In omnibus
 edd. ante Sigonium legebatur: *Furio
 in Aequos, in Veientes Fabio datur*,
 quae quidem lectio efficta fuisse vide-
 tur, quo Livius cum Dion. ix. 2. con-
 ciliaretur. Sed quum haec lectio Li-
 vium in seqq. sibi repugnare facit,
 satius esse videtur, lectionem Sigon-
 ianam servari, ne supinae negligentiae
 noster arguatur. DOER. Niebuhrius
 rationem Dionysii, quam Zonaras vii.
 17. exhibet, potiorē habet. ii. n.
 428.

U. C. 273. prodebat. Nam quum consul, praeter ceteras imperatorias
 A. C. 479. artes, quas parando gerendoque bello edidit plurimas, ita
 instruxisset aciem, ut, solo equitatu emissio, exercitum
 hostium funderet, insequi fusos pedes noluit: nec illos,
 etsi non adhortatio invisus ducis, suum saltem flagitium et
 publicum in praesentia dedecus, postmodo periculum, si
 animus hosti redisset, cogere potuit gradum accelerare;
 aut, si aliud nihil, instare instructos. Iniussu signa re-¹
 ferunt, maestique, (crederes victos) exsecrantes nunc im-
 peratorem, nunc navatam ab equite operam, redeunt in
 castra. Nec huic tam pestilenti exemplo remedia ulla ab
 imperatore quaesita sunt: adeo excellentibus ingeniis citius
 defuerit ars, qua civem regant, quam qua hostem superent.
 Consul Romam rediit, non tam belli gloria aucta, quam
 irritato exacerbatoque in se militum odio. Obtinuerunt
 U. C. 274. tamen Patres, ut in Fabia gente consulatus maneret. M.
 A. C. 478. Fabium consulem creant: Fabio collega Cn. Manlius²
 II. Cn. Manlio
 Coss. datur.

44. Et hic annus tribunum auctorem legis agrariae habuit.
 Ti. Pontificius fuit. Is, eandem viam, velut processisset³
 Sp. Licinio, ingressus, delectum paullisper impediit. Per-
 turbatis iterum Patribus, Ap. Claudius, 'Victam tribu-
 Intercessio⁴
 tribunicia. 'neciam potestatem,' dicere, 'priore anno; in praesentia re
 'ipsa, exemplo in perpetuum: quando inventum sit, suis
 'ipsam viribus dissolvi. Neque enim unquam defuturum,
 'qui et ex collega victoriam sibi, et gratiam melioris partis
 'bono publico velit quaesitam. Et plures, si pluribus
 'opus sit, tribunos ad auxilium consulum paratos fore; et
 'unum vel adversus omnes satis esse. Darent modo et
 'consules et primores Patrum operam, ut, si minus omnes,
 'aliquos tamen ex tribunis reipublicae ac senatui con-
 'ciliarent.' Praeceptis Appii moniti Patres, et universi
 comiter ac benigne tribunos appellare; et consulares, ut
 cuique privatim aliquid iuris adversus singulos erat, partim⁴
 gratia, partim auctoritate, obtinuerunt, ut tribuniciae potes-
 tatis vires salubres vellent reipublicae esse: quattuorque⁵

¹ *Instare*] Pro simplici *stare* poni-
 tur. STROTH. Muretus haud dubie,
 quod *instare* pro *stare* dici vix posse
 putabat, emendavit *stare*, quod Bekk.
 in textum recepit licet codd. advers.

² *Creant*] sc. Patres. *Datur*, a
 centuriis. cf. Niebhr. ii. p. 187. *Consul*
maior, ille qui a patribus creatus est.
 Festus.

³ *Processisset*] Ex sententia res
 evenisset. Pro *Licinio*, *Icilio* legit
 Sigon.

⁴ *Aliquid iuris adversus singulos*]
 Aliqua necessitudo cum singulis.

⁵ *Quattuorque*] cf. supr. 43. Si modo
 nomina quinque tribunorum extarent,
 supervacaneum esset Pisonem infr.
 58. appellare; sed Livius haud du-
 bie unum moratorem Ti. Pontificium
 nomine scriptum invenit, caeteros au-
 tem, quotquot essent, non nominatos.
 Hinc liquet verba, *et unum vel adver-*
sus omnes satis esse, perperam huic
 Appio adscripta esse. cf. Niebhr. ii.
 n. 965. Verum huius Appii nepos
 infr. v. 2. intercessionem tribuniciam
 dissolvit, et verba eius ex ore avi ex-
 cidisse noster perverse intelligit.

tribunorum adversus unum moratorem publici commodi
 auxilio delectum consules habent. Inde ad Veiens bellum
 profecti; quo undique ex Etruria auxilia convenerant, non
 tam Veientium gratia concitata, quam quod in spem ven-
 tum erat, discordia intestina dissolvi rem Romanam posse.
 Principesque in omnium Etruriae populorum conciliis fre-
 mebant, 'Aeternas opes esse Romanas, nisi inter semet
 'ipsi seditionibus saeviant. Id unum venenum, eam labem
 6 'civitatis opulentis repertam, ut magna imperia mortalia
 'essent. Diu sustentatum id malum, partim Patrum con-
 'siliis, partim patientia plebis, iam ad extrema venisse.
 'Duas civitates ex una factas: suos cuique parti magis-
 'tratus, suas leges esse. Primum in delectibus saevire
 'solitos; eosdem in bello tamen paruisse ducibus. Quali-
 'cunque urbis statu, manente disciplina militari, sisti
 'potuisse. Iam non parendi magistratibus morem in castra
 'quoque Romanum militem sequi. Proximo bello in ipsa
 'acie, in ipso certamine, consensu exercitus traditam ultro
 'victoriam victis Aequis: signa deserta, imperatorem in
 'acie relictum, iniussu in castra reditum. Profecto, si
 'instetur, suo milite vinci Romam posse. Nihil aliud opus
 'esse, quam indici ostendique bellum: cetera sua sponte
 'fata et deos gesturos.' Ea spes Etruscos armaverat, multis
 in vicem casibus victos victoresque.

U. C. 274.
 A. C. 478.
 Bellum
 Veiens.

Consules quoque Romani nihil praeterea aliud, quam
 suas vires, sua arma, horrebant: memoria pessimi proximo
 bello exempli terreat, ne rem committerent eo, ubi duae
 simul acies timendae essent. Itaque castris se tenebant, tam
 ancipiti periculo aversi: diem tempusque forsitan ipsum
 leniturum iras, sanitatemque animis allaturum. Veiens
 hostis Etruscique eo magis praepropere agere; lacessere
 ad pugnam: primo obequitando castris provocandoque;
 postremo, ut nihil movebant, qua consules ipsos, qua exer-
 7 citum increpando: 'Simulationem intestinae discordiae
 'remedium timoris inventum: et consules magis non con-
 'fidere, quam non credere, suis militibus. Novum se-
 'ditionis genus, silentium otiumque inter armatos.' Ad
 haec in novitatem generis originisque, qua falsa, qua vera,
 iacere. Haec, quum sub ipso vallo portisque streperent,
 haud aegre consules pati. At imperitae multitudinis nunc

45.

Coss. castris
 se tenent.

6 *Civitatis opulentis . . . magna imperia*] Harum vocum magnificentia parum satis convenire videtur tem-
 perati virili Romanarum, illo de quo nunc Livius agit tempore. Sed

assuetus noster Romanam magnitudinem intueri, interdum ad priorum temporum imbecillitatem ea transfert, quae ipsi splendor et opes aevi sui subacebant. CICERO.
 7 *Simulationem*] sc. Romanis non esse discordiam intestinam, sed eos modo hanc simulare, ut ea simulatione tegant timorem. Consules enim credere quidem fidei exercitus, sed non confidere virtuti eius. SILIO.

U. C. 274.
A. C. 478.

Pugnam
poscit miles
Rom.

indignatio, nunc pudor, pectora versare, et ab intestinis avertere malis: nolle inultos hostes, nolle successum, non Patribus, non consulibus: externa et domestica odia certare in animis. Tandem superant externa: adeo superbe insolenterque hostis eludebat. Frequentes in praetorium conveniunt, poscunt pugnam, postulant, ut signum detur. Consules, velut deliberabundi, capita conferunt, diu colloquuntur. Pugnare cupiebant; sed retro revocanda et abdenda cupiditas erat, ut adversando remorandoque incitato semel militi adderent impetum. Redditur responsum, 'immaturam rem agi, nondum tempus pugnae esse: 'castris se tenerent.' Edicunt inde, 'ut abstineant pugna: 'si quis iniussu pugnaverit, ut in hostem animadversuros.' Ita dimissis, quo minus consules velle credunt, crescit ardor pugnandi. Accedunt insuper hostes ferocius multo, ut statuisse non pugnare consules cognitum est. Quippe impune se insultaturos, non credi militi arma: rem ad ultimum seditionis erupturam, finemque venisse Romano imperio. His freti occurrant portis, ingerunt probra, aegre abstinere, quin castra oppugnent. Enimvero non ultra contumeliam pati Romanus posse: totis castris undique ad consules curritur. Non iam sensim, ut ante, per centurionum principes postulant; sed passim omnes clamoribus agunt. Matura res erat; tergiversantur tamen. Fabius deinde, ad crescentem tumultu iam metum seditionis collega concedente, quum silentium classico fecisset, 'Ego 'istos, Cn. Manli, posse vincere scio; velle ne scirem, ipsi 'fecerunt. Itaque certum atque decretum est, non dare 'signum, nisi, victores se redituros ex hac pugna, iurant. 'Consulem Romanum miles semel in acie fefellit; deos 'nunquam fallit.' Centurio erat M. Flavoleius, inter primores pugnae flagitator. 'Victor,' inquit, 'M. Fabi, re- 'vertar ex acie.' Si fallat, Iovem patrem, Gradivumque Martem, aliosque iratos invocat deos. Idem deinceps omnis exercitus in se quisque iurat. Iuratis datur signum; arma capiunt: eunt in pugnam, irarum speique pleni. Nunc iubent Etruscos probra iacere, nunc armatis sibi quisque lingua promptum hostem offerri. Omnium illo die, qua plebis, qua Patrum, eximia virtus fuit. Fabium nomen, Fabia gens maxime enituit. Multis civilibus certaminibus infensos plebis animos illa pugna sibi reconciliare statuunt. Instruitur acies: nec Veiens hostis Etruscaeque

8 *Se insultaturos*] Vocem *rati*, quae in quibusdam codd. extat, a secunda manu additam habet Drak. Eam porro inutilem esse censet Stroth.

9 *Sibi reconciliare*] Fabios ex hac reconciliatione alium versus plebem animum gessisse putat Niebhr. ii. p. 190.

legiones detrectant. Prope certa spes erat, non magis
 secum pugnuros, quam pugnaverint cum Aequis: maius
 quoque aliquod, in tam irritatis animis et occasione ancipiti,
 haud desperandum esse facinus. Res aliter longe evenit.
 Nam non alio ante bello infestior Romanus (adeo hinc con-
 tumeliis hostes, hinc consules mora exacerbaverant) proe-
 lium iniit. Vix explicandi ordinis spatium Etruscis fuit,
 quum, pilis inter primam trepidationem abiectis temere
 magis, quam emissis, pugna iam in manus, iam ad gladios,
 ubi Mars est atrocissimus, venerat. Inter primores genus
 Fabium insigne spectaculo exemploque civibus erat. Ex
 his Q. Fabium, (tertio hic anno ante consul fuerat,) prin-
 cipem in confertos Veientes euntem, ferox viribus et
 armorum arte Tuscus, incautum inter multas versantem
 hostium manus, gladio per pectus transfigit. Telo extracto,
 praeceps Fabius in vulnus abiit. Sensit utraque acies
 unius viri casum, cedebatque inde Romanus: quum M.
 Fabius consul transiluit iacentis corpus, obiectaque parma,
 ‘Hoc iurastis,’ inquit, ‘milites, fugientes vos in castra re-
 dituros? adeo ignavissimos hostes magis timetis, quam
 Iovem Martemque, per quos iurastis? At ego iniuratus
 aut victor revertar, aut prope te hic, Q. Fabi, dimicans
 cadam.’ Consuli tum K. Fabius prioris anni consul,
 ‘Verbisne istis, frater, ut pugnent, te impetraturum credis?
 Dii impetrabunt, per quos iuravere. Et nos, ut decet
 procures, ut Fabio nomine est dignum, pugnando potius,
 quam adhortando, accendamus militum animos.’ Sic in
 primum infestis hastis provolant duo Fabii, totamque
 moverunt secum aciem. Proelio ex parte una restituto,
 nihilo segnius in altero cornu Cn. Manlius consul pugnam
 ciebat: ubi prope similis fortuna est versata. Nam ut
 altero in cornu Q. Fabium, sic in hoc ipsum consulem
 Manlium, iam velut fusos agentem hostes, et impigre

Proelium
committi-
tur.

47.

1 *Occasione ancipiti*] Ubi victoria incerta futura erat. Romani certam ex Aequis victoriam deseruerant. Quid fiet igitur, inquiebant Veientes, hae in occasione, ubi certamen ancipite futurum est? CREV.

2 *Ordinis*] Mallet Gronovius et merito quidem *ordines*. CREV. Quam vocem Bekker. in textum recepit, licet eodd. adversantibus.

3 *Pilis inter primam*] Inter initia pugnae, dum acies ex prope ad pugnam prokursu nondum bene constiterant, pilis negligenter et in incertum abiectis potius, quam certa manu vibratis in hostem. CREV. Sed *πρόληψι* utitur Livius, quoniam *pila*

non nisi post Gallicos tumultus in usum venerunt. cf. Niebhr. iii. p. 120.

4 *In manus*] *Ad manus* quaedam edd. ut supr. 30. Sed *in manus* exemplis pluribus confirmant L. Fr. Gronov. et Drak.

5 *Genus Fabium*] Ut *genus* Cilnium infr. x. 3. et 5. idem ac *gens* Fabia, *nomen* Fabium.

6 *In vulnus abiit*] Similiter *prolabi in vulnus*. i. 58. Sigonius *abiit*: sed suam vim verbo *abiit* melle, eoque impetum notari, quo Fabius in terram decidit, monuit celeberr. Burmann. pluribusque illustravit ad Quinctil. Declam. ix. 9. Drak.

U. C. 274.
A. C. 478.
Vincuntur
Veientes.

milites secuti sunt; et, ut ille gravi vulnere ictus ex acie cessit, interfectum rati, gradum retulere: cessissentque loco, ni consul alter, cum aliquot turmis equitum in eam partem citato equo advectus, vivere clamitans collegam, se victorem fuso altero cornu adesse, rem inclinatam sustinisset. Manlius quoque ad restituendam aciem se ipse coram offert. Duorum consulum cognita ora accendunt militum animos. Simul et vanior iam erat hostium acies, 7 dum, abundante multitudine freti, subtracta subsidia mittunt ad castra oppugnanda. In quae haud magno certamine impetu facto, dum praedae magis, quam pugnae, memores terunt tempus; triarii Romani, qui primam irruptionem 8 sustinere non potuerant, missis ad consules nuntiis, quo loco res essent, conglobati ad praetorium redeunt, et sua sponte ipsi proelium renovant: et Manlius consul, revector in castra, ad omnes portas milite opposito, hostibus viam clauserat. Ea desperatio Tuscis rabiem magis, quam audaciam, accendit. Nam quum incursantes, quacunque exitum ostenderet spes, vano aliquoties impetu issent; globus iuvenum unus in ipsum consulem insignem armis invadit. Prima excepta a circumstantibus tela: sustineri deinde vis nequit. Consul mortifero vulnere ictus cadit, fusique circa omnes. Tuscis crescit audacia: Romanos terror per tota castra trepidos agit. Et ad extrema ventum foret, ni legati, rapto consulis corpore, patefecissent una porta hostibus viam. Ea erumpunt; consternatoque agmine abeuntes in victorem alterum incidunt consulem. Ibi iterum caesi fusique passim.

Victoria egregia parta, tristis tamen duobus tam claris funeribus. Itaque consul, decernente senatu triumphum, ‘Si exercitus sine imperatore triumphare possit, pro eximia ‘eo bello opera facile passurum,’ respondit: ‘se, familia ‘funesta Q. Fabii fratris morte, republica ex parte orba ‘consule altero amisso, publico privatoque deformem luctu ‘lauream non accepturum.’ Omni acto triumpho depositus triumphus clarior fuit: adeo spreta in tempore gloria interdum cumulator redit. Funera deinde duo deinceps collegae fratrisque ducit: idem in utroque laudator, quum, 9 concedendo illis suas laudes, ipse maximam partem earum ferret. Neque immemor eius, quod initio consulatus im- 1 biberat, reconciliandi animos plebis, saucios milites curandos

7 *Vanior*] Perinde fere est, ac si scriberetur *ravior* acies, quod alii maluerunt. STROTH.

8 *Triarii*] Scilicet *subsidiarii milites*, quippe acies Romana hoc tempore more phalangis, non manipulatum, structa stabat. cf. Niebhr. ii.

not. 450.

9 *Idem in utroque laudator*] Huius belli narrationem ex funebribus laudibus gentis Fabiae depromptam fuisse coniecit Niebhr. ii. p. 197.

1 *Imbiberat*] In animum induxerat. cf. Cic. pro Quint. 6.

dividit Patribus. Fabiis plurimi dati: nec alibi maiore U. C. 274.
cura habiti. Inde populares iam esse Fabii: nec hoc ulla, A. C. 478.
nisi salubri reipublicae, arte.

2 Igitur non Patrum magis, quam plebis, studiis K. Fabius 48.
cum T. Virginio consul factus, neque bella, neque delectus, U. C. 275.
neque ullam aliam priorem curam agere, quam ut, iam A. C. 477.
aliqua ex parte inchoata concordiae spe, primo quoque K. Fabio
tempore cum Patribus coalescerent animi plebis. Itaque III. T. Vir-
gino Coss.
principio anni censuit, priusquam quisquam agrariae legis
3 auctor tribunus existeret, occuparent Patres ipsi suum
munus facere: captivum agrum plebi quam maxime aqua-
4 liter darent. Verum esse, habere eos, quorum sanguine ac
sudore partus sit. Aspernati Patres sunt: questi quoque
quidam, nimia gloria luxuriare et evanescere vividum quon-
dam illud Kaesonis ingenium. Nullae deinde urbanae
factiones fuere. Vexabantur incursionibus Aequorum
Latini. Eo cum exercitu Kaeso missus, in ipsorum Ae-
quorum agrum depopulandum transit. Aequi se in oppida
receperunt, murisque se tenebant: eo nulla pugna memo-
rabilis fuit. At a Veiente hoste clades accepta temeritate
alterius consulis: actumque de exercitu foret, ni K. Fabius
in tempore subsidio venisset.

Ex eo tempore neque pax neque bellum cum Veientibus
5 fuit; res proxime formam latrocinii venerat. Legionibus
Romanis cedebant in urbem: ubi abductas senserant legi-
ones, agros incursabant, bellum quiete, quietem bello in
vicem eludentes. Ita neque omitti tota res, nec perfici
poterat: et alia bella aut praesentia instabant, ut ab Aequis
Volscisque, non diutius, quam recens dolor proximae cladis
transiret, quiescentibus: aut mox moturos se apparebat
Sabios semper infestos, Etruriamque omnem. Sed Veiens
hostis, assiduus magis, quam gravis, contumeliis saepius,
quam periculo, animos agitabat: quod nullo tempore neg-
6 ligi poterat, aut averti alio sinebat. Tum Fabia gens sena-
tum adiit. Consul pro gente loquitur: 'Assiduo magis, Fabii susci-
'quam magno, praesidio, ut scitis, Patres conscripti, bellum cum
Veientibus.

2 *Non Patrum magis*] Invitis pa-
tribus, ut Niebhr. ii. not. 431. monet,
qui Zonaram testem adhibet. Patres
eorum quondam Caesonis ingenium
evanescere infra questi sunt.

3 *Occuparent Patres*] Darent pri-
us operam quam citissime Patres, ut
hoc munus ab ipsorum benignitate
plebs haberet. CREV. cf. i. 30.

4 *Verum esse*] sc. Aequum. cf. infr.
iii. 40. iv. 57. Cic. pro Qu. 5. Hor.
Epist. I. vii. 98.

5 *Proxime formam latrocinii ve-*

nerat] Prope similis erat latrocinio.
Proxime formam, quomodo supr. 41.
propius fidem.

6 *Sinebat*] Placuit igitur senatui,
ut praesidium in finibus agri Romani
continenter haberetur. Sed duplex
angebatur difficultas, tum quod pecu-
nia, exhausto continuis bellis aerario,
non suppeteret; tum quod non facile
reperirentur, qui in militiam gravem
et assiduam nomina darent. Ideo
Fabia gens suam senatui et reipub.
operam offert. Dion. ix. 20. sqq.

U. C. 275. 'Veiens eget. Vos alia bella curate: Fabios hostes Veien-
 A. C. 477. 'tibus date. Auctores sumus, tutam ibi maiestatem Romani
 'nominis fore. Nostrum id nobis velut familiare bellum,
 'privato sumptu gerere in animo est. Respublica et milite
 'illic et pecunia vacet.' Gratiae ingentes actae. Consul
 e curia egressus, comitante Fabiorum agmine, qui in vesti-
 bulo curiae, senatusconsultum expectantes, steterant, do-
 mum rediit. Iussi armati postero die ad limen consulis
 49. adesse, domos inde discedunt. Manat tota urbe rumor:
 Fabios ad coelum laudibus ferunt. Familiam unam subisse⁸
 civitatis onus: Veiens bellum in privatam curam, in⁹
 privata arma versum. Si sint duae roboris eiusdem in urbe
 gentes; deposcant, haec Volscos sibi, illa Aequos: populo
 Romano tranquillam pacem agente, omnes finitimos subigi
 populos posse. Fabii postero die arma capiunt: quo iussi
 erant, conveniunt. Consul, paludatus egrediens, in vesti-¹
 bulo gentem omnem suam instructo agmine videt: accep-
 tus in medium, signa ferri iubet. Nunquam exercitus
 neque minor numero, neque clarior fama et admiratione
 hominum, per urbem incessit. Sex et trecenti milites,²
 omnes patricii, omnes unius gentis, quorum neminem
 ducem sperneret egregius quibuslibet temporibus senatus,
 ibant, unius familiae viribus Veienti populo pestem mini-
 tantes. Sequebatur turba, propria alia cognatorum sodali-
 umque, nihil medium, nec spem, nec curam, sed immensa
 omnia volventium animo; alia publica, sollicitudine exci-
 tata, favore et admiratione stupens, 'ire fortes, ire felices,'
 iubent, 'inceptis eventus pares reddere: consulatus inde ac
 'triumphos, omnia praemia ab se, omnes honores sperare.'
 Praetereuntibus Capitolium arcemque et alia templa, quic-

7 *Auctores sumus*] Spondemus.
 infr. ix. 20.

8 *Familiam unam*] Haud scio an
 hanc vocem in annalibus repertam,
 quae Fabios una cum clientibus suis
 et servis exisse significaret, imprudens
 pro *gente* Livius usurpaverit.

9 *Subisse civitatis onus*] Contra
 Niebhr. visum est, Fabios una cum
 familiis suis ex urbe secessisse, et
 coloniam ad Cremeram condidisse:
 quippe ap. Serv. in Aen. i. 12. colo-
 nias aliquando ex secessione conditas
 legimus. Quicquid sit, haud dubium
 est, quin Cremerae in Veios, quem-
 admodum Decleae in Athenas, id
 genus praesidii, quod Graece *ἐπιτειχι-
 σμός* appellatur, collocatum sit, et
 bellum more latrocinii assiduum ges-
 tum fuerit. Niebh. ii. p. 192. Wachsm.
 p. 390.

1 *Paludatus*] Paludamento indu-
 tus. Paludamentum proprie chlamys
 imperatoria. Livius tamen usurpa-
 vit, i. 26. pro veste militari Curiatii,
 qui non fuit imperator. CREV.

2 *Sex et trecenti milites*] Ex Di-
 onysio ix. 22, totum agmen e quattuor
 fere hominum millibus constabat: at
 maior pars e clientibus et sodalibus
 Fabiorum erat; e Fabia gente sex et
 trecenti viri. Perizonius Animadv.
 Hist. 5. variis nec fortasse spernen-
 dis argumentis convellere nititur una-
 nimem scriptorum omnium de sex et
 trecentis Fabiis consensum: et pro-
 babiliter admodum suspicatur totum
 agmen sex et trecentorum virorum
 fuisse, sed quorum multo maxima
 pars e clientibus et sodalibus Fabio-
 rum esset. CREV.

quid deorum oculis, quicquid animo occurrit, precantur, ut illud agmen faustum atque felix mittant, sospites brevi in patriam ad parentes restituant. Incassum missae preces.

³ Infelici via dextro Iano portae Carmentalis profecti, ad Cremeram flumen perveniunt. Is opportunus visus locus communiendo praesidio. L. Aemilius inde et C. Servilius consules facti. Et, donec nihil aliud quam in populationibus res fuit, non ad praesidium modo tutandum Fabii satis erant, sed tota regione, qua Tuscus ager Romano adiacet, sua tuta omnia, infesta hostium, vagantes per utrumque finem, fecere. Intervallum deinde haud magnum populationibus fuit: dum et Veientes, accito ex Etruria exercitu, praesidium Cremerae oppugnant; et Romanae legiones, ab L. Aemilio consule adductae, cominus cum Etruscis dimicant acie: quanquam vix dirigendi aciem spatium Veientibus fuit: adeo inter primam trepidationem, dum post signa ordines introeunt, subsidiaque locant, invecta subito ab latere Romana equitum ala, non pugnae modo incipendae, sed consistendi, ademit locum. Ita, fusi retro ad saxa Rubra, (ibi castra habebant) pacem supplices petunt. Cuius impetratae, ab insita animis levitate, ante deductum Cremera Romanum praesidium, poenituit.

U. C. 276.
A. C. 477.
L. Aemilio
II. C. Servilio Coss.

Rursus cum Fabiis erat Veienti populo, sine ullo maioris belli apparatu, certamen: nec erant incursiones modo in agros, aut subiti impetus incursantium, sed aliquoties aeque campo collatisque signis certatum: gensque una populi Romani saepe ex opulentissima, ut tum res erant, Etrusca civitate victoriam tulit. Id primo acerbum indignumque Veientibus visum. Inde consilium ex re natum insidiis ferocem hostem captandi: gaudere etiam, multo successu Fabiis audaciam crescere. Itaque et pecora praedantibus aliquoties, velut casu incidissent, obviam acta: et agrestium fuga vasti relictis agri: et subsidia armatorum, ad arcendas populationes missa, saepius simulato, quam vero, pavore refugerunt. Iamque Fabii adeo contempserant hostem, ut

50.

Fabii Veientium victores.

³ *Infelici via*] Propter Fabiorum calamitatem per prolepsin dicta.

⁴ *Dextro Iano*] Per dextrum Ianum, sive transitum portae Carmentalis. Ianus enim interdum sumitur pro quodam quasi fornice per quem via pateat. Cicero de Nat. Deor. ii. 67. *Transitones pervenit Iani dicuntur.* Carmentalis igitur porta duos tales Ianos sive transitus habuit: per dextrum profecti sunt Fabii. Crev. "Carmentis portae dextro via proxima Iano est, ire per hanc noli, quisquis ex: omen habet." Ovid. Fast. ii. 201. cf. Festus. v. *Religionis est.*

⁵ *Ordines introeunt*] Dum post signa ordines instruunt. DOER.

⁶ *Saxa Rubra*] In via Flaminia ad nonum ab urbe lapidem. cf. Gell. Topogr. Rom.

⁷ *Pacem*] sc. Indutias in annum decem mensium. Niebhr. ii. p. 200.

⁸ *Iamque Fabii*] Aliam fabulam narrat Dion. ix. 19. scilicet Fabios mermes neque exploratis itineribus Roman ad sacra gentilia (sc. in monte Quirinali) perferenda profectos, et per insulas ab Etruscis interceptos esse.

U. C. 276. sua invicta arma neque loco neque tempore ullo crederent
 A. C. 476. sustineri posse. Haec spes provexit, ut ad conspecta
 procul a Cremera magno campi intervallo pecora (quan-
 quam rara hostium apparebant arma) decurrerent. Et
 quum improvidi effuso cursu insidias circa ipsum iter locatas
 superassent, palatque passim vaga, ut fit pavore iniecto,
 raperent pecora; subito ex insidiis consurgitur, et adversi
 et undique hostes erant. Primo clamor circumlatus ex-
 terruit; dein tela ab omni parte accidebant: coeuntibusque
 Etruscis, iam continenti agmine armatorum saepti, quo
 magis se hostis inferebat, cogeantur breviori spatio et ipsi
 orbem colligere. Quae res et paucitatem eorum insignem,
 et multitudinem Etruscorum, multiplicatis in arto ordinibus,
 faciebat. Tum, omissa pugna, quam in omnes partes
 parem intenderant, in unum locum se omnes inclinant.
 Eo nisi corporibus armisque, rupere cuneo viam. Duxit
 via in editum leniter collem. Inde primo resistere: mox,
 ut respirandi superior locus spatium dedit, recipiendique a
 pavore tanto animum, pepulere etiam subeuntes: vincebat-
 que auxilio loci paucitas, ni iugo circummissus Veiens in
 verticem collis evasisset. Ita superior rursus hostis factus.
 Fabii caesi ad unum omnes, praesidiumque expugnatum.
 Trecentos sex perisse satis convenit: unum prope puberem¹
 aetate relictum, stirpem genti Fabiae, dubiisque rebus²
 populi Romani saepe domi bellicae vel maximum futurum³
 auxilium.

51. Quum haec accepta clades esset, iam C. Horatius et T. 5
 Menenius consules erant. Menenius adversus Tuscos

9 *Rupere cuneo viam*] sc. Perru-
 pere, ut *rumpere iter* Sil. Ital. xv.
 781. *rumpere aditus* Virg. Aen. ii.
 494. De *cuneo* cf. infr. xxii. 47.

¹ *Satis convenit*] Hic mos loquen-
 di quid velit, apparet ex libro xxvii.
 2. "et Priverni *satis constabat* bovem
 locutum."

² *Unum*] Hanc narrationem iure
 optimo repudiat Niebhr. qui stirpem,
 si modo unica esset, genti Fabiae
Maluenti relictam esse putat, et post-
 ea Romam remigrasse. cf. Festus v.
Numerius. Solus Dionysius, quae de
 uno superstite Fabio dicuntur, tan-
 quam theatricis figmentis similia rei-
 ciit, quia ipsi fieri omnino non po-
 tuisse videtur, ut non quibusdam e
 trecentis illis Fabiis aut fratres impu-
 beres essent, aut filii.

³ *Prope puberem*] Παιδίον vocat
 Dion. ix. 22. Atqui tamen eum un-
 decimo post anno consulem videmus
 infr. iii. 1. unde efficitur eum quarto et

vicesimo aetatis anno consulem fu-
 isse. Quod etsi non est incredibile,
 utpote quod postea in Valerio Corvo
 factum reperiamus, at certe ab his
 scriptoribus observari debuerat, ubi
 de consulatu eius egerunt. Ceterum
 non immerito suspicatur Gronovius
 Livium scripsisse *prope puberem aeta-
 tem*, ut supr. i. 35. CREV.

⁴ *Stirpem genti*] Et sane omnes,
 qui proximis temporibus in annalibus
 et consularibus fastis Fabii reperiun-
 tur, ab uno Q. Fabio M. F. Vibulano
 videntur orti: quandoquidem dein-
 cepti proximi patrem Quintum, avum
 Marcum; remotiores, avum Quintum
 illum habuisse in fastis leguntur.
 CREV.

⁵ *Iam*] Hoc tempore consules in-
 eunte anno Olympiadum magistra-
 tum capessabant, unde liquet hos con-
 sules undecimum magistratus men-
 sem iam agere. Niebhr. ii. n. 451.

victoria elatos confestim missus. Tum quoque male pug- U. C. 277.
 6 natum est, et Ianiculum hostes occupavere: obsessaque A. C. 475.
 urbs foret, super bellum annona premente, (transierant C. Horatio,
 enim Etrusci Tiberim) ni Horatius consul ex Volscis esset T. Menenio
 revocatus: adeoque id bellum ipsis institit moenibus, ut Coss.
 7 primo pugnatum ad Spei sit aequo Marte, iterum ad portam
 Collinam. Ibi quanquam parvo momento superior Romana
 res fuit, meliorem tamen militem, recepto pristino animo,
 in futura proelia id certamen fecit.

A. Virginius et Sp. Servilius consules fiunt. Post ac- U. C. 278.
 8 ceptam proximam pugnae cladem Veientes abstinuere acie. A. C. 474.
 Populationes erant, et velut ab arce Ianiculi passim in A. Virgino,
 Romanum agrum impetus dabant: non usquam pecora Sp. Servilio
 Coss.
 tuta, non agrestes erant. Capti deinde eadem arte sunt,
 qua ceperant Fabios. Secuti dedita opera passim ad ille-
 cebras propulsa pecora, praecipitavere in insidias. Quo
 plures erant, maior caedes fuit. Ex hac clade atrox ira
 9 maioris cladis causa atque initium fuit. Traiecto enim
 nocte Tiberi, castra Servilii consulis adorti sunt oppugnare:
 inde fusi magna caede in Ianiculum se aegre recepere. Veientes
 Confestim consul et ipse transit Tiberim, castra sub Iani- victi.
 culo communit. Postero die, luce orta, nonnihil et hesterna
 felicitate pugnae ferox, magis tamen, quod inopia frumenti,
 quamvis in praecipitia, dum celeriora essent, agebat consilia,
 temere adverso Ianiculo ad castra hostium aciem erexit,
 foediusque inde pulsus, quam pridie pepulerat, interventu
 collegae ipse exercitusque eius est servatus. Inter duas
 acies Etrusci, quum in vicem his atque illis terga darent,
 1 occidione occisi. Ita oppressum temeritate felici Veiens
 bellum.

Urbi cum pace laxior etiam annona rediit, et advecto ex 52.
 Campania frumento, et, postquam timor sibi cuique futurae
 inopiae abiit, eo, quod abditum fuerat, prolato. Ex copia
 deinde otioque lascivire rursus animi; et pristina mala,
 postquam foris deerant, domi quaerere. Tribuni plebem
 agitare suo veneno, agraria lege; in resistentes incitare

6 *Ianiculum hostes occupavere*] cf. Bellum Etruscum cum Porsenna. supr. 10 seqq. Hinc facile apparet quare pons ille subicius trabibus modo stratus sit supr. i. 33.

7 *Ad Spei*] Ad aedem Spei, stadio ab urbe octavo, sive ad mille passus, teste Dionysio. Crev.

8 *Proximam*] MS. Veith. *proximar*, sed et mox dicitur hesterna felicitate pugnae. Struon. Mos loquendi Livianus, ut supr. 50. *sine ullo maioris belli apparatu*. Gronovii e-

mendationem *proxima pugna* in textum Bekker. recepit, codd. adversantibus.

9 *Maioris cladis*] cf. Niebhr. ii. n. 460. qui Livium idem bellum, in aliis annalibus alio anno ascriptum, iterare conat.

1 *Ita oppressum*] Alia insuper causa erat in victoria ea, quam classis Hieronis de Etruscis ap. Cumas reportaverit. cf. Pindar. Pyth. i. 140. Diod. xi. 50. Niebhr. ii. p. 205.

U. C. 278. Patres, nec in universos modo, sed in singulos. Q. Con-
 A. C. 474. sidius et T. Genucius, auctores agrariae legis, T. Menenio
 diem dicunt. Invidiae erat amissum Cremerae praesidium,
 quum haud procul inde stativa consul habuisset. Eum ²
 oppresserunt. Quum et Patres haud minus, quam pro
 Coriolano, annisi essent, et patris Agrippae favor haud dum
 exolevisset; in multa temperarunt tribuni: quum capitis ³
 anquisissent, duo millia aeris damnato multam dixerunt. ⁴
 Ea in caput vertit. Negant tulisse ignominiam aegritudi- ⁵
 nemque: inde morbo absumptum esse. Alius deinde reus ⁶
 U. C. 279. Sp. Servilius, ut consulatu abiit, C. Nautio et P. Valerio
 A. C. 473. consulibus, initio statim anni, ab L. Caedicio et T. Statio
 C. Nautio, tribunis die dicta, non, ut Menenius, precibus suis aut
 P. Valerio Patrum, sed cum multa fiducia innocentiae gratiaeque
 Coss. tribunicios impetus tulit. Et huic proelium cum Tuscis ad
 Ianiculum erat crimini. Sed fervidi animi vir, ut in pub-
 lico periculo ante, sic tum in suo, non tribunos modo, sed
 plebem, oratione feroci refutando, exprobrandoque T. Men-
 enii damnationem mortemque, (cuius patris munere, re-
 stituta quondam plebs eos ipsos, quibus tum saeviret, magi-
 stratus, eas leges haberet) periculum audacia discussit.
 Iuvit et Virginius collega, testis productus, participando ⁷
 laudes: magis tamen Menenianum (adeo mutaverant ani-
 mum) profuit iudicium.

53. Certamina domi finita. Veiens bellum exortum; quibus ⁸
 Bellum Sabini arma coniunxerant. P. Valerius consul, accitis
 Veiens et Latinorum Hernicorumque auxiliis, cum exercitu Veios
 Sabinum. missus, castra Sabina, quae pro moenibus sociorum locata
 erant, confestim aggreditur; tantamque trepidationem in-
 iecit, ut, dum dispersi alii alia manipulatim excurrunt ad ⁹

² *Quum haud procul inde*] Trigin-
 ta stadia. Dion. ix. 23.

³ *In multa*] Oscum vocabulum, a
 quo *multus*, quod numerando *multa*
 aestimetur. *Multare* enim erat ali-
 cui poenam pecuariam dicere, quae
 certis intervallis *numeretur*. cf. Plaut.
 Stich. iii. 1. "Quam multas tecum
 miseras multaverim." A. Gell. xi. 1.
 qui, Varrone auctore, Sabinum vo-
 cabulum *multam* esse dicit. cf. Varro.
 de L. L. v. 41.

⁴ *Quum capitis anquisissent*] Quum
 litem ei capitalem intendissent, sive
 iudicium de capite eius instituissent.
 CREV. Sed *de capite* non idem quod
de vita velle putat Niebhr. i. p. 568.
 sed si quis *iudicium turpe* subiisset,
 tum *deterioris iuris* fiebat et *capite*
deminutus. Causa igitur capitis erat,
 quando rei conditio civilis agebatur,

quando reus, causa damnatus, tribu
 movendus esset, vel in aerarios refe-
 rendus.

⁵ *Dixerunt*] *Edixerunt* edd. ante
 Drak., et MS. Veith. Niebuhrius *irro-*
gare alicui, non *dicere* multam tribunis
 licuisse scribit i. p. 603. infr. xxv. 3.

⁶ *Negant tulisse*] cf. Niebhr. ii. p.
 206. qui Menenium a populo curiatim
 convocato damnatum fuisse iudicat.

⁷ *Participando*] Communicando
 suas laudes, quas ex proelio cum
 Veientibus consecutus erat, cum Ser-
 vilio. STROTH.

⁸ *Quibus*] Nempe Veientibus, quod
 in voce *Veiens* latet, nota apud Grae-
 cos constructione. cf. Eurip. Hec. ed.
 Pors. 22.

⁹ *Alia*] sc. Porta. *Dum dispersi*
alii, alii manipulatim. MS. Veith.
 STROTH. Sed *alia* Drak. probat.

arcendam hostium vim, ea porta, cui signa primum intulerat, caperetur. Intra vallum deinde caedes magis, quam proelium, esse. Tumultus e castris et in urbem penetrat; tanquam Veiiis captis, ita pavidi Veientes ad arma currunt: pars Sabinis eunt subsidio; pars Romanos, toto impetu intentos in castra, adoriuntur. Paullisper aversi turbatique sunt. Deinde et ipsi utroque versis signis resistunt: et eques, ab consule immissus, Tuscos fundit fugatque: eademque hora duo exercitus, duae potentissimae et maximae finitimae gentes superatae sunt.

Dum haec ad Veios geruntur, Volsci Acquique in Latino agro posuerant castra, populatique fines erant. Eos per se ipsi Latini, assumptis Hernicis, sine Romano aut duce aut auxilio, castris exuerunt. Ingenti praeda, praeter suas recuperatas res, potiti sunt. Missus tamen ab Roma consul in Volscos C. Nautius. Mos, credo, non placebat, sine Romano duce exercituque socios propriis viribus consiliisque bella gerere. Nullum genus calamitatis contumeliaeque non editum in Volscos est: nec tamen perpelli potuere, ut acie dimicarent.

L. Furius inde et C. Manlius consules. Manlio Veientes provincia evenit. Non tamen bellatum. Indutiae in annos quadraginta petentibus datae, frumento stipendioque imperato. Paci externae confestim continuatur discordia domi. Agrariae legis tribuniciiis stimulis plebs furebat. Consules, nihil Menenii damnatione, nihil periculo deterriti Servilii, summa vi resistunt. Abeuntes magistratu Cn. Genucius tribunus plebis arripuit.

L. Aemilius et Opiter Virginius consulatum ineunt. Vopiscum Iulium pro Virginio in quibusdam annalibus consulem invenio. Hoc anno (quoscunque consules habuit) rei ad populum Furius et Manlius circumeunt sordidati non plebem magis, quam iuniores Patrum. Suadent,

1 *Quadraginta*] Scilicet annos decem mensium, quippe hae indutiae ann. 307. U. C. iam exierant. Hoc tempore septem illos Pagos, quos Porsenna Romanis eripuerat, rursus ex Etruscis receptos fuisse censet Niebhr. ii. p. 205. supr. 13.

2 *Arripuit*] Reos fecit. cf. Cic. pro Plancio. 22. Noster infr. iii. 58. Cuius vero criminis abeuntes consules accusati fuerint a Genucio, id praetermissum a Livio exponit Dion. ix. 58. Doerf.

3 *Non plebem magis*] Hos consules ad plebem tributum convocatum reos factos fuisse censet Niebhr. ii. p. 207. sc. quod agrariam legem irritam fe-

cissent et ideoque plebi damnum intulissent. Iuris enim erat Italici, ut, quibus damni iniuria facta fuisset, ii iudicium in noxios exercerent, et Dion. ix. 46. patres iam plebi concessisse scribit, ut de iniuriis patriciorum in plebem illatis, ipsa cognitionem haberet.

4 *Iuniores Patrum*] Hoc est, minorum gentium patres: sed quamobrem non liquet, si modo ad plebem accusati fuerint. Quod si ad *populum centuriatum convocatum* consules rei facti essent, tum plebem, tum patres sollicitasse iis operae pretium fuisset, sed forsitan Livii verba in hac re ad calculos nimis exiguos non sunt

U. C. 279.
A. C. 473.

Bellum
cum Volscis
et Aequis.

54.

U. C. 280.
A. C. 472.
L. Furio,
C. Manlio
Coss.
Romae
discordiae.

U. C. 281.
A. C. 471.
L. Aemilio
III. Opit.
Virginio
Coss.

U. C. 281. monent, 'Honoribus et administratione reipublicae ab-
A. C. 471. 'stineant; consulares vero fasces, praetextam, curulemque
Furius et 'sellam, nihil aliud, quam pompam funeris, putent. Claris
Manlius ad 'insignibus velut infulis velatos ad mortem destinari. Quod
populum 'si consulatus tanta dulcedo sit, iam nunc ita in animum
rei. 'inducant, consulatum captum et oppressum ab tribunicia
'potestate esse; consuli, velut apparitori tribunicio, omnia
'ad nutum imperiumque tribuni agenda esse. Si se com-
'moverit, si respexerit Patres, si aliud, quam plebem, esse
'in republica crediderit, exsilium C. Marcii, Menenii
'damnationem et mortem, sibi proponat ante oculos.' His
accensi vocibus Patres consilia inde, non publica, sed in 5
privato, seductaque a plurium conscientia, habere. Ubi
Tribunus quum id modo constaret, iure an iniuria cripiendos esse
occisus. reos, atrocissima quaeque maxime placebat sententia: nec
auctor quamvis audaci facinori deerat. Igitur iudicii die,
quum plebs in foro erecta exspectatione staret, mirari
primo, quod non descenderet tribunus: deinde, quum iam
mora suspectior fieret, deterritum a primoribus credere, et
desertam ac proditam causam publicam queri. Tandem,
qui obversati vestibulo tribuni fuerant, nuntiant, domi
mortuum esse inventum. Quod ubi in totam concionem 6
pertulit rumor; sicut acies funditur duce occiso, ita dilapsi
passim alii alio. Praccipuus pavor tribunos invaserat, quam
nihil auxilii sacratae leges haberent, morte collegae monitos.
Nec Patres satis moderate ferre laetitiam: adeoque ne-
minem noxiae poenitēbat, ut etiam insontes fecisse videri 7
vellent, palamque ferretur, malo domandam tribuniciam
potestatem.

55. Sub hac pessimi exempli victoria delectus edicatur: 8
Discordiae. paventibusque tribunis, sine intercessione ulla consules
rem peragunt. Tum vero irasci plebes, tribunorum magis

revocanda. cf. supr. 35. ubi incertum
esse dicitur, an plebs in comitiis
tributis ante legem Publiliam iudi-
cium, nisi in rebus privati iuris, un-
quam exercuerit.

5 *Consilia*] *Concilia* ex emendat.
Gronovii Bekker. in textum recepit,
fide codd. adversante.

6 *Mortuum esse inventum*] Haud
aliter Ephialtem apud Athenas pau-
cis post annis cives sui sustulerunt.
Plut. Pericl. x. Diodor. xi. 77.

7 *Etiam insontes*] Similiter inter-
fecto Caesare dictatore, C. Octavius
et Lucius Spinther, licet insontes, in-
terfecisse illum videri volebant. Plut.
Caes. 67. cf. Dion. Exc. 22. οἱ εὐπα-
τρίδαι, — λάθρα δὲ συχνοὺς τῶν θρασυ-

τάτων ἐφόνευον: unde cognoscimus
plebeios multos ferocia insignes, clan-
destino patrum facinore fuisse inter-
ceptos.

8 *Sub hac . . . victoria*] Ea quasi
subnixa Patres delectum edicunt; vel
statim post illam: nisi tum potius
cum Gron. leg. *sub hanc victoriam*.
Sed Livium sine discrimine τῇ *sub*
nunc quartum, nunc sextum addi-
disse casum, et a Grammaticis ita
potius distingui, ut *sub adventum* no-
tet paullo ante adventum, instante
adventu, *sub adventu* quum iam ad-
venit, post adventum; sed vanam es-
se hanc distinctionem recte docuit
celeberr. Burmann. ad Vell. Paterc.
ii. 24. DRAK.

silentio, quam consulum imperio, et dicere, 'Actum esse U. C. 281.
 'de libertate sua; rursus ad antiqua reditum; cum Genucio A. C. 471.
 'una mortuam ac sepultam tribuniciam potestatem. Aliud
 'agendum, ac cogitandum, quomodo resistatur Patribus.
 'Id autem unum consilium esse, ut se ipsa plebs, quan-
 9 'do aliud nihil auxilii habeat, defendat. Quattuor et
 'viginti lictores apparere consulibus, et eos ipsos plebis
 'homines. Nihil contemptius, neque infirmius, si sint,
 'qui contemnant. Sibi quemque ea magna atque horrenda
 'facere.' His vocibus alii alios quum incitassent, ad Vo- Voleronis
 1 leronem Publilium, de plebe hominem, quia, quod ordines audacia.
 duxisset, negaret, se militem fieri debere, lictor missus
 est a consulibus. Volero appellat tribunos. Quum
 2 auxilio nemo esset, consules spoliari hominem, et virgas
 expediri iubent. 'Provoco,' inquit, 'ad populum,' Volero,
 'quoniam tribuni civem Romanum in conspectu suo virgis
 'caedi malunt, quam ipsi in lecto suo a vobis trucidari.'
 Quo ferocius clamitabat, eo infestius circumscindere et
 spoliare lictor. Tum Volero, et praevalens ipse, et adiu-
 3 vantibus advocatis, repulso lictore, ubi indignantium pro
 se accerrimus erat clamor, eo se in turbam confertissimam
 recipit, clamitans, 'Provoco, et fidem plebis imploro.
 'Adeste cives! adeste commilitones! nihil est, quod ex-
 'spectetis tribunos, quibus ipsis vestro auxilio opus est.'
 Concitati homines, veluti ad proelium, se expediunt: ap-
 parebatque, omne discrimen adesse; nihil cuiquam sanctum,
 non publici fore, non privati iuris. Huic tantae tempestati
 quum se consules obtulissent, facile experti sunt, parum
 tutam maiestatem sine viribus esse. Violatis lictoribus,
 fascibus fractis, e foro in curiam compelluntur; incerti,
 quatenus Volero exerceret victoriam. Conticescente
 deinde tumultu, quum in senatum vocari iussissent, que-
 runtur iniurias suas, vim plebis, Voleronis audaciam.
 Multis ferociter dictis sententiis, vicere seniores, quibus,
 ira Patrum adversus temeritatem plebis certari, non
 placuit.

4 Voleronem amplexa favore plebs proximis comitiis tri- 56.

9 *Quattuor et viginti*] cf. supr. ii.

1. *Moris erat ut alter consul duo-
decim lictores cum fascibus haberet,
alterum accensus praeederet, et lie-
tores sine fascibus pone sequerentur.*
Sueton. Caes. 20.

1 *Quod ordines duxisset*] Centurio
fuisse, et idcirco miles manipularis
fieri nollet. Hoc inter incommoda
militaria plebis erant, quibus postea
legibus a L. Genucio latis subventum
est. infr. vii. 41.

2 *Spoliari*] Corpus nudare, seissis
vel laceratis vestibus, virgas expediri,
fasces religari, virgasque inde ad cae-
dendum expromi atque parari. SRR.

3 *Advocatis*] Iis qui causae eius
favere se profitebantur, et ei apud
populum, ad quem provocabat, af-
futuros. CREV.

4 *Favore plebs*] Adhuc videntur
comitia curiata potestatem retinuisse
repudiandi, quos nolent, tribunos,
sed in praesentia vox patriciorum ob-

U. C. 282. *bunum plebi creat in eum annum, qui L. Pinarium, P.*
 A. C. 470. *Furium consules habuit: contraque omnium opinionem,*
 Fit tribun. *qui eum vexandis prioris anni consulibus permissurum tri-* 5
 plebis. *bunatum credebant, post publicam causam privato dolore*
 L. Pinario, *habito, ne verbo quidem violatis consulibus, rogationem* 6
 P. Furio *tulit ad populum, ut plebei magistratus tributis comitiis*
 Coss. *fierent. Haud parva res sub titulo prima specie minime* 7
 Lex Pub- *atroci ferebatur; sed quae patriciis omnem potestatem per* 8
 lilia. *clientium suffragia creandi, quos vellent, tribunos auferret.*
Huic actioni, gratissimae plebi, quum summa vi resisterent
Patres; nec, quae una vis ad resistendum erat, ut inter-
cederet, aliquis ex collegio auctoritate aut consulum aut
principum adduci posset; res tamen, suo ipsa molimine 9
gravis, certaminibus in annum extrahitur. Plebs Volero-
 U. C. 283. *nem tribunum reficit: Patres, ad ultimum dimicationis*
 A. C. 469. *rati rem venturam, Ap. Claudium, Appii filium, iam inde*
 Ap. Clau- *a paternis certaminibus invisum infestumque plebi, con-*
 dio, T. *sulem faciunt. Collega ei T. Quinctius datur.*

Quinctio
Coss.
Laetorii
Tr. Pl.
certamina
cum Appio
Cos.

Principio statim anni nihil prius, quam de lege, agebatur. Sed ut inventor legis Volero, sic Laetorius, collega eius, auctor quum recentior, tum acrior erat. Ferocem faciebat belli gloria ingens; quod aetatis eius haud quisquam manu promptior erat. Is, quum Volero nihil, praeterquam de lege, loqueretur, insectatione abstinens consulum, ipse in accusationem Appii, familiaeque superbissimae ac crude-

mutuit. Sed Niebuhrio placet ii. p. 189. hoc munere patres se iam abdicasse ea scilicet conditione, ut utique unum consulem ipsi arbitrio suo crearent. supr. 42.

5 *Permissurum*] Locutio ab iis ducti qui equis frena immittunt: hinc *permittere tribunatum* tribunatui frena laxare et ad vexandos consules potestate impotenter uti.

6 *Rogationem*] Quae postea Lex Laetoria dicta est, qua cautum est, ut plebei magistratus tributis, sc. plebeiis, comitiis fierent. Antea quidem comitiis centuriatis fiebant, Niebhr. i. p. 608. Wachsm. p. 286. et auctoritate patrum approbabantur.

7 *Haud parva res*] Haec non facile conciliari posse videntur cum iis quae infra de hac eadem re habet Livius in fine 60. ubi *plus dignitatis comitiis per hanc actionem detractum* ait, *quam virium aut plebi additum, aut ademptum Patribus*. Nec vero mediocriter imminuta videtur hac lege Patrum potentia. Primo enim Patres ex comitiis tributis submovebantur, quod docet noster in illo 60.

loco quem iam attulimus. Inde est, quod comitia haec habebantur plebis propria, et leges in iis latae *plebiscita* nuncupabantur. Vid. infr. iii. 55. et Gell. xv. 27. 2^o. Dionysius ix. 38. haec ipsa de lege agens docet iisdem comitiis necessarium non fuisse ut senatus auctor fieret, et 3^o. nihil in iis opus fuisse sacris aut auspiciis, quorum arbitri Patres erant. CREV. Patres adhuc nunquam in comitiis tributis suffragia tulerant.

8 *Per clientium suffragia*] Quippe clientes in comitiis centuriatis suffragia ferebant, minime autem in tributis. Niebhr. i. n. 1312.

9 *Suo ipsa molimine gravis*] Gravior adhuc, si Dion. ix. 42. fidem adhibemus; pestilentia enim urbem invasit, quae per reliquam Italiam grassata est, sed nusquam alibi, quam Romae, infestior. Aetna quoque mons hoc anno flammis exaestuavit. Aelian. in Stob. Florileg. lxxix. 38.

1 *Auctor*] Approbator, firmator, et qui auctoritatem legi praestaret. CR. cf. 42.

lissimae in plebem Romanam, exorsus, quum a Patribus U. C. 283.
 non consulem, sed carnificem ad vexandam et lacerandam A. C. 469.
 plebem, creatum esse contenderet; rudis in militari homine
 lingua non suppetebat libertati animoque. Itaque, de-
 ficiente oratione, ‘Quandoquidem non facile loquor,’
 inquit, ‘Quirites, quam, quod locutus sum, praesto, crastino
 die adeste. Ego hic aut in conspectu vestro moriar, aut
 perferam legem.’ Occupant tribuni templum postero die:
 consules nobilitasque ad impediendam legem in concione
 consistunt. Summoveri Laetorius iubet, praeterquam qui
 suffragium ineant. Adolescentes nobiles stabant, nihil
 cedentes viatori. Tum ex his prehendi quosdam Laeto-
 rius iubet. Consul Appius negare, ius esse tribuno in
 quemquam, nisi in plebeium. Non enim populi, sed
 plebis, eum magistratum esse: nec illum ipsum summovere
 pro imperio posse more maiorum; quia ita dicatur: ‘Si
 vobis videtur, discedite, Quirites.’ Facile et contemptim
 de iure disserendo perturbare Laetorium poterat. Ardens
 igitur ira tribunus viatorem mittit ad consulem: consul
 lictorem ad tribunum, privatum esse clamitans, sine imperio,

2 *Oratione*] Apud plebis concilium habita.

3 *Non facile*] *Tam facile* recepit Bekker. Sed Drak. alia huius ellip-
 seos exempla citat.

4 *Perferam legem*] Apud plebeium comitatum; quae tamen, nisi a curiis confirmata, vim legis non haberet.

5 *Templum*] Ubi concio habenda erat. STROTH. Sic locus pro rostris, ubi conciones habebantur, templum dicitur ap. Cic. Verr. iii. 96. cf. infr. viii. 14. Tribuni, usque ad Caium Gracchum, vultu in Comitium con-
 verso, verba faciebant. Plut. Gracch. 5.

6 *Concione*] sc. Plebis, quam tribunus convocaverat: et in qua patricii locum non habebant.

7 *Summoveri Laetorius iubet, praeterquam qui*] Tum quum in Sacro monte composita inter Patres plebemque pax fuerat, concessum erat plebi, ut quoties tribuni concionem advocassent, ei se patricii ne miscerent. Dion. vii. 58. CREV.

8 *Viatori*] Viatores erant ex eorum numero, qui magistratibus apparebant; inde sic dicti, teste Festo, quod quum assidue Romani rusticarentur, crebrior apparitorum illorum opera erat in *via* quam in urbe, quod ex ageris homines praerunque vocabantur a magistratibus. Idem testatur Cic. de Senect. 56. Tribuni viatores, non

lictiores apparebant. CREV.

9 *Non enim populi*] sc. Patriciorum, si Niebuhr. i. p. 417. audiamus. Alii vocem *populum* patres et plebem complecti intelligunt. cf. iv. 51. xxv. 12.

1 *Discedite*] sc. In suffragia, si modo vox *Quirites* plebeios designat, sed Niebuhrio placet vocem *discedite* patricios spectare, et Livium eam mendose ad plebem transtulisse. cf. infr. iii. 11. *Facile* et ad *disserendo*, et ad *poterat* referendum censet. STROTH.

2 *Privatum*] Hunc locum mire illustrat allatus a Sigonio Plutarchi locus e Quaest. Rom. 81. “Cur,” inquit, “quum praetexta alii magistratus utantur, tribunus plebis non utitur? An, quia tribunus plebis magistratus non est? Neque enim ex sella tribuni ius dicunt: neque principio anni, ut reliqui magistratus, ineunt: neque creato dictatore se abdicant, sed translato omni ad dictatorem imperio, ipsi tamen suam potestatem retinent, quasi magistratus non sint... Tribunatus impedimento potius est magistratui, quam magistratus.” CREV.

3 *Imperio*] Arbitrio suo, sola vi imperii sui, quippe hoc imperium *lege curiata* dabatur: atque etiam consules intra urbem eo carebant, nec nisi dictatori, et consulibus bella gerentibus, permissum est.

bunos, C. Sicinium, L. Numitorium, M. Duilium, Sp. U. C. 283.
Iciliū, L. Maeciliū. A. C. 469.

Volscum Aequicumque inter seditionem Romanam est bellum coortum. Vastaverant agros, ut, si qua secessio plebis fieret, ad se receptum haberet. Compositis deinde rebus, castra retro movere. Ap. Claudius in Volscos missus: Quintio Aequi provincia evenit. Eadem in militia saevitia Appii, quae domi, esse: liberior, quod sine tribuniciis vinculis erat. Odisse plebem plus quam paterno odio: se victum ab ea: se unico consule obiecto adversus tribuniciam potestatem, perlatam legem esse; quam minore conatu, nequaquam tanta Patrum spe, priores impederint consules. Haec ira indignatioque ferocem animum ad vexandum saevo imperio exercitum stimulabat: nec ulla vi domari poterat. Tantum certamen animis inbiberant. Segniter, otiose, negligenter, contumaciter omnia agere: nec pudor, nec metus coercebat. Si citius agi vellet agmen, Appio Cos. tardius sedulo incedere: si adhortator operis adesset, omnes infensus exercitus. sua sponte motam remittere industriam: praesenti vultus demittere, tacite praetereuntem exsecrari: ut invictus ille odio plebeio animus interdum moveretur. Omni nequicquam acerbitate prompta, nihil iam cum militibus agere: a centurionibus corruptum exercitum dicere: ‘tribunos plebei’ cavillans interdum et ‘Volerones’ vocare. Nihil eorum Volsci nesciebant, instabantque eo magis, sperantes, idem certamen animorum adversus Appium habiturum exercitum Romanum, quod adversus Fabium consulem habuisset. Ceterum multo Appio, quam Fabio, violentior fuit. Non enim vincere tantum noluit, ut Fabianus exercitus, sed vinci voluit. Productus in aciem turpi fuga petiit castra; nec ante restitit, quam signa inferentem Volscum munimentis vidit foedamque extremi agminis caedem. Tum expressa vis ad pugnandum, ut victor iam a vallo summo-
veretur hostis: satis tamen appareret, capi tantum castra militem Romanum noluisse. Alii gaudere sua clade atque ignominia. Quibus nihil infractus ferox Appii animus, quum insuper saevire vellet, concionemque ad-

59.

Vinci vult.

1 *Se unico*] sc. Quem patres consulem fecissent supr. 56, tanquam unum maxime idoneum ad retundendos impetus tribunicios: aut, si malis, ut qui neque a collega, neque a patribus satis adiutus esset.

2 *Domari poterat*] sc. Exercitus, ad quem collective refertur plurale *imbiberant*, at in MS. Venet. est *animus imbiberat*. *Domare* legendum censet Drak., quod Doering. placet.

3 *Motam*] Cave hanc vocem cum

Clerico sollicitis, qui infelicem plane et melegantem coniecturam obtrudit, vultque reponi *notam*. Nihil clarius. Quum milites sua sponte manum operi admovissent, si hortaturus Appius supervenisset, omnes consulto segnius agere. CREV.

4 *Praesenti vultus demittere*] Ubi praesens Appius esset, vultum et oculos deligere in terram, ne eum intuerentur. CREV.

U. C. 283. vocaret, concurrunt ad eum legati tribunique, monentes,
 A. C. 469. ne utique experiri vellet imperium, cuius vis omnis in con- 5
 sensu obedientium esset. Negare vulgo milites, se ad
 concionem ituros; passimque exaudiri voces postulantium,
 ut castra ex Volseo agro moveantur. Hostem victorem
 paullo ante prope in portis ac vallo fuisse; ingentisque 6
 mali non suspicionem modo, sed apertam speciem obversari
 ante oculos. Victus tandem, (quandoquidem nihil praeter
 tempus noxae lucrarentur) remissa concione, iter in inse- 7
 quentem diem pronuntiari quum iussisset, prima luce clas-
 sico signum profectionis dedit. Quum maxime agmen e
 castris explicaretur, Volsci, ut eodem signo excitati, novis-
 simos adoriuntur. A quibus perlatus ad primos tumultus,
 eo pavore signaque et ordines turbavit, ut neque imperia
 exaudiri, neque instrui acies possent. Nemo ullius, nisi
 fugae, memor. Ita effuso agmine per stragem corporum 8
 armorumque evasere, ut prius hostis desisteret sequi, quam
 Romanus fugere. Tandem, collectis ex dissipato cursu
 militibus, consul, quum revocando nequicquam suos per-
 secutus esset, in pacato agro castra posuit; advocataque
 concione, invectus haud falso in proditorem exercitum
 militaris disciplinae, desertorem signorum; ubi signa, ubi
 arma essent, singulos rogitans, inermes milites, signo
 amisso signiferos; ad hoc centuriones duplicariosque, qui 9
 reliquerant ordines, virgis caesos securi percussit. Cetera
 multitudo sorte decimus quisque ad supplicium lecti.

Fugit.

60. Contra ea in Aequis inter consulem ac militem comitate
 Quinctii ac beneficiis certatum est. Et natura Quinctius erat lenior,
 Cos. comi- et saevitia infelix collegae, quo is magis gauderet ingenio
 tas. suo, effecerat. Huic tantae concordiae ducis exercitusque
 non ausi offerre se, Aequi vagari populabundum hostem
 per agros passi. Nec ullo ante bello latius inde actae
 praedae: omnis militi data est. Addebantur et laudes,
 quibus, haud minus quam praemio, gaudent militum animi.

5 *Experiri . . . imperium*] Periclitari et tentare, quatenam esset imperii vis, quantum imperatori in militesliceret. CREV.

6 *Ingentisque mali*] Si milites arma in imperatorem verterent, et victor hostis castra simul oppugnaret.

7 *Noxae*] Milites qui in noxa erant. *Noxa* est id omne quod nocet, sive culpa, sive laesio, sive ipse homo qui culpam commisit, damnumve intulit. Hoc ultimo sensu intelligitur ac definitur a Iustiniano Instit. iv. tit. 8. Sic et *servitia* pro *servis*, *operae* pro *operarii* dicuntur. CREV. Sed Doering.

noxiā poenam esse quae propter delictum infligitur; ut *noxam merere*. infr. viii. 28. Constr. quandoquidem milites nihil nisi *tempus noxae*, sc. dilationem poenae lucrarentur. cf. Brisson de Sign. Voc. et infr. xxvi. 29.

8 *Stragem*] Non modo de interfectis, sed etiam de lapsis et coacervatis. STROTH.

9 *Duplicarios*] Qui duplicia cibaria ob virtutem acciperent. Usitatum fuit ap. Romanos hoc modo virtutem militarem remunerari. infr. vii. 37. CREV. cf. Creuz. R. Ant. § 259.

Tum duci, tum propter ducem Patribus quoque placatior U. C. 283.
exercitus rediit; sibi parentem, alteri exercitui dominum A. C. 469.
datum ab senatu, memorans.

Varia fortuna belli, atroci discordia domi forisque annum
exactum, insignem maxime comitia tributa efficiunt; res
1 maior victoria suscepti certaminis, quam usu: plus enim
dignitatis comitiis ipsis detractum est, Patribus ex concilio
2 summovendis, quam virium aut plebi additum est aut
demptum Patribus.

3 Turbulentior inde annus excepit, L. Valerio, Ti. Aemilio 61.
consulibus, quum propter certamina ordinum de lege U. C. 284.
agraria, tum propter iudicium Ap. Claudii: cui, acerrimo A. C. 468.
4 adversario legis, causamque possessorum publici agri, tan- L. Valerio
5 quam tertio consuli, sustinenti, M. Duilius et C. Sicinius II. Ti. Ae-
6 diem dixerunt. Nunquam ante tam invisus plebi reus ad milio Coss.
7 iudicium vocatus populi est, plenus suarum, plenus pater- Accusatur
8 narum irarum. Patres quoque non temere pro ullo aeque Appius.
annisi sunt: propugnatorem senatus, maiestatisque vin-
dicem suae, ad omnes tribunicios plebeiosque oppositum
tumultus, modum duntaxat in certamine egressum, iratae
obiici plebi. Unus e Patribus, ipse Ap. Claudius, et tri-
bunos, et plebem, et suum iudicium pro nihilo habebat.
Illum non minae plebis, non senatus preces perpellere
9 unquam potuere, non modo ut vestem mutaret, aut supplex
prensaret homines; sed ne ut ex consueta quidem asperitate
orationis, quum ad populum agenda causa esset, aliquid
leniret atque summitteret. Idem habitus oris, eadem con-
tumacia in vultu, idem in oratione spiritus erat: adeo ut
magna pars plebis Appium non minus reum timeret, quam

1 *Plus enim dignitatis*] Quippe
quum omne ius auspiciorum penes
patres esset, haec comitia non auspi-
cato fiebant.

2 *Quam virium*] cf. 56. 57. Ap-
pius aliter censuit, *graviore accipi
conditiones, quam in Sacro monte ac-
ceptae sint.*

3 *Annus*] Hoc anno legem Iciliam
perlatam esse censet Niebhr. in. p.
231. qua cautum est ut, si quis ac-
tiones tribunicias interpellasset, poe-
nas capitis lucret.

4 *Possessorum*] Quibus *usus* agri
publici concessus, cf. supr. 41.

5 *Tanquam tertio consuli*] Haec
non ita intelligi debent, quasi com-
muni cum duobus consulibus animo
ipse, tanquam tertius consul, posses-
sorum causam sustineret. Uterque
enim consul favebat legi, quod docet
Dionysius, et Livius ipse de Aemilio

agnoscit initio lib. seq. Appius igitur
ideo tanquam tertius erat consul, quod
consulum ipse partes obiret. Cray.

6 *Diem dicere*] Res plures Ap-
pio crimini datas memorat Dion. ix.
54. qui etiam non eum morbo mor-
tuum esse, sed violentas sibi ipsum
intulisse manus refert. Rup.

7 *Plenus suarum . . . irarum*]
Intelligimus iras, non quas Appius
gereret in plebem, sed quibus plebs
in eum flagraret. Sensus est igitur:
qui et per se, et ob memoriam patris,
supra modum iratam in se plebem
haberet. Cray.

8 *Non temere*] Raro.

9 *Vestem mutaret*] Reus mos erat
sordidam togam induere, squalorem
toto habitu praeferre, barbam capu-
lumque promittere, ut miserabiles
essent. Cray.

U. C. 284. consulem timuerat. Semel causam dixit, quo semper
 A. C. 468. agere omnia solitus erat, accusatorio spiritu : adeoque constantia sua et tribunos obstupescit et plebem, ut diem ipsi sua voluntate prodicerent : trahi deinde rem sinerent. Ante iudicium morbo moritur. Haud ita multum interim temporis fuit. Ante tamen, quam prodicta dies veniret, morbo moritur. Cuius quum laudationem tribuni plebis impedire conarentur, plebs fraudari sollenni honore supremum diem tanti viri noluit ; et laudationem tam aequis auribus mortui audivit, quam vivi accusationem audierat ; et exsequias frequens celebravit.

62. Eodem anno Valerius consul, cum exercitu in Aequos profectus, quum hostem ad proelium elicere non posset, castra oppugnare est adortus. Prohibuit foeda tempestas, cum grandine ac tonitribus coelo deiecta. Admirationem deinde auxit, signo receptui dato, adeo tranquilla serenitas reddita : ut, velut numine aliquo defensa castra oppugnare iterum, religio fuerit. Omnis ira belli ad populationem agri vertit. Alter consul Aemilius in Sabinis bellum gessit : et ibi, quia hostis moenibus se tenebat, vastati agri sunt. Incendiis deinde, non villarum modo, sed etiam vicorum, quibus frequenter habitabatur, Sabini exciti, quum praedatoribus occurrissent, ancipiti proelio digressi, postero die retulere castra in tutiora loca. Id satis consuli visum, cur pro victo relinqueret hostem, integro inde decedens bello.

63. Inter haec bella, manente discordia domi, T. Numicius Priscus, A. Virginus consules facti. Non ultra videbatur U. C. 285. latura plebes dilationem agrariae legis, ultimaque vis parabatur, quum, Volscos adesse, fumo ex incendiis villarum T. Numicio, A. Virginio Coss. fugaque agrestium cognitum est. Ea res maturam iam seditionem ac prope erumpentem repressit. Consules, coacti extemplo ab senatu ad bellum, educta ex urbe iuventute, tranquilliores ceteram plebem fecerunt. Et hostes quidem, nihil aliud quam perfusis vano timore Romanis, citato agmine abeunt. Numicius Antium adversus Volscos, Virginus contra Aequos profectus. Ibi ex insidiis prope

Bellum
 cum Aequis
 et Volscis.

1 *Morbo moritur*] Apud scriptores Graecos sc. Dion. ix. 54. Zonar. vii. 17. mortem sibi conscivisse legimus, sed Romani, quibus, qui sibi manus intulisset, *carnificis loco* habitus est et ignominia notatus, eum morbo mortuum esse voluerunt. cf. Festus v. *Carnificis loco*. Niebhr. ii. p. 228. Sed Niebhurius fabulam hanc totam de Appii morte omnino fictam esse, atque, ex Fragm. Fast. Capit. quae

Burghesius in lucem prodidit, hunc ipsum Appium decemvirum ann. 304 U. C. fuisse conicit, qui infr. iii. 33. *plebicola pro truci saevoque insectatore plebis* evasisse dicitur. cf. omnino Niebhr. ii. n. 754.

2 *Coacti extemplo ab senatu*] Hanc lectionem plane corruptam esse censet Niebhr., qui *coacto extemplo senatu* legendum pro certo habet. ii. n. 555.

magna accepta clade, virtus militum rem, prolapsam negli- U. C. 285.
gentia consulis, restituit. Melius in Volscis imperatum est. A. C. 467.
Fusi primo proelio hostes, fugaque in urbem Antium, ut
tum res erant, opulentissimam acti. Quam consul oppug-
3 nare non ausus, Cenonem, aliud oppidum, nequaquam tam
opulentum, ab Antiatibus cepit. Dum Aequi Volscique
Romanos exercitus tenent, Sabini usque ad portas urbis U. C. 286.
populantes incessere: deinde ipsi paucis post diebus ab A. C. 466.
duobus exercitibus, utroque per iram consule ingresso in
fines, plus cladium, quam intulerant, acceperunt.

Extremo anno pacis aliquid fuit; sed, ut semper alias, 64.
4 sollicitae certamine Patrum et plebis. Irata plebs interesse
consularibus comitiis noluit. Per Patres clientesque Patrum
consules creati T. Quinctius, Q. Servilius. Similem an- T. Quinc-
num priori consules habent; seditiosa initia, bello deinde tio, Q. Ser-
externo tranquilla. Sabini, Crustumino campos citato ag- vilio Coss.
mine transgressi, quum caedes et incendia circum Anienem Bellum
flumen fecissent, a porta prope Collina moenibusque pulsi, Sabinum.
ingentes tamen praedas hominum pecorumque egere.
Quos Servilius consul infesto exercitu insecutus, ipsum
quidem agmen adipisci aequis locis non potuit: populatio-
nem adeo effuse fecit, ut nihil bello intactum relinqueret,
multiplicique capta praeda rediret.

Et in Volscis respublica egregie gesta, quum ducis, tum Volseum.
militum opera. Primum aequo campo signis collatis pug-
natum, ingenti caede utrimque, plurimo sanguine: et
Romani, quia paucitas damno sentiendo propior erat,
gradum retulissent; ni salubri mendacio consul, fugere
hostes ab cornu altero clamitans, concitasset aciem. Impetu
facto, dum se putant vincere, vicere. Consul, metuens ne
nimis instando renovaret certamen, signum receptui dedit.
5 Intercessere pauci dies, velut tacitis indutiis utrimque
quiete sumpta; per quos ingens vis hominum ex omnibus
Volscis Aequisque populis in castra venit, haud dubitans,
6 si senserint, Romanos nocte abituros. Itaque tertia fere
vigilia ad castra oppugnanda veniunt. Quinctius, sedato
tumultu, quem terror subitus exciverat, quum manere in

3 *Cenonem*] Oppidum Volscorum
maritimum. Niebhr. ii. p. 244.

4 *Irata plebs*] Hoc loco manifeste
cernuntur tria illa comitiorum cen-
turiatorum elementa, *patres* scilicet,
patrum clientes, et *plebs* quae con-
sulem a curiis creatum, qui *con-*
sul maior erat, suffragiis suis confir-
mare nolebat. cf. supr. 43.

5 *Tacitis indutiis*] cf. supr. 18. *Taci-*
tiae, quae nullo publico consilio factae,

sed neutra parte bellum movente, ex-
istunt. STROTH.

6 *Tertia . . . vigilia*] Distingue-
batur tempus noctis in quattuor vigi-
lias, quarum unaquaeque trium hora-
rum erat. Itaque tertia vigilia a me-
dia nocte incipiebat, nona noctis hora
finiebatur. Singulis autem vigiliis,
signo buccina dato, vigiles mutaban-
tur.

- U. C. 286. tentoriis quietum militem iussisset, Hernicorum cohortem
 A. C. 466. in stationem educit: cornicines tubicinesque, in equos im-⁷
 positos, canere ante vallum iubet, sollicitumque hostem ad
 lucem tenere. Reliquum noctis adeo tranquilla omnia in
 castris fuere, ut somni quoque Romanis copia esset.
 Volscos species armatorum peditum, quos et plures esse,
 et Romanos putabant, fremitus hinnitusque equorum, qui,
 et insueto sedente equite, et insuper aures agitante sonitu,
 saeviebant, intentos velut ad impetum hostium tenuit.
65. Ubi illuxit, Romanus, integer satiusque somno productus
 in aciem, fessum stando et vigiliis Volscum primo impetu
 perculit: quanquam cessere magis, quam pulsus hostes sunt:
 quia ab tergo erant clivi, in quos post principia integris⁸
 ordinibus tutus receptus fuit. Consul, ubi ad iniquum
 locum ventum est, sistit aciem. Miles aegre teneri, cla-
 mare et poscere, ut percussis instare liceat. Ferocius agunt
 equites: circumfusi duci vociferantur, se ante signa ituros.
 Dum cunctatur consul, virtute militum fretus, loco parum
 fidens, conclamant, se ituros: clamoremque res est secuta.
 Fixis in terram pilis, quo leviores ardua evaderent, cursu
 subeunt. Volscus, effusis ad primum impetum missilibus
 telis, saxa obiacentia pedibus ingerit in subeuntes, turba-
 tosque ictibus crebris urget ex superiore loco. Sic prope
 oneratum est sinistrum Romanis cornu, ni referentibus iam
 gradum consul, increpando simul temeritatem, simul igna-
 viam, pudore metum excussisset. Restitere primo obsti-
 natis animis: deinde, ut in obtinentes locum vires ferebant,⁹
 audent ultro gradum inferre; et, clamore renovato, com-
 movent aciem: tum rursus, impetu capto, enituntur, atque
 exsuperant iniquitatem loci. Iam prope erat, ut in sum-
 mum clivi iugum evaderent, quum terga hostes dedere:
 effusoque cursu paene agmine uno fugientes sequentesque
 castris incidere. In eo pavore castra capiuntur. Qui
 Volscorum effugere potuerunt, Antium petunt. Antium
 et Romanus exercitus ductus: paucos circumsessum dies

⁷ *Equos*] *Equis* Gronov. cum aliis nonnullis et MS. Veith. Sed *equos* veriorum lectionem esse ex pluribus opt. codd. docet Drak. cf. supr. i. 18. *dextra in caput posita*, et infr. xli. 4.

⁸ *Post principia*] Post primam aciem. Frons nempe sola Volsci exercitus turbata est. A tergo primae aciei, ordines integri et salvi tutum in clivos receptum habuere. Vid. Gron. Observ. iv. 10. cf. xxvi. 48. xxviii. 24. 27. Creuz. R. Ant. § 249.

⁹ *In obtinentes*] Editiones omnes fere ante Sigon. praepositionem *in* non habent, et Stroth. omittit, qui ita vertit: *ut* Romani, non amplius recedentes, sed *obtinentes locum* eo ipso, quod eum obtinebant, *vires ferebant*, i.e. resumebant. Plura quoque exempla verbi *ferre* pro *accipere*, *sumere*, usurpati recitat. *deinde obtinentes* in MS. Veith. Crevier. vero interpretatur: postquam vires dabant invadere hostem, qui superiorem locum obtinebat.

1 deditur, nulla oppugnantium nova vi; sed quod iam inde U. C. 286.
ab infelici pugna castrisque amissis ceciderant animi. A. C. 466.

1 *Sed quod iam inde*] In primo cum Carthaginiensibus foedere Antium Romanorum fuisse legimus ap. Polyb. iii. 22. postea vero a Volscis captum, et a Volscis colonis occupatum fuisse videtur. Niebhr. ii. p. 108.

Nunc vero Aequos, sive Volscos, quos *Φρουράν* appellat Dion. ix. 58, oppido cessisse, et cives veteres Latinos in amicitiam cum Romanis rediisse liquet. Niebhr. ii. p. 245.

EPITOME LIBRI III.

SEDITIONES de agrariis legibus factae. Capitolium, ab exsulibus et servis occupatum, caesis iis receptum est. Census bis actus est. Priore lustro censa sunt civium capita centum quattuor millia ducenta quattuordecim, praeter orbos orbasque: sequenti, centum septendecim millia ducenta novendecim. Quum adversus Aequos res male gesta esset, L. Quinctius Cincinnatus dictator factus, quum rure intentus rustico operi esset, ad id bellum gerendum arcessitus est. Is victos hostes sub iugum misit. Tribunorum plebis numerus ampliatus est, ut essent decem, trigesimo sexto anno a primis tribunis plebis. Petitis per legatos, et allatis Atticis legibus, ad constituendas eas proponendasque decemviri pro consulibus sine ullis aliis magistratibus creati, altero et trecentesimo anno, quam Roma condita erat: et, ut a regibus ad consules, ita a consulibus ad decemviros translatum imperium. Hi, decem tabulis legum positis, quum modeste se in eo honore gessissent, et ob id in alterum quoque annum eundem esse magistratum placuisset, duabus tabulis ad decem adiectis, quum complura impotenter fecissent, magistratum noluerunt deponere, et in tertium annum retinuerunt: donec invisio eorum imperio finem attulit libido Ap. Claudii. Qui, quum in amorem virginis incidisset, summisso, qui eam in servitutem peteret, necessitatem patri eius Virginio imposuit, rapto ex taberna proxima cultro, ut filiam interimeret; quum aliter eam tueri non posset, ne in potestatem stuprum illaturi veniret. Hoc tam magnae luxuriae exemplo plebs incitata montem Aventinum occupavit, coegitque decemviros abdicare se magistratu. Ex quibus Appius et unus collegarum, qui praecipue poenam meruerant, in carcerem coniecti; ceteri in exilium acti. Res praeterea contra Sabinos, et Volscos, et Aequos prospere gestas continet, et parum honestum populi Romani iudicium: qui, iudex inter Ardeates et Aricinos sumptus, agrum, de quo ambigebatur, sibi adiudicavit.

T. LIVII PATAVINI

LIBER III.

¹ **A**NTIO capto, Ti. Aemilius et Q. Fabius consules fiunt. U. C. 287. A. C. 465. Ti. Aemilio II. Q. Fabio Coss. Hic erat Fabius Quintus, qui unus exstinctae ad Cremeram genti superfuerat. Iam priore consulatu Aemilius dandi agri plebi fuerat auctor. Itaque secundo quoque ² consulatu eius et agrarii se in spem legis crexerant, et tribuni rem, contra consules saepe tentatam, adiutore utique consule, obtineri posse rati, suscipiunt; et consul manebat ³ in sententia sua. Possessores et magna pars Patrum, ⁴ tribuniciiis se iactare actionibus principem civitatis, et largiendo de alieno popularem fieri querentes, totius invidiam rei a tribunis in consulem averterant. Atrox certamen aderat, ni Fabius consilio neutri parti acerbo rem expedisset. T. Quinctii ductu et auspicio agri capti priore anno aliquantum a Volscis esse: Antium, propinquam, opportunam, et maritimam urbem, coloniam deduci posse: ita ⁵ sine querelis possessorum plebem in agros ituram, civitatem in concordia fore. Haec sententia accepta est. Triumphum

¹ *Hic erat Fabius Quintus*] Qui quidem pugnae Cremerensis tempore dictus est *prope puberem aetatem* fuisse. Hic autem annus ab illa pugna undecimus agitur. Unde apparet Fabium quarto fere et vicesimo aetatis anno consulem factum esse: quod et Valerio Corvo contigisse memorabitur *infr. vii. 26.* CREV. Niebuhrius *ii. p. 193.* hunc Fabium, si modo ex urbe non discesserit, partibus patriciorum, contra gentem suam, fuisse censet. Wachsmuth, autem *p. 391.* illum in urbe die Cremerensi fuisse, quo minus "Sacrificium illud statum in Quirinali colle gentis Fabiae" Liv. *v. 46.* negligetur. Utrique displicent omnino merite illae nugae "prope puberem aetatem fuisse." cf. *supr. ii. 49, 50.* Neque novum videri debet nomen praenomini postponi. cf. *infr. 29. Menenius Agrippa, supr. ii. 32.*

² *Agrarii*] Qui agros accipere cupiebant. cf. Cic. in Cat. *iv. 2.* Phil. *vii. 6.*

³ *Possessores et magna pars*] Copulam in Cod. Harl. *1.* omissam habemus, scilicet, ut Doeringio placet, quia magna pars Patrum ipsi possessores erant.

⁴ *Tribuniciiis se iactare actionibus*] Eum qui principem locum in civitate teneret, sibi favorem et gloriam aucupari ex iis quae apud populum tribuni agerent, vel agendo eadem quae tribuni. CREV.

⁵ *Antium...coloniam*] Quam tamen minime in numero coloniarum Romanarum habendam censet Niebhr., ut quae, Dion. *ix. 69.* auctore, ex Hernicis et Latinis et Romanis composita esset, quippe maxime Latinos et Hernicos attingebat, ut Antium praesidio firmo contra Aequos et Volscos teneretur.

U. C. 287. ros agro dando creat T. Quinctium, A. Virginium, P.
 A. C. 465. Furium. Iussi nomina dare, qui agrum accipere vellent.
 Antium Fecit statim, ut fit, fastidium copia; adeoque pauci nomina
 colonia dedere, ut ad explendum numerum coloni Volsci adde-
 deducitur. rentur: cetera multitudo poscere Romae agrum malle,
 quam alibi accipere. Aequi a Q. Fabio (is eo cum exer-
 citu venerat) pacem petiere, irritamque eam ipsi subita in-
 cursione in agrum Latinum fecere.

2.

Q. Servilius insequenti anno (is enim cum Sp. Postumio
 U. C. 288. consul fuit) in Aequos missus, in Latino agro stativa habuit.
 A. C. 464. Intra castra quies necessaria morbo implicitum exercitum
 Q. Servilio tenuit. Extractum in tertium annum bellum est, Q. Fabio
 II. Sp. Pos- et T. Quinctio consulibus. Fabio extra ordinem, quia is
 tumio Coss. U. C. 289. victor pacem Aequis dederat, ea provincia data. Qui, 7
 A. C. 463. haud dubia spe profectus, famam nominis sui pacaturam
 Q. Fabio Aequos, legatos in concilium gentis missos nuntiare iussit:
 II. T. 'Q. Fabium consulem dicere, se ex Aequis pacem Romam
 Quinctio 'tulisse, ab Roma Aequis bellum afferre, eadem dextra
 III. Coss. 'armata, quam pacatam illis antea dederat. Quorum id
 Aequicum bellum. 'perfidia et periurio fiat, deos nunc testes esse, mox fore
 'ultores. Se tamen, utcumque sit, etiam nunc, poenitere
 'sua sponte Aequos, quam pati hostilia, malle. Si poeni-
 'teat, tutum receptum ad expertam clementiam fore: sin
 'periurio gaudeant, diis magis iratis, quam hostibus, gestu-
 'ros bellum.' Haec dicta adeo nihil moverunt quemquam,
 ut legati prope violati sint, exercitusque in Algidum adver-
 sus Romanos missus. Quae ubi Romam sunt nuntiata,
 indignitas rei, magis quam periculum, consulem alterum ab
 urbe excivit. Ita duo consulares exercitus ad hostem ac-
 cessere acie instructa, ut confestim dimicarent. Sed quum
 forte haud multum diei superesset, unus ab statione hostium
 exclamat: 'Ostentare hoc est, Romani, non gerere bellum.
 'In noctem imminem aciem instruitis. Longiore luce
 'ad id certamen, quod instat, nobis opus est. Crastino die
 'oriente sole redite in aciem: erit copia pugnandi; ne
 'timete.' His vocibus irritatus miles in diem posterum in
 castra reducit, longam venire noctem ratus, quae moram,
 certamini faceret. Tum quidem corpora cibo somnoque

6 *Volsci*] Fallitur hic Livius, quoniam Antium Siculorum sive Tyrhenorum oppidum fuit, quod Volsci advenae vi occupassent, iam vero expulsi poenas dedissent.

7 *Dederat*] Obliqua oratio, ut bene observat Duker., desiderare videtur *dedit*. DOER. Sed passim ap. Liv. et Tacit. indicativos in oratione obliqua positos habemus.

8 *Algidum*] Permagnum intererat,

utrum Romanorum, an Volscorum haec regio esset, quippe quae Latinos ab Hernicis, Volscos ab Aequis dirimeret, nec nisi circuitu longo mutui auxilii invicem aditus iis gentibus pateret.

9 *Longam venire noctem ratus*] Adeo avidus pugnae, ut noctem, quae adventaret, longam sibi fingeret, quia moram certamini esset factura.

curant. Ubi illuxit postero die, prior aliquanto constitit Romana acies; tandem et Aequi processere. Proelium fuit utrimque vehemens; quod et Romanus ira odioque pugnabat, et Aequos conscientia contracti culpa periculi, et desperatio futurae sibi postea fidei, ultima audere et experiri cogebat. Non tamen sustinuerunt aciem Romanam Aequi: pulsique quum in fines suos se recepissent, nihilo inclinationibus ad pacem animis ferox multitudo increpare duces, quod in aciem, qua pugnandi arte Romanus excellat, commissa res sit. Aequos populationibus incursionibusque meliores esse; et multas passim manus, quam magnam molem unius exercitus, rectius bella gerere. Relicto itaque castris praesidio, egressi tanto cum tumultu invasere fines Romanos, ut ad urbem quoque terrorem pertulerint. Nec opinata etiam res plus trepidationis fecit, quod nihil minus, quam ne victus ac prope in castris obsessus hostis memor populationis esset, timeri poterat; agrestesque, pavidi incidentes portis, non populationem, nec praedonum parvas manus, sed, omnia vano augentes timore, exercitus et legiones adesse hostium, et infesto agmine ruere ad urbem, clamabant. Ab his proximi audita incerta, eoque vaniora, ferre ad alios: cursus clamorque vocantium ad arma haud multum a pavore captae urbis abesse. Forte ab Alcido Quinctius consul redierat Romam. Id remedium timori fuit: tumultuque sedato, victos timeri increpans hostes, praesidia portis imposuit. Vocato dein senatu, quum, ex auctoritate Patrum iustitio indicto, profectus ad tutandos fines esset, Q. Servilio praefecto urbis relicto, hostem in agris non invenit. Ab altero consule res gesta egregie est: qui, qua venturum hostem sciebat, gravem praeda, eoque impeditiore agmine incedentem aggressus, funestam ei populationem fecit. Pauci hostium evasere ex insidiis: praeda omnis recepta est. Sic finem iustitio, quod quatri-duum fuit, reditus Quinctii consulis in urbem fecit. Census deinde actus, et conditum ab Quinctio lustrum. Censa civium capita centum quattuor millia et ducenta quattuor-

3.

1 *Audita incerta, eoque vaniora*] Incerta, quia audierant tantum, non viderant; adeoque mendacis auctoritate.

2 *Iustitio indicto*] Fusius explicat noster quid sit *iustitium*, infr. 27. his verbis: *iustitium edicit: claudii tiberius tota urbe iubet: vetat quicquam privatae quacquam rei agere*. Dicebatur *iustitium* ex eo quod *ius sisteretur*, sive iurisdictio intermitteretur. Hoc in tumultuosis ac turbulentis temporibus solebat dici, quum

aut propinquum muris bellum, aut violenta intra urbem seditio, cives omnes a privatarum rerum cura ad publicam avocabat.

3 *Ducenta quattuordecim*] *Centum quattuordecim* Niebhr. qui in cod. Vat. Dionysii ann. U. C. 280, censa civium capita *centum triginta milia* se legisse dicit, et diminutionem tantam de numero civium in hoc censu factam fuisse, quia tot municipia aut descivissent, aut ab hostibus capta essent.

U. C. 289. *decim dicuntur, praeter orbos orbasque.* In Aequis nihil⁴
 A. C. 463. *deinde memorabile actum.* In oppida sua re recepere, uri
 sua popularique passi. Consul, quum aliquoties per omnem
 hostium agrum infesto agmine populabundus isset, cum in-
 4. *genti laude praedaeque Romam rediit.* Consules inde A.
 U. C. 290. *Postumius Albus, Sp. Furius Fusus.* Furios Fusios scrip-⁵
 A. C. 462. *sere quidam: id admoneo, ne quis immutationem virorum*
 A. Postu- *ipsorum esse, quae nominum est, putet.* Haud dubium
 mio, Sp. *erat, quin cum Aequis alter consulum bellum gereret.*
 Furio Coss. *Itaque Aequi ab Ecetranis Volscis praesidium petiere.*
Quo cupide oblato, (adeo civitates hae perpetuo in Roma-
nos odio certavere) bellum summa vi parabatur. Sentiant
 Antium *Hernici, et praedicunt Romanis, Ecetranum ad Aequos*
 colonia *descisse.* Suspecta et colonia Antium fuit, quod magna⁶
 suspecta. *vis hominum inde, quum oppidum captum esset, confugisset*
ad Aequos: isque miles per bellum Aequicum vel acerrimus
fuit. Compulsis deinde in oppida Aequis, ea multi-
 tudo dilapsa quum Antium redisset, sua sponte iam infidos
 colonos Romanis abalienavit. Necdum matura re, quum
 defectionem parari delatum ad senatum esset, datum nego-
 tium est consulibus, ut, principibus coloniae Romam excitis,
 quaererent, quidnam rei esset. Qui quum haud gravati
 venissent, introducti a consulibus ad senatum ita responde-
 runt ad interrogata, ut magis suspecti, quam venerant, di-
 mitterentur. Bellum inde haud dubium haberi. Sp. Furius,
 Furios *consulum alter, cui ea provincia evenerat, profectus in*
 Cos. male *Aequos, Hernicorum in agro populabundum hostem in-*
 rem gerit. *venit; ignarusque multitudinis, quia nusquam universa*
conspecta fuerat, imparem copiis exercitum temere pugnae
commisit. Primo concursu pulsus se in castra recepit:
 neque is finis periculi fuit. Namque et proxima nocte et
 postero die tanta vi castra sunt circumsessa atque oppugnata,
 ut ne nuntius quidem inde mitti Romam posset. Hernici,
 et male pugnatum, et consulem exercitumque obsideri,
 nuntiaverunt: tantumque terrorem incussere Patribus, ut
 (quae forma senatusconsulti ultimae semper necessitatis

⁴ *Praeter orbos orbasque]* Qui, utpote immunes militia, annum equitibus stipendium, sc. *aes hordearium*, pendebant, supr. i. 43.

⁵ *Furios Fusios]* "In multis verbis, in quibus antiqui dicebant *S*, postea dicunt *R*, ut in carmine Saliorum sunt haec, Dolosi, Eso . . . Venese, quod Venere post, Foedesum Foederum, Plusima Plurima, Meliossem Meliorem." Ita locus a Scaligero emendatus ap. Varr. de L. L. 7. "Ut Valesii et Fusii in Valerios Fu-

riosque venerunt, ita Arbos, Labos, Vapos etiam, et Clamos ac Lases aetatis fuerunt." Quinct. i. 4. Ait vero Pomp. de Or. Jur., primum Ap. Claudium Centimanum *R* literam invenisse ann. U. C. 404. de quo Muretus, "Non hic, quisquis est, *R* literam invenit, sed fieri potest, ut usum aliquem eius literae invenerit qui prius non erat."

⁶ *Magna vis hominum]* Volscorum scilicet, qui expulsi ex colonia sua reditum moliebantur.

habita est) Postumio alteri consulum negotium daretur, U. C. 390.
 7 'Videret, ne quid respublica detrimenti caperet.' Ipsum A. C. 462.
 consulem Romae manere ad conscribendos omnes, qui
 8 arma ferre possent, optimum visum est: pro consule T.
 Quinctium subsidio castris cum sociali exercitu mitti. Ad
 eum explendum Latini, Hernicique, et colonia Antium dare
 Quinctio subitarios milites (ita tum repentina auxilia appel-
 labant) iussi. Multi per eos dies motus multique impetus hinc
 atque illinc facti, quia, superante multitudine, hostes carpere
 multifariam vires Romanas, ut non suffecturas ad omnia,
 aggressi sunt. Simul castra oppugnabantur, simul pars
 exercitus ad populandum agrum Romanum missa, urbem-
 que ipsam, si qua fortuna daret, tentandam. L. Valerius
 ad praesidium urbis relictus: consul Postumius ad arcendas
 populationes finium missus. Nihil remissum ab ulla parte
 curae aut laboris. Vigiliae in urbe, stationes ante portas,
 praesidiaque in muris disposita, et, quod necesse erat in
 tanto tumultu, iustitium per aliquot dies servatum. Interim
 in castris Furius consul, quum primo quietus obsidionem
 9 passus esset, in incautum hostem decumana porta erupit,
 et, quum persequi posset, metu substitit, ne qua ex parte
 altera in castra vis fieret. Furium legatum (frater idem
 consulis erat) longius extulit cursus: nec suos ille rede-
 untes, persequendi studio, neque hostium ab tergo in-
 cursum vidit. Ita exclusus, multis saepe frustra conatibus
 captis, ut viam sibi ad castra faceret, acriter dimicans ce-
 cidit. Et consul, nuntio circumventi fratris conversus ad
 pugnam, dum se temere magis, quam satis caute, in me-
 diam dimicationem infert, vulnere accepto, aegre ab cir-

5.

7 *Videret*] *Videre* Drak. et Bekker. Primum hoc huiusmodi senatus-
 cons. exemplum est, quo consul dic-
 tatoriam fere potestatem consequen-
 tur. Siroth. Haec potestas postea
 pluribus data, nec primum Opimio,
 sed primum adversus cives; idque
 significare voluisse Plat. in Gracch.
 iam monuere Manut. de Senat. Rom.
 et Drak. ad h. l. Rev.

8 *Pro consule*] Haec prima pro-
 consulis mentio ap. Livium. CREV.
 cf. Niebhr. ii. 120. Hic quattuor duces
 quattuor exercituum habemus, con-
 sules duos cum *iunioribus* in hostes
 alios alium missos, T. Quinctium cum
senioribus subsidio missum, L. Va-
 lerium *urbi* et urbanae militiae *prae-*
fectum.

9 *Decumana porta*] Castra Roma-
 na quadrata, ut plurimum, fuere, et
 quattuor habuere portas. Harum ea

quae aversissima erat ab hoste, *Decu-*
mana dicebatur a decimis cohortibus
 (si credimus Lipsio de Mil. Rom. v.
 5.) iuxta eam tendentibus. Unaquae-
 que enim legio in decem cohortes di-
 videbatur. Primae autem cuiusque
 legionis cohortes iuxta Praetorium
 tendebant, quod in fronte castrorum
 fuit: ceterae deinde ex ordine usque
 ad decimas eademque postremas,
 quae in postrema castrorum parte,
 adeoque prope portam *Decumanam*
 locabantur. Reliquae castrorum por-
 tae fuere *Praetoria*, quae Praetorio
 proxima, et versa in hostem: in la-
 teribus *Principales* duae, sic dictae
 quod in eo loco essent, ubi tendebant
principes ordines, id est, primi ordi-
 nes, capita et apices castrorum, puta
 tribuni, praefecti, primique centurio-
 num. Haec fere Lipsius. CREV.

U. C. 290. cumstantibus ereptus, et suorum animos turbavit, et ferociores hostes fecit. Qui, caede legati et consulis vulnere accensi, nulla deinde vi sustineri potuere, quum compulsi in castra Romani rursus obsiderentur, nec spe nec viribus pares: venissetque in periculum summa rerum, ni T. Quinctius peregrinis copiis, cum Latino Hernicoque exercitu, subvenisset. Is, intentos in castra Romana Aequos legatique caput ferociter ostentantes ab tergo adortus, simul ad signum a se procul editum ex castris eruptione facta, magnam vim hostium circumvenit. Minor caedes, fuga effusior Aequorum in agro fuit Romano: in quos palatos, praedam agentes, Postumius aliquot locis, quibus opportuna imposuerat praesidia, impetum dedit. Ii vagi, dissipato agmine fugientes, in Quinctium victorem, cum saucio consule revertentem, incidere. Tum consularis exercitus egregia pugna consulis vulnus, legati et cohortium ultus est caedem.

A T. Quinctio liberatur.

Magnae clades ultro citroque illis diebus et illatae et acceptae. Difficile ad fidem est in tam antiqua re, quot pugnaverint ceciderintve, exacto affirmare numero: audet tamen Antias Valerius concipere summas: Romanos cecidisse in Hernico agro quinque millia ac trecentos: ex praedatoribus Aequorum, qui populabundi in finibus Romanis vagabantur, ab A. Postumio consule duo millia et quadringentos caesos: ceteram multitudinem, praedam agentem, quae inciderit in Quinctium, nequaquam pari defunctam esse caede: interfecta inde quattuor millia, et, exsequendo subtiliter numerum, ducentos, ait, et triginta.

Ut Romam reditum et iustitium remissum est, coelum visum est ardere plurimo igni; portentaque alia aut obversata oculis, aut vanas exterritis ostentavere species. His avertendis terroribus in triduum feriae indictae, per quas omnia delubra pacem deum exposcentium virorum mulierumque turba implebantur. Cohortes inde Latinae Hernicaeque ab senatu, gratiis ob impigram militiam actis, remissae domos. Antiates, mille milites, quia serum aux-

1 *Quum compulsi*] *Quin.* CLER. et CREV. *Quin pulsi.* MS. Veith. Gronovio quoque pro *quum* ratio loquendi et orationis nexus imperare videbatur *quin*, sed *quum* bene se habet; pendet enim a *deinde*; accensi hostes *deinde*, *quum* rursus in castra compulsi Romani obsiderentur, nulla vi sustineri potuerunt. DOER. *Quin* in textum reposuit Bekker.

2 *Antias Valerius*] Historiarum

scriptor, Sisennae aequalis, teste Velleio, ii. 9. Vixit ergo Syllanis temporibus. Eius opus magnae molis fuit, cuius librum lxxv. memorat Gellius, vii. 9. Suspecta eius fides est Livio, qui eum arguit in numeris augendis intemperantissimum fuisse, xxxvi. 38. atque etiam mendacii plane arcessit, xxvi. 49. CREV.

3 *Antiates, mille milites*] sc. Colonos Antium nuper missos, trecentos

ilium post proelium venerant, prope cum ignominia dimissi. U. C. 290.
A. C. 462.

Comitia inde habita. Creati consules L. Aebutius, P. 6.

- 4 Servilius Kalendis Sextilibus, ut tunc principium anni agebatur, consulatum incunt. Grave tempus et forte annus pestilens erat urbi agrisque, nec hominibus magis, quam pecori; et auxere vim morbi, terrore populationis pecoribus agrestibusque in urbem acceptis. Ea colluvio mixtorum omnis generis animantium et odore insolito urbanos, et agrestem, confertum in arta tecta, aestu ac vigiliis angebat, ministeriaque in vicem ac contagio ipsa vulgabant morbos. Vix instantes sustinentibus clades repente legati Hernici nuntiant, in agro suo Aequos Volcosque coniunctis copiis castra posuisse: inde exercitu ingenti fines suos depopulari. Praeterquam quod infrequens senatus indicio erat sociis, afflictam civitatem pestilentia esse, maestum etiam responsum tulere: ‘ut per se ipsi Hernici cum Latinis res suas tutarentur. Urbem Romanam subita deum ira morbo populari. Si qua eius mali quies veniat, ut anno ante, ut semper alias, sociis opem laturos.’ Discessere socii, pro tristi nuntio tristiores domum referentes; quippe quibus per se sustinendum bellum erat, quod vix Romanis fulti viribus sustinuissent. Non diutius se in Hernico hostis continuit: pergit inde infestus in agros Romanos, etiam sine belli iniuria vastatos. Ubi quum obviis nemo, ne inermis quidem, fieret, perque omnia, non praesidiis modo deserta, sed etiam cultu agresti, transirent; pervenere ad tertium lapidem Gabina via. Mortuus Aebutius erat Romanus consul: collega eius Servilius exigua in spe trahebat animam: affecti plerique principum, Patrum maior pars, militaris fere aetas omnis: ut non modo ad expeditiones, quas in tanto tumultu res posebat, sed vix ad quietas stationes viribus sufficerent. Munus vigiliarum senatores, qui per aetatem ac valetudinem poterant, per se ipsi obibant: circuitio ac cura

U. C. 291.
A. C. 461.
L. Aebutio,
P. Servilio
Coss.

Pestis
Romae.

Aequi et
Volsci
praedantur.

Romanos, trecentos Latinos, quadringentos Hernicos, in hoc numero intelligi putat Niebhr. ii. 84.

4 *Anni*] Consularis; non civilis, cuius initium semper a Ianuario. Tempus autem solenne ineundis magistratibus multum variavit usque ad annum U. C. 599. quo statutum, ut Kal. Ian. consules magistratum inirent. Ca.

5 *Auxere vim morbi*] sc. Romani, Stronh. contra Drak. vocem *morbo* casu recto plurali accipi posse censet, ut supr. ii. 18. *consulares legere*. Equidem fateor sententiam Strothii mihi

magis placere, qui “non Livium solum sed omnes scriptores saepissime tertia persona pluralis numeri activae vocis uti, pro tertia persona singularis numeri passivae vocis” constare putat. Si in re tam nota exemplis opus sit, adeas infr. 23. 52. supr. i. 18. ii. 1, 2, 3.

6 *In urbem acceptis*] Haud aliter atque Athenis, cf. Thucyd. ii. 52. Hanc pestem, necnon illam Atheniensem, indigenas fuisse censet Niebhr. ii. p. 273.

7 *Cura*] sc. Vigiliarum. *Circuitio*

U. C. 291. aedilium plebei erat. Ad eos summa rerum ac maiestas 8
 A. C. 461. consularis imperii venerat. Deserta omnia, sine capite,
 7. sine viribus, dii praesides ac fortuna urbis tutata est,
 quae Volscis Aequisque, praedonum potius mentem,
 quam hostium, dedit. Adeo enim nulla spes non 9
 potiundi modo, sed ne adeundi quidem Romana moenia,
 animos eorum cepit, tectaque procul visa atque immi-
 nentes tumuli avertere mentes eorum; ut, totis passim
 castris fremitu orto, 'quid in vasto ac deserto agro inter 1
 'tabem pecorum hominumque desides sine praeda tempus
 'tererent, quum integra loca, Tusculanum agrum, opimum
 'copiis, petere possent?' signa repente convellerent, trans-
 versisque itineribus per Lavicanos agros in Tusculanos
 colles transirent. Eo vis omnis tempestasque belli con-
 versa est. Interim Hernici Latinique, pudore etiam, non
 misericordia solum, moti, si nec obstitissent communibus
 hostibus, infesto agmine Romanam urbem petentibus, nec
 opem ullam obsessis sociis ferrent, coniuncto exercitu
 Romam pergunt. Ubi quum hostes non invenissent, secuti
 famam ac vestigia, obvii fiunt descendantibus ab Tusculano
 in Albanam vallem. Ibi haudquaquam aequo proelio pug-
 natum est, fidesque sua sociis parum felix in praesentia
 fuit. Haud minor Romae fit morbo strages, quam quanta
 ferro sociorum facta erat. Consul, qui unus supererat,
 moritur: mortui et alii clari viri, M. Valerius, T. Vir-
 ginius Rutilus, augures; Ser. Sulpicius, curio maximus. 2
 Et per ignota capita late evagata est vis morbi: inopsque
 senatus auxilii humani, ad deos populum ac vota vertit.
 Iussi cum coniugibus ac liberis supplicatum ire, pacemque
 exposcere deum. Ad id, quod sua quemque mala coge- 3
 bant, auctoritate publica evocati, omnia delubra implent:
 stratae passim matres, crinibus templa verrentes, veniam
 irarum coelestium, finemque pesti exposcunt.

Latinos
vincunt.

8. Inde paullatim, seu pace deum impetrata, seu graviore
 tempore anni iam circumacto, defuncta morbis corpora sa-
 lubriora esse incipere: versisque animis iam ad publicam

erat, quod nos "the Round" appel-
 lamus. STROTH.

8 *Aedilium plebei*] Haec prima
 ap. Liv. mentio aedilium plebis. cf.
 supr. ii. 33. not.

9 *Adeo enim*] Volsci Romam op-
 pugnavere, si Dionysio fides. Sed
 urbs natura loci et validis munimentis
 defensa, facile vim hostium arcuit.
 CREV. cf. Dion. ix. 67.

1 *Fremitu orto*] Hoc verius in
 causa fuisse videtur, cur Volsci urbem
 oppugnare destiterint, sc. quod time-

rent ne contagio morbos in castra sua
 divulgaret.

2 *Curio maximus*] Unicuique tri-
 ginta curiarum, in quas divisam fuisse
 urbem vidimus supr. i. 13. suus fuit
curio, qui rem divinam pro suis curi-
 alibus faceret. Curionibus omnibus
 moderator quidam impositus erat, *cu-
 rio maximus*; qui quidem comitiis
 curiatis creabatur. CREV.

3 *Ad id, quod*] h. e. Praeterquam
 quod. cf. infr. 62. xlv. 37. DOER.

4 curam, quum aliquot interregna exissent, P. Valerius Pub- U. C. 292.
 licola tertio die, quam interregnum inierat, consules creat A. C. 460.
 L. Lucretium Tricipitinum et T. Veturium Geminum; L. Lucretio,
 5 sive ille Vetusius fuit. Ante diem tertium Idus Sextiles T. Veturio
 consulatum ineunt, iam satis valida civitate, ut non solum Coss.
 arcere bellum, sed ultro etiam inferre posset. Igitur nun-
 tiantibus Hernicis, in fines suos transcendisse hostes, im-
 pigre promissum auxilium. Duo consulares exercitus
 scripti. Veturius missus in Volscos ad bellum ultro infe- Volsci
 rendum. Tricipitinus, populationibus arcendis sociorum praedones,
 agro oppositus, non ultra, quam in Hernicos, procedit.
 Veturius primo proelio hostes fundit fugatque. Lucre-
 tium, dum in Hernicis sedet, praedonum agmen fefellit,
 supra montes Praenestinos ductum, inde demissum in cam-
 pos. Vastavere agros Praenestinum Gabinumque: ex Ga-
 bino in Tusculanos flexere colles. Urbi quoque Romae
 ingens praebitus terror, magis in re subita, quam quod ad
 6 arcendam vim parum virium esset. Q. Fabius praeerat
 urbi. Is, armata iuventute, dispositisque praesidiis, tuta
 omnia ac tranquilla fecit. Itaque hostes, praeda ex proxim-
 is locis rapta, appropinquare urbi non ausi, quum cir-
 cumactio agmine redirent, quanto longius ab urbe hostium
 abscederent, eo solutiore cura in Lucretium incidunt con-
 7 sulem, iam ante exploratis itineribus suis instructum, et ad
 certamen intentum. Igitur, praeparatis animis, repentino
 pavore percussos adorti, aliquanto pauciores multitudinem
 ingentem fundunt fugantque; et compulsos in cavas valles,
 quum exitus haud in facili essent, circumveniunt. Ibi Caesi.
 Volseum nomen prope deletum est. Tredecim millia qua-
 dringentos septuaginta cecidisse in acie ac fuga, mille du-
 centos quinquaginta vivos captos, signa viginti septem mi-
 litaria relata, in quibusdam annalibus invenio: ubi etsi
 adiectum aliquid numero sit, magna certe caedes fuit.
 Victor consul, ingenti praeda potitus, eadem in stativa re-
 diit. Tum consules castra coniungunt: et Volsci Aequi-
 que afflictas vires suas in unum contulere. Tertia illa

4 *Interregna*] Interregni origo su-
 pra memorata est a Livio, l. 17. post
 Romuli mortem. Et res, et nomen
 mansit etiam post pulsos reges.
 Quando nullus erat patricius magis-
 tratus, patricii coibant, et prodebant
 interregem, cuius imperium quinque
 diebus finiretur: quo elapso tempore,
 alius prodebatur interrex, et sic deinceps,
 donec creati consules forent.
 CREV.

5 *Vetusius*] Ut *Fusios*. cf. supr. 4.

6 *Praeerat urbi*] sc. Ut *Praefectus*
urbis: ab hoc usque tempore saepius
 hunc magistratum euidam mandatum
 videmus.

7 *Itineribus suis*] *Suis* suspectum
 habet Duker., at alii pro *eorum* posi-
 tum volunt. Doer. *suis* fortasse ad *in-*
structum non ad *itineribus* referen-
 dum censet, sub. *militibus*. Sed Li-
 vius alique, ut Drak. animadvertit,
 saepissime τὸ *suis* addiderunt, ubi
 tuto omitti potuisset.

U. C. 292. pugna eo anno fuit. Eadem fortuna victoriam dedit: fusis
A. C. 460. hostibus, etiam castra capta.

9. Sic res Romana in antiquum statum rediit: secundaeque
Lex Teren- belli res extemplo urbanos motus excitaverunt. C. Te-
tilla. rentillus Arsa tribunus plebis eo anno fuit. Is, consulibus
absentibus, ratus locum tribunicii actionibus datum, per
aliquot dies Patrum superbiam ad plebem criminatus, max-
ime in consulare imperium, tanquam nimium, nec tolera-
bile liberae civitati, invehebatur: 'nomine enim tantum
'minus invidiosum, re ipsa prope atrocius, quam regium,
'esse. Quippe duos pro uno domino acceptos, immoderata,
'infinita potestate: qui, soluti atque effrenati ipsi, omnes
'metus legum omniaque supplicia verterent in plebem.
'Quae ne aeterna illis licentia sit, legem se promulgatu-
'rum, ut quinqueviri creentur legibus de imperio consu-
'lari scribendis. Quod populus in se ius dederit, eo con-
'sulem usurum: non ipsos libidinem ac licentiam suam
'pro lege habituros.' Qua promulgata lege, quum time-
rent Patres, ne, absentibus consulibus, iugum acciperent,
senatus a praefecto urbis Q. Fabio vocatur: qui adeo atro-
citer in rogationem latoremque ipsum est invecus, ut nihil,
si ambo consules infesti circumstarent tribunum, relictum
minarum atque terroris sit: 'insidiatum cum, et tempore
'capto adortum rempublicam. Si quem similem eius priore
'anno, inter morbum bellumque, irati dii tribunum dedis-
'sent, non potuisse sisti. Mortuis duobus consulibus, ia-
'cente aegra civitate in colluvione omnium rerum, ad tol-
'lendum e republica consulare imperium laturum leges fu-
'isse; ducem Volscis Aequisque ad oppugnandam urbem
'futurum. Quid tandem? illi non licere, si quid consules
'superbe in aliquem civium aut crudeliter fecerint, diem
'dicere? accusare his ipsis iudicibus, quorum in aliquem
'saevitum sit? Non illud consulare imperium, sed tribu-
'niciam potestatem invisam intolerandamque facere: quam
'placatam reconciliatamque Patribus de integro in antiqua

8 *Terentillus*] *Terentilius* aut *Te-
rentilius* in codd. optimis occurrit.
Terentilius, ut *Quinctilius*, *Publilius*,
legendum censet Niebhr. ii. n. 634.
qui *Terentillum* omnino respuendum
ducit, ut nomen forma minime Ro-
mana, quippe nomina gentilicia Ro-
mana in *ius* semper terminabantur.
cf. Hugo. Gesch. des. Rom. Rechts. i.
§ 34. *Terentius* ap. Dion. x. i. legi-
tur.

9 *Arsa*] *Harsa* legendum suadet
Niebhr. ii. n. 634.

1 *Quinqueviri*] *Decemviri* ut Dion.

x. 3. quorum pars ex patriciis, pars
ex plebeis creanda erat, si Niebhr.
ii. p. 284 audiamus.

2 *Legibus de imperio consulari*]
Ap. Zonaram vii. 28, qui Dionem se-
quitur, τὴν πολιτείαν ἰσοτέραν ποιήσα-
σθαι, ap. Dion. x. 50. τοὺς νόμους κοι-
νοὺς γράφηναι, legis Terentiliae finem
fuisse legimus. Niebhr. censet tri-
plicem fuisse finem, et scriptoribus
aliis alium magis placuisse. ii. p. 278.

3 *Illud*] Nimirum quod tribunus
moliatur. DOER. *Illum* in textum re-
posuit Bekker.

‘redigi mala: neque illum se deprecari, quo minus pergat, U. C. 292.
 ‘ut coeperit. Vos,’ inquit Fabius, ‘ceteri tribuni, oramus, A. C. 460.
 ‘ut primum omnium cogitetis, potestatem istam ad singu-
 ‘lorum auxilium, non ad perniciem universorum, compara-
 ‘tam esse: tribunos plebis vos creatos, non hostes Patribus.
 ‘Nobis miserum, invidiosum vobis est, desertam rempub-
 ‘licam invadi. Non ius vestrum, sed invidiam, minueritis.
 ‘Agite cum collega, ut rem integram in adventum consu-
 ‘lum differat. Ne Aequi quidem ac Volsci, morbo ab-
 ‘sumptis priore anno consulibus, crudeli superboque nobis
 ‘bello institere.’ Agunt cum Terentillo tribuni: dilataque
 in speciem actione, re ipsa sublata, consules extemplo ar-
 cessiti.

Lucretius cum ingenti praeda, maiore multo gloria re-
 diit: et auget gloriam adveniens, exposita omni in campo
 Martio praeda, ut suum quisque per triduum cognitum ab-
 4 duceret. Reliqua vendita, quibus domini non exstiteret.
 Debebatur omnium consensu consuli triumphus: sed dilata
 res est, tribuno de lege agente. Id antiquius consuli fuit.
 Iactata per aliquot dies quum in senatu res, tum ad popu-
 lum est. Cessit ad ultimum maiestati consulis tribunus,
 et destitit: tum imperatori exercituique honos suus reddi-
 5 tus. Triumphavit de Volscis Aequisque: triumphantem Lucretius
 6 secutae suae legiones. Alteri consuli datum, ut ovans sine triumphat.
 militibus urbem iniret. Anno deinde insequenti lex Te-
 7 rentilla, ab toto relata collegio, novos aggressa consules est.
 Erant consules P. Volumnius, Ser. Sulpicius. Eo anno U. C. 293.
 coelum ardere visum; terra ingenti concussa motu est: A. C. 459.
 bovem locutam, cui rei priore anno fides non fuerat, credi- P. Volum-
 8 tum. Inter alia prodigia et carnem pluit: quem imbrem nio, Ser.
 Sulpicio
 Coss.

4 *Reliqua*] sc. Praedae, in neutro plurali, ut *reliqua belli*. ix. 16. DOER.

5 *Triumphavit*] Hunc esse e numero falsorum istorum triumphorum quos Cic. in libro suo de Clar. Orat. 16. perstringit, censet Niebhr. ii. p. 252. Quum enim Fasti Triumphales tandem, Augusto imperante, e mortuorum laudationibus compositi sint, in his, ut verbis Ciceronis utar, “multa scripta sunt quae facta non sunt: falsi triumphi, plures consulatus, genera etiam falsa.”

6 *Ovans*] *Ovatio*, minor triumphus. *Ovationis* nomen deducit Plut. in Marcello, ab *ovae* quae tum mactabatur, quum in maiore triumpho immolaretur taurus: Festus ab eo clamore quem faciunt redeuntes ex pugna victores milites geminata O littera. In ea describenda variant in

quibusdam scriptores; sed haec plurimum auctoritate firmantur: eum nempe, cui ovatio decreta fuerat, pedibus urbem ingressum esse; non toga picta neque trabea, sed praetexta tantum indutum; coronatum myrto, non lauro; et ingenti agmine tibicinum cinctum. Vid. plura apud Dion. v. 47. Plut. in Marcell. A. Gell. v. 6. Primus ovans urbem ingressus est P. Postumius Tubertus, anno ab exactis regibus septimo. cf. Dion. ibid. CREV.

7 *Terentilla*] *Terentilia*, littera quippe / Lombardica scriptura mirum quantum distat a littera i. cf. supr. 9.

8 *Carnem pluit*] Num vermes essent, rogat Niebhr. ii. n. 631. *Σαρκῶν θράσσματα*, ap. Dion. x. 2. *Carne* in textum reposuit Bekker. Equidem non intelligo, quid velit *carnis pluvia*,

U. C. 293. ingens numerus avium intervolitando rapuisse fertur: quod
 A. C. 459. intercidit, sparsum ita iacuisse per aliquot dies, ut nihil
 odor mutaret. Libri per duumviros sacrorum aditi: pe-
 rricula a conventu alienigenarum praedicta, ne qui in loca
 summa urbis impetus, caedesque inde fierent: inter cetera
 monitum, ut seditionibus abstineretur. Id factum ad im-
 pediendam legem, tribuni criminabantur, ingensque aderat
 certamen. Ecce (ut idem in singulos annos orbis volvere-
 tur) Hernici nuntiant, Volscos et Aequos, etsi accisae res
 sint, reficere exercitus; Antii summam rei positam; Ecce-
 trae Antiates colonos palam concilia facere: id caput, eas
 vires belli esse. Ut haec dicta in senatu sunt, delectus
 edicitur: consules belli administrationem inter se dispar-
 tiri iussi, alteri ut Volsci, alteri ut Aequi provincia esset.
 Tribuni coram in foro personare, 'Fabulam compositam
 'Volsci belli, Hernicos ad partes paratos. Iam ne virtute²
 'quidem premi libertatem populi Romani, sed arte eludi.
 'Quia, occidione prope occisos Volscos et Aequos movere
 'sua sponte arma posse, iam fides abierit, novos hostes
 'quaeri. Coloniam fidam, propinquam, infamem fieri. Bel-
 'lum innoxiiis Antiatibus indici, geri cum plebe Romana:
 'quam, oneratam armis, ex urbe praecipiti agmine acturi
 'essent, exsilio et relegatione civium ulciscentes tribunos.
 'Sic, ne quid aliud actum putent, victam legem esse; nisi,
 'dum in integro res sit, dum domi, dum togati sint, ca-
 'veant, ne possessione urbis pellantur, ne iugum accipiant.
 'Si animus sit, non defore auxilium. Consentire omnes
 'tribunos. Nullum terrorem externum, nullum periculum

Volsci et
 Aequi bel-
 lum instau-
 rant.

Conten-
 tiones do-
 mesticae.

sed apud Indos orientales notum est, pisces saepius in agros tanquam de coelo cadere. cf. Pr. Asiat. Soc. 1833, 1834. Val. Max. i. 6. Haud scio an *conservae* essent, quae e paludibus siccatis aliquando ventus tollit, et pluviae modo praecipitat.

9 *Libri*] Sibyllini. Hos scribit Dion. iv. 62. ad Tarquinium Superbum delatos esse a muliere quadam externa, quam plurimi Sibyllam Cumanam fuisse volunt. Hanc novem habuisse libros, quos quum rex nollet tanti emere, quanti illa indicaverat, abiisse mulierem, et tres libros exuisse: deinde pro sex reliquis idem persolvi sibi pretium postulavisse: ac multo magis aspernante rege, rursus tres ex superstitibus cremavisse, et pro tribus, qui iam soli restabant, tantum adhuc auri postulavisse, quantum primo petierat: regem admiratum ac religione tactum emisit. Hanc fabulam eodem modo multi narrant:

nisi quod plerique Tarquinio Prisco libros fuisse oblatos volunt: quidam etiam eos initio plures tribus non fuisse. Horum librorum mandata est duumviris cura, qui eos asservare conditos in cella subterranea in Capitolio, et in gravibus periculis, aut ob foeda et insolita prodigia, iussu senatus inspicere, eaque quae in iis reperissent, ad senatum referre, et exsequenda curare deberent. Horum sacerdotum postea numerus ad decem primo, teste Livio, vi. 37. et 42. deinde ad quindecim excrevit, unde collegio quindecim virorum nomen in perpetuum adhaesit; postremo etiam ad sexaginta, si credimus Servio ad Aen. vi. 73. CREV. cf. supr. ii. 19.

1 *Ut idem*] Ut eadem rerum conversio, eadem vices in singulos annos redirent. CREV.

2 *Ad partes*] Haec vox refertur ad *fabulam*, in qua actores *partes* suas agunt. CREV.

‘esse. Cavisse deos priore anno, ut tuto libertas defendi U. C. 293.
 ‘posset.’ Haec tribuni. At ex parte altera consules in A. C. 459.
 conspectu eorum, p̄sitis sellis, delectum habebant. Eo 11.
 decurrunt tribuni, concionemque secum trahunt. Citati
 pauci, velut rei experiundae causa: et statim vis coorta.
 Quemcunque lictor iussu consulisprehendisset, tribunus
 mitti iubebat: neque suum cuique ius modum faciebat, sed
 virium spe et manu obtinendum erat, quod intenderes.

Quemadmodum se tribuni gessissent in prohibendo de-
 3 lectu, sic Patres in lege, quae per omnes comitiales dies
 ferebatur, impedienda gerebant. Initium erat rixae, quum
 4 discedere populum iussissent tribuni, quod Patres se sum-
 5 moveri haud sinebant. Nec fere seniores rei intererant;
 quippe quae non consilio regenda, sed permissa temeritati
 audaciaeque esset. Multum et consules se abstinebant, ne
 cui in colluvione rerum maiestatem suam contumeliae
 offerrent. Kaeso erat Quinctius, ferox iuvenis, qua nobili- Kaeso
 tate gentis, qua corporis magnitudine et viribus. Ad ea Quinctius.
 munera, data a diis, et ipse addiderat multa belli decora,
 facundiamque in foro; ut nemo, non lingua, non manu,
 promptior in civitate haberetur. Hic, quum in medio
 Patrum agmine constitisset, eminens inter alios, velut
 omnes dictaturas consulatusque gerens in voce ac viribus
 suis, unus impetus tribunicios popularesque procellas sus-
 tinebat. Hoc duce, saepe pulsiforo tribuni, fusa ac fugata
 plebs est. Qui obvius fuerat, mulcatus nudatusque abibat:
 ut satis appareret, si sic agi liceret, victam legem esse.
 Tum, prope iam percussis aliis tribunis, A. Virginius, ex
 6 collegio unus, Kaesoni capitis diem dicit. Atrox ingenium Ei dies
 dicitur.
 accenderat eo facto magis, quam conterruerat: eo acrius
 obstare legi, agitare plebem, tribunos velut iusto per-
 7 sequi bello. Accusator pati reum ruere, invidiaeque flami-

3 *Per omnes comitiales dies*] *Per omnes nundinas* melius dixisset Livius, qui comitiales sive fastos dies per quos *populus curiatim* res tractabant, a nundinis quibus *plebs* ex agris in urbem *tributim* conveniebat, distinguere omisit. Sed postea lege Hortensia effectum ut nundinae fastae essent, Macroh. Saturn. i. 16. Niebhr. ii. p. 213.

4 *Discedere*] Ad suffragia ferenda. In septum quoddam, quod *ovile* dicebatur, unaquaeque tribus ex ordine, prout vocabatur, per pontes, sive angustas vias intrabat, ut suffragium daret, Crev. cf. supr. ii. 56.

5 *Se summoveri haud sinebant*] Nimirum obstinati in eodem vestigio perstabant cum clientium manu, ne

populus se in suas tribus digerere posset. Crev. Comitium enim, in quo populus sive patricii conveniebant, pars quaedam erat fori, et si quando plebs in suffragia mitteretur, tum patricii cum clientibus suis, quibus iam in centuriis, sed ante decemviratum non in tribubus, erat locus, in comitium se submovebant, ut plebi liberum arbitrium esset in ovilia discedendi.

6 *Capitis diem*] Ex lege Icilia, quae tribunum interpellari vetuit, supr. ii. 61. Dion. vii. 17. Qua, qui tribunum interpellasset eum vades dare cautum est, ut in iudicium capitis certo die se sisteret.

7 *Reum ruere*] Cic. Off. iii. 13. Emptorem pati ruere.

- U. C. 293. mam ac materiam criminibus suis suggerere: legem interim,
 A. C. 459. non tam ad spem perferendi, quam ad lacesendam Kaesonis temeritatem, ferre. Ibi multa, saepe ab iuventute inconsulte dicta factaque, in unius Kaesonis suspectum incidunt ingenium: tamen legi resistebatur. Et A. Virginius identidem plebi: 'Ecquid sentitis iam, vos, Quirites, Kaesonem 'simul civem et legem, quam cupitis, habere non posse? 'Quanquam quid ego legem loquor? libertati obstat: omnes Tarquinius superbia exsuperat. Exspectate, dum consul aut dictator fiat, quem privatum viribus et audacia 'regnantem videtis.' Assentiebantur multi, pulsatos se quereutes, et tribunum ad rem peragendam ultro incitabant.
12. Iam aderat iudicio dies, apparebatque, vulgo homines in damnatione Kaesonis libertatem agi credere. Tum demum coactus cum multa indignitate prensabat singulos: sequebantur necessarii, principes civitatis. T. Quinctius Capitolinus, qui ter consul fuerat, quum multa referret sua familiaeque decora, affirmabat: 'Neque in Quinctia gente, 'neque in civitate Romana tantam indolem tam maturae 'virtutis unquam exstitisse. Suum primum militem fuisse: 8
 'se saepe vidente pugnasse in hostem.' Sp. Furius, 'misum ab Quinctio Capitolino sibi eum in dubiis suis rebus 'venisse subsidio: neminem unum esse, cuius magis opera 'putet rem restitutam.' L. Lucretius, consul anni prioris, recenti gloria nitens, suas laudes participare cum Kaesone, memorare pugnas, referre egregia facinora, nunc in expeditionibus, nunc in acie: suadere et monere, 'iuvenem 'egregium, instructum naturae fortunaeque omnibus bonis, 'maximum momentum rerum eius civitatis, in quamcunque 'venisset, suum, quam alienum, mallent civem esse. Quod 'offendat in eo, fervorem et audaciam aetatem quotidie auferre; quod desideretur consilium, id in dies crescere. 'Senescentibus vitiis, maturescente virtute, sinerent tantum 'virum senem in civitate fieri.' Pater inter hos L. Quinctius, cui Cincinnato cognomen erat, non iterando laudes, ne cumlaret invidiam, sed veniam errori atque adolescentiae petendo, sibi, qui non dicto, non facto quemquam offendisset, ut condonarent filium, orabat. Sed alii aversabantur preces, aut verecundia, aut metu: alii, se suosque mulcatos quereutes, atroci responso iudicium suum prae-

8 *Suum primum*] Se duce prima stipendia fecisse: vel, primum locum inter suos milites virtute et rebus gestes tenuisse. CREV.

9 *Quinctius, cui Cincinnato cognomen erat*] Quod capillos in *cincinnos*, h. e. crines intortos in circulos et calamistratos, flecteret, ut docet Zonar.

vii. 18.

1 *Atroci responso iudicium suum praeferabant*] Atrociter respondentes iudicium sc. sententiam suam ante diem iudicii ferebant, vel etiam prae se ferebant, declarabant, indicabant, qualem die iudicii sententiam essent dicturi. RUP.

ferebant. Premebat reum, praeter vulgatam invidiam, crimen unum; quod M. Volscius Fictor, qui ante aliquot annos tribunus plebis fuerat, testis exstiterat, ‘Se haud multo post, quam pestilentia in urbe fuerat, in iuventutem, grassantem in Subura, incidisse. Ibi rixam natam esse, fratremque suum maiorem natu, necdum ex morbo satis validum, pugno ictum ab Kaesone cecidisse semianimem. Inter manus domum ablatum, mortuumque inde arbitrari: nec sibi rem exsequi tam atrocem per consules superiorum annorum licuisse.’ Haec Volscio clamitante, adeo concitati homines sunt, ut haud multum afuerit, quin impetu populi Kaeso interiret. Virginius arripi iubet hominem, et in vincula duci: patricii contra vi resistunt. T. Quinctius clamat, ‘Cui rei capitalis dies dicta sit, et de quo futurum propediem iudicium, eum indemnatum indicta causa non debere violari.’ Tribunus ‘supplicium’ negat sumpturum se de indemnato; servaturum tamen in vinculis esse ad iudicii diem: ut, qui hominem necaverit, de eo supplicii sumendi copia populo Romano fiat.’ Appellati tribuni medio decreto ius auxilii sui expediunt: in vincula coniici vetant: sisti reum, pecuniamque, nisi sistatur, populo promitti, placere pronuntiant. Summam pecuniae quantam aequum esset promitti, veniebat in dubium: id ad senatum reiicitur. Reus, dum consulerentur Patres, retentus in publico est. Vades dare placuit: unum vadem tribus millibus aeris obligarunt. Quot darentur, permisum tribunis est. Decem finierunt: tot vadibus accusator vadatus est reum. Hic primus vades publicos dedit: dimissus e foro nocte proxima in Tuscos in exsilium abiit.

U. C. 293.
A. C. 459.
13.

Kaeso in
exsilium
abit.

2 *Subura*] Vel *Suburra*, alias *Sucusa*, fuit regio urbis, a qua prima tribus urbana *Suburrana* dicta. CREV. *Subura* sub muro terreo Carinarum. *Subura*, Iunius scribit, ab eo, quod fuerit *sub* antiqua *urbe*, quod subest ei loco qui terreus murus vocatur: sed ego a pago potius *Sucusano* dictum puto *Sucusam*. Pagus *Sucusanus*, quod *succurrit* Carinis. Varro de L. L. iv. 8.

3 *Servaturum . . . in vinculis*] Negat Niebhr. ius ante decemviratum tribunis fuisse patricios in vincula ducendi, sed ap. Dion. vii. 17. legimus: Si quis tribunum interpellasset, neque vades dare voluisset, tum ex lege Icilia caput familiamque suam Cereri sacratam fieri.

4 *Medio decreto ius auxilii sui expediunt*] *Expediunt*, i. e. extricant. Tribuni metuebant ne, si omnino li-

berum et sui iuris Kaesonem dimisissent, plebs concitata sibi non obtemperaret: si patricio homini tribunium auxilium imploranti non auscultarent, ne iuris sui firmandi et augendae potestatis egregiam occasionem praetermitterent. Itaque decreto eiusmodi, quod et plebi aliquid, et Kaesoni concederet, huic accipiti periculo ius suum eximunt. CREV.

5 *Vades dare placuit*] “Qui in ius vocatus fuerit ab adversario, ni eo die finiverit negotium, vadimonium ei faciendum est, ut promittat se certo die sisti.” Inst. Gail iv. § 184.

6 *Unum vadem*] Decreverunt ut quilibet vas sponderet se tria millia aeris populo daturum, si Kaeso ad diem dictam non adesset. CREV.

7 *Vades publicos*] *Publico*, ex Gronovio emendatione, Niebhr. probat, qui vades *plebi* datos intelligit.

U. C. 293. Iudicii die quum excusaretur solum vertisse exsilii causa,
 A. C. 459. nihilo minus Virginio comitia habente, collegae appellati
 dimisere concilium: pecunia a patre exacta crudeliter, ut,⁸
 divenditis omnibus bonis, aliquamdiu trans Tiberim, veluti
 relegatus, devio quodam tugurio viveret.

14. Hoc iudicium et promulgata lex exercuit civitatem: ab
 externis armis otium fuit. Quum, velut victores, tribuni,
 percussis Patribus Kaesonis exsilio, prope perlatam esse
 crederent legem, et, quod ad seniores Patrum pertineret,⁹
 cessissent possessione reipublicae; iuniores, id maxime
 quod Kaesonis sodalium fuit, auxere iras in plebem, non
 minuerunt animos: sed ibi plurimum profectum est, quod
 modo quodam temperavere impetus suos. Quum primo
 post Kaesonis exsiliu lex coepta ferri est, instructi para-
 tique cum ingenti clientium exercitu sic tribunos, ubi pri-
 mum summoventes praebuere causam, adorti sunt, ut nemo
 unus inde praecipuum quicquam gloriae domum invidiaeve
 ferret; mille pro uno Kaesones exstitisse, plebes quereretur.
 Mediis diebus, quibus tribuni de lege non agerent, nihil
 iisdem illis placidius aut quietius erat: benigne salutare,
 alloqui plebis homines, domum invitare, adesse in foro,¹
 tribunos ipsos cetera pati sine interpellatione concilia
 habere: nunquam ulli, neque publice, neque privatim,
 truces esse, nisi quum de lege agi coeptum esset. Alibi
 popularis iuventus erat. Nec cetera modo tribuni tran-
 quillo peregere; sed refectioni quoque in insequentem annum.
 Ne voce quidem incommoda, nedum ut ulla vis fieret,
 paullatim permulcendo tractandoque mansuefecerant ple-
 bem. His per totum annum artibus lex elusa est.

Sodalium
 Kaesonis
 temperata
 comitate
 ferocia.

15. Accipiunt civitatem placidiorem consules C. Claudius,
 U. C. 294. Appii filius, et P. Valerius Publicola. Nihil novi novus
 A. C. 458. annus attulerat: legis ferendae aut accipiendae cura civi-
 C. Claudio, tatem tenebat. Quantum iuniores Patrum plebi se magis
 P. Valerio insinuabant, eo acrius contra tribuni tendebant, ut plebi
 II. Coss. suspectos eos criminando facerent. ‘Coniurationem fac-
 ‘tam, Kaesonem Romae esse: interficiendorum tribunorum,
 ‘trucidandae plebis consilia inita. Id negotii datum ab
 ‘senioribus Patrum, ut iuventus tribuniciam potestatem e
 ‘republica tolleret, formaque eadem civitatis esset, quae
 ‘ante Sacrum montem occupatum fuerat.’ Et ab Volscis
 et Aequis statum iam ac prope sollemne in singulos annos

⁸ *Exacta crudeliter*] cf. Niebhr. ii. p. 289. qui rem aliter se habuisse putat.

⁹ *Seniores . . . iuniores*] sc. Patres maiorum et minorum gentium: quippe Quinctia gens ex patribus maio- rum gentium erat, ut quae ex Albanis,

quos Tullus Hostilius in patres lege- rat. supr. i. 30. cf. Niebhr. ii. n. 668.

¹ *Adesse*] Iis litigantibus; causas eorum suscipere, aut certe auctoritate et gratia, tanquam advocati, iuvare. CREV.

bellum timebatur: propiusque aliud novum malum nec-
² opinato exortum. Exsules servique, ad quattuor millia ho-
 minum et quingenti, duce Ap. Herdonio Sabino, nocte
³ Capitolium atque arcem occupavere. Confestim in arce
 facta caedes eorum, qui coniurare et simul capere arma
 noluerant: alii inter tumultum praecipites pavore in forum
 devolant. Alternae voces, 'Ad arma,' et 'Hostes in urbe
 'sunt,' audiebantur. Consules et armare plebem, et iner-
 mem pati timebant. Incerti, quod malum repentinum,
 externum an intestinum, ab odio plebis, an ab servili
 fraude, urbem invasisset, sedabant tumultus, sedando in-
 terdum movebant: nec enim poterat pavida et consternata
 multitudo regi imperio. Dant tamen arma, non vulgo;
⁴ tantum ut, incerto hoste, praesidium satis fidum ad omnia
 esset. Solliciti reliquum noctis, incertique, qui homines,
 quantus numerus hostium esset, in stationibus disponendis
 ad opportuna omnis urbis loca, egere. Lux deinde aperuit
 bellum ducemque belli. Servos ad libertatem Ap. Herdo-
 nius ex Capitolio vocabat, 'Se miserrimi cuiusque susce-
 'pisse causam, ut exsules iniuria pulsos in patriam reduce-
 'ret, et servitiis grave iugum demeret. Id malle populo
 'Romano auctore fieri. Si ibi spes non sit, se Volscos, et
 'Aequos, et omnia extrema tentaturum et concitaturum.'
 Dilucere res magis Patribus atque consulibus. Praeter ea
 tamen, quae denuntiabantur, ne Veientium, neu Sabinorum
 id consilium esset, timere: et, quum tantum in urbe
 hostium esset, mox Sabinae Etruscaeque legiones ex com-
 posito adessent; tum aeterni hostes Volsci et Aequi, non
 ad populandos, ut ante, fines, sed ad urbem, ut ex parte
 captam, venirent. Multi et varii timores. Inter ceteros
 eminebat terror servilis, ne suus cuique domi hostis esset:
⁵ cui nec credere, nec, non credendo, ne infestior fieret, fidem
⁶ abrogare, satis erat tutum. Vixque concordia sisti vide-
⁷ batur posse: tantum superantibus aliis atque emergentibus

U. C. 294.

A. C. 458.

Herdonius
Capitolium
occupat.

16.

² *Quattuor millia hominum et quin-
 genti*] sc. Legio Romana ex quinque
 cohortibus; cohors vero xxx centu-
 rias; centuria xxx milites habebat,
 postquam tribus triginta effectae sunt.

³ *Arcem occupavere*] Tiberim ra-
 tibus delati per Carmentalem portam
 quae semper aperta erat, viam in Ca-
 pitolium moliti sunt.

⁴ *Incerto hoste*] Quum adhuc es-
 set incertum, quis hostis esset; ut
 alii ablativi passim, ubi particip. verbi
 substantivi omissum est. Rur.

⁵ *Fidem abrogare*] Non habere
 fidem, non credere. Sic Cic. pro Q.
 Rosc. 44. *quibus abroges fidem iuris-*

iurandi, i. e. quibus fidem habendam
 in iureiurando neget: et Acad. Quaest.
 iv. 36. *aequaliter omnibus abrogatur
 fides*, id est, nulli creditur. Reciden-
 dum ergo hic videtur inane glossema,
non credendo. CREV.

⁶ *Vixque concordia sisti*] Vixque,
 etiam concordiae manente civitate, vi-
 debatur resisti posse huic malo.
 CREV.

⁷ *Atque emergentibus*] *Ac emer-
 gentibus* Drak. et Bekker. sed raro
 admodum, et fortasse nunquam parti-
 culam *ac* reperias apud Ciceronem,
 Livium, Virgilium, et alios aeneae
 Latinitatis scriptores, locatam ante

U. C. 294.
A. C. 458.

Tribuni
vetant arma
sumi in
Herdonium.

17.
Valerius
Cos. invenitur
in tribunis.

malis, nemo tribunos aut plebem timebat. Mansuetum id malum, et per aliorum quietem malorum semper exorians, tumque esse peregrino terrore sopitum videbatur. At id prope unum maxime inclinatis rebus incubuit: tantus enim tribunos furor tenuit, ut non bellum, sed vanam imaginem belli, ad avertendos ab legis cura plebis animos, Capitolium insedissem contenderent: patriciorum hospites clientesque, si perlata lege frustra tumultuatos esse se sentiant, maiore, quam venerint, silentio abituros. Concilium inde legi perferendae habere, avvocato populo ab armis. Senatum interim consules habent, alio se maiore ab tribunis metu ostendente, quam quem nocturnus hostis intulerat. Postquam arma poni, et discedere homines ab stationibus nuntiatum est, P. Valerius, collega senatum retinente, se ex curia proripit, inde in templum ad tribunos venit: 'Quid hoc rei est,'⁸ inquit, 'tribuni? Ap. Herdonii ductu et auspicio rempublicam eversuri estis? Tam felix vobis corrumpendis fuit, 'qui servitia vestra non commovit auctor? Quum hostes 'supra caput sint, discedi ab armis, legesque ferri placet?' Inde ad multitudinem oratione versa: 'Si vos urbis, Quirites, si vestri nulla cura tangit; at vos veremini deos 'vestros, ab hostibus captos. Iupiter optimus maximus, 'Iuno regina, et Minerva, alii dii deaeque obsidentur: castra 'servorum publicos vestros penates tenent. Haec vobis 'forma sanae civitatis videtur? Tantum hostium non solum 'intra muros est, sed in arce supra forum curiamque. 'Comitia interim in foro sunt: senatus in curia est: velut 'quum otium superat, senator sententiam dicit: alii Quirites suffragium ineunt. Non, quicquid Patrum plebisque 'est, consules, tribunos, deos, hominesque omnes armatos,⁹ 'opem ferre, in Capitolium currere, liberare ac pacare augustissimam illam domum Iovis optimi maximi decuit? 'Romule pater, tu mentem tuam, qua quondam arcem, ab 'his iisdem Sabinis auro captam, recepisti, da stirpi tuae: 'iube hanc ingredi viam, quam tu dux, quam tuus ingressus 'exercitus est. Primus, en, ego consul, quantum mortalis 'deum possum, te, ac tua vestigia sequar.' Ultimum orationis fuit, 'Se arma capere, vocare omnes Quirites ad 'arma: si quis impediatur, iam se consularis imperii, iam

vocalem. Scripturae Sorbonici ac Victorini codd. *ac mergentibus*, nempe rempublicam, favet. CREV.

8 *Templum*] Haec comitia in foro habebantur. *Comitia interim in foro sunt*, inquit Valerius in oratione mox secutura. Itaque templum, de quo hic agitur, vel comitium est, vel suggestum ex quo tribuni ad populum

concionabantur. CREV. cf. supr. ii. 56.

9 *Deos*] *Cives* reponendum vult I. Fr. Gronov., quo gradatio concinnior sit: sed nihil opus est, quoniam, patres plebi, consules tribunis, Dii hominibus, contrariis contraria, opponuntur, idemque intelligunt, quod *omnes omnino*, ut Duker censet.

1 *Iam se consularis imperii* ... ob-

‘tribuniciae potestatis sacratarumque legum oblitum, quis- U. C. 294.
 ‘quis ille sit, ubicunque sit, in Capitolio, in foro, pro hoste A. C. 458.
 ‘habitum. Iuberent tribuni, quoniam in Ap. Herdonium
 ‘vetarent, in P. Valerium consulem sumi arma: ausurum
 2 ‘se in tribunis, quod princeps familiae suae ausus in regi-
 ‘bus esset.’ Vim ultimam apparebat futuram, spectaculo-
 que seditionem Romanam hostibus fore: nec lex tamen ferri,
 nec ire in Capitolium consul potuit. Nox certamina coepta
 oppressit: tribuni cessere nocti, timentes consulum arma.
 Amotis inde seditionis auctoribus, Patres circumire plebem,
 inferentesque se in circulos, sermones temporis aptos serere:
 admonere, ‘Ut viderent, in quod discrimen rempublicam
 ‘adducerent. Non inter Patres ac plebem certamen esse,
 ‘sed simul Patres plebemque, arcem urbis, templa deorum,
 ‘penates publicos privatosque hostibus dedi.’ Dum haec in
 foro sedandae discordiae causa aguntur, consules interim,
 ne Sabini, ne Veiens hostis moveretur, circa portas muros-
 que discesserant.

Eadem nocte et Tusculum de arce capta Capitolioque 18.
 occupato, et alio turbatae urbis statu nuntii veniunt. L.
 Mamilius Tusculi tum dictator erat. Is, confestim con-
 vocato senatu, atque introductis nuntiis, magno opere
 censet, ‘Ne exspectent, dum ab Roma legati, auxilium
 ‘petentes, veniant: periculum ipsum, discrimenque, ac
 3 ‘sociales deos, fidemque foederum id poscere. Demerendi
 ‘beneficio tam potentem, tam propinquam civitatem, nun-
 ‘quam parem occasionem daturus deos.’ Placet ferri aux-
 ilium: iuventus conscribitur; arma dantur. Romam prima
 luce venientes, procul speciem hostium praebuere. Aequi
 aut Volsci venire visi sunt. Deinde, ubi vanus terror
 abiit, accepti in urbem, agmine in forum descendunt. Ibi
 iam P. Valerius, relicto ad portarum praesidia collega, in-
 struebat aciem. Auctoritas viri moverat, affirmantis, ‘Ca-
 4 ‘pitolio recuperato, et urbe pacata, si edoceri se sissent,
 ‘quae fraus ab tribunis occulta in lege ferretur, memorem
 ‘se maiorum suorum, memorem cognominis, quod populi
 ‘colendi velut hereditaria cura sibi a maioribus tradita
 ‘esset, concilium plebis non impediturum.’ Hunc ducem
 secuti, nequicquam reclamantibus tribunis, in clivum Capi-
 Tuscullani
 Romanis
 auxilium
 ferunt.
 Pugna ad-
 versus Her-
 donium.

litum] Oblitum quid esset consulare imperium, quibus limitibus contineretur; et eodem agentem modo, quo, si consul infinita esset potestate, et imperium sine provocatione haberet. CREV.

2 *Princeps familiae*] sc. Pater eius P. Valerius Publicola, quem Livius haud satis memor temporum huius Valerii, ex sua aetate locutus, principem fa-

miliae eius appellat, sicut cap. seq. maiorum suorum. Stron.

3 *Sociales deos*] Deos arbitros et testes pactorum quibus socii inter se devincti sunt.

4 *Si edoceri se sissent*] Si se sissent edoceri, quoniam in lege, quam ferebant tribuni, occulta fraus lateret. CREV.

U. C. 294.
A. C. 458.

Valerius
Cos. occi-
ditur.

Recupe-
ratur Ca-
pitoliū.

19.

Suffectus
Valerio
L. Quinc-
tius.

Invehitur
in tribunos.

tolinum erigunt aciem. Adiungitur et Tusculana legio. Certare socii civesque, utri recuperatae arcis suum decus facerent. Dux uterque suos adhortatur. Trepidare tum hostes: nec ulli satis rei, praeterquam loco, fidere. Trepidantibus inferunt signa Romani sociique. Iam in vestibulum perruperant templi, quum P. Valerius, inter primores pugnam ciens, interficitur. P. Volumnius consularis vidit cadentem. Is, dato negotio suis, ut corpus obtegerent, ipse in locum vicemque consulis provolat. Prae ardore impetuque tantae rei sensus non pervenit ad militem: prius vicit, quam se pugnare sine duce sentiret. Multi exsul⁵ caede sua foedavere templum; multi vivi capti; Herdonius interfectus. Ita Capitolium recuperatum. De captivis, ut quisque liber aut servus esset, suae fortunae a quoque⁶ sumptum supplicium est. Tusculanis gratiae actae: Capitolium purgatum atque lustratum. In consulis domum plebes quadrantes, ut funere ampliore efferretur, iactasse fertur.

Pace parta, instare tum tribuni Patribus, 'ut P. Valerii fidem exsolverent:' instare Claudio, 'ut collegae deos⁷ Manes fraude liberaret, agi de lege sineret.' Consul, 'antequam collegam sibi subrogasset,' negare, 'passurum agi de lege.' Hae tenere contentiones usque ad comitia consulis subrogandi. Decembri mense, summo Patrum⁸ studio, L. Quinctius Cincinnatus, pater Kaesonis, consul creatur, qui magistratum statim occiperet. Perculsa erat⁹ plebes, consulem habitura iratum, potentem favore Patrum, virtute sua, tribus liberis, quorum nemo Kaesoni cedebat magnitudine animi; consilium et modum adhibendo, ubi res posceret, priores erant. Is, ut magistratum iniit, assiduis concionibus pro tribunali, non in plebe coercenda, quam senatu castigando, vehementior fuit: 'cuius ordinis languore perpetui iam tribuni plebis, non ut in republica populi Romani, sed ut in perdita domo, lingua crimini-⁹ busque regnarent. Cum Kaesone filio suo virtutem, constantiam, omnia iuventutis belli domique decora pulsa ex urbe Romana et fugata esse: loquaces, seditiosos, semina discordiarum, iterum ac tertium tribunos pessimis artibus

⁵ *Multi exsulum*] In horum numero Kaesonem fuisse existimat Niebhr. quum infr. 25. "Kaesonem neque Quinctiae familiae, neque reipublicae restitui posse" legimus. cf. Niebhr. ii. n. 673. Wachsm. p. 347. Dion. x. 14.

⁶ *Suae fortunae*] Servile supplicium, crux: liberi homines, ut plurimum, securi percutiebantur. CREV.

⁷ *Ut collegae deos Manes*] Ut collegam mortuum fraudis crimine liberaret, praestando fidem ab illo datam. CREV.

⁸ *Summo Patrum studio*] cf. Niebhr. ii. n. 425. Dion. x. 17.

⁹ *Qui . . . statim*] Quippe consules ordinarii his temporibus Kal. Sextil. magistratum occeperunt. RUF. cf. supr. 6.

‘regia licentia vivere. A.’ inquit, ‘ille Virginius, quia in U. C. 294.
 ‘Capitolio non fuit, minus supplicii, quam Ap. Herdonius, A. C. 458.
 ‘meruit? plus hercule aliquanto, qui vere rem aestimare
 ‘velit. Herdonius, si nihil aliud, hostem se fatendo prope
 ‘denuntiavit, ut arma caperetis: hic, negando bella esse,
 ‘arma vobis ademit, nudosque servis vestris et exsulibus
 ‘obiecit. Et vos (C. Claudii pace, et P. Valerii mortui
 ‘loquar) prius in clivum Capitolinum signa intulistis, quam
 ‘hos hostes de foro tolleretis? Pudet deorum hominum-
 ‘que. Quum hostes in arce, in Capitolio essent, exsulum
 ‘et servorum dux, profanatis omnibus, in cella Iovis optimi
 ‘maximi habitaret, Tusculi ante, quam Romae, sumpta
 ‘sunt arma. In dubio fuit, utrum L. Mamilius Tuscula-
 ‘nus dux, an P. Valerius et C. Claudius consules Roma-
 ‘nam arcem liberarent: et qui ante Latinos, ne pro se qui-
 ‘dem ipsis, quum in finibus hostem haberent, attingere
 ‘arma passi sumus; nunc, nisi Latini sua sponte arma
 ‘sumpsissent, capti et deleti eramus. Hoc est, tribuni,
 ‘auxilium plebi ferre, inermem eam hosti trucidandam ob-
 ‘iicere? Scilicet, si quis vobis humillimus homo de vestra
 ‘plebe, (quam partem, velut abruptam a cetero populo,
 ‘vestram patriam peculiaremque rempublicam fecistis) si
 ‘quis ex his domum suam obsessam a familia armata nun-
 ‘tiaret, ferendum auxilium putaretis. Iupiter optimus maxi-
 ‘mus, exsulum atque servorum saeptus armis, nulla humana
 ‘ope dignus erat? Et hi postulant, ut sacrosancti habe-
 1 ‘antur, quibus ipsi dii neque sacri, neque sancti sunt? At
 2 ‘enim, divinis humanisque obruti sceleribus, legem vos hoc
 ‘anno perluturos dictitatis? Tum hercule illo die, quo ego
 ‘consul sum creatus, male gesta respublica est, peius mul-
 ‘to, quam quum P. Valerius consul periit, si tuleritis. Iam
 ‘primum omnium,’ inquit, ‘Quirites, in Volscos et Aequos
 ‘mihi atque collegae legiones ducere in animo est. Nescio
 ‘quo fato magis bellantes, quam pacati, propitios habemus
 ‘deos. Quantum periculum ab illis populis fuerit, si Ca-
 ‘pitolium ab exsulibus obsessum scissent, suspicari de prae-
 ‘terito, quam re ipsa experiri, est melius.’

Moverat plebem oratio consulis: erecti Patres restitutam
 credebant rempublicam: consul alter, comes animosior,
 quam auctor, suscepisse collegam priorem actionem tam
 3 gravis rei facile passus, in peragendis consularis officii par-

20.

1 *Neque sacri, neque sancti sunt*] *Sacrum* est id quod religio consecra-
 vit: *sanctum*, quod ne violetur, sanc-
 tione cautum est. Itaque *sanctus*
 minus valet, quam *sacer*. CREV.

2 *Legem vos . . . perluturos . . .*
si tuleritis] *Ferre* legem et *perferre*

hoc differunt, quod *is fert* legem, qui
 eam proponit populo sciscendam;
perfert is qui hoc assequitur, ut illa
 a populo accipiatur, iubeatur. CREV.

3 *In peragendis*] In iis quae per-
 agenda erant: ubi peragere opus foret
 ea, quorum auctor Quintius erat, con-

U. C. 294.
A. C. 458.
Religiosa
iurisiurandi
reverentia.

tem ad se vindicabat. Tum tribuni, eludentes velut vana dicta, persequi quaerendo, 'quonam modo exercitum educ-
'turi consules essent, quos delectum habere nemo passurus
'esset? Nobis vero,' inquit Quinctius, 'nihil delectu opus
'est; quum, quo tempore P. Valerius ad recipiendum Ca-
'pitoliū arma plebi dedit, omnes in verba iuraverint, con-
'venturos se iussu consulis, nec iniussu abituros. Edicimus
'itaque, omnes, qui in verba iurastis, crastina die armati
'ad lacum Regillum adsitis.' Cavillari tum tribuni, et po-
pulum exsolvere religione velle: 'privatum eo tempore
'Quinctium fuisse, quum sacramento adacti sint.' Sed
nondum haec, quae nunc tenet saeculum negligentia deum
venerat: nec interpretando sibi quisque iusiurandum et
leges aptas faciebat, sed suos potius mores ad ea accommo-
dabat. Igitur tribuni, ut impediendae rei nulla spes erat,
de proferendo exitu agere: eo magis, quod, 'et augures 4
'iussos adesse ad Regillum lacum,' fama exierat, 'locum- 5
'que inaugurari, ubi auspicato cum populo agi posset; ut,
'quicquid Romae vi tribunicia rogatum esset, id comitiis
'ibi abrogaretur. Omnes id iussuros, quod consules vel-
'lent: neque enim provocationem esse longius ab urbe
'mille passuum: et tribunos, si eo adveniant, in alia turba
'Quiritium subiectos fore consulari imperio.' Terrebant
haec: sed ille maximus terror animos agitabat, quod sae-
pius Quinctius dictitabat, 'Se consulum comitia non habi-
'turum. Non ita civitatem aegram esse, ut consuetis re-
'mediis sisti possit. Dictatore opus esse reipublicae, ut,
'qui se moverit ad sollicitandum statum civitatis, sentiat,
'sine provocatione dictaturam esse.'

21. Senatus in Capitolio erat. Eo tribuni cum perturbata
plebe veniunt. Multitudo clamore ingenti, nunc consu-
lum, nunc Patrum, fidem implorant: nec ante moverunt
de sententia consulem, quam tribuni, se in auctoritate Pa-
trum futuros esse, polliciti sunt. Tunc, referente consule
de tribunorum et plebis postulatis, senatusconsulta fiunt,
'Neque tribuni legem eo anno ferrent, neque consules ab
'urbe exercitum educerent. In reliquum magistratus con-
'tinuari, et eosdem tribunos refici, iudicare senatum contra
'republicam esse.' Consules fuere in Patrum potestate:
tribuni, reclamantibus consulibus, refecti. Patres quoque,

sulem agebat, consulis partes imple-
bat. CREV.

4 *De proferendo exitu*] sc. Ex-
ercitus. Plerique edd. *de proferendo
exercitu*. Perizon. coniiciebat *de pro-
ferendo exitu*. I. Fr. Gronov. *perter-
rendo*, sed haec coniectura vix satis
probanda videtur. Haud dubie de

proferenda die exercitus ad Regillum
lacum educendi nunc agitur.

5 *Ad Regillum lacum*] Leges in
quovis loco inaugurato ferri poterant,
atque *exercitus in acie* idem atque
exercitus vocatus, sive centuriae in
Campo Martio convocatae, valebat.

6 ne quid cederent plebi, et ipsi L. Quinctium consulem re- U. C. 294.
 ficiebant. Nulla toto anno vehementior actio consulis fuit. A. C. 458.
 'Mirer,' inquit, 'si vana vestra, Patres conscripti, auctori- Quinctius
 7 'tas ad plebem est? Vos elevatis eam. Quippe, quia plebs senatum
 'senatusconsultum in continuandis magistratibus solvit, ipsi castigat.
 'quoque solutum vultis, ne temeritati multitudinis cedatis:
 'tanquam id sit plus posse in civitate, plus levitatis ac li-
 'centiae habere. Levius enim vaniusque profecto est, sua
 'decreta et consulta tollere, quam aliorum. Imitamini,
 'Patres conscripti, turbam inconsultam: et, qui exemplo
 'aliis esse debetis, aliorum exemplo peccetis potius, quam
 'alii vestro recte faciant; dum ego ne imiter tribunos, nec
 'me contra senatusconsultum consulem renuntiari patiar.
 'Te vero, C. Claudii, adhortor, ut et ipse populum Roma-
 'num hac licentia arceas: et de me hoc tibi persuadeas,
 'me ita accepturum, ut non honorem meum a te impedi-
 'tum, sed gloriam spreti honoris auctam, invidiamque, quae
 'ex continuato eo impenderet, levatam putem.' Commu-
 niter inde edicunt, 'Ne quis L. Quinctium consulem fa-
 8 'ceret: si quis fecisset, se id suffragium non observaturos.'
 9 Consules creati Q. Fabius Vibulanus tertium et L. Cor- 22.
 nelius Maluginensis. Census actus eo anno: lustrum, U. C. 295.
 propter Capitolium captum, consulem occisum, condi reli- A. C. 457.
 giosum fuit. Q. Fabio
 III. L. Cor-
 nelio Coss.

Q. Fabio, L. Cornelio consulibus, principio anni statim
 res turbulentae. Instigabant plebem tribuni. Bellum in-
 gens a Volscis et Aequis Latini atque Hernici nuntiabant:
 iam Antii Volscorum legiones esse. Et ipsam coloniam
 ingens metus erat defecturam: aegreque impetratum a tri-
 1 bunis, ut bellum praeverti sinerent. Consules inde partiti
 provincias. Fabio, ut Antium legiones duceret, datum:
 Cornelio, ut Romae praesidio esset; ne qua pars hostium,
 qui Aequis mos erat, ad populandum veniret. Hernici et
 Latini iussi milites dare ex foedere: duaeque partes so-
 ciorum in exercitu, tertia civium fuit. Postquam ad diem
 praestitutum venerunt socii, consul extra portam Capenam Bellum
 castra locat. Inde, lustrato exercitu, Antium profectus, cum Vol-
 scis.
 haud procul oppido stativisque hostium consedit. Ubi
 quum Volsci, quia nondum ab Aequis venisset exercitus,
 dimicare non ausi, quemadmodum quieti vallo se tutaren-
 tur, pararent; postero die Fabius, non permixtam unam

6 *Et ipsi . . . reficiebant*] h. e. Re-
 ficere volebant. *Ipsi* sc. patres curia-
 tis comitibus. cf. Niebhr. ii. n. 396.

7 *Elevatis*] Vos eam minuitis. cf.
 infr. ix. 37. xxvi. 27.

8 *Non observaturos*] Nullam eius

rationem habituros. RUP.

9 *Vibulanus*] Cognomen Quinti
 Fabii, univ. gentis stirpis,
 hic primum legitur.

1 *Bellum praeverti*] Belli priorem
 curam geri, quam legis. CREV.

U. C. 295. sociorum civiumque, sed trium populorum tres separatim
 A. C. 457. acies circa vallum hostium instruxit. Ipse erat medius cum
 legionibus Romanis. Inde signum observare iussit, ut pa-
 riter et socii rem inciperent, referrentque pedem, si rece-
 ptui cecinisset. Equites item suae cuique parti post prin-²
 cipia collocat. Ita trifariam adortus castra circumvenit:³
 Vincuntur et, quum undique instaret, non sustinentes impetum Vol-
 Volsci. scos vallo deturbat. Transgressus inde munitiones, pavidam
 turbam inclinatamque in partem unam castris expellit.
 Inde effuse fugientes eques, cui superare vallum haud fa-
 cile fuerat, quum ad id spectator pugnae astitisset, libero
 campo adeptus, parte victoriae fruitur, territos caedendo.
 Magna et in castris et extra munimenta caedes fugientium
 fuit: sed praeda maior; quia vix arma secum efferre hostis
 potuit: deletusque exercitus foret, ni fugientes silvae tex-
 issent.

23.

Arx Tuscu-
 lana ab
 Aequis cap-
 ta.

Auxilio Ro-
 manorum
 recepta.

Dum ad Antium haec geruntur, interim Aequi, robore
 iuventutis praemisso, arcem Tusculanam improvise nocte
 capiunt: reliquo exercitu haud procul moenibus Tusculi
 considunt, ut distenderent hostium copias. Haec celeriter
 Romam, ab Roma in castra Antium perlata, movent Ro-
 manos haud secus, quam si Capitolium captum nuntiaretur:
 adeo et recens erat Tusculanorum meritum, et simili-
 tudo ipsa periculi reposcere datum auxilium videbatur.
 Fabius, omissis omnibus, praedam ex castris raptim An-
 tium convehit. Ibi modico praesidio relicto, citatum ag-
 men Tusculum rapit. Nihil praeter arma, et quod cocti
 ad manum fuit cibi, ferre militi licuit. Commeatum ab
 Roma consul Cornelius subvehit. Aliquot menses Tusculi
 bellatum. Parte exercitus consul castra Aequorum op-
 pugnabat: partem Tusculanis dederat ad arcem recupe-
 randam. Vi nunquam eo subiri potuit. Fames postremo
 inde detraxit hostem. Quo postquam ventum ad extre-
 mum est, inermes nudique omnes sub iugum ab Tusculanis
 missi. Hos, ignominiosa fuga domum se recipientes, Ro-
 manus consul in Algido consecutus, ad unum omnes occi-
 dit. Victor ad Columen (id loco nomen est) exercitu re-⁴
 licto castra locat. Et alter consul, postquam moenibus iam

2 *Suae cuique parti*] Planius foret
 vel *suae quosque parti*, vel *suos cui-
 que parti*. Tamen et Livius itidem,
 si editis fidem habeamus, xxv. 17.
motibus . . suae cuique genti assuetis;
 xxvi. 29; et Virg. Ecl. vii. 54. *sua
 quaeque sub arbore poma*. An dice-
 mus haec quoque vitiosa esse: et apud
 Livium legi debere *motibus . . suae
 quibusque genti assuetis*; apud Vir-
 gilium, *sua quaque sub arbore poma*?

CREV. Sabellicus malebat *suae quem-
 que parti*, et I. Fr. Gronov. *sua*, sc.
principia, cuique parti, quod in tex-
 tum reposuit Bekker.

3 *Post principia*] Post primam
 aciem, quae tota ex peditibus erat.
 Eandem locutionem notavimus supr.
 ii. 65. CREV.

4 *Exercitu relicto*] Legendum vi-
 detur *reducto*. Vox *relicto* procul du-
 bio vitiosa est. CREV.

Romanis, pulso hoste, periculum esse desierat, et ipse ab Roma profectus. Ita bifariam consules ingressi hostium fines, ingenti certamine hinc Volscos, hinc Aequos populantur. Eodem anno descisse Antiates, apud plerosque auctores invenio. L. Cornelium consulem id bellum gessisse, oppidumque cepisse, certum affirmare, quia nulla apud vetustiores scriptores eius rei mentio est, non ausim.

Hoc bello perfecto, tribunicium domi bellum Patres ter-
 6 ritat. Clamant, 'fraude fieri, quod foris teneatur exer-
 6 'citus: frustrationem eam legis tollendae esse: se nihilo-
 6 'minus rem susceptam peracturos.' Obtinuit tamen P.
 7 Lucretius praefectus urbis, ut actiones tribuniciae in ad-
 8 ventum consulum differrentur. Erat et nova exorta causa
 8 motus. A. Cornelius et Q. Servilius quaestores M. Vol-
 scio, quod falsus haud dubie testis in Kaesonem exstitisset,
 diem dixerant. Multis enim emanabat indiciis, neque
 fratrem Volscii, ex quo semel fuerit aeger, unquam non
 modo visum in publico, sed ne assurrexisse quidem ex mor-
 bo, multorumque tabe mensium mortuum: nec his tem-
 poribus, in quae testis crimen coniecisset, Kaesonem Ro-
 9 mae visum: affirmantibus, qui una meruerant, secum cum
 9 tum frequentem ad signa sine ullo commeatu fuisse. Ni
 1 ita esset, multi privatim ferebant Volscio iudices. Quum

24.

Tribuni-
ciae conten-
tiones.

5 *Descisse Antiates*] Haec perperam
 narrantur, quippe Antium venia Ro-
 manorum in suam potestatem redie-
 rat, ut quae urbs in amicitia Roma-
 norum per annos ferme cxx. manserit.
 Niebhr. ii. p. 254.

6 *Frustrationem eam legis tollendae
 esse*] Haec specie, hoc colore fraudu-
 lenter uti patricios tollendae legis
 causa. CREV. cf. infr. 31. *quaeque
 exaequandae libertatis essent.* et 39.

7 *Publius Lucretius*] Suspectum
 est praenomen *Publius* pro *Lucius*,
 qui triennio ante consul fuerat. Nam
 omnes praefecti urbis ante hoc tem-
 pus consulares fuerunt. DEKER. Haec
 coniectura Niebuhrum admodum pla-
 cet, qui praefectos urbis consulares
 fuisse ante decemviratum animadver-
 tit, ii. n. 55.

8 *Quaestores*] sc. Parricidii, ut
 supr. ii. 41.

9 *Sine ullo commeatu*] h. e. Ita ut
 nunquam inde Roman aut alio pas-
 sim discederet, atque iterum reverte-
 retur. supr. i. 57.

1 *Ni ita esset*] Nisi ita se res ha-
 beret, et si Volscius hoc negaret, (for-
 mula, in quam dabatur iudicium, et
 solennis in sponsionibus, in quibus
 sacramento, h. e. certa pecunia de-

posita vel promissa, quis cum aliquo
 contendebat.) RUP.

2 *Privatim*] Praeter quaestores,
 qui publice et vi magistratus sui Vol-
 scium accusabant, multi privatim et
 suo nomine eum in ius vocabant, et
 coram iudice secum disceptare iube-
 bant, spondendo se certam quandam
 pecuniae summam daturos, si reus
 probaret non ita se rem habere. In
 intentione litis actor et reus se mutuo
 sponsione provocabant; et utrique
 necesse erat spondere, se, nisi rem
 probaret ita esse quemadmodum con-
 tenderet, certam quandam pecuniae
 summam, quae finiebatur, solutu-
 rum. cf. Ascon. in Verr. i. 116. Val.
 Max. ii. 8. Porro quum actor *ferre
 iudicem* reo dicitur, intelligendum est
 ab eo nominatim offerri ac proponi
 aliquem e iudicibus, apud quem de
 iure utriusque disceptaretur: qui si
 probaretur reo, tum iudex convenisse
 dicebatur. Quum autem in singulas
 lites iudicem, vel iudices dari oportet
 ab eo magistratu, cuius erat iuris-
 dictio, nempe primis temporibus a
 consule, postea a praetore: actor et
 reus communiter ab eo postulabant,
 ut hic qui convenerat sibi iudex dare-
 tur. Nonnunquam actor reo dabat,

U. C. 295. ad iudicium ire non auderet, omnes eae res, in unum congruentes, haud magis dubiam damnationem Volscii, quam A. C. 457. Kaesonis Volscio teste fuerat, faciebant. In mora tribuni erant, qui comitia quaestores habere de reo, nisi prius habita de lege essent, passuros negabant. Ita extracta utraque res in consulum adventum est. Qui ubi triumphantes victore cum exercitu urbem inierunt, quia silentium de lege erat, percussos magna pars credebant tribunos. At illi, (etenim extremum anni iam erat) quartum affectantes tribunatum, in comitiorum disceptationem ab lege certamen averterant: et quum consules nihilo minus adversus continuationem tribunatus, quam si lex minuendae suae maiestatis causa promulgata ferretur, tetendissent, victoria certaminis penes tribunos fuit.

Eodem anno Aequis pax est petentibus data. Census, 4 res priore anno inchoata, perficitur: idque lustrum ab origine urbis decimum conditum. Fuerunt censa civium capita centum septendecim millia trecenta novendecim. Consulum magna domi bellicae eo anno gloria fuit: quod et foris pacem peperere, et domi, etsi non concors, minus tamen, quam alias, infesta civitas fuit.

25. L. Minucius inde et C. Nautius consules facti duas residuas anni prioris causas exceperunt. Eodem modo consules legem, tribuni iudicium de Volscio impediabant: sed in quaestoribus novis maior vis, maior auctoritas erat. Cum U. C. 296. M. Valerio, Valerii filio, Volesi nepote, quaestor erat T. 6 A. C. 456. Quinctius Capitolinus, qui ter consul fuerat. Is, quoniam L. Minucio, C. Nautio neque Quinctiae familiae Kaeso, neque reipublicae maximus iuvenum restitui posset, falsum testem, qui dicendae causae innoxio potestatem ademisset, iusto ac pio bello persequabatur. Quum Virginius maxime et tribuni de 7

ut ipse *iudicem diceret*, i. e. eum e iudicibus, quem ipsi videretur, eligeret et a magistratu postularet. Sic infr. 56. Virginius Appium compellat his verbis: *Unius tantum criminis ni iudicem dices*. CREV. cf. Niebhr. ii. n. 824.

3 *Comitia*] h. e. *Curia*, quae in causis reorum de iniuriis in patricios illatis iudicia exercebant. De potestate tribunorum intercedendi actionibus ap. haec comitia cf. Zonar. vii. 115.

4 *Aequis*] Melius dixisset noster *Volscis*, sc. Ecetranis, atque Antiatiibus. cf. Niebhr. ii. p. 255.

5 *Censa*] Numerus civium auctus, quamvis pestilentia et bella atrocia premebant, sine dubio a victis quibusdam populis proveniebat, qui in civitatem Romanam ita venerant, ut mu-

nicipes essent. Nomen quoque Latinum crebris Volscorum et Aequorum incursionibus prope deletum fuit, et plura oppida Latina iam in clientelam Romae se receperant. cf. Niebhr. ii. p. 255.

6 *Valerii filio*] Is procul dubio idem est, qui biennio post consul, vocatur in Fastis Capitolinis M. Valerius, M'. filius, Volusi nepos. Lege igitur hoc loco cum Sigonio, M'. sive *Manii filio*. Neque enim, ut idem recte annotat, quum quis nominabatur, a patris nomine gentilicio, sed a praenomine designabatur. Manius ille Valerius fuit dictator anno U. C. 260. CREV. cf. supr. ii. 30.

7 *Virginius maxime et tribuni*] sc. Et caeteri tribuni. Loquendi genus ap. nostrum usitatum.

lege agerent, duum mensium spatium consulibus datum est U. C. 296. A. C. 456.
 ad inspiciendam legem: ut, quum edocuissent populum, quid fraudis occultae ferretur, sinerent deinde suffragium inire. Hoc intervalli datum res tranquillas in urbe fecit.
 8 Nec diuturnam quietem Aequi dederunt: qui, rupto foedere, quod ictum erat priore anno cum Romanis, imperium ad Gracchum Cloelium deferunt. Is tum longe princeps in Aequis erat. Graccho duce in Lavicanum agrum, inde in Tusculanum, hostili populatione veniunt, plenique praeda in Algido castra locant. In ea castra Q. Fabius, P. Volumnius, A. Postumius, legati ab Roma, venerunt questum iniurias, et ex foedere res repetitum. Eos Aequorum imperator, 'quae mandata habeant ab senatu Romano, ad 'quercum' iubet 'dicere: se alia interim acturum.' Quercus ingens arbor praetorio imminebat, cuius umbra opaca sedes erat. Tum ex legatis unus abiens, 'et haec,' inquit,
 9 'sacrata quercus, et quicquid deorum est, audiant foedus a 'vobis ruptum: nostrisque et nunc querelis adsint, et mox 'armis; quum deorum hominumque simul violata iura exsequemur.' Romam ut redire legati, senatus iussit, alterum consulem contra Gracchum in Algidum exercitum ducere; alteri populationem finium Aequorum provinciam dedit. Tribuni suo more impedire delectum: et forsitan ad ultimum impedissent; sed novus subito additus terror est. Vis Sabinorum ingens prope ad moenia urbis infesta populatione venit. Foedati agri, terror iniectus urbi est. Tum plebs benigne arma cepit: reclamantibus frustra tribunis, magni duo exercitus scripti. Alterum Nautius contra Sabinos duxit: castrisque ad Eretum positis, per expeditiones parvas, plerumque nocturnis incursionibus, tantam vastitatem in Sabino agro reddidit, ut, comparati ad eam, prope intacti bello fines Romani viderentur. Minucio neque fortuna nec vis animi eadem in gerendo negotio fuit: nam, quum haud procul ab hoste castra posuisset, nulla magnopere clade accepta, castris se pavidus tenebat. Quod ubi senserant hostes, crevit ex metu alieno, ut fit, audacia: et, nocte adorti castra, postquam parum vis aperta profecerat, munitiones postero die circumdant. Quae prius

Bellum cum Aequis.

Legati Rom. spreti.

26.

Sabini bellum inferunt.

Minucius male rem gerit adversus Aequos.

8 *Rupto foedere*] Errasse videtur Livius, qui foedus Romanorum cum Volscis ictum ad Aequos spectasse existimat. Romani Volscos ab Aequis arte sua solita dissociarant, quippe Ecetram atque Antium Volscis concesserant, ut in sua ipsorum potestate essent, atque ita per septuaginta exinde annos pacem cum Volscis litoralibus servabant. cf. infr. vi. 2.

Niebhr. ii. p. 254.

9 *Sacrata quercus*] Haud scio an quercus haec sit sacrata, qualis apud Vascones, *the oak of Guernica*, hodie celebratur.

1 *Ad Eretum*] Oppidum in Sabinis propinquum Nomento, et ad Tiberim xviii. mill. pass. a Roma in via Salaria situm.

U. C. 296.
A. C. 456.

quam, undique vallo obiecto, clauderent exitus, quinque equites, inter stationes hostium emissi, Romam pertulere, consulem exercitumque obsideri. Nihil nec tam inopinatum, nec tam insperatum accidere potuit. Itaque tantus pavor, tanta trepidatio fuit, quanta, si urbem, non castra, hostes obsiderent. Nautium consulem arcessunt: in quo quum parum praesidii videretur, dictatoremque dici placeret, qui rem perculsam restitueret, L. Quinctius Cincinnatus consensu omnium dicitur. Operae pretium est au-² dire, qui omnia prae divitiis humana spernunt, neque honori magno locum, neque virtuti putant esse, nisi ubi effuse affluent opes. Spes unica imperii populi Romani L. Quinctius trans Tiberim, contra eum ipsum locum, ubi nunc navalia sunt, quattuor iugerum colebat agrum, quae prata Quinctia vocantur. Ibi ab legatis, seu fossam fodiens palae innisus, seu quum araret; operi certe, id quod constat, agresti intentus; salute data in vicem redditaque, rogatus, 'ut, quod bene verteret ipsi reique publicae, togatus mandata senatus audiret,' admiratus, rogitansque, 'satin' salva 'essent omnia?' togam propere e tugurio proferre uxorem Raciliam iubet. Qua simul, absterso pulvere ac sudore, velatus processit, dictatorem eum legati gratulantes consalutant: in urbem vocant: qui terror sit in exercitu, exponunt. Navis Quinctio publice parata fuit: transvectumque tres obviam egressi filii excipiunt; inde alii propinqui atque amici; tum Patrum maior pars. Ea frequentia stipatus, antecedentibus lictoribus, deductus est domum. Et plebis concursus ingens fuit: sed ea nequaquam tam laeta Quinctium vidit; et imperii nimium, et virum in ipso imperio vehementiorem rata. Et illa qui-³ dem nocte nihil praeterquam vigilatum est in urbe.

L. Quinctius dictator.

Ex opere rustico sumitur.

27. Postero die dictator, quum ante lucem in forum venisset, magistrum equitum dicit L. Tarquitium patriciae gentis, sed qui, quum stipendia pedibus propter paupertatem fecisset, bello tamen primus longe Romanae iuventutis habitus esset. Cum magistro equitum in concionem venit, iustitium edicit, claudi tabernas tota urbe iubet, vetat quemquam privatae quicquam rei agere. Tum, quicumque aetate militari essent, armati, cum cibariis in dies quinque coctis

² *Operae pretium est audire*] cf. Plin. H. N. xviii. 4. Dion. x. 24. Plinius agrum in Vaticano fuisse, et viatorem ad Quinctium missum, qui, eum campestre solum indutum, et aratrum ducentem invenit.

³ *In ipso*] Praepositionem in ex coniectura I. Fr. Christii omisit Bekker. Nescio an locus elegantior sit, sed

nihil opus est mutatione, quippe plebs dolebat imperium nimium, h. e. nimis amplum esse, et virum in ipso imperio exercendo nimis vehementem fore.

⁴ *Stipendia pedibus*] Ut cui *equus publicus* non datus esset. Sed poetica haec narratio. cf. Niebhr. i. p. 431. n. 1013.

5 vallisque duodenis, ante solis occasum Martio in campo U. C. 296.
 6 adessent: quibus aetas ad militandum gravior esset, vicino A. C. 456.
 militi, dum is arma pararet, vallumque peteret, cibaria
 coquere iussit. Sic iuventus discurrit ad vallum petendum:
 sumpserunt, unde cuique proximum fuit: prohibitus nemo
 est: impigreque omnes ad edictum dictatoris praesto fuere.
 Inde composito agmine, non itineri magis apti, quam
 proelio, si res ita tulisset, legiones ipse dictator, magister
 equitum suos equites ducit. In utroque agmine, quas
 tempus ipsum poscebat, adhortationes erant: 'Adderent
 7 'gradum; maturato opus esse, ut nocte ad hostem perve-
 'nire possent: consulem exercitumque Romanum obsideri:
 'tertium diem iam clausos esse: quid quaeque nox aut dies
 'ferat, incertum esse: puncto saepe temporis maximarum
 'rerum momenta verti. Accelera signifer, sequere miles,'
 inter se quoque, gratificantes ducibus, clamabant. Media
 nocte in Algidum perveniunt: et, ut sensere, se iam prope
 hostes esse, signa constituunt. Ibi dictator, quantum nocte
 prospici poterat, equo circumvectus, contemplatusque, qui
 tractus castrorum, quaeque forma esset, tribunis militum
 imperavit, ut sarcinas in unum conici iubeant, militem
 cum armis valloque redire in ordines suos. Facta, quae
 imperavit. Tum, quo fuerant ordine in via, exercitum
 8 omnem longo agmine circumdat hostium castris, et, ubi
 signum datum sit, clamorem omnes tollere iubet: clamore
 sublato, ante se quemque ducere fossam, et iacere vallum. Circumval-
 Editio imperio, signum secutum est: iussa miles exsequitur; lat Aequos.
 clamor hostes circumsonat. Superat inde castra hostium,
 et in castra consulis venit: alibi pavorem, alibi gaudium
 ingens facit. Romani, 'civilem esse clamorem, atque
 'auxilium adesse,' inter se gratulantes, ultro ex stationibus
 ac vigiliis territant hostem. Consul differendum negat:
 'Illo clamore non adventum modo significari, sed rem ab
 'suis coeptam: mirumque esse, ni iam exteriore parte

28.

5 *Vallisque duodenis*] Valli sunt
 rami arborum caesi, ex quibus solo
 infixis et inter se implicitis fit vallum.
 Leves eos, et bifurcos plerosque, vel
 trium, aut, quum plurimum, quattuor
 ramorum caedebant Romani, teste
 ipso Livio, xxxiii. 5. Cuius. Milites
 Romani ternos aut quaternos vallos
 plerumque ferebant. cf. Lips. de Mil.
 Rom. v. 11.

6 *Martio*] In cod. Florent. haec
 pagina deest, sed in cod. Leid. 2. optimo
 omittitur vox *Martio*: quod probat
 Niebhr. ii. n. 608. qui *Campum Cae-*
limontanum sive *Minorem* hic spec-

citum ducendus erat. cf. Scaliger. in
 Catull. lv. infr. vii. 23.

7 *Pervenire possent*] Optimi pos-
 set. Scribendum *perveniri posset*,
 quod ex suo vet. libro notavit Mure-
 tus. Haec fere Gronovius. Anti-
 quissimus e nostris consentit cum
 libro Mureti, nisi quod ultimum i
 vocis *perveniri* est a secunda manu.
 CREV. *Perveniri posset* in textum
 recepit Bekker.

8 *Longo agmine*] Quod Anglice
 dicimus "in column:" centuriae sin-
 gulae quattuor milites in fronte habe-
 bant, quum itineri instructum esset
 agmen. cf. Niebhr. ii. not. 609.

U. C. 296. 'castra hostium oppugnentur. Itaque arma suos capere,
 A. C. 456. 'et se subsequi' iubet. Nocte initum proelium est a legio-
 nibus: dictatori clamore significant, ab ea quoque parte
 rem in discrimine esse. Iam se ad prohibenda circumdari
 opera Aequi parabant, quum, ab interiore hoste proelio
 coepto, ne per media sua castra fieret eruptio, a munienti-
 bus ad pugnantes introrsum versi, vacuam noctem operi
 dedere: pugnatumque cum consule ad lucem est. Luce
 prima iam circumvallati ab dictatore erant, et vix adversus
 unum exercitum pugnam sustinebant. Tum a Quinctiano
 exercitu, qui confestim a perfecto opere ad arma rediit, in-
 vaditur vallum. Hic instabat nova pugna: illa nihil remi-
 serat prior. Tum, ancipiti malo urgente, a proelio ad
 preces versi, hinc dictatorem, hinc consulem orare, ne in
 occidione victoriam ponerent, ut inermes se inde abire
 sinerent. Ab consule ad dictatorem ire iussis ignominiam
 infensus addidit. Gracchum Cloelium ducem principesque
 alios vinctos ad se adduci iubet, oppido Corbione decedi;
 'Sanguinis se Aequorum non egere: licere abire: sed, ut
 'exprimatur tandem confessio, subactam domitamque esse
 'gentem, sub iugum abituros.' Tribus hastis iugum fit,
 humi fixis duabus, superque eas transversa una deligata.
 Sub hoc iugo dictator Aequos misit.

Sub iugum
mittit.

29. Castris hostium receptis, plenis omnium rerum, (nudos
 enim emiserat) praedam omnem suo tantum militi dedit:
 consularem exercitum ipsumque consulem increpans, 'Care-
 'bis,' inquit, 'praedae parte, miles, ex eo hoste, cui prope
 'praedae fuisti: et tu, L. Minuci, donec consularem animum
 'incipias habere, legatus his legionibus praeeris.' Ita se
 Minucius abdicat consulatu, iussusque ad exercitum manet.
 Sed adeo tum imperio meliori animus mansuete obediens
 erat, ut beneficii magis, quam ignominiae, hic exercitus
 memor, et coronam auream dictatori libram pondo decre-
 verit, et proficiscentem eum patronum salutaverit. Romae

9 *Prohibenda*] Proprie scribendum
 fuisse *ad prohibenda circumdanda*
opera, idque idem esse, atque *ad*
prohibendum, ne opera circumda-
 rentur, monet Stroth.

1 *Cloelium*] Vide infr. iv. 10. ubi
 Cloelius iterum in proelio captus est.
 Hanc victoriam ab altera ibi narrata
 adumbratam fuisse censet Niebhr. ii.
 p. 268, quippe, quum Quinctius
 triumphum duxerit, illum duci hos-
 tium capto pepercisse omnino a Ro-
 manis moribus alienum fuisset.

2 *Coronam*] Obsidionalem, cf. infr.
 vii. 37.

3 *Libram pondo*] Locutionem hanc
 ellipticam esse docet I. Fr. Gronovius
 in libro i. 6. de pecun. vet. et ita
 integrari debere, coronam *habentem*
pondus libram pondo. Eandem lo-
 cutionem restituit Gronov. infr. iv.
 20.

4 *Patronum*] Haud ab re foret
 animadvertisse, quod infr. xxii. 29. et
 30. legiones *M. Minucii* dictatorem
 Fabium consalutant *patronum*, per-
 inde ac si res a Marco Minucio gestae
 in gentilem suum Lucium translatae
 essent. Niebhr. ii. n. 611.

a Q. Fabio praefecto urbis senatus habitus triumphantem U. C. 296.
 Quinctium, quo veniebat agmine, urbem ingredi iussit. A. C. 456.
 Ducti ante currum hostium duces: militaria signa praelata:
 secutus exercitus praeda onustus. Epulae instructae di-
 cuntur fuisse ante omnium domos: epulantesque cum car-
 mine triumphali et sollemnibus iocis, comissantium modo,
 5 currum secuti sunt. Eo die L. Mamilio Tusculano, appro-
 bantibus cunctis, civitas data est.

Confestim se dictator magistratu abdicasset, ni comitia
 6 M. Volscii falsi testis tenuissent: ea ne impedirent tribuni, Volscius
 dictatoris obstitit metus. Volscius damnatus Lanuvium in falsus testis
 exsilium abiit. Quinctius sexto decimo die dictatura, in damnatus.
 sex menses accepta, se abdicavit. Per eos dies consul
 Nautius ad Eretum cum Sabinis egregie pugnat. Ad vas-
 7 tatos agros ea quoque clades accessit Sabinis. Minucio
 Fabius Quintus successor in Algidum missus. Extremo
 anno agitatum de lege ab tribunis est: sed, quia duo exer-
 citus aberant, ne quid ferretur ad populum, Patres tenuere.
 Plebes vicit, ut quintum eosdem tribunos crearent. Lupos
 visos in Capitolio ferunt a canibus fugatos; ob id prodigium
 lustratum Capitolium esse. Haec eo anno gesta.

Sequuntur consules Q. Minucius, C. Horatius Pulvillus. 30.
 Cuius initio anni quum foris otium esset, domi seditiones U. C. 297.
 iidem tribuni, eadem lex faciebat: ulteriusque ventum foret, A. C. 455.
 (adeo exarserant animis) ni, velut dedita opera, nocturno Q. Minucio,
 Coss. C. Horatio

5 *Solennibus iocis*] Iocis in trium-
 pho usitatis, quos militaris turba tum
 gestiens et gaudio lasciviens, fundebat
 sive in devictos hostes, sive in duces
 suos, et ipsum nonnunquam impera-
 torem. Vid. infr. iv. 53. et Sueton.
 Caes. 49 et 51.

6 *M. Volscii*] Quem quaestores
 ann. 295. falsi testimonii reum ad

populum fecerant.

7 *Minucio Fabius Quintus succes-
 sor*] Haec omnia de Minucii abdic-
 atione et Fabii in eius locum suffec-
 tione mirum quantum a Fastis Capi-
 tolinis discrepant, quippe in Frag-
 mentis nuper in Foro Romano re-
 pertis, et a Burghesio acumine suo
 solito illustratis legimus,

C. NAUTIUS. SP. F. SP. N. RUTILUS II.

..... F. N.... CARVENTANUS.
 IN MAG. MORTUUS EST. IN EIUS L. F. EST
 L. MINUCIUS. P. F. M. N. ESQUILIN. AUGURIN.

L. QUINCTIUS L. F. L. N. CINCINNAT.
 L. TARQUITIUS L. F. FLACCUS.

DICT. }
 MAG. EQ. } REI GERUNDAE CAUSA.

Ita Burghesius, "mi sembra quindi
 licita l'opinare che la perdita del suo
 consolato non fosse che temporanea,
 vale a dire finchè duro l'autorità del
 Dittatore che l'aveva depositato." No-
 tat insuper, quod Fabius, qui unica
 gentis Fabiae stirps erat, si Diony-
 sius audiendus sit, modo *ter* consul
 fuerat, quum in secundum decemvi-
 rorum collegium ascriptus esset;
 quae res aliter fuisset, si hunc *quar-
 tum* consulatum gessisset. cf. infr.
 viii. 33. ubi hanc rem Fabius Am-

bustus perstringit. Haud scio an
 Fabius Vibulanus, ut *praefectus ur-
 bis*, tertium exercitum ad consulem
 periculo eximendum duxerit, et in
 castris, post reditum dictatoris et
 consulis Romam, manserit. Huic
 sententiae assentit Niebhr. ii. p. 297.
 qui Fabium, non Quinctium, con-
 suli subsidio profectum esse suspica-
 tur, et Quinctium dictatorem rei ge-
 rundae causa contra M. Volscium,
 Kaesonis filii sui accusatorem, crea-
 tum esse.

- U. C. 297. impetu Aequorum Corbione amissum praesidium nuntiatum
 A. C. 455. esset. Senatum consules vocant. Iubentur subitarium
 scribere exercitum, atque in Algidum ducere. Inde,
 posito legis certamine, nova de delectu contentio orta.
 Bella cum Aequis et Sabinis. Vincebaturque consulare imperium tribunicio auxilio, quum 8
 alius additur terror: Sabinum exercitum praedatum de-
 cendisse in agros Romanos; inde ad urbem venire. Is
 metus perpulit, ut scribi militem tribuni sinerent; non sine
 pactione tamen, ut, quoniam ipsi quinquennium elusi essent,
 parvumque id plebi praesidium foret, decem deinde tribuni
 plebis crearentur. Expressit hoc necessitas Patribus: id
 modo excepere, ne postea eosdem tribunos iuberent. Tri-
 bunicia comitia, ne id quoque post bellum, ut cetera, vanum
 esset, extemplo habita. Tricesimo sexto anno a primis tri-
 bunis plebis, decem creati sunt, bini ex singulis classibus: 1
 itaque cautum est, ut postea crearentur. Delectu deinde
 habito, Minucius, contra Sabinos profectus, non invenit
 hostem. Horatius, quum iam Aequi, Corbione interfecto
 praesidio, Ortonam etiam cepissent, in Algido pugnat: 2
 multos mortales occidit: fugat hostem non ex Algido modo,
 sed a Corbione Ortonaque. Corbionem etiam diruit propter
 proditum praesidium.
 U. C. 298. Deinde M. Valerius, Sp. Virginius consules facti. Domi 3
 A. C. 454. forisque otium fuit: annona propter aquarum intemperiem
 M. Valerio, laboratum est. De Aventino publicando lata lex est. 4
 Sp. Vir-
 ginio Coss. 31.
 U. C. 299. Tribuni plebis iidem refectione sequente anno, T. Romilio,
 A. C. 453. C. Veturio consulibus, legem omnibus concionibus suis 5
 T. Romilio, celebrabant. 'Pudere se numeri sui nequicquam aucti, si
 C. Veturio Coss.

8 *Consulare imperium*] Quippe consulum *imperium* erat; tribuni nec imperium nec potestatem habebant, sed *auxilii lationem* adversus consules. CREV.

9 *Tricesimo sexto anno*] Exeunte, si numeretur duplex illud par consulum, omissum a Livio, de quo monuimus supr. ii. 39. Si eorum ratio non haberetur, hic annus esset tricesimus quintus incipiens, ut cuius patebit numeranti a consulibus Sp. Cassio et Postumo Cominio, quorum in magistratu primi tribuni creati sunt. CREV.

1 *Bini ex singulis classibus*] cf. supr. ii. 33. et 58. *Itaque*, sc. ut *ita* crearentur.

2 *Ortonam*] Pro *Ortona Ardena* (Volscorum) legendum suspicatur Gul. Gell. Eq. Aur. Topogr. Roman. i. p. 201. cf. supr. ii. 43. infr. iv. 61.

3 *Domus . . . otium*] Contra Dion.

Excerpt. xxii. et Zonar. non mediocres contentiones fuisse, et patres plures e plebeiis ducibus clam sustulisse.

4 *De Aventino publicando lata lex est*] sc. Lex Icilia de Aventino. Niebhr. ii. p. 299. putat patricios de *possessionibus* suis in Aventino decedere coactos esse, quo magis ager Aventinus totus plebi assignaretur. Maximi enim momenti erat plebi, ut mons Aventinus, qui extra pomerium, et idcirco auspiciis patriciis non subiectus erat, totus sibi assignaretur, ut tanquam arx plebeiis pateret, neque dominis patriciis obnoxius esset. *Publicatus* vero ager dicitur, quod possessiones, quas tanquam *privato* iure tenebant possessores, in *publicum* receptae sunt, et tanquam *publici iuris* iterum factae.

5 *Legem omnibus concionibus suis celebrabant*] Legis assiduam mentionem faciunt in omnibus suis ad populum orationibus. Mirum profecto

‘ea res aeque suo biennio iaceret, ac toto superiore lustro U. C. 299.
 ‘iacuisset.’ Quum maxime haec agerent, trepidi nuntii A. C. 453.
 ab Tusculo veniunt, Aequos in agro Tusculano esse. Fecit
 pudorem recens eius populi meritum morandi auxilii.
 6 Ambo consules, cum exercitu missi, hostem in sua sede in
 Algido inveniunt. Ibi pugnatum: supra septem millia Victi
 hostium caesa: alii fugati: praeda parta ingens. Eam Aequi.
 propter inopiam aerarii consules vendiderunt. Invidiae
 tamen res ad exercitum fuit, eademque tribunis materiam
 criminandi ad plebem consules praebuit. Itaque ergo, ut
 7 magistratu abiere, Sp. Tarpeio, A. Aterio consulibus, dies U. C. 300.
 8 dicta est Romilio ab C. Claudio Cicerone, tribuno plebis; A. C. 452.
 Veturio ab L. Alieno, aedile plebis. Uterque magna Sp. Tar-
 Patrum indignatione damnatus, Romilius decem millibus peio, A. A-
 aeris, Veturius quindecim. Nec haec priorum calamitas terio Coss.
 consulum segniores novos fecerat consules. ‘Et se dam-
 ‘nari posse’ aiebant: ‘et plebem, et tribunos legem ferre
 ‘non posse.’ Tum, abiecta lege, quae promulgata conse-
 nuerat, tribuni lenius agere cum Patribus. ‘Finem tandem
 ‘certaminum facerent. Si plebeiae leges displicerent, at
 ‘illi communiter legum latores, et ex plebe, et ex Patribus,
 ‘qui utrisque utilia ferrent, quaeque acquandae libertatis
 ‘essent, sincerent creati.’ Rem non aspernabantur Patres:

videri debet a Livio hic omissas esse
 cruentas prope tribunorum cum con-
 sulum contentiones, et asperrimam
 Siccii Dentati adversus eosdem con-
 sules actionem pro lege agraria, quam
 tribuni revocabant. Vide apud Dion.
 x. 31. 32. luculentam eius orationem,
 in qua se ipse commendans narrat se
 quadragesimum iam annum militan-
 tem, centum viginti pugnis inter-
 fuisse: vulnera quinque et quadra-
 ginta, adversa omnia, excepisse: vir-
 tutis ergo donatum fuisse quattuor-
 decim coronis civicis, tribus murali-
 bus, octo proeliaribus, torquibus au-
 reis tribus supra octoginta, armillis
 aureis sexaginta, hastis decem et
 octo, phaleris quinque et viginti.
 Cetera pete ex Dion. Siccium lau-
 dant quoque Val. Max. iii. 2. et
 Plin. H. N. vii. 28. CREV.

6 *Ambo consules*] Quum tribuni
 delectum impeditent, senatus iussit
 patricios cum clientibus bellum per
 se ipsos adversus Aequos gerendum
 suscipere: iisque civibus, qui consu-
 libus paruissent, propitios; qui eos
 deseruissent, iratos invocavit deos.
 Tum Siccias, de quo supra, sponte
 nomen dedit, atque etiam octingentos

secum traxit voluntarios, quorum sti-
 pendia emerita erant: cum quibus
 ab infenso consule in apertam per-
 niciem missus, malevolentiam ducis
 virtute effugit, praecipuumque vic-
 toriae decus tulit. CREV.

7 *A. Aterio*] De huius consulis
 nomine mire dissentiunt auctores
 quippe “lex de multae sacramento”
 his consulibus perlata est. Pighius
Aeternio probat ut codd. pluribus
 firmatum, Sigonius autem *Aterio*. In
 Plin. vii. 28. *Aterio* reposuit Har-
 duinus, licet sex codices pro *Aeternio*
 faciunt. Ap. Gellium xi. 1. legem
Aterniam in plur. MSS. legimus: sed
 haec omnia missa faciamus, quoniam
 in cod. Cic. de Rep. ii. 35. legitur
Aternius, quam lectionem confirmant
 fragmenta Fast. Capit. a Burghesio
 edita. De hoc nomine nemo docti-
 us disseruit quam harum doctrin-
 arum magister ille Burghesius.
 Legem hanc de multis *Tarpeiam* ap-
 pellat Festus in voc. *Preclatus*.
Aternium probant Niebhr. et Arnold.

8 *C. Claudio Cicerone*] Romilium a
 Siccio Dentato, quem favor plebis ad
 tribunatum exexerat, accusatum esse
 Dion. et Plin. auctores sunt. CREV.

U. C. 300. 'daturum leges neminem, nisi ex Patribus,' aiebant. Quum
A. C. 452. de legibus conveniret, de latore tantum discreparet; missi
Legati Athenas Sp. Postumius Albus, A. Manlius, P. Sul-
Athenas picus Camerinus; iussique inclutas leges Solonis descri-
missi, le- bere, et aliarum Graeciae civitatum instituta, mores, iuraque
gum causa. noscere.

32. Ab externis bellis quietus annus fuit; quietior insequens,
U. C. 301. P. Curiatio et Sex. Quinctilio consulibus, perpetuo silentio
A. C. 451. tribunorum: quod primo legatorum, qui Athenas ierant,
P. Curiatio, legumque peregrinarum exspectatio prae-buit; dein duo
Sex. Quin- simul mala ingentia exorta, fames pestilentiaque, foeda 2
ctilio Coss. homini, foeda pecori. Vastati agri sunt: urbs assiduis ex-
hausta funeribus; multae et clarae lugubres domus. Fla-
men Quirinalis Ser. Cornelius mortuus; augur C. Horatius
Pulvillus: in cuius locum C. Veturium eo cupidius, quia
damnatus a plebe erat, augures legere. Mortuus consul
Quinctilius, quattuor tribuni plebis. Multiplici clade foe-
datus annus: ab hoste otium fuit.

U. C. 302. Inde consules C. Menenius, P. Sestius Capitolinus.
A. C. 450. Neque eo anno quicquam belli externi fuit: domi motus
C. Menenio, orti. Iam redierant legati cum Atticis legibus: eo intentius
P. Sestio instabant tribuni, ut tandem scribendarum legum initium
Coss. fieret. Placet creari decemviros sine provocatione, et ne 3
quis eo anno alius magistratus esset. Admischerentur ne
plebei, controversia aliquamdiu fuit: postremo concessum
Patribus, modo ne lex Icilia de Aventino, aliaeque sacrae 4
leges abrogarentur.

9 *Athenas*] De hac legatione Athenas missa, et de legibus Solonis descriptis alia aliis scriptoribus placet. Cicero in Rep. ii. 36. de Solone omnino silet, sed in Legg. ii. 23. quaedam "translata de Solonis fere legibus" memorat: contra in Orat. i. 44. *ius civile* Romanis fontibus deductum scribit. Vicus, Gibbonius, et plures alii legationem hanc respuunt, Gibbonius vero narrationem illam de Hermodoro Ephesio, quam ap. Cic. Tusc. Qu. v. 36, et Plin. H. N. xxxiv. 11. habemus, probat. Niebhr. ii. p. 302. legatos Athenas missos fuisse censet, qui leges *politicas* Atheniensium tantum describerent; Wachsmuth. p. 369. medium tenet cursum. Fieri potest ut haec legatio in Magnam Graeciam missa sit, et, nomen Solonis legibus decemviro- rum perinde atque auctoritatem Pythagorae institutis Numae praetendi, e republica visum fuerit.

1 *P. Sulpicius*] Praenomen *Servium* pro *Publio* substituendum esse

cum Sigonio consentit Pighius. *Servium* reponit Crevier, sed Bekker. cum Kreyssig. facit.

2 *Pestilentia*] Quam per omnem Italiam divulgatam scribit Dion. x. 53. 54.

3 *Ne quis ... alius*] ap. Cic. de Rep. ii. 36. "inita ratio est ut et consules, et tribuni plebis magistratu se abdicarent, atque ut decemviri maxima potestate sine provocatione crearentur, qui et summum imperium haberent et leges scriberent."

4 *Aliaeque sacrae leges*] "*Sacrae leges*, sunt, quibus sancitum est, qui quid adversus eas fecerit, sacer alicui deorum sit cum familia pecuniaque." Festus. In harum numero erat lex illa de tribunis quae ap. Dion. vi. 69. recitatur. cf. supr. ii. 33. Quod si haec vera sint, quae Livius narrat, quamvis decemviris rempublicam administrantibus nulli tribuni plebis essent, tamen si modo plebi visum fuerit tribunos creari, sacrosanctam illam auxilii legationem habu-

5 Anno trecentesimo altero, quam condita Roma erat, U. C. 302.
 iterum mutatur forma civitatis, ab consulibus ad decemviros, A. C. 450.
 quemadmodum ab regibus ante ad consules venerat, trans- 33.
 lato imperio. Minus insignis, quia non diuturna, mutatio
 fuit: laeta enim principia magistratus eius nimis luxuriavere.
 Eo citius lapsa res est, repetitumque, duobus uti mandaretur
 6 consulum nomen imperiumque. Decemviri creati Ap.
 7 Claudius, T. Genucius, P. Sestius, L. Veturius, C. Iulius,
 A. Manlius, Ser. Sulpicius, P. Curiatius, T. Romilius, Sp.
 Postumius. Claudio et Genucio, quia designati consules
 in eum annum fuerant, pro honore honos redditus: et
 Sestio alteri consulum prioris anni, quod eam rem collega
 invito ad Patres retulerat. His proximi habiti legati tres, U. C. 303.
 qui Athenas ierant: simul ut pro legatione tam longinqua A. C. 449.
 praemio esset honos: simul peritos legum peregrinarum ad
 condenda nova iura usui fore credebant. Supplere ceteri
 numerum. Graves quoque aetate electos novissimis suffra-
 giis ferunt, quo minus ferociter aliorum scitis adversarentur.
 Regimen totius magistratus penes Appium erat favore
 plebis: adeoque novum sibi ingenium induerat, ut plebi-
 cola repente omnisque aurae popularis captator evaderet,
 8 pro truci saevoque insectatore plebis. Decimo die ius
 populo singuli reddebant. Eo die penes praefectum iuris

Decemviri
creati.

Decemvi-
rorum an-
nus I.

issent. Nescio an nova quadam lege
 tribunos plebis invitis patribus creari
 prohibitum fuerit.

5 Anno trecentesimo altero] Henr.
 Dodwell. Diss. de cyclis Romanorum,
 x. 86, hic *altero* exponit *secundo*, pu-
 tatque decemviros anno trecentesimo
 secundo exeunte designatos esse, ma-
 gistratum gessisse anno trecentesimo
 tertio. Sed non videtur pati Latini-
 tas, ut *trecentesimus alter* intelli-
 gatur *trecentesimus secundus*. *Alter*
 quidem idem est interduum ac *se-
 cundus*, sed ita ut numerus qui design-
 natur per vocem *alter*, proxime sem-
 per sequatur eum numerum cui con-
 iungitur. Sic *alter ab illo, unus et
 alter*. Sic infra ix. 34. *En illius
 Appii progenies, qui decemvir in
 annum creatus, altero anno se ipse
 creavit; tertio, nec ab se, nec ab
 ullo creatus* etc. Igitur annus *tre-
 centesimus alter*, sive *alter a trecen-
 tesimo*, est profecto trecentesimus
 primus. Et frustra nobis obijceretur
 rationes annorum exactorum, et eorum
 qui sequuntur, aliud postulare. Prae-
 terquam quod enim in ea re aliqua
 est difficultas, ut videre quis po-
 terit, nunquam nobis persuadebimus
 ita diligentem et religiosum in nu-

merandis annis fuisse Livium, ut
 omnia sibi plane et ad amussim con-
 veniant. Nihil tamen mutavimus in
 annis qui ad marginem apponuntur
 ex sententia Dodwelli, ne totam
 chronologiae eius rationem, quae
 alioquin sat belle se habet, pertur-
 baremus. CREV. *Secundo* probant
 Niebhr. et Arnold.

6 Ap. Claudius] In Fragm. Fast.
 Capit. AP. CLAUDIUS, AP. F. M. N.
 CRASS. INRIGILL. SABINUS II. legitur,
 quem Burghesius Atti Clausi filium
 esse, iam aetate provectum, con-
 tendit. Appium quoque illum, qui
 viam unam dissolvendae tribuniciae
 potestatis patribus ostendit, supr. ii.
 44. ipsum Attum Clausum esse idem
 confirmat. In eius sententiam pror-
 sus accedit Niebhr. ii. not. 754.

7 L. Veturius] Pro Lucio in Fragm.
 Fast. Capit. *Spurium* legimus, atque
 ap. Diodorum quoque. Dionysius
Titum scribit.

8 Decimo die] Alius atque alius
 in vices, atque qui ius dicebat, mox
praefectus iuris appellatur. Struon.
 Nescio an *penes praefectum urbis*
 legendum sit, ut Niebhr. suspicatur
 ii. n. 715.

U. C. 303. fasces duodecim erant: collegis novem singuli accensi ap-9
 A. C. 449. parebant: et in unica concordia inter ipsos (qui consensus 1
 privatis interdum inutilis esset) summa adversus alios aequi-
 tas erat. Moderationis eorum argumentum exemplo unius
 rei notasse, satis erit. Quum sine provocatione creati essent,
 defosso cadavere, domi apud P. Sestium, patriciae gentis
 virum, invento, prolatoque in concionem, in re iuxta mani-
 festa atque atroci, C. Iulius decemvir diem Sestio dixit, et
 accusator ad populum exstitit, cuius rei iudex legitimus 2
 erat: decessitque iure suo, ut demptum de vi magistratus
 populi libertati adiiceret.

Initio mo-
 derati de-
 cemviri.

34. Quum promptum hoc ius velut ex oraculo incorruptum 3
 pariter ab his summi infimique ferrent, tum legibus con-
 dendis opera dabatur: ingentique hominum exspectatione
 propositis decem tabulis, populum ad concionem advocave-4
 runt: et, 'quod bonum, faustum, felixque reipublicae, ip-
 sis, liberisque eorum esset, ire, et legere leges propositas'
 iussere. 'Se, quantum decem hominum ingeniis provideri
 'potuerit, omnibus summis infimisque iura aequare: plus
 'pollere multorum ingenia consiliaque. Versarent in ani-
 'mis secum unamquamque rem, agitarent deinde sermoni-
 'bus: atque in medium, quid in quaque re plus minusve
 'esset, conferrent. Eas leges habiturum populum Roma-
 'num, quas consensus omnium non iussisse latas magis, 5
 'quam tulisse, videri posset.' Quum ad rumores hominum
 de unoquoque legum capite edito satis correctae videren-
 tur, centuriatis comitiis decem tabularum leges perlatae
 sunt: qui nunc quoque, in hoc immenso aliarum super
 alias acervatarum legum cumulo, fons omnis publici priva-6
 tique est iuris. Vulgatur deinde rumor, duas deesse tabu-

Decem ta-
 bulas legum
 ferunt.

9 *Accensi*] sc. Apparitores, qui ad
 iussa decemvirorum praesto essent:
 haud aliter atque consulem, quo
 mense fasces non haberet, accensus
 anteibat. Sueton. Caes. 20. supr. ii.
 1.

1 *In unica*] sc. In mira concordia,
 quae aliquando privatis inutilis, h. e.
 perniciosa esset, ut Cic. de Off. i. 10.
 "potest enim accidere promissum...
 ut id effici sit inutile vel ei cui pro-
 missum sit, vel ei qui promiserit."

2 *Ad populum*] *Centuriatim* con-
 vocatum, quum in maximo comitiatu
 ex Leg. XII Tab. iudicia capitis sem-
 per habenda essent. Cic. in Rep. ii.
 36, rem totidem ferme verbis narrat,
 et de capite civis Romani, nisi comi-
 tiis centuriatis, statui posse negat.
 cf. Gravin. de Jur. Publ. XII. Tab.

3 *Quum . . . tum*] Non raro par-
 ticula *quum*, quamvis habeat respon-

dentem sibi *tum*, cum verbo tamen
 subiunctivi modi coniungitur. Ex-
 empla reperies ap. nostrum i. 21. iv.
 30. viii. 21. et ap. Cic. quum alibi
 saepius, tum libr. de Amic. 23. CREV.

4 *Tabulis*] Haud aliter Athenis,
 expulsis tyrannis iis qui triginta no-
 minati sunt, leges ἐν συνόλῳ proposi-
 tae sunt. cf. Andoc. de Myster. 83.

5 *Quas consensus omnium, non ius-
 sisse latas magis, quam tulisse*] Fer-
 re leges, magistratum erat; iubere,
 populi. Hic Decemviri volunt leges
 novas, non iuberi solum a populo uni-
 verso, sed quodammodo ferri. Non
 enim illis satis est consulere populum,
 utrum accipiat nunc leges, quales ipsi
 eas edidere; sed et earum sensum ac
 verba dirigi ac finiri volunt ex con-
 sensu omnium. CREV.

6 *Fons omnis publici privatique est
 iuris*] De legibus decemvirorum, quid

las; quibus adiectis, absolvi posse velut corpus omnis Ro-^{U. C. 303.}
mani iuris. Ea exspectatio, quum dies comitiorum appro-^{A. C. 449.}
pinquaret, desiderium decemviros iterum creandi fecit.
Iam plebs, praeterquam quod consulum nomen, haud se-
cus quam regum, perosa erat, ne tribunicium quidem aux-
ilium, cedentibus in vicem appellationi decemviris, quae-
rebat.

8 Postquam vero comitia decemviris creandis in trinum ^{35.}
9 nundinum indicta sunt; tanta exarsit ambitio, ut primores ^{Iterum ere-}
quoque civitatis (metu credo, ne tanti possessio imperii, ^{antur de-}
vacuo ab se relicto loco, haud satis dignis pateret) prensa- ^{cemviri.}
rent homines; honorem, summa ope a se impugnatum, ab
ea plebe, cum qua contenderant, suppliciter petentes. De-
missa iam in discrimen dignitas, ea aetate, iisque honori-
bus actis, stimulabat Ap. Claudium. Nescires, utrum in-^{Ap. Claudii}
ter decemviros, an inter candidatos, numerares: propior ^{ambitio.}

spectarent, mire discrepant auctores.
Dion, quem ap. Zonaram vii. 28, le-
gimus, ordines civitatis *iure publico*
aequatos esse; Livius *imperium con-*
sulare diminutum, iii. 9. necnon om-
nia *privata* summis infimisque aequa-
ta *iura*, iii. 34: Dion. x. 50. *ius ci-*
vile sc. privatum, solum aequatum.
Haud dubie de his rebus omnibus
leges a decemviris promulgatae sunt,
et idcirco Athenas missi legati, nisi
res omnino ficta sit, ut *ius publicum*,
sc. quod ad personas attinebat, a Cli-
sthene ordine novo nuper dispositum
indagarent, quippe *ius civile* Quiri-
tium, quod ad *res mancipii* et *nec*
mancipii spectabat, ab Atheniensi
omnino alienum esset. Inter alias
maximi momenti res mutatas haud
dubie erat, quod patricii aequae atque
clientes sui, qui hactenus apud aera-
rios erant, in tribubus una cum ple-
beiis dispositi sunt, atque iuniores
patrum cum senioribus dignitate ae-
quati: necnon tribus illae veteres pa-
triciae abrogatae. cf. Niebhr. ii. p.
314. Hugo. Gesch. des Röm. Rechts.
vol. i.

7 *Appellationi*] *Codices appella-*
tione, sed *appellationi*, quod legendum
suspicatur Drak., in textum recepe-
runt Stroth. et Bekker.

8 *Trinum nundinum*] Trinum nun-
dinum, sive trinundinum, erat id tem-
poris spatium intra quod ter nundinae
agebantur. Nundinae autem nono
quoque die, unde etiam traxere no-
men, recurrebant: ut rustici, octo
diebus agris operati, nono die in ur-
bem vendendi mercandique causa

commearent. Igitur comitia, sive le-
gibus rogandis, sive iudiciis exercen-
dis, sive creandis magistratibus, tri-
nundino ante indici solebant, ut ru-
stici, qui non fere in urbem, nisi nun-
dinis, veniebant, rem versare animis
et expendere, spatio dato, possent,
antequam in suffragium mitterentur.
CREV. Sed Livius *προληπτικῶς* lo-
quitur, quippe non nisi post legem
Hortensiam an. 458. U. C. comitia
in trinum nundinum indicere in usum
venit: Ernest. in Clav. Cic. trinun-
dinum non viginti quattuor sed sep-
temdecim dierum summam conficere
animadvertit, quum nundinae secun-
dae more Latino bis numerantur.
Similiter septem tantum dies binis
nundinis interiectos fuisse diserte
asserit Varr. de Re Rust. ii. 3. Hinc
evenit ut nundinae re vera *octavo*
quoque die recurrerent. Niebhr. ii. p.
213.

9 *Tanta exarsit ambitio*] Tantum
certamen, tantus fuit ardor petendi
honoris. Sedulo distingue *ambitio-*
nem ab *ambitu*. *Ambitus* crimen est,
et designat pravas legibusque vetitas
vias affectandi alicuius magistratus
vel imperii. *Ambitio* desiderium ho-
norum indicat, sed innoxium ac legi-
timum. CREV.

1 *Demissa*] Ap. Claudium cura
quaedam et sollicitudo stimulabat,
quum videret clarissimos viros, ea
aetate, eisque honoribus actis, demit-
tere in discrimen dignitatem suam.
Ceterum hoc loco recte iussit legi
Gronovius *demissa* pro *dimissa*. CREV.

U. C. 303. interdum petendo, quam gerendo, magistratui erat. Cri-
 A. C. 449. minari optimates, extollere candidatorum levissimum quem-
 que humillimumque: ipse medius inter tribunicios Duilios
 Icillosque in foro volitare, per illos se plebi venditare: do-
 nec collegae quoque, qui unice illi dediti fuerant ad id
 tempus, coniecere in eum oculos, mirantes quid sibi vellet.
 Apparere, nihil sinceri esse; 'Profecto haud gratuitam in
 ' tanta superbia comitatem fore. Nimium in ordinem se
 ' ipsum cogere, et vulgari cum privatis, non tam properan-
 ' tis abire magistratu, quam viam ad continuandum magi-
 ' stratum quaerentis, esse.' Propalam obviam ire cupiditati
 parum ausi obsecundando mollire impetum aggrediuntur.
 Comitiorum illi habendorum, quando minimus natus sit,
 munus consensu iniungunt. Ars haec erat, ne semet ipse
 creare posset; quod praeter tribunos plebis (et id ipsum
 pessimo exemplo) nemo unquam fecisset. Ille enimvero,
 quod bene vertat, habiturum se comitia professus, impedi-
 mentum pro occasione arripuit: deiectisque honore per
 coitionem duobus Quinctiis, Capitolino et Cincinnato, et
 patruo suo C. Claudio, constantissimo viro in optimatum
 causa, et aliis eiusdem fastigii civibus, nequaquam splen-
 dore vitae pares decemviros creat: se in primis, quod haud
 secus factum improbabant boni, quam nemo facere ausu-
 rum crediderat. Creati cum eo M. Cornelius Maluginen-
 sis, M. Sergius, L. Minucius, Q. Fabius Vibulanus, Q. Poe-
 telius, T. Antonius Merenda, K. Duilius, Sp. Oppius Cor-
 nicen, M'. Rabuleius.

36. Ille finis Appio alienae personae ferendae fuit. Suo iam
 inde vivere ingenio coepit, novosque collegas iam prius,
 quam inirent magistratum, in suos mores formare. Quotidie
 coibant remotis arbitris: inde impotentibus instructi con-

2 *Propior petendo*] Similior pe-
 tenti, quam gerenti magistratum.
 RUP.

3 *In ordinem se ipsum cogere*] Se
 parem quodammodo ceteris e vulgo
 facere. Potestate sua supra ceteros
 eminebat, et extra ordinem reliquo-
 rum positus erat Appius. Vulgando
 se cum privatis, sese redigit quodam-
 modo in ordinem, e quo suus eum ma-
 gistratus eximebat. CREV.

4 *Minimus natus*] sc. Ex patribus
 iunioribus, sive minorum gentium.

5 *Impedimentum*] sc. Quod ipse
 comitia haberet. STROTH. h. e. Id
 quod illi, quo minus iterum crearetur
 decemvir, impedimento esse debue-
 rat. DOER.

6 *Per coitionem*] Quod Anglice
 "coalition" appellamus; coeundo

cum ceteris candidatis adversus in-
 gratos sibi competitores.

7 *Creati*] In horum numero quin-
 que plebei, si Niebuhrium audiamus,
 scilicet, T. Antonius, M'. Rabuleius,
 quos Dion. x. 58, ἀνδρας οὐ πάνυ ἐπι-
 φανεῖς vocat, Q. Paetilius, (in quibus-
 dam codd. Paetilius), K. Duilius, Sp.
 Oppius, quos idem ἐκ τῶν δημοτικῶν
 fuisse scribit. Haec si modo vera sit
 coniectura, quam variis argumentis
 confirmat Niebhr., aequatum inter or-
 dines *ius publicum* videmus. Wach-
 muthio aliter placuit, p. 358.

8 *Impotentibus*] sc. Immoderatis.
Rari aditus, genitivus singularis nu-
 meri, ut, *exactae aetatis Camillus erat*
 vi. 22. *suarum rerum erant* infr. 38.
 STROTH.

siliis, quae secreto ab aliis coquebant, iam haud dissimulando superbiam, rari aditus, colloquentibus difficiles, ad 9 Idus Maias rem perduxere. Idus tum Maias sollemnes ineundis magistratibus erant. Initio igitur magistratus primum honoris diem denuntiatione ingentis terroris insignem fecere. Nam quum ita priores decemviri servassent, ut unus fasces haberet, et hoc insigne regium in orbem, suam cuiusque vicem, per omnes iret, subito omnes cum duodenis fascibus prodire. Centum viginti lictores forum impleverant, et fascibus securas illigatas praeferebant: nec attinuisse demi securim, quum sine provocatione creati essent, interpretabantur. Decem regum species erat, multiplicatusque terror non infimis solum, sed primoribus Patrum, ratis caedis causam ac principium quaeri: ut, si quis memorem libertatis vocem aut in senatu aut in populo misisset, statim virgae securaeque etiam ad ceterorum metum expedirentur. Nam, praeterquam quod in populo nihil erat praesidii, sublata provocatione, intercessionem quoque consensu sustulerant: quum priores decemviri appellatione collegae corrigi reddita ab se iura tulissent; et quaedam, quae sui iudicii videri possent, ad populum reiecissent. Aliquamdiu aequatus inter omnes terror fuit: paullatim totus vertere in plebem coepit. Abstinebatur a Patribus: in humiliores libidine crudeliterque consulebatur: hominum, non causarum, toti erant: ut apud quos gratia vim aequi haberet. Iudicia domi conflabant, pronuntiabant in foro. Si quis collegam appellasset, ab eo, ad quem venerat, ita discedebat, ut poeniteret, non prioris decreto stetisse. Opinio etiam sine auctore exierat, non in praesentis modo temporis eos iniuriam conspirasse, sed foedus clandestinum inter ipsos iureiurando ictum, ne comitia haberent, perpetuoque decemviratu possessum semel obtinerent imperium.

U. C. 304.
A. C. 448.
Decemvirorum annus II.

Decemvirorum insolentia et tyrannis.

Circumspectare tum patriciorum vultus plebei, et inde libertatis captare auram, unde servitutem timendo in eum statum rempublicam adduxerant. Primores Patrum odisse decemviros, odisse plebem: nec probare, quae fierent; et 37.

9 *Idus tum Maias*] cf. Supr. iii. 6. ubi principium anni consularis Kalendis Sextilibus agebatur. Causam mutationis ap. Dion. x. 59. legimus.

1 *Nec attinuisse demi securim . . . interpretabantur*] Consuetudo erat iam inde a Valerio Publicola tradita, ne securas fascibus illigatae praeferrerentur in urbe consulibus. Sed id decemviri ideo factum esse dicebant, quod a consulibus provocare ad po-

pulum liceret. Unde, quum ipsi sine provocatione creati essent, interpretabantur, id est, interpretando mentem huius consuetudinis, statuabant ea se non teneri, nec ullam esse rationem cur demerent e fascibus securas. Cuius.

2 *Provocatione*] sc. Ad populum. *Intercessionem* h. e. decemvirorum adversus collegam.

U. C. 304.
A. C. 448.

Duae tabulae prioribus X. additae.

credere, haud indignis accidere. Avide ruendo ad libertatem in servitutem lapsos iuvare nolle: cumulare quoque iniurias, ut taedio praesentium consules duo tandem et status pristinus rerum in desiderium veniant. Iam et processerat pars maior anni, et duae tabulae legum ad prioris 3 anni decem tabulas erant adiectae: nec quicquam iam supererat, si hae quoque leges centuriatis comitiis perlatae essent, cur eo magistratu reipublicae opus esset. Expectabant, quam mox consulibus creandis comitia edicerentur. Id modo plebes agitabat, quonam modo tribuniciam potestatem, munimentum libertati, rem intermissam repararent. Quum interim mentio comitiorum nulla fieri, et decemviri, 4 qui primo tribunicios homines, quia id popolare habebatur, circum se ostentaverant plebei, patriciis iuvenibus saepserant latera: eorum catervae tribunalia obsederant. Hi ferre, agere plebem plebisque res; quum fortuna, qua quic- 5 quid cupitum foret, potentioris esset. Et iam ne tergo quidem abstinebatur: virgis caedi, alii securi subiici; et, ne gratuita crudelitas esset, bonorum donatio sequi domini supplicium. Hac mercede iuventus nobilis corrupta non modo non ire obviam iniuriae, sed propalam licentiam suam malle, quam omnium libertatem.

38.

U. C. 305.
A. C. 447.
Decemvirorum annus III.

Idus Maias venere. Nullis subrogatis magistratibus, pri- 7 vati pro decemviris, neque animis ad imperium inhibendum 8 imminutis, neque ad speciem honoris insignibus, prodeunt. Id vero regnum haud dubie videri. Deploratur in perpe-

3 *Duae tabulae legum*] Quas ini-
quas fuisse scribit Cic. de Rep. ii. 37.
in quibus, ne plebi et patribus connu-
bia essent, sancitum est.

4 *Quum . . . fieri*] In MS. Veith.
fieret: decemviri, sed *quum* haud
raro cum infinitivo historico ap. Liv.
coniungitur. cf. supr. ii. 27.

5 *Ferre, agere*] Loquendi genus
desumptum a Graecis, *φέρειν καὶ ἄγειν*.
cf. infr. xxii. 3.

6 *Quum fortuna*] Verba haec, et
quae sequuntur, quamquam intelligi
possunt, tamen nonnihil corrupta pu-
to. Vel legendum *cum fortuna*, ita
ut *potentioris esset* ad *quicquid cu-
pitum foret* referatur, h. e. cum suc-
cessu ita prospero ut cuncta, quae
quis potentior cuperet, eius essent.
Vel ita: *quum fortuna, quam quis-
quis cupitum iret, potentioris esset*,
ubi *fortuna* de rebus ipsis intelligen-
dum. Sed priorem coniecturam iam
occupatam a I. Fr. Gronov. video.
In MS. Veith.: *cupitum fuerat*. STR.
Mihi quidem arridet interpretatio.

*cum eo eventu, quo non ius sed vis
valeret*, quam I. Fr. Gronov. in ite-
rata sua editione admisit, quemadmo-
dum etiam Glareanus voluisse vide-
tur.

7 *Nullis subrogatis magistratibus*]
Hoc decemvirorum collegium lege
alia ab illo creatum existimat Niebhr.
ut quod locum omnium aliorum ma-
gistratuum ex nova reipublicae ad-
ministrandae institutione haberet, ne-
que annuo spatio finiretur: alioquin
interreges munera illorum statim an-
nuo spatio finito occupavissent, et ex
lege Valeria renitentes cohibuissent.
cf. infr. 54. ubi senatum decrevisse
legimus, ut decemviri magistratu se
abdicarent.

8 *Inhibendum*] sc. Adhibendum,
quo sensu verbum *inhibere* saepius
occurrit, ut infr. *imperioque inhibendo*.
et iv. 53. 58. cf. Cic. Philip. viii. 8.
Adiectivum *imminutis* etiam ad *hono-
ris insignibus* intelligendum esse, fa-
cile patet. Ceterum in MS. Veith.
legitur *adhibendum*. STROTH.

tuum libertas; nec vindex quisquam existit, aut futurus U. C. 305.
A. C. 447.
videtur. Nec ipsi solum desponderant animos, sed con-
temni coepti erant a finitimis populis: imperiumque ibi
esse, ubi non esset libertas, indignabantur. Sabini magna Sabini
agrum
Rom. po-
pulantur.
manu incursionem in agrum Romanum fecere: lateque
populati, quum hominum atque pecudum inulti praedas
egissent, recepto ad Eretum, quod passim vagatum erat,
agmine, castra locant, spem in discordia Romana ponen-
tes; eam impedimentum delectui fore. Non nuntii solum,
sed per urbem agrestium fuga trepidationem iniecit. De-
cemviri consultant, quid opus facto sit. Destitutis inter
Patrum et plebis odia addidit terrorem insuper alium for-
tuna. Aequi alia ex parte castra in Algido locant: depo- Aequi Tus-
culanum.
pulatumque inde excursionibus Tusculanum agrum legati
ab Tusculo, praesidium orantes, nuntiant. Is pavor per-
pulit decemviros, ut senatum, simul duobus circumstantibus
urbem bellis, consulerent. Citari iubent in curiam Patres,
haud ignari, quanta invidiae immineret tempestas: omnes
vastati agri periculorumque imminentium causas in se con-
gesturos, tentationemque eam fore abolendi sibi magistra-
tus, ni consensu resisterent, imperioque inhibendo acriter
in paucos praeferocis animi conatus aliorum comprimerent.
Postquam audita vox in foro est praeconis, Patres in cu- Senatum
vocant de-
cemviri.
riam ad decemviros vocantis; velut nova res, quia inter-
miserant iamdiu morem consulendi senatus, mirabundam
plebem convertit, 'quidnam incidisset, cur ex tanto inter-
'vallo rem desuetam usurparent. Hestibus belloque gra-
'tiam habendam, quod solitum quicquam liberae civitatis
'fieret.' Circumspectare omnibus fori partibus senatorem,
raroque usquam noscitare: curiam inde ac solitudinem
9 circa decemviros intueri; quum et ipsi invisum consensu
imperium, et plebs, quia privatis ius non esset vocandi se-
natum, non convenire Patres interpretarentur; 'iam caput
'fieri libertatem repetentium, si se plebs comitem senatui
'det, et, quemadmodum Patres vocati non coeant in sena-
'tum, sic plebs abnuat delectum.' Haec fremunt plebes.
Patrum haud fere quisquam in foro, in urbe rari erant.
1 Indignitate rerum cesserant in agros; suarumque rerum
erant, amissa publica: tantum ab iniuria se abesse rati,
quantum a coetu congressuque impotentium dominorum se

9 Quum et ipsi] h. e. Quum ex una
parte ipsi Decemviri id, quod non in
curiam convenirent Patres, ita inter-
pretarentur, quasi res omnibus in-
visum sit illorum imperium, ex altera
vero plebs, propterea non convenire
patres, quia Decemviris, tanquam,
finito iam illorum magistratu, priva-

tis, ius non esse vocandi senatum pu-
tarent. Struth. Sed consensu pro-
pter consensum decemvirorum inter-
pretatur Doer.

1 Suarumque rerum] Suis rebus
dediti. Sic supr. 36. hominum, non
causarum, toti erant, et infr. XIII. 14.
In MS. Verth., omisa publica. Str.

U. C. 305. amovissent. Postquam citati non conveniebant, dimissi
 A. C. 447. circa domos apparitores, simul ad pignora capienda, scisci-²
 tandumque, num consulto detrectarent? referunt, senatum
 in agris esse. Laetius id decemviris accidit, quam si prae-
 sentes detrectare imperium referrent. Iubent acciri om-
 nes, senatumque in diem posterum edicunt; qui aliquanto
 spe ipsorum frequentior convenit. Quo facto proditam a
 Patribus plebs libertatem rata, quod iis, qui iam magistratu
 abissent, privatisque, si vis abesset, tanquam iure cogenti-³
 bus, senatus paruiisset.

39. Sed magis obedienter ventum in curiam est, quam ob-⁴
 noxie dictas sententias accepimus. L. Valerium Potitum,
 proditum memoriae est, post relationem Ap. Claudii, prius-⁵
 quam ordine sententiae rogarentur, postulando ut de re-⁶
 publica liceret dicere, prohibentibus minaciter decemviris,
 proditurum se ad plebem denuntiantem, tumultum exci-
 visse. Nec minus ferociter M. Horatium Barbatum isse
 in certamen, 'Decem Tarquinius' appellan-⁷
 temque, 'Valeriis et Horatiis ducibus pulsos reges. Nec⁸
 'nominis homines tum pertaesum esse; quippe quo Iovem
 'appellari fas sit, quo Romulum conditorem urbis, dein-
 'cepsque reges appellatos, quod sacris etiam, ut solenne,
 'retentum sit. Superbiam violentiamque tum perosos
 'regis: quae si in rege tum eodem, aut in filio regis,⁹

Asperae
 sententiae
 in decem-
 viros.

2 *Pignora*] Pignoribus enim ab-
 latis coerceri senatores solebant. cf.
 Cic. de Orat. iii. 1. Philip. i. 5. A.
 Gellius xiv. 7. de *pignore* quoque *ca-*
piendo disserit, deque multa dicenda
 senatori, qui quum in senatum venire
 deberet, non adesset. STROTH. Vide
 Gaii Institut. iv. § 26.

3 *Si vis abesset*] Qui reliqua nihil
 a privatis differrent, nisi quod vim
 adhiberent, quae magistratui tantum
 competit. STROTH.

4 *Obnoxie*] Timide, tanquam ab
 humiliter servientibus.

5 *Proditum memoriae*] Valeriis, ut-
 pote Messallae gentilibus, primas par-
 tes noster semper tribuit, atque eos
 singulares libertatis amatores effingit.

6 *Post relationem Ap. Claudii*] Postquam Ap. Claudius retulit, qui-
 bus de rebus deliberari oporteret.
Referre est verbum proprium de eo
 qui aliquid proponit, de quo senten-
 tiam dici velit. CREV.

7 *Horatiis ducibus pulsos reges*] Ex Livii historia non satis patet, quo
 iure Horatii se pellendis urbe regibus
 duces fuisse praedicare possint. At
 Dion. tradit M. Horatio auctore de-

fecisse exercitum a Superbo: et eo-
 dem iterum consule Porsennam, qui
 Tarquinius in patriam restituendos
 susceperat, coactum esse re infecta
 discedere. CREV.

8 *Nec nominis homines tum per-
 taesum esse*] Quidam scripti, *nomen*.
 Noster Sorbonicus, ut et unus e Gro-
 novianis, ambiguus: *nomen is*, incer-
 to librario, utrum *nomen* an *nominis*
 scribendum esset. Legit Gronovius:
nec nomen homines tum pertaesos es-
se. CREV. Sed nihil opus est, ver-
 bum enim *pertaedet* et genitivum reci-
 pit et accusativum: nisi forsan legen-
 dum malis *nec nomen regis tum per-
 taesum esse*.

9 *In rege tum eodem, aut in filio
 regis*] Possumus quidem exponere, in
 hoc eodem rege, cuius modo mentio
 facta est, aut in Sexto eius filio. Sed
 id eodem hoc modo intellectum, et
 supervacuum omnino est, et fortasse
 parum Latine dictum. Quid, si le-
 gamus? *in rege tum eodem et filio
 regis*: id est, in eo qui simul et rex es-
 set, et regis, sc. Tarquinius Prisci, filius.
 CREV. [*tum eodem*] scribit Bekker.

‘ferenda non fuerint, quem laturum in tot privatis? Vi- U. C. 305.
 ‘derent, ne, vetando in curia libere homines loqui, extra A. C. 447.
 ‘curiam etiam moverent vocem. Neque se videre, qui
 ‘sibi minus privato ad concionem populum vocare, quam
 ‘illis senatum cogere, liceat. Ubi vellent, experirentur,
 1 ‘quanto ferocior dolor libertate sua vindicanda, quam cu-
 ‘piditas iniusta dominatione, esset. De bello Sabino eos
 ‘referre; tanquam maius ullum populo Romano bellum
 ‘sit, quam cum iis, qui, legum ferendarum causa creati,
 ‘nihil iuris in civitate reliquerint; qui comitia, qui an-
 ‘nuos magistratus, qui vicissitudinem imperitandi, quod
 ‘unum exaequandae sit libertatis, sustulerint; qui privati
 ‘fasces et regium imperium habeant. Fuisse, regibus
 ‘exactis, patricios magistratus creatos; postea, post seces-
 ‘sionem plebis, plebieos. Cuius illi partis essent, rogitare?
 ‘Populares? quid enim eos per populum egisse? Opti-
 ‘mates? qui anno iam prope senatum non habuerint; tunc
 ‘ita habeant, ut de republica loqui prohibeant? Ne ni-
 ‘mium in metu alieno spei ponerent: graviora, quae pati-
 ‘antur, videri iam hominibus, quam quae metuant.’

2 Haec vociferante Horatio, quum decemviri nec irae nec 40.
 ignoscendi modum reperirent, nec, quo evasura res esset,
 cernerent; C. Claudii, qui patruus Appii decemviri erat,
 3 oratio fuit precibus, quam iurgio, similis, orantis per sui
 fratris parentisque eius Manes, ‘ut civilis potius societatis,
 ‘in qua natus esset, quam foederis, nefarie icti cum col-
 ‘legis, meminisset. Multo id magis se illius causa orare,
 ‘quam reipublicae. Quippe rempublicam, si a volentibus
 ‘nequeat, ab invitis ius expetituram. Sed ex magno cer-
 ‘tamine magnas excitari ferme iras; earum eventum se
 ‘horrere.’ Quum aliud, praeterquam de quo retulissent,
 decemviri dicere prohiberent, Claudium interpellandi vere-
 cundia fuit. Sententiam igitur peregit, nullum placere
 senatusconsultum fieri. Omnesque ita accipiebant, pri-
 vatos eos a Claudio iudicatos: multique ex consularibus
 verbo assensi sunt. Alia sententia, asperior in speciem,
 vim minorem aliquanto habuit, quae patricios coire ad
 4 prodendum interregem iubebat: censendo enim, quos-
 cunque magistratus esse, qui senatum haberent, iudicabat;

1 *Quanto ferocior*] *Quanto fortior* reponit Bekker., quam lectionem I. Fr. Gronov. affert, sed *ferocior* Drakenborch. verius videtur.

2 *Nec irae, nec ignoscendi modum*] Nec quatenus exercere iras, nec quatenus patientia uti deberent. Crev.

3 *Precibus, quam iurgio*] Solet interdum in comparationibus Livius

particulam *magis* vel *potius* omittere, ut infr. 68. x. 26. xxiii. 43.

4 *Censendo enim*] h. e. Sententiam enim dicendo senatus, eos utique magistratus, qui senatum habere possent, iudicabat: quos privatos iudicabat ille, qui senatum rite coactum negabat, et nullius senatusconsulti faciendi auctor erat.

U. C. 305. quos privatos fecerat auctor nullius senatusconsulti faciendi.
 A. C. 447. Ita labante iam causa decemvirorum, L. Cornelius Malu-
 L. Corne- ginensis, M. Cornelii decemviri frater, quum ex consula-
 lius decem- ribus ad ultimum dicendi locum consulto servatus esset,
 viros tueretur. simulando curam belli, fratrem collegasque eius tuebatur:
 ‘Quonam fato incidisset, mirari se’ dictitans, ‘ut decemviros,
 ‘qui decemviratum petissent, aut socii, aut hi maxime op-
 ‘pugnarent? aut quid ita, quum per tot menses vacua⁵
 ‘civitate nemo, iustine magistratus summae rerum prae-
 ‘essent, controversiam fecerit; nunc demum, quum hostes
 ‘prope ad portas sint, civiles discordias serant: nisi quod
 ‘in turbido minus perspicuum fore putent, quid agatur.
 ‘Ceterum neminem, maiore cura occupatis animis, verum⁶
 ‘esse, praedudicium rei tantae afferre. Sibi placere, de eo,
 ‘quod Valerius Horatiusque ante Idus Maias decemviros
 ‘abisse magistratu insimulent, bellis, quae immineant, per-
 ‘fectis, republica in tranquillum redacta, senatu discep-
 ‘tante, agi: et iam nunc ita se parare Ap. Claudium, ut
 ‘comitiorum, quae decemviris creandis decemvir ipse
 ‘habuerit, sciat sibi rationem reddendam esse, utrum in
 ‘unum annum creati sint, an donec leges, quae deessent,
 ‘perferrentur. In praesentia omnia praeter bellum omitti
 ‘placere: cuius si falso famam vulgatam, vanaque non
 ‘nuntios solum, sed Tusculanorum etiam legatos, attulisse
 ‘putent, speculatores mittendos censere, qui certius explo-
 ‘rata referant. Sin fides et nuntiis et legatis habeatur,
 ‘delectum primo quoque tempore haberi; decemviros, quo
 ‘cuique eorum videatur, exercitus ducere; nec rem aliam
 ‘praeverti.’

41. In hanc sententiam ut discederetur, iuniores Patrum⁷
 evincebant. Ferociiores iterum coorti Valerius Horatiusque⁸
 vociferari, ‘ut de republica liceret dicere: dicturos ad po-

⁵ *Aut socii, aut hi maxime*] *Aut soli aut hi maxime* legendum censet Crev. *Socii* Stroth. interpretatur, *se socios praebendo*. Haud scio an sensus sit, *ut qui decemviratum petissent, aut socii eorum, aut hi ipsi*, h. e. aut per socios aut per se, *decemviros opugnarent*.

⁶ *Verum esse*] sc. Non aequum esse quemquam de re tanta sententiam prius iudicatam afferre, h. e. priusquam in iudicium res veniret.

⁷ *Discederetur*] Ut in hanc sententiam senatusconsultum fieret. Verbum *discedere* hac in re solenne erat. Vocabant tamen propria et peculiari appellatione senatusconsultum *per discessionem* factum, id quod

non rogatis neque dictis sententiis, in re scilicet vel clara indubitataque, vel levi et tralatitia, statim transeuntibus in unam partem senatoribus omnibus, aut longe maiore parte, fiebat. Ex illo deliberandi more pendet haec locutio *pedibus ire in sententiam*: quum scilicet, sive unus aliquis, sive plures, sive omnes, non voce et oratione sententiam exponerent; sed solo pedum motu, transeundo scilicet in hanc illamve partem, censerent. Haec fere Manut. in libro de senatu Rom. CREV.

⁸ *Iuniores Patrum*] sc. Minorum gentium patres, qui Appii partibus haud dubie favebant.

- ‘pulum, si in senatu per factionem non liceat. Neque U. C. 305.
 ‘enim sibi privatos, aut in curia, aut in concione, posse A. C. 447-
 ‘obstare; neque se imaginariis fascibus eorum cessuros
 ‘esse.’ Tum Appius, iam prope esse ratus, ut, ni vio-
 lentiae eorum pari resisteretur audacia, victum imperium
 9 esset: ‘Non erit melius,’ inquit, ‘nisi de quo consulimus,
 1 ‘vocem misisse:’ et ad Valerium, negantem se privato
 reticere, lictorem accedere iussit. Iam Quiritium fidem
 implorante Valerio a curiae limine, L. Cornelius complexus
 2 Appium, non cui simulabat consulendo, diremit certamen:
 factaque per Cornelium Valerio dicendi gratia, quae vellet,
 quum libertas non ultra vocem excessisset, decemviri pro-
 positum tenere. Consulares quoque ac seniores ab residuo Vincunt
 tribuniciae potestatis odio, cuius desiderium plebi multo in senatu
 acrius, quam consularis imperii, rebantur esse, prope male- decemviri.
 bant, postmodo ipsos decemviros voluntate abire magi-
 stratu, quam invidia eorum exsurgere rursus plebem. Si
 leniter ducta res sine populari strepitu ad consules redisset,
 aut bellis interpositis, aut moderatione consulum in im-
 periiis exercendis, posse in oblivionem tribunorum plebem
 adduci.
- 3 Silentio Patrum edicatur delectus: iuniores, quum sine Delectum
 provocatione imperium esset, ad nomina respondent. Le- habent.
 gionibus scriptis, inter se decemviri comparabant, quos ire
 ad bellum, quos praeesse exercitibus oporteret. Prin-
 cipes inter decemviros erant Q. Fabius et Ap. Claudius.
 Bellum domi maius, quam foris, apparebat. Appii violen-
 4 tiam aptiorem rati ad comprimendos urbanos motus: in
 Fabio minus in bono constans, quam navum in malitia,
 ingenium esse. Hunc enim virum, egregium olim domi
 militiaeque, decemviratus collegaeque ita mutaverant, ut
 Appii, quam sui, similis mallet esse. Huic bellum in Sa-
 binis, M. Rabuleio et Q. Poetelio additis collegis, man-
 datum. M. Cornelius in Algidum missus cum L. Minucio
 5 et T. Antonio et K. Duilio et M. Sergio: Sp. Oppium

9 *Non erit melius*] Verba minan-
 tis, ut infr. 48. *quiesce erit melius*.
 Distinctionem post *non* ponendum
 censet Doer.

1 *Privato reticere*] Ex iussu pri-
 vati hominis.

2 *Non cui simulabat consulendo*]
 h. e. Non revera Valerio consulendo,
 cui consulere simulabat, sed Appio.

3 *Silentio Patrum*] sc. Neque se-
 natu consilio facto, neque patribus
 repugnantibus. cf. Wachsmuth. p.
 361. Dion. xi. 21. rem aliter narrat.

4 *In Fabio minus*] Minus hic re-
 solvendum videtur in has voces *magis*
non, quomodo apud Ter. in *Hee. Act.*
iv. sc. 4. Non tibi illud factum minus
placet, quam mihi: i. e. Non tibi ma-
 gis illud factum non placet, seu dis-
 placet, quam mihi. Sensus igitur
 est: in Fabio magis esse ingenium
 non constans, sive inconstans in bono,
 quam navum in malitia. Curv.

5 *K. Duilio*] Duilium et Sergium
 legioni veteranorum praefectos fuisse
 censet Niebhr. il. not. 742.

U. C. 305. Ap. Claudio adiutorem ad urbem tuendam, aequo omnium 6
A. C. 447. decemvirorum imperio, decernunt.

42.
Male rem
gerunt.

Nihilo militae, quam domi, melius respublica admini-
strata est. Illa modo in ducibus culpa, quod, ut odio essent
civibus, fecerant: alia omnis penes milites noxa erat: qui,
ne quid ductu atque auspicio decemvirorum prospere
usquam gereretur, vinci se per suum atque illorum dedecus
patiebantur. Fusi et ab Sabinis ad Eretum, et in
Algido ab Aequis, exercitus erant. Ab Ereto per silen-
tium noctis profugi, propius urbem, inter Fidenas Crustu-
meriamque, loco edito castra communierant: persecutis
hostibus nusquam se aequo certamine committentes, natura
loci ac vallo, non virtute aut armis, tutabantur. Maius
flagitium in Algido, maior etiam clades accepta: castra
quoque amissa erant; exutusque omnibus utensilibus miles,
Tusculum se, fide misericordiaque victurus hospitem, (quae
tamen non fefellerunt,) contulerat. Romam tanti erant
terrores allati, ut, posito iam decemvirali odio, Patres
vigilias in urbe habendas censerent: omnes, qui per
aetatem arma ferre possent, custodire moenia, ac pro
portis stationes agere iuberent: arma Tusculum ad supple- 7
mentum decernerent, decemvirosque, ab arce Tusculi de-
gressos, in castris militem habere: castra alia a Fidenis in
Sabinum agrum transferri: belloque ultro inferendo deter-
reri hostes a consilio urbis oppugnandae.

43.
L. Siccii
mors.

Ad clades ab hostibus acceptas duo nefanda facinora
decemviri belli domique adiiciunt. L. Siccium in Sabinis, 8
per invidiam decemviralem tribunorum creandorum seces- 9
sionisque mentiones ad vulgus militum sermonibus occultis
serentem, prospeculatum ad locum castris capiendum
mittunt: datur negotium militibus, quos miserant expe-
ditionis eius comites, ut eum opportuno adorti loco inter-
ficerent. Haud inultum interfecere: nam circa repugnan-
tem aliquot insidiatores cecidere, quum ipse se praevalidus,
pari viribus animo, circumventus tutaretur. Nuntiant in
castra ceteri, praecipitatum in insidias esse Siccium egregie
pugnantem, militesque quosdam cum eo amissos. Primo
fides nuntiantibus fuit. Profecta deinde cohors ad sepe-

6 *Aequo omnium*] Ita ut par im-
perium Appii et Oppii esset, ac de-
cemvirorum omnium foret, si in urbe
essent. CREV.

7 *Ad supplementum*] *Ac supple-*
mentum coniecit I. Fr. Gronov. ni-
mirum arma illis, qui inter fugam illa
iactassent, *ac supplementum*, sc. mili-
tes, in occisorum locum. Sed Dra-
kenborch. veterem lectionem tuetur
ad supplementum sc. *praeter*: quo

sensu praepositio *ad* haud raro occur-
rit. cf. xxvi. 5.

8 *Siccium*] De quo supr. in not. ad
31. *Sicinium* ap. plures auctores le-
gimus, *Siccium* ap. Dion. et Plut.
cf. Val. Max. iii. 2. Plin. H. N. vii.
28. A. Gell. ii. 11. Festus v. *Obsi-*
dionalis.

9 *Per invidiam*] Capta occasione
ex publico in decemviros odio. CR.

liendos, qui ceciderant, decemvirorum permissu, postquam U. C. 305.
nullum spoliatum ibi corpus, Sicciumque in medio iacen- A. C. 447.
tem armatumque, omnibus in eum versis corporibus,
videre; hostium neque corpus ullum, nec vestigia abeun-
tium; profecto ab suis interfectum memorantes, retulere
corpus. Invidiaeque plena castra erant, et Romam ferri
protinus Siccium placebat, ni decemviri funus militare ei
publica impensa facere maturassent. Sepultus ingenti mi-
litem maestitia, pessima decemvirorum in vulgus fama, est.

Sequitur aliud in urbe nefas, ab libidine ortum, haud 44.
minus foedo eventu, quam quod per stuprum caedemque Appii
Lucretiae urbe regnoque Tarquinius expulerat: ut non finis libido.
solum idem decemviris, qui regibus, sed causa etiam eadem
imperii amittendi esset. Ap. Claudium virginis plebeiae
stuprandae libido cepit. Pater virginis L. Virginius hone-
stum ordinem in Algido ducebat, vir exempli recti domi
militiaeque. Perinde uxor instituta fuerat, liberique insti-
tuebantur. Desponderat filiam L. Icilio tribunicio, viro
aeri, et pro causa plebis expertae virtutis. Hanc virginem
adultam, forma excellentem, Appius, amore ardens, pretio
ac spe pellicere adortus, postquam omnia pudore saepta
animadverterat, ad crudelem superbamque vim animum
4 convertit. M. Claudio clienti negotium dedit, ut virginem
in servitutem assereret, neque cederet secundum libertatem
postulantibus vindicias: quod pater puellae abesset, locum
iniuriae esse ratus. Virgini, venienti in forum (ibi namque
in tabernis literarum ludi erant,) minister decemviri libi-
dinis manum iniecit; serva sua natam, servamque appel-
lans, sequi se iubebat; cunctantem vi abstracturum. Pavida
puella stupente, ad clamorem nutricis, fidem Quiritium im-
plorantis, fit concursus. Virginii patris sponsique Icilio Virginia in
populare nomen celebratur: notos gratia eorum, turbam servitutem
indignitas rei virgini conciliat. Iam a vi tuta erat; quum
5 assertor, 'Nihil opus esse multitudine concitata' ait; 'se

1 *Plebeiae*] Patriciam fuisse ex-
istimat Niebhr. ii. n. 771. qui Diod.
xii. 24. ἐπαρθεὶς εὐγενούς παρθένου πε-
νιχρὰς, citat: sed ex hoc nihil pro certo
collegeris.

2 *Lucius Virginius*] ap. Cic. de
Rep. ii. 37. *Decimium* legimus; ap.
Dion. xi. 28. Cic. de Fin. ii. 20. alios-
que auctores, *Lucium*. Codici Cic.
de Rep. satis fidendum existimat
cel. A. Maius, locum autem illum in
Cic. de Fin. corruptum esse.

3 *Honestum ordinem*] h. e. Haud
intimus centurio fuerat. cf. infr. xlii.
33. Stroth.

4 *Ut virginem*] Ut postulare vir-
ginem sibi addici, tanquam servam
suam: neque cederet iis qui postula-
turi essent, ut, lite pendente, Virgi-
nia in possessione libertatis maneret.
Vindiciarum nomine intelligitur mo-
mentanea possessio rei controversae,
donec de ipsa rei proprietate decre-
torio iudicio statuantur. CREV.

5 *Assertor*] M. Claudius, qui vir-
ginem in servitutem assererat, seu
petebat. CREV. Idem *petitor* infr. ap-
pellatur, etenim, qui in causis pub-
licis accusator, eum in causis privatis
petitorem dici monet Stroth.

- U. C. 305. 'iure grassari, non vi.' Vocat puellam in ius. Auctoribus, 6
 A. C. 447. qui aderant, ut sequeretur, ad tribunal Appii perventum
 est. Notam iudici fabulam petitor, quippe apud ipsum
 auctorem argumenti, peragit; 'puellam, domi suae natam,
 'furtoque inde in domum Virginii translata, suppositam
 'ei esse. Id se indicio compertum afferre, probaturumque
 'vel ipso Virginio iudice, ad quem maior pars iniuriae eius
 'pertineat. Interim dominum sequi ancillam, acquum
 'esse.' Advocati puellae, quum Virginium reipublicae
 causa dixissent abesse, biduo affuturum, si nuntiatum ei
 sit; iniquum esse, absentem de liberis dimicare; postulant,
 ut rem integram in patris adventum differat; lege ab ipso 7
 lata vindicias det secundum libertatem; neu patiatur,
 virginem adultam famae prius, quam libertatis, periculum
 45. adire. Appius decreto praefatus, 'Quam libertati faverit, 8
 'eam ipsam legem declarare, quam Virginii amici postu-
 'lationi suae praetendant. Ceterum ita in ea firmum liber- 9
 'tati fore praesidium, si nec causis, nec personis variet.
 'In his enim, quae asserantur in libertatem, quia quivis 1
 'lege agere possit, id iuris esse; in ea, quae in patris manu
 'sit, neminem esse alium, cui dominus possessione cedat.
 'Placere itaque patrem arcessi: interea iuris sui iacturam
 'assertorem non facere, quin ducat puellam sistendamque
 'in adventum eius, qui pater dicatur, promittat.' Adversus
 iniuriam decreti quum multi magis fremerent, quam quis-
 quam unus reclamare auderet; P. Numitorius, puellae 2
 avunculus, et sponsus Icilius interveniunt: dataque inter

6 *Auctoribus qui aderant*] Iis qui aderant puellae, sive advocatis puellae, ut infra appellantur, suadentibus ei ut sequeretur. Eodem sensu verbum *adesse* usurpatum est, supr. 14. et apud Hor. Sat. i. 9. *Si me amas . . . paulum hic ades.* CREV.

7 *Lege ab ipso lata*] cf. Gravin. Iur. Civ. de legibus XII. Tab. ubi in Tab. sexta de *Dominio et de possessione* legitur, *Ast si qui quem liberali causa manu adserat, secundum libertatem vindicias dato.*

8 *Quam libertati*] sc. Quantum libertati faverit.

9 *Ceterum ita*] Ceterum non aliter in ea lege firmum libertati fore praesidium, quam si illa lex non detorqueatur ad causas et personas diversas ab iis, de quibus accipi debet. *In his enim personis, quae quum in servitute sint, asserantur in libertatem, id iuris esse*, i. e. hoc ius servari, nempe ut vindiciae dentur secundum libertatem, quia quivis possit lege agere, i. e.

actionem in iudicio intendere, et negotium in se suscipere. *In ea persona, quae in patris manu sit*, qualis erat Virginia, *neminem esse alium, cui dominus*, i. e. is qui se dominum esse contendit, lite pendente, *possessione cedat*, quia solus pater, cuius in manu sit, eam defendendi et vindicandi ius habeat. CREV.

1 *Quia quivis lege agere possit*] Is qui, quum serviret, sese in libertatem vindicari postulabat, non poterat ius suum proprio nomine persequi. Necessse erat, ut homo liber periculo suo causam eius tuendam susciperet. Cuius autem e populo illa actio dabatur CREV.

2 *P. Numitorius, puellae avunculus*] Non *avus* ut ex compendio scripturae legitur in omnibus MSS. et antt. edd. cf. infr. 54. et Dion. xi. 28. qui dicit, Numitoriam Virginii uxorem et sororem huius Numitorii fuisse. RUP.

turbam via, quum multitudo Icili maxime interventu U. C. 305.
 resisti posse Appio crederet, lictor 'decesse' ait: vocife- A. C. 447.
 rantemque Icilium summovet. Placidum quoque ingenium Icili con-
 tam atrox iniuria accendisset. 'Ferro hinc tibi summo- tentio cum
 3 'vendus sum, Appi,' inquit, 'ut tacitum feras, quod celari Appio.
 4 'vis. Virginem ego hanc sum ducturus, nuptam pudi-
 'camque habiturus. Proinde omnes collegarum quoque
 'lictos convoca, expediri virgas et secures iube: non
 'manebit extra domum patris sponsa Icili. Non, si tribu-
 'nium auxilium et provocationem plebi Romanae, duas
 'arces libertatis tuendae, ademistis, ideo in liberos quoque
 'nostros coniugesque regnum vestrae libidini datum est.
 'Saevite in tergum et in cervices nostras; pudicitia saltem
 'in tuto sit. Huic si vis afferetur, ego praesentium Qui-
 'ritium pro sponsa, Virginium militum pro unica filia, omnes
 'deorum hominumque implorabimus fidem: neque tu
 'istud unquam decretum sine caede nostra referes. Po-
 'stulo, Appi, etiam atque etiam consideres, quo progre-
 'diare. Virginium viderit, de filia, ubi venerit, quid agat.
 'Hoc tantum sciat, sibi, si huius vindictis cesserit, con-
 5 'ditionem filiae quaerendam esse. Me, vindicantem spon-
 'sam in libertatem, vita citius deseret, quam fides.'

Concitata multitudo erat, certamenque instare videbatur.
 Lictos Icilium circumsteterant: nec ultra minas tamen
 processum est, quum Appius, 'Non Virginiam defendi ab
 'Icilio, sed inquietum hominem, et tribunatum etiam nunc
 6 'spirantem, locum seditionis quaerere,' diceret. 'Non prae-
 'biturum se illi eo die materiam: sed ut iam sciret, non id
 'petulantiae suae, sed Virginio absenti et patrio nomini et
 'libertati, datum, ius eo die se non dicturum, neque decre-
 'tum interpositurum: a M. Claudio petiturum, decederet
 'iure suo, vindicarique puellam in posterum diem pateretur.
 'Quod nisi pater postero die affuisset, denuntiare se Icilio
 7 'similibusque Icili, neque legi suae latorem, neque decem-
 'viro constantiam defore: nec se utique collegarum lictos
 'convocaturum ad coercendos seditionis auctores: con-
 'tentum se suis lictoribus fore.' Quum dilatum tempus

46.

3 *Tacitum feras* | Ut per silentium ac nemine reclamante consequare id quod celari vis, cf. supr. i. §1.

4 *Nuptam* | h. e. Sponsam; sponsae enim, ut satis notum, ne amplius formi suae ad amorem pellicerent alios, caput obnubere solebant flammis. Dicitur. Hinc *nubere alicui* proprie de mulieribus dicitur.

5 *Conditionem* | Proprie de nuptas, quae sub conditione dotis sunt. cf. Cic. Philipp. ii. §8. *filium eius, soro-*

rem tuam circumstisti, alia conditione quaesita. Suspiciari possis, vocem *aliam* in hoc loco excidisse. Dicitur.

6 *Locum seditionis quaerere* | Nobis, ut et Gronovio, magis *Lavianum* videretur *seditioni*. Cic. v. *Locus seditionis* int. §0. legitur.

7 *Neque legi suae* | sc. Se tam legis a se latae, quam decemviri, auctoritatem constanti animo defensorum esse. Dicitur.

U. C. 305. iniuriae esset, secessissentque advocati puellae, placuit om-
 A. C. 447. nium primum, fratrem Icilii filiumque Numitorii, impigros
 iuvenes pergere inde recta ad portam, et, quantum acce-
 lerari posset, Virginium acciri e castris. In eo verti
 puellae salutem, si postero die vindex iniuriae ad tempus
 praesto esset. Iussi pergunt, citatisque equis nuntium ad
 patrem perferunt. Quum instaret assertor puellae, ut vin-
 dicaret, sponsoresque daret; atque id ipsum agi diceret,
 Icilius, sedulo tempus terens, dum praeciperent iter nuntii
 missi in castra, manus tollere undique multitudo, et se
 quisque paratum ad spondendum Icilio ostendere. Atque
 ille lacrimabundus, 'Gratum est,' inquit; 'crastina die
 'vestra opera utar: sponsores nunc satis est.' Ita vin-
 dicatur Virginia, spondentibus propinquis. Appius, paul-
 lisper moratus, ne eius rei causa sedisse videretur, post-
 quam, omissis rebus aliis prae cura unius, nemo adibat,
 domum se recepit; collegisque in castra scribit, 'ne Vir-
 'ginio commeatum dent, atque etiam in custodia habeant.'
 Improbum consilium serum, ut debuit, fuit; et iam com-
 meatu sumpto profectus Virginus prima vigilia erat, quum
 postero die mane de retinendo eo nequicquam literae red-
 duntur.

47. At in urbe prima luce, quum civitas in foro expectatione
 erecta staret, Virginus sordidatus filiam suam obsoleta
 veste, comitantibus aliquot matronis, cum ingenti advo-
 catione in forum deducit. Circumire ibi et prensare ho-
 mines coepit; et non orare solum precariam opem, sed pro
 debita petere, 'Se pro liberis eorum ac coniugibus quotidie
 'in acie stare: nec alium virum esse, cuius strenue ac fero-
 'citer facta in bello plura memorari possent. Quid pro-
 'desse, si, incolumi urbe, quae, capta, ultima timeantur,
 'liberis suis sint patienda?' Haec prope concionabundus
 circumibat homines. Similia his ab Icilio iactabantur:
 comitatus muliebris plus tacito fletu, quam ulla vox, mo-
 vebat. Adversus quae omnia obstinato animo Appius (tanta
 vis amentiae verius, quam amoris, mentem turbaverat) in
 tribunal escendit: et, ultro querente pauca petitor, 'quod
 'ius sibi pridie per ambitionem dictum non esset,' prius-
 quam aut ille postulatum perageret, aut Virginio respon-
 dendi daretur locus, Appius interfatur. Quem decreto

Virginius
 pro filia
 cum Appio
 contendit.

8 *Quum instaret assertor puellae*] Quum is qui asserebat Virginiam in servitutem, instaret Icilio, ut se defensorem libertatis puellae in iure profiteretur, et daret qui sponderent fore, ut ea postero die sisteretur coram Decemviro. CREV.

9 *Sponsores*] Quod anglice vertimus

preliminary bail, vindicias autem quae postea decrevit decemvir, *definitive bail*.

1 *Advocatione*] sc. Advocatorum numero. *Precariam*, precibus exoratam.

2 *Ambitionem*] sc. Nimiam sive illicitam ambitionem, h. e. captationem favoris vulgi.

sermonem praetenderit, forsitan aliquem verum auctores U. C. 305.
 3 antiqui tradiderint: quia nusquam ullum in tanta foeditate A. C. 447.
 decreti verisimilem invenio; id, quod constat, nudum vi-
 4 detur proponendum, decresse vindicias secundum servi-
 tutem. Primo stupor omnes admiratione rei tam atrocis
 defixit: silentium inde aliquamdiu tenuit. Dein quum
 M. Claudius, circumstantibus matronis, iret ad prehen-
 dendam virginem, lamentabilisque cum mulierum com-
 ploratio excepisset; Virginus, intentans in Appium manus,
 'Icilio,' inquit, 'Appi, non tibi, filiam despondi: et ad
 'nuptias, non ad stuprum, educavi. Placet pecudum fe-
 'rarumque ritu promiscue in concubitus ruere? Passu-
 'rine haec isti sint, nescio: non spero esse passuros illos,
 'qui arma habent.' Quum repelleretur assertor virginis a
 globo mulierum circumstantiumque advocatorum, silentium
 factum per praeconem. Decemvir, alienatus ad libidinem 48.
 animo, negat, 'hesterno tantum convicio Icili violentiaque
 'Virginii, cuius testem populum Romanum habeat, sed
 'certis quoque indiciis compertum se habere, nocte tota
 'coetus in urbe factos esse ad movendam seditionem.
 'Itaque se, haud inscium eius dimicationis, cum armatis
 'descendisse; non ut quemquam quietum violaret, sed ut
 'turbantes civitatis otium pro maiestate imperii coerceret.
 'Proinde quiesce erit melius. I,' inquit, 'hictor, summove
 'turbam; et da viam domino adprehendendum man-
 'cipium.' Quum haec intonuisset plenus irae, multitudo
 ipsa se sua sponte dimovit, desertaque praeda iniuriae
 puella stabat. Tum Virginus, ubi nihil usquam auxilii
 vidit, 'Quaeso,' inquit, 'Appi, primum ignosce patrio
 'dolori, si quid inclementius in te sum inventus: deinde
 'sinas hic coram virgine nutricem percunctari, quid hoc
 'rei sit? ut, si falso pater dictus sum, aequiore hinc animo
 'discedam.' Data venia, seducit filiam ac nutricem prope
 5 Cloacinae ad tabernas, quibus nunc Novis est nomen:

3 *Tradiderint*] h. e. Non nega-
 verim verum sermonem tradidisse
 aliquos, sed quum apud nullum talem
 inveniam sermonem, qualis iustam
 rationem tam foedi decreti prae se
 ferat, nullum horum referam, sed
 modo decretum ipsum nudum pro-
 ponam: quum id saltem certo con-
 stet, hoc eo pertinuisse, ut Virginiam
 servam pronunciaret Appius, eamque
 Claudio clienti adhaeret. SIRONI.

4 *Vindicias secundum servitutem*
 In manum assertoris abducendam tra-
 didit, cui ut servae stuprum impune
 inferretur. cf. Senec. Controv. x. 4.
in servum nihil non domino licere. cf.

Ascon. in Cic. Corneli. ed. Orell. p.
 77.

5 *Cloacinae*] Volunt interpretes
 hic legendum esse *Cluacinae*, nempe
 Veneris: propterea quod Cluacinae
 templum in foro esset, quo in loco res
 nunc geritur; Cloacinae vero aedes in
 alia foret urbis regione. Venus *Clua-*
cina sic dicta fuerat ab antiquo verbo
cluere, i. e. purgare. *Cloacina* nomen
 invenerat ex eo quod effigies eius in
 cloaca reperta esset. Plura de Venere
Cluacina pete ex Plin. H. N. xv. 29,
 de Cloacina ex Lactant. de Fals.
 Relig. i. 20. CREV.

6 *Novis*] cf. infr. xxvi. 27.

U. C. 305. atque ibi ab lanio cultro arrepto, 'Hoc te uno, quo possum,'
 A. C. 447. ait, 'modo, filia, in libertatem vindico.' Pectus deinde
 Virginius puellae transfigit; respectansque ad tribunal, 'Te,' inquit,
 filiam occi- 'Appi, tuumque caput sanguine hoc consecro.' Clamore
 dit.

49.

Orta inde
 certamina.

Appius pul-
 sus foro.

Concitatur multitudo partim atrocitate sceleris, partim spe
 per occasionem repetendae libertatis. Appius nunc vocari
 Icilium, nunc retractantem arripi; postremo, quum locus 5
 adeundi apparitoribus non daretur, ipse, cum agmine pa-
 triciorum iuvenum per turbam vadens, in vincula duci
 iubet. Iam circa Icilium non solum multitudo, sed duces
 quoque multitudinis erant L. Valerius et M. Horatius: qui,
 repulso lictore, 'Si iure ageret, vindicare se a privato
 'Icilium' aiebant; 'si vim afferre conaretur, ibi quoque se
 'haud impares fore.' Hinc atrox rixa oritur. Valerium
 Horatiumque lictor decemviri invadit: franguntur a mul-
 titudine fascēs. In concionem Appius ascendit: sequuntur
 Horatius Valeriusque. Eos concio audit: decemviro ob-
 strepitur. Iam pro imperio Valerius discedere a privato
 lictores iubebat: quum, fractis animis, Appius, vitae me-
 tuens, in domum se propinquam foro, insciis adversariis,
 capite obvoluto, recepit. Sp. Oppius, ut auxilio collegae
 esset, in forum ex altera parte irrumpit: videt imperium vi-
 ctum. Agitatus deinde consiliis, ad quae ex omni parte 6
 assentiendo multis auctoribus trepidaverat, senatum po-
 stremo vocari iussit. Ea res, quod magnae parti Patrum
 displicere acta decemvirorum videbantur, spe per senatum
 finiendae potestatis eius multitudinem sedavit.

Senatus nec plebem irritandam censuit; et multo magis

5 *Retractantem*] *Detrectantem*
 vult Gronov. sed nihil opus est. cf.
 infr. 52. Virg. Aen. xii. 889.

6 *Ad quae ex omni parte*] Ita
 quoque Stroth. *atque . . . trepida-*
verat. Bekker. *atque . . . trepida in*
re, vel *postquam . . . trepidaverat*

Drakenborch. legend. vult. *Trepidare*
 hic non accipiendum est pro *terrore*
concuti, sed de eo dicitur, qui in-
 certus animi, modo huic, modo illi
 consilio assentiens, in partes varias
 rapitur. *Trepidaverat* in omnibus
 MSS.

providendum, ne quid Virginii adventus in exercitu motus U. C. 305.
 faceret. Itaque missi iuniores Patrum in castra, quae tum A. C. 447.
 7 in monte Vecilio erant, nuntiant decemviris, ‘ut omni ope 50.
 ‘ab seditione milites contineant.’ Ubi Virginiius maiorem, Motus in
 quam reliquerat in urbe, motum excivit. Nam, praeter-
 quam quod agmine prope quadringentorum hominum
 veniens, qui ab urbe indignitate rei accensi comites ei se
 dederant, conspectus est; strictum etiam telum, resper-
 susque ipse cruore, tota in se castra convertit: et togae,
 multifariam in castris visae, maioris aliquanto, quam erat,
 speciem urbanae multitudinis fecerant. Quaerentibus,
 ‘quid rei esset,’ flens diu vocem non misit: tandem, ut
 iam ex trepidatione, concurrentium turba constitit, ac si-
 lentium fuit, ordine cuncta, ut gesta erant, exposuit.
 Supinas deinde tendens manus, commilitones appellans,
 orabat, ‘Ne, quod scelus Ap. Claudii esset, sibi attri-
 ‘buerent: neu se, ut parricidam liberum, aversarentur.
 ‘Sibi vitam filiae suae cariorem fuisse, si liberae ac pudicae
 ‘vivere licitum fuisset. Quum, velut servam, ad stuprum
 ‘rapi videret, morte amitti melius ratum, quam contumelia,
 ‘liberos, misericordia se in speciem crudelitatis lapsum.
 ‘Nec se superstitem filiae futurum fuisse, nisi spem ulcis-
 ‘cendae mortis eius in auxilio commilitonum habuisset. Illis
 ‘quoque enim filias, sorores, coniugesque esse: nec cum
 ‘filia sua libidinem Ap. Claudii extinctam esse; sed, quo
 ‘impunitior sit, eo effrenatiorem fore. Aliena calamitate
 ‘documentum datum illis cavendae similis iniuriae. Quod
 ‘ad se attineat, uxorem sibi fato ereptam: filiam, quia
 ‘non ultra pudica victura fuerit, miseram, sed honestam,
 ‘mortem occubuisse. Non esse iam Appii libidini locum
 ‘in domo sua: ab alia violentia eius eodem se animo suum
 ‘corpus vindicaturum, quo vindicaverit filiae. Ceteri sibi
 ‘ac liberis suis consulerent.’ Haec Virginio vociferanti
 succlamabat multitudo, ‘Nec illius dolori, nec suae libertati
 ‘se defuturos.’ Et inmixti turbae militum togati, quum
 eadem illa querendo, docendoque, quanto visa, quam
 8 audita, indigniora potuerint videri, simul profligatam iam
 9 rem nuntiando Romae esse; insecutique, qui Appium

7 *Monte Vecilio*] Hodie *Monte Faula*, a parte citiore Montis Albani. Niehr. ii. not. 767. Exercitum apud Algidum in castris fuisse dicit Cic. de Rep. ii. 27.

8 *Profligatam*] *Profligare* non est conficere, sed rem coeptam promoveri, in ea multum proficere, quod patet ex elegantigradatione ap. scriptores obvia, *committere*, *profligare*, *conficere bellum*; *corripere*, *profligare*,

perficere rem. cf. Cic. Tusc. v. 6. *profligata ac poene ad exitum deducta quaestio*. Duvk.

9 *Insecutique*] Sic legendum censet Gronovius, quomodo et in uno MSS. haberi testatur. Duo hic hominum genera distinguuntur: alterum, qui cum Virginio venerant, nec aliud nunciare poterant, nisi Romae omnia barbarum plena, remque magna ex parte confectam esse.

U. C. 305. prope interemptum in exsilium abisse dicerent, perpulerunt, ut ad arma conclamaretur, vellerentque signa, et Romam proficiscerentur. Decemviri simul his, quae videbant, simul his, quae acta Romae audierant, perturbati, alius in aliam partem castrorum, ad sedandos motus discurrunt: et leniter agentibus responsum non redditur: imperium si quis inhiberet, 'et viros et armatos se esse,' respondetur. Eunt agmine ad urbem, et Aventinum insidunt; ut quisque occurrerat, plebem ad repetendam libertatem creandosque tribunos plebis adhortantes: alia vox nulla violenta audita est. Senatū Sp. Oppius habet: nihil placet aspere agi: quippe ab ipsis datum locum seditionis esse. Mittuntur tres legati consulares, Sp. Tarpeius, C. Iulius, P. Sulpicius, qui quaererent senatus verbis, 'cuius iussu castra deseruissent? aut quid sibi vellent, qui armati Aventinum obsedissent? belloque averso ab hostibus patriam suam cepissent?' Non defuit, quid responderetur: deerat, qui daret responsum, nullo dum certo duce, nec satis audentibus singulis invidiae se offerre. Id modo a multitudine conclamatum est, 'ut L.

Exercitus
Aventinum
insidit.

51.

Tribuni
militum.

Motus in
alteris cas-
tris.

'responsum.' Dimissis legatis, admonet milites Virginius, 'in re non maxima paullo ante trepidatum esse, quia sine capite multitudo fuerit: responsumque, quanquam non inutiliter, fortuito tamen magis consensu, quam communi consilio esse. Placere decem creari, qui summae rei praecessent, militarique honore tribunos militum appellari.' Quum ad eum ipsum primum is honos deferretur, 'Melioribus meis vestrisque rebus reservate,' inquit, 'ista de me iudicia. Nec mihi filia inulta honorem ullum iucundum esse patitur; nec in perturbata republica eos utile est praeesse vobis, qui proximi invidiae sint. Si quis usus mei est, nihilo minor ex privato capietur.' Ita decem numero tribunos militares creant.

Neque in Sabinis quievit exercitus. Ibi quoque, auctore Icilio Numitorioque, secessio ab decemviris facta est, non minore motu animorum Siccii caedis memoria revocata, quam quem nova fama de virgine adeo foede ad libidinem petita accenderat. Icilius ubi audivit, tribunos militum in Aventino creatos, ne comitiorum militarium praerogativam

alterum, qui hos in castra secuti fuerant, et, quum imperium Decemvirale vi victum vidissent, augentes mendacio rem, etiam Appium in exilium abiisse iactabant. Particulas *quum . . . simul* eo sensu accipit Gronovius, quo vulgo dicitur *quum . . . tum*. CREV.

1 *Praerogativam*] Non proprio, sed translato sensu accipiendum, quippe adhuc *praerogativa tribus* non in usum venerat. Hic quidem de bono omine, sive certo signo atque indicio rei eventurae intelligitur. Anglice *precedent*. cf. Cic. in Verr. i. 9.

urbana comitia iisdem tribunis plebis creandis sequerentur, peritus rerum popularium imminensque ei potestati, et ipse prius, quam iretur ad urbem, pari potestate eundem numerum ab suis creandum curat. Porta Collina urbem intravere sub signis, mediaque urbe agmine in Aventinum ²pergunt. Ibi, coniuncti alteri exercitui, viginti tribunis militum negotium dederunt, ut ex suo numero duos crearent, qui summae rerum praeesent. M. Oppium, Sex. Manilium creant.

U. C. 305.
A. C. 447.
Alii tribuni
militares.

Patres, solliciti de summa rerum, quum senatus quotidie esset, iurgiiis saepius terunt tempus, quam consiliis. Siccii caedes decemviris, et Appiana libido, et dedecora militiae obiciebantur. Placebat, Valerium Horatiumque ire in Aventinum. Illi negabant se aliter ituros, quam si decemviri deponerent insignia magistratus eius, quo anno iam ante abissent. Decemviri, querentes se in ordinem cogi, non ante, quam perlatis legibus, quarum causa creati essent, deposituros imperium se aiebant. Per M. Duilium, qui tribunus plebis fuerat, certior facta plebs, contentionibus assiduis nihil transigi, in Sacrum montem ex Aventino transit; affirmante Duilio, ‘non prius, quam ‘deseri urbem videant, curam in animos Patrum descen-
‘suram. Admoniturum Sacrum montem constantiae ‘plebis: scituros, quod sine restituta potestate redigi in
³‘concordiam res nequeant.’ Via Nomentana, cui tum
⁴Ficulensi nomen fuit, profecti, castra in monte Sacro locavere, modestiam patrum suorum nihil violando imitati. Secuta exercitum plebs, nullo, qui per aetatem ire posset, retractante. Prosequuntur coniuges liberique, ‘cuinam se ‘relinquerent in ea urbe, in qua nec pudicitia, nec libertas ‘sancta esset,’ miserabiliter rogitantes.

52.

Plebs in Sa-
crum mon-
tem abijt.

Quum vasta Romae omnia insueta solitudo fecisset, in foro praeter paucos seniorum nemo esset; vocatis utique in senatum Patribus, desertum apparuisset forum; plures

² *Viginti tribunis militum*] Hos duas decurias tribunorum plebis, singulorum ex singulis tribubus, effecisse censet Niebhr. ii. p. 352. quorum duo summae rerum praefecti, sicut antea in Crustumina secessionem. *Militum* hic, et supr. *militares*, incuria scripsisse Livium, ut quos exercitus elegerat, idem existimat i. not. 978. Contra Wachsmuth not. p. 362. cum Livio consentit, atque Icilium, ne sui tribunatu prohiberentur, decem ex suis creandos curavisse censet.

³ *Via Nomentana*] Via illa Ficulnam, sive Ficulneam, eademque No-

mentum ducebat. Inde illi duplex appellatio. Crev.

⁴ *In monte Sacro*] ap. Cic. de Rep. ii. 37. legimus, *milites primum montem sacrum, sicut erat in simili causa antea factum, deinde Aventinum armatos insedissee*. Necnon locus vexatus in Cic. pro Corn. Fragn., si A. Maium audiamus, ad hanc secessionem pertinet, *commeatum ex Etruria pariter, atque ex mari infero, castra in monte Sacro, atque in Aventino posita intercludebant*.

U. C. 395. iam, quam Horatius et Valerius, vociferabantur, ‘Quid
 A. C. 447. ‘expectabitis, Patres conscripti? Si decemviri finem per-
 ‘tinaciae non faciunt, ruere ac deflagrare omnia passuri
 ‘estis? Quod autem istud imperium est, decemviri, quod
 ‘amplexi tenetis? Tectis ac parietibus iura dicturi estis?
 ‘Non pudet, lictorum vestrorum maiorem prope numerum
 ‘in foro conspici, quam togatorum aliorum? Quid, si
 ‘hostes ad urbem veniant, facturi estis? quid, si plebs
 ‘mox, ubi parum secessionem moveamur, armata veniat?
 ‘Occasune urbis vultis finire imperium? Atqui aut plebs
 ‘non est habenda, aut habendi sunt tribuni plebis. Nos
 ‘citius caruerimus patriciis magistratibus, quam illi plebeiis.
 ‘Novam inexpertamque eam potestatem eripuerunt patribus
 ‘nostris, ne nunc, dulcedine semel capti, ferant desiderium: 6
 ‘quum praesertim nec nos temperemus imperiis, quo minus 7
 ‘illi auxilii egeant.’ Quum haec ex omni parte iactarentur,
 victi consensu decemviri, futuros se, quando ita videatur,
 in potestate Patrum affirmant, Id modo simul orant ac
 monent, ut ipsis ab invidia caveatur: nec suo sanguine ad
 supplicia Patrum plebem assuefaciant. Tum Valerius
 Horatiusque, missi ad plebem conditionibus, quibus vide-
 retur, revocandam componendasque res, decemviris quoque
 ab ira et impetu multitudinis praecavere iubentur. Profecti
 gaudio ingenti plebis in castra accipiuntur: quippe libera-
 tores haud dubie et motus initio, et exitu rei. Ob haec
 advenientibus gratiae actae. Icilius pro multitudine verba
 facit. Idem, quum de conditionibus ageretur, quaerentibus
 legatis, quae postulata plebis essent, composito iam ante
 adventum legatorum consilio, ea postulavit, ut appareret,
 in aequitate rerum plus, quam in armis, reponi spei. Po-
 testatem enim tribuniciani, provocationemque repetebant,
 quae ante decemviros creatos auxilia plebis fuerant, et ne 8
 cui fraudi esset, concisse milites aut plebem ad repetendam
 per secessionem libertatem. De decemvirorum modo sup-
 plicio atrox postulatum fuit. Dedi quippe eos aequum
 censebant, vivosque igni concrematurus minabantur. Le-
 gati ad ea: ‘Quae consilii fuerunt, adeo aequa postulastis, 9

53.
 Valerius et
 Horatius
 plebem re-
 vocant.

5 *Aliorum*] Particulam *que*, quam Sigonius post *aliorum* immisit, omit-
 tunt Drak. et Stroth. sed Bekker. re-
 ponit.

6 *Ne*] Nedum. Sic plane Cic. ad Div. ix. 26. *Me vero nihil istorum ne iuvenem quidem movit unquam, ne nunc senem.* CREV.

7 *Quum praesertim nec nos*] Quum praesertim nos quoque non demus operam, exercendo moderate imperia, ut illi minus egeant auxilio tribuno-

rum. CREV.

8 *Ne cui fraudi esset*] Ne postea cuiquam crimini verteretur, se concivisse milites aut plebem.

9 *Quae consilii fuerunt . . . Irae vestrae*] Ira, ut observat Cicero pro M. Marc. 9. *est inimica consilio.* Igitur hic opponuntur *consilium* et *ira*. Quae iudicio et matura deliberatione postulastis, ea aequissima sunt. Alia ratio est eorum quae ira incitante petitis. CREV.

'ut ultro vobis deferenda fuerint: libertati enim ea prae- U. C. 305.
 'sidia petitis, non licentiae ad impugnandos alios. Irae A. C. 447.
 'vestrae magis ignoscendum, quam indulgendum est:
 'quippe qui crudelitatis odio in crudelitatem ruitis, et
 'prius paene, quam ipsi liberi sitis, dominari iam in adver-
 'sarios vultis. Nunquamne quiescet civitas nostra a sup-
 'pliciis, aut Patrum in plebem Romanam, aut plebis in
 'Patres? Scuto vobis magis, quam gladio, opus est. Satis
 'superque humilis est, qui iure aequo in civitate vivit, nec
 'inferendo iniuriam, nec patiendo. Etiam, si quando me-
 'tuendos vos praebituri estis, quum, recuperatis magistra-
 'tibus legibusque vestris, iudicia penes vos erunt de capite
 'nostro fortunisque; tunc, ut quaeque causa erit, statuetis:
 'nunc libertatem repeti satis est. Facerent, ut vellent, 54.
 permittentibus cunctis, mox redituros se legati rebus per-
 'fectis affirmant. Profecti quum mandata plebis Patribus
 exposuissent, alii decemviri, quandoquidem praeter spem
 ipsorum supplicii sui nulla mentio fieret, haud quicquam
 abnuere. Appius, truci ingenio et invidia praecipua, odium
 in se aliorum suo in eos metiens odio, 'Haud ignaro,'
 inquit, 'imminet fortuna. Video, donec arma adversariis
 'tradantur, differri adversus nos certamen: dandus invidiae
 'est sanguis. Nihil ne ego quidem moror, quo minus de-
 'cemviratu abeam.' Factum senatusconsultum, 'Ut de-
 1 'cemviri se primo quoque tempore magistratu abdicarent:
 2 'Q. Furius pontifex maximus tribunos plebis crearet: et
 'ne cui fraudi esset secessio militum plebisque.' His
 senatusconsultis perfectis, dimisso senatu, decemviri pro-
 deunt in concionem, abdicantque se magistratu, ingenti
 hominum laetitia. Nuntiantur haec plebi: legatos, quic-
 quid in urbe hominum supererat, prosequitur. Huic mul-
 titudini laeta alia turba ex castris occurrit: congratulantur
 libertatem concordiamque civitati restitutam. Legati pro
 concione: 'Quod bonum, faustum, felixque sit vobis,
 'reique publicae, redite in patriam ad penates, coniuges,
 'liberosque vestros: sed, qua hic modestia fuistis, ubi
 'nullius ager in tot rerum usu necessario tantae multitudini
 'est violatus, eam modestiam ferte in urbem. In Aven-
 'tinum ite, unde profecti estis. Ibi felici loco, ubi prima
 'initia inchoastis libertatis vestrae, tribunos plebi creabitis.

1 *Abdicarent*] Quippe magistratum decemviro-
 rum omnino non fuit
 tum fuisse existimat Niebhr., cui hoc
 decemviro-
 rum collegium omnino ab
 illo priore dissimile fuisse videtur:
 scilicet illud legibus scribendis, hoc
 exsequendis creatum.

2 *Pontifex maximus*] Cui pro

Corn. Frugin. *decem tribunos per pon-*
tificem, quod magistratus nullus erat,
creaverunt. Niebuhrio videtur inter
 fuisse comitis tribus pontifex maxi-
 mus, ut qui *auctoritatem patrum* prae-
 se ferret, aut qui *legem variatam* qua
 tribuatus plebis subnatus erat, ipse
 abrogaret.

U. C. 305. 'Praesto erit pontifex maximus, qui comitia habeat.' In-
 A. C. 447. gens assensus alacritasque cuncta approbantium fuit. Con-
 vellunt inde signa, profectique Romam certant cum obviis
 Trib. Pleb. gaudio: armati per urbem silentio in Aventinum per-
 creantur in veniunt. Ibi extemplo, pontifice maximo comitia habente,
 Aventino. tribunos plebis creaverunt, omnium primum A. Virginium,³
 inde L. Icilius, et P. Numitorius avunculum Virginiae,
 auctores secessionis. Tum C. Sicinius, progeniem eius,
 quem primum tribunum plebis creatum in Sacro monte,
 proditum memoriae est; et M. Duilius, qui tribunatum
 insignem ante decemviros creatos gesserat, nec in decem-
 viralibus certaminibus plebi defuerat. Spe deinde magis,
 quam meritis, electi, M. Titinius, M. Pomponius, C. Apro-
 nius, P. Villius, C. Oppius. Tribunatu inito, L. Icilius
 extemplo plebem rogavit, et plebs scivit, ne cui fraudi esset
 secessio ab decemviris facta. Confestim de consulibus
 creandis cum provocatione M. Duilius rogationem pertulit.⁴
 Ea omnia in pratis Flaminiis concilio plebis acta, quem
 nunc circum Flaminium appellant.⁵

55. Per interregem deinde consules creati, L. Valerius, M.
 U. C. 306. Horatius; qui extemplo magistratum occeperunt: quorum
 A. C. 446. consulatus popularis sine ulla Patrum iniuria, nec sine
 L. Valerio, offensione fuit: quicquid enim libertati plebis caveretur,
 M. Horatio id suis decedere opibus credebant. Omnium primum,
 Coss. quum veluti in controverso iure esset, tenerentur ne Patres⁶
 Leges in gratiam plebis. plebiscitis, legem centuriatis comitiis tulere, 'Ut, quod⁷
 'tributum plebes iussisset, populum teneret:' qua lege tri-
 buniciis rogationibus telum acerrimum datum est. Aliam
 deinde consularem legem de provocatione, unicum prae-
 sidium libertatis, decemvirali potestate eversam, non resti-
 tuunt modo, sed etiam in posterum muniunt, sanciendo

³ A. Virginium] Ita codices, sed Sigonius coniecit *Lucius*, quod in textum reposuit Bekker. cf. supr. 44. Patrem Virginiae hunc fuisse non obscure indicat Livius infr. 58.

⁴ Rogationem] Apud comitia tributa ad comprobendam consulum creationem a centuriis habitam.

⁵ Circum Flaminium] Circus a Flaminio censore exstructus ann. 533. U. C. cf. Liv. Epit. xx.

⁶ Plebiscitis] Iis legibus, quas plebs, plebeio magistratu rogante, tributis comitiis iussisset. CREV.

⁷ Legem] Cave hanc legem *Valerianam* cum *Publilia* ann. 416. U. C. vel *Hortensia* ann. 465. U. C. vim eandem habuisse credas. Haud scio an verba, *ut quod tributum plebes iussisset, populum teneret*, Hortensiae propria sint,

sed Livius incuria quadam has leges uno eodemque tenore recitat. Lege *Valeria* sancitum est, *ut quod tributum plebes iussisset, si patres curiatim auctores fierent, lex esset*, antea enim plebiscita plebem solam tenebant. *Publilia* autem lege, cf. infr. viii. 12, comitia curiata posthabita sunt, quoniam *auctoritas senatus* idem atque *auctoritas patrum sive lex curiata* ex illo tempore valebat. *Hortensia* vero, cf. Plin. H. N. xvi. 15, *auctoritas senatus* omnis sublata est, quippe priusquam tribus suffragia inirent, in incertum eventum comitiorum senatus auctor fiebat. cf. Liv. i. 17. Niebhr. ii. p. 365. Wachsmuth. p. 365. sed Niebuhrius, *quod plebs scivisset, et quod populus iussisset*, rectius dici existimat.

novam legem, 'Ne quis ullum magistratum sine provo-
 catione crearet; qui creasset, eum ius fasque esset occidi:
 'neve ea caedes capitalis noxae haberetur.' Et quum
 plebem hinc provocatione, hinc tribunicio auxilio satis
 firmassent, ipsis quoque tribunis, ut sacrosancti viderentur
 (cuius rei prope iam memoria aboleverat,) relatis quibus-
 dam ex magno intervallo caerimoniis, renovarunt; et quum
 religione inviolatos eos, tum lege etiam fecerunt, sanciendo,
 8 'Ut, qui tribunis plebis, aedilibus, iudicibus, decemviris
 9 'nocuisset, eius caput Iovi sacrum esset: familia ad aedem
 1 'Cereris, Liberi, Liberacque venum iret.' Hac lege iuris

8 *Iudicibus*] Hac appellatione ne-
 gat infra Livius designari hoc loco
 consules, nec docet quinquam intel-
 ligi debeant. Perizonius de Prae-
 torio i. 7. intelligit aediles ipsos,
 quos Dion. vi. 90. creatos dicit,
 ut inter alia munia etiam *diudica-*
rent lites, quas illis tribuni permitte-
rent; atque inde appellatos non mo-
 do *tribunorum ministros et collegas*,
 sed etiam *δικαστὰς iudices*. Verum
 huic interpretationi id repugnat, quod
aediles hac in lege iam appellati sunt
 solenni et maxime usitato nomine,
 nec proinde videntur posse rursus
iudicum appellatione designari. No-
 bis id unum liquet, in tota hac lege
 agi de plebeiis magistratibus, vel ho-
 minibus de plebe negotium publicum
 gerentibus, in gratiam enim et com-
 modum plebis solius lata est. De-
 inde, si fuere iudices qui in consilio
 essent tribunis et aedilibus lites di-
 iudicantibus, de iis hunc locum in-
 terpretandum esse putaverimus. Cf.
Centumvirales, fuisse Niebhr. placet,
 sed aliter Zumptio videtur, qui in-
 terpunctionem tollit, et *iudicibus decem-*
viris scribit.

9 *Decemviris*] Quinquam essent, in-
 certum est, quippe *decemviri litibus*
iudicandis adhuc nulli erant. Nie-
 buhrio videtur in animo fuisse Ro-
 manis collegium decem magistratum
 rursus instituere, postquam iura ple-
 beiorum cum patriciis aequata erant,
 et plebeios decemviros, si qui forent,
 ab iniuria defendere. Fieri tamen
 potest ut Livius verba legis cuiusdam
 posterioris aevi respexerit, atque in-
 cautius ad haec tempora referri puta-
 verit. Sed Pomponius de Orig. Iur.
 2. § 29. Dig. scribit *deinde*, scilicet
 A. C. 242. *cum esset necessarius ma-*
gistratus, qui hastae praecesset, decem-
viri litibus iudicandis sunt instituti,
 quo tempore Centumviros quoque

lege Aebutia primum creatos fuisse
 Anton. Augustinus alique arbitran-
 tur. Festus, *centumviros ternos ex*
singulis tribubus electos esse, post-
quam Romae triginta et quinque tribus
fuere, scribit, sed Zumptius, qui
 lege Aebutia tantum *actiones legis*,
 praeterquam in causis centumvirali-
 bus, sublatas esse putat (cf. Gaius iv.
 30. A. Gell. xvi. 10,) in libro suo *über*
das Centumviralgericht centumviros
 ex lege XII tabularum primum crea-
 tos esse scribit, quinos ex singulis tri-
 bubus, quum viginti et una tribus es-
 sent; postea autem centum et octo-
 ginta iudices fuisse, quum tribus tri-
 ginta et quinque essent, quattuor
 consiliis conscriptos. cf. Plin. Ep. vi.
 33. Muretus in comment. suo de
 Orig. Mag. e centumviris decem
 fuisse magistratus scribit, qui dice-
 bantur *decemviri litibus*, aut, ut ve-
 teres loquebantur, *stilitibus iudicandis*.
 Hi cogebant iudicia centumviralia.
 Lucanus in carmine ad Pisonem v. 41:

Seu trepidos ad iura decem vocat
 hasta virorum,

Et firmare iubet centeno iudice
 causas.

Equidem non video cur Zumptio adeo
 displiceat Niebuhrii coniectura, quip-
 pe nisi centumviri magistratus pa-
 tricii essent, iis quidem haud dubie
 aequae atque decemviris, sacrosancta
 potestas concedenda fuisset. Wach-
 muth. p. 366. eos plebeios quosdam
 magistratus *inferioris ordinis* fuisse
 censet.

1 *Familia*] *Familia* pro bonis: ut
 in actione *familiae eriscundae*, i. e.
 dividendae haereditatis. Sic et *fa-*
miliae emptor haeres, qui fingebatur
 emere bona a testatore. CREV.

2 *Liberi*] Non eius, qui Semele
 natus erat: sed eius, qui Cereris filius
 cum ea colebatur, et cum Libera,

U. C. 306. interpretes negant quemquam sacrosanctum esse: sed eum,
 A. C. 446. qui eorum cuiquam nocuerit, sacrum sanciri. Itaque
 aedilem prehendi ducique a maioribus magistratibus: quod
 etsi non iure fiat (noceri enim ei, cui hac lege non liceat,) tamen
 argumentum esse, non haberi pro sacrosancto aedilem: tribunos
 vetere iureiurando plebis, quum primum eam potestatem creavit,
 sacrosanctos esse. Fuere, qui interpretarentur, eadem hac
 Horatia lege consulibus quoque et praetoribus, quia iisdem
 auspiciis, quibus consules, crearentur, cautum esse: iudicem
 enim consulem appellari.³ Quae refellitur interpretatio,
 quod his temporibus nondum consulem iudicem, sed
 praetorem, appellari mos fuerit. Hae consulares leges
 fuere. Institutum etiam ab iisdem⁴ consulibus, ut senatus-
 consulta in aedem Cereris ad aediles plebis deferrentur;
 quae antea arbitrio consulum suppressae vitiabanturque.
 M. Duilius deinde tribunus plebis plebem rogavit,
 plebesque scivit: 'Qui plebem sine⁵ tribunis reliquisset,
 quique magistratum sine provocatione creasset, tergo ac capite
 puniretur.' Haec omnia ut invitis, ita non adversantibus,
 patriciis transacta; quia nondum in quemquam unum
 saeviebatur.

56. Fundata deinde et potestate tribunicia, et plebis libertate,
 tum tribuni aggredi singulos tutum maturumque iam rati,
 accusatorem primum Virginium et Appium reum deligunt.
 Quum diem Appio Virginio dixisset, et Appius, stipatus
 patriciis iuvenibus, in forum descendisset; redintegrata
 extemplo est omnibus memoria foedissimae potestatis, quum
 ipsum satellitesque eius vidissent. Tum Virginius, 'Oratio,'
 inquit, 'rebus dubiis inventa est. Itaque neque ego accusando
 apud vos eum tempus teram, a cuius crudelitate vosmet ipsi
 armis vindicastis: nec istum ad cetera scelera impudentiam
 in defendendo se adiacere patiar. Omnium igitur tibi, Ap.
 Claudii, quae impie nefarieque per biennium alia super
 alia es ausus, gratiam facio:⁶ unius tantum criminis ni
 iudicem dices, te ab libertate in servitutem contra leges
 vindicias non dedisse, in vincula te duci iubeo.' Nec in
 tribunicio auxilio Ap-

Appius accusatur.

quam et Venerem esse volunt. Vid. Cic. de Nat. Deor. ii. 62. CREV.

³ *Nondum consulem*] Nondum consul iudicis nomen, sed praetoris gerebat. Ceterum hanc Livii opinionem impugnat Perizonius, et contendit consules iam a primis temporibus iudicum nomine insignitos fuisse; quem vide de Praetor. i. 7. CREV. cf. Festus. v. Praetoria. Cic. de Leg. iii. 3. Zonar. vii. 19.

⁴ *In aedem Cereris*] Ubi pecunia

plebis asservabatur, et cui aediles plebei invigilabant.

⁵ *Magistratum sine provocatione*] Dictator tamen, ut qui magistratus extra ordinem "rei gerundae causa" non amplius quam in sex menses creatus, hac lege excipi videtur.

⁶ *Ni iudicem dices*] Ut provocantis iudicem ferre, ita provocati iudicem dicere. RASCHIG. *Dices* legendum censet Niebhr. et Ciceronianum docendus est index recitat.

pius, nec in iudicio populi ullam spem habebat: attamen et tribunos appellavit; et, nullo morante, arreptus a viatore, ‘Provoco,’ inquit. Audita vox una vindex libertatis, ex eo missa ore, quo vindiciae nuper ab libertate dictae erant, silentium fecit. Et, dum pro se quisque, ‘Deos tandem esse, et non negligere humana,’ fremunt, ‘et superbiae crudelitati, etsi seras, non leves tamen venire poenas: provocare, qui provocationem sustulisset; et implorare praesidium populi, qui omnia iura populi obtrisset; rapique in vincula egentem iure libertatis, qui liberum corpus in servitutem addixisset;’ ipsius Appii, inter concionis murmur fidem populi Romani implorantis, vox audiebatur. Maiorum merita in rempublicam domi militiaeque commemorabat: ‘suum infelix erga plebem Romanam studium, quod aequandarum legum causa cum maxima offensione Patrum consulatu abisset: suas leges, quibus manentibus lator earum in vincula ducatur. Ceterum sua propria bona malaque, quum causae dicendae data facultas sit, tum se exper-
 7 turum. In praesentia se communi iure civitatis civem Romanum die dicta postulare, ut dicere liceat, ut iudicium populi Romani experiri. Non ita se invidiam pertimuisse, ut nihil in aequitate et misericordia civium suorum spei habeat. Quod si indicta causa in vincula ducatur, iterum se tribunos plebei appellare, et monere, ne imitentur, quos oderint. Quod si tribuni eodem foedere obligatos se fateantur tollendae appellatonis causa, in quam conspirasse decemviros criminati sint; at se provocare ad populum: implorare leges de provocatione et consulares, et tribu-
 8 nicias, eo ipso anno latas. Quem enim provocaturum, si hoc indemnato indicta causa non liceat? cui plebeio et humili praesidium in legibus fore, si Ap. Claudio non sit? se documento futurum, utrum novis legibus dominatio, an libertas firmata sit: et appellatio provocatioque adversus iniuriam magistratum ostentata tantum inanibus literis, an vere data sit.’ Contra ea Virginius, ‘Unum Ap. Claudium et legum expertem et civilis et humani foederis esse,’ aiebat. ‘Respicerent tribunal homines, castellum omnium scelerum: ubi decemvir ille perpetuus, bonis,

57.

7 *Sua propria bona malaque*] Quid sibi proprie in causa aut prodesse, aut nocere posset; quam ex parte propria sui ipsius causa aut firma esset, aut labaret. Opponit *propria sua bona malaque* communi civitatis iuri, quod mox invocaturus est. CREV.

8 *Communi iure*] Reo quidem

sponsionem facere licebat, ut die dicta apud iudicem, h. e. arbitrum a magistratu datum, se sisteret: quod si actor sponsionem non admisisset, atque ut manifesti criminis reum in carcerem duci iuberet, tum tribunos appellabat reus, quibus tamen liberum intercedendi arbitrium erat.

U. C. 306. 'tergo, sanguini civium infestus, virgas securesque omnibus
 A. C. 446. 'minitans, deorum hominumque contemptor, carnificibus,
 'non lictoribus, stipatus, iam ab rapinis et caedibus animo
 'ad libidinem verso, virginem ingenuam in oculis populi
 'Romani, velut bello captam, ab complexu patris ab-
 'reptam, ministro cubiculi sui clienti dono dederit. Ubi
 'crudeli decreto nefandisque vindiciis dextram patris in
 'filiam armaverit: ubi, tollentes corpus semianime virginis,
 'sponsum avunculumque in carcerem duci iusserit: stupro
 'interpellato magis, quam caede, motus. Et illi carcerem
 'aedificatum esse, quod domicilium plebis Romanae vocare
 'sit solitus. Proinde, ut ille iterum ac saepius provocet,
 'sic se iterum ac saepius iudicem illi ferre, ni vindicias ab
 'libertate in servitutem dederit: si ad iudicem non eat,
 'pro damnato in vincula duci iubere.' Ut haud quoquam
 improbante, sic magno motu animorum, quum tanti viri
 In carce- supplicio suamet plebi iam nimia libertas videretur, in car-
 rem ducitur. cerem est coniectus: tribunus ei diem prodixit. Inter
 haec ab Latinis et Hernicis legati gratulatum de concordia
 Patrum ac plebis Romam venerunt; donumque ob eam Iovi
 optimo maximo coronam auream in Capitolium tulere parvi
 ponderis, prout res haud opulentae erant, colebanturque
 religiones pie magis, quam magnifice. Iisdem auctoribus
 cognitum est, Aequos Volscosque summa vi bellum ap-
 parare. Itaque partiri provincias consules iussi. Horatio
 Sabini, Valerio Aequi Volscique evenere. Quum ad ea
 bella delectum edixissent, favore plebis non iuniores modo,
 sed emeritis etiam stipendiis, pars magna voluntariorum,
 ad nomina danda praesto fuere: eoque non copia modo,
 sed genere etiam militum, veteranis admixtis, firmior exer-
 citus fuit. Priusquam urbem egrederentur, leges decem-
 virales, quibus 'tabulis duodecim' est nomen, in aes incisas
 Tabulae in publico proposuerunt. Sunt, qui iussu tribunorum
 XII. aediles functos eo ministerio scribant.

58. C. Claudius, qui, perosus decemvirorum scelera, et ante
 omnes fratris filii superbiae infestus, Regillum, antiquam
 in patriam, se contulerat, is magno iam natu, quum ad
 pericula eius deprecanda redisset, cuius vitia fugerat, sor-

9 *In carcerem*] *Carcerem vindicem*
nefariorum ac manifestorum scelerum
maiores esse voluerunt. Cic. Cat. ii.
 12. ubi vindex, qui sibi asserit. cf.
 Festus, v. *Vindex*. Ulpianus quoque
 affirmat, carcerem ad continendos,
 non ad puniendos reos haberi debere.
 cf. Niebhr. ii. n. 818.

1 *Domicilium*] cf. Cic. in Verr. v.

55. ubi carcer ille apud Syracusas,
 Lautumiae, domicilium civium Ro-
 manorum dicitur. cf. Niebhr. ii. n.
 649.

2 *Prodixit*] Diem longiorem iudi-
 cio dixit, iudicium remisit in aliam
 diem remotiorem. Sic supr. ii. 61.
ut diem ipsi sua voluntate prodice-
rent. CREV.

didatus cum gentilibus clientibusque in foro prensabat singulos; orabatque, 'Ne Claudiae genti eam iniustam maculam vellent, ut carcere et vinculis viderentur digni: 3 virum, honoratissimae imaginis futurum ad posteros, legum latorem conditoremque Romani iuris, iacere vinc-
tum inter fures nocturnos ac latrones. Averterent ab ira parumper ad cognitionem cogitationemque animos: et potius unum tot Claudiis deprecantibus condonarent, quam propter unius odium multorum preces aspernarentur. Se quoque id generi ac nomini dare; nec cum eo in gratiam redisse, cuius adversae fortunae velit succursum. Virtute libertatem recuperatam esse: clementia concordiam ordinum stabiliri posse.' Erant, quos moveret sua magis pietate, quam eius, pro quo agebat, causa. Sed Virginii, 'Sui potius ut misererentur,' orabat, 'filiaeque: nec gentis Claudiae, regnum in plebem sortitae, sed necessariorum Virginiae et trium tribunorum preces audirent; qui, ad auxilium plebis creati, ipsi plebis fidem atque auxilium implorarent.' Iustiores hae lacrimae videbantur. Itaque, spe incisa, priusquam prodicta dies 4 adesset, Appius sibi mortem conscivit.

U. C. 306.
A. C. 446.
C. Claudius
pro Appio
deprecatur.

Appius sibi
necem con-
sciscit.

Subinde arreptus a P. Numitorio Sp. Oppius, proximus invidiae, quod in urbe fuerat, quum iniustae vindiciae a collega dicerentur. Plus tamen facta iniuria Oppio, quam 5 non prohibita, invidiae fecit. Testis productus, qui, sep-
tem et viginti enumeratis stipendiis, octies extra ordinem donatus, donaque ea gerens in conspectu populi, scissa veste tergum laceratum virgis ostendit, nihilum deprecans, 6
7 'quin, si quam suam noxam reus dicere posset, privatus iterum in se saeviret.' Oppius quoque ductus in vincula est, et ante iudicii diem finem ibi vitae fecit. Bona Claudii Oppiique tribuni publicavere. Collegae eorum exsilii causa solum verterunt: bona publicata sunt. Et M. Claudius, assertor Virginiae, die dicta damnatus, ipso remittente Virginio ultimam poenam, dimissus Tibur

Oppius
accusatur.

In vincula
ductus, ibi
moritur.

3 *Honoratissimae imaginis*] cf. Supr. i. 34. Sed de iure imaginum. cf. Fuss. Rom. Ant. § 486. et Polyb. vi. 53. not. ed. Schweighaeuser.

4 *Sibi mortem conscivit*] Dion. ix. 54. tradit Appii necessarios cum morbo mortuum simulasse. Quidam iussa tribunorum necatum fuisse existimabant. cf. supr. ii. 61.

5 *Septem et viginti*] Post octo et viginti stipendia enumerata cives Romani in seniores, qui militia nisi extraordinaria vacabant, ascripti sunt.

6 *Extra ordinem donatus*] Non cum manipulo suo aut centuria, sed solus et extra commilitonum ordinem donatus. Saepe universus aliquis manipulus ob insignem in re militari praestitam operam donabatur. Sed praecipuo splendore eminebant ea dona, quae unus quis miles aut centurio extra ceterorum ordinem referret. Cuvv.

7 *Si quam suam*] h. e. Si quam noxam a se admissam proferre posset reus Oppius. Doer.

U. C. 306. exsulatum abiit: Manesque Virginiae, mortuae quam vivae 8
 A. C. 446. felicioris, per tot domos ad petendas poenas vagati, nullo relicto fonte tandem quieverunt.

59. Ingens metus incesserat Patres, vultusque iam iidem
 Duilii Trib. tribunorum erant, qui decemvirorum fuerant, quum M.
 plebis Duilius tribunus plebis, inhibito salubriter modo nimiae 9
 aequitas. potestatis, 'Et libertatis,' inquit, 'nostrae et poenarum
 'ex inimicis satis est: itaque hoc anno nec diem dici
 'cuiquam, nec in vincula duci quemquam sum passurus.
 'Nam neque vetera peccata repeti iam oblitterata placet,
 'quum nova expiata sint decemvirorum suppliciis; et
 'nihil admissum iri, quod vim tribuniciam desideret,
 'spondet perpetua consulum amborum in libertate vestra
 'tuenda cura.' Ea primum moderatio tribuni metum Pa-
 tribus dempsit, eademque auxit consulum invidiam; quod
 adeo toti plebis fuissent, ut Patrum salutis libertatisque
 prior plebeio magistratui, quam patricio, cura fuisset; et
 ante inimicos satietas poenarum suarum cepisset, quam
 obviam ituros licentiae eorum consules appareret. Mul-
 tique erant, qui mollius consultum dicerent, quod legum
 ab iis latarum Patres auctores fuissent: neque erat dubium, 1
 quin, turbato reipublicae statu, tempori succubuissent.

60. Consules, rebus urbanis compositis, fundatoque plebis
 Bellum statu, in provincias diversi abiere. Valerius adversus con-
 cum Aequis iunctos iam in Algido exercitus Aequorum Volscorumque
 et Volscis. sustinuit consilio bellum. Quod si extemplo rem fortunae
 commisisset, haud scio, an, qui tum animi ab decemvirorum 2
 infelicibus auspiciis Romanis hostibusque erant, magno
 detrimento certamen staturum fuerit. Castris, mille pas- 3
 suum ab hoste positis, copias continebat. Hostes medium
 inter bina castra spatium acie instructa complebant: pro-
 vocantibusque ad proelium responsum Romanus nemo
 reddebat. Tandem fatigati stando, ac nequicquam ex-
 spectando certamen, Aequi Volscique, postquam conces-
 sum propemodum de victoria credebant, pars in Hernicos,
 pars in Latinos praedatum abeunt. Relinquitur magis
 castris praesidium, quam satis virium ad certamen. Quod
 ubi consul sensit, reddit illatum antea terrorem: instruc-
 taque acie ultro hostem lacessit. Ubi illi, conscientia

8 *Exsulatum*] Ut poenam subter-
 fugeret, civitatem deponendo. cf. Cic.
 pro Caecin. 34.

9 *Inhibito*] sc. Adhibito, ut supr.
 38.

1 *Neque erat dubium*] Apertio-
 rem sententiam, si scriptum esset,
neque tamen, monet Duk. Sed ni-

hil opus est, quippe ut supr. 55. *nec
 sine offensione*, idem valet ac *non ta-
 men sine offensione*.

2 *Haud scio, an*] Haec loquendi
 forma idem valet ac *fortasse*. CREV.

3 *Staturum*] Sic infr. xxiii. 30.
*Multo sanguine ac vulneribus ea Poe-
 nis victoria stetit*. RASCH.

quid abesset virium, detrectavere pugnam, crevit extemplo U. C. 306.
 Romanis animus, et pro victis habebant paventes intra A. C. 446.
 vallum. Quum per totum diem stetissent intenti ad certamen, nocti cessere. Et Romani quidem pleni spei corpora curabant. Haudquaquam pari hostes animo nuntios passim trepidi ad revocandos praedatores dimittunt. Recurritur ex proximis locis; ultiores non inventi. Ubi illuxit, egreditur castris Romanus, vallum invasurus, ni copia pugnae fieret: et, postquam multa iam dies erat, neque movebatur quicquam ab hoste, iubet signa inferri consul: motaque acie, indignatio Aequos et Volscos incessit, si victores exercitus vallum potius, quam virtus et arma tegerent. Igitur et ipsi efflagitatum ab ducibus signum pugnae acceperunt. Iamque pars egressa portis erat, deincepsque alii servabant ordinem, in suum quisque locum descendentes, quum consul Romanus prius, quam totis
 4 viribus fulta constaret hostium acies, intulit signa: adortusque nec omnes dum eductos, nec, qui erant, satis explicatis ordinibus, prope fluctuantem turbam trepidantium huc atque illuc, circumspectantiumque se ac suos, addito turbatis mentibus clamore atque impetu, invadit. Retulere primo pedem hostes: deinde, quum animos collegissent, et undique duces, 'victisne cessuri essent,' increparent, restituitur pugna. Consul ex altera parte Romanos 'meminisse,' iubebat, 'illo die primum liberos pro libera urbe Romana pugnare. Sibimet ipsis victuros, non ut decemvirorum victores praemium essent. Non Appio duce rem geri, sed consule Valerio, a liberatoribus populi Romani orto, liberatore ipso. Ostenderent, prioribus proeliis per duces, non per milites, stetisse, ne vincerent. Turpe esse, contra cives plus animi habuisse, quam contra hostes: et domi, quam foris, servitutem magis timuisse. Unam Virginiam fuisse, cuius pudicitiae in pace periculum esset: unum Appium civem periculosae libidinis. At, si fortuna belli inclinet, omnium liberis ab tot millibus hostium periculum fore. Nolle ominari, quae nec Iupiter, nec Mars pater passuri sint iis auspiciis conditae urbi accidere.' Aventini Sacrique montis admonebat, 'ut, ubi libertas parta esset paucis ante
 5 mensibus, eo imperium illibatum referrent: ostenderentque, eandem indolem militibus Romanis post exactos decemviros esse, quae ante creatos fuerit: nec, acquatis legibus, imminutam virtutem populi Romani esse.' Haec

61.

4 Adortusque nec omnes dum eductos] Adortusque eos, quum necdum omnes educti essent, nec ii, qui erant educti, satis temporis ad explicandos

ordines habuissent. CREV.

5 Illibatum] Nulla clade imminutum. cf. infr. xlii. 30. illibatis viribus. DRAC.

U. C. 306. ubi inter signa peditum dicta dedit; avolat deinde ad
 A. C. 446. equites, 'Agite, iuvenes,' inquit, 'praestate virtute peditem, ut honore atque ordine praestatis. Primo concursu pedes movit hostem: pulsum vos, immissis equis, exigit e campo. Non sustinebunt impetum: et nunc Vincuntur. cunctantur magis, quam resistunt.' Concitant equos, permittuntque in hostem, pedestri iam turbatum pugna: et, perruptis ordinibus, elati ad novissimam aciem, pars libero spatio circumvecti, iam fugam undique capessentes plerosque a castris avertunt, praeterequitantesque absterrent. Peditum acies, et consul ipse, visque omnis belli fertur in castra: captisque cum ingenti caede, maiore praeda potitur.

Bellum
 cum Sa-
 binis.

Huius pugnae fama perlata non in urbem modo, sed in Sabinos ad alterum exercitum. In urbe laetitia modo celebrata est; in castris animos militum ad aemulandum decus accendit. Iam Horatius eos, excursionibus suffi-
 6 ciendo, proeliisque levibus experiundo assuefecerat sibi potius fidere, quam meminisse ignominiae decemvirorum ductu acceptae; parvaeque certamina in summam totius profecerant spei. Nec cessabant Sabini, feroces ab re priore anno bene gesta, lacescere atque instare, rogitan-
 62. 'Quid latrocinii modo procursantes pauci recurrentesque tererent tempus, et in multa proelia parvaeque carperent summam unius belli? Quin illi congregarentur acie, inclinandamque semel fortunae rem darent?' Ad id, quod 7 sua sponte satis collectum animorum erat, indignitate etiam Romani accendebantur. 'Iam alterum exercitum victorem in urbem rediturum; sibi ultro per contumelias hostem insultare: quando autem se, si tum non sint, pares hostibus fore?' Ubi haec fremere militem in castris consul sensit, concione advocata, 'Quemadmodum,' inquit, 'in Algido res gesta sit, arbitror vos, milites, audisse. Qualem liberi populi exercitum decuit esse, talis fuit: consulto collegae, virtute militum victoria parta est. Quod ad me attinet, id consilii animique habiturus sum, quod vos mihi effeceritis. Et trahi bellum salubriter, et mature 8 perfici potest. Si trahendum est, ego, ut in dies spes virtusque vestra crescat, eadem, qua institui, disciplina efficiam. Si iam satis animi est, decernique placet,

6 *Excursionibus suffi-
 ciendo*] Si vox *excursionibus* in dandi casu accipietur, sensus erit: eos subministrando quodammodo, eorum opera utendo ad excursions: si in auferendi casu; eos excursionibus exercendo, et quasi imbuendo: quo sensu Cicero in Hortens. dixit, *Sufficiunt lanam medica-*

mentis: et Virg. Aen. ii. 210. *Arden-
 tesque oculos affecti sanguine et igni.*
 CREV.

7 *Ad id, quod*] Praeterquam quod. cf. supr. 6.

8 *Effeceritis*] Vetus quidam codex ap. Gronovium *feceritis*, quod rectius videtur. DOER.

‘agitedum, clamorem, qualem in acie sublaturi estis, tollite U. C. 306.
 ‘hic, indicem voluntatis virtutisque vestrae.’ Postquam A. C. 446.
 ingenti alacritate clamor est sublatus, ‘Quod bene vertat,
 ‘gesturum se illis morem, posteroque die in aciem de-
 ‘ducturum,’ affirmat. Reliquum dici apparandis armis
 consumptum est. Postero die simul instrui Romanam
 aciem Sabini videre, et ipsi, iam pridem avidi certaminis, Pugna cum
 procedunt. Proelium fuit, quale inter fidentes sibimet iisdem.
 9 ambo exercitus, veteris perpetuaeque victoriae alterum
 gloria, alterum nuper nova victoria elatum. Consilio
 etiam Sabini vires adiuvare: nam quum aequassent aciem,
 duo extra ordinem millia, quae in sinistrum cornu Ro-
 manorum in ipso certamine impressionem facerent, tenere.
 Quae ubi, illatis ex transverso signis, degravabant prope
 circumventum cornu; equites duarum legionum sexcenti
 fere ex equis desiliunt, cedentibusque iam suis provolant
 in primum; simulque et hosti se opponunt, et, aequato
 primum periculo, pudore deinde animos peditum accen-
 dunt. Verecundiae erat, equitem suo alienoque Marte
 pugnare: peditem ne ad pedes quidem degresso equiti
 parem esse. Vadunt igitur in proelium ab sua parte omis-
 sum; et locum, ex quo cesserant, repetunt: momentoque
 non restituta modo pugna, sed inclinatur etiam Sabinis
 cornu. Eques inter ordines peditum tectus se ad equos
 recipit: transvolat inde in partem alteram, suis victoriae
 nuntius; simul et in hostes iam pavidos, quippe fuso suae
 partis validiore cornu, impetum facit. Non aliorum eo
 proelio virtus magis enituit. Consul providere omnia,
 laudare fortes, increpare, sicubi segnior pugna esset. Cas-
 tigati fortium statim virorum operam edebant: tantumque
 hos pudor, quantum alios laudes excitabant. Redintegrato
 clamore, undique omnes commisi hostem avertunt; nec
 deinde Romana vis sustineri potuit. Sabini, fusi passim
 per agros, castra hosti ad praedam relinquunt. Ibi non
 sociorum, sicut in Algido, res, sed suas Romanus, popu-
 lationibus agrorum amissas, recipit.

63.

Vincunt
Romani.

- 1 Gemina victoria duobus bifariam proeliis parta, maligne
 2 senatus in unum diem supplicationes consulum nomine
 decrevit. Populus iniussu et altero die frequens iit sup-
 plicatum: et haec vaga popularisque supplicatio studiis
 prope celebratior fuit. Consules ex composito eodem
 3 biduo ad urbem accessere, senatumque in Martium cam-

9 *Amba*] *Ambos* Edd. ante Dra-
 kenb. sed Livium aliosque scriptores
 saepissime *ambo* et *duo* casu quarto
 formasse constat. cf. infr. vi. 42. viii. 5.

1 *Maligne*] Nimis parce, ne ni-

mum celebraretur consulum gloria.

2 *Supplicationes*] *Lactus*, ut postea
 saepius in honorem imperatorum de-
 cretae sunt.

3 *In Martium campum*] cf. Supr.

U. C. 306. pum evocavere. Ubi quum de rebus ab se gestis agerent,
 A. C. 446. questi primores Patrum, senatum inter milites dedita opera
 terroris causa haberi. Itaque inde consules, ne crimina-
 tionis locus esset, in prata Flaminia, ubi nunc aedes Apol-
 linis est, (iam tum Apollinarem appellabant,) avocavere
 senatum. Ubi quum ingenti consensu Patrum negaretur
 triumphus, L. Icilius tribunus plebis tulit ad populum de
 triumpho consulum, multis dissuasum prodeuntibus, maxime
 C. Claudio vociferante, ‘De Patribus, non de hostibus,
 ‘consules triumphare velle; gratiamque pro privato merito
 ‘in tribunum, non pro virtute honorem, peti. Nunquam
 ‘ante de triumpho per populum actum: semper aestima-
 ‘tionem arbitriumque eius honoris penes senatum fuisse:
 ‘ne reges quidem maiestatem summi ordinis imminuisse.
 ‘Ne ita omnia tribuni potestatis suae implerent, ut nullum
 ‘publicum consilium sinerent esse. Ita demum liberam
 ‘civitatem fore, ita aequatas leges, si sua quisque iura ordo,
 ‘suam maiestatem teneat.’ In eandem sententiam multa
 ‘et a ceteris senioribus Patrum quum essent dicta, omnes
 ‘tribus eam rogationem acceperunt. Tum primum, sine
 ‘auctoritate senatus, populi iussu triumphatum est. 5

Con-
 tentio-
 nes de
 triumpho
 Coss.

Iussu ple-
 bis trium-
 phant.

64.
 Tribuni
 Pl. refici
 volunt.

Vetat
 Duilius.

Haec victoria tribunorum plebisque prope in haud salu-
 brem luxuriam vertit, conspiratione inter tribunos facta, ut
 iidem tribuni reficerentur, et, quo sua minus cupiditas
 emineret, consulibus quoque continuarent magistratum.
 Consensum Patrum causabantur, quo per contumeliam
 consulum iura plebis labefacta essent. ‘Quid futurum,
 ‘nondum firmatis legibus, si novos tribunos per factiones
 ‘suas consules adorti essent? non enim semper Valerios
 ‘Horatiosque consules fore, qui libertati plebis suas opes
 ‘postferrent.’ Forte quadam utili ad tempus, ut comitiis
 praeeset, potissimum M. Duilio sorte evenit, viro prudenti,
 et ex continuatione magistratus invidiam imminuentem cer-
 nenti. Qui quum ex veteribus tribunis negaret ullius se
 rationem habiturum, pugnarentque collegae, ut liberas

c. 27. Hic quoque *campum Coelimon-
 tanum*, sive *Campum Martialem* me-
 lius scripserit Livius. cf. Festus, *Mar-
 tialis campus in Coelio monte dicitur,
 quod in eo Equiria solebant fieri, si
 quando aqua Tiberis campum Mar-
 tium occupasset*. In campo Coeli-
 montano aedes Martis extracta erat,
 cf. infr. vi. 5. in qua consules bello
 reduces saepius senatum convocabant,
 utpote extramuraneo, ut triumphum
 postularent. cf. Niebhr. ii. n. 827.

4 *Prata Flaminia*] Partem quan-
 dam Campi Martii, in qua plures
 aedes, e. g. Apollinis, Neptuni, Mar-

tis, Vulcani, erant. De Apollinis aede,
 quae vota infr. iv. 25, dedicata ibid. 29,
 memoratur, cf. Ascon. in Fragm. Cic.
 Orat. vi. p. 600. et infr. xxxiv. 43.
 xxxix. 4. In his pratis ludi plebei,
 qui postea in Circo Flaminio, cele-
 brabantur. cf. supr. 54.

5 *Populi iussu triumphatum*] sc.
 Lege ad comitia tributa lata, sine
 auctoritate senatus. Etenim quae ad
 bellum et res externas pertinebant,
 ex hoc tempore a senatu ad comitia
 tributa pedetentim translata videbi-
 mus.

tribus in suffragium mitteret, aut concederet sortem comitiorum collegis, habituris e lege potius comitia, quam ex voluntate Patrum; iniecta contentione, Duilius, consules ad subsellia accitos quum interrogasset, quid de comitiis consularibus in animo haberent, respondissentque, se novos consules creaturos, auctores populares sententiae haud popularis nactus, in concionem cum iis processit. Ubi quum consules, producti ad populum, interrogatique, si eos populus Romanus, memor libertatis per illos receptae domi, memor militiae rerumque gestarum, consules iterum faceret, quidnam facturi essent, nihil sententiae suae mutassent; collaudatis consulibus, quod perseverarent ad ultimum dissimiles decemvirosum esse, comitia habuit: et, quinque tribunis plebis creatis, quum prae studiis aperte petentium novem tribunorum alii candidati tribus non explerent, concilium dimisit; nec deinde comitiorum causa habuit. Satisfactum legi aiebat, quae, numero nusquam praefinito tribunis, modo ut relinquerentur, sanciret; et ab iis, qui creati essent, cooptari collegas iuberet. Recitabatque rogationis carmen, in quo, ‘Si tribunos plebei decem rogabo, ‘si qui vos minus hodie decem tribunos plebei feceritis: ‘hi tum uti, quos sibi collegas cooptassint, ut illi legitimi ‘eadem lege tribuni plebei sint, ut illi, quos hodie tribunos ‘plebei feceritis.’ Duilius, quum ad ultimum perseverasset, negando quindecim tribunos plebei rempublicam habere posse, victa collegarum cupiditate, pariter Patribus plebique acceptus, magistratu abiit.

Novi tribuni plebis in cooptandis collegis Patrum voluntatem foverunt: duos etiam patricios consularesque, Sp. Tarpeium et A. Aterium, cooptavere. Consules creati, Lar. Herminius, T. Virginius Coelimonianus, nihil magnopere ad Patrum aut plebis causam inclinati, otium domi ac foris habuere. L. Trebonius tribunus plebis, infestus patribus, quod se ab iis in cooptandis tribunis fraude captum, proditum a collegis, aiebat, rogationem tulit, ‘Ut qui plebem ‘Romanam tribunos plebi rogaret, is usque eo rogaret, dum

65.

U. C. 307.

A. C. 445.

Lar. Her-

minio,

T. Virgino

Coss.

6 *Auctores populares sententiae haud popularis*] Ita Stroth. Rup. Bekker. legend. censent, sed alii *auctores populares sententiae haud populares*, quod paullo ineptius videtur.

7 *Tribus non explerent*] h. e. Certum atque lege definitum numerum suffragiorum non ferrent, quum sententiae tribuni in multas variasque partes distraherentur. cf. infr. xxvii. 47.

8 *Iuberet*] *Iubebat* hic requiri acumine suo vidit Niebhr. n. n. 834, qui nullam legem adhuc fuisse censet,

quae cooptationem iuberet: sed contra, Duilium nunc primum rogationem tulisse, cuius carmen hic recitatur si qui... si qua ratione, *minus decem*, h. e. minus quam decem: *n uti*, h. e. ut illi.

9 *Duos... patricios*] Hinc patricios in eisdem *tribubus* *rogationis* una cum plebe post decemviratum descriptos fuisse censet Niebhr. Hi duo plebi pergrati erant, quod in consulatu suo supr. 31, legem de multae sacramento pertulerant.

1 *Rogationem*] Quae lex Trebonia de cooptatione tribunorum dicitur.

U. C. 307. ‘decem tribunos plebi faceret;’ insectandisque Patribus,
 A. C. 445. unde Aspero etiam inditum est cognomen, tribunatum gessit.
 U. C. 308. Inde M. Geganius Macerinus et C. Iulius, consules
 A. C. 444. facti, coitiones tribunorum, adversus nobilium iuventutem
 M. Geganius, C. Iulio ortas, sine insectatione potestatis eius, conservata maiestate
 Coss. Patrum, sedavere: plebem, decreto ad bellum Volscorum
 et Aequorum delectu, sustinendo rem, ab seditionibus²
 continuere: urbano quoque otio foris omnia tranquilla
 esse affirmantes, per discordias civiles externos tollere
 animos. Cura pacis concordiae quoque intestinae causa
 fuit. Sed alter semper ordo gravis alterius modestiae erat.
 Iuniorum e Patribus in plebem iniuriae. Quiescenti plebi ab iunioribus Patrum iniuriae fieri coeptae.
 Ubi tribuni auxilio humilioribus essent, in primis parum
 proderat: deinde ne ipsi quidem inviolati erant; utique
 postremis mensibus, quum et per coitiones potentiorum
 iniuria fieret, et vis potestatis omnis aliquanto posteriore
 anni parte languidior ferme esset: iamque plebs ita in
 tribunatu ponere aliquid spei, si similes Icilio tribunos
 haberet: nomina tantum se biennio habuisse. Seniores³
 contra Patrum, ut nimis feroces suos credere iuvenes esse;
 ita malle, si modus excedendus esset, suis, quam adversariis,
 superesse animos. Adeo moderatio tuendae libertatis, dum
 aequari velle simulando ita se quisque extollit, ut deprimat
 alium, in difficili est: cavendoque ne metuant homines,
 metuendos ultro se efficiunt: et iniuriam a nobis repulsam,
 tanquam aut facere aut pati necesse sit, iniungimus aliis.

66. T. Quinctius Capitolinus quartum et Agrippa Furius,
 U. C. 309. consules inde facti, nec seditionem domi, nec foris bellum,
 A. C. 443. acceperunt: sed imminebat utrumque. Iam non ultra
 T. Quinctio discordia civium reprimi poterat, et tribunis et plebe incitata
 IV. Agrip. tata in Patres, quum dies alicui nobilium dicta novis semper
 Furio Coss. certaminibus conciones turbaret. Ad quarum primum
 Aequi et Volsci bellum Rom. inferunt. strepitum, velut signo accepto, arma cepere Aequi ac
 Volsci: simul quod persuaserant iis duces, cupidi praedarum,
 biennio ante delectum indictum haberi non potuisse, abnuente iam plebe imperium. ‘Eo adversus se
 ‘non esse missos exercitus: dissolvi licentia militandi
 ‘morem: nec pro communi iam patria Romam esse:
 ‘quicquid irarum simultatumque cum externis fuerit, in
 ‘ipsos verti: occaecatos lupos intestina rabie opprimendi
 ‘occasionem esse.’ Coniunctis exercitibus Latinum pri-

² *Sustinendo rem*] Morando, differendo delectum. infr. 60.

³ *Seniores*] Ultimo hoc loco Seniores Patrum iunioribus, sc. patres maiorum gentium patribus minorum

oppositos habemus. Niebhr. ii. n. 838.

⁴ *Biennio ante*] Hic biennium intelligi necesse est, non integrum, sed inchoatum tantummodo: quum anno superiore delectus indictus sit. CREV.

mum agrum perpopulati sunt: deinde postquam ibi nemo
 vindex occurrebat, tum vero, exsultantibus belli auctoribus,
 ad moenia ipsa Romae populabundi regione portae Esqui-
 lineae accedere, vastationem agrorum per contumeliam urbi
 ostentantes. Unde postquam inulti, praedam prae se
 agentes, retro ad Corbionem agmine fere, Quinctius consul
 ad concionem populum vocavit. Ibi in hanc sententiam
 locutum accipio: ‘Etsi mihi nullius noxae conscius, Qui-
 ‘rites, sum, tamen cum pudore summo in concionem ves-
 ‘tram processi. Hoc vos scire, hoc posteris memoriae
 ‘traditum iri, Aequos et Volscos, vix Hernicis modo pares,
 ‘T. Quinctio quartum consule, ad moenia urbis Romae
 ‘impune armatos venisse. Hanc ego ignominiam, (quan-
 ‘quam iam diu ita vivitur, is status rerum est, ut nihil boni
 ‘divinet animus,) si huic potissimum imminere anno scis-
 ‘sem, vel exsilio, vel morte, si alia fuga honoris non esset,
 ‘vitassem. Ergo, si viri arma illa habuissent, quae in
 ‘portis fuere nostris, capi Roma me consule potuit? satis
 ‘honorum, satis superque vitae erat: mori consulem
 ‘tertium oportuit. Quem tandem ignavissimi hostium
 ‘contempsere? nos consules; an vos Quirites? Si culpa
 ‘in nobis est, auferte imperium indignis; et, si id parum
 ‘est, insuper poenas expetite. Si in vobis, nemo deorum
 ‘nec hominum sit, qui vestra puniat peccata, Quirites;
 ‘vosmet tantum eorum poeniteat. Non illi vestram igna-
 ‘viam contempsere, nec suae virtuti confisi sunt; quippe
 ‘toties fusi fugatique, castris exuti, agro multati, sub
 ‘iugum missi, et se et vos novere. Discordia ordinum est
 ‘venenum urbis huius; Patrum ac plebis certamina, dum
 ‘nec nobis imperii, nec vobis libertatis est modus, dum
 ‘taedet vos patriciorum, hos plebeiorum magistratum,
 5 ‘sustulere illis animos. Pro deum fidem, quid vobis vultis?
 ‘Tribunos plebis concupistis: concordiae causa conces-
 ‘simus. Decemviros desiderastis: creari passi sumus.
 ‘Decemvirorum vos pertaesum est: coegimus abire ma-
 ‘gistratu. Manente in eosdem privatos ira vestra, mori
 ‘atque exulare nobilissimos viros honoratissimosque passi
 ‘sumus. Tribunos plebis creare iterum voluistis: creastis.
 ‘Consules facerestrarum partium, etsi Patribus vide-
 6 ‘bamus iniquum; patricium quoque magistratum plebi
 ‘donum fieri vidimus. Auxilium tribunicium, provoca-
 ‘tionem ad populum, scita plebis iniuncta Patribus, sub

U. C. 309.
 A. C. 443.
 Ad moenia
 ipsa Romae
 accedunt.

67.

T. Quinctii
 oratio ad
 populum.

5 *Quid vobis vultis*] Brevis et con-
 cinna enumeratio quomodo plebs in
 partem reipublicae sensim se vindi-
 caverit.

6 *Plebi donum*] *Plebis donum*,

quod in cod. Latini Neapol. legitur,
 probat Niebhr. ii. not. 793. Sed
plebi pro *plebei*, genitivo casu in usu
 fuisse Vossius in *Grammat.* iv. 19, 20.
 docet.

- U. C. 309. 'titulo aequandarum legum, nostra iura oppressa tulimus
 A. C. 443. 'et ferimus. Qui finis erit discordiarum? Ecquando
 'unam urbem habere, ecquando communem hanc esse
 'patriam licebit? Victi nos aequiore animo quiescimus,
 'quam vos victores. Satisne est, nobis vos metuendos
 'esse? Adversus nos Aventinum capitur: adversus nos
 'Sacer occupatur mons. Esquilias quidem ab hoste prope ⁷
 'captas, et scandentem in aggerem Volscum hostem nemo ⁸
 68. 'summovit: in nos viri, in nos armati estis. Agitedum,
 'ubi hic curiam circumsederitis, et forum infestum fece-
 'ritis, et carcerem impleveritis principibus; iisdem istis
 'ferocibus animis egredimini extra portam Esquilinam:
 'aut, si ne hoc quidem audetis, ex muris visite agros
 'vestros ferro ignique vastatos, praedam abigi, fumare
 'incensa passim tecta. At enim communis res per haec ⁹
 'loco est peiore: ager uritur, urbs obsidetur, belli gloria
 'penes hostes est. Quid tandem? privatae res vestrae in
 'quo statu sunt? Iam unicuique ex agris sua damna nun-
 'tiabantur. Quid est tandem domi, unde ea expleatis?
 'Tribuni vobis amissa reddent ac restituent? Vocis ver-
 'borumque quantum voletis, ingerent, et criminum in
 'principes, et legum aliarum super alias, et concionum.
 'Sed ex illis concionibus nunquam vestrum quisquam re, ¹
 'fortuna, domum auctor rediit. Ecquis retulit aliquid ad
 'coningem ac liberos praeter odia, offensiones, simultates
 'publicas privatasque? a quibus semper non vestra virtute
 'innocentiaque, sed auxilio alieno tuti sitis. At, Hercules,
 'quum stipendia, nobis consulibus, non tribunis ducibus, ²
 'et in castris, non in foro, faciebatis, et in acie vestrum
 'clamorem hostes, non in concione Patres Romani horre-
 'bant, praeda parta, agro ex hoste capto, pleni fortunarum
 'gloriaeque, simul publicae, simul privatae, triumphantes
 'domum ad penates redibatis: nunc oneratum vestris for-
 'tunis hostem abire sinitis. Haerete affixi concionibus et

⁷ *Esquilias prope captas, et . . . hostem nemo summovit*] Verbum *submovit* in utrumque non convenit. Sed saepe plura orationis membra uno eodemque verbo claudi videntur, quum ad verum sensum aliud suppleendum sit. Sic Cic. ad Att. x. 4. *Fortunam, qua illi florentissima, nos duriore conflictati videmur.* Vid. Sanctii Min. iv. 8. et Perizonii notas ibidem. Hic igitur in priore orationis membro suppleendum est *nemo defendit*, aut aliud quid simile. CREV.

⁸ *Aggerem*] Esquilinus collis illa parte adibatur per aggerem Tarquinii Superbi. CREV.

⁹ *At enim communis*] Omnia haec usque ad orationis finem e Demosthene adumbrantur. vid. Dobraei *Advers.* vol. i. p. 349. cf. Demosth. *Olynth.* i. p. 13. 22. *Ol.* iii. p. 34. *Phil.* i. ad fin. *Phil.* iii. p. 127.

¹ *Re, fortuna*] Livio nihil frequentius est, quam particulas, quae orationem connectunt, omittere. DRAX.

² *Stipendia faciebatis*] Nondum stipendia militi Romano solvebantur. Sed hic Livius temporis sui morem in scribendo sequitur, quo *stipendia facere* et *militare* promiscue usurpabantur. CREV. cf. *infr.* iv. 59.

‘in foro vivite: sequitur vos necessitas militandi, quam U. C. 309.
 ‘fugitis. Grave erat in Aequos et Volscos proficisci? A. C. 443.
 ‘Ante portas est bellum: si inde non pellitur, iam intra
 ‘moenia erit, et arcem et Capitolium scandet, et in domos
 ‘vestras vos persequetur. Biennio ante senatus delectum
 ‘haberi, et educi exercitum in Algidum iussit: sedemus
 ‘desides domi, mulierum ritu inter nos altercantes; prae-
 ‘senti pace laeti, nec cernentes, ex otio illo brevi multiplex
 ‘bellum rediturum. His ego gratiora dictu alia esse scio:
 ‘sed me vera pro gratis loqui, etsi meum ingenium non
 ‘moneret, necessitas cogit. Vellem equidem vobis placere,
 ‘Quirites; sed multo malo vos salvos esse, qualicumque
 ‘erga me animo futuri estis. Natura hoc ita comparatum
 ‘est, ut, qui apud multitudinem sua causa loquitur, gratior
 ‘eo sit, cuius mens nihil, praeter publicum commodum,
 ‘videt: nisi forte assentatores publicos, plebicolas istos, qui
 ‘vos nec in armis nec in otio esse sinunt, vestra vos causa
 ‘incitare et stimulare putatis. Concitati, aut honori, aut
 3 ‘quaestui illis estis: et quia in concordia ordinum nullos
 ‘se usquam esse vident, malae rei se, quam nullius, tur-
 ‘barum ac seditionum, duces esse volunt. Quarum rerum
 ‘si vos taedium tandem capere potest, et patrum vestros-
 ‘que antiquos mores vultis pro his novis sumere, nulla
 ‘supplicia recuso; nisi paucis diebus hos populatores agro-
 ‘rum nostrorum fusos fugatosque castris exuero, et a portis
 ‘nostris moenibusque ad illorum urbes hunc belli terrorem,
 ‘quo nunc vos attoniti estis, transtulero.’

Raro alias tribuni popularis oratio acceptior plebi, quam 69.
 tunc severissimi consulis, fuit. Inventus quoque, quae
 inter tales metus detrectationem militiae telum acerrimum
 adversus Patres habere solita erat, arma et bellum spec-
 tabat: et agrestium fuga, spoliatique in agris et vulnerati,
 foediora iis, quae subiiciebantur oculis, nuntiantes, totam
 urbem ira implevere. In senatum ubi ventum est, ibi vero
 in Quinctium omnes versi, ut unum vindicem mai-
 stas Romanae intueri; et primores Patrum ‘dignam’
 dicere ‘concionem imperio consulari, dignam tot consu-
 ‘latibus ante actis, dignam vita omni, plena honorum saepe
 ‘gestorum, saepius meritorum. Alios consules aut per
 ‘proditionem dignitatis Patrum plebi adulatos, aut acerbè
 ‘tuendo iura ordinis asperiores domando multitudinem
 ‘fecisse: T. Quinctium orationem memorem maiestatis
 ‘Patrum, concordiaeque ordinum, et temporum in primis
 ‘habuisse. Orare eum collegamque, ut capesseren rem-

Congestae
 in T. Quin-
 etium
 laudes.

3 Nullus se . . . esse vident] Nul- stimari. cf. infr. vi. 18, nullus repente
 lum vim habere, nihil valere vel ac- fui, h. e. nihil fui vel potui. Rur.

U. C. 309. 'publicam : orare tribunos, ut uno animo cum consulibus
 A. C. 443. 'bellum ab urbe ac moenibus propulsari vellent, plebemque
 'obedientem in re tam trepida Patribus praeberent : ap-
 'pellare tribunos communem patriam, auxiliumque eorum
 Delectus 'implorare, vastatis agris, urbe prope oppugnata.' Consensu
 habetur. omnium delectus decernitur habeturque. Quum consules
 in concione pronuntiassent, 'Tempus non esse causas cog- 4
 'noscendi; omnes iuniores postero die prima luce in campo
 'Martio adessent; cognoscendis causis eorum, qui nomina
 'non dedissent, bello perfecto se daturos tempus; pro de-
 'sertore futurum, cuius non probassent causam:' omnis
 iuventus affuit postero die. Cohortes sibi quaeque centu- 5
 riones legerunt : bini senatores singulis cohortibus praepo-
 siti. Haec omnia adeo mature perfecta accepimus, ut
 signa, eo ipso die a quaestoribus ex aerario prompta dela- 6
 taque in campum, quarta diei hora mota ex campo sint :
 exercitusque novus, paucis cohortibus veterum militum
 voluntate sequentibus, manserit ad decimum lapidem. In-
 sequens dies hostem in conspectum dedit, castraque ad
 Corbionem castris sunt coniuncta. Tertio die, quum ira
 Romanos, illos, quum toties rebellassent, conscientia culpa
 ac desperatio irritaret, mora dimicandi nulla est facta.

70. In exercitu Romano quum duo consules essent potestate
 pari; quod saluberrimum in administratione magnarum
 rerum est, summa imperii, concedente Agrippa, penes col-
 legam erat : et praelatus ille facilitati summittentis se
 comiter respondebat, communicando consilia laudesque, et
 aequando imparem sibi. In acie Quinctius dextrum cornu,
 Agrippa sinistrum tenuit : Sp. Postumio Albo legato datur
 media acies tuenda; legatum alterum Ser. Sulpicium equi-
 tibus praeficiunt. Pedites ab dextro cornu egregie pugna-
 vere, haud segniter resistentibus Volscis. Ser. Sulpicius
 per mediam hostium aciem cum equitatu perrupit : unde
 quum eadem reverti posset ad suos, priusquam hostis tur-
 batos ordines reficeret, terga impugnare hostium satius
 visum est : momentoque temporis, in aversam incursando
 aciem, ancipiti terrore dissipasset hostes, ni suo proprio eum
 proelio equites Volscorum et Aequorum exceptum ali-

Volsci et
 Aequi vin-
 cuntur.

4 *Causas cognoscendi*] Cur quis
 nomen haud daret. Nimirum omnes
iuniores Romani nomina militiae dare
 debebant : nec quisquam poterat hoc
 munus detrectare, nisi causam ali-
 quam attulisset, quae consulibus pro-
 baretur. Qui talem aliquam causam
 habebant, dicebantur *causari*. CREV.

5 *Cohortes*] Cohors decima pars
 legionis, et quasi parva legio. Quod
 hic dicitur centuriones a cohortibus

ipsis lectos, id contra solennem mili-
 tiae morem est, ex quo centuriones a
 consulibus, et, permissu eorum, a tri-
 bunis constitui solebant. Vid. Lips.
 de Mil. Rom. ii. Dial. 4. et 8. CREV.

6 *Signa*] Militaria ex aerario prom-
 pta, ubi adservabantur. cf. iv. 22. et
 vii. 23. *Quaestores urbani* habebant
 curam aerarii, quod in aede Saturni
 erat.

quamdiu tenuissent. Ibi vero Sulpicius negare, ‘cune- U. C. 309.
 ‘tandi tempus esse, circumventos interclusosque ab suis’ A. C. 443.
 vociferans, ‘ni equestre proelium connisi omni vi perfee-
 ‘rent. Nec fugare equitem integrum satis esse: confice-
 ‘rent equos virosque, ne quis reveheretur inde ad proelium,
 ‘aut integraret pugnam: non posse illos resistere sibi,
 ‘quibus conferta peditum acies cessisset.’ Haud surdis
 auribus dicta: impressione una totum equitatum fudere,
 magnam vim ex equis praecipitavere, ipsos equosque spi-
 culis confodere. Is finis pugnae equestris fuit. Tunc,
 adorti peditum aciem, nuntios ad consules rei gestae mit-
 tunt, ubi iam inclinabatur hostium acies. Nuntius deinde
 et vincentibus Romanis animos auxit, et referentes gradum
 perculit Aequos. In media primum acie vinci coepti, qua
 permissus equitatus turbaverat ordines. Sinistrum deinde
 cornu ab Quinctio consule pelli coeptum; in dextro pluri-
 mum laboris fuit. Ibi Agrippa, aetate viribusque ferox,
 quum omni parte pugnae melius res geri, quam apud se,
 videret, accepta signa ab signiferis ipse inferre, quaedam
 7 iacere etiam in confertos hostes coepit. Cuius ignominiae
 metu concitati milites, invasere hostem: ita aequata ex
 omni parte victoria est. Nuntius tum a Quinctio venit,
 victorem iam se imminere hostium castris; nolle irrumpere,
 antequam sciat, debellatum et in sinistro cornu esse. Si
 iam fudisset hostes, conferret ad se signa, ut simul omnis
 exercitus praeda potiretur. Victor Agrippa cum mutua
 gratulatione ad victorem collegam castraque hostium venit.
 Ibi paucis defendentibus, momentoque fuis, sine certamine
 8 in munitiones irrumpunt: praedaeque ingenti compotem
 exercitum, suis etiam rebus recuperatis, quae populatione
 agrorum amissae erant, reducunt. Triumphum nec ipsos
 postulasse, nec delatum iis ab senatu, accipio: nec tradi-
 tur causa sprete aut non sperate honoris. Ego quantum in
 tanto intervallo temporum conicio, quum Valerio atque
 Horatio consulibus, qui praeter Volseos et Aequos Sabini
 etiam belli perfecti gloriam pepererant, negatus ab senatu
 triumphus esset, verecundiae fuit pro parte dimidia rerum
 consulibus petere triumphum; ne etiam, si impetrassent,
 magis hominum ratio, quam meritorum, habita videretur.

Victoriam honestam, ex hostibus partam, turpe domi de 71.
 finibus sociorum iudicium populi deformavit. Aricini at-
 9 que Ardeates de ambiguo agro quum saepe bello certassent,

Turpe iu-
 dicium
 P. R. de
 sociorum
 finibus.

7 Cuius ignominiae] Nempe si lingua satis compotem. Huius lo-
 amissa atque ab hostibus capta essent quendi formae rarissima sunt exem-
 signa. STROTH. pla.

8 Praedaeque ingenti compotem] 9 Ambiguo agro] Ager hic postea
 Sic Sallustius, neque animo, neque tribus Scaptiae erat. Quum illi, qui

U. C. 309. multis in vicem cladibus fessi, iudicem populum Romanum
 A. C. 443. cepere. Quum ad causam orandam venissent, concilio
 populi a magistratibus dato, magna contentione actum.
 Iamque editis testibus, quum tribus vocari, et populum
 inire suffragium oporteret, consurgit P. Scaptius de plebe,
 magno natu: et, 'Si licet,' inquit, 'consules, de republica
 'dicere, errare ego populum in hac causa non patiar.'
 Quum, ut vanum, eum negarent consules audiendum esse,
 vociferantemque, 'prodi publicam causam,' summoveri ius-
 sissent, tribunos appellat. Tribuni, ut fere semper reguntur
 a multitudine magis, quam regunt, dedere cupidae audi-
 endi plebi, ut, quae vellet, Scaptius diceret. Ibi inquit,
 'Annum se tertium et octogesimum agere, et in eo agro,
 'de quo agitur, militasse, non iuvenem, vicesima iam sti-
 'pendia merentem, quum ad Coriolos sit bellatum. Eo
 'rem se vetustate oblitteratam, ceterum suae memoriae in-
 'fixam, afferre; agrum, de quo ambigitur, finium Coriola-
 'norum fuisse, captisque Coriolis, iure belli publicum
 'populi Romani factum. Mirari se, quonam more Ardeates
 'Aricinique, cuius agri ius nunquam usurpaverint incolumi
 'Coriolana re, eum se a populo Romano, quem pro domino
 'iudicem fecerint, intercepturos sperent. Sibi exiguum
 'vitae tempus superesse: non potuisse se tamen inducere
 'in animum, quin, quem agrum miles pro parte virili manu
 'cepisset, eum senex quoque voce, qua una posset, vindi-
 'caret. Magnopere se suadere populo, ne inutili pudore
 72. 'suam ipse causam damnaret.' Consules quum Scaptium
 non silentio modo, sed cum assensu etiam, audiri animad-
 vertissent, deos hominesque testantes flagitium ingens fieri,
 Patrum primores arcessunt: cum his circumire tribunos,
 orare, 'Ne pessimum facinus peiore exemplo admitterent
 'iudices, in suam rem litem vertendo, quum praesertim,
 'etiamsi fas sit, curam emolumenti sui iudici esse, nequa-
 'quam tantum agro intercipiendo acquiratur, quantum
 'amittatur alienandis iniuria sociorum animis. Nam famae
 'quidem ac fidei damna maiora esse, quam quae aestimari
 'possent. Hoc legatos referre domum: hoc vulgari: hoc
 'socios audire: hoc hostes: quo cum dolore hos? quo cum 3

eum populo Romano vindicabat, no-
 men Scaptius detur, Niebuhrio vide-
 tur admodum incertum esse, utrum
 revera aliquis talis necne vixerit.

1 *Populum Romanum*] Quem pa-
 triciorum concilium curiatim convo-
 catum fuisse censet Niebhr. ii. not. 985.

2 *Tribunos*] Admittenda videtur
 Perizonii emendatio, *circumire tribus*.
 Nam et ipsum verbum *circumire* me-

lius quadrat in tribus, quam in tribu-
 nos: et sequens oratio dirigitur ad
 eos qui rem iudicaturi erant. Populi
 autem erat, non tribunorum, iudicare.
 CREV. *Tribus* in textum reposuit
 Bekker.

3 *Hos . . . illos*] Inverso ordine
 haec sumenda, ita ut *illos* ad proxi-
 mum *hostes*, *hos* vero ad remotius so-
 cios referatur. infr. xxiv. 29. STROTH.

⁴ 'gaudio illos? Scaptione hoc, concionali seni, assignaturos U. C. 309.
⁵ 'putarent finitimos populos? Clarum hac fore imagine A. C. 443.
⁶ 'Scaptium: populum Romanum quadruplatoris et inter-
⁸ 'ceptoris litis alienae personam laturum: quem enim hoc
⁹ 'privatae rei iudicem fecisse, ut sibi controversiosam adiudi-
 'caret rem? Scaptium ipsum id quidem, etsi praemortui
 'iam sit pudoris, non facturum.' Haec consules, haec
 Patres vociferantur: sed plus cupiditas et auctor cupiditatis
 Scaptius valet. Vocatae tribus indicaverunt, agrum pub-
 licum populi Romani esse. Nec abnuitur ita fuisse, si ad
¹ iudices alios itum foret: nunc haud sane quicquam bono
 causae levatur dedecus iudicii: idque non Aricinis Ardea-
 tibusque, quam Patribus Romanis, foedius atque acerbius
 visum. Reliquum anni quietum ab urbanis motibus et ab
 externis mansit.

⁴ *Scaptione*] Putarentne finitimos
 populos huius iudicii infamiam et tur-
 pitudinem assignaturos Scaptio, ac
 non potius in universum populum
 Romanum eam reiecturos? CREV.

⁵ *Concionali seni*] Forum terere
 solito, et totos dies in concionibus
 consumere: quod erat otiosi hominis,
 et propterea probro dabatur apud Ro-
 manos. Cic. ad Att. i. 16. *Concionalis*
hirudo aerarii, misera ac ieiuna ple-
becula. Vid. Gronov. de Pecun. Vet.
 iv. 9. CREV.

⁶ *Scaptium*] *Claram hac fore ima-*
gine Scaptium, id est, hac actione
 nobilem et celebrem Scaptium fore.
 Notum est *imagines* fuisse insigne no-
 bilitatis apud Romanos. Quod igitur
 accidit hominibus novis, qui ad hono-
 res admissi ius imaginis accipiunt, aut
 quod nobilibus sunt imagines, argu-
 mentum ingens gloriae, id Scaptio
 hanc actionem, quasi aucto agro pub-
 lico, dolent fore ad populum: qui

tamen ipse populus eadem actione
 invidiosum quadruplatoris et inter-
 ceptoris litis alienae nomen sibi quae-
 rat. Ita exponit hunc locum Grono-
 vius. CREV.

⁷ *Quadruplatoris*] *Quadruplatores*
 delatores erant criminum publicorum:
 in qua re quartam partem ex damna-
 torum bonis, quos detulerant, conse-
 quebantur. Alii dicunt *quadrupla-*
tores esse eorum reorum accusatores,
 qui convicti quadrupli damnari so-
 leant, ut aleae etc. cf. Asconius in Cic.
 Divin. CREV.

⁸ *Quem enim*] sc. Quis iudex in
 privatae rei iudicio hoc unquam fe-
 cit?

⁹ *Controversiosam*] Vox rarissima,
 nec fortasse mendi expers. Certe Si-
 gonius affirmat veteres suos libros ha-
 bere *controversam*. CREV.

¹ *Bono causae levatur*] sc. Boni-
 tate causae levius redditur.

EPITOME LIBRI IV.

LEX de connubio Patrum et plebis a tribunis plebis contentione magna, Patribus repugnantibus, perlata est. Tribuni militares. Aliquot annis res populi Romani domi militiaeque per hoc genus magistratus administratae sunt. Item censores tunc primum creati sunt. Ager Ardeatibus populi Romani iudicio ablatus, missis in eum colonis, restitutus est. Quum fame populus Romanus laboraret, Sp. Maelius, eques Romanus, frumentum populo sua impensa largitus est: et, ob id factum conciliata sibi plebe, regnum affectans a C. Servilio Ahala, magistro equitum, iussu Quinctii Cincinnati dictatoris occisus est: L. Minucius index bove aurata donatus est. Legatis Romanis a Fidenatibus occisis, quoniam ob rempublicam occubuerant, statuae in Rostris positae sunt. Cossus Cornelius tribunus militum, occiso Tolumnio rege Veientium, opima spolia secunda retulit. Mam. Aemilius dictator, censurae honore, qui antea per quinquennium gerebatur, anni et sex mensium spatio finito, ob eam rem a censoribus notatus est. Fidenae in potestatem redactae, eoque coloni missi sunt: quibus occisis, Fidenates, quum defecissent, a Mam. Aemilio dictatore victi sunt, et Fidenae captae. Coniuratio servorum oppressa est. Postumius, tribunus militum, propter crudelitatem ab exercitu occisus est. Stipendium ex aerario tum primum militibus datum est. Res praeterea gestas adversus Volscos, et Fidenates, et Faliscos continet.

T. LIVII PATAVINI

LIBER IV.

HOS secuti M. Genucius et C. Curtius consules. Fuit U. C. 310.
 annus domi forisque infestus. Nam anni principio et A. C. 442.
¹ de connubio Patrum et plebis C. Canuleius tribunus plebis M. Genu-
 rogationem promulgavit; qua contaminari sanguinem suum cio, C. Cur-
² Patres, confundique iura gentium rebantur: et mentio, tio Coss.
 primo sensim illata a tribunis, ut alterum ex plebe consu- Lex de con-
 lem liceret fieri, eo processit deinde, ut rogationem novem nubio Pa-
 tribuni promulgarent, ‘Ut populo potestas esset, seu de trum et
 ‘plebe, seu de Patribus vellet, consules faciendi.’ Id vero plebis.
 si fieret, non vulgari modo cum infimis, sed prorsus auferri De commu-
 a primoribus ad plebem, summum imperium credebant. nizando
 Laeti ergo audiere Patres, Ardeatium populum ob iniuriam cum plebe
 agri abiudicati descisse, et Veientes depopulatos extrema consulatu.
³ agri Romani, et Volscos Aequosque ob communitam Ver-
 ruginem fremere: adeo vel infelix bellum ignominiosae
 paci praeferebant. His itaque in maius etiam acceptis, ut
 inter strepitum tot bellorum conticescerent actiones tribu-
 niciae, delectus haberi, bellum armaque vi summa apparari
 iubent; si quo intentius possit, quam T. Quinctio consule
⁴ apparatus sit. Tum C. Canuleius pauca in senatu voci-

¹ *De connubio*] cf. Supr. iii. 37. Decemviri duabus postremis tabulis inseruerant legem, ne patriciis cum plebeiis licita essent connubia. CREV.

² *Iura gentium*] *Gens* est hoc loco, quae e multis *familiis* conficitur. *Gens* enim complectitur eos omnes, qui eodem sunt et nomine et cognomine. Iam vero ii soli *gentem habere* dicebantur, qui ab ingenuis oriundi essent, quorum maiorum nemo servitutem servivisset, qui capite non essent deminuti: cf. Cic. in Topicis, 29. Inde patricii solos se *gentem habere* gloriabantur, infr. x. 8. quod tales a Romulo electi essent, quales modo ex Cicerone descripsimus. Propterea *iura gentium confundi* ac per-

turbari *rebantur* admisto plebeiorum sanguine, quos negabant *gentem habere*. CREV.

³ *Verruginem*] Oppidum in Volscorum Aequorumque confinio: de quo nulla haecenus a Livio facta mentio est. CREV.

⁴ *Pauca in senatu*] Hinc liquet tribunis plebis aditum in senatum patere, haud scio an lege Valeria, qua cautum est ut senatusconsulta in aedem Cereris ad aediles plebis deferrentur, supr. iii. 55. Tribunis subsellia ante valvas curiae posita sunt. cf. Val. Max. ii. 2. 7. “unde decreta patrum attentissima cura examinabant, ut, si qua ex eis improbassent, rata esse non sinerent.”

U. C. 310. feratus, 'nequicquam territando consules avertere plebem
A. C. 442. 'a cura novarum legum: nunquam eos se vivo delectum
'habituros, antequam ea, quae promulgata ab se collegisque
'essent, plebes scivisset;' et confestim ad concionem advocavit.

2. Eodem tempore et consules senatum in tribunum, et tribunus populum in consules incitabat. Negabant consules, 'iam ultra ferri posse furores tribunicios: ventum iam ad finem esse; domi plus belli concitari, quam foris. Id adeo non plebis, quam Patrum; neque tribunorum magis, quam consulum, culpa accidere. Cuius rei praemium sit in civitate, eam maximis semper auctibus crescere: sic pace bonos, sic bello fieri. Maximum Romae praemium seditionum esse: id et singulis universisque semper honori fuisse. Reminiscuntur, quam maiestatem senatus ipsi a patribus accepissent, quam liberis tradituri essent; ut, quemadmodum plebs, gloriari possent, auctiorem amplioremque esse.⁵ Finem ergo non fieri, nec futuram, donec, quam felices seditiones, tam honorati seditionum auctores essent. Quas quantasque res C. Canuleium aggressum? colluvionem gentium, perturbationem auspiciorum publicorum privatorumque afferre, ne quid sinceri, ne quid incontaminati⁶ sit: ut, discrimine omni sublato, nec se quisquam, nec suos noverit. Quam enim aliam vim connubia promiscua habere, nisi ut ferarum prope ritu vulgentur concubitus plebis Patrumque: ut, qui natus sit, ignoret, cuius sanguinis, quorum sacrorum sit; dimidius Patrum sit, dimidius plebis, ne secum quidem ipse concors? Parum id videri, quod omnia divina humanaque turbentur: iam ad consulatum vulgi turbatores accingi; et primo, ut alter consul ex plebe fieret, id modo sermonibus tentasse: nunc rogari, ut, seu ex Patribus, seu ex plebe velit, populus consules creet: et creaturos haud dubie ex plebe seditiosissimum quemque. Canuleios igitur Icilioque

Adversus
utramque
legem ora-
tio Coss.

Adversus
legem de
Coss. ple-
beiis.

⁵ *Gloriari possent*] Posset Bekker et Stroth. retinent, hac sententia, ut quemadmodum plebs gloriari posset, sua iura esse auctiora amplioraque facta, ita similiter *senatus* gloriari posset, suam maiestatem esse auctiorem amplioremque.

⁶ *Perturbationem auspiciorum*] Contendebant patricii se solos auspicia habere: (vid. infr. 6. et vi. 41.) incertum autem fore, cuius sanguinis, plebeine an patricii, futuri essent ii qui ex connubiis Patrum et plebis nascituri essent. CREV.

⁷ *Auspiciorum . . . privatorum*] *Auspicia privata* videntur fuisse ea, quae super privatorum negotiis captabantur. "Apud antiquos," inquit Val. Max. ii. 1. "non solum publice, sed etiam privatim nihil gerebatur, nisi auspicio prius sumpto." Videntur autem patricii tunc contendisse plebeios auspiciari omnino non posse. Vide infr. 6.

⁸ *Quorum sacrorum*] Sua cuique genti propria fuere sacra. Nobile exemplum horum gentilitiorum sacrorum vide infr. v. 46.

‘consules fore. Ne id Iupiter optimus maximus sineret, U. C. 310.
 9 ‘regiae maiestatis imperium eo recidere: et se millies A. C. 442.
 ‘morituros potius, quam ut tantum dedecoris admitti pati-
 ‘antur. Certum habere, maiores quoque, si divinassent,
 ‘concedendo omnia non mitiorem in se plebem, sed aspe-
 ‘riorem, alia ex aliis iniquiora postulando, quum prima
 ‘impetrassent, futuram, primo quamlibet dimicationem sub-
 ‘ituros fuisse potius, quam eas leges sibi imponi pateren-
 ‘tur. Quia tum concessum sit de tribunis, iterum conces-
 1 ‘sum esse. Finem non fieri: non posse in eadem civitate
 ‘tribunos plebis et Patres esse: aut hunc ordinem, aut
 ‘illum magistratum tollendum esse: potiusque sero, quam
 ‘nunquam obviam eundum audaciae temeritatie. Illine
 2 ‘ut impune primo discordias serentes concitent finitima
 ‘bella; deinde adversus ea, quae concitaverint, armari
 ‘civitatem defendique prohibeant? et, quum hostes tantum
 ‘non accesserint, exercitus conscribi adversus hostes non
 ‘patiantur? Sed audeat Canuleius in senatu proloqui, se,
 ‘nisi suas leges tanquam victoris Patres accipi sinant, de-
 ‘lectum haberi prohibiturum. Quid esse aliud, quam
 ‘minari, se proditurum patriam? oppugnari atque capi
 ‘passurum? Quid eam vocem animorum, non plebi Ro-
 ‘manae, sed Volseis et Aequis et Vcientibus allaturam?
 ‘Nonne, Canuleio duce, se speraturos Capitolium atque
 ‘arcem scandere posse, si Patribus tribuni, cum iure ac
 ‘maiestate adempta, animos etiam eripuerint? Consules
 ‘paratos esse duces prius adversus scelus civium, quam ad-
 ‘versus hostium arma.’

Quum maxime haec in senatu agerentur, Canuleius pro 3.
 legibus suis et adversus consules ita disseruit: ‘Quanto- Canuleii
 oratio pro
 legibus
 suis.
 ‘pere vos, Quirites, contemnerent Patres, quam indignos
 ‘ducerent, qui una secum urbe intra eadem moenia vive-
 ‘retis, saepe equidem et ante videor animadvertisse: nunc
 ‘tamen maxime, quod adeo atroces in has rogationes nos-
 ‘tras coorti sunt: quibus quid aliud quam admonemus,
 ‘cives nos eorum esse, et, si non easdem opes habere, ean-
 ‘dem tamen patriam incolere? Altera connubium petimus,
 3 ‘quod finitimis externisque dari solet: nos quidem civi-

9 *Regiae maiestatis imperium*] Imperium consulare, in quo nescit regia maiestas. Supr. II. 1. *Omnia iura regiae potestatis, omnia insignia primi consules habuere.* Unde et infr. VII. 32. *Consules, regia potestas.* CRIEY.

1 *Finem non fieri non posse*] Ita quoque ex emendatione Sigon. in textum recepit Bekker.

2 [7] Illud *ut irati interrogantis*

est. infr. V. 24. Cic. in Catil. I. 9. Hor. Sat. II. 5. 18. SIGON. Similiter accusativus cum infinitivo usurpatur, quemadmodum, ut uno defungamur exemplo, notum illud Virg. Aen. I. 41. *Mene incepto desistere victam?* satis ostendit. RASCH.

3 *Finitimis externisque*] cf. Festus v. *Numerius*, unde connubium genti Fabiae cum Maluentinis fuisse

U. C. 310. 'tatem, quae plus quam connubium est, hostibus etiam
 A. C. 442. 'victis dedimus. Altera nihil novi ferimus; sed id, quod 4
 'populi est, repetimus atque usurpamus: ut, quibus velit,
 'populus Romanus honores mandet. Quid tandem est,
 'cur coelum ac terras misceant? cur in me impetus modo
 'paene in senatu sit factus? negent se manibus temperatu-
 'ros, violaturosque denuntient sacrosanctam potestatem?
 Pro lege de 'Si populo Romano liberum suffragium datur, ut, quibus
 Coss. ple- 'velit, consulatum mandet, et non praeciditur spes plebeio
 beiiis. 'quoque, si dignus summo honore erit, apiscendi summi 5
 'honoris, stare urbs haec non poterit? de imperio actum
 'est? et perinde hoc valet, plebeiusne consul fiat, tanquam 6
 'servum aut libertinum aliquis consulem futurum dicat?
 'Ecquid sentitis, in quanto contemptu vivatis? Lucis vobis
 'huius partem, si liceat, adimant. Quod spiratis, quod
 'vocem mittitis, quod formas hominum habetis, indignantur.
 'Quin etiam (si diis placet) nefas aiunt esse, consulem ple-
 'beium fieri. Obsecro vos, si non ad fastos, non ad com- 7
 'mentarios pontificum admittimur; ne ea quidem scimus, 8
 'quae omnes peregrini etiam sciunt? consules in locum
 'regum successisse? nec aut iuris, aut maiestatis quicquam
 'habere, quod non in regibus ante fuerit? En unquam 9
 'creditis fando auditum esse, Numam Pompilium, non
 'modo non patricium, sed ne civem quidem Romanum, ex
 'Sabino agro accitum, populi iussu, Patribus auctoribus,
 'Romae regnasse? L. deinde Tarquinius, non Romanae 1
 'modo, sed ne Italicae quidem gentis, Damarati Corinthii
 'filium, incolam ab Tarquiniis, vivis liberis Anci, regem 2

patet. cf. Niebhr. ii. n. 756. Necnon Romanis cum Albanis connubium fuisse legimus ap. Stob. v. p. 231. 6. cf. Niebhr. ii. p. 76.

4 *Nihil novi ferimus*] Si modo ex commentariis Servii Tullii alter ex patriciis, alter ex plebe consul creandus esset.

5 *Apiscendi*] Quemadmodum *ap-
tus* pro adeptus, ita *apisci* pro *adi-
pisci* dictum esse a veteribus monet Festus v. *Aptus*. cf. Ter. Heaut. iv. 3. 15. Tac. Ann. iii. 31.

6 *Plebeiusne consul fiat*] *Plebeius
ne consul*, tanquam verba legis recita-
tae, dici vult Gronov. sed Strothius *ple-
beiusne consul fiat* reponit, hoc sensu,
si quis rogat, an plebeius consul fieri
possit.

7 *Fastos*] Fasti duplicis generis
fuere: alii, quibus et Kalendarium no-
men datur, in quibus tota dierum fa-
storumnefas torumque, festorum vel
profestorum etc. ratio continebatur.

Hos fastos evulgavit Cn. Flavius
scriba, ut habetur infr. ix. 46. Alii,
in quibus nomina magistratuum cu-
iusque anni, et res gestae maxime ad
memoriam insignes perscribebantur.
Tales sunt Fasti Capitolini, Fasti
Siculi etc. Utrumque fastorum genus
a pontificibus, qui tum omnes patri-
cii erant, curabatur: utrumque a vul-
gi notitia removebatur. De posteriore
maxime videtur hic sermo esse. CREV.

8 *Commentarios*] In quibus pon-
tifices suorum temporum historiam
summatim describebant. Vid. infr. vi.
1, ubi pontificum commentarii inter
historica monumenta recensentur.
Penes pontifices fuisse conficiendo-
rum annalium curam testantur quum
alii multi, tum Cic. de Or. ii. 52. CREV.

9 *En unquam*] Nunquamne? Vid.
infr. x. 8. xxiv. 14. CREV.

1 *Non Romanae modo*] Non modo
non. supr. i. 40. CREV.

2 *Incolam ab Tarquiniis*] Qui ab

'factum? Ser. Tullium post hunc, captiva Corniculana U. C. 310.
 'natum, patre nullo, matre serva, ingenio, virtute regnum A. C. 442.
 'tenuisse? Quid enim de T. Tatius Sabino dicam, quem
 'ipse Romulus, parens urbis, in societatem regni accepit?
 'Ergo, dum nullum fastiditur genus, in quo eniteret virtus,
 'crevit imperium Romanum. Poeniteat nunc vos plebei
 'consulis, quum maiores nostri advenas reges non fastidi-
 'erint, et ne regibus quidem exactis clausa urbs fuerit pere-
 'grinae virtuti. Claudiam certe gentem post reges exactos
 'ex Sabinis non in civitatem modo accepimus, sed etiam in
 'patriciorum numerum. Ex peregrinone patricius, deinde
 'consul fiat? civis Romanus si sit ex plebe, praecisa con-
 'sulatus spes erit? Utrum tandem non credimus fieri
 'posse, ut vir fortis ac strenuus, pace belloque bonus, ex
 'plebe sit, Numae, L. Tarquinio, Ser. Tullio similis? An
 'ne, si sit, quidem ad gubernacula reipublicae accedere eum
 'patiemur? potiusque decemviris, taeterrimis mortalium,
 3 'qui tamen omnes ex patribus erant, quam optimis regum
 4 'novis hominibus, similes consules sumus habituri? At 4.
 'enim nemo post reges exactos de plebe consul fuit. Quid
 'postea? Nullane res nova institui debet? et, quod non-
 'dum est factum (multa enim nondum sunt facta in novo
 'populo) ea, ne si utilia quidem sint, fieri oportet? Ponti-
 5 'fices, augures, Romulo regnante, nulli erant: ab Numa
 'Pompilio creati sunt. Census in civitate et descriptio
 'centuriarum classiumque non erat: ab Ser. Tullio est
 'facta. Consules nunquam fuerant: regibus exactis creati
 6 'sunt. Dictatoris nec imperium nec nomen fuerat: apud
 7 'patres esse coepit. Tribuni plebis, aediles, quaestores,
 'nulli erant: institutum est, ut fierent. Decemviros legi-
 'bus scribendis intra decem hos annos et creavimus, et e
 'republica sustulimus. Quis dubitat, quin, in aeternum
 'urbe condita, in immensum crescente, nova imperia, sacer-

urbe Tarquiniiis domicilium suum
 contulerat Romam. *Incola* opponi-
 tur *civi*, et is est qui aliunde in ali-
 quam regionem, sive urbem immigra-
 vit. CREV.

3 *Omnes ex patribus*] Contra ex
 posterioribus decemviris tres plebeios
 fuisse scribit Dion. x. 58. et duos in-
 superaddit Niebhr. cf. supr. iii. 35.

4 *Novis hominibus*] *Novi homines*
 apud Romanos opponuntur *nobilibus*
 et ii sunt, qui quum nullum ex ma-
 ioribus *curuli magistratu insignitum*
 habebant, primi suae stirpis ad hono-
 res sese exexere. CREV.

5 *Romulo regnante*] cf. Cic. de
 Rep. ii. 9. *ex singulis tribubus sin-*

gulos cooptavit augures. vide infr. x.
 6. Wachsmuth. p. 218.

6 *Apud patres*] sc. Patrum me-
 moria. CREV.

7 *Aediles*] cf. Supr. ii. 33. *Quae-*
stores sc. quaestores *classici*, quibus
 aerarium ap. aedem Saturni deman-
 dabatur. De origine quaestorum mul-
 ta et varia scripta sunt. cf. Ulp. in
 Pand. de Off. Qu. Dion. i. 5. Tac.
 Ann. ii. 22. ubi *quaestores regibus*
imperantibus institutos legimus, sed
 Plutarch. in Public. a Valerio Pu-
 blicola institutos, et Pompon. de Orig.
 Magistr. ii. §. 21. etiam tribunis plebis
 posteriores fuisse scribit.

U. C. 310. A. C. 442. Pro lege de connubio Patrum et plebis.

‘dotia, iura gentium hominumque instituantur? Hoc ipsum,
 ‘ne connubium Patribus cum plebe esset, non decemviri
 ‘tulerunt paucis his annis pessimo exemplo publico, cum⁸
 ‘summa iniuria plebis? An esse ulla maior aut insignitior
 ‘contumelia potest, quam partem civitatis, velut contami-
 ‘natam, indignam connubio haberi? Quid est aliud, quam
 ‘exsilium intra eadem moenia, quam relegationem pati?⁹
 ‘Ne affinitatibus, ne propinquitatibus immisceamur, cavent;
 ‘ne societur sanguis. Quid? hoc si polluit nobilitatem
 ‘istam vestram, quam plerique oriundi ex Albanis et Sabi-
 ‘nis, non genere nec sanguine, sed per cooptationem in
 ‘Patres habetis, aut ab regibus lecti, aut post reges exactos
 ‘iussu populi; sinceram servare privatis consiliis non pote-
 ‘ratis, nec ducendo ex plebe, neque vestras filias sorores-
 ‘que enubere sinendo e Patribus? Nemo plebeius patriciae
 ‘virgini vim afferret: patriciorum ista libido est. Nemo
 ‘invitum pactionem nuptialem quemquam facere coegisset.
 ‘Verum enim vero lege id prohiberi, et connubium tolli
 ‘Patrum ac plebis, id demum contumeliosum plebi est.
 ‘Cur enim non confertis, ne sit connubium divitibus ac¹
 ‘pauperibus? Quod privatorum consiliorum ubique semper
 ‘fuit, ut, in quam cuique feminae convenisset domum,
 ‘nuberet; ex qua pactus esset vir domo, in matrimonium
 ‘duceret; id vos sub legis superbissimae vincula coniicitis,
 ‘qua dirimatis societatem civilem, duasque ex una civitate
 ‘faciatis. Cur non sancitis, ne vicinus patricio sit plebeius?
 ‘ne eodem itinere eat? ne idem convivium ineat? ne in
 ‘foro eodem consistat? Quid enim in re est aliud, si plebe-
 ‘iam patricius duxerit, si patriciam plebeius? Quid iuris
 ‘tandem mutatur? nempe patrem sequuntur liberi. Nec,²
 ‘quod nos ex connubio vestro petamus, quicquam est,
 ‘praeterquam ut hominum, ut civium numero simus: nec,
 ‘vos (nisi in contumeliam ignominiamque nostram certare
 5. ‘iuvat) quod contendatis, quicquam est. Denique utrum
 ‘tandem populi Romani, an vestrum summum impe-
 ‘rium est? Regibus exactis, utrum vobis dominatio, an
 ‘omnibus aequa libertas parta est? Oportet licere populo
 ‘Romano, si velit, iubere legem. An, ut quaeque rogatio
 ‘promulgata erit, vos delectum pro poena decernetis? et,
 ‘simul ego tribunus vocare tribus in suffragium coepero;

8 *Pessimo exemplo publico*] *Pes-
 simo publico* Gronov. ut supr. ii. 1.
 Sed in vet. edd. vox *publico* non oc-
 currit, et *pessimo exemplo* legimus.

9 *Exsilium . . . relegationem*] Re-
 legatio minor est poena, quam exsili-
 um. Exsilio civitas amittitur, non re-
 legatione. Vid. Institut. Iustin. i. tit.

12. et 16. et ibi Vinnium. CREV.

1 *Confertis*] Simul fertis legem:
 id quoque lege lata sciscendum cura-
 tis. CREV.

2 *Patrem sequuntur liberi*] Ex
 iusto matrimonio nati. Partus extra
 nuptias conceptus uterum sequitur.
 CREV.

‘tu statim consul sacramento iuniores adiges, et in castra
 ‘educes? et minaberis plebi, minaberis tribuno? Quid, si
 3 ‘non, quantum istae minae adversus plebis consensum vale-
 4 ‘rent, bis iam experti essetis? Scilicet, quia nobis consul-
 ‘tum volebatis, certamine abstinuistis: an ideo non est
 ‘dimicatum, quod, quae pars firmior, eadem modestior fuit?
 ‘Nec nunc erit certamen, Quirites: animos vestros illi ten-
 ‘tabunt semper, vires non experientur. Itaque ad bella
 ‘ista, seu falsa, seu vera sunt, consules, parata vobis plebes
 ‘est, si, connubiis redditis, unam hanc civitatem tandem
 ‘facitis; si coalescere, si iungi miscerique vobis privatis
 ‘necessitudinibus possunt; si spes, si aditus ad honores viris
 ‘strenuis et fortibus datur; si in consortio, si in societate
 ‘reipublicae esse; si, quod aquae libertatis est, in vicem
 ‘annuis magistratibus parere atque imperitare licet. Si
 ‘haec impedit aliquis, ferte sermonibus, et multiplicata
 ‘fama bella: nemo est nomen daturus, nemo arma capturus,
 ‘nemo dimicaturus pro superbis dominis, cum quibus nec
 ‘in re publica honorum, nec in privata connubii societas
 ‘est.’

Quum in concionem et consules processissent, et res a
 perpetuis orationibus in altercationem vertisset; interro-
 ganti tribuno, ‘cur plebeium consulem fieri non oporteret?’
 ut fortasse vere, sic parum utiliter in praesens certamen
 5 respondit, ‘quod nemo plebeius auspicia haberet: ideoque
 6 ‘decemviros connubium diremisse, ne incerta prole auspi-
 ‘cia turbarentur.’ Plebes ad id maxime indignatione
 7 exarsit, quod auspiciari, tanquam invisi diis immortalibus,
 negarentur posse. Nec ante finis contentionum fuit, (quum
 et tribunum acerrimum auctorem plebes nacta esset, et ipsa
 cum eo pertinacia certaret) quam victi tandem Patres, ut
 de connubio ferretur, consensere: ita maxime rati conten-
 tionem de plebeiis consulibus tribunos aut totam depositu-
 ros, aut post bellum dilaturos esse; contentamque interim
 connubio plebem paratam delectui fore. Quum Camuleius
 victoria de Patribus et plebis favore ingens esset, accensi
 alii tribuni ad certamen pro rogatione sua summa vi pug-
 nant, et, crescente in dies fama belli, delectum impediunt.
 Consules, quum per senatum, intercedentibus tribunis,

6.

Perfertur
 lex de con-
 nubio.

3 *Quantum*] Quam parum. CREV.

4 *Bis iam experti essetis*] Sece-
 sionibus plebis 1^o. in Sacrum montem,
 2^o. in Aventinum. CREV.

5 *Respondit*] Nempe alter consu-
 lum, qui adversarii partes ageret, ut
 monet Drak.

6 *Auspicia turbarentur*] cf. Cic. de

Div. ii. 35. ubi “existimo ius augurum,
 etsi divinationis opinione principio
 constitutum sit, tamen postea reipub-
 licanae causa conservatum ac retentum.”

7 *Exarsit*] cf. Zonar. vii. 19. De
 secessione ad Janiculum duce Canu-
 leio a plebe facta loquitur Florus i.

25.

- U. C. 310. nihil agi posset, consilia principum domi habebant. Ap-8
 A. C. 442. parebat, aut hostibus, aut civibus de victoria concedendum
 esse. Soli ex consularibus Valerius atque Horatius non
 intererant consiliis. C. Claudii sententia consules armabat
 in tribunos: Quinctiorum, Cincinnatique et Capitolini,
 sententiae abhorrebant a caede violandisque, quos, foedere
 icto cum plebe, sacrosanctos acceperant. Per haec con-
 silia eo deducta res est, ut tribunos militum consulari
 9 potestate promiscue ex Patribus ac plebe creari sinerent;
 de consulibus creandis nihil mutaretur: eoque contenti
 tribuni, contenta plebs fuit. Comitia tribunis consulari
 potestate tribus creandis indicuntur. Quibus indictis, ex-
 templo, quicumque aliquid seditiose dixerat, aut fecerat,
 quam maxime tribunicii, et prensare homines, et concursare
 toto foro candidati coepere: ut patricos desperatio primo,
 irritata plebe, adipiscendi honoris, deinde indignatio, si
 cum his gerendus esset honos, deterreret: postremo coacti
 tamen a primoribus petiere, ne cessisse possessione reipu-
 blicae viderentur. Eventus eorum comitiorum docuit, alios
 animos in contentione libertatis dignitatisque, alios, secun-
 dum deposita certamina, incorrupto iudicio esse: tribunos
 U. C. 311. enim omnes patricos creavit populus, contentus eo, quod 1
 A. C. 441. ratio habita plebeiorum esset. Hanc modestiam aequita- 2
 temque et altitudinem animi ubi nunc in uno inveneris,
 quae tum populi universi fuit?
7. Anno trecentesimo decimo, quam urbs Roma condita 3
 erat, primum tribuni militum pro consulibus magistratum 4

8 *Consilia principum*] *Concilia* ex emendatione Gronovii in textum reposuit Bekker., licet codd. advers.

9 *Eo deducta*] Foedere cum plebe icto tribuni militum consulari potestate creati, qui tamen honoribus eulubis minime ornarentur, et propterea triumpho digni nunquam sint habiti. cf. Zonar. vii. 19.

1 *Omnes patricos*] His verbis fidem minime habendam censet Niebhr. ii. n. 902, quippe noster incuria quadam alibi, ut supr. 3. *decemviros omnes patricos* fuisse scribit. Praeterea T. Caecilium plebeium fuisse ex nomine verisimilius est.

2 *Quod ratio habita plebeiorum esset*] Quod plebei admissi ad petendum magistratum essent, tanquam legitimi candidati. CREV.

3 *Anno trecentesimo decimo*] Hic rursum dissident numeri nostri a Livianis. Hos tribunos militum iniisse quidem magistratum anno 310, sed eum gessisse anno 311. existimat

Dodwellus. Diss. de Cycl. Rom. x. §. 86. Parum, ut nobis videtur, ad Livii mentem, qui nusquam in consulibus et illis magistratibus quorum nomine annus insigniebatur, distinguit annum initi ab anno gesti magistratus. Sed et si annus *trecentessimus alter* debet intelligi, ut probavimus in not. ad iii. 33. trecentessimus primus, sed exiens, ita ut trecentesimo secundo magistratum gesserint primi Decemviri, hic annus, quo et ineunt et gerunt magistratum primi tribuni militares, erit ipse trecentessimus decimus. Servavimus tamen in margine annum eum quem vult Dodwellus, vitandae confusionis causa. CREV.

4 *Tribuni militum pro consulibus*] *Militum*, eo quod ab exercitu vocato, sc. a civibus centuriatim convocatis, creati sunt. Horum magistratum numerus mire variatur, quippe ab anno 311 ad 350 trium vel quattuor, ab anno 350 usque ad 389 sex aut octo

5 ineunt, A. Sempronius Atratinus, L. Atilius, T. Cloelius; U. C. 311.
 quorum in magistratu concordia domi pacem etiam foris A. C. 441.
 prae-buit. Sunt, qui propter adiectum Aequorum Volsco-
 rumque bello et Ardeatium defectioni Veiens bellum, quia A. Sempro-
 duo consules obire tot simul bella nequirent, tribunos mili-
 tum tres creatos dicant, sine mentione promulgatae legis
 de consulibus creandis ex plebe, et imperio et insignibus
 consularibus usos. Non tamen pro firmato iam stetit
 magistratus eius ius; quia tertio mense, quam inierunt,
 augurum decreto, perinde ac vitio creati, honore abiere;
 quod C. Curtius, qui comitiis eorum praefuerat, parum
 6 recte tabernaculum cepisset. Tribb. Mil.

Legati ab Ardea Romam venerunt, ita de iniuria queren-
 tes, ut, si demeretur ea, in foedere atque amicitia mansuros,
 restituto agro, appareret. Ab senatu responsum est: ‘Iu-
 ‘dicium populi rescindi ab senatu non posse, praeterquam
 ‘quod nullo nec exemplo nec iure fieret, concordiae etiam
 ‘ordinum causa. Si Ardeates sua tempora exspectare
 ‘velint, arbitriumque senatui levandae iniuriae suae per-
 ‘mittant, fore, ut postmodo gaudeant, se irae moderatos;
 ‘sciantque, Patribus aequae curae fuisse, ne qua iniuria in
 ‘eos oriretur, ac ne orta diuturna esset.’ Ita legati, quum
 se rem integram relatu-ros dixissent, comiter dimissi.

7 Patricii, quum sine curuli magistratu respública esset,

tribunorum collegia invenimus. Hunc
 nodum Niebhr. ita expedit. Quan-
 do quattuor occurrunt, quartus ille,
 ut videtur, tribunus, collega quidem
 tribunorum, non autem tribunus; sed
 contra, praefectus urbis et semper pa-
 tricius, qui censorum vice fungebatur,
 postquam lege Aemilia censura annua
 et semestris facta est. Hinc ante an-
 num 350, si quando censores essent,
 tres solum tribuni creati sunt. Post
 annum 350, duplicato tribunorum nu-
 mero, munera praetoris sive urbis
 praefecti a censoribus ad unum ex
 tribunis militaribus delata sunt, qui
 tamen semper patricius esset. Ex-
 inde fiebat, ut semper unus e collegio
 tribunorum patricius existeret. Quan-
 do autem octo nomina scribuntur, duo
 censorum sunt, ut e Fast. Capit. ed.
 Burghesio plane constat.

5 Cloelius] Ita ex emend. Sigon.
 reposuit Bekker.: Cuccilium Drak.
 et Crev. quem ex nomine plebeium
 fuisse censet Niebhr. ii. n. 902, si
 modo in eo nomine acquiescendum
 sit.

6 Tabernaculum cepisset] Comi-
 tiorum centuriatorum causa exercitus

imperabatur, civesque omnes armati
 sub signis, in suis quisque centuriis,
 in campum Martium conveniebant.
 Is igitur magistratus, qui comitiis
 praeeerat, tabernaculum, tanquam dux
 exercitus, extra pomoerium capiebat.
 In eo autem capi-endo quaedam obser-
 vari oportebat, quae si minus rite acta
 essent, quidquid comitiis illis iussum
 erat, pro irrito habebatur. Insigne
 exemplum vide apud Cic. de Nat.
 Deor. ii. 10. et 11. Plutarchus qui in
 vita Marcelli eandem illam rem a
 Cicerone memoratam paullo aliter
 narrat, tabernaculum capi scribit ad
 sumenda auspicia. CREV. Quemad-
 modum ea coeli regio, quam lituo
 definiebat augur, templum vocari so-
 lebat, ita is in templo locus, ex quo
 augurium capiebatur, tabernaculum
 appellabatur. STROTH. cf. supr. i. 18.

7 Sine curuli magistratu] Nie-
 buhr ii. n. 852. placet tribunos mi-
 litares curulibus honoribus minime
 usos fuisse, ex eo quod ap. Zonar.
 vii. 19. legimus, nullum tribunum,
 quamvis victoria egregia ex hostibus
 reportata, triumphum curulem egisse.

U. C. 311. coiere, et interregem creavere. Contentio, consulesne, an
A. C. 441. tribuni militum crearentur, in interregno rem dies complures tenuit. Interrex ac senatus, consulum comitia: tribuni plebis et plebs, tribunorum militum ut habeantur, tendunt. Vicerunt Patres, quia et plebs, patriciis seu hunc seu illum delatura honorem, frustra certare supersedit: et principes plebis ea comitia malebant, quibus non haberetur ratio sui, quam quibus ut indigni praeterirentur. Tribuni quoque plebis certamen sine effectu in beneficio apud primores Patrum reliquere. T. Quinctius Barbatus interrex consules creat L. Papirium Mugillanum, L. Sempronium Atratinum. His consulibus cum Ardeatibus foedus renovatum est: idque monumenti est, consules eos illo anno fuisse, qui neque in annalibus priscis, neque in libris magistratuum inveniuntur. Credo, quod tribuni militum initio anni fuerunt, eo, perinde ac si totum annum in imperio fuerint, suffectis his consulibus, praetermissa nomina consulum horum. Licinius Macer auctor est, et in foedere Ardeatino, et in linteis libris ad Monetae inventa. Et foris, quum tot terrores a finitimis ostentati essent, et domi otium fuit.

8. Hunc annum (seu tribunos modo, seu tribunis suffectos consules quoque habuit) sequitur annus haud dubiis consulibus, M. Geganio Macerino iterum, T. Quinctio Capitolino quintum [consulibus]. Idem hic annus censurae initium fuit, rei a parva origine ortae: quae deinde tanto incremento aucta est, ut morum disciplinaeque Romanae penes

8 *Praetermissa nomina consulum horum*] Hos vero censores hoc anno creatos fuisse censet Niebhr. ii. p. 409, et nomina eorum non nisi anno sequente in Fastos relata esse, quod tum primum censum egissent. cf. Dion. i. 74.

9 *Licinius Macer*] Scriptor et alibi saepe Livio memoratus. Eum Vossius, de Histor. Lat. i. 10. suspicatur eundem esse, qui a Cicerone praetore iamiam damnandus repetundarum, mortem sibi ipse conscivit: non spernendum oratorem, Cicerone iudice in Bruto 238. patrem insignis oratoris, Licinii Calvi. Certe hunc de quo Livius agit historiarum scriptorem, fuisse perantiquae, ut inter plebeios, nobilitatis constat. cf. infr. vii. 9. CREV.

1 *Linteis libris*] In quos magistratum nomina referebantur, ut apparet infr. 13. et 20. Unde mirum videtur quonam modo Livius paullo ante scribere potuerit horum consu-

lum nomina in magistratuum libris non inveniri, quae in linteis libris exstare non negat. Sed nimirum libros linteos non inspexerat Livius, nec fortasse ii iam exstabant quum ille scriberet: in iis autem magistratum libris quos adire potuerat, nomina horum consulum non comparebant. CREV.

2 *Ad Monetae*] De aede Monetae cf. infr. vii. 28. CREV.

3 *Censurae*] Cuius munera antea consules agebant: iam vero, quoniam plebeiis tribunatus militaris patebat, munera censurae ad magistratus novos delata sunt. Hi magistratus a curiis nominati, atque e centuriis confirmati: unde evenit, ut, populo non amplius curiatim convocato, centuriae binis comitiis de singulis magistratibus iudicarent, quod quibusdam posterioris aevi scriptoribus admiratio-nem movebat. cf. Cic. adv. Rull. ii. 11. Niebhr. ii. n. 872.

eam regimen, senatus, equitumque centuriae, decoris de-
 4 decorisque discrimen sub ditione eius magistratus, publi-
 corum ius privatorumque locorum, vectigalia populi Romani
 sub nutu atque arbitrio essent. Ortum autem initium rei
 5 est, quod in populo, per multos annos incenso, neque dif-
 ferri census poterat, neque consulibus, quum tot populorum
 bella imminerent, operae erat id negotium agere. Mentio
 6 illata ab senatu est, 'Rem operosam ac minime consularem
 'suo proprio magistratu egere: cui scribarum ministerium,
 7 'custodiaeque et tabularum cura, cui arbitrium formulae
 8 'censendi subiiceretur.' Et Patres, quanquam rem parvam,
 tamen, quo plures patricii magistratus in republica essent,
 laeti acceperunt: id, quod evenit, futurum, credo, etiam rati,
 ut mox opes eorum, qui praeesent, ipsi honor ius maie-
 9 statemque adicerent. Et tribuni, (id quod tunc erat) magis
 necessariam, quam speciosi ministerii procurationem intu-
 entes, ne in parvis quoque rebus incommode adversarentur,
 haud sane tetendere. Quum a primoribus civitatis spretus
 honor esset, Papirium Semproniumque, quorum de consu-
 latu dubitatur, ut eo magistratu parum solidum consulatum
 explerent, censui agendo populus suffragiis praefecit. Cen-
 sores ab re appellati sunt.

Dum haec Romae geruntur, legati ab Ardea veniunt, 9.
 pro veterrima societate renovatoque foedere recenti, aux-
 ilium prope eversae urbi implorantes. Frui namque pace, Ardeatium
 optimo consilio cum populo Romano servata, per intestina intestinae
 arma non licuit; quorum causa atque initium traditur ex discordiae.
 certamine factionum ortum: quae fuere eruntque pluribus
 populis magis exitio, quam bella externa, quam fames
 morbive, quaeque alia in deum iras, velut ultima publicorum
 1 malorum, vertunt. Virginem plebei generis, maxime forma

4 *Publicorum ius privatorumque locorum*] Censurum erat urbis templa, vias, aquas tueri: cavere ne privati loca, quae publici essent iuris, occuparent, et occupata repetere ac vindicare. CREV. Sed de censorum muneribus vide Cic. de Legg. iii. 3.

5 *Per multos annos*] Per septendecim annos: nempe a consulatu Q. Fabii et L. Corneli, quod diserte testatur Dion. xi. 63. CREV. Vox *incensus* supr. i. 44. occurrit.

6 *Ab senatu*] *Ab consulibus in senatu* Pighius legendum vult, sed hanc mutationem temere propositam censet Niebhr. ii. n. 506. qui senatum a patribus hic plane distingui indicat, et patres, quos laetos accepisse illam rem legimus, patricos apud comitia curiata fuisse.

7 *Custodiaeque*] Tabularum tam conficiendarum quam custodiendarum cura. STROTH. Sed *custodiaeque* Crevierio displicet.

8 *Arbitrium formulae censendi*] Ius statuendi qua formula, i. e. qua ratione quisque censendus esset; quam in tribum, quam in centuriam referendus; quomodo aestimandus cuiusque census, etc. CREV.

9 *Magis necessarium, quam speciosi*] Sententia est: tribuni secum reputantes magis necessarium esse censoris munus, quam magnam speciem prae se ferre. STROTH.

1 *Virginem plebei generis*] De similibus seditionum causis cf. Aristot. Pol. v. 3. Villani Storia de Firenze. v. 38.

U. C. 312. notam, petiere iuvenes: alter virgini genere par, tutoribus
 A. C. 440. fretus, qui et ipsi eiusdem corporis erant; nobilis alter, 2
 nulla re, praeterquam forma, captus. Adiuwabant eum
 optimatum studia, per quae in domum quoque puellae
 certamen partium penetravit. Nobilis superior iudicio
 matris esse, quae quam splendidissimis nuptiis iungi puellam
 volebat: tutores, in ea quoque re partium memores, ad
 suum tendere. Quum res peragi intra parietes nequisset,
 ventum in ius est. Postulatu audito matris tutorumque,
 magistratus secundum parentis arbitrium dant ius nuptiarum.
 Sed vis potentior fuit. Namque tutores, inter suae
 partis homines de iniuria decreti palam in foro concionati,
 manu facta virginem ex domo matris rapiunt: adversus quos
 infestior coorta optimatum acies sequitur accensum iniuria
 iuvenem. Fit proelium atrox. Pulsa plebs, nihil Romanae
 plebi similis, armata ex urbe profecta, colle quodam capto,
 in agros optimatum cum ferro ignique excursions facit.
 Urbem quoque, omnis etiam expertem ante certaminis,
 multitudine opificum ad spem praedae evocata, obsidere
 parat: nec ulla species cladesque belli abest; velut con-
 tacta civitate rabie duorum iuvenum, funestas nuptias ex
 occasu patriae petentium. Parum parti utrique domi ar-
 morum bellicae est visum. Optimates Romanos ad aux-
 ilium urbis obsessae, plebs ad expugnandam secum Ardeam
 Volscos excivere. Priores Volsci, duce Aequo Cloelio,
 Ardeam venere, et moenibus hostium vallum obiecere.
 Quod ubi Romam est nuntiatum, extemplo M. Geganius
 consul, cum exercitu profectus, tria millia passuum ab hoste
 locum castris cepit, praecipitique iam die curare corpora 3
 milites iubet. Quarta deinde vigilia signa profert: coe-
 ptumque opus adeo appropriatum est, ut, sole orto, Volsci
 firmiore se munimento ab Romanis circumvallatos, quam a
 se urbem, viderent. Et alia parte consul muro Ardeae
 brachium iniunxerat; qua ex oppido sui commeare possent. 4
 10. Volscus imperator, qui ad eam diem, non commeatu prae-
 parato, sed ex populatione agrorum rapto in diem frumento
 aluisset militem, postquam saeptus vallo repente inopem
 omnium rerum videt, ad colloquium consule evocato, 'si
 'solvendae obsidionis causa venerit Romanus, abducturum
 'se inde Volscos,' ait. Adversus ea consul, 'victis condi-
 'tiones accipiendas esse, non ferendas,' respondit; 'neque,
 'ut venerint ad oppugnandos socios populi Romani suo
 'arbitrio, ita abituros Volscos esse. Dedi imperatorem,

Ardeam
obsident
Volsci.

A Romanis
obsidentur.

2 *Eiusdem corporis*] sc. Generis
sive ordinis. cf. infr. vi. 34. xxvi. 49.

3 *Praecipitique iam die*] Quum
iam advesperasceret. cf. infr. xxv. 34.

Tac. Hist. iii. 86.

4 *Brachium*] Vallum pertingens a
castris Romanis ad urbem. Vid. Lips.
Poliorcet. ii. 2.

‘arma poni,’ iubet, ‘fatentes victos se esse, et imperio pa- U. C. 312.
 ‘rere: aliter, tam abeuntibus, quam manentibus, se hostem A. C. 440.
 ‘infensum, victoriam potius ex Volscis, quam pacem infi-
 ‘dam, Romam relaturum.’ Volsci exiguum spem in armis, Victi, dedi-
 alia undique abscisa, quum tentassent, praeter cetera adversa to duce, sub
 loco quoque iniquo ad pugnam congressi, iniquiore ad iugum mit-
 fugam, quum ab omni parte caederentur, ad preces a cer- tuntur.
 tamine versi, dedito imperatore traditisque armis, sub iugum
 missi, cum singulis vestimentis ignominiae cladisque pleni
 dimittuntur. Et, quum haud procul urbe Tusculo conse-
 dissent, vetere Tusculanorum odio inermes oppressi dede-
 runt poenas, vix nuntiis caedis relictis. Romanus Ardeae Ardeae res
 turbatas seditione res, principibus eius motus securi per- compositae.
 cussis, bonisque eorum in publicum Ardeatium redactis,
 composuit: demptamque iniuriam iudicii tanto beneficio
 populi Romani Ardeates credebant; senatui superesse ali-
 quid ad delendum publicae avaritiae monumentum vide-
 5 batur. Consul triumphans in urbem redit, Cloelio duce
 Volscorum ante currum ducto, praelatisque spoliis, quibus
 dearmatum exercitum hostium sub iugum miserat.

Aequavit, quod haud facile est, Quinctius consul togatus
 armati gloriam collegae: quia concordiae pacisque dome-
 sticam curam, iura infimis summisque moderando, ita tenuit,
 ut eum et Patres severum consulem, et plebs satis comem-
 6 crediderint. Et adversus tribunos auctoritate plura, quam
 certamine, tenuit. Quinque consulatus, eodem tenore gesti,
 vitaeque omnis, consulariter acta, verendum paene ipsum
 magis, quam honorem, faciebant. Eo tribunorum milita-
 rium nulla mentio his consulibus fuit. Consules creant 11.
 M. Fabium Vibulanum, Postumum Aebutium Cornicinem. U. C. 313.
 Fabius et Aebutius consules, quo maiori gloriae rerum domi A. C. 439.
 forisque gestarum, succedere se cernebant, (maxime autem M. Fabio,
 memorabilem annum apud finitimos socios hostesque esse, Post. Aebu-
 quod Ardeatibus in re praecipiti tanta foret cura subventum) tio Coss.
 eo impensius, ut delerent prorsus ex animis hominum in-
 famiam iudicii, senatusconsultum fecerunt, ut, quoniam Ardeatibus
 civitas Ardeatium intestino tumultu redacta ad paucos esset, ager reddi-
 coloni eo praesidii causa adversus Volscos scriberentur, tus, qui iu-
 Hoc palam relatum in tabulas, ut plebem tribunosque fal- dicio infami
 leret iudicii rescindendi consilium initum. Consenserant interceptus
 autem, ut, multo maiore parte Rutulorum colonorum, quam erat.
 Romanorum, scripta, nec ager ullus divideretur, nisi is, qui
 7 interceptus iudicio infami erat; nec ulli prius Romano ibi,

5 [Cloelio duce] cf. Supr. iii. 28.

6 [Auctoritate] Per reverentiam, quam ei sua virtus gravitasque conciliabat.

7 [Nec ulli prius] Hinc liquet Romanos modo in supplementum coloniae ascriptos esse.

U. C. 313. quam omnibus Rutulis divisus esset, gleba ulla agri assignaretur. Sic ager ad Ardeates rediit. Triumviri ad coloniam Ardeam deducendam creati Agrippa Menenius, T. Cloelius Siculus, M. Aebutius Elva. Qui, per minime popolare ministerium agro assignando sociis, quem populus Romanus suum iudicasset, quum plebem offendissent, ne primoribus quidem Patrum satis accepti, quod nihil gratiae cuiusquam dederant; vexationes, ad populum iam die dicta ab tribunis, coloni ascripti remanendo in colonia, quam testem integritatis iustitiaeque habebant, vitavere.

12. Pax domi forisque fuit et hoc et insequente anno, C. Furio Pacilo et M. Papirio Crasso consulibus. Ludi, ab decemviris per secessionem plebis a Patribus ex senatus-consulto voti, eo anno facti sunt. Causa seditionum nequicquam a Poetelio quaesita: qui, tribunus plebis iterum ea ipsa denunciando factus, neque, ut de agris dividendis plebi referrent consules ad senatum, pervincere potuit: et, quum magno certamine obtinuisset, ut consulerentur Patres, consulum an tribunorum placeret comitia haberi, consules creari iussi sunt: ludibrioque erant minae tribuni, denuntiantis se delectum impediturum; quum, quietis finitimis, neque bello, neque belli apparatu opus esset.

U. C. 315. Sequitur hanc tranquillitatem rerum annus, Proculo Geganio Macerino, L. Menenio Lanato consulibus, multiplici clade ac periculo insignis, seditionibus, fame, regno prope per largitionis dulcedinem in cervices accepto. Unum afuit bellum externum: quo si aggravatae res essent, vix ope deorum omnium resisti potuisset. Coepere a fame mala, seu adversus annus frugibus fuit, seu dulcedine concionum et urbis deserto agrorum cultu: nam utrumque traditur. Et Patres plebem desidem, et tribuni plebis nunc fraudem nunc negligentiam consulum accusabant. Postremo perpulere plebei, haud adversante senatu, ut L. Minucius praefectus annonae crearetur; felicius in eo magistratu ad custodiam libertatis futurus, quam ad curationem ministerii sui: quanquam postremo annonae quoque levatae haud immeritam et gratiam et gloriam tulit. Qui quum, multis circa finitimos populos legationibus terra marique nequicquam missis, (nisi quod ex Etruria haud ita multum frumenti advectum est) nullum momentum annonae fecisset; 1

8 *Ad coloniam Ardeam*] Ardeam in numero coloniarum Latinarum in saeculo sexto invenimus, unde apparet minimam partem agri Ardeatium civibus Romanis assignatam fuisse. cf. Niebhr. ii. p. 448.

9 *Ea ipsa*] *Ea ipsa* intelligo legem agrariam et comitia tribunorum

consularium, in quibus plebeiorum ratio haberi poterat. DRAK.

I *Quum . . . nullum momentum annonae fecisset*] Quum nihil profecisset ad levandam annonam: et revolutus ad dispensationem inopiae, et eo redire coactus, ut exiguum illud frumenti, quod erat in urbe, quo-

et, revolutus ad dispensationem inopiae, profiteri cogendo U. C. 315.
 frumentum, et vendere, quod usu menstuo superesset, A. C. 437.
 fraudandoque parte diurni cibi servitia, criminando inde et
 obiiciendo irae populi frumentarios, acerba inquisitione ape-
 riret magis, quam levaret, inopiam; multi ex plebe, spe
 amissa, potius quam ut cruciarentur trahendo animam, ca-
 pitibus obvolutis se in Tiberini praecipitaverunt. Tum Sp. 13.
 Maelius ex equestri ordine, ut illis temporibus, praedives, Periculosae
 rem utilem, pessimo exemplo, peiore consilio, est aggressus. largitiones
 Frumento namque ex Etruria privata pecunia per hospiti- Sp. Maellii.
 um clientiumque ministeria coempto, (quae, credo, ipsa res
 ad levandam publica cura annonam impedimento fuerat)
 largitiones frumenti facere instituit: plebemque, hoc mu-
 nere delinitam, quacunque incederet, conspectus elatusque
 supra modum hominis privati, secum trahere; haud dubium
 consulatum favore ac spe despondentem. Ipse, ut est hu-
 manus animus insatiabilis eo, quod fortuna spondet, ad al-
 tiora et non concessa tendere: et, quoniam consulatus quo-
 que eripiendus invitis Patribus esset, de regno agitare: id
 unum dignum tanto apparatu consiliorum et certamine,
 quod ingens exsudandum esset, praemium fore. Iam com-
 mitia consularia instabant: quae res eum, necdum compo-
 sitis maturisve satis consiliis, oppressit. Consul sextum U. C. 316.
 creatus T. Quinctius Capitolinus, minime opportunus vir A. C. 436.
 novanti res: collega additur ei Agrippa Menenius, cui La- T. Quinctio
 nato erat cognomen: et L. Minucius praefectus annonae, VI. Agr.
 seu refectus, seu, quoad res posceret, in incertum creatus: Menenio
 nihil enim constat, nisi in libros linteos utroque anno rela- Coss.
 tum inter magistratus praefecti nomen. Hic Minucius,
 eandem publice curationem agens, quam Maelius privatim
 agendam susceperat, quum in utraque domo genus idem
 hominum versaretur, rem compertam ad senatum refert,
 ‘Tela in domum Maellii conferri, eumque conciones domi
 ‘habere: ac non dubia regni consilia esse. Tempus agen-
 ‘dae rei nondum stare; cetera iam convenisse; et tribunos
 ‘mercede emptos ad prodendam libertatem, et partita du-
 ‘cibus multitudinis ministeria esse. Serius se paene, quam
 ‘tutum fuerit, ne cuius incerti vanique auctor esset, ea de-
 ‘ferre.’ Quae postquam sunt audita, et undique primores
 Patrum et prioris anni consules increparent, quod eas lar-
 gitiones coetusque plebis in privata domo passi essent fieri,
 et novos consules, quod expectassent, donec a praefecto
 annonae tanta res ad senatum deferretur, quae consulem

dam ordine dispensandum curaret, non cuique pro arbitrio consumen-
 dam relinqueret. CREV.

2 Eandem publice curationem a-

gens] Quam postea aediles agebant
 quibus annonae cura rerumque vena-
 lium regimen, unde Graecis ἀγοράνο-
 μοι dicuntur. cf. Cic. de Legg. iii. 3.

U. C. 316. non auctorem solum desideraret, sed etiam vindicem; tum
 A. C. 436. T. Quinctius, 'consules immerito increpari,' ait, 'qui, con-
 'stricti legibus de provocatione ad dissolvendum imperium
 'latis, nequaquam tantum virium in magistratu ad eam
 'rem pro atrocitate vindicandam, quantum animi, haberent.
 'Opus esse non forti solum viro, sed etiam libero exsoluto-
 'que legum vinculis. Itaque se dictatorem L. Quinctium
 'dicturum: ibi animum parem tantae potestati esse.' Ap-
 probantibus cunctis, primo Quinctius abnuere: et, 'quid
 'sibi vellent,' rogitare, 'qui se aetate exacta tantae dimi-
 'cationi obiicerent.' Dein, quum undique plus in illo senili
 animo non consilii modo, sed etiam virtutis esse, quam in
 omnibus aliis dicerent, laudibusque haud immeritis onera-
 rent, et consul nihil remitteret; precatus tandem deos im-
 mortales Cincinnatus, ne senectus sua in tam trepidis rebus
 damno dedecorive reipublicae esset, dictator a consule di-
 citur: ipse deinde C. Servilium Ahalam magistrum equi-
 tum dicit. Postero die, dispositis praesidiis, quum in fo-
 rum descendisset, conversaque in eum plebs novitate rei
 ac miraculo esset, et Maeliani atque ipse dux eorum in se
 intentam vim tanti imperii cernerent; expertes consiliorum
 regni, 'qui tumultus, quod bellum repens, aut dictatoriam
 'maiestatem, aut Quinctium post octogesimum annum re-
 'ctorem reipublicae quaesisset,' rogarent; missus ab dicta-
 tore Servilius magister equitum ad Maelium, 'Vocat te,'
 inquit, 'dictator.' Quum pavidus ille, 'quid vellet,' quae-
 reret; Serviliusque 'causam dicendam esse' proponeret,
 'crimenque, a Minucio delatum ad senatum, diluendum;'
 tunc Maelius recipere se in catervam suorum, et primum
 circumspectans tergiversari: postremo, quum apparitor ius-
 su magistri equitum duceret, ereptus a circumstantibus,
 fugiensque, fidem plebis Romanae implorare, et opprimi se
 consensu Patrum dicere, quod plebi benigne fecisset: orare,
 ut opem sibi ultimo in discrimine ferrent, neve ante oculos
 suos trucidari sinerent. Haec eum vociferantem assecutus
 Ahala Servilius obtruncat: respersusque cruore obtruncati,
 stipatus caterva patriciorum iuvenum, dictatori renuntiat,
 vocatum ad eum Maelium, repulso apparitore concitantem
 multitudinem, poenam meritam habere. Tum dictator,
 'Macte virtute,' inquit, 'C. Servili, esto, liberata república.'⁴

Creatur
dictator
Cincinnati-
tus.

14.

Maelius ad
eum voca-
tur.

Occiditur.

3 *Libero exsolutoque*] Ex his Quinctii verbis colligi posse videtur a dictatore tunc provocationem ad populum non fuisse. Tamen supr. iii. 55. latam esse legem Livius memorat, *Ne quis ullum magistratum sine provocatione crearet*. Verum for-

tasse lege illa sancitum ius nondum pro firmato stabat, neque adhuc potuerat antiquitus assignatam dictaturae maiestatem imminuere. CREV.

4 *Macte virtute*] Ita quidem posteris visus est Ahala singulare virtutis civilis exemplum edidisse, sed ae-

- 5 Tumultuantem deinde multitudinem incerta existimatione U. C. 316.
facti ad concionem vocari iussit; et, 'Maelium iure cae- A. C. 436.
'sum,' pronuntiavit, 'etiamsi regni crimine insons fuerit; 15.
'qui vocatus a magistro equitum ad dictatorem non venis- Factum de-
'set. Se ad causam cognoscendam consedis; qua cogni- fendit di-
'ta, habiturum fuisse Maelium similem causae fortunam. ctator.
- 6 Vim parantem, ne iudicio se committeret, vi coercitum
'esse. Nec cum eo, tanquam cum cive, agendum fuisse;
'qui natus in libero populo inter iura legesque, ex qua urbe
- 7 reges exactos sciret, eodemque anno sororis filios regis, et
'liberos consulis liberatoris patriae, propter pactionem in-
'dicatam recipiendorum in urbem regum, a patre securi
'esse percussos; ex qua Collatinum Tarquinium consulem
'nominis odio abdicare se magistratu atque exulare ius-
'sum; in qua de Sp. Cassio, post aliquot annos, propter
'consilia inita de regno supplicium sumptum; in qua nu-
'per decemviros bonis, exsilio, capite multatos ob super-
'biam regiam, in ea Sp. Maelius spem regni conceperit.
'Et quis homo? quanquam nullam nobilitatem, nullos ho-
'nores, nulla merita cuiquam ad dominationem pandere
'viam; sed tamen Claudios, Cassios, consulatibus, decem-
'viratibus, suis maiorumque honoribus, splendore familia-
'rum sustulisse animos, quo nefas fuerit: Sp. Maelium, cui
'tribunatus plebis magis optandus, quam sperandus, fuerit,
- 8 frumentarium divitem, bilibris farris sperasse libertatem se
- 9 civium suorum emisse, ciboque obiciendo ratum victorem
'finitimorum omnium populum in servitutem pellici posse:
'ut, quem senatorem concoquere civitas vix posset, regem
'ferret, Romuli conditoris, ab diis orti, recepti ad deos, in-
'signia atque imperium habentem. Non pro scelere id ma-
'gis, quam pro monstro, habendum. Nec satis esse san-
'guine eius expiatum, nisi tecta parietesque, intra quae
1 tantum amentiae conceptum esset, dissiparentur; bonaque,

qualibus suis aliter placuit; quippe perduellionis reus ad populum factus est, et exsilio suo supplicium praevertit. cf. Val. Max. v. 3. 2. *Ahala . . . custoditae libertatis civium exsilio suo poenas praevertit.*

5 *Incerta existimatione*] Quam adhuc incerti essent, quid existimarent. *Aestimatio* alii legunt, verum Gronov. ad Liv. xxxiv. 2. et ad A. Gell. i. 3. horum verborum discrimen constituit. *Existimator* est index; *aestimator*, qui pretium constituit, res inter se componit, ut quid praefereendum, quid posthabendum sit, intelligat. cf. Rubken. Opusc. p. 709.

6 *Vim parantem*] Dion. in Exc.

Vat. xii. 1. Maelium immissos in se equites *μαγειρικῇ κόπιδι*, (sc. ab Ianio cultro arrepto ut supr. iii. 48.) repellentem, caesum fuisse tradit.

7 *Sororis filios regis*] sc. Liberos L. Iunii Bruti, quos potius nepotes sororis regis vocandos fuisse intelligitur ex iis quae supr. i. 56. narrantur. RASCH.

8 *Bilibris farris*] Binas singulis civibus libras farris largiendo. CREV. Anglice, *spelt*: Italice, *farricello*.

9 *Ciboque obiciendo*] Tanquam feris, quae esca obiecta alliciuntur in fraudem et laqueum. *Cibus* vox est haec in re propria. Horat. Epod. vi.

10. *Proiectum odoravit cibum*. CREV.

1 *Bonaque, contacta*] Bona velut

U. C. 316. 'contacta pretiis regni mercandi, publicarentur. Iubere ita-
 A. C. 436. 'que, quaestores vendere ea bona, atque in publicum redi-
 16. 'gere.' Domum deinde, ut monumento area esset oppres-
 sae nefariae spei, dirui extemplo iussit: id Aequimaelium²
 appellatum est. L. Minucius bove aurato extra portam³
 Trigeminam est donatus, ne plebe quidem invita, quia fru-
 mentum Maelianum, assibus in modios aestimatum, plebi⁴
 divisit. Hunc Minucium, apud quosdam auctores, trans-
 isse a Patribus ad plebem, undecimumque tribunum plebis
 cooptatum seditionem, motam ex Maeliana caede, sedasse,
 invenio. Ceterum vix credibile est, numerum tribunorum
 Patres augeri passos, idque potissimum exemplum a patricio
 homine introductum; nec deinde id plebem concessum sem-
 el obtinuisse, aut certe tentasse. Sed ante omnia refellit⁵
 falsum imaginis titulum paucis ante annis lege cautum, ne
 tribunis collegam cooptare liceret.

Q. Caecilius, Q. Iunius, Sext. Titinius, soli ex collegio
 tribunorum neque tulerant de honoribus Minucii legem;
 et criminari nunc Minucium, nunc Servilium apud plebem,
 querique indignam necem Maelii non destiterant. Pervi-
 cerunt igitur, ut tribunorum militum potius, quam consu-
 lum, comitia haberentur; haud dubii, quin sex locis (tot⁶
 enim iam creari licebat) et plebei aliqui, profitendo se ul-
 tores fore Maelianae caedis, crearentur. Plebs, quanquam
 agitata multis eo anno et variis motibus erat, nec plures,
 quam tres, tribunos consulari potestate creavit, et in iis L.
 Quinctium Cincinnati filium: ex cuius dictaturae invidia
 tumultus quaerebatur. Praelatus suffragiis Quinctio Mam.
 Aemilius, vir summae dignitatis. L. Iulium tertium creant.

17. In horum magistratu Fidenae, colonia Romana, ad Lar-
 tem Tolumnium Veientium regem ac Veientes defecere.⁷

contagione quadam vitiata ex domini
 scelere, qui illis mercari regnum vo-
 luerat. CREV.

² *Aequimaelium*] *Aequimaelium*
 dictum, quod aequata Maelii domus
 publice. Varro de L. L. v. 32.

³ *Bove aurato*] Auratis nimirum
 cornibus. Sed turbant haec verba
extra portam Trigeminam. In tali
 dono inepta est mentio loci. Plinius
 Minucio statuat positam extra por-
 tam Trigeminam memorat. xviii. 4. et
 xxxiv. 11. Hic ergo scribe *bove au-
 rato, et statua extra*. CREV. *Et sta-
 tua* reponendum censet Niebhr. ii.
 n. 937. cf. Liv. vii. 37.

⁴ *Assibus in modios aestimatum*]
 cf. Cic. Off. ii. 17. "Ne Marco quidem
 Seio vitio datum est quod in caritate
 aunonae, asse modium populo dedit."

⁵ *Refellit falsum*] Id probat falso
 ascriptum esse imagini Minucii titu-
 lum tribunatus, quod lege, (sc. Tre-
 bonia supr. iii. 65,) cautum fuerat,
 ne etc. CREV.

⁶ *Tot enim iam creari licebat*]
 Mirum quidem, si res ita se habuerit,
 quod anno 350 U. C. tribuni cons.
 potest. militares sex locis primum
 creati sint.

⁷ *Veientium regem*] Tolumnium
 Tyrrhenorum regem fuisse scribit
 Dion. in Exc. Vat. xii. 2. Haud
 scio an rex ille Veientium idem rex
 Tyrrhenorum fuerit, uti mos erat
 apud Etruscos per bella regem (An-
 glice, a war-king) communiter creare,
 qui duodecim populis Etruscis impe-
 raret.

⁸ *Defecere*] Indutiae Veientibus

Maius additum defectioni scelus. C. Fulcinium, Cloelium
 9 Tullum, Sp. Antium, L. Roscium, legatos Romanos, cau-
 sam novi consilii quaerentes, iussu Tolumnii interfecerunt.
 Levant quidam regis facinus: in tesserarum prospero iactu
 1 vocem eius ambiguum, ut occidi iussisse videretur, ab Fi-
 denatibus exceptam, causam mortis legatis fuisse. Rem
 incredibilem; interventu Fidenatium, novorum sociorum,
 consulentium de caede raptura ius gentium, non aversum
 ab intentione lusus animum: nec deinde in horrorem ver-
 sum facinus. Propius est fidem, obstringi Fidenatium po-
 pulum, ne respicere spem ullam ab Romanis posset, con-
 scientia tanti sceleris voluisse. Legatorum, qui Fidenis
 2 caesi erant, statuac publice in Rostris positae sunt. Cum
 Veientibus Fidenatibusque, praeterquam finitimis populis,
 ab causa etiam tam nefanda bellum exorsis, atrox dimicatio
 instabat. Itaque ad curam summae rerum, quieta plebe
 tribunisque eius, nihil controversiae fuit, quin consules cre-
 arentur M. Geganius Macerinus tertium et L. Sergius Fi-
 denas: a bello credo, quod deinde gessit, appellatum. Hic
 enim primus cis Anienem cum rege Veientium secundo
 proelio conflixit, nec incruentam victoriam retulit. Maior
 itaque ex civibus amissis dolor, quam laetitia fuis hostibus
 fuit: et senatus, ut in trepidis rebus, dictatorem dici Mam.
 Aemilium iussit. Is magistrum equitum ex collegio prioris
 anni, quo simul tribuni militum consulari potestate fuerant,
 L. Quinctium Cincinnatum, dignum parente iuvenem, dixit.
 Ad delectum a consulibus habitum centuriones veteres belli
 periti adiecti, et numerus amissorum proxima pugna exple-
 tus. Legatos Quinctium Capitolinum et M. Fabium Vibul-
 lanum sequi se dictator iussit. Quum potestas maior, tum
 vir quoque potestati par, hostes ex agro Romano trans Ani-
 3 enem summovere, collesque inter Fidenas atque Anienem
 ceperunt, referentes castra: nec ante in campos degressi

U. C. 317.
 A. C. 435.
 Mam. Ae-
 milio, &c.
 Tribb. Mil.
 Legati
 Rom. a Fi-
 denatibus
 caesi.

U. C. 318.
 A. C. 434.
 M. Gegani-
 o. L. Ser-
 gio Coss.

Dictator
 Mam.
 Aemilius.

a Romanis in annos quadraginta cy-
 clicos, sc. decem mensium, datae iam
 exierant. cf. supr. ii. 54. Niebhr. i.
 p. 278. Wachsm. p. 412.

9 *Legatos Romanos*] Quos tamen
 ann. 329. U. C. interfectos maiore veri
 similitudine tradit Diodorus xii. 80,
 fortasse Fabium secutus: in cuius sen-
 tentiam se addit Niebhr. ii. p. 454.
 Horum quidem legatorum statuac in
 foro Romano positae usque ad Ci-
 ceronis aevum manserunt. cf. Cic.
 Phil. ix. 2. Plinius quoque II. N.
 xxxiv. 11. novas quasdam eodem loco
 repositas pro veteribus accepit.

1 *Vocem eius ambiguum*] Cuius-
 modi fuisset, si interrogantibus Fi-

denatibus, *utrum legati Romanorum
 ipsi trucidandi viderentur*, ad pro-
 sperum iactum exclamasset; *optime!*
 STROTH.

2 *In Rostris*] sc. In loco ubi Ro-
 tra postea exstructa sunt. infr. viii.
 14.

3 *Collesque inter Fidenas*] Peri-
 zomius scribendum coniecit, *colles qui
 inter Fidenas*, et multis exemplis do-
 cet, verborum hanc collocationem, ut
 pronomen relativum non semper in
 initio orationis ponatur, Livio fami-
 liarissimam esse. Hac coniectura,
 quam verisimilem puto, recepta eva-
 nescit omnis difficultas. DRAB.

- U. C. 318. sunt, quam legiones auxilio Faliscorum venerunt. Tum 4
 A. C. 434. demum castra Etruscorum pro moenibus Fidenarum posita:
 et dictator Romanus haud procul inde ad confluentes con-
 sedit in utriusque ripis amnis, qua sequi munimento poterat, 5
 18. vallo interposito. Postero die in aciem eduxit. Inter hostes
 variae fuere sententiae. Faliscus, procul ab domo militiam
 aegre patiens, satisque fidens sibi, poscere pugnam: Veienti
 Fidenatique plus spei in trahendo bello esse. Tolumnius,
 quanquam suorum magis placebant consilia, ne longinquam
 militiam non paterentur Falisci, postero die se pugnaturum
 edicit. Dictatori ac Romanis, quod detrectasset pugnam
 hostis, animi accessere: posteroque die, iam militibus cas-
 tra urbemque se oppugnaturus frementibus, ni copia pugnae
 fiat, utrimque acies inter bina castra in medium campi pro-
 cedunt. Veiens, multitudine abundans, qui inter dimica-
 tionem castra Romana aggredierentur, post montes circum-
 misit. Trium populorum exercitus ita stetit instructus, ut
 dextrum cornu Veientes, sinistrum Falisci tenerent, medii
 Fidenates essent. Dictator dextro cornu adversus Faliscos,
 sinistro contra Veientem Capitolinus Quinctius intulit sig-
 na: ante mediam aciem cum equitatu magister equitum
 processit. Parumper silentium et quies fuit, nec Etruscis,
 nisi cogerentur, pugnam inituris, et dictatore arcem Roma-
 nam respectante, ut ab auguribus, simul aves rite admis- 6
 sent, ex composito tolleretur signum. Quod simul con-
 spexit, primos equites clamore sublato in hostem emisit:
 secuta peditum acies ingenti vi conflixit. Nulla parte le-
 giones Etruscae sustinere impetum Romanorum. Eques
 maxime resistebat: equitumque longe fortissimus ipse rex,
 ab omni parte effuse sequentibus obequitans Romanis, tra-
 hebat certamen. Erat tum inter equites tribunus militum 7
 19. A. Cornelius Cossus, eximia pulchritudine corporis, animo
 ac viribus par, memorque generis, quod, amplissimum ac-
 ceptum, maius auctiusque reliquit posteris. Is quum ad
 impetum Tolumnii, quacunque se intendisset, trepidantes
 Romanas videret turmas, insignemque eum regio habitu
 volitantem tota acie cognosset, 'Hiccine est,' inquit, 'ruptor
 'foederis humani, violatorque gentium iuris? Iam ego hanc
 'mactatam victimam, (si modo sancti quicquam in terris

Veientes
cum sociis
pugnant ad-
versus Ro-
manos.

Cossus re-
gem eorum
occidit.

4 *Legiones*] Nimirum Faliscorum legiones auxilio Veientibus et Fidenatibus venerunt.

5 *Qua sequi*] sc. Amnes, h. e. qua parte munimentum ad utrumque amnem perducere poterat, ita ut a duabus partibus, omnibus, a tertia vero, vallo tectus esset.

6 *Simul aves rite admisissent*]

Nempe id, de quo consulebantur. sc. pugnam. Sic saepe *admittere* vel *ad dicere* de avibus. Inde Festus. *Admissivae aves, quae consulentem iuberent. Remores aves, quae acturum aliquid remorari compellunt.* RASCH.

7 *Tribunus militum*] Dion. in Excerpt. Vat. xii. 2, Cossum *χιλιαρχον τῶν Πρώτοιον* vocat.

‘esse dii volunt,) legatorum Manibus dabo.’ Calcaribus U. C. 318.
 subditis, infesta cuspide in unum fertur hostem: quem quum A. C. 434.
 8 ietum equo deiecisset, confestim et ipse hasta innisus se in
 pedes excepit. Assurgentem ibi regem umbone resupinat,
 repetitumque saepius cuspide ad terram affixit. Tum ex-
 sanguini detracta spolia; caputque abscisum victor spiculo
 gerens, terrore caesi regis hostes fundit. Ita equitum quo-
 que fusa acies, quae una fecerat anceps certamen. Dictator Vincuntur.
 legionibus fugatis instat, et ad castra compulsos caedit. Fi-
 denatium plurimi locorum notitia effugere in montes. Cos-
 sus, Tiberim cum equitatu transvectus, ex agro Veientano
 ingentem detulit praedam ad urbem. Inter proelium et ad
 castra Romana pugnatum est adversus partem copiarum,
 ab Tolumnio, ut ante dictum est, ad castra missam. Fabius
 Vibulanus corona primum vallum defendit: intentos deinde
 9 hostes in vallum, egressus dextra principali, cum triariis re-
 pente invadit: quo pavore iniecto, caedes minor, quia pau-
 ciores erant; fuga non minus trepida, quam in acie, fuit.
 Omnibus locis re bene gesta, dictator senatusconsulto ius-
 suque populi triumphans in urbem rediit. Longe maxi-
 mum triumphi spectaculum fuit Cossus, spolia opima regis
 interfecti gerens. In eum milites carmina incondita, ae-
 quantes eum Romulo, canere. Spolia in aede Iovis Fere-
 1 trii prope Romuli spolia, quae, prima Opima appellata, sola
 ea tempestate erant, cum sollenni dedicatione dono fixit:
 averteratque in se a curru dictatoris civium ora, et celebra-
 tatis eius dici fructum prope solus tulerat. Dictator coro-
 nam auream libram pondo ex publica pecunia, populi iussu,
 in Capitolio Iovi donum posuit.

Omnes ante me auctores secutus, A. Cornelium Cossum
 2 tribunum militum secunda spolia opima Iovis Feretrii tem-
 plo intulisse, exposui. Ceterum, praeterquam quod ea
 rite opima spolia habentur, quae dux duci detraxit; nec

8 *Se in pedes excepit*] h. e. Desi-
 luit ex equo ita, ut corpus eius pedi-
 bus exciperetur et inniteretur. RASCH.

9 *Dextra principali*] sc. Porta.
 Festus, *principalem castrorum portam*
nominatam quod in eo loco sit, in quo
principes ordines tendunt. cf. infr.
 xxxiv. 46. xl. 26.

† *Spolia . . . prima Opima*] cf.
 Gronov. Observ. i. 7. Sigonius vocem
prima redundare existimat; sed non
 intellexit Livii mentem; quippe *pri-*
ma erant illa spolia non tempore, sed
 genere, utpote *quae dux duci detrax-*
erit.

2 *Ea rite opima spolia habentur,*

quae dux duci detraxit] Haec qui-
 dem vulgaris opinio fuit. Sed non
 ita visum Varroni, qui disertis verbis
 affirmat, ut ex Festo cognoscimus,
Opima spolia etiam esse, si manipu-
laris miles detraxerit, dummodo duci
hostium. De ea re vid. Periz. Ani-
 madv. Histor. 7. CREV. cf. Festus v.
Opima spolia; quorum tria genera,
 “*cujus auspicio classe praeincta opi-*
ma spolia capiuntur, Iovi Feretrio
bovem caedito: qui cepit aeris CCC
darier oportet. *Secunda spolia in*
Martis aram in campo solitaurilia,
utra voluerit, caedito: qui cepit aeris
CC darier oportet. *Tertia spolia*

20.

Dictator
 triumphat.
 Cossi spolia
 opima.

U. C. 318. ducem novimus, nisi cuius auspicio bellum geritur: titulus
 A. C. 434. ipse, spoliis inscriptus, illos meque arguit, consulem ea
 Cossum cepisse. Hoc ego quum Augustum Caesarem, 3
 templorum omnium conditorem aut restitutorem, ingressum
 aedem Feretrii Iovis, quam vetustate dilapsam refecit, se
 ipsum in thorace linteo scriptum legisse audissem; prope
 sacrilegium ratus sum, Cosso spoliolum suorum Caesarem,
 ipsius templi auctorem, subtrahere testem. Qui si ea in 4
 re sit error, quod tam veteres annales, quodque magi-
 stratum libri, quos lintheos in aede repositos Monetae Macer
 Licinius citat identidem auctores, nono post demum anno
 cum T. Quinctio Penno A. Cornelium Cossum consulem
 habeant, existimatio communis omnibus est. Nam etiam 5
 illud accedit, ne tam clara pugna in eum annum transferri
 posset, quod imbelles triennium ferme pestilentia inopiaque
 frugum circa A. Cornelium consulem fuit: adeo ut quidam
 annales, velut funesti, nihil praeter nomina consulum sug-

Iano Quirino agnum matrem caedito: qui cepit, aeris centum dari er oporteto."

3 *Hoc ego quum Augustum*] Haec verba et sequentia usque ad *scripserit* Livius iudice Niebuhrio, tanquam annotationem, apposuit, postquam Augustus librum hunc evolverat et Cosso consuli spoliolum se testem prae-buerat. Diodorus xii. 18, qui Fabium sequitur, minime cum Livio consentit. cf. Niebhr. ii. not. 1011. Wachsmuth. p. 412.

4 *Qui si*] Huic loco magna obscuritas inest, et fortasse ab ipso Livio affectata, dum vult ita Augusto contra rei veritatem assentari, ut tamen intelligenti et attento lectori subodorandum relinquat, quid ipse apud animum suum sentiat. Haec ergo videtur esse huius intricatissimi loci sententia. Pro certo ponit Livius, non ex sua nimirum, sed ex Augusti mente, spolia opima Cossum consulem cepisse. Sed quum scriptores omnes in hunc annum spolia eius opima, in nonum, sive potius decimum post annum eiusdem consulatum conferant; in alterutro erraverint, necesse est: et vel in hunc annum revocandus est Cossi consulatus, vel in decimum post annum reiicienda spolia. Utrum retrahendus sit in hunc annum Cossi consulatus, in medio Livius relinquit: in decimum post annum spolia vix ac ne vix quidem reiici posse ait. Deberet quidem, quum hoc ultimum fieri posse

propemodum neget, illud alterum amplecti ac pro firmo tueri: idque procul dubio fecisset, si ex animi sententia Augusto assensus esset. Sed veri vi victus, rem non audet affirmare, ac dubiam relinquit. *Si*, inquit, i. e. an *ea in re*, sive in eo *sit* ille *error*, (eorum nempe qui Cossum spolia opima tribunum militum cepisse dicunt,) quod Cossi consulatus in nonum, sive decimum potius post annum reiectus sit, *existimatio communis omnibus est*, i. e. cuilibet de eo suam existimationem, sive suum iudicium interponere licet. Sed in decimum post annum reiici spolia non possunt. *Nam*, praeter consensum scriptorum omnium, qui in hunc, in quo nunc versamur, annum ea contulerunt, *etiam illud accedit, ne tam clara pugna in eum annum*, i. e. decimum post annum, *transferri posset, quod imbelles triennium circa* illud tempus, quo Cossus consul fuisse memoratur in annalibus ac libris magistratum, *fuit*. Particulam *si* pro *an* non raro usurpat Livius, infr. xxxi. 9. Ceterum longe aliter Livium de spoliis Cossi opinis sensisse, quam hic prae se ferat, vel ex eo patet, quod infr. 32. in oratione Mam. Aemilii dictatoris Cossus adhuc dicatur tribunus militum spolia opima Iovis Feretrii templo intulisse. CREV.

5 *Communis omnibus*] Incuriose haec scribit Livius, quum Fabius in aliam sententiam discedit.

gerant. Tertius ab consulatu Cossi annus tribunum eum U. C. 318.
 militum consulari potestate habet; eodem anno magistrum A. C. 434.
 equitum: quo in imperio alteram insignem edidit pugnam
 6 equestrem. Ea libera coniectura est. Sed, ut ego arbitror,
 vana versare in omnes opiniones licet: quum auctor pugnae,
 recentibus spoliis in sacra sede positis, Iovem prope ipsum,
 cui vota erant, Romulumque intuens, haud spernendos
 falsi tituli testes, se A. Cornelium Cossum consulem scripserit.

M. Cornelio Maluginense, L. Papirio Crasso consulibus, 21.
 exercitus in agrum Veientem ac Faliscum ducti: praedae U. C. 319.
 abactae hominum pecorumque: hostis in agris nusquam A. C. 433.
 inventus, neque pugnandi copia facta: urbes tamen non M. Corne-
 oppugnatae, quia pestilentia populum invasit. Et seditiones lio, L. Pa-
 domi quaesitae sunt, nec motae tamen, ab Sp. Maelio tri- pirio Coss.
 7 buno plebis; qui, favore nominis moturum se aliquid Pestilentia.
 ratus, et Minucio diem dixerat, et rogationem de publi-
 candis bonis Servilii Ahalae tulerat: falsis criminibus a
 Minucio circumventum Maelium arguens, Servilio caedem
 civis indemnati obiciens: quae vaniora ad populum ipso
 auctore fuere. Ceterum magis vis morbi ingravescens
 8 curae erat, terroresque ac prodigia; maxime quod crebris
 motibus terrae ruere in agris nuntiabantur tecta. Obse-
 9 cratio itaque a populo, duumviris praecuntibus, est facta.

Pestilentior inde annus, C. Iulio iterum et L. Virginio U. C. 320.
 1 consulibus, tantum metum vastitatis in urbe agrisque fecit, A. C. 432.
 ut non modo praedandi causa quisquam ex agro Romano C. Iulio II.
 non exiret, bellive inferendi memoria Patribus aut plebi L. Virginio
 esset; sed ultro Fidenates, qui se primo aut oppido, aut Coss.
 montibus, aut muris tenuerant, populabundi descenderent
 in agrum Romanum. Deinde, Veientium exercitu accito, Bellum
 (nam Falisci perpelli ad instaurandum bellum, neque clade cum Fide-
 natibus et
 Veientibus

6 *Ea libera coniectura est*] Quam Niebhr. amplectitur: quippe ann. 329. U. C. Cossus, utpote qui idem praefectus urbis et magister equitum esset, omnia munera consularia agebat, nec non consulatu functus erat: sed Perizonii coniecturas in hanc rem, licet aliquando infeliciores, legere operae pretium est.

7 *Servilii Ahalae*] Qui poenae vitandae causa solum verterat. cf. supr. 14. Cic. pro Domo, 32.

8 *Crebris motibus terrae*] Hoc tempore in Graecia plures *aelemae* narrantur ap. Thucydidem. Probabile Niebuhrio videtur crebris terrae hiatibus corruptum aera contagium sparsisse: quo fere modo pestes saec.

vi^{to}. et xiii^{to}. post Christum natum ortae feruntur. cf. Heyn. Opusc. iii. p. 117.

9 *Praecuntibus*] Certam verborum, in quae obsecratio fieret, formulam prius recitantibus, quae totidem verbis vel a populo, vel a magistratu aliquo referretur. Moris quippe Romanis erat, ut in devotionibus in foederibus sancientis, et aliis eiusmodi ritibus sacris peragendis, pontifex aliquis, aut sacerdos, prior pronunciaret solennia verba, ne per insectum laberetur is, qui ea proferre debebat. Vid. viii. 9.

1 *Tantum metum*] Recte censet Tan. Faber expungendam esse vocem *metum*.

U. C. 320. Romanorum, neque sociorum precibus, potuere) duo populi
 A. C. 432. transiere Anienem; atque haud procul Collina porta signa
 habuere. Trepidatum itaque, non in agris magis, quam in
 urbe, est. Iulius consul in aggere murisque explicat co-
 pias: a Virginio senatus in aede Quirini consulitur. Di-
 ctatorem dici A. Servilium placet, cui Prisco alii, alii Structo²
 Servilius
 dictator. fuisse cognomen tradunt. Virginius, dum collegam con-
 suleret, moratus, permittente eo, nocte dictatorem dixit.
 Is sibi magistrum equitum Postumum Aebutium Elvam
 22. dicit. Dictator omnes luce prima extra portam Collinam
 adesse iubet. Quibuscunque vires suppetebant ad arma
 ferenda, praesto fuere: signa ex aerario prompta feruntur
 ad dictatorem. Quae quum agerentur, hostes in loca
 altiora concessere. Eo dictator agmine infesto subit: nec
 procul Nomento signis collatis, fudit Etruscas legiones:
 Fidenas op- compulit inde in urbem Fidenas, valloque circumdedit.
 pugnat. Sed neque scalis capi poterat urbs alta et munita, neque in
 obsidione vis ulla erat, quia frumentum non necessitati
 modo satis, sed copiae quoque, abunde ex ante convecto
 sufficebat. Ita, expugnandi pariter cogendique ad de-
 ditionem spe amissa, dictator in locis, propter propinqui-
 tatem notis, ab aversa parte urbis maxime neglecta, quia
 suapte natura tutissima erat, agere in arcem cuniculum³
 instituit: ipse, diversissimis locis subeundo ad moenia
 quadrifariam diviso exercitu, qui alii aliis succederent ad
 pugnam, continenti die ac nocte proelio ab sensu operis
 Cuniculo hostes avertebat: donec, perfosso a castris monte, erecta in
 capit. arcem via est; intentisque Etruscis ad vanas a certo pe-
 riculo minas, clamor supra caput hostilis captam urbem
 ostendit.

Eo anno C. Furius Pacilus et M. Geganius Macerinus
 censores villam publicam in campo Martio probaverunt:⁴
 ibique primum census populi est actus.⁵

23. Eosdem consules insequenti anno refectos, Iulium ter-
 U. C. 321. tium, Virginium iterum, apud Macrum Licinium invenio.
 A. C. 431. Valerius Antias et Q. Tubero M. Manlium et Q. Sulpicium⁶

² A. Servilium] Pro Aulo Quin-
 tum reponendum Sigonius monet e
 Fast. Capit. quod Crevier. et Rupert.
 in textum receperunt.

³ Cuniculum] Ut postea urbs Veii
 capta fuisse dicitur, cf. Niebhr. ii. n.
 1063.

⁴ Villam publicam] Varro de R. R.
 iii. 2. Villa publica ad rem publicam
 administrandam est utilis, ubi cohortes
 ad delectum consuli adductae consi-
 dant, ubi arma ostendant, id est, ubi
 censores censu admittant populum.

⁵ Probaverunt] Probare proprie
 dicuntur censores, quum opus, quod
 mancipibus construendum locaverunt,
 examinant atque inquirunt, an con-
 factum sit secundum formam prae-
 scriptam. cf. infr. xlv. 15; quemad-
 modum approbare dicuntur redem-
 ptores, quum opus, quod exstruendum
 conduxerunt, secundum leges sibi
 dictas absolutum esse demonstrant.
 DRAC.

⁶ Q. Tubero] Hunc scriptorem lau-
 dat Dionysius, versus finem libri pri-

consules in eum annum edunt. Ceterum in tam discre-
 pante editione et Tubero et Macer libros linteos auctores
 profitentur: neuter, tribunos militum eo anno fuisse, tra-
 ditum a scriptoribus antiquis dissimulat. Licinio libros
 haud dubie sequi linteos placet: et Tubero incertus veri
 7 est. Sed inter cetera, vetustate incomperta, hoc quoque
 in incerto positum. Trepidatum in Etruria est post Fidenas
 captas, non Veientibus solum exterritis metu similis excidii,
 sed etiam Faliscis memoria initi primo cum iis belli, quan-
 quam rebellantibus non affuerant. Igitur quum duae
 civitates, legatis circa duodecim populos missis, impetras-
 8 sent, ut ad Voltumnae fanum indiceretur omni Etruriae
 concilium: velut magno inde tumultu imminente, senatus
 Mam. Aemilium dictatorem iterum dici iussit. Ab eo A.
 Postumius Tubertus magister equitum est dictus; bellum-
 9 que tanto maiore, quam proximo, conatu apparatus est,
 quanto plus erat ab omni Etruria periculi, quam ab duobus
 populis fuerat.

U. C. 321.
 A. C. 431.
 C. Iulio III.
 L. Virginio
 II. Coss.

Dictator
 Mamercus
 Aemilius.

Ea res aliquanto expectatione omnium tranquillior fuit. 24.
 Itaque quum renuntiatum a mercatoribus esset, negata
 Veientibus auxilia, iussosque suo consilio bellum initum
 suis viribus exsequi, nec adversarum rerum quaerere socios,
 cum quibus spem integram communicati non sint: tum
 dictator, ne nequicquam creatus esset, materia quaerendae
 bello gloriae adempta, in pace aliquid operis edere, quod
 monumentum esset dictaturae, cupiens, censuram minuere
 parat: seu nimiam potestatem ratus, seu non tam magni-
 tudine honoris, quam diuturnitate, offensus. Concione
 itaque advocata, ‘republicam foris gerendam,’ ait, ‘tu-
 ‘taque omnia praestanda, deos immortales suscepisse: se,
 ‘quod intra muros agendum esset, libertati populi Romani
 ‘consulturum. Maximam autem eius custodiam esse, si
 ‘magna imperia diuturna non essent; et temporis modus
 ‘imponeretur, quibus iuris imponi non posset. Alios ma-

Censurae
 tempus im-
 minutum.

ni, tanquam acris ingenii virum, et in historia diligentem. Quae laudes optime quadrant in Tuberone illum, quo accusante Ligarium Cicero defendit, a quo et historiae scribendae datam operam esse idem Cicero docet in celebri illa ad Q. fratrem epistola. CREV.

7 Sed inter cetera] Sit inter cetera, quod Muretus coniecit, in textum reposuit Bekker.

8 Ad Voltumnae fanum] Quem admodum Latini ad lucum Ferentinae, ita Etrusci ad Voltumnae fanum conveniebant, mercaturae vel mutui

consilii causa. infr. iv. 61. v. 17. vi. 2. hodie Viterbo.

9 Maiore, quam proximo, conatu] Maiore quam proxime conatu, ex emendatione Gronovii in textum reposuit Bekker.

1 Communicati non sint] De verbis passivis activa significatione posit. vide, quos laudat ad h. l. Duker. Graevum ad Cic. Ep. ad Att. ii. 17. et Perizon. ad Sanctii Minervam l. 15. § 4. ubi refertur conjecturam lae. Gronovii communicari non sinit: sed plura huius generis verba colliguntur ap. Voss. Gramm. v. 5.

U. C. 321. 'gistratus annuos esse, quinquennalem censuram; grave
 A. C. 431. 'esse, iisdem per tot annos magna parte vitae obnoxios²
 'vivere. Se legem laturum, ne plus, quam annua ac se-
 'mestris, censura esset.' Consensu ingenti populi legem³
 postero die pertulit, et, 'ut re ipsa,' inquit, 'sciatis, Quirites,
 'quam mihi diuturna non placeant imperia, dictatura me
 'abdico.' Deposito suo magistratu, modo aliorum magi-
 stratui imposito, [fine alteri,] cum gratulatione ac favore⁴
 ingenti populi domum est reductus. Censores, aegre passi,
 Mamercum, quod magistratum populi Romani minuisset,⁵
 tribu moverunt, octuplicatoque censu aerarium fecerunt.⁶
 Quam rem ipsum ingenti animo tulisse ferunt, causam⁷
 potius ignominiae intuentem, quam ignominiam; primores
 Patrum, quanquam deminutum censurae ius noluis-
 sent, exemplo acerbitatis censoriae offensos: quippe quum se
 quisque diutius ac saepius subiectum censoribus fore cer-
 neret, quam censuram gesturum. Populi certe tanta in-
 dignatio coorta dicitur, ut vis a censoribus nullius auctori-
 tate, praeterquam ipsius Mamerci, deterreri quiverit.

25.

Tribuni plebis, assiduis concionibus prohibendo consu-
 laria comitia, quum res prope ad interregnum perducta
 esset, evicere tandem, ut tribuni militum consulari potestate
 crearentur: victoriae praemium, quod petebatur, ut plebe-
 ius crearetur, nullum fuit. Omnes patricii creati sunt, M.
 Fabius Vibulanus, M. Foslius, L. Sergius Fidenas. Pesti-
 lentia eo anno aliarum rerum otium praebuit: aedis Apol-
 lini pro valetudine populi vota est. Multa duumviri ex
 libris, placandae deum irae, avertendaeque a populo pestis
 causa, fecere: magna tamen clades in urbe agrisque, pro-⁸
 miscue hominum pecorumque perniciē, accepta. Famem⁹
 cultoribus agrorum timentes in Etruriam, Pomptinumque

U. C. 322.
 A. C. 430.
 M. Fabio,
 &c. Tr. Mil.
 Pestilentia.

² *Magna parte vitae*] In plerisque rebus, in quibus vita occupatur. Eodem sensu scripsit Cic. de Off. i. 4. *Nulla pars vitae . . . vacare officio potest.* CREV.

³ *Legem*] sc. Legem Aemiliam de censura.

⁴ *Fine alteri*] Haec verba, quae Sigonio, tanquam otiosa, displicent, delevit Stroth. atque unciolis inclusit Bekker.

⁵ *Tribu moverunt*] Hinc liquet patricios in tribubus regionatim descriptos esse.

⁶ *Octuplicatoque censu*] Censoribus enim liberum arbitrium erat aerariis tributum in capita imperandi: qui vero inter aerarios nullo iudicio a censoribus relatus est, *turpe iudicium* haud patiebatur; quippe civi-

bis animadversione censoria, re non iudicata, notatis, in curiam, vel in honores pristinos reditus a censoribus aliis saepenumero dabatur. cf. Cic. Or. pro Cluent. 42. Iam vero Aemilius octies pluris, quam quanti antea, census est.

⁷ *Aerarium fecerunt*] Nomen eius ex albo centuriae suae, quae pars tribus erat, cf. Cic. pro Planc. 20. dabatur, et tributum nomine pro capite suo aera praebebat. cf. Ascon. in Cic. Divin. 3.

⁸ *Promiscue*] *Promiscua*, quod vult Gronov., in textum reposuit Bekker.

⁹ *Famem cultoribus agrorum*] Non satis apparet cur fames potius timeatur cultoribus agrorum, quam urbi. Gronovius legendum suspicatur, in-

agrum, et Cumas, postremo in Siciliam quoque frumenti causa misere. Consularium comitiorum nulla mentio habita est. Tribuni militum consulari potestate omnes patricii creati sunt, L. Pinarius Mamercinus, L. Furius Medullinus, Sp. Postumius Albus.

Eo anno vis morbi levata, neque a penuria frumenti, quia ante provisum erat, periculum fuit. Consilia ad movenda bella in Volscorum Aequorumque conciliis, et in Etruria ad fanum Voltumnae, agitata. Ibi prolatae in annum res, decretoque cautum, ne quod ante concilium fieret; nequicquam Veiente populo querente, eandem, qua Fidenae deletae sint, imminere Veiiis fortunam.

Interim Romae principes plebis, iam diu nequicquam imminentes spei maioris honoris, dum foris otium esset, coetus indicare in domos tribunorum plebei. Ibi secreta consilia agitare: queri, 'se a plebe adeo spreto, ut, quum per tot annos tribuni militum consulari potestate creentur, nulli unquam plebeio ad eum honorem aditus fuerit. 1 'Multum providisse suos maiores, qui caverint, ne cui 2 'patricio plebei magistratus paterent; aut patricos habendos fuisse tribunos plebei: adeo se suis etiam sordere, nec a plebe minus, quam a Patribus contemni.' Alii purgare plebem, culpam in Patres vertere: 'eorum ambitione artibusque fieri, ut obsaeptum plebi sit ad honorem iter. Si plebi respirare ab eorum mixtis precibus minisque liceat, 3 'memorem eam suorum inituram suffragia esse, et parto 4 'auxilio imperium quoque ascituram.' Placet, tollendae ambitionis causa tribunos legem promulgare, ne cui album in vestimentum addere petitionis liceret causa. Parva nunc res, et vix serio agenda videri possit, quae tunc ingenti certamine Patres ac plebem accendit. Vicere tamen tribuni, ut legem perferrent: apparebatque, irritatis animis, plebem ad suos studia inclinaturam: quae ne libera essent, senatusconsultum factum est, ut consularia comitia haberentur. Tumultus causa fuit, quem ab Aequis et Volseis Latini atque Hernici nuntiarant. T. Quinctius L. F. Cincinnatus (eidem et Penno cognomen additur) et C. Julius Mento,

Lex de albo in vestimentum non addendo.

26.

U. C. 324.
A. C. 428.
T. Quinctio, C. Iulio Coss.

cultu agrorum. Fortasse deperdita est una aut altera vox: *absumptis ea clude cultoribus agrorum.* CATV.

1 *Ne cui patricio*] Legibus vero decemviralibus aditus ad tribunatum plebis patricius patebat, utpotè tribubus plebeiorum.

2 *Aut patricos*] sc. Alioquin, ut supr. iii. 65. duos patricos et consulares viros tribunos plebis factos legimus.

3 *Parto auxilio*] Sicuti per *aurilium* tribunatus plebis, ita per *imperium* tribunatus militum cons. potest. indicatur.

4 *Album in vestimentum addere*] h.e. Togam creta candidiorem reddere, ut solebant pettores: qui hinc *candidati* dicebantur, cf. Pers. Sat. v. 177. *cretata ambitio.* De usu et variis cretae generibus, cf. Plin. II. N. xxxv.

17.

U. C. 324. consules facti: nec ultra terror belli est dilatus. Lege 5
 A. C. 428. sacrata, quae maxima apud eos vis cogendae militiae erat,
 Bellum delectu habito, utrimque validi exercitus profecti in Algi-
 cum Aequis dum convenere, ibique, seorsum Aequi, seorsum Volsci,
 et Volscis. castra communivere; intentiorque, quam unquam ante,
 muniendi exercendique militem cura ducibus erat: eo plus
 nuntii terroris Romam attulere. Senatui dictatorem dici
 placuit: quia, etsi saepe victi populi, maiore tamen conatu,
 quam alias unquam, rebellarent: et aliquantum Romanae
 iuventutis morbo absumptum erat. Ante omnia pravitas
 consulum discordiaeque inter ipsos, et certamina in consiliis
 omnibus terrebant. Sunt, qui male pugnatum ab his con-
 sulibus in Algidio auctores sint, eamque causam dictatoris
 creandi fuisse. Illud satis constat, ad alia discordes in uno
 adversus Patrum voluntatem consensisse, ne dicerent dicta- 6
 torem: donec, quum alia aliis terribiliora afferrentur, nec in
 auctoritate senatus consules essent, Q. Servilius Priscus,
 summis honoribus egregie usus, 'Vos,' inquit, 'tribuni
 'plebis, quoniam ad extrema ventum est, senatus appellat,
 'ut in tanto discrimine reipublicae dictatorem dicere con-
 Tribuni pl. 'sules pro potestate vestra cogatis.' Qua voce audita, oc-
 minantur casionem oblatam rati tribuni augendae potestatis secedunt,
 vincula proque collegio pronuntiant, 'placere, consules senatui dicto 7
 consulibus. 'audientes esse: si adversus consensum amplissimi ordinis
 'ultra tendant, in vincula se duci eos iussuros.' Consules
 ab tribunis, quam ab senatu, vinci maluerunt; proditum a
 Patribus summi imperii ius, datumque sub iugum tribuniciae
 potestati consulatum memorantes, siquidem cogi aliquid
 pro potestate ab tribuno consules, et (quo quid ulterius pri-
 vato timendum foret?) in vincula etiam duci possent.
 Sors, ut dictatorem diceret, (nam ne id quidem inter col-
 legas convenerat,) T. Quinctio evenit. Is A. Postumium
 Postumius Tubertum, socerum suum, severissimi imperii virum, dicta-
 dictator. torem dixit: ab eo L. Iulius magister equitum est dictus.
 Simul edicitur et iustitium: neque aliud tota urbe agi, quam
 bellum apparari: cognitio vacantium militiae munere post

5 *Lege sacrata*] sc. Qua sancitum est, qui quid adversus eam fecisset, sacer alicui deorum esset. cf. infr. ix. 39. x. 38. xxxvi. 38.

6 *Ne dicerent dictatorem*] Senatus dictatorem nominabat, consules vero nomen eius ad *populum curiatim convocatum* approbandum deferebant. Niebhr. ii. p. 449. consules noluisse populum curiatim convocare existimat, et senatum eo tribunos appel-
 lasse, ut decreto senatus vim legis

per plebiscitum praeberent: lege vero Icilia cautum est, ne quis tribunos apud comitia tributa quid agentes interpellaret. Haud scio an in usum iam venisset, ut populus centuriatim convocaretur, quo magis decretis senatus vim legis daret.

7 *Proque collegio*] Tanquam sententiam et iussum totius collegii tribunicii, congregati et praesentis. Eodem fere modo et sensu *pro collegii sententia*, infr. 44. CREV.

bellum differtur. Ita dubii quoque inclinant ad nomina U. C. 324.
danda. Et Hernicis Latinisque milites imperati: utrimque A. C. 428.
enixe obeditum dictatori est.

Haec omnia celeritate ingenti acta: relictoque C. Iulio 27.
8 consule ad praesidium urbis, et L. Iulio magistro equitum
9 ad subita belli ministeria, ne qua res, qua eguissent in castris,
moraretur, dictator, praeunte A. Cornelio pontifice maximo,
1 ludos magnos tumultus causa vovit: profectusque ab urbe,
diviso cum Quinctio consule exercitu, ad hostes pervenit.
Sicut bina castra hostium, parvo inter se spatio distantia,
viderant, ipsi quoque mille ferme passus ab hoste, dictator
Tusculo, consul Lanuvio, propiorem locum castris ceperunt.
Ita quattuor exercitus, totidem munimenta planitiem
in medio, non parvis modo excursionibus ad proelia, sed vel
ad explicandas utrimque acies satis patentem, habebant.
Nec, ex quo castris castra collata sunt, cessatum a levibus
proeliis est; facile patiente dictatore, conferendo vires spem
universae victoriae, tentato paullatim eventu certaminum,
suos praecipere. Itaque hostes, nulla in proelio iusto re- Oppugnata
lieta spe, noctu adorti castra consulis, rem in casum an- consulis
cipitis eventus committunt. Clamor subito ortus, non con- castra.
sulis modo vigiles, exercitum deinde omnem, sed dictatorem
quoque ex somno excivit. Ubi praesenti ope res egebant,
consul nec animo defecit, nec consilio: pars militum porta-
rum stationes firmant: pars corona vallum cingunt. In
alteris apud dictatorem castris, quo minus tumultus est, eo
2 plus animadvertitur, quid opus facto sit. Misso extemplo
ad castra subsidio, cui Sp. Postumius Albus legatus praefi-
citur, ipse parte copiarum parvo circuitu locum maxime
secretum ab tumultu petit, unde ex necopinato aversum
hostem invadat. Q. Sulpicium legatum praeficit castris:
M. Fabio legato assignat equites: nec ante lucem movere
iubet manum, inter nocturnos tumultus moderatu difficilem.
Omnia, quae vel alius imperator prudens et impiger in tali
re praeciperet ageretque, praecipit ordine atque agit: illud
eximium consilii animique specimen, et neutiquam vulgatae
laudis, quod ultro ad oppugnanda castra hostium, unde
maiore armine profectos exploratum fuerat, M. Geganium
cum cohortibus delectis misit. Qui, postquam intentos

8 *Ad praesidium urbis*] Nimirum
legionibus urbanis praefectus. Le-
giones urbanae ad praesidium urbis
ex proletariis atque aciemis aliisque
eiusmodi conscriptae sunt.

9 *Ad subita belli ministeria*] sc. Qui
exercitum *e senioribus* subsidiarium
conscriberet. Niebuhr. l. not. 262. 672.

1 *Ludos magnos*] Mercuravit Li-

vius supr. l. 35. ludos magnos a Tar-
quino Prisci temporibus solennes an-
nuos mansisse. Itaque hic intelli-
gendi videntur ludi Magni similes,
qui iisdem diis, eodem apparatu fie-
rent. CREV.

2 *Extemplo ad castra*] sc. Consu-
lis, quam vocem hic expressam cu-
peremus. CREV.

- U. C. 324. homines in eventum periculi alieni, pro se incautos neglectis
 A. C. 428. vigiliis stationibusque, est adortus, prius paene cepit castra,
 Castra Ae- quam oppugnari hostes satis scirent. Inde, fumo, ut con-
 quorum capiuntur. venerat, datum signum ubi inspectum ab dictatore est,
 exclamat, capta hostium castra, nuntiarique passim iubet.
28. Et iam lucescebat, omniaque sub oculis erant: et Fabius
 Vincuntur cum equitatu impetum dederat, et consul eruptionem e
 hostes. castris in trepidos iam hostes fecerat. Dictator autem,
 parte altera subsidia et secundam aciem adortus, circum-
 agentem se ad dissonos clamores ac subitos tumultus hosti un-
 dique obiecerat victorem peditem equitemque. Circum-
 venti igitur iam in medio ad unum omnes poenas rebellionis
 dedissent, ni Vectius Messius ex Volscis, nobilior vir factis,
 quam genere, iam orbem volventes suos increpans clara ³
 voce, 'Hic praebituri,' inquit, 'vos telis hostium estis inde-
 fensi, inulti? Quid igitur arma habetis? aut quid ultro
 bellum intulistis; in otio tumultuosi, in bello segnes?
 Quid hic stantibus spei est? an deum aliquem protecturum
 vos, rapturumque hinc putatis? Ferro via facienda est.
 Hac, qua me praegressum videritis, agite, qui visuri domos,
 parentes, coniuges, liberos estis, ite mecum. Non murus,
 nec vallum; sed armati armatis obstant. Virtute pares,
 necessitate, quae ultimum ac maximum telum est, superi-
 ores estis.' Haec locutum exsequentemque dicta redinte-
 grato clamore secuti, dant impressionem, qua Postumius
 Albus cohortes obiecerat: et moverunt victorem, donec
 dictator, pedem iam referentibus suis, advenit: eoque omne
 proelium versum est. Uni viro Messio fortuna hostium in-
 nititur. Multa utrimque vulnera, multa passim caedes est.
 Iam ne duces quidem Romani incruenti pugnant. Unus
 Postumius, ictus saxo, perfracto capite, acie excessit: non
 dictatorem humerus vulneratus, non Fabium prope affixum
 equo femur, non brachium abscisum consulem ex tam anci-
 piti proelio summovit. Messium impetus per stratos caede
 hostes cum globo fortissimorum iuvenum extulit ad castra
 Volscorum, quae nondum capta erant: eodem omnis acies
 inclinatur. Consul, effusos usque ad vallum persecutus,
 ipsa castra vallumque aggreditur: eodem et dictator alia
 parte copias admovet. Non segnior oppugnatio est, quam
 pugna fuerat. Consulem signum quoque intra vallum in-
 iecisse ferunt, quo milites acrius subirent; repetendoque
 signo primam impressionem factam. Et dictator, proruto
 vallo, iam in castra proelium intulerat. Tum abiici passim

Castra
 Volscorum
 capta.

³ *Orbem volventes*] *Orbem volvere*
 dicuntur milites, quando ab hostibus
 undique cincti frontem iis quaquaver-
 sum obvertunt, ut ex omnibus parti-

bus pugnent. Similiter *in orbem se*
tutari, infr. 39. *in orbem pugnare*,
 xxviii. 22.

arma, ac dedi hostes coepti: castrisque et his captis, hostes U. C. 324.
 4 praeter senatores omnes venundati sunt. Praedae pars sua A. C. 428.
 cognoscentibus Latinis atque Hernicis reddita; partem sub
 hasta dictator vendidit: praepositoque consule castris, ipse,
 triumphans invectus urbem, dictatura se abdicavit. Egre- Postumius
 giae dictaturae tristem memoriam faciunt, qui filium ab A. an filium
 Postumio, quod, occasione bene pugnandi captus, iniussu securi per-
 decesserit praesidio, victorem securi percussum tradunt. cusserit.
 5 Nec libet credere; et licet in variis opinionibus. Et argu-
 mento est, quod 'imperia Manliana,' non 'Postumiana,'
 appellata sint: quum, qui prior auctor tam saevi exempli
 foret, occupaturus insignem titulum crudelitatis fuerit.
 'Imperioso' quoque Manlio cognomen inditum: Postumius
 nulla tristi nota est insignitus.

C. Iulius consul aedem Apollinis, absente collega, sine
 sorte dedicavit: aegre id passus Quinctius, quum, dimisso
 exercitu, in urbem redisset, nequicquam in senatu est con-
 questus.

Insigni magnis rebus anno additur, nihil tum ad rem Carthagi-
 6 Romanam pertinere visum, quod Carthaginenses, tanti nienses in
 hostes futuri, tum primum per seditiones Siculorum ad Siciliam
 partis alterius auxilium in Siciliam exercitum traiecere. traiciunt.

Agitatum in urbe ab tribunis plebis, ut tribuni militum 30.
 consulari potestate crearentur; nec obtineri potuit. Con- U. C. 325.
 sules fiunt L. Papirius Crassus, L. Iulius. Aequorum A. C. 427.
 legati foedus ab senatu cum petissent, et pro foedere dedi- L. Papirio,
 tio ostentaretur, indutias annorum octo impetraverunt. L. Iulio
 Volscorum res, super acceptam in Algido cladem, pertinaci Coss.
 certamine inter pacis bellicae auctores in iurgia et seditio-
 7 nes versa. Undique otium fuit Romanis. Legem de mul-
 tarum aestimatione pergratam populo, quum ab tribunis

4 *Praeter senatores*] Urbium sin-
 gularum an gentis Volscae universae
 essent senatores, dubitat Niebhr. ii.
 not. 995.

5 *Nec libet credere*] Sed ap. Val.
 Max. ii. 7. 6. A. Gell. xvii. 21. Dio-
 dor. xii. 64 ita legitur, et *Postumiana*
imperia memorantur ap. A. Gell. i.
 13. cf. Wachsmuth. p. 414.

6 *Carthaginenses . . . tum pri-*
imum] Miro quodam errore versatur
 Livius, quoniam Carthaginenses contra
 Gelonem quinquagesimo antea
 anno expeditionem frustra tentave-
 rant, neque rursus arma prius ann.
 338. U. C. in Sicilia movebant. Nie-
 buhrus videtur hic exercitus fuisse
 Athenensium, qui ducibus Sophocle
 et Eurymedonte Ol. 88. 4. in Sici-
 liam traiecit. Arnoldo haec come-

ectura displicet. cf. Heyn. Opusc. A-
 cad. v. p. 435, qui docet Egestanos
 auxilium a Carthaginensibus adver-
 sus Selinuntios petisse, et nunc pri-
 mum per seditiones ad partis alterius
 auxilium Poenos in Siciliam invi-
 tasse. cf. Niebhr. ii. p. 565, qui ra-
 tionem temporum Fabianum secutus,
 hunc annum 324. U. C. cum Ol. 89.
 2. convenire facit.

7 *Legem de multarum aestima-*
tione] Constat inter scriptores omnes
 qui de multis egerunt, illas primo
 dictas fuisse certi numeri ovium et
 bovm. Constat quoque lege cautum
 postea, ut boves ovesque pecunia ae-
 stimarentur: boves quidem centenis
 assibus, oves autem denis. De rell-
 quis, quo scilicet tempore, et a qui-
 bus latae sint de multis leges, magna

- U. C. 325. parari consules unius ex collegio proditione excepissent,
 A. C. 427. ipsi praeoccupaverunt ferre. 8
- U. C. 326. Consules L. Sergius Fidenas iterum, Hostus Lucretius
 A. C. 426. Tricipitinus. Nihil dignum dictu actum his consulibus.
 L. Sergio Secuti eos consules A. Cornelius Cossus, T. Quinctius
 II. Hosto Pennus iterum. Veientes in agrum Romanum excursiones
 Lucretio fecerunt. Fama fuit, quosdam ex Fidenatium iuventute
 Coss. participes eius populationis fuisse: cognitioque eius rei L.
 U. C. 327. Sergio, et Q. Servilio, et Mam. Aemilio permissa. Quidam
 A. C. 425. Ostiam relegati, quod, cur per eos dies a Fidenis afuissent,
 A. Cornelio, parum constabat. Colonorum additus numerus, agerque
 T. Quinctio iis bello interemptorum assignatus. Siccitate eo anno plu-
 II. Coss. rimum laboratum est: nec coelestes modo defuerunt aquae,
 Siccitas. sed terra quoque, ingenito humore egens, vix ad perennes
 suffecit amnes. Defectus alibi aquarum circa torridos fontes
 rivosque stragem siti pecorum morientium dedit: scabie 9
 alia absumpta: vulgatique contactu in homines morbi, et
 primo in agrestes ingruerant servitiaque: urbs deinde im-
 pletur. Nec corpora modo affecta tabo, sed animos quoque 1
 Externasuperstitio. multiplex religio et pleraque externa, invasit; novos ritus 2
 sacrificandi vaticinando inferentibus in domos, quibus quae-
 stui sunt capti superstitione animi: donec publicus iam 3
 pudor ad primores civitatis pervenit, cernentes in omnibus
 vicis sacellisque peregrina atque insolita piacula pacis deum
 exposcendae. Datum inde negotium aedilibus, ut animad-
 verterent, ne qui, nisi Romani dii, neu quo alio more, quam
 patrio, colerentur.
- U. C. 328. Irae adversus Veientes in insequentem annum, C. Ser-
 A. C. 424. vilium Aham, L. Papirium Mugillanum consules, dilatae
 C. Servilio, sunt. Tunc quoque, ne confestim bellum indiceretur, neve
 L. Papirio
 II. Coss.

dissensio est. Lata hoc anno lex, quum ad multarum aestimationem pertinuisse dicatur, videtur egisse de aestimandis pecunia bubus et ovibus, quorum multa dicebatur. Vid. Dion. x. 50. A. Gell. xi. 1. Plut. in Popl. et Festum ad vocem *peculatus*. CREV. cf. supr. iii. 31.

8 *Ipsi*] cf. Cic. de Rep. ii. 35. *Levis aestimatio pecudum in multa lege C. Iulii, P. Papirii consulum constituta est. Caius Iulius ter antea consul fuerat; Papirio autem praenomen falsum affictum esse ap. Livium Pighius viderat, et in Caium cum Diodoro immutaverat. Nunc Cicero scribit P. Papirium. A. MAIUS.*

9 *Scabie alia absumpta*] cf. Dion. Exc. Vat. xii. 3. ubi morbus *ψωράδης* dicitur. Niebuhrio quidem videtur fuisse aut id genus morbi quod An-

glice *measles*, aut id quod *small-pox* appellamus.

1 *Tabo*] Hanc vocem aliquando pro *tabe*, quod in codd. pluribus occurrit, usurpari docet Drak. cf. Ov. Met. xv. 626. Virg. Georg. iv. 252. Sil. Ital. ii. 463.

2 *Novos ritus sacrificandi*] Vates novos ritus sacrificandi inferebant in domos promittendo et praedicendo, finem morbi fore, si diis alienigines vicinorum populorum, et alio quam patrio more sacrificarent. Eandem rem etiam pluribus Livius exsecutus est. cf. infr. xxv. 1. DRAK.

3 *Publicus iam pudor*] Donec pudor iam pro republica, i. e. pudor de hac foeditate superstitionis, cuius decus iam ad rempublicam, non privatos modo, pertinebat, ad primores civitates pervenit cf. infr. xxv. 1. CR.

exercitus mitterentur, religio obstitit: fetiales prius mittendos ad res repetendas censuere. Cum Veientibus nuper acie dimicatum ad Nomentum et Fidenas fuerat: indutiaeque inde, non pax, facta: quarum et dies exierat, et ante diem rebellaverant. Missi tamen fetiales: nec eorum, quum more patrum iurati repeterent res, verba sunt audita. Controversia inde fuit, utrum populi iussu indiceretur bellum, an satis esset senatusconsultum. Pervicere tribuni, denuntiando impedituros se delectum, ut consules de bello ad populum ferrent. Omnes centuriae iussere. In eo quoque plebs superior fuit, quod tenuit, ne consules in proximum annum crearentur.

Veientibus
bellum in-
dictum.

Tribuni militum consulari potestate quattuor creati sunt, 31.
T. Quinctius Pennus ex consulatu, C. Furius, M. Postu- U. C. 329.
mius, A. Cornelius Cossus. Ex iis Cossus praefuit urbi: A. C. 423.
tres, delectu habito, profecti sunt Veios, documentoque T. Quin-
fuere, quam plurimum imperium bello inutile esset. Ten- ctio, etc. Tr.
dendo ad sua quisque consilia, quum aliud alii videretur, Mil.
aperuerunt ad occasionem locum hosti. Incertam namque
aciem, signum aliis dari, receptui aliis cani iubentibus, in-
vasere opportune Veientes: castra propinqua turbatos ac
terga dantes acceperunt. Plus itaque ignominiae, quam
cladis, est acceptum. Maesta civitas fuit, vinci insueta:
odisse tribunos, poscere dictatorem, in eo verti spes civitatis.
Et quum ibi quoque religio obstaret, ne non posset nisi ab
consule dici dictator, augures consulti eam religionem ex-
emere. A. Cornelius dictatorem Mam. Aemilium dixit: Mamercus
et ipse ab eo magister equitum est dictus. Adeo, simul Aemilius
fortuna civitatis virtute vera eguit, nihil censoria animad-
versio effecit, quo minus regimen rerum ex notata indigne
domo peteretur. Veientes, re secunda elati, missis circum
Etruriae populos legatis, iactando tres duces Romanos ab
se uno proelio fusos, quum tamen nullam publici consilii

In castra
compulsi
Rom. a Ve-
ientibus.

Mamercus
Aemilius
dictator.

4 *Missi tamen fetiales*] Quos in-
terfectos fuisse scribit Diodor. xii. 80.

5 *Omnes centuriae iussere*] Red-
ditur iam centuriis belli et pacis ar-
bitrium: exinde fit ut tribuni dele-
ctui non amplius impendant.

6 *T. Quinctius Pennus ex consu-
latu*] T. Quinctius, non anno supe-
riore, sed biennio ante consul fuisse
memoratus est. Itaque vel hae voces
ex consulatu delendae sunt, vel intel-
ligendum est T. Quinctium, alterutro
ex prioribus consulibus mortuo, suf-
fectum consulem tertium fuisse. Cr.

7 *Ne non posset*] Hanc scriptu-
ram, quae a Sigonio est, tuentur
scripti omnes nostri. Libenter tamen

cum Gronovio deleverimus non. *Ob-
staret, ne posset dici* idem est ac *ve-
taret dici*. CREV.

8 *Magister equitum*] In hunc an-
num victoriam Cossi reiciendum es-
se Fabius putat, in quo ut *praefectus*
urbis, quippe urbi praefuisse dicitur,
et *magister equitum* munera omnia
consularia exsequabatur. Titulus il-
le, *consulem cepisse Cossus*, spoliis
inscriptus, ea post ann. 327 U. C.
capta fuisse arguit.

9 *Effecit*] Melius fortasse legere-
mus cum Tan. Fabro et Gronovio
offecit. CREV. *Offecit* in textum rece-
pit Bekker.

U. C. 329. societatem movissent, voluntarios undique ad spem praedae
 A. C. 423. asciverunt. Uni Fidenatium populo rebellare placuit: et,
 Fidenates rebellant. tanquam nisi ab scelere bellum ordiri nefas esset, sicut
 legatorum antea, ita tum novorum colonorum caede imbutis
 armis, Veientibus sese coniungunt. Consultare inde prin-
 cipes duorum populorum, Veios an Fidenas sedem belli
 caperent. Fidenae visae opportuniore. Itaque, traiecto
 Tiberi, Veientes Fidenas transtulerunt bellum. Romae
 terror ingens erat. Accito exercitu ab Veiiis, eoque ipso
 ab re male gesta perculso, castra locantur ante portam Col-
 linam, et in muris armati dispositi, et iustitium in foro,
 tabernaeque clausae: fiuntque omnia castris, quam urbi,
 similia. Tum trepidam civitatem, praeconibus per vicos
 dimissis, dictator ad concionem advocatam increpuit, 'quod
 'animos ex tam levibus fortunae momentis suspensos gere-
 'rent, ut, parva iactura accepta, quae ipsa non virtute ho-
 'stium, nec ignavia Romani exercitus, sed discordia impe-
 'ratorum, accepta sit, Veientem hostem sexies victum, per-
 'timescant, Fidenasque prope saepius captas quam oppug-
 'natas. Eosdem et Romanos et hostes esse, qui per tot
 'saecula fuerint: eosdem animos, easdem corporis vires,
 'eadem arma gerere. Se quoque eundem dictatorem
 'Mam. Aemilium esse, qui ante Veientium Fidenatiumque,
 'adiunctis Faliscis, ad Nomentum exercitus fuderit: et
 'magistrum equitum A. Cornelium eundem in acie fore,
 'qui priore bello tribunus militum, Larte Tolumnio rege
 'Veientium in conspectu duorum exercituum occiso, spolia
 'opima Iovis Feretrii templo intulerit. Proin memores,
 'secum triumphos, secum spolia, secum victoriam esse;
 'cum hostibus scelus legatorum contra ius gentium inter-
 'fectorum, caedem in pace Fidenatium colonorum, indutias
 'ruptas, septimam infelicem defectionem, arma caperent.
 'Simul castra castris coniunxissent, satis confidere, nec
 'sceleratissimis hostibus diuturnum ex ignominia exercitus
 'Romani gaudium fore; et populum Romanum intellectu-
 'rum, quanto melius de republica meriti sint, qui se dicta-
 'torem tertium dixerint; quam qui, ob ereptum censurae

32.
 Dictatoris
 oratio.

1 *Momentis*] Similiter supr. ii. 7.
Tam levi momento mea apud vos fa-
ma pendet.

2 *Sexies victum*] Intellige non
 proelio tantum et acie *victum*, sed
 bello. Hinc infra in hac ipsa ora-
 tione hanc numerat dictator *septi-*
mam infelicem defectionem: et supr.
 v. 4. Appius de iisdem Veientibus,
septies rebellarunt. CREV.

3 *Ad Nomentum*] Pugna illa pro
 moenibus Fidenarum pugnata narra-

tur supr. 17 et 18. Alia est pugna
 haud procul Nomento, quae descri-
 pta est supr. 22. et rursus memorata 30.
 sed quae nihil ad Mam. Aemilium
 pertineat. CREV.

4 *Melius ... meriti sint, ... quam*
qui] Vocem *eos*, quae in omnibus
 MSS. post *quam* occurrit, merito de-
 lendam censet Tan. Faber., alioquin
 oratio soloeca esset. Campanus edi-
 dit *quam ii qui*. Kreyssiggio astipula-
 tur Bekker.

‘regnum, labem secundae dictaturae suae imposuerint.’ U. C. 329.
 Votis deinde nuncupatis profectus, mille et quingentos A. C. 423.
 passus citra Fidenas castra locat: dextra montibus, laeva
 Tiberi amne saeptus. T. Quinctium Pennum legatum
 occupare montes iubet, occultumque id iugum capere, quod
 ab tergo hostibus foret. Ipse postero die, quum Etrusci
 5 pleni animorum ab pristini diei meliore occasione, quam
 pugna, in aciem processissent, cunctatus parumper, dum
 speculatores referrent, Quinctium evasisse in iugum pro-
 pinquum arcis Fidenarum, signa profert: peditumque aciem
 instructam pleno gradu in hostem inducit: magistro equi-
 tum praecipit, ne iniussu pugnam incipiat: se, quum opus
 sit, equestri auxilio signum daturum: tum ut memor regiae
 pugnae, memor opimi doni, Romulique ac Iovis Feretrii,
 rem gereret. Legiones impetu ingenti configunt. Roma-
 nus odio accensus, impium Fidenatem, praedonem Veien-
 tem, ruptores indutiarum, cruentos legatorum infanda caede,
 respersos sanguine colonorum suorum, perfidos socios, im-
 belles hostes compellans, factis simul dictisque odium explet.
 Concusserat primo statim congressu hostem: quum repente, 33.
 patefactis Fidenarum portis, nova erumpit acies, inaudita
 6 ante id tempus invisitataque. Ignibus armata ingens mul-
 titudo, facibusque ardentibus tota collucens, velut fanatico
 instincta cursu, in hostem ruit: formaque insolitae pugnae
 Romanos parumper exterruit. Tum dictator, magistro
 equitum equitibusque, tum ex montibus Quinctio accito,
 7 proelium ciens, ipse in sinistrum cornu, quod, incendio
 similis quam proelio, territum cesserat flammis, accurrit:
 claraque voce, ‘Fumone victi,’ inquit, ‘velut examen apum
 ‘loco vestro exacti, inermi cedetis hosti? Non ferro extin-
 ‘guetis ignes? non faces has ipsas pro se quisque, si igni,
 ‘non telis, pugnandum est, ereptas ultro inferetis? Agite,
 ‘nominis Romani ac virtutis patrum vestraeque memores,
 ‘vertite incendium hoc in hostium urbem; et suis flammis
 ‘delete Fidenas, quas vestris beneficiis placare non potuistis.
 ‘Legatorum hoc vos vestrorum colonorumque sanguis, va-
 ‘statique fines monent.’ Ad imperium dictatoris mota
 cuncta acies: faces partim emissae excipiuntur, partim vi
 eripiuntur: utraque acies armatur igni. Magister equitum
 et ipse novat pugnam equestrem. Frenos ut detrahant

Fidenates
erumpunt
facibus ar-
mati.

5 *Ab pristini diei meliore occasio-
ne, quam pugna*] Ab pristini diei
successu, qui potius bona occasio,
quam prospera pugna, dici debebat.
CREV.

6 *Ignibus armata*] cf. Infr. vii. 17.
Tac. Ann. xiv. 3c.

7 *Quod, incendio similis quam
proelio, territum*] Oratio paullo el-
liptica pro, *quod ab eo, quod incendio
similis quam proelio esset, territum
cesserat flammis*, nisi malis versionem
Drakenborch., *cornu fuisse similis
incendio quam proelio*.

U. C. 329. equis, imperat: et ipse princeps, calcaribus subditis evectus,
 A. C. 423. effreno equo in medios ignes infertur: et alii concitati equi libero cursu ferunt equitem in hostem. Pulvis elatus, mixtusque fumo, lucem ex oculis virorum equorumque aufert. Ea, quae militem terruerat, species nihil terruit equos. Ruinae igitur similem stragem eques, quacunque pervaserat, dedit. Clamor deinde accidit novus: qui quum utramque mirabundam in se aciem vertisset, dictator exclamat, 'Quinctium legatum et suos ab tergo hostem 'adortos:' ipse, redintegrato clamore, infert acrius signa.

Vincuntur
 Veientes et
 Fidenates.

34.
 Captae Fi-
 denae.

Quum duae acies, duo diversa proelia, circumventos Etruscos et a fronte et ab tergo urgerent, neque in castra retro, neque in montes, unde se novus hostis obiecerat, iter fugae esset, et equitem passim liberi frenis distulissent equi, Veientium maxima pars Tiberim effusi petunt: Fidenatium qui supersunt, ad urbem Fidenas tendunt. Infert pavidos fuga in mediam caedem: obtruncantur in ripis: alios, in aquam compulsos, gurgites ferunt: etiam peritos nandi lassitudo et vulnera et pavor degravant; pauci ex multis trahunt. Alterum agmen fertur per castra in urbem. Eadem et Romanos sequentes impetus rapit: Quinctium maxime, et cum eo degressos modo de montibus, recentissimum ad laborem militem, quia ultimo proelio advenerat. Hi, postquam mixti hostibus portam intravere, in muros evadunt; suisque capti oppidi signum ex muro tollunt. Quod ubi dictator conspexit, (iam enim et ipse in deserta hostium castra penetraverat,) cupientem militem discurrere ad praedam, spe iniecta maioris in urbe praedae, ad portam ducit; receptusque intra muros, in arcem, quo ruere fugientium turbam videbat, pergit. Nec minor caedes in urbe, quam in proelio, fuit; donec, abiectis armis, nihil praeter vitam petentes, dictatori deduntur. Urbs castraque diripiuntur. Postero die singulis captivis ab equite ad centurionem sorte ductis, et, quorum eximia virtus fuerat, binis, aliis sub corona venundatis, exercitum victorem opulentumque praeda triumphans dictator Romam reduxit: iussoque magistro equitum abdicare se magistratu, ipse deinde abdicat die sexto decimo, reddito in pace imperio, quod in bello trepidisque rebus acceperat.

Classibus
 pugnatum
 ad Fidenas.

Classi quoque ad Fidenas pugnatum cum Veientibus,⁸ quidam annales retulere: rem aequae difficilem atque incredibilem, nec nunc lato satis ad hoc amne; et tum aliquanto, ut a veteribus accepimus, artiore: nisi in traiectu forte flu-

⁸ *Classi quoque . . . pugnatum*] Ridicula pene haec disceptatio, quippe in veteribus annalibus haud dubie scriptum erat, spolia Tolumnii classe

procincta capta esse. Quippe *classis procincta* dicitur ap. Fest. in voce *Procincta*, et ap. A. Gell. i. 11. pro *acie instructa*. cf. supr. 20.

minis prohibendo, aliquarum navium concursum in maius, U. C. 329.
ut fit, celebrantes, navalis victoriae vanum titulum appeti- A. C. 423.
vere.

Insequens annus tribunos militares consulari potestate 35.
habuit A. Sempronium Atratinum, L. Quinctium Cincin- U. C. 330.
natum, L. Furium Medullinum, L. Horatium Barbatum. A. C. 422.
9 Veientibus annorum viginti indutiae datae, et Aequis tri- A. Sempro-
ennii, quum plurium annorum petissent. Et ab seditionibus Mil.
urbanis otium fuit.

Annum insequentem, neque bello foris, neque domi U. C. 331.
seditione insignem, ludi bello voti celebrem, et tribunorum A. C. 421.
militum apparatu, et finitimorum concursu, fecere. Tribuni Ap. Clau-
consulari potestate erant Ap. Claudius Crassus, Sp. Nau- dio, etc. Tr.
tius Rutilus, L. Sergius Fidenas, Sex. Iulius Iulus. Mil.
Spectaculum comitate etiam hospitum, ad id quod publico consensu venerant, advenis gratius fuit. Post ludos conciones Queruntur
seditionisae tribunorum plebi fuerunt, obiurgantium multitu- Tr. Pl. quod
dinem, 'quod, admiratione eorum, quos odisset, stupens, in in tribunis
'aeterno se ipsa teneret servitio: et non modo ad spem militum
'consulatus in partem revocandam aspirare non auderet, creandis
2 'sed ne in tribunis quidem militum creandis (quae com- plebei
'munia essent comitia Patrum ac plebis) aut sui aut suorum praeteri-
3 'meminisset. Desineret ergo mirari, cur nemo de commo- rentur.
'dis plebis ageret. Eo impendi laborem ac periculum,
'unde emolumentum atque honos speretur. Nihil non
'aggressuros homines, si magna conatis magna praemia
'proponantur. Ut quidem aliquis tribunus plebis ruat
'caecus in certamina periculo ingenti, fructu nullo; ex
'quibus pro certo habeat, Patres, adversus quos tenderet,
'bello inexpressibili se persecuturos; apud plebem, pro qua
'dimicaverit, nihilo se honoratiorem fore, neque sperandum,
'neque postulandum esse. Magnos animos magnis hono-
4 'ribus fieri. Neminem se plebeium contempturum, ubi
'contemni desissent. Experiendam rem denique in uno
'aut altero esse, sitne aliquis plebeius ferendo magno
'honori; an portento simile miraculoque sit, fortem ac
'strenuum virum aliquem existere ortum ex plebe. Summa

9 *Annorum viginti*] Annorum cyclicorum, h. e. decem menses continentium, quippe an. 348. U. C. iam exierant indutiae. Niebhr. ii. n. 1017.

1 *Spectaculum comitate . . . hospitum, ad id quod*] *Ad id quod* ex emendatione Walchii pro vulg. *ad quod* in textum reposuit Bekker. scilicet, spectaculum, praeterquam quod publico consensu venerant, comitate hospitum advenis gratius redditum erat.

2 *Quae communia essent comitia*]

In quibus ratio habita esset plebeiorum aequae atque patriciorum candidatorum.

3 *Desineret ergo*] Totus hic locus ex Demosthene adumbratur. vid. Dobr. Advers. p. 354. cf. Isocr. de Pac. § 98.

4 *Neminem*] Neminem plebeium abiecte de se ipso sensurum, aut pusillo futurum animo, si magnis honoribus eorum erigerentur animi. CREV.

U. C. 331. 'vi expugnatum esse, ut tribuni militum consulari potestate
A. C. 421. 'et ex plebe crearentur. Petisse viros domi militiaeque
'spectatos: primis annis sugillatos, repulsos, risui Patribus 5
'fuisse: desisse postremo praebere ad contumeliam os.
'Nec se videre, cur non lex quoque abrogetur, qua id liceat,
'quod nunquam futurum sit: minorem quippe ruborem
'fore in iuris iniquitate, quam si per indignitatem ipsorum
'praetereantur.'

36. Huius generis orationes, cum assensu auditaе, incitavere quosdam ad petendum tribunatum militum, alium alia de commodis plebis laturum se in magistratu profitentem. Agri publici dividendi coloniarumque deducendarum ostentatae spes; et vectigali possessoribus agrorum imposito, 6 in stipendium militum erogandi aeris. Captatum deinde 7 tempus ab tribunis militum, quo per discessum hominum ab urbe, quum Patres clandestina denuntiatione revocati ad diem certam essent, senatusconsultum fieret, absentibus tribunis plebi: ut, quoniam Volscos in Hernicorum agros praedatum exisse fama esset, ad rem inspiciendam tribuni militum proficiscerentur, consulariaque comitia haberentur. Profecti Ap. Claudium, filium decemviri, praefectum urbis relinquunt, impigrum iuvenem, et iam inde ab incunabilis imbutum odio tribunorum plebisque. Tribunis plebi nec cum absentibus iis, qui senatusconsultum fecerant, nec cum

37. Appio, transacta re, quod contenderent, fuit. Creati consules sunt C. Sempronius Atratinus, Q. Fabius Vibulanus.
U. C. 332.
A. C. 420.
C. Sempronio, Q. Fabio Coss. Peregrina res, sed memoria digna, traditur eo anno facta: Vulturnum, Etruscorum urbem, quae nunc Capua est, ab 8 Samnitibus captam; Capuamque ab duce eorum Capye, 9 vel (quod propius vero est) a campestri agro appellatam.

5 *Sugillatos*] Quid sit proprie *sugillare* intelligitur ex Plin. H. N. xxxi. 9. *oculi ex ictu suffusi cruore sugillatique*, et xx. 6. *sugillata aut liventia*. Quemadmodum autem *sugillare* hoc loco, ita infr. xliii. 14. *sugillatio* de contumelia. RASCH.

6 *Possessoribus*] Qui agrum *publicum* vectigali subiectum usu tenebant.

7 *In stipendium militum*] Hinc liquet *fructum sive vectigal agri publici* antiquitus in stipendium militum erogatum fuisse; id quod tribuni in usum revocare volebant. cf. Niebhr. ii. n. 296. 966. Idem legem hanc perlatam fuisse censet, ii. p. 426.

8 *Ab Samnitibus captam*] Hinc populus ille Campanus, qui milites mercenarios Dionysio et Agathocli

suppeditavit, originem duxit. Capua, urbs antiquitus Tyrrhena, Osca iam pridem facta fuerat. Iam vero Samnites, qui an. 314. U. C. cf. Diodor. xii. 31. in civitatem accepti sunt, urbem Capuam, civibus antiquis aut devictis aut interfectis, suae ditionis fecerunt. Etruscorum in Campania ne minimum vestigium superesse testatur Niebhr. i. p. 76.

9 *Ab duce eorum Capye*] Heyn. Opusc. Acad. v. p. 435. nomen urbi a Tuscis inditum fuisse scribit, viso falconis sive vulturis augurio, qui Tusca lingua *Capys* dicitur. cf. Serv. in Aen. x. 145. Strab. v. p. 371. Cluver. Ital. Ant. iv. 1. Adeo ut Vulturinus eius interpretamentum habendum sit.

Cepere autem, prius bello fatigatis Etruscis, in societatem U. C. 332.
urbis agrorumque accepti: deinde festo die graves somno A. C. 420.
epulisque incolas veteres novi coloni nocturna caede
adorti.

- 1 His rebus actis, consules ii, quos diximus, Idibus Decembribus magistratum occepere. Iam non solum, qui ad id missi erant, retulerant, imminere Volscum bellum; sed legati quoque ab Latinis et Hernicis nuntiabant, 'Non ante unquam Volscos nec ducibus legendis, nec exercitui scribendo, intentiores fuisse. Vulgo fremere, aut in perpetuum arma bellumque oblivioni danda, iugumque accipiendum; aut iis, cum quibus de imperio certetur, nec virtute, nec patientia, nec disciplina rei militaris cedendum esse.' Haud vana attulere: sed nec perinde Patres moti Bellum cum Volscis.
sunt; et C. Sempronius, cui ea provincia sorti evenit, tantamquam constantissimae rei, fortunae fretus, quod victoris populi adversus victos dux esset, omnia temere ac negligenter egit: adeo ut disciplinae Romanae plus in Volseo exercitu, quam in Romano, esset. Ergo fortuna, ut saepe alias, virtutem est secuta. Primo proelio, quod ab Sempronio incante inconsulteque commissum est, non subsidiis firmata acie, non equite apte locato, concursus est. Clamor indicium primum fuit, quo res inclinatura esset: excitatior crebriorque ab hoste sublatus; ab Romanis dissonus,
3 impar, segnius saepe iteratus prodidit pavorem animorum. Eo ferocior illatus hostis, urgere scutis, micare gladiis: Premuntur Romani.
altera ex parte nutant circumspectantibus galeae, et incerti trepidant, applicantque se turbae. Signa nunc resistentia deseruntur ab antesignanis, nunc inter suos manipulos recipiuntur. Nondum fuga certa, nondum victoria erat: tegi magis Romanus, quam pugnare. Volscus inferre signa, urgere aciem, plus caedis hostium videre, quam fugae. Iam omnibus locis ceditur, nequicquam Sempronio consule obiurgante atque hortante: nihil nec imperium, nec maiestas valebat: dataque mox terga hostibus forent, ni Sex.
4 Tempanius, decurio equitum, labente iam re, praesenti animo subvenisset. Qui quum magna voce exclamasset,

38.

1 *Idibus Decembribus*] cf. Supr. iii. 36.

2 *Fortunae fretus*] Sic infr. vi. 13. praeter reliquorum scriptorum morem, id quod Livii Patavinitati tribuitur, *fretus* cum dativo iungitur. RASCH.

3 *Saepe iteratus prodidit*] Post *iteratus* voces *incerto clamore* codices plerique: at *incerto tenore* ex emendatione Sigonii in textum reposuit Bekker. Haec tanquam corrupta ver-

ba Kreyssig. omnino omittit, ut Grutero placuit. *Incertus* omissa voce *clamore* edidit Campanus.

4 *Decurio equitum*] Vegetius ii. 14. *Habet una turma equites XXXII; huic qui praest, decurio nominatur. SUIORUM.* Sed haec parum accurate, cf. Polyb. vi. 25, qui singulis turmis tres turmarum duces *ἑταίρας* praefectos scribit, quorum princeps turmam ducit, ceteri duo quisque decuriam, omnes autem *decuriones* appellati.

- U. C. 332. 'ut equites, qui salvam rempublicam vellent esse, ex equis
A. C. 420. 'desilirent;'; omnium turmarum equitibus, velut ad consulis
Equites imperium motis: 'Nisi haec,' inquit, 'parmata cohors sistat
pugnam 'impetum hostium, actum de imperio est. Sequimini pro
restituunt. 'vexillo cuspidem meam. Ostendite Romanis Volscisque,
'neque equitibus vobis ullos equites, nec peditibus esse
'pedites pares.' Quum clamore comprobata adhortatio
esset, vadit alte cuspidem gerens. Quacunque incedunt,
vi viam faciunt: eo se inferunt obiectis parmis, ubi suorum
plurimum laborem vident. Restituitur omnibus locis pugna,
in quae eos impetus tulit: nec dubium erat, quin, si tam
pauci simul obire omnia possent, terga daturi hostes fuerint.
39. Et quum iam parte nulla sustinerentur, dat signum Volscus
imperator, ut parmatis, novae cohorti hostium, locus detur:
donec impetu illati ab suis excludantur. Quod ubi est
factum, interclusi equites: nec perrumpere eadem, qua
transierant, posse; ibi maxime confertis hostibus, qua viam
fecerant: et consul legionesque Romanae, quum quod
tegumen modo omnis exercitus fuerat, nusquam viderent,
ne tot fortissimos viros interclusos opprimeret hostis, tendunt
in quemcunque casum. Diversi Volsci, hinc consulem ac
legiones sustinere, altera fronte instare Tempanio atque
equitibus: qui quum saepe conati nequissent perrumpere
ad suos, tumulo quodam occupato, in orbem se tutabantur,
nequaquam inulti. Nec pugnae finis ante noctem fuit.
Consul quoque, nusquam remisso certamine, dum quicquam
superfuit lucis, hostem tenuit. Nox incertos diremit: tan-
tusque ab imprudentia eventus utraque castra tenuit pavor, 5
ut, relictis sauciis et magna parte impedimentorum, ambo
pro victis exercitus se in montes proximos reciperent.
Tumulus tamen circumsessus ultra mediam noctem est:
quo quum circumsedentibus nuntiatum esset, castra deserta
esse, victos rati suos, et ipsi, qua quemque in tenebris pavor
tulit, fugerunt. Tempanius metu insidiarum suos ad lucem
tenuit. Degressus deinde ipse cum paucis speculatum,
quum ab sauciis hostibus sciscitando comperisset, castra
Volscorum deserta esse, lactus ab tumulo suos devocat, et
in castra Romana penetrat. Ubi quum vasta desertaque
omnia, atque eandem, quam apud hostes, foeditatem inven-
nisset, priusquam Volscos cognitus error reduceret, quibus
poterat sauciis ductis secum, ignarus quam regionem consul
petisset, ad urbem proximis itineribus pergit.
40. Iam eo fama pugnae adversae castrorumque desertorum
perlata erat: et ante omnia deplorati erant equites, non

Uterque
exercitus
castra dese-
rit.

5 *Ab imprudentia eventus*] Pro- bant: *imprudentia* iam pro *ignorantia* posita videtur. DOER.

privato magis, quam publico luctu: Fabiusque consul, ter-
 rore urbi quoque iniecto, stationem ante portas agebat: U. C. 332.
A. C. 420.
 quum equites, procul visi non sine terrore ab dubiis, quinam
 essent, mox cogniti, tantam ex metu laetitiam fecere, ut
 clamor urbem pervaderet gratulantium, salvos victoresque
 redisse equites: et ex maestis paullo ante domibus, quae
 6 conclamaverant suos, procurreretur in vias; pavidaeque
 matres ac coniuges, oblitae prae gaudio decoris, obviam ag-
 mini occurrerent, in suos quaeque, simul corpore atque
 animo vix prae gaudio compotes, effusae. Tribunis plebi,
 7 qui M. Postumio et T. Quinctio diem dixerant, quod ad
 Veios eorum opera male pugnatum esset, occasio visa est
 per recens odium Sempronii consulis renovandae in eos in-
 vidiae. Itaque, advocata concione, quum proditam Veii
 rempublicam esse ab ducibus, proditum deinde, quia illis
 impune fuerit, in Volscis ab consule exercitum, traditos ad
 caedem fortissimos equites, deserta foede castra vociferati
 8 essent; C. Iulius, unus ex tribunis, Tempanium equitem Tr. Pl.
Tempa-
nium inter-
rogat de
Sempronio
Cos.
 9 vocari iussit; coramque iis, ‘Sexte Tempani,’ inquit,
 ‘quaero de te, arbitrerisne C. Sempronium consulem aut
 ‘in tempore pugnam inisse, aut firmasse subsidiis aciem,
 ‘aut ullo boni consulis functum officio? et, tunc ipse, victis
 ‘legionibus Romanis, tuo consilio equitem ad pedes de-
 ‘duxeris, restituerisque pugnam? excluso deinde ab acie
 ‘nostra tibi atque equitibus num aut consul ipse subvenerit,
 ‘aut miserit praesidium? postero denique die ecquid
 ‘praesidii usquam habueris? an tu cohorsque in castra
 ‘vestra virtute perruperitis? ecquem in castris consulem,
 ‘ecquem exercitum inveneritis? an deserta castra, relictos
 ‘saucios milites? Haec pro virtute tua fideque, qua una
 ‘hoc bello respublica stetit, dicenda tibi sunt hodie. De-
 ‘nique, ubi C. Sempronius, ubi legiones nostrae sint? de-
 ‘sertus sis, an deserueris consulem exercitumque? victi
 ‘denique simus, an vicerimus?’ Adversus haec Tempanii 41.
Respondet
Tempanius.
 oratio incomperta fuisse dicitur; ceterum militariter gravis,
 non suis vana laudibus, non crimine alieno lacta: ‘Quanta
 ‘prudentia rei bellicae in C. Sempronio esset, non militis
 ‘de imperatore existimationem esse, sed populi Romani
 ‘fuisse, quum eum comitiis consulem legeret. Itaque ne

6 *Conclamaverant*] Pro deploratis
 ac desperatis habuerant. Moris erat
 antiquis, antequam mortuos sepulcro
 conderent, ter eorum nomina magna
 voce inclamare. Virgil. Aen. vi. 506,
Et magna Manes ter voce vocari.
 Inde *conclamari* dicuntur ii, qui mor-
 tuum creduntur. CIRCA V.

7 *Quod ad Veios*] Quinto ante an-

nō. Vid. supr. 31.

8 *C. Iulius*] *C. Iunius*, quod pro-
 bat Drak., alibi enim *Iulii* plebei
 non occurrunt, in textum reposuit
 Bekker. Voces autem *Iunius* et *Iu-
 lius* in MSS. commutari videbimus
 infr. xxiii. 32.

9 *Coramque iis*] Nempe M. Post-
 umio et T. Quinctio.

U. C. 332. ' ab se imperatoria consilia, neu consulares artes exquirent,
 A. C. 420. ' quae pensitanda quoque magnis animis atque ingeniis
 ' essent; sed, quod viderit, referre posse. Vidisse autem
 ' se prius, quam ab acie intercluderetur, consulem in prima
 ' acie pugnantem, adhortantem, inter signa Romana telaque
 ' hostium versantem: postea se ab conspectu suorum abla-
 ' tum. Ex strepitu tamen et clamore sensisse, usque ad
 ' noctem extractum certamen: nec ad tumultum, quem ipse
 ' tenuerat, prae multitudine hostium credere perrumpi
 ' potuisse. Exercitus ubi esset, se nescire: arbitrari, velut
 ' ipse in re trepida loci praesidio se suosque sit tutatus, sic
 ' consulem servandi exercitus causa loca tutiora castris
 ' cepisse. Nec Volscorum meliores res esse credere, quam
 ' populi Romani. Fortunam noctemque omnia erroris
 ' mutui implere: precantemque deinde, ne se fessum la-
 ' bore ac vulneribus tenerent, cum ingenti laude, non virtutis
 ' magis, quam moderationis, dimissum. Quum haec age-
 ' rentur, iam consul via Lavicana ad fanum Quietis erat.
 ' Eo missa plaustra iumentaque alia ab urbe exercitum,
 ' affectum proelio ac via nocturna, excepere. Paullo post
 ' in urbem est ingressus consul, non ab se magis enixe amo-
 ' vens culpam, quam Tempanium meritis laudibus ferens.
 ' Maestae civitati ab re male gesta et iratae ducibus M.
 ' Postumius reus obiectus, qui tribunus militum pro consule
 ' ad Veios fuerat, decem millibus aeris gravis damnatur. T.
 ' Quinctium collegam eius, quia et in Volscis consul auspicio
 ' dictatoris Postumii Tuberti, et ad Fidenas legatus dictatoris
 ' alterius Mam. Aemilii, res prospere gesserat, totam culpam
 ' eius temporis in praedamnatum collegam transferentem,
 ' omnes tribus absolverunt. Profuisse ei Cincinnati patris
 ' memoria dicitur, venerabilis viri, et exactae iam aetatis
 ' Capitolinus Quinctius, suppliciter orans, ne se, brevi reli-
 ' quo vitae spatio, tam tristem nuntium ferre ad Cincinnatum
 ' paterentur.

42. Plebs tribunos plebi absentes, Sex. Tempanium, A. Sel-
 lium, Sex. Antistium, et Sp. Icilium, fecit; quos et pro
 centurionibus sibi praefecerant, Tempanio auctore, equites.

1 *Quae pensitanda quoque*] h. e. Quorum inquisitio quoque et existi-
 matio magnis animis atque ingeniis
 indigeret. *Pensitare* enim est quasi
 ad regulam et libellam aliquid exigere.
 RASCH.

2 *Aeris gravis*] Assium *libralium*,
 qui in solvendo non numerabantur,
 saltem ubi grandior summa erat, sed
 appendebantur. Inde orta est ap-
 pellatio *aeris gravis* quod distinguen-
 dum est ab *aere rudi*, quo nomine

aes non signatum intelligitur. CREV.
 Necnon ab *assibus* simpliciter positus,
 qui semper *asses signatos* cuiuscun-
 que ponderis, prout pondo diminuti
 fuerint, significant.

3 *Quos et pro centurionibus sibi
 praefecerant . . . equites*] In illa ni-
 mirum nocte, quam interclusi a cetero
 exercitu in tumultu ab hostibus cir-
 cumsesso sine certis ducibus egerant.
Pro centurionibus autem dicit Livius,
 non *centuriones*, quia nulli erant cen-

Senatus, quum odio Sempronii consulare nomen offenderet, U. C. 332.
 4 tribunos militum consulari potestate creati A. C. 420.
 5 sunt L. Manlius Capitolinus, Q. Antonius Merenda, L. U. C. 333.
 Papirius Mugillanus. Principio statim anni L. Hortensius A. C. 419.
 tribunus plebis C. Sempronio consuli anni prioris diem L. Manlio,
 dixit: quem quum quattuor collegae, inspectante populo etc. Tr. Mil.
 Romano, orarent, ne imperatorem suum innoxium, in quo Sempronius
 nihil praeter fortunam reprehendi posset, vexaret: aegre accusatur
 Hortensius pati, tentationem eam credens esse perseveran- ab Horten-
 tiae suae; nec precibus tribunorum, quae in speciem modo sio.
 iactentur, sed auxilio confidere reum. Itaque modo ad
 eum conversus, 'Ubi illi patricii spiritus, ubi subnissus et
 'fidens innocentiae animus esset?' quaerebat; 'sub tribu-
 'nicia umbra consularem virum delituisse:' modo ad colle-
 6 gas, 'Vos autem, si reum perago, quid acturi estis? an
 'erepturi ius populo et eversuri tribuniciam potestatem?'
 Quum illi, 'et de Sempronio et de omnibus summam
 'populi Romani potestatem esse,' dicerent, 'nec se iudi-
 'cium populi tollere aut velle, aut posse; sed, si preces
 'suae pro imperatore, qui sibi parentis esset loco, non valu-
 'issent, se vestem cum eo mutaturos:' tum Hortensius, Donatur
 'Non videbit,' inquit, 'plebs Romana sordidatos tribunos precibus
 7 'suos. C. Sempronium nihil moror, quando hoc est in Tempanii.
 'imperio consecutus, ut tam carus esset militibus.' Nec
 pietas quattuor tribunorum, quam Hortensii tam placabile
 ad iustas preces ingenium, pariter plebi Patribusque gratior
 fuit.

Non diutius fortuna Aequis indulset, qui ambiguum vi-
 ctoriam Volscorum pro sua amplexi fuerant. Proximo anno 43.
 N. Fabio Vibulano, T. Quinctio, Capitolini filio, Capitolino U. C. 334.
 consulibus, ductu Fabii, cui sorte ea provincia evenerat, A. C. 418.
 nihil dignum memoratu actum. Quum trepidam tantum Num. Fa-
 ostendissent aciem Aequi, turpi fuga funduntur, haud bio, T.
 Quinctio
 Coss.

turiones apud equites, sed proprii
 erant illi pedestrium copiarum. Sed
 hi equites, quum sine equis tum es-
 sent, pro pedestribus copiis haberi
 potuerant et voluerant, atque ideo
 sibi quosdam quasi centuriones prae-
 fecerant. CREV. Alii legunt *L. Anti-*
stium et *Ser. Pompilium*. cf. infr. 44.

4 *Creati sunt*] Sigonio videtur *L.*
Servilii nomen incuria quadam hoc
 anno intercidisse, quippe qui infr.
 47. tribunus mil. cons. potest. iterum
 creatum sit. Niebuhrio haec conie-
 ctura arridet, qui hoc anno, quum cen-
 siores nulli essent, haud dubie patri-
 cium quendam urbi praefectum fu-

isse existimat. ii. not. 869.

5 *Q. Antonius Merenda*] Quem
 plebeium fuisse censet Niebhr. ii. p.
 423, et ideo eum patres passos es-
 se tribunum creati, ut, in gratiam
 plebis odio Sempronii ferocientis quo-
 dammodo redirent.

6 *Si reum perago*] Si officio accu-
 satione mea, ut damnetur. cf. infr.
 xxiv. 25.

7 *Nihil moror*] Solennia verba iu-
 dicis reum dimittentis. Quin et en-
 dem fere formula utebatur consul,
 vel quicumque senatum dimittebat, di-
 cendo, *nihil vos moramur, Patres con-*
scripti. cf. infr. viii. 35. xliii. 16. DRÄK.

U. C. 334. magno consulis decore: itaque triumphus negatur. Cete-
 A. C. 418. rum ob Sempronianae cladis levatam ignominiam, ut ovans urbem intraret, concessum est.

Quemadmodum bellum minore, quam timuerant, dimicatione erat perfectum, sic in urbe ex tranquillo necopinata moles discordiarum inter plebem ac Patres exorta est, coepta ab duplicando quaestorum numero. Quam rem, (ut, praeter duos urbanos quaestores, duo consulibus ad ministeria belli praesto essent,) a consulibus relata, quum et Patres summa ope approbassent, consulibus tribuni plebis certamen intulerunt, ut pars quaestorum (nam ad id tempus patricii creati erant) ex plebe fieret. Adversus quam actionem primo et consules et Patres summa ope annisi sunt: concedendo deinde, ut, quemadmodum in tribunis consulari potestate creandis usi sunt, adaeque in quaestoribus liberum esset arbitrium populi, quum parum proficerent, totam rem de augendo quaestorum numero omittunt. Excipiunt omissam tribuni, aliaeque subinde, inter quas et agrariae legis, seditiosae actiones existunt: propter quos motus quum senatus consules, quam tribunos, creari mallet, neque posset per intercessionem tribunicias senatusconsultum fieri; respublica a consulibus ad interregnum, neque id ipsum (nam coire patricos tribuni prohibebant) sine certamine ingenti, redit. Quum pars maior insequentis anni per novos tribunos plebi et aliquot interreges certaminibus extracta esset, modo prohibentibus tribunis patricos coire ad prodendum interregem, modo interregem interpellantibus, ne senatusconsultum de comitiis consularibus faceret; postremo L. Papirius Mugillanus, proditus interrex, castigando nunc Patres, nunc tribunos plebi, ‘desertam omis-
 ‘samque ab hominibus rempublicam, deorum providentia
 ‘curaque exceptam,’ memorabat, ‘Veientibus indutiis et
 ‘cunctatione Aequorum stare. Unde si quid increpet ter-
 ‘roris, sine patricio magistratu placere rempublicam op-
 ‘primi? non exercitum, non ducem scribendo exercitui
 ‘esse? An bello intestino bellum externum propulsaturos?
 ‘Quae si in unum conveniant, vix deorum opibus, quin

8 *Ut, praeter duos urbanos quaestores, duo consulibus]* *Praeter duos urbanos quaestores, ut duo consulibus,* ex emend. Sigon. in textum reposuit Bekker. Hos vero novos quaestores, qui ad belli ministeria consulibus praesto essent, creatos fuisse existimat Niebuhrius, propterea quod vectigal possessoribus agri publici rursus impositum fuerat, ut in stipendium

militum aes erogaretur. Maximi autem momenti fuit plebi, ut pars quaestorum ex suis fieret, ne vectigal illud nomine tantum impositum fuisset, re vera non penderetur. cf. Niebhr. ii. p. 427. Wachsm. p. 373.

9 *Certamen intulerunt]* sc. Rem, a patribus approbatam, ad comitia tributa se relatuos negarunt, nisi pars quaestorum ex plebe fieret.

Duplicatus
 quaestorum
 numerus.

- ‘obruatur Romana res, resisti posse. Quin illi, remittendo U. C. 334.
 1 ‘de summa quisque iuris, mediis copularent concordiam: A. C. 418.
 ‘Patres, patiendo tribunos militum pro consulibus fieri:
 2 ‘tribuni plebis, non intercedendo, quo minus quattuor Quaestura
 ‘quaestores promiscue de plebe ac Patribus libero suffragio promiscua
 ‘populi fierent.’ plebi ac
 Patribus.

Tribunicia primum comitia sunt habita. Creati tribuni 44.
 consulari potestate omnes patricii, L. Quinctius Cincinnatus U. C. 335.
 tertium, L. Furius Medullinus iterum, M. Manlius, A. A. C. 417.
 Sempronius Atratinus. Hoc tribuno comitia quaestorum L. Quinctio
 habente, petentibusque inter aliquot plebeios filio Antistii III. etc.
 tribuni plebis et fratre alterius tribuni plebis Sex. Pompilii, Tr. Mil.
 nec potestas, nec suffragatio horum valuit, quin, quorum Quaestores
 patres avosque consules viderant, eos nobilitate praeferrent. patricii om-
 nes creati.
 Furere omnes tribuni plebis, ante omnes Pompilius Anti-
 stiusque, repulsa suorum accensi, ‘Quidnam id rei esset?
 ‘non suis beneficiis, non Patrum iniuriis, non denique
 3 ‘usurpandi libidine, quum liceat, quod ante non licuerit,
 ‘si non tribunum militarem, ne quaestorem quidem quem-
 ‘quam ex plebe factum. Non valuisse patris pro filio,
 ‘fratris pro fratre preces, tribunorum plebis, potestatis sa-
 ‘crosanctae, ad auxilium libertatis creatae. Fraudem pro-
 ‘fecto in re esse, et A. Sempronium comitiis plus artis
 ‘adhibuisse, quam fidei. Eius iniuria queri suos honore
 ‘deiectos.’ Itaque quum in ipsum, et innocentia tutum et
 magistratu, in quo tunc erat, impetus fieri non posset,
 4 flexere iras in C. Sempronium, patruelem Atratini: eique
 ob ignominiam Volsci belli, adiutore collega M. Canuleio,
 diem dixere. Subinde ab iisdem tribunis mentio in senatu C. Sempro-
 de agris dividendis illata est, (cui actioni semper acerrime nius accusa-
 C. Sempronius restiterat,) ratis, id quod erat, aut deposita tus et dam-
 causa leviolem futurum apud Patres reum, aut perseveran- natus.
 tem sub iudicii tempus plebem offensurum. Adversae in-
 vidiae obici maluit, et suae nocere causae, quam publicae
 deesse; stetitque in eadem sententia, ‘Ne qua largitio, ces-
 ‘sura in trium gratiam tribunorum, fieret. Nec tum
 ‘agrum plebi, sed sibi invidiam, quaeri. Se quoque subi-
 ‘turum eam tempestatem forti animo: nec senatui tanti
 ‘se civem, aut quemquam alium debere esse, ut in parcendo

1 *Mediis*] ac. Consiliis, quibus me-
 diam utraque pars ita quasi viam in-
 iret, ut altera alteri de iure suo ali-
 quid concederet. Sic passim ap. no-
 strum *media consilia*, cf. infr. viii. 13.

2 *Quattuor quaestores*] Quibus
 post exactum magistratus annum adi-
 tus in senatum pateret, nisi qui, tan-
 quam indigni, nota censoria inusti

essent.

3 *Usurpandi libidine*] Ut expleant
 naturale desiderium fruendi eo iure,
 quod novum concessum sit. Cuius.

4 *C. Sempronium*] Cui, eiusdem rei
 causa, Hortensius diem dixerat supr.
 42, et nondum iudicio facto, precibus
 collegarum culpam remisit.

U. C. 335. 'uni malum publicum fiat.' Nihilo demissiore animo,
A. C. 417. quum dies venit, causa ipse pro se dicta, nequicquam omnia expertis Patribus, ut mitigarent plebem, quindecim millibus aeris damnatur.

Vestalis
suspecta ob
cultum
amoenio-
rem. Eodem anno Postumia, virgo Vestalis, de incestu causam dixit, crimine innoxia; ob suspicionem propter cultum⁵ amoeniorem ingeniumque liberius, quam virginem decet, parum abhorrens famam. Ampliatam, deinde absolutam,⁷ pro collegii sententia pontifex maximus abstinere iocis, colique sancte potius, quam scite, iussit. Eodem anno a Campanis Cumae, quam Graeci tum urbem tenebant,⁸ capiuntur.

U. C. 336.
A. C. 416. Insequens annus tribunos militum consulari potestate habuit, Agrippam Menenium Lanatum, P. Lucretium

45. Tricipitinum, Sp. Nautium Rutilum. Annus, felicitate⁹ populi Romani, periculo potius ingenti, quam clade, insignis. Servitia, urbem ut incenderent distantibus locis, coniura-¹ runt; populoque ad opem passim ferendam tectis intento, ut arcem Capitoliumque armati occuparent. Avertit nefanda consilia Iupiter: indicioque duorum comprehensi sontes poenas dederunt. Indicibus dena millia gravis aeris, quae tum divitiae habebantur, ex aerario numerata, et libertas praemium fuit. Bellum inde ab Aequis reparari coeptum: et, novos hostes Lavicanos consilia cum veteribus iungere, haud incertis auctoribus Romam est allatum. Aequorum iam velut anniversariis armis assuerat civitas. Lavicos legati missi quum responsa inde retulissent dubia, quibus, nec tum bellum parari, nec diuturnam pacem fore, appareret: Tusculanis negotium datum, 'adverterent animos, ne quid novi tumultus Lavicis oriretur.'

Servorum
coniuratio.

Ad insequentis anni tribunos militum consulari potestate,²

⁵ *Crimine innoxia*] Sic supr. 15. *insons crimine*; infr. vii. 20. *noxius crimine*, dici monet Drak.

⁶ *Ob suspicionem . . . parum abhorrens famam*] *Ab suspicione . . . parum abhorrens. Eam.* ex coniectura Gronovii in textum recepit Stroth. Sed *abhorre* cum accusativo infr. xl. 57. occurrit, *et parum abhorrens famam* hic dici videtur, tanquam parum evitans rumores hominum. cf. Thucyd. ii. 45.

⁷ *Ampliatam*] *Ampliare* verbum est forense, quod de iudiciis adhibetur, quum rem non decernunt, sed in alium diem differunt, quo *amplius* cognoscatur. Ampliationis formula erat *non liquet*. STROTH.

⁸ *Cumae*] Antiquissima haec Graecorum in Italia colonia, ab Euboeae

oppido, Chalcide profecta erat. Vestigia Graecorum post quadringentos abhinc annos in Cumis adhuc supererant. Strab. v. p. 243. Liv. xl. 42. Niebhr. i. p. 92.

⁹ *Sp. Nautium Rutilum*] Pro *Spurio*, *Servius* ap. Dion. Exc. Vat. xii. 5. legitur.

¹ *Servitia*] Hanc servorum coniurationem fusius narrat Dion. Exc. Vat. xii. 5. "Duobus indicibus praemium libertas et [mille] singulis drachmae ex aerario datae sunt." In codice summa drachmarum praetermittitur, quam ex coniectura sua addidit A. Maius.

² *Insequentis anni*] Hoc anno censores fuisse ex Fragm. Fast. Capit. patet. cf. Niebhr. ii. p. 391.

inito magistratu, legati ab Tusculo venerunt, L. Sergium U. C. 337.
 Fidenatem, M. Papirium Mugillanum, C. Servilium, Prisci A. C. 415.
 filium, quo dictatore Fidenae captae fuerant. Nuntiabant L. Sergio
 legati, Lavicanos arma cepisse, et cum Aequorum exercitu III. etc.
 3 depopulatos agrum Tusculanum castra in Algido posuisse. Tr. Mil.
 Tum Lavicanis bellum indictum: factoque senatusconsulto, Bellum
 ut duo ex tribunis ad bellum profiscerentur, unus res cum Lavi-
 Romae curaret, certamen subito inter tribunos exortum. canis et
 4 Se quisque belli ducem potiolem ferre, curam urbis, ut in- Aequis.
 gratam ignobilemque, aspernari. Quum parum decorum
 inter collegas certamen mirabundi Patres conspicerent, Q.
 Servilius, 'Quando nec ordinis huius ulla,' inquit, 'nec rei- Discordia
 'publicae est verecundia, patria maiestas altercationem Tr. Mil.
 'istam dirimet. Filius meus extra sortem urbi praeerit.
 'Bellum utinam, qui appetunt, consideratius concordiusque,
 'quam cupiunt, gerant.' Delectum haberi non ex toto 46.
 passim populo placuit. Decem tribus sorte ductae sunt;
 ex his scriptos iuniores duo tribuni ad bellum duxere.
 Coepta inter eos in urbe certamina cupiditate eadem imperii
 multo impensius in castris accendi: nihil sentire
 idem, pro sententia pugnare: sua consilia velle, sua imperia
 sola rata esse: contemnere in vicem, et contemni: donec,
 5 castigantibus legatis, tandem ita comparatum est, ut alternis
 diebus summam imperii haberent. Quae quum allata
 Romam essent, dicitur Q. Servilius, aetate et usu doctus,
 precatus ab diis immortalibus, ne discordia tribunorum
 damnosior reipublicae esset, quam ad Veios fuisset: et,
 velut haud dubia clade imminente, instituisse filio, ut milites
 scriberet, et arma pararet. Nec falsus vates fuit. Nam
 ductu L. Sergii, cuius dies imperii erat, loco iniquo sub
 hostium castris, quum, quia simulato metu receperat se
 hostis ad vallum, spes vana expugnandi castra co traxisset,
 6 repentino impetu Aequorum per supinam vallem fusi sunt,
 multique in ruina maiore quam fuga oppressi obtruncatique: Proelio vin-
 castraque, eo die aegre retenta, postero die, circumfusus iam cuntur.
 magna ex parte hostibus, per aversam portam fuga turpi
 deseruntur. Duces legatique, et quod circa signa roboris
 de exercitu fuit, Tusculum petiere. Palati alii per agros
 passim multis itineribus, maioris, quam accepta erat, cladis
 nuntii Romam contenderunt. Minus trepidationis fuit,
 quod eventus timori hominum congruens fuerat; et quod

3 *Algido*] Ultima hac vice Aequi castra in Algido posuerunt.

4 *Potiolem ferre*] sc. *Potiolem indicare*, ut Tac. de Germ. 31. nisi *praedicare* malis, ut Vell. Patere. 1. 11. Val. Max. ix. 15.

5 *Ita comparatum est*] Ita inter

eos pacto constitutum est, ut supr. iii. 41. *decemviri inter se comparabant*.

6 *Per supinam vallem*] *Supina vallis* est quibus est a tergo, qui ex colle in vallem retrocedunt, facie in adversum collem directa, ac proinde supino corpore. Crev.

U. C. 337. subsidia, quae respicerent in re trepida, praeparata erant ab
 A. C. 415. tribuno militum: iussuque eiusdem, per minores magistratus
 sedato in urbe tumultu, speculatores propere missi nuntia-
 vere, Tusculi duces exercitumque esse: hostem castra
 Q. Servilius loco non movisse. Et, quod plurimum animorum fecit,
 dictator. dictator ex senatusconsulto dictus Q. Servilius Priscus; vir,
 cuius providentiam in republica quum multis aliis tempe-
 statibus ante experta civitas erat, tum eventu eius belli, quod
 uni certamen tribunorum suspectum ante rem male gestam
 fuerat; magistro equitum creato, a quo ipse tribuno militum
 dictator erat dictus, filio suo, ut tradidere quidam, (nam
 alii Ahalam Servilium magistrum equitum eo anno fuisse
 scribunt,) novo exercitu profectus ad bellum, accitis qui
 Tusculi erant, duo millia passuum ab hoste locum castris
 cepit.

47. Transierat ex re bene gesta superbia negligentiaque ad
 Vincit Aequos, quae in Romanis ducibus fuerat. Itaque primo
 hostes. statim proelio quum dictator equitatu immisso antesignanos
 hostium turbasset, legionum inde signa inferri propere
 iussit, signiferumque ex suis unum cunctantem occidit.
 Tantus ardor ad dimicandum fuit, ut impetum Aequi non
 tulerint: victique acie quum fuga effusa petissent castra,
 brevior tempore et certamine minor castrorum oppugnatio
 fuit, quam proelium fuerat. Captis direptisque castris,
 quum praedam dictator militi concessisset, secutique fugi-
 entem ex castris hostem equites renuntiassent, omnes
 Lavici Lavicanos victos, magnam partem Aequorum Lavicos con-
 fugisse; postero die ad Lavicos ductus exercitus: oppi-
 dumque, corona circumdatum, scalis captum ac direptum
 est. Dictator, exercitu victore Romam reducto, die octavo,
 quam creatus erat, magistratu se abdicavit; et opportune
 senatus, priusquam ab tribunis plebi agrariae seditiones,
 mentione illata de agro Lavicano dividendo, fierent, censuit
 frequens, coloniam Lavicos deducendam. Coloni ab urbe
 mille et quingenti missi bina iugera acceperunt.

U. C. 338. Captis Lavicis, ac deinde tribunis militum consulari po-
 A. C. 414. testate, Agrippa Menenio Lanato, et L. Servilio Structo,
 Agr. Mene-
 nio II. etc.
 Tr. Mil.

7 *Oppidum*] Ex hoc tempore de
 Lavicis silent scriptores. Regionem
 Lavicanam Gabiis fere desertiorem fu-
 isse legimus ap. Cic. pro Planc. 9.

8 *Coloniam*] Id genus coloniae
 quod Graece κληρουχία appellatur.
 cf. Herod. v. 77. Boeck. Oecon. Ath.
 ii. 18. Niebhr. ii. not. 957. Similiter
 coloni Ecetras missi, Liv. ii. 25. Dion.
 vi. 32.

9 *Mille et quingenti*] Legio Ro-
 mana antiquitus ex quinque cohorti-

bus constabat, cohortes vero singulas
 hoc tempore sexcentos milites habu-
 isse censet Niebhr. i. not. 1093. ita ut
 legiones ternis millibus peditum scri-
 berentur. Quum vero decem tribus,
 sc. dimidia pars tribuum, in hoc bel-
 lum sorte ductae essent, supr. 46. *mille
 et quingenti* milites efficiebantur. In
 hac re haud dubie causa latet, cur
 coloni mille et quingenti in agrum
 Lavicanum missi fuerint. Niebhr. ii.
 958.

- ¹ et P. Lucretio Tricipitino, iterum omnibus his, et Sp. Rutilio U. C. 339.
² Crasso, et insequente anno A. Sempronio Atriatino tertium, A. C. 413.
 et duobus iterum M. Papirio Mugillano, et Sp. Nautio A. Sempronio III. etc.
 Rutilo, biennium tranquillae externae res, discordia domi Tr. Mil.
³ ex agrariis legibus fuit. Turbatores vulgi erant Spurii 48.
 Maecilius quartum et Metilius tertium tribuni plebis, Discordia
 ambo absentes creati. Et quum rogationem promulgassent, ex agrariis
⁴ ut ager ex hostibus captus viritim divideretur, magnaeque legg.
⁵ partis nobilium eo plebiscito publicarentur fortunae; (nec
 enim ferme quicquam agri, ut in urbe alieno solo posita, non
⁶ armis partum erat; nec, quod venisset assignatumve pu-
⁷ blice esset, praeterquam plebs habebat) atrox plebi Patri-
 busque propositum videbatur certamen: nec tribuni militum,
 nunc in senatu, nunc in conciliis privatis principum cogen-
 dis, viam consilii inveniebant; quum Ap. Claudius, nepos
 eius qui decemvir legibus scribendis fuerat, minimus natu
 ex Patrum concilio, dicitur dixisse, ‘Vetus se ac familiare
⁸ consilium domo afferre: proavum enim suum Ap. Clau- Appii con-
 ‘dium ostendisse Patribus viam unam dissolvendae tribu- silium de
 ‘niciae potestatis per collegarum intercessionem. Facile parandis
⁹ ‘homines novos auctoritate principum de sententia deduci, intercesso-
 ‘si temporum interdum potius, quam maiestatis, memor ribus.

1 *Iterum omnibus his*] Ut hoc verum sit, necesse est ex coniectura Sigonii *L. Serrilium* supr. 42. reponamus, sed Glareano placet *Caio* pro *Lucio* hoc loco legere.

2 *Sp. Rutilio*] Legendum censet Sigonius *Sp. Veturio* ex Diodoro xiii. p. 334, quod *Rutilii* plebei erant, hic vero patricium quaerimus. Idem post *Sp. Nautio Rutilo* voces et *Q. Fabio Vibulano* intercidisse putat. Hic enim ab auctoribus Capitolinis et a Diodoro xiii. p. 335. in hunc annum inter tribunos mil. editur.

3 *Spurii Maecilius . . . et Metilius*] Ambo nimirum cognomen habebant *Spurius*. Haecenus edebatur *Sp.* quod recte nobis interpretari visus est Sigonius *Spurii*: atque ita dedimus, ut ambiguitas tolleretur. CREV.

4 *Ager ex hostibus captus*] Quidquid agri ab urbe condita ex hostibus captum erat, praeter id quod venierat, assignatumve publice erat, ut patet ex sequentibus. CREV.

5 *Publicarentur fortunae*] *Fortunae* sc. annui redditus, *publicarentur*, in publicum resumptae. Similiter supr. iii. 30. *de Aventino publicando* lex lata est. Niebhr. ii. not. 685. Wachsm. p. 235. not. 58.

6 *Quod venisset assignatumve pu-*

blice esset] *Vendebantur* capti agri auctione constituta, *assignabantur* publica auctoritate vel militibus bene de republica meritis, vel deducendis in eos coloniis. DOER.

7 *Praeterquam plebs habebat*] Si Doeringio aut Ruperto audiamus, sensus est, *nec quicquam habebat plebs, nisi quod venditum assignatumque ei publice esset*: sed aliis iure displicet haec versio: quum enim haec parenthetice dicuntur, ut clarius pateat quomodo evenit, ut fortunae magnae partis nobilium publicatae fuerint, noster velle videtur dicere, quod *nulli praeterquam plebei*, h. e. plebs sola, *agros venditos assignatosve haberet*, qui *publicari* nequirent. cf. Wachsm. p. 236.

8 *Proavum . . . suum Ap. Claudium*] Quem eundem cum Atto Claudio fuisse censet Niebhr. ii. not. 754. De hoc vetere consilio, cf. supr. ii. 44.

9 *Homines novos*] In tribunatu exercendo *novos* vult Doer. Sed fieri potest ut *homines novi* hic nobilibus opponantur, neque difficile erat homines novos auctoritate nobilium, sc. si a nobilibus prenosarentur et contra sollicitarentur, de sententia deduci.

U. C. 339. 'adhibeatur oratio. Pro fortuna illis animos esse: ubi
 A. C. 413. 'videant, collegas principes agenda rei gratiam omnem ad
 'plebem praeoccupasse, nec locum in ea relictum sibi;
 'haud gravate acclinaturos se ad causam senatus, per quam
 'universo ordini cum primoribus se Patrum concilient.'¹
 Approbantibus cunctis, et ante omnes Q. Servilio Prisco,
 quod non degenerasset ab stirpe Claudia, collaudante iuvenem,
 negotium datur, ut, quos quisque posset ex collegio
 tribunorum, ad intercessionem pellicerent. Misso senatu,
 prensantur ab principibus tribuni: suadendo, monendo,
 pollicendoque gratum id singulis privatim, gratum universo
 senatui fore, sex ad intercessionem comparavere. Postero-²
 que die quum ex composito relatum ad senatum esset de
 seditione, quam Maecilius Metiliusque largitione pes-
 simi exempli concirent; eae orationes a primoribus Pa-
 trum habitae sunt, ut pro se quisque iam nec consi-
 lium sibi suppetere diceret, nec se ullam opem cernere
 aliam usquam, praeterquam in tribunicio auxilio. In eius
 potestatis fidem circumventam rempublicam, tanquam pri-
 vatum inopem, confugere. Praeclarum ipsis potestatique
 esse, non ad vexandum senatum discordiamque ordinum
 movendam plus in tribunatu virium esse, quam ad resisten-
 dum improbis collegis. Fremitus deinde universi senatus
 ortus, quum ex omnibus partibus curiae tribuni appella-
 rentur: tum, silentio facto, ii, qui praeparati erant gratia
 principum, quam rogationem a collegis promulgatam senatus
 censeat dissolvendae reipublicae esse, ei se intercessuros
 ostendunt. Gratiae intercessoribus ab senatu actae. La-
 tores rogationis, concione advocata, proditores plebis com-
 modorum ac servos consularium appellantes, aliaque truci
 oratione in collegas invecti, actionem deposuere.

49. Duo assidua bella insequens annus habuisset, quo P. ³
 U. C. 340. Cornelius Cossus, C. Valerius Potitus, Q. Quinctius Cin-
 A. C. 412. cinnatus, N. Fabius Vibulanus, tribuni militum consulari ⁴
 P. Cornelio, potestate fuerunt; ni Veiens bellum religio principum dis-
 etc. Tr. Mil. tulisset, quorum agros Tiberis, super ripas effusus, maxime
 Bolani ruinis villarum vastavit. Simul Aequos triennio ante
 victi.

¹ *Universo ordini cum primoribus se Patrum*] sc. Non tantum primoribus patrum, sed etiam universo ordini se concilient. DRAC.

² *Sex ad intercessionem*] Suffragiis maioris partis tribunorum quaestiones adhuc in collegio tribunorum finiebantur, cf. supr. 42. ubi pietas *quattuor* tribunorum nihil valebat: sed iam ante annum 360. U. C. res aliter se habebat, quando intercessio *duorum* valuit, infr. v. 25. 29. Niebuhrio

videtur Ap. Claudius infr. v. 2. mutationem quandam, quae patriciis oblique faveret, fecisse. cf. Dion. Exc. Vat. xiv. οὐδὲν γὰρ ὠφέλος, ὥς ἐγίνωσκον, ἢν, εἰ καὶ εἰς σφῶν ἀντίειπεν. Niebhr. ii. n. 965.

³ *Assidua bella*] Vocem *assidua*, quae Crevierio eiicienda videbatur, omittit Bekker.

⁴ *N. Fabius Vibulanus*] Praenomen huic *Numerium*tribuendum esse ex Fast. Capit. constat.

5 accepta clades prohibuit Bolanis, suae gentis populo, praesidium ferre. Excursiones inde in confinem agrum Lavi-
canum factae erant, novisque colonis bellum illatum. Quam noxam quum se consensu omnium Aequorum defen-
suros sperassent, deserti ab suis, ne memorabili quidem bello, per obsidionem levemque unam pugnam et oppidum
et fines amisere. Tentatum ab L. Sextio tribuno plebis, ut rogationem ferret, qua Bolas quoque, sicut Lavicos,
coloni mitterentur, per intercessionem collegarum, qui nullum plebiscitum, nisi ex auctoritate senatus, passuros se
perferri ostenderunt, discussum est.

Bolis insequente anno receptis, Aequi, coloniaque eo deducta, novis viribus oppidum firmarunt, tribunis militum
Romae consulari potestate Cn. Cornelio Cosso, L. Valerio Potito, Q. Fabio Vibulano iterum, M. Postumio Regillensi. Huic bellum adversus Aequos permissum est, pravae mentis
homini: quam tamen victoria magis, quam bellum, ostendit. Nam exercitu impigre scripto ductoque ad Bolas,
quum levibus proeliis Aequorum animos fregisset, postremo in oppidum irrupit. Deinde ab hostibus in cives certamen
vertit: et, quum inter oppugnationem praedam militis fore edixisset, capto oppido, fidem mutavit. Eam, magis ad-
ducor, ut credam irae causam exercitui fuisse, quam quod in urbe nuper direpta coloniaque nova minus praedicatione
tribuni praedae fuerit. Auxit eam iram, postquam, ab collegis arcessitus, propter seditiones tribunicias in urbem re-
vertit, audita vox eius in concione stolidi ac prope vecors; qua Sextio tribuno plebis, legem agrariam ferenti, simul,
Bolas quoque ut mitterentur coloni, laturum se dicenti,
6 dignos enim esse qui armis cepissent, eorum urbem agrum-
7 que Bolanum esse; ‘Malum quidem militibus meis,’ inquit, ‘nisi quieverint:’ quod auditum non concionem
magis, quam mox Patres, offendit. Et tribunus plebis, vir acer nec infacundus, nactus inter adversarios superbum in-
genium immodicamque linguam, quam irritando agitando-
que in eas impelleret voces, quae invidiae, non ipsi tantum, sed causae atque universo ordini, essent, neminem ex col-
legio tribunorum militum saepius, quam Postumium, in discepcionem trahebat. Tum vero secundum tam saevum
atque inhumanum dictum, ‘Auditis,’ inquit, ‘Quirites,’

U. C. 340.
A. C. 412.

U. C. 341.
A. C. 411.
Cn. Corne-
lio, etc. Tr.
Mil.

M. Postu-
mii vox sto-
lida et ve-
cors.

Sextius Tr.
Pl. in eum
invehitur.

5 *Suae gentis populo*] Antiquitus Bolae urbs Albanorum erant, cf. Virg. Aen. 776. postea vero Aequorum, cf. Dion. viii. 18.

6 *Dignos enim esse*] Graeco more pro vulgari, *dignos esse quibus sit urbs agerque Bolanus*. Mollior sane fit oratio, si pro *dignos esse* cum Tan-

Fabro legeris: *dignum esse*. h. e. ae-
quum esse. DOER.

7 *Malum ... militibus*] Nota coer-
citionis vox, qua maxime domini in
servos uti solebant, quorum poenae
hoc generaliiori verbo denotabantur.
cf. Plaut. Pers. iii. 1. 33. SROTH.

U. C. 341. 'sicut servis, malum minantem militibus? tamen haec
 A. C. 411. 'bellua dignior vobis tanto honore videbitur, quam qui vos,
 'urbe agrisque donatos, in colonias mittunt; qui sedem
 'senectuti vestrae prospiciunt; qui pro vestris commodis
 'adversus tam crudeles superbosque adversarios depugnant.
 'Incipite deinde mirari, cur pauci iam vestram suscipiant
 'causam. Quid ut a vobis sperent? an honores, quos ad-
 'versariis vestris potius, quam populi Romani propugnato-
 'ribus, datis? Ingemuistis modo, voce huius audita. Quid
 'id refert? Iam, si suffragium detur, hunc, qui malum vobis
 'minatur, iis, qui agros sedesque ac fortunas stabilire volunt,
 'praeferetis.'

50. Perlata haec vox Postumii ad milites multo in castris
 maiorem indignationem movit. 'Praedaene interceptorem
 'fraudatoremque etiam malum minari militibus?' Itaque
 quum fremitus aperte esset, et quaestor P. Sestius eadem
 violentia coerceri putaret seditionem posse, qua mota erat;
 misso ad vociferantem quendam militem lictore, quum inde
 clamor et iurgium oriretur, saxo ictus turba excedit; insu-
 per increpante, qui vulneraverat, 'habere quaestorem, quod
 'imperator esset militibus minatus.' Ad hunc tumultum
 accitus Postumius asperiora omnia fecit acerbis quaestioni-
 bus, crudelibus suppliciis. Postremo quum modum irae
 nullum faceret, ad vociferationem eorum, quos necari sub
 crate iusserat, concursu facto, ipse ad interpellantes poenam
 vecors de tribunali decurrit. Ibi quum summoventes passim

Ab exercitu
 lapidibus
 obruitur
 Postumius.

lictores centurionesque vexarent turbam, eo indignatio eru-
 pit, ut tribunus militum ab exercitu suo lapidibus cooperi-
 retur. Quod tam atrox facinus postquam est Romam nun-
 tiatum, tribunis militum de morte collegae per senatum
 quaestiones decernentibus, tribuni plebis intercedebant.
 Sed ea contentio ex certamine alio pendebat; quod cura
 incesserat Patres, ne metu quaestionum plebs iraque tribu-
 nos militum ex plebe crearet: tendebantque summa ope, ut
 consules crearentur. Quum senatusconsultum fieri tribuni
 plebis non paterentur, iidem intercederent consularibus co-
 mitiis, res ad interregnum rediit. Victoria deinde penes
 Patres fuit. Q. Fabio Vibulano interrege comitia habente,
 consules creati sunt A. Cornelius Cossus, L. Furius Me-
 dullinus.

51.

U. C. 342.
 A. C. 410.
 M. Corne-
 lio, L. Fu-
 rio Coss.

His consulibus principio anni senatusconsultum factum
 est, ut de quaestione Postumianae caedis tribuni primo

8 *Necari sub crate*] Ut supr. i.
 51. Supplicii genus Carthaginensi-
 bus imprimis proprium, quod in Plaut.
 Paenulo. v. 2. 65, descriptum habe-
 mus. *Sub cratim uti iubeas sese sup-*

*poni atque eo lapides imponi multos,
 ut sese neces.* Similiter ap. Graecos,
 quod *καταποντισμὸν* vocant, cf. Diodor.
 Sic. xvi. 35.

quoque tempore ad plebem ferrent; plebesque praeficeret U. C. 342.
 quaestioni, quem vellet. A plebe consensu populi consuli- A. C. 410.
 bus negotium mandatur: qui, summa moderatione ac leni- Quaestio de Postumii
 tate per paucorum supplicium, quos sibimet ipsos con- caede.
 scisse mortem satis creditum est, transacta re, nequivere
 tamen consequi, ut non aegerrime id plebs ferret. 'Iacere
 tam diu irritas sanctiones, quae de suis commodis ferren-
 tur: quum interim de sanguine et supplicio suo latam
 legem confestim exerceri, et tantam vim habere.' Aptis-
 simum tempus erat, vindicatis seditionibus, delinimentum
 animis Bolani agri divisionem obici: quo facto minuissent
 desiderium agrariae legis, quae possesso per iniuriam agro
 publico Patres pellebat. Tunc haec ipsa indignitas angebat
 animos, non in retinendis modo publicis agris, quos vi
 teneret, pertinacem nobilitatem esse; sed ne vacuum qui-
 dem agrum, nuper ex hostibus captum, plebi dividere; mox
 paucis, ut cetera, futurum praedae.

Eodem anno adversus Volscos, populantes Hernicorum Ferenti-
 fines, legiones ductae a Furio consule, quum hostem ibi num cap-
 non invenissent, Ferentinum, quo magna multitudo Vol- tum.
 scorum se contulerat, cepere. Minus praedae, quam spera-
 verant, fuit: quod Volsci, postquam spes tuendi exigua
 erat, sublatis rebus, nocte oppidum reliquerunt. Postero
 die prope desertum capitur. Hernicis ipse ager dono
 datus.

Annum modestia tribunorum quietum excepit tribunus 52.
 plebis L. Icilius, Q. Fabio Ambusto, C. Furio Pacilo con- U. C. 343.
 sulibus. Is quum principio statim anni, velut pensum A. C. 409.
 nominis familiaeque, seditiones agrariis legibus promul- Q. Fabio,
 gandis ciceret; pestilentia coorta, minacior tamen quam C. Furio
 perniciosior, cogitationes hominum a foro certaminibusque Coss.
 publicis ad domum curamque corporum nutriendorum Pestilentia.
 avertit: minusque eam damnosam fuisse, quam seditio
 futura fuerit, credunt. Defuncta civitate plurimorum U. C. 344.
 morbis, perpaucis fimeribus, pestilentem annum inopia A. C. 408.
 frugum, neglecto cultu agrorum, ut plerumque fit, excepit,

9 *Ad plebem ferrent*] sc. Senatus-
 consultum in comitiis tributis confir-
 mandum.

1 *A plebe consensu populi*] Hoc
 loco comitia plebis tributa comitiis
 populi, sive patrum, curiatis opponun-
 tur. Niebhr. i. p. 417. Idem de hac
 re, sc. plebem consulibus rem permi-
 sisse, multum dubitat, ii. n. 961.

2 *Iacere tam diu irritas sanctiones*]
 Contra Zonar. vii. 20. agros iam as-
 signatos fuisse scribit.

3 *Velut pensum*] Velut rem Iei-
 liorum nomini et familiae destinatam.
 cf. Cic. de Or. iii. 30.

4 *Nutriendorum*] Fovendorum, cu-
 randorum. Eodem sensu dicitur, infr.
 vii. 4. *nutriendum vitium*, i. e. ele-
 mentibus remediis curandum. CREV.

5 *Defuncta civitate*] Quum civi-
 tas a pestilentia ita liberata esset, ut
 nulla maior contigisset clades, quam
 plurimorum morbi, perpauca funera.
 CREV.

U. C. 344. M. Papirio Atratino, C. Nautio Rutilo consulibus. Iam 6
 A. C. 408. famas, quam pestilentia, tristior erat: ni, dimissis circa
 M. Papirio, omnes populos legatis, qui Etruscum mare, quique Tiberim
 C. Nautio accolunt, ad frumentum mercandum, annonae foret sub-
 Coss. ventum. Superbe ab Samnitibus, qui Capuam habebant
 Inopia Cumasque, legati prohibiti commercio sunt: contra ea be-
 frugum. nigne ab Siculorum tyrannis adiuti. Maximos commeatus 7
 summo Etruriae studio Tiberis devexit. Solitudinem in
 civitate aegra experti consules sunt: quum, in legationes
 non plus singulis senatoribus invenientes, coacti sunt binos
 equites adicere. Praeterquam ab morbo annonaeque nihil
 eo biennio intestini externive incommodi fuit. At ubi hae
 sollicitudines discessere, omnia, quibus turbari solita erat
 civitas, domi discordia, foris bellum exortum.

53.

U. C. 345. M. Aemilio, C. Valerio Potito consulibus, bellum Aequi
 A. C. 407. parabant: Volscis, quanquam non publico consilio, capes-
 Mam. Aemilio, C. sentibus arma, voluntariis mercede secutis militiam. Ad
 Valerio quorum famam hostium (iam enim in Latinum Hernicum-
 Coss. que transcenderant agrum) delectum habentem Valerium
 Bellum consulem M. Maenius tribunus plebis, legis agrariae lator, 8
 cum Ae- quum impediret, auxilioque tribuni nemo invitus sacra- 9
 quis. mento diceret; repente nuntiatur, arcem Carventanam ab
 hostibus occupatam esse. Ea ignominia accepta quum
 apud Patres invidiae Maenio fuit, tum ceteris tribunis, iam
 ante praeparatis intercessoribus legis agrariae, prae-
 buit iustiore causam resistendi collegae. Itaque quum res diu
 ducta per altercationem esset, consulibus deos hominesque
 testantibus, 'quicquid ab hostibus cladis ignominiaeque aut
 'iam acceptum esset, aut immineret, culpam penes Maenium
 'fore, qui delectum impediret;' Maenio contra vociferante,
 'si iniusti domini possessione agri publici cederent, se
 'moram delectui non facere;' decreto interposito, novem
 tribuni sustulerunt certamen; pronuntiaveruntque ex col-
 legii sententia, 'C. Valerio consuli se, damnum aliamque
 'coercitionem, adversus intercessionem collegae, delectus
 'causa detrectantibus militiam inhibenti, auxilio futuros
 'esse.' Hoc decreto consul armatus quum paucis, appellan-

6 *M. Papirio Atratino*] *Atratinus* cognomen fuit Semproniorum, non Papiriorum. Itaque illud delendum hoc loco recte monet Sigonius. CREV.

7 *Siculorum tyrannis*] sc. Dionysio Syracusarum tyranno, quum nullo alii in maritimis oppidis tyranni hoc tempore in Sicilia essent. Niebhr. ii. n. 200. cf. supr. ii. 34.

8 *M. Maenius*] Pro voce *Maenius*, *Menenius* reponendum suadet

Niebhr. ii. n. 1334. ut infr. vi. 19. *Maenius* Sigonii coniectura nititur.

9 *Auxilioque tribuni*] sc. Sub tribuni praesidio nemo, qui nollet, iureiurando se obstringeret militiae.

1 *Damnum*] *Damnum* proprie videtur intelligi de eo, quod iacturam aliquam rei familiaris importet. vid. infr. vii. 4. *Damnum inhibenti* h. e. inferenti; quomodo supr. iii. 38. *ad imperium inhibendum*. CREV.

² tibus tribunum; collum torsisset, metu ceteri sacramento dixerunt. Ductus exercitus ad Carventanam arcem, quam invisus infestusque consuli erat, impigre primo statim adventu, deiectis qui in praesidio erant, arcem recipit: praedatores, ex praesidio per negligentiam dilapsi, occasionem aperuere ad invadendum. Praedae ex assidujs populationibus, quod omnia in locum tutum congesta erant, fuit ali-
³ quantum. Venditum sub hasta consul in aerarium redigere quaestores iussit; tum praedicans participem praedae fore exercitum, quum militiam non abnuisset. Auctae inde plebis ac militum in consulem irae. Itaque, quum ex senatusconsulto urbem ovans introiret, alternis inconditi versus militari licentia iactati: quibus consul increpitus, Maenii celebre nomen laudibus fuit, quum ad omnem mentionem tribuni favor circumstantis populi plausuque et assensu cum vocibus militum certaret. Plusque ea res, quam prope sollemnis militum lascivia in consulem, curae Patribus iniiecit: et tanquam haud dubius inter tribunos
⁴ militum honos Maenii, si peteret, consularibus comitiis est exclusus.

Creati consules sunt Cn. Cornelius Cossus, L. Furius Medullinus iterum. Non alias aegrius plebs tulit, tribunicia sibi comitia non commissa. Eum dolorem quaestorijs comitiis simul ostendit, et ulta est, tunc primum plebeijs quaestoribus creatis: ita ut, in quattuor creandis, uni patricio K. Fabio Ambusto relinqueretur locus; tres plebei, Q. Silius, P. Aelius, P. Pupius clarissimarum familiarum iuvenibus praeferrentur. Auctores fuisse tam liberi populo suffragii Icilijs accipio, ex familia infestissima Patribus tres in eum annum tribunos plebis creatos, multarum magnarumque rerum molem avidissimo adeo populo ostentantes: quum affirmassent, nihil se moturos, si ne quaestorijs quidem comitiis, quae sola promiscua plebi Patribusque reliquisset senatus, satis animi populo esset ad id, quod tam diu vellent, et per leges liceret. Pro ingenti itaque
⁶ victoria id fuit plebi: quaesturamque eam non honoris ip-

U. C. 345.
 A. C. 407.
 Recepta a
 Romanis
 arx Carven-
 tana.

54.

U. C. 346.
 A. C. 406.
 Cn. Corne-
 lius, L. Furio
 II. Coss.
 Quaestores
 plebei, in-
 deque dis-
 cordiae.

² *Collum torsisset*] Manus iniici a lictoribus iussisset. Familiaris locutio, *collo obtorto rapere*, id est, per vim iniectis in caput et collum manibus. CREV.

³ *In aerarium redigere*] Non amplius in *publicum*, sc. *poplicum*, ubi pecunia *populi*, ut antea supr. ii. 42, sed in *aerarium*, ubi pecunia universae gentis Romanae asservabatur, praeda vendita ex hoc tempore redigitur. Niebhr. ii. n. 386. 954.

⁴ *Honos Maenii . . . consularibus*

comitiis est exclusus] Senatus spem honoris Maenio ademit, indictis consularibus comitiis, in quibus ratio eius haberi non poterat. CREV.

⁵ *Avidissimo adeo*] Avidissimo proinde; nempe quia multae et magnae res ostentabantur. CREV. *Ad ea suadet* Grævius.

⁶ *Non honoris ipsius fine*] Non honore ipso tenus; non tanti modo, quanti ipse per se quaesturae honos pretii erat. CREV.

U. C. 346. A. C. 406. sius fine aestimabant; sed patefactus ad consulatum ac triumphos locus novis hominibus videbatur. Patres contra, non pro communicatis, sed pro amissis honoribus, fremere: negare, 'Si ea ita sint, liberos tollendos esse: qui pulsi maiorum loco, cernentesque alios in possessione dignitatis suae, salii flaminesque nusquam alio, quam ad sacrificandum pro populo, sine imperiis ac potestatibus relinquantur.' Irritatis utriusque partis animis, quum et spiritus plebes sumpsisset, et tres ad popularem causam celeberrimi nominis haberet duces; Patres omnia quaestoriis comitiis, ubi utrumque plebi liceret, similia fore cernentes, tendere ad consulum comitia, quae nondum promiscua essent. Icilius contra tribunos militum creandos dicere, et tandem aliquando impartiendo plebi honores. Sed nulla erat consularis actio, quam impediendo id, quod petebant, exprimerent; quum mira opportunitate, Volscos et Aequos praedatum extra fines exisse in agrum Latinum Hernicumque, affertur. Ad quod bellum ubi ex senatusconsulto consules delectum habere occipiunt; obstare tunc enixe tribuni, sibi plebique eam fortunam oblatam memorantes. Tres erant, et omnes acerrimi viri, generosique iam, ut inter plebeios. Duo, singuli singulos, sibi consules asservandos assidua opera desumunt: uni concionibus data nunc detinenda, nunc concienda, plebs. Nec delectum consules, nec comitia, quae petebant, tribuni expediebant. Inclinate deinde se fortuna ad causam plebis, nuntii veniunt, arcem Carventanam, dilapsis ad praedam militibus, qui in praesidio erant, Aequos, interfectis paucis custodibus arcis, invasisse: alios recurrentes in arcem, alios palantes in agris caesos. Ea adversa civitati res vires tribuniciae actioni adiecit. Nequicquam enim tentati, ut tum denique

55.
Volsci et
Aequi bellum
inferunt.

Discordia
domestica.

Arx Car-
ventana
capta ab
hostibus.

8 *Patres . . . non pro communicatis*] Patres fremunt, indignantur pro honoribus, non tanquam communicatis, sed tanquam amissis. Quia e quatuor quaestoriis locis tria plebei tenebant; Patres queruntur non tantum communicatos esse cum plebeiis honores, sed plane amissos sibi. CREV.

9 *Nusquam alio*] Ad nihil aliud adhibiti. CREV.

1 *Relinquantur*] Cur Salios Flaminesque potius nominant patricii, quam pontifices et augures, cum horum quoque sacerdotia tum nondum cum plebe communicata essent? Videtur hic idem accidisse Livio, quod infr. xxxiv. 5. ubi Origines Catonis memorat, observarunt docti, ut haec

non tam e ratione praesentis temporis scripserit, quo haec dicta fuisse narrat, quam posterioris: quo, cum plebs ad alia sacerdotia admissa fuisset, Rex sacrorum, Salii, et Flamines, e solis patriciis creabantur, ut auctor est Cic. pro Dom. 14. DUK.

2 *Sed nulla erat*] sc. Nihil movebant consules, e.g. delectum et similia, quae consules absque plebis auxilio perficere nequibant, et quibus impediendo, id, quod petebant, extorquere potuissent tribuni. Similiter *expressit haec necessitas patribus*, supr. ii. 30.

3 *Generosique*] Ita dicti, quia patres maioresque illorum iam noti, tribuniciisque iactationibus insignes erant. cf. infr. xxii. 35. STROTH.

desisterent impediendo bello, postquam non cessere nec
 publicae tempestati, nec suae invidiae, pervincunt, ut
 senatusconsultum fiat de tribunis militum creandis: certo
 tamen pacto, ne cuius ratio haberetur, qui eo anno tribunus
 plebis esset: neve quis reficeretur in annum tribunus
 plebis; haud dubie Icilius denotante senatu, quos mercede
 4 dem seditiosi tribunatus petere consulatum insimulabant.
 Tum delectus haberi, bellumque omnium ordinum consensu
 apparari coeptum. Consules ambo profecti sint ad arcem
 Carventanam, an alter ad comitia habenda substiterit, in-
 certum diversi auctores faciunt. Illa pro certo habenda, in
 quibus non dissentiunt, ab arce Carventana, quum diu
 nequicquam oppugnata esset, recessum: Verruginem in
 Volscis eodem exercitu receptam, populationesque et prae-
 das et in Aequis et in Volseo agros ingentes factas.

Frustra a
 Rom. tenta.

Verrugo re-
 cepta a
 Rom.

Romae sicut plebis victoria fuit in eo, ut, quae mallerent,
 comitia haberent: ita eventu comitiorum Patres vicere.
 Namque tribuni militum consulari potestate contra spem
 5 omnium tres patricii creati sunt, C. Iulius Iulus, P. Corne-
 lius Cossus, C. Servilius Ahala. Artem adhibitam ferunt
 a patriciis, (cuius eos Icilius tum quoque insimulabant) quod
 turbam indignorum candidatorum intermiscendo dignis,
 taedio sordium in quibusdam insignium, populum a plebeiis
 avertissent. Volscos deinde et Aequos, seu Carventana
 arx retenta in spem, seu Verrugine amissum praesidium ad
 iram compulisset, fama affertur, summa vi ad bellum coortos:
 caput rerum Antiates esse: eorum legatos utriusque gentis
 populos circumnisse, castigantes ignaviam, quod, abditi intra
 muros, populabundos in agris vagari Romanos priore anno,
 et opprimi Verruginis praesidium, passi essent: iam non
 exercitus modo armatos, sed colonias etiam, in suos fines
 6 mitti: nec ipsos modo Romanos sua divisa habere, sed
 Ferentinum etiam de se captum Hernicis donasse. Ad
 haec quum inflammarentur animi, ut ad quosque ventum
 erat, numerus iuniorum conscribebatur. Ita omnium po-
 pulorum iuventus Antium contracta: ibi castris positus ho-
 stem opperiebantur. Quae ubi tumultu maiore etiam,
 quam res erat, nuntiantur Romam, senatus extemplo (quod
 in rebus trepidis ultimum consilium erat) dictatorem dici
 iussit. Quam rem aegre passos Iulium Corneliumque
 ferunt: magnoque certamine animorum rem actam: quum
 primores Patrum, nequicquam conquesti, non esse in aue-

56.

U. C. 347.
 A. C. 405.
 C. Iulio,
 etc. Tr.
 Mil.

Bellum a
 Volscis et
 Aequis il-
 latum.

4 *Consulatum*] Tribunatum mili-
 tum consulari potestate. RASH. Sed
 fortasse res, cuius insimulabantur
 Icilius, non ad praesens, sed ad futu-
 rum tempus referenda est. DOM.

5 *Tres patricii*] Hoc anno censores
 fuisse constat.

6 *Divisa habere*] Suspiciatur Gro-
 novius *divisus*, ut supr. l. 54. *divisui*
fuere.

U. C. 347. toritate senatus tribunos militum, postremo etiam tribunos
 A. C. 405. plebei appellarent, et consulibus quoque ab ea potestate
 vim super tali re inhibitam referrent: tribuni plebei, laeti
 discordia Patrum, 'Nihil esse in his auxilii' dicerent, 'qui
 'non civium, non denique hominum numero essent; si
 'quando promiscui honores, communicata respublica esset,
 'tum se animadversuros, ne qua, superbia magistratuum,
 'irrita senatusconsulta essent; interim patricii, soluti legum
 'magistratuumque verecundia, per se quoque tribuniciam
 57. 'potestatem agerent.' Haec contentio minime idoneo tem-
 pore, quum tantum belli in manibus esset, occupaverat co-
 gitationes hominum: donec, ubi diu alternis Iulius Corne-
 liusque, 'quum ad id bellum ipsi satis idonei duces essent,
 'non esse aequum, mandatum sibi a populo eripi honorem,'
 disseruere: tum Ahala Servilius tribunus militum, 'Tacu-
 'isse se tam diu,' ait, 'non quia incertus sententiae fuerit;
 '(quem enim bonum civem secernere sua a publicis con-
 'silia?) sed quia maluerit, collegas sua sponte cedere auc-
 'toritati senatus, quam tribuniciam potestatem adversus se
 'implorari paterentur. Tum quoque, si res sineret, libenter
 'se daturum tempus iis fuisse ad receptum nimis pertinacis
 'sententiae: sed, quum belli necessitates non expectent
 'humana consilia, potiore sibi collegarum gratia rempu-
 'blicam fore: et, si maneat in sententia senatus, dictatorem
 'nocte proxima dicturum; ac, si quis intercedat senatuscon-
 'sulto, auctoritate se fore contentum.' Quo facto quum haud 8
 immeritam laudem gratiamque apud omnes tulisset, dictatore
 P. Cornelio dicto, ipse ab eo magister equitum creatus ex-
 emplo fuit collegas eumque intuentibus, quam gratia atque
 honos opportuniora interdum non cupientibus essent.
 Bellum haud memorabile fuit. Uno atque eo facili proelio
 caesi ad Antium hostes: victor exercitus depopulatus Vol-
 scum agrum: castellum ad lacum Fucinum vi expugnatum: 9
 Victi
 Volsci. atque in eo tria millia hominum capta, ceteris Volscis intra

P. Corne-
 lius dicta-
 tor.

Victi
 Volsci.

7 *In manibus*] Similiter Graeci, ἐν
 χερσὶν εἶναι. cf. Cic. ad Div. xi. 13.
 DOER.

8 *Auctoritate*] *Auctoritas senatus*
 est iudicium senatus perscriptum, cui
 legitima senatusconsulti forma acce-
 dere non potuit. Quum enim aut
 numerus senatorum sufficiens non
 adesset, aut non loco dieve idoneo,
 aut edicto non legitimo convocatus
 esset senatus, aut intercessio fieret
 senatusconsulto ab eo magistratu,
 cuius id ius esset; tum senatuscon-
 sultum fieri non poterat; iudicium
 tamen senatus perscribatur, eaque

auctoritas vocabatur. Haec fere Dio
 lv. cf. Cic. ad Div. i. 2. viii. 7. CR.

9 *Castellum*] Hoc castellum Ae-
 quorum, non Volscorum fuisse censet
 Niebhr. i. p. 71.

1 *Ad lacum Fucinum*] Niebuhrio
 ii. p. 462. haec res vix probabilis vi-
 detur, sed hoc tempore, quum Sam-
 nites Ausonas undique premerent,
 Volscis atque Aequis, ancipiti hoste
 pene circumventis, contra Romanos
 partem forsam minorem militum so-
 lam instruere licebat. De lacu Fu-
 cino, cf. Tac. Ann. xii. 56.

moenia compulsis, nec defendentibus agros. Dictator, U. C. 347.
 bello ita gesto, ut tantum non defuisse fortunae videretur, A. C. 405.
 felicitate, quam gloria, maior in urbem rediit, magistratuque
 se abdicavit. Tribuni militum, mentione nulla comitiorum
 consularium habita, (credo ob iram dictatoris creati) tribu-
 norum militum comitia edixerunt. Tum vero gravior cura
 Patribus incessit; quippe quum prodi causam ab suis cer-
 nerent. Itaque sicut priore anno per indignissimos ex
 plebeis candidatos omnium, etiam dignorum, taedium
 fecerant; sic tum, primoribus Patrum splendore gratiaque
 ad petendum praeparatis, omnia loca obtinuerunt; ne cui
 plebeio aditus esset. Quattuor creati sunt, omnes iam
 functi eo honore, L. Furius Medullinus, C. Valerius Poti-
 tus, N. Fabius Vibulanus, C. Servilius Ahala. Hic refec-
 tus continuato honore, quum ob alias virtutes, tum ob re-
 centem favorem unica moderatione partum.

U. C. 348.
 A. C. 404.
 L. Furio,
 etc. Tr.
 Mil.

2. 58. *Eo anno, quia tempus indutiarum cum Veienti populo*
exierat, per legatos fetialesque res repeti coeptae: quibus
 3. *venientibus ad finem legatio Veientium obviam fuit. Pe-*
tiere, ne prius, quam ipsi senatum Romanum adissent,
Veios iretur. Ab senatu impetratum, quia discordia inte-
stina laborarent Veientes, ne res ab iis repeterentur: tantum
 4. *afuit, ut ex incommodo alieno sua occasio peteretur. Et*
in Volseis accepta clades, amisso Verrugine praesidio: ubi
tantum in tempore fuit momenti, ut, quum precantibus
opem militibus, qui ibi a Volseis obsidebantur, succurri, si
maturatum esset, potuisset, ad id venerit exercitus subsidio
missus, ut ab recenti caede palati ad praedandum hostes
opprimerentur. Tarditatis causa in senatu magis fuit,
 5. *quam in tribunis: qui, quia summa vi restare nuntiabantur,*
parum cogitaverunt, nulla virtute superari humanarum
virium modum. Fortissimi milites non tamen, nec vivi,
nec post mortem, inulti fuere.

Amissum
 Verrugine
 praesidium.

Insequenti anno, P. et Cn. Corneliis Cossis, N. Fabio U. C. 349.
 Ambusto, L. Valerio Potito, tribunis militum consulari A. C. 403.
 potestate, Veiens bellum motum ob superbum responsum P. et Cn.
 Corneliis,
 etc. Tr. Mil.
 Veientis senatus; qui legatis repetentibus res, ni faces-
 serent propere urbe finibusque, daturus, quod Lars To-

2 *Indutiarum*] Quae in annos vi-
 ginti cyclicos factae erant. cf. supr.
 35.

3 *Ad finem*] Alius dixisset *ad fines*,
 sed noster saepe altero numero usus,
 ut infr. x. 35. xxxv. 27. GREGER.

4 *Et incommodo alieno*] Vid. Do-
 braei Advers. i. p. 350. cf. Demosth.
 Olynth. i. p. 16. Terent. Andr. iv. 1.

3.

5 *Qui, quia summa vi*] Haec loco
 qui perinde ac verbum *cogitaverunt*,
 non ad proximum *tribunus*, sed ad
 remotius *senatui* referendum est.
 Siroth. *Nuntiabantur*, sc. milites.
 Sed voculam *qui* delendam censet
 Gronov., tanquam nocentem sensui
 et male natam ex repetitione *quod*
quia, et ideoque omittit Bekker.

U. C. 349.
A. C. 403.
Decretum
senatus de
indicendo
Veientibus
bello.

lumnius dedisset, responderi iussit. Id Patres aegre passi decrevere, ut tribuni militum de bello indicendo Veientibus primo quoque die ad populum ferrent. Quod ubi primo promulgatum est, fremere iuventus, 'Nondum debellatum cum Volscis esse: modo duo praesidia occisione occisa, et 6
'cum periculo retineri. Nullum annum esse, quo non
'acie dimicaretur: et, tanquam poeniteat laboris, novum 7
'bellum cum finitimo populo et potentissimo parari, qui
'omnem Etruriam sit concitaturus.' Haec sua sponte agitata. Insuper tribuni plebis accendunt. 'Maximum
'bellum Patribus cum plebe esse' dictitant: 'eam de in-
'dustria vexandam militia trucidandamque hostibus obiici:
'eam procul urbe haberi atque ablegari, ne domi per otium
'memor libertatis coloniarumque, aut agri publici, aut suf-
'fragii libere ferendi consilia agitet:' prensantesque veteranos, stipendia cuiusque et vulnera ac cicatrices numerabant: 'quid iam integri esse in corpore loci ad nova
'vulnera accipienda? quid super sanguinis, qui dari pro
'republica posset?' rogitantes. Haec quum in sermonibus concionibusque interdum agitantes avertissent plebem ab suscipiendo bello, profertur tempus ferundae legis: quam, 8
si subiecta invidiae esset, antiquari apparebat.

59.
Bellum
cum Vol-
scis.

Interim tribunos militum in Volscum agrum ducere exercitum placuit. Cn. Cornelius unus Romae relictus. Tres tribuni, postquam nullo loco castra Volscorum esse, nec commissuros se proelio apparuit, tripartito ad deva-9
standos fines discessere. Valerius Antium petit, Cornelius Ecetras. Quacunque incessere, late populati sunt tecta agrosque, ut distinerent Volscos: Fabius, quod maxime petebatur, ad Anxur oppugnandum sine ulla populatione 1
accessit. Anxur fuit, quae nunc Tarracinae sunt; urbs prona in paludes: ab ea parte Fabius oppugnationem ostendit. Circummissae quattuor cohortes cum C. Servilio Ahala quum imminentem urbi collem cepissent; ex loco

6 *Modo duo praesidia*] Videlicet apud Verruginem priore anno, et apud arcem Carventanam tribus ante annis. Quod autem additur *et cum periculo retineri*, eo indicatur arcem Carventanam receptam esse, quod tamen nusquam memoratum est. Porro vox *praesidia* hic accipitur primo pro praesidiariis militibus, deinde pro arcibus ipsis. CREV.

7 *Tanquam poeniteat laboris*] Tanquam non satis laboris a plebe tolerari putent. CREV.

8 *Legis*] De bello Veientibus indicendo. SIGON.

9 *Tripartito*] Prima haec occasio, qua exercitus Romani non incursione subita et prope tumultuaria, sed certis itineribus et consilio communi bellum gerebant.

1 *Anxur*] Nomen hoc Volscum a victoribus Volscis Tarracinae, urbi Tyrhenae, impositum erat. Terracina a Graeco vocabulo *Τραχινά*, Niebhr. i. n. 1026. *Impositum saxi late candentibus Anxur*. Hor. Sat. i. 5. Captis Tarracinis, regio illa omnis, quae olim sub regibus in ditione Romanorum fuerat, tandem recepta est. cf. Polyb. iii. 22. 26.

altiore, qua nullum erat praesidium, ingenti clamore ac tumultu moenia invasere. Ad quem tumultum obstupefacti, qui adversus Fabium urbem infamam tuebantur, locum dedere scalas admovendi, plenaque hostium cuncta erant, et immitis diu caedes pariter fugientium ac resistentium armatorum atque inermium fuit. Cogebantur itaque victi, quia cedentibus spei nihil erat, pugnam inire :
 2 quum pronuntiatum repente, ne quis praeter armatos violaretur, reliquam omnem multitudinem voluntariam exuit armis : quorum ad duo millia et quingenti vivi capiuntur. A cetera praeda Fabius militem abstinuit ; donec collegae venirent : ab illis quoque exercitibus captum Anxur dictitans esse, qui ceteros Volscos a praesidio eius loci avertissent. Qui ubi venerunt, oppidum vetere fortuna opulentum tres exercitus diripuerunt : eaque primum benignitas imperatorum plebem Patribus conciliavit. Additum deinde omnium maxime tempestivo principum in multitudinem munere, ut ante mentionem ullam plebis tribunorumve
 3 decerneret senatus, ut stipendium miles de publico acciperet, quum ante id tempus de suo quisque functus eo munere esset. Nihil acceptum unquam a plebe tanto gaudio traditur. Concursum itaque ad curiam esse, pressatasque exeuntium manus, et Patres vere appellatos ; effectum esse fatentibus, ut nemo pro tam munifica patria, donec quicquam virium superesset, corpori aut sanguini
 4 suo parceret. Quum commoditas iuvaret, rem familiarem saltem acquiescere eo tempore, quo corpus addictum atque operatum reipublicae esset ; tum, quod ultro sibi oblatum
 5 esset, non a tribunis plebis unquam agitatam, non suis ser-

U. C. 349.
A. C. 403.

Decretum
militibus
stipendium.

60.

2 *Pronuntiatum repente . . . exuit*] Deditum repente pronuntiatumque per praecones ducum Romanorum imperium, ne quis praeter armatos violaretur, impulit reliquam omnem hostium multitudinem, ut volens et sua sponte arma poneret. CREV. *Pronuntiatum* similiter, ut supr. 49. *tentatum ab L. Sextio*.

3 *Stipendium miles de publico acciperet*] Singulis peditibus centum in mensem triginta dierum asses, equitibus ducenti, pendebantur. Triplex illud stipendium, quod an. 354. U. C. a Cn. Cornelio Cossio equitibus datum est, iis solum, qui equis suis merebant, solvebatur. Niebuhrus placet minime hoc primo tempore stipendium militibus datum fuisse ; sed antea quidem numerum eorum, qui stipendiarii essent, finitum fuisse pro numero aerariorum : nunc vero omnibus, qui militabant, stipendia dari

ex aerario, atque in hanc rem *vectigal* agri publici possessoribus impositum, supr. 36. et si quando *vectigal* deficeret, tum plebi *tributum* indictum esse. *Miles* vero hic pro *pedit* sumitur.

4 *Quum commoditas iuvaret*] Quum illa commoditas multum placebat, quod res familiaris acquiesceret . . . tum eo efficiebatur multiplex, id est, multo maius gaudium, quod munus hoc ultro sibi oblatum esset. CREV.

5 *Non a tribunis plebis unquam agitatam*] Haec, si a manu Liviana prodeunt, mirae illius incuriae arguunt, qui iam supr. 36. a tribunis *spes ostentatas* scribit in stipendium militum erogandi aeris : quod si vox illa *unquam* mala librariorum cura irrepperit, tum nihil in mora est, quin noster sibi constet ; et vertendum sit, rem hoc anno non antea a tribunis agitatam fuisse.

U. C. 349. monibus efflagitatum, id efficiebat multiplex gaudium cum-
 A. C. 403. mulatioremque gratiam rei. Tribuni plebis, communis
 Calumniæ tribuno- ordinum lætitiæ concordiaque soli expertes, negare,
 rum. ‘Tam id lætum Patribus universis, nec prosperum fore, 6
 ‘quam ipsi crederent: consilium specie prima melius
 ‘fuisse, quam usu appariturum. Unde enim eam pecu-
 ‘niam confici posse, nisi tributo populo indicto? Ex 7
 ‘alieno igitur aliis largitos: neque, id etiamsi ceteri ferant,
 ‘passuros eos, quibus iam emerita stipendia essent, meliore
 ‘conditione alios militare, quam ipsi militassent; et eosdem 8
 ‘in sua stipendia impensas fecisse, et in aliorum facere.’
 Tributum His vocibus moverunt partem plebis. Postremo, indicto
 indictum. iam tributo, edixerunt etiam tribuni, auxilio se futuros, si
 Patres con- Patres bene coeptam rem perseveranter tueri: conferre 9
 ferunt pri- ipsi primi: et, quia nondum argentum signatum erat, aes
 mi. grave plaustis quidam ad aerarium convehentes, speciosam 2
 Plebs se- etiam collationem faciebant. Quum senatus summa fide
 quitur. ex censu contulisset, primores plebis, nobilium amici, ex
 composito conferre incipiunt. Quos quum et a Patribus
 collaudari, et a militari ætate tanquam bonos cives con-
 spici vulgus hominum vidit, repente, spreto tribunicio
 auxilio, certamen conferendi est ortum. Et, lege perlata
 de indicendo Veientibus bello, exercitum magna ex parte
 voluntarium novi tribuni militum consulari potestate Veios
 duxere.

61. Fuere autem tribuni T. Quinctius Capitolinus, Q. Quin- 3

6 *Patribus universis*] Otiosa hæc verba, quippe voces *plebi universae* potius desiderantur. Crevier. *patri- bus nec universis* legendum vult. In vet. edd. *partibus* legitur, quæ vox sæpissime cum *patribus*, sicut *partes* cum *patres*, confunditur, ut Drak. monet. Haud scio an *partibus nec universis* reponere licuerit.

7 *Tributo*] Quod iis impositum est, quibus agri assignati, et qui in numero civium censi erant, pro reipublicæ necessitatibus, atque ad edictum census.

8 *Et eosdem*] Et simul in sua stipendia impensas fecisse, quum nihil e publico militantes acceperint; simul in aliorum stipendia impensas facere, quum tributum conferant, unde illis stipendium persolvatur. CREV.

9 *Nondum argentum signatum*] Neque ante Pyrrhum regem devictum sub anno 484. U. C. si Plinio fides adhibenda est, H. N. xxxiii. 13. cf. Dion. Fragm. ed. A. Maio. xx. 9.

Epit. Flor. xvi.

1 *Aes grave*] sc. Asses librales signatos, qui hoc nomine indicati fuerunt, ut distinguerentur ab assibus levioris ponderis. supr. 41. cf. Perizon. Dissert. de Aere Gravi. Gronov. de Pecun. Vet. iii. 15.

2 *Speciosam etiam collationem faciebant*] Efficiebant, ut collatio tributi etiam speciem, id est, pompam, dignitatem aliquam haberet, quæ converteret oculos vulgi. CREV.

3 *Fuere autem tribuni*] Exinde sex tribuni militum cons. potest. creati sunt, inter quos unus semper patricius. Haud scio an electio horum magistratuum apud comitia tributa ex hoc tempore habita fuerit, quippe Livius de *tribu prærogativa*, et de *iure vocatis tribubus* infr. v. 18. loquitur. Fieri tamen potest, ut Livius forma loquendi, inter æquales suos usitatore, per anticipationem usus fuerit.

4 etius Cincinnatus, C. Iulius Iulus iterum, A. Manlius, L. U. C. 350.
 Furius Medullinus tertium, M. Aemilius Mamercinus. Ab A. C. 402.
 his primum circumsessi Veii sunt. Sub cuius initium ob- T. Quin-
 sidionis quum Etruscorum concilium ad fanum Voltumnæ ctio, etc. Tr.
 frequenter habitum esset, parum constitit, bellone publico Mil.
 gentis universae tuendi Veientes essent. Ea oppugnatio Obsessi
 segnior insequenti anno fuit, parte tribunorum exercitusque Veii.
 ad Volseum advocata bellum. Tribunos militum consulari U. C. 351.
 potestate is annus habuit C. Valerium Potitum tertium, A. C. 401.
 M. Sergium Fidenatem, P. Cornelium Maluginensem, C. Valerio
 5 Cn. Cornelium Cossum, K. Fabium Ambustum, Sp. Mil. III. etc. Tr.
 Nautium Rutilum iterum. Cum Volseis inter Ferentinum Victi Vol-
 atque Ecetram signis collatis dimicatum. Romanis secunda sci.
 6 fortuna pugnae fuit. Artena inde, Volscorum oppidum,
 ab tribunis obsideri coepta. Inde inter eruptionem tenta-
 tam, compulso in urbem hoste, occasio data est Romanis
 irrumpendi: praeterque arcem cetera capta. In arcem
 munitam natura globus armatorum concessit: infra arcem
 caesi captique multi mortales. Arx deinde obsidebatur:
 nec aut vi capi poterat, quia pro spatio loci satis praesidii
 habebat; aut spem dabat deditionis, omni publico fru-
 mento, priusquam urbs caperetur, in arcem convecto:
 taedioque recessum inde foret, ni servus arcem Romanis
 prodidisset: ab eo milites per locum arduum accepti
 cepere. A quibus quum custodes trucidarentur, cetera
 multitudo, repentino pavore oppressa, in deditionem venit.
 Diruta et arce et urbe Artena, reductae legiones ex
 Volseis; omnisque vis Romana Veios conversa est. Pro-
 ditori, praeter libertatem, duarum familiarum bona in
 7 praemium data. Servius Romanus vocitatus. Sunt, qui
 Artenam Veientium, non Volscorum, fuisse credant.
 Praebet errorem, quod eiusdem nominis urbs inter Caere
 atque Veios fuit: sed eam reges Romani delevere, Caere-
 tumque, non Veientium, fuerat. Altera haec nomine
 eodem in Volseo agro fuit, cuius excidium est dictum.

4 *L. Furius Medullinus tertium*] *Iterum* hic legendum censet Burghesius ex *Fragm. Fast. Capit. et tertium* infr. v. 14.

5 *Cn. Cornelium Cossum*] Post *Cossum iterum* reponendum censet Burghesius.

6 *Artena*] Hod. *Monte Fortino*, si Gellio fides adhibenda est. cf. *Topogr. Rom.* i. p. 184.

7 *Sunt, qui Artenam Veientium*] In quorum sententiam inclinat Niebhr. ii. p. 485.

EPITOME LIBRI V.

IN obsidione Veiorum hibernacula militibus facta sunt. Ea res quum esset nova, indignationem tribunorum plebis movit, querentium, non dari plebi nec per hiemem militiae requiem. Equites tum primum equis suis merere coeperunt. Quum inundatio ex lacu Albano facta esset, vates, qui eam rem interpretaretur, de hostibus captus est. Furius Camillus dictator decem annos obsessos Veios cepit: simulacrum Iunonis Romam transtulit: decimam partem praedae Delphos Apollini misit. Idem tribunus militum, quum Faliscos obsideret, proditos hostium filios parentibus remisit: statinque deditione facta, Faliscorum victoriam iustitia consecutus est. Quum alter ex censoribus C. Iulius decessisset, in locum eius M. Cornelius suffectus est. Nec id postea factum est: quoniam eo lustro a Gallis Roma capta est. Furius Camillus, quum ei dies a L. Appuleio tribuno plebis dicta esset, in exsilium abiit. Quum Senones Galli Clusium obsiderent, et legati, a senatu missi ad componendam inter eos et Clusinos pacem, pugnantes contra Gallos in acie Clusinorum stetissent; hoc facto eorum concitati Senones urbem infesto exercitu petierunt, fuisque ad Alliam flumen Romanis, cepere urbem praeter Capitolium, in quod se iuventus contulerat: maiores natu, cum insignibus honorum, quos quisque gesserat, in vestibulis aedium sedentes, occiderunt. Et quum per aversam partem Capitolii iam in summum evasissent, proditi clangore anserum, M. Manlii praecipue opera deiecti sunt. Coactis deinde propter famem Romanis descendere, ut mille pondo auri darent, et hoc pretio finem obsidionis emerent; Furius Camillus, dictator absens creatus, inter pendendum aurum cum exercitu venit, et Gallos post sextum mensem urbe expulit, ceciditque. Aedes Aio Locutio facta, quo loco ante urbem captam vox audita erat, adventare Gallos. Dictum est, ad Veios migrandum esse propter incensam et dirutam urbem: quod consilium Camillo auctore discussum est. Movit populum vocis quoque omen ex centurione audita, qui, quum in forum venisset, manipulariis suis dixerat: Sta miles; hic optime manebimus.

T. LIVII PATAVINI

LIBER V.

PACE alibi parta, Romani Veique in armis erant tanta U. C. 352.
 ira odioque, ut victis finem adesse appareret. Comititia A. C. 400.
 utriusque populi longe diversa ratione facta sunt. Romani
 auxere tribunorum militum consulari potestate numerum.
 1 Octo, quot nunquam antea, creati, M'. Aemilius Mamercius Man. Aemi-
 nus iterum, L. Valerius Potitus tertium, Ap. Claudius lio II. etc.
 Crassus, M. Quinctilius Varus, L. Iulius Iulus, M. Postu- Tr. Mil.
 mius, M. Furius Camillus, M. Postumius Albinus. Veientes
 ientes contra taedio annuae ambitionis, quae interdum regem cre-
 discordiarum causa erat, regem creavere. Offendit ea res ant.
 populorum Etruriae animos, non maiore odio regni, quam
 ipsius regis. Gravis iam is antea genti fuerat opibus super-
 biaque, quia sollennia ludorum, quos intermitteri nefas est,
 violenter diremisset: quum ob iram repulsae, quod suffra-
 gio duodecim populorum alius sacerdos ei praelatus esset,
 2 artifices, quorum magna pars ipsius servi erant, ex medio
 ludicro repente abduxit. Gens itaque, ante omnes alias eo
 magis dedita religionibus, quod excelleret arte colendi eas,
 3 auxilium Veientibus negandum, donec sub rege essent, de-
 crevit. Cuius decreti suppressa fama est Veis propter
 metum regis; qui, a quo tale quid dictum referretur, pro
 seditionis cum principe, non vani sermonis auctorem, habe-

1 Octo] sc. Tribuni mil. cons. potest, quot nunquam antea, creati; quod tamen solus Livius h. l. et vi. 37. ubi maximus numerus invidiae et rei augendae causa memoratur, nescio quos auctores secutus, tradit. Furius Camillus et Postumius Albinus hoc anno Censores potius fuere. cf. Fast. Capit., Val. Max. ii. 9. Rur. In hanc sententiam consentiunt Perizon. Animadv. ii. p. 46. Burghesius in Fragm. Fast. Capit. Niebhr. ii. p. 388.

2 Artifices] Scenicos. cf. infr. vii.

VOL. I.

2. "Vernaculis artificibus, quia *hister* Tusco verbo ludio vocabatur, nomen *histrionibus* inditum." *Ars* simpl. pro arte ludicra, sc. scenica, ap. Prop. xxiv. 24. 3. occurrit.

3. *Donec sub rege essent*] Haec minime probat Niebhr. i. n. 384. ii. p. 465. qui hanc rem verius in causa fuisse putat, quod Veientibus auxilium negatum esset, scilicet, quia Galli novi accolae populis Etruriae a regione Cispadana metum incusserint. cf. infr. 17.

U. C. 352. bat. Romanis etsi quietae res ex Etruriae nuntiabantur,
 A. C. 400. tamen, quia omnibus conciliis eam rem agitari afferebatur,
 ita muniebant, ut ancipitia munimenta essent: alia in
 urbem et contra oppidanorum eruptiones versa: aliis frons⁴
 in Etruriam spectans auxiliis, si qua forte inde venirent,
 obstruebatur.

2. Quum spes maior imperatoribus Romanis in obsidione,
 quam in oppugnatione, esset; hibernacula etiam, res nova
 militi Romano, aedificari coepta: consiliumque erat, hie-⁵
 mando continuare bellum. Quod postquam tribunis plebis,
 iam diu nullam novandi res causam invenientibus, Romam
 est allatum, in concionem prosiliunt, sollicitant plebis ani-⁶
 mos, 'Hoc illud esse' dictitantes, 'quod aera militibus sint
 'constituta: nec se fefellisse, id donum inimicorum veneno
 'illitum fore. Venisse libertatem plebis: remotam in per-⁷
 'petuum et ablegatam ab urbe et ab republica iuventutem,
 'iam ne hiemi quidem aut tempori anni cedere, ac domos
 'et res invisere suas. Quam putarent continuatae militiae
 'causam esse? nullam profecto aliam inventuros, quam ne
 'quid per frequentiam iuvenum eorum, in quibus vires
 'omnes plebis essent, agi de commodis eorum posset.
 'Vexari praeterea et subigi multo acrius, quam Veientes:
 'quippe illos hiemem sub tectis suis agere, egregiis muris
 'situque naturali urbem tutantes; militem Romanum in
 'opere ac labore, nivibus pruinisque obrutum, sub pellibus⁸
 'durare, ne hiemis quidem spatio, quae omnium bello-
 'rum terra marique sit quies, arma deponentem. Hoc
 'neque reges, neque ante tribuniciam potestatem cre-
 'atam superbos illos consules, neque triste dictatoris impe-
 'rium, neque importunos decemviros iniunxisse servitutis,
 'ut perennem militiam facerent, quod tribuni militum in
 'plebe Romana regnum exercerent. Quidnam illi consules
 'dictatoresve facturi essent, qui proconsularem imaginem
 'tam saevam ac trucem fecerint? Sed id accidere haud
 'immerito. Non fuisse ne in octo quidem tribunis militum
 'locum ulli plebeio. Antea trina loca cum contentione
 'summa patricios explere solitos: nunc iam octoiuges ad
 'imperia obtinenda ire: et ne in turba quidem haerere

⁴ Aliis] Per alia munimenta. Sensus: alia Etruriam versus directa et sic auxiliis, si qua forte inde venirent, ex adverso opposita. DOER.

⁵ Hiemando continuare bellum] Ea ratione, qua Lacedaemonii ap. Deccleam ἐπιτείχισμον adversus Athenienses fecerant.

⁶ Hoc illud esse . . . quod] Hanc causam illam esse, propter quam. cf.

Cic. de Senect. 20. Hoc illud est, quod Pisistrato tyranno a Solone responsum est.

⁷ Venisse] Stipendio venundatam esse.

⁸ Sub pellibus] His hibernacula vel tabernacula pellibus contexta significantur. cf. infr. xxxvii. 39. Ex quo loco, hiberna et hibernacula quid inter se differant, intelligitur. SIGON.

‘plebeium quemquam : qui, si nihil aliud, admoneat colle-
 ‘gas : liberos, et cives eorum, non servos, militare, quos
 ‘hieme saltem in domos ac tecta reduci oporteat : et aliquo
 ‘tempore anni parentes liberosque ac coniuges invisere, et
 ‘usurpare libertatem, et creare magistratus.’ Haec taliaque
 vociferantes adversarium haud imparem nacti sunt Ap.
 Claudium, relictum a collegis ad tribunicias seditiones
 comprimendas; virum imbutum iam ab iuventa certamini-
 9 bus plebeiis: quem auctorem aliquot annis ante fuisse
 memoratum est, per collegarum intercessionem, tribuniciae
 potestatis dissolvendae. Is tum iam, non promptus ingenio
 tantum, sed usu etiam exercitatus, talem orationem habuit: 3.
 ‘Si unquam dubitatum est, Quirites, utrum tribuni plebis Respondet
 ‘vestra, an sua, causa seditionum semper auctores fuerint, Ap. Clau-
 ‘id ego hoc anno desisse dubitari certum habeo. Et quum dius.
 ‘laetor, tandem longi erroris vobis finem factum esse, tum,
 ‘quod secundis potissimum vestris rebus hic error est sub-
 ‘latus, et vobis, et propter vos reipublicae gratulor. An
 ‘est quisquam, qui dubitet, nullis iniuriis vestris, si quae
 ‘forte aliquando fuerunt, unquam aequae, quam munere
 ‘Patrum in plebem, quum aera militantibus constituta sunt,
 ‘tribunos plebis offensos ac concitados esse? Quid illos
 ‘aliud aut tum timuisse creditis, aut hodie turbare velle,
 ‘nisi concordiam ordinum, quam dissolvendae maxime tri-
 ‘buniciae potestatis rentur esse? Sic, hercule, tanquam
 1 ‘artifices improbi, opus quaerunt: qui et semper aegri ali-
 ‘quid esse in republica volunt, ut sit, ad cuius curationem
 ‘a vobis adhibeantur. Utrum enim defenditis, an impug-
 ‘natis plebem? utrum militantium adversarii estis, an
 ‘causam agitis? Nisi forte hoc dicitis, Quicquid Patres
 ‘faciunt, displicet; sive illud pro plebe, sive contra plebem
 ‘est. Et, quemadmodum servis suis vetant domini quic-
 ‘quam rei cum alienis hominibus esse, pariterque in iis
 ‘beneficio ac maleficio abstineri aequum censent: sic vos
 ‘interdicitis Patribus commercio plebis; ne nos comitate
 ‘ac munificentia nostra provocemus plebem, nec plebs
 ‘nobis dicto audiens atque obediens sit. Quanto tandem,
 ‘si quicquam in vobis, non dico civilis, sed humani esset,
 ‘favere vos magis, et, quantum in vobis esset, indulgere
 ‘potius comitati Patrum atque obsequio plebis oportuit?
 ‘quae si perpetua concordia sit, quis non spondere ausit,

9 *Auctorem . . . per collegarum intercessionem*] Hoc consilium huius Appii fuisse, sc. ut *maior parte* tribunorum in patrum partes conciliata, tribunicia potestas dissolveretur: pro-
 avum autem supr. ii. 44. invenisse

viam, qua uno ex tribunis patribus conciliato, intercessio illius vel ad-
 versus omnes tribunos valeret, ani-
 madvertit Niebhr. ii. n. 965.

1 *Artifices*] *Pro medici*. ap. ut Prop.
 ii. l. 58. *Qui expungebat Muretus.*

U. C. 352. 'maximum hoc imperium inter finitimos brevi futurum
 A. C. 400. 'esse? Atque ego, quam hoc consilium collegarum me-
 4. 'orum, quo abducere infecta re a Veiis exercitum nolue-
 'runt, non utile solum, sed etiam necessarium fuerit, postea
 'disseram; nunc de ipsa conditione dicere militantium
 'libet. Quam orationem, non apud vos solum, sed etiam
 'in castris si habeatur, ipso exercitu disceptante, aequam²
 'arbitror videri posse: in qua si mihi ipsi nihil, quod
 'dicerem, in mentem venire posset, adversariorum certe
 'orationibus contentus essem. Negabant nuper, danda³
 'esse aera militibus, quia nunquam data essent. Quonam
 'modo igitur nunc indignari possunt, quibus aliquid novi
 'adiectum commodi sit, iis laborem etiam novum pro por-⁴
 'tione iniungi? Nusquam nec opera sine emolumento, nec
 'emolumentum ferme sine impensa opera est. Labor⁵
 'voluptasque, dissimillima natura, societate quadam inter
 'se naturali sunt iuncta. Moleste antea ferebat miles, se
 'suo sumptu operam reipublicae praebere: gaudebat idem,
 'partem anni se agrum suum colere; quaerere, unde domi
 'militiaeque se ac suos tueri posset. Gaudet nunc, fructui
 'sibi rempublicam esse, et laetus stipendium accipit. Aeque
 'igitur animo patitur, se ab domo, ab re familiari, cui⁶
 'gravis impensa non est, paullo diutius abesse. An, si ad
 'calculos cum respublica vocet, non merito dicat: Annua
 'aera habes, annuam operam ede? An tu aequum censes,
 'militia semestri solidum te stipendium accipere? Invitus
 'in hac parte orationis, Quirites, moror: sic enim agere
 'debent, qui mercenario milite utuntur. At nos tanquam
 'cum civibus agere volumus, agique tanquam cum patria
 'nobiscum aequum censemus. Aut non suscipi bellum
 'oportuit; aut geri pro dignitate populi Romani, et perfici
 'quam primum oportet. Perficietur autem, si urgemus
 'obsessos: si non ante abscedimus, quam spei nostrae finem
 'captis Veiis imposuerimus. Si, Hercules, nulla alia causa,
 'ipsa indignitas perseverantiam imponere debuit. Decem
 'quondam annos urbs oppugnata est ob unam mulierem
 'ab universa Graecia: quam procul ab domo! quot terras,

² *Disceptante*] Iudicis vel arbitri partes sustinente; hinc *disceptator* causae alicuius cognitor vel iudex. cf. infr. xxxviii. 35. DOER.

³ *Contentus essem*] Acquiescerem in ea, quam adversariorum orationes mihi suppeditant, dicendi copia. RASCH.

⁴ *Pro portione*] Pro rata parte, pro magnitudine commodi. cf. infr. vii. 1. STROTH.

⁵ *Labor voluptasque*] Commode in hunc locum laudat verba Socratis ap. Plat. Phaed. 3. MURETUS.

⁶ *Ad calculos*] Si rationem cum eo ineat, atque exquirat ab eo, quantum a republica acceperit, quantum huic praestare debeat. STROTH. cf. Cic. de Amic. 16. "Hoc quidem est nimis exigue et exiliter *ad calculos* *vocare* amicitiam." cf. Niebhr. ii. p. 440.

7 'quot maria distans! Nos intra vicesimum lapidem, in U. C. 352.
 'conspectu prope urbis nostrae, annuam oppugnationem A. C. 400.
 'perferre piget: scilicet, quia levis causa belli est, nec
 'satis quicquam iusti doloris est, quod nos ad perseverandum
 8 'stimulet. Septies rebellarunt: in pace nunquam fida
 'fuerunt: agros nostros millies depopulati sunt: Fidenates
 'deficere a nobis coegerunt: colonos nostros ibi interfece-
 'runt: auctores fuere contra ius gentium caedis impiae
 'legatorum nostrorum: Etruriam omnem adversus nos
 'concitare voluerunt, hodieque id moliantur: res repeten-
 'tes legatos nostros, haud procul afruit, quin violarent.
 'Cum his molliter et per dilationes bellum geri oportet? 5.
 'Si nos tam iustum odium nihil movet, ne illa quidem, oro
 'vos, movent? Operibus ingentibus saepe urbs est, quibus
 'intra muros coercetur hostis. Agrum non coluit, et culta
 'evastata sunt bello. Si reducimus exercitum, quis est,
 'qui dubitet, illos, non a cupiditate solum ulciscendi, sed
 'etiam necessitate imposita ex alieno praedandi, quum sua
 'amiserint, agrum nostrum invasuros? Non differimus igitur
 'bellum isto consilio, sed intra fines nostros accipimus.
 'Quid? illud, quod proprie ad milites pertinet, quibus
 'boni tribuni plebis quum stipendium extorquere voluerint,
 'nunc consultum repente volunt, quale est? Vallum fos-
 'samque, ingentis utramque rem operis, per tantum spatii
 9 'duxerunt: castella primo pauca, postea, exercitu aucto,
 'creberrima fecerunt: munitiones non in urbem modo, sed
 'in Etruriam etiam spectantes, si qua inde auxilia veniant,
 'opposuere. Quid turres, quid vineas testudinesque, et
 'alium oppugnandarum urbium apparatus loquar? Quum
 'tantum laboris exhaustum sit, et ad finem iam operis
 'tandem perventum; relinquendane haec censetis, ut ad
 'aestatem rursus novus de integro his instituendis exsudetur
 'labor? Quanto est minus opera tueri facta, et instare, et
 'perseverare, defungique cura? Brevis enim profecto res
 'est, si uno tenore peragitur: nec ipsi per intermissiones
 'has intervallaque lentiolem spem nostram facimus. Lo-
 'quor de opere, et de temporis iactura. Quid? periculi,
 'quod differendo bello adimus, num oblivisci nos haec tam
 'crebra Etruriae concilia de mittendis Veios auxiliis pati-
 'untur? Ut nunc res se habet, irati sunt, oderunt, negant

7 *Intra vicesimum lapidem*] Centum tantum stadia, si Dionysio fides danda sit, a Roma Veii aberant. Hod. quidem Veios haud dubie ap. *Isola Farnese*, non ap. *Civita Castellana* quaesiveris. *Duodecimum lapidem* conflict Cluver. Ital. Ant. ii. p. 530.

8 *Septies rebellarunt*] cf. Supr. ix. 32.

9 *Castella*] Subitarii operis munimenta, ad castra ante urbes oppugnatas contra hostes oppugnationes tuenda. cf. Caes. de B. G. vii. 69. Dorn.

U. C. 352. ' missuros : quantum in illis est, capere Veios licet. Quis
 A. C. 400. ' est, qui spondeat, eundem, si differtur bellum, animum
 ' postea fore? quum, si laxamentum dederis, maior fre-
 ' quentiorque legatio itura sit: quum id, quod nunc offendit
 ' Etruscos, rex creatus Veiis, spatio interposito mutari possit,
 ' vel consensu civitatis, ut eo reconcilient Etruriae animos,
 ' vel ipsius voluntate regis, qui obstare regnum suum saluti
 ' civium nolit. Videte, quot res, quam inutiles, sequantur¹
 ' illam viam consilii: iactura operum tanto labore factorum,
 ' vastatio imminens finium nostrorum, Etruscum bellum pro
 ' Veiente concitatum. Haec sunt, tribuni, consilia vestra,
 ' non, hercule, dissimilia, ac si quis aegro, qui, curari se for-
 ' titer passus, extemplo convalescere possit, cibi gratia prae-
 ' sentis aut potionis longinquum et forsitan insanabilem mor-
 6. ' bum efficiat. Si, me dius fidius, ad hoc bellum nihil per-²
 ' tineret, ad disciplinam certe militiae plurimum intererat,
 ' insuescere militem nostrum, non solum parata victoria frui;
 ' sed, si res etiam lentior sit, pati taedium et quamvis serae
 ' spei exitum exspectare, et, si non sit aestate perfectum bel-
 ' lum, hiemen opperiri, nec, sicut aestivas aves, statim auc-
 ' tumno tecta ac recessum circumspicere. Obsecro vos, ve-
 ' nandi studium ac voluptas homines per nives ac pruinas in
 ' montes silvasque rapit; belli necessitatibus eam patientiam
 ' non adhibebimus, quam vel lusus ac voluptas elicere solet?
 ' Adeone effeminata corpora militum nostrorum esse puta-
 ' mus, adeo molles animos, ut hiemem unam durare in cas-
 ' tris, abesse ab domo non possint? ut, tanquam navale
 ' bellum, tempestatibus captandis et observando tempore
 ' anni, gerant, non aestus, non frigora pati possint? Eru-
 ' bescant profecto, si quis iis haec obiiciat; contendantque,
 ' et animis et corporibus suis virilem patientiam inesse, et
 ' se iuxta hieme atque aestate bella gerere posse: nec se
 ' patrocinium molliitiae inertiaeque mandasse tribunis, et
 ' meminisse, hanc ipsam potestatem non in umbra nec in³
 ' tectis maiores suos creasse. Haec virtute militum vestro-
 ' rum, haec Romano nomine sunt digna, non Veios tantum,
 ' nec hoc bellum intueri, quod instat; sed famam et ad alia
 ' bella et ad ceteros populos in posterum quaerere. An
 ' mediocre discrimen opinionis secuturum ex hac re putatis?
 ' Utrum tandem finitimi populum Romanum eum esse
 ' putent, cuius si qua urbs primum illum brevissimi temporis
 ' sustinuerit impetum, nihil deinde timeat? an hic sit terror
 ' nominis nostri, ut exercitum Romanum non taedium

¹ *Quam inutiles*] Quam damnosae.
 Sic saepe utitur illa voce Cicero.
 CREV.

² *Me dius fidius*] cf. Supr. ii. 31.

³ *Hanc ipsam potestatem*] Potesta-
 tem tribunitiam, creatam in Sacro
 monte. CREV.

'longinquae oppugnationis, non vis hiemis ab urbe circum- U. C. 352.
 'sessa semel amovere possit, nec finem ullum alium belli, A. C. 400.
 'quam victoriam, noverit; nec impetu potius bella, quam
 'perseverantia, gerat? quae in omni quidem genere militiae,
 'maxime tamen in obsidendis urbibus, necessaria est;
 'quarum plerasque, munitionibus ac naturali situ inexpug-
 'nabiles, fame sitique tempus ipsum vincit atque expugnat:
 'sicut Veios expugnabit; nisi auxilio hostibus tribuni plebis
 'fuerint, et Romae invenerint praesidia Veientes, quae ne-
 'quicquam in Etruria quaerunt. An est quicquam, quod
 'Veientibus optatum acque contingere possit, quam ut
 'seditionibus primum urbs Romana, deinde velut ex conta-
 'gione castra impleantur? At, hercule, apud hostes tanta
 4 'modestia est, ut non obsidionis taedio, non denique regni,
 'quicquam apud eos novatum sit; non negata auxilia ab
 'Etruscis irritaverint animos. Morietur enim extemplo,
 'quicumque erit seditionis auctor: nec cuiquam dicere ea
 5 'licebit, quae apud vos impune dicuntur. Fustuarium
 'meretur, qui signa relinquit, aut praesidio decedit. Au-
 'ctores signa relinquendi, et deserendi castra, non uni aut
 'alteri militi, sed universis exercitibus, palam in concione
 'audiuntur. Adeo quicquid tribunus plebi loquitur, etsi
 'prodendae patriae dissolvendaeque reipublicae est, assue-
 'stis aequi audire; et, dulcedine potestatis eius capti,
 'quaelibet sub ea scelera latere sinitis. Reliquum est, ut,
 'quae hic vociferantur, eadem in castris et apud milites
 'agant, et exercitus corrumpant ducibusque parere non
 'patiantur: quoniam ea demum Romae libertas est, non
 'senatum, non magistratus, non leges, non mores maiorum,
 'non instituta patrum, non disciplinam vereri militiae.'

7.

Par iam etiam in concionibus erat Appius tribunus plebis;
 quum subito, unde minime quis crederet, accepta calamitas
 apud Veios et superiorem Appium in causa, et concordiam
 ordinum maiorem ardoremque ad obsidendos pertinacius
 Veios fecit. Nam quum agger promotus ad urbem, vine-

4 *Non obsidionis taedio, non denique regni*] Latini scriptores etiam in ea enumeratione, quae duo tantum habeat membra, praefigunt saepe alteri particulam *denique*. Sic initio statim celebris illius epistolae Ciceronis ad Q. fratrem: *multi nuntii, fama denique . . . ipsa*: id est, fama etiam ipsa. Pariter in hoc Livii loco *non denique regni* erit, non ipsius quoque regni. CREV.

5 *Fustuarium*] Militaris poena est, quae sic a Polyb. vi. 37. describitur. Accepto fuste tribunus vix leviter at-

tingit damnatum: quo facto omnes eiusdem legionis milites, qua fustibus, qua saxis inibi intra castra sontem, ut plurimum, necant. Sed et si qui evaserint, non tamen salvi propterea sunt: quum neque in patriam iis redire liceat, neque quisquam necessariorum eos ausit tecto recipere. Quamobrem qui semel in hanc calamitatem inciderunt, planissime pereunt. CREV. Simile quidem genus supplicii, *the knout*, hodie ap. Borussos usurpatur.

U. C. 352.
A. C. 400.
Opera
Rom. ad
Veios in-
cendio ab-
sumpta.

Equites
equis suis
merentes.

Plebs pe-
destrem mi-
litiam extra
ordinem
profitetur.

aeque tantum non iam iniunctae moenibus essent, dum opera interdiu fiunt intentius, quam nocte custodiuntur, patefacta repente porta, ingens multitudo, facibus maxime armata, ignes coniecit; horaeque momento simul aggerem ac vineas, tam longi temporis opus, incendium hausit: multique ibi mortales, nequicquam opem ferentes, ferro ignique absumpti sunt. Quod ubi Romam est nuntiatum, maestitiam omnibus, senatui curam metumque iniecit, ne tum vero sustineri nec in urbe seditio, nec in castris posset, et tribuni plebis velut ab se victae reipublicae insultarent; quum repente, quibus census equester erat, equi publici 6 non erant assignati, consilio prius inter sese habito, senatum adeunt; factaque dicendi potestate, equis se suis stipendia facturos promittunt. Quibus quum amplissimis verbis gratiae ab senatu actae essent, famaue ea forum atque urbem pervasisset, subito ad curiam concursus fit plebis. 'Pedestris ordinis se,' aiunt, 'nunc esse, operamque reipu- 7 blicae extra ordinem polliceri, seu Veios, seu quo alio ducere velint. Si Veios ducti sint,' negant, 'se inde prius, quam capta urbe hostium, redituros esse.' Tum vero iam superfundenti se laetitiae vix temperatum est. Non enim, sicut equites, dato magistratibus negotio, laudari iussi; neque aut in curiam vocati, quibus responsum daretur, aut limine curiae continebatur senatus: sed pro se quisque ex superiore loco ad multitudinem, in comitio stantem, voce manibusque significare publicam laetitiam. Beatam urbem Romanam, et invictam, et aeternam illa concordia dicere: laudare equites, laudare plebem, diem ipsum laudibus ferre: victam esse fateri comitatem benignitatemque senatus. Certatim Patribus plebique manare gaudio lacrimae; donec, revocatis in curiam Patribus, senatusconsultum factum est, 'Ut tribuni militares, concione advocata, peditibus equiti- busque gratias agerent: memorem pietatis eorum erga patriam dicerent senatum fore. Placere autem, omnibus his voluntariam extra ordinem professis militiam aera pro- 8 cedere.' Et equiti certus numerus aeris est assignatus. 9

6 *Quibus census equester*] Equites quippe plebei ii erant, quibus census equestris; eorum tamen nonnulli, quibus *equus publicus* non assignatus esset, haud raro apud pedites militabant. Lucium quoque Tarquitium supr. iii. 27, qui ex equitum "sex suffragiis" erat, pedibus militasse legimus.

7 *Pedestris ordinis se, aiunt, nunc esse*] Voculam *se* ex emendatione G. Cuperi omittit Stroth. *Nunc adesse* legendum censet Doer.

8 *Aera procedere*] sc. Hanc voluntariam militiam annumeratum iri stipendiis, quae facere iuberi pro imperio poterant. Nimirum ut tantum traheretur a debitis stipendiis, seu a debita militia, quantum nunc ultro militassent. cf. infr. xxv. 5. STROTH.

9 *Numerus aeris*] Accipio haec verba non de stipendio equiti assignato, ut Douiatius aliique fecerunt, sed de numero annorum definito, quos militare equites debebant. Non enim nunc demum certa pecuniae

¹ Tum primum equis suis merere equites coeperunt. Volun- U. C. 352.
tarius ductus exercitus Veios non amissa modo restituit A. C. 400.
opera, sed nova etiam instituit. Ab urbe commeatus Stipendium
intentiore, quam antea, subvehi cura; ne quid tam bene equiti as-
merito exercitui ad usum deesset. signatum.

Insequens annus tribunos militum consulari potestate 8.
habuit C. Servilium Ahalam tertium, Q. Servilium, L. U. C. 353.
Virginium, Q. Sulpicium, A. Manlium iterum, M. Sergium A. C. 399.
iterum. His tribunis, dum cura omnium in Veiens bellum C. Servilio
² intenta est, neglectum Anxuri praesidium vacationibus III. etc.
militum, et Volscos mercatores vulgo receptando, proditis Tr. Mil.
³ repente portarum custodibus, oppressum est. Minus mili-
tum periit, quia praeter aegros lixarum in modum omnes
per agros vicinasque urbes negotiabantur. Nec Veiiis
melius gesta res, quod tum caput omnium curarum publi-
carum erat. Nam et duces Romani plus inter se irarum,
quam adversus hostes animi, habuerunt: et auctum est
bellum adventu repentino Capenatium atque Faliscorum.
Illi duo Etruriae populi, quia proximi regione erant, devictis
Veiiis, bello quoque Romano se proximos fore credentes;
Falisci propria etiam causa infesti, quod Fidenati bello se
iam antea immiscuerant, per legatos ultro citroque missos
iureiurando inter se obligati, cum exercitibus necopinato ad
Veios accessere. Forte ea regione, qua M. Sergius tribu-
nus militum praeerat, castra adorti sunt, ingentemque
terrorem intulere; quia Etruriam omnem excitam sedibus
magna mole adesse Romani crediderant. Eadem opinio
Veientes in urbe concitavit. Ita ancipiti proelio castra
Romana oppugnabantur; concursantesque, quum huc atque
illuc signa transferrent, nec Veientem satis cohibere intra
munitiones, nec suis munimentis arcere vim, ac tueri se ab
exteriore poterant hoste. Una spes erat, si ex maioribus
castris subveniretur, ut diversae legiones aliae adversus
Capenatem ac Faliscum, aliae contra eruptionem oppida-
norum pugnarent. Sed castris praeerat Virginius, privatim
Sergio invisus infestusque. Is, quum pleraque castella

summa ad alendos equos equitibus assignata est. Sed id iam factum fuit tempore regis Serv. Tullii, ut supr. i. 43. *ad equos emendos dena millia aeris et publico data: et quibus alerent, viduae attributae, quae bina millia aeris in annos singulos penderent.* Haec verba Drakenborchii probat Stroth. Nescio an noster dicere voluerit, annum iam numerum aeris equitibus pro annua equorum suorum opera a republica assignatum esse; sed hanc rem in an. 355. U. C. commen-

dam esse censet Niebhr. ii. n. 971. quan-
do de *triplici stipendio* lex lata est.

¹ *Equis suis*] Equites antea non nisi equis publicis meruerant, tum vero suis, i. e. privatis, qui non publice ipsis assignati erant, merere coeperunt. STROTH.

² *Vacationibus militum*] Dum multis militibus commeatus datus esset, ita ut hi militum vacarent. STROTH.

³ *Repente*] *Repente* non ad *proditis*, sed ad *oppressum est* referendum esse censet Periz.

U. C. 353. oppugnata, superatas munitiones, utrimque invehi hostem
 A. C. 399. nuntiaretur, in armis milites tenuit: si opus foret auxilio,
 collegam dictitans ad se missurum. Huius arrogantiam
 pertinacia alterius aequabat; qui, ne quam opem ab inimico
 videretur petisse, vinci ab hoste, quam vincere per civem,
 maluit. Diu in medio caesi milites: postremo, desertis
 munitionibus, perpauci in maiora castra, pars maxima atque
 ipse Sergius Romam pertenderunt. Ubi quum omnem
 culpam in collegam inclinaret, acciri Virginius ex castris,
 interea praeesse legatos placuit. Acta deinde in senatu res
 est, certatumque inter collegas maledictis. Pauci reipu-
 blicae, huic atque illi, ut quosque studium privatim aut gratia
 occupaverunt, adsunt. Primores Patrum, sive culpa sive
 infelicitate imperatorum tam ignominiosa clades accepta
 esset, censuere, ‘Non expectandum iustum tempus co-
 5 ‘mitiorum, sed extemplo novos tribunos militum creandos
 ‘esse, qui Kalendis Octobribus magistratum occiperent.’ In
 quam sententiam quum pedibus iretur, ceteri tribuni militum
 6 nihil contradicere. At enimvero Sergius Virginiusque,
 propter quos poenitere magistratum eius anni senatum
 apparebat, primo deprecari ignominiam, deinde intercedere
 senatusconsulto: negare, se ante Idus Decembres, sollennem
 7 ineundis magistratibus diem, honore abituros esse. Inter
 haec tribuni plebis, quum in concordia hominum secundis-
 que rebus civitatis inviti silentium tenuissent, feroces repente
 minari tribunis militum, nisi in auctoritate senatus essent,
 se in vincula eos duci iussuros esse. Tum C. Servilius
 Ahala tribunus militum: ‘Quod ad vos attinet, tribuni
 ‘plebis, minasque vestras, nae ego libenter experirer, quam
 ‘non plus in his iuris, quam in vobis animi, esset. Sed
 8 ‘nefas est tendere adversus auctoritatem senatus. Proinde
 ‘et vos desinite inter nostra certamina locum iniuriae quae-

9.
 Tr. Mil. an-
 te tempus
 se abdicare
 coguntur.

4 *Pauci reipublicae*] Pauci, quid publica utilitas postulet, intuentur: plerique huic atque illi favent, prout quemque propensus in hunc vel illum privatim amor aut gratia praeoccupaverunt. CREV.

5 *Non expectandum iustum tempus comitiorum*] Magna in hoc senatusconsulto res agebatur: quippe hactenus comitia tribunorum mil. cons. potestate et tribunorum plebis creandorum non, nisi anno magistratus circumacto, habita sunt, et quum munere suo tribuni plebis tertio prius die quam tribuni mil. defuncti essent, candidatos pro hoc magistratu statim se proponere poterant, dum merita sua in plebem adhuc recentia essent:

nunc vero, hac lege perlata, non nisi novem mensibus exactis, hoc iis faciendum erat.

6 *Pedibus iretur*] Is senator pedibus ibat in aliquam sententiam, qui non voce aut oratione quid sentiret exponebat, sed solo pedum motu, transeundo scilicet in hanc illamve partem. CREV. Hinc *pedarii senatores*, ap. A. Gell. iii. 18.

7 *Idus Decembres*] cf. Supr. iv. 37.

8 *Non plus in his iuris*] sc. In minis vestris. cf. supr. iv. 26. ubi verba, *siquidem cogi aliquid pro potestate ab tribuno consules, et in vincula etiam duci possent*, cum hoc loco pugnare videntur.

‘rere: et collegae aut facient, quod censet senatus, aut, si
 ‘pertinacius tendent, dictatorem extemplo dicam, qui eos
 ‘abire magistratu cogat.’ Quum omnium assensu compro-
 bata oratio esset, gauderentque Patres, sine tribuniciae
 potestatis terriculis inventam esse aliam vim maiorem ad
 coercendos magistratus; victi consensu omnium comitia
 tribunorum militum habuere, qui Kalendis Octobribus
 magistratum occiperent: seque ante eam diem magistratu
 abdicavere.

- 9 L. Valerio Potito quartum, M. Furio Camillo iterum, 10.
 M'. Aemilio Mamercino tertium, Cn. Cornelio Cosso
 iterum, K. Fabio Ambusto, L. Iulio Iulo, tribunis militum
 consulari potestate, multa domi militiaeque gesta. Nam
 et bellum multiplex fuit eodem tempore, ad Veios, et ad
 Capenam, et ad Falerios, et in Volscis, ut Anxur ab ho-
 stibus recuperaretur: et Romae simul delectu, simul tri-
 buto conferendo, laboratum est: et de tribunis plebei
 cooptandis contentio fuit: et haud parvum motum duo
 iudicia eorum, qui paullo ante consulari potestate fuerant,
 excivere. Omnium primum tribunis militum fuit, de-
 lectum haberi; nec iuniores modo conscripti, sed seniores
 etiam coacti nomina dare, ut urbis custodiam agerent.
 Quantum autem augebatur militum numerus, tanto maiore
 pecunia in stipendium opus erat: eaque tributo confere-
 batur, invitis conferentibus, qui domi remanebant, quia
 tumentibus urbem opera quoque militari laborandum, ser-
 viendumque reipublicae erat. Haec per se gravia, in-
 digniora ut viderentur, tribuni plebis seditiosis concioni-
 bus faciebant; ‘ideo aera militibus constituta esse’ argu-
 endo, ‘ut plebis partem militia, partem tributo conficerent.
 1 ‘Unum bellum annum iam tertium trahi, et consulto male
 ‘geri, ut diutius gerant. In quattuor deinde bella uno
 ‘delectu exercitus scriptos, et pueros quoque ac senes
 ‘extractos. Iam non aestatis nec hiemis discrimen esse,
 ‘ne ulla quies unquam miserae plebi sit: quae nunc etiam
 ‘vectigalis ad ultimum facta sit; ut, quum confecta labore,
 ‘vulneribus, postremo aetate corpora retulerint, incultaque
 2 ‘omnia diutino dominorum desiderio domi invenerint, tri-

U. C. 353.

A. C. 399.

U. C. 354.

A. C. 398.

L. Valerio

IV. etc. Tr.

Mil.

Tributum

aegre col-

latum.

9 *Camillo iterum*] Delendum esse *ite-*
rum, quoniam tribunatus ille an. 352.
 U. C. potius censura erat, Burghesius
 in *Fragm. Fast. Capit.* censet: idem
 mox pro *Cosso iterum*, *Cosso tertium*
 legendum suadet.

1 *Annum iam tertium*] Quintum
 iam annum Veiens bellum durabat.
 Verum hic numerandi initium sumi-
 tur ab eo anno, quo hibernacula circa
 Veios aedificari coepta. Quod qui-

dem mirum videri potest, quum tri-
 buni, quos loquentes facit Livius, au-
 gere potius dicendo rem, quam minu-
 ere debuerint. Non ergo sine causa
 Glareanus volebat legi *annum iam*
quintum. CURV.

2 *Desiderio*] Eleganter pro absen-
 tia, quia absentes domini ad res do-
 mesticas administrandas a suis desi-
 derantur. DOER.

U. C. 354.
A. C. 398.

11.

Duo Tr.
Mil. anni
superioris
accusati.

‘butum ex affecta re familiari pendant; aeraque militaria,
‘velut fenore accepta, multiplicitate reipublicae reddant.’
Inter delectum tributumque, et occupatos animos maiorum
rerum curis, comitiis tribunorum plebis numerus expleri
nequii. Pugnatum inde, in loca vacua ut patricii coopta-
rentur. Postquam obtineri non poterat, tamen labefac-
tandae legis Treboniae causa effectum est, ut cooptarentur³
tribuni plebis C. Lacerius et M. Acutius, haud dubie pa-
tricio-
rum opibus. Fors ita tulit, ut eo anno tribunus plebis
Cn. Trebonius esset, qui nomini ac familiae debitum prae-
stare videretur Treboniae legis patrocinium. Is, ‘quod
‘petissent Patres quidam, primo incepto repulsi, tamen
‘tribunos militum expugnasse,’ vociferans, ‘legem Tre-
‘boniam sublatam, et cooptatos tribunos plebis non suf-
‘fragiis populi, sed imperio patriciorum; et eo revolvam rem,
‘ut aut patricii, aut patriciorum asseclae habendi tribuni
‘plebis sint: eripi sacratas leges, extorqueri tribuniciam
‘potestatem; id fraude patriciorum, scelere ac prodicione
‘collegarum factum’ arguere. Quum arderent invidia non⁴
Patres modo, sed etiam tribuni plebis, cooptati pariter, et
qui cooptaverant; tum ex collegio tres, P. Curiatius, M.
Metilius, et M. Minucius, trepidi rerum suarum, in Ser-
gium Virginiumque, prioris anni tribunos militares, incur-
runt: in eos ab se iram plebis invidiamque, die dicta,
avertunt. ‘Quibus delectus, quibus tributum, quibus
‘diutina militia longinquitasque belli sit gravis, qui
‘clade accepta ad Veios doleant, qui amissis liberis,
‘fratribus, propinquis, affinibus, lugubres domos ha-
‘beant; iis publici privatique doloris exsequendi ius
‘potestatemque ex duobus noxiis capitibus datam ab se,’
memorant. ‘Omnium namque malorum in Sergio Vir-
‘ginioque causas esse: nec id accusatorem magis arguere,
‘quam fateri reos: qui, noxii ambo, alter in alterum
‘causam conferant, fugam Sergii Virginii, Sergius pro-
‘ditionem increpans Virginii. Quorum adeo incredibilem
‘amentiam fuisse, ut multo verisimilius sit, compacto eam⁵
‘rem et communi fraude patriciorum actam. Ab his et⁶
‘prius datum locum Veientibus ad incendenda opera, belli
‘trahendi causa; et nunc proditum exercitum, tradita

³ *Legis Treboniae*] Qua cooptatio tribunorum plebis vetabatur. cf. supr. iii. 65.

⁴ *Quum arderent invidia*] *Invidia* plerumque sumitur passivo, ut loquuntur Grammatici, sensu, non pro odio quod gerimus, sed pro eo quod in nos quis habet. CREV.

⁵ *Compacto*] sc. Ex compacto, ut

Plaut. Captiv. iii. i. 29. *omnes compacto rem agunt*. Ita *composito* pro *ex composito*, Virg. Aen. ii. 129. RASCHIG.

⁶ *Ab his*] sc. Patriciis. Nondum enim erant tribuni militum Sergius et Virginii, quum opera a Veientibus incensa sunt. CREV.

'Faliscis Romana castra. Omnia fieri, ut consenescat ad U. C. 354.
 'Veios iuventus, nec de agris nec de aliis commodis plebis A. C. 398.
 7 'ferre ad populum tribuni, frequentiaque urbana celebrare
 'actiones, et resistere conspirationi patriciorum possint.
 8 'Praeiudicium iam de reis et ab senatu, et ab populo
 'Romano, et ab ipsorum collegis factum esse. Nam et
 9 'senatusconsulto eos ab republica remotos esse, et recu-
 'santes abdicare se magistratu, dictatoris metu ab collegis
 'coercitos esse: et populum Romanum tribunos creasse,
 'qui non Idibus Decembribus die sollenni, sed extemplo
 'Kalendis Octobribus magistratum occiperent, quia stare
 'diutius respublica, his manentibus in magistratu, non
 'posset. Et tamen eos, tot iudiciis confossos praedamna-
 'tosque, venire ad populi iudicium; et existimare, de-
 'functos se esse, satisque poenarum dedisse, quod duobus
 'mensibus citius privati facti sint: neque intelligere, no-
 'cendi sibi diutius tum potestatem ereptam esse, non poe-
 'nam irrogatam; quippe et collegis abrogatum imperium,
 'qui certe nihil deliquissent. Illos repeterent animos
 'Quirites, quos recenti clade accepta habuissent, quum
 1 'fuga trepidum, plenum vulnorum ac pavore incidentem
 'portis exercitum viderint, non fortunam aut quemquam
 'deorum, sed hos duces accusantem. Pro certo se habere,
 'neminem in concione stare, qui illo die non caput, domum,
 'fortunasque L. Virginii ac M'. Sergii sit execratus dete-
 'statusque. Minime convenire, quibus iratos quisque deos
 'precatus sit, in iis sua potestate, quum liceat et oporteat,
 'non uti. Nunquam deos ipsos admovere nocentibus
 'manus: satis esse, si occasione ulciscendi laesos arment.'

His orationibus incitata plebs denis millibus aeris gravis 12.
 reos condemnat, nequicquam Sergio Martem communem Dammati.
 belli fortunamque accusante, Virginio deprecante, ne infe-
 licior domi, quam militiae, esset. In hos versa ira populi
 cooptationis tribunorum fraudisque, contra legem Trebo-
 nianam factae, memoriam obscuram fecit. Victores tribuni,
 ut praesentem mercedem iudicii plebes haberet, legem
 agrariam promulgant, tributumque conferri prohibent:
 2 quum tot exercitibus stipendio opus esset, resque militiae
 ita prospere gererentur, ut nullo bello veniretur ad exitum

7 *Frequentiaque urbana celebrare actiones*] h. e. Frequenti civium concursu maiorem actionibus auctoritatem comparare. cf. Cic. pro Syll. 2.

8 *Praeiudicium*] sc. iam ante haec eos tacite damnatos esse. Similiter paullo post Sergius et Virginius *praedamnati* dicuntur. DOER.

9 *Ab republica*] sc. A publicis mu-

neribus, a reipublicae administra-
 tione.

1 *Pavore*] Pro *pavore* malit Cre-
 vier. *pavoris*, sed *pavore* non ad *ple-
 num*, sed ad *incidentem* referendum,
 et pro *cum pavore* accipiendum est.
 DOER.

2 *Resque militiae ita prospere*] Resque militiae prospere quidem ge-

U. C. 354.
A. C. 398.
Bellum
multiplex.

Tr. Mil.
plebeius.

U. C. 355.
A. C. 397.
P. Licinio
Calvo, etc.
Tr. Mil.

spei. Namque Veiis castra, quae amissa erant, recuperata castellis praesidiisque firmantur. Praeerant tribuni militum M'. Aemilius et K. Fabius. M. Furio in Faliscis, et Cn. Cornelio in Capenate agro hostes nulli extra moenia inventi: praedae actae, incendiisque villarum ac frugum vastati fines: oppida nec oppugnata, nec obsessa sunt. At in Volscis, depopulato agro, Anxur nequicquam oppugnatum, loco alto situm; et, postquam vis irrita erat, vallo fossaque obsideri coeptum. Valerio Potito Volsci provincia evenerat. Hoc statu militarium rerum, seditio intestina maiore mole coorta, quam bella tractabantur. Et, quum tributum conferri per tribunos non posset, nec stipendium imperatoribus mitteretur, aeraque militaria flagitaret miles, haud procul erat, quin castra quoque urbanae seditionis contagione turbarentur. Inter has iras plebis in Patres, quum tribuni plebis nunc illud tempus esse dicerent stabiliendae libertatis, et ab Sergiis Virginiisque ad plebeios viros fortes ac strenuos transferendi summi honoris; non tamen ultra processum est, quam ut unus ex plebe, usurpandi iuris causa, P. Licinius Calvus tribunus militum consulari potestate crearetur: ceteri patricii creati P. Maenius,³ L. Titinius, P. Maelius, L. Furius Medullinus, L. Publilius Volscus. Ipsa plebes mirabatur, se tantam rem obtinuisse; non is modo, qui creatus erat, vir nullis ante honoribus usus, vetus tantum senator, et aetate iam gravis. Nec satis⁴ constat, cur primus ac potissimus ad novum delibandum honorem sit habitus. Alii Cn. Cornelii fratris, qui tribunus militum priore anno fuerat, triplexque stipendium equiti-⁵ bus dederat, gratia extractum ad tantum honorem credunt: alii orationem ipsum tempestivam de concordia ordinum, Patribus plebique gratam, habuisse. Hac victoria comitio-

rerentur, sed ita tamen, ut nullum bellum terminaretur sperata victoria. CREV.

³ *P. Maenius*] Haec vox ex coniectura Sigonii irrepsit, sed legendum *P. Manlius* Vulso, ut ex *Fragm. Fast. Capit. ed. Burghesio* patet. In iisdem legitur *Spurius* Furius Medullinus, non *Lucius*. Hi ambo patricii, ceteri omnes plebei. Niebhr. ii. n. 866.

⁴ *Vetus tantum senator*] Hoc primum loco fit mentio apud Livium senatoris plebei. Quo autem tempore aditus in senatorium ordinem plebeiis patuerit, non satis constat, nec certi quidquam hac de re apud antiquos auctores reperitur. Glareanus in nota ad hunc locum affirmat, Dion. vii. 65. memorasse senatores ex

plebe primum factos anno U. C. 263. sed non satis attendit ad Dionysii verba, quorum haec mens est; ut inter incommoda quae in patricios ex accusatione et damnatione Coriolani derivata sunt, hoc quoque notetur, aditum in curiam patuisse plebeiis. At id illo anno factum esse non dicit Dionysius. CREV. Hunc quidem per quaesturam viam sibi in senatum aperuisse existimat Niebhr. ii. p. 429.

⁵ *Triplexque stipendium*] Triplum eius quod pediti dabatur: ut coniecere ex eo possumus, quod Polyb. vi. 39. hanc servari aevo suo stipendii equestris ad pedestre rationem scribit. CREV. Iis autem solis triplex stipendium dabatur, qui equis suis merebant. cf. *supr.* 7.

rum exsultantes tribuni plebis, quod maxime rempublicam U. C. 355.
impediebat, de tributo remiserunt. Collatum obedienter, A. C. 397.
missumque ad exercitum est. Anxur in Volscis brevi recep- 13.
tum est, neglectis die festo custodiis urbis.

6 Insignis annus hieme gelida ac nivosa fuit, adeo ut viae
clausae, Tiberis innavigabilis fuerit. Annona ex ante con-
vecta copia nihil mutavit. Et quia P. Licinius, ut ceperat
haud tumultuose magistratum, maiore gaudio plebis, quam
indignatione Patrum, ita etiam gessit; dulcedo invasit
proximis comitiis tribunorum militum plebeios creandi.
Unus M. Veturius ex patriciis candidatis locum tenuit: U. C. 356.
plebeios alios tribunos militum consulari potestate omnes A. C. 396.
fere centuriae dixere, M. Pomponium, C. Duilium, Vole- M. Veturio,
7 ronem Publilium, Cn. Genucium, L. Atilium. etc. Tr. Mil.

Tristem hiemem, sive ex intemperie coeli, raptim muta-
tione in contrarium facta, sive alia qua de causa, gravis
pestilensque omnibus animalibus aestas excepit: cuius in- Pestilentia.
8 sanabili perniciie quando nec causa nec finis inveniebatur,
libri Sibyllini ex senatusconsulto aditi sunt. Duumviri Lectister-
9 sacris faciundis, lectisternio tunc primum in urbe Romana nium pri-
facto, per dies octo Apollinem Latonamque, Dianam et mum.
Ierculem, Mercurium atque Neptunum tribus, quam am-
plissime tum apparari poterat, stratis lectis placavere. Pri-
vatim quoque id sacrum celebratum est. Tota urbe paten-
tibus ianuis, promiscuoque usu rerum omnium in propatulo
posito, notos ignotosque passim advenas in hospitium ductos
ferunt; et cum inimicis quoque benigne ac comiter ser-
mones habitos, iurgiis ac litibus temperatum; vinctis quoque
dempta in eos dies vincula; religioni deinde fuisse, quibus
eam opem dii tulissent, vinciri. Interim ad Veios terror Proelium
multiplex fuit; tribus in unum bellis collatis. Namque ad Veios.
eodem, quo antea, modo circa munimenta, quum repente
Capenates Falisciique subsidio venissent, adversus tres ex-
ercitus ancipiti proelio pugnatum est. Ante omnia adjuvit

6 *Hieme gelida*] In Dion. Exc. Vat. xii. legimus nivem ad minimum altam septem pedes fuisse, plures homines pecudesque frigore absumptos fuisse, necnon arbores gelu adustas.

7 *Cn. Genucium*] *Augurinum*, ut ex Fragm. Fast. Capit. apparet, quem patricium fuisse censent Burghes. et Niebhr. Pro *Atilio*, *Servilium* reponi Niebhr. vult, sed Burghes. L. *Atilium* Priscum legendum monet.

8 *Pernicie*] Olim casus tertius quintae declinationis non solum in *ei*, sed in *e* terminabatur, quomodo eti-

am veteres casum secundum terminare solebant, ut infr. ix. 37, pro genitivo *dici* in libris antiquis *die* legitur. DRAK.

9 *Lectisternio*] Quod iisdem fere verbis a Dion. Exc. Vat. xii. 7. narratur. Libri illi Sibyllini semper caerimonias Graecas adhibendas monebant. In his vero epulis Diis maioribus lecti in viis sternebantur, in quibus eorum exponebantur simulacra. cf. Val. Max. ii. 1. et infr. xxii. 10.

U. C. 356. memoria damnationis Sergii ac Virginii. Itaque e maiori-
 A. C. 396. bus castris, unde antea cessatum fuerat, brevi spatio circumductae copiae Capenates, in vallum Romanum versos, ab tergo aggrediuntur. Inde pugna coepta et Faliscis intulit terrorem, trepidantesque eruptio ex castris opportune facta avertit. Repulsos deinde insecuti victores ingentem ediderunt caedem. Nec ita multo post iam palantes veluti forte oblati populatores Capenatis agri reliquias pugnae absumpsere: et Veientium refugientes in urbem multi ante portas caesi, dum prae metu, ne simul Romanus irrumperet, obiectis foribus extremos suorum excludere.

Vincunt
 Romani.

14. Haec eo anno acta. Et iam comitia tribunorum militum aderant, quorum prope maior Patribus, quam belli, cura erat; quippe non communicatum modo cum plebe, sed prope amissum, cernentibus summum imperium. Itaque clarissimis viris ex composito praeparatis ad petendum, quos praetereundi verecundiam crederent fore, nihilo minus ipsi, perinde ac si omnes candidati essent, cuncta experientes, non homines modo, sed deos etiam, excipiebant; in religionem vertentes comitia biennio habita: priore anno intolerandam hiemem prodigiisque divinis similem coortam: proximo non prodigia, sed iam eventus, pestilentiam agris ubique illatam haud dubia ira deum: quos pestis eius arcendae causa placandos esse, in libris fatalibus inventum sit. Comitibus, auspiciato quae fierent, indignum diis visum honores vulgari, discriminaque gentium confundi. Praeterquam maiestate petentium, religione etiam attoniti homines patricios omnes, partem magnam honoratissimum quemque, tribunos militum consulari potestate creavere, L. Valerium Potitum quintum, M. Valerium Maximum, M. Furium Camillum tertium, L. Furium Medullinum tertium, Q. Servilium Fidenatem iterum, Q. Sulpicium Camerinum iterum. His tribunis ad Veios nihil admodum memorabile actum est. Tota vis in populationibus fuit. Duo summi imperatores, Potitus a Faleriis, Camillus a Capena, praedas ingentes egere, nulla incolumi relicta re, cui ferro aut igni noceri posset.

U. C. 357.
 A. C. 395.
 L. Valerio
 V. etc. Tr.
 Mil.

15. Prodigia interim multa nuntiari; quorum pleraque, et

¹ *E maioribus castris*] Praepositio *e* quae in plur. edd. hic desideratur, et quam forsitan litera finalis vocis proxime praecedentis eliserat, ex emend. Douiat. reposuit Bekker.

² *Excipiebant*] In partes suas trahabant. cf. Cic. de Orat. ii. 8. *ad excipiendas eorum voluntates*. STROTH.

³ *Praeterquam maiestate*] Elliptica

loquendi ratio pro: praeterquam quod maiestate petentium attoniti erant. STROTH.

⁴ *Camillum tertium*] *Iterum*, ut Niebhr. et Burghes. placet. Sed, quamvis non ex rei veritate, at certe ex Livii sententia Camillus tribunatum militum supr. 1. gessit, nihil hic vel supr. 10. mutandum censet Crev.

quia singuli auctores erant, parum credita spretaque, et U. C. 357.
 quia, hostibus Etruscis, per quos ea procurarent, haruspices A. C. 395.
 non erant. In unum omnium curae versae sunt, quod Albanus la-
 acus in Albano nemore sine ullis coelestibus aquis, causave
 qua alia, quae rem miraculo eximeret, in altitudinem in-
 solitam crevit. Quidnam eo dii portenderent prodigio, Albanus la-
 cus in alti-
 tudinem in-
 solitam
 crevit.
 missi sciscitatum oratores ad Delphicum oraculum: sed Aruspex
 Etruscus.
 propior interpretis fati oblati senior quidam Veiens, qui,
 inter cavillantes in stationibus ac custodiis milites Romanos
 Etruscisque, vaticinantis in modum cecinit, ‘Priusquam ex
 lacu Albano aqua emissa foret, nunquam potiturum Veii
 ‘Romanum.’ Quod primo, velut temere iactum, sperni,
 agitari deinde sermonibus coeptum est; donec unus ex
 statione Romana percunctatus proximum oppidanorum,
 (iam per longinquitatem belli commercio sermonum facto)
 quisnam is esset, qui per ambages de lacu Albano iaceret?
 postquam audivit haruspitem esse, vir haud intacti religione
 animi, causatus de privati portenti procuratione, si operae
 illi esset, consulere velle, ad colloquium vatem elicuit.
 Quumque progressi ambo a suis longius essent inermes,
 sine ullo metu: praevalens iuvenis Romanus senem infir-
 mum, in conspectu omnium raptum, nequicquam tumultu-
 antibus Etruscis, ad suos transtulit. Qui quum perductus
 ad imperatorem, inde Romam ad senatum missus esset,
 sciscitantibus quidnam id esset, quod de lacu Albano docu-
 isset, respondit: ‘Profecto iratos deos Veienti populo illo
 ‘fuisse die, quo sibi eam mentem obiecissent, ut excidium
 ‘patriae fatale proderet. Itaque, quae tum cecinerit divino
 ‘spiritu instinctus, ea se nec, ut indicta sint, revocare posse:
 ‘et tacendo forsitan, quae dii immortales vulgari velint,
 ‘haud minus, quam celanda effando, nefas contrahi. Sic
 ‘igitur libris fatalibus, sic disciplina Etrusca traditum esse,
 ‘ut quando aqua Albana abundasset, tum, si eam Romanus
 ‘rite emisisset, victoriam de Veientibus dari: antequam

Eius re-
 sponsum de
 lacu Alba-
 no.

5 *Crevit*] Lacum in agros effusum
 esse narrat Dion. Exc. Vat. xii. 9.
 Haud dubie terrae motu, vel ignibus
 caecis insolita vis aquae in lacum
 viam sibi fecerat.

6 *Oblatus*] Vatem coactum vati-
 cinia adversus patriam suam cecinisse,
 maiore veri similitudine narrat Dion.
 Exc. Vat. xii. 10.

7 *Aqua emissa*] Aquam Albanam
 non tam Veiorum causa quam ad
 utilitatem agrī suburbanī fuisse de-
 ductam scribit Cic. de Divin. ii. 22.
 “Mirandum porro huius emissarii Al-
 bani opus, saxo durissimo passum

mille et quingentorum perforato, ad
 nostram usque aetatem iam inde in-
 columne mansit, ex eoque lacus Al-
 bani aqua adhuc effluit.” A. MALES-
 ad Dion. Exc. Vat. cf. Wachsmuth.
 p. 418.

8 *Fatale*] *Fatale est* quidquid per-
 tinet ad fata. Itaque hic *excidium
 fatale est excidium fati decretum*.
 Paulo infra *libri fatales* sunt libri qui-
 bus fata continentur. CREV.

9 *Ut quando*] Delenda est parti-
 cula *ut*, quae vitiosam orationis stru-
 cturam facit. CREV.

U. C. 357. 'id fiat, deos moenia Veientium deserturos non esse.'
 A. C. 395. Exsequebatur inde, quae sollennis derivatio esset. Sed,
 auctorem levem, nec satis fidum super tanta re Patres
 rati, decrevere legatos sortesque oraculi Pythici exspe-
 ctandas.

16. Priusquam a Delphis oratores redirent, Albanive prodigii
 U. C. 358. piacula invenirentur, novi tribuni militum consulari pote-
 A. C. 394. state, L. Iulius Iulus, L. Furius Medullinus quartum, L.
 L. Iulio Iu- Sergio Fidenas, A. Postumius Regillensis, P. Cornelius
 lo II. etc. Maluginensis, A. Manlius, magistratum inierunt. Eo anno
 Tr. Mil. Tarquinienses novi hostes exorti. Quia simul multis bellis,
 Tarquini- Volscorum ad Anxur, ubi praesidium obsidebatur, Aequo-
 enses novi rum ad Lavicos, qui Romanam ibi coloniam oppugnabant,
 hostes ex- ad hoc Veienti quoque et Falisco et Capenati bello occu-
 orti. patos videbant Romanos, nec intra muros quietiora negotia
 esse certaminibus Patrum ac plebis; inter haec locum ini-
 iuriae rati esse, praedatum in agrum Romanum cohortes
 expeditas mittunt. Aut enim passuros inultam eam iniu-
 riam Romanos, ne novo bello se onerarent: aut exiguo,
 eoque parum valido, exercitu persecuturos. Romanis in-
 dignitas maior, quam cura, populationis Tarquiniensium
 fuit. Eo nec magno conatu suscepta, nec in longum dilata
 res est. A. Postumius et L. Iulius non iusto delectu,
 (etenim ab tribunis plebis impediiebantur) sed prope volun-
 tarios, quos adhortando incitaverant, coacta manu, per
 agrum Caeretem obliquis tramitibus egressi, redeuntes a
 populationibus gravesque praeda Tarquinienses oppressere.
 Multos mortales obtruncant, omnes exuunt impedimentis;
 et, receptis agrorum suorum spoliis, Romam revertuntur.
 Biduum ad recognoscendas res datum dominis: tertio in-
 cognita (erant autem ea pleraque hostium ipsorum) sub
 hasta venire; quodque inde redactum, militibus est di-
 visum.

Cetera bella, maximeque Veiens, incerti exitus erant.
 Apollinis Iamque Romani, desperata ope humana, fata et deos spe-
 Delphici spectabant, quum legati a Delphis venerunt, sortem oraculi
 responsum afferentes, congruentem responso captivi vatis: 'Romane,
 de lacu Al- 'aquam Albanam cave lacu contineri, cave in mare manare
 bano. 'suo flumine sinas: emissam per agros rigabis, dissipat
 'tamque rivis exstingues. Tum tu insiste audax hostium

1 *Quae sollennis derivatio esset*] Quae legitima et diis accepta deriva-
 tio esset; quonam modo dii iuberent
 aquam ex lacu derivari. CREV.

2 *Sub hasta*] sc. Hasta posita, quod
 in auctionibus apud Romanos fieri
 solebat. Unde saepe *hasta* pro au-

ctione ipsa sumitur. CREV.

3 *Romane, aquam Albanam*] Frag-
 menta quaedam carminis antiqui ha-
 bemus. Sed verba illa, *cave lacu con-*
tineri, cum reliquo carmine minime
 consistere animadvertit Niebhr. ii.
 not. 1048.

'muris; memor, quam per tot annos obsides urbem, ex ea U. C. 358.
 'tibi his, quae nunc panduntur, fatis victoriam datam. A. C. 394.
 'Bello perfecto, donum amplum victor ad mea templa por-
 'tato: sacraque patria, quorum omissa cura est, instaurata,
 4 'ut assolet, facito.' Ingens inde haberi captivus vates 17.
 coeptus, eumque adhibere tribuni militum Cornelius Postu-
 musque ad prodigii Albani procurationem ac deos rite
 placandos coepere. Inventumque tandem est, ubi neglectas
 caerimonias intermissumve sollemne dii arguerent; nihil
 5 profecto aliud esse, quam magistratus, vitio creatos, Latinas
 6 sacrumque in Albano monte non rite concepisse. Unam
 expiationem eorum esse, ut tribuni militum abdicarent se
 magistratu, auspicia de integro repeterentur, et interregnum
 iniretur. Ea ita facta sunt ex senatusconsulto. Interreges
 tres deinceps fuisse, L. Valerius, Q. Servilius Fidenas, M.
 Furius Camillus. Nunquam desitum interim turbari,
 comitia interpellantibus tribunis plebis, donec convenisset
 prius, 'ut maior pars tribunorum militum ex plebe crearetur.'
 Quae dum aguntur, concilia Etruriae ad fanum Voltumnae
 habita, postulantibusque Capenatibus ac Faliscis, ut Veios
 communi animo consilioque omnes Etruriae populi ex
 obsidione eriperent, responsum est: 'Antea se id Veienti-
 'bus negasse, quia, unde consilium non petissent super tanta
 7 're, auxilium petere non deberent: nunc iam pro se fortu-
 'nam suam illis negare; maxime in ea parte Etruriae.
 'Gentem invisitatam, novos accolas Gallos esse, cum quibus
 'nec pax satis fida, nec bellum pro certo sit: sanguini tamen
 'nominique et praesentibus periculis consanguineorum id

4 *Ingens inde*] Veientium legatos
 Romam missos fuisse scribit Dion.
 Exc. Vat. xii. 12. cuius rei vestigia
 ap. Cic. de Divin. i. 44. supersunt in
 egregio suo loco de Veis captis.

5 *Latinas*] sc. Ferias, de quibus
 Scholiasta in Cic. pro Planc. 9. ab A.
 Maio editus: *alii a Tarquinio Prisco,*
alii a Latinis Priscis institutas ferunt:
atque inter hos ipsos de causa sacrifi-
ficii non convenit: sed Niebuhr ii.
 p. 34. minime dubium videtur, quin
 originem antiquissimam hae feriae ha-
 buerint, quum ap. Plin. H. N. iii. 9. le-
 gimus *Praeterea fuere in Latio clara*
oppida—et cum his carnem in monte
Albano soliti accipere populi Albenses:
 hi vero Albenses simili foedere anti-
 quitus cum Priscis Latinis et Albano
 populo iuncti sunt, quo postea La-
 tin cum Hernicis et populo Romano.
 Niebuhr. i. p. 200. Quae de earum
 institutione habet Dion. iv. 26. mi-
 nime probat Niebuhr, qui Tarquinium

hoc effecisse putat, ut quod Latino-
 rum populorum sacrum fuera, com-
 mune Latinorum, et Hernicorum, et
 Romanorum in posterum esset. Has
 ferias per sex dies celebrari docet
 Festus v. *Oscillum*, et Scholiast. in
 Cic. pro Planc. 9. et, dum celebra-
 rentur, ab omni vi ac bello cessabatur,
 neque enim consules Romani prius
 in provincias proficiscebantur, quam
 has ferias indixissent et celebrassent.

6 *Concepisse*] Feriae Latinae a ma-
 gistratibus vel a sacerdotibus proprie
 dicebantur *concipi*, ut quae *concepti-*
vae essent; non enim *statis* diebus
 agebantur, ut feriae quae *statae* sive
stativae dicuntur, sed his, in quos con-
 sules quotannis libero arbitrio eas in-
 dixissent. Similiter *Sementivae*, *Pa-*
ganalia, *Compitalia*, feriae *concepti-*
vae erant, cf. Macrob. Saturnal. i. 16.

7 *Pro se*] Vel, ipsorum loco; vel,
 pro externa, in qua ipsi positi essent,
 conditione. Dion.

U. C. 358. 'dari, ut, si qui iuventutis suae voluntate ad id bellum eant,
A. C. 394. 'non impediunt.' Eum magnum advenisse hostium nume-
rum, fama Romae erat: eoque mitescere discordiae inte-
stinae metu communi, ut fit, coeptae.

18. Haud invitis Patribus P. Licinium Calvum praerogativa 8
tribunum militum non petentem creant, moderationis ex-
pertae in priore magistratu virum, ceterum iam tum exactae
aetatis: omnesque deinceps ex collegio eiusdem anni refici 9
apparebat, L. Titinium, P. Maenium, P. Maelium, Cn. 1
Genucium, L. Atilium: qui priusquam renuntiarentur, iure 2
vocatis tribubus permissu interregis P. Licinius Calvus ita
verba fecit: 'Omen concordiae, Quirites, rei maxime in
'hoc tempus utili, memoria nostri magistratus vos his
'comitiis petere in insequentem annum video. Si collegas
'eosdem reficitis, etiam usu meliores factos, me iam non
'eundem, sed umbram nomenque P. Licinii relictum videtis.
'Vires corporis affectae, sensus oculorum atque aurium
'hebetes, memoria labat, vigor animi obtusus. En vobis,'
Eius filio, 'iuvenerem,' filium tenens, 'effigiem atque imaginem
petente pa- inquit, 'eius, quem vos antea tribunum militum ex plebe primum
tre, manda- 'fecistis. Hunc ego, institutum disciplina mea, vicarium
tur. 'pro me reipublicae do dicoque. Vosque quaeso, Quirites,
'delatum mihi ultro honorem huic petenti, meisque pro eo
U. C. 359. 'adiectis precibus, mandetis.' Datum id petenti patri;
A. C. 393. filiusque eius P. Licinius tribunus militum consulari po- 3
P. Licinio, testate cum iis, quos supra scripsimus, declaratus. Titinius
etc. Tr. Mil. Genuciusque tribuni militum, profecti adversus Faliscos
Apud Fa- liscos male res gesta. Capenatesque, dum bellum maiore animo gerunt, quam

8 *Praerogativa*] *Creat*, Crevierio legendum videtur, sub. *centuria*: sed nihil opus fuerit, si *suffragia* intelligas, nisi malis *praerogativae*, sc. *tribus*, ut infr. x. 22. Difficillimum est diiudicare litem inter Sigonium et Gruchium motam, utrum necne Livius hoc loco prolepsi usus fuerit. Equidem fateor mihi quidem videri non *centuriam*, sed *tribum*, hinc supplendam esse, neque adhuc eum ordinem comitiorum institutum fuisse, quo, centuriis in tribubus inclusis, singulae tribus in centurias *seniorum* et *iuniorum* descriptae suffragia ferrent: fieri *tamen posse*, ut numero civium aucto, quum negotia maximi momenti in comitiis tributis peragerentur, ordo certus tribuum in suffragia mittendarum inventus sit, adeo ut *tribus iure vocatae* essent, et *una* sorte duceretur, quae *praerogativa* esset, et prius in suffragia iret.

9 *Omnes . . . ex collegio eiusdem*

anni] Ex iis quorum nomina sequuntur, tres quidem, qui appellantur primi, collegae fuerunt P. Licinii Calvi. At duo postremi non eodem quo Licinius anno, sed sequente tribunatum gesserunt. Vid. supr. 12. et 13. CREV.

1 *P. Maenium*] Legendum hic *Q. Manlium*. cf. Burghes. *Fragm. Fast. Capit.* Patricii quidem hoc anno Manlius et Genucius erant. cf. supr. 13.

2 *Iure vocatis tribubus*] Unde apparet tribunos militum comitiis tributis creatos esse, nisi mavis nostrum rationem temporum in loquendi forma non habuisse. cf. supr. iv. 61.

3 *Filiusque eius*] Errore quodam hic versatur Lavius, si Burghesium et Piranesium audiamus, quippe in *Fragm. Fast. Capit.* scribitur LICINIUS . . . SQUILINUS II. atque idem tribunus ille fuisse videtur, qui an. 354. U. C. in *Fragm.* dicitur . . . US P. F. P. N. CALVUS ESQUILINUS.

consilio, praecipitavere in insidias. Genucius, morte U. C. 359.
honeste temeritatem luens, ante signa inter primores cecidit. A. C. 393.

Titinius, in editum tumulum ex multa trepidatione militibus collectis, aciem restituit; nec se tamen aequo loco hosti commisit. Plus ignominiae erat, quam cladis, acceptum; quae prope in cladem ingentem vertit: tantum inde terroris non Romae modo, quo multiplex fama pervenerat, sed in castris quoque fuit ad Veios. Aegre ibi miles re-tentus a fuga est, quum pervasisset castra rumor, ducibus exercituque caeso, victorem Capenatem ac Faliscum Etruri-aeque omnem iuventutem haud procul inde abesse. His tumultuosiora Romae, iam castra ad Veios oppugnari, iam partem hostium tendere ad urbem agmine infesto, crediderant: concursumque in muros est, et matronarum, quas ex domo conciverat publicus pavor, obsecrationes in templis factae: pre-cibusque ab diis petatum, ut exitium ab urbis tectis templisque ac moenibus Romanis arcerent, Veiosque eum averterent terrorem, si sacra renovata rite, si procurata prodigia essent.

4 Iam ludi Latinaeque instauratae erant: iam ex lacu 19.
Albano aqua emissa in agros, Veiosque fata appetebant.

5 Igitur fatalis dux ad excidium illius urbis servandaeque Camillus
patriae, M. Furius Camillus dictator dictus magistrum dictator.
equitum P. Cornelium Scipionem dixit. Omnia repente mutaverat imperator mutatus. Alia spes, alius animus hominum, fortuna quoque alia urbis videri. Omnium pri-mum in eos, qui a Veis in illo pavore fugerant, more militari animadvertit, effecitque, ne hostis maxime timendus militi esset. Deinde, indicto delectu in diem certam, ipse interim Veios ad confirmandos militum animos intercurrit: inde Romam ad scribendum novum exercitum redit, nullo detrectante militiam. Peregrina etiam iuventus, Latini Hernicique, operam suam pollicentes ad id bellum, venire: quibus cum gratias in senatu egisset dictator, satis iam 6 omnibus ad id bellum paratis, ludos magnos ex senatuscon-
7 sulto vovit Veis captis se facturum; aedemque Matutae matris relictam dedicaturum, iam ante ab rege Ser. Tullio dedicatam. Profectus cum exercitu ab urbe expectatione

4 *Iam ludi*] Haud scio, an Ludi Romani, sive Maximi, hic intelligan-tur. Quippe Latini et Hernici ad hos ludos frequenter conveniebant, pariter ac Romani et Hernici ad La-tinas ferias, et Romani atque Latini ad Hernicos ferias Anagninae celebra-tas. Ludos tamen in Latinis feriis fieri solitos esse auctor est Dion. xl. 98.

5 *Servandaeque patriae*] Haec verba non solum casu tertio, verum etiam

secundo accipi posse, ut *Scipio fatalis dux huius belli* infr. xli. § 3. probare studuit Stroth.

6 *Ludos magnos*] cf. Supr. iv. 27.

7 *Matutae matris*] Haec fuit Ino, Se-meles soror, Bacchi matertera, Atha-manis uxor. De ea vid. Ovid. Met. iv. et Fast. vi. et Cic. Tusc. i. 28. Crev. *Matuta* dea multum apud Tyrrhenos culta, cuius aedes ap. Pyr-gos plurimum celebrabatur. cf. Wes-seling. in Diodor. xv. 14.

U. C. 359. hominum maiore, quam spe, in agro primum Nepesino, cum
 A. C. 393. Faliscis et Capenatibus signa confert. Omnia ibi summa
 ratione consilioque acta fortuna etiam, ut fit, secuta est.
 Non proelio tantum fudit hostes, sed castris quoque exiit,
 ingentique praeda est potitus; cuius pars maxima ad quae-
 storem redacta est: haud ita multum militi datum. Inde
 ad Veios exercitus ductus, densioraque castella facta; et a
 procursationibus, quae multae temere inter murum ac vallum
 fiebant, edicto, ne quis iniussu pugnaret, ad opus milites
 traducti. Operum fuit omnium longe maximum ac laborio-
 sissimum, cuniculus in arcem hostium agi coeptus. Quod
 ne intermitteretur opus, neu sub terra continuus labor eosdem
 conficeret, in partes sex munitorum numerum divisit: senae
 horae in orbem operi attributae sunt: nocte ac die nunquam
 ante omissum, quam in arcem viam facerent.

Cuniculum
 in arcem
 Veiorum
 agit.

20. Dictator, quum iam in manibus videret victoriam esse,
 urbem opulentissimam capi, tantumque praedae fore, quan-
 tum non omnibus in unum collatis ante bellis fuisset; ne
 quam inde aut militum iram ex malignitate praedae partitae,⁷
 aut invidiam apud Patres ex prodiga largitione caperet,
 literas ad senatum misit: 'Deum immortalium benignitate,
 'suis consiliis, patientia militum, Veios iam fore in potestate
 'populi Romani. Quid de praeda faciendum censerent?'
 Duae senatum distinebant sententiae: senis P. Licinii,⁸
 quem primum dixisse a filio interrogatum ferunt, 'edici
 'palam placere populo, ut, qui particeps esse praedae vellet,
 'in castra Veios iret:' altera Ap. Claudii, qui, largitionem
 novam, prodigam, inaequalem, inconsultam arguens, si
 semel nefas ducerent, captam ex hostibus in aerario ex-
 hausto bellis pecuniam esse, auctor erat stipendii ex ea
 pecunia militi numerandi, ut eo minus tributum plebes con-
 ferret: 'Eius enim doni societatem sensuras aequaliter
 'omnium domos: non avidas in direptiones manus otiosorum
 'urbanorum praerepturas fortium bellatorum praemia esse:
 'quum ita ferme eveniat, ut segnior sit praedator, ut quis-⁹
 'que laboris periculique praecipuam petere partem soleat.'
 Licinius contra, 'suspectam et invisam semper eam pecu-
 'niam fore,' aiebat; 'causasque criminum ad plebem,
 'seditionum inde ac legum novarum, praebituram. Satius
 'igitur esse, reconciliari eo dono plebis animos: exhaustis

Deliberatio
 de praeda
 Veiorum.

⁷ *Ex malignitate praedae partitae*] Ex maligna, id est, nimium parca praedae partitione: si nimium parcus militibus in dividenda praeda videretur. CREV.

⁸ *Senis P. Licinii*] Sigonius e vett. I'hris legit, *una senis*: eique assenti-

tur unus e regiis codd. non spernen-
 dae ille quidem fidei, et Victorinus.
 CREV.

⁹ *Ut segnior*] Ut, quo quisque ad laborem capessendum periculaque ad-
 eunda promptior est, eo segnior ple-
 rumque sit ad praedandum. CREV.

‘atque exinanitis tributo tot annorum succurri: et sentire U. C. 359.
 ‘praedae fructum ex eo bello, in quo prope consenuerint. A. C. 393.
 ‘Gratius id fore laetiusque, quod quisque sua manu ex
 ‘hoste captum domum retulerit, quam si multiplex alterius
 1 ‘arbitrio accipiat. Ipsum dictatorem fugere invidiam ex
 ‘eo criminaque: eo delegasse ad senatum. Senatum quo-
 ‘que debere reiectam rem ad se permittere plebi, ac pati
 ‘habere, quod cuique fors belli dederit.’ Haec tutior visa
 sententia est, quae popularem senatum faceret. Edictum
 itaque est, ad praedam Veientem, quibus videretur, in castra
 ad dictatorem proficiscerentur.

Ingens profecta multitudo replevit castra. Tum dictator, 21.
 auspicato egressus, quum edixisset, ut arma milites cape-
 rent, ‘Tuo ductu,’ inquit, ‘Pythice Apollo, tuoque numine Veiorum
 ‘instinctus pergo ad delendam urbem Veios: tibiue hinc excidium.
 ‘decimam partem praedae voveo. Te simul, Iuno Regina,
 ‘quae nunc Veios colis, precor, ut nos victores in nostram,
 ‘tuamque mox futuram, urbem sequare: ubi te dignum
 ‘amplitudine tua templum accipiat.’ Haec precatus, super-
 ante multitudine, ab omnibus locis urbem aggreditur, quo
 minor ab cuniculo ingruentis periculi sensus esset. Veientes,
 ignari se iam ab suis vatibus, iam ab externis oraculis pro-
 2 ditos, iam in partem praedae suae vocatos deos, alios, votis
 3 ex urbe sua evocatos, hostium templa novasque sedes spe-
 ctare, seque ultimum illum diem agere; nihil minus timentes,
 quam subrutis cuniculo moenibus arcem iam plenam hostium
 esse, in muros pro se quisque armati discurrunt; mirantes
 quidnam id esset, quod, quum tot per dies nemo se ab
 stationibus Romanis movisset, tum, velut repentino icti
 furore, improvidi currerent ad muros. Inseritur huic loco
 fabula: immolante rege Veientium, vocem haruspicis
 4 dicentis, ‘qui eius hostiae exta prosecuisset, ei victoriam
 ‘dari,’ exauditam in cuniculo, movisse Romanos milites, ut,
 adaperto cuniculo, exta raperent, et ad dictatorem ferrent.
 Sed in rebus tam antiquis, si, quae similia veri sint, pro

1 *Fugere invidiam ex eo crimina-
 que*] Vitare velle, ne ex eo sibi invi-
 dia criminationesque creentur. CREV.

2 *In partem praedae*] cf. Virg.
 Aen. iii. 222. *Et Diros ipsumque voca-
 mus in partem praedamque Iovem.*

3 *Alios (deos) votis . . . evocatos*] Docet Macrob. Saturn. iii. 9. morem Romanorum arcanum et multis igno-
 tum fuisse, ut, quum obsiderent ur-
 bem hostium, eamque iam capi posse
 confiderent, certo carmine evocarent
 tutelares deos: quod aut alter ur-
 bem capi posse non crederet, aut,

si posset, nefas aestimarent deos ha-
 bere captivos. Numinibus autem
 evocatis, urbes exercitusque hostium
 devovebant. Utrumque carmen, sive
 evocandis diis, sive devovendis urbi-
 bus exercitibusque hostium, ibidem
 recitatur: atque urbs Veii nomina-
 tim hoc ritu devota fuisse memora-
 tur. CREV. cf. Plin. H. N. xxviii. 2.

4 *Prosecuisset*] Proprium in hac
 re verbum esse monent interpretes,
 cf. Sueton. Aug. 1. Inde *prosecta* Ovid.
 Met. vii. 271. vii. 153. atque *proscitius*
 RASCH.

U. C. 359. veris accipiantur, satis habeam. Haec, ad ostentationem 5
 A. C. 393. scenae, gaudentis miraculis, aptiora, quam ad fidem, neque
 affirmare, neque refellere est operae pretium. Cuniculus,
 delectis militibus eo tempore plenus, in aede Iunonis, quae
 in Veientana arce erat, armatos repente edidit. Et pars
 aversos in muris invadunt hostes: pars claustra portarum
 revellunt: pars, quum ex tectis saxa tegulaeque a mulieri-
 bus ac servitiis iacerentur, inferunt ignes. Clamor omnia
 variis terrentium ac paventium vocibus, mixto mulierum ac
 puerorum ploratu, complet. Momento temporis deiectis ex
 muro undique armatis patefactisque portis, quum alii agmine
 irruerent, alii desertos scanderent muros, urbs hostibus
 impletur, omnibus locis pugnatur. Deinde, multa iam edita
 caede, senescit pugna: et dictator praecones edicere iubet,
 ut ab inermi abstinence. Is finis sanguinis fuit. Dedi
 inde inermes coepti: et ad praedam miles permissu dicta-
 toris discurrit. Quae quum ante oculos eius aliquantum
 spe atque opinione maior, maiorisque pretii rerum ferretur,
 dicitur manus ad coelum tollens precatus esse: ‘ut, si cui
 ‘deorum hominumque nimia sua fortuna populique Romani
 ‘videretur, ut eam invidiam lenire, quam minimo suo pri- 6
 ‘vato incommodo publicoque, populo Romano liceret.’
 Convertentem se inter hanc venerationem, traditur 7
 memoriae, prolapsus cecidisse: idque omen pertinuisse
 postea eventu rem coniectantibus visum ad damnationem
 ipsius Camilli, captae deinde urbis Romanae, quod post
 paucos accidit annos, cladem. Atque ille dies caede ho-
 stium ac direptione urbis opulentissimae est consumptus.
 22. Postero die libera corpora dictator sub corona vendidit.
 Ea sola pecunia in publicum redigitur, haud sine ira plebis:
 et quod retulere secum praedae, nec duci, qui ad senatum,
 malignitatis auctores quaerendo, rem arbitrii sui reiecisset;
 nec senatui, sed Liciniae familiae, ex qua filius ad senatum
 retulisset, pater tam popularis sententiae auctor fuisset, ac- 8
 ceptum referebant. Quum iam humanae opes egestae a
 Veis essent, amoliri tum deum dona ipsosque deos, sed
 colentium magis, quam rapientium, modo, coepere. Nam-

Dii Veis
 ablati.

5 *Haec, ad ostentationem*] Narrationem hanc omnem a cap. 19. poetice esse censet Niebhr.

6 *Quam minimo suo*] Interpunctionem post *publicoque* tollit Bekker. Ceterum dubitationes, quas quidam interpretes de h. l. scriptura ap. Drak. moverunt, inde originem ducere videntur, quod putarent plane eadem cum Plutarch. in Cam. et Val. Max. i. 5. Livio tradenda esse, neque con-

siderarent non solum privato incommodo Camillum, sed publico etiam populum Romanum mox defunctum dici. RASCH.

7 *Convertentem se*] Solebant Romani post preces convertere se et circumagere in dextram partem, ut testatur Plut. in Cam. CREV.

8 *Acceptum referebant*] Eius, quod acceptum fuerat, gratiam familiae Liciniae referebant.

que delecti ex omni exercitu iuvenes, pure lautis corporibus, U. C. 359.
 candida veste, quibus deportanda Romam Regina Iuno A. C. 393.
 assignata erat, venerabundi templum iniere, primo religiose
 admoventes manus: quod id signum more Etrusco, nisi
 certae gentis sacerdos, attrectare non esset solitus. Dein
 quum quidam, seu spiritu divino tactus, seu iuvenali ioco,
 ‘Visne Romam ire Iuno?’ dixisset, annuisse ceteri deam
 conclamaverunt: inde fabulae adiectum est, vocem quoque
 9 dicentis, ‘Velle,’ auditam. Motam certe sede sua parvi
 molimenti adminiculis, sequentis modo accepimus levem ac
 1 facilem translatu fuisse: integramque in Aventinum, aeter-
 nam sedem suam, quo vota Romani dictatoris vocaverant,
 perlatam; ubi templum ei postea idem, qui voverat,
 Camillus dedicavit. Hic Veiorum occasus fuit, urbis opu-
 lentissimae Etrusci nominis, magnitudinem suam vel ultima
 2 clade indicantis: quod decem aestates hiemesque continuas
 circumsessa, quum plus aliquanto cladium intulisset, quam
 accepisset, postremo, iam fato tum denique urgente, operibus
 tamen, non vi, expugnata est.

Romam ut nuntiatum est, Veios captos, quanquam et 23.
 prodigia procurata fuerant, et vatum responsa, et Pythicae
 sortes notae: et, quantum humanis adiuvari consiliis po-
 tuerat res, ducem M. Furium, maximum imperatorum
 omnium, legerant; tamen, quia tot annis varie ibi bel-
 latum erat, multaeque clades acceptae, velut ex insperato
 immensum gaudium fuit: et, priusquam senatus decer-
 neret, plena omnia templa Romanarum matrum, grates
 diis agentium, erant. Senatus in quatrimum, quot dierum
 nullo ante bello, supplicationes decernit. Adventus quoque
 dictatoris, omnibus ordinibus obviam effusis, celebratio, Dictator
 quam ullius unquam antea fuit: triumphusque omnem triumphat.
 consuetum honorandi diei illius modum aliquantum ex-
 cessit. Maxime conspectus ipse est, curru equis albis
 3 iuncto urbem invectus: parumque id non civile modo, sed

9 *Velle, auditam*] Haec improbat Plut. in Cam. 6, sed Dion. Exc. Vat. xii. 17. bis eadem verba deam pronuntiasse scribit.

1 *Aeternam sedem suam*] Iunonem Pelasgorum Deam quandam propriam, atque aedem Iunonis Laetinae Oenotrorum, qui eadem origine, qua Latini, fuerant, commune fanum fuisse notum est. Unde colligit Niebhr. ii. p. 479. in antiquo de Veiiis captis carmine Iunonem, ut quae inter plebem Romanam, qui Latina origine Tyrrhenos sive Pelasgos retinebant,

sedem suam in Aventino ponere vellet, Veientibus iratam omnia haec mala in Veios intulisse.

2 *Decem aestates hiemesque continuas*] Vei decimo quidem anno postquam obsideri coepti erant, ab Romanis capti sunt. At hibernacula tertio demum obsidionis anno aedificari coepta. Itaque octo, non decem aestates hiemesque continuas circumsessi fuere. Crev.

3 *Parumque id*] Parum conveniens non solum civis modestiae sed etiam hominis conditioni.

U. C. 359. humanum etiam, visum. Iovis Solisque equis aequiparari⁴
 A. C. 393. dictatorem, in religionem etiam trahebant: triumphusque
 ob eam unam maxime rem clarior, quam gravior, fuit.
 Tum Iunoni Reginae templum in Aventino locavit, de-
 dicavitque Matutae Matri: atque, his divinis humanisque
 rebus gestis, dictatura se abdicavit. Agi deinde de Apol-
 linis dono coeptum: cui se decimam vovisse praedae partem
 quum diceret Camillus, pontifices solvendum religione po-
 pulum censerent; haud facile inibatur ratio iubendi referre
 praedam populum, ut ex ea pars debita in sacrum secer-
 neretur. Tandem eo, quod levissimum videbatur, de-
 cursum est, ut, qui se domumque religione exsolvere vellet,
 quum sibimet ipse praedam aestimasset suam, decimae
 pretium partis in publicum deferret: ut ex eo donum
 aureum, dignum amplitudine templi ac numine dei, ex
 dignitate populi Romani fieret. Ea quoque collatio plebis
 animos a Camillo alienavit. Inter haec pacificatum legati
 a Volscis et Aequis venerunt: impetrataque pax, magis ut
 fessa tam diutino bello acquiesceret civitas, quam quod
 digni peterent.

24. Veiiis captis, sex tribunos militum consulari potestate in-
 sequens annus habuit, duos P. Cornelios, Cossum et Scipi-
 onem, M. Valerium Maximum iterum, K. Fabium Ambus-
 tum tertium, L. Furium Medullinum quintum, Q. Servilium
 tertium. Corneliis Faliscum bellum, Valerio ac Servilio
 Capenas sorte evenit. Ab iis non urbes vi aut operibus
 tentatae, sed ager est depopulatus, praedaeque rerum
 agrestium actae: nulla felix arbor, nihil frugiferum in
 agro relictum. Ea clades Capenatem populum subegit.
 Pax petentibus data. In Faliscis bellum restabat. Romae
 interim multiplex seditio erat: cuius leniendae causa colo-
 niam in Volscos, quo tria millia civium Romanorum scri-
 berentur, deducendam censuerant: triumvirique ad id
 creati terna iugera et septunces viritim dividerant. Ea⁵
 largitio sperni coepta; quia spei maioris avertendae sola-
 tium obiectum censebant. Cur enim relegari plebem in
 Volscos, quum pulcherrima urbs Veii agerque Veientanus
 in conspectu sit, uberior ampliorque Romano agro? Urbem⁶
 quoque urbi Romae, vel situ, vel magnificentia publicorum

Decima
 praedae
 pars Apol-
 lini data.

Seditio do-
 mi.

Veios
 transmi-
 grare plebs
 Romana
 cupit.

⁴ *Iovis Solisque equis*] Currus enim, albis equis iunctus, his Diis tribui solebat. Porro durum videtur *dictatorem aequiparari equis*, quum potius dicendum esset, *dictatorem aequiparari Iovi Solique*. cf. supr. iii. 26. infr. ix. 10. SPROTH.

⁵ *Septunces*] Septem uncias, h. e.

septem duodecimasiugeri partes, quippe *uncia* semper pro *duodecima parte* rei, ut quae ipsa duodecima pars assis libralis, ponitur.

⁶ *Urbem quoque*] Plut. in Cam. 2. et Dion. Exc. Vat. xii. 13. urbem Veios Roma non inferiorem fuisse scribunt.

privatorumque tectorum ac locorum, praeponabant. Quin U. C. 360.
 7 illa quoque actio movebatur, quae post captam utique A. C. 392.
 Romam a Gallis celebratior fuit, transmigrandi Veios.
 Ceterum, partim plebi, partim senatui destinabant habi-
 tandos Veios; duasque urbes communis reipublicae incolae
 a populo Romano posse. Adversus quae quum optimates 25.
 ita tenderent, ut 'morituros se citius' dicerent 'in con- Obsistunt
 'spectu populi Romani, quam quicquam earum rerum ro- optimates.
 'garetur: quippe nunc in una urbe tantum dissensionum
 'esse; quid in duabus fore? Victamne ut quisquam vi-
 'etrici patriae praeferret? sineretque, maiorem fortunam
 'captis esse Veis, quam incolumibus fuerit? Postremo, se
 8 'relinqui a civibus in patria posse: ut relinquant patriam
 'atque cives, nullam vim unquam subacturam; et T.
 'Sicinium' (is enim ex tribunis plebis rogationis eius lator
 erat) 'conditorem Veios sequantur, relicto deo Romulo,
 'dei filio, parente et auctore urbis Romae;' haec quum
 foedis certaminibus agerentur, (nam partem tribunorum
 plebis Patres in suam sententiam traxerant) nulla res alia
 manibus temperare plebem cogebat, quam quod, ubi rixae
 committendae causa clamor ortus esset, principes senatus,
 primi turbae offerentes se, peti, feriri, atque occidi iuebant.
 Ab horum aetatibus dignitatibusque et honoribus violandis
 dum abstinencebatur, et ad reliquos similes conatus verecundia
 irae obstabat; Camillus identidem omnibus locis conciona-
 batur: 'Haud mirum id quidem esse, furere civitatem, Religio in-
 9 'quae, damnata voti, omnium rerum potiore curam, quam iecta a Ca-
 'religione se exsolvendi, habeat. Nihil de collatione dicere, millo de de-
 1 'stipis verius, quam decimae; quando ea se quisque pri- cima prae-
 'vatim obligaverit, liberatus sit populus. Enimvero, illud dae Veien-
 'se tacere, suam conscientiam non pati: quod ex ea tan- tanae.
 2 'tum praeda, quae rerum moventium sit, decima designetur:
 3 'urbis atque agri capti, quae et ipsa voto contineatur, men-
 'tionem nullam fieri.' Quum ea disceptatio, anceps sena-
 tui visa, delegata ad pontifices esset; adhibito Camillo,

7 *Actio revelatur*] Ad populum quoque agi inciperet de illa re, quae post captam praecipue a Gallis Romanam maiore animorum motu et frequentioribus vulgo studiis agitata est, nempe de migrando Veios. CREV.

8 *Ut relinquant patriam atque cives*] Quippe tribuni volebant legem ferre, ut pars plebis et senatus Romani Veios migraret. DRAC.

9 *Damnata voti*] Astricta et obligata ad persolvendum votum, cuius eam dii compotem fecerant. CREV.

1 *Stipis verius, quam decimae*] Haec est mens Camilli, ut dicat tam

anguste et tenuiter in decimam contulisse privatos, ut stipem eam, quam decimam, appellari verius sit. Stipem conferunt, qui nihil debentes, quantum volunt, exile plerumque ac minutum, ultro conferunt. CREV.

2 *Rerum moventium*] Res moventes sunt res mobiles, vel, quae moveri possunt, ut vocantur a Nepote in The- mist. 2.

3 *Quae et ipsa*] Urbs scilicet cum agro, vel decuma urbis et agri: sic non opus est, ut pro *contineatur*, scribamus cum Crevierio, *contineantur*. DOER.

U. C. 360. visum collegio, quod eius ante conceptum votum Veientium ²
 A. C. 392. fuisset, et post votum in potestatem populi Romani venisset,
 Donum A- eius partem decimam Apollini sacram esse. Ita in aesti-
 pollini de- mationem urbs agerque venit. Pecunia ex aerario prompta,
 cretum. et tribunis militum consularibus, ut aurum ex ea coeme-
 Ad id ma- rent, negotium datum. Cuius quum copia non esset, ma- ³
 tronae au- tronae, coetibus ad eam rem consultandam habitis, et com-
 rum suum muni decreto pollicitae tribunis militum aurum et omnia
 conferunt. ornamenta sua, in aerarium detulerunt. Grata ea res, ut
 quae maxime senatui unquam, fuit: honoremque ob eam
 munificentiam ferunt matronis habitum, ut pilento ad sacra ⁴
 ludosque, carpentis festo profestoque uterentur. Pondere
 ab singulis auri accepto aestimatoque, ut pecuniae solve-
 rentur, crateram auream fieri placuit, quae donum Apollini
 Delphos portaretur.

Seditio red- Simul ab religione animos remiserunt, integrant seditio-
 integrata. nem tribuni plebis: incitatur multitudo in omnes principes,
 ante alios in Camillum. 'Eum praedam Veientanam pu-
 U. C. 361. 'blicando sacrandoque ad nihilum redegis-.' Absentes
 A. C. 391. ferociter increpant: praesentium, quum se ultro iratis
 offerrent, verecundiam habent. Simul extrahi rem ex eo
 anno viderunt, tribunos plebis latores legis in annum eos-
 dem reficiunt: et Patres hoc idem de intercessoribus legis ⁵
 annisi. Ita tribuni plebis magna ex parte iidem refecti.
 26. Comitiis tribunorum militum Patres summa ope evicerunt,
 ut M. Furius Camillus crearetur. Propter bella simulabant
 parari ducem; sed largitioni tribuniciae adversarius quae-
 rebatur. Cum Camillo creati tribuni militum consulari
 potestate L. Furius Medullinus sextum, C. Aemilius, L.
 M. Furio Camillo Valerius Publicola, Sp. Postunius, P. Cornelius iterum.
 IV. etc. Principio anni tribuni plebis nihil moverunt, donec M.
 Tr. Mil. Furius Camillus in Faliscos, cui id bellum mandatum erat,
 proficisceretur. Differendo deinde elanguit res: et Ca-
 millo, quem adversarium maxime metuebant, gloria in
 Faliscis crevit. Nam, quum primo moenibus se hostes te-
 nerent, tutissimum id rati, populatione agrorum atque in-
 cendiis villarum coegit eos egredi urbe; sed timor longius

Bellum
Faliscum.

² *Quod eius*] Nempe *quantum* agri.
 Hoc sensu haud raro tam ab nostro,
 quam ab aliis scriptoribus, *quod*
 cum genitivo *eius* ponitur, non ad
 nomen quidem aliquod praecedens
 referendo, sed forma loquendi inusi-
 tatiore. cf. infr. 34. xxxi. 4. xxxviii.
 23. 54. xxxix. 45.

³ *Copia non esset*] sc. Emendi,
 quia pecunia in aerario deficeret, ut
 Niebuhrio placet. ii. n. 1065.

⁴ *Pilento*] *Pilentum* erat vehiculum

quoddam pensile, commodius, ut vi-
 detur, *carpento*, quo et ipso mulieres
 uti solebant. STROTH. cf. Virg. Aen.
 viii. 666. Hor. Epist. ii. 1. 192. Pi-
 lentum quattuor rotis instructum
 erat, teste Isid. xx. 12.

⁵ *De intercessoribus legis*] Intel-
 lige tribunos plebei, amicos Patrum,
 et intercedentes rogationi collegarum
 suorum. CREV. Duos scilicet, qui infr.
 29. condemnantur.

progredi prohibuit. Mille fere passuum ab oppido castra U. C. 361.
 locant; nulla re alia fidentes ea satis tuta esse, quam diffi- A. C. 391.
 cultate aditus, asperis confragosisque circa, et partim artis,
 partim arduis viis. Ceterum Camillus, captivum indicem
 ex agris secutus ducem, castris multa nocte motis, prima
 luce aliquanto superioribus locis se ostendit. Trifariam
 Romani muniebant: alius exercitus proelio intentus stabat.
 Ibi impedire opus conatos hostes fundit fugatque; tantum-
 que inde pavoris Faliscis iniectum est, ut, effusa fuga castra
 sua, quae propiora erant, praelati, urbem peterent. Multi
 caesi vulneratique, priusquam paventes portis inciderent.
 Castra capta; praeda ad quaestores redacta cum magna
 militum ira; sed, severitate imperii victi, eandem virtutem
 et oderant, et mirabantur. Obsidio inde urbis, et muniti-
 ones, et interdum per occasionem impetus oppidanorum in
 Romanas stationes, proeliaque parva fieri: et teri tempus,
 neutro inclinata spe; quum frumentum copiaeque aliae ex
 ante convecto largius obsessis, quam obsidentibus, suppete-
 rent. Videbaturque aequae diuturnus futurus labor, ac
 6 Veiis fuisset; ni fortuna imperatori Romano simul et cog-
 nitae rebus bellicis virtutis specimen et maturam victoriam
 7 dedisset. Mos erat Faliscis, eodem magistro liberorum et 27.
 comite uti: simulque plures pueri, quod hodie quoque in
 Graecia manet, unius curae demandabantur. Principum
 liberos, sicut fere fit, qui scientia videbatur praecellere, 27.
 erudiebat. Is quum in pace instituisset pueros ante urbem
 lusus exercendique causa producere; nihil eo more per
 belli tempus intermisso, tum, modo brevioribus, modo lon-
 gioribus spatiis, trahendo eos a porta, lusu sermonibusque
 variatis, longius solito, ubi res dedit, progressus, inter sta-
 tiones eos hostium castraque inde Romana in praetorium
 ad Camillum perduxit. Ibi scelesto facinori scelestiorem
 sermonem addidit: ‘Falerios se in manus Romanis tradi-
 disse; quando eos pueros, quorum parentes capita ibi
 ‘rerum sint, in potestatem dediderit.’ Quae ubi Camillus
 s. audivit, ‘Non ad similem,’ inquit, ‘tui nec populum, nec

Magistri
 Faliscae iu-
 ventutis
 scelus et
 poena.

6 *Ni fortuna imperatori Romano*] Ni fortuna Camillo locum dedisset, edendi specimen virtutis suae alias rebus bellicis iam cognitae, simul vero etiam per hoc parandi victoriam. Ita Stroth. et Clericus, sed *specimen virtutis* in casu primo accipiendum esse volunt Drak., et Doer., quorum ille *et pro etiam* scriptum esse, hic *et* omnino delendum cum Crevierio censet. Non meum est inter tantos viros lites componere. Tu, lector, nodum pro arbitrio tuo expedias.

7 *Mos erat Faliscis*] Hoc ideo observat Livius, quia apud Romanos res aliter se habebat. Diversa erant praeceptorum paedagogorumque munia. Praeceptores publice docebant: pueros comitandorum privatimque instituendorum cura ad paedagogos pertinebat. Nec simul plures pueri unius magistri curae edocendi demandabantur: sed suus cuiusque familiae pueris paedagogus praeerat. CREV.

8 *Inquit*] Dion. Exc. Vat. xii. 16. scribit Camillum senatum Romae

U. C. 361. 'imperatorem, scelestus ipse cum scelesto munere venisti.
 A. C. 391. 'Nobis cum Faliscis, quae pacto fit humano, societas non
 'est: quam ingeneravit natura, utrisque est, eritque. Sunt
 'et belli, sicut pacis, iura: iusteque ea, non minus quam
 'fortiter, didicimus gerere. Arma habemus, non adversus
 'eam aetatem, cui etiam captis urbibus parcitur: sed ad-
 'versus armatos et ipsos, qui, nec laesi, nec lacessiti a nobis,
 'castra Romana ad Veios oppugnarunt. Eos tu, quantum
 'in te fuit, novo scelere vicisti: ego Romanis artibus, vir-
 'tute, opere, armis, sicut Veios, vincam.' Denudatum de-
 inde eum, manibus post tergum illigatis, reducendum Fale-
 rios pueris tradidit: virgasque iis, quibus proditorem age-
 rent in urbem verberantes, dedit. Ad quod spectaculum
 concursu populi primum facto, deinde a magistratibus de re
 nova vocato senatu, tanta mutatio animis est iniecta, ut,
 qui modo, efferati odio iraque, Veientium exitum paene,
 quam Capenatium pacem, mallent, apud eos pacem universa
 posceret civitas. Fides Romana, iustitia imperatoris, in
 foro et curia celebrantur: consensuque omnium legati ad
 Camillum in castra, atque inde permissu Camilli Romam
 ad senatum, qui dederent Falerios, proficiscuntur. Intro-
 ducti ad senatum ita locuti traduntur: 'Patres conscripti,
 'victoria, cui nec deus, nec homo quisquam invideat, victi
 'a vobis et imperatore vestro, dedimus nos vobis; rati, quo
 'nihil victori pulchrius est, melius nos sub imperio vestro,
 'quam legibus nostris, victuros. Eventu huius belli duo
 'salutaria exempla prodita humano generi sunt. Vos fidem
 'in bello, quam praesentem victoriam, maluistis: nos, fide
 'provocati, victoriam ultro detulimus. Sub ditioe vestra
 'sumus. Mittite, qui arma, qui obsides, qui urbem paten-
 'tibus portis accipiant. Nec vos fidei nostrae, nec nos im-
 'perii vestri poenitebit.' Camillo et ab hostibus et a civi-
 bus gratiae actae. Faliscis in stipendium militum eius anni,
 ut populus Romanus tributo vacaret, pecunia imperata.
 Pace data, exercitus Romam reductus.

Falisci de-
dunt se
Romanis.

28. Camillus meliore multo laude, quam quum triumphantem
 albi per urbem vexerant equi, insignis, iustitia fideque ho-
 stibus victis, quum in urbem redisset, tacite eius verecun-

consuluisse, quid faceret, et senatum
 arbitrium rem omnem gerendi ei per-
 misisse.

9 *Iusteque ea*] sc. Bella: ius enim
 gentium apud Romanos pars quae-
 dam erat iuris naturalis, ut ap. Gaii
 Inst. i. Tit. 2. *Quod naturalis ratio
 inter omnes homines constituit, id
 apud omnes populos peraeque custo-
 ditur, vocaturque ius gentium.* cf.

Scipion. verba infr. xxvi. 49.

1 *Victoria, cui nec deus, nec homo
 quisquam invideat*] Quia nimirum il-
 la victoria fortunae non est, sed vir-
 tutis ac fidei. CREV.

2 *Tacite eius verecundiam*] Gro-
 novius legit *taciti*, id est tacentis, non
 querentis. Etiam tacens, solo ad-
 spectu, admonebat voti non exsoluti:
 quam verecundiam non tulit senatus,

diam non tulit senatus, quin sine mora voti liberaretur: U. C. 361.
 crateramque auream donum Apollini Delphos legati qui A. C. 391.
 3 ferrent, L. Valerius, L. Sergius, A. Manlius, missi longa Missi Del-
 4 una nave, haud procul freto Siculo a piratis Liparensium phos legati
 5 excepti, devehuntur Liparas. Mos erat civitatis, velut cum dono.
 publico latrocinio partam praedam dividere. Forte eo anno Timasithei
 in summo magistratu erat Timasitheus quidam, Romanis Liparensis
 vir similior, quam suis. Qui, legatorum nomen, donumque, religio.
 et deum, cui mitteretur, et doni causam veritus ipse, multi-
 tudinem quoque, quae semper ferme regenti est similis, re-
 ligionis iustae implevit: adductosque in publicum hospitium
 legatos, cum praesidio etiam navium Delphos prosecutus,
 6 Romam inde sospites restituit. Hospitium cum eo senatus-
 consulto est factum, donaque publice data.

Eodem anno in Aequis varie bellatum: adeo ut in in-Bellum
 certo fuerit et apud ipsos exercitus et Romae, vicissent, cum Ae-
 victine essent. Imperatores Romani fuere ex tribunis quis.
 militum C. Aemilius, Sp. Postumius. Primo rem commu-
 niter gesserunt: fusis inde acie hostibus, Aemilium prae-
 sidio Verruginem obtinere placuit, Postumium fines vastare.
 Ibi eum, incomposito agmine negligentius ab re bene
 gesta euntem, adorti Aequi, terrore iniecto, in proximos
 compulere tumulos: pavorque inde Verruginem etiam ad
 praesidium alterum est perlatus. Postumius, suis in tutum
 receptis, quum concione advocata terrorem increparet ac
 fugam; fusos esse ab ignavissimo et fugacissimo hoste;
 conclamat universus exercitus, merito se ea audire, et fateri
 admissum flagitium: sed eosdem correcturos esse, neque
 diuturnum id gaudium hostibus fore. Poscentes, ut con-
 festim inde ad castra hostium duceret, (in conspectu erant
 posita in plano) nihil poenae recusabant, ni ea ante no-
 ctem expugnassent. Collaudatos corpora curare, paratosque

statimque dedit operam ut respublica
 voti liberaretur. CREV. *Taciti* reponit
 Bekker. *Tacite non tulit* significat,
 verecundia eius motus est senatus.

3 *Longa una nave*] Quae onera-
 riis sive rotundis navibus opponitur,
 ut ap. Graecos *μακρὰ νῆες*. Illae ve-
 lis, hae remis agebantur.

4 *Piratis*] Plut. in Cam. 8. scribit
 navem Romanam, ut piraticam, a
 Liparensibus captam fuisse; quippe
 Liparenses piratas Tyrrenos saepius
 insulis intercipient, et haud raro
 praedam Delphos ad Apol-
 linem mittebant.

5 *Liparas*] Urbem in insula ea-

rum principe, quae, Vulcaniae vel Ae-
 oliae dictae, haud procul Sicilia a
 parte septentrionali positae sunt.

6 *Hospitium*] Diodor. xiv. 93. scri-
 bit senatum Romanum Timasitheo
 dona et iura *προξενίας* publice dedisse,
 et quum Liparae primo Punico
 bello in ditionem Romanam venissent,
 posteros illius ab omni tributo im-
 munes et prorsus liberos esse iussisse.
 Crater ille aureus in thesauro Massi-
 liensium ap. Delphos repositus, ab
 Onomarcho tandem in bello Phocico
 conflatus est. cf. Appian. in Exc.
 Vales. p. 465.

U. C. 361. esse quarta vigilia iubet. Et hostes, nocturnam fugam ex 7
 A. C. 391. tumultu Romanorum ut ab ea via, quae ferebat Verruginem,
 excluderent, fuere obvii: proeliumque ante lucem (sed
 luna pernox erat) commissum est: et haud incertius diurno 8
 proelio fuit. Sed clamor Verruginem perlatus, quum cas-
 tra Romana crederent oppugnari, tantum iniecit pavoris,
 ut, nequicquam retinente atque obsecrante Aemilio, Tu-
 sculum palati fugerent. Inde fama Romam perlata est,
 Postumium exercitumque occisum. Qui, ubi prima lux
 metum insidiarum effuse sequentibus sustulit, quum per- 9
 equitasset aciem, promissa repetens, tantum iniecit ardoris,
 ut non ultra sustinuerint impetum Aequi. Caedes inde
 fugientium, qualis ubi ira magis, quam virtute, res geritur,
 ad perniciem hostium facta est; tristemque ab Tusculo
 nuntium, nequicquam exterrita civitate, literae a Postumio
 laureatae sequuntur: 'Victoriam populi Romani esse; 1
 'Aequorum exercitum deletum.'

29. Tribunorum plebis actiones quia nondum invenerant
 finem, et plebs continuare latoribus legis tribunatum, et
 patres reficere intercessores legis annisi sunt: sed plus suis
 comitiis plebs valuit. Quem doloremulti Patres sunt,
 U. C. 362. senatusconsulto facto, ut consules, invisus plebi magistratus,
 A. C. 390. crearentur. Annum post quintum decimum creati consules
 L. Lucretio L. Lucretius Flavius, Ser. Sulpicius Camerinus. Principio
 Ser. Sulpicio Coss. huius anni, ferociter, quia nemo ex collegio intercessurus
 erat, coortis ad perferendam legem tribunis plebis, nec seg-
 nius ob id ipsum consulibus resistentibus, omnique civitate
 in unam eam curam conversa, Vitelliam coloniam Romanam
 in suo agro Aequi expugnant. Colonorum pars maxima
 incolumis, quia nocte proditione oppidum captum liberam
 per aversa urbis fugam dederat, Romam perfugere. L.
 Lucretio consuli ea provincia evenit. Is, cum exercitu
 profectus, acie hostes vicit; victorque Romam ad maius
 aliquanto certamen redit. Dies dicta erat tribunis plebis
 biennii superioris A. Virginio et Q. Pomponio: quos defendi
 Patrum consensu ad fidem senatus pertinebat. Neque enim
 eos aut vitae ullo crimine alio aut gesti magistratus quis-
 quam arguebat, praeterquam quod, gratificantes Patribus,

Duo Tr. Pl.
 accusati,
 et damnati.

7 *Nocturnam fugam*] Ut Roma-
 nos, si per noctem fugere ex tumulo
 vellent, excluderent ab ea via quae
 ducebat ad oppidum Verruginem.
 CREV.

8 *Haud incertius*] Haud obscu-
 rius et tectius; quia lunae beneficio
 in hoc proelio antelucano omnia ae-

que certe et clare, atque interdiu
 internosci poterant. DOER.

9 *Effuse sequentibus*] sc. Romanis,
 si hostem effuse sequerentur.

1 *Laureatae*] Plin. H. N. xv. 30.
*Laurus... Romanis praecipue laeti-
 tiae victoriarumque nuntia additur
 literis, et militum lanceis pilisque.*

rogationi tribuniciae intercessissent. Vicit tamen gratiam U. C. 362.
 senatus plebis ira; et pessimo exemplo innoxii denis milli- A. C. 390.
 2 bus gravis aeris condemnati sunt. Id aegre passi Patres.
 3 Camillus palam sceleris plebem arguere: ‘quae, iam in Camillus
 ‘suos versa, non intelligeret, se pravo iudicio de tribunis invehitur
 ‘intercessionem sustulisse; intercessione sublata, tribuniciam in plebem
 ‘potestatem evertisse. Nam, quod illi sperarent, effrenatam Rom.
 ‘licentiam eius magistratus Patres laturos, falli eos. Si
 ‘tribunicia vis tribunicio auxilio repelli nequeat, aliud telum
 ‘Patres inventuros esse.’ Consulesque increpabat, quod
 4 fide publica decipi tribunos eos taciti tulissent, qui senatus
 auctoritatem secuti essent. Haec propalam concionabun-
 dus in dies magis augebat iras hominum. Senatum vero 30.
 incitare adversus legem haud desistebat: ‘ne aliter descen- Senatum
 ‘derent in forum, quum dies ferendae legis venisset, quam incitat ad-
 ‘ut qui meminissent, sibi pro aris focusque et deum templis versus
 ‘ac solo, in quo nati essent, dimicandum fore. Nam quod legem de
 ‘ad se privatim attineat, si suae gloriae sibi inter dimica- migrando
 5 ‘tionem patriae meminisse sit fas, sibi amplum quoque esse, Veios.
 ‘urbem ab se captam frequentari, quotidie se frui monu-
 6 ‘mento gloriae suae, et ante oculos habere urbem latam in
 ‘triumpho suo, insistere omnes vestigiis laudum suarum:
 ‘sed nefas ducere, desertam ac relictam ab diis immortalibus
 ‘incoli urbem: et in captivo solo habitare populum Roma-
 ‘num, et victrice patria victam mutari.’ His adhortationibus
 principis concitati Patres, senes iuvenesque, quum ferretur
 lex, agmine facto in forum venerunt: dissipatique per
 7 tribus, suos quisque tribules prensantes, orare cum lacrimis
 coepere, ‘Ne eam patriam, pro qua fortissime felicissimeque
 ‘ipsi ac patres eorum dimicassent, desererent,’ Capitolium,
 aedem Vestae, cetera circa templa deorum ostentantes.
 ‘Ne exsulem, extorrem populum Romanum ab solo patrio ac
 ‘diis penetibus in hostium urbem agerent: eoque rem
 ‘adducerent, ut melius fuerit, non capi Veios, ne Roma
 ‘desereretur.’ Quia non vi agebant, sed precibus, et inter

2 *Gravis aeris*] Niebuhrus placet lege quadam xii. Tab. sancitum esse, ut multae semper *aeris gravis* irrogarentur, quippe ante decemviratum *aeris* simpliciter scribit Livius, post leges autem xii. Tab. perlatas, ut supr. 12. et infr. 32. *aeris gravis* legimus. Fieri potest, ut *aestimatio illa multarum* supr. iv. 30. ad hanc rem spectaverit.

3 *Sceleris*] Scelus propria significatione est id, quod adversatur pietati. Porro contra pietatem erat *in suos verti*, suos violare. CREV.

4 *Fide publica*] In fraudem impelli fiducia promissi ab senatu auxilii, quod illis praestitum non fuerat. CREV.

5 *Amplum*] Ut supr. ii. 9. *amplum Tuscis ratus*, et infr. xxviii. 42.

6 *Latam in triumpho*] Cuius nempe imago seu descriptio, ut vulgo fieri solebat, ante currum triumphantis Camilli lata erat. STRON.

7 *Tribules*] Quoniam patricii a decemviris in tribus cum plebeis dispositi erant. cf. Niebhr. ii. p. 314.

U. C. 362. preces multa deorum mentio erat, religiosum parti maximae
 A. C. 390. fuit: et legem una plures tribus antiquarunt, quam iusse-
 Antiquatur runt. Adeoque ea victoria laeta Patribus fuit, ut postero
 lex die, referentibus consulibus, senatusconsultum fieret, ut agri
 Veientani septena iugera plebi dividerentur; nec patribus
 familiae tantum, sed ut omnium in domo liberorum capitum
 ratio haberetur; vellentque in eam spem liberos tollere.

31. Eo munere delinita plebe, nihil certatum est, quo minus
 U. C. 363. consularia comitia haberentur. Creati consules L. Valerius
 A. C. 389. Potitus, M. Manlius, cui Capitolino postea fuit cognomen.
 L. Valerio Potito, M. Hi consules magnos ludos fecere, quos M. Furius dictator
 Manlio voverat Veienti bello. Eodem anno aedes Iunonis Reginae,
 Coss. ab eodem dictatore eodemque bello vota, dedicatur: cele-
 bratamque dedicationem ingenti matronarum studio tradunt.
 Bellum haud memorabile in Algido cum Aequis gestum
 est, fuis hostibus prius paene, quam manus consererent.
 Valerio, quod perseverantior caedendis in fuga fuit, trium-
 phus; Manlio, ut ovans ingrederetur urbem, decretum est.
 Eodem anno novum bellum cum Volsiniensibus exortum:
 quo propter famem pestilentiamque in agro Romano, ex
 siccitate caloribusque nimis ortam, exercitus duci nequivit:
 Volsiniense ob quae Volsinienses, Salpinatibus adiunctis, superbia elati,
 bellum. ultro agros Romanos incursavere. Bellum inde duobus
 M. Corne- populis indictum. C. Iulius censor decessit: in eius locum
 lius censor suffectus. M. Cornelius suffectus: quae res postea religioni fuit; quia
 eo lustro Roma est capta. Nec deinde unquam in
 demortui locum censor sufficitur. Consulibusque morbo
 implicitis placuit, per interregnum renovari auspicia.
 Itaque, quum ex senatusconsulto consules magistratu se

8 Una plures] Scilicet ex viginti et una tribubus undecim legem antiquabant, sc. non accipiebant.

9 Cui Capitolino postea fuit] Etiam fuit plures codd. habent, sed etiam delet Bekker. Quod si haec vox admittenda sit, verisimile est Livium ea indicare voluisse, M. Manlio postea aliud cognomen, et quidem *Capitolini*, impositum, ut supr. iv. 26. *T. Quinctius, L. F. Cincinnatus, eidem et Penno cognomen additur.* DRAK. Constat tamen hoc cognomen non novum incepisse ab hoc Manlio. Et enim A. Manlius, qui supr. iv. 61. v. 8. tribunus militum creatur, in Fast. Capit. vocatur, A. MANLIUS A. F. CN. N. VULSO. CAPITOLINUS: et hinc Manlio iam consuli cognomen hoc tribuit Dionys. Itaque Manlii primo Capitolini dicti sunt, ut Sigonius observat, quod in Capitolio habitarent. Fieri tamen potest ut Livius dicere voluerit,

M. Manlium cognomen hoc, maiori-
 bus suis inditum, erepto a Gallis Ca-
 pitolio, vel multo praeclarius reddi-
 disse, ut Pighius coniicit, vel iure suo
 sibi vindicasse. cf. infr. ix. 16.

1 Siccitate] Eadem res ap. Dion.
 Exc. Vat. xii. 18. narratur.

2 Salpinatibus] In *Salpino* urbis
 illius veteris, quae hodie *Orvieto*, h. e.
Urbs Vetus, vocatur, nomen latere
 putat Niebhr. ii. n. 1088, sed Cra-
 merio aliter placuit; qui *Orvieto* an-
 tiquitus *Herbanum* fuisse, et vestigia
Salpini hodie superesse existimat in
 vetere illa ecclesia, *S. Giovanni in*
Selina, haud procul remota a fano
 Voltumnae, hod. *Viterbo*. De Sal-
 pinatibus unica mentio facta est in
 Fragm. Fabii Pictor. cf. Cluver. Ital.
 Ant. ii. 3.

3 C. Iulius censor] Huius colle-
 gam fuisse L. Papirium Cursorem dis-
 cimur infr. ix. 34. CREV.

4 abdicassent, interrex creatur M. Furius Camillus; qui P. U. C. 363.
 Cornelium Scipionem, is deinde L. Valerium Potitum A. C. 389.
 interregem prodidit. Ab eo creati sex tribuni militum
 consulari potestate; ut, etiamsi cui eorum incommoda vale-
 5 tudo fuisset, copia magistratuum reipublicae esset. Kalen- 32.
 dis Quintilibus magistratum ocepere L. Lucretius, Ser. U. C. 364.
 Sulpicius, M. Aemilius, L. Furius Medullinus septimum, A. C. 388.
 Agrippa Furius, C. Aemilius iterum. Ex his L. Lucretio, L. Lucretio,
 et C. Aemilio Volsinienses provincia evenit: Salpinates etc. Tr. Mil.
 6 Agrippae Furio et Ser. Sulpicio. Prius cum Volsiniensibus Volsinien-
 pugnatum est. Bellum numero hostium ingens, certamine ses victi.
 haud sane asperum fuit. Fusa concursu primo acies in
 fugam: millia octo armatorum ab equitibus interclusa,
 positis armis, in deditionem venerunt. Eius belli fama
 effecit, ne se pugnae committerent Salpinates: moenibus
 armati se tutabantur. Romani praedas passim et ex Salpinati
 agro, et ex Volsiniensi, nullo eam vim arcente, egerunt:
 donec Volsiniensibus fessis bello ea conditione, ut res
 populo Romano redderent, stipendiumque eius anni exer-
 citui praestarent, in viginti annos indutiae datae. Eodem
 anno M. Caedicius de plebe nuntiavit tribunis, se in Nova
 7 via, ubi nunc sacellum est, supra aedem Vestae, vocem Vox divi-
 noctis silentio audisse clariorem humana, quae magistratibus nitus missa
 dici iuberet, Gallos adventare. Id, ut fit, propter auctoris de Gallo-
 humilitatem spretum, et quod longinqua, eoque ignotior, rum adven-
 gens erat. Neque deorum modo monita, ingruente fato, tu.
 sprete; sed humanam quoque opem, quae una erat, M. Camillus
 Furium ab urbe amovere: qui, die dicta ab L. Appuleio accusatus
 tribuno plebis propter praedam Veientanam, filio quoque in exsilium
 adolescente per idem tempus orbatus, quum, accitis domum abit.
 8 tribulibus clientibusque, (magna pars plebis erat) percune-

4 *Se abdicassent*] Causam abdicationis veriore fuisse Niebhr. ii. p. 491. existimat eadem quandam Caeritium a Dionysio Syracusano illatam, qui navibus ad Pyrgos descenderat, atque aedem Matutae Matris sanctissimam flammis vastaverat. cf. Diod. xv. 14. Consules, quum auxilium Caeritibus serius tulissent, abdicare se magistratu per senatusconsultum coacti sunt.

5 *Kalendis Quintilibus*] cf. Supr. 9. Nimirum abdicatio consulum fecit, ut maturius magistratum occiperent tribuni militum.

6 *Cum Volsiniensibus*] Hoc magis pro Niebuhrio quam Cramerio facit. cf. cap. praeced. quoniam ille Salpinum paullo remotius a Roma quam Volsinos hodie, *Bolsena*, fuisse vult,

hic vero proprius Romam: quod si huius coniectura verior sit, a Romanis legionibus Salpinum prius opugnandum fuisse videtur.

7 *Vocem noctis silentio*] Plura similis superstitionis exempla apud veteres et hodiernos scriptores extant. In Corsica insula, interempto duce quodam praeclaro, qui *Le Bel Messer* seculo decimo appellatus est, vocem clariorem humana auditam fuisse memoratur, ut Valerius scribit, quae diceret, *Bel Messer est mort: malheureuse Corse, n'espere plus aucun bien*.

8 *Clientibusque (magna pars plebis erat)*] Saepissime relativum supponit Livius, ut infra. 35. *Ubi hunc Brivia ac Verona urbes sunt, (locos tenere Libani) considunt*, et passim.

U. C. 364. tatus animos eorum, responsum tulisset, 'se collaturos,
A. C. 388. 'quanti damnatus esset; absolvere eum non posse,' in ex-
silium abiit: precatus ab diis immortalibus, 'si innoxio sibi
'ea iniuria fieret, primo quoque tempore desiderium sui
'civitati ingratae facerent.' Absens quindecim millibus⁹
gravis aeris damnatur.¹

33.
Legati Clu-
sini auxili-
um petunt
contra Gal-
los.

Tuscorum
antiquae
opes.

Expulso cive, quo manente, si quicquam humanorum
certi est, capi Roma non potuerat; adventante fatali urbi
clade, legati ab Clusinis veniunt, auxilium adversus Gallos
petentes. Eam gentem traditur fama, dulcedine frugum
maximeque vini, nova tum voluptate, captam, Alpes trans-
isse, agrosque ab Etruscis ante cultos possedissee: et invex-
isse in Galliam vinum illiciendae gentis causa Aruntem²
Clusinum, ira corruptae uxoris ab Lucumone, cui tutor is
fuerat ipse, praepotente iuvene, et a quo expeti poenae,
nisi externa vis quaesita esset, nequirent: hunc transeun-
tibus Alpes ducem, auctoremque Clusium oppugnandi fu-
isse. Equidem haud abnuerim, Clusium Gallos ab Arunte,
seu quo alio Clusino, adductos: sed eos, qui oppugnaverint
Clusium, non fuisse, qui primi Alpes transierint, satis
constat. Ducentis quippe annis ante, quam Clusium op-
pugnarent, urbemque Romam caperent, in Italiam Galli
transcenderunt: nec cum his primum Etruscorum, sed
multo ante cum iis, qui inter Apenninum Alpesque incole-
bant, saepe exercitus Gallici pugnare. Tuscorum ante³
Romanum imperium late terra marique opes patuere. Mari
supero inferoque, quibus Italia insulae modo cingitur,
quantum potuerint, nomina sunt argumento; quod alterum
Tuscum communi vocabulo gentis, alterum Hadriaticum
mare, ab Hadria Tuscorum colonia, vocavere Italicae⁴
gentes. Graeci eadem Tyrrhenum atque Hadriaticum
vocant. Ii in utrumque mare vergentes incolere urbibus
duodenis terras: prius cis Apenninum ad inferum mare,
postea trans Apenninum, totidem, quot capita originis
erant, coloniis missis: quae trans Padum omnia loca,

9 *Quindecim*] Dion. Exc. Vat. xii.
19. scribit δέκα μυριάσιν, suppl. fortasse
ἀσσιπλῶν: cum Livio consentiunt Plu-
tarch. in Cam. et Zonar. vii. 22. Ap-
pianus autem in fragmento libri de
Regibus Pop. Rom. πεντήκοντα μυριά-
σιν scribit.

1 *Damnatur*] Plutarch. in Cam.
valvas aeneas, primitias praedae
Veientanae, a Camillo domi clam re-
positas, et crimini illi a tribuno da-
tas esse. Dion. in Exc. Vat. xii. 19.
totidem fere verbis exsilium Camilli
narrat, et clientes illius invidia nihil
aliud, nisi pecuniam ad dissolvendam
multam, contulisse.

2 *Aruntem Clusinum*] Ita quoque
Dion. Exc. Vat. xii. 24. cf. Niebhr. ii.
n. 1171. Simili fere ratione Mauri in
Hispaniam a comite Iuliano allecti
sunt, ob iram corruptae suae filiae a
rege Roderigo.

3 *Tuscorum ante Romanum*] cf.
Heyn. Opusc. Acad. v. p. 402. Polyb.
ii. 17. Plin. H. N. iii. 8. Schol. in Verr.
et Serv. in Virg. Aen. x. 198.

4 *Hadria*] Hadriam Siculorum ur-
bem fuisse ap. Plin. H. N. iii. 19. le-
gimus. Graecas quoque colonias a
Syracusanis Issae atque Adriae con-
ditas fuisse scribit Niebhr. i. p. 157.
cf. Schweigh. ad Polyb. ii. 14.

excepto Venetorum angulo, qui sinum circumcolunt maris, U. C. 364.
 usque ad Alpes tenuere. Alpinis quoque ea gentibus A. C. 388.
 5 haud dubie origo est, maxime Raetis: quos loca ipsa effe-
 rarunt, ne quid ex antiquo, praeter sonum linguae, nec
 eum incorruptum, retinerent. De transitu in Italiam Gal- 34.
 6 lorum haec accepimus. Prisco Tarquinio Romae reg- ^{Transitus}
 nante, Celtarum, quae pars Galliae tertia est, penes Bi- ^{Gallorum}
 turiges summa imperii fuit: ii regem Celtico dabant. ^{in Italiam.}
 Ambigatus is fuit, virtute fortunaque quum sua, tum
 publica, praepollens, quod imperio eius Gallia adeo frugum
 hominumque fertilis fuit, ut abundans multitudo vix regi
 videretur posse. Illic magno natu ipse iam, exonerare
 praegravante turba regnum cupiens, Bellovesum ac Sigo-
 vesum, sororis filios, impigros iuvenes, missurum se esse,
 in quas dii dedissent auguriis sedes, ostendit. Quantum
 ipsi vellent numerum hominum, excirent, ne qua gens
 arcere advenientes posset. Tum Sigoveso sortibus dati
 Hercynii saltus: Belloveso haud paullo laetiozem in
 7 Italiam viam dii dabant. Is, quod eius ex populis abun-
 dabat, Bituriges, Arvernos, Senones, Aeduos, Ambarros,
 Carnutes, Aulercos, excivit. Profectus ingentibus pe-
 ditum equitumque copiis, in Tricastinos venit. Alpes inde
 oppositae erant: quas inexsuperabiles visas haud equidem
 miror, nulladum via (quod quidem continens memoria sit,
 8 nisi de Hercule fabulis credere libet) superatas. Ibi quum
 velut saeptos montium altitudo teneret Gallos, circum-
 spectarentque, quam per iuncta coelo iuga in alium
 orbem terrarum transirent, religio etiam tenuit, quod
 allatum est, advenas quaerentes agrum ab Salyum gente
 9 oppugnari. Massilienses erant hi, navibus a Phocaea pro-

5 *Raetis*] Livio quidem arridet ea opinio, quae gentem Etruscam septentrionem versus colonias misisse vult. Niebuhr. i. p. 111. *Raeti* gens ea fuisse videtur, quae *Rasena* linguae sua audiebat, quae iugis Alpinis descendens, Tuscos vel Tyrrhenos e regionibus Padanis expulit, atque ex eius colluvione cum Etruscis gens Etrusca prodiit. *Raeti* vulgo scribuntur *Rhaeti*, sed Drak. ad h. l., Ryck. et Wolf. ad Tac. Ann. i. 44. in lapidibus optimis plerumque litteram *h* non legi movent, quod Niebuhr. probat i. n. 345.

6 *Haec accepimus*] Haec omnia Niebuhr. displicent, qui Gallos haud multo prius quam Clusium oppugnassent, Alpes traiecerit, et brevi tempore regione circumPadana pervasata viam in Etruriam per Apeninos

montes sibi aperuisse: atque hinc Livium, in annalibus libris invenisse, *Gallos Etruscis gentem invisitatam, novas accolas esse*, supr. 17. et *invisitato atque inaudito hoste ab Oceano terrarumque ultimis oris bellum ci-cute*, infr. 37. cf. Dion. vii. 3. et Exc. xii. 24. Diodor. xiv. 113. Polyb. ii. 17, 18. Justin. xxiv. 4.

7 *Quod eius*] cf. Supr. 25.

8 *De Hercule fabulis*] Quae hodie apud agricolas valles sub Alpibus habitantes locum habent.

9 *Massilienses*] Coloniam hanc Phocaeorum Olymp. xlv. conditam fuisse scribit Timaeus. cf. Niebuhr. ii. n. 1149. Justin. xliii. 3. qui verba Trogi Pompeii refert, Massilienses, a rege Segobingenium hospicio exceptos, et bello minime laceratos fuisse narrat.

U. C. 364.
A. C. 388.

35.

Clusini a
Gallis op-
pugnati.

Legatos a
Romanis
ad Gallos
impetrant.

fecti. Id Galli fortunae suae omen rati adiuvere, ut, quem primum in terram egressi occupaverant, locum patentibus silvis communirent. Ipsi per Taurinos saltusque invios¹ Alpes transcenderunt: fusisque acie Tuscis haud procul Ticino flumine, quum, in quo consederant, agrum Insubrium appellari audissent, cognomine Insubribus pago Aeduorum: ibi, omen sequentes loci, condidere urbem: Mediolanum appellarunt. Alia subinde manus Cenomanorum, Elitovio duce vestigia priorum secuta, eodem saltu, favente Belloveso, quum transcendisset Alpes, ubi nunc² Brixia ac Verona urbes sunt, (locos tenuere Libui) con-³sidunt: post hos Salluvii, prope antiquam gentem Laevos Ligures, incolentes circa Ticinum amnem. Penino deinde⁴ Boii Lingonesque transgressi, quum iam inter Padum atque Alpes omnia tenerentur, Pado ratibus trajecto, non Etruscos modo, sed etiam Umbros, agro pellunt: intra Apenninum tamen sese tenuere. Tum Senones, recentissimi advenarum, ab Utente flumine usque ad Aesim fines⁵ habuere. Hanc gentem Clusium, Romamque inde, venisse comperio: id parum certum est, solamne, an ab omnibus Cisalpinorum Gallorum populis adiutam.

Clusini, novo bello exterriti, quum multitudinem, quum⁶ formas hominum invisitatas cernerent et genus armorum, audirentque, saepe ab iis, cis Padum ultraque, legiones Etruscorum fusas, quanquam adversus Romanos nullum iis ius societatis amicitiaeve erat, nisi quod Veientes consanguineos adversus populum Romanum non defendissent, legatos Romam, qui auxilium ab senatu peterent, misere. De auxilio nihil impetratum: legati tres M. Fabii Am-⁷

¹ *Taurinos*] Gallos per vallem Duriae maioris, hod. *Val. d'Aosta*, descendisse in Italiam Niebhr. existimat, et Salassios, *Tauriscorum* gentem, ibi mansisse; *Taurinos* vero Ligures fuisse.

² *Ubi nunc Brixia ac Verona urbes sunt*] Illustrissimus vir Scipio Maffei libro i. operis *Italica lingua scripti*, cui titulus est *Verona illustrata*, multis probat Veronam Cenomanorum non fuisse: nec spernendis argumentis convellit, quidquid e veteribus scriptoribus affertur ad contribuendam Cenomanis illam urbem. Hunc speciatim Livii locum tractat, et refingendum censet ex Plin. H. N. iii. 19. qui Brixiam et Cremonam Cenomanis attribuit, Veronam Raetis Euganeis. Hic igitur itidem legendum putat, *ubi nunc Brixia et Cremona urbes sunt*. Qui rem penitus inspicere cupierit, adeat ipsum Maffei doc-

tissimum opus. CREV.

³ *Libui*] Gens Ligurum. cf. Niebhr. i. p. 161. *Laevos*, sc. qui urbem Paviam, sub nomine Ticini, condiderunt. Plin. H. N. iii. 21.

⁴ *Penino*] Iugo. Unde nomen Alpibus inditum sit *Peninis*, docet Livius xxi. 38. CREV. Hodie, *le Grand St. Bernard*.

⁵ *Aesim*] Olim *Athesim*. Correxerit Sigonius, cui astipulatur antiquissimus e nostris codd. ceteris eodem alludentibus. *Aesis* a Strabone v. dicitur divisisse Galliam a cetera Italia. i. e. Senonas a Piceno. CREV.

⁶ *Multitudinem*] Triginta millia in acie Gallorum fuisse scribit Diodor. xiv. 113.

⁷ *Legati tres*] Non ut iniuriam Clusinis deprecarentur, missi, si Diodor. audieris, sed ut quinam homines et quales essent Galli, perspicerent.

busti filii missi, qui senatus populiue Romani nomine agerent cum Gallis, ne, a quibus nullam iniuriam accepissent, socios populi Romani atque amicos oppugnarent. Romanis eos bello quoque, si res cogat, tuendos esse: sed melius visum, bellum ipsum amoveri, si posset: et Gallos, novam gentem, pace potius cognosci, quam armis. Mitis legatio, ni praeferoces legatos, Gallisque magis quam Romanis similes, habuisset. Quibus, postquam mandata ediderunt in concilio Gallorum, datur responsum: ‘Etsi novum nomen audiant Romanorum, tamen credere viros fortes esse, quorum auxilium a Clusinis in re trepida sit imploratum. Et, quoniam legatione adversus se maluerint, quam armis, tueri socios, ne se quidem pacem, quam illi afferant, aspernari, si Gallis, egentibus agro, quem latius possideant, quam colant, Clusini, partem finium concedant: aliter pacem impetrari non posse. Et responsum coram Romanis accipere velle: et, si negetur ager, coram iisdem Romanis dimicatu-⁸ros, ut nuntiare domum possent, quantum Galli virtute ceteros mortales praestarent. Quodnam id ius esset, agrum a possessoribus petere, aut minari arma?’ Romanis quaerentibus, et, ‘quid in Etruria rei Gallis esset?’ quum illi ‘se in armis ius ferre:’ et ‘omnia fortium virorum esse,’ ferociter dicerent, accensis utrimque animis ad arma discurretur, et proelium conseritur. Ibi, iam urgentibus Romanam urbem fatis, legati contra ius gentium arma capiunt: nec id clam esse potuit, quum ante signa Etruscorum tres nobilissimi fortissimique Romanae iuventutis pugnarent. Tantum eminebat peregrina virtus.

⁸ Quin etiam Q. Fabius, euectus extra aciem equo, ducem Gallorum, ferociter in ipsa signa Etruscorum incursantem, per latus transfixum hasta, occidit: spoliaque eius legentem Galli agnovere, perque totam aciem, Romanum legatum esse, signum datum est. Onissa inde in Clusinos ira, receptui canunt, minantes Romanis. Erant, qui extemplo Roman eundum censerent. Vicere seniores, ut legati prius mitterentur questum iniurias postulatumque, ut pro iure gentium violato Fabii dederentur. Legati Gallorum quum ea, sicut erant mandata, exposuissent, senatui nec factum placebat Fabiorum, et ius postulare barbari videbantur: sed, ne id, quod placebat, decerneret in tantae nobilitatis viris, ambitio obstabat. Itaque, ne penes ipsos culpa esset cladis forte Gallico bello acceptae, cognitionem

36.

Legati contra Gallos arma capiunt.

Galli postulant ut legati Rom. sibi dedantur.

⁸ *Ducem Gallorum*] Quendam e-
ducibus. CREV. gulis ad proximos perferentibus nuntiatum est. CREV.

⁹ *Signum datum est*] Hoc est, ius-
su imperatoris per totam aciem, sin- 1 *Ambitio*] Gratia Fabiorum, sive prius in illos favor.

U. C. 364.
A. C. 388.
Eluditur
eorum po-
stulatio.
U. C. 365.
A. C. 387.
Tribus Fa-
biis, etc.
Tr. Mil.

de postulatis Gallorum ad populum reiiciunt : ubi tanto plus² gratia atque opes valere, ut, quorum de poena agebatur, tribuni militum consulari potestate in insequentem annum crearentur. Quo facto, haud secus quam dignum erat, infensi Galli bellum propalam minantes, ad suos redeunt. Tribuni militum cum tribus Fabiis creati Q. Sulpicius Longus, Q. Servilius quartum, Ser. Cornelius Malugin-³ensis.

37.

Negligen-
ter paratur
bellum in
Gallos.

Romam
Galli con-
tendunt.

Quum tanta moles mali instaret, (adeo occaecat animos fortuna, ubi vim suam ingruentem refringi non vult) civitas, quae adversus Fidenatem ac Veientem hostem aliosque finitimos populos, ultima experiens auxilia, dictatorem multis tempestatibus dixisset; ea tunc, invisitato atque inaudito hoste ab Oceano terrarumque ultimis oris bellum ciente, nihil extraordinarii imperii aut auxilii quaesivit. Tribuni, quorum temeritate bellum contractum erat, summae rerum praeerant: delectumque nihilo accuratiorem, quam ad media bella haberi solitus erat, (extenuantes etiam famam belli) habebant. Interim Galli, postquam acceperere, ultro⁴ honorem habitum violatoribus iuris humani, elusamque legationem suam esse, flagrantem ira, cuius impotens est gens, confestim signis convulsis, citato agmine iter ingre-⁵diuntur. Ad quorum praetereuntium raptim tumultum quum exterritae urbes ad arma concurrerent, fugaque agrestium fieret, Romam se ire, magno clamore significa-
bant; quacunque ibant, equis virisque longe ac late fuso agmine immensum obtinentes loci. Sed, antecedente fama nuntiisque Clusinatorum, deinceps inde aliorum populorum, plurimum terroris Romam celeritas hostium tulit: quippe⁶ quibus, velut tumultuario exercitu raptim ducto, aegre ad⁷

² *Populum*] Senatum legatos dedendos censuisse scribit Diodor. xiv. 113. *populum vero, τὸν δῆμον*, curiatis scilicet comitiis, id fieri noluisse.

³ *Servius Cornelius*] Praenomen *Publius*, in *Fragm. Fast. Capit.* legitur.

⁴ *Ultro honorem habitum*] Non modo nullam indictam esse poenam, sed etiam honorem habitum iis, qui violassent ius ad totam generis humani societatem pertinens. CREV.

⁵ *Confestim signis convulsis*] Hanc rem minime se ita habuisse plurimis argumentis probat Niebhr. ii. p. 531. quippe tribuni militum Kal. Quinctilibus magistratum occipiebant, supr. 22, neque pugna Alliensis ante postridiem Idus Quinctilis, quindecim ad minimum diebus interpositis, commissa est. Wachsm. p. 422. n. 44.

⁶ *Quippe quibus*] Romani haud pro-

cul Veis, castris in dextra Tiberis ripa positis, Gallos expectabant; quum vero Galli fluminis transitum occupassent, signa convellerunt, et tumultuario exercitu sinistra ripa aegre ad undecimum lapidem, castris neque positis neque munitis, advenientibus hostibus occurrerunt. Romanis in acie quadraginta millia hominum fuisse, Gallis septuaginta, narrat Plut. in *Cam.* 18.

⁷ *Velut tumultuario exercitu*] Diodor. xiv. 113. omnes aetatis militaris cives in Gallos conscriptos fuisse scribit. cf. Cic. *Phil.* viii. 2, 3. *Gravius tumultum esse quam bellum, hinc intelligi licet, quod bello vacationes valent, tumultu non valent.* Hinc liquet quid sit *tumultuarius exercitus*, scilicet id quod Diodorus narrat, quando omnis aetas militaris sub armis

8 undecimum lapidem occursum est, qua flumen Allia, Cru- U. C. 365.
stuminis montibus praealto defluens alveo, haud multum A. C. 387.
infra viam Tiberino amni miscetur. Iam omnia contra
circaque hostium plena erant, et nata in vanos tumultus
gens, truci cantu clamoribusque variis, horrendo cuncta
compleverant sono.

9 Ibi tribuni militum, non loco castris ante capto, non 38.
praemunito vallo, quo receptus esset, non deorum saltem, Vincunt
si non hominum, memores, nec auspicato, nec litato, in- Romanos
1 struunt aciem diductam in cornua, ne circumveniri multi- ad Alliam.
tudine hostium possent. Nec tamen aequari frontes pote-
rant, quum extenuando infirmam et vix cohaerentem me-
diam aciem haberent. Paullum erat ab dextra editi loci,
quem subsidiariis repleti placuit; eaque res, ut initium pa-
2 voris ac fugae, sic una salus fugientibus fuit. Nam Bren-
nus, regulus Gallorum, in paucitate hostium artem maxime
timens, ratus ad id captum superiorem locum, ut, ubi
Galli cum acie legionum recta fronte concucurrissent, sub-
sidia in aversos transversosque impetum darent, ad subsidi-
arios signa convertit: si eos loco depulisset, haud dubius,
facilem in aequo campi tantum superanti multitudini victo-
riam fore: adeo non fortuna modo, sed ratio etiam, cum
barbaris stabat. In altera acie nihil simile Romanis, non
apud duces, non apud milites erat. Pavor fugaeque occu-
paverat animos, et tanta omnium oblivio, ut multo maior
pars Veios, in hostium urbem, quum Tiberis arceret, quam
recto itinere Romam ad coniuges ac liberos fugerent. Pa- Turpis Ro-
3 rumper subsidiarios tutatus est locus: in reliqua acie simul manorum
est clamor, proximis ab latere, ultimis ab tergo, auditus, fuga.
ignotum hostem prius paene quam viderent, non modo non
tentato certamine, sed ne clamore quidem reddito, integri

esset, quum, ut noster infr. vii. 28.
*quod per magnos tumultus valet, iusti-
tia indicto, delectus sine vacationibus
habitus esset.* cf. infr. vii. 9.

8 *Allia*] *Alia* antiquitus scripta
erat; ex officina Virgiliana provenit
Allia. cf. Aen. vii. 717. *quos infesta
interluit Allia nomen.* *Alia* et *Alien-
sis* passim in textum reposuit Bek-
ker.

9 *Ibi*] Pugnatum est *postridie Idus
Quinctilis*, sive die xv. ant. Kal. Sexti-
les, infr. vi. 1. Hic vero dies idem qui
dies xvii. ante Kal. Sextilis, quippe,
mensium diebus a Iulio Caesare or-
dine novo digestis, duo insuper dies
Mensi Quinctili additi sunt. Niebhr.
n. n. 1179. A. Gell. v. 17. Wachsm.
p. 422. n. 43. Fest. v. *Religiosi* et
Nonarum.

1 *Diductam*] Ita Bekker. sed *de-
ductam* edd. quaedam, i. e. parum
densam in longitudinem extensam et
quasi extenuatam. Quo sensu *fila*
deduci vult Drakenborch., quum ex
colo decerpta lana formatur in longa
ac tenuia fila. Sed *deducere cornua*
pro in *longum extendere*, noster etiam
dixit, infr. xxviii. 14. xxxi. 21. Tac.
Agric. 35.

2 *Brennus*] Adelung. Mithridates,
ii. p. 49. *Brenin* lingua Cimbria *re-
gem* vocari dicit: similiter *Galatia*,
sive Cimbriis Delphos oppugnanti-
bus, *Brennus* dux appellatur ap. Dio-
dor. v. 22.

3 *Simul est clamor*] Simul atque
clamorem quasi ab latere venientem
proximi, quasi ab tergo venientem
ultimi acceperunt. Crev.

U. C. 365. intactique fugerunt. Nec ulla caedes pugnantium fuit:
 A. C. 387. terga caesa suomet ipsorum certamine in turba impedi-
 entium fugam. Circa ripam Tiberis, quo armis abiectis totum
 sinistrum cornu defugit, magna strages facta est: multosque,⁴
 imperitos nandi aut invalidos, graves loriceis aliisque tegmi-
 nibus hausere gurgites. Maxima tamen pars incolumis
 Veios perfugit; unde non modo praesidii quicquam, sed ne
 nuntius quidem cladis, Romam est missus. Ab dextro
 cornu, quod procul a flumine et magis sub monte steterat,
 Romam omnes petiere, et, ne clausis quidem portis urbis,
 in arcem confugerunt.

39. Gallos quoque velut obstupefactos miraculum victoriae
 Gallispoliis tam repentinae tenuit. Et ipsi pavore defixi primum stete-
 lectis Ro- runt, velut ignari, quid accidisset: deinde insidias vereri:
 mam eunt. postremo caesorum spolia legere, armorumque cumulos, ut
 mos iis est, coacervare. Tum demum, postquam nihil us-
 quam hostile cernebatur, viam ingressi, haud multo ante
 solis occasum ad urbem Romam perveniunt. Ubi quum
 praegressi equites, non portas clausas, non stationem pro
 portis excubare, non armatos esse in muris, retulissent:
 aliud priori simile miraculum eos sustinuit; noctemque
 veriti et ignotae situm urbis, inter Romam atque Anienem
 consedere, exploratoribus missis circa moenia aliasque
 Romano- portas, quatenus hostibus in perdita re consilia essent. Ro-
 rum pavor. mani, quum pars maior ex acie Veios petisset, nemo super-
 esse quemquam praeter eos, qui Romam refugerant, crede-
 ret, complorati omnes, pariter vivi mortuique, totam prope
 urbem lamentis impleverunt. Privatos deinde luctus stupe-⁵
 fecit publicus pavor, postquam hostes adesse nuntiatum
 est. Mox ululatus cantusque dissonos, vagantibus circa
 moenia turmatim barbaris, audiebant. Omne inde tempus
 suspensos ita tenuit animos usque ad lucem alteram, ut
 identidem iam in urbem futurus videretur impetus: primo
 adventu, quo accesserant ad urbem; mansuros enim ad
 Alliam fuisse, nisi hoc consilii foret: deinde sub occasum
 solis, quia haud multum diei supererat, ante noctem rati se
 invasuros: tum in noctem dilatum consilium esse, quo plus
 pavoris inferrent. Postremo lux appropinquans exanimare:
 timorique perpetuo ipsum malum continens fuit, quum signa⁶
 infesta portis sunt illata. Nequaquam tamen ea nocte, ne-
 que insequenti die similis illi, quae ad Alliam tam pavide
 fugerat, civitas fuit. Nam quum defendi urbem posse, tam⁷

⁴ *Defugit*] Gronovius mallet *defugit*, quod Bauer improbat, quippe in campum inferiorem de montibus sinistrum cornu fuga iam descenderat.

⁵ *Urbem lamentis impleverunt*] De-

derunt causam lamentis, quibus urbs impleta est. CREV.

⁶ *Continens*] Sine ullo intervallo coniunctum. CREV.

⁷ *Civitas*] Cives, Romani. Sen-

parva relicta manu, spes nulla esset, placuit, cum coniugibus ac liberis iuventutem militarem senatusque robur in arcem Capitoliumque concedere, armisque et frumento collatis, ex loco inde munito deos hominesque et Romanum nomen defendere: flaminem sacerdotesque Vestales sacra publica a caede, ab incendiis procul auferre: nec ante deseri cultum eorum, quam non superessent, qui colerent. Si arx Capitoliumque, sedes deorum, si senatus, caput publici consilii, si militaris iuventus superfuerit imminenti ruinae urbis, facilem iacturam esse seniorum, relictæ in urbe utique periturae turbae. Et, quo id aequiore animo de plebe multitudo ferret, senes triumphales consularesque simul se cum illis palam dicere obituros; nec his corporibus, quibus non arma ferre, non tueri patriam possent, oneratuos inopiam armatorum. Haec inter seniores morti destinatos iactata solatia. Versae inde adhortationes ad agmen iuvenum, quos in Capitolium atque in arcem prosequabantur, commendantes virtuti eorum iuventaeque urbis per trecentos sexaginta annos omnibus bellis victricis, quaecunque reliqua esset, fortunam. Digredientibus, qui spem omnem atque opem secum ferebant, ab iis, qui captae urbis non superesse statuerant exitio; quum ipsa res speciesque miserabilis erat, tum muliebris fletus et concursatio incerta, nunc hos nunc illos sequentium, rogitantiumque viros natosque, cui se fato darent, nihil, quod humanis superesset malis, relinquebant. Magna pars tamen earum in arcem suos prosecutae sunt, nec prohibente ullo, nec vocante: quia, quod utile obsessis ad minuendam imbellem multitudinem, id parum humanum erat. Alia maxime plebis turba, quam nec capere tam exiguus collis, nec alere in tanta inopia frumenti poterat, ex urbe effusa velut agmine iam uno petiit Ianiculum. Inde pars per agros dilapsi, pars urbes petunt finitimas, sine ullo duce aut consensu, suam quisque spem, sua consilia, communibus deploratis, exsequentes. Flamen interim Quirinalis virginesque Vestales, omissa rerum suarum cura, quae

U. C. 365.
A. C. 387.
Capitolium
militaris
iuventus
occupat.

40.

sus est, Romanos ea nocte et frequenti die longe alios se praestitisse, quam fuerant ad Alliam, unde tam pavide fugerant. Crev.

8 *Loco inde munito*] Inde quidam acceperunt pro deinde, sed non satis recte, ut videtur. Inde est ex Capitolio, cui interpretationis gratia additur, *ex loco munito*. Similiter infr. 43. legi *atque inde ex loco superiore* monet Perizon.

9 *Flaminem*] Quirinalem, ut patet ex c. sequenti.

1 *Senes*] Quos solos mansisse qui

diam auctores sunt. Octoginta illos fuisse scribit Zonar. vii. 23. quippe qui ex eorum numero essent, quos, *ut relinquerent patriam atque cives, nulla vis unquam subactura esset*, supr. 24.

2 *Agmen iuvenum*] Vix mille hominum fuisse scribit Flor. i. 13.

3 *Nihil, quod humanis superesset malis, relinquebant*] Nihil relinquebant, quod humana omnia mala possent adicere ad praesentem Romanorum calamitatem. Crev.

U. C. 365. sacrorum secum ferenda, quae, quia vires ad omnia ferenda
 A. C. 387. deerant, relinquenda essent, consultantes, quisve ea locus
 fideli asservaturus custodia esset; optimum ducunt, condita
 in doliolis sacello proximo aedibus flaminis Quirinalis, ubi⁴
 nunc despui religio est, defodere: cetera inter se onere
 partito ferunt via, quae sublicio ponte ducit ad Ianiculum.
 Albinii In eo clivo eas quum L. Albinus, de plebe Romana homo,⁵
 pietas. conspexisset, plaustro coniugem ac liberos vehens inter
 ceteram turbam, quae inutilis bello urbe excedebat: salvo⁶
 etiam tum discrimine divinarum humanarumque rerum,
 irreligiosum ratus, sacerdotes publicos sacraque populi
 Romani pedibus ire, ferrique; se ac suos in vehiculo con-
 spici: descendere uxorem ac pueros iussit, virgines sacraque
 in plastrum imposuit, et Caere, quo iter sacerdotibus erat,
 pervexit.

41. Romae interim, satis iam omnibus, ut in tali re, ad tuen-
 dam arcem compositis, turba seniorum, domos regressa,
 Senes mor- adventum hostium obstinato ad mortem animo expectabat.
 tem expec- Qui eorum curules gesserant magistratus, ut in fortunae
 tant domi. pristinae honorumque aut virtutis insignibus morerentur,
 quae augustissima vestis est tensas ducentibus triumphan-⁷
 tibusve, ea vestiti medio aedium eburneis sellis sedere. Sunt,⁸
 qui, M. Fabio pontifice maximo praefante carmen, devovisse
 eos se pro patria Quiritibusque Romanis, tradant. Galli, et
 quia interposita nocte a contentione pugnae remiserant⁹
 animos, et quod nec in acie ancipiti usquam certaverant
 proelio, nec tum impetu aut vi capiebant urbem, sine ira,
 sine ardore animorum ingressi postero die urbem patente
 Collina porta, in forum perveniunt, circumferentes oculos
 ad templa deum arcemque, solam belli speciem tenentem.

⁴ *Ubi nunc*] Tanquam in locum ita sacratum, ibi *despui religio est*, quod et tradunt Festus v. *Doliola*, et Varro de L. L. iv. p. 37. De *sublicio ponte* cf. supr. i. 33. Rup.

⁵ *L. Albinus*] *Albinio*, qui tribunos militum an. 376. U. C. creatus est, *Lucium* praenomen a Diodor. xv. 51. inditum est. Hinc illum eundem atque hunc, de quo nunc agitur, fuisse suspicatur Niebhr. ii. n. 1201.

⁶ *Salvo etiam tum discrimine*] Quum etiam in tanto malo, servaretur discrimen divinarum humanarumque rerum, et humanae divinis cedere iuberentur. Plerumque enim magna calamitas divina humanaque omnia confundit. CREV.

⁷ *Tensas ducentibus*] Tensae sunt sacra vehicula, quibus simulacra deorum ludis Circensibus in Circum ad

pulvinar deferebantur. Ante ipsas lora tendebantur, quae fortasse manu tenebant principes viri, atque ideo ducere eas dicebantur. Vid. Pseudo-Ascon. in Cic. contra Verr. ii. § 154.

⁸ *Medio aedium*] Octoginta numero sacerdotes et patricos seniores in foro Romano sellas posuisse scribit Zonar. vii. 21., qui religione haud inusitata Dis Manibus et Telluri se devoverant, ut caede sua ira Deorum in capita hostium averteretur. cf. Plut. in Cam. 21.

⁹ *Interposita nocte*] h. e. Die tertio post pugnam Aliensem, ut Romanis numerandi mos erat: uno scilicet die interposito. cf. A. Gell. v. 17. qui *post diem tertium eius diei urbem praeter Capitolium captam esse*, scilicet *die tertio post* pugnam, ex Verrio Flacco refert.

Inde, modico relicto praesidio, (ne quis in dissipatos ex arce aut Capitolio impetus fieret) dilapsi ad praedam vacuis occursum hominum viis, pars in proxima quaeque tectorum agmine ruunt; pars ultima, velut ea demum intacta et referta praeda, petunt. Inde rursus ipsa solitudine absteriti, ne qua fraus hostilis vagos exciperet, in forum ac propinqua foro loca conglobati redibant: ubi eos, plebis aedificiis obse-
 1 ratis, patentibus atriis principum, maior prope cunctatio tenebat, aperta, quam clausa, invadendi: adeo haud secus quam venerabundi intuebantur in aedium vestibulis sedentes viros, praeter ornatum habitumque humano augus-
 2 tiorem, maiestate etiam, quam vultus gravitasque oris prae se ferebat, simillimos diis. Ad eos velut simulacra versi
 3 quum starent, M. Papirius unus ex his dicitur Gallo, bar-
 4 bam suam, ut tum omnibus promissa erat, permulcenti, scipione eburneo in caput incusso iram movisse; atque ab eo initium caedis ortum, ceteros in sedibus suis trucidatos. Post principum caedem nulli deinde mortalium parci, diripi
 5 tecta, exhaustis iniici ignes.

U. C. 365.
 A. C. 387.
 Galli diri-
 piunt ur-
 bem.
 Sors mise-
 randa Ro-
 manorum.

42.

Ceterum, seu non omnibus delendae urbis libido erat, seu ita placuerat principibus Gallorum, et ostentari quaedam incendia terroris causa, si compelli ad deditionem caritate
 6 sedium suarum obsessi possent, et non omnia concremari tecta, ut, quodcumque superesset urbis, id pignus ad flec-
 7 tendos hostium animos haberent; nequaquam perinde atque in capta urbe prima die aut passim aut late vagatus
 8 est ignis. Romani, ex arce plenam hostium urbem cer-
 9 nentes, vagosque per vias omnes cursus, quum alia atque
 10 alia parte nova aliqua clades oriretur, non mentibus solum
 11 concipere, sed ne auribus quidem atque oculis satis constare poterant. Quocumque clamor hostium, mulierum puero-
 12 rumque ploratus, sonitus flammae, et fragor ruentium te-
 13 ctorum advertisset, paventes ad omnia, animos oraque et
 14 oculos flectebant, velut ad spectaculum a fortuna positi occidentis patriae, nec ullius rerum suarum relicti, prae-
 15 terquam corporum, vindices: tanto ante alios miserandi magis, qui unquam obsessi sunt, quod interclusi a patria

1 M. Papirius] Hunc in sacerdotum numero fuisse putat Niebhr. ii. n. 1205. ut cuius nomen in Fast. Cons. nusquam occurrit.

2 Romani, ex arce plenam hostium urbem cernentes] cf. Eximius ille locus in vita Benvenuto. Cellini i. 7. a seipso Italice scripta, ubi ex castello S. Angeli victorem Gallorum exercitum per Roman grassantem oculis perlustrat Cellinus.

3 Non mentibus solum concipere]

Codices concipere, sed consipere ex emendatione Lipsii Drak. et Crev. reposuerunt, et Bekker. retinuit. Mihi quidem magis arridet consipere, i. e. non solum mentium compotes non esse, sed ne aures quidem atque oculos satis continere, sc. ad talia audienda et videnda.

4 Advertisset] Ita pro avertisset ex emend. Gronov. reposuit Bekker. Nempe oculos et mentem advocasset.

U. C. 365. obsidebantur, omnia sua cernentes in hostium potestate.
 A. C. 387. Nec tranquillior nox diem tam foede actum excepit: lux
 deinde noctem inquietam insecuta est: nec ullum erat 5
 tempus, quod a novae semper cladis alicuius spectaculo
 cessaret. Nihil tamen, tot onerati atque obruti malis,
 flexerunt animos, quin, etsi omnia flammis ac ruinis aequata
 vidissent, quamvis inopem parvumque, quem tenebant,
 collem, libertati relictum, virtute defenderent. Et iam,
 quum eadem quotidie acciderent, velut assueti malis,
 abalienaverant ab sensu rerum suarum animos; arma
 tantum ferrumque in dextris velut solas reliquias spei
 suae, intuentes.

43. Galli quoque, per aliquot dies in tecta modo urbis ne-
 quicquam bello gesto, quum inter incendia ac ruinas captae
 urbis nihil superesse, praeter armatos hostes, viderent, ne-
 quicquam tot cladibus territos, nec flexuros ad deditionem
 animos, ni vis adhiberetur; experiri ultima, et impetum
 facere in arcem statuunt. Prima luce, signo dato, mul-
 titudo omnis in foro instruitur: inde, clamore sublato ac 6
 testudine facta, subeunt. Adversus quos Romani nihil 7
 temere nec trepide, ad omnes aditus stationibus firmatis,
 qua signa ferri videbant, ea robore virorum opposito scan-
 dere hostem sinunt: quo successerit magis in arduum, eo
 pelli posse per proclive facilius rati. Medio fere clivo
 resistere: atque inde ex loco superiore, qui prope sua
 sponte in hostem inferebat, impetu facto, strage ac ruina
 fudere Gallos: ut nunquam postea nec pars, nec universi
 tentaverint tale pugnae genus. Omissa itaque spe per vim
 atque arma subeundi, obsidionem parant: cuius ad id
 tempus immemores, et, quod in urbe fuerat, frumentum
 incendiis urbis absumpserant, et ex agris per ipsos dies 8
 raptum omne Veios erat. Igitur, exercitu diviso, partim
 per finitimos populos praedari placuit, partim obsideri 9
 arcem: ut obsidentibus frumentum populatorum agrorum
 praeberent. Proficiscentes Gallos ab urbe, ad Romanam
 experiendam virtutem, fortuna ipsa Ardeam, ubi Camillus
 exsulabat, duxit: qui maestior ibi fortuna publica, quam

Galliarcem
 frustra op-
 pugnant.

Popula-
 tores Galli
 in Ardea-
 tium agro.

5 *Inquietam*] Pro *inquietam*, quod otiosum et frigidum videtur, *inquieta* reponendum censet Gronov.

6 *Testudine facta*] Scutis super capita densatis. Huius testudinis descriptionem vide apud nostrum infr. xliv. 9. CREV.

7 *Subeunt*] cf. Tac. Hist. iii. 71. ubi Capitolii expugnatio praeclare narratur.

8 *Per ipsos dies*] Per eos ipsos dies:

exempla, ubi *ipse* pro *is ipse* culpa librariorum scribitur, passim in MSS. inveneris. Sane Drakenborch., quum vox *ipsum* pro vocibus *me ipsum*, ac *se ipsum*, saepius ponatur, nullam videt causam, cur non eodem modo *ipsum* pro *eum ipsum*, vel *id ipsum*, dicere liceat.

9 *Obsideri*] *Obsidere*, ex emendatione Drakenb., in textum reposuit Bekker.

¹ sua, quum diis hominibusque accusandis senesceret, indig- U. C. 365.
nando mirandoque, ubi illi viri essent, qui secum Veios A. C. 387.
Faleriosque cepissent, qui alia bella fortius semper, quam
felicius, gessissent; repente audit, Gallorum exercitum
adventare, atque de eo pavidos Ardeates consultare. Nec
secus quam divino spiritu tactus, quum se in mediam con-
cionem intulisset, abstinere suetus ante talibus conciliis:
'Ardeates,' inquit, 'veteres amici, novi etiam cives mei, 44.
'quando et vestrum beneficium ita tulit, et fortuna hoc Ad eos op-
'egit mea, nemo vestrum conditionis meae oblitum me primendos
'huc processisse putet: sed res ac periculum commune Camillus
'cogit, quod quisque possit in re trepida praesidii, in Ardeates
² 'medium conferre. Et quando ego vobis pro tantis incitat.
'vestris in me meritis gratiam referam, si nunc cessa-
'vero? aut ubi usus erit mei vobis, si in bello non fuerit?
'Hac arte in patria steti; et, invictus bello, in pace ab in-
'gratis civibus pulsus sum. Vobis autem, Ardeates, for-
'tuna oblata est, et pro tantis pristinis populi Romani bene-
'ficiis, quanta ipsi meministis, (nec enim exprobranda apud
'memores sunt) gratiae referendae, et huic urbi decus
'ingens belli ex hoste communi pariendi. Quae effuso
'agmine adventat, gens est, cui natura corpora animosque
'magna magis, quam firma, dederit: eo in certamen omne
'plus terroris, quam virium, ferunt. Argumento sit clades
'Romana. Patentem cepere urbem; ex arce Capitolio-
'que his exigua resistitur manu. Iam obsidionis taedio
'victi abscedunt, vagique per agros palantur. Cibo vino-
'que raptim hausto repleti, ubi nox appetit, prope rivos
'aquarum, sine munimento, sine stationibus ac custodiis,
'passim ferarum ritu sternuntur, nunc ab secundis rebus
'magis etiam solito incauti. Si vobis in animo est tueri
'moenia vestra, nec pati haec omnia Galliam fieri, prima
'vigilia capite arma frequentes: me sequimini ad caedem,
'non ad pugnam. Nisi vinctos somno, velut pecudes, tru-
'cidandos tradidero, non recuso eundem Ardeae rerum
'mearum exitum, quem Romae habui.'

Aequis iniquisque persuasum erat, tantum bello virum 45.
neminem usquam ea tempestate esse. Concione dimissa,
corpora curant, intenti, quam mox signum daretur: quo
dato, primae silentio noctis ad portas Camillo praesto
fuere. Egressi, haud procul urbe, sicut praedictum erat, Galli ab
³ castra Gallorum, intuta neglectaque ab omni parte nacti, Ardeatibus
clamore invadunt. Nusquam proelium, omnibus locis caesi.

¹ *Senesceret*] *Moerore contabesceret*, taedio cruciaretur: hinc infr. vii.
^{22.} *senium* pro *taedio*.

² *Pro tantis*] cf. Supr. iv. 9, 10.

³ *Intuta*] Similiter infr. ix. 41.
intuta urbs.

U. C. 365. caedes est: nuda corpora et soluta somno trucidantur.
 A. C. 387. Extremos tamen pavor cubilibus suis excitos, quae aut unde vis esset, ignaros, in fugam, et quosdam in hostem ipsum improvidos tulit. Magna pars in agrum Antiatem delati, incursione ab oppidanis in palatos facta, circumveniuntur.

Tuscorum
 strages in
 agro Veienti.

Similis in agro Veienti Tuscorum facta strages est: qui urbis, iam prope quadringentesimum annum vicinae, oppressae ab hoste invisitato inauditoque, adeo nihil miseriti sunt, ut in agrum Romanum eo tempore incursiones facerent, plenique praedae Veios etiam, praesidiumque et spem ultimam Romani nominis, in animo habuerint oppugnare. Viderant eos milites Romani, vagantes per agros et congregatos agmine, praedam prae se agentes, et castra cernebant haud procul Veiis posita. Inde primum miseratio sui, deinde indignitas, atque ex ea ira animos cepit, 'Etruscisne etiam, a quibus bellum Gallicum in se avertissent, 'ludibrio esse clades suas?' Vix temperavere animis, quin extemplo impetum facerent: compressique a Caedicio centurione, quem sibimet ipsi praefecerant, rem in noctem sustinuerunt. Tantum par Camillo defuit auctor: cetera eodem ordine eodemque fortunae eventu gesta. Quin etiam, ducibus captivis, qui caedi nocturnae superfuerant, ad aliam manum Tuscorum ad Salinas profecti, nocte insequenti ex improvise maiorem caedem edidere, duplicique victoria ovantes Veios redeunt.

46. Romae interim plerumque obsidio segnis et utrimque silentium esse, ad id tantum intentis Gallis, ne quis hostium evadere inter stationes posset: quum repente iuvenis Romanus admiratione in se cives hostesque convertit. Sacrificium erat statum in Quirinali colle genti Fabiae. Ad id faciendum C. Fabius Dorso, Gabino cinctu, sacra manibus 6 gerens, quum de Capitolio descendisset, per medias hostium stationes egressus, nihil ad vocem cuiusquam terroremve motus, in Quirinalem collem pervenit: ibique omnibus sollenniter peractis, eadem revertens similiter constanti vultu graduque, satis sperans propitios esse deos, quorum

Fabius
 Dorso.

4 *Caedicio*] Hunc eundem esse Niebhr. existimat, qui tribunis vocem auditam de Gallorum adventu nuntiavit, supr. 32.

5 *Ad Salinas*] Vel intra urbem iuxta Tiberis ripas ad portam Triginam, infr. xxiv. 47. cf. Frontin. de Aquaed. 5; vel potius prope Ostiam urbem, supr. i. 33. et infr. vii. 17. 19.

6 *Gabino cinctu*] Cinctus Gabinus fuit, quum una togae lacinia supra

humerum sinistrum in tergum reiecta, infra humerum dextrum ita revocabatur ad pectus, ut hominem cingeret: unde toga brevior et astrictior fiebat. De huius moris origine vid. Servium ad Aen. vii. 612. Eo habitu consul Iani portam reserat apud Virgil. loco supra memorato. Eodem ambo Decii se devovent pro exercitibus Romanis, apud nostrum infr. viii. 9. et x. 28. CREV.

cultum ne mortis quidem metu prohibitus deseruisset, in U. C. 365.
 Capitolium ad suos rediit, seu attonitis Gallis miraculo A. C. 387.
 audaciae, seu religione etiam motis, cuius haudquaquam
 negligens est gens.

Veis interim non animi tantum in dies, sed etiam vires, Veios con-
 crescebant: nec Romanis solum eo convenientibus ex agris, veniunt pa-
 7 qui a proelio adverso aut clade captae urbis palati fuerant, lantes Ro-
 mani.
 sed etiam ex Latio voluntariis confluentibus, ut in parte
 praedae essent. Maturum iam videbatur, repeti patriam
 eripique ex hostium manibus: sed corpori valido caput
 deerat. Locus ipse admonebat Camilli, et magna pars
 militum erat, qui ductu auspicioque eius res prospere
 8 gesserant: et Caedicius negare, se commissurum, cur sibi
 aut deorum aut hominum quisquam imperium finiret potius,
 quam ipse memor ordinis sui posceret imperatorem. Con- Arceant
 sensu omnium placuit, ab Ardea Camillum acciri; sed Camillum.
 antea consulto senatu, qui Romae esset: adeo regebat omnia
 pudor, discriminaque rerum prope perditis rebus servabant.
 Ingenti periculo transeundum per hostium custodias erat.
 9 Ad eam rem Pontius Cominius, impiger iuvenis, operam
 pollicitus, incubans cortici, secundo Tiberi ad urbem
 defertur. Inde, qua proximum fuit a ripa, per praeruptum,
 eoque neglectum hostium custodias, saxum in Capitolium
 evadit: et, ad magistratus ductus, mandata exercitus edit.
 1 Accepto inde senatus decreto, ut et, comitiis curiatis revo- Camillus
 2 catus de exilio, iussu populi Camillus dictator extemplo dictator
 diceretur, militesque haberent imperatorem, quem vellent, dicitur.
 eadem degressus nuntius Veios contendit: missique Ardeam
 legati ad Camillum, Veios eum perduxere: seu (quod
 magis credere libet, non prius profectum ab Ardea, quam
 3 comperit legem latam; quod nec iniussu populi mutari

7 *A proelio adverso*] Post proe-
 lium adversum. DRAC.

8 *Negare, se commissurum, cur*
Usitatus foret ut. Quoquomodo le-
 gas, sensus apertus est. Caedicius de-
 clarat sibi curae fore, ne expectet
 dum sibi ab alio aliquo sive deo sive
 homine finiatur imperium, sed potius
 ut ipse posceret imperatorem, eique
 libens pareret. CREV.

9 *Pontius Cominius*] Cave credas
 haec duo gentilitia nomina fuisse,
 ut videtur statuere Dukerus. Pontius
 tunc fuit praenomen, quod posteriori-
 bus temporibus nomen gentile evasit.
 Italis enim praenomina fuere, quae
 Romanis facta sunt gentilitia; uti *Oc-
 tavius Mamilius, Octavius Metus, De-
 cius Magnus*, alique. cf. Oudendorp in
 Frontin. Strategemut. iii. 13. Fron-

tinus rem inverso ordine narrat, et
 Cominium a senatu Veios ad aux-
 ilium a Camillo exposcendum mis-
 sum scribit.

1 *Revocatus de exilio*] Scilicet in-
 terdictione aquae et ignis sublata.
 Niebhr. ii. p. 547.

2 *Iussu populi Camillus dictator* ...
diceretur] Hoc notandum. Dictator
 enim dici debebat ab eo magistratu,
 cuius summa erat potestas. Sed ne-
 cessitas cogebat a solito more in qui-
 busdam recedere. Plutarchus in Cam.
 sine ulla mentione legis curiatae, qua
 Camillus ab exilio revocaretur, eum
 dictatorem dictum esse scribit ab iis
 qui in arce obsidebantur. CREV.

3 *Mutari finibus*] E peregrino solo
 in fines Romanos, sive in locum qui
 Romanae ditionis esset, transire. CA.

U. C. 365. finibus posset, nec, nisi dictator dictus, auspicia in exercitu
A. C. 387. habere) lex curiata lata est, dictatorque absens dictus.

47. Dum haec Veiis agebantur, interim arx Romae Capito-
Capitolii liumque in ingenti periculo fuit. Namque Galli, seu
periculum. vestigio notato humano, qua nuntius a Veiis pervenerat, seu
sua sponte animadverso ad Carmentis saxo ascensu aequo,⁴
nocte sublustri, quum primo inermem, qui tentaret viam,
praemisissent, tradentes inde arma, ubi quid iniqui esset,
alterni innisi, sublevantesque in vicem et trahentes alii alios,
prout postularet locus; tanto silentio in summum evasere,⁵
ut non custodes solum fallerent, sed ne canes quidem,
Anseres. sollicitum animal ad nocturnos strepitus, excitarent. An-
seres non fefellere, quibus sacris Iunoni in summa inopia
M. Manlii cibi tamen abstinebatur. Quae res saluti fuit. Namque
virtus. clangore eorum alarumque crepitu excitus M. Manlius, qui 8
triennio ante consul fuerat, vir bello egregius, armis arreptis,
simul ad arma ceteros ciens, vadit; et, dum ceteri trepidant,
Gallum, qui iam in summo constiterat, umbone ictum
deturbat. Cuius casus prolapsi quum proximos sterneret,
trepidantes alios, armisque omissis saxa, quibus adhaerebant,
manibus amplexos, trucidat. Iamque et alii congregati telis
missilibusque saxis proturbare hostes, ruinaque tota prolapsa
acies in praeceps deferri. Sedato deinde tumultu, reliquum
noctis (quantum in turbatis mentibus poterat, quum prae-
teritum quoque periculum sollicitaret) quieti datum est.
Luce orta, vocatis classico ad concilium militibus ad
tribunos, quum et recte et perperam facto pretium debe-
retur; Manlius primum ob virtutem laudatus donatusque,
non ab tribunis solum militum, sed consensu etiam militari:
cui universi selibras farris et quartarios vini ad aedes eius,⁹
quae in arce erant, contulerunt: rem dictu parvam, ceterum
inopia fecerat eam argumentum ingens caritatis, quum, se
quisque victu suo fraudans, detractum corpori atque usibus

Dicitur enim *mutari loco et mutare locum*. cf. Gronov. Observ. iii. 2.

4 *Ad Carmentis*] Fanum vel aram Carmentis, sive Carmentae, matris Evadni, fuisse sub Capitolio, vel in imo Tarpeii montis tradunt antiqui. Dion. i. 32. Necnon eam Carmentali portae imminere memorat Plut. in Cam.

5 *Saxo ascensu aequo*] Vulgo *saxorum ascensu aequo*, sed opt. codd. cum Kreyssigio faciunt. *Aequo* hic idem vult quod *facili*, scilicet, ut ascendentibus videbatur.

6 *In summum evasere*] cf. Sall. de Bell. Iug. 131. et Herod. i. 84. ubi singulares rupium et murorum ascen-

sus narrantur.

7 *Anseres non fefellere*] Docet Plut. sub finem libri de fortuna Romanorum, suo adhuc aevo, in memoriam eius rei, sollenni pompa gestari solitum esse canem in furca suffixum, anserem vero in lectica et veste stragula velut triumphantem. CREV. De anserum *vigilantia*, cf. Columell. de Re Rust. viii. 13.

8 *M. Manlius*] Qui auctor Capitolium occupandi fuerat. Flor. i. 13. A. Victor de Vir. Ill. 23.

9 *Quartarios*] Qui quartam partem sextarii, vel tres cyathos continebant.

necessariis ad honorem unius viri conferret. Tum vigiles U. C. 365.
eius loci, qua fefellerat ascendens hostis, citati: et quum in A. C. 387.
omnes more militari se animadversurum Q. Sulpicius
tribunus militum pronuntiasset; consentiente clamore mili-
tum, in unum vigilem coniicientium culpam, deterritus, a
ceteris abstinuit: reum haud dubium eius noxae, appro-
bantibus cunctis, de saxo deiecit. Inde intentiores utrimque
custodiae esse; et apud Gallos, quia vulgatum erat, inter
Veios Romanque nuntios commeare; et apud Romanos,
ab nocturni periculi memoria.

Sed ante omnia obsidionis bellicae mala fames utrumque 48.
exercitum urgebat: Gallos pestilentia etiam, quum loco Fames et
iacente inter tumulos castra habentes, tum ab incendiis pestilentia.
torrido et vaporis pleno, cineremque, non pulverem modo,
ferente, quum quid venti motum esset: quorum intoleran-
tissima gens, humorique ac frigori assueta, quum aestu et
angore vexata, vulgatis velut in pecua morbis moreretur, iam
pigritia singulos sepeliendi promiscue acervatos cumulos
hominum urebant: bustorumque inde Gallicorum nomine
insignem locum fecere. Indutiae deinde cum Romanis
factae, et colloquia permissu imperatorum habita: in quibus
quum identidem Galli famem obicerent, eaque necessitate
ad deditionem vocarent, dicitur avertendae eius opinionis
causa multis locis panis de Capitolio iactatus esse in hostium
stationes. Sed iam neque dissimulari, neque ferri ultra
fames poterat. Itaque, dum dictator delectum per se
Ardeae habet, magistrum equitum L. Valerium a Veiis
abducere exercitum iubet, parat, instruitque, quibus haud
impar adoriatur hostes: interim Capitolinus exercitus,
stationibus vigiliisque fessus, superatis tamen humanis
omnibus malis, quum famem unam natura vinci non sineret,
diem de die prospectans, ecquod auxilium ab dictatore
appareret; postremo spe quoque iam, non solum cibo,
deficiente, et, quum stationes procederent, prope obruenti-
bus infirmum corpus armis, vel dedi, vel redimi se, qua-

1 *Unum*] Cum nostro consentit
Dion. Exc. Vat. xii. 22.

2 *Pestilentia*] Haud aliter quum
Imperator Fred. Barbarossa A. D.
1167. castra sua ad moenia Romae
posuisset, caloribus et [pestilentia
exercitus prope absumptus est. cf.
Simondi Hist. Ital.

3 *Aestu et angore*] Quippe aestus
Camulae et postea gravis September
eos premebat.

4 *Bustorumque inde Gallicorum*] Haud procul Carinia. cf. Varro de
L. L. p. 26. Festus v. *Bustum*. "Bus-

tum proprie dicitur locus, in quo mor-
tuus est combustus et sepultus, dici-
turque *bustum* quasi *beneustum*, ubi
vero combustus quis tantummodo, ali-
bi vero est sepultus, is locus ab urendo
ustrina vocatur."

5 *Panis de Capitolio iactatus*] Si-
mile quiddam in Hispano carmine
apud Niebhr. ii. p. 546. narratur. cf.
Ovid. Fast. vi. 349. Herod. i. 22.

6 *Stationes procederent*] Milites in
stationem, sc. in locum assignatum
procederent. DRÄK.

U. C. 365. cunque pactione possent, iussit; iactantibus non obscure
 A. C. 387. Gallis, haud magna mercede se adduci posse, ut obsidionem
 Paciscun- relinquant. Tum senatus habitus, tribunisque militum
 tur Romani negotium datum, ut paciscerentur. Inde inter Q. Sulpicium
 cum Gallis. tribunum militum et Brennum regulum Gallorum colloquio
 transacta res est, et mille pondo auri pretium populi genti- 7
 bus mox imperaturi factum. Rei, foedissimae per se,
 adiecta indignitas est. Pondera ab Gallis allata iniqua, et,
 tribuno recusante, additus ab insolente Gallo ponderi
 gladius: auditaque intoleranda Romanis vox, 'Vae victis 8
 'esse.'

49. Sed diique et homines prohibuere redemptos vivere 9
 Dictatoris Romanos: nam forte quadam, priusquam infanda merces
 adventus. perficeretur, per altercationem nondum omni auro appenso,
 dictator intervenit; auferrique aurum de medio, et Gallos
 summoveri iubet. Quum illi renitentes pactos dicerent
 sese, negat eam pactionem ratam esse, quae, postquam ipse
 dictator creatus esset, iniussu suo ab inferioris iuris magi-
 stratu facta esset: denuntiatque Gallis, ut se ad proelium
 expediant. Suos in acervum coniicere sarcinas, et arma
 aptare, ferroque, non auro, recuperare patriam iubet, in
 conspectu habentes fana deum, et coniuges et liberos, et
 solum patriae deforme belli malis, et omnia, quae defendi
 repetique et ulcisci fas sit. Instruit deinde aciem, ut loci
 natura patiebatur, in semirutae solo urbis et natura
 inaequali; et omnia, quae arte belli secunda suis eligi
 Vincit praepararive poterant, providit. Galli, nova re trepidi, arma
 Gallos. capiunt, iraque magis, quam consilio, in Romanos incurrunt.
 Iam verterat fortuna, iam deorum opes humanaque consilia
 rem Romanam adiuvabant. Igitur primo concursu haud
 maiore momento fusi Galli sunt, quam ad Alliam vicerant.
 Iustiore altero deinde proelio ad octavum lapidem Gabina
 via, quo se ex fuga contulerant, eiusdem ductu auspicioque 1
 Camilli vincuntur. Ibi caedes omnia obtinuit: castra
 capiuntur, et ne nuntius quidem cladis relictus. Dictator,
 recuperata ex hostibus patria, triumphans in urbem redit:
 interque iocos militares, quos inconditos iaciunt, Romulus

7 *Mille pondo*] Viginti quinque ta-
 lenta pretium fuisse ap. Dion. Exc.
 Vat. xii. 23, legimus, quae, si Attica
 sint, mille et quingentas libras pondo
 efficiunt. Cum Livio faciunt Val.
 Max. v. 6. 8. Plut. in Cam. necnon
 Zonar. vii. 23.

8 *Vae victis*] Festus v. *Vae Victis*,
 ab Ap. Claudio rem cum regulo Gal-
 lorum transactam scribit.

9 *Diique et homines prohibuere*]
 Polybius tamen et initio lib. i. et libro

ii. 18. tradit Gallos foedere cum Ro-
 manis facto conditionibus quibus vo-
 luerant, redditaque iis urbe, ad pa-
 trias sedes rediisse. CREV.

1 *Ductu auspicioque Camilli*] De
 Camilli dictatura et victoria de Gal-
 lis reportata omnino silet Diodor. xiv.
 117. Polyb. quoque ii. 22. scribit Gal-
 los, urbe Roma per septem menses
 potitos, ultro tandem et gratuito eam
 in manus Romanorum tradidisse, et
 incolumes in patriam suam remigrasse.

ac parens patriae conditorque alter urbis haud vanis laudibus appellatur. U. C. 365.
A. C. 387.

Servatam deinde bello patriam iterum in pace haud dubie servavit, quum prohibuit migrari Veios, et tribunis rem intentius agentibus post incensam urbem, et per se inclinata magis plebe ad id consilium: eaque causa fuit non abdicandae post triumphum dictaturae, senatu obsecrante, ne rempublicam in incerto relinqueret statu. Omnium primum, ut erat diligentissimus religionum cultor, quae ad deos immortales pertinebant, retulit; et senatusconsultum facit, 50.
Senatus-consultum de rebus ad religionem spectantibus.
‘Fana omnia, quod ea hostis possedisset, restituerentur, terminarentur, expiarenturque, expiatioque eorum in libris per duumviros quaereretur: cum Caeretibus hospitium publice fieret, quod sacra populi Romani ac sacerdotes recepissent, beneficioque eius populi non intermissus honos deum immortalium esset: ludi Capitolini fierent, quod Iupiter optimus maximus suam sedem atque arcem populi Romani in re trepida tutatus esset: collegiumque ad eam rem M. Furius dictator constitueret ex iis, qui in Capitolio atque arce habitarent.’ Expiandae etiam vocis nocturnae, quae nuntia cladis ante bellum Gallicum audita neglectaque esset, mentio illata, iussumque templum in Nova via Aio Locutio fieri. Aurum, quod Gallis ereptum erat, quodque ex aliis templis inter trepidationem in Iovis cellam collatum, quum, in quae referri oporteret, confusa memoria esset, sacrum omne iudicatum, et sub Iovis sella poni iussum.

2 *Terminarentur*] Fines eorum constituerentur, definerentur, quatenus nempe solum ad templum pertinere sacrumque esse deberet. STROTH.

3 *Cum Caeretibus hospitium publice fieret*] Ut supr. 28. *hospitium* cum Timasitheo senatusconsulto factum est. *Hospes* vero Romani populi idem, qui *municeps* Romae erat, et *hospitium* iura municipalia dabat: iure igitur quibusdam admirationem moverit, quod postea qui in tabulas Caeritum relatus est, ignominia notatus sit: sed verisimile est an. 402. U. C. quando Caeritibus bello indicto, pax postea obsecrantibus data est, Caerites in fidem Romanorum petore conditione receptos fuisse, quippe Dio, in *Fragm. Vales.* 142. Romanos partem agri publici dimidiam Caeritibus eripuisse scribit, et Festus v. *Municipium*, Caerites inter municipales inferioris ordinis percenset.

4 *Aio Locutio*] cf. Cic. de Div. ii. 37.

5 *In Iovis cellam*] De tribus templi Capitolini cellis, Iovis scilicet, Iunonis, et Minervae, cf. Dion. iv. 61. Cella vero interior pars aedis, in qua ante statuam numinis sacra fiebant.

6 *Poni iussum*] Ubi mansit usque ad Pompeii alterum consulatum, an. U. C. 697. quando M. Crassus duo millia pondo auri sub Iovis solium a Camillo posita expilavit. cf. Plin. H. N. xxxiii. 1. Similiter Varro de Vit. P. R. in Nonio iii. 45. auri duo millia pondo commemorat, unde Niebhr. ii. n. 1227. videtur, auri sacri mille pondo, in pretium urbis Gallis solvendum, ex templis a Romanis conquistum fuisse, et postea duplum eius, ut mos erat, Diis redditum esse: necnon in hanc rem postea tributum collationem factam esse, infr. vi. 14. Massilienses, quoque, quum aurum suum ad Romanos donum misissent, adeo gratum id et acceptum Romanis fecisse, ut immunitas data, et locus spectaculorum in senatu decretus, et foedus aequo iure percussum. cf. Justin. xliii. 5.

U. C. 365. Iam ante in eo religio civitatis apparuerat, quod, quum in
 A. C. 387. publico deesset aurum, ex quo summa pactae mercedis
 Gallis confieret, a matronis collatum acceperant, ut sacro
 auro abstineretur. Matronis gratiae actae, honosque
 additus, ut earum, sicut virorum, post mortem sollennis
 laudatio esset. Iis peractis, quae ad deos pertinebant,
 quaeque per senatum agi poterant; tum demum, agitantibus
 tribunis plebem assiduis concionibus, ut, relictis ruinis, in
 urbem paratam Veios transmigrarent, in concionem, uni-
 verso senatu prosequente, escendit, atque ita verba fecit:

Rursus mo-
 vetur actio
 transmi-
 grandi
 Veios.

51.
 Camillus
 dissuadet.

‘Adeo mihi acerbae sunt, Quirites, contentiones cum tri-
 ‘bunis plebis, ut nec tristissimi exsilii solatium aliud ha-
 ‘buerim, quoad Ardeae vixi, quam quod procul ab his cer-
 ‘taminibus eram: et ob eadem haec, non, si me senatus-
 ‘consulto populique iussu revocaretis, rediturus unquam
 ‘fuerim. Nec nunc me, ut redirem, mea voluntas mutata,
 ‘sed vestra fortuna perpulit: quippe, ut in sua sede mane-
 ‘ret patria, id agebatur; non ut ego utique in patria essem.
 ‘Et nunc quiescerem ac tacerem libenter, nisi haec quoque
 ‘pro patria dimicatio esset: cui deesse, quoad vita suppe-
 ‘tat, aliis turpe, Camillo etiam nefas est. Quid enim
 ‘repetimus? quid obsessam ex hostium manibus eripuimus,
 ‘si recuperatam ipsi deserimus? et quum, victoribus Gallis,
 ‘capta tota urbe, Capitolium tamen atque arcem diique et
 ‘homines Romani tenuerint, habitaverint: victoribus Ro-
 ‘manis, recuperata urbe, arx quoque et Capitolium desere-
 ‘tur? et plus vastitatis huic urbi secunda nostra fortuna
 ‘faciet, quam adversa fecit? Equidem, si nobis cum urbe
 ‘simul positae traditaeque per manus religiones nullae
 ‘essent, tamen tam evidens numen hac tempestate rebus
 ‘affuit Romanis, ut omnem negligentiam divini cultus ex-
 ‘emptam hominibus putem. Intuemini enim horum dein-
 ‘ceps annorum vel secundas res, vel adversas: invenietis
 ‘omnia prospere evenisse sequentibus deos, adversa sper-
 ‘nentibus. Iam omnium primum Veiens bellum (per quot
 ‘annos, quanto labore gestum!) non ante cepit finem,
 ‘quam monitu deorum aqua ex lacu Albano emissa est.
 ‘Quid haec tandem urbis nostrae clades nova? num ante
 ‘exorta est, quam spreta vox coelo emissa de adventu Gal-
 ‘lorum? quam gentium ius ab legatis nostris violatum?
 ‘quam a nobis, quum vindicari deberet, eadem negligentia
 ‘deorum praetermissum? Igitur victi captique ac redempti
 ‘tantum poenarum diis hominibusque dedimus, ut terrarum
 ‘orbi documento essemus. Adversae deinde res admonu-

7 Non . . . rediturus] Certo con- nunquam redire, etiamsi me revoca-
 silio apud animum meum statuerim retis. CREV.

'erunt religionum. Confugimus in Capitolium ad deos, U. C. 365.
 'ad sedem Iovis optimi maximi: sacra in ruina rerum no- A. C. 387.
 8 'strarum alia terrae celavimus, alia, avecta in finitimas
 'urbes, amovimus ab hostium oculis. Deorum cultum,
 'deserti ab diis hominibusque, tamen non intermisimus.
 'Reddidere igitur patriam, et victoriam; et antiquum belli
 'decus amissum: et in hostes, qui caeci avaritia in pondere
 'auri foedus ac fidem fefellerunt, verterunt terrorem fugam-
 'que et caedem. Haec culti neglectique numinis tanta 52.
 'monumenta in rebus humanis cernentes, ecquid sentitis,
 'Quirites, quantum vixdum e naufragiis prioris culpae cla-
 'disque emergentes paremus nefas? Urbem auspicato in-
 'anguratoque conditam habemus: nullus locus in ea non
 'religionum deorumque est plenus: sacrificiis sollemnibus
 'non dies magis statim, quam loca sunt, in quibus fiant. Hos
 'omnes deos, publicos privatosque, Quirites, deserturi estis?
 9 'Quam par vestram factum est, quod in obsidione nuper in
 'egregio adolescente C. Fabio, non minore hostium admi-
 'ratione, quam vestra, conspectum est: quum inter Gallica
 'tela degressus ex arce sollemne Fabiae gentis in colle Qui-
 'rinali obiit? An gentilicia sacra ne in bello quidem inter-
 'mitti, publica sacra et Romanos deos etiam in pace deseri
 'placet? et pontifices flaminesque negligentiores publica-
 'rum religionum esse, quam privatus in sollemni gentis
 'fuerit? Forsitan aliquis dicat, aut Veiis ea nos facturos,
 'aut huc inde missuros sacerdotes nostros, qui faciant:
 'quorum neutrum fieri salvis caerimoniis potest. Et ne
 'omnia generatim sacra omnesque percenseam deos; in
 1 'Iovis epulo num alibi, quam in Capitolio, pulvinar suscipi
 2 'potest? Quid de aeternis Vestae ignibus signoque, quod
 3 'imperii pignus custodia eius templi tenetur, loquar? quid
 4 'de ancilibus vestris, Mars Gradive, tuque Quirine pater?

1 *S. Terrae celavimus* e] *Terrae celavi-*
mus ustulatus dici videtur est. Neque
 tamen *celare terrae* Patavinitati cu-
 dam talico, ut faciendum comitit
 Donat, non simili modo *condere*
terrae, dixit Lucan. i. 606. et sic *re-*
condere terrae, Flor. l. 13. Drak.

9 *Quam par vestrum factum est,*
quod] Supple, ei facto, *quod*. Nisi
 quis forte velit: *Quam par vestro fac-*
tum est, quod. CREY.

1 *Iovis epulo]* Ad hoc ordinandum
 quod, certis Iove, Iunone, et Mi-
 nerva, Idibus Novembriis celebraba-
 tur, tres Epulones circa an. 546, U. C.
 instituti, infra. XXXII. 42, et postea
 a Sylla ad septem aucti sunt; has
 autem epulas non tam diu ipse, quam

septem Epulones et horum cognati
 absquebant, et Val. Max. ii. 1. Fuss.
 Ant. Rom. § 322.

2 *Pulvinari suscipi]* h. e. Institutum,
 adorandi. Pulvinar passim quoque
 pro ipso epulo adhibetur. Stronh.

3 *Signoque]* *Pulvinari*, quod ab
 Aenea in Italiam advectum esse, vul-
 garis opinio est. Vid. Dion. i. et ii.
 et Plut. in Cam. 20. CREY.

4 *Tuque Quirine pater]* Observan-
 dum ancina non Martis tantum Gra-
 dive, sed etiam Quirini patris sacra
 hoc loco haberi: cuius rei fortasse
 aliud test. monum. acgre reperias. Sed
 nimirum Mars et Quirinus duo sunt
 nomina eiusdem dei. *Quirinus*, in-
 quit Serv. in Aen. vi. 859, *est Mars*

- U. C. 365. 'Haec omnia in profano deseri placet sacra, aequalia urbi,
 A. C. 387. 'quaedam vetustiora origine urbis? Et videte, quid inter
 'nos ac maiores intersit. Illi sacra quaedam in monte
 'Albano Lavinioque nobis facienda tradiderunt. An ex 5
 'hostium urbibus Romam ad nos transferri sacra religiosum 6
 'fuit: hinc sine piaculo in hostium urbem Veios transfere-
 'mus? Recordamini, agitedum, quoties sacra instaurentur,
 'quia aliquid ex patrio ritu negligentia casuve praetermis-
 'sum est. Modo quae res, post prodigium Albani lacus,
 'nisi instauratio sacrorum auspicioꝝque renovatio, affec-
 'tae Veienti bello reipublicae remedio fuit? At etiam,
 'tanquam veterum religionum memores, et peregrinos deos
 'transtulimus Romam, et instituimus novos. Iuno Regina,
 'transvecta a Veiis, nuper in Aventino quam insigni ob ex-
 'cellens matronarum studium celebrique dedicata est die?
 'Aio Locutio templum, propter coelestem vocem exauditam
 'in Nova via, iussimus fieri: Capitolinos ludos sollennibus
 'aliis addidimus; collegiumque ad id novum, auctore se-
 'natu, condidimus. Quid horum opus fuit suscipi, si una
 'cum Gallis urbem Romanam relicturi fuimus? si non vo-
 'luntate mansimus in Capitolio per tot menses obsidionis?
 'si ab hostibus metu retenti sumus? De sacris loquimur
 'et de templis: quid tandem de sacerdotibus? Nonne in
 'mentem venit, quantum piaculi committatur? Vestalibus
 'nempe una illa sedes est, ex qua eas nihil unquam, prae-
 'terquam urbs capta, movit. Flamini Diali noctem unam
 'manere extra urbem nefas est. Hos Veientes pro Roma-
 'nis facturi estis sacerdotes, et Vestales tuae te deserent,
 'Vesta? et flamen peregre habitando in singulas noctes
 'tantum sibi reiꝝque publicae piaculi contrahet? Quid alia,
 'quae auspicato agimus omnia fere intra pomœrium, cui
 'oblivioni, aut cui negligentiae damus? Comitia curiata,
 'quae rem militarem continent; comitia centuriata, quibus 7
 'consules tribunosque militares creatis, ubi auspicato, nisi
 'ubi assolent, fieri possunt? Veiosne haec transferemus?
 'an comitiorum causa populus tanto incommodo in desertam
 'hanc ab diis hominibusque urbem conveniet?'
 53. 'Sed res ipsa cogit vastam incendiis ruinisque relinquere
 'urbem, et ad integra omnia Veios migrare, nec hic aedifi-

qui praeest paci, et intra civitatem colitur. Nam belli Mars extra civitatem templum habuit. CREV.

5 *Lavinioque*] Huius constructionis exemplum habet Sall. de Bell. Jug. xxxiii. Sacra haec Lavinii peragenda diis penetibus memorat Dion. ii. 52. et *sollenne sacrificium* vocat

Liv. supr. i. 13. DRAK.

6 *Religiosum*] Religioni habuimus, nefas esse duximus. CREV.

7 *Quae rem militarem*] Lege quippe curiata imperium dictatoribus et consulibus mandatum est. infr. ix. 38. Cic. de Rep. ii. 13. 17. 21.

‘cando inopem plebem vexare. Hanc autem iactari magis U. C. 365.
 ‘causam, quam veram esse, ut ego non dicam, apparere A. C. 387.
 ‘vobis, Quirites, puto; qui meministis, ante Gallorum ad-
 ‘ventum, salvis tectis publicis privatisque, stante incolumi
 ‘urbe, hanc eandem rem actam esse, ut Veios transmigra-
 ‘remus. Et videte, quantum inter meam sententiam ve-
 8 ‘stramque intersit, tribuni. Vos, etiamsi tunc faciendum
 ‘non fuerit, nunc utique faciendum putatis: ego contra,
 ‘(nec id mirati sitis prius, quam, quale sit, audieritis) etiamsi
 ‘tunc migrandum fuisset, incolumi tota urbe, nunc has
 ‘ruinas relinquendas non censerem. Quippe tum causa
 ‘nobis in urbem captam migrandi victoria esset, gloriosa
 ‘nobis ac posteris nostris; nunc haec migratio nobis misera
 ‘ac turpis, Gallis gloriosa est. Non enim reliquisse vi-
 ‘ctores, sed amisisse victi, patriam videbimur: hoc ad
 ‘Alliam fuga, hoc capta urbs, hoc circumsessum Capito-
 ‘lium necessitatis imposuisse, ut desereremus penates
 ‘nostros, exsiliumque ac fugam nobis ex eo loco consciscere-
 ‘remus, quem tueri non possemus. Et Galli evertere po-
 ‘tuerunt Romam, quam Romani restituere non videbuntur
 ‘potuisse? Quid restat, nisi ut, si iam novis copiis veniant,
 ‘(constat enim vix credibilem multitudinem esse) et ha-
 ‘bitare in capta ab se, deserta a vobis, hac urbe velint,
 ‘sinatis? Quid? si non Galli hoc, sed veteres hostes
 9 ‘vestri, Aequi Volscive, faciant, ut commigrent Romam,
 1 ‘velitisne illos Romanos, vos Veientes esse? An malitis
 ‘hanc solitudinem vestram, quam urbem hostium, esse?
 ‘non equidem video, quid magis nefas sit. Haec scelera,
 ‘quia piget aedificare, haec dedecora pati parati estis? Si
 ‘tota urbe nullum melius ampliusve tectum fieri possit,
 2 ‘quam casa illa conditoris est nostri; non in casis, ritu
 ‘pastorum agrestiumque, habitare est satius inter sacra
 ‘penatesque vestros, quam exsulatum publice ire? Maiores
 ‘nostri, convenae pastoresque, quum in his locis nihil,
 ‘praeter silvas paludesque, esset, novam urbem tam brevi

8 *Tunc faciendum non fuerit*] Pro tunc legendum tum censet Doer. ut quae particulae, illa ad conditionem vel causam referatur, haec de tempore dicatur: sed haec omnia nasomimis acuto suspensisse videtur.

9 *Aequi Volscive*] Causam veriorum fuisse liquet, cur Romae Veii posthabiti sint, quod Romani timebant, ne Aequi Volscive in sedem a se relictam commigrarent et transitum Tiberis sibi occluderent.

1 *An malitis*] An contra placebit hoc solum potius vastum et desertum

remanere, dummodo vestrae ditionis sit, quam incolae et frequentari ab hostibus, hostiumque urbem dici et esse. Crev.

2 *Casa illa conditoris*] De hac Virtruv. de Arch. ii. 1. Item in Capitolio commanefacere potest et significare mores vetustatis Romuli casa in arce sacrarum stramentis tecta, quam respexit Virg. Aen. viii. 654. cf. Ovid. Fast. iii. 183. Romulum ad pulchritudinis gradus circa descensum ex Palatino in Circum Maximum habitasse scribit Plut. in Rom. 20.

- U. C. 365. 'aedificarunt: nos, Capitolio, arce incolumi, stantibus
 A. C. 387. 'templis deorum, aedificare incensa piget? et, quod singuli
 'facturi fuimus, si aedes nostrae deflagrassent, hoc in pu-
 54. 'blico incendio universi recusamus facere? Quid tandem;
 'si fraude, si casu Veiiis incendium ortum sit, ventoque (ut
 'fieri potest) diffusa flamma magnam partem urbis absumat;
 'Fidenas inde, aut Gabios, aliamve quam urbem quaesituri
 'sumus, quo transmigremus? Adeo nihil tenet solum
 'patriae, nec haec terra, quam matrem appellamus; sed in
 'superficie tignisque caritas nobis patriae pendet? Equidem, 3
 'fatebor vobis, etsi minus iniuriae vestrae, quam meae ca- 4
 'lamitatis, meminisse iuvat, quum abessem, quotiescunque
 'patria in mentem veniret, haec omnia occurrebant, colles,
 'campique, et Tiberis, et assueta oculis regio, et hoc
 'coelum, sub quo natus educatusque essem: quae vos,
 'Quirites, nunc moveant potius caritate sua, ut maneatis
 'in sede vestra, quam postea, quum reliqueritis ea, ma-
 'cerent desiderio. Non sine causa dii hominesque hunc
 'urbi condendae locum elegerunt, saluberrimos colles, 5
 'flumen opportunum, quo ex mediterraneis locis fruges
 'devehantur, quo maritimi commeatus accipiantur: mari
 'vicinum ad commoditates, nec expositum nimia propin-
 'quitate ad pericula classium externarum; regionum Italiae
 'medium, ad incrementum urbis natum unice locum. Ar-
 'gumento est ipsa magnitudo tam novae urbis. Trecen-
 'tesimus sexagesimus quintus annus urbis, Quirites, agitur:
 'inter tot veterrimos populos tam diu bella geritis; quum
 'interea, ne singulas loquar urbes, non coniuncti cum
 'Aequis Volsci, tot tam valida oppida, non universa
 'Etruria, tantum terra marique pollens, atque inter duo
 'maria latitudinem obtinens Italiae, bello vobis par est.

3 *Superficie*] sc. De aedibus dictum, ut ap. Cic. Att. iv. 1. quicquid enim super terram extat, ut *solo* opposita, *superficies* dicitur. *Tignis* contemptim pro domibus ad earum fragilitatem notandam.

4 *Etsi minus iniuriae vestrae, quam meae calamitatis, meminisse iuvat*] Haec est mens Camilli, ut dicturus de exsilio suo, cuius mentio ingrata populo futura erat, vitare conetur aurium offensionem, atque ideo exsili-um suum non tam iniuriae civium, quam suo cuidam infelici fato tribuat. Sed desideratur particula negans ante verbum *iuvat*. *Etsi meminisse haud iuvat*, dicturus erat *iniuriae vestrae*: sed parcit verbo, et rem mollit dicendo *minus iniuriae vestrae, quam*

meae calamitatis, id est, exsillii mei, quod verius dixerim a fatali quadam mea calamitate, quam ab iniuria vestra ortum. Sic supr. iv. 32. *Etrusci pleni animorum ab pristini diei meliore occasione, quam pugna*. Scripturus erat Livius *ab pristini diei prospera pugna*. Sed ne graviore appellatione rem dictu levem extollat, subiicit *meliore occasione quam pugna*, id est, re ita gesta, ut verius dici possit bona occasio, quam secunda pugna. CREV.

5 *Urbi condendae locum*] Hic urbis locus omnino cum eo, convenit, quem philosophi urbibus suis, ut maxime opportunum, destinarunt. cf. Arist. Pol. vii. 5. De urbis situ cf. Cic. de Rep. ii. 3—5.

- 6 ' Quod quum ita sit, quae (malum) ratio est, expertis alia U. C. 365.
 ' experiri, quum, iam ut virtus vestra transire alio possit, A. C. 387.
 ' fortuna certe loci huius transferri non possit? Hic Capi-
 ' tolium est, ubi quondam capite humano invento respon-
 ' sum est, eo loco caput rerum summamque imperii fore.
 7 ' Hic, quum augurato liberaretur Capitolium, Iuventas
 ' Terminusque maximo gaudio patrum nostrorum moveri
 ' se non passi: hic Vestae ignes, hic ancilia coelo demissa,
 ' hic omnes propitii manentibus vobis dii.'

55.
 Movisse eos Camillus quum alia oratione, tum ea, quae
 ad religiones pertinebat, maxime dicitur. Sed rem dubiam
 8 decrevit vox opportune emissa; quod, quum senatus post
 9 paullo de his rebus in curia Hostilia haberetur, cohortesque,
 ex praesidiis revertentes, forte agmine forum transirent,
 centurio in comitio exclamavit: ' Signifer, statue signum:
 ' hic manebimus optime.' Qua voce audita, et senatus,
 ' accipere se omen,' ex curia egressus, conclamavit, et plebs
 circumfusa approbavit. Antiquata deinde lege, promiscue
 1 urbs aedificari coepta. Tegula publice praebita est: saxi Instauratio
 materiaeque caedendae, unde quisque vellet, ius factum; urbis.
 2 praedibus acceptis, eo anno aedificia perfecturos. Festi-
 natio curam exemit vicis dirigendi, dum, omisso sui alieni-
 que discrimine, in vacuo aedificant. Ea est causa, ut
 veteres cloacae, primo per publicum ductae, nunc privata
 3 passim subeant tecta; formaque urbis sit occupatae magis,
 quam divisae, similis.

6 *Expertis alia experiri*] *Expertis* nempe huius loci ac situs commoditatem, *experiri* alium locum. CREV. Ceterum *expertis* passive accipiendum esse, et auferendi casu dici censet Drakenb.

7 *Quum augurato liberaretur Capitolium*] Quum per auguria id ageretur, ut, libera a ceteris religionibus, area Capitolina esset tota Iovis. Vid. supr. i. § 5. ubi Iuventae mentio nulla occurrit.

8 *Vox opportune emissa*] Vulg. *opportuna*. *Emissa* nempe temere, ab eo homine qui nullo modo praesentem disceputationem intueretur. *Decrevit opportune vox* Bekker in textum recepit.

9 *Curia Hostilia*] cf. supr. i. 30.

Quae quum diruta esset, dictatore Caesare, decretum fuit ut instauraretur, et pro Hostilia, Iulia appellaretur. CREV.

1 *Tegula*] Lignea scilicet, quam *shingle* Anglice dicimus. Non nisi post Pyrrhi expeditionem imbrices in usum Romae venerunt.

2 *Praedibus acceptis*] Ea lege, ut qui aedificabant, praedes darent, qui sponderent eo anno aedificia perfectum iri. CREV.

3 *Occupatae magis, quam divisae*] Magis occupatae a singulis, prout cuique libuit hanc vel illam partem sibi vindicare, quam divisae sub arbitris, qui suum cuique locum certa lege et norma assignarent terminarentque. CREV.

EPITOME LIBRI VI.

RES adversus Volscos et Aequos et Praenestinos prospere gestas continet. Quattuor tribus additae sunt, Stellatina, Sabatina, Tromentina, Arniensis. M. Manlius, qui Capitolium a Gallis defenderat, quum obstrictos aere alieno liberaret, nexos exsolveret, crimine affectati regni damnatus, de saxo Tarpeio deiectus est: in cuius notam senatusconsultum factum est, ne cui de Manlia gente Marco cognomen esset. C. Licinius et L. Sextius tribuni plebis legem promulgarunt, ut consules etiam ex plebe fierent, qui ex Patribus creabantur: eamque legem cum magna contentione, repugnantibus Patribus, quum iidem tribuni plebis per quinquennium soli magistratus fuissent, pertulerunt; et primus ex plebe consul L. Sextius creatus est. Lata est et altera lex, ne cui plus quingentis iugeribus agri liceret possidere.

T. LIVII PATAVINI.

LIBER VI.

QUAE ab condita urbe Roma ad captam eandem urbem U. C. 365.
Romani sub regibus primum, consulibus deinde ac A. C. 387.
dictatoribus, decemvirisque ac tribunis consularibus gessere,
foris bella, domi seditiones, quinque libris exposui; res Rerum an-
quum vetustate nimia obscuras, velut quae magno ex inter- tiquarum
vallo loci vix cernuntur; tum quod parvae et rarae per obscuritas.
¹ eadem tempora literae fuere, una custodia fidelis memoriae
rerum gestarum: et quod, etiamsi quae in commentariis
pontificum aliisque publicis privatisque erant monumentis,
² incensa urbe pleraeque interiere. Clariora deinceps cer- Clarior iam
tioraque ab secunda origine, velut ab stirpibus laetius fera- certiorque
ciousque renatae urbis, gesta domi militiaeque exponentur. historia
Ceterum quo primo adminiculo erecta erat, eodem innisa Romana.
M. Furio principe stetit: neque eum abdicare se dictatura,
³ nisi anno circumacto, passi sunt. Comititia in insequentem
annum tribunos habere, quorum in magistratu capta urbs
esset, non placuit: res ad interregnum rediit. Quum Q. Fabius
civitas in opere ac labore assiduo reficiendae urbis tene- accusatus,
retur, interim Q. Fabio, simul primum magistratu abiit, ab moritur.
C. Marcio tribuno plebis dicta dies est, quod legatus in
Gallos, ad quos missus erat orator, contra ius gentium pu-
gnasset: cui iudicio eum mors, adeo opportuna, ut volum-

¹ *Literae*] Literae quaevis sunt scripturae, et ingenii monumenta conscripta literisque tradita; atque opponuntur rebus summa traditis, atque hae literae merito mox dicuntur *una* i. e. unica, sola, *custodia fidelis* rerum gestarum. Guosov.

² *Pleraeque interiere*] Hinc liquet quam parum credendum sit iis quae ante urbem incensam narrantur: quippe ipsi pontificum annales, ratione temporum retro ab hoc evenia computata, de integro confecti sunt; *ne quisquam aequalis temporibus illis scriptor erstat, quo satis certo auctore*

stetur. infr. viii. 40.

³ *Nisi anno circumacto*] Non, anno elapso a dictatura accepta, sed circumacto anno currente, ut dictator pariter cum tribunis militum magistratum deponeret. Hoc probant ea verba, quae proxime sequuntur. Cuius. Neenon quum Galli in urbe septem menses post captam illam mansissent, Polyb. ii. 22, quattuor menses et quindecim dies tantummodo supererant, quibus elapsis annus circumageretur, atque Kalendae Quinctilis adessent.

U. C. 366. tariam magna pars crederet, subtraxit. Interregnum initum.
 A. C. 386. P. Cornelius Scipio interrex, et post eum M. Furius Ca- 4
 L. Valerio millus. Is tribunos militum consulari potestate creat, L.
 II. etc. Tr. Valerium Publicolam iterum, L. Virginium, P. Cornelium,
 Mil. A. Manlium, L. Aemilium, L. Postumium. Hi ex inter-
 regno quum extemplo magistratum inissent, nulla de re
 prius, quam de religionibus, senatum consulere. In
 primis foedera ac leges (erant autem eae duodecim tabulae
 et quaedam regiae leges) conquiri, quae comparerent,
 iusserunt: alia ex iis edita etiam in vulgus: quae autem 5
 ad sacra pertinebant, a pontificibus maxime, ut religione
 obstrictos haberent multitudinis animos, suppressa. Tum
 de diebus religiosis agitari coeptum, diemque ante diem 6
 xv Kalendas Sextiles, duplici clade insignem, (quo die ad
 Cremeram Fabii caesi, quo deinde ad Alliam cum exitio
 urbis foede pugnatum) a posteriore clade Alliensem appel-
 larunt, insignemque rei nulli publice privatimque agenda
 fecerunt. Quidam, quod postridie Idus Quintiles non 7
 litasset Sulpicius tribunus militum, neque inventa pace deum 8
 post diem tertium obiectus hosti exercitus Romanus esset,
 etiam postridie Idus rebus divinis supersederi iussum: inde,
 ut postridie Kalendas quoque ac Nonas eadem religio esset,
 traditum putant.

2. Nec diu licuit quietis consilia erigendae ex tam gravi casu
 reipublicae secum agitare. Hinc Volsci, veteres hostes, ad
 extinguendum nomen Romanum arma ceperant; hinc
 Etruriae principum ex omnibus populis coniurationem de
 bello, ad fanum Voltumnae factam, mercatores afferebant.
 Novus quoque terror accesserat defectione Latinorum
 Hernicorumque, qui, post pugnam ad lacum Regillum
 factam, per annos prope centum nunquam ambigua fide in 9

4 *Furius Camillus. Is tribunos]* Iterum post *Camillus* omisit Kreyssig.
 quam vocem Crevier. et Bekker. re-
 tinent cum interpunctione ante vo-
 cem *Is*. Strothio autem placet *ite-*
rum ad sequentem vocem referendum
 esse, et Livium dicere voluisse, Camil-
 lum iterum adeo strenue interregnum
 gessisse, ut, sicuti antea supr. v. 17,
is in interregno non alium interre-
 gem proderet, neque consules, sed
 tribunos crearet.

5 *Alia ex iis]* Alia earum legum
 capita publicarunt: quae ad sacra per-
 tinebant, suppressa. CREV.

6 *De diebus religiosis]* Religiosi
 dies dicuntur, teste A. Gell. iv. 9.
 tristi omine infames impeditique, in
 quibus et res divinas facere, et rem
 quampiam novam exordiri temperan-

dum est. CREV.

7 *Quidam, quod postridie]* De ea
 re vid. A. Gell. v. 17. et supr. v. 38.
 Ceterum *post diem tertium* dictum est
 pro *die tertio post*: eodem fere modo
ante diem XV Kalendas pro *die quin-*
to decimo ante Kalendas. DRAC.

8 *Neque inventa pace deum]* Et,
 licet placati dii non essent, licet nulla
 impetrata essent signa propitiae deum
 voluntatis. CREV.

9 *Per annos prope centum]* Latini
 semper in fide manserant post pu-
 gnam ad Regillum lacum, a qua hic
 annus est centesimus duodecimus ex
 Livio, centesimus nonus ex Dionysio:
 Hernici, post foedus cum Romanis
 ictum Sp. Cassio et Proculo Virginio
 consulibus, ante annos prope centum,
 sive octo supra nonaginta. CREV.

amicitia populi Romani fuerant. Itaque quum tanti U. C. 366.
 undique terrores circumstarent, appareretque omnibus, non A. C. 386.
 odio solum apud hostes, sed contemptu etiam inter socios
 nomen Romanum laborare; placuit iisdem auspiciis defendi
 rempublicam, quibus recuperata esset, dictatoremque dici
 M. Furium Camillum. Is dictator C. Servilium Aham Camillus
 magistrum equitum dixit: iustitioque indicto, delectum dictator
 iuniorum habuit, ita ut seniores quoque, quibus aliquid III.
 roboris superesset, in verba sua iuratos centuriaret. Exer-
 citum conscriptum armatumque trifariam divisit. Partem
 unam in agro Veiente Etruriae opposuit: alteram ante
 urbem castra locare iussit. Tribunus militum his A.
 Manlius; illis, qui adversus Etruscos mittebantur, L.
 Aemilius praepositus: tertiam partem ipse ad Volscos duxit, Volscorum
 nec procul ab Lanuvio (ad Maecium is locus dicitur) castra castra ca-
 2 oppugnare est adortus. Quibus, ab contemptu, quod prope pit.
 3 omnem deletam a Gallis Romanam iuventutem crederent,
 ad bellum profectis, tantum Camillus auditus imperator
 terroris intulerat, ut vallo se ipsi, vallum congestis arboribus
 saepirent, ne qua intrare ad munimenta hostis posset.
 Quod ubi animadvertit Camillus, ignem in obiectam saepem
 conici iussit: et forte erat vis magna venti versa in hostem.
 Itaque non aperuit solum incendio viam, sed, flammis in
 castra tendentibus, vapore etiam ac fumo crepituque viridis
 materiae flagrantis, ita consternavit hostes, ut minor moles
 superantibus vallum in castra Volscorum Romanis fuerit,
 quam transcendentibus saepem incendio absumptam fuerat.
 Fuis hostibus caesisque, quum castra impetu cepisset
 dictator, praedam militi dedit, quo minus speratam, minime
 largitore duce, eo militi gratiorem. Persecutus deinde
 fugientes, quum omnem Volscum agrum depopulatus esset,
 4 ad deditionem Volscos septuagesimo demum anno subegit.
 Victor ex Volscis in Aequos transiit, et ipsos bellum moli-
 Dedunt se
 Volsci.

1 *In verba sua iuratos centuriaret*] In centurias distribuere, postquam iuravissent se iussu Camilli dictatoris conventuros neque iniussu abituros. Cuius.

2 *Ad Maecium*] Mons, haud procul Lanuvio, unde postea tribus Maecia appellata, infr. viii. 17.

3 *Ab contemptu*] Contra scribunt Diodor. xiv. 117. et Plut. in Cam. 34. exercitum Romanum adversus Volscos missum in monte Maecio a Volscis in castra compulsam atque obsessam esse, et Camillum cum tertio exercitu auxilio ei venisse.

4 *Septuagesimo demum anno*] Ita quoque Eutropius ii. 1. et Orosius iii.

3. Sed interpretes minime de hoc numero consentiunt, et quidam mendosum esse non dubitant. Sigonius *septimo et centesimo* sc. ab an. 259. U. C. quando Volsci bellum renovaverant, legendum censet. Niebuhrius autem ii. n. 585. Livium et Byzantinos duos in errore versatos esse existimat, et in annalibus scriptum fuisse, *Volscos qui septuagesimo demum anno rebellabant*, quippe hos sc. *Volscos occidentales*, in quibus Etruriani et Antiatenses erant, an. 295. U. C. in amicitiam Romanam acceptos esse scribit Dion. viii. 35. et inter hunc et urbis captae annum septuaginta utique annos interiectos esse.

U. C. 366. entes: exercitum eorum ad Bolas oppressit; nec castra
A. C. 386. modo, sed urbem etiam aggressus, impetu primo cepit.

3.

Sutrium a
Tuscis ob-
sessum.

Quum in ea parte, in qua caput rei Romanae Camillus erat, ea fortuna esset, aliam in partem terror ingens ingruerat. Etruria prope omnis armata Sutrium, socios 5 populi Romani, obsidebat: quorum legati, opem rebus affectis orantes, quum senatum adissent, decretum tulere, ut dictator primo quoque tempore auxilium Sutrinis ferret. Cuius spei moram quum pati fortuna obsessorum non potuisset, confectaque paucitas oppidanorum, opere, vigiliis, vulneribus, quae semper eosdem urgebant, per pactionem urbe hostibus tradita, inermes cum singulis emissi vestimentis, miserabili agmine penates relinquerent; eo forte tempore Camillus cum exercitu Romano intervenit. Cui quum se maesta turba ad pedes provolvisset, principumque orationem, necessitate ultima expressam, fletus mulierum ac puerorum, qui exsilio comites trahebantur, excepisset; parcere lamentis Sutrinis iussit: Etruscis se luctum lacrimasque ferre. Sarcinas inde deponi, Sutrinisque ibi considerare, modico praesidio relicto, arma secum militem ferre iubet. Ita expedito exercitu profectus ad Sutrium, id quod rebatur, soluta omnia, rebus ut fit secundis, invenit: nullam stationem ante moenia, patentes portas, victorem vagum praedam ex hostium tectis egerentem. Iterum igitur eodem die Sutrium capitur: victores Etrusci passim trucidantur ab novo hoste, neque se conglobandi, coeundique in unum, aut arma capiendi datur spatium. Quum pro se quisque tenderent ad portas, si qua forte se in agros eiicere possent, clausas (id enim primum dictator imperaverat) portas inveniunt. Inde alii arma capere, alii, quos forte armatos tumultus occupaverat, convocare suos, ut proelium inirent: quod accensum ab desperatione hostium fuisset; ni praecones, per urbem dimissi, poni arma, et parci inermi iussissent, nec praeter armatos quemquam violari. Tum etiam, quibus animi in spe ultima obstinati ad decertandum fuerant, post-6 quam data spes vitae est, iactare passim arma, inermesque, quod tutius fortuna fecerat, se hosti offerre. Magna multitudo in custodias divisa: oppidum ante noctem redditum Sutrinis inviolatum integrumque ab omni clade belli, quia non vi captum, sed traditum per conditiones fuerat.

4.

Triumphat.

5 *Sutrium*] Res eodem fere tenore gestae totidem verbis an. 369. U. C. narrantur, adeo ut Niebuhr suspicio mota sit, haec omnia ficta esse.

6 *Decertandum*] h. e. Ad extre-

mum usque certandum: eodem fere modo *depugnare* de gladiatoribus, qui usque ad necem alterutrius pugnant. Suet. Caes. 39. Cic. Fam. x. 32. DRAK.

victor. Longe plurimos captivos ex Etruscis ante currum U. C. 366.
duxit. Quibus sub hasta venundatis, tantum aeris redactum A. C. 386.
est, ut, pretio pro auro matronis persoluto, ex eo, quod
supererat, tres paterae aureae factae sint: quas, cum titulo
7 nominis Camilli, ante Capitolium incensum in Iovis cella
constat ante pedes Iunonis positas fuisse.

Eo anno in civitatem accepti, qui Veientium Capenati-
umque ac Faliscorum per ea bella transfugerant ad Romanos,
agerque iis novis civibus assignatus. Revocati quoque in
urbem senatusconsulto a Veïis, qui aedificandi Romae
8 pigritia, occupatis ibi vacuis tectis, Veios se contulerant.
Et primo fremitus fuit aspernantium imperium: dies deinde
praestituta capitalisque poena, qui non remigrasset Romam,
ex ferocibus universis singulos, metu suo quemque, obedi-
entes fecit. Et Roma quum frequentia crescere, tum tota
simul exurgere aedificiis, et republica impensas adiuvante,
et aedilibus velut publicum exigentibus opus, et ipsis
privatis (admonebat enim desiderium usus) festinantibus ad
effectum operis: intraque annum nova urbs stetit.

Exitu anni comitia tribunorum militum consulari pote- U. C. 367.
state habita. Creati T. Quinctius Cincinnatus, Q. Servilius A. C. 385.
Fidenas quintum, L. Iulius Iulus, L. Aquillius Corvus, L. T. Quin-
Lucretius Tricipitinus, Ser. Sulpicius Rufus. Exercitum ctio, etc. Tr.
9 alterum in Aequos, non ad bellum, (victos namque se fate- Mil.
bantur,) sed ab odio ad pervastandos fines, ne quid ad nova
consilia relinquerent virium, duxere: alterum in agrum
Tarquiniensem. Ibi oppida Etruscorum, Cortuosa et Con-
tenebra, vi capta dirutaque. Ad Cortuosam nihil cer-
taminis fuit. Improviso adorti, primo clamore atque impetu
cepere: direptum oppidum atque incensum est. Conte-
nebra paucos dies oppugnationem sustinuit; laborque con-
tinuus, non die non nocte remissus, subegit eos. Quum in
1 sex partes divisus exercitus Romanus senis horis in orbem
2 succederet proelio, oppidanos eosdem integro semper cer-
tamini paucitas fessos obiiceret; cessere tandem, locusque
invadendi urbem Romanis datus est. Publicari praedam
tribunis placebat: sed imperium, quam consilium, segnius

7 *Ante Capitolium incensum*] Syl-
lania temporibus, L. Cornelio Scipio-
ne et C. Norbano Cosa. U. C. 669.

8 *Ibi*] sc. Veïis. In quibusdam
codd. sibi invenitur, sed prima litera
τοῖ sibi repetita esse potest ex praeced-
entis finali, ut alibi fit. DRAK.

9 *Aequos*] Ultima haec mentio Ae-
quorum arma contra Romanos mo-
ventium, usque ad bellum Romano-
rum cum Samnitibus secundum U. C.
449. Haud scio an impetus Gallo-

rum, qui usque in Apuliam, Italia
pervastata, pervaserunt, vim Aequo-
rum contuderit. Diodor. xiv. 117.
Justin. xx. 5. Niebhr. ii. p. 580.

1 *Senis horis in orbem succederet
proelio*] Ita capesseret proclium, ut
in singula senarum horarum spatia
singulae exercitus partes sibi in or-
bem succederent. CREV.

2 *Integro semper*] Semper novo,
in quo semper adversus integros ho-
stes dimicandum esset. CREV.

U. C. 367. fuit. Dum cunctantur, iam militum praeda erat; nec, nisi
 A. C. 385. per invidiam, adimi poterat. Eodem anno, ne privatis³
 Capitoli substructio. tantum operibus cresceret urbs, Capitolium quoque saxo
 quadrato substructum est: opus vel in hac magnificentia⁴
 urbis conspiciendum.

5. Iam et tribuni plebis, civitate aedificando occupata, con-⁵
 Tribb. Pl. ciones suas frequentare legibus agrariis conabantur. Osten-
 molitiones. tabatur in spem Pomptinus ager, tum primum, post accisas
 a Camillo Volscorum res, possessionis haud ambiguae.⁶
 Criminabantur, 'multo eum infestiores agrum ab nobilitate
 'esse, quam a Volscis fuerit; ab illis enim tantum, quoad
 'vires et arma habuerint, incursiones eo factas: nobiles
 'homines in possessionem agri publici grassari; nec, nisi,
 'antequam omnia praecipiant, divisus sit, locum ibi plebi
 'fore.' Haud magno opere plebem moverant, et infrequen-
 tem in foro propter aedificandi curam, et eodem exhaustam
 impensis, eoque agri immemorem, ad quem instruendum
 vires non essent. In civitate plena religionum, tum etiam
 ab recenti clade superstitiosis principibus, ut renovarentur
 auspicia, res ad interregnum rediit. Interreges deinceps
 M. Manlius Capitolinus, Ser. Sulpicius Camerinus, L.
 Valerius Potitus. Hic demum tribunorum militum consu-
 lari potestate comitia habuit. L. Papirium, C. Cornelium,
 U. C. 368. C. Sergium, L. Aemilium iterum, L. Menenium, L. Vale-⁷
 A. C. 384. rium Publicolam tertium creat. Hi ex interregno magi-
 L. Papirio, stratum occepere. Eo anno aedes Martis, Gallico bello vota,⁸
 etc. Tr. Mil. dedicata est a T. Quinctio duumviro sacris faciundis.
 Tribus quattuor ex novis civibus additae, Stellatina, Tro-⁹
 mentina, Sabatina, Arniensis: eaeque viginti quinque tri-

³ *Per invidiam*] Ita ut invidia in-
 de oriretur, ita ut odium militis exci-
 taretur in duces. CREV.

⁴ *Substructum est*] Intelligitur mu-
 rus ex lapide quadrato factus circa
 radicem montis Capitolini eiusque
 partes inferiores, qui prohiberet ne
 terra delaberetur. Plin. H. N. xxxvi.
 15.

⁵ *Conciones suas frequentare*] sc.
 Cives ad conciones suas frequentes
 allicere.

⁶ *Possessionis haud ambiguae*] Ut-
 pote Aequorum res accisae, et foedus
 cum ea gente ictum erat.

⁷ *Aemilium iterum*] *Tertium* ex
 Fragm. Fast. Capit. reponit Burghe-
 sius.

⁸ *Aedes Martis*] cf. Supr. vii. 23.
 infr. x. 23.

⁹ *Ex novis civibus*] sc. Capena-
 tium, Veientium, et Faliscorum qui
 ad Romanos transfugerant, cf. supr. 4.

Niehr. ii. p. 466. 572.

¹ *Stellatina, Tromentina*] *Stella-*
tina tribus ab agro, sive campo Stel-
 late dicta est, non eo qui in Campa-
 nia, sed eo qui in Etruria fuit inter
 Capenam et Veios. *Sabatina* a Sa-
 bate lacu, qui itidem in Etruria. *Tro-*
mentina, a Tromento campo. Haec
 omnia constant ex Festo. Tromen-
 tum campum volunt et ipsum in Etru-
 ria fuisse. De nomine sequentis tri-
 bus ambigitur. *Narniensem* alii, alii
Arniensem legi volunt: et eam illi
 quidem a Narnia Umbriae oppido,
 hi ab Arno Etruriae fluvio dictam
 esse existimant. CREV. Urbs vero
 Narnia adhuc *Nequinum* appellaba-
 tur, neque nisi nonaginta post annis
Narniae nomen accepit, quum eo co-
 lonia deduceretur. Ita tribum Ro-
 manam hoc tempore *Narniensem* vo-
 cari non potuisse liquet. DRAK.

uum numerum explevere. De agro Pomptino ab L. U. C. 368.
 Sicinio tribuno plebis actum ad frequentiore*m* iam populum, A. C. 384.
 mobilioremque ad cupiditatem agri, quam fuerat. Et de 6.
 Latino Hernicoque bello mentio facta in senatu, maioris
 belli cura, quod Etruria in armis erat, dilata est.

Res ad Camillum tribunum militum consulari potestate U. C. 369.
 rediit. Collegae additi quinque, Ser. Cornelius Malugi- A. C. 383.
 nensis, Q. Servilius Fidenas sextum, L. Quinctius Cincin- M. Furio
 natus, L. Horatius Pulvillus, P. Valerius. Principio anni Camillo V.
 aversae curae hominum sunt a bello Etrusco, quod fugien- etc. Tr. Mil.
 tium ex agro Pomptino agmen repente illatum in urbem Antiates in
 attulit, Antiates in armis esse, Latinorumque populos iu- armis.
 ventutem summisisse ad id bellum; eo abnuentes publicum
 fuisse consilium, quod non prohibitos tantummodo volun-
 tarios dicerent militare, ubi vellent. Desierant iam ulla
 contemni bella. Itaque senatus diis agere gratias, quod Camillo re-
 Camillus in magi-stratu esset: dictatorem quippe dicendum gimen om-
 cum fuisse, si privatus esset. Et collegae fateri, 'regimen nium rerum
 'omnium rerum, ubi quid bellici terroris ingruat, in viro collegae
 'uno esse: sibi*que* destinatum in animo esse, Camillo sum- permittunt.
 'mittere imperium; nec quiequam de maiestate sua de-
 'tractum credere, quod maiestati eius viri concessissent.'
 Collaudatis ab senatu tribunis, et ipse Camillus, confusus
 animo, gratias egit. 'Ingens,' inde ait, 'onus a populo
 3 'Romano sibi, qui se dictatorem iam quartum creasset, mag-
 'num a senatu talibus de se iudiciis eius ordinis, maximum
 'tam honoratorum collegarum obsequio iniungi. Itaque si
 'quid laboris vigiliarum*que* adiaci possit, certantem secum
 'ipsum annisurum, ut tanto de se consensu civitatis opinio-
 'nem, quae maxima sit, etiam constantem efficiat. Quod
 'ad bellum atque Antiates attineat, plus ibi minarum, quam
 'periculi, esse: se tamen, ut nihil timendi, sic nihil con-
 'temnendi auctorem esse. Circumsederi urbem Romanam
 'ab invidia et odio finitimorum: itaque et ducibus pluri-
 'bus et exercitibus administrandam reipublicam esse. Te,'
 inquit, 'P. Valeri, socium imperii consilii*que*, legiones
 'mecum adversus Antiatem hostem ducere placet: te, Q.
 'Servili, altero exercitu instructo parato*que*, in urbe castra
 'habere; intentum, sive Etruria se interim, ut nuper, sive
 'nova haec cura, Latini atque Hernici, moverint. Pro
 'certo habeo, ita rem gesturum, ut patre, avo, te*que* ipso
 4 'ac sex tribunatibus dignum est. Tertius exercitus ex

2 *Quod... dicerent*] Cum dicerent, non nisi voluntarios militare, qui quidem, ubi militare vellent, non prohibiti essent. Dicitur.

3 *Dictatorem iam quartum*] Rei

augenda*e* causa et gaudio animo ita loquitur, ut cui regimen omnium rerum a collegis delatum esset.

4 *Tertius exercitus et causarius senatibus*que**] Causarii quibus iura

U. C. 369. 'causariis senioribusque a L. Quinctio scribatur, qui urbi
 A. C. 383. 'moenibusque praesidio sit. L. Horatius arma, tela, frumentum, quaeque belli alia tempora poscent, provideat. 'Te, Ser. Corneli, praesidem huius publici consilii, custodem 'religionum, comitiorum, legum, rerum omnium urbanarum 'collegae facimus.' Cunctis in partes muneris sui benigne pollicentibus operam, Valerius, socius imperii lectus, adiecit, 'M. Furium sibi pro dictatore, seque ei pro magistro 'equitum futurum. Proinde, quam opinionem de unico 'imperatore, eam spem de bello haberent. Se vero bene 'sperare,' Patres, 'et de bello, et de pace universaque re- 'publica,' erecti gaudio, fremunt: 'nec dictatore unquam 'opus fore reipublicae, si tales viros in magistratu habeat, 'tam concordibus iunctos animis, parere atque imperare 'iuxta paratos, laudemque conferentes potius in medium, 'quam ex communi ad se trahentes.'

7. Iustitio indicto, delectuque habito, Furius ac Valerius ad Satricum profecti: quo non Volscorum modo iuventutem 5 Antiates ex nova subole lectam, sed ingentem Latinorum Hernicorumque conciverant ex integerrimis diutina pace populis. Itaque novus hostis veteri adiunctus commovit animos militis Romani. Quod ubi aciem iam instruenti Camillo centuriones renuntiaverunt, 'turbatas militum 'mentes esse, segniter arma capta, cunctabundosque et re- 6 'sistentes egressos castris esse; quin voces quoque auditas, 'cum centenis hostibus singulos pugnatuuros; et aegre in- 'mem tantam multitudinem, nedum armatam, sustineri 'posse;' in equum insilit, et, ante signa obversus in aciem, ordines interequitans, 'Quae tristitia, milites, haec, quae in- 'solita cunctatio est? Hostem, an me, an vos ignoratis? 'Hostis est quid aliud, quam perpetua materia virtutis 'gloriaeque vestrae? Vos contra, me duce, (ut Falerios 'Veiosque captos, et in capta patria Gallorum legiones 'caesas taceam) modo trigeminae victoriae triplicem trium- 'phum ex his ipsis Volscis, et Aequis, et ex Etruria egistis. 'An me, quod non dictator vobis, sed tribunus, signum 'dedi, non agnoscitis ducem? Neque ego maxima imperia 'in vos desidero: et vos in me nihil, praeter me ipsum, in- 'tueri decet; neque enim dictatura mihi unquam animos

Oratio Ca-
milli ad mi-
lites,

militiae vacatio esset. *Seniores* qui plus annos quadraginta quinque haberent, neque adhuc sexagesimum suum annum numerarent. Hic quidem exercitus, tanquam subsidiarius plerumque conscribatur, ut supr. iii. 20. Dion. ix. 5.

5 *Satricum*] Urbs haec una cum

Velitris an. 361. U. C. a Romanis defecerat. Diodor. xiv. 102.

6 *Resistentes*] Pro *resistentes* Gronovius *restitantes* legendum suadet, quam vocem in textum reposuit Bekker. sed nihil mutandum censet Drak.

‘fecit, ut ne exsilium quidem ademit. Iidem igitur omnes U. C. 369.
 ‘sumus: et, quum eadem omnia in hoc bellum afferamus, A. C. 383.
 ‘quae in priora attulimus, eundem eventum belli exspecte-
 ‘mus. Simul concurreritis, quod quisque didicit ac con-
 ‘suevit, faciet. Vos vincetis, illi fugient.’ Dato deinde 8.
 signo, ex equo desilit, et proximum signiferum, manu ar- Vincit Vol-
 reptum, secum in hostem rapit; ‘infer, miles,’ clamitans, scos.
 ‘signum.’ Quod ubi videre ipsum Camillum, iam ad mu-
 nera corporis senecta invalidum, vadentem in hostes, pro-
 currunt pariter omnes, clamore sublato, ‘Sequere impera-
 ‘torem,’ pro se quisque clamantes. Emissum etiam signum
 Camilli iussu in hostium aciem ferunt; idque ut repetere-
 tur, concitatos antesignanos. Ibi primum pulsum Antiatem,
 terroremque non in primam tantum aciem, sed etiam ad
 subsidiarios perlatum. Nec vis tantum militum movebat,
 excitata praesentia ducis, sed quod Volscorum animis
 nihil terribilius erat, quam ipsius Camilli forte oblata
 species. Ita, quocunque se intulisset, victoriam secum
 haud dubiam trahebat. Maxime id evidens fuit, quum, in
 laevum cornu, prope iam pulsum, arrepto repente equo
 cum scuto pedestri, advectus, conspectu suo proelium resti-
 tuit, ostentans vincentem ceteram aciem. Iam inclinata res
 7 erat, sed turba hostium et fuga impediabatur, et longa
 caede conficienda multitudo tanta fesso militi erat: quum
 repente ingentibus procellis fusus imber certam magis vi-
 ctoriam, quam proelium, diremit. Signo deinde receptui
 dato, nox insecuta, quietis Romanis, perfecit bellum.
 Latini namque et Hernici, relictis Volscis, domos profecti
 sunt, malis consiliis pares adepti eventus. Volsci, ubi se
 desertos ab iis videre, quorum fiducia rebellaverant, reli-
 ctis castris, moenibus Satrici se includunt: quos primo
 Camillus vallo circumdare, et aggere atque operibus op-
 pugnare est adortus. Quae postquam nulla eruptione im- Satrium
 pediri videt; minus esse animi ratus in hoste, quam ut in capitur.
 eo tam lentae spei victoriam exspectaret, cohortatus milites,
 ne, tanquam Veios oppugnantes, in opere longinquo sese
 tererent, victoriam in manibus esse: ingenti militum ala-
 critate moenia undique aggressus, scalis oppidum cepit.
 Volsci abiectis armis sese dediderunt.

Ceterum animus ducis rei maiori, Antio, imminebat: id 9.
 caput Volscorum, eam fuisse originem proximi belli. Sed
 quia nisi magno apparatu, tormentis machinisque, tam
 valida urbs capi non poterat; relicto ad exercitum collega,

7 *Turba hostium*] *Turba sexto ca-* *impediens, monet Gronov. cf. supr.*
su dici, similiterque infr. ix. 23. In- *v. 38.*
gens multitudo . . . semet ipsa turba

U. C. 369.
A. C. 383.
Bellum
cum Etru-
scis Sutri-
um obsi-
dentibus.

Romam est profectus, ut senatum ad excidendum Antium hortaretur. Inter sermonem eius (credo, rem Antiatem diuturniorem manere, diis cordi fuisse) legati ab Nepete ac Sutrio, auxilium adversus Etruscos petentes, veniunt, brevem occasionem esse ferendi auxilii memorantes. Eo vim Camilli ab Antio fortuna avertit. Namque quum ea loca opposita Etruriae, et velut claustra inde portaeque essent; et illis occupandi ea, quum quid novi molirentur, et Romanis recuperandi tuendique cura erat. Igitur senatui cum Camillo agi placuit, ut, omisso Antio, bellum Etruscum susciperet. Legiones urbanae, quibus Quinctius praefuerat, 8 ei decernuntur. Quanquam expertum exercitum assuetumque imperio, qui in Volscis erat, mallet; nihil recusavit: Valerium tantummodo imperii socium depoposcit. Quinctius Horatiusque successores Valerio in Volscos missi. Profecti ab urbe Sutrium Furius et Valerius partem oppidi iam captam ab Etruscis invenere; ex parte altera, intersaeptis itineribus, aegre oppidanos vim hostium ab se arcentes. Quum Romani auxilii adventus, tum Camilli nomen celeberrimum apud hostes sociosque, et in praesentia rem inclinatum sustinuit, et spatium ad opem ferendam dedit. Itaque diviso exercitu, Camillus collegam, eam in partem circumductis copiis, quam hostes tenebant, moenia aggredi iubet, non tanta spe, scalis capi urbem posse, quam ut, aversis eo hostibus, et oppidanis iam pugnando fessis laxaretur labor, et ipse spatium intrandi sine certamine moenia haberet. Quod quum simul utrimque factum esset, ancepsque terror Etruscos circumstaret, et moenia summa vi oppugnari, et intra moenia esse hostem viderent; porta se, quae una forte non obsidebatur, trepidi uno agmine eiecere. Magna caedes fugientium et in urbe et per agros est facta. Plures a Furianis intra moenia caesi: Valeriani expeditiores

8 *Legiones urbanae, quibus Quinctius praefuerat*] Quinctius praeerat exercitui ex causariis senioribusque conscripto, supr. 6. Eum traditum esse Camillo, quum alter exercitus e iunioribus validisque a Q. Servilio scriptus praesto esset, non est verisimile. Itaque hic rescribendum videtur, *quibus Q. Servilius praefuerat*. Tamen paullo infra Quinctius, non Servilius, mittitur ad eum exercitum, quem Camillus in Volscis relinquebat. Itaque et aliam permutationem exercituum factam esse necesse est, ita ut Servilius praefuerit exercitui Quinctiano, qui ad urbem retentus sit. Sic nodum hunc solvit I. Fr. Gronovius. CREV. Contra Drakenborchio arridet

coniectura Iac. Gronovii, qui causarios fortasse iam convaluisse et seniores non prorsus decrepitos esse, sed, tantummodo, ut emeritos, stipendia nisi gravi reipublicae occasione non facere: *Seniores* enim, ut Niebhr. ii. n. 258, 259. optime animadvertit, non modo ad *praesidium urbis*, sed ad *subita belli* praesto erant. Haud scio an exercitus Servilianus in castris adhuc invigilaret, ne quis motus a Latinis atque Hernicis fieret, et quum subsidiis quam propere ductis Sutrium egeret, melius visum senatui esset, legiones urbanas, quam exercitum Servilianum, in illud opus destinare.

ad persequendos fuere; nec ante noctem, quae conspectum U. C. 369.
 ademit, finem caedendi fecere. Sutrio recepto restitutoque A. C. 383.
 sociis, Nepete exercitus ductus, quod per deditionem ac-
 ceptum iam totum Etrusci habebant. Videbatur plus in ea 10.
 urbe recipienda laboris fore; non in eo solum, quod tota
 hostium erat, sed etiam quod, parte Nepesinorum prodente
 civitatem, facta erat deditio. Mitti tamen ad principes eo- Nepete re-
 rum placuit, ut secernerent se ab Etruscis, fidemque, quam cipitur.
 implorassent ab Romanis, ipsi praestarent. Unde quum
 responsum allatum esset, 'nihil suae potestatis esse, Etru-
 'seos moenia custodiasque portarum tenere;' primo popu-
 lationibus agri terror est oppidanis admotus: deinde, post-
 quam deditionis, quam societatis, fides sanctior erat, fasci-
 bus sarmentorum ex agro collatis, ductus ad moenia exer-
 citus, completisque fossis scalae admotae, et clamore primo
 impetuque oppidum capitur. Nepesinis inde edictum, ut
 arma ponant; parcique iussum inermi. Etrusci pariter
 armati atque inermes caesi. Nepesinorum quoque auctores
 deditionis securi percussi: innoxiae multitudini redditae
 res, oppidumque cum praesidio relictum. Ita, duabus so-
 ciis urbibus ex hoste receptis, victorem exercitum tribuni
 cum magna gloria Romam reduxerunt.

Eodem anno ab Latinis Hernicisque res repetitae, quae- A Latinis
 situmque, cur per eos annos militem ex instituto non dedis- Hernicis-
 sent? Responsum frequenti utriusque gentis concilio est, que res re-
 'nec culpam in eo publicam, nec consilium fuisse, quod petitae.
 'suae iuventutis aliqui apud Volseos militaverint. Eos ta-
 'men ipsos pravi consilii poenam habere, nec quemquam
 'ex his reducem esse. Militis autem non dati causam, ter-
 'rorem assiduum a Volseis fuisse, quam pestem adhaeren-
 'tem lateri suo tot super alia aliis bellis exhauriri nequisse.'
 9 Quae relata Patribus magis tempus, quam causam, non visa
 belli habere.

Insequenti anno, A. Manlio, P. Cornelio, T. et L. Quin- 11.
 etiiis Capitolinis, L. Papirio Cursore iterum, C. Sergio ite- U. C. 370.
 rum tribunis consulari potestate, grave bellum foris, gravior A. C. 382.
 domi seditio exorta: bellum a Volseis, adiuncta Latinorum A. Manlio
 atque Hernicorum defectione: seditio, unde minime timeri II. etc. Tr.
 potuit, a patriciae gentis viro et inclutae famae, M. Manlio Mil.
 Capitolino: qui nimius animi, quum alios principes sper- Bellum
 neret; uni invideret, eximio simul honoribus atque virtu- Volseum.
 tibus, M. Furio; aegre ferebat, 'solum eum in magistrati- M. Manli
 'bus, solum apud exercitus esse; tantum iam eminere, ut pravae mo-
 litiones,

9 Quae relata Patribus] Hoc re- causam praebere: sed ab eo tamen
 sponsum relatum Patribus visum qui indicendo abstinere suavit tempus pa-
 dem est idoneam ac legitimam belli rum opportunum. CREV.

U. C. 370. 'iisdem auspiciis creatos, non pro collegis, sed pro ministris
 A. C. 382. 'habeat: quum interim, si quis vere aestimare velit, a M.
 'Furio recuperari patria ex obsidione hostium non potuerit,
 'nisi a se prius Capitolium atque arx servata esset: et ille,
 'inter aurum accipiendum et spem pacis solutis animis,
 'Gallos aggressus sit; ipse armatos capientesque arcem de-
 'pulerit: illius gloriae pars virilis apud omnes milites sit,
 'qui simul vicerint; suae victoriae neminem omnium mor-
 'taliū socium esse.' His opinionibus inflato animo, ad
 hoc vitio quoque ingenii vehemens et impotens, postquam
 inter Patres non, quantum aequum censebat, excellere suas
 opes animadvertit; primus omnium ex Patribus popularis
 factus, cum plebeiis magistratibus consilia communicare;
 criminando Patres, alliciendo ad se plebem, iam aura, non
 consilio, ferri, famaeque magnae malle, quam bonae esse:
 et, non contentus agrariis legibus, quae materia semper
 tribunis plebi seditionum fuisset, fidem moliri coepit: 'acri-
 ores quippe aeris alieni stimulos esse, qui non egestatem
 'modo atque ignominiam minentur, sed nervo ac vinculis
 'corpus liberum territent.' Et erat aeris alieni magna vis,
 re damnosissima etiam divitibus, aedificando contracta.
 Bellum itaque Volscum, grave per se, oneratum Latinorum
 atque Hernicorum defectione, in speciem causae iactatum,
 ut maior potestas quaereretur. Sed nova consilia Manlii
 magis compulere senatum ad dictatorem creandum. Cre-
 atus A. Cornelius Cossus magistrum equitum dixit T.
 Quinctium Capitolinum.

A. Corne-
 lius Cossus
 dictator.

12. Dictator, etsi maiorem dimicationem propositam domi,
 quam foris, cernebat; tamen, seu quia celeritate ad bellum
 opus erat, seu victoria triumphoque dictaturae ipsi vires se
 additurum ratus, delectu habito, in agrum Pomptinum, quo
 a Volscis exercitum indictum audierat, pergit. Non du-
 bito, praeter satietatem, tot iam libris assidua bella cum
 Volscis gesta legentibus illud quoque succursurum, quod
 mihi percensenti propiores temporibus harum rerum auc-
 tores miraculo fuit, unde toties victis Volscis et Aequis

Unde Vol-
 scis et Ae-
 quis toties
 victis suf-
 fecerint mi-
 lites.

1 *Iam aura, non consilio, ferri*] Iam aura favoris popularis ferri, non consilio et ratione gubernari. CREV.

2 *Fidem moliri*] Labefactare creditarum pecuniarum iura, solutionisque necessitatem. Porro haec optima sane lectio debetur Sigonio. Prius: *Idem moliri*. CREV.

3 *Nervo ac vinculis*] Nervus vinculum ligneum erat, in quod pedes artabantur. De horum usu in vincendis debitoribus, qui solvendo non essent, passim fit mentio. cf. infr. 15. viii. 28. Ex leg. XII. Tab. *Aeris confessi rebus-*

que iure iudicatis XXX. dies iusti sunt... Nō iudicatum facit, secum ducito, vincito, aut nervo aut compedibus XV. pondo ne maiore, at si volet, minore vincito.

4 *Creandum*] Seditionis sedandae et rei gerundae causa, ut in Fragm. Fast. Cap. legitur.

5 *Unde toties victis*] Haec vero bella continua nihil nisi incursiones praedatoriae plerumque erant, et a Livio saepius in maius aucta, saepenumero omnino ficta.

suffecerint milites. Quod quum ab antiquis tacitum prae- U. C. 370.
 termissumque sit; cuius tandem ego rei praeter opinionem, A. C. 382.
 quae sua cuique coniectanti esse potest, auctor sim? Simile
 veri est, aut intervallis bellorum, sicut nunc in delectibus
 fit Romanis, alia atque alia subole iuniorum ad bella in-
 stauranda toties usos esse: aut non ex iisdem semper po-
 6 pulis exercitus scriptos, quanquam eadem semper gens
 bellum intulerit: aut innumerabilem multitudinem libero-
 rum capitum in iis fuisse locis, quae nunc, vix seminario
 exiguo militum relicto, servitia Romana ab solitudine vin-
 dicant. Ingens certe, (quod inter omnes auctores conve-
 nit,) quanquam nuper Camilli ductu atque auspicio accisae
 res erant, Volscorum exercitus fuit: ad hoc Latini Herni-
 7 cique accesserant, et Circeensium quidam, et coloni etiam
 a Velitris Romani. Dictator, castris eo die positis, postero
 quum auspicato prodisset, hostiaque caesa pacem deum
 8 adorasset, laetus ad milites, iam arma ad propositum pug-
 nae signum, sicut edictum erat, luce prima capientes, pro-
 cessit: ‘Nostra victoria est, milites,’ inquit, ‘si quid dii
 ‘vatesque eorum in futurum vident. Itaque, ut decet cer-
 ‘tae spei plenos, et cum imparibus manus conserturos, pilis
 ‘ante pedes positis, gladiis tantum dextras armemus: ne
 ‘procurri quidem ab acie velim, sed obnisos vos stabili
 ‘gradu impetum hostium excipere. Ubi illi vana iniece-
 ‘rint missilia, et effusi stantibus vobis se intulerint, tum
 ‘micent gladii, et veniat in mentem unicuique, deos esse,
 ‘qui Romanum adiuvent; deos, qui secundis avibus in
 ‘proelium miserint. Tu, T. Quincti, equitem intentus ad
 ‘primum initium moti certaminis teneas: ubi haerere iam
 ‘aciem collato pede videris, tum terrorem equestrem occu-
 ‘patis alio pavore infer: invectusque ordines pugnantium
 ‘dissipa.’ Sic eques, sic pedes, ut praeceperat, pugnant:
 nec dux legiones, nec fortuna fefellit ducem. Multitudo
 9 hostium, nulli rei, praeterquam numero, freta, et oculis
 utramque metiens aciem, temere proelium iniit, temere
 omisit: clamore tantum missilibusque telis et primo pug-

Dictatoris
oratio ad
milites.

13.

Victi
Volsci.

6 *Quae nunc ... servitia Romana*] Quae nunc, quomodo deserta sint, servi Romanorum soli prohibent. Haec conditio rerum Tib. Graccho Italiam peragranti primum commiserat onem, deinde vero indignationem movebat, et in causa erat, cur Agrarias suas leges animo conciperet. cf. Plut. in Tib. Gracch. Wachsm. p. 113.

7 *Coloni etiam a Velitris Romani*] Scilicet veteres Volscia origine coloni, qui cum Romanis in unam civitatem

coaluerant. Velitrae urbs penitus Volscia, quippe quae tabulam illam unicam, quae Volscia lingua inscripta habetur, in lucem protulerit.

8 *Propositum pugnae signum*] Signum illud erat signum coccineum, quod supra praetorium, sive tabernaculum imperatoris, expandebatur. Plut. in Fab. Crev.

9 *Nulli rei*] cf. Supr. iv. 37. Noster cum dandi casu nomen *fretus* interdum iunxit.

U. C. 370. nae impetu ferox, gladios et collatum pedem et vultum
 A. C. 382. hostis, ardore animi micantem, ferre non potuit. Impulsa
 frons prima, et trepidatio subsidiis illata, et suum terrorem
 intulit eques: rupti inde multis locis ordines, motaque omnia,
 et fluctuanti similis acies erat. Deinde, postquam, cadentibus primis,
 iam ad se quisque perventuram caedem cernebat, terga vertunt.
 Instare Romanus; et, donec armati confertique abibant, peditum labor in persequendo fuit:
 postquam iactari arma passim, fugaque per agros spargi aciem hostium animadversum est; tum equitum turmae
 emissae, dato signo, ne, in singulorum morando caede, spatium ad
 evadendum interim multitudini darent: satis esse, missilibus ac
 terrore impediri cursum, obequitandoque agmen teneri, dum assequi
 pedes et iusta caede conficere hostem posset. Fugae sequendique non
 ante noctem finis fuit: capta quoque ac direpta eodem die castra
 Volscorum, praedaeque omnis, praeter libera corpora, militi concessa
 est. Pars maxima captivorum ex Latinis atque Hernicis fuit: nec
 hominum de plebe, ut credi posset mercede militasse, sed principes
 quidam iuventutis inventi; manifesta fides, publica ope Volscos
 hostes adiutos. Circeiensium quoque quidam cogniti, et coloni a
 Velitris: Romamque omnes missi percunctantibus primoribus
 Patrum eadem, quae dictatori, defectionem sui quisque populi, haud
 perplexe indicavere.

14. Dictator exercitum in stativis tenebat, minime dubius,
 bellum cum his populis Patres iussuros; quum maior domi
 exorta moles coegit acciri Romam eum, gliscente in dies
 seditione, quam solito magis metuendam auctor faciebat.
 Non enim iam orationes modo M. Manlii, sed facta, popularia
 in speciem, tumultuosa eadem, qua mente fierent, intuenda
 erant. Centurionem, nobilem militaribus factis, iudicatum
 pecuniae quum duci vidisset, medio foro cum caterva sua
 accurrit, et manum iniecit: vociferatusque de superbia Patrum,
 ac crudelitate feneratorum, et miseriis plebis, virtutibus eius
 viri fortunaque: ‘Tum vero ego,’ inquit, ‘nequicquam hac
 dextra Capitolium arcemque servaverim, si civem commilitonemque
 meum, tanquam Gallicis victoribus captum, in servitutem ac
 vincula duci vi-

Manliana
 seditio.

1 *Iusta caede*] Plena caede, quae non carperet hostem, sed conficeret. CREV.

2 *Iudicatum pecuniae*] Pecuniae creditae, nec solutae, nomine damnatum. Iudicatis autem pecuniae triginta dies dabantur, conquirendae pecuniae causa quam dissolverent. Quibus clapsis, nisi dissolverant, addice-

bantur creditori. Vid. A. Gell. xx. 1. Quum igitur hic centurio statim duci dicatur, intelligendum est eum non modo iudicatum, sed etiam addictum fuisse. CREV.

3 *In servitutem ac vincula duci*] Addictus creditori debitor sexaginta dies habebatur in vinculis. Ac, nisi interea pactus foret, capite poenas

4 'deam.' Inde rem creditori palam populo solvit, libraque U. C. 370.
 et aere liberatum emittit, deos atque homines obtestantem, A. C. 382.
 'ut M. Manlio, liberatori suo, parenti plebis Romanae, gra-
 'tiam referant.' Acceptus extemplo in tumultuosam tur-
 bam et ipse tumultum augebat, cicatrices acceptas Ve-
 enti, Gallico, aliisque deinceps bellis ostentans. 'Se
 5 'militantem, se restituentem eversos penates, multiplici iam
 'sorte exsoluta, mergentibus semper sortem usuris, obrutum
 'fenore esse: videre lucem, forum, civium ora, M. Manlii
 'opera: omnia parentum beneficia ab illo se habere: illi
 'devovere corporis vitaeque ac sanguinis quod supersit:
 'quodcumque sibi cum patria, penatibus publicis ac privatis
 'iuris fuerit, id cum uno homine esse.' His vocibus
 instincta plebes quum iam unius hominis esset, addita alia
 6 commotioris ad omnia turbanda consilii res. Fundum in
 Veienti, caput patrimonii, subiecit praeconi: 'Ne quem
 'vestrum,' inquit, 'Quirites, donec quicquam in re mea
 'supererit, iudicatum addictumve duci patiar.' Id vero ita
 accendit animos, ut per omne fas ac nefas secuturi vindicem
 libertatis viderentur. Ad hoc domi, concionantis in modum,
 sermones pleni criminum in Patres: inter quos, quum
 omisso discrimine, vera an vana iaceret, 'thesauros Gallici

dabat, aut trans Tiberim peregre ve-
 num ibat. Quin etiam, si plures fo-
 rent, quibus reus addictus esset, *se-
 care*, si vellent, atque *partiri corpus*
 addicti sibi hominis permittebat lex
 duodecim tabularum. Dissecti tamen
 hoc modo hominis nullum exemplum
 memoratur. Haec omnia habet A.
 Gell. loco supra allato. CREV. cf.
 Gravin. Iur. Civ. XII. Tab. Hugo.
 Gesch. Des. Röm. Rechts. i. § 149.

4 *Libraque et aere liberatum emit-
 tit*] Ex his quae supra annotavimus,
 patet magnam in nexos creditoribus
 fuisse potestatem, nec herili absimi-
 lem. Ut igitur liberaretur ille centu-
 rio pecuniae iudicatus, mancipationem
 quandam fieri oportebat, qua suum
 in debitoris corpus dominium credi-
 tor in Manlium transferret, qui eum
 deinde *emitteret*, sive manumitteret.
 Optimo autem et plenissimo iure do-
 minium in accipientem transfereba-
 tur, quum *per aes et libram* venditio
 fieret, hoc nimirum ritu. Aderat li-
 bripens, qui libram tenebat manu:
 aderant quinque testes, cives Romani,
 puberes. Emptor, teste Boet. in Top.
 Cic. nummum aereum tenens, ita di-
 cebat: Hunc ego hominem ex iure
 Quiritium meum esse aio, isque mihi
 emptus est hoc aere aeneaque libra.

Deinde aereo nummo percutiebat li-
 bram, indeque aes ei dabat, a quo
 mancipio accipiebat, quasi pretii loco.
 Haec autem consuetudo inde ducta
 erat, quod veteres Romani, quum non
 aes signatum haberent, posteaque
 etiam quum assibus libralibus uteren-
 tur, appendebant aes, non numera-
 bant. CREV.

5 *Multiplici iam sorte*] Quam An-
 glice *the principal* vocamus, *usuram*
 vero *the interest*, id quod pro usu pe-
 cuniae solvitur: *fenus* autem, quod
 unico loco, Tac. Ann. vi. 16. *versura*
 appellatur, hic sortem et usurarum
 summam complectitur: moris enim
 erat apud Romanos usuram sorti ad-
 dere, atque ita debitores aeris alieni
 summa continuo in maius aucta
 obruebantur. cf. Niebhr. i. p. 569.
 572. Hugo. Civilitisches Magazin. v.
 p. 180.

6 *Commotioris*] *Concommodioris*, quod
 nonnulli edidere, in textum reponen-
 dum cesset Stroth. Sed *commotioris*
 ad Manlium referendum iudicat Doer.
 tanquam *aliud consilium Manlii com-
 motioris ad omnia turbanda* scriptum
 esset. Haud scio an sensus huius
 loci ita exponendus sit, "alia res quae
 a consilio commotiore et ad omnia
 turbanda magis apto proveniebat."

U. C. 370. 'auri occultari a Patribus' iecit: 'nec iam possidendis
 A. C. 382. 'publicis agris contentos esse, nisi pecuniam quoque publi-
 'cam avertant: ea res si palam fiat, exsolvi plebem aere
 'alieno posse.' Quae ubi obiecta spes est, enimvero indig-
 num facinus videri, quum conferendum ad redimendam
 civitatem a Gallis aurum fuerit, tributo collationem factam: 7
 idem aurum, ex hostibus captum, in paucorum praedam
 cecidisse. Itaque exsequebantur quaerendo, ubi tantae rei
 furtum occultaretur; differenteque, et tempore suo se indi-
 caturum dicente, ceteris omissis, eo versae erant omnium
 curae: apparebatque, nec veri indicii gratiam mediam, nec
 falsi offensionem fore.

15. Ita suspensis rebus dictator, accitus ab exercitu, in urbem
 venit. Postero die senatu habito, quum, satis periclitatus
 voluntates hominum, discedere senatum ab se vetuisset,
 stipatus ea multitudo, sella in comitio posita, viatorem ad
 M. Manlium misit: qui, dictatoris iussu vocatus, quum
 signum suis dedisset, adesse certamen, agmine ingenti ad
 tribunal venit. Hinc senatus, hinc plebs, suum quisque
 intuentes ducem, velut in acie constiterant. Tum dictator,
 silentio facto, 'Utinam,' inquit, 'mihi Patribusque Romanis
 'ita de ceteris rebus cum plebe conveniat, quemadmodum,
 'quod ad te attinet eamque rem, quam de te sum quaesi-
 'tus, conventurum satis confido. Spem factam a te civitati
 'video, fide incolumi ex thesauris Gallicis, quos primores 8
 'Patrum occultent, creditum solvi posse. Cui ego rei
 'tantum abest ut impedimento sim, ut contra te, M. Manli,
 'adhorter, liberes fenore plebem Romanam: et istos, incu-
 'bantes publicis thesauris, ex praeda clandestina evolvas.
 'Quod nisi facis, sive quod et ipse in parte praedae sis, sive
 'quia vanum indicium est, in vincula te duci iubebo, nec
 'diutius patiar, a te multitudinem fallaci spe concitari.' Ad
 ea Manlius, 'nec se fefellisse,' ait, 'non adversus Volscos
 'toties hostes, quoties Patribus expediat, nec adversus
 'Latinos Hernicosque, quos falsis criminibus in arma agent,
 'sed adversus se ac plebem Romanam, dictatorem creatum
 'esse. Iam, omisso bello, quod simulatum sit, in se impetum

7 *Tributo collationem factam*] cf. Supr. v. 50. Haec minime cum iis quae supra in loc. cit. scripta sunt, convenire quis dixerit, ubi a matronis collatum aurum ad urbem redimendam dicitur: sed res clara est, si Niebuhrio assentiamus, qui hanc tributo collationem factam esse censet, postquam Galli urbe excesserunt, quo magis duplum auri sacri quod ex templis conquisitum erat, Diis redderetur, nec

non quo publica aedificia de integro construerentur. 'Hac re quoque plebs magis onerata, quod tributum *temerarium* proximis quindecim annis post urbem a Gallis captam irrogatum est. cf. Festus v. *Tributorum*.

8 *Fide incolumi*] Ita ut creditores nihil ex eo, quod mutuum dedissent, amitterent. CREV. cf. Appian. Fr. 9. Ital. p. 40.

'fieri: iam dictatorem profiteri patrocinium feneratorum U. C. 370.
 'adversus plebem: iam sibi ex favore multitudinis crimen A. C. 382.
 'et perniciem quaeri. Offendit,' inquit, 'te, A. Corneli,
 'vosque, Patres conscripti, circumfusa turba lateri meo?
 9 'Quin eam diducitis a me singuli vestris beneficiis, interce-
 'dendo, eximendo de nervo cives vestros, prohibendo
 'iudicatos addictosque duci, ex eo, quod affluit opibus
 'vestris, sustinendo necessitates aliorum? Sed quid ego
 1 'vos, de vestro impendatis, hortor? Sortem aliquam ferte;
 'de capite deducite, quod usuris pernumeratum est: iam
 'nihilo mea turba, quam ullius, conspectior erit. At enim,
 'quid ita solus ego civium curam ago? Nihilo magis, quod
 'respondeam, habeo, quam si quaeras, quid ita solus Capi-
 'tolium arcemque servaverim. Et tum universis, quam
 'potui, opem tuli, et nunc singulis feram. Nam quod ad
 'thesauros Gallicos attinet, rem, suapte natura facilem,
 'difficilem interrogatio facit. Cur enim quaeritis, quod scitis?
 'cur, quod in sinu vestro est, excuti iubetis potius, quam po-
 'natis, nisi aliqua fraus subest? Quo magis argui praestigias
 2 'iubetis vestras, eo plus vereor, ne abstuleritis observantibus
 'etiam oculos. Itaque non ego, vobis ut indicem praedas
 'vestras, sed vos id cogendi estis, ut in medium proferatis.'
 3 Quum mittere ambages dictator iuberet, et aut peragere 16.
 verum indicium cogeret, aut fateri facinus insimulati falso
 4 crimine senatus, oblataeque vani furti invidiae; negantem,
 arbitrio inimicorum se locuturum, in vincula duci iussit.
 Arreptus a viatore, 'Iupiter,' inquit, 'optime maxime,
 'Iunoque Regina, ac Minerva, ceterique dii deaque, qui
 'Capitolium arcemque incolitis, siccine vestrum militem ac
 'praesidem sinitis vexari ab inimicis? Haec dextra, qua
 'Gallos fudi a delubris vestris, iam in vinculis et catenis

9 *Intercedendo*] sc. Creditoribus
 spondendo, fideiubendo. cf. Cic. Phil.
 ii. 45.

1 *Sortem aliquam ferte*] *Aliam*
 plur. edd. Utriusque lectionis sensus
 redit fere eodem. *Aliquam ferte*, sci-
 licet sortis partem aliquam tanquam
 solutam auferre, tollite, deducendo
 nempe de capite id quod pernumera-
 tum est, *ferre* enim pro *auferre* sex-
 centies. *Aliam*, sc. novam sortis ra-
 tionem proponite, eo nempe, quod
 pernumeratum est, de capite deducto.
 DOER. Mihi quidem videtur *sortem*
aliquam ferte idem intelligere, quod
sortem aliquam proponite, sc. qua
summa pecuniae debita sit, neque
 continuo crescat: tanquam si Anglice
 dicamus, *fix the sum of the principal*

due to you, and be content with simple
interest.

2 *Ne abstuleritis observantibus*
etiam oculos] Ne tanta arte furta
 vestra occultetis, ut fallatis oculos
 etiam eorum, qui rem diligentius ob-
 servare velint. *Auferre oculos* pro-
 prie dicitur de praestigiatoribus, qui
 fallunt oculos spectantium. Bene igitur
 hoc verbo utitur Livius, quum su-
 pra praestigiarum mentionem fecerit.
 CREV. cf. Quinct. xii. 1.

3 *Peragere verum indicium*] Ab-
 solvere coeptum indicium, idque ve-
 rum probare. CREV.

4 *Oblataeque vani furti invidiae*] Et vocati in invidiam senatus, vana et
 nullis argumentis nixa furti crimina-
 tione. CREV.

U. C. 370. 'erit?' Nullius nec oculi nec aures indignitatem ferebant :
 A. C. 382. sed invicta sibi quaedam patientissima iusti imperii civitas 5
 fecerat : nec adversus dictatoriam vim aut tribunū plebis, aut
 Manlius in ipsa plebs, attollere oculos aut hiscere audebant. Coniecto
 carcerem in carcerem Manlio, satis constat, magnam partem plebis
 missus. vestem mutasse, multos mortales capillum ac barbam pro- 6
 misisse, obversatamque vestibulo carceris maestam turbam.
 Dictator de Volscis triumphavit : invidiaeque magis trium-
 phus, quam gloriae, fuit. Quippe domi, non militiae, par-
 tum eum ; actumque de cive, non de hoste, fremebant :
 unum defuisse tantum superbiae, quod non M. Manlius ante
 currum sit ductus. Iamque haud procul seditione res erat :
 cuius leniendae causa, postulante nullo, largitor voluntarius
 repente senatus factus, Satricum coloniam duo millia civium 7
 Romanorum deduci iussit : bina iugera et semisses agri 8
 assignati. Quod quum et parvum et paucis datum, et
 mercedem esse prodendi M. Manlii interpretarentur ;
 remedio irritatur seditio. Et iam magis insignis et sordibus
 et facie reorum turba Manliana erat, amotusque post
 triumphum abdicatione dictaturae terror et linguam et
 animos liberaverat hominum. Audiebantur itaque propalam
 17. voces exprobrantium multitudini, 'quod defensores suos
 Querelae ad multitu-
 dinem de
 prodito
 Manlio. 'semper in praecipitem locum favore tollat, deinde in ipso
 'discrimine periculi destituat. Sic Sp. Cassium, in agros
 'plebem vocantem, sic Sp. Maelium, ab ore civium famem
 'suis impensis propulsantem, oppressos ; sic M. Manlium,
 'mersam et obrutam fenore partem civitatis in libertatem ac
 'lucem extrahentem, proditum inimicis. Saginare plebem
 'populares suos, ut iugulentur. Hoccine patiendum fuisse,
 'si ad nutum dictatoris non responderit vir consularis ?
 'Fingerent mentitum ante, atque ideo non habuisse, quod

5 *Invicta sibi quaedam ... fecerat*] Ita verebatur quaedam imperia, ut eorum vim sibi ipsa invictam faceret. CREV.

6 *Barbam promisisse*] Credidit ergo Livius iam tum in usu apud Romanos fuisse, ut barbam raderent. Tamen Plin. H. N. vii. 59. affirmat, auctore Varrone, tonsores in Italiam ex Sicilia venisse anno demum U. C. 454. (qui ex calculo Catoniano est 452.) id est, annis amplius octoginta post coniectum in carcerem Manlium : antea intonsos fuisse Romanos. Atque id astruit Varro, de Re Rust. ii. 11. ex antiquorum statuis, *quod plebraeque*, inquit, *habent capillum et barbam magnam*. Non radebant quidem barbam veteres Romani, teste

ipso Livio, supr. v. 41. sed tamen eam attondere aliquatenus et componere soliti erant ; in luctu neglectam promissamque fluere sinebant. Vid. supr. ii. 23. CREV. Livius, quum nihil aliud dicendum esset, nisi *magnam partem plebis vestem mutasse*, hoc ut magis copiose ac vivide dicat, quum vel ipse, vel certe lectores maestitiae veterum ritus nescirent, ex more sui temporis addit, *multos mortales capillum ac barbam promisisse*. STROTH.

7 *Bina iugera*] Huic coloniae agrum Pomptinum assignatum fuisse existimat Niebhr. ii. n. 1288.

8 *Bina iugera et semisses*] *Semisses* dimidiam partem iugeri ut supr. 24. *septunces*, sc. *septem duodecimas partes iugeri*.

‘tum responderet: cui servo unquam mendacii poenam
 ‘vincula fuisse? Non obversatam esse memoriam noctis
 ‘illius, quae paene ultima atque aeterna nomini Romano
 9 ‘fuerit? non speciem agminis Gallorum, per Tarpeiam
 ‘rupem scandentis? non ipsius M. Manlii, qualem eum
 ‘armatum, plenum sudoris ac sanguinis, ipso paene Iove
 1 ‘erepto ex hostium manibus, vidissent? Selibrisne farris
 ‘gratiam servatori patriae relatum? et quem prope coelestem,
 ‘cognomine certe Capitolino Iovi parem, fecerint, cum pati
 ‘vinctum in carcere, in tenebris, obnoxiam carnificis arbitrio
 ‘ducere animam? Adeo in uno omnibus satis auxilii fuisse,
 ‘nullam opem in tam multis uni esse?’ Iam ne nocte quidem
 turba ex eo loco dilabebatur, refracturosque carcerem
 2 minabantur: quum remisso, quod crepturi erant, ex
 senatusconsulto Manlius vinculis liberatur: quo facto non
 seditio finita, sed dux seditioni datus est. Per eodem dies
 Latinis et Hernicis, simul colonis Circeiensibus et a Velitris,
 purgantibus se Volsci crimine belli, captivosque repetentibus,
 3 ut suis legibus in eos animadverterent, tristia responsa
 reddita: tristiora colonis, quod cives Romani patriae oppug-
 nandae nefanda consilia inissent. Non negatum itaque
 4 tantum de captivis; sed, in quo ab sociis tamen temperave-
 rant, denuntiatur senatus verbis, facerent propere ex
 urbe, ab ore atque oculis populi Romani, ne nihil eos lega-
 tionis ius, externo, non civi, comparatum, tegeret.

Manlius e
 carcere
 educitur.

Recrudescente Manliana seditione, sub exitu anni comi-
 tia habita, creatique tribuni militum consulari potestate ex
 5 Patribus Ser. Cornelius Maluginensis tertium, P. Valerius
 Potitus iterum, M. Furius Camillus, Ser. Sulpicius Rufus
 iterum, C. Papirius Crassus, T. Quinctius Cincinnatus se-
 cundum. Cuius principio anni et Patribus et plebi perop-
 portune externa pax data: plebi, quod non advocata delectu
 spem cepit, dum tam potentem haberet ducem, fenoris ex-
 pugnandi; Patribus, ne quo externo terrore advocarentur
 animi ab sanandis domesticis malis. Igitur, quum pars

18.

U. C. 371.
 A. C. 381.
 Ser. Cor-
 nelio III.
 etc. Tr.
 Mil.

9 *Tarpeiam rupem*] Saxum Capito-
 lini montis, cui nomen a Tarpeia
 virgine, quae ibi sepulta erat. Vid.
 Plut. in Rom. Crev.

1 *Selibrisne farris*] Haec de re, cf.
 supr. iv. 15. v. 47.

2 *Remisso*] *Remissa* hic eadem for-
 ma dictum est, qua *palam facto* supr.
 l. 41. deinde pro voce *quod*, ut *quod*
 in plur. edd. occurrit, quam ut Livio
 familiarissimum locutionem pro sim-
 plici quod Drak. et Bekker probant.

3 *Suis legibus*] Nimirum si Roma-
 nis legibus in eos animadverteretur,

poenas defectionis suae capite dedis-
 sent: contra si legibus suorum civium,
 tantummodo supplicium, quod suo
 non communi consilio rem gesserant,
 se, inuasi civium suorum contra Ro-
 manos pugnaverant, meriti essent.

4 *In quo ab sociis*] sc. In quo tem-
 pore sive consilio: nimirum quamvis
 ab sociis temperaverant, denunciatur
 tamen iis, facerent ex urbe.

5 *Maluginensis tertium*] *Iterum*
 Burghesius ex Fragn. Fast. Capit.
 reponendum censet, qui *Publium* an.
 363. U. C. loco *Servi* legit.

U. C. 371. utraque acrior aliquanto coorta esset, in propinquum certamen aderat et Manlius. Advocata domum plebe, cum principibus novandarum rerum interdiu noctuque consilia agit, plenior aliquanto animorum irarumque, quam antea fuerat. Iram accenderat ignominia recens in animo ad contumeliam inexperto: spiritus dabat, quod nec ausus esset idem in se dictator, quod in Sp. Maelio Cincinnatus Quinctius fecisset; et vinculorum suorum invidiam non dictator modo abdicando dictaturam fugisset, sed ne senatus quidem sustinere potuisset. His simul inflatus exacerbatusque iam per se accensos incitabat plebis animos: ‘Quousque tandem ignorabitis vires vestras, quas natura ne bel-
 ‘luas quidem ignorare voluit? numerate saltem, quot ipsi 6
 ‘sitis, quot adversarios habeatis. Si singuli singulos aggressuri essetis, tamen acrius crederem vos pro libertate, quam
 ‘illos pro dominatione, certaturos. Quot enim clientes 7
 ‘circa singulos fuistis patronos, tot nunc adversus unum
 ‘hostem eritis. Ostendite modo bellum; pacem habebitis.
 ‘Videant vos paratos ad vim; ius ipsi remittent. Audendum est aliquid universis, aut omnia singulis patienda.
 ‘Quousque me circumspectabitis? Ego quidem nulli vestrum
 ‘deero: ne fortuna mea desit, videte. Ipse vindex vester,
 ‘ubi visum inimicis est, nullus repente fui: et vidistis in
 ‘vincula duci universi eum, qui a singulis vobis vincula
 ‘depuleram. Quid sperem, si plus in me audeant inimici?
 ‘an exitum Cassii Maelique exspectem? Bene facitis,
 ‘quod abominamini: dii prohibebunt haec: sed nunquam
 ‘propter me de coelo descendent. Vobis dent mentem,
 ‘oportet, ut prohibeatis: sicut mihi dederunt armato toga-
 ‘toque, ut vos a barbaris hostibus, a superbis defenderem
 ‘civibus. Tam parvus animus tanti populi est, ut semper
 ‘vobis auxilium adversus inimicos satis sit? nec ullum, 8
 ‘nisi quatenus imperari vobis sinatis, certamen adversus
 ‘Patres noritis? Nec hoc natura insitum vobis est, sed usu
 ‘possidemini. Cur enim adversus externos tantum animorum geritis, ut imperare illis aequum censeatis? quia consuestis cum iis pro imperio certare, adversus hos tentare

Oratio
seditiosa
Manlii.

6 *Numerate saltem*] cf. Xen. Hell. iii. 3. ubi Cinadon Lacedaemonium quendam alloquitur, et quoti Spartiates in foro sint, numerare admonet.

7 *Quot enim*] Supplenda forsitan haec verba: “sed longe alia vobis dimicandi conditio proposita est. Quot enim . . .” Hoc loco Livius incuria quadam de plebe tanquam in clientela patrum descripta loquitur, ob hanc fere causam, quod legibus XII.

Tab. clientes in tribus cum plebeiis ordinati essent, et quod *plebs urbana* sui temporis, quae liberos et id genus civium continebat, plerumque iurare *in verba patroni addicta* esset. Niebhr. i. p. 575.

8 *Auxilium*] sc. Tribunorum, qui, *quatenus*, non autem *quo minus* imperaretur plebeiis, fines auxilio suo terminabant.

‘magis, quam tueri, libertatem. Tamen qualescunque U. C. 371.
‘duces habuistis, qualescunque ipsi fuistis, omnia adhuc, A. C. 381.
‘quantacunque petistis, obtinuistis seu vi, seu fortuna vestra.
‘Tempus est, etiam maiora conari. Experimini modo et
‘vestram felicitatem, et me, ut spero, feliciter expertum:
‘minore negotio, qui imperet Patribus, imponetis, quam,
‘qui resisterent imperantibus, imposuistis. Solo aequandae
‘sunt dictaturae consulatusque, ut caput attollere Romana
‘plebes possit. Proinde adeste, prohibete ius de pecuniis
‘dici. Ego me patronum profiteor plebis, quod mihi cura
‘mea et fides nomen induit. Vos si quo insigni magis im-
‘perii honorisve nomine vestrum appellabitis ducem, eo ute-
‘mini potentiore ad obtinenda ea, quae vultis.’ Inde de
regno agendi ortum initium dicitur: sed nec cum quibus, nec
quem ad finem consilia pervenerint, sat planum traditur.

- 9 At in parte altera senatus de secessione in domum pri- 19.
vatom plebis, forte etiam in arce positam, et imminenti Senatus de
mole libertati, agitat. Magna pars vociferantur, ‘Servilio coercendo
‘Ahala opus esse, qui non in vincula duci iubendo irritet Manlio
‘publicum hostem, sed unius iactura civis finiat intesti- agit.
‘num bellum.’ Decurritur ad leniorem verbis sententiam,
vim tamen eandem habentem, ‘Ut videant magistratus, ne
‘quid ex perniciosis consiliis M. Manlii respublica detri-
‘menti capiat.’ Tum tribuni consulari potestate, tribuni-
2 que plebi (nam et, quia eundem et suae potestatis, quem
libertatis omnium, finem cernebant, Patrum auctoritati se
dediderant) hi tum omnes, quid opus facto sit, consultant.
Quum praeter vim et caedem nihil cuiquam occurreret,
3 eam autem ingentis dimicationis fore appareret; tum M.
Maenius et Q. Publilius tribuni plebis, ‘Quid Patrum et
‘plebis certamen facimus, quod civitatis esse adversus unum
‘pestiferum civem debet? Quid cum plebe aggredimur
‘eum, quem per ipsam plebem tutius aggredi est, ut suis
‘ipse oneratus viribus ruat? Diem dicere ei nobis in ani-
‘mo est. Nihil minus populare quam regnum est. Simul
‘multitudo illa non secum certari viderint, et ex advocatis
‘iudices facti erunt, et accusatores de plebe, patricium reum
‘intuebuntur, et regni crimen in medio: nulli magis, quam
‘libertati, favebunt, suae.’

9 *Secessione*] Haec est invidiosa et atrox appellatio, quae defectionem notat, et rupta debiti legibus et magistratibus obsequii iura. CREV.

1 *Servilio Ahala*] cf. Supr. iv. 14.

2 *Nam et, quia eundem*] sc. Nam et tribuni plebis dediderant se aucto-
ritati patrum, quia cernebant eun-

dem finem et suae potestatis fore, quem libertatis omnium. PERIZ.

3 *M. Maenius*] Pro *Maenius* vo-
cem *Menenius*, quae in plur. codd.
invenitur, reponendam censet Niebhr.
d. n. 1334. Utriusque nomina Maeni
et Publili comectura Sigonni ritun-
tur. cf. supr. iv. 53.

U. C. 371.

A. C. 381.

20.

Manlio dies
dicitur a

Tr. Pl.

Approbantibus cunctis, diem Manlio dicunt. Quod ubi est factum, primo commota plebs est, utique postquam sordidatum reum viderunt; nec cum eo non modo Patrum quemquam, sed ne cognatos quidem aut affines, postremo ne fratres quidem A. et T. Manlios: quod ad eum diem nunquam usu venisset, ut in tanto discrimine non et proximi vestem mutarent. Ap. Claudio in vincula ducto, C. Claudium inimicum Claudiamque omnem gentem sordidatam fuisse. Consensu opprimi popularem virum, quod primus a Patribus ad plebem defecisset. Quum dies venit, quae, praeter coetus multitudinis seditiosasque voces, et largitionem et fallax indicium, pertinentia proprie ad regni crimen ab accusatoribus obiecta sint reo, apud neminem auctorem invenio: nec dubito haud parva fuisse, quum damnandi mora plebi non in causa, sed in loco, fuerit. Il-
4 lud notandum videtur, ut sciant homines, quae et quanta decora foeda cupiditas regni non ingrata solum, sed invisa 5 etiam, reddiderit. Homines prope quadringentos produxisse dicitur, quibus sine fenore expensas pecunias tulisset, 6 quorum bona venire, quos duci addictos prohibuisset. Ad haec, decora quoque belli non commemorasse tantum, sed 7 protulisse etiam conspicienda; spolia hostium caesorum ad triginta: dona imperatorum ad quadraginta: in quibus in-
8 signes duas murales coronas, civicas octo. Ad haec serva-
9 tos ex hostibus cives produxisse; inter quos C. Servilium 9 magistrum equitum absentem nominatum. Et quum ea quoque, quae bello gesta essent, pro fastigio rerum oratione etiam magnifica, facta dictis aequando, memorasset, nudasse

4 *Loco*] Quoniam ex Campo Martio spectus Capitolii dabatur, ut infr. memoratur.

5 *Non ingrata solum . . . reddiderit*] Non solum fructu gratiae iis debita privaverit. *Ingratum* hic sumitur παθητικός pro eo cui gratia non persolvitur. CREV.

6 *Expensas pecunias tulisset*] Pecuniam dedisset. *Expensum ferre* est in tabulas accepti et expensi referre, quasi datum ac solutum: sive, ut habet Ascon. in III^{am} contra Verrem, scribere se pecuniam dedisse. Sumitur simpliciter pro *solvere, dare pecuniam*. CREV.

7 *Decora quoque belli*] De his Manlii decoribus agit quoque Plinius, H. N. vii. 28. In quibusdam dissentit a Livio, et quaedam addit, quae nosse operae pretium sit. "Ante decimum septimum annum," inquit, "bina ceperat spolia. Primus omnium eques

coronam muralem acceperat, vi. civicas, xxxvii. dona: xxiii. cicatrices adverso corpore exceperat: P. Servilium magistrum equitum servaverat, ipse vulneratus humerum ac femur." CREV.

8 *Murales coronas*] *Muralis* erat *corona*, qua donabatur ab imperatore, qui primus murum subiisset, inque oppidum hostium per vim ascendisset. Idcirco quasi muri pinnis decorata erat. Fieri ex auro solebat. *Civica corona* appellabatur, quam civis civi, a quo servatus erat in proelio, testem vitae salutisque perceptae dabat. Ea fiebat e fronde querna, vel ilignea. Vid. A. Gell. v. 6. et Plin. H. N. xvi. 4. CREV.

9 *C. Servilium magistrum equitum*] Qui magister equitum fuerat, Camillo dictatore, sexto ante anno. Vid. supr. 2. Plinius H. N. vii. 29. eum vocat *P. Servilium*. CREV.

pectus insigne cicatricibus bello acceptis: et identidem, U. C. 371.
 Capitolium spectans, Iovem deosque alios devocasse ad A. C. 381.
 auxilium fortunarum suarum: precatusque esse, ut, quam
 mentem sibi Capitolinam arcem protegenti ad salutem po-
 puli Romani dedissent, eam populo Romano in suo dis-
 crimine darent: et orasse singulos universosque, ut Capi-
 tolium atque arcem intuentes, ut ad deos immortales versi,
 de se iudicarent. In campo Martio quum centuriatim po-
 pulus citaretur, et reus, ad Capitolium manus tendens, ab
 hominibus ad deos preces avertisset: apparuit tribunis, nisi
 oculos quoque hominum liberassent ab tanti memoria de-
 coris, nunquam fore in praeoccupatis beneficio animis vero
 crimini locum. Ita prodicta die, in Poetelinum lucum ex-
 tra portam Nomentanam, unde conspectus in Capitolium
 non esset, concilium populi indictum est. Ibi crimen va-
 luit, et obstinatis animis triste iudicium, invisumque etiam
 iudiciis, factum. Sunt qui per duumviros, qui de per-
 duellione anquirerent, creatos, auctores sint damnatum.
 Tribuni de saxo Tarpeio deiecerunt: locusque idem in uno
 homine et eximiae gloriae monumentum et poenae ultimae
 fuit. Adiectae mortuo notae sunt: publica una; quod,
 quum domus eius fuisset, ubi nunc aedes atque officina
 Monetae est, latum ad populum est, ne quis patricius in
 arce aut Capitolio habitaret: gentilicia altera; quod gentis
 Manliae decreto cautum est, ne quis deinde M. Manlius
 vocaretur. Hunc exitum habuit vir, nisi in libera civitate
 natus esset, memorabilis. Populum brevi, postquam peri-
 culum ab eo nullum erat, per se ipsas recordantem virtutes,
 desiderium eius tenuit. Pestilentia etiam brevi consecuta,

Damnatur.

1 *Centuriatum*] Iudicium perduellionis centuriatis comitiis exercebatur. Aliud exemplum existit apud nostrum, infr. xliii. 16. In Tab. xii. legitur "De capite civis nisi per maius comitiatum ne ferunto."

2 *In praeoccupatis beneficio animis*] cf. P. Scipionis Africani verba infr. xxxviii. 52. Dion. Exc. Vat. xii. 28. Plut. Cam. 36.

3 *Concilium populi*] sc. Populi centuriatum convocati in esculeto quodam haud procul porta Nomentana: centuriae enim non nisi Martis campo, vel acie prociecta conveniebant. Niebhr. i. p. 418. 473. d. n. 1337.

4 *Per duumviros*] sc. Parricidii: sed apud Zonar. vii. 24. Camillum quantum dictatorem creatum esse legimus; et Q. Servilium magistrum equitum super a Livio, tanquam absentem eadem dictatore memoratum es-

se censet Niebhr. ii. n. 1335.

5 *Tribuni de saxo Tarpeio*] Ii enim hoc munere more maiorum fungebantur. Niebhr. ii. n. 372. A. Gell. xvii. 21.

6 *Aedes . . . Monetae*] In qua naummi cudebantur. De aedificatione huius aedis, cf. infr. vii. 28.

7 *Ne quis deinde M. Manlius*] Similiter apud Claudiam gentem nomen Lucius prohibitum est, quod duo Lucii Claudii crimine manifesto reipublicae poenas dedissent.

8 *Hunc exitum*] Narrationem huius rei longe aliam ap. Dion. Fragm. xxxi. Reim. habemus: qui Manlium Capitolium occupasse scribit, atque servos in libertatem invitasse: quos dum benigne excipiebat, unum ex his officio simulato in urbem impetum fecisse, et de rupe Tarpeia praecipitem decessisse.

U. C. 371. nullis occurrentibus tantae cladis causis, ex Manliano supplicio magnae parti videri orta: violatum Capitolium esse sanguine servatoris: nec diis cordi fuisse poenam eius oblatam prope oculis suis, a quo sua templa crepta e manibus hostium essent.

21. Pestilentiam inopia frugum, et vulgatam utriusque mali

U. C. 372. famam anno insequente multiplex bellum excepit, L. Valerio quartum, A. Manlio tertium, Ser. Sulpicio tertium, L. Lucretio, L. Aemilio tertium, M. Trebonio, tribunis militum consulari potestate. Hostes novi, praeter Volscos, velut sorte quadam prope in aeternum exercendo Romano

Novi hostes militi datos, Circeiosque et Velitras colonias iam diu molientes defectionem, et suspectum Latium, Lanuvini etiam, quae fidelissima urbs fuerat, subito exorti. Id Patres rati contemptu accidere, quod Veliternis civibus suis tam diu impunita defectio esset, decreverunt, ut primo quoque tempore ad populum ferretur de bello iis indicendo: ad quam militiam quo paratior plebes esset, quinqueviros Pomptino agro dividendo, et triumviros Nepete coloniae deducendae creaverunt. Tum, ut bellum iuberent, latum ad populum est: et, nequicquam dissuadentibus tribunis plebis, omnes i

Nepete colonia. tribus bellum iusserunt. Apparatum eo anno bellum est; exercitus propter pestilentiam non eductus. Eaque cunctatio colonis spatium dederat deprecandi senatum; et magna hominum pars eo, ut legatio supplex Romam mitteretur, inclinabat: ni privato, ut fit, periculo publicum implicitum esset, auctoresque defectionis ab Romanis, metu ne, soli crimini subiecti, piacula irae Romanorum dederentur, avertissent colonias a consiliis pacis. Neque in senatu solum per eos legatio impedita est, sed magna pars plebis incitata, ut praedatum in agrum Romanum exirent. Haec nova iniuria exturbavit omnem spem pacis. De Praenestinatorum quoque defectione eo anno primum fama exorta: arguentibusque eos Tusculanis, et Gabinis, et Lavicanis, quorum in fines incursatum erat, ita placide ab senatu responsum est, ut minus credi de criminibus, quia nollent ea vera esse, appareret.

22. Insequenti anno Sp. et L. Papirii, novi tribuni militum

U. C. 373. consulari potestate, Velitras legiones duxere; quattuor legis, Ser. Cornelio Maluginense quartum, Q. Servilio, Ser. 2

9 *Pomptino agro dividendo*] Hoc id ipsum fuit quod a tribunis efflagitatum supr. 5. non, nisi colonia Satrium deducta, supr. 16. tuto effici potuit.

1 *Omnes tribus*] cf. Supr. iv. 30. ubi omnes *centuriae* bellum iussere. Unde apparet, si modo Livius accu-

rata loquendi forma usus est, arbitrium pacis et belli iam tribubus permissum esse, ita scilicet ut *senatus censeret, tribus bellum iuberent*.

2 *Maluginense quartum*] *Tertium* Burghesius e *Fragm. Fast. Capit.*: idem pro *Servio Sulpicio, Caium Sulpicium* Camerinum legendum censet.

Sulpicio, L. Aemilio quartum, tribunis ad praesidium urbis, et si qui ex Etruria novi motus nuntiarentur, (omnia enim inde suspecta erant) relictis. Ad Velitras adversus maiora paene auxilia Praenestinatorum, quam ipsam colonorum multitudinem, secundo proelio pugnatum est; ita ut propinquitas urbis hosti et causa maturioris fugae, et unum ex fuga receptaculum esset. Oppidi oppugnatione tribuni abstinere; quia et anceps erat, nec in perniciem coloniae pugnandum censebant. Literae Romam ad senatum cum victoriae nuntiis, acriores in Praenestinum, quam in Veliternum hostem, missae. Itaque ex senatusconsulto populi iussu bellum Praenestinis indictum: qui, coniuncti Volseis, anno insequente Satricum, coloniam populi Romani pertinaciter a colonis defensam, vi expugnarunt, foedique in captis exercere victoriam. Eam rem aegre passi Romani, M. Furium Camillum septimum tribunum militum creavere. Additi collegae A. et L. Postumii Regillenses, ac L. Furius, cum L. Lucretio et M. Fabio Ambusto. Volsecum bellum M. Furio extra ordinem decretum.

3 Adiutor ex tribunis sorte L. Furius datur; non tam e re publica, quam ut collegae materia ad omnem laudem esset; et publice, quod rem temeritate eius prolapsam restituit; et privatim, quod ex errore gratiam potius eius sibi, quam suam gloriam, petiit. Exactae iam aetatis Camillus erat, comitiisque iurare parato in verba excusandae valetudinis solita consensus populi restiterat: sed vegetum ingenium in vivido pectore vigeat, virebatque integris sensibus, et civiles iam res haud magnopere obeuntem bella excitabant.

4 Quattuor legionibus quaternum millium scriptis, exercitu indicto ad portam Esquilinam in posterum diem, ad Satricum profectus. Ibi cum expugnatores coloniae haudquaquam percussi, fidentes militum numero, quo aliquantum praestabant, opperiebantur. Postquam appropinquare Romanos senserunt, extemplo in aciem procedunt, nihil dilaturi, quin periculum summae rerum facerent: ita paucitati hostium nihil artes imperatoris unici, quibus solis confiderent, profuturas esse. Idem ardor et in Romano

U. C. 373.
A. C. 379.
Sp. et L.
Papirii,
etc. Tr. Mil.
Veliterni
victi.

Praenestinis bellum
indictum.

U. C. 374.
A. C. 378.
M. Furio
Camillo
VII. etc.
Tr. Mil.
Bellum
Volsecum.

23.

3 *Non tam e re publica, quam ut* Particula *ut* eventus designatur, non consilium: quod hic nullum esse potest, quum sorte res decreta sit. CREV. cf. Cic. pro Mil. 13. *Clodius seges et materia gloriae Milonis.*

4 *Quattuor legionibus quaternum* Numerum hunc *quattuor legionum* pro ficto habet Niebhr. ii. n. 1291. Iam vero quaternum nulla hominum in legionibus haud dubie scribebantur, eo quod viginti quinque tribus essent,

unde eveniebat ut cuiusque legionis 150 centuriae 3750 milites continerent, centuriae enim singulae 25 milites habebant, atque ita additis 150 centurionibus et 75 vexillariis, singulae legiones 3975 milites haberent. Haud scio an quattuor legiones idem quod duo exercitus consulares velint, atque ex hoc tempore exercitus consularis duas legiones semper continuat. cf. infr. vii. 5. viii. 9. ix. 30.

U. C. 374
A. C. 378.

L. Furii
temeritas.

Camilli
moderatio.

Pugna
cum Vol-
seis.

24.

exercitu erat, et in altero duce: nec praesentis dimicationis fortunam ulla res, praeterquam unius viri consilium atque imperium, morabatur: qui occasionem iuvandarum ratione virium trahendo bello quaerebat. Eo magis hostis instare; nec iam pro castris tantum suis explicare aciem, sed procedere in medium campi, et vallo prope hostium signa inferendo, superbam fiduciam virium ostentare. Id aegre patiebatur Romanus miles; multo aegrius alter ex tribunis militum L. Furius, ferox quum aetate et ingenio, tum multitudinis, ex incertissimo sumentis animos, spe inflatus. Hic per se iam milites incitatos insuper instigabat elevando, qua una poterat, aetate auctoritatem collegae: ‘Juvenibus ‘bella data,’ dictitans, ‘et cum corporibus vigere et deflo- ‘rescere animos; cunctatorem ex acerrimo bellatore fac- ‘tum; et, qui adveniens castra urbesque primo impetu ra- ‘pere sit solitus, cum residem intra vallum tempus terere: ‘quid accessurum suis, decessurumve hostium viribus ‘sperantem? quam occasionem, quod tempus, quem insidiis ‘instruendis locum? Frigere ac torpere senis consilia. Sed ‘Camillo quum vitae satis, tum gloriae esse. Quid attinere, ‘cum mortali corpore uno, civitatis, quam immortalem esse ‘deceat, pati consenescere vires?’ His sermonibus tota in se averterat castra: et, quum omnibus locis posceretur pugna, ‘Sustinere,’ inquit, ‘M. Furi, non possumus impetum mili- ‘tum: et hostis, cuius animos cunctando auximus, iam ‘minime toleranda superbia insultat. Cede unus omnibus, ‘et patere te vinci consilio, ut maturius bello vincas.’ Ad ea Camillus: ‘Quae bella suo unius auspicio gesta ad eam ‘diem essent, negare in iis neque se, neque populum Ro- ‘manum, aut consilii sui, aut fortunae poenituisse: nunc ‘scire, se collegam habere iure imperioque parem, vigore ‘aetatis praestantem. Itaque se, quod ad exercitum atti- ‘neat, regere consuesse, non regi: collegae imperium se ‘non posse impedire. Diis bene iuvantibus ageret, quod e ‘republica duceret. Aetati suae se veniam etiam petere, ‘ne in prima acie esset: quae senis munia in bello sint, iis ‘se non defuturum. Id a diis immortalibus precari, ne qui ‘casus suum consilium laudabile efficiat.’ Nec ab hominibus salutaris sententia, nec a diis tam piaee preces auditaee sunt. Primam aciem auctor pugnae instruit, subsidia Camillus firmat, validamque stationem pro castris opponit: ipse edito loco spectator intentus in eventum alieni consilii constitit. 5

Simul primo concursu concrepuere arma, hostis dolo, non metu, pedem retulit. Lenis ab tergo clivus erat inter aciem

5 *Intentus in eventum*] *In eventu intentus*, sed ad *spectator* referendum tantum non omnes edd., quod non ad esse censet Drakenborch.

et castra: et, quod multitudo suppeditabat, aliquot validas U. C. 374.
 cohortes in castris armatas instructasque reliquerant, quae A. C. 378.
 inter commissum iam certamen, ubi vallo appropinquasset
 hostis, erumperent. Romanus, cedentem hostem effuse Primo Ro-
 6sequendo in locum iniquum pertractus, opportunus huic manis in-
 7eruptioni fuit. Versus itaque in victorem terror et novo prospera.
 hoste, et supina valle Romanam inclinavit aciem. Instant
 Volsci recentes, qui e castris impetum fecerant; integrant
 et illi pugnam, qui simulata cesserant fuga. Iam non
 recipiebat se Romanus miles; sed, immemor recentis
 ferociae veterisque decoris, terga passim dabat, atque effuso
 cursu castra repetebat: quum Camillus, subiectus a circum-
 stantibus in equum, et raptim subsidiis oppositis, ‘Haec est,’
 inquit, ‘milites, pugna, quam poposcistis? Quis homo, quis
 8‘deus est, quem accusare possitis? Vestra illa temeritas,
 ‘vestra ignavia haec est. Secuti alium ducem, sequimini
 ‘nunc Camillum; et, quod ductu meo soletis, vincite.
 ‘Quid vallum et castra spectatis? neminem vestrum illa,
 ‘nisi victorem, receptura sunt.’ Pudor primo tenuit effusos:
 inde, ut circumagi signa, obvertique aciem viderunt in
 hostem, et dux, praeterquam quod tot insignis triumphis,
 etiam aetate venerabilis, inter prima signa, ubi plurimus
 labor periculumque erat, se offerebat, increpare singuli se
 quisque et alios, et adhortatio in vicem totam alacri clamore
 pervasit aciem. Neque alter tribunus rei defuit: sed,
 missus a collega restituente peditum aciem ad equites, non
 castigando, (ad quam rem leviolem auctorem eum culpae
 societas fecerat) sed, ab imperio totus ad preces versus,
 9orare singulos universosque, ‘ut se, reum fortunae eius diei,
 ‘crimine eximerent. Abnuente ac prohibente collega,
 ‘temeritatis me omnium potius socium, quam unius pru-
 ‘dentiae, dedi. Camillus in utraque vestra fortuna suam
 ‘gloriam videt: ego, ni restituitur pugna, (quod miserrimum
 ‘est) fortunam cum omnibus, infamiam solus sentiam.’
 1 Optimum visum est, in fluctuantem aciem tradi equos, et

6 *Opportunus huic eruptioni fuit*] Commodam adversus se occasionem erumpentibus hostibus patefecit. Cr.

7 *Et novo hoste, et supina valle*] Tum novo hoste subito e castris erumpente, tum ipsa iniquitate loci Romanos premente, in vallum quae ab tergo erat retrocedentes. Supra: *Teris ab tergo clivus erat inter aciem*, sc. Volscorum, et castra. Ex illo loco pelluntur Romanos, *Supina valle est*, ut non monimus ad iv. 46, quibus est a tergo, qui ex tunculo in vallum retrocedunt. Criv.

8 *Vestra illa temeritas, vestra ignavia haec est*] Nota voculas *illa*, quae praeteritum tempus; *haec*, quae praesens indicat. Vestra temeritas fuit, quum pugnam inconsiderate lacerastis: vestra nunc ignavia est, quum fugatis. Criv.

9 *Reus*] Qui praestare deberet fortunam eius dici. Reus saepe est, quem Anglice dicimus *responsible*, Graece ἀνέχθων, et. Inf. ix. 9.

1 *In fluctuantem aciem*] *Inter fluctuantem aciem* Gronov., sc. dum fluctuat acies Romana, equos catenibus

U. C. 374.
A. C. 378.

Victi Vol-
sci.

Bellum
Tusculanis
indictum.

A Tuscula-
nis pace
constanti
propulsa-
tum.

pedestri pugna invadere hostem. Eunt insignes armis animisque, qua premi parte maxime peditum copias vident: nihil, neque apud duces, neque apud milites, remittitur a summo certamine animi. Sensit ergo eventus virtutis enisae opem: et Volsci, qua modo simulato metu cesserant, ea in veram fugam effusi, magna pars et in ipso certamine, et post in fuga caesi: ceteri in castris, quae capta eodem² impetu sunt; plures tamen capti, quam occisi.

25. Ubi in recensendis captivis quum Tusculani aliquot noscitantur, secreti ab aliis ad tribunos adducuntur, percunctantibusque fassi, publico consilio se militasse. Cuius tam vicini belli metu Camillus motus, 'extemplo se Romam 'captivos ducturum,' ait, 'ne Patres ignari sint, Tusculanos 'ab societate descisse: castris exercituique interim, si 'videatur, praesit collega.' Documento unus dies fuerat, ne sua consilia melioribus praeferret. Nec tamen aut ipsi, aut in exercitu cuiquam satis placato animo Camillus laturus culpam eius videbatur, qua data in tam praecipitem casum respublica esset; et quum in exercitu, tum Romae constans omnium fama erat, quum varia fortuna in Volscis gesta res esset, adversae pugnae fugaeque in L. Furio culpam, secundae decus omne penes M. Furium esse. Introductis in senatum captivis, quum bello persequendos Tusculanos Patres censuissent, Camilloque id bellum mandassent; adiutorem sibi ad eam rem unum petit: permissoque, ut ex collegis optaret, quem vellet, contra spem omnium L. Furium optavit. Qua moderatione animi quum collegae levavit infamiam, tum sibi gloriam ingentem peperit. Nec fuit cum Tusculanis bellum: pace constanti vim Romanam arcuerunt, quam armis non poterant. Intransibiles fines Romanis non demigratum ex propinquis itineri locis, non cultus agrorum intermissus: patentibus portis urbis, togati obviam frequentes imperatoribus processere: commeatus exercitui comiter in castra ex urbe et ex agris devehitur. Camillus, castris ante portas positus, eademne forma pacis, quae in agris ostentaretur, etiam intra moenia esset, scire cupiens; ingressus urbem, ubi patentes ianuas, et tabernis apertis proposita omnia in medio vidit, intentosque opifices suo quemque operi, et ludos literarum strepere discentium vocibus, ac repletas semitas, inter vulgus aliud, puerorum et mulierum huc atque illuc euntium, qua quemque suorum usum causae ferrent: nihil usquam, non pavidis modo, sed ne mirantibus quidem simile; circumspiciebat omnia, in-

tradi atque equites pro antesignanis pedestri pugna rem conari restituere. *In fluctuanti acie* fortasse rescribendum censet Doer.

² *Caesi*] Hanc victoriam et sequentem de Tusculanis narrationem inter falsas Camilli laudes reiiciendam censet Niebhr. ii. p. 586.

3 quirens oculis, ubinam bellum fuisset. Adeo nec amotae U. C. 374.
rei usquam, nec oblatae ad tempus vestigium ullum erat: A. C. 378.
sed ita omnia constanti tranquilla pace, ut eo vix fama belli
perlata videri posset. Victus igitur patientia hostium, 26.

senatum eorum vocari iussit. 'Soli adhuc,' inquit, 'Tusculani, vera arma verasque vires, quibus ab ira Romanorum vestra tutaremini, invenistis. Ite Romam ad senatum: aestimabunt Patres, utrum plus ante poenae, an nunc veniae meriti sitis. Non praecipiam gratiam publici beneficii. Deprecandi potestatem a me habueritis: precibus eventum vestris senatus, quem videbitur, dabit.' Postquam Romam Tusculani venerunt, senatusque paullo ante fidelium sociorum maestus in vestibulo curiae est conspectus, moti extemplo Patres, vocari eos iam tum hospitaliter magis, quam hostiliter, iussere. Dictator Tusculanus ita verba fecit: 'Quibus bellum indixistis, intulistisque, Patres conscripti, sicut nunc videtis nos stantes in vestibulo curiae vestrae, ita armati paratique obviam imperatoribus legionibusque vestris processimus. Hic noster, hic plebis nostrae habitus fuit, eritque semper, nisi si quando a vobis, proque vobis, arma acceperimus. Gratias agimus et ducibus vestris et exercitibus, quod oculis magis, quam auribus, crediderunt; et, ubi nihil hostile erat, ne ipsi quidem fecerunt. Pacem, quam nos praestitimus, eam a vobis petimus: bellum eo, sicubi est, avertatis, precamur. In nos quid arma polleant vestra, si patiundo-experiundum est, inermes experiemur. Haec mens nostra est; dii immortales faciant, tam felix, quam pia. Quod ad crimina attinet, quibus moti bellum indixistis; etsi revicta rebus verbis confutare nihil attinet; tamen, etiamsi vera sint, vel fateri nobis ea, quum tam evidenter poenituerit, tutum censemus. Peccetur in vos, dum digni sitis, quibus ita satisfiat.' Tantum fere verborum ab Tusculanis factum.

4 Pacem in praesentia, nec ita multo post civitatem etiam, impetraverunt: ab Tusculo legiones reductae.

Camillus consilio et virtute in Volseo bello, felicitate in Tusculana expeditione, utrobique singulari adversus collegam patientia et moderatione insignis, magistratu abiit; creatis tribunis militaribus in insequentem annum, L. et

27.

3 *Nec amotae rei usquam*] Nullum usquam erat vestigium rei cuiusquam aut amotae, ut a periculo ingruentis belli tuta praestaretur; aut oblatae et in medium promptae, ut ad propulsandum bellum usui esset. Cui.v.

4 *Civitatem*] Ius scilicet municipii, quo, cum Romam venissent, participes erant omnium rerum ad munus fun-

gendum, una cum Romanis civibus, praeterquam de suffragio ferendo aut magistratu capiendo. cf. Festus v. *Municipium*. Sed non ita multo post eos accepisse ius suffragii et magistratum Romae gerendorum Drakenb. ad infr. viii. 37. probat, si modo T. Coruncanius Tusculanus an. 472. U. C. consulatum Romae gesserit.

U. C. 375. P. Valeriis, Lucio quintum, Publio tertium, et C. Sergio
 A. C. 377. tertium, L. Menenio secundum, Sp. Papirio, Ser. Cornelio
 L. et P. Maluginense. Censoribus quoque eguit annus, maxime 5
 Valeriis, propter incertam famam aeris alieni; aggravantibus sum-
 etc. Tr. Mil. mam etiam invidiae eius tribunis plebis, quum ab iis eleva-
 Maximum retur, quibus fide magis, quam fortuna, debentium laborare
 aes alienum creditum videri expediebat. Creati censores C. Sulpicius
 Romae. Camerinus, Sp. Postumius Regillensis: coeptaque iam res
 morte Postumii, quia collegam suffici censori religio erat, 6
 interpellata est. Igitur quum Sulpicius abdicasset se ma-
 gistratu, censores alii, vitio creati, non gesserunt magistra- 7
 tum. Tertos creari, velut diis non accipientibus in eum
 annum censuram, religiosum fuit. Eam vero ludificationem
 plebis tribuni ferendam negabant. 'Fugere senatum testes, 8
 'tabulas publicas, census cuiusque, quia nolint conspici
 'summam aeris alieni, quae indicatura sit, demersam par-
 'tem a parte civitatis: quum interim obaeratam plebem 9
 'obiectari aliis atque aliis hostibus. Passim iam sine ullo
 'discrimine bella quaeri. Ab Antio Satricum, ab Satrico
 'Velitras, inde Tusculum legiones ductas. Latinis, Her-
 'nicis, Praenestinis iam intentari arma; civium magis
 'quam hostium odio; ut in armis terant plebem, nec respi-
 'rare in urbe, aut per otium libertatis meminisse sinant,
 'aut consistere in concione, ubi aliquando audiant vocem
 'tribuniciam, de levando fenore et fine aliarum iniuriarum
 'agentem. Quod si sit animus plebi memor patrum liber-
 'tatis, se nec addici quemquam civem Romanum ob credi-
 'tam pecuniam passuros, neque delectum haberi; donec,
 'inspecto aere alieno, initaque ratione minuendi eius, sciat
 'unusquisque, quid sui, quid alieni sit: supersit sibi libe-
 'rum corpus, an id quoque nervo debeatur.' Merces sedi-
 tionis proposita confestim seditionem excitavit: nam et ad-
 dicebantur multi, et ad Praenestini famam belli novas
 legiones scribendas Patres censuerant; quae utraque simul

Tribb. Pl.
 seditiosa
 oratio.

Bellum
 Praenesti-
 num.

5 *Maxime propter incertam famam*] Maxime propter varios et incertos rumores de magnitudine aeris alieni, ex eo ortos quod hinc tribuni plebis augerent rem verbis, et exaggerando invidiosorem etiam, quam veritas ferebat, facerent; illinc rem extenuarent, et eius invidiam mollire ac minuere conarentur ii, quibus expediebat sic existimari, solutionem creditarum pecuniarum ideo potius impeditam esse, quod fides, quam quod fortuna debentes deficeret. Ut autem in hac varietate sermonum dispici posset, quid verum foret, nihil satius erat, quam singulorum faul-

tates per censum inspici. CREV.

6 *Quia collegam suffici*] cf. Supr. v. 31.

7 *Censores alii*] In numero tribunorum militum cons. pot. huius anni C. Terentium et L. Aemilium Burghesius recenset ex Fragm. Fast. Capit. Haud scio an *censores alii* hi duo sint.

8 *Fugere senatum*] Nimirum nolle senatum habere testes census cuiusque, sc. tabulas publicas. CREV.

9 *Obaeratam*] sc. Tributo temerario. cf. supr. 14. *Quum* cum infinito supr. i. 35. iii. 37. iv. 51. et alibi apud nostrum occurrit.

auxilio tribunicio et consensu plebis impediri coepta. Nam ^{U. C. 375.} neque duci addictos tribuni sinebant, neque iuniores nomina ^{A. C. 377.} dabant. Quum Patribus minor praesens cura creditae pecuniae iuris exsequendi, quam delectus, esset; quippe iam a Praeneste profectos hostes in agro Gabino consedissee nuntiabatur; interim tribunos plebis fama ea ipsa irritaverat magis ad susceptum certamen, quam deterruerat: neque aliud ad seditionem exstinguendam in urbe, quam prope illatum moenibus ipsis bellum, valuit. Nam quum esset 28. Praenestinis nuntiatum, nullum exercitum conscriptum Romae, nullum ducem certum esse, Patres ac plebem in semet ipsos versos: occasionem rati duces eorum, raptim agmine acto, pervastatis protinus agris, ad portam Collinam signa intulere. Ingens in urbe trepidatio fuit. Conclamatum ad arma, concursumque in muros atque portas est: tandemque, ab seditione ad bellum versi, dictatorem ^{T. Quintus} T. Quinctium Cincinnatum creavere. Is magistrum equitum ^{dictator.} A. Sempronium Atratinum dixit. Quod ubi auditum est, (tantus eius magistratus terror erat) simul hostes a moenibus recessere, et iuniores Romani ad edictum sine retractatione convenere. Dum conscribitur Romae exercitus, castra interim hostium haud procul Allia flumine posita: inde agrum late populantes, ‘fatalem se urbi Romanae locum ‘cepisse,’ inter se iactabant: ‘similem pavorem inde ac ‘fugam fore, ac bello Gallico fuerit. Etenim, si diem, ‘contactum religione, insignemque nomine eius loci, time-
² ‘ant Romani, quanto magis Alliensi die Alliam ipsam, monumentum tantae cladis, reformidaturos? Species profecto ‘his ibi truces Gallorum sonumque vocis in oculis atque in ‘auribus fore.’ Has inanum rerum inanes ipsas volventes cogitationes, fortunae loci delegaverant spes suas. Romani contra, ‘Ubicunque esset Latinus hostis, satis scire, eum
³ ‘esse, quem, ad Regillum lacum devictum, centum annorum pace obnoxia tenuerint. Locum, insignem memoria ‘cladis, irritaturum se potius ad delendam memoriam dedecoris, quam ut timorem faciat, ne qua terra sit nefasta victoriae suae. Quin ipsi sibi Galli si offerantur illo loco, ‘se ita pugnuros, ut Romae pugnaverint in repetenda ‘patria, ut postero die ad Gabios; tunc, quum effecerint, ‘ne quis hostis, qui moenia Romana intrasset, nuntium secundae adversaeque fortunae domum perferret.’ His utrinque animis ad Alliam ventum est. Dictator Romanus, postquam in conspectu hostes erant instructi intentique,

29.

¹ *Protinus*] Uno tenore prout incedebant. CREV.

Catull. lxx, 100. DUKER.

³ *Centum annorum*] cf. Supr. 2.

² *Quanto magis Alliensi die*] h. e. Quanto magis quam Alliensem diem.

Pax obnoxia aequo foederi opponitur. et. taff. vii, 3. *subiecti atque obnoxii.*

U. C. 375. 'Videsne tu,' inquit, 'A. Semproni, loci fortuna illos fretos
 A. C. 377. 'ad Alliam constitisse? nec illis dii immortales certioris
 'quicquam fiduciae, maiorisve quod sit auxilii, dederint.
 'At tu, fretus armis animisque, concitatis equis invade me-
 'diam aciem: ego cum legionibus in turbatos trepidantes-
 'que inferam signa. Adeste, dii testes foederis, et expetite
 'poenas, debitas simul vobis violatis, nobisque per vestrum⁴
 Vincuntur 'numen deceptis.' Non equitem, non peditem sustinuerunt
 Praenestini: primo impetu ac clamore dissipati ordines
 sunt. Dein, postquam nullo loco constabat acies, terga
 vertunt; consternatique, et praeter castra etiam sua pavore
 praelati, non prius se ab effuso cursu sistunt, quam in con-
 spectu Praeneste fuit. Ibi ex fuga dissipati, locum, quem
 tumultuario opere communirent, capiunt: ne, si intra moe-
 nia se recepissent, extemplo ureretur ager, depopulatisque
 omnibus obsidio urbi inferretur. Sed, postquam, direptis
 ad Alliam castris, victor Romanus aderat, id quoque muni-
 mentum relictum: et, vix moenia tuta rati, oppido se Prae-
 neste includunt. Octo praeterea oppida erant sub ditione
 Praenestinorum. Ad ea circumlatum bellum: deincepsque,
 haud magno certamine captis, Velitras exercitus ductus.
 Eae quoque expugnatae: tum ad caput belli Praeneste
 ventum. Id non vi, sed per deditionem, receptum est.
 T. Quinctius, semel acie victor, binis castris hostium, novem
 oppidis vi captis, Praeneste in deditionem accepto, Romam
 revertit: triumphansque signum, Praeneste devectum, Iovis
 Imperatoris in Capitolium tulit. Dedicatum est inter cel-
 lam Iovis ac Minervae; tabulaque sub eo fixa, monumentum
 rerum gestarum, his ferme incisa literis fuit: 'Iupiter atque
 'divi omnes hoc dederunt, ut T. Quinctius dictator oppida⁵
 'novem caperet.' Die vicesimo, quam creatus erat, dicta-
 tura se abdicavit.

30. Comitia inde habita tribunorum militum consulari pote-
 state; quibus acquatus patriciorum plebeiorumque numerus.

U. C. 376. Ex Patribus creati P. et C. Manlii, cum L. Iulio: plebes⁶
 A. C. 376. C. Sextilium, M. Albinium, L. Antistium dedit. Manliis,⁷

⁴ *Per vestrum numen deceptis*] Qui quum confideremus foederi cui vestrum numen advocatum fuerat, delusi sumus a foedifragis Praenestinis. Sic supr. i. 9. *per fas ac fidem decepti*. CREV.

⁵ *Oppida novem caperet*] Testatur Festus in voce *Trientem tertium*, scriptum fuisse in hac tabula T. Quinctium novem urbes per novem dies, et decimam Praeneste cepisse. Et profecto hoc voluerat Livius, si per libenarios licuisset. CREV. *Diebus novem*

excidisse putant Gronov. et Niebhr. Novem oppida memorat Dion. Exc. Vat. xii. 28. sed de Velitris silet. cf. Festus v. *Trientem tertium*.

⁶ *M. Albinium*] Pro Marco, Lucium ap. Diod. xv. 5. habemus. Quod si fides Diodoro potius habenda sit, hunc eundem atque illum, cuius pietas supr. v. 40. laudatur, fuisse verisimilius videtur. Niebhr. ii. n. 1201.

⁷ *Dedit*] Duo alia nomina addit Burghesius ex Fragm. Fast. Capit. scilicet . . . Erenucius et P. Trebo-

quod genere plebeios, gratia Iulium anteibant, Volsci pro-
 8 vincia, sine sorte, sine comparatione, extra ordinem data: U. C. 376.
 cuius et ipsos postmodo, et Patres, qui dederant, poenituit. A. C. 376.
 Inexplorato pabulatum cohortes misere. Quibus velut cir- P. et C.
 cumventis, quum id falso nuntiatum esset, dum, praesidio Manliis,
 ut essent, citati feruntur, ne auctore quidem asservato, qui etc. Tr.
 eos, hostis Latinus pro milite Romano, frustratus erat, ipsi Mil.
 in insidias praecipitavere. Ibi dum iniquo loco sola virtute
 militum restantes caeduntur caeduntque, castra interim
 Romana, iacentia in campo, ab altera parte hostes invasere.
 Ab ducibus utrobique proditae temeritate atque inscitia
 9 res. Quicquid superfuit fortunae populi Romani, id mili-
 tum etiam sine rectore stabilis virtus tutata est. Quae ubi
 Romam sunt relata, primum dictatorem dici placebat: de-
 inde, postquam quietae res ex Volscis afferebantur, et ap-
 paruit, nescire eos victoria et tempore uti, revocati etiam
 inde exercitus ac duces: otiumque inde, quantum a Volscis,
 fuit. Id modo extremo anno tumultuatum, quod Praenes-
 tini concitatis Latinorum populis rebellarunt. Eodem anno
 1 Setiam, ipsis querentibus penuriam hominum, novi coloni
 ascripti. Rebusque haud prosperis bello, domestica quies,
 quam tribunorum militum ex plebe gratia maiestasque inter
 suos obtinuit, solatium fuit.

Insequentis anni principia statim seditione ingenti arsere, 31.
 tribunis militum consulari potestate Sp. Furio, Q. Servilio U. C. 377.
 2 secundum, C. Licinio, P. Cloelio, M. Horatio, L. Geganio. A. C. 375.
 Erat autem et materia et causa seditionis aes alienum: Sp. Furio,
 etc. Tr.
 Mil.

nus. De quibus Niebhr. ii, not. 1324.
 "Erenucius, qui haud dubie Genucius
 est, quippe et patricii et plebei Genu-
 cii erant, et P. Trebonius censores
 illi erant vitio creati, quos memorat
 noster supr. 27. non gessisse magistra-
 tum: quibus tamen, cur rem non age-
 rent verius in causa fuit, quod Tre-
 bonius plebeius erat: sed verisimilius
 videtur hos censores fuisse huius anni,
 ad novas tabulas scribendas creatos,
 quos Livius vel incuria sua, vel quia
 monumenta aeris alieni civium so-
 luti non reliquerant, praetermisit."
 Niebhr. ii, n. 871.

8 Sine sorte, sine comparatione]
 Ita ut tribuni militum nec sortirentur,
 nec compararent, i. e. communi
 consensu inter se constituerent, quis
 ad bellum egredi, quis Romae ma-
 nere deberet. CREV. cf. infr. xxx. 1.

9 Quicquid superfuit fortunae po-
 puli Romani] Hoc nimis elate inflate-
 que in re sane levi dictum esse, recte
 observat Gronovius. Lege cum eo:

Quicquid superfuit, nempe de his ex-
 ercitibus, fortuna populi Romani, et
 militum etiam sine rectore stabilis vir-
 tus, tutata est. Solet Livius, quae
 insperatam salutem in aliquo periculo
 attulerunt, ea fortunae populi Romani
 delegare. Vid. supr. i. 46. ii. 40. et
 alibi saepius. Victorianus codex ha-
 bet fortuna. CREV. Fortuna populi
 Romani ac militum reposuit Bekker.
 Sed fortunae Stroth. et Doer. ma-
 lunt, tanquam Livius scripserit, "quic-
 quid adhuc salutis in tanto discrimine
 populo Romano contingere potuit, id
 militum virtus sine duce assecuta est."

1 Novi coloni] Iam Setiam coloni
 missi fuerant quarto ante anno, quod
 ex Velleio sub finem lib. i. colligitur.
 CREV. Sed Stroth. veterem lectionem
 etiam retinet, et nomen urbis post
 etiam reponendum censet.

2 C. Licinio] Pro C. Licinio, L. Me-
 nentium Lanatum tertium reponen-
 dum censet Burghesius e Fragin. Fast.
 Capit.

U. C. 377. cuius noscendi gratia Sp. Servilius Priscus, Q. Cloelius
 A. C. 375. Siculus censores facti, ne rem agerent, bello impediti sunt.
 Seditiones Namque trepidi nuntii primo, fuga deinde ex agris, legiones
 ob aes alie- Volscorum ingressas fines, popularique passim Romanum
 num. agrum, attulere. In qua trepidatione tantum afuit, ut
 civilia certamina terror externus cohiberet, ut contra eo
 violentior potestas tribunicia impediendo delectui esset:
 donec conditiones impositae Patribus, ne quis, quoad bella-³
 tum esset, tributum daret, aut ius de pecunia credita dice-
 ret. Eo laxamento plebi sumpto, mora delectui non est
 facta. Legionibus novis scriptis, placuit, duos exercitus in
 Volscorum agri deva- agrum Volscum legionibus divisus duci. Sp. Furius, M.
 stantur. Horatius dextrorsus maritimam oram atque Antium, Q.
 Servilius et L. Geganius laeva ad montes Ecetram pergunt.
 Neutra parte hostis obvius fuit. Populatio itaque non illi
 vagae similis, quam Volscus latrocinii more, discordiae ho-
 stium fretus, et virtutem metuens, per trepidationem raptim
 fecerat; sed ab iusto exercitu iusta ira facta, spatio quoque
 temporis gravior. Quippe a Volscis, timentibus, ne interim
 exercitus ab Roma exiret, incursiones in extrema finium
 factae erant: Romano contra etiam in hostico morandi
 causa erat, ut hostem ad certamen eliceret. Itaque, omni-
 bus passim tectis agrorum, vicisque etiam quibusdam
 exustis, non arbore frugifera, non satis in spem frugum
 relictis, omni, quae extra moenia fuit, hominum pecudum-
 que praeda abacta, Romam utrimque exercitus reducti.

32. Parvo intervallo ad respirandum debitoribus dato, post-
 quam quietae res ab hostibus erant, celebrari de integro⁴
 iurisdictio; et tantum abesse spes veteris levandi feneratoris,
 ut tributo novum fenus contraheretur in murum, a censori-
 bus locatum saxo quadrato faciundum: cui succumbere
 oneri coacta plebes; quia, quem delectum impedirent, non
 habebant tribuni plebis. Tribunos etiam militares patricios
 omnes, coacta principum opibus, fecit, L. Aemilium, P.⁵
 L. Aemilio Valerium quartum, C. Veturium, Ser. Sulpicium, L. et C.
 Mil. Quinctios Cincinnatos. Iisdem opibus obtinere, ut ad-
 versus Latinos Volscosque, qui coniunctis legionibus ad
 Satricum castra habebant, nullo impediante omnibus iunio-
 ribus sacramento adactis, tres exercitus scriberent: unum⁶

³ *Ne quis ... tributum daret*] Sci-
 licet, ut *vectigal* a *possessoribus* agri
 publici in *aes stipendiarium* solveretur.

⁴ *Celebrari de integro*] Ius assidue
 dici coepit de pecuniis creditis.

⁵ *Coacta principum opibus*] Sedi-
 tionem quandam fuisse et rem ad in-
 terregna rediisse scribit Diodor. xv.

61. CREV.

⁶ *Tres exercitus*] sc. Ad praesidium
 urbis, *legiones urbanae*: *seniores* ad
 subita belli ministeria praesto erant:
iuniores autem, qui in duos consu-
 lares exercitus plerumque distributi
 sunt, uno longe validissimo exercitu
 in hostes ducebantur.

ad praesidium urbis; alterum, qui, si qui alibi motus ex- U. C. 378.
stitisset, ad subita belli mitti posset; tertium longe validis- A. C. 374.
simum P. Valerius et L. Aemilius ad Satricum duxere.
Ubi quum aciem instructam hostium loco aequo invenissent,
extemplo pugnatum: et, ut nondum satis claram victoriam, Volsci et
sic prosperae spei pugnam imber ingentibus procellis fusus Latini fusi.
diremit. Postero die iterata pugna: et aliquamdiu aequa
virtute fortunaque Latinae maxime legiones, longa societate
militiam Romanam edoctae, restabant. Eques immissus
ordines turbavit; turbatis signa peditum illata: quantum-
que Romana se invexit acies, tantum hostes gradu demoti:
et ut semel inclinavit pugna, iam intolerabilis Romana vis
erat. Fusi hostes quum Satricum, quod duo millia inde
aberat, non castra, peterent, ab equitatu maxime caesi:
castra capta direptaque. Ab Satrico nocte, quae proelio
proxima fuit, fugae simili agmine petunt Antium: et quum
Romanus exercitus prope vestigiis sequeretur, plus tamen
timor, quam ira, celeritatis habuit. Prius itaque moenia
intravere hostes, quam Romanus extrema agminis carpere
aut morari posset. Inde aliquot dies vastando agro absum-
pti, nec Romanis satis instructis apparatu bellico ad moenia
aggredienda, nec illis ad subeundum pugnae casum.

Seditio tum inter Antiates Latinosque coorta; quum 33.
7 Antiates, victi malis subactique bello, in quo et nati erant,
et consenuerant, deditionem spectarent; Latinos ex diutina
pace nova defectio recentibus adhuc animis ferociores ad
perseverandum in bello faceret. Finis certaminis fuit,
8 postquam utrisque apparuit, nihil per alteros stare, quo
minus incepta persequerentur. Latini profecti a societate
pacis, ut rebantur, inhonestae sese vindicaverunt. Antiates,
9 incommodis arbitris salutarium consiliorum remotis, urbem
agrosque Romanis dedunt. Ira et rabies Latinorum, quia
nec Romanos bello laedere, nec Volscos in armis retinere
potuerant, eo erupit, ut Satricum urbem, quae receptacu-
lum primum iis adversae pugnae fuerat, igni concremarent:
nec aliud tectum eius superfuit urbis, quum faces pariter
sacris profanisque iniicerent, quam matris Matutae tem-
plum. Inde eos nec sua religio, nec verecundia deum
arcuisse dicitur, sed vox horrenda, edita templo cum tristi-

7 *In quo et nati erant, et conse-
nuerant*] Annus iam decimus tertius
belli agebatur: quippe in Volscorum
numero, de quibus noster supr. 2. scri-
bit, haud dubie erant Antiates: sed
Livius hic ad septuagesimum illum
belli annum respicit: de quo cf. not.
supr. 2.

8 *Nihil per alteros stare*] h. e. Hoc

non ex alterius partis arbitrio senten-
tiaque pendere. Sueton. Vel potius
alteros minime illis impedimento es-
se, sive malis, alteros minime moram
interponere, quo minus incepta perse-
querentur. cf. supr. li. 31. infr. viii. 2.

9 *Incommodis arbitris*] Latini nem-
pe, *incommodis*, h. e. molestis et utili-
tatibus Antiatum adversantibus.

U. C. 378. bus minis, ni nefandos ignes procul delubris amovissent.
 A. C. 374. Incensos ea rabie impetus Tusculum tulit, ob iram, quod,
 Tusculum a Latinis captum. deserto communi concilio Latinorum, non in societatem modo Romanam, sed etiam in civitatem, se dedissent. Patentibus portis quum improvise incidissent, primo clamore oppidum praeter arcem captum est. In arcem oppidani refugere cum coniugibus ac liberis, nuntiosque Romam, qui certiores de suo casu senatum facerent, misere. Haud segnius, quam fide populi Romani dignum fuit, exercitus Tusculum ductus. L. Quinctius et Ser. Sulpicius tribuni militum duxere. Clausas portas Tusculi, Latinosque simul obsidentium atque obsessorum animo hinc moenia Tusculi tueri vident, illinc arcem oppugnare; A Romanis receptum. terrere una ac pavere. Adventus Romanorum mutaverat utriusque partis animos. Tusculanos ex ingenti metu in summam alacritatem, Latinos ex prope certa fiducia mox capiendae arcis, quoniam oppido potirentur, in exiguam de se ipsis spem verterat. Tollitur ex arce clamor ab Tusculanis: excipitur aliquanto maiore ab exercitu Romano. Utrisque urgentur Latini: nec impetus Tusculanorum, decurrentium ex superiore loco, sustinent: nec Romanos, subeuntes moenia molientesque obices portarum, arcere possunt. Scalas prius moenia capta; inde effracta claustra portarum: et quum anceps hostis et a fronte et a tergo urgeret; nec ad pugnam ulla vis, nec ad fugam loci quicquam superesset; in medio caesi ad unum omnes. Recuperato ab hostibus Tusculo, exercitus Romam est reductus.

34. Quanto magis prosperis eo anno bellis tranquilla omnia foris erant, tanto in urbe vis Patrum in dies miseriaeque plebis crescebant; quum eo ipso, quod necesse erat solvi,² facultas solvendi impediretur. Itaque, quum iam ex re nihil dari posset, fama et corpore, iudicati atque addicti,³ creditoribus satisfaciebant, poenaeque in vicem fidei cesserat.⁴ Adeo ergo obnoxios summiserant animos non infimi solum, sed principes etiam plebis, ut non modo ad tribunatum militum inter patricios petendum, quod tanta vi,

¹ *Exercitus Tusculum*] sc. *Seniores* qui ad subita belli ministeria praesto erant.

² *Quod necesse erat solvi*] Hinc opportunum tempus exspectare non poterant, sed solvere alieno suo tempore coacti erant. STROTH. Ipsa enim necessitas solvendi facultatem aequis conditionibus pecuniam quaerendi tantum non omnino cultoribus agri ademit.

³ *Fama et corpore*] *Fama*, quia qui

a praetore additus, h. e. liber alicui mancipio datus est, *iudicium turpe* subibat, et *capite deminutus* erat: *corpore*, quia ipse debitor familiaeque eius in servitutem creditori addicebantur.

⁴ *Poenaeque in vicem fidei cesserat*] In locum solutionis poena successerat. Debitores quum fidem solutionis praestare non possent, poena a lege indicta creditoribus satisfaciebant. CREV.

ut liceret, tetenderant; sed ne ad plebeios quidem magistratus capessendos petendosque ulli viro acri experientique animus esset: possessionemque honoris, usurpati modo a plebe per paucos annos, recuperasse in perpetuum Patres viderentur. Ne id nimis laetum parti alteri esset, parva, ut plerumque solet, rem ingentem moliundi causa intervenit. M. Fabii Ambusti, potentis viri, quum inter sui corporis homines, tum etiam ad plebem, quod haudquaquam inter id genus contemptor eius habebatur, filiae duae nuptae, Ser. Sulpicio maior, minor C. Licinio Stolori erat, illustri quidem viro, tamen plebeio: eaque ipsa affinitas haud sprete gratiam Fabio ad vulgum quaesierat. Forte ita incidit, ut, in Ser. Sulpicii tribuni militum domo sorores Fabiae quum inter se, ut fit, sermonibus tempus tererent, lictor Sulpicii, quum is de foro se domum reciperet, forem, ut mos est, virga percuteret. Quum ad id, 5 moris eius insueta, expavisset minor Fabia, risui sorori fuit, miranti ignorare id sororem. Ceterum is risus stimulos parvis mobili rebus animo muliebri subdidit: frequentia quoque prosequentium rogantiumque, 'numquid vellet?' credo fortunatum matrimonium ei sororis visum; suique 6 ipsam malo arbitrio, quo a proximis quisque minime anteiri vult, poenituisse. Confusam eam ex recenti morsu animi quum pater forte vidisset, percunctatus, 'satin' salvae?' 7 avertentem causam doloris (quippe nec satis piam adversus sororem, nec admodum in virum honorificam) elicuit comiter sciscitando, ut fateretur, eam esse causam doloris, quod iuncta impari esset, nupta in domo, quam nec honos nec gratia intrare posset. Consolans inde filiam Ambustus bonum animum habere iussit: eosdem propediem domi visuram honores, quos apud sororem videat. Inde consilia inire cum genere coepit, adhibito L. Sextio, strenuo adolescente, et cuius spei nihil praeter genus patricium deesset. Occasio videbatur rerum novandarum propter ingentem vim acris alieni; cuius levamen mali plebes, nisi suis in summo imperio locatis, nullum speraret. Accingendum ad eam cogitationem esse. Conando agendoque iam

Fabiarum
sororum
aemulatio.

35.

5 *Moris eius insueta*] Hoc parum probabile, quia pater eius quarto ante anno ipse tribunus militum fuerat. Hanc narrationem fabulam amicum esse Niebhr. in. n. 2. censet, id quod Perizonio et Beaufortio placuit, nihil enim in mora erat, quo minus C. Licinius Stolo tribunus militum cons. pot. crearetur, ut eius gentiles tribuni militum ann. 355. 358. 377. U.C. fuissent, atque ita Lones et gratia in

domum minoris Fabiae intrare posset.

6 *Malo arbitrio*] Per illam iudicandi et sentiendi pravitatem, qua...

7 *Avertentem causam doloris*] Avertentem alio ac dissimulantem causam doloris, *elicit ut fateretur*, i. e. compulsi fateri. Sic Cicero de Or. ii. 13. *Tu quem ego ... nunquam elicere potui ad disputandum.* Et noster supr. 21. *U' hostem eliceret ad certamen.* CREV.

U. C. 378. eo gradum fecisse plebeios, unde, si porro annitantur, per-
 A. C. 374. venire ad summa, et Patribus aequari, tam honore, quam
 virtute, possent. In praesentia tribunos plebis fieri placuit,
 quo in magistratu sibimet ipsi viam ad ceteros honores
 U. C. 379. aperirent. Creatique tribuni C. Licinius et L. Sextius
 A. C. 373. promulgavere leges omnes adversus opes patriciorum, et
 L. Papirio, pro commodis plebis: unam de aere alieno, ut, deducto eo
 etc. Tr. de capite, quod usuris pernumeratum esset, id, quod super-
 Mil. esset, triennio aequis portionibus persolveretur: alteram de
 Lex de aere alieno. modo agrorum, ne quis plus quingenta iugera agri possi-
 De modo agrorum. deret: tertiam, ne tribunorum militum comitia fierent,
 De consu- consulumque utique alter ex plebe crearetur. Cuncta
 latu ple- ingentia, et quae sine certamine maximo obtineri non
 beio. possent. Omnium igitur simul rerum, quarum immodica
 cupido inter mortales est, agri, pecuniae, honorum, dis-
 crimine proposito, conterriti Patres, quum trepidassent,
 publicis privatisque consiliis nullo remedio alio, praeter
 expertam multis iam ante certaminibus intercessionem, in-
 vento, collegas adversus tribunicias rogationes compara-
 verunt. Qui, ubi tribus ad suffragium ineundum citari a
 Licinio Sextioque viderunt, stipati Patrum praesidiis, nec
 recitari rogationes, nec solenne quicquam aliud ad sciscen-
 dum plebi fieri passi sunt. Iamque frustra saepe concilio
 advocato, quum pro antiquatis rogationes essent; 'bene
 'habet,' inquit Sextius: 'quandoquidem tantum interces-
 'sionem pollere placet, isto ipso telo tutabimur plebem.
 'Agitedum, comitia indicite, Patres, tribunis militum
 'creandis: faxo, ne iuвет vox ista, VETO, qua nunc con-
 'cinentes collegas nostros tam laeti auditis.' Haud irritae
 cecidere minae: comitia, praeter aedilium tribunorumque
 plebis, nulla sunt habita. Licinius Sextiusque, tribuni
 plebis relecti, nullos curules magistratus creari passi sunt:
 eaque solitudo magistratum, et plebe reficiente duos

Nulli curules magi-
 stratus per
 quinquen-
 nium.

8 *Eo gradum fecisse*] cf. Cic. de Or. ii. 249. *Quotiescunque gradum facies, toties tibi tuarum virtutum veniat in mentem.*

9 *Creatique tribuni C. Licinius et L. Sextius*] Hic Dodwellus praeter Livii mentem, ut putamus, sed apte ad rationes annorum sequentium, inserit annum unum, cui tribunos consulari potestate assignat L. Papirium, L. Menenium, Ser. Sulpicium, Ser. Corneli-um, memoratos a Diodoro ad annum Olympiadis ciii. primum. Quibus rationum momentis adductus id faciat Dodwellus, vide apud ipsum, dissert. de Cyclis Romanorum, x. §

82. CREV.

1 *Aequis portionibus*] *Pensionibus* ex coniectura Cuiacii in textum reposuit Bekker.

2 *Quingenta iugera agri*] Iugerum ducentos et quadraginta in longitudinem pedes, centum et viginti in latitudinem habebat. Testes Quinctilian. i. 9. Varro de Re. Rust. i. 10. Isidor. xv. 15. CREV.

3 *Utique alter*] Certe, ut necesse esset alterum saltem e consulibus ex plebe creari. CREV.

4 *Faxo*] Unius tribuni intercessio ad actiones tollendas iam sufficiebat. vid. supr. iv. 48. v. 29.

5 tribunos, et his comitia tribunorum militum tollentibus, per U. C. 379.
quinquennium urbem tenuit. A. C. 373.

Alia bella opportune quievēre: Veliterni coloni, gesti- 36.
entes otio, quod nullus exercitus Romanus esset, et agrum
Romanum aliquoties incursavere, et Tusculum oppugnare
adorti sunt. Eaque res, Tusculanis veteribus sociis, novis
civibus, opem orantibus, verecundia maxime non Patres
modo, sed etiam plebem, movit. Remittentibus tribunis U. C. 385.
plebis, comitia per interregem sunt habita; creatique tribuni A. C. 367.
militum L. Furius, A. Manlius, Ser. Sulpicius, Ser. Cornelius, L. Furio
P. et C. Valerii, haudquaquam tam obedientem in delectu, II. etc. Tr.
quam in comitiis, plebem habuere: ingentique contentione
exercitu scripto profecti, non ab Tusculo modo summovere
hostem, sed intra suamet ipsum moenia compulere. Obsi- Velitrae
debanturque haud paullo vi maiore Velitrae, quam Tusculum
obsessum fuerat: nec tamen ab iis, a quibus obsideri coeptae
erant, expugnari potuere. Ante novi creati sunt tribuni U. C. 386.
militum: Q. Servilius, C. Veturius, A. et M. Corneli, Q. A. C. 366.
Quinctius, M. Fabius. Nihil ne ab his quidem tribunis ad Q. Servilio
Velitras memorabile factum. In maiore discrimine domi III. etc.
res vertebantur: nam praeter Sextium Liciniumque latores Tr. Mil.
legum, iam octavum tribunos plebis refectos, Fabius quoque
tribunus militum, Stolonis socer, quarum legum auctor
fuerat, earum suasorem se haud dubium ferebat. Et, quum
octo ex collegio tribunorum plebis primo intercessores legum
fuissent, quinque soli erant: et (ut ferme solent, qui a suis
6 desciscunt) capti, et stupentes animi, vocibus alienis id
modo, quod domi praeceptum erat, intercessioni suae prae-
tendebant: 'Velitris in exercitu plebis magnam partem
'abesse: in adventum militum comitia differri debere, ut
'universa plebes de suis commodis suffragium ferret.'

[5 *Per quinquennium*] Hanc ma-
gistratuum solitudinem repudiat Nie-
buhrias, qui interregna unius tantum
anni admittit et fictam fuisse omnem
hanc discordiam quinquennalem ex-
istimat, ut Fasti Romani cum ea ra-

L. MENENIUS LAN. IV.

L. PAPIRIUS CRASS. II.

SERV. CORNELIUS MALUG. V.

tione temporum congruerent, qua Ro-
ma a Gallis capta fuisse Ol. xcviii.
1. dicitur. Burghesius ex Fragn.
Fast. Capit. quinque nomina tribuno-
rum mil. cons. potest. in annum U. C.
379 creatorum in lucem protulit:

SERV. SULPICIUS PRAETEXT. II.

C. LICINIUS CALVUS.

Horum quattuor nomina, ut Dodwel-
lus monet, Diodorus citat. Burghes-
ius, Dodwelli acumen, qui primus
haec nomina in locum suum retulit,
meritis laudibus prosecutus, in quin-
tum locum, C. Licinium, P. F. P. N.
Calvum, qui de tribunatu Mil. an. 377.
U. C. cedere L. Menenio optimo
iure coactus est, reposuit, quippe
quem Livius infr. 39. tribunum mili-

tum fuisse scribit, neque nos uspiam
alibi videmus. Nomen tribuni sexti
adhuc latet.

[6 *Capti, et stupentes animi*] Vox
animi casu secundo singularis nume-
ri, ut *aeger animi* infr. xxx. 15. In-
terim non displicet unius cod. Lovel.
2. lectio, *capti et stupentes animis*.
Drak.

- U. C. 386. Sextius Liciniusque, cum parte collegarum, et uno ex
A. C. 366. tribunis militum Fabio, artifices iam tot annorum usu tra-
ctandi animos plebis, primores Patrum productos interro-
gando de singulis, quae ferebantur ad populum, fatigabant:
Tr. Pl. ora- 'Auderentne postulare, ut, quum bina iugera agri plebi
tio pro legi- 'dividerentur, ipsis plus quingenta iugera habere liceret?
bus suis. 'Ut singuli prope trecentorum civium possiderent agros;
'plebeio homini vix ad tectum necessarium, aut locum
'sepulturae, suus pateret ager? An placeret, fenore circum-
'ventam plebem potius, quam sorte creditum solvat, corpus 7
'in nervum ac supplicia dare: et gregatim quotidie de foro
'addictos duci, et repleti vinctis nobiles domos? et, ubi-
'cunque patricius habitet, ibi carcerem privatum esse?'
37. Haec indigna miserandaque auditu quum apud timentes
sibimet ipsos, maiore audientium indignatione, quam sua,
increpuissent: 'atqui nec agros occupandi modum, nec
'fenore trucidandi plebem alium Patribus unquam fore,'
affirmabant, 'nisi alterum ex plebe consulem, custodem
'suae libertatis, plebes fecisset. Contemni iam tribunos
'plebis, quippe quae potestas iam suam ipsa vim frangat
'intercedendo. Non posse aequo iure agi, ubi imperium
'penes illos, penes se auxilium tantum sit. Nisi imperio
'communicato, nunquam plebem in parte pari reipublicae
'fore: nec esse, quod quisquam satis putet, si plebeiorum
'ratio comitiis consularibus habeatur: nisi alterum consulem
'utique ex plebe fieri necesse sit, neminem fore. An iam
'memoria exisse, quum tribunos militum iccirco potius,
'quam consules, creari placuisset, ut et plebeiis pateret
'summus honos, quattuor et quadraginta annis neminem ex 8
'plebe tribunum militum creatum esse? Qui crederent,
'duobus nunc in locis sua voluntate impartituros plebi 9
'honorem, qui octona loca tribunis militum creandis occu- 1
'pare soliti sint? et ad consulatum viam fieri passuros, qui
'tribunatum saeptum tam diu habuerint? Lege obtinendum

7 *Potius, quam sorte creditum sol-
vat*] Sententia est; plebem, fenore
demersam, potius in nervum dare,
quam permittere, ut sola sorte, sine
usuris reddita, id quod ipsi creditum
esset, solvat. Indignitas in eo posita
est, quod patricii malle viderentur
supplicium plebis, etiamsi perderent
sortem creditam una cum usuris, quam
illam sine his accipere, incolumi
plebe. STROTH.

8 *Quattuor et quadraginta annis*]
Ab an. U. C. 311 ad 355. CREV. Ita
forsitan Livio placuit, qui Q. Antonium
Merendam tribun. mil. an. 333. pro

patricio habuit. Haec vero verba cum
re congruunt, si Burghesio Licinium
e collegio tribunorum mil. an. 377.
eiicienti assentiamur. cf. supr. 31.

9 *Duobus nunc*] *Duobusne* pleri-
que, et recte, si cum Gronovio expun-
gas voces qui crederent. BEKKER.

1 *Octona loca*] Minime, si Nie-
buhrio fidem damus: licet enim hoc
ter factum fuisse narratur, scilicet an.
U. C. 352. ut Livius supr. 1. memorat,
atque ann. 376 et 377. ut Diodorus xv.
50, 51, scribit, illi tamen placet in col-
legio tribunorum censores incuria qua-
dam annumeratos fuisse. cf. supr. v. 1.

'esse, quod comitiis per gratiam nequeat: et seponendum U. C. 386.
 'extra certamen alterum consulatum, ad quem plebi sit A. C. 366.
 'aditus; quoniam in certamine relictus praemium semper
 'potentioris futurus sit. Nec iam posse dici id, quod antea
 'iactare soliti sint, non esse in plebeiis idoneos viros ad
 'curules magistratus. Numquid enim socordius aut segnius
 'republicam administrari post P. Licinii Calvi tribunatum,
 'qui primus ex plebe creatus sit, quam per eos annos gesta
 'sit, quibus praeter patricios nemo tribunus militum fuerit?
 'Quin contra patricios aliquot damnatos post tribunatum,
 'neminem plebeium. Quaestores quoque, sicut tribunos
 2 'militum, paucis ante annis ex plebe coeptos creari: nec
 'ullius eorum populum Romanum poenituisse. Consulatum
 'superesse plebeiis: eam esse arcem libertatis, id columnen.
 'Si eo perventum sit, tum populum Romanum vere exactos
 'ex urbe reges, et stabilem libertatem suam existimaturum.
 'Quippe ex illa die in plebem ventura omnia, quibus
 'patricii excellant, imperium atque honorem, gloriam belli,
 'genus, nobilitatem, magna ipsis fruenda, maiora liberis
 'relinquenda.' Huius generis orationes ubi accipi videre;
 novam rogationem promulgant, ut pro duumviris sacris
 3 faciundis decemviri creentur; ita ut pars ex plebe, pars ex
 Patribus fiat: omniumque earum rogationum comitia in
 adventum eius exercitus differunt, qui Velitras obsidebat.

Prius circumactus est annus, quam a Velitris reducerentur 38.
 legiones. Ita suspensa de legibus res ad novos tribunos
 militum dilata: nam plebis tribunos eosdem duos utique,
 quia legum latores erant, plebes reficiebat. Tribuni militum U. C. 387.
 creati T. Quinctius, Ser. Cornelius, Ser. Sulpicius, Sp. Ser- A. C. 367.
 vilius, L. Papirius, L. Veturius. Principio statim anni ad T. Quin-
 ultimam dimicationem de legibus ventum: et, quum tribus ctio, etc. Tr.
 Mil.
 vocarentur, nec intercessio collegarum latoribus obstaret,
 trepidi Patres ad duo ultima auxilia, summum imperium
 summumque ad civem, decurrunt. Dictatorem dici placet: Dictator
 dicitur M. Furius Camillus, qui magistrum equitum L. creatur Ca-
 Aemilium cooptat. Legum quoque latores adversus tantum millus IV.
 apparatus adversariorum et ipsi causam plebis ingentibus
 animis armant: concilioque plebis indicto, tribus ad suffra-
 gium vocant. Quum dictator, stipatus agmine patriciorum,
 plenus irae minarumque consedisset, atque ageretur res
 solito primum certamine inter se tribunorum plebi ferentium

2 *Paucis ante annis*] Totis qua-
 draginta, supr. iv. 54. Nisi forte in-
 telligendum est, paucis ante annis
 quam tribuni consulares ex plebe fie-
 rent. CREV.

3 *Decemviri*] Quibus libri Sibyl-

lini mandarentur, quos, utpote Graeca
 origine, plebeiis communicari minus
 religiosum erat. Haec tamen lege
 plebs in partem reipublicae quodam-
 modo vocata est.

U. C. 387. legem intercedentiumque, et, quanto iure potentior inter-
 A. C. 365. cessio erat, tantum vinceretur favore legum ipsarum lato-
 Certamen rumque, et, 'Uti rogas,' primae tribus dicerent; tum 4
 inter dicta- Camillus, 'Quandoquidem,' inquit, 'Quirites, iam vos
 torem et tribunos. 'tribunicia libido, non potestas, regit, et intercessionem,
 'secessionem quondam plebis partam, vobis eadem vi facitis
 'irritam, qua peperistis; non reipublicae magis universae,
 'quam vestra causa, dictator intercessioni adero, eversumque
 'vestrum auxilium imperio tutabor. Itaque, si C. Licinius 5
 'et L. Sextius intercessioni collegarum cedunt; nihil patri-
 'cium magistratum inseram concilio plebis. Si adversus
 'intercessionem, tanquam captae civitati leges imponere
 'tendent, vim tribuniciam a se ipsa dissolvi non patiar.'
 Adversus ea quum contemptim tribuni plebis rem nihilo
 segnius peragerent, tum percitus ira Camillus lictores, qui
 de medio plebem emoverent, misit: et addidit minas, si
 pergerent, sacramento omnes iuniores adacturum, exerci-
 tumque extemplo ex urbe educturum. Terrorem ingentem
 incusserat plebi; ducibus plebis accendit magis certamine
 animos, quam minuit. Sed, re neutro inclinata, magistratu 6
 se abdicavit; seu quia vitio creatus erat, ut scripsere quidam:
 seu quia tribuni plebis tulerunt ad plebem, idque plebs
 scivit, ut, si M. Furius pro dictatore quid egisset, quingentum 7
 millium ei multa esset. Sed auspiciis magis, quam novi ex-
 emplum rogatione, deterritum ut potius credam, quum ipsius
 viri facit ingenium, tum quod ei suffectus est extemplo P. 8
 P. Manlius dictator. Manlius dictator: (quem quid creari attinebat ad id certamen,
 quo M. Furius victus esset?) et quod eundem M.
 Furium dictatorem insequens annus habuit, haud sine
 pudore certe fractum priore anno in se imperium repeti-
 turum: simul quod eo tempore, quo promulgatum de multa
 eius traditur, aut et huic rogationi, qua se in ordinem cogi
 videbat, obsistere potuit; aut ne illas quidem, propter quas
 et haec lata erat, impedire: et, quoad usque ad memoriam
 nostram tribuniciis consularibusque certatum viribus est,
 dictaturae semper altius fastigium fuit.

4 *Uti rogas*] Id est, fiat uti rogas.
 Fuit haec sollennis vox, qua populus
 iubebat, sive sciscebat id quod ab ali-
 quo magistratu rogaretur. CREV.

5 *Vestrum auxilium imperio tuta-
 bor*] Potestatem tribunitiam, quae
 auxilii vobis ferendi causa instituta
 est, imperio dictatorio tutabor. Penes
 tribunos, ut iam aliquoties observa-
 tum est, *auxilii ius*; *imperium* penes
 patricos magistratus, consules, tribu-
 nos militum consulari potestate, di-
 ctatores, erat. CREV.

6 *Magistratu se abdicavit*] Hanc
 rem alii aliter narrant. In Fastis
 Capit. legimus, dictatorem et magi-
 strum equitum, creatos rei gerundae
 causa, *ob edictum* in milites ex S. C.
 abdicasse.

7 *Quid egisset*] Hinc liquet dicta-
 torem *ὑπερβυον* fuisse post annum
 imperii finitum, vi *Iunii plebisciti*, si
 Niebhr. audiamus, iii. p. 30. infr. ix. 26.

8 *P. Manlius dictator*] *Seditionis
 sedandae et rei gerundae causa*, ut
 ex Fragm. Fast. Capit. apparet.

Inter priorem dictaturam abdicatam novamque a Manlio initam, ab tribunis velut per interregnum concilio plebis habito, apparuit, quae ex promulgatis plebi, quae latoribus gratiora essent: nam de fenore atque agro rogationes iuebant, de plebeio consulatu antiquabant. Et perfecta utraque res esset, ni tribuni se in omnia simul consulere plebem dixissent. P. Manlius deinde dictator rem in causam plebis inclinavit, C. Licinio, qui tribunus militum fuerat, magistro equitum de plebe dicto. Id aegre Patres passos accipio; dictatorem propinqua cognatione Licinii se apud Patres excusare solitum, simul negantem, magistri equitum maius, quam tribuni consularis, imperium esse. Licinius Sextiusque, quum tribunorum plebi creandorum indicta comitia essent, ita se gerere, ut, negando iam sibi velle continuari honorem, acerrime accenderent ad id, quod dissimulando petebant, plebem. ‘Nonum se annum iam velut in aciem adversus optimates maximo privatim periculo, nullo publice emolumento stare. Consenuisse iam secum et rogationes promulgatas, et vim omnem tribuniciae potestatis. Primo intercessionem collegarum in leges suas pugnatum esse: deinde ablegationem iuventutis ad Veliternum bellum: postremo dictatorium fulmen in se intentatum. Iam nec collegas, nec bellum, nec dictatorem obstare; quippe qui etiam omen plebeio consuli, magistro equitum ex plebe dicendo, dederit: se ipsam plebem et commoda morari sua. Liberam urbem ac forum a creditoribus, liberos agros ab iniustis possessoribus extemplo, si velit, habere posse. Quae munera quando tandem satis grato animo aestimatu-
ros, si, inter accipiendas de suis commodis rogationes, spem honoris latoribus earum incidant? Non esse modestiae populi Romani id postulare, ut ipse fenore levetur, et in agrum iniuria possessum a potentibus inducatur; per quos ea consecutus sit, senes tribunicios non sine honore tantum, sed etiam sine spe honoris, relinquat. Proinde ipsi primum statuerent apud animos, quid vellent: deinde comitiis tribuniciis declararent voluntatem. Si coniunctim ferri ab se promulgatas rogationes vellent, esse, quod eosdem reficerent tribunos plebis: perlaturus enim, quae promulga-
verint. Sin, quod cuique privatim opus sit, id modo accipi velint; opus esse nihil invidiosa continuatione honoris: nec se tribunatum, nec illos ea, quae promulgata sint, habituros.’

Adversus tam obstinatam orationem tribunorum quum, prae indignitate rerum, stupor silentiumque inde ceteros

U. C. 387.
A. C. 365.
39.

C. Licinius
primus ma-
gister equi-
tum de
plebe.

Sextii et
Licinii
Tribb. Pl.
oratio de
coniunctim
ferendis ro-
gationibus
suis.

40.

9 C. Licinio] Calvo. cf. supr. 35.
Hunc cave cum Plutarcho credas
eundem esse atque C. Licinium Sto-
lonem tribunum plebis.

1 Si coniunctim ferri] Licinium
rogationes coniunctim tulisse, et plebi
dixisse, *ὅς οὐκ ἔν πόνειν, εἰ μὴ φάγοιεν*,
narratur ap. Dionis Fragm. 33. Reim.

U. C. 387.
A. C. 365.
Adversus
eos Ap.
Claudii
oratio.

Patrum defixisset ; Ap. Claudius Crassus, nepos decemviri, dicitur odio magis iraque, quam spe, ad dissuadendum processisse, et locutus in hanc fere sententiam esse : ‘ Neque ‘ novum, neque inopinatum mihi sit, Quirites, si, quod ‘ unum familiae nostrae semper obiectum est ab seditiosis ‘ tribunis, id nunc ego quoque audiam : Claudiae genti iam ‘ inde ab initio nil antiquius in republica Patrum maiestate ‘ fuisse ; semper plebis commodis adversatos esse. Quorum ‘ alterum neque nego, neque infitias eo, nos, ex quo asciti ‘ sumus simul in civitatem et Patres, enixe operam dedisse, ‘ ut per nos aucta potius, quam imminuta, maiestas earum ‘ gentium, inter quas nos esse voluistis, dici vere posset. ‘ Illud alterum pro me maioribusque meis contendere ausim, ‘ Quirites, (nisi, quae pro universa republica fiant, ea plebi, ‘ tanquam aliam incolenti urbem, adversa quis putet) nihil ‘ nos, neque privatos, neque in magistratibus, quod incom- ‘ modum plebi esset, scientes fecisse : nec ullum factum dic- ‘ tumve nostrum contra utilitatem vestram (etsi quaedam ‘ contra voluntatem fuerint) vere referri posse. An hoc, si ‘ Claudiae familiae non sim, nec ex patricio sanguine ortus, ‘ sed unus Quiritium quilibet, qui modo me duobus ingenuis ‘ ortum, et vivere in libera civitate sciam, reticere possim ? ‘ L. illum Sextium et C. Licinium, perpetuos (si diis placet) ‘ tribunos, tantum licentiae novem annis, quibus regnant, ‘ sumpsisse, ut vobis negent potestatem liberam suffragii, ‘ non in comitiis, non in legibus iubendis, se permissuros ‘ esse ? Sub conditione, inquit, nos reficietis decimum tri- ‘ bunos. Quid est aliud dicere, quod petunt alii, nos adeo ‘ fastidimus, ut sine mercede magna non accipiamus. Sed ‘ quae tandem ista merces est, qua vos semper tribunos plebis ‘ habeamus ? ut rogationes, inquit, nostras, seu placent, seu ‘ displicent, seu utiles, seu inutiles sunt, omnes coniunctim ‘ accipiatis. Obsecro vos, Tarquinii tribuni plebis, putate ‘ me ex media concione unum civem succlamare : Bona

2 *Neque nego, neque infitias eo*] cf. Cic. Or. Part. 102. *ipsam negationem infitiationemque facti*. Haud scio an, qui *negat*, rem non esse, qui *infitiatur*, rem non *ita* esse, dicere velit.

3 *Sub conditione, inquit*] Uterlibet e tribunis legum latoribus. Saepe hoc modo *inquit* absolute ponitur, ut intelligatur quilibet contradicturus. Sic infra hoc ipso cap. *Ut rogationes, inquit, nostras . . . accipiatis* : et rursus, *Non, inquit, licebit*. Et infr. xxxiv. 3. *Ut auro et purpura fulgeamus, inquit*. CREV.

4 *Quid est aliud dicere*] Nonne

hoc idem est, ac si dicerent ? *Dicere* hic sustinet vicem nominativi cadentis in verbum *est*. *Dicere, quod alii petunt, nos fastidimus, quid aliud est?* sive idem est, supple, atque id quod dicunt tribuni, sese sub conditione refici velle decimum tribunos. CREV.

5 *Inutiles*] Damnosae. Sic infr. iii. 33. *qui consensus privatis interdum inutilis*, id est, exitiosus *esset*. cf. supr. v. 5. CREV.

6 *Tarquinii tribuni plebis*] Contumeliae causa vox *Tarquinii* additur ut supr. iii. 19. de decemviris, *decem Tarquinius appellantem*.

'venia vestra liceat ex his rogationibus legere, quas salubres U. C. 387.
 7 'nobis censemus esse; antiquare alias. Non, inquit, lice- A. C. 365.
 'bit. Tu de fenore atque agris, quod ad vos omnes perti-
 'net, iubeas; et hoc portenti non fiat in urbe Romana, uti
 'L. Sextium atque hunc C. Licinium consules, quod indig-
 8 'naris, quod abominaris, videas? Aut omnia accipe: aut
 'nihil fero. Ut si quis ei, quem urgeat fames, venenum
 'ponat cum cibo; et aut abstinere eo, quod vitale sit, iubeat,
 'aut mortiferum vitali admisceat. Ergo, si esset libera
 'haec civitas, non tibi frequentes succlamassent, Abi hinc
 'cum tribunatibus ac rogationibus tuis? Quid? si tu non
 'tuleris, quod commodum est populo accipere, nemo erit,
 'qui ferat illud? Si quis patricius, si quis (quod illi volunt
 'invidiosius esse) Claudius diceret: Aut omnia accipite:
 'aut nihil fero; quis vestrum, Quirites, ferret? Nunquamne
 'vos res potius, quam auctores, spectabitis? sed omnia
 'semper, quae magistratus ille dicet, secundis auribus, quae
 9 'ab nostrum quo dicentur, adversis accipietis? At hercule
 'sermo est minime civilis. Quid? Rogatio qualis est,
 'quam a vobis antiquatam indignantur? Sermoni, Quirites,
 'simillima. Consules, inquit, rogo, ne vobis, quos velitis,
 'facere liceat. An aliter rogat, qui utique alterum ex plebe
 'fieri consulem iubet; nec duos patricios creandi potesta-
 'tem vobis permittit? Si hodie bella sint, quale Etruscum
 'fuit, quum Porsenna Ianiculum insedit; quale Gallicum
 'modo, quum praeter Capitolium atque arcem omnia haec
 'hostium erant, et consulatum cum hoc M. Furio et quolibet
 'alio ex Patribus L. ille Sextius peteret: possetisne ferre,
 'Sextium haud pro dubio consulem esse, Camillum de re-
 'pulsam dimicare? Hoccine est in commune honores vocare,
 'ut duos plebeios fieri consules liceat, duos patricios non
 'liceat? et alterum ex plebe creari necesse sit, utrumque
 'ex Patribus praeterire liceat? Quatenam ista societas,
 'quatenam consortio est? Parum est, si, cuius pars tua
 'nulla adhuc fuit, in partem eius venis, nisi partem petendo
 'totum traxeris? Timeo, inquit, ne, si duos licebit creari
 'patricios, neminem creetis plebeium. Quid est dicere
 'aliud, quia indignos vestra voluntate creaturi non estis,
 'necessitatem vobis creandi, quos non vultis, imponam?
 'Quid sequitur, nisi ut ne beneficium quidem debeat populo,

7 Non, inquit, licet. Tu de fe-
 nore] Respondentes facit tribunus
 Appius, non his quidem verbis, quae
 ipsi protulerant; sed quomodo, quo-
 que sensu iactatas ab his voces et ac-
 cipiebat ipse, et a populo accipi vo-
 lebat. CREV.

8 Aut omnia accipe] cf. Cap. praec.

coniunctim ferri. Verba sunt Licinii
 ab Appio recitata, tanquam respon-
 dentis uni civi ex media concione
 succlamanti. DRAR.

9 At hercule sermo] Hoc tanquam
 ex mente plebis, vel ex ore tribuno-
 rum, sibi obiectum Appius refert.

U. C. 387. 'si cum duobus patriciis unus petierit plebeius, et lege se,
 A. C. 365. 'non suffragio, creatum dicat? Quomodo extorqueant,
 41. 'non quomodo petant honores, quaerunt: et ita maxima
 'sunt adepturi, ut nihil ne pro minimis quidem debeant; ¹
 'et occasionibus potius, quam virtute, petere honores malunt.
 'Est aliquis, qui se inspicere, aestimari fastidiat; qui certos
 'sibi uni honores inter dimicantes competitores aequum
 'censeat esse; qui se arbitrio vestro eximat; qui vestra ne-
 'cessaria suffragia pro voluntariis, et serva pro liberis faciat;
 'omitto Licinium Sextiumque, quorum annos in perpetua ²
 'potestate, tanquam regum in Capitolio, numeratis: quis ³
 'est hodie in civitate tam humilis, cui non via ad consula-
 'tum facilius per istius legis occasionem, quam nobis ac
 'liberis nostris, fiat? si quidem nos, ne quum volueritis
 'quidem, creare interdum poteritis; istos, etiam si nolueri-
 'tis, necesse sit. De indignitate satis dictum est: (etenim
 'dignitas ad homines pertinet) quid de religionibus atque
 'auspiciis, quae propria deorum immortalium contemptio
 'atque iniuria est, loquar? Auspiciis hanc urbem conditam
 'esse, auspiciis bello ac pace, domi militiaeque, omnia geri,
 'quis est, qui ignoret? Penes quos igitur sunt auspicia
 'more maiorum? nempe, penes Patres: nam plebeius
 'quidem magistratus nullus auspicato creatur. Nobis adeo
 'propria sunt auspicia, ut non solum, quos populus creat
 'patricios magistratus, non aliter, quam auspicato, creet;
 'sed nos quoque ipsi sine suffragio populi auspicato inter-
 'regem prodamus, et privatim auspicia habeamus, quae isti
 'ne in magistratibus quidem habent. Quid igitur aliud,
 'quam tollit ex civitate auspicia, qui, plebeios consules
 'creando, a Patribus, qui soli ea habere possunt, aufert?
 'Eludant nunc licet religiones. Quid enim est, si pulli ⁴
 'non pascentur? si ex cavea tardius exierint? si occinuerit ⁵
 'avis? Parva sunt haec: sed parva ista non contemnendo

¹ *Ut nihil ne pro minimis quidem]* Ita accepturi sunt consulatum, quasi lege, non suffragio, ut pro tanto honore prorsus nihil debitori sint, ne tantum quidem, quantum pro re minima et parvi pretii. CAETIARIUS.

² *Quorum annos . . . in Capitolio, numeratis]* Videntur haec intelligenda de clavis numeri annorum indicibus, de quibus Liv. infr. vii. 3. Ibi ille docet clavum quotannis figi solitum dextro lateri aedis Iovis Opt. Max. *Eum, inquit, clavum, quia rarae per ea tempora literae erant, notam numeri annorum fuisse ferunt.* Sensus igitur huius loci erit: quorum annos in perpetua potestate, tanquam

regum, per novem continuos clavos Capitolino parieti affixos, numeratis. Huius loci a nemine huc usque intellecti hanc interpretationem debemus Cl. Dodwello: quem vide Dissert. de Cyclis Roman. x. § 76. CREV.

³ *Regum in Capitolio]* Octo in Capitolio statuas, septem regum et unam Bruti, exstructas fuisse testatur Dio. xliii. p. 226. Sueton. Iul. Caes. 76. cf. Plin. H. N. xxxiii. 1.

⁴ *Si pulli non pascentur]* De auspicio, quod e pullis gallinaceis capere solebant Romani, vid. infr. x. 40. CREV.

⁵ *Si occinuerit avis]* E cantu quoque avium omina sibi laeta tristiave

‘maiores nostri maximam hanc rem fecerunt. Nunc nos, U. C. 387.
‘tanquam iam nihil pace deorum opus sit, omnes caerimonia- A. C. 365.
‘nias polluimus. Vulgo ergo pontifices, augures, sacrificuli
6 ‘reges creentur: cuilibet apicem dialem, dummodo homo
‘sit, imponamus: tradamus ancilia, penetralia, deos, deo-
‘rumque curam, quibus nefas est. Non leges auspicato
‘ferantur, non magistratus creentur: nec centuriatis nec
‘curiatis comitiis Patres auctores fiant. Sextius et Licinius,
‘tanquam Romulus ac Tatius, in urbe Romana regnent,
‘quia pecunias alienas, quia agros dono dant. Tanta dul-
‘cedo est ex alienis fortunis praedandi: nec in mentem
‘venit, altera lege solitudines vastas in agris fieri pellendo
‘finibus dominos: altera fidem abrogari, cum qua omnis
‘humana societas tollitur. Omnium rerum causa vobis an-
‘tiquandas censeo istas rogationes. Quod faxitis, deos
‘velim fortunare.’

Oratio Appii ad id modo valuit, ut tempus rogationum 42.
7 iubendarum proferretur. Refecti decimum iidem tribuni, Decemviri
8 Sextius et Licinius, de decemviris sacrorum ex parte de sacrorum
plebe creandis legem pertulere. Creati quinque Patrum, ex plebe, et
quinque plebis: graduque eo iam via facta ad consulatum Patri-
videbatur. Hac victoria contenta plebes cessit Patribus, ut, bus.
in praesentia consulum mentione omissa, tribuni militum
crearentur. Creati A. et M. Cornelii iterum, M. Geganius, U. C. 388.
P. Manlius, L. Veturius, P. Valerius sextum. A. C. 364.
Quum A. et M. Cornelii,
praeter Velitrarum obsidionem, tardi magis rem exitus, etc. Tr.
quam dubii, quietae externae res Romanis essent; fama Mil.
repens belli Gallici allata, perpulit civitatem, ut M. Furius Camillus
dictator quintum diceretur. Is T. Quinctium Pennum V. Dicta-
9 magistrum equitum dixit. Bellatum cum Gallis eo anno tor.
circa Anienem flumen, auctor est Claudius; inclutamque Bellum
in ponte pugnam, qua T. Manlius Gallum, cum quo provo- Gallicum.
catus manus conseruit, in conspectu duorum exercituum
caesum torque spoliavit, tum pugnatam. Pluribus auctori-
bus magis adducor, ut credam, decem haud minus post

gingebant Romani. Vid. nostrum lo-
co modo memorato, et Val. Max. i.
4. Aves, quae cantu auspicia dabant,
oscines dicebantur, quales corvus, cor-
nix, noctua. Crev.

6 *Apicem dialem*] Apex proprie
dicebatur, in summo flaminis pileo
virga e felici arbore, lanceo filo religa-
ta; quod quidem filum *apiculum* vo-
cabatur. Interdum tamen, ut hoc
loco, *Aper* sumitur pro ipso pileo.
Aper autem dictus est ab eo quod
comprehendere vinculo antiqui *apere*
dicebant. Vid. Festum in vocibus

Aper et *Apiculum*, et Servium ad
Aen. ii. 683. viii. 664. Crev.

7 *Decimum*] Δεκάκις δημορχήσας.
Dion. Exc. Vat. xii. 33.

8 *Ex parte*] sc. Dimidia. cf. supr.
ii. 13. et huius libri 37.

9 *Eo anno*] Claudium Quadrigarium
de quo infr. viii. 19. rationem tempo-
rum Fabianam secutum esse existi-
mat Niebhr. atque ita pugnam Anien-
sem, quam sex haud minus post an-
nos, sc. an. 394. U. C. Livius narrat,
infr. vii. 12. in hunc annum retulisse.

U. C. 388.
A. C. 364.
Vincuntur
Galli.

Rogationes
tribunorum
acceptae.

annos ea acta: hoc autem anno in Albano agro cum Gallis, ¹
dictatore M. Furio, signa collata. Nec dubia, nec difficilis
Romanis (quanquam ingentem Galli terrorem memoria
pristinæ cladis attulerant) victoria fuit. Multa millia
barbarorum in acie, multa captis castris caesa: palati alii ²
Apuliam maxime petentes, quum fuga se longinqua, tum
quod passim eos simul pavor terrorque distulerant, ab hoste
sese tutati sunt. Dictatori, consensu Patrum plebisque,
triumphus decretus. Vixdum perfunctum eum bello
atrocius domi seditio excepit: et per ingentia certamina
dictator senatusque victus, ut rogationes tribuniciae accipe- ³
rentur; et comitia consulum adversa nobilitate habita, qui-
bus L. Sextius de plebe primus consul factus. Et ne is
quidem finis certaminum fuit. Quia patricii se auctores
futuros negabant, prope secessionem plebis res terribilesque ⁴
alias minas civilium certaminum venit: quum tamen per
dictatorem conditionibus sedatae discordiae sunt, conces-
sumque ab nobilitate plebi de consule plebeio; a plebe
nobilitati de praetore uno, qui ius in urbe diceret, ex patri-
bus creando. Ita ab diutina ira tandem in concordiam
redactis ordinibus, quum dignam eam rem senatus censeret
esse, meritoque id, si quando unquam alias, deum immor-
taliū causa libenter facturos fore, ut ludi maximi fierent, ⁵
et dies unus ad triduum adiiceretur; recusantibus id munus ⁶
aedilibus plebis, conclamatum a patriciis est iuvenibus, se ⁷
id honoris deum immortalium causa libenter acturos, ut
aediles fierent. Quibus quum ab universis gratiae actae
essent, factum senatusconsultum, ut duo viros aediles ex

¹ *In Albano agro*] Niebuhrio placet hoc bellum idem esse, atque illud quod L. Camillus an. 406. U. C. contra Gallos in Albano agro gessisse scribitur. De altera Gallorum adversus Romam expeditione loquuntur Dion. Exc. Vat. xii. 28. et Zonar. vii. 24, qui Camillum dictatorem memorant.

² *Alii Apuliam*] Haec a Diodoro repetita, qui Gallos ex Apulia redeuntes a Caeretibus in insidiis exceptos esse, et prope ad internecionem caesos narrat. xiv. 117. Sed haec omnia ad prioris belli Gallici eventus referenda. Niebhr. ii. p. 592.

³ *Victus*] Tribunos Dictatori vincula minitasse scribit Plutarch. Cam. p. 151.

⁴ *Prope secessionem*] Arma cepisse et in Aventinum secessisse plebem scribit Ov. Fast. i. 643. *Patricii se auctores futuros negabant*, sc. legem curiatam de imperio ferre recusabant.

cf. Niebhr. i. n. 849.

⁵ *Ludi maximi*] Ludi quam magnificentissimi. De his ludis accipienda videntur quae legimus infr. vii. 15. *Ludi votivi, quos M. Furius dictator voverat, facti*. Itaque verisimile est hos ludos ante concordiam restitutam Camillum vovisse, quo etiam tempore, si Plutarcho credimus, aedem Concordiae vovit; atque eius votum, redactis in concordiam ordinibus, Patres ratum habuisse. Aliter censet Gronov. quem cf. Obs. iv. 25. CREV.

⁶ *Dies unus*] Ita plebi tres illas patricias tribus Ludos Maximos communicasse existimat Niebuhrius, et Plutarchum in errore versatum esse iudicat, qui de *Latinis feriis* hic agi in vita Camilli auctor est. cf. Niebhr. ii. p. 35.

⁷ *Aedilibus plebis*] Quippe quibus procuratio plebeiorum in pratis Flaminiiis ludorum mandaretur.

8 Patribus dictator populum rogaret: Patres auctores omnibus U. C. 388.
eius anni comitiis fierent. A. C. 364.

8 *Patres auctores*] Usque ad primum Punicum bellum in hos ludos 500,000 asses ex aerario quotannis erogati sunt: postea vero cura ludorum inter ea munera civilia, quae Graece *λειτουργίαι* dicebantur, relata est, et ludi privatorum sumptu exinde editi sunt. cf. Dion, vii. 71.

EPITOME LIBRI VII.

DUO novi magistratus adiecti sunt, praetura et curulis aeditas. Pestilentia civitas laboravit, eamque insignem fecit mors Furii Camilli: cuius remedium et finis quum per novas religiones quaereretur, ludi scenici tunc primum facti sunt. Quum dies L. Manlio dicta esset a M. Pomponio tribuno plebis propter delectum acerbè actum, et T. Manlium filium rus relegatum sine ullo crimine; adolescens ipse, cuius relegatio patri obiiciebatur, venit in cubiculum tribuni, strictoque gladio coegit eum in verba sua iurare, non perseveraturum se in accusatione. Quum telluris hiatu tota ad ultimum territa patria foret, tunc omnia pretiosa missa sunt in praealtam voraginem urbis Romanae: in eam Curtius armatus, sedens equo, se praecipitavit, eaque expleta est. T. Manlius adolescens, qui patrem a tribunicia vexatione vindicaverat, contra Gallum, provocantem aliquem ex militibus Romanis, in singulare certamen descendit, eique occiso torquem aureum detraxit: quem ipse postea tulit, et ex eo Torquatus est nuncupatus. Duae tribus additae, Pomptina et Publilia. Licinius Stolo lege ab ipso lata damnatus est, quod plus quingentis iugeribus agri possideret. M. Valerius tribunus militum Gallum, a quo provocatus erat, insidente galeae corvo, et unguibus rostroque hostem infestante, occidit, et ex eo Corvi nomen accepit; consulque proximo anno, quum annos viginti tres haberet, ob virtutem creatus est. Amicitia cum Karthaginiensibus iuncta. Campani, quum urgerentur a Samnitibus bello, auxilio adversus eos a senatu petito, quum id non impetrarent, urbem atque agros populo Romano dediderunt: ob quam causam ea, quae populi Romani facta essent, defendi bello adversus Samnites placuit. Quum ab A. Cornelio consule exercitus in iniquum locum deductus in magno discrimine esset, P. Decii Muris tribuni militum opera servatus est. Qui, occupato colle super id iugum, in quo Samnites consederant, occasionem consuli in aequiorem locum evadendi dedit: ipse ab hostibus circumsessus erupit. Quum milites Romani, qui Capuae in praesidio erant relict, de ea occupanda urbe conspirassent, et, detecto consilio, metu supplicii a populo Romano defecissent; per M. Valerium Corvum dictatorem, qui consilio suo eos a furore revocaverat, patriae restituti sunt. Res praeterea contra Hernicos, et Gallos, et Tiburtes, et Privernates, et Tarquinienses, et Samnites, et Volscos prospere gestas continet.

T. LIVII PATAVINI

LIBER VII.

¹ **A**NNUS hic erit insignis novi hominis consulatu, insignis U. C. 389.
² novis duobus magistratibus, praetura et curuli aedilitate. A. C. 363.
 Hos sibi patricii quaesivere honores pro concessoplebi altero consulatu. Plebes consulatum L. Sextio, cuius L. Sextio,
 lege partus erat, dedit: Patres praeturam Sp. Furio M. filio L. Aemilio
 Camillo; aedilitatem Cn. Quinctio Capitolino et P. Cornelio Scipioni, suarum gentium viris, gratia campestri ceperunt. L. Sextio collega ex Patribus datus L. Aemilius Mamercinus. Principio anni et de Gallis, quos primo Praetor et
 palatos per Apuliam congregari iam fama erat, et de Hernicorū defectione agitata mentio. Quum de industria aediles curules
 omnia, ne quid per plebeium consulem ageretur, proferrentur, silentium omnium rerum ac iustitio simile otium fuit: nisi quod non patientibus tacitum tribunis, quod pro consule uno plebeio tres patricos magistratus, curulibus
 sellis praetextatos tanquam consules sedentes, nobilitas sibi sumpsisset, praetorem quidem etiam iura reddentem, et collegam consulibus, atque iisdem auspiciis creatum, verecundia inde imposita est senatui ex Patribus iubendi aediles curules creari. Primo, ut alternis annis ex plebe fierent.
⁴ convenerat: postea promiscuum fuit.

Inde, L. Genucio et Q. Servilio consulibus, et ab seditione

1 *Annus*] Niebuhrio ii. n. 405. placet verba plura ante vocem *annus* intercidisse, scilicet *trecentessimus octogessimus novus ab urbe condita*, atque vocem *hic*, ne oratio mutila claudicaret, a librariis insertam esse. Incuriae similis exempla citat ad initium Cic. Rep. ii. A. Gell. vi. et Cic. pro Rose, in cod. Vaticano.

2 *Novi hominis*] *Novus homo* dicebatur, cuius e maioribus nemo curulem magistratum gesserat, qui nullam habebat proinde maiorum imaginem. *Novo homini* opponebatur *nobilis*. Cuius.

3 *Gratia campestri*] Quia comitia

centuriata, quibus consules, praetores, censores creabantur, habebantur in campo Martio; inde *gratia campestris* sumitur pro favore populari, quo honores sibi quis aliusve a populo consequabatur. Crev.

4 *Postea promiscuum fuit*] Aliter visum est Niebuhrio iii. n. 72. qui alternis annis usque ad an. 590. U. C. aediles curules ex plebe creatos esse arbitratur, quippe continua Fastorum serie post bellum Punicum secundum annis paribus patricos, imparibus plebeios creatos esse confirmat, necnon ad comoedias Terentianas provocat et Polyb. x. 4.

U. C. 390. et a bello quietis rebus, ne quando a metu ac periculis
 A. C. 362. vacarent, pestilentia ingens orta. Censorem, aedilem
 L. Genucio, curulem, tres tribunos plebis mortuos ferunt, pro portione et
 Q. Servilio ex multitudine alia multa funera fuisse: maximeque eam
 Coss. pestilentiam insignem mors quam matura, tam acerba, M. 5
 Pestilentia. Furii fecit. Fuit enim vere vir unicus in omni fortuna:
 Camilli princeps pace belloque prius, quam exsulatum iret; clarior
 mors. in exilio vel desiderio civitatis, quae capta absentis implora-
 vit opem, vel felicitate, qua restitutus in patriam secum
 patriam ipsam restituit. Par deinde per quinque et viginti
 annos (tot enim postea vixit) titulo tantae gloriae fuit, dig-
 nusque habitus, quem secundum a Romulo conditorem
 urbis Romanae ferrent.

2. Et hoc et insequenti anno, C. Sulpicio Petico, C. Licinio

U. C. 391. Stolone consulibus, pestilentia fuit. Eo nihil dignum
 A. C. 361. memoria actum, nisi quod pacis deum exposcendae causa
 C. Sulpicio, tertio tum post conditam urbem lectisternium fuit. Et 6
 L. Licinio quum vis morbi nec humanis consiliis nec ope divina leva-
 Coss. retur, victis superstitione animis, ludi quoque scenici, nova
 Ludi sceni- res bellicoso populo, (nam circi modo spectaculum fuerat)
 ci primi. inter alia coelestis irae placamina instituti dicuntur. Cete-
 rum parva quoque (ut ferme principia omnia) et ea ipsa
 peregrina res fuit. Sine carmine ullo, sine imitandorum 7
 carminum actu, ludiones ex Etruria acciti, ad tibicinis
 modos saltantes, haud indecoros motus more Tusco dabant.
 Imitari deinde eos iuventus, simul inconditis inter se
 iocularia fundentes versibus, coepere; nec absoni a voce
 motus erant. Accepta itaque res saepiusque usurpando
 excitata. Vernaculis artificibus, quia hister Tusco verbo 8
 ludio vocabatur, nomen histrionibus inditum: qui non, sicut
 ante, Fescennino versu similem incompositum temere ac 9
 rudem alternis iaciebant; sed impletas modis saturas, de- 1

5 *Quam matura, tam acerba*] Nilominus acerba, quamvis ea sene-
 ctute ipsi contingeret, qua exspectari
 debuerat. STROTH.

6 *Tertio tum . . . lectisternium fuit*] Lectisternium in urbe Romana pri-
 mum fuit anno U. C. 356. Vid. supr.
 v. 13. Quo tempore autem secundo
 factum fuerit, Livius non docet. CREV.
 cf. infr. xxii. 10.

7 *Sine carmine ullo, sine imitan-
 dorum carminum actu*] h. e. Sine
 cantore qui pronuntiaret, et sine hi-
 strione, qui saltando et gesticulando
 ea, quae pronuntiabantur, exprime-
 ret: nam haec deinde addita sunt,
 quum antea ludiones nihil aliud, quam
 ad tibicinis modos saltarent. DUKER.

8 *Vernaculis artificibus*] Domesti-

cis, id est, Romanis ludionibus, sive
 actoribus.

9 *Fescennino versu*] Non iam te-
 mere iaciebant incompositum ac ru-
 dem versum, similemque Fescennino
 versu, i. e. versui. Fortasse scripserat
 Livius *versum*, quomodo habent duo
 scripti a Gronovio inspecti, et Victor.
 codex. Porro *Fescenninus* versus a
 Fescennia Etruriae urbe dictus est,
 ex qua Romam est allatus. De eo
 vid. Hor. Epist. 1. 2. CREV.

1 *Saturas*] *Satura* proprie notat
 lancem onustam uva passa, polenta,
 et omnigena ciborum ac frugum vari-
 etate, quae sacris Cereris inferebatur.
 Inde ea voce designata est rerum mi-
 stura quaedam et quasi farrago; ac
 porro genus hoc poematis, quod mul-

scripto iam ad tibicinem cantu, motuque congruenti per-
² agebant. Livius post aliquot annos, qui ab saturis ausus est
³ primus argumento fabulam serere, (idem scilicet, id quod
omnes tum erant, suorum carminum actor) dicitur, quum
⁴ canendum ante tibicinem quum statuisset, canticum egisse
aliquanto magis vigente motu, quia nihil vocis usus impe-
⁵ diebat. Inde ad manum cantari histrionibus coeptum,
⁶ diverbiaque tantum ipsorum voci relictas. Postquam lege
hac fabularum ab risu ac soluto ioco res avocabatur, et ludus
in artem paullatim verterat; iuventus, histrionibus fabellarum
actu relicto, ipsa inter se more antiquo ridicula intexta
⁷ versibus iactitare coepit: quae inde exodia postea appellata,
⁸ consertaque fabellis potissimum Atellanis sunt. Quod
genus ludorum ab Oscis acceptum tenuit iuventus, nec ab
histrionibus pollui passa est. Eo institutum manet, ut
⁹ actores Atellanarum nec tribu moveantur, et stipendia, tan-

U. C. 391.

A. C. 361.

Exodia:

Atellanae.

tis et variis rebus refertum erat. Dramaticum fuit, ut clare ex hoc loco patet. Modi autem hic intelligendi sunt modulatio quaedam ac descriptio cantus motusque corporum affectibus dramatis congruens. Dum igitur dicit Livius *impletas modis saturas*, eas vult iusta descripti ad tibicinem cantus motusque modulatione conditas, suam quandam perfectionem attigisse. CREV.

² *Livius*] Livius Andronicus, M. Livii Salinatoris libertus, fabulam docere coepit C. Claudio Centone, M. Sempronio Tuditano Coss. anno U. C. 512. CREV.

³ *Ab saturis*] Relictis saturis, connectere fabulam ex variis actibus, qui tamen omnes ad unum et idem argumentum, sive unam quandam actionem primariam referrentur. Adverte verbum *serere* hic esse a *sero*, *serui*, *sertum*, quod plane diversum est a verbo *sero*, *sevi*, *satum*, idem significante quod *semino*. CREV. *Serere* hic idem quod *conserere*. infr. xxv. 6.

⁴ *Canticum*] *Canticum* ab uno homine canebatur ad tibicinis modos. Quum autem tibicinem post actum quemque cecinisse appareat ex iis verbis, quibus Plautus in Pseudolo actum primum concludit, canticum subiici solitum esse cuique comoediae actui verisimile est. Porro *canticum agere* est gesticulationem cantico convenientem peragere. CREV.

⁵ *Ad manum cantari*] Institutum,

ut histrionis gesticulationi, quae saltando fiebat et loquaci manu, cantando responderetur: quum antea idem et caneret, et saltaret. CREV. Itaque *cantare ad tibias* est, alio tibias animante carmen voce accinere. cf. Sueton. Calig. 54.

⁶ *Diverbia*] *Diverbium* dicitur, quando diversi verba faciunt: ac nihil aliud est, quam actus et scenae, ex quibus ipsum fabulae corpus constat. Opponitur choro et cantico. CREV. *Diverbia* partes comoediarum esse, in quibus plures personae versantur, *cantica* in quibus una tantum, auctor est Diomedes.

⁷ *Quae inde*] *Unde*, quod in codd. quibusdam est, reposuit Bekker. Exodia ita dicta, vel quia singulorum diverbiorum fini subiiciebantur, vel quia extremae fabulae semel. CA-SAUBON.

⁸ *Atellanis*] Ita dictae ab Atella Oscorum civitate, Capuam inter et Neapolim sita. Osca quoque lingua agebantur, postquam Osca gens esse desierat: unde dicebantur *Osci ludi*: quippe Samnites quamvis Oscos devicerant et Campaniam omnem praeter Sidicinum agrum in suam potestatem redegerant, cf. Strabo. v. p. 237, *Osca* tamen lingua utebantur, cf. infr. x. 20. in quam ipsa Latina radices egerat.

⁹ *Actores Atellanarum*] Hos quidem *ea* improviso versus recitasse arbitratur Niebhr. iii. p. 127, similiter atque illos, quos hodie Italica lingua *improvisatori* vocantur: idem ex Atel-

U. C. 391. quam expertes artis ludicrae, faciant. Inter aliarum parva
A. C. 361. principia rerum, ludorum quoque prima origo ponenda visa
est: ut appareret, quam ab sano initio res in hanc vix opu-
lenti regnis tolerabilem insaniam venerit.

3. Nec tamen ludorum primum initium, procurandis reli-
gionibus datum, aut religione animos, aut corpora morbis
levavit. Quin etiam, quum medios forte ludos circus Tiberi
superfuso irrigatus impedisset, id vero, velut aversis iam diis
aspernantibusque placamina irae, terrorem ingentem fecit.
Itaque Cn. Genucio, L. Aemilio Mamercino secundum
consulibus, quum piaculorum magis conquisitio animos,
quam corpora morbi, afficerent, repetitum ex seniorum
memoria dicitur, pestilentiam quondam clavo ab dictatore
fixo sedatam. Ea religione adductus senatus dictatorem
clavi figendi causa dici iussit. Dictus L. Manlius Imperio-
sus, L. Pinarium magistrum equitum dixit. Lex vetusta
est, priscis literis verbisque scripta, ut, qui praetor maximus
sit, Idibus Septembribus clavum pangat. Fixa fuit dextro
lateri aedis Iovis optimi maximi, ex qua parte Minervae
templum est. Eum clavum, quia rarae per ea tempora
literae erant, notam numeri annorum fuisse ferunt: eoque
Minervae templo dicatam legem, quia numerus Minervae
inventum sit. Volsiniis quoque clavos, indices numeri
annorum, fixos in templo Nortiae, Etruscae deae, comparere,
diligens talium monumentorum auctor Cincius affirmat.

U. C. 392.
A. C. 360.
Cn. Genu-
cio, L. Ae-
milio II.
Coss.

Manlius
dictator
clavum
pangit.

Clavus an-
norum in-
dex.

lanis fabulis id genus ludicri, quod
hod. apud Neapolitanos *Pulcinella*
vocatur, provenisse existimat.

1 *In hanc*] h. e. Nostra quoque ae-
tate celebratam, ut supr. i. 5. *hoc fu-
isse ludicrum ferunt.* cf. Hor. Epist.
ii. 1. 145.

2 *Tiberi superfuso*] Augustus pri-
mus magistratum instituit qui huic
malo praevideret. Tac. Ann. i. 76.
cf. Fest. v. *Martialis campus*, qui ita
dicebatur, "quod in eo Equiria sole-
bant fieri, si quando aquae Tiberis
Campum Martium occupassent."

3 *Pestilentiam quondam*] Haec non
eo sensu intelligenda videntur, ut cla-
vus iam antea, pestilentiae sedandae
causa, a dictatore fixus fuisse dicatur,
sed pestilentia quodam anno esse se-
data, quum clavus annorum index
non ab ordinario magistratu, sed a
dictatore fixus esset. Unde argu-
mentabantur clavum ab dictatore
fixum levando morbo salubrem fu-
isse. Vid. infr. viii. 18. aliud exem-
plum, aliamque causam dictatoris cla-
vi figendi causa creati. CREV.

4 *Qui praetor maximus sit*] Qui

imperium summum in civitate ha-
beat. Praetor a *praeundo*. cf. Cic.
de Legg. iii. 3.

5 *Dextro lateri aedis*] Capitolinum
templum tres aedes pares continebat
communibus inclusas lateribus: me-
diam Iovis; a lateribus alteram Iu-
nonis, alteram Minervae. Hinc lex,
quae hoc loco dicitur fixa fuisse dex-
tro lateri aedis Iovis optimi maximi,
infra dicitur Minervae templo dicata.
CREV.

6 *Indices numeri annorum*] Quia
literae rarae eo tempore erant, ut
Cincius existimavit. Haec autem ra-
tio annorum clavo figendo Idibus
Septembris numerandorum servata
erat, ne quum anni consularis initium
aliquando ob interregna dilatum es-
set, ratio vera temporum amitteretur:
postquam vero novos consules cir-
cumactum ante priorum consulum
annum designari in usum venit, res
haec ommissa est, et sexto fere saeculo
urbis Romae ex memoria hominum
pene excidit.

7 *Cincius*] L. Cincius Alimentus,
sic enim integre expressum nomen

M. Horatius consul ex lege templum Iovis optimi maximi U. C. 392.
 dedicavit anno post reges exactos: a consulibus postea ad A. C. 360.
 dictatores, quia maius imperium erat, solenne clavi figendi
 translatum est. Intermisso deinde more, digna etiam per
 se visa res, propter quam dictator crearetur. Qua de causa
 creatus L. Manlius, perinde ac reipublicae gerendae, ac
 non solvendae religione, gratia creatus esset, bellum Herni-
 cum affectans, delectu acerbo iuventutem agitavit; tandem-
 que omnibus in eum tribunis plebis coortis, seu vi, seu vere-
 cundia victus, dictatura abiit.

Manlius de-
 lectum ha-
 bere cona-
 tur, frustra.

Neque eo minus principio insequentis anni, Q. Servilio 4.
 Ahala, L. Genucio consulibus, dies Manlio dicitur a M. U. C. 393.
 8 Pomponio tribuno plebis. Acerbitas in delectu, non damno A. C. 359.
 modo civium, sed etiam laceratione corporum lata, partim Q. Servilio
 virgis caesis, qui ad nomina non respondissent, partim in II. L. Ge-
 vincula ductis, invisum erat: et ante omnia invisum ipsum nuccio II.
 ingenium atrox, cognomenque Imperiosi grave liberae civi- Coss.
 tati, ab ostentatione sacvitiae ascitum; quam non magis in Manlio dies
 alienis, quam in proximis, ac sanguine ipse suo exerceret. dicta.
 Criminique ei tribunus inter cetera dabat, 'quod filium
 'iuvenem, nullius probri compertum, extorrem urbe, domo,
 'penatibus, foro, luce, congressu aequalium prohibitum, in
 'opus servile, prope in carcerem atque in ergastulum,
 'dederit: ubi summo loco natus dictatorius iuvenis quoti-
 'diana miseria disceret, vere imperioso patre se natum esse.
 'At quam ob noxam? quia infacundior sit, et lingua
 9 'impromptus. Quod naturae damnum utrum nutriendum
 'patri, si quicquam in eo humani esset, an castigandum ac
 'vexatione insigne faciendum fuisse? ne mutas quidem
 'bestias minus alere ac fovere, si quid ex progenie sua
 'parum prosperum sit. At, bereule, L. Manlium malum malo
 'augere filii, et tarditatem ingenii insuper premere; et, si
 'quid in eo exiguum naturalis vigoris sit, id extinguere vita
 'agresti et rustico cultu, inter pecudes habendo.' Omnium 5.
 potius his criminationibus, quam ipsius iuvenis, irritatus est
 animus: quin contra, se quoque parenti causam invidiae
 atque criminum esse, aegre passus, ut omnes dii hominesque

Acerbitas
 eius in fi-
 lium.

Filii eius
 pietas.

eius est a Livio, xxi. 38. aequalis Fa-
 bin Pictoris, bello Punico secundo
 captus ab Hannibale, teste Livio ibi-
 dem. Hunc scriptorem historiarum
 valde probabiliter iudicat Vossius, de
 Histor. Lat. i. 4. non diversum esse
 ab illo L. Cincio Alimento qui prae-
 turam gessisse memoratur a Livio,
 xxvi. 23. anno eiusdem belli nono.
 Graeca lingua scripsisse eum histo-
 riam a primordio urbis docet Dion. i.
 6. CREV.

8 *Acerbitas in delectu*] Manlii
 acerbitas in delectu, quam senserant
 cives non multis modo irrogatis sibi,
 quae proinde damnum, sive iacturam
 rei familiaris importarent, sed et la-
 ceratione corporum. CREV.

9 *Nutriendum*] Mollibus remediis
 et paterna indulgentia medicandum.
 supr. iv. 52. infr. xxxvi. 35. Unde il-
 lius nutricio aeger convalesci. cf. Se-
 nec. ad Helv. 17.

U. C. 393. scirent, se parenti opem latam, quam inimicis eius, malle,
 A. C. 359. capit consilium, rudis quidem atque agrestis animi, et quan-
 quam non civilis exempli, tamen pietate laudabile. Insci-
 entibus cunctis, cultro succinctus, mane in urbem, atque a
 porta domum confestim ad M. Pomponium tribunum
 pergit: ianitori, 'opus esse sibi domino eius convento
 'extemplo,' ait: 'nuntiaret, T. Manlium L. filium esse.'
 Mox introductus, (etenim percitum ira in patrem spes erat
 aut criminis aliquid novi, aut consilii ad rem agendam,
 deferre) salute accepta redditaque, 'esse,' ait, 'quae cum eo
 'agere arbitris remotis velit.' Procul inde omnibus abire
 iussis, cultrum stringit: et, super lectum stans ferro intento,
 nisi, in quae ipse concepisset verba, iuraret, 'se patris eius
 'accusandi causa concilium plebis nunquam habiturum,' se
 eum extemplo transfixurum minatur. Pavidus tribunus
 (quippe qui ferrum ante oculos micare, se solum, inermem;
 illum praevalidum iuvenem, et, quod haud minus timendum
 erat, stolide ferocem viribus suis cerneret) adiurat, in quae
 adactus est verba; et prae se deinde tulit, ea vi subactum
 se incepto destitisse. Nec perinde, ut maluisset plebes,
 sibi suffragii ferendi de tam crudeli et superbo reo pote-
 statem fieri; ita aegre habuit, filium id pro parente ausum:
 eoque id laudabilius erat, quod animum eius tanta acerbitas
 patria nihil a pietate avertisset. Itaque non patri modo
 remissa causae dictio est, sed ipsi etiam adolescenti ea res
 honori fuit: et quum eo anno primum placuisset, tribunos
 militum ad legiones suffragio fieri, (nam et antea, sicut²
 nunc, quos Rufulos vocant, imperatores ipsi faciebant)³
 secundum in sex locis tenuit, nullis domi militiaeque ad⁴
 conciliandam gratiam meritis; ut qui rure et procul coetu
 hominum iuventam egisset.

6. Eodem anno, seu motu terrae, seu qua vi alia, forum
 medium ferme specu vasto collapsum in immensam alti-
 tudinem dicitur; neque eam voraginem coniectu terrae,
 quum pro se quisque gereret, expleri potuisse prius, quam
 deum monitu quaeri coeptum, quo plurimum populus Ro-
 manus posset? Id enim illi loco dicandum, vates canebant,
 si rempublicam Romanam perpetuam esse vellent. Tum

Vorago in
 foro.

¹ *Non civilis exempli*] Eius, quod civem deceat, ut supr. vi. 40.

² *Suffragio fieri*] cf. Infr. ix. 30.

³ *Quos Rufulos vocant*] *Rufuli* appellabantur, inquit Festus, *tribuni militum a consule facti, non a populo: de quorum iure quod Rutilius Rufus legem tulerit, Rufuli, ac post Rutili, sive potius Rutili, appellati sunt. Alii sunt comitiati, in-*

quit Ascon. in Cic. Divin. *qui Romae comitiis designantur.* CREV.

⁴ *Secundum in sex locis*] Si legiones quattuor, ut moris erat, hoc anno scriptae sunt, quattuor et viginti tribunis militum opus erat. Sed per haec tempora dictatores et consules, perquam paucis suffragio populi relictis locis, reliqua sui beneficii faciebant, teste Livio infr. ix. 30. CREV.

M. Curtium, iuvenem bello egregium, castigasse ferunt U. C. 393.
 5 dubitantes, an ullum magis Romanum bonum, quam arma A. C. 359.
 virtusque, esset. Silentio facto, templa deorum immorta- In eam se
 lium, quae foro imminet, Capitoliumque intuentem, et M. Curtius
 manus nunc in coelum, nunc in patentes terrae hiatus ad immittit.
 deos Manes porrigentem, se devovisse: equo deinde quam
 poterat maxime exornato insidentem, armatum se in specum
 immisisse, donaque ac fruges super eum a multitudine vi-
 rorum ac mulierum congestas; lacumque Curtium, non ab
 6 antiquo illo T. Tatii milite Curtio Metto, sed ab hoc ap-
 pellatum. Cura non deesset, si qua ad verum via inqui-
 rentem ferret: nunc fama rerum standum est, ubi certam
 derogat vetustas fidem; et lacus nomen ab hac recentiore
 insignitius fabula est.

Post tanti prodigii procurationem, eodem anno de Her- Bellum
 nienis consultus senatus, quum fetiales ad res repetendas ne- cum Her-
 quicquam misisset, primo quoque die ferendum ad populum nienis.
 de bello indicendo Hernienis censuit; populusque id bellum
 frequens iussit. L. Genucio consuli ea provincia sorte
 evenit. In expectatione civitas erat, quod primus ille de
 plebe consul bellum suis auspiciis gesturus esset; perinde
 ut eveniret res, ita communicatos honores pro bene aut
 secus consulto habitura. Forte ita tulit casus, ut Genucius, Genucius
 ad hostes magno conatu profectus, in insidias praecipitaret; male rem
 legionibus necopinato pavore fuis, consul circumventus ab gerit.
 insidiis, quem interfecissent, occideretur. Quod ubi est
 Romam nuntiatum, nequaquam tantum publica calamitate
 maesti Patres, quantum feroces infelici consulis plebeii
 ductu, fremunt omnibus locis: 'Irent, crearent consules ex
 'plebe, transferrent auspicia, quo nefas esset. Potuisse
 'Patres plebiscito pelli honoribus suis: num etiam in deos
 'immortales inauspicatam legem valuisse? Vindicasse
 'ipsos suum numen, sua auspicia: quae ut primum con-
 'tacta sint ab eo, a quo nec ius nec fas fuerit, deletum cum
 'duce exercitum documento fuisse, ne deinde, turbato
 7 'gentium iure, comitia haberentur.' His vocibus curia et Appius
 forum personat. Ap. Claudium, quia dissuaserat legem, Claudius
 maiore nunc auctoritate eventum reprehensi ab se consilii dictator.
 incusantem, dictatorem consensu patriciorum Servilius
 consul dicit, delectusque et iustitium indictum.

5 *Dubitantes, an*] Adeo incertos, ut prope crederent. Similiter *nescio an pro prope certus sum.* RASCH.

6 *Tatii milite*] Quem nomen lacui indidisse Piso auctor est. cf. supr. i. 13. Dion. ii. 42. Heynius in Opusc. Acad. iii. p. 118. sulphureum halitum hic

intelligi suspicatur, cuius spiramen- tum mutatione quadam soli oclusum est.

7 *Gentium iure*] Iure ac discrimine generis et familiarum, ut supr. iv. 1.

U. C. 393.
A. C. 359.
7.

Priusquam dictator legionesque novae in Hernicos venirent, ductu C. Sulpicii legati res per occasionem gesta egregie est. In Hernicos, morte consulis contemptim ad castra Romana cum haud dubia expugnandi spe succedentes, hortante legato, et plenae irae atque indignitatis militum animis, eruptio est facta. Multum ab spe adeundi valli res Hernicis afuit: adeo turbatis inde ordinibus abscessere. Dictatoris deinde adventu novus veteri exercitus iungitur, et copiae duplicantur: et pro concione dictator laudibus legati militumque, quorum virtute castra defensa erant, simul audientibus laudes meritas, tollit animos; simul ceteros ad aemulandas virtutes acuit. Neque segnius ad 8 hostes bellum apparatus, qui, et parti ante decoris memores, neque ignari auctarum virium hostis, suas quoque vires augment. Omne Hernicum nomen, omnis militaris aetas excitur. Quadringenariae octo cohortes, lecta robora 9 virorum, scribuntur. Hunc eximium florem iuventutis eo etiam, quod, ut duplex acciperent stipendium, decreverant, spei animorumque implevere. Immunes quoque operum militarium erant, ut, in unum pugnae laborem reservati, plus sibi, quam pro virili parte, annitendum scirent. Extra ordinem etiam in acie locati, quo conspectior virtus esset. Duum millium planities castra Romana ab Hernicis dirimebat: ibi pari ferme utrimque spatio in medio pugnatum est. Primo stetit ambigua spe pugna; nequicquam saepe conatis equitibus Romanis impetu turbare hostium aciem. Postquam equestris pugna effectum, quam conatibus, vanior erat; consulto prius dictatore equites, permissu deinde eius, relictis equis, clamore ingenti provolant ante 1 signa, et novam integrant pugnam: neque sustineri poterant, ni extraordinariae cohortes pari corporum animorumque robore se obiecissent. Tunc inter primores duorum populorum res geritur. Quicquid hinc aut illinc communis Mars belli aufert, multiplex, quam pro numero, damnum est: vulgus aliud armatorum, velut delegata primoribus pugna, eventum suum in virtute aliena ponit. Multi utrimque cadunt, plures vulnera accipiunt. Tandem equites alius alium increpantes, 'quid deinde restaret,' quaerendo, 'si neque ex equis pepulissent hostem, neque 'pedites quicquam momenti facerent? quam tertiam exspectarent pugnam? quid ante signa feroces prosiluissent,

Atrox
pugna.

8.

8 *Ad hostes*] sc. Apud hostes. *Ad* pro *apud* saepissime dicitur, ut supr. vi. 34. *potentis ad plebem et gratiam ad vulgum quaesierat.* et infr. x. 29. *formidinis plena omnia ad hostes esse.*

9 *Quadringenariae*] Pari numero

Samnitium cohortes erant. infr. x. 40.

1 *Relictis equis*] Haud dubie hic et alibi equites pedestrem pugnam cient, quia in regione equis minime opportuna res gerebatur.

‘et alieno pugnarent loco?’ His inter se vocibus concitati, U. C. 393.
clamore renovato, inferunt pedem: et primum gradu mo- A. C. 359.
verunt hostem, deinde pepulerunt; postremo iam haud
dubie avertunt. Neque, tam vires pares quae superaverit Vincuntur
res, facile dictu est, nisi quod perpetua fortuna utriusque Hernici.
populi et extollere animos, et minuere potuit. Usque ad
castra fugientes Hernicos Romanus sequitur: castrorum
2 oppugnatione, quia serum erat diei, abstinuere. Diu non
perlitatum tenuerat dictatorem, ne ante meridiem signum
dare posset: eo in noctem tractum erat certamen. Postero
die deserta fuga castra Hernicorum, et saucii relictii quidam
3 inventi; agmenque fugientium ab Signinis, quum praeter
4 moenia eorum infrequentia conspecta signa essent, fusum,
ac per agros trepida fuga palatum est. Nec Romanis in-
cruenta victoria fuit: quarta pars militum amissa; et, ubi
haud minus iacturae fuit, aliquot equites Romani cecidere.

Insequenti anno, quum C. Sulpicius et C. Licinius Cal- 9.
vus consules in Hernicos exercitum duxissent, neque in- U. C. 394.
ventis in agro hostibus, Ferentinum urbem eorum vi cepis- A. C. 358.
sent, revertentibus inde iis Tiburtes portas clausere. Ea C. Sulpicio
ultima fuit causa, quum multae antea querimoniae ultro II. C. Lici-
citroque iactatae essent, cur, per fetiales rebus repetitis, nio II. Coss.
bellum Tiburti populo indiceretur. Dictatorem T. Quin- Bellum
etium Pennum eo anno fuisse, satis constat, et magistrum cum Tibur-
equitum Ser. Cornelium Maluginensem. Macer Licinius tibus.
comitiorum habendorum causa, et ab Licinio consule dic- T. Quin-
tor. etius Pen-
5 tum scribit, quia, collega comitia bello praeferre festinante, nus dicta-
ut continuaret consulatum, obviam eundum pravae cupi- tor.
ditati fuerit. Quaesita ea propriae familiae laus levio-
rem auctorem Licinium facit. Quum mentionem eius rei in Bellum
vetustioribus annalibus nullam inveniam, magis, ut belli Gallicum.
Gallici causa dictatorem creatum arbitrer, inclinatur animus.
6 Eo certe anno Galli ad tertium lapidem Salaria via trans
7 pontem Anienis castra habuere. Dictator, quum tumultus
Gallici causa iustitium edixisset, omnes iuniores sacramento

2 *Diu non perlitatum*] cf. Supr. iv. 49. *Tentatum ab L. Scuto . . . discussum est.* Graece το μὴ καλὰε ποταμ.

3 *Ab Signinis*] Palmaria Crevierii et F. W. Reizii coniectura, quae Nihilino non a me ardet. Signia erat colonia Romana, non procul ab Hernicorum terris. cf. supr. i. 56. ii. 21. *Quum ab signis* legebatur.

4 *Infrequentia . . . signa*] sc. Quae moribus non frequentabantur, i. e. stipabantur.

5 *Comitia bello praeferre*] Comitia

habere antequam ad bellum iretur. Cicerv.

6 *Salaria via*] *Salaria via appellata est*, auctore Festo, quia *Saloni* nunc *canal* a mari deferunt. Incepit a porta Collina. Cicerv.

7 *Tumultus Gallicus*] Quid sit proprie *tumultus*, docet Cic. Phil. viii. 2, 3. his verbis. “Potest bellum esse sine tumultu: tumultus esse sine bello non potest. Quid enim est aliud tumultus, nisi perturbatio tanta, ut maior timor orietur? unde etiam nomen ductum est tumultus.” (Tumultus

U. C. 394.
A. C. 358.

10.

Singulare
certamen
T. Manlii
cum Gallo.

adegit, ingentique exercitu ab urbe profectus, in citeriore ripa Anienis castra posuit. Pons in medio erat, neutris eum rumpentibus, ne timoris indicium esset. Proelia de occupando ponte crebra erant; nec, qui potirentur, incertis viribus, satis discerni poterat. Tum eximia corporis magnitudine in vacuum pontem Gallus processit; et, quantum maxima voce potuit, ‘Quem nunc,’ inquit, ‘Roma virum fortissimum habet, procedat, agedum, ad pugnam, ut noster duorum eventus ostendat, utra gens bello sit melior.’ Diu inter primores iuvenum Romanorum silentium fuit, quum et abnuere certamen vererentur, et praecipuam sortem periculi petere nollent. Tum T. Manlius, L. filius, qui patrem a vexatione tribunicia vindicaverat, ex statione ad dictatorem pergīt: ‘Iniussu tuo,’ inquit, ‘imperator, extra ordinem nunquam pugnaverim; non, si certam victoriam videam. Si tu permittis, volo ego illi belluae ostendere, quando adeo ferox praesultat hostium signis, me ex ea familia ortum, quae Gallorum agmen ex rupe Tarpeia deiecit.’ Tum dictator, ‘Macte virtute,’ inquit, ‘ac pietate in patrem patriamque, T. Manli, esto. Perge, et nomen Romanum invictum, iuvantibus diis, praesta.’ Armant inde iuvenem aequales: pedestre scutum capit, Hispano cingitur gladio,⁸₉

nempe videtur Ciceroni dictus esse, quasi *timor multus*; licet hodie docti deducant potius a *tumeo*.) “Itaque maiores nostri tumultum Italicum, quod erat domesticus; tumultum Gallicum, quod erat Italiae finitimus; praeterea nullum tumultum nominabant. Gravius autem tumultum esse, quam bellum, hinc intelligi licet, quod bello vacationes valent, tumultu non valent.” Idem aliud agendo describit ea quae tumultum comitari solebant, Phil. v. 31. “Tumultum,” inquit, “decerni, iustitium indici, saga sumi dico oportere, delectum haberi sublati vacationibus in urbe et in Italia.” Et eodem modo Livius infr. 28. “Quum (quod per magnos tumultus solet) iustitio indicto, delectus sine vacationibus habitus esset.” Quae tamen omnia ita accipienda sunt, ut tumultus, praeter hanc strictiorem et maxime propriam significationem, etiam laxiore sensu quamlibet perturbationem ac trepidationem denotet. CREV. cf. supr. ii. 26. vii. 42.

8 *Pedestre scutum capit*] Pro parma nimirum, quam equites gerebant. In hac pugna describenda secutus est Livius Claudium Quadrigarium, cu-

ius verba vid. apud A. Gell. ix. 13. CREV.

9 *Hispano ... gladio*] Gladius Hispanicus brevitate agilis erat, “pariterque,” inquit Polyb. vi. 23. “et ad punctum laedendum excellens, et ad caesim ex utraque parte ferendum vehemens. Constabat enim lamina valida et firma.” Eo Romani milites utebantur. *Hispanici* appellatio indicat eum Romanos ab Hispanis accepisse. Sed his temporibus quodnam Romanis cum Hispania commercium erat? Et Polybius testis est Romanos bello Hannibalico gladios Hispanos pro patriis assumere coepisse. Dicamus igitur cum Lipsio Livium, sive potius Quadrigarium hic indicare voluisse gladium pedestrem, qui diversus erat ab equestri: quum autem illo aevo quo scribebat Quadrigarius, gladius Romanorum pedester *Hispanicus* et esset, et vocifere-
tur, illum scriptorem locutum esse ex suae aetatis consuetudine, quamvis gladius quo Manlius usus est, non fuerit revera Hispanicus, sed ex veteri Romanorum more. Vid. Lips. de Mil. Rom. iii. 3. CREV.

ad propiorem habili pugnam. Armatum adornatumque U. C. 394.
 adversus Gallum stolidè laetum, et (quoniam id quoque A. C. 358.
 memoria dignum antiquis visum est) linguam etiam ab
 irrisu exserentem, producunt. Recipiunt inde se ad stationem: et duo in medio armati, spectaculi magis more, quam lege belli, destituuntur, nequaquam visu ac specie aestimantibus pares. Corpus alteri magnitudine eximium, versicolori veste pictisque et auro caelatis refulgens armis: media in altero militaris statura, modicaque in armis habilibus magis quam decoris species. Non cantus, non exsultatio armorumque agitatio vana, sed pectus, animum iraeque tacitae plenum, omnem ferociam in discrimen ipsum certaminis distulerat. Ubi constitere inter duas acies, tot circa mortalium animis spe metuque pendentibus, Gallus, velut moles superne imminens, proiecto laeva scuto, in advenientis arma hostis vanum caesim cum ingenti sonitu ensem deiecit. Romanus, mucrone subrecto, quum scuto scutum imum perculisset, totoque corpore interior periculo vulneris factus, insinuasset se inter corpus armaeque, uno alteroque subinde ictu ventrem atque inguina hausit, et in spatium ingens ruentem porrexerat hostem. Iacentis inde corpus, ab omni alia vexatione intactum, uno torque spoliavit: quem respersum cruore collo circumdedit suo. Defixerat pavor cum admiratione Gallos. Romani, alacres ab statione obviam militi suo progressi, gratulantes laudantesque ad dictatorem perducunt. Inter carminum prope modum incondita quaedam militariter ioculantes, Torquati cognomen auditum; celebratum deinde posteris etiam familiaeque honori fuit. Dictator coronam auream addidit donum, mirisque pro concione eam pugnam laudibus tulit.

Et, hercule, tanti ea ad universi belli eventum momenti 11.
 dimicatio fuit, ut Gallorum exercitus proxima nocte, relictis Gallii in
 trepide castris, in Tiburtem agrum, atque inde, societate Campaniam trans-
 belli facta, comiteatque benigne ab Tiburtibus adiutus, eunt.
 mox in Campaniam transierit. Ea fuit causa, cur proximo

1 *Spectaculi . . . more*] Alludit Livius ad gladiatorum pugnas. CREV.

2 *Caesim*] Gallis gladii praelongi erant, ac sine mucronibus: teste Livio, xxii. 46. Itaque caesim tantum ferire poterant hostem. CREV. cf. Polyb. ii. 30. 32, *καταπορὴν ἔχειν μόνον*, iii. 114.

3 *Quum scuto scutum imum perculisset*] Ut de gradu hostem dederet, et, occasione data ex incerto et vacillanti eius motu, sese posset inter corpus eius armaeque insinuare. CREV.

4 *Interior periculo*] Intra ictum gladii i. e. propior hosti, quam ut gladio eius, qui praelongus erat, ac caesim tantum feriebat, posset vulnerari. CREV.

5 *Inguina hausit*] Poetica haec locutio, quam ex verbis Claudii ap. A. Gell. ix. 13. noster desumpsit.

6 *Inter carminum*] Constructionem horum verborum recte docuit Gronov. *Torquati cognomen auditum inter ioculantes militariter incondita quaedam prope carminum modum.*

U. C. 395. anno C. Poetelius Balbus consul, quum collegae eius M. A. C. 357. Fabio Ambusto Hernici provincia evenisset, adversus C. Poetelio, Tiburtes iussu populi exercitum duceret. Ad quorum M. Fabio Coss. auxilium quum Galli ex Campania redissent, foedae populationes in Lavicano, Tusculanoque, et Albano agro, haud dubie Tiburtibus ducibus, sunt factae. Et, quum adversus Tiburtem hostem duce consule contenta respublica esset, Q. Servilius Gallicus tumultus dictatorem creari coegit. Creatus Q. dictator. Servilius Ahala T. Quinctium magistrum equitum dixit; et ex auctoritate Patrum, si prospere id bellum evenisset, ludos magnos vovit. Dictator ad continendos proprio bello 7 Tiburtes consulari exercitu iusso manere, omnes iuniores, nullo detrectante militiam, sacramento adegit. Pugnatum haud procul porta Collina est totius viribus urbis, in conspectu parentum coniugumque ac liberorum: quae magna, etiam absentibus, hortamenta animi, tum subiecta oculis, simul verecundia misericordiaque militem accendebant. Magna utrimque edita caede, avertitur tandem acies Gallorum. Fuga Tibur, sicut arcem belli Gallici, petunt: palati a consule Poetelio haud procul Tibure excepti, egressis ad opem ferendam Tiburtibus, simul cum his intra portas compelluntur. Egregie quum ab dictatore, tum ab consule res gesta est. Et consul alter Fabius proeliis primum parvis, postremo una insigni pugna, quum hostes totis adorti copiis essent, Hernicos devincit. Dictator, consilibus in senatu et apud populum magnifice collaudatis, et suarum quoque rerum illis remisso honore, dictatura se abdicavit. Poetelius de Gallis Tiburtibusque geminum triumphum egit. Fabio satis visum, ut ovans urbem iniret. Irridere Poetelii triumphum Tiburtes: ‘ubi enim eum ‘secum acie conflixisse? spectatores paucos fugae trepidationisque Gallorum, extra portas egressos, postquam in se ‘quoque fieri impetum viderint, et sine discrimine obvios ‘caedi, recepisse se intra urbem. Eam rem triumpho dignam visam Romanis? Ne nimis mirum magnumque censerent, tumultum exciere in hostium portis, maiorem ipsos ‘trepidationem ante moenia sua visuros.’

12. Itaque insequenti anno, M. Popillio Laenate, Cn. Manlio 8

7 *Ludos magnos*] sc. Instaurandos aut inusitatiorē apparatu celebrandos. ut supr. iv. 27.

8 *M. Popillio Laenate*] Hic Popilius *Laenatis* sibi cognomen in hoc magistratu cepit, ut discimus ex Cic. in Bruto, 14. “Licet aliquid etiam,” inquit ille, “de M. Popillii ingenio suspicari, qui quum consul esset, eodemque tempore sacrificium

publicum cum laena faceret, quod erat Flamen Carmentalis, plebei contra Patres concitatione et seditione nuntiata, ut erat laena amictus, ita venit in concionem, seditionemque, quum auctoritate, tum oratione sedavit.” Et sane infra, hoc ipso cap. Livius seditionis orientis mentionem facit. *Laena* erat vestis crassior, instar duplicis togae. CREV.

consulibus, primo silentio noctis ab Tibure agmine infesto U. C. 396.
 profecti, ad urbem Romam venerunt. Terrorem repente A. C. 356.
 ex somno excitatis subita res et nocturnus pavor prae- M. Popillio,
 buit : Cn. Manlio
 ad hoc multorum inscitia, qui, aut unde, hostes advenissent. Coss.
 Conclamatum tamen celeriter ad arma est, et portae sta-
 tionibus, murique praesidiis firmati : et ubi prima lux me- Tiburtes ad
 diocrem multitudinem ante moenia, neque alium, quam Romae
 Tiburtem, hostem ostendit, duabus portis egressi consules moenia
 utrimque aciem subeuntium iam muros aggrediuntur : ap- victi.
 paruitque, occasione magis, quam virtute, fretos venisse :
 adeo vix primum impetum Romanorum sustinuerunt. Quin
 etiam bono fuisse Romanis adventum eorum constabat,
 orientemque iam seditionem inter Patres et plebem metu
 tam propinqui belli compressam.

Alius adventus hostium fuit proximo bello, agris, quam
 urbi, terribilior. Populabundi Tarquinienses fines Ro- Tarquini-
 manos, maxime qua ex parte Etruriam adiacent, peragra- ense bel-
 vere : rebusque nequicquam repetitis, novi consules C. U. C. 397.
 Fabius et C. Plautius iussu populi bellum indixere ; Fa- A. C. 355.
 bioque ea provincia, Plautio Hernici evenere. Gallici C. Fabio,
 quoque belli fama increbescebat. Sed inter multos ter- C. Plautio
 rores solatio fuit pax Latinis petentibus data, et magna vis Coss.
 9 militum ab iis ex foedere vetusto, quod multis intermiserant
 annis, accepta. Quo praesidio quum fulta res Romana
 esset, levius fuit, quod Gallos mox Praeneste venisse, atque
 inde circa Pedum consedis- se, auditum est. Dictatorem Sulpicius
 dici C. Sulpicium placuit. Consul ad id accitus C. Plau- dictator.
 tius dixit : magister equitum dictatori additus M. Valerius.
 Ili robora militum, ex duobus consularibus exercitibus
 electa, adversus Gallos duxerunt. Lentius id aliquanto Bellum
 bellum, quam parti utrique placebat, fuit. Quum primo Gallicum.
 Galli tantum avidi certaminis fuissent, deinde Romanus
 miles, ruendo in arma ac dimicationem, aliquantum Gal-
 licam ferociam vinceret ; dictatori neutiquam placebat, Dictatoris
 quando nulla cogeret res, fortunae se committere adversus cunctatio.
 hostem, quem tempus deteriorem in dies et locus alienus
 faceret, sine praeparato comaeatu, sine firmo munimento
 morantem : ad hoc iis animis corporibusque, quorum omnis
 in impetu vis esset, parva eadem languesceret mora. His
 consiliis dictator bellum trahebat, gravemque edixerat poc-

9 *Foedere vetusto*] Quod a Sp. Cassio
 an. 261. U. C. rectum fuerat ; iam vero
 illud foedus novis conditionibus addi-
 tis renovatum fuisse Niebhr. iii. n.
 168. existimat, quibus sancitum est,
 ut sociae acies manipulatim una in-
 struerentur, ita tamen ut alternis

annis centuriones Romanus et La-
 tinus primos ordines ducerent. Hoc
 vero respicit noster infr. viii. 9. quando
 principum centuriones Latinum et Ro-
 manum inter se notissimos esse dicit,
qua pares semper ordines duxerant.

U. C. 397. nam, si quis iniussu in hostem pugnasset. Milites, aegre
 A. C. 355. id patientes, primo in stationibus vigiliisque inter se dicta-
 Ingrata mi- torem sermonibus carpere; interdum Patres communiter
 litibus. increpare, quod non iussissent per consules geri bellum.
 ‘Electum esse eximium imperatorem, unicum ducem, qui
 ‘nihil agenti sibi de coelo devolaturam in sinum victoriam
 ‘censeat.’ Eadem deinde haec interdiu propalam, ac fero-
 ciora his, iactare; ‘se iniussu imperatoris aut dimicatu-
 ‘aut agmine Romam ituros.’ Immiscerique militibus cen-
 turiones: nec in circulis modo fremere, sed iam in prin-¹
 cipiis ac praetorio in unum sermones confundi, atque in
 concionis magnitudinem crescere turba, et vociferari ex
 omnibus locis, ‘ut extemplo ad dictatorem iretur: verba
 ‘pro exercitu faceret Sex. Tullius, ut virtute eius dignum
 ‘esset.’ Septimum primum pilum iam Tullius ducebat;²
 neque erat in exercitu, qui quidem pedestria stipendia fe-
 cisset, vir factis nobilior. Is, praecedens militum agmen,
 ad tribunal pergit; mirantique Sulpicio non turbam magis,
 quam turbae principem Tullium, imperiis obedientissimum
 militem, ‘Scilicet, dictator,’ inquit, ‘condemnatum se
 ‘universus exercitus a te ignaviae ratus, et prope igno-
 ‘miniae causa destitutum sine armis, oravit me, ut suam³
 ‘causam apud te agerem. Equidem, sicubi loco cessum,
 ‘si terga data hosti, si signa foede amissa oblici nobis pos-
 ‘sent, tamen hoc a te impetrari aequum censerem, ut nos
 ‘virtute culpam nostram corrigere, et abolere flagitii memo-
 ‘riam nova gloria patereris. Etiam ad Alliam fusae le-
 ‘giones eandem, quam per pavorem amiserant, patriam,
 ‘profectae postea ab Veiiis, virtute recuperavere. Nobis,
 ‘deum benignitate, felicitate tua populique Romani, et res
 ‘et gloria est integra. Quanquam de gloria vix dicere
 ‘ausim, si nos et hostes haud secus, quam feminas, abditos
 ‘intra vallum omnibus contumeliis eludunt; et tu imperator
 ‘noster, quod aegrius patimur, exercitum tuum sine animis,
 ‘sine armis, sine manibus iudicas esse; et prius, quam ex-
 ‘pertus nos esses, de nobis ita desperasti, ut te mancorum
 ‘ac debilium ducem iudicares esse. Quid enim aliud esse
 ‘causae credemus, cur veteranus dux, fortissimus bello,
 ‘compressis, quod aiunt, manibus sedeas? utcunque enim
 ‘se habet res, te de nostra virtute dubitasse videri, quam

13.

Sex. Tullii
 ad dictato-
 rem oratio
 militum no-
 mine.

¹ *In principiis*] In ea parte cas-
 trorum, ubi praecipuorum ducum ten-
 toria et signa militaria fixa erant.
Ac praetorio, i. e. prope ipsum prae-
 toris sive imperatoris tabernaculum.

² *Septimum*] Septima iam vice pri-
 mum pilum ducebat. De centurione
 primipili, cf. supr. ii. 27.

³ *Destitutum sine armis*] Alludit
 ad militare poenae genus, quo ii, qui
 loco cesserant, ignominiae causa dis-
 cincti atque etiam aliquando tunicati,
 destituti gladiis, stare aliquamdiu iu-
 bebantur. Vid. Liv. xxvii. 13. et Suc-
 ton. in Aug. 24. CREV.

'nos de tua, verius est. Sin autem non tuum istuc, sed U. C. 397.
 'publicum est consilium, et consensus aliquis Patrum, non A. C. 355.
 'Gallicum bellum, nos ab urbe, a penatibus nostris able-
 'gatos tenet: quaeso, ut ea, quae dicam, non a militibus
 'imperatorī dicta censeas, sed a plebe Patribus; quae,
 'sicut vos vestra habeatis consilia, sic se sua habituram
 'dicat. Quis tandem succenseat, milites nos esse, non
 'servos vestros? ad bellum, non in exsilium, missos? si
 'quis det signum, in aciem educat, ut viris ac Romanis
 'dignum sit, pugnatu-ros? si nihil armis opus sit, otium
 'Romae potius, quam in castris, acturos? Haec dicta sint
 'Patribus. Te, imperator, milites tui oramus, ut nobis
 'pugnandi copiam facias. Quum vincere cupimus, tum te
 'duce vincere; tibi lauream insignem deferre; tecum tri-
 'umphantes urbem inire; tuum sequentes currum Iovis
 'optimi maximi templum gratantes ovantesque adire.'
 Orationem Tullii exceperunt preces multitudinis; et
 undique, ut signum daret, ut capere arma iuberet, cla-
 mabant. Dictator, quanquam rem bonam exemplo haud
 probabili actam cernebat, tamen facturum, quod milites
 vellent, se recepit; Tulliumque secreto, quaenam haec res
 sit, aut quo acta more, percunctatur. Tullius magnopere
 a dictatore petere, 'ne se oblitum disciplinae militaris, ne
 'sui, neve imperatoriae maiestatis, crederet: multitudini
 4 'concitatae, quae ferme auctoribus similis esset, non sub-
 5 'traxisse se ducem; ne quis alius, quales mota creare mul-
 'tudo soleret, existeret. Nam se quidem nihil non
 'arbitrio imperatoris acturum: illi quoque tamen videndum
 'magnopere esse, ut exercitum in potestate haberet. Dif-
 'ferri non posse adeo concitados animos: ipsos sibi locum ac
 'tempus pugnandi sumpturos, si ab imperatore non detur.'
 Dum haec loquuntur, iumenta forte pascentia extra vallum
 Gallo abigenti duo milites Romani adem-erunt. In eos
 saxa coniecta a Gallis: deinde ab Romana statione clamor
 ortus, ac procursum utrimque est. Iamque haud procul
 iusto proelio res erant, ni celeriter diremptum certamen
 per centuriones esset. Affirmata certe eo casu Tullii apud
 dictatorem fides est: nec recipiente iam dilationem re, in
 posterum diem edicitur, acie pugnatu-ros. Dictator tamen,
 ut qui magis animis, quam viribus, fretus ad certamen
 descenderet, omnia circumspicere atque agitare coepit, ut
 arte aliqua terrorem hostibus incuteret. Sollerti animo

14.

4 *Auctoribus*] Ducibus, iis quo-
 rum auctoritate et consilio regitur.
 CREV.

5 *Ne quis alius, quales mota creare*
multitudo soleret] Ne quis alius talis

dux exoriretur, quales sunt ii quos
 mota creare multitudo solet. Qui-
 dam edidi *qualem*; minus aut elegan-
 ter, aut proprie. CREV.

U. C. 397. rem novam excogitat, qua deinde multi nostri atque ex-6
A. C. 355. terni imperatores, nostra quoque quidam aetate, usi sunt.

Mulis strata detrahi iubet: binisque tantum centunculis 7
relictis, agasones, partim captivis, partim aegrorum armis
ornatos, imponit. His fere mille effectis centum admiscet
equites, et nocte super castra in montes evadere, ac silvis
se occultare iubet: neque inde ante moveri, quam ab se
acciperent signum. Ipse, ubi illuxit, in radicibus montium
extendere aciem coepit sedulo, ut adversus montes con-
sisteret hostis. Instructo vani terroris apparatu, qui quidem
terror plus paene veris viribus profuit, primo credere duces
Gallorum, non descensuros in aequum Romanos; deinde,
ubi degressos repente viderunt, et ipsi avidi certaminis in
proelium ruunt: priusque pugna coepit, quam signum
ab ducibus daretur. Acrius invasere Galli dextrum cornu:
neque sustineri potuissent, ni forte eo loco dictator fuisset,
Sex. Tullium nomine increpans rogitansque: ‘Siccine
‘pugnatos milites spondisset? ubi illi clamores sint
‘arma poscentium? ubi minae iniussu imperatoris proelium
‘inituros? En ipsum imperatorem clara voce vocare ad
‘proelium, et ire armatum ante prima signa. Ecquis
‘sequeretur eorum, qui modo ducturi fuerint; in castris
‘feroces, in acie pavidi?’ Vera audiebant: itaque tantos
pudor stimulos admovit, ut ruerent in hostium tela, alienatis
a memoria periculi animis. Hic primo impetus prope
vecors turbavit hostes: eques deinde emissus turbatos
avertit. Ipse dictator, postquam labantem una parte vidit
aciem, signa in laevum cornu confert, quo turbam hostium 8
congregari cernebat; et iis, qui in monte erant, signum,
quod convenerat, dedit. Ubi inde quoque novus clamor
ortus, et tendere obliquo monte ad castra Gallorum visi 9
sunt; tum metu, ne excluderentur, omissa pugna est,
cursuque effuso ad castra ferebantur. Ubi quum occur-
risset iis M. Valerius, magister equitum, qui, profligato
dextro cornu, obequitabat hostium munimentis, ad montes
silvasque vertunt fugam: plurimique ibi a fallaci equitum
specie agasonibusque excepti sunt: et eorum, quos pavor
pertulerat in silvas, atrox caedes post sedatum proelium
fuit. Nec alius post M. Furium, quam C. Sulpicius,
iustiore de Gallis egit triumphum. Auri quoque ex Gal-

15.
Proelium,
quo vincun-
tur Galli.

Sulpicius
triumphat.

6 *Multi nostri ... imperatores*] e.g. Marius adversus Teutonas pugnatus. Vid. Frontin. Strateg. ii. 4.

7 *Strata*] h. l. Sunt clitellae, ut infr. x. 40. *detractis clitellis*: quibus substernebantur *centunculi*, h. e. panni ex utraque parte pendent, ne cli-

tellae terendo tergum mularum vulnerarent. STROTH. *Agasones*, qui iumenta sarcinaria ducebant.

8 *Acie*] sc. Hostium, qui a sinistro cornu suo fluctuabant.

9 *Obliquo monte*] Obliquis traminibus per montem tendentes.

licis spoliis satis magnum pondus, saxo quadrato saeptum, U. C. 397.
in Capitolio sacrauit. A. C. 355.

Eodem anno et a consulibus vario eventu bellatum.
Nam Hernici a C. Plautio devicti subactique sunt. Fabius Hernici
victi.
collega eius incaute atque inconsulte adversus Tarquini- Contra Tar-
quinienses
ses pugnavit: nec in acie tantum ibi cladis acceptum, quam res male
gesta.
quod trecentos septem milites Romanos captos Tarquini-
¹enses immolarunt: qua foeditate supplicii aliquanto igno-
minia populi Romani insignitior fuit. Accessit ad eam
cladem et vastatio Romani agri, quam Privernates, Veli-
terni deinde, incursione repentina fecerunt.

² Eodem anno duae tribus, Pomptina et Publilia, additae.
Ludi votivi, quos M. Furius dictator voverat, facti: et de Lex de am-
bitu tum
primum
lata.
ambitu ab C. Poetelio tribuno plebis, auctoribus Patribus,
tum primum ad populum latum est: eaque rogatione no-
vorum maxime hominum ambitionem, qui nundinas et con-
ciliabula obire soliti erant, compressam credebant.

Haud aeque laeta Patribus insequenti anno, C. Marcio, 16.
³Cn. Manlio consulibus, de unciario fenore a M. Duilio, U. C. 398.
L. Maenio tribunis plebis rogatio est perlata: et plebs A. C. 354.
C. Marcio,
Cn. Manlio
aliquanto eam cupidius scivit accepitque. Ad bella nova, II. Coss.
priori anno destinata, Falisci quoque hostes exorti, duplici
crimine: quod et cum Tarquiniensibus iuventus eorum
militaverat; et eos, qui Falerios perfugerant, quum male
pugnatum est, repetentibus fetialibus Romanis non reddi-
derant. Ea provincia Cn. Manlio obvenit: Marcius exer- Bellum
cum Fa-
liscis et
Privernati
bus.
citur in agrum Privernatem, integrum pace longinqua,
induxit; militemque praeda implevit. Ad copiam rerum
addidit munificentiam, quod, nihil in publicum secernendo,
augenti rem privatam militi favit. Privernates quum ante Privernates
victi.
moenia sua castris permunitis consedisent: vocatis ad

¹ *Immolarunt*] Haud inusitato E-
truscorum more, si a sarcophago ap.
Tarquinius nuper effosso argumentum
ducendum sit, quippe in eo humanis
hostiis manes cuiusdam ducis Etrusci
placari cernimus. cf. Schweigh. ad
Appian, i. 117.

² *Duae tribus*] Voicis in civitatem
acceptis, ut Niebhr. placet. His ad-
ditis septem et triginta tribus Ro-
manae iam erant. *Pomptina* ab agro
Pomptino nomen ducebat: *Publilia*,
sive *Popilia* sit, unde nomen duxerit,
parum constat.

³ *Unciario fenore*] Tacitus Ann.
vi. 16. duodecim tabulis fuisse sanc-
tum scribit, "ne quis unciario fenore
amplius exerceat," unde patet, si
Tacito fides adhibenda sit, legem hanc
post Romam a Gallis captam usque

ad hunc annum neglectam esse. Quid
sit *fenus* hoc *unciarium* mire inter
se disputant critici, quippe quibusdam
idem atque *centesima* fuisse videtur,
sed usura illa, quae *centesima* vocatur,
non nisi sero e Graecia in Italiam
venit; alii vero, inter quos Niebuhr-
ius atque Hugo censendi sunt, me-
lius scribunt, se, *unciarium* dictum fu-
isse hoc fenus, quia *duodecima pars*
sortis in annum *decem mensium* sol-
vebatur, ita ut in annum *duodecim
mensium* decem pro centum assibus
a creditoribus exigenterent. cf. Niebhr.
Röm. Geschichte, vol. III. n. 110. Hu-
go. Civilistisches Magazin. v. p. 180.
Nescio an ad hunc annum referenda
sit ea lex de qua Cato de Re. Rust.
in proem. *posuerunt furem duplo
condemnari, feneratorum quadruplo.*

- U. C. 398. concionem militibus, 'Castra nunc,' inquit, 'vobis hostium,
 A. C. 354. 'urbemque praedae do, si mihi pollicemini, vos fortiter in
 'acie operam navaturos, nec praedae magis, quam pugnae,
 'paratos esse.' Signum poscunt ingenti clamore: celsique
 et spe haud dubia feroces in proelium vadunt. Ibi ante
 signa Sex. Tullius, de quo ante dictum est, exclamat:
 'Aspice, imperator,' inquit, 'quemadmodum exercitus tuus
 'tibi promissa praestet:' piloque posito, stricto gladio in
 hostem impetum facit. Sequuntur Tullium antesignani
 omnes, primoque impetu avertere hostem: fusum inde ad
 oppidum persecuti, quum iam scalas moenibus admovent,
 in deditionem urbem acceperunt. Triumphus de Priver-
 natibus actus. Ab altero consule nihil memorabile gestum:
 nisi quod legem novo exemplo ad Sutrium in castris tri-
 butim de vicesima eorum, qui manumitterentur, tulit. 4
 Patres, quia ea lege haud parvum vectigal inopi aerario
 additum esset, auctores fuerunt. Ceterum tribuni plebis,
 non tam lege, quam exemplo, moti, ne quis postea populum 5
 sevocaret, capite sanxerunt: nihil enim non per milites,
 iuratos in consulis verba, quamvis perniciosum populo, si
 id liceret, ferri posse. Eodem anno C. Licinius Stolo a
 M. Popillio Laenate sua lege decem millibus aeris est dam- 6
 natus, quod mille iugerum agri cum filio possideret, eman- 7
 cipandoque filium fraudem legi fecisset.
17. Novi consules inde, M. Fabius Ambustus secundum et
 U. C. 399. M. Popillius Laenas secundum, duo bella habuere. Facile
 A. C. 353. alterum cum Tiburtibus, quod Laenas gessit: qui, hoste in
 M. Fabio urbem compulso, agros vastavit. Falisci Tarquiniensesque
 Ambusto alterum consulem prima pugna fuderunt. Inde terror
 II. M. Po- maximus fuit, quod sacerdotes eorum, facibus ardentibus
 pillio II. anguibusque praelatis, incessu furiali militem Romanum 8
 Coss.

4 *De vicesima*] Ut, quum quis ser-
 vum manumitteret, vicesimam par-
 tem pretii eius aerario dependeret.
 Hoc vectigal ad inferiorum etiam
 Principum aetatem permansit. CREV.

5 *Populum sevocaret*] Abductum
 ab urbe, a magistratibus ac tribunis,
 populum in concilium vocaret.

6 *Damnatus*] De Stolonis damna-
 tione consentiunt Val. Max. viii. 6. 3.
 Plin. H. N. xviii. 4. A. Gell. vii. 3.
 aliique plures scriptores.

7 *Emancipando*] E manu emit-
 tendo per imaginariam venditionem
 ter repetitam. Lege enim Romuli
 cautum erat, ac deinde in XII. tabulas
 ab Decemviris relatum, ut, si pater
 filium ter, filiam et ceteros liberos,
 i. e. nepotes neptesve e filio, semel
 vendidisset, manumissi postea ab em-

ptore, sui iuris fierent, ille trina ma-
 numissione, hi unica. Ad cuius eman-
 cipationis imaginem postea institu-
 tum, ut, his simulato et dicis causa
 peractis venditionibus et manumis-
 sionibus, liberi e potestate patris exi-
 rent. Hoc autem Stolonis commen-
 tum non abhorrebat a iurisprudendum
 placitis, ut observat Douiatius. Sed
 ideo nulla illius emancipationis ha-
 bita ratio est, quia eam in fraudem
 legis factam apparebat. CREV. Annis
 posterioribus reipublicae, ne cives in
 hanc fraudem reipublicae faciendam
 spe lucri pellicerentur, provisum est
 in Sempronia illa agraria lege, *fili-
 familias eiusmodi dimidium si possi-
 deant, fraudi parentibus ne esto.*

8 *Anguibus*] Id est, ut scribit Flo-
 rus de Fidenatibus agens, i. 12. dis-

insueta turbaverunt specie : et tunc quidem velut lymphati U. C. 399.
 et attoniti munimentis suis trepido agmine inciderunt ; A. C. 353.
 deinde, ubi consul legatique ac tribuni puerorum ritu vana Fabius a
 miracula paventes irridebant increpabantque, vertit animos Faliscis
 repente pudor ; et in ea ipsa, quae fugerant, velut caeci fusus
 ruebant. Discusso itaque vano apparatu hostium, quum restituit
 in ipsos armatos se intulissent, averterunt totam aciem.
 castrisque etiam eo die potiti, praeda ingenti parta, victores
 reverterunt, militaribus iocis quum apparatus hostium, tum
 suum increpantes pavorem. Concitatur deinde omne no- Etruscum
 9 men Etruscum, et, Tarquiniensibus Faliscisque ducibus, ad bellum.
 Salinas perveniunt. Adversus eum terrorem dictator C. C. Marcius
 1 Marcius Rutilus primus de plebe dictus, magistrum equitum primus di-
 item de plebe C. Plautium dixit. Id vero Patribus indignum dictatur e
 videri, etiam dictaturam iam in promiscuo esse : omnique plebe.
 ope impediabant, ne quid dictatori ad id bellum decerne-
 retur, parareturve. Eo promptius cuncta, ferente dictatore,
 populus iussit. Profectus ab urbe, utraque parte Tiberis,
 ratibus exercitu, quocunque fama hostium ducebat, traiecto,
 multos populatores agrorum vagos palantes oppressit. Cas- Vincit
 tra quoque necopinato aggressus, cepit : et, octo millibus Etruscos.
 hostium captis, ceteris aut caesis, aut ex agro Romano
 fugatis, sine auctoritate Patrum, populi iussu, triumphavit.

Quia nec per dictatorem plebeium, nec per consulem,
 comitia consularia haberi volebant, et alter consul Fabius
 bello retinebatur, res ad interregnum redit. Interreges
 deinceps Q. Servilius Ahala, M. Fabius, Cn. Manlius, C.
 Fabius, C. Sulpicius, L. Aemilius, Q. Servilius, M. Fabius
 Ambustus. In secundo interregno orta contentio est, quod
 duo patricii consules creabantur : intercedentibusque tri-
 bunis, interrex Fabius aiebat, ‘in duodecim tabulis legem
 ‘esse, ut, quodcumque postremum populus iussisset, id ius
 2 ‘ratumque esset ; iussum populi et suffragia esse.’ Quum
 intercedendo tribuni nihil aliud, quam ut differrent comitia,
 valuissent ; duo patricii consules creati sunt, C. Sulpicius
 Peticus tertium, M. Valerius Publicola : eodemque die
 magistratum inierunt.

Quadringentesimo anno, quam urbs Romana condita 18.
 erat, quinto tricesimo, quam a Gallis recuperata, ablato U. C. 400.
 post undecimum annum a plebe consulatu, patricii con- A. C. 352.

coloribus serpentum in modum vittis.
 cf. supr. iv. 33. Frontinus de Strateg.
 ii. 4.

9 *Ad Salinas*] Quae ad Ostiam ur-
 bem in ore Tiberis erant. supr. i. 33.

1 *Primus de plebe dictus*] Haud
 duum a plebeo consule M. Popillio

Laenate.

2 *Iussum populi*] Suffragia quoque
 esse iussum populi : populum, dum
 suffragia init, non minus iubere, quam
 si rogationem aliquam scisceret anti-
 quaretve. CREV.

U. C. 400. sules ambo ex interregno magistratum iniere, C. Sulpicius
 A. C. 352. Peticus tertium, M. Valerius Publicola. Empulum eo
 C. Sulpicio anno ex Tiburtibus haud memorando certamine captum:
 III. M. Valerio Coss. sive duorum consulum auspicio bellum ibi gestum est, ut
 Ambo Coss. scripsere quidam; seu per idem tempus Tarquiniensium
 patricii. quoque sunt vastati agri ab Sulpicio consule, quo Valerius
 adversus Tiburtes legiones duxit. Domi maius certamen
 consulibus cum plebe ac tribunis erat. Fidei iam suae,
 non solum virtutis, ducebant esse, ut accepissent duo pa-
 tricii consulatum, ita ambobus patriciis mandare. Quin
 aut toto cedendum esse, si plebeius iam magistratus con-
 sulatus fiat, aut totum possidendum, quam possessionem
 integram a patribus accepissent. Plebes contra fremit:
 'Quid se vivere, quid in parte civium censi: si, quod
 'duorum hominum virtute, L. Sextii ac C. Licinii, partum
 'sit, id obtinere universi non possint? Vel reges, vel de-
 'cemviros, vel, si quod tristius sit imperii nomen, patien-
 'dum esse potius, quam ambos patricios consules videant,
 'nec in vicem pareatur atque imperetur; sed pars altera,
 'in aeterno imperio locata, plebem nusquam alio natam,
 'quam ad serviendum, putet.' Non desunt tribuni auctores
 turbarum; sed inter concitatos per se omnes vix duces
 eminent. Aliquoties frustra in campum descensum quum
 esset, multique per seditiones acti comitiales dies; postremo
 victae perseverantia consulum plebis eo dolor erupit, ut tri-
 bunos, 'actum esse de libertate' vociferantes, 'relinquen-
 'dumque non campum iam solum, sed etiam urbem captam
 'atque oppressam regno patriciorum,' maesta plebs seque-
 retur. Consules, relictis a parte populi, per infrequentiam³
 comitia nihilo segnus perficiunt. Creati consules ambo
 patricii, M. Fabius Ambustus tertium, T. Quinctius. In
 quibusdam annalibus pro T. Quinctio M. Popillium con-
 sulem invenio.

19. Duo bella eo anno prospere gesta: cum Tiburtibusque
 U. C. 401. ad deditionem pugnatum. Sassula ex his urbs capta:
 A. C. 351. ceteraque oppida eandem fortunam habuissent, ni universa
 M. Fabio gens, positis armis, in fidem consulis venisset. Trium-
 III. T. phatum de Tiburtibus: alioquin mitis victoria fuit. In
 Quinctio Tarquinienses acerbe saevitum. Multis mortalibus in acie
 Coss. caesis, ex ingenti captivorum numero trecenti quinquaginta⁴
 Triumphus de Tiburti-

³ *Per infrequentiam comitia*] cf. Supr. ii. 64. ubi *irata plebs interesse consularibus comitiis noluit. Per patres clientesque patrum consules creati.* cf. Niebhr. i. n. 1307.

⁴ *Numero trecenti quinquaginta octo*] Captivos ccclx. numero fuisse

ap. Diodor. xvi. legimus. Niebhr. i. n. 729. pro numero cccxlvi. quod in vet. edd. occurrit, numerum cccxlvi. reponendum vult: ita ut si coniectura illius stetur, haud dubie Romani duodenos Etruscos pro denis Romanis immolaverint, cf. infr. xxi. 29.

octo delecti, nobilissimus quisque, qui Romam mitterentur: U. C. 401. A. C. 351.
 vulgus aliud trucidatum. Nec populus in eos, qui missi bus: supplicia de Tarquiniensibus.
 Romam erant, mitior fuit. Medio in foro omnes virgis
 caesi ac securi percussi. Id pro immolatis in foro Tar- Foedus cum Sam-
 quiniensium Romanis poenae hostibus redditum. Res
 bello bene gestae, ut Samnites quoque amicitiam peterent, nitibus.
 effecerunt. Legatis eorum comiter ab senatu responsum: nitibus.
 foedere in societatem accepti.

Non eadem domi, quae militiae, fortuna erat plebi Ro-
 manae. Nam etsi, unciario fenore facto, levata usura erat,
 sorte ipsa obruebantur inopes, nexumque inibant. Eo nec
 patricios ambo consules, neque comitiorum curam, pu-
 blicave studia prae privatis incommodis plebs ad animum
 admittebat. Consulatus uterque apud patricios manet.
 Consules creati C. Sulpicius Peticus quartum, M. Valerius U. C. 402. A. C. 350.
 Publicola iterum. C. Sulpicio IV. M. Valerio II. Coss.

In bellum Etruscum intentam civitatem, quia Caeritem
 populum misericordia consanguinitatis Tarquiniensibus
 adiunctum fama ferebat, legati Latini ad Volscos con-
 vertere, nuntiantes, exercitum conscriptum armatumque
 iam suis finibus imminere: inde populabundos in agrum
 Romanum venturos esse. Censuit igitur senatus, neutram
 negligendam rem esse: utroque legiones scribi, consulesque
 sortiri provincias iussit. Inclinauit deinde pars maior curae
 in Etruscum bellum; postquam literis Sulpicii consulis,
 cui Tarquinii provincia evenerat, cognitum est, depopu-
 latum agrum circa Romanas salinas, praedaeque partem in
 Caeritum fines avectam, et haud dubie iuventutem eius
 populi inter praedatores fuisse. Itaque Valerium consu-
 lem, Volscis oppositum, castraque ad finem Tusculanum
 habentem, revocatum inde senatus dictatorem dicere iussit.
 T. Manlium L. filium dixit. Is, quum sibi magistrum equi- T. Manlius dictator.
 tum A. Cornelium Cossum dixisset, consulari exercitu con-
 tentus, ex auctoritate Patrum ac populi iussu Caeritibus bellum
 indixit. Tum primum Caerites, tanquam in verbis hostium
 vis maior ad bellum significandum, quam in suis factis, qui
 per populationem Romanos lacessierant, esset, verus belli

20.

§ *Nexumque inibant*] *Nexum est,*
 ait Gallus Aelius, *quodcumque per aes*
et libram geritur, idque necti dicitur,
quo in genere sunt haec: testamenti
factio, nexi datio, nexi liberatio.
Nexum nunc quis creditori mancipio
 se dabat, et sui iuris esse desuit: quip-
 pe ut Varro de L. L. VII. 5. scribit,
liber qui suas operas in servitutem
pro pecunia quam debebat, dabat dum
solveret, nexus vocatur. Nexus au-
 tem, non, perinde atque *addictus*, de-

minus capite fiebat, quippe ex lege
 XII. Tab. *nero solutoque idem ius es-*
se sancitum est: si quis enim nexum
 solverit atque nere et libra liberatus
 fuerit, tum civis iterum optimo iure
 erat. Hinc debitoribus illi, qui pecu-
 niam creditam solvere nequibant,
nexum ultro inibant, ne forte ad prae-
 torem rapti et creditoribus ab illo *ad-*
dicti, deterioris iuris fierent. cf. *supr.*
 II. 23.

U. C. 402. terror invasit: et, quam non suarum virium ea dimicatio es-
 A. C. 350. set, cernebant. Poenitebatque populationis, et Tarquinienses
 exsecrabantur defectionis auctores. Nec arma, aut bellum
 quisquam apparare, sed pro se quisque legatos mitti iubebat
 ad petendam erroris veniam. Legati senatum quum adis-
 sent, ab senatu reiecti ad populum, deos rogaverunt, quorum
 sacra bello Gallico accepta rite procurassent, ut Romanos
 florentes ea sui misericordia caperet, quae se rebus affectis
 quondam populi Romani cepisset; conversique ad delubra
 Vestae, hospitium flaminum Vestaliumque ab se caste ac
 religiose cultum invocabant. ‘Eane meritos, crederet
 ‘quisquam, hostes repente sine causa factos? aut, si quid
 ‘hostiliter fecissent, consilio id magis, quam furore lapsos,
 ‘fecisse, ut sua vetera beneficia, locata praesertim apud tam
 ‘gratos, novis corrumpere maleficiis, florentemque po-
 ‘pulum Romanum ac felicissimum bello sibi desumerent
 ‘hostem, cuius afflictis amicitiam cepissent? Ne appellarent
 ‘consilium, quae vis ac necessitas appellanda esset. Trans-
 ‘euntes agmine infesto per agrum suum Tarquinienses,
 ‘quum praeter viam nihil petissent, traxisse quosdam
 ‘agrestium, populationis eius, quae sibi crimini detur,
 ‘comites. Eos, seu dedi placeat, dedere se paratos esse;
 ‘seu supplicio affici, daturos poenas. Caere, sacrarium
 ‘populi Romani, deversorium sacerdotum, ac receptaculum
 ‘Romanorum sacrorum, intactum inviolatumque crimine
 ‘belli, hospitio Vestalium cultisque diis darent.’ Movit
 populum non tam causa praesens, quam vetus meritum, ut
 maleficii, quam beneficii, potius immemores essent. Itaque
 pax populo Caeriti data, indutiasque in centum annos factas
 in senatusconsultum referri placuit. In Faliscos, eodem
 noxios crimine, vis belli conversa est: sed hostes nusquam
 inventi. Quum populatione peragrati fines essent, ab op-
 pugnatione urbium temperatum: legionibusque Romam
 reductis, reliquum anni muris turribusque reficiendis con-
 sumptum, et aedes Apollinis dedicata est.

21.

Pacem im-
 petrant.
 Faliscis
 bellum il-
 latum.
 Discordiae
 de consula-
 tu plebeio.

Extremo anno comitia consularia certamen Patrum ac
 plebis diremit, tribunis negantibus passuros comitia haberi,
 ni secundum Liciniam legem haberentur; dictatore ob-
 stinato tollere potius totum e republica consulatum, quam
 promiscuum Patribus ac plebi facere. Prolatandis igitur

6 *Eane meritos*] i. e. Qui tam in-
 signe beneficium in Romanos ultro
 contulerant, Vestalibus Romanis et
 sacerdotibus hospitio exceptis. supr.
 v. 40.

7 *Itaque pax*] Partem publici agri
 dimidiam Caeretibus adeptam fuisse
 scribit Dio in Fragn. 142. Nunc vero

municipes deterioris iuris facti sunt
 Caerites, si Niebuhrii coniecturam
 probamus. cf. supr. v. 50.

8 *Aedes Apollinis*] Haud scio an
 haec sit illa aedes, quae supr. iv. 29
 memoratur, ut quae, a Gallicis incen-
 diis consumpta, rursus aedificata et
 dedicata sit.

comitiis quum dictator magistratu abisset, res ad interregnum rediit. Infestam inde Patribus plebem interreges quum acceperant, ad undecimum interregem seditionibus certatum est. Legis Liciniae patrocinium tribuni iactabant. Propior dolor plebi fenoris ingravescentis erat: curaeque privatae in certaminibus publicis erumpebant. Quorum taedio Patres L. Cornelium Scipionem interregem concordiae causa observare legem Liciniam comitiis consularibus iussere. P. Valerio Publicolae datus e plebe collega C. Marcius Rutilus. Inclinatorum semel in concordiam animis, novi consules, fenobrem quoque rem, quae distingere unanimes videbatur, levare aggressi, solutionem alieni aeris in publicam curam verterunt; quinqueviris creatis, quos mensarios ab dispensatione pecuniae appellarunt. Meriti aequitate curaque sunt, ut per omnium annalium monumenta celebres nominibus essent. Fuere autem C. Duilius, P. Decius Mus, M. Papirius, Q. Publilius, et Ti. Aemilius; qui rem, difficillimam tractatu, et plerumque parti utrique, semper certe alteri, gravem, quum alia moderatione, tum impendio magis publico, quam iactura, sustinuerunt. Tarda enim nomina, et impeditiora inertia debitorum, quam facultatibus, aut aerarium, mensis cum aere in foro positis, dissolvit, ut populo prius caveretur; aut aestimatio aequis rerum pretiis liberavit: ut non modo sine iniuria, sed etiam sine querimoniis partis utriusque, exhausta vis ingens aeris alieni sit.

Terror inde vanus belli Etrusci, quum coniurasse duodecim populos fama esset, dictatorem dici coegit. Dictus in castris (eo enim ad consules missum senatusconsultum

9 Quos mensarios ab dispensatione pecuniae appellarunt] *Mensa* enim dicitur pro abaco argentariorum. *Mensarii* tamen differunt ab *argentariis*: quia *mensarius* rei nummariae publicae curator est, *argentarius* privatae. Itaque *mensarii* creabantur a populo: infr. xxiii. 21. *argentarii* sponte sua, suo nomine, negotiationem suam, tanquam ceteri mercatores, exercebant. CREV.

1 Tarda enim nomina] Debitorum, quae tardius et negrius solvebantur, non quia inopia laborarent debitores, sed quia inertes ac negligentes essent, aut pecunia ex aerario praebita soluta sunt, ita tamen, ut prius populo, i. e. aerario publico caveretur; aut praedius donibusve debitoris aequo pretio aestimatis, et creditori traditis, expedita sunt. *Nomen* saepe accipitur pro *delato*, quia creditor in tabulas expensi et accepti refert nomen eius, cui pecuniam expensam tulit. CREV.

2 Ut populo prius caveretur] Vide Tac. Ann. vi. 17. ubi obaeratis tulit opem Caesar, disposito per mensas mille sestertio, factaque mutuandi copia sine usuris per triennium si debitor populo in duplum praediis caveretur. In eo vero maxime laboratum est, quod, quum pecunia post urbem captam rara esset, vix locus commercio erat: nunc vero hoc malo medendi duplex ratio mita est: aut debitorum populo praediis cavebant et ex aerario pecuniam ad aes alienum dissolvendum accipiebant: aut praedius aequo pretio a quinqueviris aestimatis, pars quaedam eorum a debitoribus ad creditores translata est. Utrum vero *fenus unciarium* a debitoribus pro credita pecunia populo solvendum esset neque, cuius conncere liberum est. Hoc tempore aca signatum pondere deminutum fuisse suspicatur Niebhr. iii. p. 71.

U. C. 402.

A. C. 350.

U. C. 403.

A. C. 349.

P. Valerio,

C. Marcio

II. Coss.

- U. C. 403. est) C. Iulius, cui magister equitum adiectus L. Aemilius.
 A. C. 349. Ceterum foris tranquilla omnia fuere. Tentatum domi per
 22. dictatorem, ut ambo patricii consules crearentur, rem ad
 C. Iulius interregnum perduxit. Duo interreges C. Sulpicius et M.
 dictator. Fabius interpositi obtinuerunt, quod dictator frustra teten-
 derat, mitiore iam plebe ob recens meritum levati aeris
 U. C. 404. alieni, ut ambo patricii consules crearentur. Creati ipse
 A. C. 348. C. Sulpicius Peticus, qui prior interregno abiit, et T.
 C. Sulpicio Quinctius Pennus. Quidam Kaesonem, alii Caium nomen
 V. T. Quinctio adiiiciunt. Ad bellum ambo profecti, Faliscum
 Quinctio Coss. Quinctius, Sulpicius Tarquiniense, nusquam acie congresso
 hoste, cum agris magis, quam cum hominibus, urendo po-
 pulandoque gesserunt bella: cuius lentae velut tabis senio
 Indutiae victa utriusque pertinacia populi est, ut primum a consu-
 40. anno libus, dein permissu eorum ab senatu indutias peterent.
 Indutiae bellorum, quae imminebant, cura, dum aliqua ab armis
 40. anno quies esset, quia solutio aeris alieni multarum rerum mu-
 Indutiae taverat dominos, censum agi placuit. Ceterum quum cen-
 Indutiae soribus creandis indicta comitia essent, professus censuram
 Indutiae se petere C. Marcius Rutilus, qui primus dictator de plebe
 Indutiae fuerat, concordiam ordinum turbavit. Quod videbatur
 Indutiae quidem tempore alieno fecisse; quia ambo tum forte pa-
 Indutiae tricii consules erant, qui rationem eius se habituros nega-
 Indutiae bant. Sed et ipse constantia inceptum obtinuit, et tribuni,
 Indutiae omni vi recuperando ius consularibus comitiis amissum,
 Indutiae adiuverunt: et quum ipsius viri maiestas nullius honoris
 Indutiae fastigium non aequabat, tum per eundem, qui ad dicta-
 Indutiae turam aperuisset viam, censuram quoque in partem vocari
 Indutiae plebes volebat. Nec variatum comitiis est, quin cum Manlio
 Indutiae Cnaeo censor Marcius crearetur.
 Indutiae Dictatorem quoque hic annus habuit M. Fabium, nullo
 Indutiae 4 terrore belli, sed ne Licinia lex comitiis consularibus ob-
 Indutiae servaretur. Magister equitum dictatori additus Q. Ser-
 Indutiae vilius. Nec tamen dictatura potentio-rem eum consensum
 Indutiae Patrum consularibus comitiis fecit, quam censoriis fuerat.
 Indutiae 23. M. Popillius Laenas a plebe consul, a Patribus L. Cor-
 Indutiae nelius Scipio datus. Fortuna quoque illustriorem plebeium
 Indutiae U. C. 405. consulem fecit. Nam quum ingentem Gallorum exercitum
 Indutiae A. C. 347. in agro Latino castra posuisse nuntiatum esset; Scipione
 Indutiae M. Popillio gravi morbo implicito, Gallicum bellum Popillio extra
 Indutiae III. L. Cor- ordinem datum. Is, impigre exercitu scripto, quum omnes
 Indutiae nelio Coss. Bellum
 Indutiae Gallicum.

3 *Censum agi placuit*] Ne quis ci-
 vis *tributum* pro rebus, quae alterius
 domini factae essent, penderet: omni-
 bus, enim qui censebantur cives, *in*
millia aeris pro censu stipendium im-

perabatur. Niebhr. i. p. 571. ii. n. 889.

4 *Nullo terrore belli*] Haud affir-
 maverim, belli Gallici ingruentis ter-
 rorem patres potius impulsisse, ut di-
 ctatorem crearent.

5 extra portam Capenam ad Martis aedem convenire armatos U. C. 405.
 iuniores iussisset, signaque eodem quaestores ex aerario A. C. 347.
 deferre, quattuor expletis legionibus, quod superfuit mil-
 litum, P. Valerio Publicolae praetori tradidit; auctor Pa-
 tribus scribendi alterius exercitus, quod ad incertos belli
 eventus subsidium reipublicae esset. Ipse, iam satis om-
 nibus instructis comparatisque, ad hostem pergit: cuius ut
 prius nosceret vires, quam periculo ultimo tentaret: in tu-
 mulo, quem proximum castris Gallorum capere potuit,
 vallum ducere coepit. Gens ferox et ingenii avidi ad
 pugnam, quum, procul visis Romanorum signis, ut ex-
 templo proelium initura, explicuisset aciem; postquam
 neque in aequum demitti agmen vidit, et quum loci alti-
 tudine, tum vallo etiam integri Romanos, percussos pavore
 rata, simul opportuniore, quod intenti tum maxime operi
 essent, truci clamore aggreditur. Ab Romanis nec opus
 intermissum, (triarii erant, qui muniebant) et ab hastatis
 principibusque, qui pro munitioribus intenti armatique
 steterant, proelium initum. Praeter virtutem locus quoque
 superior adiuvit, ut pila omnia hastaeque non, tanquam ex
 aequo missa, vana (quod plerumque fit) caderent, sed
 6 omnia librata ponderibus figerentur; oneratique telis Galli,
 quibus aut corpora transfixa, aut praegravata inhaerentibus
 gerebant scuta, quum cursu paene in adversum subissent,
 primo incerti restitere: dein, quum ipsa cunctatio et his
 animos minuisset, et auxisset hosti, impulsus retro ruere alii
 super alios, stragemque inter se caede ipsa foediorum dare.
 Adeo praecipiti turba obtriti plures, quam ferro necati.
 Necdum certa Romanis victoria erat: alia in campum de-
 gressis supererat moles. Namque multitudo Gallorum,
 sensum omnem talis damni exsuperans, velut nova rursus
 exoriente acie, integrum militem adversus victorem hostem
 ciebat. Stetitque suppresso impetu Romanus; et quia
 iterum fessis subeunda dimicatio erat, et quod consul, dum
 7 inter primores incautus agitat, laevo humero matari prope
 traiecto, cesserat parumper ex acie. Iamque ommissa cun-
 ctando victoria erat, quum consul, vulnere alligato, re-

Vincuntur
 Galli, sed
 difficulter.

24.

5 *Ad Martis aedem*] cf. Supr. vi.
 5. infr. x. 23.

6 *Librata ponderibus*] Ipso pon-
 dere adiuta ut dirigerentur certius, et
 gravius infigerentur corporibus. CREV.
Pilum quidem in usum ap. Romanos
 venisse existimat Niebhr. iii. p. 121.
 hoc circiter tempus, quando *hastam*
 nimis longam neque satis validam
 esse ad impetus Gallorum reprimen-
 dos exploratum esset, et telum magis

habile iactu, quod idem pondere suo
 scutis Gallicis inhaerens, et vires prae-
 gravaret et corpora aliquando ictibus
 hostium nuda praeberet, necessitas
 ipsa ministravit.

7 *Matari*] Sive *materi*. Hoc enim
 modo legitur haec vox apud plerosque
 scriptores. Telum fuit Gallorum pro-
 prium, ad longioris lanceae formam.
 Vid. Voss. de vitiis sermonis, 1, 2.
 CREV.

U. C. 405. vectus ad prima signa, 'Quid stas, miles?' inquit. 'Non
 A. C. 347. 'cum Latino Sabinoque hoste res est, quem victum armis
 'socium ex hoste facias. In belluas strinximus ferrum.
 'Hauriendus, aut dandus est sanguis. Propulistis a castris,
 'supina valle praecipites egistis, stratis corporibus hostium
 'superstatis. Complete eadem strage campos, qua montes
 'replestis. Nolite exspectare, dum stantes vos fugiant:
 'inferenda sunt signa, et vadendum in hostem.' His ad-
 hortationibus iterum coorti pellunt loco primos manipulos
 Gallorum; cuneis deinde in medium agmen perrumpunt.
 Inde barbari dissipati, quibus nec certa imperia, nec duces
 essent, vertunt impetum in suos; fusique per campos, et
 praeter castra etiam sua fuga praelati, quod editissimum
 inter aequales tumulos occurrebat oculis, arcem Albanam
 petunt. Consul, non ultra castra insecutus, quia et vulnus
 degravabat, et subiicere exercitum pugna fessum tumultis
 ab hoste occupatis nolebat, praeda omni castrorum militi
 data, victorem exercitum, opulentumque Gallicis spoliis,
 Romam reduxit. Moram triumpho vulnus consulis attulit:
 eademque causa dictatoris desiderium senatui fecit, ut
 Dictator L. esset, qui aegris consulibus comitia haberet. Dictator L.
 Furius Ca- Furius Camillus dictus, addito magistro equitum P. Cor-
 millus. nelio Scipione, reddidit Patribus possessionem pristinam
 consulatus. Ipse ob id meritum ingenti Patrum studio
 creatus consul, collegam Ap. Claudium Crassum dixit. 9

25. Priusquam inirent novi consules magistratum, triumphus
 a Popillio de Gallis actus magno favore plebis: mussan-
 tesque inter se rogitabant, 'num quem plebeii consulis
 'poeniteret?' Simul dictatorem increpabant, qui legis
 Liciniae spretae mercedem consulatum, privata cupiditate,
 quam publica iniuria, foediorum, cepisset, ut se ipse con-
 sulem dictator crearet. Annus multis variisque motibus
 fuit insignis. Galli ex Albanis montibus, quia hiemis vim
 pati nequiverant, per campos maritimaque loca vagi popula-
 bantur. Mare infestum classibus Graecorum erat, oraque
 litoris Antiatis, Laurensque tractus, et Tiberis ostia: ut
 praedones maritimi, cum terrestribus congressi, ancipiti
 semel proelio decertarint, dubiique discesserint in castra
 Galli, Graeci retro ad naves, victos se, an victores, pu-
 tarent. Inter hos longe maximus exstitit terror, concilia

U. C. 406.
 A. C. 346.
 L. Furio,
 Ap. Claudio
 Coss.

8 *Subiicere exercitum*] Ubi hostis, montibus occupatis, exercitum Romanum ex inferiore loco aggredientem telis suis subiectum et obnoxium haberet. GRONOV.

9 *Collegam . . . dixit*] Insolitum hoc de consule, eum sibi collegam di-

cere. Quare *dicere* h. l. idem esse ac *rogare* puto, cf. infr. xxxvii. 47. xxii. 35. Hoc loco autem de Camillo adhibetur vox *dixit*, quia ipse comitiis praecerat: quod idem Fulvio infr. xxxvii. 47. accidit. STROTH.

populorum Latinorum ad lucum Ferentinae habita: re- U. C. 406.
 sponsumque haud ambiguum imperantibus milites Romanis A. C. 346.
 datum, 'absisterent imperare iis, quorum auxilio egerent.
 'Latinos pro sua libertate potius, quam pro alieno imperio,
 'laturos arma.' Inter duo simul bella externa, defectione
 etiam sociorum senatus anxius, quum cerneret metu te-
 nendos, quos fides non tenuisset, extendere omnes imperii
 1 vires consules delectu habendo iussit. Civili quippe stan-
 dum exercitu esse, quando socialis coetus desereret. Un-
 2 dique, non urbana tantum, sed etiam agresti iuventute,
 3 decem legiones scriptae dicuntur quaternum millium et
 ducenorum peditum, equitumque trecentorum. Quem
 nunc novum exercitum, si qua externa vis ingruat, hac
 vires populi Romani, quas vix terrarum capit orbis, con-
 tractae in unum haud facile efficiant: adeo in quae labo-
 ramus sola crevimus, divitias, luxuriamque. Inter cetera
 tristitia eius anni, consul alter Ap. Claudius in ipso belli
 apparatu moritur: redierantque res ad Camillum; cui
 unico consuli, vel ob aliam dignationem haud subiiciendam
 dictaturae, vel ob omen faustum ad Gallicum tumultum
 cognominis, dictatorem arrogari haud satis decorum visum
 4 est Patribus. Consul, duabus legionibus urbi praepositis,
 octo cum L. Pinario praetore divisus, memor paternae vir-
 tutis, Gallicum sibi bellum extra sortem sumit: praetorem
 maritimam oram tutari, Graecosque arcere litoribus iussit.
 Et, quum in agrum Pomptinum descendisset, quia neque
 in campis congregi nulla cogente re volebat, et prohibendo
 populationibus, quos rapto vivere necessitas cogeret, satis
 domari credebat hostem, locum idoneum stativis delegit.
 Ubi quum stationibus quieti tempus tererent, Gallus pro-
 cessit, magnitudine atque armis insignis: quatiensque
 scutum hasta, quum silentium fecisset, provocat per inter-
 pretem unum ex Romanis, qui secum ferro decernat. M.
 erat Valerius tribunus militum, adolescens, qui haud in-
 digniorem eo decore se, quam T. Manlium, ratus, prius

Scribuntur
decem le-
giones.

Alter con-
sul moritur.

Bellum
Gallicum.

26.

M. Valerii
cum Gallo
singulare
certamen.

1 *Standum exercitu*] Ut supr. 6. sc. acquiescendum. *Socialis coetus* concilium sociorum, ipsa nempe Latinorum comitia, ab his enim Romanos deserui. DOUTAT. *Coetus* unciolis inclusit Bekker.

2 *Quaternum millium et ducenorum*] Quippe non viginti et septem tribus erant, e quibus 150 centuriae 4050 pedites efficiebant: adiunctis autem 150 centurionibus et 75 vexillariis, 4275 homines singulis legionibus in acie stabant.

3 *Quem nunc novum exercitum*]

Observanda sedulo est vox *novum*, si quis iacentem Livii assequi velit. Augusto quidem imperante, ipso pacis tempore, 23 vel etiam 25 legiones, teste Dion. lv. per provincias sparsae erant. At vult Livius, si novo exercitu in subita re opus sit, haud facile tantum militum armari posse, quantum tunc consules subito scripsere. CREV.

4 *Duabus legionibus*] Scilicet seniorum. *Octo*, ex his quattuor sociorum legiones fuisse verissimilis est. Niebhr. III. p. 90.

U. C. 406. sciscitatus consulis voluntatem, in medium armatus processit. Minus insigne certamen humanum numine interposito deorum factum. Namque conserenti iam manum Romano corvus repente in galea consedit, in hostem versus: quod primo, ut augurium coelo missum, laetus accipit tribunus. Precatus deinde, 'Si divus, si diva esset, 5
'qui sibi praepetem misisset, volens propitius adesset.' 6 Dictu mirabile, tenuit non solum ales captam semel sedem, sed, quotiescunque certamen initum est, levans se alis, os oculosque hostis rostro et unguibus appetiit: donec ter-ritum prodigii talis visu, oculisque simul ac mente turbatum, Valerius obtruncat. Corvus e conspectu elatus orientem petit. Hactenus quietae utrimque stationes fuere. Postquam spoliare corpus caesi hostis tribunus coepit, nec Galli se statione tenuerunt, et Romanorum cursus ad victorem etiam ocior fuit. Ibi, circa iacentis Galli corpus contracto certamine, pugna atrox concitatur. Iam non manipulis proximarum stationum, sed legionibus utrimque effusis res geritur. Camillus laetum militem victoria tribuni, laetum tam praesentibus ac secundis diis, ire in proelium iubet: ostentansque insignem spoliis tribunum, 'Hunc imitare, miles,' aiebat; 'et circa iacentem 'ducem sterne Gallorum catervas.' Dii hominesque illi affuere pugnae; depugnatumque haudquaquam certamine ambiguo cum Gallis est: adeo duorum militum eventum, inter quos pugnatum erat, utraque acies animis perce- 7 perat. Inter primos, quorum concursus alios exciverat, atrox proelium fuit: alia multitudo, priusquam ad coniectum teli veniret, terga vertit. Primo per Volscos Falernumque agrum dissipati sunt: inde Apuliam ac mare 8 superum petierunt. Consul, concione advocata, laudatum tribunum decem bubus aureaque corona donat. Ipse, iussus ab senatu bellum maritimum curare, cum praetore iunxit castra. Ibi, quia res trahi segnitia Graecorum non committentium se in aciem videbantur, dictatorem comitiorum causa T. Manlium Torquatum ex auctoritate se-

Corvus.

Proelium committitur, quo Galli victi.

T. Manlius dictator.

5 *Si divus, si diva esset*] Hae voces ex antiquo carmine depromptae sunt.

6 *Praepetem*] Quae proprie dicuntur aves praepetes, de eo ipsi veteres ambigunt, quemadmodum intelligitur ex iis, quae A. Gell. vi. 6. Serv. in Aen. iii. 246. et Festus disputarunt. *Secundas* intelligi *aves praepetes*, satis constare videtur. RASCH.

7 *Perceperat*] *Animis percipitur*, quod animos penetrat, totos occupat, nec alii affectui aut cogitationi locum relinquit. GRONOV.

8 *Inde Apuliam*] Gallos, exercitu fugato, viam per Italiam sibi fecisse, parum verisimile Niebuhrio iii. 92. esse videtur: qui hanc ipsam victoriam suspectam habet, eo quod triumphus a consule de Gallis actus nusquam memoratur. Hoc autem procul dubio est, quod Galli non amplius in Italia bellum gerebant, et ideo L. Camillus in ore externorum, in quibus Aristoteles numeratur, tanquam Gallorum victor et Romae liberator celebratus est. Plut. in Cam. p. 140.

natus dixit. Dictator, magistro equitum A. Cornelio Cosso U. C. 407. dicto, comitia consularia habuit, aemulumque decoris sui A. C. 345. absentem M. Valerium Corvum (id enim illi deinde cognominis fuit) summo favore populi, tres et viginti natum M. Valerio, M. Popillio IV. Coss. annos, consulem renuntiavit. Collega Corvo de plebe M. Popillius Laenas quartum consul futurus datus est. Cum Graecis a Camillo nulla memorabilis gesta res: nec illi terra, nec Romanus mari bellator erat. Postremo, quum litoribus arcerentur, aqua etiam praeter cetera necessaria 9 usui deficiente, Italiam reliquere. Cuius populi ea, cuiusque gentis classis fuerit, nihil certi est. Maxime Siciliae fuisse tyrannos crediderim: nam ulterior Graecia, ea tempestate 1 intestino fessa bello, iam Macedonum opes horrebat. 2

Exercitibus dimissis, quum et foris pax et domi concordia 27. ordinum otium esset, ne nimis laetae res essent, pestilentia civitatem adorta coegit senatum imperare decemviris, ut libros Sibyllinos inspicerent; eorumque monitu lectisterium fuit. Eodem anno Satricum ab Antiatribus colonia deducta, restitutaque urbs, quam Latini diruerant. Et 3 cum Carthaginensibus legatis Romae foedus ictum, quum cum Carthaginiensibus, amicitiam ac societatem petentes venissent.

Idem otium domi forisque mansit T. Manlio Torquato, U. C. 408. 4 C. Plautio consulibus: semunciarium tantum ex unciario A. C. 344. 5 fenus factum, et in pensiones aequas triennii, ita ut quarta T. Manlio, C. Plautio 6 praesens esset, solutio aeris alieni dispensata est. Et sic Coss. quoque parte plebis affecta, fides tamen publica privatis

9 *Cuius populi*] Heynius in Opusc. Acad. iii. p. 17. Dionysii iunioris classem hanc fuisse censet. Dionysius enim paullo ante an. 398. U. C. Syracusis eiectus, in Italia circa Locros conederat, donec altero abhinc anno scilicet 407. U. C. Syracusae iterum receperit. Per decem hos annos in Locrenses multa libidinose ac crudeliter statuerat, cf. Strabo vi. p. 397. Aristot. Pol. v. 6. Nec minus Italiae litora latrociniis infesta fecisse videtur. Verum Niebhr. iii. 98. suspicatur Graecos quosdam mercenarios hos fuisse, qui post confectum bellum Phocicum Ol. 108. 3. a Tarentinis in Italiam mercede adducti erant, ut Lucanis arma inferrent, et iam navibus Tarentinis impositi, litora maris inferi infestabant. cf. Diodor. xvi. 62.

1 *Intestino bello*] sc. Phocico, quod tandem Ol. 108. 3. Phalaeco ad conditiones a Philippo latas accedente, ad finem perductum erat.

2 *Macedonum opes*] Hoc enim tempore Philippus, Alexandri Magni pater, Olynthum expugnaverat, et ra-

tionem temporum Catonianam sequimur.

3 *Cum Carthaginensibus ... foedus ictum*] Hoc foedus Polybium fugisse videtur, qui foedus tertio renovatum an. 448. U. C. infr. ix. 43. pro hoc altero habuit. cf. Heyn. Op. Acad. iii. p. 57.

4 *Semunciarium*] sc. Ut debitores semuncias pro singulis assibus, h. e. quinque pro centum assibus in annum duodecim mensium creditoribus solverent. cf. supr. 16. Hoc quoque tempore aliquid de pondere aeris signati deminutum fuisse arbitratur Niebhr. iii. p. 71.

5 *In pensiones aequas triennii, ita ut quarta praesens esset*] Totum aes alienum quattuor pensionibus solvi iussum est, ita ut quarta pars statim repraesentaretur; tres reliqui quadrantes sub finem primi, secundi, et tertii anni numerarentur. Cräv.

6 *Et sic quoque*] Et quamvis post talia concessa levamenta pars plebis adhuc laboraret, fidem tamen publicam, cuius interest solvi creditum,

U. C. 409. difficultatibus potior ad curam senatui fuit. Levatae
 A. C. 343. maxime res, quia tributo ac delectu supersessum. Tertio
 M. Valerio anno post Satricum restitutum a Volscis, M. Valerius Cor-
 II. C. Poe- telio Coss. vus, secundum consul cum C. Poetelio factus, quum ex
 Bellum Latio nuntiatum esset, legatos ab Antio circumire populos
 cum Vol- Latinorum ad concitandum bellum; priusquam plus hos-
 scis. tium fieret, Volscis arma inferre iussus, ad Satricum ex-
 exercitu infesto pergit. Quo quum Antiates alique Volsci
 praeparatis iam ante, si quid ab Roma moveretur, copiis
 occurrissent, nulla mora inter infensos diutino odio dimi-
 candi facta est. Volsci, ferocior ad rebellandum, quam ad
 bellandum gens, certamine victi, fuga effusa Satrici moenia
 petunt: et, ne in muris quidem satis firma spe, quum co-
 corona militum cincta iam scalis caperetur urbs, ad quattuor
 millia militum, praeter multitudinem imbellem, sese dedi-
 dere. Oppidum dirutum atque incensum: ab aede tan-
 tum Matris Matutae abstinuere ignem. Praeda omnis
 militi data. Extra praedam quattuor millia deditorum
 habita. Eos vinctos consul ante currum triumphans egit:
 venditis deinde magnam pecuniam in aerarium redegit.
 Sunt, qui hanc multitudinem captivam servorum fuisse
 scribant: idque magis verisimile est, quam deditos ve-
 niisse.

28.

Hos consules secuti sunt M. Fabius Dorso, Ser. Sul-
 U. C. 410. picius Camerinus. Auruncum inde bellum ab repentina
 A. C. 342. populatione coeptum: metuque, ne id factum populi unius,
 M. Fabio, consilium omnis nominis Latini esset, dictator velut ad-
 Ser. Sulpi- versus armatum iam Latium L. Furius creatus, magistrum
 cio Coss. equitum Cn. Manlium Capitolinum dixit. Et quum (quod
 Dictator L. per magnos tumultus fieri solitum erat) iustitio indicto,
 Furius. delectus sine vacationibus habitus esset; legiones, quantum 7
 Aurunci maturari potuit, in Auruncos ductae. Ibi praedonum
 victi. magis, quam hostium, animi inventi. Prima itaque acie
 debellatum est. Dictator tamen, quia et ultro bellum in-
 tulerant, et sine detrectatione se certamini offerebant,
 deorum quoque opes adhibendas ratus, inter ipsam dimi-
 cationem aedem Iunoni Monetae vovit: cuius damnatus 8
 Iuno Mo- neta. 9

senatus potiolem habuit difficultati-
 bus molestiisque privatis. CREV.

7 *Sine vacationibus*] Nulla habita
 ratione vacationum: coactis ad mili-
 tiam etiam iis, qui in assuetis et mi-
 noris periculi bellis vacationem mili-
 tiae habebant. CREV.

8 *Iunoni Monetae*] "Scriptum a
 multis est," inquit Cic. de Div. i. 101.
 "quum terrae motus factus esset, ut
 suae plena procuratio fieret, vocem ab
 aede Iunonis ex arce exstitis: quo-

circa Iunonem illam appellatam Mo-
 netam:" nempe a monendo. Unde
 colligi potest aedem ante aedificatam
 fuisse, quam Iuno Monetae nomine
 insigniretur; haecque verba *aedem*
Iunoni Monetae vovit, eodem modo
 accipienda esse, ac si scripsisset Li-
 vius: Aedem Iunoni, quae Moneta
 postea appellata est, vovit. CREV.

9 *Damnatus voti*] Ut supr. v. 25.
 astrictus ad persolvendum votum, ut
 qui voti compos factus sit.

voti quum victor Romam revertisset, dictatura se abdicavit. U. C. 410.
 Senatus duumviros ad eam aedem pro amplitudine populi A. C. 342.
 Romani faciendam creari iussit. Locus in arce destinatus,
 quae area aedium M. Manlii Capitolini fuerat. Consules,
 dictatoris exercitu ad bellum Volscum usi, Soram ex hos-
 tibus, incautos adorti, ceperunt.

Anno post, quam vota erat, aedes Monetae dedicatur, C. U. C. 411.
 Marcio Rutilo tertium, T. Manlio Torquato secundum A. C. 341.
 consulibus. Prodigium extemplo dedicationem secutum, C. Marcio
 simile vetusto montis Albani prodigio. Namque et lapi- III. T.
 dibus pluit, et nox interdiu visa intendi: librisque in- Coss.
 spectis, quum plena religione civitas esset, senatui placuit,
 dictatorem feriarum constituendarum causa dici. Dictus
 P. Valerius Publicola: magister equitum ei Q. Fabius Am-
 bustus datus est. Non tribus tantum supplicatum ire pla-
 cuit, sed finitimos etiam populos; ordoque iis, quo quisque
 die supplicarent, statutus. Iudicia eo anno populi tristia
 in feneratores facta, quibus ab aedilibus dicta dies esset,
 traduntur. Et res, haud ulla insigni ad memoriam causa,
 ad interregnum rediit. Ex interregno, ut id actum videri U. C. 412.
 posset, ambo patricii consules creati sunt, M. Valerius Cor- A. C. 340.
 vus tertium, A. Cornelius Cossus. M. Valerio
 III. A. Cor-
 nelio Coss.

Maiores iam hinc bella, et viribus hostium, et longin-
 quitate vel regionum, vel temporum spatio, quibus bel- 29.
 latum est, dicuntur. Namque eo anno adversus Samnites,
 gentem opibus armisque validam, mota arma. Samnitium
 bellum, ancipiti Marte gestum, Pyrrhus hostis, Pyrrhum
 Poeni secuti. Quanta rerum moles! quoties in extrema pe-
 riculorum ventum, ut in hanc magnitudinem, quae vix susti-
 netur, erigi imperium posset! Belli autem causa cum Sam-
 nitibus, Romanis, quum societate amicitiaque iuncti essent,
 extrinsecus venit; non orta inter ipsos est. Samnites

1 *Vetusto montis Albani*] cf. Supr.
 i. 31. Quid velit haec pluvia lapidea,
 difficile est pro certo affirmare: lacus
 autem Albanus, necnon ille ex ad-
 versa montis parte, qui hod. *Lago di*
Nemi vocatur *erateres* antiquituserant,
 qui ignibus caecis, sive Vulcanicis ut
 aiunt, identidem ardebant. Hinc fieri
 potest, ut repentino eiusmodi motu,
 unde lacus aquis ex improvviso exunda-
 vit, supr. v. 15. lapides in aera disiecti,
 rursum in modum pluviae terras pe-
 terent. Quod si haec interpretandi
 ratio cuiusvis parum certa videatur, al-
 tera in promptu est: scilicet unum
 vel plures lapides eius generis, qui
 hodie *meteorici* vocantur, ut qui haud
 dubie ex alto aeris vel aetheris spatio

vertigine quadam in terras deferun-
 tur, in Albano monte cecidisse et,
 numero fama aucto, eos in pluviae
 modum cecidisse hominibus agrestibus
 postea persuasum fuisse. cf. infr. xxv.
 7.

2 *In feneratores*] Quibus poena
 quadrupli subeunda erat. cf. supr. 16.

3 *Ut id actum videri posset*] Ita
 ut id voluisse, id spectasse Patres vi-
 deri possent: nempe quod sequitur, ut
 ambo patricii consules fierent. Crev.

4 *Spatio*] Recte observat Grono-
 vius vocem illam redundare, quum
longinquitas et *longinquus* tam de
 tempore, quam de loco dicantur. Sic
 supr. i. 31. *longinquo morbo implici-*
tus, et v. 11. et 15. *longinquitas belli*.

Samnitici
 belli origo.

U. C. 412. Sidicinis iniusta arma, quia viribus plus poterant, quum 5
 A. C. 340. intulissent, coacti inopes ad opulentiorum auxilium con-
 fugere, Campanis sese coniungunt. Campani magis nomen 6
 ad praesidium sociorum, quam vires, quum attulissent,
 fluentes luxu ab duratis usu armorum in Sidicino pulsi
 agro, in se deinde molem omnem belli verterunt. Namque
 Samnites, omissis Sidicinis, ipsam arcem finitimorum Cam-
 panos adorti, unde aequae facilis victoria, praedae atque
 gloriae plus esset, Tifata, imminentes Capuae colles, quum
 praesidio firmo occupassent, descendunt inde quadrato
 agmine in planitiem, quae Capuam Tifataque interiacet.
 Ibi rursus acie dimicatum: adversoque proelio Campani
 intra moenia compulsi, quum, robore iuventutis suae acciso,
 nulla propinqua spes esset, coacti sunt ab Romanis petere
 auxilium. Legati, introducti in senatum, maxime in hanc
 sententiam locuti sunt: ‘Populus nos Campanus legatos
 ‘ad vos, Patres conscripti, misit, amicitiam in perpetuum,
 ‘auxilium praesens a vobis petatum. Quam si secundis
 ‘rebus nostris petissemus, sicut coepta celerius, ita in-
 ‘firmiore vinculo contracta esset. Tunc enim, ut qui ex
 ‘aequo nos venisse in amicitiam meminissemus, amici for-
 ‘sitan pariter ac nunc, subiecti atque obnoxii vobis minus
 ‘essemus. Nunc, misericordia vestra conciliati, auxilioque
 ‘in dubiis rebus defensi, beneficium quoque acceptum
 ‘colamus, oportet; ne ingrati atque omni ope divina hu-
 ‘manaque indigni videamur. Neque, hercule, quod Sam-
 ‘nites priores amici sociique vobis facti sunt, ad id valere
 ‘arbitror, ne nos in amicitiam accipiamur; sed ut vetustate
 ‘et gradu honoris nos praestent: neque enim foedere Sam-
 ‘nitium, ne qua nova iungeretis foedera, cautum est. Fuit
 ‘quidem apud vos semper satis iusta causa amicitiae, velle
 ‘eum vobis amicum esse, qui vos appeteret. Campani, etsi
 ‘fortuna praesens magnifice loqui prohibet, non urbis am-
 ‘plitudine, non agri ubertate, ulli populo praeterquam vobis
 ‘cedentes, haud parva (ut arbitror) accessio bonis rebus
 ‘vestris in amicitiam venimus vestram. Aequis Volscis-
 ‘que, aeternis hostibus huius urbis, quandocunque se
 ‘moverint, ab tergo erimus: et, quod vos pro salute nostra
 ‘priores feceritis, id nos pro imperio vestro et gloria sem-
 ‘per faciemus. Subactis iis gentibus quae inter nos vosque
 ‘sunt, quod propediem futurum spondet et virtus et fortuna

30.
 Campani a
 senatu Ro-
 mano auxi-
 lium pe-
 tunt.

5 *Sidicinis*] Sidicini, si Strabonem
 v. p. 237. audiamus, gentis Oscae re-
 liquiae erant.

6 *Campanis*] Populus Campanus
 ex colluvione Oscanum devictorum
 cum victoribus Samnitibus provenerat,

cf. supr. iv. 37. Hi vero regionem
 usque ad Silarum occupaverant, sed
 dulcedine aeris et mollitie morum
 corrupti, cito a virtute et disciplina
 Sabellica degeneraverant.

'vestra, continens imperium usque ad nos habebitis. U. C. 412.
 'Acerbum ac miserum est, quod fateri nos fortuna nostra A. C. 340.
 7 'cogit. Eo ventum est, Patres conscripti, ut aut amicorum,
 'aut inimicorum Campani simus. Si defenditis, vestri:
 'si deseritis, Samnitium erimus. Capuam ergo et Cam-
 'paniam omnem vestris an Samnitium viribus accedere
 'malitis, deliberate. Omnibus quidem, Romani, vestram
 'misericordiam, vestrumque auxilium aequum est patere;
 'iis tamen maxime, qui, cum implorantibus aliis auxilium
 'dum supra vires suas praestant, omnes ipsi in hanc neces-
 8 'sitatē venerunt. Quanquam pugnavimus verbo pro
 'Sidicinis, re pro nobis, quum videremus finitimum po-
 'pulum nefario latrocinio Samnitium peti; et, ubi con-
 'flagrassent Sidicini, ad nos traiecturum illud incendium
 'esse. Nec enim nunc, quia dolent iniuriam acceptam
 'Samnites, sed quia gaudent oblatam sibi esse causam, op-
 'pugnatum nos veniunt. An, si ultio irae haec, et non
 'occasio cupiditatis explendae esset, parum fuit, quod
 'semel in Sidicino agro, iterum in Campania ipsa legiones
 'nostras cecidere? Quae est ista tam infesta ira, quam
 'per duas acies fusus sanguis explere non potuerit? Adde
 'huc populationem agrorum, praedas hominum atque pe-
 'cudum actas, incendia villarum ac ruinas, omnia ferro
 'ignique vastata. Hiscine ira expleri non potuit? Sed
 'cupiditas explenda est. Ea ad oppugnandam Capuam
 'rapit. Aut delere urbem pulcherrimam, aut ipsi possidere
 'volunt. Sed vos potius, Romani, beneficio vestro occu-
 'pate eam, quam illos habere per maleficio sinatis. Non
 9 'loquor apud recusantem iusta bella populum; sed tamen,
 'si ostenderitis auxilia vestra, ne bello quidem arbitror
 'vobis opus fore. Usque ad nos contemptus Samnitium
 'pervenit, supra non escendit. Itaque umbra vestri auxilii,
 'Romani, tegi possumus: quicquid deinde habuerimus,
 'quicquid ipsi fuerimus, vestrum id omne existimaturi.
 'Vobis arabitur ager Campanus; vobis Capua urbs fre-
 'quentabitur: conditorum, parentum, deorum immorta-
 'lium numero nobis eritis. Nulla colonia vestra erit, quae
 1 'nos obsequio erga vos fideque superet. Annuite, Patres

7 *Eo ventum est*] cf. Coreyraeorum
 Oratio ap. Thucyd. i. 36. sub fin.
 unde haec expressa esse iam monuit
 Sigonius, Rur.

8 *Verbo*] Quemadmodum *nomen*,
 ut supr. 39. *magis nomen ad praest-*
andum, ita etiam *verbum* haud raro *rei*
 ipsi opponitur. cf. infr. xxxvii. 53.
 Cic. Verr. iii. 58.

9 *Sed tamen*] sc. Interim, ut Doer.

monet, et Virg. Ecl. ix. 55. citat;
 "Sed tamen ista satis referet tibi
 saepe Menalcas." Elliptica haud
 dubie haec oratio, quae idem valet
 ac si diceretur, nihil opus est ut de
 hac re, verba faciamus, sc. ut hoc
 bellum iustum esse vobis probemus,
 quippe si modo auxilia vestra osten-
 deritis, ne bello quidem opus fuerit.

1 *Annuite, ... nutum numenque ve-*

U. C. 412. 'conscripti, nutum numenque vestrum invictum Campanis,
 A. C. 340. 'et iubete sperare, incolumem Capuam futuram. Qua frequentia omnium generum multitudinis prosequente creditis nos illinc profectos? quam omnia votorum lacrimarumque plena reliquisse? in qua nunc exspectatione senatum populumque Campanum, coniuges, liberosque nostros esse? Stare omnem multitudinem ad portas, viam hinc ferentem prospectantes, certum habeo, quid illis nos, Patres conscripti, sollicitis ac pendentibus animi renuntiare iubeatis. Alterum responsum salutem, victoriam, lucem, ac libertatem; alterum ominari horreo, quae ferat. Proinde ut aut de vestris futuris sociis atque amicis, aut nusquam ullis futuris nobis, consulite.'

31. Summotis deinde legatis, quum consultus senatus esset, etsi magnae parti urbs maxima opulentissimaque Italiae, uberrimus ager marique propinquus ad varietates annonae horreum populi Romani fore videbatur; tamen tanta utilitate fides antiquior fuit, responditque ita ex auctoritate senatus consul: 'Auxilio vos, Campani, dignos censet senatus: sed ita vobiscum amicitiam institui par est, ne qua vetustior amicitia ac societas violetur. Samnites nobiscum foedere iuncti sunt. Itaque arma, deos prius, quam homines, violatura, adversus Samnites vobis negamus. Legatos, sicut fas iusque est, ad socios atque amicos precatum mittemus, ne qua vobis vis fiat.' Ad ea princeps legationis, (sic enim domo mandatum attulerant) 'Quandoquidem,' inquit, 'nostra tueri adversus vim atque iniuriam iusta vi non vultis, vestra certe defendetis. Itaque populum Campanum, urbemque Capuam, agros, delubra deum, divina humanaque omnia in vestram, Patres conscripti, populique Romani ditionem dedimus; quicquid deinde patiemur, dediticii vestri passuri.' Sub haec dicta omnes, manus ad consules tendentes, pleni lacrimarum in vestibulo curiae procubuerunt. Commoti Patres vice fortunarum humanarum, si ille praepotens opibus populus, luxuria superbiaque clarus, a quo paullo ante auxilium finitimi petissent, adeo infractos gereret animos, ut se ipse suaque omnia potestatis alienae faceret: tum iam fides agi² visa, deditos non prodi, nec facturum aequa Samnitium populum censebant, si agrum urbemque, per deditionem factam populi Romani, oppugnarent. Legatos itaque ex templo mitti ad Samnites placuit: data mandata, 'ut

Negatur
 auxilium
 Campanis.

Accipitur
 illorum deditio.

strum] Sic compellant Campani Romanos tanquam deos quosdam, tanquam Iovem ipsum, cuius nutu vertuntur ac reguntur omnia. *Numen* ab eadem origine est, a verbo nempe

nuere, et divinam gubernationem ac voluntatem denotat. CREV.

² *Fides agi*] Fidci interesse visum est. CREV.

3⁶ preces Campanorum, responsum senatus amicitiae Sam- U. C. 412.
 6^{nitium} memor, deditionem postremo factam, Samnitibus A. C. 340.
 4⁶ exponerent. Peterent pro societate amicitiaque, ut de- Legatio
 6^{diticiis} suis parcerent: neque in eum agrum, qui populi Rom. ad
 6^{Romani} factus esset, hostilia arma inferrent. Si leniter Samnites.
 6^{agendo} parum proficerent, denuntiarent Samnitibus po-
 6^{puli} Romani senatusque verbis, ut Capua urbe Cam-
 6^{panoque} agro abstinerent.' Haec legatis agentibus in
 concilio Samnitium adeo est ferociter responsum, ut non
 solum gesturos se esse dicerent id bellum, sed magistratus
 eorum e curia egressi, stantibus legatis, praefectos cohorti-
 um vocarent; iisque clara voce imperarent, ut praedatum
 in agrum Campanum extemplo proficiscerentur.

Hac legatione Romam relata, positis omnium aliarum 32.
 rerum curis, Patres, fetialibus ad res repetendas missis,
 belloque, quia non redderentur, sollenni more indicto, de-
 creverunt, ut primo quoque tempore de ea re ad populum
 ferretur: iussuque populi consules ambo cum duobus ab Bellum
 urbe exercitibus profecti, Valerius in Campaniam, Corne- cum Sam-
 5^{lius} in Samnium, ille ad montem Gaurum, hic ad Sati- nitibus.
 culam castra ponunt. Priori Valerio Samnitium legiones
 (eo namque omnem belli molem inclinaturam censebant)
 occurrunt. Simul in Campanos stimulabat ira, tam
 promptos nunc ad ferenda, nunc ad arcessenda adversus
 se auxilia. Ut vero castra Romana viderunt, ferociter pro
 se quisque signum duces poscere, affirmare, eadem fortuna
 Romanum Campano laturum opem, qua Campanus Sidi-
 cino tulerit. Valerius, levibus certaminibus, tentandi hostis
 causa, haud ita multos moratus dies, signum pugnae pro-
 posuit, paucis suos adhortatus: 'Ne novum bellum eos Consul Ro-
 6^{novusque} hostis terreret. Quidquid ab urbe longius pro- manus suos
 6^{ferrent} arma, magis magisque in inbelles gentes eos pro- ad proe-
 6^{dire}. Ne Sidicinorum Campanorumque cladibus Sam- lium horta-
 6^{nitium} aestimarent virtutem. Qualescunque inter se tur.

3 *Responsum . . . memor*] Respon-
 sum, ex quo appareret senatum reti-
 nuisse memoriam amicitiae Samniti-
 um. Audacius adhuc dixit Livius,
 i. 28. *exempli parum memoris legum*
humanarum. CREV.

4 *Dediticiis suis parcerent*] Hic
 errore quodam Livium versari putat
 Niebhr. iii. 134, et socios, non *dediticiis*
 Romani populi hoc tempore factos
 fuisse Campanos, quippe quos pro con-
 ditione magis sociorum, quam dediti-
 ciorum infidorum, Romani post bel-
 lum Latinum iterum in fidem accepe-
 rint. cf. infr. viii. 14.

5 *Ad montem Gaurum*] Duplices

hoc nomine montes, unus ad Nuce-
 riam cf. Eckhel Doctr. Num. i. p. 144.
 alter haud procul Cumis, de quo nunc
 agitur. Quomodo autem evenit, ut
 Valerius exercitum suum in hunc lo-
 cum iniquissimum deduxerit, ubi viam
 a fronte mare, a tergo Vulturnus flu-
 vius praecluderet, silentio praeter-
 mittitur: verum Niebhr. iii. p. 137.
 merito suspicatur, rem parum pro-
 spere adversus Samnites gestam et
 consulem Romanum in has angustias
 detrusisse, et victoribus Samnitibus fe-
 rociorem auxisse. cf. in cap. seq. *pau-*
cos ante dies geminata victoria.

U. C. 412. 'certaverint, necesse fuisse, alteram partem vinci. Cam-
 A. C. 340. 'panos quidem haud dubie magis nimio luxu fluentibus
 'rebus mollitiaque sua, quam vi hostium, victos esse. Quid
 'autem esse duo prospera in tot saeculis bella Samnitium
 'adversus tot decora populi Romani, qui triumphos paene
 'plures, quam annos ab urbe condita, numeret? qui omnia
 'circa se, Sabinos, Etruriam, Latinos, Hernicos, Aequos,
 'Volscos, Auruncos, domita armis habeat? qui Gallos, tot 6
 'proeliis caesos, postremo in mare ac naves fuga compu-
 'lerit? Quum gloria belli ac virtute sua quemque fretos
 'ire in aciem debere, tum etiam intueri, cuius ductu auspi-
 'cioque ineunda pugna sit: utrum qui audiendus duntaxat 7
 'magnificus adhortator sit, verbis tantum ferox, operum
 'militarium expertus: an qui et ipse tela tractare, procedere
 'ante signa, versari media in mole pugnae sciat. Facta
 'mea, non dicta, vos, milites,' inquit, 'sequi volo; nec
 'disciplinam modo, sed exemplum etiam, a me petere.
 'Non factionibus modo, nec per coitiones usitatas nobilibus, 8
 'sed hac dextra, mihi tres consulatus summamque laudem
 'peperi. Fuit, quum hoc dici poterat: Patricius enim eras, 9
 'et a liberatoribus patriae ortus: et, eodem anno familia
 'ista consulatum, quo urbs haec consulem, habuit. Nunc
 'iam nobis Patribus vobisque plebeiis promiscuus consu-
 'latus patet, nec generis, ut ante, sed virtutis est praemium.
 'Proinde summum quodque spectate, milites, decus. Non,
 'si mihi novum hoc Corvi cognomen diis auctoribus ho-
 'mines dedistis, Publicolarum vetustum familiae nostrae
 'cognomen memoria excessit. Semper ego plebem Ro-
 'manam militiae domique, privatus, in magistratibus parvis
 'magnisque, aequae tribunus ac consul, eodem tenore per
 'omnes deinceps consulatus, colo atque colui. Nunc, quod
 'instat, diis bene iuvantibus, novum atque integrum de
 'Samnitibus triumphum mecum petite.'

6 *Gallos . . . in mare ac naves*] Oratorice haec dicta, nusquam enim de Gallis *in mare ac naves compulsis* quidquam scriptum est. Haec magis in Graecos convenire supr. 26. putat Crevierius, sed verba *tot proeliis caesos* impediunt, quo minus ei assentiamur.

7 *Utrum qui audiendus*] Potest quidem exponi: utrum is cuius ductu auspicioque ineunda pugna sit, eiusmodi sit imperator, cuius audienda tantum verba sint, non etiam facta spectanda. CREV.

8 *Non factionibus modo*] *Modo* pro nuper dici censet Sigon. Sed *non modo* pro *non modo non* positum esse

coniicit Drak. Equidem vereor, ut Drakenborchii coniectura vera sit, quippe si quando *non modo* elliptice pro *non modo non* positum sit, in altero orationis membro vis quaedam negativa, e. g. *sed ne quidem*, supr. i. 40. iv. 3. requiritur. cf. Zumpt. Lat. Gram. sect. 83. *Modo* tollendum iudicat Glarean. quod Doeringio optimum videtur.

9 *Patricius enim eras*] Similiter ap. Graccos particula γὰρ in obiectio- nibus adhibetur, ita ut omissum aliquid subaudiatur huiusmodi: *nihil mirum, te consulem esse factum*. STR. cf. infr. xxl. 40.

Non alias militi familiarior dux fuit, omnia inter infimos militum haud gravate munia obeundo. In ludo praeterea militari, quum velocitatis viriumque inter se aequales certamina ineunt, comiter facilis vincere ac vinci vultu eodem; nec quemquam aspernari parem, qui se offerret; factis benignus pro re, dictis haud minus libertatis alienae, quam suae dignitatis, memor: et, quo nihil popularius est, quibus artibus petierat magistratus, iisdem gerebat. Itaque universus exercitus, incredibili alacritate adhortationem prosecutus ducis, castris egreditur. Proelium, ut quod maxime unquam, pari spe, utrimque aequis viribus, cum fiducia sui, sine contemptu hostium, commissum est. Samnitibus ferociam augebant novae res gestae et paucos ante dies geminata victoria; Romanis contra quadringentorum annorum decora et conditae urbi aequalis victoria: utrisque tamen novus hostis curam addebat. Pugna indicio fuit, quos gesserint animos: namque ita conflixerunt, ut aliquamdiu in neutram partem inclinarent acies. Tum consul, trepidationem iniiciendam ratus, quando vi pelli non poterant, equitibus immissis turbare prima signa hostium conatur. Quos ubi nequicquam tumultuantes in spatio exiguo volvere turmas vidit, nec posse aperire in hostes viam, reiectus ad antesignanos legionum, quum desiluisset ex equo, 'Nostrum,' inquit, 'peditum illud, milites, est opus. Agitedum, ut me videritis, quacunque incessero in aciem hostium, ferro viam facientem, sic pro se quisque obvios sternite. Illa omnia, qua nunc erectae micant hastae, patefacta strage vasta cernetis.' Haec dicta dederat, quum equites consulis iussu discurrunt in cornua, legionibus in mediam aciem aperiunt viam. Primus omnium consul invadit hostem; et, cum quo forte contulit gradum, obtruncat. Hoc spectaculo accensi dextra laeva-que, ante se quisque, memorandum proelium cernunt. Stant obnisi Samnites, quanquam plura accipiant, quam inferunt, vulnera. Aliquamdiu iam pugnatum erat; atrox caedes circa signa Samnitium, fuga ab nulladum parte erat: adeo morte sola vinci destinaverant animis. Itaque Romani, quum et fluere iam lassitudine vires sentirent, et dici haud multum superesset, accensi ira concitant se in hostem. Tum primum referri pedem atque inclinari rem in fugam

U. C. 412.
A. C. 340.
33.

Valerius
Corvus fa-
miliaris mi-
liti dux.

Proelium
cum Sam-
nitibus
atrox.

1 *Pro re*] Pro varia rerum, temporum, personarumque ratione. CREV. *Pro re nata*. Cic. Att. vii. 8.

2 *Proelium*] Hoc proelio tanquam praerogativa, inter Romanam gentem et Sabellicam, non modo uter utris imperaret, sed uter Italiae leges daret, certatum est.

3 *Paucos ante dies*] cf. Cap. praec. et quae ibi notata sunt.

4 *Ab nulladum*] h. e. Ab nulla adhuc. infr. xxix. 11. *nulladum in Asia civitates socias habebat populus Romanus*, ubi plura de hoc loquendi more exempla collegit Drakenborchius.

U. C. 412. apparuit; tum capi, occidi Samnis: nec superfuissent
 A. C. 340. multi, ni nox victoriam magis, quam proelium, diremisset.
 Vincuntur Et Romani fatebantur, nunquam cum pertinacior hoste
 Samnites in conflictum: et Samnites, quum quaereretur, quaenam pri-
 Campania. ma causa tam obstinatos movisset in fugam? ‘oculos sibi
 ‘Romanorum ardere visos,’ aiebant, ‘vesanosque vultus et
 ‘furentia ora: inde plus, quam ex alia ulla re, terroris
 ‘ortum.’ Quem terrorem non pugnae solum eventu, sed
 nocturna profectione, confessi sunt. Postero die vacuis
 hostium castris Romanus potitur: quo se omnis Campa-
 norum multitudo gratulabunda effudit.

34. Ceterum hoc gaudium magna prope clade in Samnio
 Cornelii foedatum est. Nam ab Saticula profectus Cornelius consul
 consulis in exercitum incaute in saltum, cava valle pervium, circaque 5
 Samnio pe- insessum ab hoste, induxit: nec prius, quam recipi tuto
 riculum. signa non poterant, imminensem capiti hostem vidit. Dum 6
 id morae Samnitibus est, quoad totum in vallem infimam
 demitteret agmen; P. Decius tribunus militum conspexit 7
 unum editum in saltu collem, imminensem hostium castris, 8
 aditu arduum impedito agmini, expeditis haud difficilem.
 Itaque consuli terrore animi, ‘Videsne tu,’ inquit, ‘A. Cor-
 ‘neli, cacumen illud supra hostem? Arx illa est spei sa-
 ‘lutisque nostrae, si eam, quam caeci reliquere Samnites,
 ‘impigre capimus. Ne tu mihi plus, quam unius legionis 9
 ‘principes hastatosque, dederis: cum quibus ubi evasero
 ‘in summum, perge hinc omni liber metu, teque et exer-
 ‘citum serva. Neque enim moveri hostis, subiectus nobis
 ‘ad omnes ictus, sine sua pernicie poterit. Nos deinde
 ‘aut fortuna populi Romani, aut nostra virtus expediet.’
 Collaudatus ab consule, accepto praesidio, vadit occultus
 per saltum; nec prius ab hoste est visus, quam loco, quem
 petebat, appropinquavit. Inde admiratione paventibus
 cunctis, quum omnium in se vertisset oculos, et spatium
 consuli dedit ad subducendum agmen in aequiorem locum,
 et ipse in summo constitit vertice. Samnites, dum huc

5 *In saltum, cava valle pervium*] cf. infr. ix. 2. et quae ibi de Furcis Caudinis memorantur.

6 *Dum id morae Samnitibus est*] Cunctantibus Samnitibus, et expectantibus dum consul totum agmen demisisset in vallem, ubi eum facillime oppressuri sibi videbantur. CREV.

7 *Demitteret*] sc. Consul Cornelius. *Demitterent* Drak. et reliqui edd. sed nihil stultius foret, quam si Samnites agmen suum in vallem infimam ex loco superiore deduxissent. Quare *demitteret* omnino res ipsa flagitat.

8 *Unum*] h. e. Editum aliquem,

vel unum prae aliis editum; sic passim per *unus* apud Latinos insignis aliquis designatur. cf. supr. iii. 55. *quia nondum in quemquam unum saeviebatur*. DOER.

9 *Unius legionis principes hastatosque*] Quum centuriae singulae iam viginti et septem milites, et cohortes hastatorum et principum tricenae centurias haberent, ex his summa MDCXX militum conficiebatur, ad quos si accessissent LX centuriones et xxx vexillarii, praesidium haud dubie satis validum ad collem obtinendum Decius haberet.

illuc signa vertunt, utriusque rei amissa occasione, neque U. C. 412.
 insequi consulem, nisi per eandem vallem, in qua paullo A. C. 340.
 ante subiectum eum telis suis habuerant, possunt; nec
 erigere agmen in captum super se ab Decio tumultum. Sed
 quum ira in hos magis, qui fortunam gerendae rei eripu-
 erant, tum propinquitas loci atque ipsa paucitas incitat: et
 nunc circumdare undique collem armatis volunt, ut a con-
 sule Decium intercludant; nunc viam patefacere, ut de-
 gressos in vallem adoriantur. Incertos quid agerent, nox
 oppressit.

Decium primum spes tenuit, cum subeuntibus in adver-
 sum collem ex superiore loco se pugnaturum: deinde ad-
 miratio incessit, quod nec pugnam inirent, nec, si ab eo
 consilio iniquitate loci deterrerentur, opere se valloque cir-
 cumdarent. Tum centurionibus ad se vocatis, ‘Quaenam
 ‘illa inscitia belli ac pigritia est? aut quonam modo isti ex
 ‘Sidicinis Campanisque victoriam pepererunt? Huc atque
 1 ‘illuc signa moveri, ac modo in unum conferri, modo educi
 ‘videtis. Opus quidem incipit nemo, quum iam circum-
 ‘dati vallo potuerimus esse. Tum vero nos similes istorum
 ‘simus, si diutius hic moremur, quam commodum sit.
 ‘Agitedum, ite mecum; ut, dum lucis aliquid superest,
 ‘quibus locis praesidia ponant, qua pateat hinc exitus, ex-
 ‘ploremus.’ Haec omnia sagulo gregali amictus, centurio-
 nibus item manipularium militum habitu ductis, ne ducem
 circumire hostes notarent, perlustravit. Vigiliis deinde 35.
 2 dispositis, ceteris omnibus tesseram dari iubet: ‘ubi se-
 3 ‘cundae vigiliae buccina datum signum esset, armati cum
 ‘silentio ad se convenirent.’ Quo ubi, sicut edictum erat,
 taciti convenerunt, ‘Hoc silentium, milites,’ inquit, ‘omisso Oratio De-
 ‘militari assensu, in me audiendo servandum est. Ubi cii ad mili-
 ‘sententiam meam vobis peregero, tum, quibus eadem tes.
 ‘placebunt, in dextram partem taciti transibitis: quae pars
 ‘maior erit, eo stabitur consilio. Nunc, quae mente
 ‘agitem, audite. Non fuga delatos, nec inertia relictos

1 *Signa . . . modo*] *Signa . . . mo-*
do in unum conferri, quasi quiescere
 intra castra statuerint Samnites; *mo-*
do educi, quasi fidem parent invadere
 Romanos. CREV.

2 *Tesseram*] Tessera proprie est
 tabella exigua, in qua inscribatur
 signum, seu symbolum nocturnum.
 Ea sub occasum solis, antequam po-
 nerentur vigiliae, a tribuno dabatur
 militi cuidam, (cui ob id ipsum *tesse-*
rario nomen erat) perque singulos
 ordine manipulos ibat, donec ad tri-
 bunum ante noctem referretur. Hunc

morem descriptum vid. apud Polyb.
 vi. 35. et fuse expositum a Lipsio, de
 Mil. Rom. v. 9. Hae autem tesserae
 non ad vigiliis solum adhibebantur,
 sed et ad imperia et mandata ducum,
 et quicquid exercitus vellent celeriter
 per omnem exercitum innotescere:
 ut patet tum ex hoc loco, tum ex c.
 sequenti. CREV.

3 *Secundae vigiliae*] Tota nox in
 quattuor vigiliis dividebatur, quarum
 quaelibet tribus horis constabat. Ita-
 que secunda vigilia incipit cum quar-
 ta noctis hora. CREV.

U. C. 412. 'hic vos circumvenit hostis. Virtute cepistis locum;
 A. C. 340. 'virtute hinc, oportet, evadatis. Veniendo huc exercitum
 'egregium populi Romani servastis; erumpendo hinc vos-
 'met ipsos servate. Digni estis, qui pauci pluribus opem
 'tuleritis, ipsi nullius auxilio egueritis. Cum eo hoste res
 'est, qui hesterno die delendi omnis exercitus fortuna per
 'socordiam usus non sit; hunc tam opportunum collem
 'imminentem capiti suo non ante viderit, quam captum a
 'nobis; nos tam paucos tot ipsi millibus hominum nec
 'ascensu arcuerint; nec tenentes locum, quum diei tantum
 'superesset, vallo circumdederint. Quem videntem ac
 'vigilantem sic eluseritis, sopitum, oportet, fallatis; imo
 'necesse est. In eo enim loco res sunt nostrae, ut vobis
 'ego magis necessitatis vestrae index, quam consilii auctor,
 'sim. Neque enim, maneatis, an abeatis hinc, deliberari
 'potest; quum, praeter arma et animos armorum memores,
 'nihil vobis fortuna reliqui fecerit, fameque et siti morien-
 'dum sit, si plus, quam viros ac Romanos decet, ferrum
 'timeamus. Ergo una est salus erumpere hinc atque abire.
 'Id aut interdiu aut nocte faciamus, oportet. Ecce autem
 'aliud minus dubium: quippe si lux exspectetur, quae spes
 'est, non vallo perpetuo fossaque nos saepturum hostem,
 'qui nunc corporibus suis subiectis undique cinxerit, ut
 'videtis, collem? Atqui, si nox opportuna est eruptioni,
 'sicut est, haec profecto noctis aptissima hora est. Signo
 'secundae vigiliae convenistis, quod tempus mortales somno
 'altissimo premit. Per corpora sopita vadetis; vel silentio
 'incautos fallentes, vel sentientibus clamore subito pavorem
 'iniecturi. Me modo sequimini, quem secuti estis. Ego
 'candem, quae duxit huc, sequar fortunam. Quibus haec
 'salutaria videntur, agitedum, in dextram partem pedibus
 36. 'transite.' Omnes transierunt, vadentemque per intermissa
 custodiis loca Decium secuti sunt. Iam evaserant media
 castra, quum superscandens vigilum strata somno corpora
 miles offenso scuto praebuit sonitum. Quo excitatus vigil
 quum proximum movisset, erectique alios concitarent,
 ignari cives an hostes essent, praesidium crumperet, an
 consul castra cepisset: Decius, quum non fallerent, cla-
 morem tollere iussis militibus, torpidos somno insuper
 pavore exanimat; quo praepediti, nec arma impigre capere,
 nec obsistere, nec insequi poterant. Inter trepidationem
 tumultumque Samnitium, praesidium Romanum, obviis
 custodibus caesis, ad castra consulis pervadit.

Decius ad
exercitum

Aliquantum supererat noctis, iamque in tuto videbantur

4 Quum non fallerent] sc. Quum quum, vocem quoniam, quae in MSS. quibusdam legitur, reposuit Bekker.

5 esse; quum Decius, 'Maeti virtute,' inquit, 'milites Ro- U. C. 412.
 'mani, este. Vestrum iter ac reditum omnia saecula lau- A. C. 340.
 'dibus ferent. Sed ad conspiciendam tantam virtutem incolumis
 'luce ac die opus est: nec vos digni estis, quos cum tanta redit.
 'gloria in castra reduces silentium ac nox tegat. Hic
 'lucem quieti opperiamur.' Dictis obtemperatum. Atque
 ubi primum illuxit, praemisso nuntio ad consulem in castra,
 6 ingenti gaudio concitantur: et, tessera data, incolumes
 reverti, qui sua corpora pro salute omnium haud dubio
 periculo obiecissent, pro se quisque obviam effusi laudant,
 gratulantur, singulos universosque servatores suos vocant:
 diis laudes gratesque agunt, Decium in coelum ferunt.
 Hic Decii castrensis triumphus fuit, incedentis per media
 castra cum armato praesidio, coniectis in eum omnium
 oculis, et omni honore tribunum consuli aequantibus. Ubi
 ad praetorium ventum est, consul classico ad concionem
 convocat: orsusque meritas Decii laudes, interfante ipso
 Decio, distulit concionem: qui auctor omnia posthabendi,
 dum occasio in manibus esset, perpulit consulem, ut hostes,
 7 et nocturno pavore attonitos, et circa collem castellatim
 dissipatos, aggrediretur: credere etiam aliquos, ad se se-
 quendum emissos, per saltum vagari. Iussae legiones arma Vincuntur
 capere: egressaeque castris, quum per exploratores notior Samnites.
 iam saltus esset, via patentiore ad hostem ducuntur. Quem
 incautum improvise adortae, quum palati passim Samnitium
 milites, plerique inermes, nec coire in unum, nec arma
 capere, nec recipere intra vallum se possent, paventem
 primum in castra compellunt: deinde castra ipsa, turbatis
 stationibus, capiunt. Perfertur circa collem clamor: fu-
 gatque ex suis quemque praesidiis. Ita magna pars ab-
 8 senti hosti cessit. Quos intra vallum egerat pavor, (fuere
 autem ad triginta millia) omnes caesi; castra direpta.

Ita rebus gestis, consul, advocata concione, P. Decii non 37.
 coeptas solum ante, sed cumulas novas virtute laudes per- Decius do-
 9 agit: et praeter militaria alia dona, aurea corona eum et natus.

5 *Maeti virtute*] *Maete* codd. qui-
 dam, vulgatum vero *maeti* defendit
 locus etiam apud Lexicographos no-
 tus, Plin. H. N. ii. 12. *Maeti ingenio*
este, coeli interpretes. Maetus autem
metis auctus.

6 *Tessera data*] Similiter *signo da-*
to saepius occurrit pro *nuncio per*
castra delato, tanquam tessera sive
 signo militari.

7 *Castellatim*] h. e. Per castella
 sive viculos montanos, nisi malis spar-
 sim, certis intervallis, more castello-
 rum.

8 *Fuere autem ad triginta millia*]

Numerus caesorum haud datie in
 maius auctus est, quoniam bellum
 minime profligatum fuit, neque Sam-
 nium adhuc in fidem Romanam ac-
 ceptum est. Fieri tamen potest, ut
 quum Valerius in Capuam concess-
 isset, haec res Cornelio obstiterit, ne
 victoria sua uteretur. Equidem fa-
 ctor n. hi aliquid in hoc subolere,
 quod ex manu Valerii Antiatii, in fin-
 gendis numeris semper nimis auda-
 cis, provenisse videtur. Niebhr. iii.
 p. 141.

9 *Aurea corona*] cf. Supr. iii. 29.

U. C. 412. centum bubus, eximioque uno albo opimo auratis cornibus,
 A. C. 340. donat. Milites, qui in praesidio simul fuerant, duplici¹
 frumento in perpetuum, in praesentia singulis bubus binis-
 que privis tunicis donati. Secundum consulis donationem²
 legiones gramineam coronam obsidionalem, clamore donum³
 approbantes, Decio imponunt. Altera corona, eiusdem
 honoris index, a praesidio suo imposita est. His decoratus
 insignibus bovem eximium Marti immolavit; centum boves
 militibus dono dedit, qui secum in expeditione fuerant.
 Iisdem militibus legiones libras farris et sextarios vini con-⁴
 tulerunt: omniaque ea ingenti alacritate per clamorem
 militarem, indicem omnium assensus, gerebantur.

Tertia pug-
 na cum
 Samnitibus.

Tertia pugna ad Suessulam commissa est: qua fugatus a
 M. Valerio Samnitium exercitus, omni robore iuventutis
 domo accito, certamine ultimo fortunam experiri statuit.
 Ab Suessula nuntii trepidi Capuam, inde equites citati ad
 Valerium consulem, opem oratum, veniunt. Confestim
 signa mota: relictisque impedimentis castrorum valido
 praesidio, raptim agitur agmen: nec procul ab hoste locum
 perexiguum (ut quibus, praeter equos, ceterorum iumen-
 torum calonumque turba abesset) castris cepit. Samnitium
 exercitus, velut haud ulla mora pugnae futura esset, aciem
 instruit: deinde, postquam nemo obvius ibat, infestis signis
 ad castra hostium succedit. Ibi ut militem in vallo vidit,
 missique ab omni parte exploratum, quam in exiguum
 orbem contracta castra essent, paucitatem inde hostium⁵
 colligentes, retulerunt; fremere omnis acies, complen-
 das esse fossas scindendumque vallum, et in castra ir-
 rumpendum: transactumque ea temeritate bellum foret,
 ni duces continuissent impetum militum. Ceterum, quia
 multitudo sua commeatibus gravis, et prius sedendo ad⁶
 Suessulam, et tum certaminis mora, haud procul ab rerum
 omnium inopia esset; placuit, dum inclusus paveret hostis,
 frumentatum per agros militem duci: interim et Romano,
 qui expeditus, quantum humeris inter arma geri posset

¹ *Duplici frumento*] Hinc *duplicarii*, supr. ii. 59.

² *Privis tunicis*] Potest exponi: quae suae cuiusque ac propriae forent. Sic Hor. Epist. i. 1. *Quem ducit priva triremis*. Sed quum haec vox necessaria non sit hoc loco, eamque ignorent quinque e nostris scriptis, eam libenter deleremus. CREV.

³ *Gramineam coronam obsidionalem*] *Obsidionalis* corona est, inquit A. Gell. v. 6. "quam ii, qui liberati sunt ab obsidione, dant ei duci qui liberavit. Ea corona graminea est: observarique solitum, ut fieret e gra-

mine, quod in eo loco generatum esset, intra quem clausi erant qui obsidebantur." Observat Plin. H. N. xxii. 4. ceteras coronas ab imperatore militibus dari solitas, hanc solam a militibus imperatori. CREV.

⁴ *Sextarios vini*] *Sextarius* est sexta pars congi, proindeque capiebat plus sexdecim vini uncias. CREV.

⁵ *Contracta castra*] Simili dolo Romani ad Metaurum Hasdrubalem fefellerunt. cf. infr. xxvii. 46.

⁶ *Commeatibus gravis*] Quae oneri esset commeatibus, i. e. quae nimiam commeatum copiam absumeret. CR.

frumenti, secum attulisset, defutura omnia. Consul palatos U. C. 412.
 per agros quum vidisset hostes, stationes infrequentes re- A. C. 340.
 lictas, paucis milites adhortatus, ad castra oppugnanda
 ducit. Quae quum primo clamore atque impetu cepisset,
 pluribus hostium in tentoriis suis, quam in portis valloque,
 caesis, signa captiva in unum locum conferri iussit; relic-
 7 tisque duabus legionibus custodiae et praesidii causa, gravi
 edicto monitis, ut, donec ipse revertisset, praeda abstine-
 rent; profectus agmine instructo, quum praemissus eques
 8 velut indagine dissipatos Samnites ageret, caedem ingentem
 fecit. Nam neque quo signo coirent inter se, neque, utrum
 castra peterent, an longiorem intenderent fugam, territis
 constare poterat. Tantumque fugae ac formidinis fuit, ut
 9 ad quadraginta millia scutorum, nequaquam tot caesis, et
 signa militaria cum iis, quae in castris capta erant, ad cen-
 tum septuaginta ad consulem deferrentur. Tum in castra
 hostium reditum: ibique omnis praeda militi data.

Huius certaminis fortuna et Faliscos, quum in indutiis 38.
 essent, foedus petere ab senatu coegit; et Latinos, iam ex-
 exercitibus comparatis, ab Romano in Pelignum vertit bellum.

1 Neque ita rei gestae fama Italiae se finibus tenuit: sed Carthagi-
 Carthaginenses quoque legatos gratulatum Romam misere nienses le-
 cum coronae aureae dono, quae in Capitolio in Iovis cella gati.
 poneretur. Fuit pondo viginti quinque. Consules ambo Consules
 de Samnitibus triumpharunt, sequente Decio insigni cum trium-
 laude donisque: quum incondito militari ioco haud minus phant.
 tribuni celebre nomen, quam consulum, esset.

2 Campanorum deinde Suessulanorumque audita legationes: precantibusque datum, ut praesidium eo in hiberna
 3 mitteretur, quo Samnitium excursions arcuerentur. Iam Rom. mili-
 tum minime salubris militari disciplinae Capua instrumento tum de oc-
 omnium voluptatum delinitos militum animos avertit a cupanda
 memoria patriae: inibanturque consilia in hibernis eodem Capua con-
 4 scelere adimendae Campanis Capuae, per quod illi eam silia.

7 *Duabus legionibus*] Gronovio admiratio merito movetur, quod praesidium tantum castris relictum esset: quare *duabus cohortibus* magis verisimile foret. SROTH.

8 *Velut indagine*] Samnites, ut feras palantes, quasi indagine sive retium orbe, undique in unum equites cogeant, ut caederentur. Similiter *σαγνέειν* de Persis, qui more venatorum Samios cingebant, ne qua pateret effugium. Herod. iii. 149.

9 *Quadraginta millia*] Numerus hic, haud dubie a Valerio Antiate, nimis audacter in gentilis sui honorem effectus.

1 *Sed Carthaginenses quoque legatos*] Fieri potest ut haec Carthaginensium legatio ex anno 407. U. C. repetita fuerit, quum inter Catonis et Fabii Fastos discrepantia sit quinque annorum; et ideo Lavius haud raro his eandem rem iisdem fere verbis narrat.

2 *Suessulanorumque*] Ita ex emendatione Sigonii pro voce *Suessanorum* legitur. Suessula enim propius a Capua abest, quam Suessa, et ad eam pugnatum iam cum Samnitibus est.

3 *Iam tum*] Hoc dictum est propter hiberna Hannibalis, cuius exercitus Capuae corruptus est. SIGON.

4 *Per quod illi eam antiquis cul-*

U. C. 412. antiquis cultoribus ademissent: 'neque immerito suum
 A. C. 340. 'ipsorum exemplum in eos versurum. Cur autem potius
 'Campani agrum Italiae uberrimum, dignam agro urbem,
 'qui nec se nec sua tutari possint, quam victor exercitus
 'haberet, qui suo sudore ac sanguine inde Samnites depu-
 'lisset? An aequum esse, dediticios suos illa fertilitate
 'atque amoenitate perfrui; se, militando fessos, in pesti-
 'lente atque arido circa urbem solo luctari, aut in urbe
 U. C. 413. 'insidentem tabem crescentis in dies fenoris pati?' Haec
 A. C. 339. agitata occultis coniurationibus, necdum vulgata in omnes
 C. Marcio consilia, invenit novus consul C. Marcus Rutilus, cui Cam-
 IV. Q. Servilio Coss. pania sorte provincia evenerat, Q. Servilio collega ad urbem
 relicto. Itaque quum omnia ea, sicut gesta erant, per tri-
 bunos comperta haberet, et aetate et usu doctus (quippe
 qui iam quartum consul esset, dictatorque et censor fuisset)
 optimum ratus, differendo spem, quandocunque vellent,
 consilii exsequendi, militarem impetum frustrari; rumorem
 dissipat, in iisdem oppidis et anno post praesidia hiberna-
 tura. Divisa enim erant per Campaniae urbes, manave-
 rantque a Capua consilia in exercitum omnem. Eo lax-
 amento cogitationibus dato, quievit in praesentia seditio.
 39. Consul, educto in aestiva milite, dum quietos Samnites
 Arte elu- habebat, exercitum purgare missionibus turbulentorum
 duntur. 6 hominum instituit; aliis emerita dicendo stipendia esse,
 alios graves iam aetate, aut viribus parum validos. Quidam
 in commeatus mittebantur, singuli primo, deinde et co-
 7 hortos quaedam, quia procul ab domo ac rebus suis hiber-
 nassent. Per speciem etiam militarium usum, quum alii
 alio mitterentur, magna pars ablegati: quam multitudinem
 consul alter Romae praetorque, alias ex aliis fingendo
 moras, retinebat. Et primo quidem, ignari ludificationis,
 minime inviti domos revisebant. Postquam neque reverti
 ad signa primos, nec ferme alium, quam qui in Campania
 hibernassent, praecipueque ex iis seditionis auctores mitti
 viderunt; primum admiratio, deinde haud dubius timor
 incessit animos, consilia sua emanasse: 'iam quaestiones,
 'iam indicia, iam occulta singulorum supplicia, impo-
 'tensque et crudele consulum ac Patrum in se regnum
 'passuros.' Haec, qui in castris erant, occultis sermonibus
 serunt, nervos coniurationis eiectos arte consulis cernentes. 8

toribus ademissent] Vid. supr. iv. factioso ingenio erant. CREV.

37.

5 *In pestilente atque arido circa urbem solo]* cf. Cic. Rep. ii. 6. ubi locum in pestilenti regione salubrem delegisse Romulus dicitur.

6 *Missionibus]* Mittendo a signis, solvendo militia eos qui turbulento et

7 *In commeatus]* In quae cuique liberet loca, dato commeatu. CREV.

8 *Nervos coniurationis]* Mallet Puteanus *exsectos*. Sed vulgatae sensus commodus est: eiectos eos, qui nervi, h. e. robur ac firmamentum coniurationis erant. CREV.

Cohors una, quum haud procul Anxure esset, ad Lautulas U. C. 413.
 9 saltu angusto inter mare ac montes consedit, ad excipiendos, A. C. 339.
 quos consul aliis atque aliis (ut ante dictum est) causis mit-
 tebat. Iam valida admodum numero manus erat; nec Seditioso-
 quicquam ad iusti exercitus formam, praeter ducem, deerat. rum exerci-
 Incompositi itaque praedantes in agrum Albanum per- tus colligi-
 veniunt, et sub iugo Albae longae castra vallo cingunt.
 Perfecto inde opere, reliquum diei de imperatore sumendo
 sentiis decertant, nulli ex praesentibus satis fidentes.
 ‘Quem autem ab Roma posse exciri? quem Patrum aut
 ‘plebis esse, qui aut se tanto periculo sciens offerat, aut cui
 1 ‘ex iniuria insanientis exercitus causa recte committatur?’
 Postero die, quum eadem deliberatio teneret, ex praeda-
 toribus vagis quidam compertum attulerunt, T. Quinctium
 in Tusculano agrum colere, urbis honorumque inmemorem.
 Patriciae hic vir gentis erat: cui quum militiae, magna cum
 gloria actae, finem pes alter ex vulnere claudus fecisset, ruri
 agere vitam procul ambitione ac foro constituit. Eligunt du-
 audito, extemplo agnovere virum: et, quod bene verteret, cem T.
 acciri iusserunt. Sed parum spei erat, voluntate quicquam Quinctium.
 facturum: vim adhiberi ac metum placuit. Itaque silentio
 noctis quum tectum villae, qui ad id missi erant, intrassent;
 somno gravem Quinctium oppressum, nihil medium, aut
 imperium atque honorem, aut, ubi restitaret, mortem, ni
 sequeretur, denuntiantes, in castra pertraxerunt. Impe-
 rator extemplo adveniens appellatus: insigniaque honoris
 exterrito subitae rei miraculo deferunt, et ad urbem
 ducere iubent. Suo magis inde impetu, quam consilio
 ducis, convulsis signis, infesto agmine ad lapidem oc-
 tavum viae, quae nunc Appia est, perveniunt: issentque Valerius
 confestim ad urbem, ni venire contra exercitum dicta- Corvus di-
 toremque adversus se M. Valerium Corvum dictum etator.
 audissent, et magistrum equitum L. Aemilium Mamer-
 cinum. Ubi primum in conspectum ventum, et arma 40.
 signaque agnovere; extemplo omnibus memoria patriae
 iras permulsit. Nondum erant tam fortes ad sanguinem
 civilem, nec, praeter externa, noverant bella: ultimaque
 rabies secessio ab suis habebatur. Itaque iam duces, iam
 milites utrinque, congressus quaerere ad colloquia. Quin-
 ctius, quem armorum etiam pro patria satietas teneret,

9 *Saltu angusto*] Ubi postea praesidium Romanum contra Hannibalem iter obstruxit, cf. infr. xvi. 15.

1 *Ex iniuria insanientis*] Ob illam sibi iniuriam insaniebat exercitus, sc. ut Doering. placet, quod milites per causas speciosas dimissi erant: sed si vera sit conjectura Nie-

buhain, in not. ad 42. infr. allata, ob iniuriam quoque a creditoribus sibi illatam exercitus insaniebat.

2 *Ubi primum ... ventum, et arma*] Ita pro *ventum est* emendavit I. Fr. Gronov. Similem naevum emendavit I. Gronov. supr. ii. 39.

U. C. 413.
A. C. 339.

Dictatoris
ad seditio-
sos oratio.

nedum adversus patriam; Corvus, omnes caritate cives, praecipue milites, et ante alios suum exercitum, complexus, ad colloquium processit. Cognito ei extemplo haud minore ab adversariis verecundia, quam ab suis, silentium datum: 'Deos,' inquit, 'immortales, milites, vestros publicos, meosque, ab urbe proficiscens ita adoravi, veniamque supplex poposci, ut mihi de vobis concordiae partae gloriam, non victoriam, darent. Satis fuit eritque, unde belli decus pariat: hinc pax petenda est. Quod deos immortales inter nuncupanda vota expoposci, eius me compotem voti vos facere potestis; si meminisse vultis, non vos in Samnio, nec in Volscis, sed in Romano solo castra habere: si illos colles, quos cernitis, patriae vestrae esse, si hunc exercitum civium vestrorum: si me consulem vestrum, cuius ductu auspicioque priore anno bis legiones Samnitium fudistis, bis castra vi cepistis. Ego sum M. Valerius Corvus, milites, cuius vos nobilitatem beneficiis erga vos, non iniuriis, sensistis; nullius superbae in vos legis, nullius crudelis senatusconsulti auctor: in omnibus meis imperiis in me severior, quam in vos. Ac si cui genus, si cui sua virtus, si cui etiam maiestas, si cui honores subdere spiritus potuerunt; iis eram natus, id specimen mei dederam, ea aetate consulatum adeptus eram, ut potuerim, tres et viginti annos natus, consul Patribus quoque ferox esse, non solum plebi. Quod meum factum dictumve consulis gravius, quam tribuni, audistis? Eodem tenore duo insequentes consulatus gessi; eodem haec imperiosa dictatura geretur: ut neque in hos meos et patriae meae milites mitior, quam in vos, horreo dicere, hostes.³ Ergo vos prius in me strinxeritis ferrum, quam in vos ego. Istinc signa canent, istinc clamor prius incipiet atque impetus, si dimicandum est. Inducite in animum, quod non induxerunt patres avique vestri: non illi, qui in Sacrum montem secesserunt; non hi, qui postea Aventinum insederunt. Expectate, dum vobis singulis, ut olim Coriolano, matres coniugesque crinibus passis obviae ab urbe veniant. Tum Volscorum legiones, quia Romanum habebant ducem, quieverunt; vos, Romanus exercitus, ne destiteritis impio bello? T. Quincti, quocunque istic loco, seu volens, seu invitus, constitisti, si dimicandum erit, tum tu in novissimos te recipito: fugeris etiam honestius, tergumque civi dederis, quam pugnaveris contra patriam. Nunc ad pacificandum bene atque honeste inter primos stabis, et colloquii huius salutaris interpret fueris. Po-

³ *Horreo dicere*] cf. Dobraei Advers. i. p. 350. Demosth. Olynth. i. p. 16.

4 'stulate aequa, et ferte: quanquam vel iniquis standum U. C. 413.
 'est potius, quam impias inter nos conseramus manus.' T. A. C. 339.
 Quinctius plenus lacrimarum, ad suos versus, 'Me quoque,' T. Quin-
 inquit, 'milites, si quis usus mei est, meliorem pacis, quam ad pacem
 'belli, habetis ducem. Non enim illa modo Volscus aut hortatur.
 'Samnis, sed Romanus, verba fecit; vester consul, vester
 'imperator, milites: cuius auspicia pro vobis experti nolite
 'adversus vos velle experiri. Qui pugnarent vobiscum
 'infestius, et alios duces senatus habuit: qui maxime vobis,
 'suis militibus, parceret, cui plurimum vos imperatori vestro
 'crederetis, eum elegit. Pacem, etiam qui vincere possunt,
 'volunt: quid nos velle oportet? Quin, omissis ira et spe,
 'fallacibus auctoribus, nos ipsos nostraque omnia cognitae
 'permittimus fidei?' Approbantibus clamore cunctis, T. 41.
 Quinctius, ante signa progressus, in potestate dictatoris Seditio
 milites fore dixit: oravit, ut causam miserorum civium composita.
 ciperet, susceptamque eadem fide, qua rempublicam admini-
 strare solitus esset, tueretur. 'Sibi se privatim nihil
 'cavere: nolle alibi, quam in innocentia, spem habere.
 'Militibus cavendum, quod apud Patres semel plebi, iterum
 'legionibus cautum sit, ne fraudi secessio esset.' Quinctio
 collaudato, ceteris bonum animum habere iussis, dictator,
 equo citato ad urbem revectus, auctoribus Patribus, tulit ad
 5 populum in luco Petelino, ne cui militum fraudi secessio
 esset. Oravit etiam bona venia Quirites, ne quis eam rem
 ioco seriove cuiquam exprobraret. Lex quoque sacrata
 militaris lata est, ne cuius militis scripti nomen, nisi ipso
 6 volente, deleteretur: additumque legi, ne quis, ubi tribunus
 militum fuisset, postea ordinum ductor esset. Id propter
 P. Salonium postulatum est ab coniuratis; qui alternis
 prope annis et tribunus militum, et primus centurio erat,
 quem nunc primipili appellant. Huic infensi milites erant,
 quod semper adversatus novis consiliis fuisset, et, ne par-
 ticeps eorum esset, ab Lautulis fugisset. Itaque quum hoc

4 *Ferte*] Hoc est, proponite, ut supr. vi. 15. *sortem aliquam ferte.*

5 *In luco Petelino*] Extra portam Nomentanam. supr. vi. 20.

6 *Ne quis*] Huius legis vim omnino Livium fefellisse arbitratur Niebhr. qui narrationem hanc pluribus verbis excutit iii. p. 72—78. Haecenus tribuni militum ad legiones suffragio sex designabantur, ceteros quidem, qui Rufuli appellabantur, consul sive imperator faciebat, supr. vii. 5. Hac vero lege cautum est ne quis, ubi tribunus militum fuisset, postea centu-

riae praeficeretur, ut qui, maiore munere militari functus, de gradu non depellendus esset. Inde evenit, ut, si populus eundem militum tribunum suffragio non refecisset, immunis omnino militia esset, nisi unum in octo-decim iis locis quos consules cuiusvis ad arbitrium suum deferabant, tenuisset, quum in quattuor legionibus viginti quattuor tribuni essent. Postea quidem tribuni militum seni deni in quattuor legiones a populo creabantur. infr. ix. 30.

U. C. 413. unum propter Salonium ab senatu non impetraretur; tum
 A. C. 339. Salonius, obtestatus Patres conscriptos, ne suum honorem pluris, quam concordiam civitatis, aestimarent, perpulit, ut id quoque ferretur. Aequae impotens postulatum fuit, ut de stipendio equitum (merebant autem triplex ea tem-⁷pestate) aera demerentur, quod adversati coniurationi fuissent.

42. Praeter haec invenio apud quosdam, L. Genucium, tribunum plebis, tulisse ad populum, ne fenerare liceret: ⁸ item aliis plebiscitis cautum, ne quis eundem magistra-⁹tum intra decem annos caperet; neu duos magistratus uno anno gereret; utique liceret consules ambos plebeios creari. Quae si omnia concessa sunt plebi, apparet, haud parvas vires defectionem habuisse. Aliis annalibus proditum est, neque dictatorem Valerium dictum, sed per con-²sules omnem rem actam: neque, antequam Romam veniretur, sed Romae, eam multitudinem coniuratorum ad arma ³ consternatam esse; nec in T. Quinctii villam, sed in aedes C. Manlii, nocte impetum factum, eumque a coniuratis comprehensum, ut dux fieret: inde ad quartum lapidem profectos loco munito consedis-³se: nec ab ducibus mentionem concordiae ortam; sed repente, quum in aciem armati exercitus processissent, salutationem factam: et permixtos dextras iungere, ac complecti inter se lacrimantes milites coepisse, coactosque consules, quum viderent aversos a dimicatione militum animos, retulisse ad Patres de

⁷ *Triplex*] Ita quoque Polyb. vi. 39. Haud scio an equites illi, qui equitibus suis merebant, hic intelligantur. Fieri potest, ut plures equites plebei, quibus *equus publicus* non assignatus esset, nomina sua profiterentur, quo magis equis suis mererent: atque ita, si pluribus equitibus, quam quibus publicus equus erat, forte quadam non opus esset, militia omnino vacarent, aut etiam vacantes militia stipendium annuum in equos acciperent.

⁸ *Ne fenerare liceret*] cf. Tac. Ann. vi. 16. *postremo vetita usura*.

⁹ *Aliis plebiscitis*] Quae Genuciana appellata fuisse putat Niebhr. iii. p. 82.

¹ *Ne quis eundem*] cf. Cic. de Legg. iii. 3. *eundem magistratum, ni interfuerint decem anni, ne quis capito*. cf. infr. x. 13. ubi haec lex memoratur.

² *Neque dictatorem*] In libro de *Viris Illustribus* 29. ex emendatione

Burghesii, quam inscriptio quaedam in pede statuae Valerii in foro Augusti Romae nuper repertae confirmat, legimus, *cum ingens multitudo, oppressa aere alieno, Capuam occupare tentasset, sublato aere alieno seditionem compressit*. Haec verba Valerium dictatorem fuisse magis arguunt: nisi malis, ut Valerios saepius antea, supr. iv. 53, ita illum oratorem ad plebem missum esse a senatu, et rem inter ordines composuisse.

³ *Sed Romae*] Hoc magis probat Niebuhrius, qui seditionem in urbe de aere alieno usque ad secessionem et prope ad bellum provectam esse arbitratur. Exercitum quoque, qui a Capua ad seditionem comprimendam reductus erat, se coniuratis adiunxisse, ideoque conditiones de concordia restituenda a consulibus ad patres relatas esse: necnon fabulam illam totam de occupanda Capua anilem esse putat, quem vide iii. p. 84.

concordia reconcilianda. Adeo nihil, praeterquam sedi- U. C. 413.
tionem fuisse, eamque compositam, inter antiquos rerum A. C. 339.
auctores constat. Et huius fama seditionis, et susceptum
cum Samnitibus grave bellum, aliquot populos ab Romana
societate avertit: et, praeter Latinorum infidum iam diu
foedus, Privernates etiam Norbam atque Setiam, finitimas
colonias Romanas, incursione subita depopulati sunt.

EPITOME LIBRI VIII.

LATINI cum Campanis defecerunt, et, missis legatis ad senatum, conditionem tulerunt, ut, si pacem habere vellent, alterum ex Latinis consulem facerent. Qua legatione perlata, praetor eorum Annius de Capitolio ita prolapsus est, ut exanimaretur. T. Manlius consul filium, quod contra edictum adversus Latinos, quamvis prospere, pugnasset, securi percussit. Laborantibus in acie Romanis, P. Decius, tunc consul cum Manlio, devovit se pro exercitu: et, concitato equo quum in medios hostes se intulisset, interfectus, morte sua Romanis victoriam restituit. Latini in deditionem venerunt. T. Manlio in urbem reverso nemo ex iuventute obviam processit. Minucia virgo Vestalis incesti damnata est. Ausonibus victis, in oppidum ex iis captum Cales colonia deducta est. Item Fregellae colonia deductae sunt. Veneficium complurium matronarum deprehensum est: quarum plurimae statim epotis medicaminibus perierunt. Lex de veneficio tunc primum constituta est. Privernatibus, quum rebellassent, victis civitas data est. Palaepolitani, bello et obsidione victi, in deditionem venerunt. Q. Publilio, qui eos obsederat, primo et imperium prolatum, et pro consule decretus triumphus. Plebs nexu liberata est propter L. Papirii creditoris libidinem, qui C. Publilio debitori suo stuprum inferre voluerat. Quum L. Papirius dictator reversus in urbem ab exercitu esset propter auspicia repetenda, Q. Fabius magister equitum, occasione rei bene gerendae invitatus, contra edictum eius prospere adversus Samnites pugnavit. Ob eam causam quum dictator de magistro equitum supplicium sumpturus videretur, Fabius Romam profugit: et, quum causa parum proficeret, populi precibus donatus est. Res praeterea contra Samnites prospere gestas continet.

T. LIVII PATAVINI

LIBER VIII.

IAM consules erant C. Plautius secundum, L. Aemilius Mamercinus; quum Setini Norbanique Romam, nuntii defectionis Privernatium, cum querimoniis acceptae cladis venerunt. Volscorum item exercitum, duce Antiati populo, consedis ad Satricum, allatum est. Utrumque bellum Plautio sorte evenit. Prius ad Privernum profectus extemplo acie conflixit. Haud magno certamine devicti hostes: oppidum captum redditumque Privernatibus, praesidio valido imposito: agri partes duae ademptae. Inde victor exercitus Satricum contra Antiates ductus. Ibi magna utrimque caede atrox proelium fuit: et quum tempestas eos, neutro inclinata spe, dimicantes diremisset, Romani, nihil eo certamine tam ambiguo fessi, in posterum diem proelium parant. Volscis, recensentibus quos viros in acie amisissent, haudquaquam idem animus ad iterandum periculum fuit. Nocte pro victis Antium agmine trepido, sauciis ac parte impedimentorum relictis, abierunt. Armorum magna vis tum inter caesa corpora hostium, tum in castris inventa est. ² 'Ea Luae matri dare se,' consul dixit: finesque hostium usque ad oram maritimam est depulatus. ³ Alteri consuli Aemilio, ingresso Sabellum agrum, non castra Samnitium, non legiones usquam oppositae. Ferro

U. C. 414.
A. C. 338.
C. Plautio
II. L. Aemilio Coss.

Victi Privernates.

Cum Volscis dubio Marte pugnatum.

Lua mater.

¹ *Agri partes duae*] Duae tertiae partes, quarum una Romanis, altera Latinis ex foedere concederetur.

² *Luae matri*] Lua mater Saturni filia, A. Gell. xiii. 22. Sic dicta a *luere*, sc. expiare, vel Diana, si fides habenda Diomedii iii. p. 484. de orig. Bucol. *Dianam Λάμν* cognominaverunt, quasi *solutricem malorum* etsi quidam *Lunam* corrupte *Luam* putant dictam. cf. infr. xlv. 33. Ei spo-

lia hostium dicari solebant ut Marti et Minervae: de quo more arma hostium concremandi, cf. Schweigh. ad Appian. Pun. 48. Rur.

³ *Sabellum agrum*] Samniticum agrum. Samnites, alio nomine *Sabellus* dictos esse testis est Plin. H. N. iii. 12. quia nempe a *Sabinis* orti erant, ut memorat Varro de L. L. vi. 3. CREV.

U. C. 414.
A. C. 338.
Samnites
legatos mit-
tunt Ro-
mam.

2.

ignique vastantem agros legati Samnitium pacem orantes
adeunt; a quo reiecti ad senatum, potestate facta dicendi,
positis ferocibus animis, pacem sibi ab Romanis, bellicue
ius adversus Sidicinos petierunt. 'Quae se eo iustius pe-
'tere, quod et in amicitiam populi Romani secundis suis
'rebus, non adversis, ut Campani, venissent: et adversus
'Sidicinos sumerent arma, suos semper hostes, populi Ro-
'mani nunquam amicos; qui nec, ut Samnites, in pace
'amicitiam, nec, ut Campani, auxilium in bello petissent,
'nec in fide populi Romani, nec in ditione essent.' Quum
de postulatis Samnitium Ti. Aemilius praetor senatum con-
suluisset, reddendumque his foedus Patres censuissent,
praetor Samnitibus respondit: 'Nec quo minus perpetua
'cum iis amicitia esset, per populum Romanum stetisse:
'nec contradici, quin, quoniam ipsos belli culpa sua con-
'tracti taedium ceperit, amicitia de integro reconcilietur.
'Quod ad Sidicinos attineat, nihil intercedi, quo minus
'Samniti populo pacis bellicue liberum arbitrium sit.'
Foedere icto, quum domum revertissent, extemplo inde
exercitus Romanus deductus, annuo stipendio et trium
mensium frumento accepto; quod pepigerat consul, ut
tempus indutiis daret, quoad legati redissent.

Latini va-
stant Sam-
nitium
agros.

Id querun-
tur Samni-
tes apud
Romanos.

Samnites, copiis iisdem, quibus usi adversus Romanum
bellum fuerant, contra Sidicinos profecti, haud in dubia
spe erant mature urbis hostium potiundae. Tum ab Sidi-
cinis deditio prius ad Romanos coepta fieri est: dein,
postquam Patres ut seram eam ultimaque tandem neces-
sitate expressam aspernabantur, ad Latinos iam sua sponte
in arma motos facta est. Ne Campani quidem (adeo
iniuriae Samnitium, quam beneficii Romanorum, memoria
praesentior erat) his se armis abstinuere. Ex his tot po-
pulis unus ingens exercitus, duce Latino fines Samnitium
ingressus, plus populationibus, quam proeliis, cladium fecit:
et, quanquam superiores certaminibus Latini erant, haud
inviti, ne saepius dimicandum foret, agro hostium exces-
sere. Id spatium Samnitibus datum est Romam legatos
mittendi. Qui quum adissent senatum, conquesti eadem
se foederatos pati, quae hostes essent passi, precibus in-
fimis petiere, 'ut satis ducerent Romani victoriam, quam
'Samnitibus ex Campano Sidicinoque hoste eripuissent:
'ne vinci etiam se ab ignavissimis populis sinerent. La-
'tinos Campanosque, si sub ditione populi Romani es-
'sent, pro imperio arcerent Samniti agro; sin imperium

4 *Ab Sidicinis deditio*] cf. Supr.
vii. 31. ubi Campanos Romanorum
dediticios esse factos falso, ut videtur,

memoriae proditum est.

5 *Precibus infimis*] Ut infr. xxix.
30. *supplex infimis precibus*.

‘abnuerent, armis coercerent.’ Adversus haec responsum U. C. 414.
 6 anceps datum, quia fateri pigebat, in potestate sua Latinos A. C. 338.
 iam non esse, timebantque, ne arguendo abalienarent: Responsum
 ‘Campanorum aliam conditionem esse, qui non foedere, Romano-
 ‘sed per deditionem, in fidem venissent: itaque Campanos, rum an-
 ‘seu velint, seu nolint, quieturos. In foedere Latino nihil cepts.
 ‘esse, quo bellare, cum quibus ipsi velint, prohibeantur.’
 Quod responsum sicut dubios Samnites, quidnam facturum 3.
 Romanum censerent, dimisit, ita Campanos metu abaliena-
 vit; Latinos, velut nihil iam non concedentibus Romanis, Latini oc-
 ferociores fecit. Itaque, per speciem adversus Samnites culte moli-
 belli parandi crebra concilia indicentes, omnibus consulta- untur bel-
 tionibus inter se principes occulte Romanum coquebant lum in
 bellum. Huic quoque adversus servatores suos bello Cam- Rom.
 panus aderat. Sed quanquam omnia de industria cela-
 bantur, priusque, quam moverentur Romani, tolli ab tergo
 Samnitum hostem volebant; tamen per quosdam, privatis
 hospitium necessitudinibusque coniunctos, indicia coniura-
 tionis eius Romam emanarunt, iussisque ante tempus con-
 sulibus abdicare se magistratu, quo maturius novi con-
 sules adversus tantam molem belli crearentur, religio in-
 cessit, ab iis, quorum imminutum imperium esset, comitia
 haberi. Itaque interregnum initum. Duo interreges
 fuerunt, M. Valerius ac M. Fabius. Creati consules, T. U. C. 415.
 Manlius Torquatus tertium, P. Decius Mus. A. C. 337.
 7 8 Eo anno Alexandrum, Epiri regem, in Italiam classem T. Manlio
 appulisse constat. Quod bellum, si prima satis prospera III. P. De-
 fuissent, haud dubie ad Romanos pervenisset. Eadem cio Coss.
 aetas rerum Magni Alexandri est: quem, sorore huius
 ortum, in alio tractu orbis, invictum bellis iuvenem, for-
 tuna morbo exstinxit.

6 *Quia fateri pigebat*] Contra Niebuhrio placet iii. p. 102. et seqq. quo tempore foedus cum Latinis vetustum renovatum erat supr. vii. 12, Latinos cum Romanis pari iure et aequis conditionibus societatem coniunxisse, atque ita in *foedere Latino nihil fuisse, quo bellare, cum quibus ipsi velint, prohiberentur.*

7 *Eo anno*] Hic parum diligentem fuisse Livium putat Henr. Dodwellus, expeditionemque Alexandri Epiren-
 nis reiiciendam potius esse in annum ab hoc qui nunc agitur octavum, quo memorat Livius infr. 17. victoriam Alexandri de Lucanis et Samnitibus. Vid. Dissert. doctissimi viri de cyclis Rom. x. § 75. Crev. Niebuhrio quoque videtur Livium confusa ratione

temporum, quae annis Urbis conditae atque annis Olympiadum a Fabio et Catone vario eventu computantur, adventum Archidami Spartani, qui a Tarentinis in Italiam adductus fuerat, hic praetermisisse, atque Alexandri expeditionem, qui quinto post Archidamum anno exercitum in Italiam traiecit, perperam in hunc annum coniecis-
 cf. Niebhr. ii. p. 566. n. 1251. iii. n. 293.

8 *Alexandrum, Epiri regem*] Hic erat Olympiae, Alexandri Magni matris, frater, quam Philippus, rex Macedoniae, Epiro suis armis subdito praefecerat. Iam vero a Tarentinis dux in Italiam stipendio ascitus fuerat.

U. C. 415. Ceterum Romani, etsi defectio sociorum nominisque
 A. C. 337. Latini haud dubia erat; tamen, tanquam de Samnitibus,
 X. Principes Latino- Romam evocaverunt, quibus imperarent, quae vellent.
 rum Ro- Praetores tum duos Latium habebat, L. Annium Setinum
 mam evo- et L. Numisium Circeiensem, ambo ex coloniis Romanis:
 cati. per quos, praeter Signiam Velitrasque, et ipsas colonias
 Romanas, Volsci etiam excitati ad arma erant. Eos nomi-
 natim evocari placuit. Haud cuiquam dubium erat, super
 qua re accirentur. Itaque, concilio prius habito, praetores,
 quam Romam proficiscerentur, evocatos se ab senatu do-
 cent Romano, et, quae actum iri secum credant, quidnam
 4. ad ea responderi placeat, referunt. Quum aliud alii cen-
 serent, tum Annius: ‘Quamquam ipse ego retuli, quid re-
 ‘sponderi placeret, tamen magis ad summam rerum nostra-
 ‘rum pertinere arbitror, quid agendum nobis, quam quid
 ‘loquendum sit. Facile erit, explicatis consiliis, accom-
 ‘modare rebus verba. Nam, si etiam nunc sub umbra¹
 ‘foederis aequi servitutem pati possumus, quid abest, quin,
 ‘proditis Sidicinis, non Romanorum solum, sed Samnitium
 ‘quoque dicto pareamus, respondeamusque Romanis, nos,
 ‘ubi innuerint, posituros arma? Sin autem tandem liber-
 ‘tatis desiderium remordet animos, si foedus est, si societas
 ‘aequatio iuris est, si consanguineos nos Romanorum esse,
 ‘quod olim pudebat, nunc gloriari licet, si socialis illis ex-
 ‘ercitus is est, quo adiuncto duplicent vires suas, quem se-²
 ‘cernere ab se consules bellis propriis ponendis sumendis-
 ‘que nolint; cur non omnia aequantur? cur non alter ab
 ‘Latinis consul datur? Ubi pars virium, ibi et imperii
 ‘pars est? Est quidem nobis hoc per se haud nimis am-
 ‘plum, quippe concedentibus, Romam caput Latio esse:
 ‘sed, ut amplum videri posset, diuturna patientia fecimus.
 ‘Atqui, si quando unquam consociandi imperii, usurpandae
 ‘libertatis tempus optastis, en hoc tempus adest, et virtute
 ‘vestra et deum benignitate vobis datum. Tentastis pa-
 ‘tientiam negando militem. Quis dubitat exarsisse eos,
 ‘quum plus ducentorum annorum morem solveremus?³

9 *Praetores tum duos*] Olim ap. Latinos dictatorem summae rei praefectum videmus. cf. Caton. Origin. ii. in Priscian iv. 4. Iam vero praetores duos, ut ap. Romanos supr. iii. 55. Latini creabant: similiter decem illos principes Latinorum, decem primos senatores fuisse verisimile est.

1 *Sub umbra foederis aequi servitutem*] Recte, ut mihi videtur, interpunctio post *foederis* tollitur, id quod

Drak. et Bekker. probant: hic enim de *foedere aequo* res agitur; quod si interpunctio servanda sit, tum *aequi* idem, quod *aequo animo*, valet.

2 *Duplicent vires suas*] cf. Supr. not. ad vii. 12. et infr. 8. *notissimi inter se, quia pares semper ordines duxerant.*

3 *Plus ducentorum annorum*] cf. Supr. vi. 28. ubi de *centum annorum obnoxia pace* agitur. Ibi vero de con-

- ‘Pertulerunt tamen hunc dolorem. Bellum nostro nomine U. C. 415.
 ‘cum Pelignis gessimus. Qui ne nostrorum quidem finium A. C. 337.
 ‘nobis per nos tuendorum ius antea dabant, nihil interces-
 ‘serunt. Sidicinos in fidem receptos, Campanos ab se ad
 ‘nos descisse, exercitus nos parare adversus Samnites
 ‘foederatos suos audierunt, nec moverunt se ab urbe.
 ‘Unde haec illis tanta modestia, nisi a conscientia virium
 ‘et nostrarum et suarum? Idoneos auctores habeo, que-
 ‘rentibus de nobis Samnitibus ita responsum ab senatu
 ‘Romano esse, ut facile appareret, ne ipsos quidem iam
 4 ‘postulare, ut Latium sub Romano imperio sit. Usurpate
 ‘modo postulando eo, quod illi vobis taciti concedunt. Si
 ‘quem hoc metus dicere prohibet, en ego ipse, audiente
 ‘non populo Romano modo senatuque, sed Iove ipso, qui
 ‘Capitolium incolit, profiteor me dicturum; ut, si nos in
 ‘foedere ac societate esse velint, consulem alterum ab nobis
 5 ‘senatusque partem accipiant.’ Haec ferociter non sua-
 denti solum, sed pollicenti, clamore et assensu omnes per-
 miserunt, ut ageret diceretque, quae e republica nominis
 Latini fideque sua viderentur. Ubi est Romam ventum, 5.
 6 in Capitolio iis senatus datus est. Ibi quum T. Manlius
 consul egisset cum iis ex auctoritate Patrum, ne Samnitibus
 foederatis bellum inferrent; Annius, tanquam victor armis
 Capitolium cepisset, non legatus, iure gentium tutus, lo-
 queretur, ‘Tempus erat,’ inquit, ‘T. Manli, vosque Patres Legati La-
 ‘conscripti, tandem iam vos nobiscum nihil pro imperio tini superba
 ‘agere, quum florentissimum deum benignitate nunc La- oratio in se-
 ‘tium armis virisque, Samnitibus bello victis, Sidicinis natu Rom.
 ‘Campanisque sociis, nunc etiam Volscis adiunctis, vide-
 7 ‘retis; colonias quoque vestras Latinum Romano praetu-
 ‘lisse imperium. Sed quoniam vos, regno impotenti finem
 ‘ut imponatis, non inducitis in animum; nos, quanquam
 ‘armis possumus asserere Latium in libertatem, consan-
 ‘guinitati tamen hoc dabimus, ut conditiones pacis feramus

ditione Latinorum post Regillensem pugnam, hic de foedere cum Servio Tullio ieto supr. i. 45. mentio fit.

4 *Usurpate modo postulando eo, quod illi vobis taciti concedunt*] Vobis illi taciti concedunt, ne sub eorum iam imperio sitis. Superest tantum ut vos id aperte postulando, in illius iuris possessionem Latium inducat. *Usurpare* non est id Latine, quod Anglice dicimus *usurp*, sed usum alicuius rei capessere. Sic supra in hac ipsa oratione, *usurpandae libertatis*. sc. *usum* libertatis sibi vindican-
 dae.

5 *Senatusque partem*] Dimidiam: ut

clare exprimit idem Annius, seq. Cr.

6 *Iis*] Decem Latinorum principibus Romam evocatis, inter quos Annius et Numisius nominatim acciti sunt. DRAC.

7 *Colonias quoque vestras*] h. e. Oppida plura, quae ante Romam a Gallis captam in patrocinium Romae se receperant, iterum, quando nomen Latinum vires sibi refecerat et in aequationem iuris cum Romanis se vindicaverat, in Latinorum societatem redisse: colonias quoque veteres quasdam Romanas cum Latino nomine tandem confluisse putat Niebhr. ii. p. 22.

U. C. 415. 'aequas utrisque, quoniam vires quoque aequari diis im-
 A. C. 337. 'mortalibus placuit. Consulem alterum Roma, alterum
 'ex Latio creari oportet: senatus partem aequam ex
 'utraque gente esse: unum populum, unam rempublicam
 'fieri: et, ut imperii eadem sedes sit, idemque omnibus
 'nomen, quoniam ab alterutra parte concedi necesse est;
 'quod utrisque bene vertat, sit haec sane patria potior, et
 T. Manlii 'Romani omnes vocemur.' Forte ita accidit, ut parem
 plena in- ferociae huius et Romani consulem T. Manlium haberent:
 dignationis qui adeo non tenuit iram, ut, si tanta dementia Patres
 responsio. conscriptos cepisset, ut ab Setino homine leges acciperent,
 gladio cinctum in senatum venturum se esse, palam diceret,
 et, quemcunque in curia Latinum vidisset, sua manu in-
 terempturum. Et, conversus ad simulacrum Iovis, 'Audi,
 'Iupiter, haec scelera,' inquit, 'audite, Ius Fasque. Pere-
 'grinos consules et peregrinum senatum in tuo, Iupiter,
 'augurato templo, captus atque ipse oppressus, visurus es?
 'Haecine foedera Tullus Romanus rex cum Albanis, pa-
 'tribus vestris, Latini, haec L. Tarquinius vobiscum postea
 'fecit? Non venit in mentem pugna apud Regillum
 'lacum? adeo et cladium veterum vestrarum et benefi-
 6. 'ciorum nostrorum erga vos obliti estis?' Quum consulis
 vocem subsecuta Patrum indignatio esset, proditur me-
 moriae, adversus crebram implorationem Deum, quos
 testes foederum saepius invocabant consules, vocem Annii,
 spernentis numina Iovis Romani, auditam. Certe, quum
 Legatus commotus ira se ab vestibulo templi citato gradu proriperet,
 Latinus lapsu gravi sopitus. lapsus per gradus, capite graviter offenso, impactus imo ita
 est saxo, ut sopiretur. Exanimatum auctores quoniam non
 omnes sunt, mihi quoque in incerto relictum sit: sicut
 inter foederum raptorum testationem ingenti fragore coeli

8 Si tanta dementia] Hinc cum Niebuhrio suspicari licet quosdam e Patribus Conscriptis postulationes Latinorum aequas et honestas esse censuisse.

9 Albanis, patribus vestris] Ita quidem Dion. iii. 34. triginta Latinorum oppida, quae, Tullo Romae regnante, florebant, colonias Albae subiectas fuisse scribit, sed Niebuhrio videtur oppida triginta Latinorum prius, quam Alba condita esset, in societate quadam inter se coniuncta extitisse, ii. p. 21.

1 L. Tarquinius] cf. Supr. i. 52. Niebuhrio placet Latinos primum a Servio Tullio in foedus cum Romanis aequum acceptos esse: deinde a Tarquinio Prisco in societatem deterioris iuris dolo quodam compulsos, in qua

haud dubie superior Romana res erat: tum vero a Sp. Cassio foedus aequum cum Latinis renovatum, supr. ii. 33. cuius conditionibus licet per multos annos Romani stetissent, tamen haud dubie, quum res Romanae in dies validiores fierent, per aliquot annos ante urbem a Gallis captam Latinis imperitabant: unde evenit ut Latinos defecisse narret Livius vi. 2. postea vero foedus aequum additis quibusdam conditionibus tertio renovatum, vii. 12. Hoc autem tempore omnium rerum societatem deprecant Latini, quando hactenus foedere mutuae defensionis aequo cum Romanis iuncti essent.

2 Per gradus] cf. Supr. i. 48. sopiretur supr. i. 41.

3 procellam effusam : nam et vera esse, et apte ad repraesentandam iram deum ficta possunt. Torquatus, missus ab senatu ad dimittendos legatos, quum iacentem Annium vidisset, exclamat, ita ut populo Patribusque audita vox pariter sit : ‘ Bene habet. Dii pium movere bellum. Est ‘ coeleste numen ! es, magne Iupiter ; haud frustra te patrem deum hominumque hac sede sacravimus. Quid cessatis, Quirites, vosque, Patres conscripti, arma capere diis ‘ ducibus ? Sic stratas legiones Latinorum dabo, quemadmodum legatum iacentem videtis.’ Assensu populi excepta vox consulis tantum ardoris animis fecit, ut legatos proficiscentes cura magistratuum magis, qui iussu consulis prosequerentur, quam ius gentium, ab ira impetuque hominum tegeret.

Consensit et senatus bellum : consulesque, duobus scriptis exercitibus per Marsos Pelignosque profecti, adiuncto Samnitium exercitu, ad Capuam, quo iam Latini sociique convenerant, castra locant. Ibi in quiete utrique consuli eadem dicitur visa species viri maioris, quam pro humano habitu, augustiorisque, dicentis : ‘ Ex una acie imperatorem, ex altera exercitum diis Manibus matrique Terrae ‘ deberi : utrius exercitus imperator legiones hostium, superque eas se devovisset, eius populi partisque victoriam ‘ fore.’ Hos ubi nocturnos visus inter se consules contulerunt ; placuit averruncandae deum irae victimas caedi : simul ut, si extis eadem, quae somno visa fuerant, portenderentur, alteruter consulum fata impleret. Ubi responsa haruspicum insidenti iam animo tacitae religioni congruerunt ; tum, adhibitis legatis tribunisque, et imperiis deum propalam expositis, ne mors voluntaria consulis exercitum in acie terreret, comparant inter se, ut, ab utra parte cedere Romanus exercitus coepisset, inde se consul devoveret pro populo Romano Quiritibusque. Agitatum etiam in consilio est, ut, si quando unquam severo ullum imperio bellum administratum esset, tunc uti disciplina militaris ad priscos redigeretur mores. Curam acuebat, quod adversus Latinos bellandum erat, lingua, moribus, armorum genere,

Bellum Latinum.

Spectrum per quietem utrique consuli visum.

3 *Repraesentandam*] Quasi praesentem faciendam, sive oculis subiiciendam. cf. supr. ii. 36. *minas irasque coelestes repraesentatas casibus suis.*

4 *Averruncandae*] Veteres *verruncare* dicebant pro *vertere*, et *averruncare* pro *avertere*. Atque illa verba propria manserunt in sacris. CREV.

5 *Agitatum etiam in consilio est,*

ut . . . tunc uti disciplina] Sigonius admonet legendum esse *tunc utique*, quod est, tunc omnino, tunc maxime : ne vel *ut* vacet, vel *uti*. Nec improbabilis coniectura est. Tamen non rara occurrunt exempla geminatae particulae *ut*, ubi semel expressa sufficeret. Vid. not. ad xxii. 11. CREV. cf. supr. iii. 64.

U. C. 415. institutis ante omnia militaribus congruentes : milites mili-
 A. C. 337. tibus, centurionibus centuriones, tribuni tribunis compares
 collegaeque, iisdem praesidiis, saepe iisdem manipulis per-
 mixti fuerant. Per haec ne quo errore milites caperentur,
 Ne quis extra ordi-
 nem pug-
 naret, edi-
 citur. edicunt consules, ne quis extra ordinem in hostem pug-
 naret.

7.

Manlium
 Cos. filium
 Geminium
 provocat ad
 singulare
 certamen.

Vincit
 Manlius.

Forte inter ceteros turmarum praefectos, qui exploratum
 in omnes partes dimissi erant, T. Manlius consulis filius
 super castra hostium cum suis turmalibus evasit, ita ut vix
 teli iactu ab statione proxima abesset. Ibi Tusculani erant
 equites : praeerat Geminus Metius, vir tum genere inter
 suos, tum factis, clarus. Is ubi Romanos equites, insig-
 nemque inter eos praecedentem consulis filium, (nam omnes
 inter se, utique illustres viri, noti erant) cognovit, ‘Unane,’
 ait, ‘turma Romani cum Latinis sociisque bellum gesturi
 ‘estis? Quid interea consules, quid duo exercitus con-
 ‘sulares agent? Aderunt in tempore,’ Manlius inquit, ‘et
 ‘cum illis aderit Iupiter ipse, foederum a vobis violatorum
 ‘testis, qui plus potest polletque. Si ad Regillum lacum
 ‘ad satietatem vestram pugnavimus, hic quoque efficiemus
 ‘profecto, ne nimis acies vobis et collata signa nobiscum
 ‘cordi sint.’ Ad ea Geminus, paullulum ab suis equo pro-
 vectus, ‘Visne igitur, dum dies ista venit, qua magno
 ‘conatu exercitus moveatis, interea tu ipse congredi
 ‘mecum, ut nostro duorum iam hinc eventu cernatur,
 ‘quantum eques Latinus Romano praestet?’ Movet fe-
 rocem animum iuvenis seu ira, seu detrectandi certaminis
 pudor, seu inexsuperabilis vis fati. Oblitus itaque imperii
 patrii, consulumque edicti, praeceps ad id certamen agitur,
 quo, vinceret, an vinceretur, haud multum interesset.
 Equitibus ceteris velut ad spectaculum summotis, spatio,
 quod vacui interiacebat campi, adversos concitant equos :
 et, quum infestis cuspidibus concurrissent, Manlii cuspis
 super galeam hostis, Metii trans cervicem equi elapsa est.
 Circumactis deinde equis, quum prior ad iterandum ictum
 Manlius consurrexisset; spiculum inter aures equi fixit.
 Ad cuius vulneris sensum quum equus, prioribus pedibus
 erectis, magna vi caput quateret, excussit equitem : quem
 cusptide parmaque innisum, attollentem se ab gravi casu,
 Manlius ab iugulo, ita ut per costas ferrum emineret, terrae
 affixit: spoliisque lectis ad suos revectus, cum ovante gaudio
 turma in castra, atque inde ad praetorium, ad patrem, tendit,

6 *Iisdem manipulis*] cf. i. 52. Ubi
 de geminatis manipulis Romanorum
 et Latinorum noster loquitur. Tar-
 quinius his manipulis centuriones Ro-

manos imposuit : nunc vero centu-
 riones primi pili Latinus et Romanus
 alternis annis erant.

ignarus fati futurique, laus an poena merita esset, ‘Ut me omnes,’ inquit, ‘pater, tuo sanguine ortum vere ferrent,’ U. C. 415. A. C. 337. ‘provocatus equestria haec spolia capta ex hoste caeso porto.’ Quod ubi audivit consul, extemplo, filium aversatus, con- A patre securi percussus. cionem classico advocari iussit. Quae ubi frequens convenit, ‘Quandoque,’ inquit, ‘tu, T. Manli, neque imperium consulare, neque maiestatem patriam veritus, adversus edictum nostrum extra ordinem in hostem pugnasti, et, quantum in te fuit, disciplinam militarem, qua stetit ad hanc diem Romana res, solvisti, meque in eam necessitatem adduxisti, ut aut reipublicae mihi, aut mei meorumque obliviscendum sit; nos potius nostro delicto plectemur, quam respublica tanto suo damno nostra peccata luat. Triste exemplum, sed in posterum salubre iuventuti, erimus. Me quidem quum ingenita caritas liberum, tum specimen istud virtutis, deceptum vana imagine decoris, in te movet. Sed quum aut morte tua sancienda sint consulum imperia, aut impunitate in perpetuum abroganda; ne te quidem, si quid in te nostri sanguinis est, recusare censeam, quin disciplinam militarem, culpa tua prolapsam, poena restituas. I, lictor, deliga ad palum.’ Exanimati omnes tam atroci imperio, nec aliter quam in se quisque destitutam cernentes securim, metu magis, quam ⁷modestia, quievere. Itaque, velut emerso ab admiratione animo, quum silentio defixi stetissent, repente, postquam cervice caesa fusus est cruor, tum libero conquestu coortae voces sunt, ut neque lamentis, neque execrationibus parceretur: spoliisque contectum iuvenis corpus, quantum militaribus studiis funus ullum concelebrari potest, structo ⁸extra vallum rogo cremaretur: Manlianaque imperia non in praesentia modo horrenda, sed exempli etiam tristic in posterum essent.

Fecit tamen atrocitas poenae obedientiorem duci militem: et, praeterquam quod custodiae vigiliaeque et ordo stationum intentioris ubique curae erant, in ultimo etiam certamine, quum descensum in aciem est, ea severitas profuit. Fuit autem civili maxime bello pugna similis: adeo nihil apud Latinos dissonum ab Romana re, praeter animos, ⁹erat. Clipeis antea Romani usi sunt: deinde, postquam

8.

⁷ Velut emerso ab admiratione animo] Haec cum verbis, tum libero conquestu coortae voces, iungenda sunt.

⁸ Manlianaque imperia] cf. Dion. Exc. Vat. 29. Hinc Manlio Dio attribuit eam orationem, quam ap. Liv. infr. xxvi. 22. legimus, neque ego vestros mores consul ferre poteram, ne-

que vos imperium meum, id quod A. Maio maxime arripit.

⁹ Clipeis] Rotundi quidem, Argolica forma, toti ex aere confecti. Scuta autem oblonga, ita ut totum corpus protegerent, viminibus contexta et corio cooperta, aere tamen circa oram firmata.

U. C. 415. stipendiarii facti sunt, scuta pro clipeis fecere : et, quod¹
 A. C. 337. antea phalanges similes Macedonicis, hoc postea manipu-²
 latim structa acies coepit esse. Postremo in plures ordines³
 instruebantur. Ordo sexagenos milites, duos centuriones,⁴
 vexillarium unum habebat. Prima acies hastati erant,⁵
 manipuli quindecim, distantes inter se modicum spatium :
 manipulus leves videnos milites, aliam turbam scutatorum⁶
 habebat. Leves autem, qui hastam tantum gaesaque gere-⁶
 rent, vocabantur. Haec prima frons in acie florem iuve-⁷
 num pubescentium ad militiam habebat. Robustior inde⁸
 aetas totidem manipulorum, quibus principibus est nomen,

¹ *Stipendiarii*] *Stipendiarius* vulgo qui stipendium solvit. Hic contra sumitur pro eo qui stipendium accipit. CREV. Hic quidem noster bellum contra Veientes. supr. iv. 59. respicit.

² *Antea phalanges*] *Antiquitus* Romana acies una continua erat, ut Macedonum illa phalanx, quae sine intervallis coniuncta omnia et arcte inter se devincta habebat, adeo ut universo suo pondere maxime valeret. *Postea* autem Romana acies *manipulativam* structa erat, scilicet cohortibus, ut hac voce in pristino suo sensu utar, in manipulos divisas, ita tamen ut singulae cohortes prope confertis ordinibus ante sua quaeque signa instruerentur. cf. infr. xxx. 33. *Postremo* manipuli in binos ordines distributi sunt, atque ita intervallis aliquantum invicem discreti, ut manipulo cuique liberum se movendi arbitrium esset. Niebuhrius coniecit Camillum. cf. Plut. in Cam. 40. *secundae* rationis aciem Romanam struendi auctorem fuisse. Nescio an Scipio Africanus *tertia* rationis auctor fuerit. cf. infr. xxx. 33.

³ *Ordo*] Quippe duas centurias unusquisque ordo habebat, et centuria quaeque singulos ex singulis tribubus milites, si Niebuhrio fides danda sit. Ceterum *sexagenos milites et duos, centurionem et vexillarium unum* legendum suadet Lipsius.

⁴ *Hastati erant*] Ita dicti quod *hastas phalangiticas* retinebant, *acies* vero hic, idem quod antiquitus *cohors*: quippe hoc tempore legio quinque cohortes, cohors quindecim manipulos habebat, sed quo tempore noster historiam suam scripsit, legio decem cohortes, cohors tres manipulos continebat, quum *quartam* mutationem

C. Mario auctore, acies Romana experta esset: denique Lipsius, qui pro *quindecim*, ubicunque occurrit, vocem *decem*, et pro *triginta* vocem *viginti* reponit, non vidit eam legionis formam, quam ipse respicit, non nisi post Scipionem Africanum, si auctor ille iure perhibendus est, exstitisse.

⁵ *Manipulus leves videnos milites, aliam turbam scutatorum*] Antiquitus legio Romana, quando more phalangis structa erat, quinque cohortes habebat, sc. *principes, hastatos, triarios, rorarios, accensos*: cohortes vero singulae triginta centurias continebant. *Principes*, qui olim principem in acie tenebant locum, et optima armatura instructi erant, prima classis Serviana praebebat; sed quoniam prima classis centurias quadraginta habebat, decem centuriae cum triariis stabant. *Hastatos* autem classes secundae, tertiae, et quartae, singulae decem centurias, praebebant, ita ut illae duae *videnos scutatos milites*, cf. supr. i. 43. haec postrema decem leves ministraret, quod noster, more loquendi parum accurato usus, inverso ordine narrat. *Triarios* autem prima, secunda, et tertia classes, singulae decem centurias, supplebant. *Rorarios*, levis armaturae milites, quinta classis, triginta reliquas suas centurias, praebebat. *Accensos* alia multitudine.

⁶ *Gaesa*] Gaesum proprie telum Gallicum fuit, forsitan simile veruto, certe missile. cf. Sil. Ital. ii. 444. supr. i. 43. infr. ix. 37. STROTH.

⁷ *Haec prima frons*] Principes olim in pugnam primi inibant: iam vero ratione pugnandi mutata, hastati in eorum locum subierant.

⁸ *Iuvenum pubescentium*] Morem sui temporis respicit Livius. cf. Polyb. vi. 21.

8 hos sequebantur, scutati omnes, insignibus maxime armis. U. C. 415.
 9 Hoc triginta manipulorum agmen antepilanos appellabant, A. C. 337.
 1 quia sub signis iam alii quindecim ordines locabantur: ex
 2 quibus ordo unusquisque tres partes habebat. Earum
 3 unamquamque primum pilum vocabant. Tribus ex vexillis
 4 constabat: vexillum centum octoginta sex homines erant.
 5
 6 Primum vexillum triarios ducebat, veteranum militem spe-
 7

8 *Insignibus maxime armis*] Ut qui ex prima classe conscripti: hi vero *gladium* portabant, *hastati* autem adhuc *cultrum* retinebant.

9 *Antepilanos*] Quippe hoc tempore *triarii* pilis soli utebantur. Cave autem, credas omnino Livii verbis in hoc capite, qui non vidit aliam alio tempore formam *legionis* Romanae fuisse, et hoc tempore primam ordinum mutationem tantummodo factam esse. Polyb. vi. 21, 22. de forma legionis sui temporis multum diversa loquitur.

1 *Sub signis iam alii quindecim ordines . . . ex quibus ordo*] Locus difficillimus et prope conclamatus: quippe ii, qui post signa locabantur, erant *triariorum* et *rorariorum* et *accensorum* ordines, sc. quadraginta quinque manipuli, sive nonaginta centuriae. Fieri tamen potest, ut *rorarii* minime in acie confertis ordinibus starent, quippe qui, levis armaturae milites, saepius inter antepilanos procurrerent, *infr. 10*, atque *accensi*, qui in locum et arma mortuorum succederent, similiter haud manipulatim instructi essent: unde evenit, ut de *ordinibus* *rorariorum* et *accensorum* nunquam sermo esset, sed de *vexillis* eorum ut qui, tanquam vexillarii, leviori militia usi. Ceterum pro vulgato *ordines ordine* reponit Lipsius, aut potius vocem *ordines* omnino delendam suadet, et *alios quindecim* manipulos intelligit: sed *ordines* illi *sub signis* haud dubie triplo plus continebant, quam ordines antepilanorum.

2 *Earum unamquamque primum*] *Primam*, quod Lipsius reponendum suadet, Crevierio iure, ut mihi videtur, arridet: quod si ita emendata sit lectio, quippe tantum non absurda et ridicula vulgata est, quae *singulas partes omnes primas* fuisse dictas intelligit, sic veritas: ordines, qui post signa stabant, singuli in tres partes divisi sunt: quarum unaquaeque *pars prima pilum* vocabatur: secunda autem et tertia partes *vexilla* dicta sunt.

cf. Niebhr. iii. n. 185. 196. cui alia ratio hunc nodum expediendi in mentem succurrit.

3 *Pilum*] Pilum proprium fuerat primo telum *Triariorum*: unde et *Pilanos* eos, et totum illum ordinem *Pilum* appellabant. Postea pilo *Hastati* et *Principes* usi: *Triarii* vero pro pilis assumpsērunt hastas. Vid. Polyb. vi. 23. Porro pili *hastile* erat trium cubitorum: ferrum extabat ad cubitum et semissem. Itaque iusta longitudo totius pili erat quattuor cubitorum cum semisse, sive septem fere pedum. Accuratiorem pili descriptionem vide apud Polyb. et ad eam notas Lipsii, de Mil. Rom. iii. 4. CREV.

4 *Tribus ex vexillis constabat*] Scilicet ordo unusquisque: quippe *pilum* hic inter vexilla annumeratur: *ordo* autem unusquisque, non *vexillum*, centum octoginta sex homines continebat, quippe hi ordines qui post signa stabant, tres manipulos et sex centuriones habebant, quorum primus manipulus *triariorum*, secundus *rorariorum*, tertius *accensorum*.

5 *Sex homines erant*] Voces a *tribus ex vexillis* usque ad *erant* unciolis inclusit Stroth. Haud dubie aliquid mendosum hic latet sive ex incuria Livii profectum, qui annales libros perperam interpretatus est, sive ex nimia librariorum cura, qui aliquid aliena manu scriptum in textum infercierunt.

6 *Triarios*] Sic dictos, teste Varone, quod in acie *tertio* ordine locabantur: vel si Niebuhrio assentiamur, quod e singulis *tribus classibus* decem centurias conscriptas habebant. *Tertiarios* alioqui vocandos censet Niebhr. iii. n. 195.

7 *Veteranum militem*] Ut supr. *iuvenum pubescentium*. Sed hic haud dubie posterioris temporis morem respicit noster, quippe hoc tempore *iuniores* omnes in hostes ducti sunt, *seniores* ad subita belli ministeria, tanquam milites subsidiarii, domi asservabantur.

U. C. 415. ctatae virtutis: secundum rorarios, minus roboris aetate 8
 A. C. 337. factisque: tertium accensos, minimae fiduciae manum. 9
 Eo et in postremam aciem reiciebantur. Ubi his ordinibus exercitus instructus esset, hastati omnium primi pugnam inibant. Si hastati profligare hostem non possent, pede presso eos retrocedentes in intervalla ordinum principes recipiebant. Tum principum pugna erat; hastati sequebantur. Triarii sub vexillis considebant, sinistro crure porrecto, scuta innisa humeris, hastas subrecta cuspidem in terra fixas, haud secus quam vallo saepta inhorreret acies, tenentes. Si apud principes quoque haud satis prospere esset pugnatum, a prima acie ad triarios sensim referebantur. Inde 'rem ad triarios redisse,' quum laboratur, proverbio increbuit. Triarii consurgentes, ubi in intervalla ordinum suorum principes et hastatos recepissent, extemplo compressis ordinibus velut claudebant vias: unoque continenti agmine, iam nulla spe post relicta, in hostem incedebant: id erat formidolosissimum hosti, quum, velut victos insecuti, novam repente aciem exurgentem auctam numero cernebant. Scribebantur autem quattuor fere legiones quinis millibus peditum, equitibus in singulas legiones trecentis. Alterum tantum ex Latino delectu adiciebatur, qui ea tempestate hostes erant Romanis, eodemque ordine instruxerant aciem: nec vexilla cum vexillis tantum, universi hastati cum hastatis, principes cum principibus; sed centurio quoque cum centurione, si

Qui numerus copiarum in exercitibus.

8 *Rorarios*] Qui levi armatura primi proelium committebant, atque ut ante imbrem fere *rorare* solet, sic illi ante gravem armaturam quod prodibant, *rorarii* dicti. FESTUS.

9 *Accensos*] Qui ad legionum censum essent ascripti, ut in locum mortuorum militum subito subrogarentur, cf. Festus. vv. *Ascriptitii*, *Accensi*. Interim iaculis missilibusque telis pugnant.

1 *Profligare hostem*] *Profligare* est paene ad exitum ducere, cf. Cic. Tusc. Q. v. 6. Sic idem in Orat. de Prov. Cons. 14. *vos tamen oporteret ab eodem illa omnia, a quo profligata sunt, confici velle*. Hostes quippe, non nisi postquam terga verterunt, conficiuntur.

2 *Triarii consurgentes*] Hic quoque morem sui temporis respexisse Livium Niebuhrius censet, et *pilanos* hoc tempore non in ultimam pugnam subsedis, sed, ineunte proelio, pila in hostes iecisse, quae,

ponderibus suis librata, corpora et scuta hostium degravarent. supr. vii. 23. Postea quidem triarii tantummodo in subsidium antepilatorum consurgebant.

3 *Quattuor fere legiones quinis millibus*] Numerus quattuor legionum alibi apud Livium atque ap. Dion. Exc. Vat. xii. 25. legitur: sed de *quinis* millibus dubitatur, et *quaternis* Lipsius reponit, qui tamen legionem, qualis post Scipionem Africanum exstitit, in calculis suis respexit. Niebuhrius quoque, qui legionem huius temporis spectat, milites omnino 4050 in legionibus singulis fuisse censet, quoniam tribus tantummodo viginti septem erant, et cohors unaquaeque milites 810 continebat. Idcirco *quaternis* millibus reponendum iudicat.

4 *Alterum tantum*] Ut supr. i. 36. *numero alterum tantum adiecit*, h. e. tantumdem. In alio sensu occurrit infr. x. 46. ubi duplum intelligi debet.

ordines turbati non essent, concurrendum sibi esse sciebant. U. C. 415.
 Duo primipili ex utraque acie inter triarios erant: Ro- A. C. 337.
 manus corpore haudquaquam satis validus, ceterum strenuus vir peritusque militiae: Latinus viribus ingens bellatorque primus; notissimi inter se, quia pares semper ordines duxerant. Romano, haud satis fidenti viribus, iam Romae permissum erat ab consulibus, ut subcenturionem sibi, quem vellet, legeret, qui tutaretur eum ab uno destinato hoste: isque iuvenis, in acie oblatus, ex centurione Latino victoriam tulit. Pugnatum est haud procul radicibus Vesuvii montis, qua via ad Vesperim ferebat.

Pugna cum Latinis.

Romani consules prius, quam educerent in aciem, imolaverunt. Decio caput iocinoris a familiari parte caesum
 haruspex dicitur ostendisse; alioqui acceptam diis hostiam esse: Manlium egregie litasse. 'Atqui bene habet,' inquit Decius, 'si ab collega litatum est.' Instructis, sicut ante dictum est, ordinibus, processere in aciem. Manlius dextro, Decius laevo cornu praeerat. Primo utrimque aquis viribus, eodem ardore animorum gerebatur res: deinde ab laevo cornu hastati Romani, non ferentes impressionem Latinorum, se ad principes recepere. In hac trepidatione Decius consul M. Valerium magna voce inclamat: 'Deorum,' inquit, 'ope, Valeri, opus est. Agedum, pontifex publicus populi Romani, praei verba, quibus me pro legionibus devoveam.' Pontifex eum togam praetextam sumere iussit, et, velato capite, manu subter togam ad mentum exserta, super telum subiectum pedibus stantem sic dicere: 'Iane, Iupiter, Mars pater, Quirine, Bellona, Lares, divi Novensiles, dii Indigetes, divi, quorum est

9.

Decius se devovet.

5 Quia pares semper ordines duxerant] Tarquinius supr. i. 52. *Latinorum et Romanorum geminatis manipulis* centuriones Romanos imposuit: sed in aequo foedere quod supr. vii. 12. renovatum memoratur, centuriones Romanum et Latinum alterius annis *primum pilum* duxisse censet Niebhr. iii. p. 104.

6 Pugnatum est] Hanc legionis Romanae descriptionem partim ex libris annalibus, in quibus, qua ratione adhuc inusitata Manlius in pugna ad Vesuvium montem *accensus ab novissima acie ante signa procedere iussit*, narratum est, partim ex re militari sui temporis noster deprompsit. Quapropter, quum non optime sibi constet narratio, licentia quadam coniciendi opus est, ut obscuritas quodammodo illustretur.

7 Vesperim] Ambiguitur utrum oppidum fluviusne sit Vesperis. Crame-

rio fluvius fuisse videtur, auctoritate Aur. Victor. de Vir. Ill. in Manlii Torquati vita; Cluverio autem oppidum. cf. Topogr. Ant. iii. p. 543.

8 Caput iocinoris] Quid in iocinore caput appellaverint, haud satis constat. Fortasse summam eius partem, quae et convexa est, et angustior infima. Quanquam vix intelligitur, quomodo haec pars potuerit interdum abesse, quod de capite iocinoris haud raro narrant scriptores. CREV.

9 Familiari parte] In iocinore familiarem partem, et hostilem, sive partem inimici distinguebant. Ex illa eventus suos, ex hac hostium fata colligebant. CREV.

1 Caesum] Vel incisum, sectum; vel decisum, ita ut omnino abesset. Harduinus in notis ad Plin. H. N. xi. 37. interpretatur, victimarii cultro per imprudentiam laesum. CREV.

2 Divi Novensiles] Divi novem

- U. C. 415. 'potestas nostrorum hostiumque, diique Manes, vos precor,
A. C. 337. 'veneror, veniam peto feroque, uti populo Romano Quiritium vim victoriamque prosperetis; hostesque populi
'Romani Quiritium terrore, formidine, morteque afficiatis.
'Sicut verbis nuncupavi, ita pro republica Quiritium, exercitu, legionibus, auxiliis populi Romani Quiritium, legiones auxiliaque hostium mecum diis Manibus Tellurique devoveo.' Haec ita precatus, lictores ire ad T. Manlium iubet, matureque collegae se devotum pro exercitu nuntiare. Ipse, incinctus cinctu Gabino, armatus in equum insiluit, ac se in medios hostes immisit. Conspectus ab utraque acie aliquanto augustior humano visu, sicut coelo missus piaculum omnis deorum irae, qui pestem ab suis aversam in hostes ferret: ita omnis terror pavorque cum illo latus signa primo Latinorum turbavit; deinde in totam penitus aciem pervasit. Evidentissimum id fuit, quod, quacunque equo invectus est, ibi, haud secus quam pestifero sidere icti, pavebant: ubi vero corrui obrutus telis, inde iam haud dubie consternatae cohortes Latinorum fugam ac vastitatem late fecerunt. Simul et Romani, exsolutis religione animis, velut tum primum signo dato coorti, pugnam integram ediderunt. Nam et rorarii procurrebant inter antepilanos, addiderantque vires hastatis ac principibus: et triarii, genu dextro innisi, nutum consulis ad consurgendum expectabant. 10. Procedente deinde certamine, quum aliis partibus multitudo superaret Latinorum, Manlius consul, audito eventu collegae, quum, ut ius fasque erat, lacrimis non minus quam laudibus debitis prosecutus tam memorabilem mortem esset; paullisper addubitavit, an consurgendi iam triariis tempus esset: deinde, melius ratus integros eos ad ultimum discrimen servari, accensos ab novissima acie ante signa procedere iubet. Qui ubi subiere, extemplo Latini, tanquam idem adversarii fecissent, triarios suos excitaverunt: qui aliquamdiu pugna atroci quum et semet

Etrusci, quibus tonitru et fulgura curae erant. Niebhr. iii. n. 249.

3 *Pro republica Quiritium*] Nostrum *pro pop. Romano Quiritibus* sine dubio scripsisse censet Niebhr. iii. n. 250, et coniecturam Brissonii de Form. i. p. 61. *pro republica Quiritibus* minime probandam esse. *Pro republica populi Romani Quiritium* ex emendatione Gronovii in textum reposuit Bekker.

4 *Cinctu Gabino*] De quo cf. not. ad v. 46. supr.

5 *Corruit*] Caesum fuisse a milite Romano, tanquam hostiam Dis manibus sacratam, scribit Zonar. ii. cf.

Niebhr. iii. n. 251.

6 *Rorarii procurrebant*] Hastati forsan aliquantum loco suo cesserant, et iam una confertis ordinibus principes hastatique bellum ciebant, necnon rorarii missilibus telis hostem eminus vexabant.

7 *Accensos novissima acie*] Idcirco in annalibus, ut supr. 8. descriptam habemus usitatam legionis formam, quo magis hic legentibus pateat, qua arte Manlius Latinos fefellerit, scilicet accensos armis telisque inusitatis instruendo, et a novissima acie in primam subsidio antepilanis educendo.

ipsi fatigassent, et hastas aut praefregissent, aut hebetassent, U. C. 415.
 pellerent vi tamen hostem, debellatum iam rati, perven- A. C. 337.
 tumque ad extremam aciem; tum consul triariis, ‘Con-
 surgite nunc,’ inquit, ‘integri adversus fessos, memores
 patriae parentumque et coniugum ac liberorum; memores
 consulis pro vestra victoria morte occumbentis.’ Ubi Vincunt
 triarii consurrexerunt integri, refulgentibus armis, nova ex Romani.
 improviso exorta acies, receptis in intervalla ordinum ante-
 pilanis, clamore sublato principia Latinorum perturbant:
 hastisque ora fodientes, primo robore virorum caeso, per
 alios manipulos, velut inermes, prope intacti evasere; tan-
 taque caede perrupere cuneos, ut vix quartam partem re-
 8 linquerent hostium. Samnites quoque, sub radicibus mon-
 tis procul instructi, praebuere terrorem Latinis. Ceterum
 inter omnes cives sociosque praecipua laus eius belli penes
 consules fuit: quorum alter omnes minas periculaque ab
 diis superis inferisque in se unum vertit: alter ea virtute
 eoque consilio in proelio fuit, ut facile convenerit inter
 Romanos Latinosque, qui eius pugnae memoriam posteris
 9 tradiderunt, utrius partis T. Manlius dux fuisset, eius fu-
 turam haud dubie fuisse victoriam. Latini ex fuga se
 Minturnas contulerunt. Castra secundum proelium capta,
 multique mortales ibi vivi oppressi, maxime Campani.
 Decii corpus ne eo die inveniretur, nox quaerentes oppres-
 sit. Postero die inventum inter maximam hostium stragem,
 coopertum telis; funusque ei par morti, celebrante collega,
 factum est. Illud adiiciendum videtur, licere consuli dicta- Devotio-
 torique et praetori, quum legiones hostium devoveat, non num leges.
 utique se, sed quem velit ex legione Romana scripta civem,
 1 devovere: si is homo, qui devotus est, moritur, probe fac-
 2 tum videri: ni moritur, tum signum septem pedes altum,
 3 aut maius, in terram defodi, et piaculum hostiam caedi.
 Ubi illud signum defossum erit, eo magistratum Romanum
 escendere fas non esse. Sin autem sese devovere volet,
 sicuti Decius devovit; ni moritur, neque suum, neque
 publicum divinum pure faciet, qui sese devoverit. Vul-
 cano arma sive cui alii divo vovere volet, sive hostia sive
 quo alio volet, ius est. Telo, super quod stans consul pre-

8 *Samnites*] Contra in annalibus quibusdam Samnites una cum Romanis in acie stetisse proditum est.

9 *Utrius partis T. Manlius dux*] Ut qui prudentia sua triarios ad ultimum discrimen praeter expectationem hostium sub signis tenuerat.

1 *Si is homo, qui devotus est*] Haec usque ad finem capitis haud dubie ex formula antiqua deprompta sunt.

2 *Signum*] Imaginem eius hominis, qui devotus non est mortuus; mortem enim eius defossione imaginis et hostiae caede repraesentari voluerunt. SIGON.

3 *Piaculum*] Similiter ἄγος apud Graecos id quod expiandum sit, atque id quo expiatur, significat. Hic sensu posteriore accipiendum est.

U. C. 415. catus est, hostem potiri, fas non est: si potiat, Marti
 A. C. 337. suovetaurilibus piaculum fieri. Haec, etsi omnis divini
 11. humanique moris memoria abolevit, nova peregrinaque
 omnia priscis ac patriis praeferendo, haud ab re duxi, verbis
 quoque ipsis, ut tradita nuncupataque sunt, referre.

Romanis post proelium demum factum Samnites venisse
 subsidio, exspectato eventu pugnae, apud quosdam auctores
 invenio. Latinis quoque ab Lavinio auxilium, dum de-
 liberando terunt tempus, victis demum ferri coeptum. Et,
 quum iam portis prima signa et pars agminis esset egressa,
 nuntio allato de clade Latinorum, quum conversis signis
 retro in urbem rediretur, praetorem eorum nomine Mi-
 lionium dixisse ferunt, 'pro paullula via magnam mercedem
 'Romanis esse solvendam.' Qui Latinorum pugnae super-
 fuerant, multis itineribus dissipati, quum se in unum con-
 globassent, Vescia urbs iis receptaculum fuit. Ibi in con-
 siliis Numisius imperator eorum, affirmando 'communem 5
 'vere Martem belli utramque aciem pari caede prostravisse,
 'victoriaeque nomen tantum penes Romanos esse, ceteram 6
 'pro victis fortunam et illos gerere: funesta duo consulum
 'praetoria, alterum parricidio filii, alterum consulis devoti
 'caede; trucidatum exercitum omnem; caesos hastatos
 'principesque; stragem et ante signa et post signa factam;
 'triarios postremo rem restituisse. Latinorum etsi pariter
 'accisae copiae sint, tamen supplemento vel Latium pro-
 'pius esse, vel Volscos, quam Romam. Itaque, si videatur
 'iis, se, ex Latinis et ex Volscis populis iuventute propere
 'excita, rediturum infesto exercitu Capuam esse; Roma-
 'nosque, nihil tum minus quam proelium exspectantes, nec-
 'opinato adventu percussurum.' Fallacibus literis circa
 Latium nomenque Volscum missis, quia, qui non inter-
 fuerant pugnae, ad credendum temere faciliores erant, tu-
 multuarius undique exercitus raptim conscriptus convenit.
 Huic agmini Torquatus consul ad Trifanum (inter Sinu-
 essam Minturnasque is locus est) occurrit. Prius, quam
 castris locus caperetur, sarcinis utrimque in acervum con-
 iectis, pugnatum debellatumque est: adeo enim accisae res
 sunt, ut consuli, victorem exercitum ad depopulandos agros
 eorum ducenti, dederent se omnes Latini, deditionemque
 eam Campani sequerentur. Latium Capuaque agro mul-
 tati. Latinus ager, Privernati addito agro, et Falernus,

Novum ex-
 ercitus
 conscribunt
 Latini.

Rursus
 victi de-
 dunt se.

4 *Vescia urbs*] Hod. *Santa Agata di Goti*. Niebhr. iii. n. 253.

5 *Numisius*] Nominativus quo-
 dammodo pendens, neque verbum
 finiti modi, cui innitatur, habens.
 Simile plane exemplum rursus occur-

rit infr. xxvi. 12. CREV.

6 *Ceteram pro victis fortunam et
 illos gerere*] *Ceteram* illorum fortu-
 nam talem esse, ut et ipsi pro victis
 haberi debeant.

qui populi Campani fuerat, usque ad Vulturum flumen, U. C. 415.
 7 plebi Romanae dividitur. Bina in Latino iugera, ita ut A. C. 337.
 dodrantem ex Privernati complerent, data; terna in Fal-
 lerno, quadrantibus etiam pro longinquitate adiectis. Extra
 poenam fuere Latinorum Laurentes Campanorumque equi-
 tes, quia non desciverant. Cum Laurentibus renovari
 foedus iussum: renovaturque ex eo quotannis post diem
 8 decimum Latinarum. Equitibus Campanis civitas data:
 monumentoque ut esset, aeneam tabulam in aede Castoris
 Romae fixerunt. Vectigal quoque iis Campanus populus
 9 iussus pendere in singulos quotannis (fuere autem mille et
 sexcenti) denarios nummos quadringenos quinquagenos.
 Ita bello gesto, praemiis poenaeque pro cuiusque merito 12.
 1 persolutis, T. Manlius Romam rediit: cui venienti seniores
 tantum obviam exisse constat; iuventutem, et tunc, et omni
 vita deinde, aversatam eum execratamque.

Antiates in agrum Ostiensem, Ardeatem, Solonium in-
 cursiones fecerunt. Manlius consul, quia ipse per valetu- L. Papirius
 dinem id bellum exsequi nequierat, dictatorem dictator. L. Papirium
 Crassum, qui tum forte erat praetor, dixit: ab eo magister
 equitum L. Papirius Cursor dictus. Nihil memorabile ad-
 versus Antiates ab dictatore gestum est, quum aliquot men-
 ses stativa in agro Antiati habuisset.

Anno insigni victoria de tot ac tam potentibus populis,
 ad hoc consulum alterius nobili morte, alterius sicut truci,
 ita claro ad memoriam, imperio, succedere consules Ti. U. C. 416.
 Aemilius Mamercinus et Q. Publilius Philo; neque in A. C. 336.
 similem materiam rerum, et ipsi aut suarum rerum, aut Ti. Aemilio,
 partium in republica magis, quam patriae, memores. La- Q. Publilio
 2 tinos, ob iram agri amissi rebellantes, in campis Fene- Coss.
Latinorum
rebellio.

7 *Bina in Latino iugera*] Locu-
 sit accipiendus. Illis, qui in Latio
 agros acceperunt, data sunt bina iu-
 gera agri Latini, et insuper dodrans,
 sc. tres quartae partes iugeri ex agro
 Privernati, illis autem, qui in Cam-
 pania, data sunt singulis tria iugera
 agri Falerni; quadrans autem, sc.
 quarta pars iugeri, quam hi plus quam
 illi acceperunt, adiecta est propter
 agri istius longinquitatem. Drak.
 Haec Strothio et Ruperto aridet, sed
 alia forsitan aliis huius loci interpre-
 tatio placuerit, cf. Niebhr. iii. n. 256.
 8 *Equitibus Campanis*] Qui, ut
 Niebuhrio placet, gentis antiquae Sa-
 bellicae reliquiae erant, neque in
 foedus Campanorum cum Latinis
 iunctum consenserant.

9 *Mille et sexcenti*] Haud scio an
 quattuor tribus quadringenis equiti-
 bus hic designantur, quarum unicui-

que triginta talenta in stipendium data
 sunt: triginta enim talenta 720,000
 drachmas efficiunt, et sine dubio *de-*
naarios, quod genus nummi adhuc non
 exstabat, pro *drachmis* noster scripsit.

1 *Romam rediit*] Et triumphum
 duxit, si Dionem audiamus. cf. Dio.
 Exc. Vat. 29, qui hanc propter cau-
 sam populum illi maxime infensum
 fuisse tradit.

2 *Fenectanis*] Huius nominis nus-
 quam alias mentio occurrit. Ideo in
 eo aliquid esse vitii plerique credide-
 runt. Unus e nostris MSS. exhibet
Ferentanis. Unde firmatur Douiatii
 coniectura *Ferentinis*. Ferentinum
 urbs est Hernicorum supr. vii. 9. et
 de aqua et luco Ferentinae mentio
 facta a Livio est, supr. i. 51. et alibi.
Crux. Sed vocem *Fenectanis* mi-
 nime sollicitandam censet Drak.

U. C. 416. tanis fuderunt, castrisque exuerunt. Ibi Publilio, cuius
 A. C. 336. ductu auspicioque res gestae erant, in deditionem acci-
 piente Latinos populos, quorum ibi iuventus caesa erat,
 Aemilius ad Pedum exercitum duxit. Pedanos tuebatur
 Tiburs, Praenestinus, Veliternusque populus: venerant et
 ab Lanuvio Antioque auxilia. Ubi quum proeliis quidem ³
 superior Romanus esset, ad urbem ipsam Pedum castraque
 sociorum populorum, quae urbi adiuncta erant, integer
 labor restaret; bello infecto repente omisso, consul, quia
 collegae decretum triumphum audivit, ipse quoque triumphi
 ante victoriam flagitator Romam rediit. Qua cupiditate
 offensis Patribus, negantibusque, nisi Pedito capto aut de-
 dedito, triumphum, hinc alienatus ab senatu Aemilius sedi-
 tiosis tribunatibus similem deinde consulatum gessit. Nam
 neque, quoad fuit consul, criminari apud populum Patres
 destitit, collega haudquaquam adversante, quia et ipse de
 plebe erat: (materiam autem praebebat criminis ager in
 Latino Falernoque agro maligne plebei divisus) et, post-
 quam senatus, finire imperium consulibus cupiens, dicta-
 torem adversus rebellantes Latinos dici iussit, Aemilius,
 cuius tum fascēs erant, collegam dictatorem dixit: ab eo ⁴
 magister equitum Iunius Brutus dictus. Dictatura popu-
 laris, et orationibus in Patres criminosis, fuit, et quod tres
 leges secundissimas plebei, adversas nobilitati, tulit: unam,
 ut plebiscita omnes Quirites tenerent: alteram, ut legum, ⁵
 quae comitiis centuriatis ferrentur, ante initum suffragium
 Patres auctores fierent: tertiam, ut alter utique ex plebe,
 quum eo ventum sit, ut utrumque plebeium consulem fieri ⁷
 liceret, censor crearetur. Plus eo anno domi acceptum
 cladis ab consulibus ac dictatore, quam ex victoria eorum
 bellicisque rebus foris auctum imperium, Patres credebant.

Q. Publi-
 lius dicta-
 tor.
 Tres leges
 fert adver-
 sas nobili-
 tati.

13. Anno insequenti, L. Furio Camillo, C. Maenio consu- ⁸

U. C. 417. libus, quo insignitius omīssa res Aemilio, superioris anni
 A. C. 335. consuli, exprobraretur, Pedum armis virisque et omni vi
 L. Furio, expugnandum ac delendum senatus fremit: coactique novi
 C. Maenio
 Coss.

³ Lanuvio] Lavinio ap. Fast.
 Triumph. legitur.

⁴ Cuius tum fascēs erant] In urbe
 fascēs uni tantum consuli praefere-
 bantur, isque praecipua obibat con-
 sulatus munia. CREV. cf. Sueton. Iul.
 Caes. 20.

⁵ Ut plebiscita] Eandem iam le-
 gem tulerant consules M. Valerius et
 M. Horatius, post liberatam a Decem-
 virorum tyrannide rempublicam. Vid.
 iii. 55. Eadem et renovata est postea
 a Q. Hortensio dictatore, occasione se-
 cessionis in Ianiculum, ann. U. C. 466.

⁶ Alteram] Hac lege *senatūs aucto-
 ritas* in locum eius *auctoritatis pa-
 trum*, quam *curiata comitia* antiqui-
 tus dabant, substituitur. Hortensia
 autem lege quinquagesimo abhinc an-
 no perlata, auctoritas *senatūs* omnino
 sublata est. cf. Plin. H. N. xvi. 15.
 Niebhr. ii. p. 365. n. 809.

⁷ Ut utrumque plebeium] Vide
 supr. vii. 42.

⁸ C. Maenio] Hic et infr. ix. 26.
 quidam pro Maenio, Menenium le-
 gendum suadent, ut supr. vi. 19.

consules, omnibus eam rem praeverti, proficiscuntur. Iam ^{U. C. 417.} Latio is status erat rerum, ut neque bellum neque pacem ^{A. C. 335.} pati possent. Ad bellum opes deerant: pacem ob agri ^{Latini nec bellum, nec} adempti dolorem aspernabantur. Mediis consiliis standum ^{pacem pati} videbatur, ut oppidis se tenerent; ne laccessitus Romanus ^{possunt.} causam belli haberet: et, si cuius oppidi obsidio nuntiata esset, undique ex omnibus populis auxilium obsessis ferretur. Neque tamen, nisi admodum a paucis populis, Pedani ^{Vincuntur} adiuti sunt. Tiburtes Praenestinique, quorum ager propior ^{a consuli-} erat, Pedum pervenere. Aricinos Lanuvinosque et Veliternos, Antiatibus Volscis se coniungentes, ad Asturae flumen Maenius, improviso adortus, fudit. Camillus ad Pedum cum Tiburtibus, maxime valido exercitu, maiore mole, quanquam aeque prospero eventu, pugnat. Tumultum maxime repentina inter proelium eruptio oppidanorum fecit: in quos parte exercitus conversa, Camillus non compulit solum eos intra moenia, sed eodem etiam die, quum ipsos auxiliaque eorum perculisset, oppidum scalis cepit. Placuit inde, iam maiore conatu animoque ab unius expugnatione urbis ad perdomandum Latium victorem circumducere exercitum: nec quiescere ante, quam, expugnando aut in deditionem accipiendo singulas urbes, Latium ^{Latium subactum.} omne subegere. Praesidiis inde dispositis per recepta oppida, Romam ad destinatum omnium consensu triumphum decessere. Additus triumpho honos, ut statucae equestres ⁹ iis, rara illa aetate res, in foro ponerentur. Prius, quam ^{Camillus refert ad senatum de Latio.} comitiis in insequentem annum consules rogarent, Camillus de Latinis populis ad senatum retulit, atque ita disseruit: ‘Patres conscripti, quod bello armisque in Latio agendum fuit, id iam deum benignitate ac virtute militum ad finem venit. Caesi ad Pedum Asturamque sunt exercitus hostium: oppida Latina omnia, et Antium ex Volscis, aut vi capta, aut recepta in deditionem, praesidiis tenentur vestris. Reliqua consultatio est, quoniam rebellando saepius nos sollicitant, quonam modo perpetua pace quietos obtineamus. Dii immortales ita vos potentes huius consilii fecerunt, ut, sit Latium deinde, an non sit, in vestra manu posuerint. Itaque pacem vobis, quod ad Latinos attinet, parare in perpetuum, vel saeviendo, vel ignoscendo, potestis. Vultis crudeliter consulere in deditos victosque? Licet delere omne Latium, vastas inde solitudines facere, unde sociali egregio exercitu per multa bella magnaue saepe usi estis. Vultis exemplo maiorum

⁹ Prius, quam . . . rogarent] Sub. quum consul maior esset Camillus, et consules, quae vox in Camillo, qui populum novos consules rogaret, consul erat, latet; nisi malis rogaret.

- U. C. 417. 'augere rem Romanam, victos in civitatem accipiendo?
 A. C. 335. 'Materia crescendi per summam gloriam suppeditat. Certe
 'id firmissimum longe imperium est, quo obedientes gau-
 'dent. Sed maturato opus est, quicquid statuere placet.
 'Tot populos inter spem metumque suspensos animi ha-
 'betis: et vestram itaque de iis curam quam primum ab-
 'solvi, et illorum animos, dum exspectatione stupent, seu
 'poena, seu beneficio, praeoccupari oportet. Nostrum fuit
 'efficere, ut omnium rerum vobis ad consulendum potestas
 'esset: vestrum est decernere, quod optimum vobis rei que
 14. 'publicae sit.' Principes senatus relationem consulis de
 summa rerum laudare; sed, quum aliorum causa alia esset,
 ita expediri posse consilium, dicere, ut pro merito cuiusque
 statueretur, si de singulis nominatim referrent populis.¹
 Senatus- Relatum igitur de singulis decretumque. Lanuvinis civitas³
 consulta de Latinis. data sacraque sua reddita cum eo, ut aedes lucusque Sospitae
 Iunonis communis Lanuvinis municipibus cum populo
 Romano esset. Aricini Nomentanique et Pedani eodem
 iure, quo Lanuvini, in civitatem accepti. Tusculanis ser-⁴
 vata civitas, quam habebant; crimenque rebellionis a
 publica fraude in paucos auctores versum. In Veliternos,
 veteres cives Romanos, quod toties rebellassent, graviter
 saevitum: et muri deiecti, et senatus inde abductus, iussique
 trans Tiberim habitare: ut eius, qui cis Tiberim depre-
 hensus esset, usque ad mille pondo clarigatio esset; nec⁵
 prius, quam aere persoluto, is, qui cepisset, extra vincula
 captum haberet. In agrum senatorum coloni missi: quibus
 ascriptis, speciem antiquae frequentiae Velitrae receperunt.⁶

¹ *Pro merito cuiusque*] Latinis cunctis datam civitatem scribit Dio in Exc. Vat. 31.

² *De singulis*] Consilio perquam salubri oppida Latina alia aliis praemiis Romani affecerunt, eo ut mutua inter se invidia animi Latinorum distraherentur, neque quidquam satis inter se fidum ad rebellandum haberent.

³ *Lanuvinis*] *Lavininis*, hic et in cap. praec. Niebhr. reponendum suadet, auctore Festo v. *Municipium*, qui *Aricinos* inter eos recenset, quorum civitas universa in civitatem Romanam venisset, *Lanuvinos* autem inter eos, qui participes fuerunt omnium rerum ad munus fungendum una cum civibus Romanis. Lanuvini post aliquot annos cives Romani facti sunt, et in Maeciam tribum ascripti. *Lavininis* ex Fast. Triumph. reponit Sigonius, sed immerito, ut videtur Drak. *Civitas* haud dubie in hoc loco eam iuris societatem denotat, quae Graece

συμπολιτεία dicitur.

⁴ *Tusculanis*] Civitas, quam habebant Tusculani, optimum ius municipii dabat, quippe Tusculani cum iis censentur, *qui aequae cives Romani, et in legione merebant*. Festus v. *Municeps*. Id genus societatis hic intelligitur, quae apud Graecos *ισοπολιτεία* dicitur.

⁵ *Clarigatio*] *Clarigatio* hoc loco est ius hominis prehendi, ita ut corpus eius quasi pignori opponatur, dum certam pecuniae summam exsolverit. Vid. plura de hac voce in Lexico Matth. Martinii. Decreverat igitur senatus, ut Veliternum civem, qui cis Tiberim repertus esset, cuilibet liceret prehendere, et in vinculis retinere; donec mille pondo, sive mille libras Romanas aeris, mille asses solvisset. CREV.

⁶ *Velitrae*] Coloni vero Velitriani postea in Scaptiam tribum ascripti erant.

Et Antium nova colonia missa cum eo, ut Antiatibus per-
mitteretur, si et ipsi ascribi coloni vellent. Naves inde
7 longae abactae, interdictumque mari Antiati populo est,
8 et civitas data. Tiburtes Praenestinique agro multati,
neque ob recens tantum rebellionis, commune cum aliis
Latinis, crimen; sed quod, taedio imperii Romani, cum
Gallis, gente efferata, arma quondam consociassent. Ce-
9 teris Latinis populis connubia commerciaque et concilia
inter se ademerunt. Campanis, equitum honoris causa,
1 quia cum Latinis rebellare noluissent, Fundanisque et For-
mianis, quod per fines eorum tuta pacataque semper fuisset
via, civitas sine suffragio data. Cumanos Suessulanosque
eiusdem iuris conditionisque, cuius Capuam, esse placuit.
Naves Antiatium partim in navalia Romae subductae, par-
tim incensae, rostrisque earum suggestum, in foro ex-
2 structum, adornari placuit: Rostraque id templum ap-
pellatum.

Rostra un-
de dicta.

C. Sulpicio Longo, P. Aelio Paeto consulibus, quum
omnia non opes magis Romanae, quam beneficiis parta
3 gratia bona pace obtineret, inter Sidicinos Auruncosque
bellum ortum. Aurunci, a T. Manlio consule in dedi-
tionem accepti, nihil deinde moverant: eo petendi auxilii
ab Romanis causa iustior fuit. Sed prius, quam consules
ab urbe (iusserat enim senatus defendi Auruncos) exer-
citum educerent, fama affertur, Auruncos metu oppidum
4 deseruisse, profugosque cum coniugibus ac liberis Suessam
communisse, quae nunc Aurunca appellata; moenia an-

15.

U. C. 418.

A. C. 334.

C. Sulpicio,

P. Aelio

Coss.

7 *Antiati populo*] Antium autem
postea inter maritimas colonias an-
numeratur. infr. xxvii. 38.

8 *Tiburtes Praenestinique*] Hi in-
ter tertii generis municipes a Festo
censentur. Ceterum quam omnino
Praenestini in auctoritate Romae es-
sent, collegeris ex praetoris Praenesti-
ni metu infr. ix. 16. narrato.

9 *Connubia commerciaque*] Quem-
admodum quibusdam Hernicorum po-
pulis infr. ix. 43. et Macedonibus xlv.
29. Hoc vero more agendi *Latinum*
nomen Romani frangebant, et tan-
quam commissuras corporis Latini dis-
iungebant.

1 *Fundanisque*] Hos cum Formi-
anis et Cumanis inter primi ordinis
municipes annumerat Festus.

2 *Rostraque id templum*] Quivis
locus inauguratus *templum* dicitur.
Cicero in Vatini. 10. *In rostris, in illo,*
inquam, inaugurato templo ac loco.
Siroth.

3 *Auruncos*] Eosdem, quos Auso-

nas, fuisse testantur Dio. Cass. Fr. iv.
p. 4. ed. Reim. Serv. in Aen. vii. 727.
cf. Festus v. *Ausoniam*. Illi vero,
aeque ac Sidicini, Osea origine erant,
neque in Campanorum confluxionem
confluxerant.

4 *Suessam*] Nescio an hoc illud op-
pidum sit, quod *Suessa Pomelia* supr.
i. 52. ii. 25. vocatur, et Volscorum
fuisse dicitur, quod idem oppidum
Auruncorum esse supr. ii. 16. videtur.
Si Niebuhrium i. n. 213. audiamus,
nomen *Volsci* in veteribus annalibus
eandem gentem, quam *Aurunci*, de-
signabat, et duo oppida erant, scilicet
Pomelia et Suessa, hoc quod *Au-*
runcum sive *Auruncorum* nunc, sc.
Livii aeco, appellatum est, illud quod
ineuria *Suessa Pomelia* scriptum.
Fieri potest ut in veteribus annalibus
Suessa Pomelia antiquo more pro
Suessa et Pomelia scriptum fuerit,
et crasso librarii cuiusdam ingenio
unum oppidum intelligere videretur.
Niebhr. i. p. 505. n. n. 186.

U. C. 418. tiqua eorum urbemque ab Sidicinis deletam. Ob ea in-
 A. C. 334. fensus consulibus senatus, quorum cunctatione proditi socii
 C. Claudius Regil- essent, dictatorem dici iussit. Dictus C. Claudius Regil-
 dictator. lensis, magistrum equitum C. Claudium Hortatorem dixit.
 Religio inde iniecta de dictatore: et, quum augures vitio
 creatum videri dixissent, dictator magisterque equitum se
 magistratu abdicarunt.

Eo anno Minucia Vestalis, suspecta primo propter mun-
 diorem iusto cultum, insimulata deinde apud pontifices ab
 indice servo, quum decreto eorum iussa esset sacris ab-
 stinere, familiamque in potestate habere, facto iudicio, viva 5
 sub terram ad portam Collinam dextra via strata defossa 6
 Scelerato campo. Credo, ab incesto id ei loco nomen
 factum.

Praetor
 plebeius.

Eodem anno Q. Publilius Philo praetor primus de plebe,
 adversante Sulpicio consule, qui negabat, rationem eius se
 habiturum, est factus; senatu, quum in summis imperiis id
 non obtinuisset, minus in praetura tendente.

16. Insequens annus, L. Papirio Crasso, K. Duilio con-
 sulibus, Ausonum magis novo, quam magno bello fuit 7
 U. C. 419. insignis. Ea gens Cales urbem incolebat. Sidicinis
 A. C. 333. finitimis arma coniunxerat: unoque proelio haud sane
 L. Papirio, Kaesone memorabili duorum populorum exercitus fusus, propinqui-
 Duilio Coss. tate urbium et ad fugam pronior, et in fuga ipsa tutior fuit.
 Nec tamen omissa eius belli cura Patribus, quia toties iam
 Sidicini aut ipsi moverant bellum, aut moventibus auxilium
 U. C. 420. tulerant, aut causa armorum fuerant. Itaque omni ope
 A. C. 332. annisi sunt, ut maximum ea tempestate imperatorem M.
 M. Valerio Valerium Corvum consulem quartum facerent. Collega
 IV. M. A- additus Corvo M. Atilius Regulus: et, ne forte casu erra-
 tilio Coss. retur, petatum ab consulibus, ut extra sortem Corvi ea pro-
 vincia esset. Exercitu victore a superioribus consulibus
 accepto, ad Cales, unde bellum ortum erat, profectus, quum
 hostes, ab superioris etiam certaminis memoria pavidos,
 clamore atque impetu primo fudisset; moenia ipsa oppu-
 gnare est aggressus. Et militum quidem is erat ardor, ut iam
 inde cum scalis succedere ad muros vellent, evasurosque
 contenderent. Corvus, quia id arduum factu erat, labore
 militum potius, quam periculo, peragere inceptum voluit.

5 *Familiamque in potestate habere*] Servos scilicet, ne manumitterentur. Morem sui temporis respexit noster, cf. Tac. Ann. ii. 30. Cic. Orat. pro Deiot. i. pro Mil. 22. *De servis nulla quaestio est in dominos, nisi de incestu.*

6 *Dextra via*] Ad dextram partem viae. Pro *strata*, quae vox hic ob-

secura est, legi iubet Iac. Gron. *Salaria*. Et vero Salaria via a porta Collina incipiebat. CREV. cf. Festus, v. *Sceleratus*.

7 *Ausonum*] Auruncorum scilicet, qui more Graecorum hic atque infr. ix. 25. Ausones appellantur, quoniam Livius Dionysium auctorem hic ante oculos habebat.

Itaque aggerem et vineas egit, turresque muro admovit: U. C. 420.
 quarum usum forte oblata opportunitas praevertit. Nam- A. C. 332.
 que M. Fabius, captivus Romanus, quum, per negligentiam
 custodum festo die vinculis ruptis, per murum inter opera
 Romanorum, religata ad pinnam muri recte suspensus,
 manibus se demisisset; perpulit imperatorem, ut vino
 epulisque sopitos hostes aggrediretur: nec maiore certamine
 capti cum urbe Ausones sunt, quam acie fusi erant. Praeda
 capta ingens est: praesidioque imposito Calibus reductae
 Romam legiones. Consul ex senatusconsulto triumphavit:
 et, ne Atilius expers gloriae esset, iussi ambo consules
 adversus Sidicinos ducere exercitum. Dictatorum ante ex
 senatusconsulto comitiorum habendorum causa dixerunt L.
 Aemilium Mamercinum. Is magistrum equitum Q. Pu-
 blilium Philonem dixit. Dictatore comitia habente, consules
 creati sunt T. Veturius, Sp. Postumius. Etsi belli pars cum
 Sidicinis restabat; tamen, ut beneficio praevenirent desi-
 derium plebis, de colonia deducenda Cales retulerunt:
 factoque senatusconsulto, ut duo millia quingenti homines
 eo scriberentur, triumviros coloniae deducendae agroque
 dividendo creaverunt K. Duilium, T. Quinctium, M.
 Fabium.

Cales Auso-
 num oppi-
 dum capi-
 tur.
 Triumphat
 M. Vale-
 rius.

Dictator L.
 Aemilius.
 U. C. 421.
 A. C. 331.
 T. Veturio,
 Sp. Postu-
 mio Coss.

Novi deinde consules, a veteribus exercitu accepto, in- 17.
 gressi hostium fines, populando usque ad moenia atque
 urbem pervenerunt. Ibi, quia, ingenti exercitu comparato,
 Sidicini et ipsi pro extrema spe dimicaturi enixe videbantur,
 et Samnium fama erat conciri ad bellum: dictator ab con-
 sulibus ex auctoritate senatus dictus P. Cornelius Rufinus;
 magister equitum M. Antonius. Religio deinde incessit,
 vitio eos creatos: magistratuque se abdicaverunt: et, quia
 pestilentia insecuta est, velut omnibus eo vitio contactis
 auspiciis, res ad interregnum rediit. Ab interregno inito
 per quintum demum interregem M. Valerium Corvum
 creati consules A. Cornelius iterum et Cn. Domitius.

P. Corne-
 lius dicta-
 tor.

U. C. 422.
 A. C. 330.
 A. Cornelio
 II. Cn. Do-
 mitio Coss.

8. *Colonia deducenda Cales*] Quae, tanquam praesidium, agrum Falernatem, necnon viam inter Romam et Capuam tutaretur. Haec vero Niebuhrio videtur iii. p. 199. *colonia prima Latina* fuisse, quae post Latinum nomen armis Romanis subditum deducta fuit, sc. ex Quiritibus, civibus municipalibus, et sociis aequo foedere iunctis conscripta. necnon eo consilio deducta, ut fines Romanos contra arma Samnitium firmaret.

9. *Felut annulus*] Non modo dictatoris sed consulum auspiciis: itaque aut se abdicaverunt magistratu con-

sules, aut magistratu abeuntes, comitia subrogandorum consulum non habuerunt. Similiter supr. vi. 5. *Ut renovarentur auspicia, res ad interregnum rediit.* Interregnum autem non inibatur, nisi quando nulli erant in republica curules magistratus. Patricii quidem coibant, et per se ipsi auspiciis interregem prodebant. Itaque nova plane erant auspicia interregis; et nulla ex parte pendebant ab auspiciis magistratum anni praecedentis: et si quid in his vitii esset, nihil ad illa hoc vitium pertinere poterat.

U. C. 422. Tranquillis rebus, fama Gallici belli pro tumultu valuit, ut ¹
 A. C. 330. dictatorem dici placeret. Dictus M. Papirius Crassus, et ²
 M. Papirius dictator. magister equitum P. Valerius Publicola. A quibus quum
 delectus intentius, quam adversus finitima bella, haberetur,
 exploratores missi attulerunt, quieta omnia apud Gallos
 esse. Samnium quoque iam alterum annum turbari novis
 consiliis suspectum erat: eo ex agro Sidicino exercitus
 Alexander Romanus non est deductus. Ceterum Samnites bellum
 Epirensis. Alexandri Epirensis in Lucanos traxit: qui duo populi
 adversus regem, exscensionem a Paesto facientem, signis ³
 collatis pugnaverunt. Eo certamine superior Alexander,
 incertum qua fide culturus, si perinde cetera processissent,
 pacem cum Romanis fecit. Eodem anno census actus,
 Novae tri- bus, Maecia novique cives censi: tribus propter eos additae Maecia et ⁴
 et Scaptia. Scaptia: censores addiderunt Q. Publilius Philo, Sp. Po-
 stumius. Romani facti Acerrani, lege ab L. Papirio prae- ⁵
 tore lata, qua civitas sine suffragio data. Haec eo anno
 domi militiaeque gesta.

18. Foedus insequens annus seu intemperie coeli, seu humana
 U. C. 423. fraude fuit, M. Claudio Marcello, C. Valerio consulibus.
 A. C. 329. Flaccum Potitumque varie in annalibus cognomen consulis
 M. Claudio, invenio: ceterum, in eo, parvi refert, quid veri sit. Illud
 C. Valerio Coss. pervelim, (nec omnes auctores sunt) proditum falso esse,
 venenis absumptos, quorum mors infamem annum pestilentia ⁶
 fecerit. Sicut proditur tamen res, ne cui auctorum fidem
 abrogaverim, exponenda est. Quum primores civitatis
 Veneficia matrona- similibus morbis, eodemque ferme omnes eventu, more-
 rum. rentur; ancilla quaedam ad Q. Fabium Maximum aedilem ⁷

¹ *Pro tumultu*] Aequae ac si tu-
 multus esset. De *tumultu* cf. supr. vii.
 9.

² *Dictus M. Papirius Crassus*] An-
 ni integri historiam cum consulibus,
 L. Papirio Cursore et C. Poetelio Li-
 bone quos Solinus 32. memorat, h. l.
 in Livio, in Diodoro aliisque deside-
 rari, monet Pigh. in *Annal.* ad U. C.
 421. sed annum consulesque illos ante
 19. infr. interponendos censet Dodwell.
 de *Cycl. Diss.* x. § 78, 79. *Rup.*

³ *Exscensionem a Paesto*] Exscen-
 sionem in Lucaniam ab ea parte ubi
 Paestum est. Sic et infr. xxxi. 24.
Ab Diplylo accessit: id est, accessit ad
 urbem, Athenas nempe, ab ea parte,
 qua porta illa est, quae appellatur Di-
 pylon. cf. supr. 3.

⁴ *Maecia et Scaptia*] Utraque re-
 gio in Latino agro. *Maecia* a monte
 Maecio supr. vi. 2. haud procul Lanu-
 vio, dicta, *Scaptia*, a Scaptio urbe,
 quam Crevierius vicinam Pedito fuisse

existimat. Velitrae in Scaptia regione
 erant, quippe gens Octavia Scaptien-
 sis, et eadem Velitris olim praecipua
 erat. Sueton. *Aug.* i. 40. Iam novem
 et viginti tribus factae sunt.

⁵ *Acerrani*] Qui inter municipales
 optimi iuris cum Formianis et Fun-
 danis supr. 14. a Festo commemoran-
 tur.

⁶ *Venenis absumptos*] Digna qui-
 dem admiratione haec narratio, quam
 Niebuhrius praeteriit, atque alii plu-
 res scriptores neglexerunt: sed de ve-
 neficiis foeminarum an. 572. U. C.
 haud dubie quaestiones Romae sunt
 habitae, cf. infr. xl. 37. et clades huic
 perquam similis Romae A. D. 1659.
 accidisse memoratur. cf. Beckman.
Hist. Invent.

⁷ *Q. Fabium Maximum*] Per pro-
 lepsim Fabium hoc loco *Maximum*
 dici monet Glareanus, cognomen enim
Maximi in censura demum ei indi-
 tum est. cf. infr. ix. 46.

curulem, indicaturum se causam publicae pestis, professa est, si ab eo fides sibi data esset, haud futurum noxae indicium. Fabius confestim rem ad consules, consules ad senatum referunt: consensuque ordinis fides indici data. Tum patefactum, muliebri fraude civitatem premi, matronasque ea venena coquere; et, si sequi extemplo velint, manifesto deprehendi posse. Secuti indicem, et coquentes quasdam medicamenta, et recondita alia, invenerunt. Quibus in forum delatis, et ad viginti matronis, apud quas deprehensa erant, per viatorem accitis, duae ex iis, Cornelia ac Sergia, patriciae utraque gentis, quum ea medicamenta salubria esse contenderent, ab confutante indice bibere iussae, ut se falsum commentam arguerent; spatio ad colloquendum sumpto, quum, summoto populo, in conspectu omnium rem ad ceteras retulissent; haud abnuentibus et illis bibere, epoto medicamento, suamet ipsae fraude omnes interierunt. Comprehensae extemplo earum comites magnum numerum matronarum indicaverunt: ex quibus ad centum septuaginta damnatae. Neque de veneficiis ante eam diem Romae quaesitum est. Prodigii ea res loco habita; captisque magis mentibus, quam consecleratis, similis visa. Itaque, memoria ex annalibus repetita, in secessionibus quondam plebis clavum ab dictatore fixum, alienatasque discordia mentes hominum eo piaculo compotes sui fecisse, dictatorem clavi figendi causa creari placuit. Creatus Cn. Quinctilius magistrum equitum L. Valerium dixit: qui, fixo clavo, magistratu se abdicaverunt.

Clavi figendi causa creatus dictator.

- 1 Creati consules L. Papirius Crassus iterum, L. Plautius 19.
 2 Venno. Cuius principio anni legati ex Volscis Fabraterni, et Lucani, Romam venerunt, orantes, ut in fidem reciperentur: si a Samnitium armis defensi essent, se sub imperio

U. C. 425.
 A. C. 327.
 L. Papirio
 H. L. Plautio Coss.

8 *In secessionibus quondam plebis*] Huius rei mentionem nusquam ap. nostrum occurrere animadverterunt Crev. et Rup. Sed Niebhr. i. n. 1334. nodum quodammodo expedit, quippe ap. Cic. Brut. 14. *videmus . . . cum plebes . . . montem qui Sacer appellatus est, occupavisset, M. Valerium dictatorem dicendo sedavisse discordias, etc.* Hanc rem Niebhr. ad primam secessionem, Crustumerinam dictam, referendam censet. Sed pace summi viri dixerim mihi potius in mentem succurrere secessionem eam, quam noster, tanquam conurbationem militum, narravit, quando ad concordiam ordinum conciliandam M. Valerius Corvus dictator nominatus est. supr. vii. 39.

9 *Ab dictatore fixum*] Quia sum-

mus in urbe praetor esset Idibus Septembribus, non quia piaculo opus esset. cf. supr. vii. 3.

1 *Creati consules*] Annum circa haec tempora intericiendum esse consentiunt interpretes omnes. Hic eum interponendum esse Dodwellus existimat, Dissert. de Cyclis Roman. x. § 78. et 79. et in eum consules edit L. Papirium, Sp. F. Cursorem, C. Poetelium, C. F. Libonem Visolum. Cr.

2 *Legati ex Volscis Fabraterni, et Lucani*, quem populum Livius infr. 25. simul cum Apulis in fidem venisse dicit: accepto enim beneficio per legatos in Samnium a Romanis missos hanc gratiam retulere. Giox. *Arcani pro Lucani con.* Cluver. et *Polusceni Ruben.* ut duo *Volscorum* populi vel oppida memorentur. Rup.

U. C. 425. populi Romani fideliter atque obedienter futuros. Missi
 A. C. 327. tum ab senatu legati, denuntiatumque Samnitibus, ut eorum
 populorum finibus vim abstinerent: valuitque ea legatio,
 non tam quia pacem volebant Samnites, quam quia nondum
 parati erant ad bellum.

Bellum
 Privernas.

Victi Pri-
 vernates.

Eodem anno Privernas bellum initum: cuius socii Fundani, dux etiam fuit Fundanus, Vitruvius Vaccus; vir non domi solum, sed etiam Romae, clarus. Aedes fuere in Palatio eius, quae Vacci prata, diruto aedificio publicatoque solo, appellata. Adversus hunc, vastantem effuse Setinum Norbanumque et Coranum agrum, L. Papirius profectus, haud procul castris eius consedit. Vitruvio nec, ut vallo se teneret adversus validiorem hostem, sana constare mens, nec, ut longius a castris dimicaret, animus suppetere. Vix tota extra portam castrorum explicata acie, fugam magis retro, quam proelium aut hostem, spectante milite, sine consilio, sine audacia depugnat: et ut levi momento nec ambigue est victus; ita, brevitate ipsa loci facillique receptu in tam propinqua castra, haud aegre militem a multa caede est tutatus: nec fere quisquam in ipso certamine, pauci in turba fugae extremae, quum in castra ruerent, caesi; primisque tenebris Privernum inde petitum agmine trepido, ut muris potius, quam vallo, sese tutarentur. A Priverno Plautius alter consul, pervastatis passim agris praedaeque abacta, in agrum Fundanum exercitum inducit. Ingredi-
 enti fines senatus Fundanorum occurrit; ‘negant, se pro
 ‘Vitruvio sectamque eius secutis precatum venisse, sed pro
 ‘Fundano populo; quem extra culpam belli esse, ipsum
 ‘Vitruvium iudicasse, quum receptaculum fugae Privernum
 ‘habuerit, non patriam Fundos. Priverni igitur hostes
 ‘populi Romani quaerendos persequendosque esse, qui
 ‘simul a Fundanis ac Romanis, utriusque patriae immemores,³
 ‘defecerint. Fundanis pacem esse, et animos Romanos, et
 ‘gratam memoriam acceptae civitatis. Orare se consulem,
 ‘ut bellum ab innoxio populo abstineat: agros, urbem, cor-
 ‘pora ipsorum, coniugumque, ac liberorum suorum, in
 ‘potestate populi Romani esse, futuraque.’ Collaudatis
 Fundanis, consul, literisque Romam missis, in officio Fundanos esse, ad Privernum flexit iter. Prius animadversum in eos, qui capita coniurationis fuerant, a consule scribit Claudius: ad trecentos quinquaginta ex coniuratis vinctos⁴
⁵

³ *Utriusque patriae*] Ut qui municipalia iura haberent et tantum non cives Rom. optimo iure essent. supr. 14.

⁴ *Claudius*] Hic videtur esse Q. Claudius Quadrigarius, aequalis Sissennae, auctore Velleio, ii. 9. qui pro-

inde floruerit Syllanis temporibus. Huius saepe meminit A. Gellius, ac speciatim ix. 13. laudat in eo *simplicem et incomptam orationis antiquae suavitatem*. Eum, non expresso tamen nomine, indicari simul et ex-

Romam missos; eamque deditionem ab senatu non acceptam, quod egentium atque humilium poena defungi velle Fundanum populum censuerint.

Privernum duobus consularibus exercitibus quum obsideretur, alter consul comitiorum causa Romam revocatus. Carceres eo anno in circo primum statuti. Nondum perfunctos cura Privernatis belli tumultus Gallici fama atrox invasit, haud ferme unquam neglecta Patribus. Extemplo igitur consules novi, L. Aemilius Mamercinus et C. Plautius, eo ipso die, Kalendis Quintilibus, quo magistratum inierunt, comparare inter se provincias iussi; et Mamercinus, cui Gallicum bellum evenerat, scribere exercitum sine ulla vacationis venia. Quin opificum quoque vulgus et sellularii, minime militiae idoneum genus, exciti dicuntur: Veiosque ingens exercitus contractus, ut inde obviam Gallis iretur. Longius discedi, ne alio itinere hostis falleret ad urbem incedens, non placuit. Paucos deinde post dies, satis explorata temporis eius quiete, a Gallis Privernum omnis conversa vis. Duplex inde fama est: alii vi captam urbem, Vitruviumque vivum in potestatem venisse: alii, priusquam ultima adhiberetur vis, ipsos se in deditionem consulis caduceum praeferentes permisisse, auctores sunt, Vitruviumque ab suis traditum. Senatus, de Vitruvio Privernatibusque consultus, consulem Plautium, dirutis Priverni muris, praesidioque valido imposito, ad triumphum arcessit; Vitruvium in carcerem asservari iussit, quoad consul redisset; tum verberatum necari. Aedes eius, quae essent in Palatio, diruendas, bona Semoni Sanco censuerunt consecranda:

scribi a Livio supr. vii. 10. monuimus in not. ad illum locum. CREV.

5 *Ad trecentos quinquaginta*] Hic ad ecc pro *o* accc, sc. mille ac ducentos, incuria librariorum scriptum exatstimat Niebhr. iii. n. 622. cf. supr. i. 36.

6 *Carceres*] "Carceres in circo, unde mittuntur equi et ubi coercentur, ne inde exeant ante, quam magistratus signum misit," Varr. L. L. v. 37. RUP.

7 *Tumultus Gallici*] De hoc omnino silet Polybius.

8 *Comparare inter se*] Aut mutuo conventu, qui *comparatio* dicebatur, aut sorte provincias inter se consules dividebant. cf. infr. xxii. 8.

9 *Sellularii*] *Sellularii*, *βάναυροι*, opifices, in *sellis* sedentes: quod hominum genus otii amantissimum esse dicit Cic. Catil. iv. 8. RUP.

1 *A Gallis*] Quae prius in Gallos parata erat, adversus Privernum omnis conversa vis. CREV.

2 *Caduceum*] Virgam pacis indicem, quam ii qui pacem petitori veniebant, gestare prae manibus soliti erant. Vid. plura in not. ad xxvi. 17.

3 *Semoni Sanco*] Observavimus in not. ad ii. 31. *Sancum* eundem esse ac *dium*, sive *deum Fidium*. Idem et Hercules erat, testibus Festo in voce *Propter viam*, et Varr. de L. L. v. 19. sed Hercules Sabinus, ut colligitur ex Varr. loco memorato, et Dion. ii. 49. qui *Sancum* Sabiniae regionis genium fuisse perhibet. Nempe suum quaeque fere gens Herculem habuit. *Semonem* interpretantur vulgo heroem, quasi *semihominem*: minorem diis, maiorem hominibus. Vid. Matth. Martin. Lexicon. Prope eius, quicumque tandem is sit, sacellum, aedes Quirini fuit. CREV. Statua huius ante duo abhinc saecula in Tiberi inventum est. STRUTH. cf. Inscriptio illa notabilis, quae ad Simonem Magum referre olim credita, nunc Simoni

20.

Privernum
obsidetur.U. C. 426.
A. C. 326.
L. Aemilio
II. C. Plau-
tio Coss.Privernum
captum.

U. C. 426. quodque aeris ex iis redactum est, ex eo aenei orbes facti,
 A. C. 326. positi in sacello Sanci versus aedem Quirini. De senatu
 Privernate ita decretum, ut, qui senator Priverni post
 defectionem ab Romanis mansisset, trans Tiberim lege
 eadem, qua Veliterni, habitaret. His ita decretis, usque ad
 triumphum Plautii silentium de Privernatibus fuit: post
 triumphum consul, necato Vitruvio sociisque eius noxae,
 apud satiatos iam suppliciiis nocentium tutam mentionem de
 Privernatibus ratus; 'Quoniam auctores defectionis,' inquit,
 'meritas poenas et ab diis immortalibus et a vobis habent,
 'Patres conscripti, quid placet de innoxia multitudine fieri?
 'Equidem, etsi meae partes exquirendae magis sententiae,
 'quam dandae sunt; tamen, quum videam, Privernates
 'vicinos Samnitibus esse, unde nunc nobis incertissima pax
 'est; quam minimum irarum inter nos illosque, relinqui
 'velim.' Quum ipsa per se res anceps esset, prout cuiusque
 ingenium erat, atrocius mitiusve suadentibus; tum incer-
 tiora omnia unus ex Privernatibus legatis fecit, magis con-
 ditionis, in qua natus esset, quam praesentis necessitatis, 4
 memor: qui, interrogatus a quodam tristioris sententiae
 auctore, 'quam poenam meritos Privernates censeret? Eam,'
 inquit, 'quam merentur, qui se libertate dignos censent.'
 Cuius quum feroci responso infestiores factos videret consul
 eos, qui ante Privernatium causam impugnabant; ut ipse
 benigna interrogatione mitius responsum eliceret, 'Quid, si
 'poenam,' inquit, 'remittimus vobis, qualem nos pacem
 'vobiscum habituros speremus? Si bonam dederitis,' inquit,
 'et fidam, et perpetuam: si malam, haud diuturnam.' Tum 5
 vero minari, nec id ambigue, Privernatem quidam, et illis
 vocibus ad rebellandum incitari pacatos populos: pars
 melior senatus ad meliora responsum trahere, et dicere,
 'Viri, et liberi, vocem auditam. An credi posse, ullum
 'populum, aut hominem denique, in ea conditione, cuius
 'eum poeniteat, diutius, quam necesse sit, mansurum? Ibi
 'pacem esse fidam, ubi voluntarii pacati sint; neque eo
 'loco, ubi servitutem esse velint, fidem sperandam esse.' In
 hanc sententiam maxime consul ipse inclinavit animos,
 identidem ad principes sententiarum consulares, uti exaudiri 6

Cos. refert
 ad senatum
 de Privernatibus.

21.
 Privernatis
 legati re-
 sponsa fe-
 rocia.

Sanco iure optimo vindicata est, ap.
 Venut. Antich. di Roma ii. p. 178.

4 *Unus ex Privernatibus*] Duplex
 bellum Privernas exstat ap. Livium,
 unum supr. vii. 16. alterum h. l. 19—
 21. Iam vero consentit Dio Exc. Vat.
 31. cum Livio, qui in hoc posteriore
 bello eam lectionem ponit, quam au-
 dacter apud Romanos locutus est le-
 gatus Privernas. Dissentit vero Dion.
 in Ambros. Fragn. xiv. 23, qui in

priore bello liberum illud legati re-
 sponsum narrat. A. MAIUS.

5 *Tum vero*] Tota hac narratione
 Dionysius insigniter a Livio discrepat,
 cf. Exc. Vat. xii. 33. quippe qui neget
 Privernum a consule Marcio captum
 fuisse, ut supr. vii. 16. cf. Val. Max.
 vi. 2.

6 *Principes sententiarum*] sc. Se-
 natores consulares, qui primi senten-
 tiam rogati et dicebant.

posset a pluribus, dicendo, ‘Eos demum, qui nihil, praeter- U. C. 426.
 ‘quam de libertate, cogitent, dignos esse, qui Romani fiant.’ A. C. 326.
 Itaque et in senatu causam obtinere, et ex auctoritate Privernati-
 Patrum latum ad populum est, ut Privernatibus civitas bus civitas
 7 daretur. Eodem anno Anxur trecenti in coloniam missi datur.
 sunt: bina iugera agri acceperunt.

Secutus est annus nulla re belli domive insignis, P. 22.
 Plautio Proculo, P. Cornelio Scapula consulibus; praeter- U. C. 427.
 8 quam quod Fregellas (Sidicinorum is ager, deinde Volscorum A. C. 325.
 9 fuerat) colonia deducta; et populo visceratio data a M. P. Plautio,
 1 Flavio in funere matris. Erant, qui, per speciem hono- P. Cornelio
 randae parentis, meritam mercedem populo solutam inter- Coss.
 pretarentur; quod eum, die dicta ab aedilibus, crimine stu-
 pratae matrisfamiliae absolvisset. Data visceratio in prae-
 teritam iudicii gratiam, honoris etiam ei causa fuit: tribu-
 natumque plebei, proximis comitiis, absens petentibus
 praefertur.

2 Palaepolis fuit haud procul inde, ubi nunc Neapolis sita Palaepolis.
 est: duabus urbibus populus idem habitabat. Cumis erant
 oriundi. Cumani ab Chalcide Euboica originem trahunt.
 Classe, qua advecti ab domo fuerant, multum in ora maris
 3 eius, quod accolunt, potuere. Primo in insulas Aenariam
 et Pitheculas egressi, deinde in continentem ausi sedes
 transferre. Haec civitas, quum suis viribus, tum Samnitium
 infida adversus Romanos societate freta, sive pestilentiae,
 quae Romanam urbem adorta nuntiabatur, fidens, multa
 hostilia adversus Romanos, agrum Campanum Falernumque
 incolentes, fecit. Igitur, L. Cornelio Lentulo, Q. Publilio U. C. 428.
 Philone iterum consulibus, fetialibus Palaepolim ad res A. C. 324.
 repetendas missis, quum relatum esset a Graecis, gente L. Cornelio,
 lingua magis strenua, quam factis, ferox responsum; ex Q. Publilio
 auctoritate Patrum populus Palaepolitans bellum fieri iussit. II. Cos.
 Palaepoli-
 tanis bel-
 lum infer-
 tur.

7 *Trecenti in coloniam*] Omnes
 Romani, loco enim eximio urbs posita
 est, quippe quae viam Appiam do-
 minaretur. In numero autem colo-
 niarum maritimarum Anxur censetur,
 infr. xxvii. 38. quae urbs Tarracina
 quoque appellatur. infr. xxxvi. 3.
 Niebhr. iii. n. 315. ii. n. 1026.

8 *Fregellas*] Situ maxime oppor-
 tuno, ut quae urbs viam Latinam
 clauderet: haec vero colonia invitis
 Samnitibus deducta est, qui Fregellas
 a Volseis armis suis captas in suam
 dominationem vindicabant.

9 *Sidicinorum*] Hoc a Sigonii con-
 iectura est. Antea *Signinorum*. Cr.

1 *Visceratio*] Crudae carnis distri-
 butio. *Viscera enim non tantum in-*

testina dicimus, inquit Servius ad
 Aen. i. 215. *sed quicquid sub corio*
est. Unde idem Servius ad Aen. iii.
 622. ait viscera proprie carnes esse.
 CREV.

2 *Palaepolis*] Haec urbs in meri-
 dionali fere cornu Baiarum sinus, e
 regione insulae Nisidae, sita est, quat-
 tuor circiter millia passuum a Nei-
 poli. cf. Heyn. Opus. Acad. ii. p. 268.

3 *Insulas Aenariam et Pitheculas*] Has, quas distinguit Livius, insulas
 plurimi unam faciunt, sed haud du-
 bie insulas, quas hodie *Ischia et Pro-*
cida vocantur, Miseno obiectas, noster
 intelligit. In has sedes a Chalciden-
 sibus relictas coloni Eretrienses postea
 egressi sunt.

U. C. 428. Inter consules provinciis comparatis, bello Graeci perse-
 A. C. 324. quendi Publilio evenerunt; Cornelius altero exercitu Sam-
 nitibus, si qua se moverent, oppositus. Fama autem erat,
 defectioni Campanorum imminentes admoturos castra. Ibi 4
 optimum visum Cornelio stativa habere. Ab utroque con-
 sole, exiguam spem pacis cum Samnitibus esse, certior fit
 23. senatus. Publilius, duo millia Nolanorum militum et
 Samnium quattuor Samnitium, magis Nolanis cogentibus, quam 5
 suspectum. voluntate Graecorum, recepta Palaepolim, miserat: Corne- 6
 lius, delectum indictum a magistratibus, universum Samnium
 erectum, ac vicinos populos, Privernatem, Fundanumque,
 Legati ad et Formianum, haud ambigue sollicitari. Ob haec quum
 Samnites. legatos mitti placuisset prius ad Samnites, quam bellum
 fieret; responsum redditur ab Samnitibus ferox. Ultro
 incusabant iniurias Romanorum: neque eo negligentius ea,
 quae ipsis obicerentur, purgabant. 'Haud ullo publico
 consilio auxiliove iuvare Graecos: nec Fundanum Formia-
 numve a se sollicitatos: quippe minime poenitere se virium
 suarum, si bellum placeat. Ceterum non posse dissimulare,
 aegre pati civitatem Samnitium, quod Fregellas, ex Volscis
 captas dirutasque ab se, restituerit Romanus populus,
 coloniamque in Samnitium agro imposuerit, quam coloni
 eorum Fregellas appellent. Eam se contumeliam iniuriam-
 que, ni sibi ab iis, qui fecerint, dematur, ipsos omni vi
 depulsuros esse.' Quum Romanus legatus ad disceptan-
 dum eos ad communes socios atque amicos vocaret: 'Quid
 perplexe agimus?' inquit. 'Nostra certamina, Romani,
 non verba legatorum, nec hominum quisquam disceptator,
 sed campus Campanus, in quo concurrendum est, et arma,
 et communis Mars belli decernet. Proinde inter Capuam
 Suessulamque castra castris conferamus: et, Samnis Ro-
 manusne imperio Italiam regat, decernamus.' Legati Ro-
 manorum quum se, non quo hostis vocasset, sed quo im-
 peratores sui duxissent, ituros esse respondissent; iam
 Palaepolis Publius, inter Palaepolim Neapolimque loco opportune
 obsessa. capto, diremerat hostibus societatem auxilii mutui; qua, ut
 quisque locus premeretur, inter se usi fuerant. Itaque
 quum et comitiorum dies instaret, et, Publilium, immi-
 nentem hostium muris, avocari ab spe capiendae in dies
 urbis, haud e republica esset; actum cum tribunis est, ad
 populum ferrent, ut, quum Publilius Philo consulatu abis-

4 *Defectioni Campanorum imminentes*] Intentos in defectionem Campanorum, quos brevi descituros ab Romanis sperabant. CREV.

5 *Quattuor Samnitium*] h. e. Legio Samnitium, ut Niebhr. ii. p. 83.

placet.

6 *Publius . . . miserat*] Supple litteras, quibus nuntiabat duo millia Nolanorum recepta esse in urbe Palaepoli. Similis plane locutio occurrit infr. xxxvi. 8. CREV.

7 set, pro consule rem gereret, quoad debellatum cum Graecis U. C. 428.
 esset. L. Cornelio, quia ne eum quidem in Samnium iam A. C. 324.
 ingressum revocari ab impetu belli placebat, literae missae,
 ut dictatorem comitiorum causa diceret. Dixit M. Clau- M. Claudius
 dium Marcellum: ab eo magister equitum dictus Sp. Po- dictator.
 ustumius. Nec tamen ab dictatore comitia sunt habita, quia,
 vitio creatus esset, in disquisitionem venit. Consulti
 augures, vitiosum videri dictatorem, pronuntiaverunt. Eam
 rem tribuni suspectam infamemque criminando fecerunt.
 8 'Nam neque facile fuisse id vitium nosci, quum consul
 9 'oriens nocte silentio diceret dictatorem: neque ab con-
 'sule cuiquam publice privatimve de ea re scriptum esse:
 'nec quemquam mortalium exstare, qui se vidisse aut
 'audisse quid dicat, quod auspiciu dirimeret: neque
 'augures divinare Romae sedentes potuisse, quid in castris
 'consuli vitii obvenisset. Cui non apparere, quod plebeius
 'dictator sit, id vitium auguribus visum?' Haec aliaque
 ab tribunis nequicquam iactata: tamen ad interregnum res
 redit: dilatisque alia atque alia de causa comitiis, quartus
 decimus demum interrex L. Aemilius consules creat C. U. C. 429.
 1 Poetelium, L. Papirium Mugillanum. Cursorem in aliis A. C. 323.
 annalibus invenio. P. Poetelio
 2 Eodem anno Alexandriam in Aegypto proditum con- II. L. Pa-
 3 ditam; Alexandrumque, Epiri regem, ab exsule Lucano p. P. Coss.
 4 interfectum, sortes Dodonaei Iovis eventu affirmasse. Ac- 24.
 Alexandri
 Epirensis
 fata.

7 *Pro consule*] Prima haec pro-
 consulis mentio occurrit.

8 *Oriens nocte*] *Oriens de nocte* in
 textum reposuit Bekk. Olim *oriente*.
 Velius Longus de Orthographia, *oriri*
apud antiquos surgere frequenter sig-
nificabat, ut apparet in eo quod di-
citur: CONSUL ORIENS MAGISTRATUM
POPULI DICAT. Ex hoc *oriens* emen-
 davit Gronovius.

9 *Silentio*] *Silentio surgere quum*
dicitur, significat non interpellari
quominus rem gerat, inquit Festus in
 voce *Sinistrum*. Apud eum vide in
 vocibus *Silentio* et *Solida sella*, quo-
 modo providerent ii qui in auspicio
 erant, ne quid strepitus oriretur, quod
 auspicia turbaret. Hinc *silentium* di-
 citur in auspiciis, quod omni vitio
 caret. Vid. et Cic. de Div. ii. 71.
 CREV.

1 *C. Poetelium*] *Petilius* tantum
 non omnes codices et edd. antiquae
 ante Sigonium, qui ex Fast. Capit.
 Poetelium in textum recepit. supr. iii.
 35. In nummis quoque legitur *Pet-*
ilius, id quod Hugo Gesch. des R.
 Rechts. § 159. notat.

2 *Eodem anno Alexandriam in Ae-*
gypto proditum conditam] Inter doc-
 tos constat non conditam esse Alex-
 andriam hoc anno, quo conditor eius
 Alexander Babylone mortuus est, sed
 sex septemve ante annis. Suspicatur
 Pighius in Annal. ad an. U. C. 420.
 errorem Livii, vel eorum quos hic ille
 sequitur, ortum esse ex omisso illo L.
 Papirii Cursoris, et C. Poetelii con-
 sulatu, de quo supr. ad 19. Ad illos
 enim consules Alexandriam conditam
 refert Solinus, Polyhist. 35. Quos
 quum non memoraverit Livius, in
 consules huius anni, L. Papirium
 Mugillanum, C. Poetelium iterum, no-
 minum similitudine deceptus, male
 reiecit conditae Alexandriae tempus.
 CREV.

3 *Conditam*] Haud dubie in errore
 quodam hic versatur Livius, quoniam
 Alexandria Ol. 112. i. A. C. 332. con-
 dita est, Arrian iii. p. 156. cf. Clinton.
 Fast. Hell. Niebhr. ii. p. 566.

4 *Sortes Dodonaei Iovis*] Iam ob-
 servavimus ad i. 56. *sortes* interdum
 sumi pro quovis oraculi responso,
 etiam voce edito. Hic possunt intel-

U. C. 429. cito ab Tarentinis in Italiam data dictio erat, 'caveret⁴
 A. C. 323. 'Acherusiam aquam Pandosiamque urbem: ibi fatis eius
 'terminum dari.' Eoque ocius transmisit in Italiam, ut⁵
 quam maxime procul abesset urbe Pandosia in Epiro et
 Acheronte amni, quem ex Molosside fluentem in stagna⁶
 inferna accipit Thesprotius sinus. Ceterum (ut ferme fu-
 giendo in media fata ruitur) quum saepe Bruttias Lucanas-
 que legiones fudisset; Heracleam Tarentinorum coloniam,
 Consentiam ex Lucanis, Sipontumque, Bruttiorum Te-⁷
 rinam, alias inde Messapiorum ac Lucanorum cepisset⁸
 urbes, et trecentas familias illustres in Epirum, quas ob-
 sidum numero haberet, misisset; haud procul Pandosia
 urbe, imminente Lucanis ac Bruttiis finibus, tres tumulos,⁹
 aliquantum inter se distantes, insedit; ex quibus incur-
 siones in omnem partem agri hostilis faceret. Et ducentos
 ferme Lucanorum exsules circa se pro fidis habebat, ut
 pleraque eius generis ingenia sunt, cum fortuna mutabilem
 gerentes fidem. Imbres continui, campis omnibus inun-
 dantes, quum interclusissent trifariam exercitum a mutuo
 inter se auxilio, duo praesidia, quae sine rege crant, im-
 proviso hostium adventu opprimuntur: deletisque iis, ad
 ipsius obsidionem omnes conversi. Inde ab Lucanis ex-¹
 sulibus ad suos nuntii missi sunt: pactoque reditu promis-
 sum est, regem, aut vivum, aut mortuum, in potestatem

ligi verae sortes. Constat enim ex
 Cic. de Div. i. 76. et ii. 69. apud Do-
 donam, praeter columbas, et quer-
 cum vaticinantem, et Dodonaem aes,
 etiam sortes locum habuisse. Porro
 sortes illae, fuere tali, aut tesserae,
 aut schedulae certis litteris, vel voci-
 bus, vel notis inscriptae. Eas alibi
 iaciebat ipse consultor, alibi ex urna
 extrahebat puer. Earum deinde no-
 tas interpretabantur sacerdotes, inde-
 que oraculi responsum concinnabant.
 Vid. Ant. Vandale, Dissertat. de ora-
 culorum origine et auctoribus, 14.
 CREV. cf. Niebhr. i. n. 1119.

4 *Dictio*] Responsum oraculi. Eo-
 dem sensu hanc vocem usurpavit Pa-
 cuvius. Vid. ad Herenn. ii. 42. CREV.
 Ab Tarentinis accitus est, ut in locum
 mortui Archidami ducis sufficeretur.
 cf. supr. 3.

5 *Eoque ocius*] Accedit ad hoc,
 quod urbs Ambracia militibus Mace-
 donicis adeo arcte custodiebatur, ut
 verbo, non re, Alexander seipsum re-
 gem esse agnosceret.

6 *Stagna inferna*] Vox *inferna* vi-
 detur esse propria appellatio stagni
 alicuius; fortasse Acherusiae ipsius
 paludis, cui hoc nomen inditum esse

potuit a populari opinione, quae Ache-
 rontem fluvium in infernas sedes per
 eam paludem delabi fingeat. CREV.
 Nisi malis *inferna* pro *inferiora*, scili-
 cet loco, accipere.

7 *Consentiam ex Lucanis*] Hod.
Cosenza, caput Calabriae citerioris,
 ut olim Bruttiorum, quibus etiam tri-
 buitur xxiii. 30. xxv. 1. et al. sed h. l.
 Livius secutus est eos, qui fines Lu-
 caniae, praecipue in mediterraneis,
 ulterius protulere, quam Strabo et
 Plin. *Bruttiorum* (urbem) *Terinam*,
 ex emend. Sigonii pro *Acerinam*. cf.
 infr. x. 2. RUP.

8 *Messapiorum*] Latino vocabulo
Sallentinorum potius dixisset Livius,
 sed haud dubie Dionysium auctorem
 hic secutus est, ut supr. 16.

9 *Tres tumulos*] Antiquorum nor-
 ma *tris*; sed *tres* Stroth. et Bekker.
 reposuere. Serv. in Aen. i. 108. *Geni-
 tivus pluralis, quoties in ium exit,
 accusativum pluralem in is mittit,
 ut puppium, puppis, quotiens in um
 exit, in es mittit, ut patrum patres.*

1 *Ab Lucanis exsulibus*] Hinc li-
 quet seditione et discordia Lucaniam
 laborasse.

datuos. Ceterum cum delectis ipse, egregium facinus U. C. 429.
 ausus, per medios erumpit hostes, et ducem Lucanorum A. C. 323.
 cominus congressum obtruncat: contrahensque suos ex
 fuga palatos, pervenit ad amnem, ruinis recentibus pontis,
 quem vis aquae abstulerat, indicantem iter. Quem quum
 incerto vado transiret agmen, fessus metu ac labore miles,
 increpans nomen abominandum fluminis, 'Iure Acheros
 'vocaris,' inquit. Quod ubi ad aures accidit regis; adiecit
 extemplo animum fatis suis; substititque dubius, an trans-
 iret. Tum Sotimus minister ex regiis pueris, 'quid in
 'tanto discriminine periculi cunctaretur' interrogans, indicat,
 Lucanos insidiis quaerere locum. Quos ubi respexit rex
 procul grege facto venientes, stringit gladium, et per me-
 dium amnem transmittit equum. Iamque in vadum egres-
 sum eminus veruto Lucanus exsul transfigit. Lapsum inde
 cum inhaerente telo corpus exanime detulit amnis in hos-
 tium praesidia. Ibi foeda laceratio corporis facta. Nam-
 que, praeciso medio, partem Consentiam misere: pars ipsis
 retenta ad ludibrium. Quae quum iaculis saxisque procul
 incesseretur, mulier una, ultra humanarum irarum fidem
 saevienti turbae immixta, ut parumper sustinerent precata,
 flens ait, 'virum sibi liberosque captos apud hostes esse:
 'sperare, corpore regio utcunque mulcato se suos redem-
 'pturam.' Is finis lacerationi fuit. Sepultumque Consen-
 tiae, quod membrorum reliquum fuit, cura mulieris unius:
 ossaque Metapontum ad hostes remissa; inde Epirum de-
 vecta ad Cleopatram uxorem sororemque Olympiadem:
 quarum mater Magni Alexandri altera, soror altera fuit.
 Haec de Alexandri Epirensis tristi eventu, quanquam Ro-
 mano bello fortuna eum abstinuit, tamen, quia in Italia
 bella gessit, paucis dixisse satis sit.

- 2 Eodem anno lectisternium Romae, quinto post conditam 25.
 urbem, iisdem, quibus ante, placandis habitum est diis. Quintum
 Novi deinde consules iussu populi quum misissent, qui lectister-
 indicerent Samnitibus bellum; et ipsi maiore conatu, quam niium.
 adversus Graecos, cuncta parabant; et alia nova nihil tum
 animo tale agitantibus accesserunt auxilia. Lucani atque
 Apuli, quibus gentibus nihil ad eam diem cum Romano
 populo fuerat, in fidem venerunt, arma virosque ad bellum
 pollicentes. Foedere ergo in amicitiam accepti. Eodem
 tempore etiam in Samnio res prospere gesta. Tria oppida
 in potestatem venerunt, Allifae, Callifae, Ruffrium: aliis-
 que ager primo adventu consulum longe lateque est per-
 vastatus. Hoc bello tam prospere commisso, alteri quoque

² *Quinto post conditam urbem* | *clerius non vidit, ap. supr. vii. 27. in-*
lectisternium quartum, quoniam Cae-
venas: tertium ap. vii. 2.

U. C. 429. bello, quo Graeci obsidebantur, iam finis aderat. Nam,
 A. C. 323. praeterquam quod, intersaeptis munimentis hostium, pars ³
 parti abscesa erat, foediora aliquanto intra muros iis, quibus
 hostis territabat, patiebantur: et velut capti a suismet ipsis ⁴
 praesidiis, indigna iam liberis quoque ac coniugibus, et
 quae captarum urbium extrema sunt, patiebantur. Itaque
 quum, et a Tarento et a Samnitibus, fama esset, nova
 auxilia ventura, Samnitium plus, quam vellent, intra
 moenia esse rebantur: Tarentinorum iuventutem, Graeci
 Graecos, haud minus per quos Samniti Nolanoque, quam
 ut Romanis hostibus resisterent, exspectabant. Postremo
 levissimum malorum deditio ad Romanos visa. Charilaus
 et Nymphius, principes civitatis, communicato inter se
 consilio, partes ad rem agendam divisere, ut alter ad im-
 peratorem Romanorum transfugeret, alter subsisteret ad
 praebendam opportunam consilio urbem. Charilaus fuit,
 qui ad Publilium Philonem venit: et, 'quod bonum,
 Palaepolis tradita. 'faustum, felix Palaepolitanis populoque Romano esset,
 'tradere se,' ait, 'moenia statuisset. Eo facto utrum ab se
 'prodita, an servata, patria videatur, in fide Romana
 'positum esse. Sibi privatim nec pacisci quicquam, nec
 'petere: publice petere, quam pacisci, magis, ut, si suc-
 'cessisset inceptum, cogitaret populus Romanus, potius
 'cum quanto studio periculoque reditum in amicitiam
 'suam esset, quam qua stultitia et temeritate de officio
 'decessum.' Collaudatus ab imperatore tria millia militum
 ad occupandam eam partem urbis, quam Samnites inside-
 bant, accepit: praesidio ei L. Quinctius tribunus militum ⁵
 26. praepositus. Eodem tempore et Nymphius praetorem
 Samnitium arte aggressus perpulerat, ut, quoniam omnis
 Romanus exercitus aut circa Palaepolim aut in Samnio
 esset, sineret se classe circumvehi ad Romanum agrum,
 non oram modo maris, sed ipsi urbi propinqua loca depo-
 pulaturum. Sed, ut falleret, nocte proficiscendum esse,
 extemploque naves deducendas. Quod quo maturius fieret,
 omnis iuventus Samnitium, praeter necessarium urbis prae-
 sidium, ad litus missa. Ubi dum Nymphius in tenebris et
 multitudine semet ipsa impediante, sedulo aliis alia imperia
 turbans, terit tempus; Charilaus, ex composito ab sociis in

3 *Intersaeptis munimentis*] Munimenta hic intelligimus brachia a Palaepoli ad Neapolim ducta, per quae ultro citroque commeari et sibi invicem auxilium ferre Graeci possent. Vid. supr. 23. Haec igitur munimenta, sive brachia fuerant intersaepta, sive interrupta, intercisa ab Romanis, qui medio inter utramque

urbem loco capto societatem mutui auxilii hostibus diremerant. CREV.

4 *A suismet ipsis praesidiis*] sc. Nolanis et Samnitibus. Ceterum *a suismet ipsi praesidiis* reposuit Bekker., necnon pro *indigna iam liberis, indigna in liberis*, auctore Gronovio.

5 *Praesidio ei*] Huic militum manui in praesidium mittendae. DOER.

urbem receptus, quum summa urbis Romano milite im- U. C. 429.
 plesset, tolli clamorem iussit: ad quem Graeci, signo ac- A. C. 323.
 cepto a principibus, quievere. Nolani per aversam partem
 urbis via Nola ferente effugiunt. Samnitibus exclusis ab
 urbe, ut expeditior in praesentia fuga, ita foedior, postquam
 periculo evaserunt, visa: quippe qui inermes, nulla rerum
 suarum non relictis inter hostes, ludibrium non externis
 modo, sed etiam popularibus, spoliati atque egentes domos
 rediere. Haud ignarus opinionis alterius, qua haec pro-
 6 ditio ab Samnitibus facta traditur, quum auctoribus hoc
 dedi, quibus dignius credi est, tum foedus Neapolitanum
 7 (eo enim deinde summa rei Graecorum venit) similis vero
 facit, ipsos in amicitiam redisse. Publilio triumphus de-
 cretus; quod satis credebatur, obsidione domitos hostes in
 fidem venisse. Duo singularia haec ei viro primum con-
 8 tigere, prorogatio imperii non ante in ullo facta, et acto
 honore triumphus.

Aliud subinde bellum cum alterius orae Graecis exortum. 27.
 Namque Tarentini, quum rem Palaepolitanam vana spe
 auxilii aliquamdiu sustinuissent, postquam Romanos urbe
 potitos acceperere, velut destituti, ac non qui ipsi destitu-
 issent, increpare Palaepolitanos: ira atque invidia in Ro-
 manos furere; eo etiam, quod Lucanos et Apulos (nam
 utraque eo anno societas coepta est) in fidem populi Ro-
 mani venisse allatum est. ‘Quippe propemodum perven-
 ‘tum ad se esse: iamque in eo rem fore, ut Romani aut
 ‘hostes, aut domini habendi sint. Discrimen profecto
 ‘rerum suarum in bello Samnitium eventusque eius verti.
 ‘Eam solam gentem restare, nec eam ipsam satis validam,
 ‘quando Lucanus defecerit. Quem revocari adhuc, im-
 ‘pellicque ad abolendam societatem Romanam posse, si qua
 ‘ars serendis discordiis adhibeatur.’ Haec consilia quum
 apud cupidos rerum novandarum valuissent; ex iuventute
 quidam Lucanorum pretio asciti, clari magis inter popu-
 9 lares, quam honesti, inter se mulcati ipsi virgis, quum cor-
 pora nuda intulissent in civium coetum, vociferati sunt, se,
 quod castra Romana ingredi ausi essent, a consule virgis
 caesos, ac prope securi percussos esse. Deformis suapte

6 Quum auctoribus hoc dedi] Neapolitanos ultro in fidem Romanorum venisse, non solum scriptores, quorum fides multo gravior est, affirmant, sed foedus cum Neapolitanis ictum verisimilius facit. DOER.

7 Eo enim] Neapolim scilicet, quae postea caput Magnae Graeciae fuit.

8 Acto honore] Post exactum magistratum, sic. supr. iii. 35. actis honoribus, pro peractis. DOER.

9 Deformis suapte natura res] Haec res levior fuisse Niebuhrus videtur, quam ut per se ad bellum in Romanos movendum satis valuerit, nisi iampridem Lucani discordia inter se laborarent, neque omnibus idem de Romana societate animus esset, ita ut, si vera sit haec fabula, plures ex primoribus in Romanos bellum poscere antea parati essent.

U. C. 429. natura res quum speciem iniuriae magis, quam doli, prae
 A. C. 323. se ferret, concitati homines cogunt clamore suo magistratus
 senatum vocare: et alii, circumstantes concilium, bellum
 in Romanos poscunt: alii ad concitandam in arma multi-
 tudinem agrestium discurrunt: tumultuque etiam sanos
 consternante animos, decernitur, ut societas cum Samni-
 tibus renovaretur; legatique ad eam rem mittuntur. Re-
 pentina res quia quam causam nullam, tam ne fidem quidem¹
 habebat, coacti a Samnitibus et obsides dare, et praesidia
 in loca munita accipere, caeci fraude et ira nihil recusarunt.
 Dilucere deinde brevi fraus coepit, postquam criminum
 falsorum auctores Tarentum commigravere: sed, amissa
 omni de se potestate, nihil ultra, quam ut poeniteret
 frustra, restabat.

28. Eo anno plebi Romanae velut aliud initium libertatis
 factum est, quod necti desierunt: mutatum autem ius ob²
 unius feneratoris simul libidinem, simul crudelitatem in-³
 signem. L. Papirius is fuit: cui quum se C. Publilius ob⁴
 Papirii
 foenerato-
 ris foeda
 libido.
 aes alienum paternum nexum dedisset; quae aetas formaque
 misericordiam elicere poterat, ad libidinem et contumeliam
 animum accenderunt: et, florem aetatis eius fructum ad-
 venticium crediti ratus, primo pellicere adolescentem ser-
 mone incesto est conatus: dein, postquam aspernabantur
 flagitium aures, minis territare, atque identidem admonere
 fortunae: postremo, quum ingenuitatis magis, quam prae-
 sentis conditionis, memorem videret, nudari iubet, ver-
 beraque afferri. Quibus laceratus iuvenis, quum se in
 publicum proripuisset, libidinem crudelitatemque conquere-
 rens feneratoris; ingens vis hominum, quum aetatis miser-
 atione atque indignitate iniuriae accensa, tum suae con-
 ditionis liberumque suorum respectu, in forum, atque inde,
 agmine facto, ad curiam concurret. Et quum consules,
 tumultu repentino coacti, senatum vocarent, introeuntibus
 in curiam Patribus laceratum iuvenis tergum, procumbentes
 ad singulorum pedes, ostentabant. Victum eo die ob im-
 potentem iniuriam unius ingens vinculum fidei: iussique

¹ *Quia quam causam nullam*] Quia rei, quae causam nullam habebat, fides vix habenda esset, Samnites obsides dandos et praesidium in loca munita accipiendum Tarentinis imperaverunt.

² *Quod necti desierunt*] h.e. Quod debitores creditoribus operas suas in servitutem non amplius dabant.

³ *Mutatum autem ius*] Legem Poeteliam, sive Petilliam, supr. 23, qua necti desierunt Romani, a C. Poetelio an. 440. U. C. dictatore latam fuisse existimat Niebhr. post cladem illam

Caudinam. Hac lege *fiducia bonorum debitoris loco possessionis corporis* substituitur.

⁴ *C. Publilius*] Dion. xvi. 8 et 9. et Val. Max. vi. 1. narrant, patrem adolescentis in agro Samnitum militasse, et post cladem ad Caudinas Furcas acceptam angustias rei domesticae oppressum fuisse: nomen ei Titum Veturium fuisse Val. Max. scribit, apud quem *C. Plotium* pro *L. Papirio*, ap. Dion. autem *C. Laetorium* habemus.

5 consules ferre ad populum, ne quis, nisi qui noxam meru- U. C. 429.
isset, donec poenam lueret, in compedibus aut in nervo A. C. 323.
teneretur; pecuniae creditae bona debitoris, non corpus
6 obnoxium esset. Ita nexi soluti; cautumque in posterum, Nexi solu-
ne necterentur. ti, cautum-
que ne ne-
cterentur.

Eodem anno, quum satis per se ipsum Samnitium bel-
lum et defectio repens Lucanorum, auctoresque defectionis
7 Tarentini sollicitos haberent Patres, accessit, ut et Vestinus
populus Samnitibus sese coniungeret. Quae res sicut eo
anno sermonibus magis passim hominum iactata, quam in
publico ullo concilio est; ita insequentis anni consulibus, U. C. 430.
8 L. Furio Camillo iterum, Iunio Bruto Scaevae, nulla prior A. C. 322.
potiorque visa est, de qua ad senatum referrent. Et, quan- L. Furio II.
D. Iunio
9 quam nova res erat, tamen tanta cura Patres incessit, ut Coss.
pariter eam susceptam neglectamque timerent: ne aut im-
punitas eorum lascivia superbiaque, aut bello poenae ex-
petitae metu propinquo atque ira concirent finitimos po-
pulos. Et erat genus omne abunde bello Samnitibus par,
Marsi Pelignique et Marrucini: quos, si Vestinus attinge-
retur, omnes habendos hostes. Vicit tamen pars, quae in
praesentia videri potuit maioris animi, quam consilii: sed
eventus docuit, fortes fortunam iuvare. Bellum ex auc- Vestinis
toritate Patrum populus adversus Vestinos iussit. Pro- bellum in-
vincia ea Bruto, Samnium Camillo sorte evenit. Exer- dictum.
citus utroque ducti, et cura tuendorum finium hostes pro-
hibiti coniungere arma. Ceterum alterum consulem L.
Furium, cui maior moles rerum imposita erat, morbo gravi
implicitum fortuna bello subtraxit: iussusque dictatorem L. Papirius
dicere rei gerendae causa, longe clarissimum bello ea tem- dictator.
pestate dixit L. Papirium Cursorem; a quo Q. Fabius
Maximus Rullianus magister equitum est dictus: par
nobile rebus in eo magistratu gestis, discordia tamen, qua
prope ad ultimum dimicationis ventum est, nobilius. Ab
altero consule in Vestinis multiplex bellum, nec usquam
vario eventu, gestum est. Nam et pervastavit agros, et,

5 *Nisi qui noxam meruisset*] *Nova et noxia* culpam aequae ac poenam, quae propter culpam infligitur, denotant: simili sensu ancipiti *piaculum* apud nostrum usurpatur.

6 *Cautumque in posterum, ne necterentur*] Id tamen ius non omnino pro firmo stetit. Si quidem opus fuit eam legem renovari quadraginta fere post annos, tum quum plebes in famulum secessit. CREV.

7 *Ut et Vestinus populus*] Qui Romanis iter in Apuliam per fines suos permittere volebat.

8 *Iunio Bruto Scaevae*] Prae-

men huius consulis *Decimium* fuisse ex Diod. Sic. xviii. p. 627. constat; utrum tamen culpa liberiorum perierit, an de industria a Livio omissum sit, incertum existimat Drak. Ceterum *Scaeva*, is qui sinistra manu pro dextra utitur, a Graeco *σκαλος*. CREV.

9 *Nova*] Recens: ex qua proinde nihil dum acceptum fuerat damni. CREV.

1 *Omnes habendos hostes*] Quattuor hos populos eadem Sabellica origine et *aequi iuris* foedere coniunctos fuisse censet Niebhr. i. p. 99. cf. Polyb. ii. 24.

U. C. 430. populando atque urendo tecta hostium sataque, in aciem
 A. C. 322. invitos extraxit: et ita proelio uno accidit Vestinorum res,²
 haudquaquam tamen incruento milite suo, ut non in castra
 solum refugerent hostes, sed, iam ne vallo quidem ac fossis
 freti, dilaberentur in oppida, situ urbium moenibusque se
 defensuri. Postremo oppida quoque vi expugnare adortus,
 primo Cutinam ingenti ardore militum aut vulnere ira,³
 quod haud fere quisquam integer proelio excesserat, scalis
 cepit: deinde Cingiliam. Utriusque urbis praedam mili-
 tibus, quod eos neque portae, neque muri hostium arcu-
 erant, concessit.

30. In Samnium incertis itum auspiciis est: cuius rei vitium
 non in belli eventum, quod prospere gestum est, sed in
 rabiem atque iras imperatorum vertit. Namque Papirius
 dictator, a pullario monitus, quum ad auspicium repeten-⁴
 dum Romam proficisceretur, magistro equitum denuntiavit,
 ut sese loco teneret, neu, absente se, cum hoste manum
 consereret. Fabius quum post profectionem dictatoris per
 exploratores comperisset, perinde omnia soluta apud hostes,
 ac si nemo Romanus in Samnio esset: seu ferox adolescens
 indignitate accensus, quod omnia in dictatore viderentur
 reposita esse; seu occasione bene gerendae rei inductus,
 exercitu instructo paratoque profectus ad Imbrinium (ita⁵
 vocant locum), acie cum Samnitibus confligit. Ea fortuna
 pugnae fuit, ut nihil relictum sit, quo, si affuisset dictator,
 res melius geri potuerit: non dux militi, non miles duci
 defuit. Eques etiam, auctore L. Cominio tribuno militum,
 qui aliquoties impetu capto perrumpere non poterat hos-
 tium agmen, detraxit frenos equis; atque ita concitatos
 calcaribus permisit, ut sustinere eos nulla vis posset. Per
 arma, per viros late stragem dedere. Secutus pedes im-
 petum equitum, turbatis hostibus intulit signa. Viginti
 millia hostium caesa eo die traduntur. Auctores habeo,
 bis cum hoste signa collata, dictatore absente, bis rem
 egregie gestam. Apud antiquissimos scriptores una haec
 pugna invenitur; in quibusdam annalibus tota res praeter-
 missa est.

Fabius M.
 E. absente
 dictatore,
 rem bene
 gerit.

Magister equitum, ut ex tanta caede, multis potitus
 spoliis, congesta in ingentem acervum hostilia arma subdito
 igne concremavit: seu votum id deorum cuipiam fuit; seu

² *Accidit*] Debilitavit, uti passim
res accisae. supr. iii. 10. vi. 5.

³ *Aut vulnere ira*] *Ac vulnere*
 legendum suadet Crev., sed fortasse
 noster dicere voluerit, milites sive ar-
 dore pugnae sive ira vulnere in
 hostes ferociter saevisse.

⁴ *A pullario*] Pulli augurii causa

a Romanis in cavea servabantur:
pullarius eos asservabat et auspicia
 fausta seu infausta, offa pullis ob-
 iecta, duci nuntiabat. cf. infr. ix. 14.
 x. 40.

⁵ *Imbrinium*] Quidam auctores
Imbrivium.

6 credere libet Fabio auctori, eo factum, ne suae gloriae U. C. 430.
fructum dictator caperet, nomenque ibi scriberet, aut spolia A. C. 322.
in triumpho ferret. Literae quoque de re prospere gesta
ad senatum, non ad dictatorem, missae, argumentum fuere
minime cum eo communicantis laudes. Ita certe dictator Dictator in-
id factum accepit, ut, laetis aliis victoria parta, prae se ferret dignatur.
iram tristitiamque. Misso itaque repente senatu, se ex
curia proripuit: tum vero, non Samnitium magis legiones,
quam maiestatem dictatoriam et disciplinam militarem, a
magistro equitum victam et eversam dictitans, si illi impune
spretum imperium fuisset. Itaque plenus minarum iraeque,
profectus in castra, quum maximis itineribus isset, non
tamen praevenire famam adventus sui potuit. Praecucur-
rerant enim ab urbe, qui nuntiarent, dictatorem avidum
poenae venire, alternis paene verbis T. Manlii factum
laudantem.

Fabius, concione extemplo advocata, obtestatus milites 31.
est, 'ut, qua virtute rempublicam ab infestissimis hostibus Fabii oratio
7 'defendissent, eadem se, cuius ductu auspicioque vicissent, ad milites.
'ab impotenti crudelitate dictatoris tutarentur. Venire
'amentem invidia, iratum virtuti alienae felicitatique, furere,
'quod, se absente, respublica egregie gesta esset: malle, si
'mutare fortunam posset, apud Samnites, quam Romanos,
'victoriam esse. Imperium dictitare spretum, tanquam non
'eadem mente pugnari vetuerit, qua pugnatum doleat: et
'tunc invidia impedire virtutem alienam voluisse, cupidis-
'simisque arma ablaturum fuisse militibus, ne, se absente,
'moveri possent: et nunc id furere, id aegre pati, quod sine
'L. Papirio, non inermes, non manci milites fuerint, quod
'se Q. Fabius magistrum equitum duxerit, ac non accensum
'dictatoris. Quid illum facturum fuisse, si, quod belli casus
'ferunt, Marsque communis, adversa pugna evenisset; qui
'sibi, devictis hostibus, respublica bene gesta, ita ut non ab
'illo unico duce melius geri potuerit, supplicium magistro
'equitum minetur? Neque illum magistro equitum infes-
'torem, quam tribunis militum, quam centurionibus, quam
'militibus esse. Si possit, in omnes saeviturum fuisse:
'quia id nequeat, in unum saevire. Etiam invidiam, tan-
'quam ignem, summa petere; in caput consilii, in ducem
'incurrere. Si se simul cum gloria rei gestae exstinxisset,

6 Fabio auctori] sc. Fabio Pictori, antiquissimo rerum Romanorum scriptori. Huic haud dubie huius belli memoria et fama gentis sui Q. Fabii Maximi magnopere curae erat.

7 Cuius ductu auspicioque vicissent] Hic non omnino accurate lo-

quentem facit Fabium Livius. Ductu quidem magistri equitum vicerant Romani, sed auspicio dictatoris. Si quidem magister equitum ipse non habebat auspicia, sed imperio dicta- toris et auspiciis suberat. Vid. Perizon. Animadv. Hist. 7. CREV.

- U. C. 430. 'tunc victorem, velut in capto exercitu dominantem, quic-
 A. C. 322. 'quid licuerit in magistro equitum, in militibus ausurum.
 'Proinde adessent in sua causa omnium libertati. Si con-
 'sensum exercitus eundem, qui in proelio fuerit, in tuenda
 'victoria videat, et salutem unius omnibus curae esse: in-
 'clinaturum ad clementiorem sententiam animum. Postre-
 'mo se vitam fortunasque suas illorum fidei virtutique 7
 32. 'permittere.' Clamor e tota concione ortus, uti bonum 8
 animum haberet: neminem illi vim allaturum, salvis legio-
 nibus Romanis. Haud multo post dictator advenit: classi-
 coque extemplo ad concionem advocavit. Tum, silentio
 facto, praeco Q. Fabium magistrum equitum citavit. Qui
 simul ex inferiore loco ad tribunal accessit, tum dictator,
 Dictatoris oratio ad Mag. Eq. 'Quaero,' inquit, 'de te, Q. Fabi, quum summum imperium
 'dictatoris sit; pareantque ei consules, regia potestas, prae- 9
 'tores iisdem auspiciis, quibus consules, creati; aequum
 'censeas, necne, magistrum equitum dicto audientem esse?
 'Itemque illud interrogo, quum me incertis auspiciis pro-
 'fectum ab domo scirem, utrum mihi turbatis religionibus
 'respublica in discrimen committenda fuerit, an auspicia
 'repetenda, ne quid dubiis diis agerem? Simul illud, quae
 'dictatori religio impedimento ad rem gerendam fuerit, num
 'ea magister equitum solutus ac liber potuerit esse? Sed
 'quid ego haec interrogo? quum, si ego tacitus abissem,
 'tamen tibi ad voluntatis interpretationem meae dirigenda 1
 'tua sententia fuerit. Quin tu respondes, vetuerimne, te
 'quicquam rei, me absente, agere? vetuerimne, signa cum
 'hostibus conferre? Quo tu imperio meo spreto, incertis
 'auspiciis, turbatis religionibus, adversus morem militarem
 'disciplinamque maiorum et numen deorum, ausus es cum
 'hoste configere. An haec, quae interrogatus es, responde:
 'extra ea, cave, vocem mittas. Accede, lictor.' Adversus
 quae singula quum respondere haud facile esset, et nunc
 quereretur, eundem accusatorem capitis sui ac iudicem esse;
 modo, vitam sibi eripi citius, quam gloriam rerum gestarum,
 posse, vociferaretur, purgaretque se in vicem, atque ultro
 accusaret: tunc Papirius, redintegrata ira, spoliari magistrum
 equitum, ac virgas et secures expediri iussit. Fabius, fidem
 militum implorans, lacerantibus vestem lictoribus, ad tri-
 arios, tumultum iam in concione miscentes, sese recepit.

Virgas et
 secures ex-
 pediri iubet.
 Fabius se
 recipit ad
 triarios.

7 *Fidei virtutique permittere*] Hu-
 ius orationis, quam Dio divite lingua
 scripserat, nobile fragmentum con-
 servavit nobis Vaticanus codex. cf.
 Dio. Exc. Vat. 32.

8 *Clamor e tota*] *Est tota fide*
 codd. plur. reposuit Bekker.

9 *Consules, regia potestas*] Simi-

liter supr. iv. 2. *regiae maiestatis im-*
perium de consulatu dictum.

1 *Ad voluntatis interpretationem*] Quasi diceret, quum tamen voluntas
 mea, licet verbis non expressa, con-
 iectura tibi investiganda, et ad eam di-
 rigenda sententia tua fuerit.

Inde clamor in totam concionem est perlatus: alibi preces, U. C. 430. alibi minae audiebantur. Qui proximi forte tribunal steterant, quia subiecti oculis imperatoris noscitari poterant, orabant, ut parceret magistro equitum, neu cum eo exercitum damnaret. Extrema concio et circa Fabium globus increpabant inclementem dictatorem: nec procul seditione aberant. Ne tribunal quidem satis quietum erat. Legati circumstantes sellam orabant, ut rem in posterum diem differret, et irae suae spatium, et consilio tempus daret: ‘Satis castigatam adolescentiam Fabii esse: satis deformatam victoriam: ne ad extremum finem supplicii tenderet: neu unico iuveni, neu patri eius, clarissimo viro, neu Fabiae genti eam iniungeret ignominiam.’ Quum parum precibus, parum causa proficerent, ‘intueri saevientem concionem’ iuebant. ‘Ita irritatis militum animis subdere ignem ac materiam seditioni, non esse actatis, non prudentiae eius. Neminem id Q. Fabio, poenam deprecanti suam, vitio versurum, sed dictatori, si occaecatus ira infestam multitudinem in se pravo certamine movisset. Postremo, ne id se gratiae dare Q. Fabii crederet, se iusiurandum dare paratos esse; non videri e republica, in Q. Fabium eo tempore animadverti.’ His vocibus quum in se magis incitarent dictatorem, quam in magistrum equitum placarent, iussi de tribunali descendere legati: et, silentio nequicquam per praeconem tentato, quum, prae strepitu ac tumultu, nec ipsius dictatoris, nec apparitorum eius vox audiretur; nox, velut in proelio, certamini finem fecit. Magister equitum, iussus postero die adesse, quum omnes affirmarent, infestius Papirium exarsurum, agitatam contentione ipsa exacerbatumque, clam ex castris Romam profugit: et, patre auctore M. Fabio, qui ter iam consul dictatorque fuerat, vocato extemplo senatu, quum maxime conquereretur apud Patres vim atque iniuriam dictatoris, repente strepitus ante curiam lictorum summoventium auditur: et ipse intensus aderat, postquam comperit profectum ex castris, cum expedito equitatu secutus. Iterata deinde contentio: et prendi Fabium Papirius iussit. Ubi quum, deprecantibus primoribus Patrum atque universo senatu, perstaret in incepto immitis animus; tum pater M. Fabius, ‘Quandoquidem,’ inquit, ‘apud te nec auctoritas senatus, nec aetas mea, cui orbi-

33.

Romam
fugit.Sequitur
dictator.Fabii pater
Tr. Pl. ap-
pellat.

2 *Unico*] Qui virtute singulari et
cetera esset. sup. iii. 33.

3 *Poenam deprecanti suam*] Sup-
plicium effugere conanti. Is *depre-*
catur, qui precatur ne quid contingat.
Cicero.

4 *Ne id se gratiae dare Q. Fabii*
crederet] Ne crederet se ideo sic lo-
qui, quia gratiam Fabii deprecari vel-
lent; se, in his quae dicerent, spectare
Fabii gratiam et amicitiam. Cicero.

U. C. 430. 'tatem paras, nec virtus nobilitasque magistri equitum, a te
 A. C. 322. 'ipso nominati, valet, nec preces, quae saepe hostem miti-
 'gavere, quae deorum iras placant: tribunos plebis appello,
 'et provoco ad populum; eumque tibi, fugienti exercitus⁵
 'tui, fugienti senatus iudicium, iudicem fero, qui certe unus⁶
 'plus, quam tua dictatura, potest polletque. Videro, ces-
 'surusne provocationi sis, cui rex Romanus Tullus Hostilius⁷
 'cessit.' Ex curia in concionem itur. Quo cum paucis
 dictator, cum omni agmine principum magister equitum
 quum escendisset; deduci eum de rostris Papirius in partem⁸
 inferiorem iussit. Secutus pater, 'Bene agis,' inquit, 'quum
 'eo nos deduci iussisti, unde et privati vocem mittere pos-
 'semus.' Ibi primo non tam perpetuae orationes, quam
 Fabii senis altercatio, exaudiebantur. Vicit deinde strepitum vox et
 oratio. indignatio Fabii senis, increpantis superbiam crudelitatem-
 que Papirii: 'Se quoque dictatorem Romae fuisse, nec a se
 'quemquam, ne plebis quidem hominem, non centurionem,
 'non militem, violatum; Papirium, tanquam ex hostium
 'ducibus, sic ex Romano imperatore victoriam et triumphum
 'petere. Quantum interesset inter moderationem antiquo-⁹
 'rum, et novam superbiam crudelitatemque. Dictatorem
 'Quinctium Cincinnatum in L. Minucium consulem, ex
 'obsidione a se ereptum, non ultra saevisse, quam ut legatum
 'eum ad exercitum pro consule relinqueret. M. Furium
 'Camillum in L. Furio, qui, contempta sua senectute et
 'auctoritate, foedissimo cum eventu pugnasset, non solum
 'in praesentia moderatum irae esse, ne quid de collega
 'secus populo aut senatui scriberet; sed, quum revertisset,
 'potissimum ex tribunis consularibus habuisse, quem, ex
 'collegis optione ab senatu data, socium sibi imperii dele-

5 *Provoco ad populum*] Ambigitur multum utrum ex hoc loco recte necne colligatur, a dictatore ad populum provocationem fuisse: plures enim viri docti non provocationi, sed precibus populi dictatorem cessisse existimant; contra Sigonius, cum quo Niebuhrius consentit, in partes alias Festum appellat, *postquam vero provocatio ab eo magistratu*, scilicet dictatore, *ad populum data est, quae antea non erat*. Haud scio an post decemviratum ex lege Duilia supr. iii. 55. dictatura imminuto iure fuerit, quum supr. vi. 39. et vii. 3. dictatorem propter tribunorum plebis minas magistratu se abdicasse legimus: quippe lex XII. Tab. ita ferebat, *de capite civis nisi per maximum comitiatum ne ferunto*: et quum omnes magistratus post decemviratum tanquam *de integro* novum

initium habuerunt, legibus XII. Tab. dictatura obnoxia fuerit, aut saltem dictator, exacto honore, in ordinem iterum cesserit.

6 *Eumque tibi . . . iudicem fero*] Ei, tanquam iudici, ut te sisas postulo. Vid. supr. iii. 24. CREV.

7 *Cui . . . Tullus Hostilius cessit*] Tum cessit provocationi Tullus Hostilius, quum Horatii causam a duumviris damnati retractari a populo sivit, ad quem reus provocarat. CREV.

8 *Deduci eum de rostris*] In concionem *populi*, quae in *comitio* habebatur, ubi patricio cuique liberum loquendi arbitrium erat. Niebhr. i. p. 554.

9 *Quantum interesset*] Magis Livianum Crevierio videtur *quantum interesse*, quod legendum suadet Gronovius, et in textum reposuit Bekker.

'gerit. Nam populi quidem, penes quem potestas omnium U. C. 430.
 'rerum esset, ne iram quidem unquam atrociorē fuisse in A. C. 322.
 'eos, qui temeritate atque inscitia exercitus amisissent,
 'quam ut pecunia eos multaret: capite anquisitum ob rem
 'bello male gestam de imperatore nullo ad eam diem esse.
 'Nunc ducibus populi Romani, quae ne victis quidem bello
 'fas fuerit, virgas et secures victoribus, et iustissimos meritis
 'triumphos intentari. Quid enim tandem passurum fuisse
 'filium suum, si exercitum amisisset: si fusus, fugatus,
 'castris exutus fuisset? Quo ultra iram violentiamque eius
 'excessuram fuisse, quam ut verberaret necaretque? Quam
 'conveniēns esse, propter Q. Fabium civitatem in laetitia,
 'victoria, supplicationibus, ac gratulationibus esse: cum,
 'propter quem deum delubra pateant, arae sacrificiis fument,
 'honore, donis cumulentur, nudatum virgis lacerari in con-
 'spectu populi Romani: intuentem Capitolium atque
 1 'arcem, deosque ab se duobus proeliis haud frustra advo-
 'catos? Quo id animo exercitum, qui eius ductu auspiciis-
 'que vicisset, laturum? quem luctum in castris Romanis,
 'quam laetitiam inter hostes fore?' Haec, simul iurgans,
 querens, deum hominumque fidem obtestans, et complexus
 filium, plurimis cum lacrimis agebat. Stabat cum eo 34.
 senatus maiestas, favor populi, tribunicium auxilium,
 2 memoria absentis exercitus. Ex parte altera 'imperium
 'invictum populi Romani, et disciplina rei militaris, et dic-
 'tatoris edictum pro numine semper observatum, et Man-
 'liana imperia, et posthabita filii caritas publicae utilitati,
 iactabantur. 'Hoc etiam L. Brutum, conditorem Romanae Dictatoris
 'libertatis, antea in duobus liberis fecisse. Nunc patres oratio.
 'comes, et senes faciles de alieno imperio spreto, tanquam
 'rei parvae, disciplinae militaris eversae iuventuti gratiam
 'facere. Se tamen perstaturum in incepto: nec ei, qui ad-
 'versus dictum suum, turbatis religionibus ac dubiis aus-
 'piciis, pugnasset, quicquam ex iusta poena remissurum.
 'Maiestas imperii perpetuae esset, non esse in sua pote-
 'state: L. Papirium nihil de eius iure deminuturum. Op-
 'tare, ne potestas tribunicia, inviolata ipsa, violet interees-
 3 'sione sua Romanum imperium, neu populus in se potissi-
 'mum dictatorem et ius dictaturae exstinguat. Quod si
 'fecisset, non L. Papirium, sed tribunos, sed pravam populi

1 *Duobus proeliis*] Supr. 30. po-
 tiorem habuisse videtur Livius fidem
 eorum auctorum, qui semel tantum
 pugnas Fabium tradidere. Sed hic
 loquentem inducit patrem ex ea opi-
 nione, quae magis causae suae favet.
 CREV.

2 *Imperium invictum*] Quod lege

curata de imperio dictatori populi
 nomine commissum erat. cf. supr. vi.
 16. ubi *invicta sibi quaedam civitatem*
fecisse legimus.

3 *In se potissimum*] Contra se po-
 tissimum, sc. in populi potissimum
 damnum. DOER.

- U. C. 439. 'iudicium, nequicquam posteros accusaturos: quum, polluta
 A. C. 322. 'semel militari disciplina, non miles centurionis, non cen-
 'turio tribuni, non tribunus legati, non legatus consulis, non
 'magister equitum dictatoris pareat imperio; nemo homi-
 'num, nemo deorum verecundiam habeat; non edicta im-
 'peratorum, non auspicia observentur; sine commeatu vagi
 'milites in pacato, in hostico errent, immemores sacramenti,
 'licentia sola se, ubi velint, exauctorent; infrequentia dese-
 'rantur signa; neque conveniatur ad edictum, nec discer-
 'natur, interdiu, nocte, aequo, iniquo loco, iussu, iniussu
 'imperatoris pugnent; et non signa, non ordines servant;
 'latrocinii modo caeca et fortuita, pro sollenni et sacrata
 'militia sit. Horum criminum vos reos in omnia saecula
 'offerte, tribuni plebi: vestra obnoxia capita pro licentia 4
 35. 'Q. Fabii obiicite.' Stupentes tribunos et suam iam vicem
 magis anxios quam eius, cui auxilium ab se petebatur, libe-
 ravit onere consensus populi Romani, ad preces et obtesta-
 tionem versus, ut sibi poenam magistri equitum dictator
 remitteret. Tribuni quoque, inclinatam rem in preces sub-
 secuti, orare dictatorem insistunt, ut veniam errori humano,
 veniam adolescentiae Q. Fabii daret: satis eum poenarum
 dedisse. Iam ipse adolescens, iam pater M. Fabius conten-
 tionis obliti, procumbere ad genua, et iram deprecari dicta-
 toris. Tum dictator, silentio facto, 'Bene habet,' inquit,
 'Quirites. Vicit disciplina militaris, vicit imperii maiestas,
 'quae in discrimine fuerunt, an ulla post hanc diem essent.
 'Non noxae eximitur Q. Fabius, qui contra edictum im-
 'peratoris pugnavit; sed, noxae damnatus, donatur populo
 'Romano; donatur tribuniciae potestati, precarium non 5
 'iustum auxilium ferenti. Vive, Q. Fabi, felicius hoc con-
 'sensu civitatis ad tuendum te, quam, qua paullo ante exsul-
 'tabas, victoria. Vive, id facinus ausus, cuius tibi ne
 'parens quidem, si eodem loco fuisset, quo fuit L. Papirius,
 'veniam dedisset. Mecum, ut voles, reverteris in gratiam:
 'populo Romano, cui vitam debes, nihil maius praestiteris,
 'quam si hic tibi dies satis documenti dederit, ut bello ac
 'pace pati legitima imperia possis.' Quum se nihil morari
 magistrum equitum pronuntiasset, degressum eum templo 6
 laetus senatus, laetior populus, circumfusi, ac gratulantes
 hinc magistro equitum, hinc dictatori, prosecuti sunt:

P. R. exo-
 rat dictato-
 rem.

4 *Vestra obnoxia capita*] Vestra capita obstringite tot criminibus, ut gratificemini Q. Fabio et licentiam eius tueamini. CREV.

5 *Precarium non iustum auxilium*] h. e. Quod per preces, non iure intercessionis, valeret: similiter, supr. iii.

47. *non orare solum precariam opem, sed pro debita petere.*

6 *Degressum eum*] Scilicet dictatorem, quippe *templum*, h. e. rostra, summoto magistro equitum supr. 34. dictator ascenderat, et ex eis verba ad populum fecerat. SIGON.

firmatumque imperium militare haud minus periculo Q. U. C. 430.
 Fabii, quam supplicio miserabili adolescentis Manlii, vide- A. C. 322.
 batur. Forte ita eo anno evenit, ut, quotiescunque dictator
 ab exercitu recessit, hostes in Samnio moverentur. Cete-
 rum in oculis exemplum erat Q. Fabius M. Valerio legato,
 qui castris praeerat, ne quam vim hostium magis, quam
 trucem dictatoris iram, timeret. Itaque, frumentatores
 quum, circumventi ex insidiis, caesi loco iniquo essent,
 creditum vulgo est, subveniri iis ab legato potuisse, ni
 tristia edicta exhorruisset. Ea quoque ira alienavit a dic-
 tatore militum animos, iam ante infensos, quod implacabilis
 7 Q. Fabio fuisset: et, quod suis precibus negasset, eius
 populo Romano veniam dedisset.

Postquam dictator, praeposito in urbe L. Papirio Crasso 36.
 magistro equitum, Q. Fabio vetito quicquam pro magi-
 stratu agere, in castra rediit; neque civibus satis laetus ad-
 ventus eius fuit, nec hostibus quicquam attulit terroris.
 Namque postero die, seu ignari venisse dictatorem, seu,
 adesset an abesset, parvi facientes, instructa acie ad castra
 accesserunt. Ceterum tantum momenti in uno viro L. Legiones
 Papirio fuit, ut, si ducis consilia favor subsecutus militum Romanae
 foret, debellari eo die cum Samnitibus potuisse, pro haud de industria
 dubio habitum sit: ita instruxit aciem loco ac subsidiis, ita male pug-
 nant.
 omni arte bellica firmavit. Cessatum a milite, ac de in-
 dustria, ut obtrectaretur laudibus ducis, impedita victoria
 est. Plures Samnitium cecidere: plures Romani vulnerati
 sunt. Sensit peritus dux, quae res victoriae obstaret: tem- Dictator
 perandum ingenium suum esse, et severitatem miscendam comior
 8 comitate. Itaque, adhibitis legatis, ipse circum saucios factus.
 milites inserens in tentoria caput, singulos, ut sese habe-
 rent, rogans, curam eorum nominatim legatis, tribunisque,
 9 et praefectis demandabat. Rem per se popularem ita
 dexter egit, ut, medendis corporibus, animi multo prius
 militum imperatori reconciliarentur; nec quicquam ad sa-
 lubritatem efficacius fuerit, quam quod grato animo ea cura
 accepta est. Refecto exercitu, cum hoste congressus haud Samnites
 dubia spe sua militumque, ita fudit fugavitque vincit.
 ille ultimus iis dies conferendi signa cum dictatore fuerit.
 Incessit deinde, qua duxit praedae spes, victor exercitus;
 perlustravitque hostium agros, nulla arma, nullam vim, nec

7 *Eius populo Romano veniam*] Eius potestatem pop. Romano fecisset.

8 *Comitate*] *Comitate* edd. plures, sed *comitate* emendavit Gronovius, et probat Bekker.

9 *Praefectis*] Fortasse *alarum*, ut qui

turnis equestribus praeerant. Dorr. Sed *praefectos sacrorum*, qui eadem omnia in socios, quae tribuni in cives usurpabant, hic immo Crevier, et Rup. censent.

U. C. 430. apertam, nec insidiis, expertus. Addebat alacritatem, quod
 A. C. 322. dictator praedam omnem edixerat militibus: nec ira magis
 publica, quam privatum compendium, in hostem acuebat.¹
 His cladibus subacti Samnites pacem a dictatore petiere:
 cum quo pacti, ut singula vestimenta militibus, et annum
 stipendium darent; quum ire ad senatum iussi essent, se-
 cuturos se dictatorem responderunt, unius eius fidei virtu-
 tique causam suam commendantes. Ita deductus ex Sam-
 nitibus exercitus. Dictator triumphans urbem est ingres-
 sus: et, quum se dictatura abdicare vellet, iussu Patrum,
 priusquam abdicaret, consules creavit C. Sulpicium Longum
 iterum, Q. Aemilium Cerretanum. Samnites, infecta pace,
 quia de conditionibus agebatur, indutias annuas ab urbe²
 retulerunt. Nec earum ipsarum sancta fides fuit: adeo,
 postquam Papirium abisse magistratu nuntiatum est, arrecti
 ad bellandum animi sunt.

37.

U. C. 431.
 A. C. 321.
 C. Sulpicio
 II. Q. Ae-
 milio Coss.

C. Sulpicio, Q. Aemilio (Aulium quidam annales habent)³
 consulibus, ad defectionem Samnitium Apulum novum bel-
 lum accessit. Utroque exercitus missi. Sulpicio Samnites,
 Apuli Aemilio sorte evenerunt. Sunt, qui non ipsis Apulis
 bellum illatum, sed socios eius gentis populos ab Samni-
 tium vi atque iniuriis defensos scribant. Ceterum fortuna
 Samnitium, vix a se ipsis eo tempore propulsantium bellum,
 propius ut sit vero, facit, non Apulis ab Samnitibus arma
 illata, sed cum utraque simul gente bellum Romanis fuisse.
 Nec tamen res ulla memorabilis acta: ager Apulus Sam-
 niumque evastatum; hostes nec hic, nec illic inventi.
 Romae nocturnus terror ita ex somno trepidam repente
 civitatem excivit, ut Capitolium atque arx, moeniaque et
 portae, plena armatorum fuerint: et quum concursatum
 conclamatumque ad arma omnibus locis esset, prima luce
 nec auctor, nec causa terroris comparuit.

Iudicium
 de Tuscu-
 lanis.

Eodem anno de Tusculanis Flavia rogatione populi fuit
 iudicium. M. Flavius tribunus plebis tulit ad populum, ut

¹ *Compendium*] i. e. Quaestus, lu-
 crum seu commodum. Cic. ad Heren.
 iv. 40. *duae res sunt, quae possunt
 homines ad turpe compendium com-
 movere.*

² *Indutias annuas*] Hoc temporis
 intervallo Niebuhrio videtur bellum
 cum Vestinis confectum fuisse a con-
 sulibus prioris anni, qui in magistratu
 usque ad Septembrem mensem an.
 431. U. C. erant. Niebhr. iii. n. 342.

³ *Aulium quidam annales habent*]
 Quod quidem verius, nec immerito
 fortasse, videtur Sigonio, Pighio, Gro-

novio: tum quia hic consul plebeius
 esse debuit, quum Sulpicius foret pa-
 tricius: Aemilia autem gens patricia
 erat, Aulia plebeia: tum quia ix. 15.
 16. 22. et 23. ubi de eodem homine
 agitur, Campanus et Andreas nus-
 quam *Aemilium*, sed vel *Aurelium*, vel
Aulum, vel *Alium*, vel *Aulium* deni-
 que habent: unde merito colligitur
 Livium his locis revera scripsisse *Au-
 lium*. Consentiant Capitolini Fasti,
 ubi de eius morte agunt, ad an. 438.
 U. C. CREV. *Aulium* probat Niebhr.

- 4 in Tusculanos animadverteretur, quorum eorum ope ac con- U. C. 431.
silio Veliterni Privernatesque populo Romano bellum fecis- A. C. 321.
5 sent. Populus Tusculanus cum coniugibus ac liberis Ro-
mam venit. Ea multitudo, veste mutata, et specie reorum,
tribus circumit, genibus se omnium advolvens. Plus itaque
misericordia ad poenae veniam impetrandam, quam causa
ad crimen purgandum valuit. Tribus omnes, praeter Pol-
liam, antiquarunt legem. Polliae sententia fuit, puberes
verberatos necari, coniuges liberosque sub corona lege belli
venire: memoriamque eius irae Tusculanis in poenae tam
atrocis auctores mansisse ad patrum aetatem constat, nec
6 quemquam ferme ex Pollia tribu candidatum Papiriam
ferre solitum.
- 7 Insequenti anno, Q. Fabio, L. Fulvio consulibus, A. Cor- 38.
nelius Arvina dictator et M. Fabius Ambustus magister U. C. 432.
8 equitum, metu gravioris in Samnio belli (conducta enim A. C. 320.
pretio a finitimis iuventus dicebatur) intentiore delectu Q. Fabio,
habito, egregium exercitum adversus Samnites duxerunt. L. Fulvio
Coss.
Castra in hostico incuriose ita posita, tanquam procul A. Corne-
abesset hostis: quum subito advenere Samnitium legiones lius dicta-
tor.
tanta ferocia, ut vallum usque ad stationem Romanam in-
ferrent. Nox iam appetebat: id prohibuit munimenta Nocte cas-
adoriri: nec dissimulabant, orta luce postero die facturos. tra relin-
Dictator, ubi propiorem spe dimicationem vidit, ne militum quit.
virtuti damno locus esset, ignibus crebris relictis, qui con-
spectum hostium frustrarentur, silentio legiones educit:
nec tamen fallere propter propinquitatem castrorum potuit.
Eques extemplo insecutus ita institit agmini, ut, donec
lucesceret, proelio abstineret. Ne pedestres quidem copiae
ante lucem castris egressae. Eques, luce demum ausus

4 *In Tusculanos ... quorum eorum*] In Tusculanos, non omnes quidem, sed in illos eorum, sive ex eis, quorum ope ac consilio ... Sollemnis erat formula, *qui eorum*. Exemplum vide apud nostrum xxiii. 25. et xxvi. 34.

5 *Romam venit*] Ad deprecandum populi Romani iudicium. Haud scio an Tusculani quaestiones domi exercere voluerint in eos, qui privato consilio cum Veliternis et Privernatibus arma adversus Romanos tulerant.

6 *Papiriam ferre*] In quam tribum Tusculani postea distributi sunt. Ceterum *ferre tribum* sollemniter de eo dicitur, qui tribus suffragia impetaverit. cf. Cic. Phil. xi. 8. *Africanus ... duas tantum tribus tulit*, id. pro Planc. 22. *cum plerasque tribus tulerit Plancius*.

7 *L. Fulvio*] De eo cf. Plin. H. N.

vii. 53, qui, L. Fulvium Tusculanorum rebellantium consulem, quum ad Romanos transisset, eodem honore a populo Romano confestim exornatum scribit. Ceterum in Plinio haud dubie aliquid mendosum latet. Et quoniam Tusculanis civitas servata et crimen rebellionis in paucos auctores versum supr. 14. dicitur, parum verisimile est, id quod ap. eundem legimus, hunc ipsum L. Fulvium eodem anno de iis, sc. Tusculanis, quorum consul fuerat, triumphasse. Triumphum Fulvio de Samnitibus tribuunt Fasti Capitolini. cf. Niebhr. iii. n. 350.

8 *Conducta enim pretio*] Milites conductos, aut saltem pecuniam ad conducendos milites, Samnitibus pro parte sua Tarentinos praebuisse censet Niebhr.

U. C. 432. incursare in hostem, carpendo novissimos, premendoque
 A. C. 320. iniquis ad transitum locis, agmen detinuit. Interim pedes
 equitem assecutus; et totis iam copiis Samnis urgebat. Tum dictator, postquam sine magno incommodo progredi non poterat, eum ipsum, in quo constiterat, locum castris dimetari iussit. Id vero, circumfuso undique equitatu, ut⁹ vallum peteretur, opusque inciperet, fieri non poterat. Itaque, ubi neque eundi, neque manendi copiam esse videt, instruit aciem, impedimentis ex agmine remotis. Instruunt contra et hostes, et animis et viribus pares. Auxerat id maxime animos, quod ignari, loco iniquo, non¹ hosti, cessum, velut fugientes ac territos terribiles ipsi secuti fuerant. Id aliquamdiu aequavit pugnam, iam pridem desueto Samnite clamorem Romani exercitus pati. At, hercule, illo die ab hora diei tertia ad octavam ita anceps dicitur certamen stetisse, ut neque clamor, ut primo semel concursu est sublatus, iteratus sit; neque signa promota loco, retrove recepta; neque recursum ab ulla sit parte. In suo quisque gradu obnisi, urgentes scutis, sine respi-² ratione ac respectu pugnabant. Fremitus aequalis, tenorque idem pugnae in defatigationem ultimam aut noctem spe-³ ctabat. Iam viris vires, iam ferro sua vis, iam consilia ducibus deerant: quum subito Samnitium equites, quum, turma una longius provecta, accepissent, impedimenta Romanorum procul ab armatis sine praesidio, sine munimento stare, aviditate praedae impetum faciunt. Quod ubi dictatori trepidus nuntius attulit; 'Sine modo,' inquit, 'sese 'praeda praepediant.' Alii deinde super alios, diripi passim ferrique fortunas militum, vociferabantur. Tum magistro equitum accito, 'Vides tu,' inquit, 'M. Fabi, ab 'hostium equite omissam pugnam? haerent impediti im- 'pedimentis nostris. Aggredere, quod inter praedandum 'omni multitudini evenit, dissipatos: raros equis insidentes, 'raros, quibus ferrum in manu sit, invenies: equosque dum 'praeda onerant, caede inermes, cruentamque illis praedam 'redde. Mihi legiones peditumque pugna curae erunt: 'penes te equestre sit decus.' Equitum acies, qualis quae esse instructissima potest, invecta in dissipatos impeditosque hostes, caede omnia replet. Inter sarcinas omissas repente, obiacentes pedibus fugientium consternatorumque equorum,

Proelium
atrox com-
mittitur.

39.

Vincuntur
Samnites.

⁹ *Id vero*] Id vero, nempe ut peterentur ligna ad struendum vallum, fieri non poterat ob circumfusum undique equitatum hostilem. CREV.

¹ *Loco iniquo, non hosti, cessum*] Ideo cessisse Romanos, quod in loco iniquo essent, non quod hostem timerent. CREV.

² *Sine ... respectu*] Ita ut nemo respectaret, id est, retrorsum caput oculosque flecteret. CREV.

³ *In defatigationem ultimam aut noctem spectabat*] Eo rem adducere videbatur, ut certamen dirimi non posset, nisi aut defatigatione ultima, aut nocte. CREV.

neque pugnae, neque fugae satis potentes, caeduntur. Tum, U. C. 432.
 deleto prope equitatu hostium, M. Fabius, circumductis A. C. 320.
 paullulum alis, ab tergo pedestrem aciem adoritur. Clamor
 inde novus accidens et Samnitium terruit animos; et
 dictator, ubi respectantes hostium antesignanos, turbataque
 signa, et fluctuantem aciem vidit, tum appellare, tum ad-
 hortari milites, tribunos principesque ordinum nominatim
 ad iterandam secum pugnam vocare. Novato clamore,
 signa inferuntur: et, quicquid progrediebantur, magis ma-
 gisque turbatos hostes cernebant. Eques ipse iam primis
 erat in conspectu: et Cornelius, respiciens ad manipulos
 militum, quod manu, quod voce poterat, monstrabat, vexilla
 se suorum parmasque cernere equitum. Quod ubi auditum
 simulque visum est, adeo repente laboris, per diem paene
 totum tolerati, vulnerumque obliti sunt, ut haud secus,
 quam si tum integri e castris signum pugnae accepissent,
 concitaverint se in hostem. Nec ultra Samnis tolerare
 terrorem equitum, peditumque vim potuit: partim in
 medio caesi, partim in fugam dissipati sunt. Pedes re-
 stantes ac circumventos cecidit: ab equite fugientium
 strages est facta; inter quos et ipse imperator cecidit.

Hoc demum proelium Samnitium res ita infregit, ut om- Pacem
 nibus conciliis fremerent, ‘minime id quidem mirum esse, orant.
 ‘si inipio bello, et contra foedus suscepto, infestioribus
 ‘merito diis quam hominibus, nihil prospere agerent. Ex-
 ‘piandum id bellum magna mercede, luendumque esse.
 4 ‘Id referre tantum, utrum supplicia noxio paucorum, an
 ‘omnium innoxio praebeant sanguine:’ audebantque iam
 quidam nominare auctores armorum. Unum maxime
 nomen per consensum clamantium Brutuli Papii exaudie-
 batur. Vir nobilis potensque erat, haud dubie proximarum
 indutiarum ruptor. De eo coacti referre praetores decre-
 tum fecerunt, ‘Ut Brutulus Papius Romanis dederetur, et
 ‘cum eo praeda omnis Romana, captivique ut Romam
 ‘mitterentur; quaeque res per fœtiales ex foedere repetitae
 ‘essent, secundum ius fasque restituerentur.’ Fœtiales
 Romam, ut censuerunt, missi, et corpus Brutuli exanime:
 ipse morte voluntaria ignominiae se ac supplicio subtraxit.
 Placuit cum corpore bona quoque eius dedi. Nihil tamen
 earum rerum, praeter captivos, ac si qua cognita ex praeda
 sunt, acceptum est: ceterarum rerum irrita fuit deditio. Negant Ro-
 Dictator ex senatusconsulto triumphavit. mani.

5 Hoc bellum a consulibus bellatum, quidam auctores sunt,

4 *Id referre*] Hoc unum interesse, pharunt. Fabii triumphum Aur. Viet.
 id solum in deliberationem venire. de Vir. Ill. 32. et Fulvii Plin. II. N.

5 *Quidam auctores sunt*] Consules vii. 44. commemorant.
 mense Februario an. U. C. 432. trium-

U. C. 432. eosque de Samnitibus triumphasse: Fabium etiam in Apu-
 A. C. 320. liam processisse, atque inde magnas praedas egisse. Nec
 40. discrepat, quin dictator eo anno A. Cornelius fuerit: id
 ambigitur, belline gerendi causa creatus sit; an ut esset, qui⁶
 ludis Romanis, quia L. Plautius praetor gravi morbo forte
 implicitus erat, signum mittendis quadrigis daret; functus-
 que eo haud sane memorandi imperii ministerio, se dicta-
 tura abdicaret: nec facile est, aut rem rei, aut auctorem
 auctori praeferre. Vitiatam memoriam funebribus laudibus⁷
 reor, falsisque imaginum titulis, dum familia ad se quaeque
 famam rerum gestarum honorumque fallente mendacio
 trahunt. Inde certe et singulorum gesta et publica monu-
 menta rerum confusa. Nec quisquam aequalis temporibus
 illis scriptor exstat, quo satis certo auctore stetur.

⁶ *Ut esset, qui ludis*] Hoc munere consul fungebatur, si quando praetor morbo laboraret, infr. xlv. 1; adeo ut dictatore, qui signum quadrigis mittendis daret, minime opus esset. Haud scio an gratia gentis Fabiae laus dictatori militaris imminuta fuerit, et in Fast. Triumph. nomina consulum in illius locum immerito irrepserint, id quod Niebhr. iii. n. 149. suspicatur,

⁷ *Funebribus laudibus*] *Laudationibus* Muretus legebat, qui disertam auctoritatem Senecae Epist. xcii. pro se habet: sed quum *laus orationis* pro *laudatione forensi* ap. Cic. de Orat. ii. 84. usurpatur, in *laudibus*, quam vocem omnes codices prae se ferunt, acquiescere satius fuerit. cf. Cic. Brut. 16.

EPITOME LIBRI IX.

T. VETURIUS et *Sp. Postumius* apud *Caudinas Furcas*, deducto in locum artum exercitu, quum nulla spes evadendi esset, foedere cum *Samnitibus* facto, et sexcentis equitibus *Romanis* obsidibus datis, ita exercitum abduxerunt, ut omnes sub iugum mitterentur. *Iidemque*, auctore *Sp. Postumio* consule, qui in senatu suaserat, ut eorum deditione, quorum culpa tam deforme foedus ictum erat, publica fides liberaretur, cum duobus tribunis plebis et omnibus, qui foedus spoponderant, dediti *Samnitibus*, non sunt recepti: nec multo post fuis a *Papirio Cursore* *Samnitibus* et sub iugum missis, receptisque sexcentis equitibus *Romanis*, qui obsides dati erant, pudor prioris flagitii abolitus est. Tribus duae adiectae sunt, *Ufentina* et *Falerina*. *Suessa* et *Pontiae* coloniae deductae sunt. *Ap. Claudius* censor aquam perduxit; viam stravit, quae *Appia* vocata est; libertinorum filios in senatum legit. Ideoque, quoniam is ordo videbatur inquinatus indignis, sequentis anni consules in senatu legendo observaverunt, quemadmodum ante per proximos censores observatum fuerat. Res praeterea contra *Apulos*, *Etruscos*, *Umbros*, *Marsos*, *Pelignos*, *Aequos* et *Samnites*, quibus foedus erat restitutum, prospere gestas continet. *Flavius scriba*, libertino patre natus, aedilis curulis fuit per forensem factionem creatus: quae quum comitia et campum turbaret, et in iis propter nimias vires dominaretur, a *Q. Fabio* censore in quattuor tribus redacta est, quas urbanas appellavit. Eaque res *Fabio Maximo* nomen dedit. In hoc libro mentio *Alexandri Magni*, qui temporibus his fuit; et, aestimatis populi *Romani* viribus, quae tunc erant, colligitur, si *Alexander* in *Italiam* traicisset, non tam facilem ei victoriam de populo *Romano* fore, quam de iis gentibus, quas ad *Orientem* imperio suo subiecerat.

T. LIVII PATAVINI

LIBER IX.

U. C. 433. **S** EQUITUR hunc annum nobilis clade Romana Cau-
 A. C. 319. dina pax, T. Veturio Calvino, Sp. Postumio consulibus.
 T. Veturio Samnites eo anno imperatorem C. Pontium, Herennii filium,
 II. Sp. Po- habuerunt, patre longe prudentissimo natum, primum ipsum
 stumio II. bellatorem ducemque. Is, ubi legati, qui ad dedendas res
 Coss. missi erant, pace infecta redierunt, ‘Ne nihil actum,’
 Pontii Sam- inquit, ‘hac legatione censeatis, expiatum est, quicquid ex
 nitis oratio. ‘foedere rupto irarum in nos coelestium fuit. Satis scio,
 ‘quibuscumque diis cordi fuit, subigi nos ad necessitatem
 ‘dedendi res, quae a nobis ex foedere repetitae fuerant, iis
 ‘non fuisse cordi tam superbe ab Romanis foederis expia-
 ‘tionem spretam. Quid enim ultra fieri ad placandos deos
 ‘mitigandosque homines potuit, quam quod nos fecimus?
 ‘Res hostium in praeda captas, quae belli iure nostrae
 ‘videbantur, remisimus: auctores belli, quia vivos non po-
 ‘tuimus, perfunctos iam fato dedidimus: bona eorum, ne
 ‘quid ex contagione noxae remaneret penes nos, Romam
 ‘portavimus. Quid ultra tibi, Romane, quid foederi, quid
 ‘diis arbitris foederis debeo? Quem tibi tuarum irarum,
 ‘quem meorum suppliciorum iudicem feram? Neminem,
 ‘neque populum, neque privatum, fugio. Quod si nihil²
 ‘cum potentiore iuris humani relinquitur inopi, at ego ad
 ‘deos vindices intolerandae superbiae confugiam; et pre-
 ‘cabor, ut iras suas vertant in eos, quibus non suae red-
 ‘ditae res, non alienae accumulatae satis sint; quorum
 ‘saevitiam non mors noxiorum, non deditio exanimatorum
 ‘corporum, non bona sequentia domini deditioem exsa-
 ‘tient; placari qui nequeant, nisi hauriendum sanguinem
 ‘laniandaque viscera nostra praebuerimus. Iustum est

¹ *Patre longe prudentissimo*] Vi-
 ros ille sapientissimos cognoverat, Ar-
 chytam et Platonem, teste Cic. de
 Sen. 41. CREV.

² *Quod si nihil cum potentiore*] Quod si nihil est inopi, infirmiori ad-
 versus potentiorum praesidii in legi-
 bus humanis. CREV.

‘bellum, Samnites, quibus necessarium; et pia arma, quibus nulla nisi in armis relinquitur spes. Proinde, 3 ‘quum rerum humanarum maximum momentum sit, quam ‘propitiis rem, quam adversis agant diis, pro certo habete, ‘priora bella adversus deos magis, quam homines, gessisse; ‘hoc, quod instat, ducibus ipsis diis gesturos.’ Haec, non 2. laeta magis, quam vera, vaticinatus, exercitu educto, circa Samnites ad Caudium castra locant. Calatiam, ubi iam consules Romanos castraque esse audiebat, milites decem pastorum habitu mittit: pecoraeque diversos, alium alibi, haud procul Romanis pascere iubet praesidiis: ubi inciderint in praedatores, ut idem omnibus sermo constet, ‘legiones Samnitium in Apulia esse, Luceria omnibus copiis circumsedere: nec procul abesse, ‘quin vi capiant.’ Iam is etiam rumor ante, de industria vulgatus, venerat ad Romanos; sed fidem auxere captivi, eo maxime, quod sermo inter omnes congruebat. Haud erat dubium, quin Lucerinis opem Romanus ferret, bonis 4 ac fidelibus sociis; simul ne Apulia omnis ad praesentem terrorem deficeret: ea modo, qua irent, consultatio fuit. 5 Duae ad Luceriam ferebant viae; altera praeter oram superi maris patens apertaue, sed, quanto tutior, tanto fere 6 longior; altera per Furculas Caudinas brevior. Sed ita natus locus est. Saltus duo alti angusti silvosique sunt, montibus circa perpetuis inter se iuncti: iacet inter eos satis patens clausus in medio campus, herbidus aquosusque, per quem medium iter est. Sed ante, quam venias ad eum, intrandae primae angustiae sunt: et aut eadem, qua te insinuaveris, retro via repetenda; aut, si ire porro pergas, per alium saltum artiore impeditioreque evadendum. In eum campum via alia per cavam rupem, Romani, demisso agmine, quum ad alias angustias protinus pergerent,

3 *Quam propitiis rem*] Gron. coni. *quam propitiis, quam adversis agantur diis*. Sed bene Stroth. monet, adverbium intendendi *quam* ab h. l. alienum esse, quum nulla res *adversis diis* bene, nulla *propitiis* male geri possit, nihilque referat, utrum parum an multum adversi vel propitii sint; et iungenda esse *quam rem agant*, sc. homines; quod substant. latere dicit in praec. adiect. *humanarum*, ut passim alia in verbis, substantivis aut adiectivis cognati significatus. R. R.

4 *Simul ne Apulia*] Hoc simul consilio, ne Apuli omnes deficerent; quippe Apulus exercitus adversus Romanos sup. viii. 37. militaverat. Sed ex Apulis quidam, in quibus praec.

cupua laude Lucerini, in fide Romanorum perstabant, unde Lucerini *boni* et *fideles* socii appellantur. Luceria quoque in ipsis faucibus viae, quae supero mari in Apuliam ferebat, sita est, et maximi Romani momenti erat, ut hoc oppidum minime in hostium potestatem rediret.

5 *Praeter oram superi maris*] Paulo incuriosius haec a Livio scripta videntur; sed *oram maris* non ipsum litus, sed omnem illam regionem, quae inter Apenninum et mare superum iacet, intelligere monet Drak.

6 *Furculas*] Angustias viae a forma furcae, seu furcillae, aut literae I, sic dictas. cf. Sil. Ital. viii. 565. R. R.

U. C. 433.
A. C. 319.
Capti frau-
de loci Ro-
mani.

saeptas deiectu arborum saxorumque ingentium obiacentem molem invenere. Quum fraus hostilis apparuisset, praesidium etiam in summo saltu conspicitur. Citati inde retro, qua venerant, pergunt repetere viam. Eam quoque clausam sua obice armisque inveniunt. Sistunt inde gradum 7 sine ullius imperio; stuporque omnium animos, ac velut torpor quidam insolitus membra tenet: intuentesque alii alios, quum alterum quisque compotem magis mentis ac consilii ducerent, diu immobiles silent. Deinde ubi praetoria consulum erigi videre, et expedire quosdam utilia 8 operi, quanquam ludibrio fore munientes, perditis rebus ac spe omni adempta, cernebant; tamen, ne culpam malis adderent, pro se quisque, nec hortante ullo nec imperante, ad muniendum versi, castra propter aquam vallo circumdant; sua ipsi opera laboremque irritum, praeterquam quod hostes superbe increpabant, cum miserabili confessione eludentes. Ad consules maestos, ne advocantes quidem 9 in consilium, quando nec consilio, nec auxilio locus esset, sua sponte legati ac tribuni conveniunt: militesque ad praetorium versi, opem, quam vix dii immortales ferre poterant, ab ducibus exposcunt. Querentes magis, quam consultantes, nox oppressit, quum pro ingenio quisque fremerent: alius, 'per obices viarum;'¹ alius, 'per adversa 1 montium, per silvas, qua ferri arma poterunt, eamus. 'Modo ad hostem pervenire liceat, quem per annos iam 2 'prope triginta vincimus'; omnia aequa et plana erunt Romano, in perfidum Samnitum pugnanti;'¹ alius, 'Quo, aut qua eamus? Num montes moliri sede sua paramus? 'Dum haec imminere iuga, qua tu ad hostem venies? 'Armati, inermes, fortes, ignavi, pariter omnes capti atque 'victi sumus. Ne ferrum quidem ad bene moriendum oblaturus est hostis: sedens bellum conficiet.' His in vicem sermonibus, qua cibi, qua quietis immemor, nox traducta est.

Ne Samnitibus quidem consilium in tam laetis suppetebat rebus. Itaque universi Herennium Pontium, patrem imperatoris, per literas consulendum censent. Iam is gravis

7 *Sua obice armisque*] Simili obice arborum et saxorum clausam, necnon ab armatis hostibus occupatam.

8 *Utilia operi*] Scilicet instrumenta muniendis castris apta. DOER.

9 *Eludentes*] Cum non solum hostes superbe viderent, sed ipsi cum dolore et irrisione faterentur, frustra opera sua et laborem esse. DOER.

1 *Alius, per obices viarum; alius, per adversa montium*] Alterum alius ex auctoritate Mureti delevit Bekker.

sed plures codices servant: quare sic veritas: alii viam obice saxorum clausam armis aperiendam esse, alii viam omnino novam per adversa montium tentandam, quacunque arma ferri poterant.

2 *Quem per annos iam prope triginta vincimus*] Verba glorientium et rem numerumque augmentium. Samnites primum victi an. U. C. 412. supr. vii. 33. adeoque ante annos viginti duos. RUP.

3.
Consilium
expedire
non pos-
sunt.

annis non militaribus solum, sed civilibus quoque, absces- U. C. 433.
 serat muneribus: in corpore tamen affecto vige- A. C. 319.
 bat vis animi consilii-que. Is, ubi accepit, ad Furculas Caudinas inter
 duos saltus clausos esse exercitus Romanos, consultus ab
 nuntio filii, censuit, omnes inde quam primum inviolatos
 dimittendos. Quae ubi spre-^{Herennii}ta sententia est, iterumque,^{discordia}
 eodem remeante nuntio, consulebatur, censuit, ad unum
 omnes interficiendos. Quae ubi tam discordia inter se,^{responsa.}
 velut ex ancipiti oraculo, responsa data sunt; quanquam
 filius ipse in primis iam animum quoque patris consenuisse
 in affecto corpore rebatur; tamen consensu omnium victus
 est, ut ipsum in consilium acciret. Nec gravatus senex
 plaustro in castra dicitur advectus, vocatusque in consilium
 ita ferme locutus esse, ut nihil sententiae suae mutaret;
 causas tantum adliceret: 'Priore se consilio, quod optimum
 'duceret, cum potentissimo populo per ingens beneficium
 'perpetuam firmare pacem amicitiamque: altero consilio in
 'multas aetates, quibus, amissis duobus exercitibus, haud
 'facile receptura vires Romana res esset, bellum differre:
 'tertium nullum consilium esse.' Quum filius alique
 principes percunctando exsequerentur, 'Quid si media via
 'consilii caperetur; ut et dimitterentur incolumes, et leges
 'iis iure belli victis imponerentur? Ista quidem sententia,'
 3 inquit, 'ea est, quae neque amicos parat, neque inimicos
 'tollit. Servate modo, quos ignominia irritaveritis. Ea
 'est Romana gens, quae victa quiescere nesciat. Vivet
 4 'semper in pectoribus illorum, quicquid istuc praesens
 necessitas inusserit; neque eos ante multiplices poenas ex-
 petitas a vobis quiescere sinet.'

Neutra sententia accepta: Herennius domum e castris 4.
 est avectus. Et in castris Romanis quum frustra multi
 conatus ad erumpendum capti essent, et iam omnium rerum
 inopia esset; victi necessitate legatos mittunt, qui primum
 pacem aequam peterent: si pacem non impetrarent, uti
 provocarent ad pugnam. Tum Pontius, 'debellatum esse,'^{Leges a}
 respondit: 'et, quoniam ne victi quidem ac capti fortunam <sup>Pontio dic-
 tae Roma-
 nis.</sup>
 'fateri scirent, inermes cum singulis vestimentis sub iugum
 5 'missurum: alias conditiones pacis aequas victis ac victoribus
 'fore; si agro Samnitium decederetur, coloniae abduce-
 'rentur, suis deinde legibus Romanum ac Samnitum aequo

3 *Neque inimicos tollit*] Indicativus hic ponitur, tanquam si id, de quo nulla dubitatio esse potest, dictum fuerit.

4 *Quicquid istuc*] h. e. *istud*; cf. Tac. Ann. ii. 7. *inusserit illis ignominiae*. Ruv.

5 *Alias*] Diversas ab iis, quas legati

Romani ferebant, Doer. *Reliquas* interpretatur Rup. Nescio an noster velit, conditiones pacis victis alias atque victoribus esse, et quum iam victi essent Romani, se victos fateri et in conditionibus, quas Samnites ferebant, acquiescere aequum esse.

U. C. 433. 'foedere victurum. His conditionibus paratum se esse
 A. C. 319. 'foedus cum consulibus ferire: si quid eorum displiceat,
 'legatos redire ad se' vetuit. Haec quum legatio renuntia-
 retur, tantus gemitus omnium subito exortus est, tantaque
 maestitia incessit, ut non gravius accepturi viderentur, si
 nuntiaretur, omnibus eo loco mortem oppetendam esse.
 Quum diu silentium fuisset, nec consules aut pro foedere
 tam turpi, aut contra foedus tam necessarium hiscere pos-
 sent; tum L. Lentulus, qui tum princeps legatorum virtute
 Lentulo
 suadente, atque honoribus erat, 'Patrem meum,' inquit, 'consules,
 'saepe audiui memorantem, se in Capitolio unum non
 'fuisse auctorem senatui redimendae auro a Gallis civitatis,
 'quando nec fossa valloque ab ignavissimo ad opera ac
 'muniendum hoste clausi essent; et erumpere si non sine
 'periculo magno, tamen sine certa perniciie possent. Quod
 'si, ut illis decurrere ex Capitolio armatis in hostem licuit,
 '(quo saepe modo obsessi in obsidentes eruperunt) ita nobis
 'aequo aut iniquo loco dimicandi tantummodo cum hoste
 'copia esset, non mihi paterni animi indoles in consilio dando
 'deesset. Equidem mortem pro patria praeclaram esse
 'fateor: et me vel devovere pro populo Romano legioni-
 'busque, vel in medios me immittere hostes paratus sum.
 'Sed hic patriam video, hic quicquid Romanarum legionum
 'est: quae, nisi pro se ipsis ad mortem ruere volunt, quid 6
 'habent, quod morte sua servant? Tecta urbis, dicat aliquis,
 'et moenia, et eam turbam, a qua urbs incolitur. Imo,
 'hercule, produntur ea omnia, deleta hoc exercitu, non ser-
 'vantur. Quis enim ea tuebitur? Imbellis videlicet atque
 'inermis multitudo. Tam, hercule, quam a Gallorum
 'impetu defendit. An a Veiis exercitum Camillumque
 'ducem implorabunt? Hic omnes spes opesque sunt, quas
 'servando patriam servamus: dedendo ad necem patriam
 'deserimus ac prodimus. At foeda atque ignominiosa
 'deditio est. Sed ea caritas patriae est, ut tam ignominia
 'eam, quam morte nostra, si opus sit, servemus. Subeatur
 'ergo ista, quantacunque est, indignitas; et pareatur neces-
 'sitati, quam ne dii quidem superant. Ite, consules, redimite
 'armis civitatem, quam auro maiores vestri redemerunt.'

5.

Accipiuntur.

Consules profecti ad Pontium in colloquium, quum de
 foedere victor agitare, negarunt, iniussu populi foedus fieri
 posse: nec sine fetialibus caerimoniae alia sollenni. Ita-
 que non, ut vulgo credunt, Claudiusque etiam scribit, 7
 foedere pax Caudina, sed per sponsionem, facta est. Quid 8

6 *Pro se ipsis*] Ut suam ipsi ignominiam praevertant.

7 *Claudiusque*] sc. *Quadrigarius*, de quo sup. viii. 19.

8 *Per sponsionem*] Quae a foedere prorsus diversa erat: quippe in sponsione tantum tenebantur ii, qui se ipsi obstrinxerant, donec eam universa res-

enim aut sponsoribus in foedere opus esset, aut obsidibus, U. C. 433.
 ubi precatione res transigitur: 'Per quem populum fiat, A. C. 319.
 'quo minus legibus dictis stetur, ut eum ita Iupiter feriat,
 9 'quemadmodum a fetialibus porcus feriat.' Spoponderunt
 consules, legati, quaestores, tribuni militum; nominaque
 1 omnium, qui spoponderunt, exstant: ubi, si ex foedere acta
 res esset, praeterquam duorum fetialium, non exstarent.
 2 Et propter necessariam foederis dilationem obsides etiam
 sexcenti equites imperati, qui capite lucrent, si pacto non
 staretur. Tempus inde statutum tradendis obsidibus exer-
 cituque inermi mittendo. Redintegravit luctum in castris
 consulum adventus, ut vix ab iis abstinerent manus, quorum
 temeritate in eum locum deducti essent; quorum ignavia
 foedius inde, quam venissent, abituri. 'Illis non ducem
 'locorum, non exploratorem fuisse: belluarum modo caecos
 'in foveam missos.' Alii alios intueri, contemplari arma
 mox tradenda, et inermes futuras dexteras, obnoxiaque
 corpora hosti: proponere sibimet ipsi ante oculos iugum
 hostile, et ludibria victoris, et vultus superbos, et per arma-
 tos inermium iter: inde foedi agminis miserabilem viam,
 per sociorum urbes reditum in patriam ad parentes, quo
 saepe ipsi maioresque eorum triumphantes venissent. 'Se
 'solos sine vulnere, sine ferro, sine acie victos: sibi non
 'stringere licuisse gladios, non manum cum hoste conferre:
 'sibi nequicquam arma, nequicquam vires, nequicquam
 'animos datos.' Haec frementibus hora fatalis ignominiae
 advenit, omnia tristiora experiundo factura, quam quae
 praeceperant animis. Iam primum cum singulis vestimentis
 inermes extra vallum exire iussi, et primi traditi obsides,
 atque in custodiam abducti. Tum a consulibus abire lic-
 tores iussi paludamentaue detracta; tantam inter ipsos,
 qui, paullo ante eos execrantes, dedendos lacerandosque

Sub iugum
mittuntur
Romani.

publica ratam faceret: in foedere fe-
 tiales nomine populi Romani rem
 agebant, ita ut populus ipse univer-
 sus statim teneretur.

9 *Spoponderunt*] Appian. Samnit.
 p. 53. Dionysium forte referens, duos
 consules, duos quaestores, quattuor
 legatos, duodecim tribunos militum,
συναντας, ut Graece loquar, *δὲτοι με-
 τὰ τοὺς διεπταπλείους ἡπῆραν*, sponsio-
 nem fecisse scribit. Huius atque ali-
 orum scriptorum auctoritate fretus,
 Niebuhrus Romanos, non nisi post
 rem armis tentatam et pugnam maie
 commissam, sub iugum missos esse
 censet; quippe quum *quattuor legio-
 nibus integris*, duobus scilicet exerci-
 tibus consularibus, *quattuor* et *viginti*

tribuni militum ex ordine essent, hic
 de *duodecim* tantummodo agitur. Cla-
 dem autem Romanam testantur Con-
 stantinus, qui Appianum sequitur p.
 46, Zonaras vii. 26, qui Dionem Cas-
 sium refert, Cic. de Off. iii. 30. de Se-
 nect. 12. cf. Niebhr. iii. n. 361.

1 *Ubi, si ex foedere*] Sed supr. ii.
 23, aliter factum videtur, ubi nomen
 consulis Sp. Cassi, a quo foedus cum
 Latinis ictum est, in aenea tabula
 foederis inscriptum fuisse dicitur.

2 *Obsides etiam sexcenti*] Quos,
 tanquam pignora foederis, donec Ro-
 mani ab agro Samnitum decederent
 et colonias dedecissent, Samnites ca-
 stodia servabant.

- U. C. 433. censuerant, miserationem fecit, ut, suae quisque conditionis
 A. C. 319. oblitus, ab illa deformatione tantae maiestatis, velut ab nefando spectaculo, averteret oculos. Primi consules prope seminudi sub iugum missi: tum, ut quisque gradu proximus³ erat, ita ignominiae obiectus: tum deinceps singulae legiones. Circumstabant armati hostes, exprobrantes eludentesque: gladii etiam plerisque intentati: et vulnerati quidam necatique, si vultus eorum indignitate rerum acrior victorem offendisset.

Capuam
veniunt.

- Ita traducti sub iugum, et, quod paene gravius erat, per hostium oculos. Quum e saltu evasissent, etsi, velut ab inferis extracti, tum primum lucem aspicere visi sunt, tamen ipsa lux ita deforme intuentibus agmen omni morte tristior fuit. Itaque, quum ante noctem Capuam pervenire possent, incerti de fide sociorum, et quod pudor praepediebat, circa viam haud procul Capua omnium egeni corpora humi prostraverunt. Quod ubi est Capuam nuntiatum, evicit miseratio iusta sociorum superbiam ingenitam Campanis. Confestim insignia sua consulibus, fascēs, lictores, arma, equos, vestimenta, commeatus militibus benigne mittunt; et venientibus Capuam cunctus senatus populusque, obviam egressi, iustis omnibus hospitalibus, privatisque et publicis funguntur officiis. Neque illis sociorum comitas, vultusque benigni, et alloquia non modo sermonem elicere, sed ne, ut⁴ oculos quidem attollerent, aut consolantes amicos contra intuerentur, efficere poterant. Adeo super maerorem pudor quidam fugere colloquia et coetus hominum cogebat. Postero die quum iuvenes nobiles, missi a Capua, ut proficiscentes ad finem Campanum prosequerentur, revertissent; vocatique in curiam percunctantibus maioribus natu, ‘multo ‘sibi maestiores et abiectioris animi visos,’ referrent; ‘adeo ‘silens ac prope mutum agmen incessisse: iacere indolem ‘illam Romanam, ablatosque cum armis animos. Non ‘reddere salutem, non salutantibus dare responsum, non ‘hiscere quemquam prae metu potuisse, tanquam ferentibus ‘adhuc cervicibus iugum, sub quo emissi essent. Habere ‘Samnites victoriam, non praeclaram solum, sed etiam perpetuam. Cepisse enim eos non Romam, sicut ante Gallos, ‘sed, quod multo bellicosius fuerit, Romanam virtutem
 7. ‘ferociamque;’ Quum haec dicerentur audirenturque, et deploratum paene Romanum nomen in concilio sociorum fidelium esset; dicitur Ofilius Calavius, Ovii filius, clarus⁵

³ *Sub iugum*] Circumvallatos fuisse Romanos scribunt Appian. p. 53. A. Gellius xvii. 21. *Sub iugum*, h. e. ligno superimposito per intervalla palorum vallo mittebantur.

⁴ *Non modo*] Alterum non post modo omittitur: de hoc usu verborum cf. Muret. Var. Lect. x. 7. et supr. vii. 22.

⁵ *Calavius*] Gens Calavia apud

genere factisque, tum etiam aetate verendus, longe aliter se habere rem dixisse: 'Silentium illud obstinatum, fixosque in terram oculos, et surdas ad omnia solatia aures, et pudorem intuendae lucis, ingentem molem irarum ex alto animo scientis indicia esse: aut Romana se ignorare ingenia, aut silentium illud Samnitibus flebiles brevi clamores gemitusque excitaturum; Caudinaeque pacis aliquanto Samnitibus, quam Romanis tristiores memoriam fore. Quippe suos quemque eorum animos habiturum, ubicunque congressuri sint: saltus Caudinos non ubique Samnitibus fore.'

Iam Romae etiam sua infamis clades erat. Obsessos primum audierunt: tristior deinde ignominiosae pacis magis, quam periculi, nuntius fuit. Ad famam obsidionis delectus haberi coeptus erat: dimissus deinde auxiliorum apparatus, postquam deditionem tam foede factam acceperunt: extemploque sine ulla publica auctoritate consensum in omnem formam luctus est. Tabernae circa forum clausae, iustitiumque in foro sua sponte coeptum prius, quam indictum: lati clavi, annuli aurei positi; paene maestior exercitu ipso civitas esse: nec ducibus solum atque auctoribus sponsoribusque pacis irasci, sed innoxios etiam milites odisse, et negare urbe tectisque accipiendos. Quam concitationem animorum fregit adventus exercitus, etiam iratis miserabilis. Non enim tanquam in patriam revertentes ex insperato incolumes, sed captorum habitu vultuque ingressi sero in urbem, ita se in suis quisque tectis abdiderunt, ut postero atque insequentibus diebus nemo eorum forum aut publicum aspicere vellet. Consules, in privato abditi, nihil pro magistratu agere, nisi quod expressum senatusconsulto est, ut dictatorem dicerent comitiorum causa. Q. Fabium Ambustum dixerunt, et P. Aelium Paetum magistrum equitum: quibus vitio creatis,

U. C. 433.
A. C. 319.
Filii de
Romano-
rum silentio
iudicium.

Luctus Ro-
mae.

Q. Fabius
dictator.

Campanos nobilitate incluta, usque ad bellum Punicum secundum varia fide in Romanos erat. cf. infr. ix. 26. xxiii. 9.

6 *Ex alto animo scientis*] *Ex alto animi scientis*, quod Gronov. et Crev. probant, in textum reposuit Bekker.

7 *Tristior . . . magis*] Sufficiebat *tristior*. Sed eodem modo Iustinus iii. 2. *Non inventionem earum magis, quam exemplo clarior*. Sic et *potius* iungitur cum alia voce comparativi gradus, apud Cic. Ep. ad Div. ix. 2. Crev.

8 *Lati clavi*] *Latus clavus* erat tunica purpureis quibusdam in modum clavorum, iisque latis et amplis,

orbibus, vel intextis, vel insutis, ornata. *Latus clavus* erat senatorum insigne: *angustus clavus*, equitum. Crev.

9 *Annuli aurei*] *Annulum aureum* senatores et equites Romanos gestasse constat, sed non vetustioribus reipublicae temporibus, quibus usum annulorum rarissimum fuisse, eosque primo ferreos gestari solitos esse tradit Plinius H. N. xxxiii. 1. Et re quidem ipsa haec prima mentio apud Livium annulorum aureorum occurrit: nec ex hoc loco colligendum est tum vulgares admodum fuisse. Vid. not. ad 46. infr. Crev.

U. C. 433.
A. C. 319.
M. Aemilius dicta-
tor.
Interreg-
num.
U. C. 434.
A. C. 318.
Q. Publilio
III. L. Pa-
pirio II.
Coss.

8.

Postumii
magnanima
sententia.

suffecti M. Aemilius Papus dictator, L. Valerius Flaccus magister equitum. Nec per eos comitia habita: et, quia taedebat populum omnium magistratuum eius anni, res ad interregnum rediit. Interreges Q. Fabius Maximus, M. Valerius Corvus. Is consules creavit Q. Publilium Philonem et L. Papirium Cursorem iterum, haud dubio consensu civitatis, quod nulli ea tempestate duces clariores essent.

Quo creati sunt die, eo (sic enim placuerat Patribus) magistratum inierunt, sollennibusque senatusconsultis per-¹fectis, de pace Caudina retulerunt. Et Publilius, penes quem fascēs erant, ‘Dic Sp. Postumi,’ inquit. Qui ubi surrexit, eodem illo vultu, quo sub iugum missus erat, ‘Haud sum ignarus,’ inquit, ‘consules, ignominiae, non² honoris causa me primum excitatum iussumque dicere, ‘non tanquam senatorem, sed tanquam reum qua infelicis belli, qua ignominiosae pacis. Ego tamen, quando neque de noxa nostra neque de poena retulistis, omīssa defensione, quae non difficillima esset apud haud ignaros fortunarum humanarum necessitatumque, sententiam de eo, de quo retulistis, paucis peragam: quae sententia testis erit, mihi ne, an legionibus vestris pepercerim, quum me seu turpi seu necessaria sponsione obstrinxi. Qua tamen, quando iniussu populi facta est, non tenetur populus Romanus; nec quicquam ex ea, praeterquam corpora nostra debentur Samnitibus. Dedamur per fetiales nudi vinctique: exsolvamus religione populum, si qua obligavimus; ne quid divini humanive obstet, quo minus iustum piumque de integro ineatur bellum. Interea consules exercitum scribere, armare, educere placet; nec prius ingredi hostium fines, quam omnia iusta in deditionem nostram perfecta erunt. Vos, dii immortales, precor quaesoque, si vobis non fuit cordi, Sp. Postumium, T. Veturium consules cum Samnitibus prospere bellum gerere; at vos satis habeatis, vidisse nos sub iugum missos, vidisse sponsione infami obligatos, videre nudos vinctosque hostibus deditos, omnem iram hostium nostris capitibus excipientes. Novos consules legionesque Romanas ita cum Samnite gerere bellum velitis, ut omnia ante nos consules bella gesta sunt.’ Quae ubi dixit, tanta simul admiratio miserationeque viri incessit omnes, ut modo vix crederent, illum

¹ *Sollennibusque senatusconsultis*] Erant quaedam ad religiones pertinentia, de quibus consul magistratum iniens ex sollenni more senatum consulēbat. Cic. post reditum ad Quir. II. “Kalendis Ianuariis P. Lentulus consul, simul ac de sollenni religione

retulit, nihil humanarum rerum sibi prius, quam de me agendum iudicavit.” CREV.

² *Haud sum ignarus*] Oratio haec fere Reguli sententiam, ap. Cic. de Off. iii. 26. adumbrat.

eundem esse Sp. Postumium, qui auctor tam foedae pacis U. C. 434.
 fuisset: modo miserarentur, quod vir talis etiam praecipuum A. C. 318.
 apud hostes supplicium passurus esset ob iram diremptae
 pacis. Quum omnes, laudibus modo prosequentes virum,
 in sententiam eius pedibus irent; tentata paullisper inter- Intercedunt
 3 cessio est ab L. Livio et Q. Maelio tribunis plebis: qui, duo tribuni.
 ‘neque exsolvi religione populum,’ aiebant, ‘deditione sua,
 ‘nisi omnia Samnitibus, qualia apud Caudium fuissent, re-
 ‘stituerentur: neque se pro eo, quod, spondendo pacem,
 ‘servassent exercitum populi Romani, poenam ullam me-
 ‘ritos esse; neque ad extremum, quum sacrosancti essent,
 ‘dedi hostibus violari posse.’ Tum Postumius, ‘Interea 9.
 ‘dedite,’ inquit, ‘profanos nos, quos salva religione po- Postumii
 ‘testis: dedetis deinde et istos sacrosanctos, quum primum adversus
 ‘magistratu abierint: sed, si me audiat, prius, quam de- Tribb. ora-
 4 ‘dantur, hic in comitio virgis caesos, hanc iam ut interca- tio.
 ‘latae poenae usuram habeant. Nam quod deditione nostra
 ‘negant exsolvi religione populum, id istos magis, ne de-
 ‘dantur, quam quia ita se res habeat, dicere, quis adeo
 ‘iuris fetialium expers est, qui ignoret? Neque ego in-
 ‘ficias eo, Patres conscripti, tam sponsiones quam foedera
 ‘sancta esse apud eos homines, apud quos iuxta divinas
 ‘religiones fides humana colitur: sed iniussu populi nego
 ‘quicquam sanciri posse, quod populum teneat. An, si
 ‘eadem superbia, qua sponsionem istam expresserunt nobis
 ‘Samnites, coegissent nos verba legitima dederunt urbem
 ‘nuncupare, deditum populum Romanum vos tribuni dice-
 ‘retis, et hanc urbem, templa, delubra, fines, aquas, Sam-
 ‘nitium esse? Omitto deditionem, quoniam de sponsione
 ‘agitur. Quid tandem, si spopondissemus, urbem hanc
 ‘relicturum populum Romanum? si incensurum? si ma-
 ‘gistratus, si senatum, si leges non habiturum? si sub re-
 ‘gibus futurum? Dii meliora! inquis. Atqui non in-
 ‘dignitas rerum sponsionis vinculum levat. Si quid est,
 ‘in quod obligari populus possit, in omnia potest: et ne
 ‘illud quidem, quod quosdam forsitan moveat, refert, con-
 ‘sul, an dictator, an praetor spoponderit. Et hoc ipsi

3 *Tribunis plebis*] Apud Cic. de Off. iii. 30. “Eodemque tempore Tib. Numicius, Q. Maelius, qui tum tribuni plebis erant, quod eorum auctoritate pax erat facta, dediti sunt, ut pax Samnitium repudicaretur.” Mirum videtur quod tribuni, quibus pernoctare extra urbem minime fas erat, Samnitibus dediti fuerint, neque admodum probabile est, eos non nisi post Caudinam sponsionem tribunos

plebis factos fuisse, atque adhuc magistratum non cepisse, id quod quibusdam visum est. Haud scio an verisimilius sit, quod Niebuhrus placet, duos tribunos, ut postea moris erat, cum legatis ad Samnites missos esse, ut rei agenda auctores essent. cf. *infr.* 36. xxix. 20.

4 *Ut intercalatae poenae usuram*] h. e. Usuram plagarum pro intercalata et dilata poena.

U. C. 434. 'etiam Samnites iudicaverunt, quibus non fuit satis con-
 A. C. 318. 'sules spondere, sed legatos, quaestores, tribunos militum
 'spondere coegerunt. Nec a me nunc quisquam quae-
 'siverit, quid ita spoponderim? quum id nec consulis ius
 'esset; nec illis spondere pacem, quae mei non erat arbi-
 'trii, nec pro vobis, qui nihil mandaveratis, possem. Nihil
 'ad Caudium, Patres conscripti, humanis consiliis gestum
 'est. Dii immortales et vestris et hostium imperatoribus
 'mentem ademerunt. Nec nos in bello satis cavimus; et
 'illi male partam victoriam male perdiderunt, dum vix
 'locis, quibus vicerant, credunt, dum quacunque conditione
 'arma viris in arma natis auferre festinant. An, si sana
 'mens fuisset, difficile illis fuit, dum senes ab domo ad
 'consultandum arcessunt, mittere Romam legatos? cum
 'senatu, cum populo, de pace ac foedere agere? Tridui
 'iter expeditis erat. Interea in indutiis res fuisset, donec
 'ab Roma legati aut victoriam illis certam, aut pacem affer-
 'rent. Ea demum sponsio esset, quam populi iussu spo-
 'pondissemus. Sed neque vos tulissetis, nec nos spoPON-
 'dissemus: nec fas fuit alium rerum exitum esse, quam ut
 'illi, velut somnio laetiore, quam quod mentes eorum
 'capere possent, nequicquam eluderentur: et nostrum ex-
 'ercitum eadem, quae impedierat, fortuna expediret:
 'vanam victoriam vanior irritam faceret pax: sponsio in-
 'terponeretur, quae neminem, praeter sponsorem, obligaret.
 'Quid enim vobiscum, Patres conscripti, quid cum populo
 'Romano actum est? quis vos appellare potest? quis se a 5
 'vobis dicere deceptum? Hostis? an civis? Hosti nihil
 'spopondistis: civem neminem spondere pro vobis iussistis.
 'Nihil ergo vobis nec nobiscum est, quibus nihil man-
 'dastis; nec cum Samnitibus, cum quibus nihil egistis.
 'Samnitibus sponsores nos sumus: rei satis locupletes in 6
 'id, quod nostrum est; in id, quod praestare possumus,
 'corpora nostra et animos. In haec saeviant, in haec
 'ferrum, in haec iras acuunt. Quod ad tribunos attinet,
 'consulite, utrum praesens deditio eorum fieri possit, an in
 'diem differatur. Nos interim, T. Veturi, vosque ceteri,
 'vilis haec capita luendae sponsionis feramus, et nostro 7
 'supplicio liberemus Romana arma.'

10. Movit Patres conscriptos tum causa, tum auctor; nec

5 *Vos appellare*] Vos quodammodo in ius vocare, a vobis suo iure aliquid postulare. Eodem modo infra in oratione Pontii: *Sed quid ego te appello?* et, *Populum Romanum appello.* CREV.

6 *Rei satis locupletes*] Debitores idonei solvendo. *Reus* dicitur qui-

cunque debet: qui quid promisit spo-
 ponditve, quod praestare teneatur.
 Vid. Festum. CREV. cf. Cic. Ep. ad
 Att. xii. 17. *etsi reus locuples est.*

7 *Luendae sponsionis*] Ad fidem
 sponsionis nostrae solvendam: pro
 sponsionis malim sponsioni, quod ex-
 hibent nonnullae edd. vett. DOER.

ceteros solum, sed tribunos etiam plebei, ut se in senatus U. C. 434.
 dicerent fore potestate. Magistratu inde se extemplo abdi- A. C. 318.
 caverunt, traditique fetialibus cum ceteris Caudium du-
 cendi. Hoc facto senatusconsulto, lux quaedam affulsisse Sponsores
 civitati visa est. Postumius in ore erat: eum laudibus ad pacis de-
 coelum ferebant: devotioni P. Decii consulis, aliis claris duntur.
 facinoribus aequabant. ‘Emersisse civitatem ex obnoxia
 ‘pace illius consilio et opera: ipsum se cruciatibus et hos-
 ‘tium irae offerre, piaculaque pro populo Romano dare.’
 8 Arma cuncti spectant et bellum. ‘En unquam futurum,
 ‘ut congredi armatis cum Samnite liceat?’ In civitate,
 ira odioque ardente, delectus prope omnium voluntariorum
 fuit. Rescriptae ex eodem milite novae legiones, duc-
 tusque ad Caudium exercitus. Praegressi fetiales, ubi ad
 portam venere, vestem detrahi pacis sponsoribus iubent,
 manus post tergum vinciri. Quum apparitor verecundia
 maiestatis Postunium laxè vinciret, ‘Quin tu,’ inquit,
 ‘adducis lorum, ut iusta fiat deditio?’ Tum, ubi in coetum
 Samnitium et ad tribunal ventum Pontii est, A. Cornelius
 Arvina fetialis ita verba fecit: ‘Quandoque hice homines
 ‘iniussu populi Romani Quiritium foedus ictum iri spo-
 9 ‘ponderunt, atque ob eam rem noxam nocuerunt; ob eam
 ‘rem, quo populus Romanus scelere impio sit solutus, hosce
 ‘homines vobis dedo.’ Haec dicenti fetiali Postumius genu
 femur, quanta maxime poterat vi, perculit, et clara voce
 ait, ‘Se Samnitē civem esse, illum legatum; fetialem a
 1 ‘se contra ius gentium violatum; eo iustius bellum ge-
 ‘sturos.’ Tum Pontius, ‘Nec ego istam deditionem acci-
 ‘piam,’ inquit, ‘nec Samnites ratam habebunt. Quin tu, Pontii non
 ‘Sp. Postumi, si deos esse censes, aut omnia irrita facis, accipientis
 ‘aut pacto stas? Samniti populo omnes, quos in potestate deditionem
 ‘habuit, aut pro iis pax debetur. Sed quid ego te appello, oratio.
 ‘qui te captum victori, cum qua potes fide, restituis? Po-
 ‘pulum Romanum appello; quem si sponsionis ad Fur-
 ‘culas Caudinas factae poenitet, restituat legiones intra
 ‘saltum, quo saeptae fuerunt. Nemo quemquam dece-
 ‘perit: omnia pro infecto sint: recipiant arma, quae per
 ‘pactionem tradiderunt: redeant in castra sua. Quicquid
 ‘pridie habuerunt, quam in colloquium est ventum, ha-
 ‘beant. Tum bellum et fortia consilia placeant; tunc
 ‘sponsio et pax repudietur. Ea fortuna, iis locis, quae
 ‘ante pacis mentionem habuimus, geramus bellum: nec

8 *En unquam*] Nunquamne. Sic
 infr. x. 8. *En unquam fando audistis.*
 CREV.

9 *Noxam nocuerunt*] Culpam com-
 miserunt. CREV.

1 *A se contra ius gentium*] Similia
 solvendae fidei ludibria ap. Cie. Off.
 iii. 32, 33. exstant. cf. Niebhr. ii. n.
 125.

- U. C. 434. 'populus Romanus consulum sponsionem, nec nos fidem
A. C. 318. 'populi Romani accusemus. Nunquamne causa defiet,²
'cur victi pacto non stetis? Obsides Porsennae dedistis;³
'furto eos subduxistis: auro civitatem a Gallis redemistis;
'inter accipiendum aurum caesi sunt: pacem nobiscum
'pepigistis, ut legiones vobis captas restitueremus; eam
'pacem irritam facitis, et semper aliquam fraudi speciem
'iuris imponitis. Non probat populus Romanus igno-
'miniosa pace legiones servatas? Pacem sibi habeat, le-⁴
'giones captas victori restituat: hoc fide, hoc foederibus,
'hoc fetialibus caerimoniis dignum erat. Ut tu quidem,
'quod petisti, per pactionem habeas, tot cives incolumes;
'ego pacem, quam hos tibi remittendo pactus sum, non
'habeam: hoc tu, A. Corneli, hoc vos, fetiales, iuris gen-
'tibus dicitis? Ego vero istos, quos dedi simulatis, nec
'accipio, nec dedi arbitror; nec moror, quo minus in civi-
'tatem obligatam sponsione commissa, iratis omnibus diis,⁵
'quorum eluditur numen, redeant. Gerite bellum, quando
'Sp. Postumius modo legatum fetialem genu perculit. Ita
'dii credent, Samnitem civem Postumium, non civem Ro-⁶
'manum esse, et a Samnite Romanum legatum violatum:
'eo vobis iustum in nos factum esse bellum. Haec ludibria
'religionum non pudere in lucem proferre, et vix pueris
'dignas ambages senes ac consulares fallendae fidei ex-
'quirere? I, lictor, deme vincla Romanis: moratus sit
'nemo, quo minus, ubi visum fuerit, abeant.' Et illi
12. quidem, forsitan et publica, sua certe liberata fide, ab
Caudio in castra Romana inviolati redierunt. Samnitibus,
pro superba pace infestissimum cernentibus renatum bel-
lum, omnia, quae deinde venerunt, non in animis solum,⁷

2 *Defiet*] Deerit. A verbo *defieri*, *desfo*. Sigonius maluerat *deficiet*. Sed primae editiones, antiquissimus regionum codicum, Thuanæus, et duo e Gronovianis, *defiet*: idque probum est. Gronovius exempla allegat e Plaut. *Menaechm. Act. i. Sc. 4. neque defiat, neque supersit*: Rud. *Act. iv. Sc. 4. 63. ut defiat dies*. CREV.

3 *Cur victi pacto non stetis*] cf. Praeclarum malae fidei Romanorum in Numantinos editae exemplum quod ap. Plut. in Vit. Tib. Gracchi habemus.

4 *Pacem sibi habeat*] Pacem suo arbitrio habeat: de pace ad libitum statuatur, dummodo legiones captas nobis restituat. Nam qui dicit *tibi habe*, ut Ter. Phorm. ii. 3. 88. alterius arbitrio facit. DUK.

5 *Sponsione commissa*] Iuriscon-

sultorum verbum *committere*, et stipulatio *commissa* in Pandectis est ea, cuius conditio exstitit. Ita *sponsio commissa* erit ex qua aliquid debetur. DUK. *Sponsione commissa*, cui necessario [satisfaciendum] est, quoniam nos, altera pars, conditionem explevimus. ERN.

6 *Samnitem civem Postumium*] Hoc verbo tenus verum fuisse censet Niebhr. ii. p. 62. qui Caudinenses in *hospitio* supr. v. 50. cum Roma iunctos fuisse censet, atque idcirco Postumium, mutata civitate, *inquinum civem* Caudii factum fuisse. cf. Velleius i. 14. ii. 1. Sed haec omnia, vix pueris dignas ambages, missas faciamus.

7 *Venerunt*] h. e. Evenerunt. Sic infr. x. 45. *si quid adversi venisset*. STROTH.

sed prope in oculis esse: et sero ac nequicquam laudare U. C. 434.
senis Pontii utraque consilia; inter quae se media lapsos A. C. 318.
victoriae possessionem pace incerta mutasse, et, beneficii et
maleficii occasione amissa, pugnatos cum iis, quos po-
tuerint in perpetuum vel inimicos tollere, vel amicos facere.
Adeoque, nullodum certamine inclinatis viribus, post Cau-
dinam pacem animi mutaverant, ut clariorem inter Ro-
manos deditio Postumium, quam Pontium incruenta vi-
ctoria inter Samnites, faceret: et geri posse bellum Romani
pro victoria certa haberent; Samnites simul rebellasse et
vicisse crederent Romanum.

8 Inter haec Satricani ad Samnites defecerunt, et Fregellae
colonia necopinato adventu Samnitium (fuisse et Satricanos
cum iis satis constat) nocte occupata est. Timor inde
mutuus utrosque usque ad lucem quietos tenuit: lux
pugnae initium fuit; quam aliquamdiu aequam, et quia
pro aris ac focis dimicabatur, et quia ex tectis adiuuabat
imbellis multitudo, tamen Fregellani sustinuerunt. Fraus
deinde rem inclinavit, quod vocem audiri praconis passi
sunt: 'Incolumem abiturum, qui arma posuisset.' Ea spes
remisit a certamine animos, et passim arma iactari coepta.
Pertinacior pars armata per aversam portam erupit; tu-
tiorque iis audacia fuit, quam incantus ad credendum cete-
ris pavor: quos circumdatos igni, nequicquam deos fidemque
invocantes, Samnites concremaverunt.

Consules, inter se partiti provincias, Papirius in Apuliam
9 ad Luceriam pergit, ubi equites Romani obsides ad Cau-
dium dati custodiebantur: Publilius in Samnio substitit
2 adversus Caudinas legiones. Distendit ea res Samnitium
animos; quod nec ad Luceriam ire, ne ab tergo instaret
hostis, nec manere, ne Luceria interim amitteretur, satis
audebant. Optimum visum est committere rem fortunae,
et transigere cum Publilio certamen. Itaque in aciem
copias educunt. Adversus quos Publilius consul quum
dimicaturus esset, prius alloquendos milites ratus, con-
cionem advocari iussit. Ceterum sicut ingenti alacritate
ad praetorium concursus est, ita prae clamore poscentium
pugnam nulla adhortatio imperatoris audita est. Suus

13.

Proelio vin-
cuntur
Samnites a
Publilio.

8 *Satricani*] Satricum antiquitus
ex triginta oppidis Latinis erat: post-
ea Volscorum vel Aequorum factum
est. Quo autem tempore Satricani
cives Romani facti fuerint, infr. 16.
noster dicere omisit.

9 *Ad Luceriam*] Supr. 2. ante Cau-
dinam pacem Lucerin dicebantur boni
fidelesque Romanorum socii. Sed ni-
mirum intelligendum est eos postea

in Samnitium potestatem venisse,
quamvis id Livius non memoraverit.
Crev.

1 *Equites Romani*] Qui, ut monet
Appianus p. 51. tanquam *δυναμεις*
απας ο δειμος επιψηφισθη, a Romanis
traditi erant.

2 *Caudinas legiones*] Samnitium
exercitum, qui ad Caudium rem ges-
serat. Crev.

U. C. 434. cuique animus memor ignominiae adhortator aderat. Vau-
 A. C. 318. dunt igitur in proelium urgentes signiferos: et, ne mora in
 concursu pilis emittendis stringendisque inde gladiis esset,
 pila, velut dato ad id signo, abiiciunt, strictisque gladiis
 cursu in hostem feruntur. Nihil illic imperatoriae artis
 ordinibus aut subsidiis locandis fuit: omnia ira militaris
 prope vesano impetu egit. Itaque non fusi modo hostes
 sunt; sed, ne castris quidem suis fugam impedire ausi,
 Apuliam dissipati petiere: Luceriam tamen, coacto rursus
 in unum agmine, est perventum. Romanos ira eadem,
 quae per mediam aciem hostium tulerat, et in castra per-
 tulit. Ibi plus, quam in acie, sanguinis ac caedis factum,
 praedaeque pars maior ira corrupta.

Exercitus alter cum Papirio consule locis maritimis per-
 venerat Arpos per omnia pacata, Samnitium magis iniuriis³
 et odio, quam beneficio ullo populi Romani. Nam Sam-
 nites, ea tempestate in montibus vicatim habitantes, cam-⁴
 pestria et maritima loca, contempto cultorum molliore at-
 que, ut evenit fere, locis simili genere, ipsi montani atque
 agrestes depopulabantur. Quae regio si fida Samnitibus
 fuisset, aut pervenire Arpos exercitus Romanus nequisset,
 aut interiecta inter Romam et Arpos, penuria rerum om-⁵
 nium, exclusos a commeatibus absumpsisset. Tum quoque⁶
 profectos inde ad Luceriam, iuxta obsidentes obsessosque,
 inopia vexavit. Omnia ab Arpis Romanis suppeditaban-
 tur; ceterum adeo exigue, ut militi, occupato stationibus
 vigiliisque et opere, eques folliculis in castra ab Arpis fru-
 mentum veheret; interdum occursu hostium cogeretur,
 abiecto ex equo frumento, pugnare. Et obsessis prius,
 quam alter consul victore exercitu advenit, et commeatus
 ex montibus Samnitium invecti erant, et auxilia intromissa.
 Artiora omnia adventus Publilii fecit; qui, obsidione dele-
 gata in curam collegae, vacuus per agros cuncta infesta
 commeatibus hostium fecerat. Itaque quum spes nulla
 esset, diutius obsessos inopiam laturos, coacti Samnites, qui
 ad Luceriam castra habebant, undique contractis viribus,
 signa cum Papirio conferre.

Papirius
 obsidet Lu-
 ceriam.

14. Per id tempus, parantibus utrisque se ad proelium, legati

³ *Arpos*] Hanc Dauniae urbem, olim Argyrippam, a Diomede condi- tam fuisse traditum est, quod ex num- mis quoque apparet. Hoc autem tem- pore Dauniae urbes seditione inter sese laborabant, et partibus aliis aliae favebant. Arpini in Romanorum fide usque ad bellum Punicum secundum manebant. Niebhr. i. n. 473.

⁴ *Vicatim*] Id quod apud Graecos

κατὰ κόμας dicitur.

⁵ *Aut interiecta*] h. e. Aut saltem, postquam Romani Arpos pervene- rant, interiecta inter Romam et Ar- pos, ne commeatus a Roma subveni- rent, facile prohibuisset.

⁶ *Tum quoque*] Atque etiam licet, ut modo diximus, regio illa fida non esset Samnitibus, sed pacata Roma- nis. CREV.

Tarentini interveniunt, denuntiantes Samnitibus Romanis-^{U. C. 434.}
 que, ut bellum omitterent: per utros stetisset, quo minus^{A. C. 318.}
 discederetur ab armis, adversus eos se pro alteris pugna-
 turos. Ea legatione Papirius audita, perinde ac motus
 dictis eorum, cum collega se communicaturum respondit:
 accitoque eo, quum tempus omne in apparatu consump-
 7 sisset, collocutus de re haud dubia, signum pugnae pro-
 posuit. Agentibus divina humanaque, quae assolent,
 quum acie dimicandum est, consulibus, Tarentini legati
 occursare, responsum exspectantes; quibus Papirius ait:
 ‘Auspicia secunda esse, Tarentini, pullarius nuntiat. Li-
 ‘tatum praeterea est egregie. Auctoribus diis, ut videtis,
 ‘ad rem gerendam proficiscimur.’ Signa inde ferri iussit,
 et copias eduxit, vanissimam increpans gentem, quae,
 suarum impotens rerum prae domesticis seditionibus dis-
 cordisque, aliis modum pacis ac belli facere aequum cen-
 seret. Samnites ex parte altera, quum omnem curam
 belli remisissent, quia aut pacem vere cupiebant, aut ex-
 pediebat simulare, ut Tarentinos sibi conciliarent, quum
 instructos repente ad pugnam Romanos conspexissent, vo-
 8 ciferari, ‘se in auctoritate Tarentinorum manere, nec de-
 ‘scendere in aciem, nec extra vallum arma ferre. Deceptos
 ‘potius, quodcunque casus ferat, passuros, quam ut spre-
 ‘visse pacis auctores Tarentinos videantur. Accipere se
 ‘omen,’ consules aiunt, ‘et eam precari mentem hostibus,
 ‘ut ne vallum quidem defendant.’ Ipsi, inter se partitis^{Iterum vin-}
 copiis, succedunt hostium munimentis, et, simul undique^{cuntur}
 adorti, quum pars fossas explerent, pars vellerent vallum,^{Samnites a}
 atque in fossas proruerent, nec virtus modo insita, sed ira^{Coss.}
 etiam, exulceratos ignominia stimulare animos, castra
 invasere: et pro se quisque, ‘non haec furculas, nec Cau-
 ‘dium, nec saltus invios esse, ubi errorem fraus superbe
 ‘vicisset; sed Romanam virtutem, quam nec vallum, nec
 ‘fossae arcerent,’ memorantes, caedunt pariter resistentes
 fusosque, inermes atque armatos, servos, liberos, puberes,
 inpuberes, homines, iumenta: nec ullum superfuisset
 animal, ni consules receptui signum dedissent, avidosque
 caedis milites e castris hostium imperio ac minis expulis-
 sent. Itaque apud infensos ob interpellatam dulcedinem
 irae confestim oratio habita est, ut doceretur miles, ‘mi-
 ‘nime cuiquam militum consules odio in hostes cecisse,
 ‘aut cessuros: quin duces, sicut belli, ita insatiabilis sup-
 ‘plicii, futuros fuisse, ni respectus equitum sexcentorum,
 ‘qui Luceriae obsides tenerentur, praepedisset animos: ne

7 *Signum pugnae*] Tunicam pur-
 puream. Vid. not. ad vi. 12.

8 *Se in auctoritate Tarentinorum*

manere] Se Tarentinis pacis auctori-
 bus, pacem suadentibus, usque obse-
 qui velle. CREV.

U. C. 434. 'desperata venia hostes caecos in supplicia eorum ageret,
A. C. 318. 'perdere prius, quam perire, optantes.' Laudare ea milites, laetarique obviam itum irae suae esse, ac fateri, omnia patienda potius, quam proderetur salus tot principum Romanae iuventutis.

15. Dimissa concione, consilium habitum, omnibusne copiis Luceriam premerent, an altero exercitu et duce Apuli circa, gens dubiae ad id voluntatis, tentarentur. Publilius consul, ad peragrandam profectus Apuliam, aliquot expeditione una populos aut vi subegit, aut conditionibus in societatem accepit. Papirio quoque, qui obsessor Luceriae restiterat, brevi ad spem eventus respondit. Nam, insessis omnibus viis, per quas commeatus ex Samnio subvehebantur, fame domiti Samnites, qui Luceriae in praesidio erant, legatos misere ad consulem Romanum, ut, receptis equitibus, qui causa belli essent, absisteret obsidione. His Papirius ita respondit: 'Debuisse eos Pontium, Herennii filium, quo 'auctore Romanos sub iugum misissent, consulere, quid 'victis patiendum censeret. Ceterum, quoniam ab hostibus 'in se aequa statui, quam in se ipsi ferre, maluerint, nuntiare Luceriam' iussit, 'arma, sarcinas, iumenta, multitudinem omnem imbellem intra moenia relinquerent: militem 'se cum singulis vestimentis sub iugum missurum, ulciscem illatam, non novam inferentem ignominiam.' Nihil recusatum. Septem millia militum sub iugum missa, praedaeque ingens Luceriae capta, receptis omnibus signis armisque, quae ad Caudium amiserant; et, quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subita rerum clarior victoria populi Romani est: siquidem etiam (quod quibusdam in annalibus invenio) Pontius, Herennii filius, Samnitium imperator, ut expiaret consulum ignominiam, sub iugum cum ceteris est missus. Ceterum id minus miror, obscurum esse de hostium duce dedito missoque sub iugum: id magis mirabile est, ambigi, Luciusne Cornelius dictator cum L. Papirio Cursore, magistro equitum, eas res ad Caudium, atque inde Luceriam gesserit, ultorque unicus Romanae ignominiae, haud sciam an iustissimo triumpho ad eam aetatem secundum Furium Camillum, triumphaverit; an consulum Papiriique praecipuum id decus sit. Sequitur hunc errorem alius error, Cursorne Papirius proximis comitiis cum Q. Aulio Cerretano iterum, ob rem bene gestam Luceriae continuato

Luceria
capta.

Sub iugum
missi Sam-
nites.

9 Q. Aulio Cerretano iterum] Aulium in quibusdam annalibus consulem cum C. Sulpicio reperiri supra

observavit Livius viii. 37. Eos annales hic sequitur, dum Aulium consulem iterum scribit. CREV.

magistratu, consul tertium creatus sit; an L. Papirius U. C. 435.
Mugillanus, et in cognomine erratum sit. A. C. 317.

Convenit, iam inde per consules reliqua belli perfecta. III. Q. Au-
1 Aulius cum Forentanis uno secundo proelio debellavit; lio II. Coss.
urbemque ipsam, quo se fusa contulerat acies, obsidibus 16.
imperatis, in deditionem accepit. Pari fortuna consulum
alter cum Satricanis, qui cives Romani post Caudinam
cladem ad Samnites defecerant, praesidiumque eorum in
urbem acceperant, rem gessit. Nam quum ad moenia
Satrici admotus esset exercitus, legatisque, missis ad pacem
cum precibus petendam, triste responsum ab consule red-
ditum esset, 'nisi praesidio Samnitium interfecto aut tradito,
'ne ad se remearent;' plus ea voce, quam armis illatis,
terroris colonis iniectum. Itaque subinde exsequentes
quaerendo a consule legati, quonam se pacto paucos et in-
firmos crederet praesidio tam valido et armato vim allaturos,
ab iisdem consilium petere iussi, quibus auctoribus prae-
sidium in urbem accepissent, discedunt: acgreque impe-
trato, ut de ea re consuli senatum, responsaque ad se referri
sineret, ad suos redeunt. Duae factiones senatum distine-
bant; una, cuius principes erant defectionis a populo Ro-
mano auctores; altera fidelium civium. Certatum ab
utrisque tamen est, ut ad reconciliandam pacem consuli
opera navaretur. Pars altera, quum praesidium Samnitium,
quia nihil satis praeparati erat ad obsidionem tolerandam,
2 excessurum proxima nocte esset, enuntiare consuli satis
habuit, qua noctis hora, quaque porta, et quam in viam
egressurus hostis foret: altera, quibus invitis descitum ad
Samnites erat, eadem nocte portam etiam consuli aperue-
3 runt, armatosque clam hostes in urbem accēperunt. Ita
duplici proditione et praesidium Samnitium, insessis circa
viam silvestribus locis, necopinato oppressum est, et ab urbe
plena hostium clamor sublatus; momentoque unius horae
caesus Samnis, Satricanus captus, et omnia in potestate con-
sulis erant. Qui, quaestione habita, quorum opera defectio
esset facta, quos fontes comperit, virgis caesos securi per-
cussit: praesidioque valido imposito, arma Satricanis ademit.

1 *Forentanis*] Hoc ex coniectura Gronovii reposuit Bekker., pro *Forentanis*, quod Crev. admisit, qui eosdem fuisse arbitratur *Forentanos* et *Forentanos*, a *Ferento* sive *Forento* Apuliae oppido. Horat. Od. iii. 4. *Ferentum* appellat. cf. infr. 20. ubi de *Forento* *valido oppido* noster loquitur.

2 *Enuntiare*] Hoc verbum proprie dicitur de his qui arcana produnt: sic infr. xxxix. 10. *Si evacta caritate eius, silenda enuntiasset.* CREV.

3 *Armatosque clam hostes in urbem accēperunt*] Hi *hostes* intelligendi sunt ipsi Romani, oppugnatores urbis, qui et paullo infra eodem nomine designantur. *ab urbe plena hostium*, nempe Romanorum. Totum hoc membrum, quo carebant vulgo editi, primus addidit Galenus. Sed liber eius habuit *clam hoste*, quod interpretis licet *clam* Samnite, *hoste* Romanorum. CREV.

U. C. 435.
A. C. 317.

Papirii
Cursoris
laudes.

Inde ad triumphum decessisse Romam Papirium Cursorem ⁴ scribunt, qui eo duce Luceriam receptam, Samnitesque sub iugum missos auctores sunt. Et fuit vir haud dubie dignus omni bellica laude, non animi solum vigore, sed etiam corporis viribus excellens. Praecipua pedum pernecitas inerat, quae cognomen etiam dedit: victoremque cursu omnium aetatis suae fuisse ferunt: et, seu virium vi, seu exercitatione multa, cibi vinique eundem capacissimum: nec cum ullo ⁵ asperiores, quia ipse invicti ad laborem corporis esset, fuisse militiam pediti pariter equitque. Equites etiam aliquando ausos ab eo petere, ut sibi pro re bene gesta laxaret aliquid laboris: quibus ille, 'Ne nihil remissum dicatis, remitto,' inquit, 'ne utique dorsum demulceatis, quum ex equis descendetis.' Et vis erat in eo viro imperii ingens pariter in socios civesque. Praenestinus praetor per timorem segnius ex subsidiis suos duxerat in primam aciem. Quem quum inambulans ante tabernaculum vocari iussisset, lictorem expedire securim iussit. Ad quam vocem exanimi stante Praenestino, 'Agedum, lictor, excide radicem hanc,' inquit, 'incommodam ambulantibus:' perfusumque ultimi supplicii metu, multa dicta, dimisit. Haud dubie illa aetate, qua nulla virtutum feracior fuit, nemo unus erat vir, quo magis innisa res Romana staret. Quin eum parem de- ⁶ stinant animis Magno Alexandro ducem, si arma, Asia perdomita, in Europam vertisset.

17.

Disputatio
de Alexan-
dro M. et
Romanis.

Nihil minus quaesitum a principio huius operis videri ⁷ potest, quam ut plus iusto ab rerum ordine declinarem; varietatibusque distinguendo opere, et legentibus velut deverticula amoena, et requiem animo meo quaererem: tamen tanti regis ac ducis mentio, quibus saepe tacitis cogi-

⁴ *Cursorem*] Hic ita loquitur noster, tanquam huic primum Papirio cognomen Cursoris inditum esset: contra avo huius Papirii idem cognomen fuisse videmus, *supr. vi. 11*. Haud scio an Livius voluerit dicere, Cursoris cognomen, quod maiores iam obtinuerant, pedum pernecitatem huic Papirio confirmasse, quemadmodum in gentis Manliae cognomine *Capitolino* accidisse vidimus, *supr. v. 31*.

⁵ *Vinique*] cf. Dio. Exc. Vat. 39, ubi Papirius seipsum excusat, quod propter somni capiendi difficultatem, vinum, quo consopiat, meracius sumat.

⁶ *Destinant*] *Destinarant* vett. edd. quod immerito Muretus alique critici improbaverunt, tanquam Livius Romanos, quibus Alexandrum ne fama quidem notum fuisse *infr. 18*. scri-

bit, hic Papirium parem Alexandro ducem destinavisse animis dixerit. Equidem censeo, si modo codicum fide confirmatum fuerit, nullam in hoc verbo difficultatem inesse, quippe Grammatici centies docuerunt, indicativum plusquamperfecti modum pro eiusdem subiunctivo aliquoties poni. cf. Ruhnken. Opusc. i. p. 402. cf. *infr. xli. 24. divinatum etiam, quae futura fuerant, si Philippus vivisset*. Sed haud dubie *destinant* codd. opt. prae se ferunt.

⁷ *Nihil minus quaesitum*] In hanc digressionem de Alexandro Magno Livius declinavit, quod hoc anno illum vita excessisse credebatur; verum si rationem temporum habuerimus, Alexandrum Ol. 114. 1. obiisse, hunc vero annum cum Ol. 115. 3. congruere reperiemus. cf. Niebhr. ii. n. 1253.

tationibus volutavit animum, eas evocat in medium; ut quaerere libeat, quinam eventus Romanis rebus, si cum Alexandro foret bellatum, futurus fuerit. Plurimum in bello pollere videntur militum copia et virtus, ingenia imperatorum, fortuna per omnia humana, maxime in res bellicas, potens. Ea, et singula intuenti et universa, sicut ab aliis regibus gentibusque, ita ab hoc quoque, facile praestant invictum Romanum imperium. Iam primum, ut ordiar ab ducibus comparandis, haud equidem abnuo, egregium ducem fuisse Alexandrum; sed clariorem tamen cum facit, quod unus fuit, quod adolescens in incremento rerum, nondum alteram fortunam expertus, decessit. Ut alios reges claros ducesque omittam, magna exempla casuum humanorum; Cyrum, quem maxime Graeci laudibus celebrant, quid, nisi longa vita, sicut Magnum modo Pompeium, vertenti praebuit fortunae? Recenseam duces Romanos, nec omnes omnium aetatum, sed ipsos eos, cum quibus consulibus aut dictatoribus Alexandro fuit bellandum; M. Valerium Corvum, C. Marcium Rutilum, C. Sulpicium, T. Manlium Torquatum, Q. Publilium Philonem, L. Papirium Cursorem, Q. Fabium Maximum, duos Decios, L. Voluminium, M. Curium. Deinceps ingentes sequuntur viri, si Punicum Romano praevertisset bellum, seniorque in Italiam traieccisset. Horum in quolibet tum indoles eadem, quae in Alexandro erat, animi ingenique; tum disciplina militaris, iam inde ab initiis urbis tradita per manus, in artis perpetuis praeceptis ordinatae modum venerat. Ita reges gesserant bella; ita deinde exactores regum Iunii Valeriique; ita deinceps Fabii, Quinctii, Corneli; ita Furius Camillus, quem iuvenes ii, quibus cum Alexandro dimican-

Alexandri
et ducum
Rom. colla-
tio.

8 *Quod unus fuit*] Quod solus sine collega res gessit. Intuetur Livius Romanos duces, quibus additi collegae aut partem laudis detrahebant, aut etiam impedimentum rebus gerendis afferebant. Vide ea quae in hanc sententiam disputat noster infr. 18. CREV.

9 *Cyrum*] Sequitur hic Livius Herodotum, apud quem Cyrus a Tomyri Massagetarum regina victus caesusque est. Sed de variis veterum super Cyri morte sententiis Bosius ad Cornelii Nepotis verba xxi. (s. de Regibus) i. § 2. *prior horum* (i. e. *Cyrus*) *apud Massagetas in proelio cecidit*: haec posuit; "In proelio contra Scythas sive Massagetas cum cecidisse, etiam Herodotus i. 214. Polyaeus viii. Iustinus i. 8. et Val. Max. i. 10. scribunt," (adde Syncelli Chronogr.

p. 188. Eusebii Chronic. p. 49.) "sed in acie captum et cruci affixum Diodorus ii. 44. Aliter item Xenophon viii. et Ctesias de Persicis, qui in acie saucium elatum et in castris suis mortuum aiunt, postquam filiis praecepta dedisset. Rursus aliter Ioannes Malela et Lucianus libro de Longaevis. Vide Usserii Annal. V. T. p. 140 et 149." Quibus haec adiecit Van Staveren: "Adde T. Hemsterh. ad Lucian. i. p. 608, 609, et Wesseling. ad Diodori locum et ad Herodoti i. 214. cf. etiam Ctesiae Reliq. a Baehr. p. 112.

1 *Si Punicum*] Si Alexander prius cum Poenis bellum, quam cum Romanis, gessisset.

2 *Quem iuvenes ii*] Quem ii quibuscum Alexandro bellandum erat, iuvenes senem viderant.

U. C. 435. dum erat, senem viderant. Militaria opera pugnando
 A. C. 317. obeunti Alexandro (nam ea quoque haud minus clarum eum
 faciunt) cessisset videlicet in acie oblatus par Manlius Tor-
 quatus, aut Valerius Corvus, insignes ante milites, quam
 duces: cessissent Decii, devotis corporibus in hostem
 ruentes: cessisset Papirius Cursor, illo corporis robore, illo
 animi: victus esset consiliis iuvenis unius, ne singulos
 nominem, senatus ille, quem qui 'ex regibus constare' dixit,³
 unus veram speciem Romani senatus cepit. Id vero erat⁴
 periculum, ne sollertius, quam quilibet unus ex iis, quos
 nominavi, castris locum caperet, commeatus expediret, ab
 insidiis praecaveret, tempus pugnae deligeret, aciem in-
 strueret, subsidiis firmaret. Non cum Dario rem esse dix-
 isset: quem, mulierum ac spadonum agmen trahentem,
 inter purpuram atque aurum, oneratum fortunae apparatus
 suae, praedam verius, quam hostem, nihil aliud quam bene
 ausus vana contemnere, incruentus devicit. Longe alius
 Italiae, quam Indiae, per quam temulento agmine comis-
 sabundus incessit, visus illi habitus esset, saltus Apuliae ac
 montes Lucanos cernenti et vestigia recentia domesticae
 cladis, ubi avunculus eius nuper Epiri rex Alexander
 18. absumptus erat. Et loquimur de Alexandro nondum
 merso secundis rebus, quarum nemo intolerantior fuit.
 Qui, si ex habitu novae fortunae novique, ut ita dicam,
 ingenii, quod sibi victor induerat, spectetur, Dario magis
 similis, quam Alexandro, in Italiam venisset, et exercitum
 Macedoniae oblitum degenerantemque iam in Persarum
 mores adduxisset. Referre in tanto rege piget superbam
 mutationem vestis, et desideratas humi iacentium adula-
 tiones, etiam victis Macedonibus graves, nedum victoribus;⁵
 et foeda supplicia, et inter vinum et epulas caedes amico-⁶
 rum, et vanitatem ementiendae stirpis. Quid, si vini amor
 in dies fieret acrior? quid, si trux ac praefervida ira? (nec
 quicquam dubium inter scriptores refero) nullane haec
 damna imperatoriis virtutibus ducimus? Id vero periculum
 erat, quod levissimi ex Graecis, qui Parthorum quoque
 contra nomen Romanum gloriae favent, dictitare solent, ne
 maiestatem nominis Alexandri, quem ne fama quidem illis⁷
 notum arbitror fuisse, sustinere non potuerit populus Ro-

3 *Quem qui ex regibus*] Cineas ni-
 mirum, Pyrrhi regis legatus.

4 *Veram speciem Romani senatus
 cepit*] Vera sub imagine Romanum
 senatum sibi exhibuit: veram sena-
 tus Romani notionem assecutus est.
 Sic Horat. Sat. ii. 3. 208. *Qui spe-
 cies alias veris . . . capiet*: id est,
 qui imagines rerum, sive notiones sibi

finget diversas a veris. CREV.

5 *Etiā victis Macedonibus gra-
 ves*] Quas Macedones, etiamsi victi
 fuissent, gravate tulissent, nedum eas
 tolerare possent victores. CREV.

6 *Caedes amicorum*] Cliti scilicet,
 et Callisthenis, necnon Parmenionis.

7 *Quem ne fama quidem illis no-
 tum*] Contra Arrian. vii. 15. cuius

manus, et, adversus quem Athenis, in civitate fracta Macedonum armis, cernente tum maxime prope fumantes Thebarum ruinas, concionari libere ausi sint homines, (id quod ex monumentis orationum patet) adversus eum nemo ex tot proceribus Romanis vocem liberam missurus fuerit. Quantalibet magnitudo hominis concipiatur animo, unius tamen ea magnitudo hominis erit, collecta paullo plus decem annorum felicitate: quam qui eo extollunt, quod populus Romanus, etsi nullo bello, multis tamen proeliis victus sit, Alexandro nullius pugnae non secunda fortuna fuerit; non intelligunt, se unius hominis res gestas, et eius iuvenis, cum ^{Fortunae Alexandri collatio cum fortuna P. Rom.} 8 populi iam octingentesimum bellantis annum rebus conferre. 9 Miremur, si, quum ex hac parte saecula plura numerentur, 1 quam ex illa anni, plus in tam longo spatio, quam in aetate tredecim annorum, fortuna variaverit? Quin tu hominis cum homine, et ducis cum duce, fortunam cum fortuna confers? Quot Romanos duces nominem, quibus nunquam adversa fortuna pugnae fuit? Paginas in annalibus magistratum fastisque percurrere licet, consulum, dictatorumque, quorum nec virtutis, nec fortunae ullodie populum Romanum poenituit. Et, quo sint mirabiliores, quam Alexander aut quisquam rex, denos vicenosque dies quidam dictaturam, nemo plus quam annum consulatum gessit: ab tribunis plebis delectus impediti sunt: post tempus ad bella ierunt: ante tempus comitiorum causa revocati sunt: in ipso conatu rerum circumegit se annus: collegae nunc temeritas, nunc pravititas, impedimento aut damno fuit: male gestis rebus alterius successum est: tironem aut mala disciplina institutum exercitum acceperunt. At, herecule, reges non liberi solum impedimentis omnibus, sed domini rerum temporumque, 2 trahunt consiliis cuncta, non sequuntur. Invictus ergo Alexander cum invictis ducibus bella gessisset, et eadem fortunae pignora in discrimen detulisset. Imo etiam eo plus periculi subisset, quod Macedones unum Alexandrum habuissent, multis casibus non solum obnoxium, sed etiam

verba Aristobulus et Ptolemaeus confirmant, legatos Bruttienarium, Lucanorum, et Tyrrenorum ex Italia, Carthaginensium quoque atque Hispanorum, ad Alexandrum apud Babylonem convenisse scribit. cf. Strab. v. p. 232. qui Antiatribus latrocinia sua maritima Alexandrum exprobasse, atque captos quosdam piratas Romanis remisisse narrat. Chitarchus quoque legatos Romanorum ad Alexandrum missos esse scribit, id quod Plinius nullus dubitat.

8 *Iam octingentesimum*] Suam ac-

tatem hic respexit noster, qui circa an. 735. U. C. haec scribebat, et haud dubie scriptores quosdam aequales suos hic perstrinxit. *Quingentesimum* reponendum censet Rupertus.

9 *Saecula plura*] h. e. Aetates hominum, quae triginta annos continent.

1 *In aetate tredecim annorum*] Annos, in quibus bellum gesserat Alexander, noster intelligit.

2 *Trahunt consiliis*] cf. Dobr. Adv. i. p. 362. Demosth. Phil. i. p. 51. Olynth. i. p. 10.

U. C. 435. offerentem se: Romanis multi fuissent, Alexandro, vel
 A. C. 317. gloria, vel rerum magnitudine, pares; quorum suo quisque 3
 fato, sine publico discrimine, viveret morereturque.

19. Restat, ut copiae copiis comparentur vel numero, vel
 Collatio co- militum genere, vel multitudine auxiliorum. Censebantur
 piarum. eius actatis lustris ducena quinquagena millia capitum.
 Itaque, in omni defectione sociorum Latini nominis, urbano 4
 prope delectu decem scribebantur legiones: quaterni quini-
 que exercitus saepe per eos annos in Etruria, in Umbria,
 Gallis hostibus adiunctis, in Samnio, in Lucanis gerebant
 bellum. Latium deinde omne cum Sabinis, et Volscis, et
 Aequis, et omni Campania, et parte Umbriae Etruriaequae,
 et Picentibus, et Marsis, Pelignisque, ac Vestinis atque
 Apulis, adiunctaque omni ora Graecorum inferi maris a
 Thuriis Neapolim et Cumas, et inde Antio atque Ostiis
 tenus Samnites, aut socios validos Romanis, aut fractos
 bello invenisset hostes. Ipse traiecisset mare cum veteranis
 Macedonibus, non plus triginta millibus hominum et quat-
 tuor millibus equitum, maxime Thessalorum. Hoc enim
 roboris erat. Persas, Indos, aliasque si adiunxisset gentes, 5
 impedimentum maius, quam auxilium, traheret. Adde,
 quod Romanis ad manum domi supplementum esset:
 Alexandro, (quod postea Hannibali accidit) alieno in agro
 bellanti, exercitus consenuisset. Arma, clipeus sarissaeque 6
 illis; Romano scutum, maius corpori tegumentum, et pilum,
 haud paullo, quam hasta, vehementius ictu missuque telum.
 Statarius uterque miles, ordines servans: sed illa phalanx
 immobilis, et unius generis: Romana acies distinctior, ex
 pluribus partibus constans; facilis partienti, quacunque
 opus esset, facilis iungenti. Iam in opere quis par Romano
 miles? quis ad tolerandum laborem melior? Uno proelio
 victus Alexander, bello victus esset. Romanum, quem
 Caudium, quem Cannae non fregerunt, quae fregisset acies?
 Nae ille saepe, etiamsi prima prospere evenissent, Persas et
 Indos et imbellem Asiam quaesisset, et cum feminis sibi
 bellum fuisse dixisset: quod Epiri regem Alexandrum,
 mortifero vulnere ictum, dixisse ferunt, sortem bellorum in 7

3 *Suo quisque fato*] Prout sua cui-
 que sors tulisset, viveret moreretur-
 que, salute reipublicae incolumi.

4 *Sociorum Latini nominis*] h. e.
 Sociorum, sc. Italicorum, et Latini
 nominis, quippe *nomen Latinum* idem
 quod populi Latini. cf. infr. xxvi. 15.
 Niebhr. ii. n. 150.

5 *Persas, Indos*] Niebuhrio aliter
 placet, qui gentes Italicas minime ad-
 versus Alexandrum consensuras, ne-

que Romam, utpote quae A. Pyrro
 tantum non labefactata fuerit, con-
 tra hostem Macedonicum suffecturam
 censet: quinetiam Alexandrum Afri-
 canos et Hispanos veteranis suis ad-
 iunctos in Italiam transmissurum fu-
 isse.

6 *Sarissaeque*] Hastae praelongae,
 tela phalangis Macedonicae propria,
 quae iactu inhabiles essent.

7 *Sortem bellorum*] In hac re quo-

Asia gestorum ab hoc ipso iuvene cum sua conferentem. U. C. 435.
 Equidem, quum per annos quattuor et viginti primo Punico A. C. 317.
 bello classibus certatum cum Poenis recorder, vix aetatem
 Alexandri suffecturam fuisse reor ad unum bellum. Et
 forsitan, quum et foederibus vetustis iuncta Punica res
 Romanae esset, et timor par adversus communem hostem
 duas potentissimas armis virisque urbes armaret, simul
 Punico Romanoque obrutus bello esset. Non quidem
 Alexandro duce, nec integris Macedonum rebus, sed ex-
 perti tamen sunt Romani Macedonem hostem adversus
 Antiochum, Philippum, Persen, non modo cum clade ulla,
 8 sed ne cum periculo quidem suo. Absit invidia verbo, et
 9 civilia bella sileant, nunquam ab equite hoste, nunquam a
 1 pedite, nunquam aperta acie, nunquam aquis, utique nun-
 2 quam nostris locis laboravimus. Equitem, sagittas, saltus
 impeditos, avia com meatibus loca gravis armis miles timere
 potest: mille acies, graviore quam Macedonum atque
 Alexandri, avertit, avertetque; modo sit perpetuus huius,
 qua vivimus, pacis amor et civilis cura concordiae.

M. Foslius Flaccinator inde et L. Plautius Venno consules 20.
 facti. Eo anno ab frequentibus Samnitium populis de foc- U. C. 436.
 dere renovando legati, quum senatum humi strati movissent, A. C. 316.
 reiecti ad populum haudquaquam tam efficaces habebant M. Foslio,
 preces. Itaque, foedere negato, indutiae biennii, quum per L. Plautio
 aliquot dies fatigassent singulos precibus, impetratae. Et
 ex Apulia Teanenses Canusinique populationibus fessi, ob-
 sidibus L. Plautio consuli datis, in deditionem venerunt.
 3 Eodem anno primum praefecti Capuae creari coepti, legibus

que peiorem, quod neminem praeco-
 nem rerum in Italia gestarum adeptus
 fuerit.

8 *Absit invidia verbo*] Formula de-
 precantis, ne ex nimia suae felicitatis
 praedicatione malum aliquid oriretur.

9 *Civilia bella sileant*] De civili-
 bus bellis non fiat mentio. CREV.

1 *Nunquam ab equite*] Haec verba
 non possunt eo exponi sensu, ut Ro-
 mani nunquam ab equitatu pedita-
 tute hostili victi fuisse dicantur:
 quum et ipse Livius cap. praec. ag-
 noscat, et res ipsa clamet Romanos
 multis proeliis victos esse. Haec igitur
 fuisse videtur mens Livii. Nun-
 quam ob eam causam laboravimus,
 quod hostis aut equitatum, aut pedita-
 tum nostro meliorem haberet. Quod
 tamen non accurate verum esse pro-
 bat ille Hannibalis equitatus longe Ro-
 mano superior, ipso teste Livio, xxi.
 47. et xxvi. 38. Hic nempe deflexit

nostrum a vero Romanae laudis ni-
 mius amor. Quonam enim modo qui
 Aliensis Cannensisque cladum me-
 minerit, iactare potest Romanos nun-
 quam *aperta acie* laborasse? CREV.

2 *Equitem*] Numerosum equita-
 tum; praesertim in patentibus campis,
 Romanus miles gravis armis ti-
 mere potest. Alludit haud dubie ad
 Parthicum equitatum, et Crassi cla-
 dem. CREV.

3 *Praefecti Capuae*] *Capuam* Gro-
 novius reponit, quod Niebuhr. pro-
 bat; qui hunc magistratum Roma
 Capuam missum fuisse arbitratur.
 Cave tamen cum Crevierio existi-
 mes, Capuam iam in praefecturae
 Romanae conditionem cessisse, quip-
 pe infr. xxvi. 6. apud Campanos sum-
 mum magistratum, cui nomen Oseo
 vocabulo Medixtuticus, cernimus;
 quem pariter infr. xxiii. 2. 6. civem
 Campanum fuisse liquet. Sed vide-

U. C. 436. ab L. Furio praetore datis: quum utrumque ipsi pro re-
 A. C. 316. medio aegris rebus discordia intestina petissent. Et duae
 Tribus no- Romae additae tribus, Ufentina ac Falerina. 4
 vae. 5
 U. C. 437. Inclinatorum semel in Apulia rebus, Teates quoque Apuli 6
 A. C. 315. ad novos consules, C. Iunium Bubulcum, Q. Aemilium
 C. Iunio, Barbulam, foedus petatum venerunt, pacis per omnem Apu-
 Q. Aemilio liam praestandae populo Romano auctores. Id audacter
 Coss. spondendo impetravere, ut foedus daretur: neque ut aequo
 tamen foedere, sed ut in ditione populi Romani essent.
 Apulia perdomita, (nam Forento quoque valido oppido 7
 Iunius potitus erat) in Lucanos perrectum: inde repentino
 adventu Aemilii consulis Nerulum vi captum. Et postquam
 res Capuae stabilitas Romana disciplina fama per socios
 vulgavit; Antiatis quoque, qui se sine legibus certis,
 sine magistratibus agere querebantur, dati ab senatu ad
 iura statuenda ipsius coloniae patroni: nec arma modo, 8
 sed iura etiam Romana late pollebant.

21.

C. Iunius Bubulcus et Q. Aemilius Barbula consules
 U. C. 438. exitu anni non consulibus ab se creatis, Sp. Nautio et M.
 A. C. 314. Popillio, ceterum dictatori L. Aemilio legiones tradiderunt.
 Sp. Nautio, Is, cum L. Fulvio magistro equitum Saticulam oppugnare
 M. Popillio Is, cum L. Fulvio magistro equitum Saticulam oppugnare
 Coss. adortus, rebellandi causam Samnitibus dedit. Duplex inde 9
 L. Aemilius terror illatus Romanis. Hinc Samnis, magno exercitu
 dictator. coacto ad eximendos obsidione socios, haud procul castris
 Romanorum castra posuit: hinc Saticulani magno cum
 tumultu, patefactis repente portis, in stationes hostium in-
 currerunt. Inde pars utraque, spe alieni magis auxilii,
 quam viribus freta suis, iusto mox proelio inito Romanos
 urgent. Et, quanquam anceps dimicatio erat, tamen utrim-
 que tutam aciem dictator habuit; quia et locum haud faci-

tur hic intelligi *praefectus*, aut qui
 a Romanis ad leges ordinandas prece
 Campanorum missus fuit eo modo,
 quo Graeci *νομοθέτην* appellare sole-
 bant, et qui factionem Romanis par-
 tibus adversam coaceret, aut qui tan-
 tummodo apud cives Romanos in
 Campania commorantes, scilicet apud
conventum Romanum, ius administra-
 ret. cf. Niebhr. iii. n. 494.

4 *Ufentina*] In quam Privernates
 descripti. cf. Lucilius Fragm. 187.
 inc. p. 253. ed. Haverc. Niebhr. iii.
 n. 314.

5 *Falerina*] Ab agro Falerno, ut
 videtur. CREV. Ita tribus una et tri-
 ginta factae.

6 *Teates*] Quos eosdem esse cum
 Teanensibus supra memoratis putat
 Niebuhrius. Similiter *Lucas* idem qui
Lucanus est. iii. n. 393.

7 *Forento*] Ante Gronovium editi
 praeferebant *Tarento*, quod sine du-
 bio mendosum erat: de *Forentanis*
 supr. 16. noster loquitur; neque ad-
 miratio in hoc cuius moveatur, quod
 urbem, quam Aulus in deditionem
 acceperat, postea res novantem Iu-
 nius vi cepit.

8 *Coloniae patroni*] Quippe An-
 tium novum *coloniae* genus erat, ut-
 pote in qua ipsi Antiates ascripti
 essent, supr. 16. Ex hoc loco videtur
 non modo colonos Romanos, sed An-
 tiates ipsos iura institutaque Roma-
 na accepisse. *Patronus Coloniae* in
 inscriptionibus saepissime legitur.

9 *Duplex inde terror*] Veram hu-
 ius rei narrationem ap. Diodor. xix.
 72. qui fortasse Fabium auctorem ha-
 buit, latere putat Niebhr. iii. n. 394.

1 lem ad circumveniendum cepit, et diversa statuit signa. U. C. 438.
 Infestior tamen in erumpentes incessit: nec magno certa- A. C. 314.
 mine intra moenia compulit. Tum totam aciem in Sam-
 nites obvertit. Ibi plus certaminis fuit. Victoria sicut
 sera, ita nec dubia, nec varia fuit. Fusi in castra Samnites,
 extinctis nocte ignibus, tacito agmine abeunt: et, spe
 abiecta Saticulae tuendae, Plistiam ipsi, socios Romanorum,
 ut parem dolorem hosti redderent, circumsidunt.

Anno circumacto, bellum deinceps ab dictatore Q. Fabio 22.
 2 gestum est. Consules novi, sicut superiores, Romae man- U. C. 439.
 serunt: Fabius, ad accipiendum ab Aemilio exercitum, ad A. C. 313.
 Saticulam cum supplemento venit. Neque enim Samnites L. Papirio
 ad Plistiam manserant: sed, accitis ab domo novis militi- IV. Q. Publi-
 bus, multitudine freti, castra eodem, quo antea, loco posue- lilio IV.
 runt: lacessentesque proelio Romanos avertere ab obsidione Coss.
 conabantur. Eo intentius dictator in moenia hostium ver- Q. Fabius
 3 sus, id bellum tantum ducere, quod urbem oppugnabat: dictator.
 securior ab Samnitibus agere, stationibus modo oppositis, ne
 qua in castra vis fieret. Eo ferocius adequitare Samnites Proelium
 vallo, neque otium pati. Et quum iam prope in portis equestre
 castrorum esset hostis, nihil consulto dictatore, magister cum Sam-
 equitum Q. Aulius Cerretanus, magno tumultu cum omni- nitibus.
 bus turmis equitum evectus, summovit hostem. Tum in
 4 minime pertinaci genere pugnae sic fortuna exercuit opes,
 ut insignes utrimque clades et clara ipsorum ducum ederet
 funera. Prior Samnitium imperator, aegre patiens, quo
 tam ferociter adequitasset, inde se fundi fugarique, orando
 hortandoque equites proelium integravit. In quem, insig-
 nem inter suos cientem pugnam, magister equitum Roma-
 nus infesta cuspide ita permisit equum, ut uno ictu exani-
 mem equo praecipitaret: nec, ut fit, ad ducis casum per-
 cussa magis, quam irritata, est multitudo. Omnes, qui circa
 erant, in Aulium, temere invectum per hostium turmas, tela
 5 coniecerunt: fratri praecipuum decus uli Samnitium im-
 peratoris dederunt. Is victorem detractum ex equo magi-
 strum equitum, plenus maeroris atque irae, trucidavit: nec
 multum afuit, quin corpore etiam, quia inter hostiles ceci-

1 *Diversa statuit signa*] Obversam utrimque in hostes aciem. CREV.

2 *Consules novi*] L. Papirius Cursor IV. Q. Publilius Philo IV. memorati Fastis Capitolinis, Diodoro XIX. et aliis. Horum nomina per liberiorum incuriam deesse videntur, non ipsius Livii, qui in nominibus consulum reddendis diligens est. CREV.

3 *Id bellum tantum ducere*] Id tantummodo pro bello habebat, quod

urbem oppugnaret: Samnitium exercitum contemnebat. Sic, infr. XVIII. 32. Scipio milites adhortans ait, *immorem esse rerum suarum gesturum, qui id bellum ducat*. CREV.

4 *Exercuit opes*] Sic *exercuit* et *perdomuit opes*, h. e. copias bellantum. DOM.

5 *Fratri*] Praecipuum decus uli Samnitium imperatoris penes fratrem eius esse voluerunt. CREV.

U. C. 439.
A. C. 313.

23.

Sorae defec-
tio ad
Samnites.

derat turmas, Samnites potirentur. Sed extemplo ad pedes descensum ab Romanis est, coactique idem Samnites facere. Et repentina acies circa corpora ducum pedestre proelium iniit, quo haud dubie superat Romanus: recuperatumque Aulii corpus, mixta cum dolore laetitia, victores in castra referunt. Samnites, duce amisso, et per equestre certamen tentatis viribus, omissa Saticula, quam nequicquam defendi rebantur, ad Plistiae obsidionem redeunt; intraque paucos dies Saticula Romanus per deditionem, Plistia per vim Samnis potitur. Mutata inde belli sedes est: ad Soram ex Samnio Apuliaque traductae legiones. Sora ad Samnites defecerat, interfectis colonis Romanorum. Quo quum prior Romanus exercitus, ad ulciscendam civium necem recuperandamque coloniam, magnis itineribus praevenisset, et sparsi per vias speculatores, sequi legiones Samnitium, nec iam procul abesse, alii super alios, nuntiarent; obviam itum hosti, atque ad Lautulas ancipiti proelio dimicatum est. Non caedes, non fuga alterius partis, sed nox incertos, victi victoresne essent, diremit. Invenio apud quosdam, adversam eam pugnam Romanis fuisse, atque in ea cecidisse Q. Aulium, magistrum equitum. Suffectus in locum Aulii C. Fabius magister equitum cum exercitu novo ab Roma advenit; et, per praemissos nuntios consulto dictatore, ubi subsisteret, quove tempore, et qua ex parte hostem aggrederetur, substitit occultus, ad omnia satis exploratis consiliis. Dictator, quum per aliquot dies post pugnam continuisset suos intra vallum, obsessi magis quam obsidentis modo, signum repente pugnae proposuit; et, efficacius ratus ad accendendos virorum fortium animos, nullam alibi, quam in semet ipso, cuiquam relictam spem, de magistro equitum novoque exercitu militem celavit. Et, tanquam nulla, nisi in eruptione, spes esset, 'Locis,' inquit, 'angustis, milites, deprehensi, nisi quam victoria patefecerimus, viam nullam habemus. Stativa nostra munimento satis tuta sunt; sed inopia eadem infesta. Nam et circa omnia defecerunt, unde subvehi commeatus poterant; et, si homines iuvare velint, iniqua loca sunt. Itaque non frustrabor ego vos, castra hic relinquendo, in quae, infecta victoria, sicut pristino die, vos recipiatis. Armis munimenta, non munimentis arma tuta esse debent. Castra habeant repetantque, quibus operae est trahere bellum: nos omnium rerum respectum, praeterquam victoriae, nobis abscidamus. Ferte signa in hostem: ubi

6 *Adversam eam pugnam*] Romam in pari discrimine atque eo, quo post Cannensem pugnam, nunc versatam fuisse existimat Niebhr. iii. n. 405.

cf. *infr. circa omnia defecerunt*. Nos ter calamitatibus patriae suae velum obtendit.

‘extra vallum agmen excesserit, castra, quibus imperatum U. C. 439.
 ‘est, incendant: damna vestra, milites, omnium circa, qui A. C. 313.
 ‘defecerunt, populorum praeda sarcientur.’ Et oratione
 dictatoris, quae necessitatis ultimae index erat, milites accensi vadunt in hostem, et respectus ipse ardentium castrorum, quanquam proximis tantum (ita enim iusserat dictator) ignis est subditus, haud parvum fuit irritamentum. Itaque, velut vecordes illati, signa primo impetu hostium turbant; et in tempore, postquam ardentia procul vidit castra magister equitum, (id convenerat signum), hostium terga invadit. Ita circumventi Samnites, qua potest quisque, Victoria de
 fugam per diversa petunt. Ingens multitudo, in unum Samniti-
 metu conglobata, ac semet ipsam turba impediens, in medio bus.
 caesa. Capta hostium castra direptaque; quorum praeda onustum militem in Romana castra dictator reducit, haudquaquam tam victoria laetum, quam quod, praeter exiguam deformatam incendio partem, cetera contra spem salva invenit.

Ad Soram inde reditum; novique consules M. Poetelius, 24.
 C. Sulpicius exercitum ab dictatore Fabio accipiunt, magna U. C. 440.
 parte veterum militum dimissa, novisque cohortibus in A. C. 312.
 supplementum adductis. Ceterum, quum propter diffi- M. Poete-
 cilem urbis situm nec oppugnandi satis certa ratio iniretur, lio, C. Sul-
 et aut tempore longinqua, aut praeceps periculo victoria picio III.
 esset; Soranus transfuga, clam ex oppido profectus, quum Coss.
 ad vigiles Romanos penetrasset, duci se extemplo ad con- Sora obses-
 sules iubet, deductusque traditurum urbem promittit. Visus sa capitur.
 inde, quum, quonam modo id praestaturus esset, percunctantes doceret, haud vana afferre, perpulit, prope adiuncta moenibus Romana castra ut sex millia ab oppido remove-
 rentur: fore, ut minus intentae in custodiam urbis diurnae stationes ac nocturnae vigiliae essent. Ipse insequenti nocte, sub oppido silvestribus locis cohortibus insidere iussis, decem milites delectos secum per ardua ac prope invia in arcem ducit; pluribus, quam pro numero virorum, missilibus telis eo collatis. Ad haec saxa erant, et temere iacentia, ut fit, in aspretis, et de industria etiam, quo locus tutior esset, ab oppidanis congesta. Ubi quum constituisset Romanos, semitamque angustam et arduam, erectam ex oppido in arcem, ostendisset: ‘Hoc quidem ascensu,’ inquit, ‘vel tres armati quamlibet multitudinem arcuerint: ‘vos et decem numero, et, quod plus est, Romani, Romanorumque fortissimi viri estis. Et locus pro vobis, et nox ‘erit, quae omnia ex incerto maiora territis ostentat. Ego ‘iam terrore omnia implebo: vos arcem intenti tenete.’ Decurrit inde, quanto maxime poterat cum tumultu, ‘ad arma,’ et ‘pro vestram fidem, cives!’ clamitans, ‘arx ab hos-

U. C. 440. 'tibus capta est; ite, defendite.' Haec incidens principum
 A. C. 312. foribus, haec obviis, haec excurrentibus in publicum pavidis increpat. Acceptum ab uno pavorem plures per urbem ferunt. Trepidi magistratus, missis ad arcem exploratoribus, quum tela et armatos tenere arcem multiplicato numero audirent, avertunt animos a spe recuperandae arcis. Fuga cuncta complentur, portaeque ab semisomnis ac maxima parte inermibus refringuntur: quarum per unam praesidium 7 Romanum clamore excitatum irrumpit, et concursantes per vias pavidos caedit. Iam Sora capta erat, quum consules prima luce advenere; et, quos reliquos fortuna ex nocturna caede ac fuga fecerat, in deditionem accipiunt. Ex his ducentos viginti quinque, qui omnium consensu destinabantur et infandae colonorum caedis et defectionis auctores, vinctos Romam deducunt: ceteram multitudinem incolumem, praesidio imposito, Sorae relinquunt. Omnes, qui Romam deducti erant, virgis in foro caesi, ac securi percussi summo gaudio plebis; cuius maxime intererat, tutam ubique, quae passim in colonias mitteretur, multitudinem esse.

25. Consules, ab Sora profecti, in agros atque urbes Ausonum 8 bellum intulerunt. Mota namque omnia adventu Samnitium, quum apud Lautulas dimicatum est, fuerant, coniurationesque circa Campaniam passim factae; nec Capua ipsa crimine caruit: quin Romam quoque et ad principum quosdam inquirendo ventum est. Ceterum Ausonum gens proditione urbium, sicut Sora, in potestatem venit. Ausona, et Minturnae, et Vescia, urbes erant: ex quibus principes iuventutis duodecim numero, in proditionem urbium suarum coniurati, ad consules veniunt: docent, 'suos, iam pridem exoptantes Samnitium adventum, simul 'ad Lautulas pugnatum audierunt, pro victis Romanos 'habuisse, iuventute, armis Samnites iuvisse. Fugatis inde 'Samnitibus, incerta pace agere, nec claudentes portas Romanis, ne arcessant bellum: et obstinatos claudere, si exercitus admoveatur. In ea fluctuatione animorum opprimi 'incautos posse.' His auctoribus mota propius castra: missique eodem tempore circa tria oppida milites, partim armati, qui occulti propinqua moenibus insiderent loca; partim togati, tectis veste gladiis, qui sub lucem apertis portis urbes ingrederentur. Ab his simul custodes trucidari coepti, simul datum signum armatis, ut ex insidiis concurrerent. Ita portae occupatae, triaque oppida eadem hora

Ausones
 bello appetiti.

7 *Praesidium Romanum*] Cohortes, quae supra dicuntur sylvestribus locis sub oppido insedissee. *Praesidium* nonnunquam apud Livium nihil aliud est, quam militum manus.

Vid. supr. vii. 34. 36. et 37. CREV.

8 *Ausonum*] cf. Supr. viii. 16. Aurunci Latine, Ausones Graece dicta haec gens. Livius hic Dionysium auctorem sequebatur.

eodemque consilio capta. Sed, quia absentibus ducibus U. C. 440.
 9 impetus est factus, nullus modus caedibus fuit; deletaque A. C. 312.
 Ausonum gens, vix certo defectionis crimine, perinde ac si Ausones
 internecivo bello certasset. deleti.

Eodem anno, prodito hostibus Romano praesidio, Luceria 26.
 Samnitium facta. Nec diu proditoribus impunita res fuit.
 Haud procul inde exercitus Romanus erat: cuius primo
 impetu urbs, sita in plano, capitur. Lucerini ac Samnites
 ad internecionem caesi: eoque ira processit, ut Romae quo-
 que, quum de colonis mittendis Luceriam consuleretur
 senatus, multi delendam urbem censerent. Praeter odium,
 quod exsecrabile in his captos erat, longinquitas quoque
 abhorrere a relegandis tam procul ab domo civibus inter
 tam infestas gentes cogebat. Vicit tamen sententia, ut
 mitterentur coloni. Duo millia et quingenti missi.

Eodem anno, quum omnia infida Romanis essent, Capuae
 quoque occultae principum coniurationes factae. De qui-
 bus quum ad senatum relatum esset, haudquaquam neg-
 lecta res est. Quaestiones decretae, dictatoremque quae-
 stionibus exercendis dici placuit. C. Maenius dictus. Is M. C. Maenius
 Fostium magistrum equitum dixit. Ingens erat magistratus dictator
 eius terror. Itaque sive timore eius, seu conscientia, Cala- quaestioni-
 vios, Ovium Noviumque, (ea capita coniurationis fuerant) bus exer-
 priusquam nominarentur apud dictatorem, mors haud dubie cendis.
 ab ipsis conscita iudicio subtraxit. Deinde, ut quaestioni
 1 Campanae materia decessit, versa Romam interpretando res:
 non nominatim, qui Capuae, sed in universum, qui usquam co-
 issent coniurassentve adversus rempublicam, quaeri senatum
 iussisse: et coitiones, honorum adipiscendorum causa factas,
 adversus rempublicam esse: latiorque et re et personis quae-
 stio fieri; haud abnuente dictatore, sine fine ulla quaestionis
 suae ius esse. Postulabantur ergo nobiles homines: appel-
 2 lantibusque tribunos nemo erat auxilio, quin nomina recipe-
 rentur. Inde nobilitas, nec hi modo, in quos crimen intende-
 batur, sed universi simul, negare, nobilium id crimen esse,
 quibus, si nulla obstetur fraude, pateat via ad honorem, sed
 hominum novorum: ipsos adeo dictatorem magistrumque
 equitum reos magis, quam quaesitores idoneos eius criminis

9 *Nullus modus*] Quo magis cla-
 rum aliis exemplum exstaret.

1 *Versa Romam interpretando res*] Romae quoque quaestiones exerceri coeptae, quum eam esse senatuscon-
 sulti vim dictator interpretaretur, ut
 sibi negotium datum esse diceret in-
 quirere, non in eos nominatim qui
 Capuae, sed in eos omnes qui usquam
 coissent coniurassentve adversus rem-

publicam. CRIV.

2 *Quin nomina reciperentur*]

Quominus inter reos referrentur. Ac-
 cusator deferebat nomen eius quem
 accusandum suscepit: magistratus,
 cuius erat quaerere de illo crimine
 quod reo obiciebatur, nomen eius re-
 cipiebat, sive referendum curabat in
 tabulas publicas. CRIV.

U. C. 440. esse : intellecturosque ita id esse, simul magistratu abissent.
 A. C. 312. Tum enimvero Maenius, iam famae magis, quam imperii, memor, progressus in concionem ita verba fecit : ‘ Et omnes ante actae vitae vos conscios habeo, Quirites, et hic ipse honos, delatus ad me, testis est innocentiae meae. Neque enim, quod saepe alias, quia ita tempora postulabant rei-publicae, qui bello clarissimus esset, sed qui maxime procul ab his coitionibus vitam egisset, dictator deligendus exercendis quaestionibus fuit. Sed quoniam quidam nobiles homines (qua de causa, vos existimare, quam me pro magistratu quicquam incompertum dicere, melius est) ³ primum ipsas expugnare quaestiones omni ope annisi sunt : dein, postquam ad id parum potentes erant, ne causam dicerent, in praesidia adversariorum, appellationem et tribunicium auxilium, patricii confugerunt : postremo repulsi inde (adeo omnia tutiora, quam ut innocentiam suam purgarent, visa) in nos irruerunt, et privatis dictatorem poscere reum verecundiae non fuit : ut omnes dii hominesque sciant, ab illis, etiam quae non possint, tentari, ne rationem vitae reddant ; me obviam ire crimini, et offerre me inimicis reum, dictatura me abduco. Vos quaeso, consules, si vobis datum ab senatu negotium fuerit, in me primum et hunc M. Foslium quaestiones exerceatis ; ut appareat, innocentia nostra nos, non maiestate honoris, tutos a criminationibus istis esse.’ Abdicat inde se dictatura, et post eum confestim Foslius magisterio equitum : primique ⁴ apud consules (iis enim ab senatu mandata res est) rei facti, adversus nobilium testimonia egregie absolvuntur. Publius etiam Philo, multiplicatis summis honoribus, post res tot domi belloque gestas, ceterum invisus nobilitati, causam dixit, absolutusque est. Nec diutius, ut fit, quam dum recens erat, quaestio per clara nomina reorum viguit : inde labi coepit ad viliora capita, donec coitionibus factionibusque, adversus quas comparata erat, oppressa est.

Abdicat se
dictatura.

Reus factus
absolvitur.

27. Earum fama rerum, magis tamen spes Campanae defectionis, in quam coniuratum erat, Samnites, in Apuliam versos, rursus ad Caudium revocavit : ut inde ex propinquo, si qui motus occasionem aperiret, Capuam Romanis eriperent. Eo consules cum valido exercitu venerunt. Et primo circa saltus, quum utrimque ad hostem iniqua via esset, cunctati sunt : deinde Samnites per aperta loca brevi

³ *Pro magistratu*] Dum gero personam magistratus, cuius gravitate indignum est quicquam incompertum dicere. CREV.

⁴ *Rei facti*] Hinc quomodo dictatura legibus obnoxia esset, abunde

liquet ; scilicet postquam magistratu dictator se abdicaverat, apud consules, si quid contra leges commississet, rem agere coactus est. cf. supr. viii. 33.

circuitu in loca plana, Campanos campos, agmen demittunt, U. C. 440.
 ibique primum castra in conspectu hostibus data: deinde A. C. 312.
 levibus proeliis, equitum saepius, quam peditum, utrimque
 periculum factum: nec aut eventus eorum Romanum, aut
 morae, qua trahebant bellum, poenitebat. Samnitium ^{Proelium}
 contra ducibus, et carpi parvis quotidie damnis, et senescere ^{cum Sam-}
 dilatione belli vires suae videbantur. Itaque in aciem ^{nitibus.}
 procedunt, equitibus in cornua divisis: quibus praeceptum
 erat, intentiores ad respectum castrorum, ne qua eo vis
 fieret, quam ad proelium, starent: aciem pediti tutam fore.
 Consul Sulpicius in dextro, Poetelius in laevo cornu
 consistunt. Dextra pars, qua et Samnites raris ordinibus,
 aut ad circumeundos hostes, aut ne ipsi circumirentur, con-
 stiterant, latius patefacta stetit. Sinistris, praeterquam
 quod confertiores steterant, repentino consilio Poetelii con-
 sulis additae vires: qui subsidiarias cohortes, quae integrae
 ad longioris pugnae casus reservabantur, in primam aciem
 extemplo emisit; universisque hostem primo impetu viribus
 impulit. Commota pedestri acie Samnitium, eques in
 pugnam succedit. In hunc, transverso agmine inter duas
 acies se inferentem, Romanus equitatus concitat equos;
 signaque et ordines peditum atque equitum confundit,
 donec universam ab ea parte avertit aciem. In eo cornu
 non Poetelius solus, sed Sulpicius etiam, hortator affuerat,
 auctus ab suis nondum conserentibus manus ad clamorem,
 ab sinistra parte prius exortum. Unde, haud dubiam vi-
 ctoriam cernens, quum ad suum cornu tenderet cum mille
 ducentis viris, dissimilem ibi fortunam invenit: Romanos
 loco pulsos, victorem hostem signa in percussos inferentem.
 Ceterum omnia mutavit repente consulis adventus. Nam
 et conspectu ducis reffectus militum est animus: et, maius
 quam pro numero auxilium, advenerant fortes viri: et
 partis alterius victoria audita, mox visa etiam, proelium re-
 stituit. Tota deinde iam vincere acie Romanus, et, omisso
 5 certamine, caedi capique Samnites; nisi qui Maleventum, ^{Vincunt}
 cui nunc urbi Beneventum nomen est, perfugerunt. ^{Romani.} Ad
 triginta millia caesa aut capta Samnitium, proditum memo-
 riae est.

Consules, egregia victoria parta, protinus inde ad Bo- 28.
 vianum oppugnandum legiones ducunt: ibique hiberna

5 *Maleventum*] A gravitate vento-
 rum sic dictum, (ita Procop. Goth. i.
 15.) cui nunc urbi Beneventum no-
 men est, inde ab U. C. 485. quo anno
 facta est colonia Rom. et mali ominis
 nomen commutatum. cf. Plin. H. N.
 iii. 11. 16. et Festus v. Beneventum, ubi

v. Scalig. Rep. Sed hoc nomen Graeca
 origine fuisse censet Niebhr. i. n. 148.
 qui *Maleventum* idem nomen fuisse,
 quod *Malocentum*, h. e. *Μαλός* Graece,
 una cum Salmasio existimat, et simi-
 liter *Grumentum* idem atque *Κρυ-*
μός.

U. C. 441. egerunt, donec ab novis consulibus L. Papirio Cursore 6
 A. C. 311. quintum, C. Iunio Bubulco iterum, nominatus dictator C.
 L. Papirio Poetelius cum M. Foslio magistro equitum exercitum ac-
 V. C. Iunio cepit. Is, quum audisset arcem Fregellanam ab Samnitibus
 II. Coss. captam, omisso Boviano ad Fregellas pergit: unde, no-
 Poetelius dictator. cturna Samnitium fuga sine certamine receptis Fregellis,
 praesidioque valido imposito, in Campaniam reditum
 maxime ad Nolam armis repetendam. Eo se intra moenia,
 sub adventum dictatoris, et Samnitium omnis multitudo et
 Nolani agrestes contulerant. Dictator, urbis situ circum-
 specto, quo apertior aditus ad moenia esset, omnia aedificia
 (et frequenter ibi habitabatur) circumiecta muris incendit:
 nec ita multo post, sive a Poetelio dictatore, sive ab C. Iu-
 nio consule (nam utrumque traditur) Nola est capta. Qui
 captae decus Nolae ad consulem trahunt, adiiciunt, Atinam
 et Calatiam ab eodem captas; Poetelium autem, pestilentia
 orta, clavi figendi causa dictatorem dictum. Suessa et 7
 Pontiae eodem anno coloniae deductae sunt. Suessa 8
 Auruncorum fuerat. Volsci Pontias, insulam sitam in
 conspectu litoris sui, incoluerant. Et, Interamna et Casi-
 num ut deducerentur coloniae, senatusconsultum factum
 est: sed triumviros creavere, ac misere colonorum quattuor
 U. C. 442. millia insequentes consules M. Valerius, P. Decius.
 A. C. 310. Profligato fere Samnitium bello, priusquam ea cura de-
 M. Valerio, cederet Patribus Romanis, Etrusci belli fama exorta est.
 P. Decio
 Coss. 29. Nec erat ea tempestate gens alia, cuius secundum Gallicos
 tumultus arma terribiliora essent, quum propinquitate agri,
 tum multitudine hominum. Itaque, altero consulum in
 Samnio reliquias belli persequente, P. Decius, qui graviter
 aeger Romae restiterat, auctore senatu dictatorem C. Iunium 9
 Bubulcum dixit. Is, prout rei magnitudo postulabat, omnes
 iuniores sacramento adigit: arma, quaeque alia res poscit,
 summa industria parat: nec tantis apparatus elatus de
 inferendo bello agitat, quieturus haud dubie, nisi ultro arma
 Etrusci inferrent. Eadem in comparando cohibendoque

6 *Novis consulibus*] Ad hunc an-
 num legem *Poeteliam de nexis*, utpote
 quae a dictatore Poetelio perlata es-
 set, referendam censet Niebhr. cf.
 supr. viii. 28.

7 *Suessa*] Maxime intererat Ro-
 manorum, ut praesidia valida fines
 Samnitium firmarent.

8 *Pontiae*] Insulae tres vel quat-
 tuor in sinu Formiano, quarum max-
 ima Pontia, hod. *Ponza*. Has vero
 insulas praesidiis occupabant Romani
 in metum belli maritimi cum Taren-
 tinis, qui rebus Siciliae iam sese im-
 miscebant et viginti navium classem

contra Agathoclem miserant. Quin-
 etiam Etrusci navibus pollebant et
 tantum non bellum Romanis infere-
 bant. Sed *Pontia* plur. MSS. exhibent.

9 *Dictatorem C. Iunium Bubul-
 cum*] Hic miratur Glareanus, nec
 sine causa, nominari a Livio dictato-
 rem sine magistro equitum. Sed mo-
 net Sigonius in *Fastis Capitolinis* edi
 in hunc annum dictatorem C. Sulpi-
 cium Longum cum magistro equitum
 C. Iunio Bubulco: atque ad hunc
 modum refingendum esse quod hic
 in Livio peccavit librariorum manus.
 CREV.

bello consilia et apud Etruscos fuere. Neutri finibus U. C. 442.
 egressi. Et censura clara eo anno Ap. Claudii et C. Plautii A. C. 310.
 fuit; memoriae tamen felicioris ad posterum nomen Appii, Ap. Clau-
¹ quod viam munivit, et aquam in urbem duxit, eaque unus dus et C.
² perfecit; quia, ob infamem atque invidiosam senatus lectio- Plautius
³ nem verecundia victus, collega magistratu se abdicaverat. Censores.
 Appius, iam inde antiquitus insitam pertinaciam familiae Appia via.
 gerendo, solus censuram obtinuit. Eodem Appio auctore, Potitia gens
⁴ Potitii, gens, cuius ad aram Maximam Herculis familiare intra an-
 sacerdotium fuerat, servos publicos, ministerii delegandi num ex-
 causa, sollennia eius sacri docuerat. Traditur inde dictu stincta.
 mirabile, et quod dimovendis statu suo sacris religionem
 facere posset, quum duodecim familiae ea tempestate Poti-
 tiorum essent, puberes ad triginta, omnes intra annum cum
 stirpe extinctos: nec nomen tantum Potitiorum interisse,
 sed censorem etiam Appium, memori deum ira, post aliquot
 annos luminibus captum.

Itaque consules, qui eum annum secuti sunt, C. Iunius 30.
 Bubulcus tertium et Q. Aemilius Barbula iterum, initio U. C. 443.
 anni questi apud populum, deformatum ordinem prava A. C. 309.
⁵ lectione senatus, qua potiores aliquot lectis praeteriti C. Iunio
 essent; negaverunt, eam lectionem se, quae sine recti pra- III. Q. Ae-
⁶ vique discrimine ad gratiam ac libidinem facta esset, ob- milio II.
 servaturos: et senatum extemplo citaverunt eo ordine, qui Coss.
 ante censores Ap. Claudium et C. Plautium fuerat. Et
 duo imperia eo anno dari coepta per populum, utraque
⁷ pertinentia ad rem militarem: unum, ut tribuni militum
 seni deni in quattuor legiones a populo crearentur; quae

¹ *Viam*] Quae ab eius nomine *Appia* vocata est: ipse eam ab urbe usque ad forum Appii, atque intervallo inde navibus transmissa, a Tarracina ad Capuam duxit. Postea ad Brundisium producta est, ut tantum non omnibus notum est ex Hor. Sat. i. 5. Ultimam autem illi manum addidit Traianus, per paludes Pomptinas viam muniendo quae ab Appii foro ad forum Feroniae duceret.

² *Aquam*] *Appiam* quoque dictam, quae prima arcuato opere in urbem perducta traditur. cf. Frontin. de Aq. Rom.

³ *Infamem atque invidiosam*] *Infamem* quia libertinos in senatum allegerat, *invidiosam* quia viros probos sibi inimicos *invidia* praetermiserat.

⁴ *Potitii, gens*] Niebuhrus videtur haec res ita fuisse: scilicet secundo bello Samnitico Romanos sive ex libris Syhyllinis, sive ex oraculo quodam Graeco monitos fuisse, ut *fortissimum he-*

roum colerent: gentem vero Potitiam, quae Herculem Gracco more, ut Minervam Nautia gens, sacris gentiliciis colebat, servos publicos, quo minus sacerdos a Graecia adveleretur, sollennia sacri eius docuisse: postea vero eam, si modo in hac re fides Livio danda sit, pestilentia gravissima an. 459. U. C. extinctam fuisse, id quod posterius religioni habuerunt.

⁵ *Praeteriti*] Deleti ex albo senatorum. Censores recitabant ex scripto nomina senatorum: quosque in recitando praeterissent, ii iam senatores non erant. Crev. cf. Fest. v. *Praeteriti*.

⁶ *Ad gratiam ac libidinem*] Ita ut nihil aliud spectassent censores, quam ut gratum alicui facerent, et voluntatem pro ratione haberent. Crev.

⁷ *Tribuni militum seni deni*] Ita antea tribuni militum suffragio populi facti erant. Vid. supr. vii. 5. Sed nunc populi ius amplificatur. Primo enim e quattuor et viginti tribunis sex

U. C. 443. antea, perquam paucis suffragio populi relictis locis, dicta-
 A. C. 309. torum et consulum ferme fuerant beneficia. Tulere eam
 Duumviri rogationem tribuni plebei L. Atilius, C. Marcius. Alterum,
 navales ut duumviros navales classis ornandae reficiendaeque causa 8
 creati. idem populus iuberet. Lator huius plebisciti fuit M. De-
 cius tribunus plebis.

Eiusdem anni rem dictu parvam praeterirem, nⁱ ad re-
 Tibicines religionem visa esset pertinere. Tibicines, quia prohibiti a 9
 abeunt. proximis censoribus erant in aede Iovis vesci, quod tra-
 ditum antiquitus erat, aegre passi, Tibur uno agmine
 abierunt: adeo ut nemo in urbe esset, qui sacrificiis prae-
 cineret. Eius rei religio tenuit senatum; legatosque Tibur
 miserunt, ut darent operam, ut hi homines Romanis resti-
 tuerentur. Tiburtini, benigne polliciti, primum accitos eos
 in curiam hortati sunt, uti reverterentur Romam: post-
 quam perpelli nequibant, consilio, haud abhorrente ab in-
 geniis hominum, eos aggrediuntur. Die festo alii alios per
 speciem celebrandarum cantu epularum invitant, et vino, 1
 cuius avidum ferme genus est, oneratos sopiunt: atque ita
 in plastra somno vinctos coniiciunt, ac Romam deportant:
 nec prius sensere, quam, plaustis in foro relictis, plenos
 crapulae eos lux oppressit. Tunc concursus populi factus,
 impetratoque, ut manerent, datum, ut triduum quotannis 2
 ornati, cum cantu atque hac, quae nunc sollennis est, li-
 centia per urbem vagarentur: restitutumque in aede
 vescendi ius iis, qui sacris praecinerent. Haec inter
 duorum ingentium bellorum curam gerebantur.

31. Consules inter se provincias partiti; Iunio Samnites,
 Res gestae in Samnio. Aemilio novum bellum Etruria sorte obvenit. In Samnio
 Cluviam, praesidium Romanum, quia nequiverat vi capi, 3
 obsessum fame in deditionem acceperant Samnites, verberibusque
 foedum in modum laceratos occiderant deditos. Huic infensus crudelitati Iunius, nihil antiquius oppugna-
 tione Cluviana ratus, quo die aggressus est moenia, vi cepit,
 atque omnes puberes interfecit. Inde victor exercitus

tantum a populo creati erant; hic se-
 decim, ita ut octo tantum consulibus
 aut dictatoribus deligendi relinque-
 rentur. Vid. not. ad locum supra me-
 moratum. CREV.

8 *Duumviros navales*] *Nauarchis*
 Spartanis haud absimiles, qui classi
 coloniis maritimis imperatae praefice-
 rentur. Niebhr. iii. p. 282.

9 *Tibicines*] Hi quidem antiquitus
 inter aerarios numerabantur, unde ve-
 risimile est in hac re latere imminu-
 tionem quandam iuris civilis, quam
 illi indignabantur.

1 *Celebrandarum cantu epularum*]
Epularum causa in plur. edd. occur-
 rit, sed delenda ultima vox *causa* Iac.
 Gronovio videtur, et quidem eam omi-
 sit Bekker.

2 *Quotannis*] Idibus Iunii, in qui-
 bus festum *Quinquatria minora* cele-
 brabatur. Ov. Fast. vi. 651.

3 *Cluviam, praesidium Romanum*]
 Cluviam urbem a Romanis militibus
 defensam. *Praesidium* hic, ut et alibi
 saepius, sumitur pro loco quem insi-
 dent milites, non pro militibus ipsis,
 CREV.

Bovianum ductus. Caput hoc erat Pentrorum Samnitium, U. C. 443.
 longe ditissimum atque opulentissimum armis virisque. Ibi A. C. 309.
 quia haud tantum irarum erat, spe praedae milites accensi,
 oppido potiuntur. Minus itaque saevitum in hostes est:
 praedae plus paene, quam ex omni Samnio unquam,
 egestum, benigneque omnis militi concessa. Et postquam
 praepotentem armis Romanum nec acies subsistere ullae,
 nec castra, nec urbes poterant; omnium principum in
 Samnio eo curae sunt intentae, ut insidiis quaereretur
 locus, si qua licentia populando effusus exercitus excipi ac
 circumveniri posset. Transfugae agrestes et captivi quidam,
 pars forte, pars consilio oblatis, congruentia ad consulem
 afferentes, quae et vera erant, pecoris vim ingentem in
 saltum avium compulsam esse, perpulerunt, ut praedatum
 4 eo expeditae ducerentur legiones. Ibi ingens hostium
 exercitus itinera occultus insederat, et, postquam intrasse
 Romanos vidit saltum, repente exortus cum clamore ac
 tumultu incautos invadit. Et primo nova res trepidationem
 fecit, dum arma capiunt, sarcinas congerunt in medium:
 dein, postquam, ut quisque liberaverat se onere, aptaverat-
 que armis, ad signa undique coibant, et notis ordinibus in
 vetere disciplina militiae, iam sine praecepto ullius sua
 sponte struebatur acies, consul, ad ancipitem maxime pug-
 nam advectus, desilit ex equo, et Iovem Martemque atque
 alios testatur deos, 'se, nullam suam gloriam inde, sed
 'praedam militi quaerentem, in eum locum devenisse:
 'neque in se aliud, quam nimiam ditandi ex hoste militis
 'curam, reprehendi posse. Ab eo se dedecore nullam rem
 'aliam, quam virtutem militum, vindicaturam: connite-
 'rentur modo uno animo omnes invadere hostem, victum
 'acie, castris exutum, nudatum urbibus, ultimam spem
 'furto insidiarum tentantem, et loco, non armis, fretum. Sed
 'quem esse iam virtuti Romanae inexpugnabilem locum?'
 Fregellana arx, Soranaque, et ubicunque iniquo successum
 erat loco, memorabantur. His accensus miles, omnium im-
 memor difficultatum, vadit adversus imminentem hostium
 aciem. Ibi paullum laboris fuit, dum in adversum clivum
 erigitur agmen: ceterum, postquam prima signa planitiem
 summam ceperunt, sensitque acies aequo se iam institisse
 loco, versus extemplo est terror in insidiatores, easdemque
 latebras, quibus se paullo ante texerant, palati atque in-
 ermes fuga repetebant: sed loca difficilia, hosti quaesita,
 5 ipsos tum sua fraude impediabant. Itaque ergo perpaucis

4 *Ibi ingens hostium exercitus*] afficerentur Romani.
 Prope afuit, ut clade altera Caudina 5 *Itaque ergo*] cf. l. 25.

U. C. 443. effugium patuit: caesa ad viginti millia hominum, victorque
A. C. 309. Romanus ad oblatam ultro ab hoste praedam pecorum dis-
currit.

32. Dum haec geruntur in Samnio, iam omnes Etruriae po-
Etrusci Su- puli praeter Arretinos ad arma ierant, ab oppugnando
trium op- Sutrio, quae urbs, socia Romanis, velut claustra Etruriae
pugnant. erat, ingens orsi bellum. Eo alter consulum Aemilius cum
exercitu ad liberandos obsidione socios venit. Advenien-
tibus Romanis, Sutrini commeatus benigne in castra ante 6
urbem posita advexere. Etrusci diem primum consultando,
maturarent, traherentne bellum, traduxerunt. Postero die,
ubi celeriora, quam tutiora, consilia magis placuere ducibus,
sole orto signum pugnae propositum est, armatique in aciem
procedunt. Quod postquam consuli nuntiatum est, exem-
plo tesseram dari iubet, ut prandeat miles, firmatisque cibo 7
viribus arma capiat. Dicto paretur. Consul, ubi armatos
paratosque vidit, signa extra vallum proferri iussit, et haud
procul hoste instruxit aciem. Aliquamdiu intenti utrimque
steterunt, exspectantes ut ab adversariis clamor et pugna
inciperet: et prius sol meridie se inclinavit, quam telum
hinc aut illinc emissum est. Inde, ne infecta re abiretur,
clamor ab Etruscis oritur, concinuntque tubae, et signa in-
feruntur. Nec segnius ab Romanis pugna initur. Con-
currunt infensis animis: numero hostis, virtute Romanus
superat. Anceps proelium multos utrimque, et fortissimum
quemque, absumit: nec prius inclinata res est, quam se-
cunda acies Romana ad prima signa, integri fessis, succes-
serunt. Etrusci, quia nullis recentibus subsidiis fulta prima
acies fuit, ante signa circaque omnes ceciderunt. Nullo
unquam proelio fugae minus, nec plus caedis fuisset, ni
obstinatos mori Tuscos nox texisset; ita ut victores prius,
quam victi, pugnandi finem facerent. Post occasum solis
signum receptui datum est: nocte ab utroque in castra
reditum. Nec deinde quicquam eo anno rei memoria
dignae apud Sutrium gestum est; quia et ex hostium ex-
ercitu prima tota acies deleta uno proelio fuerat, subsidiariis 8

6 *Benigne*] Hic copiose, sicut *ma-
ligne* alibi *parce* est.

7 *Tesseram dari*] Duplex tessera-
rum militarium genus: alterum qui-
bus milites se internoscerent, alterum,
ad quod hic locus referendus est, qui-
bus imperator, quid agendum foret,
militibus indicabat. DOER.

8 *Subsidiariis modo relictis*] Du-
kerus non vidit, quomodo, si *subsi-
diarii relictis* fuerunt, prima acies, ut
noster paullo ante dixit, non *subsidiis*

fulta fuerit. Strothius contra subsi-
diarios immotos sedisse, nec primae
aciei successisse existimat. Haud du-
bie noster voluit dicere, nullam aciem
secundam esse, quae viribus recen-
tibus in proelium succedens, primam
aciem subsidiis fulciret, sed paucos
tantummodo, qui vix ad castrorum
praesidium sufficerent, tanquam in
subsidio positos, proelium non ini-
visse.

modo relictis, vix quod satis esset ad castrorum praesidium : U. C. 443.
et apud Romanos tantum vulnere fuit, ut plures post A. C. 309.
proelium saucii decesserint quam ceciderant in acie.

Q. Fabius insequentis anni consul bellum ad Sutrium 33.
excepit. Collega Fabio C. Marcius Rutilus datus est. U. C. 444.
Ceterum et Fabius supplementum ab Roma adduxit, et A. C. 308.
novus exercitus domo accitus Etruscis venit. Q. Fabio
II. C. Mar-
cio Coss.

Permuli anni iam erant, quum inter patricios magi-
stratus tribunosque nulla certamina fuerant ; quum ex ea
familia, quae velut fatalis tum tribunis ac plebi erat, cer-
tamen oritur. Ap. Claudius censor, circumactis decem et Ap. Clau-
9 octo mensibus, quod Aemilia lege finitum censurae spatium dius censu-
1 temporis erat, quum C. Plautius collega eius magistratu se ram ultra
abdicasset, nulla vi compelli, ut abdicaret, potuit. P. Sem- legitimum
pronius erat tribunus plebis ; qui finiendae censurae intra tempus re-
legitimum tempus actionem susceperat, non popularem tinet.
magis, quam iustam ; nec in vulgus, quam optimo cuique,
gratiorem. Is, quum identidem legem Aemiliam recitaret,
auctoremque eius Mam. Aemilium dictatorem laudibus ferret ;
qui quinquennalem ante censuram, et longinquitate potesta-
tem dominantem, intra sex mensium et anni coegisset spa-
tium : ‘ Dic, agedum,’ inquit, ‘ Ap. Claudii, quidnam facturus
‘ fueris, si eo tempore, quo C. Furius et M. Geganius cen-
‘ sores fuerunt, censor fuisses ? ’ Negare Appius, ‘ interro-
‘ gationem tribuni magno opere ad causam pertinere suam.
‘ Nam, etsi tenuerit lex Aemilia eos censores, quorum in
‘ magistratu lata esset, quia post illos censores creatos eam
2 ‘ legem populus iussisset, quodque postremum iussisset,
‘ id ius ratumque esset ; non tamen aut se, aut eorum
‘ quemquam, qui post eam legem latam creati censores
‘ essent, teneri ea lege potuisse.’ Haec sine ullius assensu 34.
cavillante Appio, ‘ En,’ inquit, ‘ Quirites, illius Appii pro- P. Sempro-
‘ genies, qui, decemvir in annum creatus, altero anno se nii Tr. Pl.
‘ ipse creavit : tertio, nec ab se, nec ab ullo creatus, pri- oratio in
‘ vatus fasces et imperium obtinuit ; nec ante continuando Claudium.

9 *Aemilia lege*] Vid. supr. iv. 24.

1 *Quum C. Plautius*] Hoc loco et
in oratione Sempronii mox secutura
ea dicit Livius, ex quibus colligi de-
bere videatur C. Plautium non abdi-
casse se censura, nisi circumactis de-
cem et octo mensibus. Et quidem sic
memorat Frontinus de Aquaeducti-

bus Rom. i. Videndum an haec con-
ciliari facile possint cum iis, quae de
eiusdem Plautii abdicatione scripta
sunt, supr. 29. CURV.

2 *Quodque postremum iussisset*] Ita in legibus XII. Tab. *quod postre-
mum populus iussit, id ius ratum
esto.* cf. supr. vii. 17.

U. C. 444. 'exercitus Aventinum insedistis: haec, quae fenebres
 A. C. 308. 'leges: haec, quae agrarias semper impugnavit: haec con-
 'nubia Patrum et plebis interruptit: haec plebi ad curules
 'magistratus iter obsaepsit: hoc est nomen multo, quam
 'Tarquiniorum, infestius vestrae libertati. Itane tandem,
 'Ap. Claudii, quum centesimus iam annus sit ab Mam.²
 'Aemilio dictatore, tot censores fuerint, nobilissimi fortis-
 'simique viri, nemo eorum duodecim tabulas legit? nemo
 'id ius esse, quod postremo populus iussisset, scivit? Imo
 'vero omnes sciverunt; et ideo Aemiliae potius legi pa-
 'ruerunt, quam illi antiquae, qua primum censores creati
 'erant, quia hanc postremam iusserat populus: et quia, ubi
 'duae contrariae leges sunt, semper antiquae obrogat nova.
 'An hoc dicis, Appi, non teneri Aemilia lege populum?
 'an populum teneri, te unum exlegem esse? Tenuit
 'Aemilia lex violentos illos censores, C. Furium et M. Ge-
 'ganium, qui, quid iste magistratus in republica mali facere
 'posset, indicarunt: quum, ira finitae potestatis, Mam.
 'Aemilium, principem aetatis suae belli domique, aerarium
 'fecerunt: tenuit deinceps omnes censores intra centum
 'annorum spatium: tenet C. Plautium collegam tuum,
 'iisdem auspiciis, eodem iure creatum. An hunc non, ut³
 'qui optimo iure censor creatus esset, populus creavit? tu
 'unus eximius es, in quo hoc praecipuum ac singulare
 'valeat? Quem tu regem sacrificiorum crees, amplexus⁴
 'regni nomen, ut qui optimo iure rex Romae creatus sit,
 'creatum se dicet? Quem semestri dictatura, quem inter-
 'regno quinque dierum contentum fore putes? quem clavi
 'figendi, aut ludorum causa dictatorem audacter crees?
 'Quam isti stolidos ac socordes videri creditis eos, qui
 'intra vicesimum diem, ingentibus rebus gestis, dictatura
 'se abdicaverunt, aut qui vitio creati abierunt magistratu?
 'Quid ego antiqua repetam? Nuper intra decem annos⁵

² *Centesimus iam annus*] Imo cen-
 tesimus vigesimus quartus, cf. supr. iv.
 24.

³ *Ut qui optimo iure censor*] h. e.
 Iure minime imminuto.

⁴ *Quem tu regem sacrificiorum*] Perinde facere Appium, ac si rex sa-
 crorum, captans argutias ex vocabulo
 regni, quod et ipse optimo iure rex
 creatus sit, omnia iura omnemque
 potestatem et imperium Romuli cete-
 rorumque regum sibi arrogare velit;
 dicendo eam optimam legem de rege
 Romano esse, quae de imperio Ro-
 muli rogata sit atque accepta initio
 Urbis conditae. Item si haec inter-
 pretatio valeret, interreges quoque ac

dictatores maxime clavi figendi aut
 ludorum causa dictos, quippe qui om-
 nes *ut qui optimo iure* creati sint, ea-
 dem elusuros ad potestatem sibi au-
 gendam. GRONOV.

⁵ *Nuper intra decem annos*] Quin-
 tus hic annus agitur ab eo, quo Mae-
 nium dictatorem Livius exhibuit. At
 Fasti Capitolini totis decem ante hanc
 Sempronii actionem annis eum dicta-
 torem habent. Videtur igitur aucto-
 res alios secutus esse Livius in me-
 moranda ipsa Maenii dictatura, alios
 in hac Sempronii oratione concinnan-
 da. Vid. Pigh. *Annal.* ad an. U. C.
 433. CREV.

' C. Maenius dictator, quia, quum quaestiones severius, U. C. 444.
 ' quam quibusdam potentibus tutum erat, exerceret, con- A. C. 308.
 ' tagio eius, quod quaerebat ipse, criminis obiectata ab
 ' inimicis est, ut privatus obviam iret crimini, dictatura se
 ' abdicavit. Nolo ego istam in te modestiam: ne de-
 ' generaveris a familia imperiosissima et superbissima:
 ' non die, non hora citius, quam necesse est, magistratu
 ' abieris; modo ne excedas finitum tempus. Satis est, aut
 ' diem, aut mensem censurae adiicere? Triennium, inquit,
 ' et sex menses ultra, quam licet Aemilia lege, censuram
 ' geram, et solus geram. Hoc quidem iam regno simile
 ' est. An collegam subrogabis, quem ne in demortui
 6 ' quidem locum subrogari fas est? Poenitet enim, quod
 ' antiquissimum solenne, et solum ab ipso, cui fit, insti-
 ' tutum deo, ab nobilissimis antistitibus eius sacri ad ser-
 ' vorum ministerium religiosus censor deduxisti; gens
 ' antiquior originibus urbis huius, hospitio deorum immor-
 ' talium sancta, propter te ac tuam censuram intra annum
 ' ab stirpe exstincta est: nisi universam rempublicam eo
 ' nefario obstrinxeris, quod ominari etiam reformidat animus.
 ' Urbs eo lustro capta est, quo, demortuo collega C. Iulio
 ' censore, L. Papirius Cursor, ne abiret magistratu, M. Cor-
 ' nelium Maluginensem collegam subrogavit. Et quanto
 ' modestior illius cupiditas fuit, quam tua, Appi? Nec
 ' solus, nec ultra finitum lege tempus L. Papirius censuram
 ' gessit; tamen neminem invenit, qui se postea auctorem
 ' sequeretur: omnes deinceps censores post mortem collegae
 ' se magistratu abdicarunt. Te, nec quod dies exit cen-
 ' surae, nec quod collega magistratu abiit, nec lex, nec
 ' pudor coercet: virtutem in superbia, in audacia, in con-
 ' temptu deorum hominumque ponis. Ego te, Ap. Claudii,
 ' pro istius magistratus maiestate ac verecundia, quem ges-
 ' sisti, non modo manu violatum, sed ne verbo quidem in-
 ' clementiori a me appellatum vellem: sed et haec, quae
 ' adhuc egi, pervicacia tua et superbia coegit me loqui; et,
 7 ' nisi Aemiliae legi parueris, in vincula duci iubebo: nec,
 8 ' quum ita comparatum a maioribus sit, ut, comitiis censoriis
 9 ' nisi duo confecerint legitima suffragia, non renuntiato
 ' altero comitia differantur, ego te, qui solus censor creari
 ' non possis, solum censuram gerere patiar.' Haec taliaque

6 *Poenitet enim*] Non enim satis tibi est. Haec ironice dicta accipe.

7 *In vincula duci*] sc. Ut privatum.

8 *Nisi duo confecerint legitima suffragia*] Nisi duo plene consecuti fu-

erint eum suffragiorum numerum, qui lege praescriptus est. CREV.

9 *Non renuntiato altero*] Altero, qui confecerit legitima suffragia, non tamen renuntiato, non declarato censore. CREV.

U. C. 444. quum dixisset, prendi censorem, et in vincula duci iussit.
 A. C. 308. Approbantibus sex tribunis actionem collegae, tres appellanti Appio auxilio fuerunt; summaque invidia omnium ordinum solus censuram gessit.

35. Dum ea Romae geruntur, iam Sutrium ab Etruscis ob-
 Fabii proe- sidebatur: consulque Fabio, imis montibus ducenti ad
 lium cum ferendam opem sociis tentandasque munitiones, si qua
 Etruscis. posset, acies hostium instructa occurrit; quorum ingentem multitudinem quum ostenderet subiecta late planities; consul, ut loco paucitatem suorum adiuuaret, flectit paullulum in clivos agmen; (aspreta erant strata saxis) inde signa in hostem obvertit. Etrusci, omnium, praeterquam multitudinis suae, qua sola freti erant, immemores, proelium ineunt adeo raptim et avide, ut, abiectis missilibus, quo celerius manus consererent, stringerent gladios, vadentes in hostem. Romanus contra nunc tela, nunc saxa, quibus eos affatim locus ipse armabat, ingerere. Igitur scuta ga-
 2 leaeque ictae quum etiam, quos non vulneraverant, turbarent, (neque subire erat facile ad propiorem pugnam, neque missilia habebant, quibus eminus rem gererent) stantes et expositos ad ictus quum iam satis nihil tegeret, quosdam etiam pedem referentes fluctuantemque et instabilem aciem, redintegrato clamore, strictis gladiis hastati et principes invadunt. Eum impetum non tulerunt Etrusci, versisque signis, fuga effusa castra repetunt. Sed equites Romani, praevecti per obliqua campi, quum se fugientibus
 3 obtulissent, omisso ad castra itinere, montes petunt. Inde
 4 inermi paene agmine ac vexato vulneribus in silvam Ciminiam penetratum. Romanus, multis millibus Etruscorum caesis, duodequadraginta signis militaribus captis, castris etiam hostium cum praeda ingenti potitur. Tum de persequendo hoste agitari coeptum. Silva erat Ciminia
 5 magis tum invia atque horrenda, quam nuper fuere Germanici saltus, nulli ad eam diem ne mercatorum quidem adita.
 6 Eam intrare haud fere quisquam, praeter ducem ipsum, audebat: aliis omnibus cladis Caudinae nondum memoria aboleverat. Tum ex iis, qui aderant, (consulis fratrem M. Fabium, Kaesonem alii, C. Claudium quidam matre eadem, qua consulem, genitum tradunt) speculatum se iturum pro-

1 *Imis montibus ducenti*] Per radices montium exercitum ducenti.

2 *Scuta galeaeque ictae*] Ictus lapidum, quibus percutiebantur scuta et galeae. CREV.

3 *Praevecti*] Similiter ut alias *praelati*, pro praetervecti.

4 *Petunt*] Scilicet hostes.

5 *Germanici saltus*] *Ciminus in-*

terim saltus in medio (plane quasi Caledonius vel Hercynius) adeo terrore erat. Flor. i. 17.

6 *Adita*] Poetico loquendi more dictum, quippe mercatores Romani ad fanum Voltumnae conveniebant, necnon iter Volsinios, quam urbem iam oppugnaverant Romani, per eam silvam ducebat. supr. v. 32.

fessus, brevique omnia certa allaturum. Caere educatus U. C. 444. apud hospites, Etruscis inde literis eruditus erat, linguam- A. C. 308. 7 que Etruscam probe noverat. Habeo auctores, vulgo tum Romanos pueros, sicut nunc Graecis, ita Etruscis literis erudiri solitos. Sed propius est vero, praecipuum aliquid fuisse in eo, qui se tam audaci simulatione hostibus immiscuerit. Servus ei dicitur comes unus fuisse, nutritus una, eoque haud ignarus linguae eiusdem: nec quicquam aliud proficiscentes, quam summatim regionis, quae intranda erat, naturam ac nomina principum in populis acceperere; ne qua inter colloquia insigni nota haesitantes deprehendi possent. Iere pastoralis habitu, agrestibus telis, falcibus gaesisque binis armati. Sed neque commercium linguae, nec vestis armorumve habitus sic eos texit, quam quod abhorrebat ab fide, quemquam externum Ciminios saltus intraturum. Usque ad Camertes Umbros penetrasse dicuntur. Ibi, qui essent, fateri Romanum ausum: introductumque in senatum consulis verbis egisse de societate amicitiaeque: atque 8 inde comi hospitio acceptum, nuntiare Romanis iussum, commeatum exercitui dierum triginta praesto fore, si ea loca intrasset; iuventutemque Camertium Umbrorum in armis paratam imperio futuram. Haec quum relata consuli essent, impedimentis prima vigilia praemissis, legionibus post impedimenta ire iussis, ipse substitit cum equitatu: et, luce orta, postero die obequitavit stationibus hostium, quae extra saltum dispositae erant: et, quum satis diu tenuisset hostem, in castra sese recepit; portaque altera egressus, ante noctem agmen assequitur. Postero die, luce prima, iuga Ciminii montis tenebat. Inde, contemplatus opulenta Etruriae arva, milites emittit. Ingenti iam abacta praeda, tumultuariarum agrestium Etruscorum cohortes, repente a principibus regionis eius concitatae, Romanis occurrunt, adeo incompositae, ut vindices praedarum prope ipsi praedae fuerint. Caesis fugatisque iis, late depopulato agro, victor Romanus, opulentusque rerum omnium copia, in 9 castra rediit. Eo forte quinque legati cum duobus tribunis plebis venerant, denuntiatum Fabio senatus verbis, ne saltum Ciminium transiret. Lactati serius se, quam ut impedire bellum possent, venisse, nuntii victoriae Romam revertuntur.

Haec expeditione consulis motum latius erat, quam pro- 37.

7 *Vulgo tum Romanos pueros*] Principes selicet, cf. Cic. de Legg. ii. 9. *Etruriaque principes disciplinam docto.* Niebhr. i. n. 428.

8 *Hospitio acceptum*] Camertes ac quo foedere cum Romanis, unicum

Umbriae populum, iunctos cernimus, infr. xxviii. 45.

9 *Cum duobus tribunis*] Qui consuli vincula minarentur, nisi in senatus verba consentiret, cf. supr. 8.

U. C. 444.
A. C. 308.

Ingens E-
truscorum
exercitus
colligitur.

fligatum, bellum. Vastationem namque sub Ciminii montis radicibus iacens ora senserat, conciveratque indignatione non Etruriae modo populos, sed Umbriae finitima. Itaque, quantus non unquam antea, exercitus ad Sutrium venit: neque e silvis tantummodo promota castra, sed etiam aviditate dimicandi quam primum in campos delata acies: deinde instructa primo suo stare loco, relicto hostibus ad instruendum contra spatium: dein, postquam detrectare hostem sensere pugnam, ad vallum subeunt. Ubi postquam stationes quoque receptas intra munimenta sensere, clamor repente circa duces ortus, ut 'eo sibi e castris cibaria eius 'diei deferri' iuberent; 'mansuros se sub armis, et aut 'nocte, aut certe luce prima castra hostium invasuros.' Nihilo quietior Romanus exercitus imperio ducis continetur. Decima erat fere diei hora, quum cibum capere consul milites iubet; praecipit, ut in armis sint, quacunque diei noctisque hora signum dederit. Paucis milites alloquitur, Samnitium bella extollit, elevat Etruscos: 'nec hostem⁹ 'hosti, nec multitudinem multitudini comparandam' ait 'esse. Praeterea telum aliud occultum scituros in tempore: 'interea taceri opus esse.' His ambagibus prodi simulabat hostes, quo animus militum multitudine territus restitueretur: et, quod sine munimento consederant, verisimilius erat, quod simulabatur. Curati cibo corpora quieti dant, et quarta fere vigilia sine tumultu excitati arma capiunt. Dolabrae calonibus dividuntur ad vallum proruendum fossasque implendas: intra munimenta instruitur acies: delectae cohortes ad portarum exitus collocantur. Dato deinde signo paullo ante lucem, quod aestivis noctibus sopitae maxime quietis tempus est, proruto vallo erupit acies: stratos passim invadit hostes: alios immobiles, alios semisomnos in cubilibus suis, maximam partem ad arma¹ trepidantes, caedes oppressit: paucis armandi se datum spatium est. Eos ipsos, non signum certum, non ducem sequentes, fundit Romanus, fugatos eques persequitur. Ad castra, ad silvas diversi tendebant. Silvae tutius dedere refugium: nam castra in campis sita eodem die capiuntur. Aurum argentumque iussum referri ad consulem: cetera praeda militis fuit. Caesa aut capta eo die hostium millia ad sexaginta. Eam tam claram pugnam trans Ciminiam² silvam ad Perusiam pugnatam, quidam auctores sunt;³

Etrusci op-
pressi in
castris.

⁹ *Elevat Etruscos*] Sic supr. iii. 21. *vos elevatis eam*, h. e. aliquid de pondere eius deducitis, ita ut in lance sursum feratur.

¹ *Ad arma trepidantes*] Cum trepidatione et plena tumultus festina-

tione discurrentes ad arma. CREV.

² *Sexaginta*] Numerus haud dubie fictus est, ex funebribus Fabiae gentis laudationibus ductus.

³ *Quidam auctores*] Quos Diodorus sequitur, xx. 35.

metuque in magno civitatem fuisse, ne interclusus exercitus tam infesto saltu, coortis undique Tuscis Umbrisque, opprimeretur. Sed, ubicunque pugnatum est, res Romana superior fuit: itaque a Perugia, et Cortona, et Arretio, quae ferme capita Etruriae populorum ea tempestate erant, legati, pacem foedusque ab Romanis petentes, indutias in triginta annos impetraverunt.

Dum haec in Etruria geruntur, consul alter C. Marcius Rutilus Allifas de Samnitibus vi cepit. Multa alia castella vicique, aut deleta hostiliter, aut integra in potestatem venere. Per idem tempus et classis Romana a P. Cornelio, quem senatus maritimae orae praefecerat, in Campaniam acta, quum appulsa Pompeios esset; socii inde navales ad depopulandum agrum Nucerinum profecti, proximis raptim vastatis, unde reditus tutus ad naves esset, dulcedine, ut fit, praedae longius progressi, excivere hostes. Palatis per agros nemo obvius fuit, quum occidione occidi possent: redeuntes agmine incauto haud procul navibus assecuti agrestes exuerunt praeda, partem etiam occiderunt: quae superfuit caedi, trepida multitudo ad naves compulsa est.

Profectio Q. Fabii trans Ciminiam silvam quantum Romae terrorem fecerat, tam laetam famam in Samnium ad hostes tulerat: 'interclusum Romanum exercitum obsideri, cladisque imaginem Furculas Caudinas' memorabant. 'Eadem temeritate avidam ulteriorum semper gentem in saltus invios deductam, saeptam non hostium magis armis, quam locorum iniquitatibus esse.' Iam gaudium invidia quadam miscebatur, quod belli Romani decus ab Samnitibus fortuna ad Etruscos avertisset. Itaque armis virisque ad obterendum C. Marcium consulem concurrunt; protinus inde Etruriam per Marsos ac Sabinos petitori, si Marcius dimicandi potestatem non faciat. Obvius iis consul fuit. Dimicatum proelio utrimque atroci, atque incerto eventu est: et quum anceps caedes fuisset, adversae tamen rei fama in Romanos verit, ob amissos quosdam equestri ordinis, tribunosque militum, atque unum legatum, et (quod insigne maxime fuit) consulis ipsius vulnus. Ob haec etiam aucta fama, ut solet, ingens terror Patres invasit, dictatoremque dici placebat: nec, quin Cursor Papirius diceretur,

4 *Cortona*] Quam ex numero decem urbium Etruriae infr. xxviii. 45. intercidisse admiratione quadam animadvertit Niebuhrus, atque ideo municipium Romanum iampridem factam fuisse censet, i. n. 369.

5 *Socii . . . navales*] Classarii mi-

lites. Vid. infr. xxi. 49. Ex hoc nomine quod in usu semper manebat, forsitan conicere licuerit socios Romanos ut supr. 30. naves suppeditasse, quibus duces Romani praeficerentur.

U. C. 444.
A. C. 308.

Classis Ro-
mana.

Anceps
proelium
cum Sam-
nitibus.

U. C. 444.
A. C. 308.

Fabius Pa-
pirium dic-
tatores
dicit.

39.

Res in E-
truria bene
gesta.

in quo tum summa rei bellicae ponebatur, dubium cuiquam erat: sed nec in Samnium nuntium perferri, omnibus infestis, tuto posse; nec vivere Marcium consulem satis fidebant. Alter consul Fabius infestus privatim Papirio erat: quae ne ira obstaret bono publico, legatos ex consularium numero mittendos ad eum senatus censuit: qui sua quoque eum, non publica solum, auctoritate moverent, ut memoriam simultatum patriae remitteret. Profecti legati ad Fabium quum senatusconsultum tradidissent, adiecissentque orationem convenientem mandatis, consul, demissis in terram oculis, tacitus ab incertis, quidnam acturus esset, legatis recessit. Nocte deinde silentio, ut mos est, L. Papirium dictatorem dixit: cui quum ob animum egregie victum legati gratias agerent, obstinatum silentium obtinuit, ac sine responso ac mentione facti sui legatos dimisit, ut appareret, insignem dolorem ingenti comprimi animo. Papirius C. Iunium Bubulcum magistrum equitum dixit: atque ei, legem curiatam de imperio ferenti, triste omen diem diffidit, quod Faucia curia fuit principium, duabus insignis cladibus, captae urbis, et Caudinae pacis: quod utroque anno eadem curia fuerat principium. Macer Licinius tertia etiam clade, quae ad Cremeram accepta est, abominandam eam curiam facit. Dictator postero die, auspiciis repetitis, pertulit legem; et, profectus cum legionibus, ad terrorem traducti silvam Ciminiam exercitus nuper scriptis, ad Longulam pervenit; acceptisque a Marcio consule veteribus militibus, in aciem copias eduxit: nec hostes detrectare visi pugnam. Instructos deinde armatosque, quum ab neutris proelium inciperet, nox oppressit. Quieti aliquamdiu, nec suis diffidentes viribus, nec hostem spernentes, stativa in propinquo habuere.

Interea res in Etruria gestae. Nam et cum Umbrorum exercitu acie depugnatum est; (fusi tamen magis, quam caesi, hostes, quia coeptam acriter non tolerarunt pugnam)

6 *Infestus privatim*] Ut quem Papirius dictator ultimo supplicio afficere voluerat. supr. viii. 30.

7 *Ut mos est*] cf. Supr. viii. 23.

8 *Legem curiatam de imperio*] Quippe non nisi auctoritate patrum, sive lege apud populum curiatim convocatam perlata, imperium seu vitae necisque potestas, magistratibus demandabatur. Hinc supr. v. 52. *comitia curiata, quae rem militarem continent.* cf. supr. i. 17. Niebhr. i. n. 1255.

9 *Diem diffidit*] h. e. Rem in posterum diem prorogavit. cf. A. Gell.

xiv. 2.

1 *Curia fuerat principium*] Prima ad suffragium sorte vocata est. Eodem modo in comitiis tributis tribum praerogativam principium vocatam ostendit Gronov. in Observ. iv. 1.

2 *Interea res in Etruria gestae*] Totum hoc ab veteribus editis aberat. Adiecit Sigonius in quibusdam scriptis repertum, ubi tamen praepostere collocata erant haec verba. Scilicet praefixa illa erant huic membro, quod paullo post sequitur, *et ad Vadimonis lacum.* Sigonius ea in ordinem quoque suum reposuit. CREV.

³ et ad Vadimonis lacum Etrusci, lege sacrata coacto exercitu, U. C. 444.
⁴ quum vir virum legisset, quantis nunquam alias antea simul A. C. 308.
⁵ copiis, simul animis, dimicarunt: tantoque irarum certamine gesta res est, ut ab neutra parte emissa sint tela. Gladiis pugna coepit, et, acerrime commissa, ipso certamine, quod aliquamdiu anceps fuit, accensa est: ut non cum Etruscis toties victis, sed cum aliqua nova gente, videretur dimicatio
⁶ esse. Nihil ab ulla parte movetur fugae: cadunt antesignani: et, ne nudentur propugnatoribus signa, fit ex secunda prima acies. Ab ultimis deinde subsidiis cictur miles: adeoque ad ultimum laboris ac periculi ventum est, ut equites Romani, omissis equis, ad primos ordines peditum per arma, per corpora evaserint. Ea velut nova inter fessos exorta acies turbavit signa Etruscorum. Secuta deinde impetum eorum, utcumque affecta erat, cetera multitudo tandem perumpit ordines hostium. Tunc vinci pertinacia coepta, et averti manipuli quidam: et, ut semel dedere terga, etiam certiolem capessere fugam. Ille primum dies fortuna veteri abundantes Etruscorum fregit opes. Caesum in acie, quod roboris fuit: castra eo impetu capta direptaque.

Pari subinde periculo gloriaeque eventu bellum in Samnitibus erat: qui, praeter ceteros belli apparatus, ut acies Samnitium sua fulgeret novis armorum insignibus, fecerunt. Duo acies insignibus armis fulgens.
⁷ exercitus erant: scuta alterius auro, alterius argento caelaverunt. Forma erat scuti: summum latius, qua pectus at-
⁸ que humeri teguntur, fastigio aequali; ad imum cuneatior,
⁹ mobilitatis causa. Spongia pectori tegumentum: et sini-

³ *Et ad Vadimonis lacum*] Hanc pugnam meram repetitionem esse illius, quae ad Perusiam commissae est, supr. 37. suspiciatur Niebhr. ib. n. 490. De ea omnino silet Diodorus.

⁴ *Lege sacrata*] Recte observat Doujatius hanc legem videri quod simile fuisse ei, qua Samnites delectum habuisse memorantur infr. x. 38. *Ut nempe qui iuniorum non convenisset ad imperatorium eductum, quique in iussu abisset, caput lori sacratum esset.* Lex enim sacrata, ut iam ex Festo observavimus ad ii. 33. est ea qua sancitum est, *qui quid adversus eam fecerit, sacer alicui deorum sit.* CREV.

⁵ *Quum vir virum legisset*] Vir virum legere dicebatur, quum in delectu habendo aliquot primo ab imperatore lecti milites, singuli singulos notos sibi, quorumque virtuti confiderent, legebant; hi deinceps alios numero pares sibi, sique eodem semper ritu ac tenore, donec is copiarum nu-

merus efficeretur, qui opus erat. Vid. infr. x. 38. CREV.

⁶ *Antesignani*] Hic *Hastatos*, sive primam aciem intelligi liquet, qui ante praecipua legionum signa erant. cf. supr. ii. 20.

⁷ *Forma erat scuti*] Romanos a Samnitibus usum scuti didicisse, tradit Athen. vi. 21. p. 273. (106. ed. Schweigh.) et Itanium Samnitum primam fabricasse scutum. Clemens Alex. Strom. i. p. 307. et ex eo Euseb. Praep. x. 6, sed forte is fuit Titianus in *gladiatorio ludo Samnitium armatura cetera* ap. Plin. H. N. vii. 20. et scuti gladiatorum Samnitium inventor. Duk. Cf. Lips. mil. Rom. i. 2. Sacnas. ad Vopisc. Firm. 4. et in exercit. Plin. p. 26. Rec.

⁸ *Fastigio aequali*] Summa pars scuti erat quadrata, aequalibus inter se lineis terminata. CREV.

⁹ *Spongia pectori tegumentum*] Thoracis genus ab externa forma et spongiae similitudine, opinor, ita ap-

U. C. 444. strum crus ocrea tectum. Galeae cristatae, quae speciem
 A. C. 308. magnitudini corporum adderent. Tunicae auratis militibus
 versicolores, argentatis linteae candidae. His dextrum
 cornu datum: illi in sinistro consistunt. Notus iam Ro-
 manis apparatus insignium armorum fuerat; doctique a
 ducibus erant, 'horridum militem esse debere; non caela-
 'tum auro et argento, sed ferro et animis fretum: quippe
 'illa praedam verius, quam arma, esse; nitentia ante rem,
 'deformia inter sanguinem et vulnera. Virtutem esse militis
 'decus, et omnia illa victoriam sequi; et ditem hostem
 'quamvis pauperis victoris praemium esse.' His Cursor
 vocibus instinctos milites in proelium ducit. Dextro ipse
 cornu consistit; sinistro praefecit magistrum equitum.
 Simul est concursus, ingens fuit cum hoste certamen; non
 segnius inter dictatorem et magistrum equitum, ab utra
 parte victoria inciperet. Prior forte Iunius commovit hos-
 tem, laevo dextrum cornu, sacros more Samnitium milites,
 eoque candida veste et paribus candore armis insignes.
 'Eos se Orco mactare' Iunius dictitans, quum intulisset
 signa, turbavit ordines, et haud dubie impulit aciem.
 Quod ubi sensit dictator, 'Ab laevone cornu victoria inci-
 'piet,' inquit, 'et dextrum cornu, dictatoris acies, alienam
 'pugnam sequetur, non partem maximam victoriae trahet?'
 Concitat milites: nec peditum virtuti equites, aut legatorum
 studia ducibus cedunt. M. Valerius a dextro, P. Decius ab
 laevo cornu, ambo consulares ad equites in cornibus positos
 evehuntur: adhortatique eos, ut partem secum capessere-
 rent decoris, in transversa latera hostium incurrunt. Is novus
 additus terror quum ex parte utraque circumvasisset aciem,
 et ad terrorem hostium legiones Romanae, redintegrato cla-
 more, intulissent gradum, tum fuga ab Samnitibus coepta.
 Iam strage hominum armorumque insignium campi repleri;
 ac primo pavidos Samnites castra sua acceperere: deinde ne
 ea quidem retenta. Captis direptisque ante noctem iniectus
 ignis. Dictator ex senatusconsulto triumphavit: cuius
 triumpho longe maximam speciem captiva arma praebuere.
 Tantum magnificentiae visum in iis, ut aurata scuta dominis

Vincitur.

pellatum. DOER. Cf. Lips. Mil. Rom. iii. 6. et Saturn. Serm. ii. 11. qui intellegit thoraces laneos s. coactiles, (θώρακες πηλητοῦς ap. Suid.) e lana coacta, anglice *felt*, quae, si addatur acetum, etiam ferro resistit. cf. Plin. H. N. viii. 48. Tales fuere *spongiae*, quas Tertull. retiariis, et *baltei*, quos Samnitibus, alii gladiatorum generi, una cum tota armatura, h. l. descripta, tribuit Iuvenal. vi. 256. unde et hi gladiatores *Samnitium*

nomine compellati; quod Livius mox tradit. RUP.

1 *Sinistrum crus ocrea tectum*] Non raro apud antiquos una tantum ocrea militi assignatur: ac pro vario populorum more, alii sinistrum crus, alii dextrum tegebant. CREV. Cf. Iuv. Sat. vi. 257. *curisque sinistri dimidium tegmen*.

2 *Alienam pugnam*] Pugnam ab aliis profigatam.

3 argentariarum ad forum ornandum dividerentur. Inde U. C. 444.
 4 natum initium dicitur fori ornandi ab aedilibus, quum tensae A. C. 308.
 ducerentur. Et Romani quidem ad honorem deum insi-
 gnibus armis hostium usi sunt: Campani, ab superbia et odio Samnites
 5 Samnitium, gladiatores (quod spectaculum inter epulas erat) gladiatores.
 6 eo ornatu armarunt, Samnitiumque nomine compellarunt.

Eodem anno cum reliquis Etruscorum ad Perusiam, quae et ipsa indutiarum fidem ruperat, Fabius consul nec dubia nec difficili victoria dimicat. Ipsum oppidum (nam ad moenia victor accessit) cepisset, ni legati dedentes urbem exissent. Praesidio Perusiae imposito, legationibus Etruriae amicitiam petentibus prae se Romam ad senatum missis, consul, praestantior etiam, quam dictator, victoria triumphans, urbem est invecus. Quin etiam devictorum Samnitium decus magna ex parte ad legatos, P. Decium et M. Valerium, est versum: quos populus proximis comitiis ingenti consensu consulem alterum, alterum praetorem declaravit.

7 Fabio ob egregie perdomitam Etruriam continuatur 41.
 consulatus; Decius collega datur. Valerius praetor quar- U. C. 445.
 tum creatus. Consules partiti provincias: Etruria Decio, A. C. 307.
 Samnium Fabio evenit. Is profectus ad Nuceriam Alfater- Q. Fabio
 nam, tum pacem petentes, quod uti ea, quum daretur, III. P. De-
 noluisse, aspernatus, oppugnando ad deditionem subegit. cio II. Coss.
 Cum Samnitibus acie dimicatum. Haud magno certamine Bene res
 hostes victi: neque eius pugnae memoria tradita foret, ni gesta con-
 Marsi eo primum proelio cum Romanis bellassent. Secuti tra Sam-
 Marsorum defectionem Peligni eandem fortunam habuerunt. nites.
 Decio quoque alteri consuli secunda belli fortuna erat. Contra
 Tarquiniensem metu subegerat frumentum exercitui prae- Etruscos.
 bere, atque indutias in quadraginta annos petere. Volsini-
 ensium castella aliquot vi cepit: quaedam ex iis diruit, ne
 receptaculo hostibus essent: circumferendoque passim bello,
 tantum terrorem sui fecit, ut nomen omne Etruscum foedus
 ab consule peteret. Ac de eo quidem nihil impetratum:
 indutiae annuae datae. Stipendium exercitui Romano ab

3 *Argentariarum*] Othecmarum, in quibus argentea vasa fabricantur, et venalia prostant. Harum rursus mentionem facit Livius xxvi. 27. et xl. 51. Libri habent *argentariarum*. Sed *argentarii* sunt idem ac *mensarii*, quos vel servos fuisse, vel tabernas splendido fulgentes ornatu habuisse nullo modo probabile est. Ideo perlevi mutatione iussit legi Muretus *argentariarum*. CREV.

4 *Quum tensae ducerentur*] In pompis, quum simulacra Deorum cum

cumveherentur. supr. v. 41.

5 *Gladiatores*] Hoc primum loco gladiatores memorat Livius. CREV.

6 *Samnitium*] Apud Romanos quoque hoc nomine gladiatores designabantur. Horat. Ep. ii. 2. "Credamur, et totidem pagis consumimus hostem, lento Samnites ad lumina prima duello." CREV.

7 *Continuatur consulatus*] Extra ordinem, quum nemini, nisi interpositis decem annis, consulatum repetere lege liceret. cf. supr. vii. 42.

U. C. 445. hoste in eum annum pensum, et binae tunicae in militem
A. C. 307. exactae. Ea merces indutiarum fuit.

Contra
Umbros.

Tranquillas res iam Etruscis turbavit repentina defectio Umbrorum, gentis integrae a cladibus belli, nisi quod transitum exercitus ager senserat. Ii, concitata omni inventute sua, et magna parte Etruscorum ad rebellionem compulsa, tantum exercitus fecerant, ut, relicto post se in Etruria Decio, ad oppugnandam inde Romam ituros, magnifice de se, ac contemptim de Romanis loquentes, iactarent. Quod inceptum eorum ubi ad Decium consulem perlatum est, ad urbem ex Etruria magnis itineribus pergit, et in agro Pupiniensi ad famam intentus hostium consedit. Nec Romae spernebatur Umbrorum bellum: et ipsae minae metum fecerant expertis Gallica clade, quam intuitam urbem incoherent. Itaque legati ad Fabium consulem missi sunt, ut, si quid laxamenti a bello Samnitium esset, in Umbriam propere exercitum duceret. Dicto paruit consul, magnisque itineribus ad Mevaniam, ubi tum copiae Umbrorum erant, perrexit. Repens adventus consulis, quem procul Umbria in Samnio bello alio occupatum crediderant, ita exterruit Umbros, ut alii recedendum ad urbes munitas, quidam omittendum bellum censerent. Plaga una (Materinam⁸ ipsi appellant) non continuit modo ceteros in armis, sed confestim ad certamen egit. Castra vallantem Fabium adorti sunt. Quos ubi effusos ruere in munimenta consul vidit, revocatos milites ab opere, prout loci natura tempusque patiebatur, ita instruxit: cohortatusque praedicatione vera qua in Tuscis, qua in Samnio partorum decorum, exiguam appendicem Etrusci belli conficere iubet: et vocis impiae poenas expetere, qua se urbem Romanam oppugnatos minati sunt. Haec tanta sunt alacritate militum audita, ut clamor, sua sponte ortus, loquentem interpellaverit ducem. Ante imperium deinde concentu tubarum ac cornuum cursu effuso in hostem feruntur. Non tanquam in viros aut armatos incurrunt: (mirabilia dictu!) signa primo eripi coepta signiferis; deinde ipsi signiferi trahi ad consulem, armatique milites ex acie in aciem transferri: et, sicubi est certamen, scutis magis, quam gladiis, geritur res. Umbonibus incussa⁹que ala sternuntur hostes. Plus capitur⁹

⁸ *Plaga una*] Unus ex populis iis, in quos Umbrorum gens divisa erat. *Plagam* hic cum Doulatio intelligimus *regionem*. Addit Livius, *Materinam ipsi appellant*, quia nempe hoc nomen ignobile erat, nec fortasse nisi in ipsa regione notum. CREV. Quippe in regiones, sive tribus Umbriam divisam fuisse constat, cf. infr. xxxi. 2. quae

minime mutuo consilio res gerebant: quoniam Camertes hospitium cum Romanis iunxerant supr. 36, et, unicus Umbriae populus, postea cum Romanis aequo foedere iuncti erant, infr. xxviii. 45.

⁹ *Incussa⁹que ala*] Incusso lacerto. Eadem locutio rursus occurrit infr. xxx. 34.

hominum, quam caeditur: atque una vox ponere arma U. C. 445.
iubentium per totam fertur aciem. Itaque inter ipsum cer- A. C. 307.
tamen facta deditio est a primis auctoribus belli. Postero
insequentibusque diebus et ceteri Umbrorum populi de-
duntur. Oericulani sponsione in amicitiam accepti.

- 1 Fabius, alienae sortis victor belli, in suam provinciam ex- 42.
exercitum reduxit. Itaque ei, ob res tam feliciter gestas, sicut U. C. 446.
priori anno populus continuaverat consulatum, ita senatus in A. C. 306.
insequentem annum, quo Ap. Claudius, L. Volumnius con- Ap. Clau-
sules fuerunt, prorogavit, maxime Appio adversante, impe- dio, L. Vo-
rium. Appium censorem petisse consulatum, comitiaque lumnio
eius ab L. Furio tribuno plebis interpellata, donec se censura Coss.
abdicavit, in quibusdam annalibus invenio. Creatus consul, Sallentini
quum collegae novum bellum, Sallentini hostes decernerentur victi.
tur, Romae mansit, ut urbanis artibus opes augeret, quando
belli decus penes alios esset. Volumnium provinciae haud
poenituit. Multa secunda proelia fecit: aliquot urbes hos-
tium vi cepit. Praedae erat largitor, et benignitatem per se
gratam comitate adiuwabatur: militemque iis artibus fecerat et
periculi et laboris avidum. Q. Fabius proconsul ad urbem Samnites
Allifas cum Samnitium exercitu signis collatis configit. victi.
Minime ambigua res fuit. Fusi hostes, atque in castra com-
pulsii. Nec castra forent retenta, ni exiguum superfuisset
diei: ante noctem tamen sunt circumsessae, et nocte custodita,
ne quis elabi posset. Postero die, vixdum luce certa, de-
ditio fieri coepta: et pacti, qui Samnitium forent, ut cum
singulis vestimentis emitterentur. Hi omnes sub iugum
missi. Sociis Samnitium nihil cautum: ad septem millia sub
corona venire. Qui se civem Hernicum dixerat, seorsum
in custodia habitus. Eos omnes Fabius Romam ad senatum
misit: et, quum quaesitum esset, delectu, an voluntarii pro
Samnitibus adversus Romanos bellassent, per Latinos
populos custodiendi dantur: iussique eam integram rem U. C. 447.
novi consules, P. Cornelius Arvina, Q. Marcius Tremulus, A. C. 305.
(ii enim iam creati erant) ad senatum referre. Id aegre P. Corne-
passi Hernici: concilium populorum omnium habentibus lio, Q.
3 Anagninis in circo, quem Maritimum vocant, praeter Ala- Marcio
4 trinatem, Ferentinatempque, et Verulanum, omnes Hernici Coss.
nominis populo Romano bellum indixerunt.

In Samnio quoque, quia decesserat inde Fabius, novi 43.

1 *Alienae sortis victor belli*] h. e. Victor in eo bello, quod sorte evenerat collegae.

2 *Prorogavit*] Ut supr. viii. 23. Publilio Philoni, qui primus pro consule rem gerebat.

3 *Anagninis in circo*] In hoc loco

concilium populorum Hernicorum de more habebatur, si Niebuhr. audiamus ii. n. 53.

4 *Omnes Hernici nominis populo*] *Omnes . . . populi* legendum censet Niebuhr. ii. n. 170.

U. C. 447. motus exorti. Calatia et Sora, praesidiaque, quae in iis
 A. C. 305. Romana erant, expugnata: et in captivorum corpora mili-
 Bellum tum foede saevitum. Itaque eo P. Cornelius cum exercitu
 Hernicum. missus. Marcio novi hostes (iam enim Anagninis Hernicis-
 que aliis bellum iussum erat) decernuntur. Primo ita
 omnia opportuna loca hostes inter consulum castra interce-
 perunt, ut pervadere expeditus nuntius non posset, et per
 aliquot dies incerti rerum omnium, suspensique de statu
 alterius, uterque consul ageret, Romamque is metus ma-
 naret; adeo ut omnes iuniores sacramento adigerentur, atque
 ad subita rerum duo iusti scriberentur exercitus. Ceterum
 Hernicum bellum nequaquam pro praesenti terrore ac 5
 vetusta gentis gloria fuit. Nihil usquam dictu dignum ausi,
 trinis castris intra paucos dies exuti, triginta dierum indu-
 tias, ita ut ad senatum Romam legatos mitterent, pacti sunt
 bimestri stipendio frumentoque, et singulis in militem
 tunicis. Ab senatu ad Marcium reiecti, cui senatusconsulto
 permissum de Hernicis erat: isque eam gentem in deditio-
 nem accepit. Et in Samnio alter consul superior viribus,
 locis impeditior erat. Omnia itinera obsaeperant hostes,
 saltusque pervios ceperant, ne qua subvehi commeatus pos-
 sent: neque eos, quum quotidie signa in aciem consul pro-
 ferret, elicere ad certamen poterat: satisque apparebat, ne-
 que Samnitum certamen praesens, nec Romanum dilationem
 belli laturum. Adventus Marcii, qui, Hernicis subactis,
 maturavit collegae venire auxilio, moram certaminis hosti
 exemit. Nam, ut qui ne alteri quidem exercitui se ad cer-
 tamen credidissent pares, coniungi utique passi duos consu-
 lares exercitus nihil crederent superesse spei, advenientem
 incomposito agmine Marcium aggrediuntur. Raptim col-
 latae sarcinae in medium; et, prout tempus patiebatur, in-
 structa acies. Clamor primum in stativa perlatus, dein
 conspectus procul pulvis, tumultum apud alterum consulem
 in castris fecit. Isque, confestim arma capere iussis, rap-
 timque eductis in aciem militibus, transversam hostium
 aciem, atque alio certamine occupatam, invadit; clamitans,
 ‘sumum flagitium fore, si alterum exercitum utriusque
 ‘victoriae compotem sinerent fieri, nec ad se sui belli vin-
 ‘dicarent decus.’ Qua impetum dederat, perrumpit;
 aciemque per mediam in castra hostium tendit, et vacua
 defensoribus capit atque incendit. Quae ubi flagrantia
 Marcianus miles conspexit, et hostes respexere, tum passim
 fuga coepta Samnitium fieri. Sed omnia obtinet caedes,
 nec in ullam partem tutum perfugium est. Iam, triginta 6

Victi Sam-
 nites.

5 *Ac vetusta gentis gloria*] Haec *gentis gloriae* Bekker probat.
 ex emendat. Gronov. pro *vetustate* 6 *Triginta millibus hostium*] Auc-

millibus hostium caesis, signum receptui consules dederant, U. C. 447. colligebantque in unum copias, in vicem inter se gratantes: A. C. 305. quum repente visae procul hostium novae cohortes, quae in supplementum scriptae fuerant, integravere caedem. In quas, nec iussu consulum, nec signo accepto, victores vadunt; 7 'malo tirocinio imbuendum Samnitem,' clamitantes. Indulgent consules legionum ardori, ut qui probe scirent, novum militem hostium inter percussos fuga veteranos ne tentando quidem satis certamini fore. Nec eos opinio fefellit. Omnes Samnitium copiae, veteres novaeque, montes proximos fuga capiunt. Eo et Romana erigitur acies; nec quicquam satis tuti loci victis est. Et de iugis, quae ceperant, funduntur; iamque una voce omnes pacem petebant. Tum, trium mensium frumento imperato, et annuo stipendio, ac singulis in militem tunicis, ad senatum pacis oratores missi. Cornelius in Samnio relictus. Marcius de Hernicis triumphans in urbem rediit; statuaque equestris in foro decreta est, quae ante templum Castoris posita est. Hernicorum tribus populis, Alatrinati, Verulano, Ferentinati, quia 8 maluerunt, quam civitatem, suae leges redditae: connubiumque inter ipsos, quod aliquamdiu soli Hernicorum habuerunt, permissum. Anagninis, quique arma Romanis intulerant, civitas sine suffragii latione data: concilia connubiaque adempta: et magistratibus, praeterquam sacrorum curatione, interdictum.

¹ Eodem anno aedes Salutis a C. Iunio Bubulco censore locata est, quam consul bello Samnitium voverat. Ab eodem collegaue eius M. Valerio Maximo viae per agros publica impensa factae. Et cum Carthaginiensibus eodem Carthaginienses legati.

tus est sine dubio et hoc loco et alibi caesorum hostium numerus: unde enim iis quotannis suffecerint tantae copiae, ut semper bella instaurare possent; quum ipsi Romani, amissis ad Furculas Caudinas quattuor legionibus, Pontio iudice per totam aetatem sese movere non potuissent? STROTH.

7 *Malo tirocinio imbuendum Samnitem*] h. e. Tirones Samnites haud impune prima stipendia merituos esse.

8 *Suae leges redditae*] h. e. Optimo iure municipia facta sunt haec oppida.

9 *Anagninis*] Hi cum Caeritibus et Aricinis a Festo annumerantur, ut eius generis municipales, quorum civitas universa in civitatem Romanam venerat. cf. Niebhr. iii. n.

455.

1 *Aedes Salutis*] In hanc aedem C. Fabius tabulam depinxit, atque inde cognomen Pictoris sibi indidit. Plin. H. N. xxxv. 7.

2 *C. Iunio Bubulco censore*] Ab hoc censore L. Antonius senatu motus est, quod, quam virginem in matrimonium duxerat, repudiasset nullo amicorum in consilium adhibito. Val. Max. ii. 9. Repudium omnino diversum a divortio erat. Illo enim nuptiae per conventionem in manum sublatae sunt, hoc idem quod diffarreatio erat. Quum vero, qui per coemptionem uxorem duxerat, adhibitis quinque testibus per aes libramque sibi illam mancipasset, si quando eam repudiare vellet, tum adhibitis totidem testibus eam emancipare, sive e manu mittere, debebat. Niebhr. i. n. 625. Gaii Inst. i. 11.

U. C. 447. anno foedus tertio renovatum : legatisque eorum, qui ad id 3
A. C. 305. venerant, comiter munera missa.

44. Dictatorem idem annus habuit P. Cornelium Scipionem,
P. Corne- cum magistro equitum P. Decio Mure. Ab iis, propter
lius dicta- quae creati erant, comitia consularia habita, quia neuter
tor. consulum potuerat bello abesse. Creati consules L. Postu-
U. C. 448. mius, Ti. Minucius. Hos consules Piso Q. Fabio et P.
A. C. 304. Decio suggerit, biennio exempto, quo Claudium Volumni-
L. Postu- umque, et Cornelium cum Marcio consules factos tradi-
mio, Ti. dimus. Memoriane fugerit in annalibus digerendis, an
Minucio consulto binos consules, falsos ratus, transcenderit, incertum
Coss. est.

Coss. in Eodem anno in campum Stellatem agri Campani Sam- 4
Samnium eunt. nitium incursiones factae. Itaque ambo consules, in Sam-
nitium missi, quum diversas regiones, Tifernum Postumius,
Bovianum Minucius, petissent; Postumii prius ductu ad
Tifernum pugnatum. Alii haud dubie Samnites victos, ac
viginti millia hominum capta tradunt: alii Marte aequo
discessum, et Postumium, metum simulantem nocturno
itinere, clam in montes copias abduxisse: hostes secutos
duo millia inde locis munitis et ipsos consedissee. Consul,
ut stativa tuta copiosaque (et ita erant) petisse videretur,
postquam et munimentis castra firmavit, et omni apparatu
rerum utilium instruxit; relicto firmo praesidio, de vigilia
tertia, qua duci proxime potest, expeditas legiones ad col-
legam, et ipsum adversus alios sedentem, ducit. Ibi, auctore
Postumio, Minucius cum hostibus signa confert; et, quum
anceps proelium in multum diei processisset, tum Postu-
mius integris legionibus defessam iam aciem hostium im-
proviso invadit. Itaque, quum lassitudo ac vulnera fugam
quoque praepedissent, occidione occisi hostes, signa unum
et viginti capta: atque inde ad castra Postumii perrectum.
Ibi duo victores exercitus perculsum iam fama hostem
adorti fundunt fugantque: signa militaria sex et viginti
capta, et imperator Samnitium Staius Gellius, multique
alii mortales, et castra utraque capta. Et Bovianum, ubi 5
postero die coeptum oppugnari, brevi capitur: magnaue
gloria rerum gestarum consules triumpharunt. Minucium

3 *Tertio renovatum*] Hoc, si fides Niebuhrio danda sit, foedus illud est quod pro secundo habuit Polybius, qui foedus an. 407. [U. C. renovatum supr. vii. 27. omisit. Contra autem, si Heynium audiamus, hoc foedus Polybium omnino fugit. cf. Heyn. Opusc. iii. 4.

4 *Campum Stellatem*] Fertilissimum in Campania mediterranea. cf.

infr. xxii. 23. Cic. Agr. i. 7. ii. 21. Suet. Caes. 20. RUP.

5 *Bovianum, ubi postero die coeptum*] Vacat omnino particula *ubi*. Sed et tres e libris nostris antiquissimi, quemadmodum nonnulli e Gro- novianis, habent *coepta*. Inde suspi- camur: *Bovianum urbs postero die coepta oppugnari*. CREV.

Samnites
vincuntur.

consulem, cum vulnere gravi relatum in castra, mortuum, U. C. 448.
 quidam auctores sunt, et M. Fulvium in locum eius con- A. C. 304.
 sulem suffectum: et ab eo, quum ad exercitum Minucii
 missus esset, Bovianum captum. Eodem anno Sora, Ar-
 pinum, Censennia, recepta ab Samnitibus. Herculis mag-
 num simulacrum in Capitolio positum dedicatumque.

- 6 P. Sulpicio Saverione, P. Sempronio Sopho consulibus, 45.
 Samnites, seu finem, seu dilationem belli quaerentes, le- U. C. 449.
 gatos de pace Romam misere. Quibus suppliciter agen- A. C. 303.
 tibus responsum est, 'nisi saepe bellum parantes pacem P. Sulpicio,
 'petissent Samnites, oratione ultro citroque habita, de pace P. Sempro-
 'transigi potuisse: nunc, quando verba vana ad id locorum nio Coss.
 'fuerint, rebus standum esse. P. Sempronium consulem Pacem pe-
 'cum exercitu brevi in Samnio fore: cum, ad bellum pa- tunt Sam-
 'cemne inclinent animi, falli non posse: comperta omnia nites.
 'senatui relaturum: decedentem ex Samnio consulem
 'legati sequerentur.' Eo anno quum pacatum Samnium
 exercitus Romanus, benigne praebito comiteatu, peragras-
 set, foedus antiquum Samnitibus redditum.

Ad Aequos inde veteres hostes, ceterum per multos
 annos sub specie infidae pacis quietos, versa arma Ro-
 mana: quod, incolumi Hernico nomine, missitaverant
 simul cum iis Samniti auxilia; et, post Hernicos subactos,
 universa prope gens, sine dissimulatione consilii publici, ad
 hostes desciverat: et postquam, icto Romae cum Samni-
 tibus foedere, fetiales venerant res repetitum, 'tentationem'
 aiebant 'esse, ut, terrore incusso belli, Romanos se fieri
 'paterentur: quod quantopere optandum foret, Hernicos
 'docuisse: quum, quibus licuerit, suas leges Romanae
 'civitati praecoptaverint: quibus legendi, quid mallent,
 'copia non fuerit, pro poena necessariam civitatem fore.'
 Ob haec vulgo in conciliis iactata, populus Romanus bel-
 lum fieri Aequis iussit: consulesque ambo, ad novum pro-
 fecti bellum, quattuor millia a castris hostium consederunt.

Bellum
 cum Ae-
 quis.

- 7 Aequorum exercitus, (ut qui suo nomine permultos annos
 imbelles egissent) tumultuario similis, sine ducibus certis,
 sine imperio, trepidare. Alii exeundum in aciem, alii
 castra tuenda censent: movet plerosque vastatio futura
 agrorum, ac deinceps cum levibus praesidiis urbium reli-
 ctarum excidia. Itaque, postquam inter multas sententias
 una, quae, omissa cura communium, ad respectum suarum

6 *P. Sempronio Sopho* | Huic ex
 omnibus Romanis unum *Σόφος* cogno-
 men a populo inditum est, ob ex-
 cellentem iuris scientiam. cf. Pom-
 pon. de Orig. Juris. Civ. Unde vero
 Graecum cognomen, nisi forte huic

ob eximiam Graecarum literarum
 scientiam ab aequilibus inditum?

7 *Periculosus annus imbelles* | Ab
 anno 367. U. C. usque ad hunc an-
 num de Aequis siletur. cf. supr. vi.
 4.

U. C. 449.
A. C. 303.

quemque rerum vertisset, audita; ut prima vigilia diversi e castris ad deportanda omnia tuendaque moenibus in urbes abirent; cuncti eam sententiam ingenti assensu acceperunt. Palatis hostibus per agros, prima luce Romani, signis prolati, in acie consistunt; et, ubi nemo obvius ibat, pleno gradu ad castra hostium tendunt. Ceterum, postquam ibi neque stationes pro portis, nec quemquam in vallo, nec fremitum consuetum castrorum animadverterunt; insolito silentio moti, metu insidiarum subsistunt. Transgressi deinde vallum, quum deserta omnia invenissent, pergunt hostem vestigiis sequi: sed vestigia, in omnes aequae ferentia partes, ut in dilapsis passim, primo errorem faciebant; post, per exploratores compertis hostium consiliis, ad singulas urbes circumferendo bello, unum et quadraginta oppida intra dies quinquaginta omnia oppugnando ceperunt; quorum pleraque diruta atque incensa, nomenque Aequorum prope ad internecionem deletum. De Aequis triumphatum: exemploque eorum clades fuit, ut Marrucini, Marsi, Peligni, Frentani mitterent Romam oratores pacis petendae amicitiaeque. Iis populis foedus petentibus datum.

46.
C. Flavius
aedilis curulis.

Eodem anno Cn. Flavius Cn. filius scriba, patre libertino, humili fortuna ortus, ceterum callidus vir et facundus, aedilis curulis fuit. Invenio in quibusdam annalibus, quum appareret aedilibus, fierique se pro tribu aedilem videret, neque accipi nomen, quia scriptum faceret; tabulam posuisse, et iurasse, se scriptum non facturum. Quem aliquanto ante desisse scriptum facere, arguit Macer Licinius, tribunatu ante gesto triumviratibusque, nocturno altero, altero coloniae deducendae. Ceterum (id quod haud discrepat) contumacia adversus contemnentes humilitatem suam nobiles certavit: civile ius, repositum in penetralibus

7 *Patre libertino*] Libertinus tunc temporis dicebatur, parente liberto natus. STROTH. Errant, ut docet Ernest. Clav. Cic. qui libertinos libertorum filios putant, cum *libertini*, *liberi* homines e servis liberi facti, sunt. iidem qui *liberti*, nisi quod respectu ad patronum *liberti* dicantur. DOER.

8 *Quum appareret aedilibus*] Quum inter apparitores aedilium esset. Scribae enim erant ex apparitorum numero. Plutarchus eos *ὑπηρέτας* vocat in Cat. Min. CREV.

9 *Pro tribu*] i. e. Tribus praerogativae suffragio. cf. Cic. in Verr. ii. 51. *pro suffragio*. STROTH.

1 *Neque accipi nomen*] Neque rationem sui haberi ab eo qui comitiis praeerat, tanquam legitimi candidati. CREV.

2 *Quia scriptum faceret*] Quod scribae ministerio fungeretur. *Scriptum* hic a scriptus, ūs. CREV. *Tabulam posuisse*, quippe quae esset velut insigne ministerii sui.

3 *Nocturno altero*] Triumviri nocturni incendiis per urbem arcendis, atque urbis vigiliis obeundis praeerant. cf. Lyd. de Magistr. i. 50.

4 *Civile ius*] Legis actiones: i. e. sollemnes quasdam formulas a iurisconsultis compositas, quibus inter se homines in iure disceptarent. Hic actionum liber a Flavio prolatus, *ius civile Flavianum* appellabatur. Pom-

5 pontificum, evulgavit, fastosque circa forum in albo pro- U. C. 449.
 6 posuit, ut, quando lege agi posset, sciretur: aedem Con- A. C. 303.
 cordiae in area Vulcani summa invidia nobilium dedicavit;
 coactusque consensu populi Cornelius Barbatum pontifex
 maximus verba praecire, quum more maiorum negaret, nisi
 consulem aut imperatorem, posse templum dedicare. Itaque
 ex auctoritate senatus latum ad populum est, ne quis tem-
 plum aramve iniussu senatus aut tribunorum plebei partis
 maioris dedicaret. Haud memorabilem rem per se, nisi
 documentum sit adversus superbiam nobilium plebeiae
 libertatis, referam. Ad collegam aegrum visendi causa
 Flavius quum venisset, consensuque nobilium adolescen-
 tium, qui ibi assidebant, assurrectum ei non esset, curulem
 afferri sellam eo iussit, ac sede honoris sui anxios invidia
 7 inimicos spectavit. Ceterum Flavium dixerat aedilem fo-
 rensis factio, Ap. Claudii censura vires nacta, qui senatum
 8 primus libertinorum filiis lectis inquinaverat. Et postquam
 eam lectionem nemo ratam habuit, nec in curia adeptus
 erat, quas petierat, opes urbanas; humilibus per omnes
 9 tribus divisus, forum et campum corripuit: tantumque
 Flavii comitia indignitatis habuerunt, ut plerique nobilium
 1 annulos aureos et phaleras deponerent. Ex eo tempore in
 2 duas partes discessit civitas. Aliud integer populus, fautor
 et cultor bonorum, aliud forensis factio tenebat; donec Q.
 3 Fabius et P. Decius censores facti: et Fabius, simul con-

pon. de Orig. Iuris. CREV. cf. Val. Max. ii. 1. Plin. H. N. xxxiii. 1. A. Gell. vi. 9. Cic. pro Muraena. 11. Epist. ad Att. vi. 1. Hugo. Gesch. des R. Rechts. § 183. 184.

5 *Fastos*] Kalendarium, quo tota dierum fastorum nefastorumque ratio continebatur. Vid. not. ad i. 19. Horum scientia antea apud collegium pontificum erat. Dik.

6 *Quando lege agi posset*] Quibus diebus possent legitima actiones ad persequendum ius suum suscipi. CREV.

7 *Forensis factio*] Quae plebi opponitur, et in qua opifices, tabernarii, et scribae annuerant: quos *faecem illam civitatum* appellat Cicero pro Flam. 18. Graece ἀγοραιοὶ ὄχλος.

8 *Libertinorum*] Constat Ciceronis temporibus ac deinceps *libertinos* ac *libertos* pro iisdem acceptos fuisse; ita tamen ut *libertus* ad patronum, *libertinus* ad ingenuum referretur. Itaque dicebatur *homo libertinus*, non vero *libertinus meus*, *libertinus Caesaris*, sed *libertus meus*, *libertus Caesaris*. At his temporibus, de qui-

bus nunc agit Livius, *libertinos* vocatos fuisse Suetonius ait in Claudio, 24. *non ipsos qui manumitterentur, sed ingenuos*, i. e. eos qui Suetonii aevo pro ingenuis habebantur, *ex his procreatos*. Sunt tamen e doctis quidam, qui Suetonium hac in re erroris insimulent, contendantque *libertinum* eundem semper fuisse, qui et *libertus* appellabatur. CREV.

9 *Forum et campum*] sc. Comitia tributa, quae in foro, et comitia centuriata, quae in campo Martio habebantur. CREV.

1 *Phaleras*] Ornamenti genus, quod proprium fuisse tum equitum insigne colligitur ex Plinio, H. N. xxxiii. 1. Annulos aureos fuisse a solis senatoribus, nec universis, sed eorum nobilissimis, *gestatos* fuisse idem scriptor affirmat ibidem. cf. supr. 7. CREV.

2 *Ex eo tempore*] Nimirum ex Appii censura. Niebhr. iii. n. 549.

3 *Q. Fabius et P. Decius censores facti*] Sogonius et Pighius ex fragmentis Fastorum Capitolinorum eos hoc ipso anno censurati gessisse vo-

U. C. 449. cordiae causa, simul ne humillimorum in manu comitia
 A. C. 303. essent, omnem forensem turbam excretam in quattuor⁴
 Forensis tribus coniecit, urbanasque eas appellavit. Adeoque eam
 turba in tri- rem acceptam gratis animis ferunt, ut Maximi cognomen,
 bus urbanas quod tot victoriis non pepererat, hac ordinum temperatione⁵
 coniecta. pareret. Ab eodem institutum dicitur, ut equites Idibus⁶
 Quintilibus transveherentur.

lunt. Ac sane alium huic censurae annum assignare ex ipso Livio difficile foret. Hoc tamen notatu dignum, biennio ante censores memorari C. Iunium Bubulcum, M. Valerium Maximum, supr. 43. quum ex solito more non crearentur, nisi quinquennio quoque, censores. CREV.

4 *Quattuor tribus . . . urbanas*] sc. Palatinam, Collinam, Esquilinam, et Suburranam: ceterae tribus honestiores *rusticae* appellabantur: hae quidem *primo vocatae*, illae *postremo vocatae*. Niebhr. iii. n. 569.

5 *Hac ordinum temperatione*] Ita temperando res, ut discrimina ordinum ac dignitatum rite servarentur.

6 *Ut equites Idibus Quintilibus transveherentur*] Ex hoc instituto equites Romani quotannis Idibus

Quintilibus, i. e. die 15^a. mensis qui postea Iulius appellatus est, per turmas distincti, olea coronati, et tra-beati, equis insidentes, ab aede Martis extra urbem, sive, ut alii volunt, ab aede Honoris in Capitolium sollenni pompa transvehebantur. Ita describit hanc transvectionem equitum Dion. vi. qui et eam post pugnam ad Regillum lacum institutam esse scribit. Vid. quoque Auctorem de Vir. Illustr. in Fab. Rulliano, et Val. Max. ii. 2. CREV. Niebuhrio videtur hos 'censores nova quadam ratione ex censu equites ordinasse, scilicet omnes, qui pluris quam centum millibus aeris censeantur, in duodecim centurias equitum plebeiorum ascribendo. iii. n. 587.

EPITOME LIBRI X.

*COLONIAE deductae sunt Sora, et Alba, et Carseoli. Mar-
si in deditionem accepti sunt. Collegium augurum ampliatum
est, ut essent novem, quum antea quaterni fuissent. Lex de
provocatione ad populum a Valerio consule tunc tertium lata
est. Duae tribus adiectae sunt, Aniensis et Terentina. Sam-
nitibus bellum indictum, et adversus eos saepe prospere pugna-
tum est. Quum adversus Etruscos, Umbros, Samnites, Gal-
los, P. Decio et Q. Fabio ducibus, pugnaretur, Romanusque
exercitus in maximo esset discrimine, P. Decius, secutus ex-
emplum patris, devorit se pro exercitu, et morte sua victoriam
eius pugnae populo Romano dedit. Papirius Cursor Samni-
tium exercitum, qui iureiurando obstrictus, quo maiore con-
stantia virtutis pugnaret, in aciem descenderat, fudit. Cen-
sus actus est: lustrum conditum: censa sunt civium capita
ducenta sexaginta duo millia, et trecenta viginti duo.*

T. LIVII PATAVINI

LIBER X.

U. C. 450.
A. C. 302.
L. Genucio,
Ser. Corne-
lio Coss.

Latrones in
spelunca
oppressi.

L. GENUCIO, Ser. Cornelio consulibus, ab externis ferme bellis otium fuit. Soram atque Albam coloniae deductae. Albam in Aequos sex millia colonorum scripta. Sora agri Volsci fuerat; sed possederant Samnites. Eo quattuor millia hominum missa. Eodem anno Arpinatibus Trebulanisque civitas data. Frusinatenses tertia parte agri damnati, quod Hernicos ab iis sollicitatos compertum: capitaque coniurationis eius, quaestione ab consulibus ex senatusconsulto habita, virgis caesi ac securi percussi. Tamen, ne prorsus imbellem agerent annum, parva expeditio in Umbria facta est; quod nuntiabatur, ex spelunca quadam excursiones armatorum in agros fieri. In eam speluncam penetratum cum signis est: et ex eo loco obscuro multa vulnera accepta, maximeque lapidum ictu; donec, altero specus eius ore (nam pervius erat) invento, utraeque fauces congestis lignis accensae: ita intus fumo ac vapore ad duo millia armatorum, ruentia novissime in ipsas flammas, dum evadere tendunt, absumpta.

U. C. 451.
A. C. 301. Marcis Livio Dentre et Aemilio consulibus, redintegratum Aequicum bellum. Coloniam, aegre patientes velut

¹ *Soram atque Albam coloniae*] Supr. ix. 23. Sora iam tum colonia Romana esse dicitur. Itaque non nunc primum deducitur haec colonia, sed suppletur. CREV.

² *Albam in Aequos*] Albam Fucensis intellige, a septentrionali latere lacus Fucini sita, unde *Albensis ager*, infr. xxvi. 11. Eam urbem in Marsis fuisse consentiunt omnes. Livius in Aequis eam posuit, si Douiatium audiamus, simili errore, quo infr. 3. Carseolos, qui Aequorum erant, ut ipse agnoscit infr. 13. Marsis ascribere videtur. Fieri tamen potest, ut vicinorum populorum fines bello saepius mutati fuerint. Sed Niebuhrio videtur,

Albam adhuc Aequorum fuisse. cf. supr. iv. 57. ubi de castello Volscorum ad lacum Fucinum agitur. Niebhr. iii. n. 460.

³ *Arpinatibus*] Arpinum in Volscis patria fuit Marci et Ciceronis. CREV.

⁴ *Marcis Livio Dentre et Aemilio*] Utrique praenomen erat *Marcus*. Libri habent *M.* quod legendum esse *Marcis* recte monet Gronovius: ut supr. iv. 48. *Spurii Maecilius et Metilius*. CREV.

⁵ *Aegre patientes*] Nominativus in praecedente voce *Aequicum* latet. sc. *Aequi*.

arcem suis finibus impositam, summa vi expugnare adorti, U. C. 451.
 ab ipsis colonis pelluntur. Ceterum tantum Romae ter- A. C. 301.
 rorem fecere, quia vix credibile erat, tam affectis rebus M. Livio,
 solos per se Aequos ad bellum coortos, ut tumultus eius M. Aemilio
 causa dictator diceretur C. Iunius Bubulcus. Is, cum M. Coss.
 Titinio magistro equitum profectus, primo congressu Ae- C. Iunius
 quos subegit, ac, die octavo triumphans in urbem quum dictator.
 6 redisset, aedem Salutis, quam consul voverat, censor loca- Aequos
 verat, dictator dedicavit. subigit.

7 Eodem anno classis Graecorum, Cleonymo duce Lace- 2.
 8 daemonio, ad Italiae litora appulsa, Thurias urbem in Sal-
 9 lentinis cepit. Adversus hunc hostem consul Aemilius
 missus proelio una fugatum compulit in naves. Thuriae
 redditae veteri cultori: Sallentinoque agro pax parta.
 Iunium Bubulcum dictatorem missum in Sallentinos, in
 quibusdam annalibus invenio: et Cleonymum prius, quam Cleonymus
 conflagrandum esset cum Romanis, Italia excessisse. Lacon. Cir-
 cumvectus inde Brundisii promontorium, medioque sinu
 Hadriatico ventis latus, quum laeva importuosa Italiae
 litora, dextra Illyrii Liburnique et Istri, gentes ferae, et
 magna ex parte latrociniis maritimis infames, terrerent,
 penitus ad litora Venetorum pervenit. Ibi expositis paucis,
 qui loca explorarent, quum audisset, tenue praetentum
 litus esse; quod transgressis stagna ab tergo, irrigua aesti-
 bus maritimis; agros haud procul proximos campestres
 cerni; ulteriora colles; inde esse ostium fluminis praecalti,
 quo circumagi naves in stationem tutam vidisse: (Me-
 duacus amnis erat) eo invectam classem subire flumine
 adverso iussit. Gravissimas navium non pertulit alveus
 fluminis: in leviora navigia transgressa multitudo arma-
 torum ad frequentes agros, tribus maritimis Patavinorum
 vicis colentibus eam oram, pervenit. Ibi egressi, levi prae-
 sidio navibus relicto, vicos expugnant, inflammant tecta,
 hominum pecudumque praedas agunt, et dulcedine prae-
 dandi longius usque a navibus procedunt. Haec ubi Pa-

6 *Censor locaverat*] Supr. ix. 44.

7 *Cleonymo duce Lacedaemonio*] Filius scilicet Cleomenis regis, et nepos Cleombroti qui apud Leuctram occubuerat. Legatos Spartam Tarentini miserant, qui auxilium adversus Lucanos peterent, et Cleonymus propter suspicionem regni appetendi, quo tempore fratris filius Arcus regnabat, veniam ab Ephoris, ut exercitum suis auspiciis conscriptum in Italiam traiceret, facilius impetravit. Sed rem totam uberius explicat Diod. xx. 104.

8 *Thurias*] *Thuriae*, siye *Thurii* eadem urbs fuit, quae prius *Sybaris*, postea a Romanis coloniam eo deducen-
 centibus *Copiae* dicta est. Ceterum a Sallentinis Tarentino sinu dividitur.
 CREV.

9 *Sallentinis*] Qui pars gentis Messapiorum erant, origine Cretica. cf. Strabo vi. p. 279. Herod. vii. 170. Athenaeus xii. p. 522. Varro Fragm. iii. Antiq. Rer. Hum. p. 205. Festus v. *Sallentini*, qui alii alia narrant.

U. C. 451. taviū sunt nuntiata, (semper autem eos in armis accolae
A. C. 301. Galli habebant) in duas partes iuventutem dividunt. Altera in regionem, qua effusa populatio nuntiabatur; altera, ne cui praedonum obvia fieret, altero itinere ad stationem navium (millia autem quattuordecim ab oppido aberat) ducta. In naves parvas, custodibus interemptis, impetus factus; territique nautae coguntur naves in alteram ripam amnis transiicere. Et in terra prosperum aequae in palatos praedatores proelium fuerat: refugientibusque ad stationem Graecis Veneti obsistunt. Ita in medio circumventi hostes caesique; pars capti classem indicant regemque Cleonymum tria millia abesse. Inde, captivis proximo vico in custodiam datis, pars fluviatiles naves, ad superanda vada stagnorum apte planis alveis fabricatas, pars captiva navigia armatis complent: profectique ad classem, immobiles naves et loca ignota plus, quam hostem, timentes, circumvadunt: fugientesque in altum acrius, quam repugnantes, usque ad ostium amnis persecuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quinta parte navium incolumi, nulla regione maris Hadriatici prospere adita, discessit. Rostra navium spoliaque Laconum, in aede Iunonis veteri fixa, multi supersunt, qui viderunt Patavii. Monumentum navalis pugnae eo die, quo pugnatum est, quotannis sollenni certamine navium in flumine oppidi medio exercetur.

3. Eodem anno Romae cum Vestinis, petentibus amicitiam, ictum est foedus. Multiplex deinde exortus terror. Etruriam rebellare, ab Arretinorum seditionibus motu orto, nuntiabatur: ubi Cilnium genus praepotens, divitiarum³ invidia, pelli armis coeptum: simul Marsos agrum vi tueri, in quem colonia Carseoli deducta erat, quattuor milibus hominum scriptis. Itaque propter eos tumultus dictus M. Valerius¹ dictator. M. Valerius Maximus dictator, magistrum equitum sibi legit M. Aemilium Paullum. Id magis credo, quam Q. Fabium ea aetate atque iis honoribus Valerio subiectum. Ceterum ex Maximi cognomine ortum errorem haud ab-

¹ *Altero itinere*] Legendum putabam *alio*: sed hanc coniecturam iam praecepit Gronovius. STROTH. Magis nobis aridet Burmanni coniectura a Drakenborchio probata, *avio itinere*. DOER.

² *Nulla regione*] Subsidia tamen belli in Corcyra insula habebat, unde secundo post anno discessit. Cleonymum postea in regnum revocare ne-

quiequam tentavit Pyrrhus.

³ *Cilnium genus praepotens*] Quod Romanis partibus favebat, quippe Romani rationem iam adhibuerant, qua socios Italicos *per optimates* regerent. Cilnii vero Lucumones erant. Niebhr. i. n. 380.

⁴ *Ceterum ex Maximi*] Hic magni errores implicant et nominum, et temporum: unde et aliqua apud Livium

nuerim. Profectus dictator cum exercitu proelio uno Mar-
 sos fundit. Compulsis deinde in urbes munitas, Milonium, U. C. 451.
A. C. 301.
 Plestinam, Fresiliam, intra dies paucos cepit: et parte agri
 multatis Marsis foedus restituit. Tum in Etruscos versum Etruscum
bellum.
 bellum: et, quum dictator auspiciorum repetendorum
 causa profectus Romam esset, magister equitum, pabu-
 latum egressus, ex insidiis circumvenitur; signisque aliquot
 amissis, foeda militum caede ac fuga in castra est compul-
 5 sus. Qui terror non eo tantum a Fabio abhorret, quod si
 qua alia arte cognomen suum aequivit, tum maxime bellicis
 laudibus: sed etiam, quod, memor Papirianae saevitiae,
 nunquam, ut dictatoris iniussu dimicaret, adduci potuisset.
 Nuntiata ea clades Romam maiorem, quam res erat, ter-
 rorem excivit. Nam, ut exercitu deleto, ita iustitium in-
 6 dictum; custodiae in portis, vigiliae vicatim exactae; arma,
 tela in muros congesta. Omnibus iunioribus sacramento
 adactis, dictator, ad exercitum missus, omnia spe tranquil-
 lora et composita magistri equitum cura, castra in tutiorem
 locum redacta, cohortes, quae signa amiserant, extra vallum
 sine tentoriis destitutas invenit; exercitum avidum pugnae,
 quo maturius ignominia aboleretur. Itaque confestim
 castra inde in agrum Rusellanum promovit. Eo et hostes
 secuti: et quanquam ex bene gesta re summam et in aperto
 certamine virium spem habebant; tamen insidiis quoque,
 quas feliciter experti erant, hostem tentant. Tecta semiruta
 vici, per vastationem agrorum deusti, haud procul castris
 Romanorum aberant. Ibi abditis armatis, pecus in con-
 spectu praesidii Romani, cui praeerat Cn. Fulvius legatus,
 propulsum. Ad quam illecebram quum moveretur nemo
 ab Romana statione, pastorum unus, progressus sub ipsas
 munitiones, inclamat alios, cunctanter ab ruinis vici pecus
 propellentes, ‘quid cessarent, quum per media castra Ro-
 ‘mana tuto agere possent?’ Haec quum legato Caerites
 quidam interpretarentur, et per omnes manipulos militum
 7 indignatio ingens esset, nec tamen iniussu movere aude-
 rent; iubet peritos linguae attendere animum, pastorum
 sermo agresti, an urbano, propior esset. Quum referrent,
 sonum linguae, et corporum habitum, et nitorem, cultiora,
 quam pastoralia, esse; ‘ite igitur, dicite,’ inquit, ‘detegant

4.

obscuritas. Vid. Sigon. in Fast. Capit. et Pighii Annales: qui ambo ex Fas-
 torum fragmentis inserendum hic an-
 num unum censent, quo dictatores sine
 consulibus fuerint primo Q. Fabius
 Maximus, deinde M. Valerius Corvus.
 CREV.

5 *Si qua alia arte*] Scilicet, si quam
 aliam, tum imprimis bellicam ar-

tem, cognomini suo respondentem, h. e.
maximam, prae se tulit.

6 *Vigiliae vicatim exactae*] *Vica-*
tim, Graeca lingua *κατὰ κάπας*, ut supr.
 ix. 13. sive *castellatim* supr. vii. 36.

7 *Movere*] Vulgati habent *movere se*,
 sed MSS. opt. *movere*, et hoc verbum
 saepissime sensu intransitivo a nostro
 usurpatum esse monet Drak.

U. C. 451. 'nequicquam conditas insidias: omnia scire Romanum;
 A. C. 301. 'nec magis iam dolo capi, quam armis vinci, posse.' Haec
 ubi audita sunt, et ad eos, qui consederant in insidiis, per-
 lata, consurrectum repente ex latebris est, et in patentem
 ad conspectum undique campum prolata signa. Visa legato
 maior acies, quam quae ab suo praesidio sustineri posset.
 Itaque propere ad dictatorem auxilia accitum mittit; in-
 terea ipse impetus hostium sustinet. Nuntio allato, dictator
 signa ferri, ac sequi armatos iubet: sed celeriora prope
 omnia imperio erant. Rapta extemplo signa arinaque; et
 vix ab impetu et cursu tenebantur: quum ira ab accepta
 nuper clade stimulabat, tum concitator accidens clamor ab
 increcente certamine. Urgent itaque alii alios, hortan-
 turque signiferos, ut ocius cant. Quo magis festinantes
 videt dictator, eo impensius retentat agmen, ac sensim in-
 cedere iubet. Etrusci contra, principio exciti pugnae, om-
 nibus copiis aderant. Et super alios alii nuntiant dictatori,
 omnes legiones Etruscorum capessisse pugnam; nec iam
 ab suis resisti posse: et ipse cernit ex superiore loco, in
 quanto discrimine praesidium esset. Ceterum, satis fre-
 tus, esse etiam nunc tolerando certamini legatum, nec se
 procul abesse periculi vindicem, quam maxime vult fatigari
 hostem, ut integris adoriatur viribus fessos. Quanquam
 lente procedunt, iam tamen ad impetum capiendum, equiti
 utique, modicum erat spatium. Prima incedebant signa
 legionum, ne quid occultum aut repentinum hostis timeret:
 sed reliquerat intervalla inter ordines peditum, qua satis
 laxo spatio equi permitti possent. Pariter sustulit cla-
 morem acies; et emissus eques libero cursu in hostem
 invehitur, incompositisque adversus equestrem procellam
 subitum pavorem offundit. Itaque, ut prope serum auxilium
 iam paene circumventis, ita universa requies data est.
 Integri acceperere pugnam: nec ea ipsa longa, aut anceps
 fuit. Fusi hostes castra repetunt, inferentibusque iam
 signa Romanis cedunt, et in ultimam castrorum partem
 conglobantur. Haerent fugientes in angustiis portarum:
 pars magna aggerem vallumque conscendunt, si aut ex
 superiore loco tueri se, aut superare aliqua et evadere pos-
 sent. Forte quodam loco male densatus agger pondere
 superstantium in fossam procubuit: atque ea quum deos

7 *Principio exciti pugnae*] Principio statim pugnae a suis insidiatoribus commissae exciti e castris. CREV.

8 *Tolerando certamini legatum*] Locutio Liviana, subaud. *parem*, ut alibi *oneri ferendo esse, solvendo esse*; vox enim *satis* cum *fretus* coniungenda est, ut monet Drak.

9 *Pariter*] Uno eodemque tempore.

1 *Incompositisque adversus*] Quum incompositi essent prae ardore pugnandi, atque adeo imparati ad excipiendum equitatus effuso cursu invadentis impetum. CREV.

2 *Superstantium*] Haec est scriptura nostrorum omnium codicum, ut

pandere viam fugae conclamassent, plures inermes, quam armati, evadunt. Hoc proelio fractae iterum Etruscorum vires: et, pacto annuo stipendio, et duum mensium frumento, permissum ab dictatore, ut de pace legatos mitterent Romam. Pax negata: indutiae biennii datae: dictator triumphans in urbem rediit. Habeo auctores, sine ullo memorabili proelio pacatam ab dictatore Etruriam esse, seditionibus tantum Arretinorum compositis, et Cilnio genere cum plebe in gratiam reducto. Consul ex dictatura factus M. Valerius. Non petentem, atque adeo etiam absentem, creatum credidere quidam; et per interregem ea comitia facta. Id unum non ambigitur, consulatum cum Appuleio Pansa gessisse.

M. Valerio et Q. Appuleio consulibus, satis pacatae foris res fuere. Etruscum adversa belli res et indutiae quietum tenebant: Samnitum, multorum annorum cladibus domitum, haud dum foederis novi poenitebat. Romae quoque plebem quietam et exoneratam deducta in colonias multitudo praestabat. Tamen, ne undique tranquillae res essent, certamen injectum inter primores civitatis, patricios plebeiosque, ab tribunis plebis Q. et Cn. Ogulniis. Qui, undique criminandorum Patrum apud plebem occasionibus quaesitis, postquam alia frustra tentata erant, eam actionem susceperunt, qua non infimam plebem accenderent, sed ipsa capita plebis, consulares triumphalesque plebeios: quorum honoribus nihil, praeter sacerdotia, quae nondum promiscua erant, deesset. Rogationem ergo promulgarunt, ut, quum quattuor augures, quattuor pontifices ea tempestate essent, placeretque augeri sacerdotum numerum, quattuor pontifices, quinque augures, de plebe omnes, allegarentur. Quemadmodum ad quattuor augurum numerum, nisi morte duorum, id redigi collegium potuerit, non invenio:

et Sigoniani. Vulgo *superastantium*: quod fortasse mendum est operarum per multas deinceps editiones, ut sit, propagatum. CREV.

3 *Rogationem*] Quae postea Lex Ogulnia vocata est.

4 *De plebe omnes*] Quoniam augures comitia religione quadam regabant, atque pontifices res sacras, sanctas, et religiosas administrabant, maximi momenti erat plebi ut aditus ad horum munera suis pateret, ne iura sua civilia quodammodo claudicaret.

5 *Ad quattuor augurum numerum*] Cic. de Rep. ii. 9. Romulum, qui sibi essent in auspiciis, ex singulis tribus singulos cooptasse augures scribit; necnon Numam regem ad primum numerum duos augures addi-

disse, et sacris e principum numero pontifices quinque praefecisse: sed ex horum numero unum *pontificem maximum* fuisse liquet, ita ut tantummodo quattuor *pontifices maiores* essent. Hinc falso dictum videtur *supr. iv. 4. augures Romulo regnante nullas fuisse*.

6 *Nisi morte duorum*] Niebuhr i. n. 773. placet patribus minorum gentium, scilicet Luceribus, neque augures neque pontifices haecenus fuisse: quippe Romulum ex Ramnensium et Titensium tribubus augures singulos cooptasse, quibus duos adieceris Numam: ita ut quattuor omnino augures evaderent. Sed de haec adeas omnino Niebuhr. i. n. 775.

- U. C. 452. quum inter augures constet, imparem numerum debere 7
 A. C. 300. esse, ut tres antiquae tribus, Ramnes, Titienses, Luceres, suum quaeque augurem habeant; aut, si pluribus sit opus, pari inter se numero sacerdotes multiplicent: sicut multiplicati sunt, quum ad quattuor quinque adiecti novem numerum, ut terni in singulas essent, expleverunt. Ceterum, quia de plebe allegebantur, iuxta eam rem aegre passi Patres, quam quum consulatum vulgari viderent. Simulabant, ad deos id magis, quam ad se, pertinere: ipsos visuros, ne sacra sua polluantur. Id se optare tantum, ne qua in rempublicam clades veniat. Minus autem tetendere, assueti iam tali genere certaminum vinci. Et cernebant, adversarios non id, quod olim vix speraverint, affectantes magnos honores, sed omnia iam, in quorum spem dubiam erat certatum, tamen adeptos, multiplices consu- 8
 7. latus, censurasque et triumphos. Certatum tamen suadenda dissuadendaque lege inter Ap. Claudium maxime ferunt, et inter P. Decium Murem. Qui quum eadem ferme de iure Patrum ac plebis, quae pro lege Licinia quondam contraque eam dicta erant, quum plebeiis consulatus rogabatur, disseruissent; retulisse dicitur Decius parentis sui speciem, 9
 Decii oratio de sacerdotiis cum plebe communiscandis.
 qualem eum multi, qui in concione erant, viderant, incinctum Gabino cultu, super telum stantem, quo se habitu pro populo ac legionibus Romanis devovisset. ‘Tum P. Decium consulem purum piumque deis immortalibus visum, aequae ac si T. Manlius collega eius devoveretur. Eundem P. Decium, qui sacra publica populi Romani faceret, legi rite non potuisse? Id esse periculum, ne suas preces minus audirent dii, quam Ap. Claudii? Castius eum sacra privata facere, et religiosius deos colere, quam se? Quem poenitere votorum, quae pro republica nun- 1
 cupaverint tot consules plebei, tot dictatores, aut ad exercitus euntes, aut inter ipsa bella? Numerarentur duces eorum annorum, quibus plebeiorum ductu et auspicio res geri coeptae sunt: numerarentur triumphi. Iam ne no- 2

7 *Imparem numerum*] Nempe ternarium vel e ternario factum. Hinc Sylla numerum a *novem* ad *quindecim* auxit. Sed si Niebuhrius scopo non aberraverit, haec res antiquitus Romanis religioni non erat.

8 *Tamen adeptos*] *Tamen* ad omis-
sum quamvis, vel aliam eiusmodi particulam referendum est. Itaque hoc loco sic supplendum, *in quorum spem quamvis dubium erat certamen, tamen*.

9 *Retulisse . . . parentis sui speciem*] Revocasse et vi orationis praesentem quodammodo ob oculos prae-

stitisse imaginem parentis sui. CREV.

1 *Quem poenitere votorum*] Ideo nempe neminem poenituit illorum votorum, quia apparuit ex prospero bellorum eventu vota accepta diis fuisse. CREV.

2 *Iam ne nobilitatis quidem suae plebeios poenitere*] Nobilitas apud Romanos ducebatur ab maiorum honoribus. Itaque ii plebei quorum patres consulatum, aut praeturam, aut censuram, aut dictaturam gesserant, nobiles erant. CREV.

'bilitatis quidem suae plebeios poenitere. Pro certo ha-
 'bere, si quod repens bellum oriatur, non plus spei fore
 'senatui populoque Romano in patriciis, quam in plebeiis
 'ducibus. Quod quum ita se habeat, cui deorum homi-
 'numve indignum videri potest,' inquit, 'eos viros, quos
 3 'vos sellis curulibus, toga praetexta, tunica palmata, et toga
 4 'picta, et corona triumphali laureaue honoraritis, quorum
 5 'domos spoliis hostium affixis insignes inter alias feceritis,
 6 'pontificalia atque auguralia insignia adiicere? Qui, Iovis
 'optimi maximi ornatu decoratus, curru aurato per urbem
 8 'vectus in Capitolium ascenderit, si conspiciatur cum
 'capide ac lituo, capite velato victimam caedat, auguriumve
 'ex arce capiat? Cuius imaginis titulo consulatus, censu-
 'raque, et triumphus, aequo animo legetur; si auguratum
 'aut pontificatum adieceritis, non sustinebunt legentium
 'oculi? Equidem (pace dixerim deum) eos nos iam populi
 'Romani beneficio esse spero, qui sacerdotiis non minus
 'reddamus dignatione nostra honoris, quam acceperimus;
 'et deorum magis, quam nostra causa expetamus, ut, quos
 'privatim colimus, publice colamus. Quid autem ego sic
 'adhuc egi, tanquam integra sit causa patriciorum de sa-
 'cerdotiis, et non iam in possessione unius amplissimi sinus
 'sacerdotii? Decemviros sacris faciundis, carminum Si-
 'byllae ac factorum populi huius interpretes, antistites
 9 'eosdem Apollinaris sacri caerimoniarumque aliarum,

8.

3 *Tunica palmata*] Tunica intextis palmis ornata. Eam triumphantes gestabant. CREV.

4 *Toga picta*] Toga purpurea, quae diversarum rerum figuras acu pictas haberet. Eam primo purpuream vocitatum, ac fuisse sine pictura tradit Festus in voce *Picta*. Et sane *togam pictam* et *togam purpuream* promiscue usurpasse Livius videri potest, si quis contulerit xxx. 15. cum xxxi. 11. Toga picta erat et ipsa triumphantium insigne. De toga picta fuisse disserit Ald. Manut. in Quaesitis per Ep. *De toga*. CREV.

5 *Corona triumphali*] Quam antiquitus e lauro fuisse, postea ex auro fieri coeptam scribit Gell. v. 6. Dion. Hal. iii. ad tempora usque Tarquinii Prisci refert originem coronarum aurearum a regibus primum, deinde a triumphantibus gestatarum. CREV.

6 *Quorum domos spoliis hostium affixis insignes ... feceritis*] Mos fuit Romanis, ut spolia hostium devictorum in postibus domorum suarum figerent. Vid. infr. xxiii. 23. et xxxviii. 43. Atque ea nec emptori rebere li-

cuisse docet Plinius H. N. xxxv. 2. CREV.

7 *Iovis optimi maximi ornatu*] Corona aurea, sceptro regio, quibus triumphantes, quemadmodum ipse Iupiter, decorabantur. Quin etiam faciem triumphantibus minio illini olim solitam, quemadmodum Iovi et quibusdam aliis diis, Plinius H. N. xxxiii. 7. memorat. CREV.

8 *Cum capide ac lituo*] *Capis* populi genus pontificale, a *capiendo*. FESTUS. *Litus* baculus auguralis, cf. supr. i. 18.

9 *Apollinaris sacri*] Haud scio an noster hic proleptice loquatur, et ludos illos Apollinares intelligat, qui postea an. 540. U. C. ex carminibus vatis Marcii originem habuerunt, et qui an. 544. U. C. a praetore urbis primum facti sunt. His ludis, qui die solenni quotannis, sc. ante diem tertium nonas Quinctiles, celebrabantur, praerat praetor urbanus, et decemviri Graeco ritu sacra faciebant, unde Apollinis sacerdotes dicti sunt. cf. infr. xxv. 12. xxvii. 23.

U. C. 452. 'plebeios videmus. Nec tum patriciis ulla iniuria facta
 A. C. 300. 'est, quum duumviris sacris faciundis adiectus est propter
 'plebeios numerus: et nunc tribunus, vir fortis ac strenuus,
 'quinque augurum loca, quattuor pontificum adiecit, in
 'quae plebei nominentur; non ut vos, Appi, vestro loco
 'pellant, sed ut adiuvent vos homines plebei divinis
 'quoque rebus procurandis, sicut in ceteris humanis pro
 'parte virili adiuvant. Noli erubescere, Appi, collegam in
 'sacerdotio habere, quem in censura, quem in consulatu
 'collegam habere potuisti: cuius tam dictatoris magister
 'equitum, quam magistri equitum dictator esse potes.
 'Sabinum advenam, principem nobilitatis vestrae, seu
 'Attum Clausum, seu Ap. Claudium mavultis, illi antiqui
 'patricii in suum numerum acceperunt. Ne fastidieris nos
 'in sacerdotum numerum accipere. Multa nobiscum de-
 'cora afferimus; imo omnia eadem, quae vos superbos
 'fecerunt. L. Sextius primus de plebe consul est factus.
 'C. Licinius Stolo primus magister equitum, C. Marcius
 'Rutilus primus et dictator et censor, Q. Publilius Philo
 'primus praetor. Semper ista audita sunt eadem, penes
 'vos auspicia esse, vos solos gentem habere, vos solos
 'iustum imperium et auspiciū domi militiaeque. Aequē
 'adhuc prosperum plebcium ac patricium fuit, porroque
 'erit. En unquam fando audistis, patricos primo esse
 'factos, non de coelo demissos, sed qui patrem ciere pos-
 'sent, id est, nihil ultra quam ingenuos? Consulem iam
 'patrem ciere possum; avumque iam poterit filius meus.
 'Nihil est aliud in re, Quirites, nisi ut omnia negata
 'adipiscamur. Certamen tantum patricii petunt, nec curant,
 'quem eventum certaminum habeant. Ego hanc legem,
 'quod bonum, faustum, felixque sit vobis ac reipublicae, uti
 9. 'rogas, iubendam censeo.' Vocare tribus extemplo populus
 iubebat, apparebatque accipi legem: ille tamen dies est
 intercessione sublatus. Postero die, deterritis tribunis, in-
 genti consensu accepta est. Pontifices creantur suasor
 legis P. Decius Mus, P. Sempronius Sophus, C. Marcius
 Pontifices et augures plebei, Rutilus, M. Livius Denter. Quinque augures item de
 plebe, C. Genucius, P. Aelius Pactus, M. Minucius Fessus,
 C. Marcius, T. Publilius. Ita octo pontificum, novem
 augurum numerus factus.

Lex de pro- Eodem anno M. Valerius consul de provocatione legem 4

1 *Vos solos gentem habere*] cf. Not. supr. iv. 1. Similiter ἀφρότροπος apud Athenienses dicebantur illi, qui a Clis-thene in novas tribus descripti sunt.

2 *En unquam*] Nunquamne? ut supr. ix. 10.

3 *Uti rogas*] Vox sciscendi vel iubendi id quod magistratus aliquis rogabat. supr. vi. 38.

4 *Eodem anno*] Circiter hunc annum Legem Furiam de testamentis auctore L. Furio, praetore an. U. C.

tulit, diligentius sanctam. Tertio ea tum post reges exactos
 5 lata est, semper a familia eadem. Causam renovandae
 saepius haud aliam fuisse reor, quam quod plus paucorum
 6 opes, quam libertas plebis, poterant. Porcia tamen lex
 sola pro tergo civium lata videtur: quod gravi poena, si
 quis verberasset necassetve civem Romanum, sanxit. Va-
 leria lex, quum cum, qui provocasset, virgis caedi, securique
 7 necari vetuisset, si quis adversus ea fecisset, nihil ultra,
 quam improbe factum, adiecit. Id (qui tum pudor homi-
 num erat) visum, credo, vinculum satis validum legis: nunc
 vix serio ita minetur quisquam.

Bellum ab eodem consule haudquaquam memorabile ad-
 versus rebellantes Aequos, quum praeter animos feroces
 nihil ex antiqua fortuna haberent, gestum est. Alter con-
 sul Appuleius in Umbria Nequinum oppidum circumscedit.
 Locus erat arduus, atque in parte una praeceps, ubi nunc
 Narnia sita est: nec vi, nec munimento capi poterat.
 Itaque eam infectam rem M. Fulvius Paetinus, T. Manlius
 Torquatus, novi consules, acceperunt. In eum annum
 quum Q. Fabium consulem non petentem omnes dicerent
 centuriae, ipsum auctorem fuisse Macer Licinius ac Tubero
 tradunt differendi sibi consulatus in bellicosiorum annum:
 eo anno maiori se usui reipublicae fore, urbano gesto ma-
 gistratu: ita nec dissimulantem, quid mallet, nec petentem
 tamen, aedilem curulem cum L. Papirio Cursore factum.
 Id ne pro certo ponerem, vetustior annalium auctor Piso
 effecit; qui eo anno aediles curules fuisse tradit C. Domi-
 tium Cn. F. Calvinum et Sp. Carvilius Q. F. Maximum.
 Id credo cognomen errorem in aedilibus fecisse; secutam-
 que fabulam mixtam ex aediliciis et consularibus comitiis,
 convenientem errori. Et lustrum eo anno conditum a P.
 Sempronio Sopho et P. Sulpicio Saverione censoribus:
 8 tribusque additae duae, Aniensis ac Terentina. Haec
 9 Romae gesta.

U. C. 452.
 A. C. 300.
 vocatione
 tertio lata.

U. C. 453.
 A. C. 299.
 M. Fulvio,
 T. Manlio
 Coss.

Tribus no-
 vae.

436. supr. ix. 20, a plebe sanctam fuisse censet Niebuhr. Hae lege, *exceptis personis quibusdam, ceteris plus nullis assibus legatarum nomine mortisve causa capere permissum non est.* cf. Gaii Inst. ii. § 225. Hug. Gesch. des R. Rechts. § 160. Theophil. ii. 22. Sed in Or. pro Balb. 8. C. *Furum* legem tulisse Cicero scribit.

5 *Semper a familia eadem*] Primum a Pubacola supr. ii. 8. secundo a Valerio Potito iii. 55.

6 *Porcia ... lex*] Quam legem tulit Porcia Lecca, tribunus pl. an. U. C. 556. cf. Ernest. in Clav. Cic. *Pro tergo*, h. e. in gratiam civium togat.

dam hac lege, ne virgis civium tergum caederetur, cautum fuit. Dolar.

7 *Nihil ultra, quam*] Haecenus nulla poena violatae legis constituta erat, sed arbitrio tribunorum res permittitur.

8 *Tribusque additae duae*] Ita ut tres et triginta iam factae fuerint.

9 *Aniensis ac Terentina*] In quibus Aequos, quibus civitas data erat, solos descriptos fuisse censet Niebuhr. iii. ii. 474. *Aniensis* regio in superiore parte Anienis amnis erat, Terentina haud procul Arpinatium et Atinatum agro. cf. Cic. pro Planc. 10.

U. C. 453.
A. C. 299.
10.

Ceterum ad Nequinum oppidum quum segni obsidione tempus tereretur, duo ex oppidanis, quorum erant aedificia iuncta muro, specu facto ad stationes Romanas itinere occulto perveniunt: inde ad consulem deducti, praesidium armatum se intra moenia et muros accepturos confirmant. Nec aspernanda res visa, neque incaute credenda. Cum altero eorum (nam alter obses retentus) duo exploratores per cuniculum missi: per quos satis comperta re, trecenti armati, transfuga duce in urbem ingressi, nocte portam, quae proxima erat, cepere. Qua refracta, consul exercitusque Romanus sine certamine urbem invasere. Ita Ne-¹quinum in ditionem populi Romani venit. Colonia eo adversus Umbros missa, a flumine Narnia appellata: exer-²citus cum magna praeda Romam reductus.

Etrusci
bellum ad-
versus Ro-
manos mo-
liuntur.

Eodem anno ab Etruscis adversus indutias paratum bel-³lum: sed eos alia molientes Gallorum ingens exercitus, fines ingressus, paullisper a proposito avertit. Pecunia deinde, qua multum poterant, freti, socios ex hostibus facere Gallos conantur, ut eo adiuncto exercitu cum Romanis bellarent. De societate haud abnuunt barbari: de mercede agitur. Qua pacta acceptaque, quum parata cetera ad bellum essent, sequique Etruscus iuberet, infitias eunt, ‘mercedem se belli Romanis inferendi pactos: ‘quicquid acceperint, acceperisse, ne agrum Etruscum vastarent, armisque lacerarent cultores. Militaturos tamen ‘se, si utique Etrusci velint; sed nulla alia mercede, quam ‘ut in partem agri accipiantur, tandemque aliqua sede ‘certa consistant.’ Multa de eo concilia populorum Etruriae habita: nec perfici quicquam potuit; non tam quia imminui agrum, quam quia accolae sibi quisque adiungere tam efferatae gentis homines horrebat. Ita dimissi Galli pecuniam ingentem sine labore ac periculo partam retulerunt. Romae terrorem praebuit fama Gallici tumultus⁴ ad bellum Etruscum adiecti: eo minus cunctanter foedus ictum cum Picenti populo est. T. Manlio consuli Etruria provincia sorte evenit; qui, vixdum ingressus hostium fines, quum exerceretur inter equites, ab rapido cursu circumagendo equo effusus, extemplo prope exspiravit: tertius ab eo casu dies finis vitae consuli fuit. Quo velut omine belli accepto, deos pro se commisisse bellum memorantes Etrusci

11.
T. Manlii
Cos. mors.

¹ *Ita Nequinum*] Urbs in situ peropportuno, ut quae iter a Samnio in Umbriam et Etruriam tantum non intercluderet.

² *A flumine Narnia*] Fluminis nomen *Nar*—urbs hodie *Narni*.

³ *Adversus indutias*] Biennio indutiarum nondum expleto, cf. supr.

5. ut Livius vult, qui anno consulari exeunte pactas eas existimat.

⁴ *Gallici tumultus*] Polybius ii. 19. Gallos, exercitu suo cum Etruscis coniuncto, fines Romanos vastasse, et praeda onustos, saltibus Apennini superatis, ad suos redisse incolumes scribit.

sustulere animos. Romae, tum desiderio viri, tum incom- U. C. 453
 5 moditate temporis, tristis nuntius fuit: ut Patres ab iubendo A. C. 299.
 6 dictatore consulis subrogandi comitia, ex sententia prin-
 cipum habita, deterruerint. M. Valerium consulem omnes M. Valerius
 sententiae centuriaeque dixere, quem senatus dictatorem suffectus.
 dici iussurus fuerat. Tum extemplo in Etruriam ad le-
 giones proficisci iussit. Adventus eius compressit Etruscos,
 adeo ut nemo extra munimenta egredi auderet, timorque
 ipsorum obsidioni similis esset. Neque illos novus consul
 vastandis agris urendisque tectis, quum passim non villae
 solum, sed frequentes quoque vici, incendiis fumarent,
 elicere ad certamen potuit.

Quum hoc segnius bellum opinione esset, alterius belli,
 quod multis in vicem cladibus haud immerito terribile erat,
 fama Picentium, novorum sociorum, indicio exorta est:
 ‘ Samnites arma et rebellionem spectare, seque ab iis solli- Samnites
 ‘ citatos esse.’ Picentibus gratiae actae, et magna pars curae rebellant.
 Patribus ab Etruria in Samnites versa est. Caritas etiam
 annonae sollicitam civitatem habuit: ventumque ad inopiae
 ultimum foret, ut scripsere, quibus aedilem fuisse eo anno
 Fabium Maximum placet, ni eius viri cura, qualis in bellicis
 rebus multis tempestatibus fuerat, talis domi tum in anno-
 nae dispensatione, praeparando ac convehendo frumento,
 fuisset.

Eo anno (nec traditur causa) interregnum initum. In-
 terreges fuere Ap. Claudius, dein P. Sulpicius. Is comitia U. C. 454.
 7 consularia habuit: creavit L. Cornelium Scipionem, Cn. A. C. 298.
 Fulvium consules. L. Cornelio,
 Cn. Fulvio
 Coss.

Principio huius anni oratores Lucanorum ad novos con-
 sules venerunt, questum, ‘ quia conditionibus pellicere se
 8 ‘ nequiverint ad societatem armorum, Samnites infesto exer-
 ‘ citu ingressos fines suos vastare, belloque ad bellum cogere.
 ‘ Lucano populo satis superque erratum quondam: nunc
 ‘ ita obstinatos animos esse, ut omnia ferre ac pati tolera-
 ‘ bilius ducant, quam ut unquam postea nomen Romanum
 ‘ violent. Orare Patres, ut et Lucanos in fidem accipiant,

5 *Ut Patres ab iubendo*] Ut nihil aliud Patres deterruerit ab iubendo dictatore, quam quod comitia consulis subrogandi ex sententia principum sunt habita: sc. quod comitis electus est is consul quem principes volebant. CREV.

6 *Ex sententia principum*] et. Supr. viii. 21. ubi de *principibus sententiarum consularibus* noster loquitur.

7 *L. Cornelium Scipionem*] Hic est Scipio ille Barbatum, cuius sarcophagus in sepulchro Scipionum haud ita

pudem Romae repertum est. Inscriptio in eo praeclara insequentis anni res gestas spectat, quibus, ut Q. Fabii consulis legatus, Barbatum interfuit.

8 *Samnites infesto exercitu*] Qui imperium illud, quod antiquitus in Lucanos exercuerant ante foedus cum Romanis ictum, rursus appetebant. Lucani autem, ut Samnitibus minime pares, nullam sibi, nisi in fidem Romanorum acceptis, salutem prospiciebant.

U. C. 454. 'et vim atque iniuriam ab se Samnitium arceant. Se,
A. C. 298. 'quanquam, bello cum Samnitibus suscepto, necessaria iam

12. 'facta adversus Romanos fides sit, tamen obsides dare
Foedus cum Lucanis. 'paratos esse.' Brevis consultatio senatus fuit. Ad unum omnes iungendum foedus cum Lucanis, resque repetendas ab Samnitibus, censent. Benigne responsum Lucanis, ictumque foedus. Fetiales missi, qui Samnitem decedere agro sociorum, ac deducere exercitum finibus Lucanis iuberent. Quibus obviam missi ab Samnitibus, qui denuntiarent, 'Si quod adissent in Samnio concilium, haud inviolatos abituros.' Haec postquam audita sunt Romae, bellum Samnitibus et patres censuerunt, et populus iussit. Consules inter se provincias partiti sunt. Scipioni Etruria, Fulvio Samnites obvenerunt; diversique, ad suum quisque bellum, proficiscuntur. Scipioni, segne bellum et simile prioris anni militiae exspectanti, hostes ad Volaterras instructo agmine occurrerunt. Pugnatum maiore parte diei, magna utrimque caede. Nox incertis, qua data victoria esset, intervenit: lux insequens victorem victumque ostendit. Nam Etrusci silentio noctis castra reliquerunt. Romanus, egressus in aciem, ubi profectioe hostium concessam victoriam videt, progressus ad castra, vacuis cum plurima praeda (nam et stativa, et trepide deserta fuerant) potitur. Inde in Faliscum agrum copiis reductis, quum impedimenta Faleriis cum modico praesidio reliquisset, expedito agmine ad depopulandos hostium fines incedit. Omnia ferro ignique vastantur; praedae undique actae: nec solum modo vastum hosti relictum, sed castellis etiam vicisque illatus ignis: urbibus oppugnandis temperatum, in quas timor Etruscos compulerat. Cn. Fulvii consulis clara pugna in Samnio ad Bovianum haudquaquam ambiguae victoriae fuit. Bovianum inde aggressus, nec ita multo post Aufidenam, vi cepit.

Pugna cum Etruscis.

Samnites victi.

13. Eodem anno Carseolos colonia in agrum Aequicolarum⁸ deducta. Fulvius consul de Samnitibus triumphavit.⁹ Quum comitia consularia instarent, fama exorta, Etruscos Samnitesque ingentes conscribere exercitus; palam omnibus conciliis vexari principes Etruscorum, quod non Gallos quacunque conditione traxerint ad bellum: increpari magistratus Samnitium, quod exercitum, in Lucanum hostem comparatum, obiecerint Romanis: itaque suis sociorumque viribus consurgere hostes ad bellum, et haudquaquam pari defungendum esse certamine. Illic terror, quum illustres viri consulatum peterent, omnes in Q. Fabium

Q. Fabius invitatus consul creatur.

⁸ [Carseolos] cf. Supr. 3. Haud scio an haec colonia nunc potius suppleta, quam deducta fuerit.

⁹ [Aequicolarum] Aequicolarum Bekker. cf. Niebhr. i. n. 219. 225.

Maximum, primo non petentem, deinde, ut inclinata studia U. C. 454.
vidit, etiam recusantem convertit. 'Quid se iam senem, A. C. 298.
'ac perfunctum laboribus laborumque praemiis, sollicitarent?
'Nec corporis, nec animi vigorem remanere eundem: et
'fortunam ipsam vereri, ne cui deorum nimia iam in se, et
'constantior, quam velint humanae res, videatur. Et se
'gloriae seniorum succrevisse, et ad suam gloriam consur-
'gentes alios laetum aspicere. Nec honores magnos fortis-
'simis viris Romae, nec honoribus deesse fortes viros.'
Acuebat hac moderatione tam iusta studia; quae verecundia
1 legum restinguenda ratus, legem recitari iussit, qua intra
decem annos eundem consulem refici non liceret. Vix
prae strepitu audita lex est: tribunique plebis, 'nihil id im-
'pedimenti futurum,' aiebant: 'se ad populum laturos, uti
'legibus solveretur.' Et ille quidem in recusando perstabat,
2 'quid ergo attineret leges ferri,' rogitans, 'quibus per eos-
'dem, qui tulissent, fraus fieret? Iam regi leges, non re-
'gere.' Populus nihilo minus suffragia inibat: et, ut quae-
3 que intro vocata erat centuria, consulem haud dubie Fabium
dicebat. Tum demum consensu civitatis victus, 'Dii ap-
'proben't,' inquit, 'quod agitis, acturique estis, Quirites.
'Ceterum, quoniam in me, quod vos vultis, facturi estis, in
'collega sit meae apud vos gratiae locus. P. Decium, ex-
'pertum mihi concordi collegio virum, dignum vobis, dignum
'parente suo, quaeso, mecum consulem faciatis.' Iusta
suffragatio visa: omnes, quae supererant, centuriae Q. Fa-
bium, P. Decium consules dixere.
4 Eo anno plerisque dies dicta ab aedilibus, quia plus,
quam quod lege finitum erat, agri possiderent. Nec quis-
quam ferme est purgatus: vinculumque ingens immodicae
cupiditatis iniectum est.

1 *Legem . . . qua intra decem an-
nos*] Hanc legem reperiēs supr. vii.
42. Eius haec vis esse debuit, ut
solidum decennium inter genium
eiusdem hominis consulatum efflux-
isse iuberetur. Alioquin ea non te-
neretur Fabius, qui consul ultimum
fuit anno 445. et nunc creatur in an-
num 455. Ceterum ea lex parum di-
ligenter his temporibus servabatur, et
aliquoties quum in illis, tum in ipso
Fabio neglecta fuerat. cf. supr. ix. 41.
Sed et doctissimi viri, Sigonius, Pigh-
ias, Dodwellus, annum autem per duas
ordine dictaturas transectum, etsi non
ex Livii mente, at fortasse ex rei ve-
ritate inserendum censuere inter eos
annos quos 451. et 452. numeravimus;
qui annus instertus efficit, ut tot] de-
cem anni ab ultimo Fabio consulari

iam elapsi sint. Inde iudicat idem
Dodwellus, Diss. de Cyclis Rom. x.
§ 68. quae de decennali lege disse-
ruisse memoratur ad populum Fa-
bium, ea Livium in alienum locum
transtulisse; et si quid ea in re veri
sit, id potius locum habuisse quum in
annum 453. consulem eum non pe-
tentem populus creare vellet, supr. 9.
CREV.

2 *Per eosdem*] Nempe tribunos
plebis.

3 *Intro vocata*] Intra septum, sive
ovile, in quod per pontes tribus sin-
gulae intrabant, ut suffragia darent.
cf. infr. xxvi. 22.

4 *Dies dicta ab aedilibus*] Ex lege
Agraria Licinia, quae, ne quis plus
centum iugera agri possideret, san-
ctat. supr. vi. 36.

U. C. 455.
A. C. 297.
14.
Q. Fabio
IV. P. Decio III.
Coss.

Ambo Coss.
in Sam-
nium le-
giones du-
cunt.

Proelium
atrox cum
Samnitibus.

Consules novi, Q. Fabius Maximus quartum et P. Decius Mus tertium, quum inter se agitarent, uti alter Samnites hostes, alter Etruscos deligeret, quantaque in hanc aut in illam provinciam copiae satis, et uter ad utrum bellum dux idoneus magis esset; ab Sutrio et Nepete et Faleriis legati, auctores, concilia Etruriae populorum de petenda pace haberi, totam belli molem in Samnium averterunt. Profecti consules, quo expeditiores commeatus essent, et incertior hostis, qua venturum bellum foret, Fabius per Soranum, Decius per Sidicinum agrum, in Samnium legiones ducunt. Ubi in hostium fines ventum est, uterque populabundus effuso agmine incedit. Explorant tamen latius, quam populantur. Igitur non fefellere ad Tifernum hostes in occulta valle instructi, quam ingressos Romanos superiore ex loco adoriri parabant. Fabius, impedimentis in locum tutum remotis, praesidioque modico imposito, praemonitis militibus adesse certamen, quadrato agmine ad praedictas hostium latebras succedit. Samnites, desperato improvise tumultu, quando in apertum semel discrimen evasura esset res, et ipsi acie iusta maluerunt concurrere. Itaque et in aequum descendunt, ac fortunae se, maiore animo, quam spe, committunt. Ceterum, sive quia ex omnium Samnitium populis, quodcunque roboris fuerat, contraxerant, seu quia discrimen summae rerum augebat animos, aliquantum aperta quoque pugna praeberunt terroris. Fabius, ubi nulla ex parte hostem loco moveri vidit, M. Fulvium et M. Valerium, 6 tribunos militum, cum quibus ad primam aciem procurrat, ire ad equites iubet, et adhortari, 'ut, si quando unquam 'equestri ope adiutam rempublicam meminerint, illo die 'annitantur, ut ordinis eius gloriam invictam praestent. 'Peditum certamine immobilem hostem restare; omnem 'reliquam spem in impetu esse equitum.' Et ipsos nominatim iuvenes, pari comitate utrumque, nunc laudibus, 7 nunc promissis onerat. Ceterum, quando ne ea quoque 8 tentata vis proficeret, consilio grassandum, si nihil vires iuvarent, ratus, Scipionem legatum hastatos primae legionis subtrahere ex acie, et ad montes proximos, quam posset occultissime, circumducere iubet: inde ascensu abdito a conspectu erigere in montes agmen, aversoque hosti ab tergo repente se ostendere. Equites, ducibus tribunis,

5 *Quadrato agmine*] h. e. Acie in pugnam instructa. *Agmen quadratum agmini longo opponitur; hoc enim in itinera struebatur.*

6 *M. Fulvium*] Aliquot codices *Maximum filium* hoc loco exhibent, quas voces in textum reposuit Stroth. Sed *Maximum Fulvium*, Cn. Fulvii

filium, veram lectionem esse censet Niebhr. iii. n. 622.

7 *Pari comitate utrumque*] Haec verba ad *Maximum filium* referenda censet Crev.

8 *Quando ne ea*] h. e. Si quando ea vis non proficeret.

haud multo plus hostibus, quam suis, ex improvise ante signa evecti, praebuerunt tumultus. Adversus incitatas turmas stetit immota Samnitium acies, nec parte ulla pelli aut perrumpi potuit. Et, postquam irritum inceptum erat, recepti post signa proelio excesserunt. Crevit ex eo hostium animus; nec sustinere frons prima tam longum certamen incrementemque fiducia sui vim potuisset, ni secunda acies iussu consulis in primum successisset. Ibi integrae vires
 9 sistunt invehentem se iam Samnitum: et tempore improvisa
 1 ex montibus signa clamorque sublatus non vero tantum metu terruere Samnitium animos. Nam et Fabius Decium collegam appropinquare exclamavit, et pro se quisque miles, 'adesse alterum consulem, adesse legiones,' gaudio alacres fremunt; errorque utilis Romanis oblatus fugae formidinisque Samnites implevit, maxime territores, ne ab altero exercitu integro intactoque fessi opprimerentur: et, quia passim in fugam dissipati sunt, minor caedes, quam pro tanta victoria,
 2 fuit. Tria millia et quadringenti caesi: capti octingenti
 3 ferme et triginta: signa militaria capta tria et viginti.

Vincunt
Romani.

Samnitibus Apuli se ante proclium coniunxissent, ni P. Decius consul iis ad Maleventum castra obiecisset, extractos deinde ad certamen fudisset. Ibi quoque plus fugae fuit, quam caedis. Duo millia Apulorum caesa: spretoque eo hoste, Decius in Samnium legiones duxit. Ibi duo consulares exercitus, diversis vagati partibus, omnia spatio quinque mensium evastarunt. Quadraginta et quinque loca in Samnio fuere, in quibus Decii castra fuerunt: alterius consulis sex et octoginta. Nec valli tantum ac fossarum vestigia relictas, sed multo illis insigniora monumenta vastitatis circa regionumque depopularum. Fabius etiam urbem
 4 Cimetram cepit. Ibi capta armatorum duo millia quadringenti: caesi ferme pugnantes ad quadringentos triginta.

Inde, comitiorum causa Romam profectus, maturavit eam rem agere. Quum primo vocatae Q. Fabium consulem dicerent omnes centuriae, Ap. Claudius consularis candi-

15.
Apuli a Decio caesi.

Q. Fabius
consulatum
recusat.

9 *Tempore*] In tempore, tempestive. Sic Cic. de Off. iii. 58. *Ad coenam tempore venit Canius.*

1 *Non vero tantum*] Non verum tantum, i. e. a vera causa profectum metum iniecerunt Samnitibus. Nam et vanum quoque iis terrorem obtulerunt, nempe advenire alterum consulem cum exercitu.

2 *Tria millia et quadringenti*] Hic tandem numerus verus caesorum haud dubie exstat, forsitan quia Fabium Pictorem auctorem noster habuerit.

3 *Capti octingenti ferme et triginta*] Haec perperam pro mille ac

trecenti et triginta incuria librorum scripta fuisse censet Niebhr. iii. n. 622.

4 *Duo millia quadringenti*] Hoc incuria librorum pro *duo millia ac trecenti* scriptum fuisse existimat Niebhr. iii. n. 622. cf. supr. viii. 19.

5 *Primo vocatae*] Niebuhrio placet iii. n. 569, ex institutione Fabii Maximi *Censoria*, tribus rusticas *primo* ad suffragia *vocatas* esse, atque urbanas *postremo vocatas*: necnon singulas tribus cum binis centuriis, seniorum scilicet et iuniorum, in suffragia missas esse.

U. C. 455. A. C. 297. *datum, vir acer et ambitiosus, non sui magis honoris causa, quam ut patricii recuperarent duo consularia loca, quum suis, tum totius nobilitatis viribus, incubuit, ut se cum Q. Fabio consulem dicerent. Fabius primo, de se eadem fere, quae priore anno, dicendo, abnuere. Circumstare sellam omnis nobilitas; orare, ut ex coeno plebeio consulatum extraheret, maiestatemque pristinam tum honori, tum patriciis gentibus redderet. Fabius, silentio facto, media oratione studia hominum sedavit. 'Facturum enim se fuisse' dixit, 'ut duorum patriciorum nomina reciperet, si alium, quam se, consulem fieri videret: nunc se sui rationem comitiis, quum contra leges futurum sit, pessimo exemplo non habiturum.'* Ita L. Volumnius de plebe cum Ap. Claudio consul est factus; priore item consulatu inter se comparati. Nobilitas obiectare Fabio, fugisse eum Ap. Claudium collegam, eloquentia civilibusque artibus haud dubie praestantem.

U. C. 456. A. C. 296. L. Volumnio II. Ap. Claudio II. Coss.

16. Comitii perfectis, veteres consules iussi bellum in Samnio gerere, prorogato in sex menses imperio. Itaque insequenti quoque anno, L. Volumnio, Ap. Claudio consulibus, P. Decius, qui consul in Samnio relictus a collega fuerat, proconsul idem populari non destitit agros, donec Samnitium exercitum, nusquam se proelio committentem, postremo expulit finibus. Etruriam pulsi petierunt: et, quod legationibus nequicquam saepe tentaverant, id se tanto agmine armatorum, mixtis terrore precibus, acturos efficacius rati, postulaverunt principum Etruriae concilium. Quo coacto, per quot annos pro libertate dimicent cum Romanis, exponunt. 'Omnia expertos esse, si suismet ipsorum viribus tolerare tantam molem belli possent: tentasse etiam haud magni momenti finitimarum gentium auxilia: petisse pacem a populo Romano, quum bellum tolerare non possent: rebellasse, quod pax servientibus gravior, quam liberis bellum, esset. Unam sibi spem reliquam in Etruscis restare. Scire, gentem Italiae opulentissimam armis, viris, pecunia, esse: habere accolae Gallos, inter ferrum et arma natos, feroces quum suo pte ingenio, tum adversus Romanum populum: quem captum a se auroque redemptum, haud vana iactantes, memorent. Nihil abesse, si sit animus Etruscis, qui Porsennae quondam maioribusque eorum fuerit, quin Romanos, omni agro cis Tiberim pulsos, dimicare pro salute sua, non de intolerando Italiae regno, cogant. Samnitem illis exercitum paratum, instructum

Samnites pulsi finibus suis Etruriam petunt.

5 *Omni agro cis Tiberim*] Intellige agrum ad dextram Tiberis situm, qui homini posito in Etruria cis Tiberim

est. Spem faciunt Samnites Etruscis recuperandi quicquid agri a Romanis captum ex Etruria fuerat. CREV.

‘armis, stipendio, venisse: confestim secuturos, vel si ad U. C. 456.
 ‘ipsam Romanam urbem oppugnandam ducant.’ A. C. 296.

Haec eos in Etruria iactantes molientesque bellum domi 17.
 Romanum urebat. Nam P. Decius, ubi comperit per exploratores profectum Samnitium exercitum, advocato consilio, ‘Quid per agros,’ inquit, ‘vagamur, vicatim circumferentes bellum? Quin urbes et moenia aggredimur? ‘Nullus iam exercitus Samnio praesidet. Cessere finibus, ‘ac sibimet ipsi exilium conscivere.’ Approbantibus Tres in
 cunctis, ad Murgantiam, validam urbem, oppugnandam Samnio ur-
 ducit: tantusque ardor militum fuit, et caritate ducis, et bes a Ro-
 spe maioris, quam ex agrestibus populationibus, praedae, ut manis cap-
 uno die vi atque armis urbem caperent. Ibi duo millia tae.
 Samnitium et centum pugnantes circumventi captique: et alia praeda ingens capta est. Quae ne impedimentis gravibus agmen oneraret, convocari milites Decius iubet. ‘Haccine,’ inquit, ‘victoria sola, aut hac praeda contenti ‘estis futuri? Vultis vos pro virtute spes gerere? Omnes ‘Samnitium urbes, fortunaeque in urbibus relictæ, vestrae ‘sunt; quando legiones eorum, tot proeliis fusas, postremo ‘finibus expulstis. Vendite ista, et illicite lucro mercato-
 6 ‘rem, ut sequatur agmen: ego subinde suggeram, quae ‘vendatis. Ad Romuleam urbem hinc eamus, ubi vos ‘labor haud maior, praeda maior manet.’ Divendita praeda, ultro adhortantes imperatorem ad Romuleam pergunt. Ibi quoque sine opere, sine tormentis, simul admota sunt signa, nulla vi deterriti a muris, qua cuique proximum fuit, scalis raptim admotis, in moenia evasere. Captum oppidum ac direptum est. Ad duo millia et trecenti occisi; et sex millia hominum capta; et miles ingenti praeda potitus: quam vendere, sicut priorem, coactus, Ferentinum inde, quanquam nihil quietis dabatur, tamen summa alacritate ductus. Ceterum ibi plus laboris ac periculi fuit. Et defensa summa vi moenia sunt, et locus erat munimento naturaque tutus: sed evicit omnia assuetus praedae miles. Ad tria millia hostium circa muros caesa: praeda militis fuit. Huius oppugnatarum urbium decoris pars maior in quibusdam annalibus ad Maximum trahitur: Murgantiam ab Decio, a Fabio Ferentinum Romuleamque oppugnatas tradunt. Sunt, qui novorum consulum hanc gloriam faciant: quidam non amborum, sed alterius, L. Volumnii; ei Samnium provinciam evenisse.

Quum ea in Samnio, cuiuscunque ductu auspicioque, 18.

6 Ad Romuleam urbem] cf. Wachsmuth. p. 150. qui hanc vocem ex eadem radice profluxisse existimat, ex qua Ruminalem, Romam, et ceteras huius formae voces, sc. Ruma, h. e. mamma.

U. C. 456. gererentur; Romanis in Etruria iterum bellum ingens
 A. C. 296. multis ex gentibus concitur; cuius auctor Gellius Egnatius
 Bellum ex Samnitibus erat. Tusci fere omnes consciverant bel-
 Etruscum. lum: traxerat contagio proximos Umbriae populos: et Gal-
 lica auxilia mercede sollicitabantur. Omnis ea multitudo
 ad castra Samnitium conveniebat. Qui tumultus repens
 postquam Romam perlatus est, quum iam L. Volumnius
 consul cum legionibus secunda ac tertia, sociorumque mil-
 libus quindecim profectus in Samnium esset, Ap. Claudium
 Eo proficis- primo quoque tempore in Etruriam ire placuit. Duae Ro-
 citur Ap- manae legiones secutae, prima et quarta, et sociorum duo-
 pius. decim millia. Castra haud procul ab hoste posita. Ce-
 terum magis eo profectum est, quod mature ventum erat,⁷
 ut quosdam spectantes iam arma Etruriae populos metus
 Romani nominis comprimeret, quam quod ductu consulis
 quicquam ibi satis scite aut fortunate gestum sit. Multa
 Nec quic- proelia locis et temporibus iniquis commissa: spesque in
 quam satis scite aut fortunate gerit. dies gravio-
 rem hostem faciebat: et iam prope erat, ut nec
 duci milites, nec militibus dux satis fideret. Literas ad
 collegam arcessendum ex Samnio missas, in trinis anna-
 libus invenio. Piget tamen incertum ponere, quum ea⁸
 ipsa inter consules populi Romani, iam iterum eodem
 honore fungentes, discrepatio fuerit: Appio abnuente mis-
 sas; Volumnio affirmante, Appii se literis accitum. Iam
 Volumnius in Samnio tria castella ceperat, in quibus ad
 it ad Ap- tria millia hostium caesa erant, dimidium fere eius captum:
 pium. et Lucanorum seditiones, a plebeiis et egentibus ducibus
 ortas, summa optimatum voluntate per Q. Fabium procon-
 sulem, missum eo cum veteri exercitu, compresserat. Decio
 depopulandos hostium agros relinquit: ipse cum suis copiis
 in Etruriam ad collegam pergit; quem advenientem laeti
 omnes acceperere. Appium ex conscientia sua credo animum¹
 habuisse haud immerito iratum, si nihil scripserat: illibe-
 rali et ingrato animo, si eguerat ope, dissimulantem. Vix
 Altercatio enim salute mutua reddita, quum obviam egressus esset,
 Coss. ‘Satin’ salvae,’ inquit, ‘L. Volumni? ut sese in Samnio
 ‘res habent? Quae te causa, ut provincia tua excederes,
 ‘induxit?’ Volumnius ‘in Samnio res prosperas esse’

⁷ *Magis eo profectum est*] Nimirum hoc magis profuit, quod consul mature advenerat.

⁸ *Piget tamen incertum ponere*] Multo magis placeret *certum ponere*, i. e. pro certo scribere. CREV. *Ut certum ponere* in textum recepit Bekker. h. e. non audeo pro certo ponere.

⁹ *Discrepatio*] Literas a senatu mis-

sas fuisse censet Niebhr.

¹ *Appium ex conscientia sua*] Credo Appium, si nihil scripserat, quum sibi conscius esset a se non accitum esse collegam, habuisse animum haud immerito iratum: eundem illiberali et ingrato animo dissimulasse, si eguerat ope, auxiliumque collegae imploraverat. CREV.

ait, 'literis eius accitum venisse: quae si falsae fuerint, U. C. 456.
 'nec usus sui sit in Etruria, extemplo conversis signis A. C. 296.
 'abiturum. Tu vero abeas,' inquit, 'neque te quisquam
 'moratur: etenim minime consentaneum est, quum bello
 'tuo forsitan vix sufficias, hic te ad opem ferendam aliis
 'gloriari venisse. Bene Hercules verteret,' dicere Vo-
 'lumnus: 'malle frustra operam insumptam, quam quic-
 'quam incidisse, cur non satis esset Etruriae unus con-
 'sularis exercitus.' Digredientes iam consules legati tri-
 'bunique ex Appiano exercitu circumsistunt: pars impera-
 'torem suum orare, 'ne collegae auxilium, quod acciendum
 'ultro fuerit, sua sponte oblatum sperneretur:' plures
 'abeunti Volumnio obsistere atque obtestari, 'ne pravo
 'cum collega certamine rempublicam prodat. Si qua
 2 'clades incidisset, desertori magis, quam deserto, noxiae
 'fore. Eo rem adductam, ut omne rei bene aut secus
 'gestae in Etruria decus dedecusque ad L. Volumnium sit
 'delegatum. Neminem quaesiturum, quae verba Appii,
 'sed quae fortuna exercitus fuerit. Dinnitti ab Appio eum,
 'sed a republica et ab exercitu retineri; experiretur modo
 'voluntatem militum.' Haec monendo obtestandoque,
 prope restitantes consules in concionem pertraxerunt.
 Ibi orationes longiores habitae in eandem ferme sententiam,
 in quam inter paucos certatum verbis fuerat. Et quum
 Volumnius, causa superior, ne infacundus quidem adversus
 eximiam eloquentiam collegae visus esset; cavillansque
 3 Appius, 'sibi acceptum referre,' diceret, 'debere, quod ex
 'muto atque elingui facundum etiam consulem haberent;
 'priori consulatu, primis utique mensibus, hiscere eum
 'nequisse, nunc iam populares orationes serere: Quam
 'mallem,' inquit Volumnius, 'tu a me strenue facere, quam
 'ego abs te scite loqui didicissem. Postremo conditionem
 'ferre, quae decretura sit, non orator, (neque enim id de-
 'siderare rempublicam) sed imperator uter sit melior.
 'Etruriam et Samnium provincias esse: utram mallet,
 'eligeret. Suo exercitu se vel in Etruria, vel in Samnio
 'rem gesturum.' Tum militum clamor ortus, 'ut simul
 'ambo bellum Etruscum susciperent.' Quo animadverso
 consensu, Volumnius, 'Quoniam in collegae voluntate in-
 'terpretanda,' inquit, 'erravi; non committam, ut, quid
 'vos velitis, obscurum sit. Manere, an abire me velitis,
 'clamore significate.' Tum vero tantus est clamor exortus,
 ut hostes e castris exciret: armis arreptis in aciem descen-

19.

2 *Noxiae fore*] *Noriam* aequae ac
noram pro culpa, peccato, delicto,
 a Livio dici, monet Drak. cf. supr. ii.
 54.

3 *Sibi acceptum referre*] Locutio
 ab iis ducta, qui debentes pecuniam,
 eam a creditoribus acceptam in ta-
 bulas referunt. Sueton.

U. C. 456.
A. C. 296.

Pugna cum
Samnitibus
et Tuscis.

dunt. Et Volumnius signa canere, ac vexilla efferri e castris iussit. Appium addubitasse ferunt, cernentem, seu pugnante, seu quieto se, fore collegae victoriam: deinde veritum, ne suae quoque legiones Volumnium sequerentur, et ipsum flagitantibus suis signum dedisse. Ab neutra parte satis commode instructi fuerunt. Nam et Samnitium dux Gellius Egnatius pabulatum cum cohortibus paucis ierat; suoque impetu magis milites, quam cuiusquam ductu aut imperio, pugnam capessebant: et Romani exercitus nec pariter ambo ducti, nec satis temporis ad instruendum fuit. Prius concurrit Volumnius, quam Appius ad hostem perveniret. Itaque fronte inaequali concursum est: et, velut forte quadam mutante assuetos inter se hostes, Etrusci Volumnio, Samnites, parumper cunctati, quia dux aberat, Appio occurrere. Dicitur Appius in medio pugnae discrimine, ita ut inter prima signa manibus ad coelum sublatis conspiceretur, ita precatus esse: ‘Bellona, si hodie nobis victoriam duis, ast ego templum tibi voveo.’ Haec pre-⁴ catus, velut instigante dea, et ipse collegae et exercitus vir-⁵ tutem aequavit. Duces imperatoria opera exsequuntur; et milites, ne ab altera parte prius victoria incipiat, annuntuntur. Ergo fundunt fugantque hostes, maiorem molem haud facile sustinentes, quam cum qua manus conserere assueti fuerant: urgendo cedentes, insequendoque effusos compulere ad castra. Ibi, interventu Gellii cohortiumque Sabellarum, paullisper recrudit pugna. Iis quoque mox⁶ fusis, iam a victoribus castra oppugnabantur: et, quum Volumnius ipse portae signa inferret; Appius, Bellonam victricem identidem celebrans, accenderet militum animos, per vallum, per fossas irruperunt. Castra capta direpta-⁷ que: praeda ingens parta et militi concessa est. Septem millia ac trecenti hostium occisi, duo millia et centum viginti capti.

20. Dum ambo consules omnisque Romana vis in Etruscum bellum magis inclinat, in Samnio novi exercitus, exorti ad depopulandos imperii Romani fines, per Vescinos in Campaniam Falernumque agrum transcendunt, ingentesque praedas faciunt. Volumnium, magnis itineribus in Samnium redeuntem (iam enim Fabio Decioque prorogati imperii finis aderat), fama de Samnitium exercitu populationibusque Campani agri ad tuendos socios convertit. Ut in Calenum agrum venit, et ipse cernit recentia cladis vestigia, et Caleni narrant, tantum iam praedae hostes trahere, ut

Volumnius
in Sam-
nium redit.

⁴ *Duis*] Antiqua forma vocis *des*.
Ast usitata in concipiendis votis particula, quae idem valet atque *tum*.

⁵ *Virtutem aequavit*] Similiter supr.

ii. 27. *aequasse eum Appii odium*.

⁶ *Sabellarum*] h. e. Samniticarum: Samnites enim Sabellicae gentis pars quaedam erant.

7 vix explicare agmen possint: itaque iam propalam duces U. C. 456.
 loqui, extemplo eundem in Samnium esse; ut, relicta ibi A. C. 296.
 praeda, in expeditionem redeant, nec tam oneratum agmen
 dimicationi committant. Ea, quanquam similia veris erant,
 certius tamen exploranda ratus, dimittit equites, qui vagos
 praedatores in agros palantes excipiant: ex quibus inqui-
 rendo cognoscit, ad Vulturnum flumen sedere hostem;
 inde tertia vigilia moturum: iter in Samnium esse. His Opprimit
 satis exploratis profectus, tanto intervallo ab hostibus con- Samnites
 sedit, ut nec adventus suus propinquitatem nimiam nosci pos- praedatores
 set, et egredientem e castris hostem opprimeret. Aliquanto Campaniae.
 8 ante lucem ad castra accessit; gnarosque Oscae linguae,
 exploratum quid agatur, mittit. Intermixti hostibus (quod
 9 facile erat in nocturna trepidatione) cognoscunt, infre-
 quentia armatis signa egressa, praedam praedaeque cus-
 todes exire; ignobile agmen, et sua quemque molientem,
 1 nullo inter alios consensu, nec satis certo imperio. Tempus
 aggrediendi aptissimum visum est: et iam lux appetebat.
 Itaque signa canere iussit; agmenque hostium aggreditur.
 Samnites, praeda impediti, infrequentes armati, pars addere
 gradum, ac prae se agere praedam, pars stare; incerti
 utrum progredi, an regredi in castra tutius foret, inter
 cunctationem opprimuntur. Et Romani iam transcendere
 vallum, caedesque ac tumultus erat in castris. Sam-
 nitium agmen, praeterquam hostili tumultu, captivorum
 etiam repentina defectione turbatum erat: qui partim ipsi
 soluti vinctos solvebant: partim arma in sarcinis deligata
 rapiebant, tumultumque, proelio ipso terribiliorem, inter-
 mixti agmini praebebant. Memorandum deinde edidit
 facinus: nam Staium Minacium ducem, advenientem ordines
 hortantemque, invadunt: dissipatis inde equitibus, qui
 cum eo aderant, ipsum circumstant, insidentemque equo
 captum ad consulem Romanum rapiunt. Revocata eo tu-
 multu prima signa Samnitium: proeliumque iam profliga-
 tum integratum est, nec diutius sustineri potuit. Caesa ad

7 *Itaque*] i. e. Hanc ob causam
 verentes, ne tantum praedae sibi im-
 pedimento sit. DOER.

8 *Gnarosque Oscae linguae*] Sam-
 nites, qui Campaniam occupaverant,
 linguam Oscanam suam commutaverunt,
 ut Niebuhrus videtur, haud aliter
 quam qua ratione Lombardi postea
 in Italiam transgressi linguam suam
 Italicam posthabuerunt. Apud Varr.
 de L. L. vi. 3. legimus, *Sabina usque*
radices in Oscanam linguam egi. Bru-
 tates quoque bilingues a Sabellico

fonte morem suum Osce loquendi
 deduxerunt. cf. Festus, v. *bilingues*
Brutates. Niebhr. i. n. 209.

9 *Infrequentia armatis*] cf. Supr.
 vii. 8. *quum . . . infrequentia con-*
specta signa essent. Veritas, signa cum
 raro militum comitatu egressa esse:
 nimirum eos, qui ad praedam custo-
 diendam relictii essent, cum signis in-
 frequentibus nunc demum exire.

1 *Nullo inter alios consensu*] h. e.
 Nullo cum aliis consensu, quippe suo
 arbitrio quisque sua molebatur.

U. C. 456. sex millia hominum: duo millia et quingenti capti: in iis²
 A. C. 296. tribuni militum quattuor: signa militaria triginta; et, quod
 laetissimum victoribus fuit, captivorum recepta septem
 millia et quadringenti; praeda ingens sociorum: accitque
 edicto domini ad res suas noscendas recipiendasque. Prae-
 stituta die, quarum rerum non exstitit dominus, militi con-
 cessae: coactique vendere praedam, ne alibi, quam in
 armis, animum haberent.

21. Magnum ea populatio Campani agri tumultum Romae
 praeberat: et per eos forte dies ex Etruria allatum erat,
 post deductum inde Volumnianum exercitum Etruriam
 concitam in arma, et Gellium Egnatium, Samnitium du-
 cem, et Umbros ad defectionem vocare, et Gallos pretio³
 ingenti sollicitare. His nuntiis senatus conterritus iusti-⁴
 tium indici, delectum omnis generis hominum haberi iussit:
 nec ingenui modo aut iuniores sacramento adacti, sed se-
 niorum etiam cohortes factae, libertinique centuriati. Et⁵
 defendendae urbis consilia agitabantur; summaeque rerum
 praetor P. Sempronius praeerat. Ceterum parte curae
 exonerarunt senatum L. Volumnii consulis literae, quibus
 caesos fusosque populos Campaniae cognitum est.
 Itaque et supplicationes ob rem bene gestam consulis
 nomine decernunt: iustitium remittitur, quod fuerat dies
 decem et octo, supplicatioque perlaeta fuit. Tum de prae-
 sidio regionis depopulatae ab Samnitibus agitari coeptum.
 Itaque placuit, ut duae coloniae circa Vescinum et Faler-
 num agrum deducerentur: una ad ostium Liris fluvii,
 quae Minturnae appellata; altera in saltu Vescino, Faler-⁶

² *In iis tribuni militum*] An etiam
 apud Samnites tribuni militum? In-
 telligendi videntur duces qui in
 Samnitium exercitu eodem fere iure
 ac potestate essent, quo tribuni mili-
 tum in Romano. Sic Cato in Origin.
 Hannibalem appellat *dictatorem* Car-
 thaginiensium, et Maharbalem *magi-*
strum equitum. Et ipse Livius *dicta-*
torem apud Poenos nominat, xxiii. 13.
 CREV.

³ *Ad defectionem vocare*] *Vocare*
 et *sollicitare* pro vulg. *vocari* et *sol-*
licitari reponendum suadet Gronov. et
 in textum recepit Bekker., ita ut in-
 telligatur Gellium et Umbros et Gal-
 los vocare ad arma.

⁴ *Senatus conterritus*] Ne oppida
 Romanae ditioni subdita e regione
 fluminis Liris deficerent.

⁵ *Libertinique centuriati*] sc. In
 centurias militum scripti: namque li-
 bertini, qui ante censuram Appii inter

aerarios fuerant neque in legionibus
 militaverant, iam in tribus descripti,
 non amplius militia vacabant, sed pro
 parte sua cum aliis civibus in cen-
 turias legionum relati sunt. cf. infr.
 xxii. 12.

⁶ *Quae Minturnae appellata*] Iam
 Minturnarum mentionem fecit Li-
 vivius, supr. viii. 10, 11. ix. 25. Ita-
 que non nova hoc loco urbs conditur,
 sed necesse est iam ante ibi oppidum
 fuisse, quod tamen alio nomine ante
 hanc coloniam deductam appellaretur,
 quemadmodum mox memoratur
 Sinope urbs Graeca Sinuessae nomen
 a colonis accepisse. Ubi autem Li-
 vivius appellavit antea Minturnas, in-
 telligenda scilicet ea est urbs cui
 postea Minturnae nomen fuit. Sic et
 Sinuessam nuncupavit, viii. 11. eam
 urbem quae tunc temporis Sinope,
 postea Sinuessa appellata est. CREV.

num contingente agrum, ubi Sinope dicitur Graeca urbs U. C. 456.
 7 fuisse, Sinuessa deinde ab colonis Romanis appellata. Tri- A. C. 296.
 bunis plebis negotium datum est, ut plebiscito iuberetur
 P. Sempronius praetor triumviros in ea loca colonis dedu-
 cendis creare: nec, qui nomina darent, facile inveniebantur,
 8 quia in stationem se prope perpetuam infestae regionis, non
 in agros, mitti rebantur. Avertit ab iis curis senatum
 Etruriae ingravescens bellum, et crebrae literae Appii, mo-
 nentis, ne regionis eius motum negligerent: ‘quattuor Quattuor
 ‘gentes conferre arma, Etruscos, Samnites, Umbros, Gallos. gentes in
 ‘Iam castra bifariam facta esse, quia unus locus capere tan- Etruria
 ‘tam multitudinem non possit.’ Ob haec, et (iam appe- conferunt
 tebat tempus) comitiorum causa L. Volumnius consul Ro- arma adver-
 mam revocatus: qui prius, quam ad suffragium centurias sus Rom.
 vocaret, in concionem advocato populo, multa de magni-
 tudine belli Etrusci disseruit. ‘Iam tum, quum ipse ibi
 ‘cum collega rem pariter gesserit, fuisse tantum bellum, ut
 ‘nec duce uno, nec exercitu geri potuerit: accessisse postea
 ‘dici Umbros, et ingentem exercitum Gallorum. Adversus
 ‘quattuor populos duces consules illo die deligi memini-
 ‘issent. Se, nisi confideret, eum consensu populi Romani
 ‘consulem declaratum iri, qui haud dubie tum primus
 ‘omnium ductor habeatur, dictatorem fuisse extemplo
 ‘dicturum.’ Nemini dubium erat, quin Q. Fabius omnium 22.
 9 consensu destinaretur; eumque et praerogativa, et primo Fabius re-
cusans Cos.
eligitur.

7 *Sinuessa*] Hodie *Monte Dragone*,
 haud procul oppido quod hodie *Santa*
Agata vocatur.

8 *In stationem*] In praesidium per-
 petuum, non ad agros colendos. Re-
 gio autem adeo infesta aut ab hosti-
 bus, aut ab intemperie coeli habeba-
 tur, ut, nisi cives Romani, in colo-
 niam non missi fuerint.

9 *Praerogativa, et primo vocatae*] Ascon. ad Cic. Verr. l. 9. praeroga-
tivae tribus sunt quae primae suffra-
gium ferunt ante iure vocatas. Iure
autem vocatas non easdem cum primo
vocatis esse recte dixeris, quoniam
post primo vocatas centurias omnes,
alias superfuisse apparet, quum supr.
15. comitia interrupta, non peracta
dicerentur. At nihil impedit quo-
minus iure vocatae omnes appellatae
sint. Suspiciatur quidem Schulzius
primo vocatas ad equitum, iure vo-
catas ad peditem centurias referre.
Contra Niebhr. censet primo vocatas
esse centurias tribuum rusticarum,
urbanarum autem postremo vocatas.
omnes vero iure vocatas dici, ut quae
ordine iure finito suffragia inirent:

atque *primo vocatas* centurias Cice-
 ronis aevo *primam classem* appellari,
 cf. Or. Phil. ii. 33, scilicet primae
 classis centurias: *secundam* autem
classem esse postremo vocatas. Qui-
 busdam placet, ex legg. XII. Tab.
 centuriam, quae primum suffragium
 ferat, sorte duci, quae *sortitio prae-*
rogativae ap. nostrum *supr. v. 18.*
 dicitur: quam quidem antiquitas e
 prima tantummodo classe Serviana,
 postea autem ex omnibus centuriis
 ductam esse coniect Schulzius; magni
 autem momenti erat praerogativae
 suffragium, quippe quod reliquae cen-
 turiae omnes aut pleraeque, tanquam
 omnes comitiorum, sequerentur. Cic.
 Div. ii. 40. pro Planc. 20. cf.
 Fussi Antiq. Rom. § 163. qui Sa-
 vignii rationem probat. Savignius
 enim in singulis tribubus unam aut
 plures iuniorum et seniorum e qua-
 libet classe centurias fuisse censet,
 sed multo probabilius unam, ita ut in
 singulis tribubus decem centuriae
 evaderent. cf. *supr. v. 18. x. 15. infr.*
xxvi. 23. xxvii. 6.

U. C. 456. vocatae omnes centuriae consulem cum L. Volumnio dice-
 A. C. 296. bant. Fabii oratio fuit, qualis biennio ante: deinde, ut
 vincebatur consensu, versa postremo ad collegam P. Decium
 poscendum. 'Id senectuti suae adminiculum fore: censura
 'duobusque consulatibus simul gestis expertum se, nil con-
 'cordi collegio firmitus ad rempublicam tuendam esse.
 'Novo imperii socio vix iam assuescere senilem animum
 'posse: cum moribus notis facilius se communicaturum
 'consilia.' Subscripsit orationi eius consul, quum meritis
 P. Decii laudibus, tum, 'quae ex concordia consulum bona,
 'quaeque ex discordia mala in administratione rerum mili-
 'tarium evenirent,' memorando, 'quam prope ultimum
 'discrimen suis et collegae certaminibus nuper ventum
 'foret:' admonendo Decium Fabiumque, 'ut uno animo,
 'una mente viverent. Esse praeterea viros natos militiae,
 'factis magnos, ad verborum linguaeque certamina rudes:
 'ea ingenia consularia esse. Callidos sollertesque, iuris
 'atque eloquentiae consultos, qualis Ap. Claudius esset,
 'urbi ac foro praesides habendos, praetoresque ad reddenda
 'iura creandos esse.' His agendis dies est consumptus.
 Postridie ad praescriptum consulis et consularia et prae-
 toria comitia habita. Consules creati Q. Fabius et P. De-
 cius: Ap. Claudius praetor; omnes absentes. Et L. Vo-
 lumnio ex senatusconsulto et scito plebis prorogatum in
 annum imperium est.

23. Eo anno prodigia multa fuerunt: quorum averruncan-
 dorum causa supplicationes in biduum senatus decrevit.
 Publice vinum ac tus praebitum. Supplicatum iere fre-
 quentes viri feminaeque. Insignem supplicationem fecit
 certamen in sacello Pudicitiae patriciae, quae in foro boario
 est ad aedem rotundam Herculis inter matronas ortum.
 Virginiam, Auli filiam, patriciam plebeio nuptam L. Vo-
 lumnio consuli, matronae, quod e Patribus enupsisset, sacris
 arcuerant. Brevis altercatio inde ex iracundia muliebri in
 contentionem animorum exarsit: quum se Virginia et pa-
 triciam et pudicam in patriciae Pudicitiae templum ingres-
 sam, et uni nuptam, ad quem virgo deducta sit; nec se

Pudicitia
 patricia.

¹ *Concordi collegio*] cf. Supr. 13.
expertum mihi concordi collegio vir-
um.

² *Absentes*] Nimirum qui non
 candidati comitiis intererant. Ap-
 pius ab urbe aberat, Fabius et De-
 cius a campo. cf. infr. xxvi. 22.

³ *In foro boario*] Dua fororum
 genera erant, unum eorum ubi res
 venales prostabant, ut forum *Boa-*
rium, Olitorium, alterum, ubi deli-

berandi vel aliae huiusmodi rei
 causa cives conveniebant, ut forum
 Romanum, et postea Augusti, Tra-
 iani.

⁴ *Quod e Patribus enupsisset*] Quod per connubium ex ordine pa-
 triciorum in ordinem plebis transi-
 isset. cf. supr. iv. 4.

⁵ *Uni nuptam*] Quippe mulieres,
 quae alteri viro nuptae essent, ab sa-
 cris prohibitaе sunt. *Vero*, sc. ex vero.

virī honorumve eius ac rerum gestarum poenitere, vero U. C. 456.
glorietur. Facto deinde egregio magnifica verba adauxit. A. C. 296.
In vico Longo, ubi habitabat, ex parte aedium, quod satis
esset loci modico sacello, exclusit; aramque ibi posuit: et,
convocatis plebeiis matronis, conquesta iniuriam patrici-
arum, ‘Hanc ego aram,’ inquit, ‘Pudicitiae plebeiae dedico: ^{Pudicitia}
‘vosque hortor, ut, quod certamen virtutis viros in hac ^{plebeia.}
‘civitate tenet, hoc pudicitiae inter matronas sit: detisque
‘operam, ut haec ara, quam illa, si quid potest, sanctius et
‘a castioribus coli dicatur.’ Eodem ferme ritu et haec ara,
quo illa antiquior, culta est; ut nulla, nisi spectatae pud-
icitiae matrona, et quae uni viro nupta fuisset, ius sacrifi-
candi haberet. Vulgata dein religio a pollutis, nec ma-
trons solum, sed omnis ordinis feminis, postremo in obli-
vionem venit.

Eodem anno Cn. et Q. Ogulnii aediles curules aliquot
6 feneratoribus diem dixerunt: quorum bonis multatis, ex eo,
quod in publicum redactum est, aenea in Capitolio limina,
et trium mensarum argentea vasa in cella Iovis, Iovemque
in culmine cum quadrigis, et ad ficum Ruminalem simulacra
7 infantium conditorum urbis sub uberibus lupae posuerunt;
8 semitamque saxo quadrato a Capena porta ad Martis
straverunt. Et ab aedilibus plebeiis L. Aelio Paeto et C.
Fulvio Curvo, ex multatitia item pecunia, quam exegerunt
9 pecuariis damnatis, ludi facti; pateraeque aureae ad Cereris
positae.

Q. inde Fabius quintum et P. Decius quartum consulatum 24.
ineunt, tribus consulatibus censuraque collegae; nec gloria U. C. 457.
magis rerum, quae ingens erat, quam concordia, inter se A. C. 295.
clari. Quae ne perpetua esset, ordinum magis, quam Q. Fabio
ipsorum, inter se certamen intervenisse reor: patriciis ten- V. P. De-
dentibus, ut Fabius Etruriam extra ordinem provinciam cio IV.
haberet; plebeiis auctoribus Decio, ut ad sortem revocaret. Coss.
Inter Coss.
orta con-
tentio de
provincia.

6 *Quorum bonis multatis*] Insolita locutio *multare bona* pro *multare bonis*: sed Doniat. nostrum ablativorum concursum evitare voluisse existimat. Haud scio an *multare* hic antiquo sensu usurpetur pro *nummerare*. cf. Varr. de L. L. § 48.

7 *Sub uberibus lupae*] Quam eandem esse atque illam, quae nunc in Museo Capitolino Romae servatur, existimat Niebhr. iii. n. 725.

8 *Ad Martis*] Ad Martis extramurani aedem a T. Quinctio post Gallicum bellum dedicatam, supr. vi. 5. Semita autem us inserviebat, qui ad aedem, haud procul porta Capena sitam, pedibus ibant. Festum vero

Martis Kalendis Iunii hic agebatur. cf. Ovid. Fast. vi. 191. “Lux eadem Martis festa est, quem prospicit extra appositum *tectae* Porta Capenae.”

9 *Pecuariis*] Pecuarii non sunt publicani, ut cum Burmanno vult Drakenborch, sed homines, qui, conductis pascuis publicis, e re pecuaria quaestum faciebant. Donat. Neque absimile vero est, eos ex lege Licinia Agraria damnatos esse, quippe in ea decem millibus aeris sanctum est, ne quis “plus centum capitibus maioris, plusve quingentis capitibus minoris pecoris sive in suo sive in alieno” pasceret.

U. C. 457. Fuit certe contentio in senatu; et, postquam ibi Fabius
 A. C. 295. plus poterat, revocata res ad populum est. In concione, ut
 inter militares viros, et factis potius, quam dictis, fretos,
 pauca verba habita: Fabius, 'quam arborem conseruisset,
 sub ea legere alium fructum, indignum esse,' dicere; 'se
 'aperuisse Ciminiam silvam, viamque per devios saltus Ro-
 'mano bello fecisse. Quid se id aetatis sollicitassent, si alio¹
 'duce bellum gesturi essent? Nimirum adversarium se, non
 'socium imperii, legisse,' sensim exprobrat: 'et invidisse²
 'Decium concordibus collegiis tribus.' Postremo, 'se ten-
 'dere nihil ultra, quam ut, si se dignum provincia ducerent,
 'in eam mitterent: in senatus arbitrio se fuisse, et in pote-
 'state populi futurum.' P. Decius senatus iniuriam quere-
 batur: 'quoad potuerint, Patres annisos, ne plebeiis aditus
 'ad magnos honores esset: postquam ipsa virtus pervicerit,
 'ne in ullo genere hominum inhonorata esset, quaeri,
 'quemadmodum irrita sint non suffragia modo populi, sed
 'arbitria etiam fortunae, et in paucorum potestatem vertan-
 'tur. Omnes ante se consules sortitos provinciam esse;
 'nunc extra sortem Fabio senatum provinciam dare. Si
 'honoris eius causa: ita eum de se, deque republica meritum
 'esse, ut faveat Q. Fabii gloriae, quae modo non sua contu-
 'melia splendeat. Cui autem dubium esse, ubi unum
 'bellum sit asperum ac difficile, quum id alteri extra sortem
 'mandetur, quin alter consul pro supervacaneo atque inutili
 'habeatur? Gloriarı Fabium rebus in Etruria gestis. Velle
 'et P. Decium gloriari: et forsitan, quem ille obrutum ignem
 'reliquerit, ita ut toties novum ex improvise incendium
 'daret, eum se extincturum. Postremo se collegae honores
 'praemiaque concessurum verecundia aetatis eius maie-
 'statisque; quum periculum, quum dimicatio proposita sit,
 'neque cedere sua sponte, neque cessurum. Et, si nihil aliud
 'ex eo certamine tulerit, illud certe laturum, ut, quod populi
 'sit, populus iubeat potius, quam Patres gratificentur. Iovem
 'optimum maximum deosque immortales se precari, ut ita
 'sortem aequam sibi cum collega dent, si eandem virtutem
 'felicitatemque in bello administrando daturi sint. Certe id
 'et natura aequum, et exemplo utile esse, et ad famam populi
 'Romani pertinere, eos consules esse, quorum utrolibet
 'duce bellum Etruscum geri recte possit.' Fabius, nihil
 aliud precatus populum, quam ut prius, quam intro voca-
 rentur ad suffragium tribus, Ap. Claudii praetoris allatas ex

¹ *Se id aetatis*] Cum ea aetate
 sit. cf. Cic. de Or. i. 46. Verr. i. 26.

² *Invidisse Decium*] Noluisset De-
 cium, tertio tum in consulatu colle-

gas eadem concordia inter se agere,
 qua duos iam consulatus simul ges-
 sissent. CREV.

Etruria literas audirent, comitio ab it: nec minore populi U. C. 457.
consensu, quam senatus, provincia Etruria extra sortem A. C. 295.
Fabio decreta est. Fabio extra
sortem da-
tur Etruria.

Concursus inde ad consulem factus omnium ferme iuniorum: et pro se quisque nomina dabant. Tanta cupido erat sub eo duce stipendia faciendi. Qua circumfusus turba, 'Quattuor millia,' inquit, 'peditum et sexcentos equites duntaxat scribere in animo est: hodierno et crastino die qui nomina dederitis, mecum ducam. Maiori mihi curae est, ut omnes locupletes reducam, quam ut
3 'multis rem geram militibus.' Profectus apto exercitu, et eo plus fiduciae ac spei gerente, quod non desiderata multitudo erat, ad oppidum Abarnam, unde haud procul hostes erant, ad castra Appii praetoris pergit. Paucis citra millibus lignatores ei cum praesidio occurrunt: qui, ut lictores praegredi viderunt, Fabiumque esse consulem acceperunt, laeti atque alacres diis populoque Romano grates agunt, quod cum sibi imperatorem misissent. Circumfusi deinde quum consulem salutarent, quaerit Fabius, quo pergerent; respondentibusque, lignatum se ire, 'ain' tandem,' inquit, 'num castra vallata non habetis?' Ad hoc quum succlamatum esset, 'duplici quidem vallo, et fossa, et tamen in ingenti metu esse: Habetis igitur,' inquit, 'affatim lignorum: redite, et vellite vallum.' Redeunt in castra, terroremque ibi, vellentes vallum, et iis, qui in castris remanserant, militibus, et ipsi Appio fecerunt. Tum pro se quisque alii aliis dicere, 'consulis se Q. Fabii facere iussu.' Postero inde die castra mota, et Appius praetor Romam dimissus. Inde nusquam stativa Romanis fuere. Negabat utile esse, uno loco sedere exercitum: itineribus ac mutatione locorum mobiliorem ac salubriorem esse. Fiebant autem itinera, quanta fieri sinebat hiems haud dum exacta. Vere inde
4 primo, relicta secunda legione ad Clusium, quod Camars olim appellabant, praepositoque castris L. Scipione praetore, Romam ipse ad consultandum de bello rediit: sive ipse sponte sua, quia bellum ei maius in conspectu erat, quam quantum esse famae crediderat; sive senatusconsulto accitus: nam in utrumque auctores sunt. Ab Ap. Claudio

Fabius in provinciam venit.

Redit Romam ad consultandum de bello.

3 *Apto*] Non copioso quidem, sed ad rem bene gerendam idoneo et apte composito. Dorn.

4 *Quod Camars olim appellabant*] Nempe Livii aevi cognomen illud exoleverat. Clusium vero a Telemacho conditum traditur. cf. Serv. in Aen. x. 167, sed Livium hic in errore versatum fuisse censet Niebuhr. iii. n. 637, quippe Polybius ii. 19. *ὁ τῆ*

Καμπερίαν χάρα haec evenisse scribit; urbs quoque illa, ubi legio haec relicta erat, haud dubie Romanis amica erat, contra autem Clusum inter hostes Romanos ammurantur. infr. 30; unde colligit Niebuhrus *Camertium*, urbem Camertum Umbrosum, qui Romanis socii fidelissimi erant, hic intelligi. iii. n. 637. Frontin. Strateg. i. 8.

U. C. 457. praetore retractum quidam videri volunt; quum in senatu
 A. C. 295. et apud populum (id quod per literas assidue fecerat) terro-
 rem belli Etrusci augeret: 'non suffecturum ducem unum,
 'nec exercitum unum, adversus quattuor populos. Pericu-
 'losum esse, sive iuncti unum premant, sive id diversi gerant
 'bellum, ne ad omnia simul obire unus non possit. Duas
 'se ibi legiones Romanas reliquisse: et minus quinque
 'millia peditum equitumque cum Fabio venisse. Sibi pla-
 'cere, P. Decium consulem primo quoque tempore in
 'Etruriam ad collegam proficisci: L. Volumnio Samnium
 'provinciam dari. Si consul malit in suam provinciam ire,
 'Volumnium in Etruriam ad consulem cum exercitu iusto
 'consulari proficisci.' Quum magnam partem moveret
 oratio praetoris, P. Decium censuisse ferunt, ut omnia in-
 tegra ac libera Q. Fabio servarentur, donec vel ipse, si per
 commodum reipublicae posset, Romam venisset, vel aliquem
 ex legatis misisset; a quo disceret senatus, quantum in
 Etruria belli esset, quantisque administrandum copiis, et
 26. quot per duces esset. Fabius, ut Romam rediit, et in
 senatu et productus ad populum mediam orationem habuit,
 ut nec augere, nec minuere videretur belli famam; magisque
 in altero assumendo duce aliorum indulgere timori, quam
 suo aut reipublicae periculo consulere. 'Ceterum, si sibi
 'adiutorem belli sociumque imperii darent, quonam modo
 'se oblivisci P. Decii consulis per tot collegia experti posse?
 'Neminem omnium secum coniungi malle: et copiarum
 'satis sibi cum P. Decio, et nunquam nimium hostium fore.
 'Sin collega quid aliud malit, at sibi L. Volumnium darent
 'adiutorem.' Omnium rerum arbitrium et a populo, et a
 senatu, et ab ipso collega, Fabio permissum est. Et quum
 P. Decius se in Samnium vel in Etruriam proficisci paratum
 esse ostendisset, tanta laetitia ac gratulatio fuit, ut praecipe-
 retur victoria animis, triumphusque, non bellum decretum
 consulibus videretur.

Invenio apud quosdam, extemplo, consulatu inito, pro-
 fectos in Etruriam Fabium Deciumque, sine ulla mentione
 sortis provinciarum certaminumque inter collegas, quae
 exposui. Sunt, quibus ne haec quidem certamina exponere
 satis fuerit. Adiecerunt et Appii criminationes de Fabio
 absente ad populum, et pertinaciam adversus praesentem
 consulem praetoris, contentionemque aliam inter collegas,
 tendente Decio, ut suae quisque provinciae sortem tueretur.
 Constare res incipit ex eo tempore, quo profecti ambo con-
 sules ad bellum sunt.

5 *Ceterum, si sibi adiutorem*] Op- medes socium belli Ulyssem poscit.
 time monuit Gronovius, hoc ex Hom. STROTH.
 Il. x. 242. desumptum esse, ubi Dio-

Ceterum, antequam consules in Etruriam pervenirent, ^{U. C. 457.} ^{A. C. 295.} ^{Galli legio-} ^{nam cir-} ^{cumveni-} ^{unt.} ⁶ nones Galli multitudine ingenti ad Clusium venerunt, legionem Romanam castraque oppugnaturi. Scipio, qui castris praeerat, loco adiuvandam paucitatem suorum militum ratus, in collem, qui inter urbem et castra erat, aciem erexit. Sed, ut in re subita, parum explorato itinere ad iugum perrexerit, quod hostes ceperant, parte alia egressi. Ita caesa ab tergo legio, atque in medio, quum hostis undique urgeret, circumventa. Deletam quoque ibi legionem, ita ut nuntius non superesset, quidam auctores sunt; nec ante ad consules, qui iam haud procul a Clusio aberant, famam eius cladis perlatam, quam in conspectu fuere Gallorum equites, pectoribus equorum suspensa gestantes capita, et lanceis infixas, ovantesque moris sui carmine. Sunt, qui Umbros fuisse, non Gallos, tradant; nec tantum cladis acceptum: et circumventis pabulatoribus cum L. Manlio Torquato legato Scipionem propraetorem subsidium e castris tulisse, victoresque Umbros, redintegrato proelio, victos esse, captivosque iis ac praedam ademptam. Similius vero est, a Gallo hoste, quam Umbro, eam cladem acceptam; quod, quum saepe alias, tum eo anno, Gallici tumultus praecipuus terror civitatem tenuit. Itaque praeterquam quod ambo consules profecti ad bellum erant cum ⁷ quattuor legionibus, et magno equitatu Romano, Campanisque mille equitibus delectis, ad id bellum missis, et ⁸ sociorum nominisque Latini maiore exercitu, quam Romani; ⁹ alii duo exercitus haud procul urbe Etruriae oppositi, unus ¹ in Falisco, alter in Vaticano agro. Cn. Fulvius et L. Postumius Megellus, propraetores ambo, stativa in iis locis habere iussi.

Consules ad hostes, transgresso Apenmino, in agrum ^{27.} ^{Ambo Coss.} ^{in agro} ^{Sentinati.} Sentinatem pervenerunt. Ibi quattuor millium ferme intervallo castra posita. Inter hostes deinde consultationes habitae: atque ita convenit, ne unis castris miscerentur omnes, neve in aciem descenderent simul. Samnitibus Galli, Etruscis Umbri adiecti. Dies indicta pugnae: Samniti Gallisque delegata pugna: inter ipsum certamen

⁶ *Multitudine ingenti*] Aliorum populorum, qui a Gallia spe praedae atque agri occupandi conciti iam Alpes atque Apennum descendunt.

⁷ *Campanisque mille equitibus*] De equitibus Campanis cf. supr. vii. 11. 14. Quum Galli equitatu magno perire pollerent, Romani maiorem praemore suo solito equitatum educebant.

⁸ *Quum Romani*] sc. Nomini. Suspectae tamen duae voces *quam Romani*. Romano vult Duker.

⁹ *Alii duo exercitus*] Unus ex cohortibus seniorum, alter ex legi-

onibus urbanis conscriptus erat: nisi forte ex nova tribunum institutione, nova quaedam ratio subsidiariorum militum conscribendorum in usum venisset.

¹ *In Falisco*] Qui transitum Tiberis apud Oericulum, atque viam versus Umbriam teneret, necnon ad subita belli ministeria praesto esset.

² *In Vaticano agro*] Qui custodire urbis invigilaret. Niebuhrus videtur Romanos milites ad nonaginta milia in armis fuisse, iii. n. 632.

U. C. 457. Etrusci Umbrique iussi castra Romana oppugnare. Haec
 A. C. 295. consilia turbarunt transfugae Clusini tres, clam nocte ad
 Fabium consulem transgressi: qui, editis hostium consiliis,
 dimissi cum donis, ut subinde, ut quaeque res nova decreta
 esset, exploratam perferrent. Consules Fulvio, ut ex
 Falisco, Postumio, ut ex Vaticano exercitum ad Clusium³
 admoveant, summaque vi fines hostium depopulentur, scri-
 bunt. Huius populationis fama Etruscos ex agro Sentinate
 ad suos fines tuendos movit. Instare inde consules, ut ab-
 sentibus iis pugnaretur. Per biduum lacessere proelio
 hostem: biduo nihil dignum dictu actum. Pauci utrimque
 cecidere: magisque irritati sunt ad iustum certamen animi,
 quam ad discrimen summa rerum adducta: tertio die de-
 scensum in campum omnibus copiis est. Quum instructae⁴
 acies starent, cerva fugiens lupum e montibus exacta per
 campos inter duas acies decurrit: inde diversae ferae, cerva
 ad Gallos, lupus ad Romanos cursum deflexit. Lupo data
 inter ordines via; cervam Galli confixere. Tum ex ante-
 signanis Romanus miles, 'Illac fuga,' inquit, 'et caedes vertit:
 'ubi sacram Dianae feram iacentem videtis. Hinc victor
 'Martius lupus, integer et intactus, gentis nos Martiae et
 'conditoris nostri admonuit.' Dextro cornu Galli, sinistro
 Samnites constiterunt. Adversus Samnites Q. Fabius pri-
 mam ac tertiam legiones pro dextro cornu; adversus Gallos
 pro sinistro Decius quintam et sextam instruxit. Secunda
 et quarta cum L. Volumnio proconsole in Samnio gerebant
 bellum. Primo concursu adeo aquis viribus gesta res est,
 ut, si affuissent Etrusci et Umbri, aut in acie, aut in castris,
 quocunque se inclinassent, accipienda clades fuerit. Cete-
 rum, quanquam communis adhuc Mars belli erat, necdum
 discrimen fortuna fecerat, qua datura vires esset, haudqua-
 quam similis pugna in dextro laevoque cornu erat. Romani⁵
 apud Fabium arcebant magis, quam inferebant, pugnam;
 extrahebaturque in quam maxime serum diei certamen:
 quia ita persuasum erat duci, et Samnites et Gallos primo
 impetu feroces esse, quos sustineri satis sit; longiore certa-
 mine sensim residere Samnitium animos: Gallorum quidem
 etiam corpora intolerantissima laboris atque aestus fluere;⁶
 primaque eorum proelia plus quam virorum, postrema minus

Etrusci
 advocati ad
 sua tuenda.

Proelium
 cum Gallis
 et Samniti-
 bus.

28.

³ *Ad Clusium*] Fulvium ad *Assisium* castra posuisse, Postumium in eius loco Falerios tenuisse vult Niebhr. iii. n. 640.

⁴ *Omnibus copiis*] Ita quoque Polyb. ii. 19, *συμβάλλοντες πᾶσι τοῖς στρατοπέδοις*.

⁵ *Romani apud Fabium*] Duces Romani pro sua quisque arte proe-

lium ciebant. Decius, ut qui ferociae Gallorum obiectus erat, aciem in primum impetum instruebat: Fabius contra Samnitium pugnam lentiore fore ratus, subsidia ad incertos belli eventus firmabat.

⁶ *Fluere*] Labi, solvi, ex defatigatione deficere. Supr. vii. 33. *et flucre iam lassitudine vires, sentirent*.

quam feminarum esse. In id tempus igitur, quo vinci sole-
 bat hostis, quam integerrimas vires militi servabat. Ferocior
 Decius et aetate et vigore animi, quantumcunque virium
 habuit, certamine primo effudit. Et, quia lentior videbatur
 pedestris pugna, equitatum in pugnam concitat: et ipse,
 fortissimae iuvenum turmae immixtus, orat procures iuven-
 tutis, in hostem ut secum impetum faciant: duplicem illo-
 rum gloriam fore, si ab laevo cornu et ab equite victoria
 incipiat. Bis avertere Gallicum equitatum. Iterum lon-
 gius evector, et iam inter media equitum agmina proelium
 7 cientes, novum pugnae contrahit genus: essedis carrisque
 superstans armatus hostis ingenti sonitu equorum rotarum-
 que advenit, et insolitos eius tumultus Romanorum con-
 8 ruit equos. Ita victorem equitatum velut lymphaticus
 pavor dissipat: sternit inde ruentes equos virosque impro-
 vida fuga. Turbata hinc etiam signa legionum: multique
 impetu equorum ac vehiculorum raptorum per agmen obtriti
 antesignani: et insecuta, simul territos hostes vidit, Gallica
 acies nullum spatium respirandi recipiendique se dedit.
 Vociferari Decius, ‘quo fugerent? quamve in fuga spem
 haberent?’ obsistere cedentibus, ac revocare fusos. Deinde,
 ut nulla vi percussos sustinere poterat, patrem P. Decium
 nomine compellans, ‘Quid ultra moror,’ inquit, ‘familiare fa-
 9 ‘tum? Datum hoc nostro generi est, ut luendis periculis pu-
 ‘blicis piacula simus. Iam ego mecum hostium legiones ma-
 ‘ctandas Telluri ac diis Manibus dabo.’ Haec locutus M.
 Livium pontificem, quem, descendens in aciem, digredi
 vetuerat ab se, praeire iussit verba, quibus se legionesque
 hostium pro exercitu populi Romani Quiritium devoveret.
 Devotus inde eadem precatione eodemque habitu, quo pater
 P. Decius ad Vesperim bello Latino se iusserat devoveri.
 Quum secundum sollemnes precationes adiecisset, ‘prae se
 ‘agere sese formidinem ac fugam, caedemque ac cruorem,
 1 ‘coelestium, inferorum iras: contacturum funebribus diris
 ‘signa, tela, arma hostium; locumque eundem suae pestis
 ‘et Gallorum, ac Samnitium fore;’ haec execratus in se
 hostesque, qua confertissimam cernebat Gallorum aciem,

U. C. 457.
 A. C. 295.

Decius se
 devovet.

7 *Essedis carrisque*] *Essedum* erat
 vehiculi vel currus genus, e quo pug-
 nare solebant veteres Galli et Bri-
 tanni. *Carris* impedimenta plerum-
 que vehiebantur. CREV. Similia de
 Gallis Polyb. ii. 33. narrat. Has
 quoque res in media aestate gestas
 fuisse certum est ex eo, quod Fabius
 Prid. Non. Septembr. triumphum
 egit.

8 *Lymphaticus pavor*] cf. Supr.
 vii. 17. *tunc quidem venit lymphati-*

et attoniti.

9 *Ut luendis periculis publicis pia-*
cula simus] Ut simus quasi quaedam
 victimae, destinatae ad luendam deum
 iram, et ad excipienda caputibus nos-
 tris pericula quae republicae impen-
 dent. CREV.

1 *Contacturum funebribus diris*] *Se devotum diris*, velut contagione
 quadam transmissuram illas in signa
 hostium. CREV.

U. C. 457. concitat equum : inferensque se ipse infestis telis est inter-
 A. C. 295. fectus. Vix humanae inde opis videri pugna potuit. Ro-
 29. mani, duce amisso, quae res terrori alias esse solet, sistere
 fugam, ac novam de integro velle instaurare pugnam.
 Galli, et maxime globus circumstans consulis corpus, velut
 alienata mente, vana incassum iactare tela : torpere quidam,
 et nec pugnae meminisse, nec fugae. At ex parte altera
 pontifex Livius, cui lictores Decius tradiderat, iusseratque
 pro praetore esse, vociferari, ‘Vicisse Romanos, defunctos 3
 ‘consulis fato. Gallos Samnitesque Telluris matris ac deo-
 ‘rum Manium esse. , Rapere ad se ac vocare Decium de-
 ‘votam secum aciem; furiarumque ac formidinis plena omnia
 ‘ad hostes esse.’ Superveniunt deinde his restituentibus
 pugnam L. Cornelius Scipio et C. Marcius, cum subsidiis
 ex novissima acie iussu Q. Fabii consulis ad praesidium
 collegae missi. Ibi auditur P. Decii eventus, ingens hor-
 tamen ad omnia pro republica audenda. Itaque quum
 Galli structis ante se scutis conferti starent, nec facilis pede 4
 collato videretur pugna ; iussu legatorum collecta humi pila,
 quae strata inter duas acies iacebant, atque in testudinem
 hostium coniecta: quibus plerisque in scuta, verutis in 5
 corpora ipsa fixis, sternitur cuneus; ita ut magna pars inte-
 gris corporibus attoniti conciderent. Haec in sinistro cornu
 Romanorum fortuna variaverat. Fabius in dextro primo (ut
 ante dictum est) cunctando extraxerat diem : deinde, post-
 quam nec clamor hostium, nec impetus, nec tela missa,
 eandem vim habere visa ; praefectis equitum iussis ad latum
 Samnitium circumducere alas, ut signo dato in transversos,
 quanto maximo possent impetu, incurrerent; sensim suos
 signa inferre iussit, et commovere hostem. Postquam non
 resisti vidit, et haud dubiam lassitudinem esse; tum, col-
 lectis omnibus subsidiis, quae ad id tempus reservaverat, et
 legiones concitavit, et signum ad invadendos hostes equiti-
 bus dedit. Nec sustinuerunt Samnites impetum; praeter-
 que aciem ipsam Gallorum, relictis in dimicatione sociis, ad
 castra effuso cursu ferebantur. Galli, testudine facta, con-
 ferti stabant. Tum Fabius, audita morte collegae, Campa-
 norum alam, quingentos fere equites, excedere acie iubet,
 et circumvectos ab tergo Gallicam invadere aciem : tertiae
 deinde legionis subsequi principes, et, qua turbatum agmen

Fabius in
 dextro cor-
 nu Samni-
 tes vincit.

Galli cir-
 cumventi.

2 *Vix humanae inde opis*] Supra humanam opem. CREV.

3 *Defunctos consulis fato*] Elusisse imminens periculum; *defungi* enim *aliquare* dicuntur, qui minore malo suscepto maius a se amoliuntur. cf. supr. ii. 35. STROTH.

4 *Structis ante se scutis*] Infr. *testudine facta* hic mos pugnandi apud Gallos in usu erat. cf. supr. v. 43.

5 *Verutis in corpora ipsa*] Hinc veruta teretiore mucrone, quam pila, fuisse coniecit Gronov.

hostium viderent impetu equitum, instare ac territos caedere. Ipse aedem Iovi Victori spoliaque hostium quum vovisset, ad castra Samnitium perrexit; quo multitudo omnis consternata agebatur. Sub ipso vallo, quia tantam multitudinem portae non recepere, tentata ab exclusis turba suorum pugna est. Ibi Gellius Egnatius imperator Samnitium cecidit. Compulsi deinde intra vallum Samnites, parvoque certamine capta castra, et Galli ab tergo circumventi. Caesa eo die hostium viginti quinque millia, octo capta. Nec incruenta victoria fuit: nam ex P. Decii exercitu caesa septem millia; ex Fabii mille septingenti. Fabius, dimissis ad quaerendum collegae corpus, spolia hostium coniecta in acervum Iovi Victori cremavit. Consulis corpus eo die, quia obrutum superstratis Gallorum cumulis erat, inveniri non potuit. Postero die inventum relatumque est cum multis militum lacrimis. Intermissa inde omnium aliarum rerum cura, Fabius collegae funus omni honore laudibusque meritis celebrat.

Victoria
Romanorum
cruenta.

Et in Etruria per eosdem dies ab Cn. Fulvio propraetore res ex sententia gesta; et, praeter ingentem illatam populationibus agrorum hosti cladem, pugnatum etiam egregie est: Perusinorumque et Clusinorum caesa amplius millia tria, et signa militaria ad viginti capta. Samnitium agmen, quum per Pelignum agrum fugeret, circumventum a Pelignis est: ex millibus quinque ad mille caesi.

30.
Res in
Etruria
bene gesta.

Magna eius diei, quo in Sentinati agro bellatum, fama est, etiam vero stanti. Sed superiecerere quidam augendo 6 fidem; qui in hostium exercitu peditum quadraginta millia trecentos triginta, equitum sex millia, mille carpentorum scripsere fuisse: scilicet cum Umbris Tuscisque, quos et ipsos pugnae affuisse. Et, ut Romanorum quoque augerent copias, L. Volumnium pro consule ducem consulibus, exercitumque eius legionibus consulum adiciunt. In pluribus annalibus duorum ea consulum propria victoria est. Volumnius in Samnio interim res gerit, Samnitiumque exer-

6 *Peditum* XL. *millia* CCCXXX. *equitum* VI. *millia*] Hic olim legabatur *equitum* VI. *et* XL. *millia*. Emendavit Sigonius, quomodo nunc habetur. Dubitamus tamen, an locum perscraverit. Omnino aliquis in his numeris error esse videtur. Neque enim satis apparet, cur hic, quem nunc libri praeferunt, numerus fidem excedere Livio videretur, quum et cap. praeced. dixerit XXV. *millia* hostium caesa, VIII. capta; et sup. 26. colligi possit Romanos ipsos non

pauciores fuisse XL. hominum millibus. Crev. Niebuhrius quidem ex MSS. numerum longe alium hic fuisse scriptum existimat: scilicet peditum X.CCC.LXXX. quod antiquo more scribendi idem valebat ac 1.000.380; equitum quoque 46.000: atque hunc numerum etiam Livio vix fide dignum visum esse. Duris quidem ap. Diodor. Ecl. XXI. Fr. 11. ad centum millia caesos fuisse scribit, cf. omnino Niebhr. iii. n. 647.

U. C. 457. citum, in Tifernum montem compulsum, non deterritus
A. C. 295. iniquitate loci, fundit fugatque.

Q. Fabius, Deciano exercitu relicto in Etruria, suis legionibus deductis ad urbem, de Gallis Etruscisque ac Samnitibus triumphavit: milites triumphantem secuti sunt. Celebrata inconditis carminibus militaribus non magis victoria Q. Fabii, quam mors praeclara P. Decii est: excita-⁷taque memoria parentis, aequata eventu publico privatoque filii laudibus. Data ex praeda militibus aeris octogeni bini, sagaque et tunicae; praemia illa tempestate militiae haudquaquam spernenda.

31. His ita rebus gestis, nec in Samnitibus adhuc, nec in Etruria pax erat. Nam et, Perusinis auctoribus, post deductum ab consule exercitum rebellatum fuerat: et Samnites praedatum in agrum Vescinum Formianumque, et parte alia in Aeserninum, quaeque Vulturno⁸ adiacent flumini, descendere. Adversus eos Ap. Claudius praetor cum exercitu Deciano missus. Fabius in Etruria rebellante denuo quattuor millia et quingentos Perusinorum occidit: cepit ad mille septingentos quadraginta: qui redempti singuli aeris trecentis decem. Praeda⁹ alia omnis militibus concessa. Samnitium legiones, quum partim Ap. Claudius praetor, partim L. Volumnius pro consule sequeretur, in agrum Stellatem convenerunt. Ibi et Samnitium omnes considunt, et Appius Volumniusque castra coniungunt. Pugnatum infestissimis animis; hinc ira stimulante adversus rebellantes toties, illinc ab ultima iam dimicantibus spe. Caesa ergo Samnitium sexdecim millia trecenti, capta duo millia septingenti: ex Romano exercitu cecidere duo millia septingenti. Felix annus bellicis rebus, pestilentia gravis, prodigiisque sollicitus. Nam,

7 *Excitataque memoria*] Renovata est memoria patris, quam filii laudes aequaverant et eventu publico, praeclara nempe populi Romani victoria; et eventu privato, gloriosa scilicet morte. CREV.

8 *Quaeque Vulturno adiacent*] Quaeque quod hic pro voce quae reposuit Gronov. omnino probat Niebhr. qui Aeserninum non ad Aeserniam in Samnio, sed ad oppidum quoddam in Sidicino agro referendum censet: neque tamen Aeserninum sine dubitatione quadam in textum admittendum, quippe nomen illud in pluribus codd. adeo incuriose scriptum occurrit, ut vel Eserninum, vel etiam Sidi-
cinum legi possit. cf. Niebhr. iii. n. 649.

9 *Singuli aeris trecentis decem*] Pretio imprimis modico, quoniam vix tertiam Atticae minae partem efficit: contra Dionysius primus Syracusarum tyrannus captivos singulos mina redimendos Rheginis concessit, si Diodor. xiv. 3. fides adhibetur, si vero Arist. Oecon. ii. 21. audimus, tribus minis. Quinetiam primo Punico bello Hannibal captivos Romanos ternis minis aestimavit. Fieri potest, ut hoc tempore Romanis, ut qui agriculturae ipsi operam darent atque stipendia pedibus mererentur, viliores essent servi, quam Graecis et Carthaginensibus, qui hoc genus hominum in remigio exercebant, aut ad munera mercaturae sordidiora adhibebant.

et terram multifariam pluisse, et in exercitu Ap. Claudii U. C. 457.
 plerosque fulminibus ictos, nuntiatum est: librique ob A. C. 295.
 haec aditi. Eo anno Q. Fabius Gurges, consulis filius,
 aliquot matronas ad populum stupri damnatas pecunia
 multavit: ex quo multaticio aere Veneris aedem, quae
 prope circum est, faciendam curavit.

¹ Supersunt etiam nunc Samnitium bella, quae continua Belli Sam-
² per quartum iam volumen annumque sextum et quadra- nitici diu-
 gesimum, a M. Valerio, A. Cornelio consulibus, qui primi turnitas, et
 Samnio arma intulerunt, agimus: et ne tot annorum clades atrocitas.
 utriusque gentis laboresque actos nunc referam, quibus ne-
 quiverint tamen dura illa pectora vinci; proximo anno
 Samnites in Sentinati agro, Pelignis, ad Tifernum, Stella-
 tibus campis, suis ipsi legionibus, mixti alienis, ab quattuor
 exercitibus, quattuor ducibus Romanis caesi fuerant; im-
 peratorem clarissimum gentis suae amiserant; socios belli,
 Etruscos, Umbros, Gallos, in eadem fortuna videbant, qua
 ipsi erant: nec suis, nec externis viribus iam stare po-
 terant; tamen bello non abstinebant: adeo ne infelicer
 quidem defensionis libertatis taedebat; et vinci, quam non
 tentare victoriam, malebant. Quinam sit ille, quem pigeat
 longinquitatis bellorum scribendo legendoque, quae ge-
 rentes non fatigaverunt?

Q. Fabium, P. Decium, L. Postumius Megellus et M. 32.
 Atilius Regulus consules secuti sunt. Samnium ambobus U. C. 458.
 decreta provincia est; quia tres scriptos hostium exercitus, A. C. 294.
 uno Etruriam, altero populationes Campaniae repeti, ter- L. Postu-
 tium tuendis parari finibus, fama erat. Postumium vale- mio II. M.
 tudo adversa Romae tenuit: Atilius extemplo profectus, Atilio Coss.
 ut in Samnio hostes (ita enim placuerat Patribus) nondum
³ egressos opprimeret. Velut ex composito ibi obvium ha-
 buere hostem; ubi et intrare, nedum vastare, ipsi Samni-
 tium agrum prohiberentur: et egredi inde in pacata socio-
 rumque populi Romani fines Samnitum prohiberent. Quum Samnites
 castra castris collata essent, quod vix Romanus toties victor castra Ro-
 auderet, ausi Samnites sunt (tantum desperatio ultima te- mana ag-
 greduntur.

¹ *Per quartum iam volumen*] Immo per quintum, quippe res gestae anni, de quo nunc agitur, in libr. vii. 30. narrantur.

² *Annumque sextum et quadragesi- mum*] Intelligit Livius annum eum, quo L. Postumius et M. Atilius con- sules fuerunt, ut patet ex eo quod an- num quo Samnites in *Sentinati* . . . *caesi fuerant*, id est, eum quo Fa- bius v. Decius iv. consulatum gessere, vocet paullo infra *proximum*, sive proxime praecedentem annum. An-

nus autem quo L. Postumius, M. Atilius Coss. fuere, est quidem ex calculo quem sequimur, septimus et quadra- gesimus Samnitici belli, ob unum ni- mirum annum, quem Livius non vide- tur agnoscere, adiectum, de quo vid. not. ad viii. 19. Sed Livius, qui eius rationem non habuit, debuit annum de quo hic agimus, numerare sextum et quadragesiimum. Crev.

³ *Ita obvium habuere hostem*] Ro- mani scilicet, qui duce Atilio vene- rant.

U. C. 458. meritis facit) castra Romana oppugnare. Et quanquam
 A. C. 294. non venit ad finem tam audax inceptum, tamen haud om-
 nino vanum fuit. Nebula erat ad multum diei densa adeo,
 ut lucis usum eriperet, non prospectu modo extra vallum
 adempto, sed propinquo etiam congregientium inter se
 conspectu. Hac velut latebra insidiarum freti Samnites,
 vixdum satis certa luce, et eam ipsam premente caligine, ad
 stationem Romanam in porta segniter agentem vigilias per-
 veniunt. Improviso oppressis nec animi satis ad resisten-
 dum, nec virium fuit. Ab tergo castrorum decumana porta ⁴
 impetus factus. Itaque captum quaestorium: quaestorque
 ibi L. Opimius Pansa occisus. Conclamatum inde ad
 33. arma. Consul, tumultu excitus, cohortes duas sociorum,
 Lucanam Suessanamque, quae proximae forte erant, tueri
 praetorium iubet: manipulos legionum principali via in- ⁵
 ducit. Vixdum satis aptatis armis, in ordines eunt: et
 clamore magis, quam oculis, hostem noscunt: nec, quantus
 numerus sit, aestimari potest. Cedunt primo incerti for-
 tulae suae, et hostem introrsum in media castra accipiunt.
 Inde quum consul vociferaretur, 'expulsine extra vallum,
 'castra deinde sua oppugnaturi essent,' rogitans; clamore
 sublato connisi primo resistunt: deinde inferunt pedem
 urgentque, et impulsos semel terrore eodem agunt, quo
 coeperunt. Expellunt extra portam vallumque. Inde
 pergere ac persequi, quia turbida lux metum circa insi-
 diarum faciebat, non ausi, liberatis castris contenti, rece-
 perunt se intra vallum trecentis ferme hostium occisis.
 Romanorum stationis primae vigilumque et eorum, qui
 circa quaestorium oppressi, periire ad septingentos triginta.
 Animos inde Samnitibus non infelix audacia auxit; et
 non modo proferre inde castra Romanum, sed ne pabulari
 quidem per agros suos, patiebantur: retro in pacatum So-
 ranum agrum pabulatores ibant. Quarum rerum fama,
 tumultuosior etiam, quam res erant, perlata Romam, coegit
 L. Postumium consulem, vixdum validum, proficisci ex
 urbe. Prius tamen, quam exiret, militibus edicto Soram
 iussis convenire, ipse aedem Victoriae, quam aedilis curulis ⁶
 ex multatitia pecunia faciendam curaverat, dedicavit. Ita

⁴ *Decumana porta*] Aversissima ab hoste, cf. supr. iii. 5. *Quaestorium* quaestoris tentorium: in hoc vero pecunia ad stipendia militum solvenda asservabatur.

⁵ *Principali via inducit*] Si modo *principalis via* eadem est, quae *via principiorum*, quae per totam castrorum latitudinem ab una principali porta ad alteram pertingebat, consul

legiones in via principali instruere sive in ordines *inducere* conatur, quo magis hostibus accessum in media castra obstruat.

⁶ *Aedem Victoriae, quam aedilis curulis... dedicavit*] cf. i. 55. Supra huius aedilitatis nulla mentio fit: est enim hoc Livio familiare, ut magistratus alicuius gesti, aut legis latae, e. g. Oppiae, quam abrogatam tantum re-

ad exercitum profectus, ab Sora in Samnium ad castra col-
legae perrexit. Inde postquam Samnites, diffisi duobus
exercitibus resisti posse, recesserunt; diversi consules ad
vastandos agros urbesque oppugnandas discedunt. Postu-
mius Milonium oppugnare adortus, vi primo atque impetu,
dein, postquam ea parum procedebant, opere ac vineis
demum iniunctis muro cepit. Ibi, capta iam urbe, ab hora
quarta usque ad octavam fere horam omnibus partibus
urbis diu incerto eventu pugnatum est. Postremo potitur
oppido Romanus. Samnitium caesi tria millia ducenti:
capti quattuor millia septingenti, praeter praedam aliam.
7 Inde Ferentinum ductae legiones: unde oppidani cum om-
nibus rebus suis, quae ferri agique potuerunt, nocte per
aversam portam silentio excesserunt. Igitur, simul ad-
venit consul, primo ita compositus instructusque moenibus
successit, tanquam idem, quod ad Milonium fuerat, cer-
taminis foret: deinde, ut silentium vastum in urbe, nec
arma, nec viros in turribus ac muris vidit, avidum invadendi
deserta moenia militem detinet, ne quam occultam in frau-
dem incautus rueret. Duas turmas sociorum Latini nomi-
nis circumequitare moenia, atque explorare omnia iubet.
8 Equites portam unam alteramque eadem regione in pro-
pinquo patentes conspiciunt, itineribusque iis vestigia
nocturnae hostium fugae. Adequitant deinde sensim
portis, urbemque ex tuto rectis itineribus perviam con-
spiciunt: ad consulem referunt, excessum urbe; solitudine
haud dubia id perspicuum esse, et recentibus vestigiis fugae,
ac strage rerum in trepidatione nocturna passim relictarum.
His auditis, consul ad eam partem urbis, qua adierant
equites, circumducit agmen: constitutisque haud procul
porta signis, quinque equites iubet intrare urbem, et, mo-
dicum spatium progressos, tres manere eodem loco, si tuta
videantur: duos explorata ad se referre. Qui ubi redie-
runt, retuleruntque, eo se progressos, unde in omnes partes
circumspectus esset, longe lateque silentium ac solitudinem
vidisse: extemplo consul cohortes expeditas in urbem in-
duxit; ceteros interim castra communire iussit. Ingressi

U. C. 458.
A. C. 294.
34.
Urbes Sam-
nitium cap-
tae.

fert xxxiv. l. sq. aut rei, non anno il-
lo, quo de ea actum est, verum mul-
tos post annos (data occasione *ὅς ἐν*
παροῶν) mentionem inferat. SIGON.

7 *Ferentinum*] Mendi arguit hanc
vocem Gronovius. Ferentinum enim
alterum in Latio est, alterum in
Etruria, procul utrumque ab his re-
gionibus in quibus nunc bellum geri-
tur: nec ulla urbs eius nominis in
Samnio reperitur. Mirum in modum

variant scripti. Gronovius suspica-
tur *Treventinum*, Douiatius *Forentum*.
CREV. Sed *Ferentinum* supr. 17. tan-
quam Samnitium oppidum, occurrit.
Feretrum ex MSS. probat Niebhr. iii.
n. 652.

8 *Eadem regione*] Vicinas sibi in-
vicem, in eadem urbis regione. *Itine-
ribusque iis*, ac, viis ex illis portis du-
centibus.

U. C. 458. milites, refractis foribus, paucos graves aetate aut invalidos
 A. C. 294. inveniunt, relictisque, quae migratu difficilia essent. Ea
 direpta; et cognitum ex captivis est, communi consilio
 aliquot circa urbes conscisse fugam; suos prima vigilia pro-
 fectos: credere, eandem in aliis urbibus solitudinem in-
 venturos. Dictis captivorum fides exstitit: desertis oppi-
 dis consul potitur.

35. Alteri consuli M. Atilio nequaquam tam facile bellum
 Bellum
 Atilio non
 facile. fuit. Quum ad Luceriam duceret legiones, quam oppug-
 nari ab Samnitibus audierat, ad finem Lucerinum ei hostis
 obvius fuit. Ibi ira vires aequavit. Proelium varium et
 anceps fuit: tristius tamen eventu Romanis; et quia in-
 sueti erant vinci, et quia digredientes magis, quam in ipso
 certamine, senserunt, quantum in sua parte plus vulnerum
 ac caedis fuisset. Itaque is terror in castris ortus, qui si
 pugnantes cepisset, insignis accepta clades foret. Tum⁹
 quoque sollicita nox fuit iam invasurum castra Samnitum
 credentibus, aut prima luce cum victoribus conserendas
 manus. Minus cladis, ceterum non plus animorum, ad
 hostes erat. Ubi primum illuxit, abire sine certamine
 cupiunt. Sed via una, et ea ipsa praeter hostes, erat: qua
 ingressi, praebuere speciem recta tendentium ad castra op-
 pugnanda. Consul arma capere milites iubet, et sequi se
 extra vallum: legatis, tribunis, praefectis sociorum imperat,¹
 quod apud quemque facto opus est. Omnes affirmant, 'se
 'quidem omnia facturos, sed militum iacere animos. Tota
 'nocte inter vulnera et gemitus morientium vigilatum esse.
 'Si ante lucem ad castra ventum foret, tantum pavoris
 'fuisse, ut relicturi signa fuerint: nunc pudore a fuga con-
 'tineri; alioquin pro victis esse.' Quae ubi consul accepit,
 sibimet ipsi circumeundos alloquendosque milites ratus, ut
 ad quosque venerat, cunctantes arma capere increpabat:
 'Quid cessarent, tergiversarenturque? Hostem in castra
 'venturum, nisi illi extra castra exissent: et pro tentoriis
 'suis pugnatos, si pro vallo nollent. Armatis ac dimi-
 'cantibus dubiam victoriam esse. Qui nudus atque inermis²
 'hostem maneat, ei aut mortem, aut servitutem patiendam.'
 Haec iurganti increpantique respondebant: 'Confectos se
 'pugna hesternae esse: nec virium quicquam, nec sanguinis
 'superesse. Maiorem multitudinem hostium apparere,
 'quam pridie fuerit.' Inter haec appropinquabat agmen;

⁹ *Tum quoque*] Etiam si minus pe-
 riculi tum fuerit, quam si is terror
 pugnantes cepisset. CREV.

¹ *Praefectis*] Praefectis sociorum.
 Hi erant numero, iure, et potestate
 tribunis militum pares, et eadem om-

nia in socios usurpabant, quae isti in
 cives. CREV.

² *Dubiam victoriam esse*] Victo-
 riam sperari posse: at si quiescant
 inermes, certam imminere servitutem
 aut mortem. CREV.

et, iam breviori intervallo certiora intuentes, vallum secum U. C. 458.
portare Samnitum affirmant, nec dubium esse, quin castra A. C. 294.
3 circumvallaturi sint. Tunc, 'enimvero,' consul, 'indignum
'facinus esse,' vociferari, 'tantam contumeliam ignomi-
'niamque ab ignavissimo accipi hoste. Etiamne circumse-
'debimur,' inquit, 'in castris, ut fame potius per ignomi-
'niam, quam ferro, si necesse est, per virtutem, moriamur?
'Dii bene verterent; facerentque, quod se dignum quisque
'ducerent. Consulem M. Atilium vel solum, si nemo alius
'sequatur, iturum adversus hostes: casurumque inter signa
'Samnitium potius, quam circumvallari castra Romana
'videat.' Dicta consulis legati, tribunique, et omnes turmae
4 equitum, et centuriones primorum ordinum, approbavere.
Tum pudore victus miles segniter arma capit, segniter e
castris egreditur: longo agmine, nec continenti, maestis ac
prope victi procedunt adversus hostem, nec spe, nec animo
certiorem. Itaque simul conspecta sunt Romana signa,
extemplo a primo Samnitium agmine ad novissimum fre-
mitus perfertur, 'Exire, id quod timuerint, ad impedi-
'dum iter Romanos. Nullam inde ne fugae quidem patere
'viam. Illo loco aut cadendum esse, aut, stratis hostibus,
'per corpora eorum evadendum.' In medium sarcinas 36.
coniciunt; armati suis quisque ordinibus instruunt aciem.
Iam exiguum inter duas acies erat spatium, et stabant ex-
spectantes, dum ab hostibus prius impetus, prius clamor in-
5 ciperet. Neutris animus est ad pugnandum: diversique
integri atque intacti abissent, ni cedenti instaturum alterum
timuissent. Sua sponte inter invitos tergiversantesque
segnis pugna, clamore incerto atque impari, coepit: nec
vestigio quisquam movebatur. Tum consul Romanus, ut
rem excitaret, equitum paucas turmas extra ordinem im-
misit: quorum quum plerique delapsi ex equis essent, et
alii turbati; et ab Samnitium acie ad opprimendos eos, qui
cecidissent, et ad suos tuendos ab Romanis procursum est.
Inde paullulum irritata pugna est; sed aliquanto et impigre
magis, et plures procurrerant Samnites: et turbatus eques
sua ipse subsidia territis equis proculcavit. Hinc fuga
coepta totam avertit aciem Romanam. Iamque in terga
fugientium Samnites pugnabant, quum consul, equo prae-
vectus ad portam castrorum, ac statione equitum ibi oppo-

3 *Enimvero*] Vox indignationis et dolori exprimendo aptissima. SIGON.

4 *Centuriones primorum ordinum*] Hos, qui et nonnunquam *primi ordines* appellantur, intelligit. Lapsus Principulum, primum Principem, primum Hastatum sive centuriones primi Triariorum ordinis, primi Princi-

pum, primi Hastatorum. Eum adeas de Milit. Rom. II. 8. CREV. et. III. XXX. 4.

5 *Diversique*] In diversas et contrarias partes, ut supr. 27. *inde diversae feruae*. supr. 33. *diversi consules* ... *discedunt*.

U. C. 458. sita, edicto^{que}, 'ut, quicumque ad vallum tenderet, sive
 A. C. 294. 'ille Romanus, sive Samnis esset, pro hoste haberent;'
 haec ipsa minitans, obstitit profuse tendentibus suis in
 castra. 'Quo pergis,' inquit, 'miles? et hic arma et viros
 'invenies: nec, vivo consule tuo, nisi victor castra in-
 'trabis. Proinde elige, cum cive, an hoste, pugnare malis.'
 Haec dicente consule, equites infestis cuspidibus circum-
 funduntur, ac peditem in pugnam redire iubent. Non
 virtus solum consulem, sed fors etiam adiuvit; quod non
 institerunt Samnites, spatiumque circumagendi signa, ver-
 tendique aciem a castris in hostem fuit. Tum alii alios
 hortari, ut repeterent pugnam: centuriones ab signiferis
 rapta signa inferre: et ostendere suis, paucos et ordinibus
 incompositis effuse venire hostes. Inter haec consul, manus
 ad coelum attollens, voce clara, ita ut exaudiretur, templum
 Iovi Statori vovet, si constitisset a fuga Romana acies, re-
 dintegratoque proelio cecidisset vicissetque legiones Sam-
 nitium. Omnes undique annisi ad restituendam pugnam,
 duces, milites, peditum equitumque vis: numen etiam⁶
 deorum respexisse nomen Romanum visum: adeo facile
 inclinata res, repulsique a castris hostes; mox etiam re-
 ducti ad eum locum, in quo commissa pugna erat. Ibi,
 obiacente sarcinarum cumulo, quas coniecerant in medium,
 haesere impediti: deinde, ne diriperentur res, orbem ar-
 matorum sarcinis circumdant. Tum vero eos a fronte
 urgere pedites, ab tergo circumvecti equites. Ita in medio
 caesi captique. Captivorum numerus fuit septem millium
 ac ducentorum, qui omnes nudi sub iugum missi: caesos
 retulere ad quattuor millia octingentos. Ne Romanis
 quidem laeta victoria fuit: recensente consule biduo ac-
 ceptam cladem, amissorum militum numerus relatus septem
 millium ac ducentorum. Dum haec in Apulia gerebantur,
 altero exercitu Samnites Interamnam, coloniam Romanam,⁷
 quae via Latina est, occupare conati, urbem non tenuerunt:
 agros depopulati quum praedam aliam inde mixtam homi-
 num atque pecudum, colonosque captos agerent, in victo-
 rem incidunt consulem, ab Luceria redeuntem: nec prae-
 dam solum amittunt, sed ipsi longo atque impedito agmine
 incompositi caeduntur. Consul, Interamnam edicto do-
 minis ad res suas noscendas recipiendasque revocatis, et
 exercitu ibi relicto, comitiorum causa Romam est profectus.
 Cui de triumpho agenti negatus honos, et ob amissa tot

⁶ *Numen etiam deorum*] Dii quo- *Latina est*, supr. ii. 39. sc. in Latio: nam
 que visi respexisse Romanos. CREV. aliud oppidum eiusdem nominis in

⁷ *Interamnam*] Sive Interamnās, Umbria, aliud in Piceno fuit. cf. ad
 coloniam Rom. cf. ix. 28. *quae in via* Tac. Ann. i. 79. Rur.

8 millia militum, et quod captivos sine pactione sub iugum misisset. U. C. 458.
A. C. 294.

Consul alter Postumius, quia in Samnitibus materia belli deerat, in Etruriam traducto exercitu, primum pervastaverat Volsiniensem agrum: dein cum egressis ad tuendos fines haud procul moenibus ipsorum depugnat. Duo millia occingenti Etruscorum caesi: ceteros propinquitas urbis tutata est. In Rusellanum agrum exercitus traductus. Ibi non agri tantum vastati, sed oppidum etiam expugnatum: capta amplius duo millia hominum, minus duo millia circa muros caesa. Pax tamen clarior maiorque, quam bellum in Etruria eo anno fuerat, parta est. Tres validissimae urbes, 37.
Etruria a
Postumio
vastata.
9 Etruriae capita, Volsinii, Perusia, Arretium, pacem petiere; et, vestimentis militum frumentoque pacti cum consule, ut mitti Romam oratores liceret, indutias in quadraginta annos impetraverunt. Multa praesens quingentum millium aeris in singulas civitates imposita.

Ob hasce res gestas consul quum triumphum ab senatu, moris magis causa, quam spe impetrandi, petisset, videretque alios, quod tardius ab urbe exisset; alios, quod iniussu senatus ex Samnio in Etruriam transisset, partim suos inimicos, partim collegae amicos, ad solatium aequatae repulsae sibi quoque negare triumphum: ‘Non ita,’ inquit, ‘Patres conscripti, vestrae maiestatis meminero, ut me consulem esse obliviscar. Eodem iure imperii, quo bella gessi, bellis feliciter gestis, Samnio atque Etruria subactis, victoria et pace parta, triumphabo.’ Ita senatum reliquit. Inde inter tribunos plebis contentio orta: pars intercessuros, ne novo exemplo triumpharet, aiebant; pars auxilio se adversus collegas triumphanti futuros. Iactata res ad po-

8 *Quod captivos sine pactione sub iugum misisset*] Nempe sub iugum missi liberabantur et abire sinebantur. Id ergo indignantur Patres, tot captivos ita remissos esse, ut nihil inde commodi respublica Romana recepiisset. CREV.

9 *Etruriae capita*] Noster urbes illas duodecim Etruriae sine dubio respicit, quando de Etruriae capitibus mentionem facit. Sed quoniam essent illa capita, inter auctores ambigitur. Noster quidem infr. xxviii. 45. octo simul recenset, scilicet Caere, Tarquinios, Populonium, Volaterras, Arretium, Perusiam, Clusium, Rusellae; ex horum numero Populonium in locum Vetulonii venisse arbitrat *Niebuhr* i. n. 368. Veros quoque et Vulsinos inter haec capita annumerandos pro certo habemus, et si

fides Livio danda sit, Cortona insuper accedit. cf. ix. 37. Verisimile est, Capenam in numerum eorum duodecimo loco reponendam esse.

1 *Volsinii*] Ope servorum, quos armaverant, Volsinienses bellum contra Romanos pertinaciter gerebant. Romani autem, cf. Val. Max. ix. 1, e Graecis fontibus fictam quandam fabulam et prorsus commenticiam de servorum insolentia consecrati sunt, quam merito respuendam censet *Niebuhr* i. n. 382. Hi vero servi haud dubie veterem stirpem Tyrrhenicam referebant, et a victoribus Etruseis in eam vitae conditionem adducti sunt, qua illi erant, qui apud Graecos *πενέσται* audiebant.

2 *Ad solatium aequatae repulsae*] Ne solus triumpharet, sed pacem cum collega sortem haberet.

U. C. 458. pulum est: vocatusque eo consul, quum M. Horatium, L. 3
 A. C. 294. Valerium consules, C. Marcium Rutilum nuper, patrem
 eius, qui tunc censor esset, non ex auctoritate senatus, sed
 iussu populi triumphasse diceret; adiciebat, 'se quoque
 'laturum fuisse ad populum, ni sciret, mancipia nobilium 4
 'tribunos plebis legem impedituros: voluntatem sibi ac
 'favorem consentientis populi pro omnibus iussis esse, ac
 'futura.' Posteroque die auxilio tribunorum plebis trium,
 adversus intercessionem septem tribunorum et consensum
 senatus, celebrante populo diem, triumphavit.

Postumius
 triumphat
 senatu ad-
 versante.

Et huius anni parum constans memoria est. Postumium,
 auctor est Claudius, in Samnio captis aliquot urbibus, in
 Apulia fusum fugatumque, saucium ipsum cum paucis Lu-
 ceriam compulsum: ab Atilio in Etruria res gestas, cumque
 triumphasse. Fabius, ambo consules in Samnio et ad Lu- 5
 ceriam res gessisse, scribit, traductumque in Etruriam ex-
 exercitum (sed ab utro consule, non adiecit) et ad Luceriam
 utrimque multos occisos: inque ea pugna Iovis Statoris
 aedem votam, ut Romulus ante voverat: sed fanum tan- 6
 tum, id est, locus templo effatus, sacratus fuerat. Ceterum,
 hoc demum anno ut aedem etiam fieri senatus iuberet, bis
 eiusdem voti damnata republica, in religionem venit. 7

38.

U. C. 459. Sequitur hunc annum et consul insignis L. Papirius
 A. C. 293. Cursor, qua paterna gloria, qua sua, et bellum ingens
 L. Papirio, victoriaeque, quantam de Samnitibus nemo ad eam diem,
 Sp. Carvi- praeter L. Papirium patrem consulis, pepererat. Et forte
 lio Coss. eodem conatu apparatuque omni opulentia insignium ar-
 morum bellum adornaverant: et deorum etiam adhibuerant
 opes, ritu quodam sacramenti vetusto velut initiatis mili-
 tibus, delectu per omne Samnium habito nova lege: ut,
 qui iuniorum non convenisset ad imperatorium edictum,
 quique iniussu abisset, caput Iovi sacratum esset. Tum
 exercitus omnis Aquiloniam est indictus. Ad quadraginta
 millia militum, quod roboris in Samnio erat, convenerunt.
 Ibi mediis fere castris locus est consaeptus cratibus plu- 8
 teisque, et linteis contextus, patens ducentos maxime pedes

3 *M. Horatium*] cf. Supr. iii. 63.
 C. Marcium Rutilum supr. vii. 17. -

4 *Mancipia nobilium*] Tanquam
 manu captos, nobilibus addictos.

5 *Ambo consules*] Ita quoque Fasti
 Triumph. testantur, Postumium ex
 Samnitibus et Etruscis, Atilium ex
 Volsonibus et Samnitibus triumphas-
 se. Voce *Volsonibus*, aut *Volcentes*,
 infr. xxvii. 15. aut *Vulsinienses* in-
 telligi existimat Niebhr. iii. n. 653.

6 *Fanum . . . id est, locus templo
 effatus*] *Fanum* igitur et *aedes*, si pro-

prie omnino loquerentur, sic differe-
 bant, ut *fanum* esset area nuda et so-
 lum alicui deo consecratum; *aedes*,
 ipsum aedificium. Hinc Festus: *sis-
 tere fana quum in condenda urbe di-
 citur, significat loca in oppido futuro-
 rum fanorum constituere.* CREV.

7 *In religionem venit*] Religio ex-
 poscere visa est. CREV.

8 *Pluteisque*] Plutei sunt vel cra-
 tes corio crudo intentae, vel tabulae
 quibus quid praeseptur. FESTUS.

9 in omnes pariter partes. Ibi ex libro vetere linteo lecto U. C. 459.
 1 sacrificatum, sacerdote Ovio Pactio quodam, homine magno A. C. 293.
 natu, qui se id sacrum petere affirmabat ex vetusta Samni- Sacramento
 tium religione; qua quondam usi maiores eorum fuissent, adiguntur
 2 quum adimendae Etruscis Capuae clandestinum cepissent milites
 consilium. Sacrificio perfecto, per viatorem imperator Samnitium
 acciri iubebat nobilissimum quemque genere factisque horrendo
 Singuli introducebantur. Erat quum alius apparatus sacri, quodam
 qui perfundere religione animum posset; tum in loco circa ritu.
 omni contecto arae in medio, victimaeque circa caesae, et
 circumstantes centuriones strictis gladiis. Admovebatur
 altaribus miles, magis ut victima, quam ut sacri particeps:
 adigebaturque iureiurando, quae visa auditaque in eo loco
 essent, non enuntiaturum. Dein iurare cogeatur diro
 quodam carmine, in execrationem capitis familiaeque et
 stirpis composito, nisi isset in proelium, quo imperatores
 duxissent: et si aut ipse ex acie fugisset, aut, si quem fu-
 gientem vidisset, non extemplo occidisset. Id primo quidam
 abnuentes iuratuos se, obtruncati circa altaria sunt: iacentes
 deinde inter stragem victimarum documento ceteris fuere,
 ne abnuerent. Primoribus Samnitium ea detestatione ob-
 3 strictis, decem nominatis ab imperatore edictum, ut vir
 virum legerent, donec sexdecim millium numerum confe-
 cissent. Ea legio linteata ab integumento consaepti, quo
 sacrata nobilitas erat, appellata est. His arma insignia
 data, et cristatae galeae, ut inter ceteros emerent. Paulo
 plus viginti millium alius exercitus fuit, nec corporum
 specie, nec gloria belli, nec apparatu linteatae legioni
 dispar. Illic hominum numerus, quod roboris erat, ad
 Aquiloniam consedit.

Consules profecti ab urbe: prior Sp. Carvilius, cui ve- 39.
 teres legiones, quas M. Atilius, superioris anni consul, in Samnium
 agro Interamnati reliquerat, decretae erant. Cum iis in vastant
 4 Samnium profectus, dum hostes, operati superstitionibus, Coss.
 5 concilia secreta agunt, Amiternum oppidum de Samnitibus
 vi cepit. Caesa ibi millia hominum duo ferme atque oc-
 tingenti: capta quattuor millia ducenti septuaginta. Pa-
 6 pirius, novo exercitu (ita decretum erat) scripto, Duroniam

9 *Ex libro vetere linteo lecto*] Ex libro vetere linteo, qui lectus fuerat; nempe ab illo Ovio Pactio, qui sacerdos huius sacri fuit; et fortasse coram imperatore et praecipuis ducum. CREV.

1 *Sacrificatum*] Consilio, ut animos militum Samnitium contra solitam Deciorum devotionem confirmarent.

2 *Adimendae Etruscis Capuae*] cf.

Supr. iv. 37.

3 *Vir virum legerent*] cf. Supr. ix. 39.

4 *Operati*] Sacrorum verbum. Virg. Georg. i. 339. *lactis operatus in herbis*, cf. supr. i. 31.

5 *Amiternum*] Oppidum in anti quo Samnorum agro.

6 *Duroniam*] Huius urbis situs prorsus ignoratur, si Niebuhrus in

U. C. 459.
A. C. 293.

urbem expugnavit. Minus, quam collega, cepit hominum, plus aliquanto occidit. Praeda opulenta utrobique est parta. Inde pervagati Samnium consules, maxime depopulato Atinate agro, Carvilius ad Cominium, Papirius ad Aquiloniam, ubi summa rei Samnitium erat, pervenit. Ibi aliquamdiu nec cessatum ab armis est, neque naviter pugnatum: lacessendo quietos, resistentibus cedendo, comminandoque magis, quam inferendo pugnam, dies absumebatur. Quod quum inciperetur, remittereturque, omnium rerum etiam parvarum eventus proferebatur in dies. Altera Romana castra viginti millium spatio aberant: et absentis collegae consilia omnibus gerendis intererant rebus: intentionisque Carvilius, quo maiore discrimine res vertebatur, in Aquiloniam, quam ad Cominium, quod obsidebat, erat. L. Papirius, iam per omnia ad dimicandum satis paratus, nuntium ad collegam mittit; 'sibi in animo esse, postero die, si per auspicia liceret, configere cum hoste. Opus esse, et illum, quanta maxima vi posset, Cominium oppugnare, ne quid laxamenti sit Samnitibus ad subsidia Aquiloniam mittenda.' Diem ad proficiscendum nuntius habuit: nocte rediit, approbare collegam consulta referens. Papirius, nuntio misso, extemplo concionem habuit; multa de universo genere belli, multa de praesenti hostium apparatu, vana magis specie, quam efficaci ad eventum, disseruit. 'Non enim cristas vulnera facere; et per picta atque aurata scuta transire Romanum pilum: et candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem a parente suo occidione occisam: spoliaque ea honestiora victori hosti, quam ipsis arma, fuisse. Datum hoc forsitan nomini familiaeque suae, ut adversus maximos conatus Samnitium opponerentur duces; spoliaque ea referrent, quae insignia publicis etiam locis decorandis essent. Deos immortales adesse propter toties petita foedera, toties rupta: tum, si qua coniectura mentis divinae sit, nulli unquam exercitui fuisse infestiores, quam qui, nefando sacro mixta hominum pecudumque caede respersus, ancipiti deum irae devotus, hinc foederum cum Romanis ictorum testes deos, hinc iurisiurandi adversus foedera suscepti execrationes horrens, invitus iuraverit, oderit sacramentum, uno tempore deos, cives, hostes metuat.'

Papirius
milites hortatur.

40.

Haec, comperta perfugarum indicii, quum apud infensos

n. 660, audiendus sit, sed eam haud procul Aesernia sitam fuisse, auctores Neapolitanos secutus, Cramerius scribit.

7 *Ancipiti deum irae*] Utrumque minitanti, sive pugnaret contra foedera, sive fugeret adversus susceptum iusiurandum. CREV.

iam sua sponte milites disseruisset, simul divinae huma- U. C. 459.
naeque spei pleni, clamore consentienti pugnam poscunt: A. C. 293.
poenitet in posterum diem dilatum certamen: moram diei
noctisque oderunt. Tertia vigilia noctis, iam relatis literis
8 a collega, Papirius silentio surgit, et pullarium in auspicium
mittit. Nullum erat genus hominum in castris intactum
cupiditate pugnae: summi infimique aeque intenti erant:
dux militum, miles ducis ardorem spectabat. Is ardor
omnium etiam ad eos, qui auspicio intererant, pervenit:
nam, quum pulli non pascerentur, pullarius, auspicium
9 mentiri ausus, tripudium solistimum consuli nuntiavit. Auspicium
mentitur
pullarius.
Consul laetus, auspicium egregium esse, et deis auctoribus
rem gesturos, pronuntiat; signumque pugnae proponit.
Exeunti iam forte in aciem nuntiat perfuga, viginti cohortes
1 Samnitium (quadringenariae ferme erant) Cominium pro-
fectas. Quod ne ignoraret collega, extemplo nuntium
mittit: ipse signa ocius proferri iubet, subsidiaque suis
quaeque locis, et praefectos subsidiis attribuerat. Dextro
cornu L. Volumnium, sinistro L. Scipionem, equitibus le-
gatos alios, Caios Caedicium et Trebonium, praefecit. Sp.
2 Nautium mulos, detractis clitellis, cum cohortibus alariis in
tumulum conspectum propere circumducere iubet, atque
inde inter ipsam dimicationem, quanto maxime posset,
moto pulvere ostendere. Dum his intentus imperator erat,
altercatio inter pullarios orta de auspicio eius diei, ex-
auditaque ab equitibus Romanis: qui, rem haud spernen-
dam rati, Sp. Papirio fratris filio consulis, ambigi de aus-
picio, renuntiaverunt. Iuvenis, ante doctrinam deos sper-
nentem natus, rem inquisitam, ne quid incompertum de-
ferret ad consulem, detulit. Cui ille, ‘Tu quidem macte
‘virtute diligentiaque esto: ceterum qui auspicio adest, si
‘quid falsi nuntiat, in semet ipsum religionem recipit.

8 *Silentio*] Vid. not. ad viii. 23.

9 *Tripudium solistimum*] Auspi-
cium e pullis summa religione a Ro-
manis captabatur, hoc modo. Pullos
in cavea asservabant ii, qui ex eo ipso
dicebantur *pullarii*. His igitur pullis,
quando auspicari opus erat, puls vel
offa obiciebatur. Si pulli e cavea
egressi non essent, aut progressi offam
non attigissent, inde colligebatur pe-
riculum imminere. Sin autem pascen-
tur, bonum augurium habebatur,
praesertim, si iis vescentibus aliquid
ex ore decidisset: idque *tripudium
solistimum* appellabatur. Quia enim,
inquit Cicero de Divin. ii. 72. *quum
pascuntur pulli, necesse est aliquid*

ex ore cadere, et terram pavire, i. e.
ferire, *terripavium primo, mox terri-
pudium dictum est: hoc quidem iam
tripudium dicitur. Solistimum* autem
dicebatur a *solo*, quod ferebat offa ex
ore pulli decidens. CREV.

1 *Quadringenariae ferme erant*] cf.
Supr. vii. 7. Ita ut haec cohortes octo
millia militum conficerent, partem di-
midiam Samnitium. cf. supr. 38. Has
duas legiones fuisse censet Niebhr. ii.
n. 172.

2 *Cum cohortibus alariis*] Intellige
cohortes socias. *Alam* enim proprie
et signate de sociis in exercitu dici
egregie probat Lipsius de Md. Rom.
i. Dial. 7.

U. C. 459. 'Mihi quidem tripudium nuntiatum; populo Romano ex-
 A. C. 293. 'ercituique egregium auspicium est.' Centurionibus deinde
 imperavit, ut pullarios inter prima signa constituerent.
 Promovent et Samnites signa; insequitur acies ornata ar-
 mataque, ut hostium quoque magnificentum spectaculum esset.
 Isque ictus priusquam clamor tolleretur, concurrereturque, emisso
 pilo cadit. temere pilo ictus pullarius ante signa cecidit. Quod ubi
 consuli nuntiatum est, 'Dii in proelio sunt,' inquit; 'habet
 'poenam noxium caput.' Ante consulem haec dicentem
 corvus voce clara occinuit: quo laetus augurio consul,
 affirmans nunquam humanis rebus magis praesentes inter-
 fuisse deos, signa canere, et clamorem tolli iussit. Proelium
 commissum atrox, ceterum longe disparibus animis. Ro-
 manos ira, spes, ardor certaminis, avidos hostium sanguinis
 in proelium rapit: Samnitium magnam partem necessitas
 ac religio invitos magis resistere, quam inferre pugnam,
 cogit. Nec sustinuissent primum clamorem atque impetum
 Romanorum, per aliquot iam annos vinci assueti, ni poten-
 tior alius metus insidens pectoribus a fuga retineret.
 Quippe in oculis erat omnis ille occulti paratus sacri, et
 armati sacerdotes, et promiscua hominum pecudumque
 strages, et respersae fando nefandoque sanguine arae, et ³
 dira exsecratio, ac furiale carmen, detestandae familiae
 stirpique compositum. His vinculis fugae obstricti stabant, ⁴
 civem magis, quam hostem, timentes. Instare Romanus a
 cornu utroque, a media acie, et caedere deorum hominum-
 que attonitos metu. Repugnatur segniter, ut ab iis, quos
 timor moraretur a fuga. Iam prope ad signa caedes per-
 venerat, quum ex transverso pulvis, velut ingentis agminis
 incessu motus, apparuit. Sp. Nautius, (Octavium Metium
 quidam eum tradunt) dux alaribus cohortibus, erat. Pul-
 verem maiorem, quam pro numero, excitabant: insidentes
 mulis calones frondosos ramos per terram trahebant: arma
 signaque per turbidam lucem in primo apparebant: post
 altior densiorque pulvis equitum speciem cogentium agmen
 dabat. Fefellitque non Samnites modo, sed etiam Ro-
 manos: et consul affirmavit errorem, clamitans inter prima
 signa, ita ut vox etiam ad hostes accideret, 'captum Co-
 'minium, victorem collegam adesse; anniterentur vincere
 'prius, quam gloria alterius exercitus fieret.' Haec in-
 sidens equo. Inde tribunis centurionibusque imperat, ut
 viam equitibus patefaciant. Ipse Trebonio Caedicioque

³ *Fando nefandoque sanguine*] Et sanguine pecudum, quem fas erat fundi, et hominum sanguine, qui sine scelere effundi non poterat. CREV.

⁴ *Fugae obstricti*] Quo minus fu-
 gerent, constricti quasi et prohibiti.
 DOER.

praedixerat, ut, ubi se cuspidem erectam quatientem vidis- U. C. 459.
sent, quanta maxima vi possent, concitarent equites in A. C. 293.
hostem. Ad nutum omnia, ut ex ante praeparato, fiunt.
Panduntur inter ordines viae: provolat eques, atque in-
festis cuspidibus in medium agmen hostium ruit; perrum-
pitque ordines, quacunque impetum dedit. Instant Vo-
lumnus et Scipio, et percussos sternunt. Tum, iam Victi Sam-
5 deorum hominumque victa vi, funduntur linteatae cohortes: nites.
pariter iurati iniuratique fugiunt, nec quemquam, praeter
hostes, metuunt. Peditum agmen, quod superfuit pugnae,
in castra ad Aquiloniam compulsum est. Nobilitas equi-
tesque Bovianum perfugerunt: equites eques sequitur, pe-
ditem pedes: ac diversa cornua, dextrum ad castra Samni-
tium, laevum ad urbem tendit. Prior aliquanto Volumnus
castra cepit: ad urbem Scipioni maiore resistitur vi; non
quia plus animi victis est, sed melius muri, quam vallum,
armatos arcant. Inde lapidibus propulsant hostem. Scipio,
nisi in primo pavore, priusquam colligerentur animi, trans-
acta res esset, lentiore fore munitae urbis oppugnationem
ratus, interrogat milites, 'Satin' aequo animo paterentur,
'ab altero cornu castra capta esse: se victores pelli a portis
'urbis?' Reclamantibus universis, primus ipse, scuto
super caput elato, pergit ad portam: secuti alii, testudine
facta, in urbem perrumpunt: deturbatisque Samnitibus,
qui circa portam erant, muros occupavere. Penetrare in
interiora urbis, quia pauci admodum erant, non audent.
Haec primo ignorare consul, et intentus recipiendo ex- 42.
6 ercitu esse: iam enim praeceps in occasum sol erat, et ap-
petens nox periculosa et suspecta omnia etiam victoribus
faciebat. Progressus longius ab dextra castra capta videt:
ab laeva clamorem in urbe mixtum pugnantium ac paven-
tium fremitu esse: et tum forte certamen ad portam erat.
Advectus deinde equo propius, ut suos in muris videt, nec
iam integri quicquam esse, quoniam temeritate paucorum
magnae rei porta occasio esset, acciri, quas receperat, copias,
7 signaque in urbem inferri iussit. Ingressi proxima ex parte,
quia nox appropinquabat, quiescere. Nocte oppidum ab
8 hostibus desertum est. Caesa illo die ad Aquiloniam

5 *Deorum hominumque victa vi*] Quam horrendum iusurandum et terribiles minae in milites habuerant. Doer. Ceterum *victa vi*: in textum reposuit Bekker.

6 *Appetens nox*] cf. Supr. viii. 38. *nox iam appetebat*.

7 *Proxima ex parte*] Ex parte militum qui urbi proximi fuerant. Doer. Nisi malis cum Dacierio vertere, ingressi per eam urbis partem, quae

proxima fuit venientibus e castris.

8 *Ad Aquiloniam*] Hanc urbem haud procul Boviano fuisse existimat Niebhr. iii. n. 654. aliam omnino atque illam quae eodem nomine in Apulia sita erat. numerum quoque caesorum falsum, ut qui Valerij Antiatris inde fabricatus sit. cf. Niebhr. iii. n. 663. *Decem pro triginta* rependum suadet Drak.

U. C. 459. Samnitium millia triginta trecenti quadraginta: capta tria
 A. C. 293. millia octingenti et septuaginta: signa militaria nonaginta
 septem. Ceterum illud memoriae traditur, non ferme
 alium ducem laetio-rem in acie visum, seu suo-pte ingenio,
 seu fiducia bene gerundae rei. Ab eodem robore animi
 neque controverso auspicio revocari a proelio potuit; et in
 ipso discrimine, quo templa diis immortalibus voveri mos
 erat, voverat Iovi Victori, si legiones hostium fudisset, po-
 Pocillum
 mulsi vo-
 tum Iovi. 9
 cillum mulsi prius, quam temetum biberet, sese facturum. 1
 Id votum diis cordi fuit: et auspicia in bonum verterunt.

43. Eadem fortuna ab altero consule ad Cominium gesta res.
 Prima luce, ad moenia omnibus copiis admotis, corona
 cinxit urbem; subsidiaque firma, ne qua eruptio fieret,
 portis opposuit. Iam signum dantem eum nuntius a col-
 lega trepidus de viginti cohortium adventu et ab impetu
 moratus est, et partem copiarum revocare instructam inten-
 tamque ad oppugnandum coegit. D. Brutum Scaevam
 legatum cum legione prima et decem cohortibus alariis
 Cominium
 a Carvilio
 captum. equitatuque ire adversus subsidium hostium iussit: quocun-
 que in loco fuisset obvi-
 us, obsisteret ac moraretur; manum-
 que, si forte ita res posceret, conferret: modo ne ad Comi-
 nium eae copiae admoveri possent. Ipse scalas ferri ad
 muros ab omni parte urbis iussit, ac testudine ad portas
 successit. Simul et refringebantur portae, et vis undique
 in muros fiebat. Samnites, sicut, antequam in muris vide-
 rent armatos, satis animi habuerunt ad prohibendos urbis
 aditu hostes; ita, postquam iam non ex intervallo nec mis-
 silibus, sed cominus gerebatur res; et, qui aegre successe-
 rant ex plano in muros, loco, quem magis timuerant, victo,
 facile in hostem imparem ex aequo pugnabant; relictis
 turribus murisque, in forum omnes compulsi, paullisper
 inde tentaverunt extremam pugnae fortunam. Deinde,
 abiectis armis, ad undecim millia hominum et quadringenti
 in fidem consulis venerunt: caesa ad quattuor millia octin-
 genti octoginta.

9 *Pocillum mulsi . . . facturum*] Magis placeret cum Douiatio legere, *pocillo mulsi facturum*, supple, sacra: quemadmodum apud Virg. Ecl. iii. *Quem faciam vitula*. *Mulsum* est vinum melle temperatum, potio lau- datissima apud veteres. CREV. Aut *facturum* proprio sensu h. l. capiendum, etsi non sine respectu sacrificii, vel cum Drak. referendum ad compositionem *mulsi*, quod ex vino et melle conficiebatur, unde Gr. οἶνόμελι dictum. Ceterum Stroth. iam monuit, hoc votum, quod non templum aut tale quid magni contineat, sed ad vi-

num et laetitiam spectet, adeoque fere iocosum sit, afferri ad probandum, *non ferme alium laetio-rem ducem in acie visum*. Mulsi autem usus Romanis tum in sacris fuit, tum in deliciis et in triumphis funeribusque, in quibus milites et funus prosequen- tes eo donabantur. cf. infr. xxxviii. 55. Varr. de R. R. iii. 16. Plin. H. N. xiv. 17. RUP.

1 *Temetum*] Vinum prisca lingua temetum appellatur. A. Gell. x. 23. Ceterum Papirius patris indolem in re potandi retulisse videtur. cf. supr. ix. 16. Niebhr. iii. n. 660.

Sic ad Cominium, sic ad Aquiloniam gesta res. Inde U. C. 459.
 medio inter duas urbes spatio, ubi tertia exspectata erat A. C. 293.
 pugna, hostes non inventi. Septem millia passuum quum
 abessent a Cominio, revocati ab suis neutri proelio occurre-
 runt. Primis ferme tenebris, quum in conspectu iam castra,
 2 iam Aquiloniam habuissent, clamor eos utrimque par acci-
 dens sustinuit: deinde e regione castrorum, quae incensa
 ab Romanis erant, flamma late fusa certioris cladis indicio
 progredi longius prohibuit. Eo ipso loco prope temere sub
 armis strati passim inquietum omne tempus noctis, expec-
 tando timendoque lucem, egere. Prima luce, incerti quam
 in partem intenderent iter, repente in fugam consternantur,
 conspecti ab equitibus: qui, egressos nocte ab oppido Sam-
 nites persecuti, viderant multitudinem, non vallo, non
 stationibus firmatam. Conspecta et ex muris Aquiloniae
 ea multitudo erat: iamque etiam legionariae cohortes
 sequebantur. Ceterum nec pedes fugientes persequi potuit:
 et ab equite novissimi agminis ducenti ferme et octoginta
 interfecti. Arma multa pavidi ac signa militaria duodevi-
 3 ginti reliquere: alio agmine incolumi, ut ex tanta trepida-
 tione, Bovianum perventum est.

Laetitiam utriusque exercitus Romani auxit et ab altera
 parte feliciter gesta res. Uterque ex alterius sententia con-
 sul captum oppidum diripiendum militi dedit; exhaustis
 deinde tectis ignem iniecit: eodemque die Aquilonia et
 Cominium deflagraverunt. Et consules, cum gratulatione
 mutua legionum suaeque, castra coniunxere. In conspectu
 duorum exercituum et Carvilius suos pro cuiusque merito
 laudavit donavitque; et Papirius, apud quem multiplex in
 acie, circa castra, circa urbem, fuerat certamen, Sp. Nau-
 tium, Sp. Papirium, fratris filium, et quattuor centuriones,
 manipulumque hastatorum, armillis aureisque coronis dona-
 vit: Nautium propter expeditionem, qua magni agminis
 modo terruerat hostes: iuvenem Papirium propter navatam
 cum equitatu et in proelio operam, et nocte, qua fugam
 4 infestam Samnitibus ab Aquilonia clam egressis fecit: cen-
 turiones militesque, quia primi portam murumque Aquiloniae
 ceperant. Equites omnes, ob insignem multis locis operam,
 5 corniculis armillisque argenteis donat. Consilium inde

44.

2 *Par accidens sustinuit*] Clamor, qui aequalis ab utraque parte ad aures accidebat, quo minus ulterius progrederentur, eos prohibuit. DORR.

3 *Ut ex tanta trepidatione*] Prouti ex tanta trepidatione incolumis aliquis evasisse dici potest. DORR.

4 *Centuriones militesque*] Quattuor centuriones, manipulumque il-

lum hastatorum, de quibus modo mentio facta est. CURA.

5 *Corniculis*] Forte ornamentis galearum, cornu speciem referentibus; et hinc *cornicularti* milites, iis donati, seu insigniti: "*Cornu* dictum illud ornamentum, miris gemmis ornatum, quod capite gestant Venetorum duces: et in nummo argenteo Alexandri

U. C. 459. habitum, quum iam tempus esset deducendi ab Samnio
 A. C. 293. exercitus, aut utriusque, aut certe alterius. Optimum visum,
 quo magis fractae res Samnitium essent, eo pertinacius et
 infestius agere cetera et persequi: ut perdomitum Samnium
 insequentibus consulibus tradi posset. Quando iam nullus
 esset hostium exercitus, qui signis collatis dimicaturus vide-
 retur, unum superesse belli genus, urbium oppugnationes;
 quarum per excidia militem locupletare praeda, et hostem
 pro aris ac focis dimicantem conficere possent. Itaque
 literis missis ad senatum populumque Romanum de rebus
 ab se gestis, diversi, Papirius ad Saepinum, Carvilius ad 6
 Volanam oppugnandam legiones ducunt.

45. Literae consulum ingenti laetitia et in curia et in concione
 audita; et quadridui supplicatione publicum gaudium pri-
 vatis studiis celebratum est. Nec populo Romano magna
 solum, sed peropportuna etiam, ea victoria fuit; quia per
 idem forte tempus rebellasse Etruscos allatum est. Subibat
 cogitatio animum, quonam modo tolerabilis futura Etruria
 fuisset, si quid in Samnio adversi venisset; quae, coniura-
 tione Samnitium erecta, quoniam ambo consules omnisque
 Romana vis aversa in Samnium esset, occupationem populi
 Romani pro occasione rebellandi habuisset. Legationes
 sociorum, a M. Atilio praetore in senatum introductae,
 querebantur, uri et vastari agros a finitimis Etruscis, quod
 desciscere a populo Romano nollent: obtestabanturque
 Patres conscriptos, ut se a vi atque iniuria communium
 hostium tutarentur. Responsum legatis, 'curae senatui
 'futurum, ne socios fidei suae poeniteret: Etruscorum pro-
 'pediem eandem fortunam, quam Samnitium, fore.' Seg-
 nius tamen, quod ad Etruriam attinebat, acta res esset ni
 Faliscos quoque, qui per multos annos in amicitia fuerant,
 allatum foret, arma Etruscis iunxisse. Huius propinquitas
 populi acuit curam Patribus, ut fetiales mittendos ad res re-
 petendas censerent. Quibus non redditis, ex auctoritate
 Patrum iussu populi bellum Faliscis indictum est: iussique
 consules sortiri, uter ex Samnio in Etruriam cum exercitu
 transiret. Iam Carvilius Volanam, et Palumbinum, et 7
 Herculaneum ex Samnitibus ceperat: Volanam intra paucos
 dies, Palumbinum eodem, quo ad muros accessit. Ad
 Herculaneum bis etiam signis collatis ancipiti proelio, et

Etrusco-
rum rebel-
lio.

M. caput galeatum cum corniculis,
 quibus inditae plumae, conspicimus;"

Marc. Donat. cf. Drak. ad h. l. RUP.

6 Saepinum] *Saepinum*, Σαπινωv
 Ptol. hod. *Supino*, ad Apenninum et
 fontes Tanari fl. unde *municipes Sae-
 pinates* ap. Gruter. 441, 4. 513, 1.—
Volana oppidum Samnii, non nisi Li-

vio memoratum, ut et *Palumbinum* et
Herculaneum, supr. 45. RUP.

7 Volanam] Hanc vocem temere in
 textum repositam fuisse existimat
 Niebhr. iii. n. 664. qui *Vellam*, h. e.
Veliam, sive *Veletiam* legendam sua-
 det.

cum maiore sua, quam hostium, iactura dimicavit. Castris U. C. 459.
 deinde positis, moenibus hostem inclusit. Oppugnatum A. C. 293.
 oppidum captumque. In his tribus urbibus capta aut caesa
 ad decem millia hominum: ita ut parvo admodum plures
 caperentur. Sortientibus provincias consulibus, Etruria
 Carvilio evenit secundum vota militum, qui vim frigoris
 iam in Samnio non patiebantur. Papirio ad Saepinum
 maior vis hostium restitit. Saepe in acie, saepe in agmine,
 saepe circa ipsam urbem adversus eruptiones hostium pug-
 8 natum: neque obsidio, neque bellum ex aequo erat. Non
 enim muris magis se Samnites, quam armis ac viris moenia,
 tutabantur. Tandem pugnando in obsidionem iustam
 coegit hostes: obsidendoque vi atque operibus urbem ex-
 pugnavit. Itaque ab ira plus caedis editum, capta urbe:
 septem millia quadringenti caesi: capta minus tria millia
 hominum: praeda, quae plurima fuit, congestis Samnitium
 rebus in urbes paucas, militi concessa est.

Nives iam omnia oppleverant, nec durari extra tecta 46.
 poterat; itaque consul exercitum de Samnio deduxit. Papirii tri-
 Venienti Romam triumphus omnium consensu est delatus. umphus.
 Triumphavit in magistratu, insigni, ut illorum temporum
 habitus erat, triumpho. Pedites equitesque insignes donis
 9 transiere, ac transvecti sunt: multae civicae coronae, val-
 1 laresque, ac murales conspectae. Inspectata spolia Samni-
 2 tium: et decore ac pulchritudine paternis spoliis, quae nota
 frequenti publicorum ornatu locorum erant, comparabantur.
 Nobiles aliquot captivi, clari suis patrumque factis, ducti.
 Aeris gravis transvecta vicies centena et ad triginta tria
 millia. Id aes redactum ex captivis dicebatur. Argenti,
 quod captum ex urbibus erat, pondo mille trecenta triginta.
 Omne aes argentumque in aerarium conditum. Militibus
 nihil datum ex praeda est: auctaque ea invidia est ad ple-
 bem, quod tributum etiam in stipendium militum collatum
 est: quum, si spreta gloria fuisset captivae pecuniae in
 aerarium illatae, et militi tum dari ex praeda, et stipendium
 3 militare praestari potuisset. Aedem Quirini, quam in ipsa

8 *Neque obsidio, neque bellum*] Multum placet quae in uno codice, teste Gronovio, scriptura reperitur: *Neque obsidio, sed bellum ex aequo erat. Bellum ex aequo* est illud quod aperto campo, et instructa utrimque acie geritur. Hanc lectionem firmant quae sequuntur. CREV. *Sed bellum* respondit Bekker, quod ita cum Gronovio veritas: non iam videbantur obsideri, sed in campo pares cum paribus congressi.

9 *Transiere, ac transvecti sunt*] *Transiere* pedites, *transvecti* sunt

equites. CREV.

1 *Civicae coronae, vallaresque, ac murales*] De civica et murali corona vid. ad vi. 20. *Vallaris*, sive *Castrensis* erat corona, qua donabat eum imperator, qui primus hostium castra pugnans intraverat. Ea corona insignie valli habebat. Fieri solebat ex auro. Haec Geilius v. 6. CREV.

2 *Paternis spoliis*] Scutis auratis Samnitium, ab huius Papiri patre devictorum, cf. supr. iv. 40.

3 *Aedem Quirini*] In hac aede

U. C. 459. dimicatione votam apud neminem veterem auctorem invenio, (neque, hercule, tam exiguo tempore perficere potuisset) ab dictatore patre votam, filius consul dedicavit, exornavitque hostium spoliis: quorum tanta multitudo fuit, ut non templum tantum forumque his ornaretur, sed sociis etiam colonisque finitimis, ad templorum locorumque publicorum ornatum, dividerentur. A triumpho exercitum in agrum Vescinum, quia regio ea infesta ab Samnitibus erat, hibernatum duxit.

Troilium in Etruria captum a Carvilio. Inter haec Carvilius consul, in Etruria Troilium primum 4 oppugnare adortus, quadringentos septuaginta ditissimos, pecunia grandi pactos, ut abire inde liceret, dimisit: ceteram multitudinem oppidumque ipsum vi cepit. Inde quinque castella, locis sita munitis, expugnavit. Caesa ibi hostium duo millia quadringenti; minus duo millia capti. Et Faliscis pacem petentibus annuas indutias dedit, pactus centum millia gravis aeris, et stipendium eius anni militibus.

Carvilius triumphus. His rebus actis ad triumphum decessit, ut minus clarum de 5 Samnitibus, quam collegae triumphus fuerat, ita cumulo Etrusci belli aequatum. Aeris gravis tulit in aerarium trecenta octoginta millia: de reliquo aere aedem Fortis Fortunae de manubiis faciendam locavit, prope aedem eius deae ab rege Ser. Tullio dedicatam: et militibus ex praeda centenos binos asses, et alterum tantum centurionibus atque 7 equitibus, malignitate collegae gratius accipientibus munus, 8 divisit. Favor consulis tutatus ad populum est L. Postu- 9

Papirium primum solarium horologium statuisse scribit Plin. H. N. vii. 60. quod inter primitias spoliiorum Samnitium fuisse putat Niebhr. iii. n. 725.

4 *Troilium*] Oppidum ignotum. Forte leg. *Trossulum*, opp. Etruriae, non longe a monte Fiascone, (hod. *Trosso*) a quo sine peditum opera capto equites Rom. *Trossulos* fuisse dictos docent Plin. H. N. xxxiii. 2. et Festus. RUP.

5 *Ad triumphum decessit*] Contra in Fast. Capit. Carvilius prius, quam collegam, triumphasse legimus. Necnon ap. Plin. H. N. xxxiv. 18. scriptum invenimus, Carvilius in memoriam victoriae suae *de Samnitibus* reportatae aheneam Iovis statuam ea mole, ut ab Albano monte conspici posset, in Capitolio posuisse.

6 *Aedem Fortis Fortunae*] Trans Tiberim. Donatus: *Fortuna dicta est incerta res, Fors Fortuna eventus fortunae bonus*. cf. ad Tac. Ann. ii. 41. Ovid. Fast. vi. 773, sq. et Nardini

Roma Antica vii. 11. *De reliquo aere, de manubiis* h. e. de reliqua praedae parte, et quidem ea, quae *manubiae* erant. STR. *Manubiae* tertia praedae pars, quae imperatori solebat dari, et ab eo in monumentum aliquod ornamentumve publicum consumi. cf. Cic. Agr. ii. 23. RUP.

7 *Alterum tantum centurionibus atque equitibus*] Haec praemia proportionem stipendii dari solita, quod miles simplex, centurio duplex, eques triplex accipiebat. RUP. Equites quidem, qui equis suis merebant, haud dubie *triplex* stipendium habebant, sed quibus equus publicus, *duplex* tantum solvebatur: atque hoc loco haud dubie equites equis publicis intelliguntur, cf. supr. vii. 41. quippe *alterum tantum* hic *duplum* est.

8 *Malignitate collegae*] Quia malignus, sive nimium parcus collega nihil militibus suis dederat. CREV.

9 *L. Postumium*] Eum nempe, qui consul priore anno fuerat, virum ingenii contumacis, cuius certamina

mium legatum eius: qui, dicta die a M. Cantio tribuno U. C. 459.
 1 plebis, fugerat in legationem (ut fama ferebat) populi iudi- A. C. 293.
 cium: iactarique magis, quam peragi, accusatio eius
 poterat.

Exacto iam anno, novi tribuni plebis magistratum in- 47.
 ierant: iisque ipsis, quia vitio creati erant, quinque post
 2 dies alii suffecti. Lustrum conditum eo anno est a P. Lustrum
 Cornelio Arvina, C. Marcio Rutilo censoribus: censa capi- conditum.
 tum millia ducenta sexaginta duo trecenta viginti duo.
 3 Censores vicesimi sexti a primis censoribus; lustrum un-
 devicesimum fuit. Eodem anno coronati primum, ob res
 bello bene gestas, ludos Romanos spectaverunt: palmaeque
 tum primum, translato e Graecia more, victoribus datae.
 Eodem anno ab aedilibus curulibus, qui eos ludos fecerunt,
 damnatis aliquot pecuariis, via a Martis silice ad Bovillas
 4 perstrata est.

Comitia consularia L. Papirius habuit. Creavit consules
 Q. Fabium Maximi filium Gurgitem et D. Iunium Brutum
 Scaevam: ipse Papirius praetor factus.

Multis rebus laetus annus vix ad solatium unius mali, Pestilentia.
 5 pestilentiae urentis simul urbem atque agros suffecit; por-
 6 tentoque iam similis clades erat. Et libri aditi, quinam
 finis, aut quod remedium eius mali ab diis daretur. In-
 7 ventum in libris, Aesculapium ab Epidaurō Romam arces-
 sendum. Neque eo anno, quia bello occupati consules
 erant, quicquam de ea re actum: praeterquam quod unum
 diem Aesculapio supplicatio habita est.

cum senatu supr. 37. videntur huic
 accusationi materiam dedisse. CREV.

1 *Fugerat in legationem*] Legatum
 se a consule eligendum curaverat, ut
 fugeret populi iudicium. CREV. Nisi
 malis *fugere in legationem* similiter,
 atque *fugere in provinciam*, inter-
 pretari.

2 *Lustrum conditum*] cf. Supr. i.
 44.

3 *Lustrum undevicesimum*] Nem-
 pe a primis censoribus. Hoc lustrum
 tricesimum est in fastis Capitolinis,
 in quibus nimirum numerantur de-
 cem lustra ante primos censores con-
 dita. Et sic quoque Livius a fastis
 uno lustro discrepat. CREV.

4 *Perstrata*] Nota particulam *per*,

qua indicare voluit Livius hanc viam
 velut aliquod complementum fuisse
 eius semitae, quam a porta Capena
 ad Martis stratam fuisse docuit, supr.
 23. CREV.

5 *Pestilentiae*] Quae iam tertium
 annum saeviebat. cf. supr. 31. *trien-
 nio continuo*, Val. Max. i. 8.

6 *Libri aditi*] Nimirum Sibyllini,
 qui sacra e Graecia arcessenda sem-
 per monebant.

7 *Aesculapium ab Epidaurō*] cf.
 Epit. Liv. xi. Legati anno proximo se-
 quente de hac re missi anguem re-
 portavere: eoque in insulam Tiberi-
 nam egresso, aedes ibi Aesculapio
 dedicata est. cf. Val. Max. i. 8. Oro-
 sius iii. 22. Ov. Met. xv. 622—744.

LIBRORUM XI—XX. EPITOMAE.

EPITOME LIBRI XI.

QUUM Fabius Gurges consul male adversus Samnites pugnasset, et senatus de removendo eo ab exercitu ageret, Fabius Maximus pater, deprecatus hanc filii ignominiam, eo maxime senatum movit, quod iturum se filio legatum pollicitus est, idque praestitit. Eius consiliis et opera filius consul adiutus, caesis Samnitibus, triumphavit. C. Pontium, imperatorem Samnitium, ductum in triumpho securi percussit. Quum civitas pestilentia laboraret, missi legati, ut Aesculapii signum Romam ab Epidaurum transferrent, anguem, qui se in navem eorum contulerat, in quo ipsum numen esse constabat, deportavere: eoque in insulam Tiberis egresso, eodem loco aedes Aesculapio consecrata est. L. Postumius consularis, quoniam, quum exercitui praeesset, opera militum in agro suo usus erat, damnatus est. Cum Samnitibus pacem petentibus foedus quarto renovatum est. Curius Dentatus consul, Samnitibus caesis, et Sabinis, qui rebellaverant, victis, et in deditionem acceptis, bis in eodem magistratu triumphavit. Coloniae deductae sunt, Castrum, Sena, Hadria. Triumviri capitales tunc primum creati sunt. Censu acto, lustrum conditum est. Censa sunt civium capita ducenta septuaginta duo millia. Plebs propter aes alienum, post graves et longas seditiones, ad ultimum secessit in Ianiculum: unde a Q. Hortensio dictatore deducta est; isque in ipso magistratu decessit. Res praeterea contra Volsinienses gestas continet: item adversus Lucanos, contra quos auxilium Thurinis ferre placuerat.

EPITOME LIBRI XII.

QUUM legati Romanorum a Gallis Senonibus interfecti essent, bello ob id Gallis indicto, L. Caecilius praetor cum legionibus ab iis caesus est. Quum a Tarentinis classis Romana direpta esset, duumviro, qui praeerat classi, occiso, legati, ad eos a senatu, ut de iis iniuriis quererentur, missi, pulsati sunt. Ob id bellum iis indictum est. Samnites defe-

cerunt. Adversus eos, et Lucanos, et Bruttios, et Etruscos aliquot proeliis a compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Quum in praesidium Rheginorum legio Campana cum praefecto Decio Iubellio missa esset, occisis Rheginis Rhegium occupavit.

EPITOME LIBRI XIII.

VALERIUS LAEVINUS consul parum prospere adversus Pyrrhum pugnavit, elephantorum maxime inusitata facie territis militibus. Post id proelium quum corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabricius, missus ad eum a senatu, ut de redimendis captivis ageret, frustra, ut patriam desereret, a rege tentatus est. Captivi sine pretio remissi sunt. Cineas, legatus a Pyrrho ad senatum missus, petit, ut componendae pacis causa rex in urbem reciperetur. De qua re quum ad frequentiore senatum referri placuisset, Ap. Claudius, qui propter valetudinem oculorum iam diu consiliis publicis se abstinuerat, venit in curiam, et sententia sua tenuit, ut id Pyrrho negaretur. Cn. Domitius censor primus ex plebe lustrum condidit. Censa sunt civium capita ducenta septuaginta octo millia, ducenta viginti duo. Iterum adversus Pyrrhum dubio eventu pugnatum est. Cum Carthaginensibus quartum foedus renovatum est. Quum C. Fabricio consuli is, qui ad eum a Pyrrho transfugerat, polliceretur, se regi venenum daturum, cum indicio ad regem remissus est. Res praeterea contra Etruscos, Lucanos, Bruttios, et Samnites prospere gestas continet.

EPITOME LIBRI XIV.

PYRRHUS in Siciliam traiecit. Quum inter alia prodigia fulmine deiectum esset in Capitolio Iovis signum, caput eius per haruspices inventum est. Curius Dentatus, quum delectum haberet, eius, qui citatus non responderat, bona primus vendidit. Pyrrhum iterum ex Sicilia in Italiam reversum vicit, et Italia expulit. Fabricius censor P. Cornelium Rufinum consularem senatu movit, quod is decem pondo argenti facti haberet. Lustrum a censoribus comulto, censa sunt capita civium ducenta septuaginta unum millia, ducenta viginti quatuor. Cum Ptolemaeo Aegypti rege societas iuncta est. Scythia virgo Vestalis, damnata incesti, viva defossa est. Coloniae deductae sunt Posidonia et Cosa. Carthaginensium classis

auxilio Tarentinis venit : quo facto ab iis foedus violatum est. Res praeterea contra Lucanos, Samnites, et Bruttios feliciter gestas, et Pyrrhi regis mortem continet.

EPITOME LIBRI XV.

VICTIS Tarentinis pax et libertas data est. Legio Campana, quae Rhegium occupaverat, obsessa, deditione facta, securi percussa est. Quum legatos Apolloniatium ad senatum missos quidam iuvenes pulsassent, dediti sunt Apolloniatibus. Picentibus victis pax data est. Coloniae deductae, Ariminum in Piceno, Beneventum in Samnio. Tunc primum populus Romanus argento uti coepit. Umbri et Sallentini victi in deditionem accepti sunt. Quaestorum numerus ampliatus est, ut essent octo.

EPITOME LIBRI XVI.

ORIGO Carthaginiensium et primordia urbis eorum referuntur ; contra quos et Hieronem regem Syracusanorum auxilium Mamertinis ferendum censuit senatus, quum de ea re inter suadentes, ut id fieret, dissuadentesque contentio fuisset. Transgressis tum primum mare equitibus Romanis, adversus Hieronem saepius bene pugnatum. Petenti pax data est. Lustrum a censoribus conditum est. Censa sunt civium capita ducenta octoginta duo millia, ducenta triginta quattuor. D. Iunius Brutus munus gladiatorium in honorem defuncti patris edidit primus. Colonia Aesernia deducta est. Res praeterea contra Poenos et Vulsinios prospere gestas continet.

EPITOME LIBRI XVII.

CN. CORNELIUS consul, a classe Punica circumventus, et per fraudem velut in colloquium evocatus, captus est. C. Duilius consul adversus classem Poenorum prospere pugnavit, primusque omnium Romanorum ducum navalis victoriae duxit triumphum. Ob quam causam ei perpetuus honos habitus est, ut revertenti a coena, tibicine canente, funale praeferretur. L. Cornelius consul in Sardinia et Corsica contra Sardos, et Corsos, et Hannonem Poenorum ducem feliciter pugnavit. Atilius Calatinus consul, quum in locum iniquum, a Poenis circumsessum, temere duxisset exercitum, M. Calpurnii tribuni militum virtute et opera evasit : qui, cum trecentis militibus eruptione facta, hostes in se converterat. Hannibal dux Poe-

norum, victa classe, cui praefuerat, a militibus suis in crucem sublatus est. Atilius Regulus consul, victis navali proelio Poenis, in Africam traiecit.

EPITOME LIBRI XVIII.

ATILIUS Regulus in Africa serpentem portentosae magnitudinis cum magna militum clade occidit, et, quum aliquot proeliis bene adversus Carthaginienses pugnasset, successorque ei a senatu prospere bellum gerenti non mitteretur, id ipsum per literas ad senatum missas questus est: in quibus inter causas petendi successoris erat, quod agellus eius a mercenariis desertus esset. Quaerente deinde fortuna, ut magnum utriusque casus exemplum in Regulo proderetur, arcessito a Carthaginiensibus Xanthippo Lacedaemoniorum duce, victus proelio et captus est. Res deinde a ducibus Romanis omnibus terra marique prospere gestas deformaverunt naufragia classium. Ti. Coruncanius primus ex plebe pontifex maximus creatus est. P. Sempronius Sophus, M. Valerius Maximus censores, quum senatum legerent, tredecim senatu moverunt: lustrum condiderunt, quo censa sunt civium capita ducenta nonaginta septem millia, septingenta nonaginta septem. Regulus missus a Carthaginiensibus ad senatum, ut de pace, et, si eam non posset impetrare, de captivis commutandis ageret, et iureiurando astrictus, rediturum se Carthaginem, si commutari captivos non placuisset; utrumque negandi auctor senatui fuit: et, quum fide custodita reversus esset, supplicio a Carthaginiensibus de eo sumpto, periit.


EPITOME LIBRI XIX.

CAECILIUS Metellus, rebus adversus Poenos prospere gestis, speciosum egit triumphum, tredecim ducibus hostium et centum viginti elephantis in eo ductis. Claudius Pulcher consul, contra auspicia profectus, iussis mergi pullis, qui cibari volebant, infeliciter adversus Carthaginienses classe pugnavit; et, revocatus a senatu, iussusque dictatorem dicere, Claudium Gliciam dixit, sortis ultimae hominem: qui, coactus abdicare se magistratu, postea ludos praetextatus spectavit. Atilius Calatinus primus dictator extra Italiam exercitum duxit. Cum Poenis captivorum commutatio facta est. Coloniae deductae sunt Fregenae, in agro Sallentino Brundisium. Lustrum a

ensoribus conditum est. Censa sunt civium capita ducenta quinquaginta unum millia, ducenta viginti duo. Claudia, soror P. Claudii, qui, contemptis auspiciis, male pugnauerat, a ludis revertens, quum turba premeretur, dixit: Utinam frater meus viveret, iterumque classem duceret! Ob eam causam multa ei dicta est. Duo praetores tum primum creati sunt. Caecilius Metellus pontifex maximus A. Postumium consulem, quoniam idem et flamen Martialis erat, quum is ad bellum gerendum proficisci vellet, in urbe tenuit, nec passus est a sacris recedere. Rebus adversus Poenos a pluribus ducibus prospere gestis, summam victoriae C. Lutatius consul, victa ad Aegates insulas classe Poenorum, imposuit. Petentibus Carthaginiensibus pax data est. Quum templum Vestae arderet, Caecilius Metellus pontifex maximus ex incendio sacra rapuit. Duae tribus adiectae sunt, Velina et Quirina. Falisci quum rebellassent, sexto die perdomiti, in deditionem venerunt.

EPITOME LIBRI XX.

SPOLETIUM colonia deducta est. Adversus Ligures tunc primum exercitus promotus est. Sardi et Corsi, quum rebellassent, subacti sunt. Tuccia virgo Vestalis incesti damnata est. Bellum Illyriis, propter unum ex legatis, qui ad eos missi erant, occisum, indictum est: subactique in deditionem venerunt. Praetorum numerus ampliatus est, ut essent quattuor. Galli Transalpini, qui in Italiam irruperant, caesi sunt. Eo bello populus Romanus sui Latiniq[ue] nominis trecenta millia armatorum habuisse dicitur. Exercitibus Romanis tum primum trans Padum ductis, Galli Insubres, aliquot proeliis fusi, in deditionem venerunt. M. Claudius Marcellus consul, occiso Insubrium Gallorum duce Viridomaro, opima spolia retulit. Istri subacti sunt. Item Illyrii, quum rebellassent, domiti in deditionem venerunt. Lustrum a censoribus conditum est, quo censa sunt civium capita ducenta septuaginta millia, ducenta tredecim. Libertini in quattuor tribus reducti sunt, quum antea dispersi per omnes fuissent; Esquilinam, Palatinam, Suburanam, Collinam. C. Flaminius censor viam Flaminiam munivit, et circum Flaminium extruxit. Coloniae deductae in agro de Gallis capto, Placentia et Cremona.



PA
6452
A2
1840
t.1
cop.3

Livius, Titus
Historiarum libri

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

